



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

HARVARD
DIVINITY
SCHOOL
*Andover-Harvard
Theological Library*



THE
NEW TESTAMENT
OF
OUR LORD AND SAVIOUR JESUS CHRIST,
TRANSLATED INTO
THE CHOCTAW LANGUAGE.

PIN
CHITOKAKA PI OKCHALINCHI CHISUS KLAIST
IN TESTAMENT HIMONA,
CHAHTA ANUMPA ATOSHOWA HOKE.

NEW YORK:
AMERICAN BIBLE SOCIETY,
INSTITUTED IN THE YEAR MDCCCLV.

1854.

4210 030

CONTENTS.

Mahlu	Page. 5
Mak	109
Luk	174
Chan	288
Apostel laht Anumpa	369
Loman	487
I. Kolinhljan.	513
II. Kolinhljan.	557
Kaleshan	586
Efeshan	601
Filippian	615
Koloshan	625
I. Hlessalonian	635
II. Hlessalonian	644
I. Timohli	649
II. Timohli	662
Titus	671
Filemon	677
Heblu	680
Chemis	713
I. Pita	725
II. Pita	738
I. Chan	746
II. Chan	758
III. Chan	760
Chute	762
Nan Otovi	766

2d Edition.

U2U U131

UBANUMPA MAHLU

VT HOLISSOCHI TOK.

CHAPTA I.

Chisvs Klaist a haknip imma isht ai in tikba vhleha, 1. 18 Shilombish Holitopa yak osh ik yohmi ai ahni pulla na, Chisvs vt ohoyo himita hatak haleli keyu Meli hohchifo makq im ai vtta.

1. EBLAHAM isht ai unchululi, Lewi a Ushi, Chisvs Klaist vta tok isht annoa holisso hoke.

2. Eblaham vt Aisaak a tobachi tok ; atuk o Aisaak vt Chekob a tobachi tok ; atuk o Chekob vt Chutas micha itibapishi vhleha aiena ka tobachi tok ;

3. Atuk o Chutas vt Fales, micha Sala aiena ka Tama ya a tobachi tok ; atuk o Fales vt Eslom a tobachi tok ; atuk o Eslom vt Elam a tobachi tok ;

4. Atuk o Elam vt Aminatab a tobachi tok ; atuk o Aminatab vt Naason a tobachi tok ; atuk o Naason vt Salmon a tobachi tok ;

5. Atuk o Salmon vt Boas a Lakab a a tobachi tok ; atuk o Boas vt Obet a Luti a a tobachi tok ; atuk o Obet vt Chessi a tobachi tok ;

6. Atuk o Chessi vt miko Lewi a tobachi tok ; atuk o miko Lewi vt Solomon a Ulias tekchi a tok a a tobachi tok ;

7. Atuk o Solomon vt Loboam a tobachi tok ; atuk o Loboam vt Abia ya tobachi tok ; atuk o Abia vt Esa ya tobachi tok ;

8. Atuk o Esa vt Chosafat a tobachi tok ; atuk o Chosafat vt Cholam a tobachi tok ; atuk o Cholam vt Osias a tobachi tok ;

9. Atuk o Osias vt Choahlam a tobachi tok ; atuk o Choahlam vt Akas a tobachi tok ; atuk o Akas vt Esekias a tobachi tok ;

10. Atuk o Esekias vt Manasses a tobachi tok ; atuk o Manasses vt Amon a tobachi tok ; atuk o Amon vt Chosaias a tobachi tok ;

11. Atuk o okla ha Babulon ishtia hosi foka ma, Chosaias vt Chekonias micha itibapishi vhleha aiena ka tobachi tok ;

12. Atuk o okla ha Babulon ishtona haya, Chekonias vt Salahliel a tobachi tok ; atuk o Salahliel vt Solobabel a tobachi tok.

13. Atuk o Solobabel vt Abivt a tobachi tok ; atuk o Abivt vt Eliakim a tobachi tok ; atuk o Eliakim vt Aso ya tobachi tok ;

14. Atuk o Aso vt Satok a tobachi tok ; atuk o Satok vt Akim a tobachi tok ; atuk o Akim vt Elivt a tobachi tok ;

15. Atuk o Elivt vt Eleasa ya tobachi tok ; atuk o Eleasa vt Mattan a tobachi tok ; atuk o Mattan vt Chekob a tobachi tok ;

16. Atuk o Chekob vt Meli, yummak o Chisvs vt a tobt vtta tuk osh Klaist hohchifo ka, i hatak Chosef a tobachi tok.

17. Yohmi hatok o Eblaham a ai vhlit it ai unchululit mihinti kvv Lewi a ant ai vhli kvv moma kvv it ai unchululi auah ushta hoke : yohmikma Lewi a ai vhlit mihinti kvv okla ha Babulon ishtia tok a ant ai vhli kvv it ai unchululi auah ushta hoke ; yohmikma okla ha Babulon ishtona tok a ai vhlit mihinti kvv Klaist a ant ai vhli kvv it ai unchulul. auah ushta hoke.

18. Chisvs Klaist vttahpi ka ilvppak osh a yakohmi tok ; ishki Meli vt Chosef a im vlvpoa tok vt, ik it im ono kisha ho, Shilombish Holitopa ya vlla i shali tuk osh otvni tok.

19. Yohmi ma i hatak Chosef vt hatak achukma hatuk osh, nana vlvpisa vt onvtula hi a ik ahno mvt, lumvt kancha hi vt im anukfila tok.

20. Yohmi kia ilvppa puta ka anukfihinli tuk osh holh-pokuna ma, Chihowa im enchil vt ant i haiaka cha, Chosef Lewi ushi chia ma! chi tekchi Meli a ishi ik chi nukwiyo kashke; Shilombish Holitopa ak atuk mak o yvmmak okvt toba hosh afoyuka hoka.

21. Yohmi ka vlla-nakni o sholikma, hohchifo ha Chisvs ish hochifa hi oke; yvmmak osh im okla talaia ai im ashv-chika puta ma ai i hlakoficha hi oka, achi tok.

22, 23. Chihowa hvt hopai ya isht ai anumpulit, Ohoyo himita hatak haleli keyu hosh chakalit vlla nakni o shola he; mikma hohchifo ha Immanuel, yvmmvt toshovak mvt, Chihowa hvt piba fok, achi mak o okla hochifa hi oke, achi tok mak o ont ai ghla chi ho, ilvppa moma kvv yvmmohmi tok.

24. Yohmi ma Chosef vt nusi tuk vt okcha mvt, Chihowa im enchil vt ai i miha tuk mak o yvmmohmi mvt, tekchi a ilaveli tok.

25. Yohmi kia ik it apoto kisha ho, vlla-nakni ishi ahpi kvv sholi tok: mihma hohchifo ha Chisvs hochifo tok.

CHAPTA II.

Fochik in tikba hika ho hatak hopoyuksa vhleha hvt hvshi akochaka imma mintit Chelusalem a vla cha, 11; vloai Chisvs a aiokpvchi, 14 micha i yakni a falamvt ilhkoli. 15 Chosef vt Echiv ia chi ka enchil osh im anoli. 16 Helot vt Chisvs a hot vbi vrunna; vlla chipota moma Behlehem a ai vbi. 23 Chosef vt Chutea yakni falamvt ia chi ka enchil osh im anoli no Nasalet ak o ont ai anta.

1. CHISUS vt Helot miko ai ahanta nitak o Chutea yakni Behlehem tumaha ha ai vta ma hatak hopoyuksa vhleha hvt hvshi akochaka imma mintit Chelusalem a ai vla mvt,

2. Chu okla i miko vta tuk mto katimak o ituyula cho? i fochik a hvshi akochaka imma ya il a pihisa tuk osh aiokpvchit il itvnowa hatuk oke, achi tok.

3. Miko Helot vt ilvppa puta ka haklo mvt, Chelusalem okla moma aiens kvv komunta tok.

4. Micha na holitompa isht gsha pehlichi puta, micha okla nan i holissochi vhleha moma ka itahobit taiyahli mvt, kanima yo Klaist vt ai vtta hinla hatuk g im a ponaklo tok.

5, 6. Mihma Chutea yakni Behlehem ak oke; hopaii holissochi kvv, Behlehem chia Chuta yakni ish talaiia hokvt Chutea i miko vhleha aiasha ka moma chik a lauwo ho ke-yushke; chishno ak o miko vt chi atoba hosh vm okla Israel oka ish pehlicha he mak oke, achi tok oka, okla im achi tok.

7. Yohmi ma Helot vt hatak hopoyuksa vhleha ha lumvt pit hoyo cha, kaniohmi fehna kash o fochik vt haiaka tuk g achukmalit im a ponaklo tok.

8. Micha Behlehem g pit tihleli mvt, Oh ia cha, vloši atukma achukmalit hvsh hoyashke; atuk osh hvsh ahayuchikmvt, anonti ant hvs svm anoli na vno mvt ivt ont ai okpvchi li ak inlashke, achi tok.

9. Mihma miko g haklot in taha mvt, okla ilhkoli tok: yohmi ma fochik hvshi akochaka imma a pihisa tuk ash o itikba takalit mahaya mvt, vloši ai itola ka paknaka ya ont takali tok.

10. Fochik g okla pisa mvt, nayukpa aighli fehna mak osh okla na yukpa tok.

11. Micha aboha okla ont abeha mvt, vloši, micha ishki Meli aiena ka pisa mvt, aka hlipkvchit, yvmmak ash o okla aiokpvchi tok; micha im vlbihpo g tiwichi mvt, yvmmak ash o tvli-holisso-lakna, micha filakinsen, mikmvt mvh aiena ho okla habenvchi tok.

12. Mihmvt holhpokuna ho falamvt Helot g okla ik im ono ka hi g, Chihowa hvv i miha hatuk o, hina inla ho vlvhtot i yakni atuk akinli ho okla ilhkoli tok.

13. Mihma ai ilhkolit taha ma, Chosef vt holhpokuna ho, Chihowa im enchil vt ant i haiaka mvt, Tani cha, vloši mikmvt ishki aiena ka ishit malelit Echip g ish ona cha, yvmmak o ish ahanta tuk o, anumpa ishit chim aya lashke; Helot vt vloši g vbi bennvt hoyo chi hoka, achi tok.

14. Mihma tani mvt, vloši micha ishki aiena kash ninak o pehlichi cha, Echip g ia tok.

15. Chihowa hvv hopaii isht ai anumpulit, Echip ak o

srso h₂ a hoyo li tuk, achi tok **g** ont ai **ghla chj ka**, yvm-
mak **o** abashwa na Helot vt illi tok.

16. Yohmi ma Helot ash osh, hatak hopoyuksa vhleha
nvt ik ahobalo h₂ pisa mvt, anukhobela fehna cha, pit on
tiblelit, vlla chipunta Behlehem, micha auet a biljka maya
kvt afvmmi tuklo ai vhlit ola minti, hatak hopoyuksa vhleha
h₂ achukmalit im aponaklo tok vt pit ai it vhpesa ka, mo-
minchit vbit tahl₁ tok.

17, 18. Yvmohmi hoka Chelemaias hopaii vt anumpo-
honlit, Lama ya a yaiya, micha nishkin okchi minti, mikmvt
nukhaklo chinto, Lechel vt im vlla vhleha hvt iiksho hatuk
oka ishit yahaya mvt, hopohla hi **g** ik ahno ka, takali na
haiyaklo tok oke, achi tok **g** ont ai **ghli** tok.

19, 20. Yohmi tok kia Helot vt illi haya, Chihowa im en-
chil vt, Chosef vt holhpokuna h₂ Echip **g** im a haiaka mvt,
Tani cha, v₂osi micha ishki aiena ka pehlich₁ cha, Israel okla
i yakni **g** ish iashke ; v₂osi im ilhfiopak **g** hoyo tok vt illi ho-
ka, achi tok.

21. Yohmi ma tani mvt, v₂osi micha ishki aiena kash peh-
lich₁ cha, Israel okla **i** yakni **g** vla tok.

22. Yohmi kia Akelavs vt iki vltobvt Chutea ya **i** miko
na haklo mvt, yvmma ona nukshopa tok : yohmi nana kia
holhpokuna ka Chihowa hvt nana **i** miha hatuk oka, fullo-
vt Kalili **i** kaniohmi h₂ ona tok.

23. Yohmi ka hopaii vhleha hvt anumpulit, Yvmmak
okvt Nasalet hatak v₂ta hohchifa hi oke, achi tok **g** ont ai
ghla chj ka, v₂maha Nasalet hohchifo h₂ ona cha, ahanta tok.

CHAPTA III.

Chan Baptist vt vba anumpa h₂ Chutea yakni haiaka isht anumpo-
honli, mihmvt baptismohonchi, 1. 13 Chisvs vt Chan ak **o** im a bap-
tismo ; mihma Shilombish Holitopa yvt vba mintit onvtula.

1. NITAK yvmma foka ma Chan Baptist vt Chutea
yakni haiaka ya vbanumpa isht ai anumpohonlit **g**ya tok ;

2. Mihmvt, Uba apehlichika yvt olanlosi vla hoka, hvsh
ilekstininchashke, ahanchi tok.

3. Ilvppak o hopaii Esaias vt isht anumpulit, Achvfa hosh yakni haiaka ya ai anumpohonlit, Chihowa ataya hi a apoksiachit, i hina puta ka hvsh apissvlechashke, ahancha hi oke, achi tok mak oka.

4. Mihmvt Chan yvmmak okvt im anchi yvt Kamel hishi yosh toba ma, na-hakshup chuhlafa vskufvchi yo vskufaiyachi tok; mihmvt im ilhpak vt hawa micha foi-bila aiena kak a tok.

5. Yohmi ma Chelusalem, micha Chutea pit a moma, mikmvt Chatan auet a bilika yakni moma ka asht a kohchvt ivt;

6. Yvmmak ash o im ai onvt, nan im aiashvchika puta ilanolit, Chatan a ai im a baptismo tok.

7. Yohmi kia Falisi vhleha mikmvt Satusi vhleha aiena kvv lau hosh im a baptismot ai vla na pisa mvt, yvmmak ash o, Sinti chilita isht-atiaka hvchia ma! na palvmmi mihinti ka hvsh i hlakofa hi okvno kvta hosh hvchim anoli tuk oh cho?

8. Yohmi hokvt ilekostininchi ai itvlhpesa mak o vnit hvsh wayashke;

9. Mich a, Eblaham ak osh piki oka, acha hi okvno hvch ik il anukfillo kashke; Chihowa hvv tvli yak aiasha ka Eblaham im vlla ya chi ka ai ikba hinla hoke, hvchim achi lishke.

10. Yohmikma himak ak kia iskifa yvt iti puta akishtvla ya itonla hoke; yohmi hatuk o iti yvt vni achukma ho vnit waya keyu kvv moyumvt chayvt akakoha cha, luak pit itokaha chatuk oke.

11. Uno yokvto hvsh ilekostinincha chi mak o, oka ya ishit hvchi baptismochi li ho mvhlishe; yohmi kia auet siakayvt mihinti hokvto vno a shaiyahli, yvmma i shulush a isht im gya hi o si ahoba keyu hoke; yvmmak osh Shilombish Holitopa, micha luak aiena mak o ishit hvchi baptismochi hi oke.

12. Yvmmak osh i nan-isht-mvshahchi yvt ibbak a foyuka; yohmi hokvt i nan-anihichi yatuk ma achukmalit kashofit tahli cha, onush atuk ma kanchak a pit ashacha hi oke;

yohmi kia hakhlopush okvno luak moshola hi keyu mak o ishit hukma hi oke, im achi tok.

13. Yohmi ma Chisvs vt Kalili g vttvt minti hosh Chan a im a baptisma chi hosh Chatan g ai im ona tok.

14. Yohmi kia Chan vt yummak ash o im alvmmi mvt, Uno ak osh chishno g chim a baptismo la he si vlpiesa ka, anonti vno ak o is svn vla cho? achi tok.

15. Mihma Chisvs vt afalaminchi mvt, Himak okvno yakohma hi oka ish ahnashke: ai yakohmi hosh nana ai vlpiesa puta ka mominchit il aighlicha he pim vlpesa hoke, im achi tok. Yohmi ma vlpesa, im ahni tok.

16. Yohmi na Chisvs vt baptismo mak inli hosh oka ya ai vttvt kocha ia tok; yohmi ma vba shutik vt auet in tiwa tok; mihma Chihowa imi Shilombish vt pvchi yoshuba chiyuhmi hosh aka mihintit, yummak ash o ant o binili tok.

17. Yohmi ma vba shutik g auet ai anuhumpa kvv, Ilvppak osh svso g holitopa yo ilvppak o nan isht a sai yukpa mak oke, achi tok.

CHAPTER IV.

Shilomish osh Chisvs a ilaelit yakni haiaka isht ona: mihma nitak pokoli ushta ka nahullochi; micha Setan ak osh imomaka pisa: enchil vhlaha kvv ant nan isht im anta, 1. 12 Kapenavm g Chisvs vt ai anta: mihmvt ile kostinicha he isht anumpohonli tok. 18 Pita, Antilu, Chemis, Chan aiena kvv nan im aithvna ya chi ho, Chisvs vt atokolechi. 23 Chisvs vt Kalili yakni g nan im avvchit a hlopullit, abeka puta atuk ma hlakofhinchu.

1. YUMOHMI ma Setan vt imomaka pisa chi ka, Shilombish vt Chisvs g yakni haiaka isht ia tok.

2. Atuk o yummak ash osh ik impo hosh nitak pokoli ushta cha ninak pokoli ushta aiena ho anta tuk osh, misha pila mvno hohchvfo tok.

3. Mihma imomaka pisa yash osh im vla mvt, Chihowa Ushi chia hokmvt, tvli yak maya kvv pvaska toba chi ka i mihá, im achi tok.

4. Yohmi kia yummak ash osh afalaminchi mvt, Hatak vt pvaka yak bano ho ai okchaya he keyu; amba anumpa

moyuma kv̄t Chihowa itih akohoncha kak a hi o, holisso tok oke, achi tok.

5. Yohmi ma Setan ash osh ilaueleit tvmaha holitopa ya ont isht chukowa cha, tempel wishakchi yo ont o hilechi tok.

6. Mihmvt, Chihowa Ushi chia hokmvt, aka pit ish ile pilashke; chi apesahancha chi ka im enchil vhleha ha atohno na ibbak a isht vba takalihinchit chisht aya na nitak kaniohmi kia chiya ya tvi isht chik ai isso ka hi a, holisso tok oka, im achi tok.

7. Mihma Chisvs ash osh, Chitokaka Chin Chihowa hoka imomaka chik peso kashke, achi kv̄t holisso tok ak inli hoke, im achi tok.

8. Mihma anonti Setan ash osh ilaueleit nm̄nih chaha fehna ho isht oiya cha, yakni apelichika moma, mikmvt nan-isht-im-aholitopa aiena ka pit pisachi tok;

9. Mihmvt, Aka hlipvt is si aiokpv̄chi hokma, ilvppa moma ka chima lashke, im achi tok.

10. Mihma Chisvs asr osh, Setan vt kanima iashke: chin Chitokaka Chihowa hak o ish ai okpahanchikmvt, yvm̄mak illa ho ish im antiashke, achi kv̄t holisso hoka, im achi tok.

11. Yohmi ma Setan ash osh i filv̄m̄mi ma, enchil osh ai vla cha, okla ant nan isht im anta tok.

12. Yvm̄ohmi tuk o Chisvs vt, Chan vt aboha kullo foka na haklo mvt, Kalili a ia tok.

13. Atuk osh Nasalet a issvt ia mvt, Kapenam̄v̄m̄ yvm̄mvt Sabulon yakni, micha Neftalim yakni aiena ont ai vhli okhvta lapalika ak o ont ahanta tok.

14, 15, 16. Yakohmi kv̄t hopai Esaias anumpulit, Sabulon yakni, micha Neftalim yakni okhvta lapalika, Chatan misha, Chentail okla i Kalili vt aiokhlileka agha tuk vt tohwikeli chinto pisa tuk; mihma isht aiilli yakni, micha isht-aiilli i ho-shontika maya tuk a tohwikeli hv̄t i kohchvt takalishke, achi tok a ont aighla he mak a tok.

17. Yvm̄ma foka aivhlit mihinti ma, Chisvs vt vba isht anumpulit, Oh ilekostoninchi; vba apelichika yvt olanlosi vla hoka, ahanchit ishtia tok.

18. Atuk osh Chisvs vt Kalili okhvta lapalika nowvt aya tuk osh, itibapishi tuklo, Saimon Pita hohchifo, anonti nakfish Antulu itatuklot nwni-hokli atuk osh nwni-isht-hokli g okhvta pit okvchi hosh ashwa na pisa tok.

19. Mihmvt yvmmak ash o, Hvs siakaiyashke, mikma hatuk hokli o hvch ikbi lashke, im achi tok.

20. Yohmi ma mih makinli ho i nwni-isht-hokli g issa cha, yvmmak ash o iakaiyvt okla tok.

21. Mihma yvmmak ash vttvt ia hosh aya mvt, anonti itibapishi tuklo inla, Sebete ushi Chemis, micha nakfish Chan itatuklo kvv iki Sebete g apihvt nwni-isht-hokli g apoksia hosh peni alhto na pisa tok; micha pit i howa tok.

22. Yohmi ma mih makinli ho peni, micha iki aiena kash o issvt, yvmmak o iakaiyvt okla tok.

23. Mihma Chisvs vt Kalili g mominchit ayvt, i sinakak puta ka nan ai im avvchit, apelihchika isht anumpa hanta ya isht anumpohonli; micha okla hvv abeka, micha haknip ik in chukmo im asha tuk g mominchit hlakofihinchit tok.

24. Mihma isht annoa kvv Silia moma ka ont hlopulli tok; mihma okla hvv abeka ilaiyuka puta isht issikkopa hatuk; micha nan isht-ahullo okpulo ai i foka hatuk; mihmvt tasimbo yatuk; micha palsi isht abeka yatuk moyuma ka okla isht im ai ona tok; mihma yvmmak ash hlakofolichi tok.

25. Yohmi ma okla chinto Kalili minti, mikmvt Tekapolis minti, mikmvt Chelusalem minti, mikmvt Chutea minti, mikmvt Chatan misha minti aiena kvv iakaiya tok.

CHAPTA V.

Chisvs vt nwni chaha ya ai anumpuli. Yohmi kvv kvva hosh nan isht ilaiyukpa anoli, 11. 13. Klaist i yimmi vhleha hvv yakni i hvpi: 14 yakni g im a tohwikelika; temaha yoah nwni ai o talai ka chohmi; 15 pva hg chohmi. 17 Chihova i nanvlhpisa ya Chisvs vt aighlichia chj hosh vta. Kaniohmi hosh nanvlhpisa isht hannali ka kobvfi ka anoli. 27 Kaniohmi hosh nanvlhpisa isht untuklo ka kobvfi ka anoli. 33 Anumpa kvvlo isht ile onochi im olvbbi. 38 Nukchintot nana ik achukmo ka a pim ahleka he pi miha. 43, pin tvvvpv puta ka il i hulla he; 45 mikmvt nan ai gfla he pim anukfila he aiena ka pi miha.

1. YOHMI ma okla chito ka pisvt, nvnih chaha yo pit oiya tok ; atuk osh ont binili ma, nan im ai ithvna vhleha hvt im ai ona tok.

2. Mihma itih ha wakvmmi cha, yvmmak ash im abvchi mvt,

3. Chkvsh ilbvsha vhleha yokvto vba apelihchika yak osh immi hokvt nayukpvshke.

4. Nanukhaklo vhleha yokvto hopohla hi okvt nayukpvshke.

5. Anukhobela iksho vhleha yokvto yakni a isha he vlv-pesa hokvt nayukpvshke.

6. Ahopoyuksaka aiahni vhleha hvt hochahafu, itukshihin-la aiena hokvto, kaiya hi okvt nayukpvshke.

7. Nan i nukhaklo vhleha yokvto ilap ma i nukhaklo na pisa hi okvt nayukpvshke.

8. Chkvsh kashofa vhleha yokvto Chihowa ya pisa hi okvt nayukpvshke.

9. It i nanaiyvchi vhleha, yvmmak okvto Chihowa ushi hohchifa hi okvt, nayukpvshke.

10. Ahopoyuksaka pulla hatuk mak o isht i palvmmi vhleha yokvto, vba apelihchika yvt immi hokvt nayukpvshke.

11. Uno atuk pulla mak o hatak puta kvv isht hvchi yopulvt, hvchi ilbvshachit, ghli keyu kia nana okpulo ilaiyuka puta ka isht hvchi mihahanchikma, na hvchi yukpvshke.

12. Nayukpvvt hvchi yukpa fenashke : isht hvchim vlvtoaba hi vt chinto hosh vba ya asha hoka ; hopaii vhleha hvchin tikba aiasha ka yakohmichit ilbvshachi tok mak oka.

13. Yakni i hvpi hvchia hoke ; yohmi kia hvpi hvt homi kvv i kvnia hokmvt, nanta hak o isht a homa hinla cho ? yvmmak okvt himmakma nana ho isht ai vlvpiesa he keyu ; amba kocha pit hlava na hatak puta iyi yosh avhlihinja he ak o pulla hoke.

14. Yakni in tohwikeli hvchia hoke. Tvamaha chito yosh nvnih chaha ai on talaia hokvt luma he keyushke.

15. Mikma hatak vt pvla ha pulalikmvt, tanchi isht vlvpisa nutaka yo talali chatuk keyu ; amba pvla ai-o-hikia yo ai o

hilechi chatuk; yohmikma aboha anukaka maya ka mominchit tohwikelichi chatuk oke.

16. Hvchj pula hut hatak puta itikba ya ik a tommy pulla na inla gsha kut nana hvsh akaniohmi hochukma puta ka pisa cha, Iki vba binili ka holitoblashke.

17. Nan vlpisa, micha hopaii puta im anumpa aiena ha tok a okpunit gya li tuk a, ik hvchim ahobo kashke; okpuni la hi osh gya li tuk keyu; amba aighlichi la he mak a tok.

18. Ahli mak o hvchj miha lishke, Yakni, mikmut vba shutik aiena hokvto ont ik ai iksho kia, vba nan vlpisa yvt moma ont ik a lauwo achvona nana kia a kaniohmit aiokpuloka iksho mak osh, momvt ont aighla he mak oke.

19. Yohmi hoka kvna hosh vba nan vlpisa ik a lauwo ilvpa puta ka achvona ka koboffi cha, hatak puta kut ai yv-mihcha chj ho im avvchi hokmut, vba apelihchika aiasha ka moma ik a lauwo hohchifa he; amba kvna hosh mihma holitobli cha, inla ma isht im avvchi hokvto, mihi yosh vba apelihchika ya chito ont a hohchifa hi oke.

20. Hvchi avlhpiesa kut na-holissochi vhleha, micha Falisi vhleha aiena ka i shahli ho keyukmut, nana hosh a kaniohmi kak o vba apelihchika ya ont hvsh chukowa he keyu hoke, hvchim achi lishke.

21. Nitak tikba aiasha kut, Kvna kia ish bi na: kvna hosh inla vbi hokvt nan vlpisa yo isht im ahlekashke; achi tok a hvsh haklo chatuk.

22. Amba vno vto, Kvna hosh nana hosh a kaniohmi keyu ho, itibapishi ha i nukkilli hokmut, nan vlpisa yo isht im ahlekashke: mikma kvna hosh itibapishi ha, Ik chi ahobo, im achi hokmut, nan vlpisa kullo i shahli ho isht im ahleka he: amba kvna hosh, Im anukfila iksho chia hoka, im achi hokvto aiokpuloka luak o ont isht im ahleka hi oke.

23. Yohmi hoka vba chj nan-isht-aiokpvchi ya ieszit alta ya ish ona kut, ish itibapishi ha nana ish i kaniohmi tuk a gsha ka ish ithaiyana hokmut;

24. Uba chj nan-isht-aiokpvchi ash alta itikba yo ish bohli cha, itv tikba ish itibapishi ak o ont ish it i nanaiya ha yosh, vltv, vba chj nan-isht-aiokpvchi ash pit isht ish aiokpvchashke.

25. Nan vlpisa chi onochi yatuk ma apehut ish maya takla kak osh, tushput ish it ibai achvfashke ; keyukma nitak kaniohmi kash inli ho nan vlpisa chi onochi yash osh chisht nan apesa ibbak g chi fohkikma, anonti nan-apesa yash osh nanvlhtoka ibbak g chi fohki na aboha kullo ya ish fohka he mak oke.

26. Ahli mak o chi miha lishke, Ont ishtaiyopi fehna ka atobbit ish kaiyanchi ho keyukmvt, kaniohmi kak osh yvm-mak atuk g ish kohcha he keyu mak a hi oke.

27. Nitak tikba aiasha kv, Hvsh it in lumaka na ; achi tok g hvsh haklo chatuk.

28. Amba vno vto, Kvna hosh ohoyo ha i nukpvli hosh pisa hokvt, chukvsh anukaka ya isht in lumaka mashko hoke, hvchim achi lishke.

29. Micha chi nishkin isht impak-imma yvt chi ibetvblichi hokma, halvllit kohchit ish kanchashke : chi nana achvfona hosh okpulo kia, chi haknip vt momvt aiokpuloka ik aiyo ka he ak osh chim vlpesa hoke.

30. Mikmvt chibbak isht impak-imma yvt chi ibetvblichi hokma, bvshlit tvplit ish kanchashke ; chi nana achvfona hosh okpulo kia, chi haknip vt momvt aiokpuloka ik aiyo ka he ak osh chim vlpesa hoke.

31. Kvna hosh tekchi g kanchikmvt, it i kvnia holisso ha imashke ; achi tok g takalishke.

32. Amba vno vto, Kvna hosh tekchi vt lumaka tuk o keyu ho kanchikmvt, havi ikbicha he : yohmikma kanchi haya kvna hosh itauwayakmvt, havi toba mak a hi oke, hvchim achi lishke.

33. Micha anonti, nitak tikba aiasha kv, Anumpa kullo ish ile onochi tuk vt chik kobvfo kashke : amba anumpa kullo ish ile onochi tuk okvt Chitokaka ya ish im aighlicha hi oke ; achi tok g hvsh haklo chatuk.

34. Amba vno vto, Anumpa kullo chik ile onochi kvmmohmashke ; vba shutik ak kia pit isht chik ai a miho kashke ; yvmmak okvt Chihowa im aiasha mak oka :

35. Mikmvt yakni vt iyi im ai-o-heli mak oka, yvmma isht chik ai a miho kashke ; anonti Chelusalem g isht chik ai a

miho kashke; yummak okvt Miko chito in tumaha chito yoka :

36. Micha chi noshkobo ak kia isht chik ai a miho kashke; chi pashi achvfa kia ish tohbichikmá, ish lusachikmá, nana he keyu hokvt :

37. Amba chim anumpa hv̄t Ome, ome; Keyu, keyu; achi aiena kak ashke : ilvppak o nana kv̄t ont atampa hokvt o nana ik v̄lhpeso mak o a minti hoke, hv̄chim achi lishke.

38. Nishkin atuk ma, nishkin makinlashke, mikmvt noti atuk ma, noti makinlashke; achi tok a hv̄sh h̄aklo chatuk :

39. Amba vno vto, Nan ik v̄lhpeso ka chik i sanalo kashke; amba kvna hosh chitisopi isht impakimma ya issokma, in t̄v̄nvp ma pit ish i weli makinlashke.

40. Micha hatak nana kia nan v̄lhpesa chi onochi cha, chim ilefoka ya chim ai ishikma, chim anchi ma ik ishi, ish im ahni akinlashke.

41. Micha kvna kia awant ivt kowi achvfa ka ish ona pulla hi a chim ahnikma, awant ivt tuklo h̄o ish onashke.

42. Nana chim asilhhakma, ish imashke : mikmvt chim a pota b̄vna hoka, chik i shanaiyo kashke.

43. Chin chukapanta hatak a ish i hullo cha, chin t̄v̄nvp okvno ish i nukkillashke; achi tok a hv̄sh h̄aklo chatuk.

44. Amba vno vto, Hv̄chin t̄v̄nvp v̄hleha h̄a hv̄sh i hullo cha, nana okpuloka hv̄chim anukfillit miha aiena ka, nana achukma h̄o im ahnit hv̄sh mihashke; hv̄chi nukkilli ma ai achukma hi o isht hv̄sh i yvmohmikmvt, hv̄chi kanimachit, hv̄chi ilb̄vshachikma, vba isht hv̄sh anumpohonlashke.

45. Yakohmi hosh hv̄ch Iki vba binili ka im v̄lla hv̄chia hi oke: yummak okvt i hv̄shi atuk ma nan ik v̄lhpeso, micha na-hochukma aiena ka i kohchihinchikmvt, kocha umba ka nan-aiabli hochukma, mikmvt nan ik aghlo aiena ka auet i p̄hinla chatuk oka.

46. Hv̄chishno a hv̄ch i hullo h̄o b̄vsh i hullo hokvt, nanta hosh isht hv̄chim v̄lhtoba h̄o? pv̄blikan v̄hleha ak kia yummak okvno yohmi akinli chatuk keyu ?

47. Micha hv̄sh it̄ibapishi v̄hleha ak bano h̄o hv̄sh aiokpv̄chi hokmvt, inla agha ka nantak o isht i shahlichī hosh

huchi yumohmi ho? publkan vhleha ak kia yohmi ak inli chatuk keyu?

48. Yohmi hoka aighli huchi achukma kv̄t, hvch Iki vba binili kv̄t aighli achukma kak inli ho hvsh chiyuhmashke, hvchim achi lishke.

CHAPTA VI.

Chisvs vt nvnih chaha ai anumpuli tuk vt a moma. Yohmi kv̄t na habenvchi, 1, 5 anumpa ilbvshvt asilhha, 14 nan ai-ashvchi puta ka i kasbofa he, 16 na hollochi aiena ka isht anumpuli, na pim ilayak kanima yo il a boyula hi a pim anoli, 24 i shahli ha tuklochit il ai okpvcha he keyu ka miha, 25 yakni paknaka nana a kaniohmi ka ai isht im anukfilvt isht ik ilbvsho hosh, 33 amba Chihowa apelihchika yak o na tikba e hoy a hi a miha.

1. **AHAH!** hvsh aiahnit na hvsh habenvchi kv̄t, hvchi pisa chi ka, hatak puta itikba yo hvch ik a yvmihcho kashke; yvmak keyukmvt hvch Iki vba binili ka im a hvchim vltoba hi o keyu hoke.

2. Yohmi ka na hvsh habenvchi kv̄t, isht-pufa ya chi tikba yo ai olachit, nan-ilahobi vhleha hokvto hatak puta kak o im a holitopa chi hosh sinakak anukaka, micha ai itvnova puta ka a yvmohmi chatuk oka, hvch ik chohmo kashke: ghli mak o hvchim achi lishke, yvmak okvto im vltomba chatuk oke.

3. Amba nana ish habenvchi hokmvt, chibbak isht impakimma yvt nana kaniohmi ka, chibbak vlvfbeka yvt akostinicha hi a chik im ahno kashke.

4. Yohmi na nan ish habenvchi ka a lumgkashke; yohmikma Chiki alumaka a pisa yvt ilap inli hosh otvnichi achukma hosh chim atobba hi oke.

5. Micha vba pit ish anumpuli hokvt, nan-ilahobi vhleha hokvno chik chohmo kashke; yvmak okvto, hatak vt pisa chi ka, sinakak anukaka, ai itvnova ai itai okhvnkvchi aiena kak o hiohmayvt vba pit anumpuli kak osh im achukma chatuk oka; ghli mak o hvchim achi lishke, yvmak okvto im vltomba chatuk oke.

6. Amba chishno vba pit ish anumpula chi hokvto, chim abohushi pit ish chukowa cha, okhissa ya pit ish akvmmik-mvt, Chiki ai-alumaka ai ahanta yatuk ma pit ish im asilh-hashke; yohmikma Chiki alumaka apisa yvt otvniichi achukma hosh chim atobba hi oke.

7. Yohmi kia vba pit hvsh anumpuli hokvt it vbillit mih-iba kvv, oklushi nan ik ithano ak okvno hvch ik chohmo kashke; yvmmak okvto anumpuli fehna kak o, bakla hinla, im ahoba cha tuk oka.

8. Yohmi hoka yvmmak oka hvch ik holbo kashke; nana a hvchi bcvna puta hokvt hvch ik im asilhho kisha kak inli ho, hvch Iki vt ithana hoke.

9. Yohmi hoka yakohmichi hosh vba hvsh anumpu-lashke: Piki vba ish binili ma! Chi hohchifo hvv hohito-pashke.

10. Ish apelihchika yvt vlashke. Nana ish ai ahni ka yakni pakna ya a yohmi kvv, vba yakni a yohmi mak o chiyuhmashke.

11. Himak nitak ilhpak pim ai vhpesa kako ish pi ipetashke.

12. Mikmvt nana il aheka puta ish pi kashofi kvv, pish-no vt nana pim aheka puta il i kashofi chatuk a ish chiyuh-michashke.

13. Mikmvt anukpulika yoka ik ia chik pim aiahno hosh, amba nan-okpulo a ish pi a hlakofihinchashke: Apehli-chika, mikmvt nan-isht-aighli, micha isht aholitopa aiena kvv chimmi a bilia yoke. Amen.

14. Hatak nan ai ashvchika puta ka hvsh i kashofi hokma, hvch Iki vba binili kvv hvchishno ma hvchi kashofa hinla ak inli hoka.

15. Amba hvchishno vt hatak nan ai ashvchika puta ka hvsh i kashofi keyu hokma, hvch Iki vba binili kak kia na hvchim ai ashvchika puta ka hvch i kashofa he keyu hoke.

16. Yohmikmvt anonti, nana hvsh hullochi kvv nashuka ilapissa, nan ilahobi vhleha hoka hvch ik chohmo kashke; yvmmak okvto na hullochi kvv hatak puta im otvna chi

kv̄t, nashuka ya ilapissachi chatuk oka. Ahli mak o hvchi miha lishke, yvmmak okvto im vltomba hoke.

17. Amba chishno vto nan ish hullochikmv̄t, chi noshkobo ish ahvmmi cha, chi nashuka ma ish achifashke.

18. Yolmi cha hatak puta kano na hullochi hō chik i holbo hosh, amba ai alumaka ai ahanta Chiki ak illa hō ish im otvnashke; yohmikma Chiki ai alumaka a pisa yatuk mv̄t, otvnichi achukma hosh chim atobba he mak oke.

19. Hvchim ilayak puta ka yakni paknaka nanilayak shushi, micha na-lakna aiena kv̄t ai okpvni chatuk, micha hukopa puta yvt tiwit isht chukowvt a hukopa ya hvchik ai atahlo kashke.

20. Amba hvchim ilayak puta ka vba yakni nanilayak shushi, micha na-lakna aiena kia ai okpvni keyu, mikma hukopa puta kia tiwit isht chukowvt a hukopa keyu ak o hvsh ai atahlashke.

21. Kanima yo hvchim ilayak vt itonla hokma, hvchi chukvsh ak kia mihi yo pit takanla hinla ak inli hoka.

22. Haknip g i pvla hv̄t nishkin ak oke. Yohmi hatuk o chi nishkin vt achukma hokma, chi haknip vt momvt tohwikelit alotowa hinla hoke.

23. Amba chi nishkin vt ik achukmo hokma, chi haknip momvt okhlilit alotowa he. Yohmi ka tohwikeli chi foyuka, yvmmak atuk vt ont okhlieli hokma, okhlili yvm-mvt chinto fehna nana mak ahinla keyu?

24. Hatak nana kia i shahli hā tuklochit holitobla he keyu; achvfalit i nukkilli cha, achvfa yak o holitobla hinla; keyukmv̄t achvfalit pit halanli cha, achvfa yak o kanimancha hinla hoke. Chihowa micha Mammon it aieninchit hvsh holitobla he keyushke.

25. Yohmi hoka hvchi ai okchaya hi g nana hō hvsh pa he, micha nana hō hvsh ishka he aiena; mikmv̄t hvchi haknip ma nana hō hvsh fohka hi g anukfillit isht hvch ik ilbvsho kashke, hvchim achi lishke. Ilhfiopak vt ilhpak g i shahlikma, anonti haknip vt nafohka ya i shahli hō keyu cho?

26. Hushi vba itvnowa hō ho pesá: yvmmak okvt nana

ho hokchi keyu, anonti vmot, kanchak kia pit ashachi ho keyu; yohmi kia vba hvch Iki vt yvmma ipehinta hoke. Holitopa kvv yvmma hvsh i shahli fehna ho keyu?

27. Hvsh katima kak osh anukfihinlit isht ilbvsha kvv hvchi chaha ka kubit achvfa kia hvsh il achakala hinla cho?

28. Micha nanta katiohmi ho na fohka ya anukfihinlit isht hvsh ilbvsha cho? Na pakanli hochukma lilli oktak aiasha kvv katiohmit offo hoka anukfihinlit ho pesa: yvmmak okvt toksvlit a hoyvli keyu, anonti nana ho shvnni keyushke.

29. Yohmi ak inli kia Solomon ak kia nan-isht im a holitopa moma isht a shema kvv ilvppa achvfona kia chohmi tok keyu, hvchim achi lishke.

30. Yohmi ka hvshuk himak nitak ano oktak aiasha tuk osh onna ha apalvska vlvhpa chi kia, Chihowa hvv she-mtchi kvv yvmihchi kvto, hvchishno a i shahlichu hosh ik hvchi shemacho ka hinla cho? na yimmi fehna keyu hvchia ma!

31. Yohmi hoka anukfihinlit isht ilbvshvt, Nantak o e pa chi? mikmvt nantak o iloh ishka chi ho? micha nantak o eho fohka chi cho? hvch ik acho kashke.

32. Ilvppa puta kak o okla nan ik ithano vvhleha hvv hoyo chatuk oka; ilvppa moma ka a hvchi bvna hokvno vba hvch Iki vt ithana hoka.

33. Amba Chihowa apelhichika, micha nan isht im ai vlvhpiesa aiena kak o tikba hvsh hoyashke; yohmikma ilvppa moyuma kvv hvchim aiena he mak oke.

34. Yohmi hoka onna ha ya hi a nana pit anukfihinlit isht hvch ik ilbvsho kashke; onna ha yokvto ilapo inli nan isht il ai anukfihinlit isht ilbvsha hi oka. Nana ik ai achukmo itonla kak osh nitak oka im vlvhesa hoke.

CHAPTA VII

Nvnh chaha Chievs vt anumpuli tok osh a moma; yohmi kvv himakfokalechit inla ya na mihacha chi ka imolvbi, 1; 6 micha nana kvv holitompa hokvto offi puta, keyukmvt shukha aiena ka pit ik in hlatapo ka he miha, 7 anumpa ilbvsha ishit asilhha

ka miha, 13 okhissa iskvtnosi, miha lina ik p̄tho, mikm̄vt okhissa chito, miha lina p̄tha isht anumpuli. 15 Hopai ilahobi ya ahah! im ahna he, 21 vbanumpa haklo illa he keyu, amba im antia he; 24 tvli chito chuka yvt ai itebana chatuk & chohmi; mikma kvna hob kia i yimmi keyu hokvt chuka yvt shinuk o ai itebana chatuk & chohma hi & miha.

1. HUCHISHNO & nana ik hvch i mihacho ka chi ka, inla ya nana hvch ik mihacho kashke.

2. Kanimihchit inla ya nana mihachi hosh hvsh mihachi tuk ma, hvchishno ma isht hvch i mihacha he; mikm̄vt isht vlpisa nana hq isht hvsh apesa tuk mvt, hvchishno mvt isht hvchim vlpisa he akinli hoka.

3. Miha nanta katiohmi hq na hishonluk iskvtnosi kv̄t ish itibapishi nishkin a foka na ish pisa ho kak osh, anonti iti chito yvt chi nishkin ak inli foka kano chik akostinicho cho?

4. Miha katiohmi hq iti chito yvt chishno chi nishkin ak inli hq foka ka, ish itibapishi ha, Na-hishonluk iskvtnosi ka chi nishkin & ai ishit ak kohchi, ish im acha hinla cho?

5. Nan ilahobi chia hoka, chishno chi nishkin ak o tikba iti chito & ish a kohchashke; yohmikmak osh ish pisa achukma cha na hishonluk iskvtnosi ka ish itibapishi nishkin a foka tuk a ish a kohcha hinla hoke.

6. Nana kv̄t holitempa hokvno ofi puta ma pit hvch ik imokm̄vt, anonti hvch i na holitopa puta hatuk ma shukha itikba ya hvch ik ashacho kashke; yummak keyukma yummak ash o iyi isht a hvhlichu cha, anonti filem̄vt hvchishno ash o hvchi okpvna hinla hoke.

7. Hvsh asilhhakma, hvch ima he; hvsh hoyokm̄vt, hvsh ahayucha he; hvsh sokqhakma, hvchin tiwa he oke.

8. Asilhha aiyuka hokvto ishi bano hoke: mikma kvna hosh hoyo hokvto, ahayuchi hoke; mikma kvna hosh sokqha hokvno, in tiwa pulla hi oke.

9. Yohmi ka hatak hvsh katima kak osh, ushi osh pvska im asilhha ka, tvli yo isht ima hinla hq?

10. Keyukm̄vt nvi yo asilhhakma, simi yo isht ima hinla cho?

11. Yohmi ka nan ik ai vlhpeso hvchia kia hvchim vlla ya na hochukma isht ima kv̄t hvchimponna chatuk a, im asilha hoka hvch İki vba binili kv̄t na hochukma isht ima kv̄t i shablichı ik fehno ka hinla ho ?

12. Yohmi hoka nan-okluha ka hatak puta kv̄t hvchim a yvmohma hi a hvsh aiahni hosh, mih mak o hvsh ai i yvmohmi mak inlashke: ilvppak o nan vlhpisa, micha hopaii puta aiena kv̄t miha hoka.

13. Okhissa iskv̄tinosi ak o hvsh ai abehashke; okhissa yvt chito cha, hina mvt p̄tha hosh aiokpuloka ya ona hatuk o, yv̄mma ai abeha kv̄t laua hoke.

14. Okhissa yvt iskv̄tinosi cha, hina mvt ik p̄tho hosh ai okchaya ya ona hatuk o, ik lauwo hosh yv̄mmak oka aha-yuchi hoke.

15. Hopaii ilahobi v̄hleha chukv̄lhpoba i na fohka fohka hosh hvchim ai v̄le kia, an̄kaka yokv̄to nashoba isikopa v̄hleha mak oka, ahah! hvsh im ahnashke.

16. Ilap vni kak o isht hvsh akostininchi pulla hi oke. Hatak vt kv̄ti hak o p̄aki a ai vmo chatuk o? micha fik a shumv̄ti ak o ai vmo chatuk oh cho ?

17. Yv̄mmak inli ho chohmit iti hochukma moma kv̄t v̄ni hochukma ho v̄ni chatuk; amba iti okpulo yokv̄to vni yvt okpulo yo vni chatuk.

18. Iti achukma yvt vni okpulo yo vna he keyukma, anonti iti okpulo vt vni achukma ho vna he keyushke:

19. Iti vt vni achukma ho vni keyu hokv̄to momvt chayvt akakoha cha, luak itokaha chatuk oke.

20. Yohmi hoka ilap vni ak o isht hvsh akostininchi pulla hi oke.

21. Chitokaka ma! Chitokaka ma! v̄m achi kak osh momvt vba yakni a chukowa hi o keyushke; amba Aki vba binili nan aiahni ka yvmohmi tuk mak a hi oke.

22. Nitak yv̄mma fehnakma Chitokaka ma! Chitokaka ma! chı hohchifo ha nan isht anumpulit, chı hohchifo ha nan-ishtahullo okpulo puta isht kocha welit, anonti chı hohchifo ha na fehna l̄gwa ka isht il a yvmihchi tok keyu cho? v̄m achi kv̄t laua hi oke.

23. Yohmikma otvnichit, Nitak nana ashō hvch ithana li tuk keyu, nan ik vlpeso yohmi hvchia hvt ʒ filvmit misha oh ia chá, im achi la hi oke.

24. Yohmi hoka kvna hosh v̄m anumpa ilvppa puta hatuk ma haklo cha, mihma yvmohmi ka, hatak hopoyuksa yosh tvli paknaka yō in chuka a talali tok ʒ it apesa lashke.

25. Yohmi tuk o umba hatuk mvt aka ituyula na okchitot vla ma, anonti mahli hvt mahli cha, chuka yvmmak ash ai ihiso ka, tvli paknaka yō ai itvbana hatuk okvt, ik akamo ki tok.

26. Yohmikma kvna hosh v̄m anumpa ilvppa puta hatuk ma haklo cha, mihma ik yvmohmo hokvto, hatak ik hopoyukso yosh in chuka ya shinuk paknaka yō a talali tok ʒ it vlpisashke.

27. Yvmohmi tuk o umba hatuk mvt aka ituyula na okchitot vla ma, anonti mahli hvt mahli cha, chuka yvmmak ash ai ihiso ma, akama tok ; micha okpuloka kvv aighli tok oke, ahanchi tok.

28. Atuk o yakohmi tok ; Chisvs vt ilvppa ahanchit ont in taiyaha ma, nan isht im avvchi tuk ʒ okla hvt anukhlanacha tok.

29. Im ai vlpesa mak osh nana im avvchi tok ; amba na holissochi vhleha hokvno ik chohmo ki tok.

CHAPTA VIII.

Chisvs vt leposi vbi ya hlakofichi, 1. 5 Mikmvt sintuliyv̄n in tishu ha hlakofichi. 14 Chisvs vt Pita tekchi ishki, micha inla aiena ka hlakofichi. 18 Mahli chito ya yokovvchi. 23 Micha kaniohmi hosh il iakaya he pim anoli: 28, nan isht ahullo okpulo vhleha ha Chisvs vt kocha weli ma ; nan isht ahullo okpulo vhleha hash osh shukha laua ya iba chukowa.

1. **ATUK** osh nv̄nih chaha ya v̄ttvt akowa ma, okla chintō kvv iakaiya tok.

2. Mihma leposi vbi yosh v̄lv̄t ant aiokv̄vchi mvt, Chitokaka ma ! vlpesa ish ahni hokmvt, is sa kashofa hinlvshke, achi tok.

3. Mihma Chisvs vt ibbak a pit weli cha, potoli mvt, Vlhpesa ahni lishke; chi kashofashke, achi tok. Yohmi ma leplosi yash osh ashalika i kashofa tok.

4. Yohmi ma Chisvs vt, Ahah! ish ahni cha, hatak nana kia chik im anolo kashke; amba okla isht im ovrna chi ka, Moses napa apesa tok vba isht aiokprchi a isht ivt, na holi-tompa isht asha ak o ont ish ile haiakachashke, im achi tok.

5. Atuk osh Chisvs vt Kapenavm a ont chukowa ma, sintuliyv vt mintit im vla tok.

6. Micha im asilhvvt, Chitokaka ma! an tishu hvvt palsi isht abeka hosh issikkopa fehna kvv chuka ya itonlvshke, achi tok.

7. Mihma Chisvs vt, Ia lish ont hlakofichi lashke, im achi tok.

8. Mihma sintuliyv ash osh afalaminchi mvt, Chitokaka ma! vm aboha ya ant ish chukowa he si vlvpesa keyu hoke; amba anumpa illa h o ish anumpuli kia, an tishu hatuk mvt hlakofa hinlvshke.

9. Uno yokvt hatak tvshka chipota vvhleha pehlichit i shahli nutaka ahanta chatuk sia hoke; yohmi kvv ilvppak atuk ma, Ia, im achi likma, ia hoke: mikmvt inla h o, Minti, achi likma, minti hoke: mikmvt an tishu ha, Ilvppa yakoh-michi, im achi likma, yvmihchi chatuk oke.

10. Chisvs vt yvmma haklo kvv nukhlakancha mvt, apihvt aya kash o, Ahli mak o hvchi miha lishke; Israel okla ak oh kia nayimmi chinto yakohmi ka ak a pesoshke.

11. Yohmi ka, Hvshi akochaka, mikmvt hvshi a opiaka aiena ka a minti kvv laua hosh vba apehlichika ya ai vlvvt Eblaham, micha Aisaak, mikmvt Chekob aiena ka ant ai itv-pehvt binohla hi oke, hvchim achi lishke.

12. Yohmi ka ilvppa apehlichika im vlla yatuk okvno kocha aiokhlilika ka pit kampila he; yvmmak oka a yahayvt noti ma ahampa hi oke, im achi tok.

13. Mihmvt Chisvs vt sintuliyv ash o, Ish iashke: yoh-mikma isht a chi yimmi hatuk oka, mih mak osh a chi yvmohmashke, im achi tok. Mihma in tishu hatuk vt hvshi kanvlli vlvpisa mih mak inli h o hlakofi tok.

14. Atuk o Chisus vt Pita in chuka ya ont chukowa mtv, yvmma tekchi a ishki vt yvnhvt abeka hosh itonla na pisa tok.

15. Mihmtv ibbak a pit potoli ma, yvnya kvv shipuchi tok : mihma yvmmak ash osh wakaya mtv, nan isht im vttv tok.

16. Atuk o opivt taha ma nan isht ahullo okpulo ai i foka puta kvv lava ho isht im ai ona tok ; yohmi ma shilombish okpulo puta kash im anumpa hak o isht kocha weli mtv ; abeka yatuk a mominchit hlakofichi tok.

17. Yvmmv hopaii Esaias vt anumpulit, Ilap ak inli hosh nan isht ik pi ai iksitopo puta ka pim ai ishit, nan isht pi abeka a puta ma isht pi kanchishke, achi tok a ont ai ghla chi mak a tok.

18. Yohmi ma okla chito fehna kvv apehvt ai asha na Chisus vt pisa mtv, misha in tvnvp ak o ilhkola hinla ka miha tok.

19. Mihma na holissochi achvfa hosh vla mtv, Nan ithv-nanchi ma ! kanima yo chik aya kia, chiakaiya la chi mak oke, im achi tok.

20. Mihma Chisus ash osh, Chula puta kvv chiluk vt im ashakma, vba hushi puta kvv vlpichik vt im asha hoke ; amba Hatak Ushi okvto noshkobo ha kanima a bohla hi vt ik im iiksho hoke, im achi tok.

21. Mihma nan im ai ithvna vhleha hash osh achvvt, Chitokaka ma ! vmmvna kano ivt, aki a ont hohpi la hi a, vlvhesa is svv abnashke, im achi tok.

22. Yohmi kia Chisus ash osh, Is siakaiyashke ; yohmik-ma illi ak osh ilap bika illi yokvno hohpashke, im achi tok.

23. Mihmtv peni chukowa ma, nan im ai ithvna vhleha hvv iakaiya tok.

24. Atuk o mahli kvvlo fehna kvv okhvta ha a tobtv kocha ma, peni ash o oka banvtha kvv isht ompohomo tok ; yohmi kia yvmmak ashot nusi hosh itonla tok.

25. Mihma nan im ai ithvna vhleha hvv im ai vlvvt ant okhvli mtv Chitokaka ma ! ish pi okchalinchashke ; pilli mak oke, achi tok.

26. Mihma yvmmak ash o, Na-yimmi fehna keyu hvchia ma! na katihmi ho hvchi nukshopa cho? im achi tok. Micha tani mvt, mahli mikmvt okhvta aiena kash im alvmmi tok; mihma yokopa ai ghlit talaia tok.

27. Yohmi ma hatak ash osh okla nukhlakancha mvt, Ilcyyet hatak katiohmi hatuk okak o, mahli micha okhvta aiena hokak kia im antia cho? im achi tok:

28. Atuk o misha in tennv Kekesenes yakni a ona ma, nan isht ahullo okpulo ai i foka kvv tuklo hosh anukshomunta fehna hatuk o, hatak nana kia yvmma imma ka ont ia he keyu chatuk o, hatak illi aiasha ya gshvvt kohchvt minti hosh ont afama tok.

29. Mihmvt tahpvt okla mvt, Chisvs, Chihowa Ushi chia hvv nanta ho isht ish pi ahalaia cho? ik ai ono kisha ho, ish pilbvshacha chj hosh ilvppa ish la hoh cho? achit okla tok.

30. Yohmi ma shukha laua kvv impa hosh auct i hopaki ka ai asha tok.

31. Yohmi hatak o nan isht ahullo okpulo vhleha hash osh im asilhha mvt, Ish pi kocha weli hokmvt, ivt shukha laua ya ont il abeha he ak o ish pim ahnashke, achi tok.

32. Mihma, Hvsh iashke, im achi tok; mihma kocha wiba mvt, shukha laua yash o, ont abeha tok; mihma shukha laua yash osh momvt yihlepa fehvvt okhvta sakti chaha yo pit ai oka kahvt ok ai illit taha tok.

33. Mihma apesvchi vhleha hatuk vt yihlept, ilhkolit tmaha ona cha, nana ka mominchit anoli tok; micha nan isht ahullo okpulo ai i foka tuk vt nana im a katiohmi tuk a aieninchit anoli tok.

34. Yohmi ma tmaha hash osh momvt Chisvs a afamvt ilhkoli tok; atuk osh yvmmak ash o okla pisa mvt, i yakni a a kohchvt aya hinla ka okla im asilhha tok.

CHAPTER IX.

Chisvs vt palsi isht abeka ya hlakofichi, 1. 9 Chisvs vt Mahlu i howa; micha Falisi vhleha hq Mahlu im ai impa gsha mvt ai it im anumpuli. Chisvs vt Chan nan im ai ithvna vhleha na hullochi imma ka isht anumpuli. 18 Chisvs vt na pehlichu ushetik vt illi tuk g okchalinchit tanichi: micha ohoyo hvt issiah umbokafa isht abeka tuk g hlakofichi. 27 Michu hatak nishkin lvpa tuklo hq i fatummi. 32 Chisvs vt hatak ik anumpolo nan-isht ahullo okpulo ai i foka yatuk g im achukmali: mikmvt okla puta kash i nukhako.

1. YOHMI ma yvmmak ash osh peni o pit chukowa mvt, pit tanvbli cha, ilap in tmaha ak inli hq ona tok.

2. Mihma hatak vt palsi isht abeka hosh potvlhpo pakna itonla hq okla isht im vla tok; mihma Chisvs vt okla na yimmi ka pisa mvt, palsi isht abeka ash o, Svso ma! chi yukpashke; na chim ai-ashvchika puta kvv chj kashofa hoke, im achi tok.

3. Yohmi ma na holissochi vhleha kaniohmi kvv, Hatak ilvppvt nan ik ahobalot anumpulishke, chukvsh anukaka okla ahni tok.

4. Yohmi ma Chisvs vt okla im anukfila hq ithana hatuk osh, Nanta katiohmi hq hvchi chukvsh g nan okpulo ishit hvsh anukfilli cho?

5. Na chim ai ashvchika puta kvv chj kashofa hoke, achi kak okma, keyukmvt, Tani cha nowa, achi kak okma, kati-mampo kak osh ahchiba kvv ik lauwo cho?

6. Yohmi kia Hatak Ushi yvt yakni paknaka anta kvv nan ai ashvchika puta ka kashofa hi vt im ai vlhpesa hatuk g, hvsh akostinincha chj kak oka, palsi isht abeka ash o, Tanit chj potvlhpo ishi cha, chj chuka ish iashke, im achi tok.

7. Mihma yvmmak ash osh tani cha in chuka ia tok.

8. Yohmi ma okla chinto kvv pisa mvt, nukhlakanchevt, hatak g nan-isht im ai ghli yohmi ka ima tok Chihowa ash o ai okpahanchi tok.

9. Mihma Chisvs vt yvmmak ashq vttvt ia mvt, hatak vt Mahlu hohchifo hosh, tvli holisso ai itahoba ya binili hq ont

pisa tok; mihmet yummak ash o, Is siakaiyashke, im achi tok; mihma wakaya mt iakaiya tok.

10. Atuk o yakohmi tok; Chisus vt impa hosh aboha anka gsha ma, pnblikan vhleha, mihmet nan ashvchi vhleha aiena kvt laua hosh ai vltv yummak ash, micha nan im ai ithvna aiena ka ant takla binohli tok.

11. Mihma Falisi vhleha hvv pisa mt, yvmma nan im ai ithvna vhleha hash o, Katiohmi hv nan hvch ithvnanchi vt pnblikan, micha nan ashvchi vhleha aiena ka it ibai impa cho? im achi tok.

12. Yohmi kia Chisus vt yvmma haklo mt, Haknip im achukma hokano alikchi g ai im ai vlvpiesa keyu chatuk, amba abeka yok mak oh chatuk oke.

13. Uba isht-ai okpvchi ak okano ak aiahno; amba nan i nukhaklo ak o aiokpanchi li hoke, achi yummak osh nana hokma, ont oh ithvna; hopoyuksa vhleha ak o hoyot gya li ha tok keyu; amba nan ashvchi vhleha hvv ile kostinicha chj mak a tok oke, im achi tok.

14. Yohmi ma Chan nan im ai ithvna vhleha hvv im ai vta mt, Katiohmi hv pishno, micha Falisi vhleha il aiena kvto nukhaklot nan e hullochi fehna ma, amba nan chm ai ithvna vhleha hvv nukhaklot nan ik hullocho cho? achi tok.

15. Mihma Chisus vt, Hatak himona ohoyo itauwaya tuk vt takla anta moma ka i kanomi vhleha hvv nukhakla hinla cho? yohmi kia hatak himona ohoyo itauwaya tuk ash ant im ai isha he nitak vt ai ona he; yohmikmak o okla hvv nukhaklot na hullocha hi oke.

16. Hatak nana kia anchi sipokni g nantvna hlilafa himona ya lapalichi chatuk keyu; vlvkvt lapali kash osh anchi ash hlvfit ishikma, i shahlit hlilavv okpulo chatuk oke.

17. Mikma hatak puta kvv oka-paki himona ya shukcha sipokni yo apitta chatuk keyu; yummak keyukma shukcha yvt mitahli na oka-paki yvt hlayakma, shukcha yvto okpulo chatuk; amba oka-paki himona ya shukcha himona yo apit-takmak o, tvklot nan ik okpulo chatuk oke, im achi tok.

18. Ilvppa puta ka isht im anumpulik fehna, hatak na

pehlichi achvfa hosh vla cha, ant aiokpvchi mvt, Himonasi ak kia suso-tek vt illi mak osh itonlvshke: yohmi kia minti cha, chibbak ant isht ish umbitepa hokma, okchaya hinla hoke, achi tok.

19. Mihma Chisvs vt wakaya cha, iakaiyvt ia ma, nan im ai ithvna vhleha aiena kvt yohmi ak inli tok.

20. Yvmohmi tuk o ohoyo hvv issish umbokafa isht abeka tok afvmmi auah tuklo hosh, yvmmak ash im ashaka ya mayvt ona cha, im anchi aposhokvchi a pit potoli tok.

21. Im anchi ak illa ho ak potoli kia, sa hlakofa hinlvshke, ahnit im anukfila hatuk osh.

22. Yohmi kia Chisvs vt filemvt yvmmak ash o pisa mvt, Suso-tek ma! na chi yukpa achukmashke; na chi yimmi pulla hosh chi hlakofichi hoke, achi tok. Mihma hvshi kanvlli vlvpisa yvmma fehna ho ohoyo yvmmak ash osh hlakofi tok.

23. Mihma Chisvs vt hatak na-pehlichi in chuka yash ona cha, oskula olachi vhleha, micha okla yaiya aiena ka ont pisa mvt,

24. Oh iti kanvlli; ohoyo himita yvt illi keyu hoka, amba nusi hoke, im achi tok. Mihma isht yopulvt okla i yukpa tok.

25. Yohmi kia okla hvv kocha wihvt taha ma, pit chukowa cha, ibbak a ont halvlli ma, ohoyo himita yash osh tani tok.

26. Yohmi ma ilvppak atuk vt annovt yakni yvmma mo-ma hlopulli tok.

27. Atuk o Chisvs vt yvmmak ash vttvt ia ma, hatak lva tuklo kvv iakaiyvt ayvt, tahpahanlvv, Lewi ushi chia ma! ish pi nukhakhlashke, ahanchi tok.

28. Mihma yvmmak ash osh aboha ont chukowa ma, hatak lva atuk vt im onvt okla tok: mihma Chisvs vt, Ilvppa yakohmichi la hinla ka hvchi yimmi cho? im achi ma, Yau, Chitokaka ma! im achit okla tok.

29. Yohmi ma nishkin a pit potoli mvt, Na hvchi yimmi tuk pulla mak osh isht a hvchim vlvpesashke, achi tok.

30. Mihma nishkin vt i fatumvt okla tok: yohmi ma

Chisvs vt kvullochi fehna hosh i mihvt, Ahah! hvsh ahni na hatak nana kia ik akostinincho kashke, achi tok.

31. Yohmi tuk kia itiach i mvt, yvmmak ash o yakni yvma mominchit ai im annowachi tok.

32. Yvmmvt a kohcha ma, hatak ik anumpolo nan isht ahullo okpulo ai i foka ho okla isht im vla tok.

33. Atuk o nan-isht ahullo okpulo yash osh a kohcha ma, ik anumpolo yash osh anumpuli tok: yohmi ma okla laua yash osh nukhlakancha mvt, Himonna kia Israel okla ha a yakohmi na kvna hosh pisa chatuk keyushke, achi tok.

34. Yohmi kia Falisi vhleha hash osh, Ilvppvt nan-isht ahullo okpulo puta ka nan-isht ahullo okpulo i miko yak o isht kocha weli hoke, achi tok.

35. Yohmi ma Chisvs vt tmaha moma, micha tmahushi puta aiena ka mominchit ayvt, i sinakak puta kak o nan im ai abahanchi, mihmvt vba apehlichika isht anumpa hanta isht anumpohonli, mihmvt abeka moma ka hlakofihinchit, haknip ik in chukmo okla im gsha tuk a mominchit hlakofihinchi tok.

36. Yohmi tuk kia okla laua yash osh hoyvbli cha, it a fimimpvt aiasha, chukfulhpoba yosh apesvchi ik im iksho ho, chohmi na pisa hatuk osh i nukhaklo tok.

37. Yohmi mvt nan im ai ithvna vhleha hash o, Nahoya hi okvto laua ho mvhli, amba toksvli vhleha hak osh ik lauwoshke.

38. Yohmi hoka na-hoya hi okvt Chitokaka immi hoka nan im ahoya hi a toksvli vhleha ha auet tiblela chj ka, hvsh im asilhashke, im achi tok.

CHAPTA X.

Chisvs vt nan im ai ithvna suah tuklo kvt vbanumpa ha isht aanumpohonli chj ka, micha na fehna puta ka ai yvmohma chj aiena ka kanompit tibleli, 1. 5 Micha nana ka ithvnanchi. 40 Micha Chisvs a bolitobli kvt nan isht il ai yukpa he miha.

1. YUMOHI tuk osh nan im ai ithvna suah tuklo kash o itahobit tahli mvt, nana im ai ghlit, nan-isht ahullo

okpulo puta imaiyvt, yvmmak atuk ma kocha welit abeka ilaiyuka puta, micha haknip ik in chukmo ilaiyuka moma hlakoficha hi g im apesa tok.

2. Yohmi ka vbanumpeshi auah tuklo hohchifo kv̄t ya-kohmi kak oke: v̄mmona Saimon atuk osh Pita hohchifo tok; mihma itibapishi Antilu ak a tok; Sebete ushi, Chemis ak osh, nakfish Chan itatuklo tok:

3. Mihma Filip, micha Bahlolomu; Tamas, mikmvt pvblikan hatak Mahlu; Alfevs ushi Chemis, micha Lebevs osh hohchifo apunta kv̄t Tatevs a tok.

4. Mihma Kenan hatak Saimon, micha Chutas Iskaliot ak atuk osh yv̄mma haksichi tok ak inli ka aiena tok.

5. Auah tuklo ilvppak o Chisvs vt pit tihleli mvt, nan im apesvt, Chentaīl aiasha pilla hokvno hvch ik aiyo kashke, mikmvt Samalia okla in tv̄maha h̄g ont hvch ik chukowo kashke.

6. Amba Islael in chuka-chvfa chukfv̄lh̄poba tv̄moa pulla kak o hvsh im ai onashke.

7. Michā ia hosh hvsh itv̄nowa kv̄t, v̄ba isht anumpo-honlit, Uba apēhlichika yvt olanlosi v̄lvshke, hvsh ahanchashke.

8. Mikmvt abeka ȳg hlakofichit, leposi vbi puta ka i kashofit, illi puta ka tanichit, nan-isht ahullo okpulo puta ma hvsh kocha welashke: pilla h̄g hvsh habena hatuk okvt, pilla h̄g hvsh imashke.

9. Hvchī shukcha atuk ma tv̄li holisso lakna, micha tv̄li hv̄ta, mikmvt tv̄li lakna nana kia fohkit hvch ik ieshokmvt;

10. Anonti nowvt hvsh aya hokvt bahta kia, ilefoka lumbo tuklochit, shulush aiena ma tuklochit, tv̄bi nana kia hvch ik iesho kashke; hatak toksvli yvt ilhpita he ak o v̄lh̄pesa hoka.

11. Michā tv̄maha, keyukmvt tv̄maha chito yokmā nana h̄g ont hvsh chukowa chī kv̄t, kv̄na hosh v̄lh̄pesa kv̄t yv̄mma anta ka, hvsh ponaklashke; micha yv̄mmak o hvsh āsha tuk osh a kohchvt hvsh iashke.

12. Michā chuka ȳg ont hvsh chukowakmvt, hvsh ai okpv̄chashke.

13. Yohmikma chuka yatuk mut vlhpesa hokma, na yukpa he hvsh im ahni tuk a onvtulashke: amba vlhpesa keyu hokmvno, pa yukpa he hvsh im ahni tuk a hvchi falamashke.

14. Micha kvna kia ik hvchi aiokpacho, micha hvchim anumpa ma haponakla he keyukma, chuka yokmá, tumaha hokmá, nana hatuk a hvsh a kohchakmut, hituk tohbi hvch iyi asha hatuk ma hvsh tahtulashke.

15. Ahli mak o hvchi miha lishke, Nan-vlhpisa chinto nitak okvno Sotom, micha Komola aiena kvt im ahleka hoh kia, pit im vlhpisa kvt tumaha yvmmak a tok a i shahla hi oke.

16. Inta! chukvvlhpoba yo chohmichi hosh nashoba itintakla pit tihleli lishke; yohmi hoka kostini kvt sinti ak o hvsh chiyuhmi cha, nuktaiyala mut pvchi-yoshuba ak o hvsh itilauashke.

17. Yohmi kia hatak puta ka ahah! hvsh im ahnashke: yvmmak okvt ishik nan apesa vhleha ibbak a hvchi fohq-kikma, i sinakak puta ka a hvchi fahama he mak oke.

18. Micha na pehlichu vhleha, mikmut miko puta, Chentail okla aiena ka, na hvsh im ai atokola chi ka, vno pulla hatuk mak o yvmma puta ka itikba hvch isht ohona hi oke.

19. Yohmi kia hvch isht ohona ka, kanimihchit, micha nana ho hvsh anumpula he aiena kvt hvch ik anukfillo kashke: nana ho hvsh anumpula hi a hvshi kanulli vlhpisa yvmmak inli ho hvchi anukfohka hi oka.

20. Hvchishno ak osh hvsh anumpula hi o keyu, amba hvch iki imi Shilombish yvmmak osh a hvchi anumpula hi oka.

21. Mikma itibapishi hatuk vt itibapishi ha illi issakma, anonti iki atuk vt vlla ya illi issa he: yohmikma vlla puta kvt iki ishki aiena hatuk ma i nukkilli cha, illi issa hi oke.

22. Mikma sa hohchifo pulla hatuk mak o momvt hvchi nukilla he: yohmi kia kvna hosh achunanchit mahayvt ai vhli ka ona hok mak osh okchaya hi oke.

23. Yohmi kia tumaha chito iltpa a hvch issikko-

palikma, yihlepvt inla yq hvsh onashke. Ahli mak o hvchi miha lishke, Israel okla in tomaha puta ka hvch ik hlopullo kisha hq, Hatak Ushi yvt vla hi oke.

24. Nan-ithvna yvt nan-ithvnanchi ya imaiya keyukma, anonti tishu hv i shahli hq imaiya hq keyu chatuk.

25. Nan-ithvna yvt nan-ithvnanchi ya itilqnikma, anonti tishu hv i shahli hatuk ma itilqnikmak osh im vlpesa hoke. Chuka-chvfa pehlichika ya Beelsebub okla hochifo tuk vt in chuka-chvfa ya i shahlichu kv katiohmichi hosh hochifa hinla cho?

26. Yohmi hoka yvmmak oka hvch ik i nukshopo kashke. Nana kv ompoholmo tuk osh ik otano ka hi vt iksho ma, anonti nana kv luma tuk osh ik annowo ka hi vt iksho hoka.

27. Nana ka okhlilika yq a hvchim anoli li ka a tohwikelika yq hvsh ai anolashke: micha nana ka haksobish tikelichi hosh hvsh haklo kv, yvmmak ash aboha pakna yq hvsh ai anolashke.

28. Mikmvt haknip a vbi kia, shilombish a ilicha he keyu yvmmak okvno hvch ik i nukshopo kashke: amba shilombish micha haknip it aieninchit aiokpuloka ai ilbvshala hinla kak pulla hq hvsh i nukshopashke.

29. Hushi chipunta yvt tuklokmt sint achvfa iklvna itatuklo vltoba chatuk keyu? mikma yvmmvt, hvch iki vt ahni keyukma, achvfona kia aka itula hi o keyu hoke.

30. Amba pashi hvchi noshkobo o hikia kak kia momvt holhtinvt taha yoke.

31. Yohmi hoka ik hvchi nukshopo kashke; holitopa kv hushi chipunta lana kia hvsh i shahli hoke.

32. Yohmi hoka kvna hosh hatak puta itikba ya si ai ahninchu tuk ma, vno ak kia ilapa aki vba binili ka itikba ya ai ahninchu la hi oke.

33. Amba kvna hosh hatak puta itikba ya ik si ai ahninchu tuk ma, vno ak kia ilapa aki vba binili ka itikba ya ak ai ahninchu ka hi oke.

34. Yakni pakna ya nanaiya yq bohliit aya li tok ik

huchim ahobo kashke: nanaiya yo a bohliit aya li tok keyu, amba beshpo falaia ak a tok.

35. Hatak a iki ik it im vhpesachot, ushetik a ishki ik it im a vhpesachot, ipok atuk ma ipokni a ik it im vhpesachot aya li ha tok.

36. Mikma hatak in tunvp puta kut ilap in chukachvfa ash inla hi oke.

37. Kva hosh iki yokma, keyukmtv ishki yokma, nana ho i hullo kut vno a im i shahli hokvt, vmmi ha he vhpesa keyu hoke: mikmtv ushi yokma, keyukmtv ushetik okma, nana ho holitobli kut vno a im i shahli hokvt, vmmi ha he vhpesa keyu mak inli hoke.

38. Yohmikma kva hosh im iti-taiyukhva ya sholi cha, siakaiya keyu hokvt, vmmi ha he vhpesa keyu mak oke.

39. Kva hosh im ilhfiopak a ahayuchi tuk mvt i kvaia he: mikma kva hosh vno pulla hatuk mak o im ilhfiopak vt i kvaia hokmtv, ahayucha he mak oke.

40. Kva hosh hvchi aiokpvchi hokvt, vno a si aiokpvchikma; anonti kva hosh vno a si aiokpvchi kut, auet sa kanchi tok ma aiokpvchi hoke.

41. Kva hosh hopaii ya hopaii atuk mak o aiokpvchi hokvt, hopaii im ai vltoba mak o isha he: yohmikma kva hosh hatak ahli achukma ka, ahli achukma atuk mak o, aiokpvchi hokvt, hatak ahli achukma im ai vltoba mak o isha hi oke.

42. Mihma kva hosh chipota vhleha ilvppa achvfa kia, nan ihena yatuk mak o ishka chi ka oka kapvssa isht-ishko achvfa illa ho ipeta kia, ymmvt kanihmit nan-vltoba hv i hlakofa he keyu, ahli mak o hvchim achi lishke, achi tok.

CHAPTER XI.

Chivs vt vba isht anumpohonli kut a moma; Chan a pit ponaklo tuk a Chivs vt afalaminchit im anoli, 1, 7 micha, Chan Baptist a aghlit isht anumpuli. 20 Chivs vt vmaha kanimi ka na palvmani kut onvtula chi ka anoli, ymmak oka na fehna laua ka ai yv-

mihinchi tuk kia, okla ik ile kostinincho hoka. 25 Chisvs vt Chihowa pit aiokpuchi mvt, Iki vt nan oklgha ka ibbak ifoyuki tuk g achi: 28 mikmvt a foha chi kvt hoyvbli puta kvt im ai ona chi ka i miha.

1. **ATUK** o yakohmi tok; Chisvs vt nan im ai ithvna uah tuklo kash nan im apesvt in taiyaha mvt, in tmaha outa ka nan ai ithvnanchi, micha vba isht anumpuli aiena chi hosh yvmma vttvt ia tok.

2. Atuk o Klaist vt nan-isht-anta puta ka Chan vt aboha kvllo anukaka ya a haklo mvt, nan im ai ithvna vhleha tuklo ho pit tihleli tok.

3. Mihmvt yvmmak ash o, Chishno ak osh gya he tok mak o chia hokma, ak chu? inla yo e hoyokma, nanta chi cho? pit im achi tok.

4. Mihma Chisvs vt a falaminchi mvt, Anonti hvsh ia cha nana ka hvsh hglo, micha hvsh pisa aiena tuk vt Chan g ont hvsh im anolashke.

5. Lupa yvt hopokoyo ma, imomokpulo yvt nowa; leplosi vbi okla hv i kashofa; mikma ik haponaklo yvt haponaklo; illi tuk vt tani; mihma ilbvsha puta ka vbanumpa hv isht im anuhumpvshke.

6. Yohmi ka kvna hosh vno g ik si ai ibetvblokmvt, na yukpa he mak oke.

7. Mihma itiachi ma, Chisvs vt okla laua ya im anumpulit ishtia mvt, Chan ak o miha hosh, Nanta ho hvsh pisa chi hosh yakni haiaka ya hvsh ilhkoli tok o? Kushak vt mahli na faiokvchi kak atuk o?

8. Amba nanta ho pisvt hvsh ilhkoli tok o? Hatak nafohka lapushki fohka kak atuk o? nafohka lapushki abehkvchi hokvto miko in chuka puta kak o aiasha hoke.

6. Amba nanta ho pisvt hvsh ilhkoli tok o? Hopai atuk o? ghli, yohmi ka hopai ak kia imaiya hoke, hvchim achi lishke.

10. Um anumpeshi ya chi tikba chvffichi li hoka, mihi yosh chi hina ya tikbanli apoksiacha chi hoke, achit isht holisso tok g ilvpak osh mah mak oke.

11. Ahli mak o hvchim achi lishke, Ohoyo ho a tobt

aiasha ka itintakla hikia kv̄t Chan Baptist ḡ imaiya chatuk keyushke : yohmi nana kia moma ik lauwo hosh v̄ba apeli-chika yā anta kv̄t, yamma imaiya hoke.

12. Yohmi ma Chan Baptist vt ahanta nitak atuk ḡ ai v̄hli mihinti ka, v̄ba apeli-chika yā ishi b̄v̄nna kv̄t achilita fehna, yohmikma achilita puta kv̄t onvtulvt ih̄ishi nā himakv̄shke.

13. Hopai v̄hleha moma micha v̄ba nan v̄h̄pisa aiena kv̄t na tikbanli anoli kv̄t, Chan ak o ant im ai v̄hli hoka.

14. Micha hv̄chi yimma hinla hokma, ilv̄ppak osh v̄la he tok Elias mak oke.

15. Kv̄na hosh isht haponakla he haksobish vt i hinlik-mvt, haklashke.

16. Amba himak okla aiasha ilv̄ppak okv̄no nantak o itapesa la chi cho? Ulla yosh ilhpak a kanchi yo binohm̄aya hosh ilap b̄ika iti howvt,

17. Oskula hā e hv̄chim olachi ka, hv̄ch ik hehloshke; e hv̄chi yaiya ka, hv̄ch ik yaiyoshke, achi hō itilauishke.

18. Chan vt ik impo, micha nan ik ishko aiena hosh aya ma, Yamma nan-isht ahullo okpulo il ai eshi hoke, okla achishke.

19. Hatak Ushi yvt ihimpa, mikmvt nan ih̄ishko aienvt aya ma, Yakeh! hatak isikopa, oka-paki ishko shahli, publikan micha nan ashv̄chi v̄hleha aiena ka i kana yoke, achishke : yohmi kia Ahopoyuksa yokv̄to im v̄lla v̄hleha hā isht im a holitopa hoke, im achi tok.

20. Yohmi mvt tmaha na-fehna ka a yvmihinchi fehna tuk puta kash, okla ilekostininchi keyu hatuk o, nan isht a mihachit ishtia tok.

21. Kolasin ma! na chi p̄alv̄m̄mi mak oke : Betsaita ma! na chi p̄alv̄m̄mi mak oke; na-fehna puta kv̄t hv̄chishno yā hv̄chim a yvmohmi tuk vt Taia, micha Saiton aiena ka a yvmohmi ha tok okma, hopaki kash inli hō na p̄ashi tv̄nna anchit hituk chubbi banot mayvt ilekostinincha he a tok oke.

22. Yohmi kia nan v̄h̄pisa chinto nitak okv̄no Taia micha Saiton aiena kv̄t im ahleka hoh kia pit im v̄h̄pisa kv̄t hv̄chishno yokv̄no i shahla hi oke, hv̄chim achi lishke.

23. Yohmikma Kapenam chia shutik ak o ont ish talai

tuk vt, aki vt ai okpuloka mak o ish ona hi oke: na-fehna puta kvt chishno ya chim a yvmohmi tuk vt Sotom g a yvmohmi ha tok okma, himak nitak ak kia talaia hi a tok oka.

24. Yohmi kia nan vllhpisa nitak okvno Sotom yakni vt im ahleka hoj kia, pit im vllhpisa kvt, chishno yokvno i shahla hi oke, hvchim achi lishke, achi tok.

25. Nitak ymma fehna ma Chisvs vt anumpuli mtv, Aki, shutik micha yakni aiena in Chitokaka ma! na yakohmi puta ka na kostini, micha nan ithana aiena kvno ish in luhmi tuk osh, vlo si puta ho ish im otvnichi hoka, yak oke, chim aiahni lishke.

26. Ulhpesashke, Aki ma! yvmmak osh chim vllhpiesa hatuk oka, achi tok.

27. Aki vt nan okluha ka svbbak fohkishke: yohmi ka Ushi ya hatak nana kia ik ithano ho, amba Iki ak banoshke; mikma Iki g hatak nana kia ik ithano ho, Ushi ak illa, micha Ushi ak osh kvna ho im otvnichi hok mak bano hoke.

28. Toksvlit ahantvt hoyvbli, micha shapoh i weki puta hvchia mtv, momvt hvs svm ai vla na hvchi fohvchi lashke.

29. Um ikonla abana yak o isht hvsh il abanali cha, vno ak o hvs svm ai ithvnashke: vno ak osh chukvsh yohbi, micha chukvsh akanlosi aiena sia hoka: yohmik mak osh hvchi shilombish puta a foha hi g hvsh ahayucha he mak oke.

30. Um ikonla abana ya il abanali ka im vllhpiesa, micha g shapoh hvv shohvla hoke, im achi tok.

CHAPTA XII.

Nan im ai ithvna vhleha hash osh nitak hullo yo onush g hlehlit vpa tuk a, vllhpesa, Chisvs vt im ahni, 1. 9 Chisvs vt ibbak bvshi yatuk g achukmali tuk o, Falisi vhleha hvv vbi bvna. 22 Shilombish okpulo ai i foka tuk g Chisvs vt hlakofichi; 31 mihmvt Shilombish Holitopa ya ik ahobalot anumpuli kvv i kashofa he keyu miha. 38 Falasi vhleha hvv Klaist g nan-isht-atokowa im a hoyo. 46 Kvna hosh Klaist a i kanomi hoka isht annoa.

1. NITAK ymma foka ma Chisvs vt nitak hullo nitak o osapa hlopullit aya ma, nan im ai ithvna vhleha hvt hohchvfo hatuk osh, onush a hlehli cha, vpvv ishtia tok.

2. Yohmi kia Falisi vhleha hvt pisa mvt, Yakeh! nana ka nitak hullo nitak a a yohma he vhpesa keyu ka, na chim ai ithvna vhleha hvt yohmishke, im achi tok.

3. Yohmi kia ymmak ash osh, Lewi micha apehvt aya tok aiena kvv hohchvfo mvt, kaniohmi tok,

4. Chihowa im aboha hatuk a ont chukowa cha, pvvka otrni ymmak oka ilap vt, micha apehvt aya tok aiena kvv vpa he ai im vhpesa keyu, amba naholitompa isht a sha ak illa hatuk a vpa tok a, holisso ha hvch ik ai it im anumpulo chatuk oh cho?

5. Ymmak keyukmvt na-holitompa isht a sha vhleha hvt nitak hullo nitak puta ma tempel anukaka ya nitak hullo a kobahfi kvv ashvchi ha tok keyu ka vba nan vhpisa holisso ha hvch ik ai it im anumpulo chatuk oh cho?

6. Yohmi kia, Achvfa hosh tempel a imaiya kvv ilvppa anta hoke, hvchim achi lishke.

7. Yohmi kia, Vba isht-aiokpvchi ya ak ahnincho, amba nan i nukhaklo ak o ai okpanchi li hoke, achi ilvppak osh nana ho miha hatuk a hvsh akostininchi hatuk okmvt, ashvchi keyu ka anumpa hvsh onocha he tuk keyu chishke.

8. Hatak Ushi yvt nitak hullo ak kia in Chitokaka ak inli hoka, im achi tok.

9. Michi ymmak ash vtvv ia mvt, ymma i sinakak ak o ont chukowa tok.

10. Yohmi ma hatak vt ibbak shulla yosh a sha tok. Yohmi ma ilvppak ash o nan vhpisa onocha chi hosh okla im ponaklot, Nitak hullo nitak a na hlakoficha he vhpesa cho? achi tok.

11. Yohmi ma ymmak ash osh, Hatak hvchi katima kak osh chukvhlhpoba yvt achvfa hosh im anta tuk vt, nitak hullo nitak o yakni kula pit itula ka, pit halvllit ik kohcho ka hinla cho?

12. Yohmi ka hatak vt holitopa kvv chukvhlhpoba ya katiohmi ho isht i shahli ho? Yohmi hoka nitak hullo

nitak ɔ nana achukma ka yohma he vhpesa hoke, im achi tok.

13. Yohmi mvt hatak ash ɔ, Chibbak ɔ chisemochi, im achi tok. Mihma chisemochi tok: yohmi ma falamvt achukmvt taha mvt, in twnvvp akinli hɔ chohmi tok.

14. Yohmi ma Falisi vhleha hvt kocha wiha mvt, kani-mihchit vba he vt isht it im anumpulit maya tok.

15. Yohmi kia Chisvs vt ilvppa akostininchi mvt, yvm-mak ash a kohchvt kvnia tok: mihma okla chito hvt iakaiya ma, yvmmak ash ɔ mominchit hlakofichi tok.

16. Yohmi mvt ilap ɔ okla ik otvnincho ka hi ɔ kvllochit i miha tok.

17, 18. Yohmi ma, hopaii Esaias vt anumpohonli mvt, An tishu hano ai atokoli li tuk ɔ holutopa, sa shilombish vt isht ai yukpa fehna ka ho pesá: ilvppak ɔ vmi Shilombish ɔ onochi likma, yvmmak osh Chentail okla hɔ vba nan vhpisa yɔ im otvnicha hi oke.

19. Yvmmak okvt ik it im paknokmvt, anonti ik tahpvlo ka he; mikma tvamaha ai itahoba puta ka im anumpa hɔ hatak nana kia a haiyakla he ɔ keyu ka he.

20. Kushak kushkoa kia ik tilohlecho ka he, mikmvt pvla i honnula lua shobulli ka ik mosholicho hosh, vba nan vhpisa yɔ fihimit isht imaiyachɔ he.

21. Yohmikma Chentail vhleha hvt yvma hohchifo hɔ anukchieta he, achi tok ɔ ont ai aighli tok mak oke.

22. Yvma foka ma achvfa hosh nan-isht ahullo okpulo ai i foka hosh lvpa, micha ik anumpolo aiena hɔ isht im vla tok: yohmi ma yvmmak ash ɔ hlakofichi na lvpa micha ik anumpolo aiena tuk vt anumpuli, micha pisa aiena tok.

23. Mihma okla hvt momvt nukhlakancha mvt, Ilvppvvt Lewi ushi ash keyu hɔ? achi tok.

24. Yohmi kia Falisi vhleha hvt haklo mvt, Hatak ilvppvvt nan-isht-ahullo okpulo a kocha weli hɔ keyu, amba nanisht-ahullo okpulo i miko Beelsebvb ak ɔ ishit kohchi hoke, achi tok.

25. Mihma okla im anukfila hɔ Chisvs vt akostininchi hatuk osh, Apehlichika puta kvv it a kashapvt ilap bika it i sanali hokvt, ont ai okpulo kvv taha chatuk: anonti tvamaha

chito, keyukmvt chuka puta kvv it a kashapvt ilap bika it i sanali hokvt, talaia he keyu hoke.

26. Yohmi hoka Setan osh Setan a kohchi hokmvt, ilap o inli il i sanali hoke; yohmi ka katiohmi hosh im apelihchika yvt talaia hinla cho?

27. Micha vno vt Beelsebub ak o nan-isht-ahullo okpulo a ishit kocha weli li hokma, kvta hak o hvchim vlla vt yvma ishit kocha weli chatuk oh cho? yohmi hoka yvmmak osh na hvchim apesa yashke.

28. Amba vno yvt nan-isht-ahullo okpulo a Chihowa imi Shilombish o ishit kocha weli li hokma, yohmi hokmvo Chihowa apelihchika yvt hvchim vla mak oke.

29. Keyukmvt katiohmi hosh achvfa kvv hatak hlampko in chuka ya ont chukowa cha, im ilayak a wehpula hinla? hatak hlampko ak o tikba takchi ha yo keyukmvt; amba yvmmak okmvo in chuka ya wehpula hinla hoke.

30. Kvna hosh vno a svbafohka keyu kvv, a sanali hoke; mikma kvna hosh svba hoyo keyukmvt, na fimmi yoke.

31. Yohmi hoka, Hatak vt nan im ai ashvchika il aiyuka moma, micha Chihowa ik ahobalot anumpuli moma kvv i kashofa he; amba Shilombish Holitopa yo ik ahobalot anumpuli tuk okvto hatak vt ik i kashofa ka hi oke.

32. Micha kvna hosh Hatak Ushi ak o na mihachit anumpuli tuk okvto i kashofa he: amba Shilombish Holitopa ak o na mihachit anumpuli tuk okvto yakni ilvppak inli, micha yakni inla mihinti aiena ka ai i kashofa he keyu hoke.

33. Iti vt achukma ho hvsh ikbi hokma, vni ak kia achukma he: keyukmvt iti vt okpulo yo hvsh ikbi hokma, vni ak kia okpula he: iti vt ilap vni ak inli ho isht otvni chatuk oka.

34. Sinti chilita isht-ai-unchululi hvchia ma! ai vllpiesa keyu hvchia kvv, katiohmi hosh nana achukma puta ka hvsh anumpula hinla cho? chukvsh a alotowak mak o, itih hvv kohchit miha chatuk oka.

35. Chukvsh anukaka ya na holitopa kvv gsha kak o, hatak achukma kvv nana achukma puta ka a yvmohmi chatuk: mikma chukvsh anukaka ya nana ik achukmo kvv gsha

kak o, hatak ik vlhpeso kv̄t nana ik achukmo puta ka a yvmohmi chatuk oke.

36. Yohmi kia anumpa ik vlhpeso puta hatak vt anum-puli tuk okmvt, nan vlhpisa nitak okvno yvmmak atuk **g** nan isht il anola hi oke, hvchim achi lishke.

37. Chishno chim anumpa atuk ak **o** isht chi ai vlhpiesa he: mikmvt chishno chim anumpa atuk ak **o** nan isht chim vlhpisa hi oke,

38. Yvmma foka ma na holissochi vhleha kaniohmi, 'mi-cha Falisi vhleha aiena kv̄t anumpuli mvt, Nan ithvnanchi ma! nan-isht-atokowa e chi pisa hinlvshke, achi tok.

39. Yohmi kia afalaminchi mvt, Nan ik vlhpieso, mi-cha haui aiena okla hash osh nan-isht atokowa ya okla hoyo: yohmi kia nan-isht-atokowa nana hosh in takala he keyu, amba hopaii Chonas nan-isht-im atokowa ak illa hi oke.

40. Chonas vt nitak tuchina micha ninak tuchina aiena h_o nvi chito ikfoka anukaka ya foka tok **g**; yvmmak inli h_o chohmit Hatak Ushi vt nitak tuchina micha ninak tuchina aiena h_o yakni chukvsh anukaka yatuk ma foyuka hi oke.

41. Nana vlhpisa chinto nitak okvno Ninefeh hatak vt okla ilvppa ai apihvt hiel cha, anumpa onocha hi oke; yvmmak okvt Chonas vt vbanumpa isht anumpohonli ma, okla ilekostoninchi tok okvt; atuk **o** Chonas **g** imaiya mak osh ilvppa ahantvshke.

42. Nana vlhpisa chinto nitak okvno oka mahli ohoyo miko vt okla ilvppa awant hikia cha, anumpa onocha hi oke: yvmmak okvt yakni ont ai vhli pilla minti kv̄t Solomon isht im a hopoyuksaka ya haklot aya tok okvt: yohmi tok **o** himak **g** Solomon **g** imaiya mak osh ilvppa ahantvshke.

43. Shilombish okpulo yvt hatak **g** akohchakmvt, afoha he hoyo kv̄t oka ik ai iksho puta ka hlopullit aya kia, ik ahayucho chatuk;

44. Yohmikmvt, An chuka ai vtta kohchvt a minti li kash osh falamvt ia lashke; achi tuk osh onakmvt, yvmmak

ash k_vna iksho h_o, pashpovt, shemvt taiyaha cha hikia h_o, ont pisa hoke.

45. Yohmikmvt shilombish okpulo untuklo inla yvt ilap a i shahli h_o ivt ont pehlichit vla ma, yvmmak ash okla pit abeha cha ai asha chatuk; yohmikma hatak yvmvt ont ishtaiyopi kak o okpulo kv_t vmmona tuk a i shahli chatuk oke. Yohmi ka yvmmak inli h_o okla nan ik vhpeso ilvpt chiyuhma chi hoke.

46. Okla h_a im anumpuli kv_t moma h_o, ishki micha itibapishi v_hleha aiena kv_t it im anumpuli bv_{nn}a hosh koche ya hinli tok.

47. Yohmi ma achvft, Yakeh! chishki micha ish itibapishi v_hleha aiena kv_t chit im anumpuli bv_{nn}a hosh koche ya hiohmavvshke, im achi tok.

48. Yohmi kia afalaminchi mvt, nan im anoli yash o, Hvshki ak osh kv_ta h_o? mikma itibapishi li v_hleha ak osh kv_ta hoh cho? im achi tok.

49. Mihmvt nan im aiithvna v_hleha aiasha ka imma yo ibak a pit weli mvt, Hvshki, micha itibapishi li v_hleha h_a pisá;

50. K_vna hosh Aki vba binili nan aiahni ka yvmohmikmvt, yvmmak osh itibapishi li, micha an tek, mikmvt hvshki aiena mak oke, achi tok.

CHAPTA XIII.

Na bokchi nan isht v_hlpisa; mikma nana a kaniohmi kak o Chisvs vt pan isht v_hlpisa h_o isht ithvnanchi, 1. 18 Na hokchi nan isht v_hlpisa h_o otnichi; 24 onush micha haiyukpulo ita tuklo ka isht v_hlpisa, 31 mvstvt nihi; 33 micha nan isht shatvmmichi ita tuklo ka nan isht v_hlpisa: micha na kaniohmi h_o Chisvs vt nan isht v_hlpisa bano h_o isht anumpohonli. 36 Onush micha haiyukpulo ita tuklo nan-isht v_hlpisa h_o otnichi; 44 na holutopa luma kv_t itu-yula, 45 micha nan chumpa, 47 mikmvt n_vni isht hokli aiena ka nan isht v_hlpisa; 53 Chisvs vt falamvt i yakni ak inli h_o ona tuk o, okla hv_t kanimanchi.

1. MIHMVT Chisvs vt nitak yvmmak inli ka aboha ya a kobchvt ia mvt, okhvta lalalika yo ont binili tok.

2. Yohmi ma okla laua fehna kv̄t ant im ai itahoba, yohmi ma peni yō pit chukowa cha binili tok; mihma okla laua yash osh momvt oka v̄hli h̄g hiohmaya tok.

3. Mihma nana laua ka nan isht apesa hosh isht im anumpohonli mvt, Inta! na hokchi vt na hokchit ia tok.

4. Atuk osh hokchi ma, na nihi kanimi kv̄t hina lapalika yō kaha tok; atuk o hushi puta kv̄t ant v̄pvt tahlī tok.

5. Kanimi kv̄t tv̄li foka yakni ḡsha fehna keyu h̄g kaha tok; atuk osh yakni vt i suko keyu hatuk okvt, chekosi fehna offo tok;

6. Atuk o hushi vt kohcha ma, anakshua tok; yohmi kv̄t hakshish vt ik im iksho hatuk okvt, bv̄shit taha tok.

7. Yohmi ma kanimi kv̄t kv̄ti foka yō kaha tok; atuk o kv̄ti vt offo mvt, olv̄bbit ishi tok.

8. Amba inla ka yvt o yakni achukma h̄g kaha: yohmi tuk mvt achv̄fa tuk kia kanimi kv̄t tahlepa achv̄fa; kanimi kv̄t pokoli hanali; kanimi kv̄t pokoli tuchina aiena h̄g v̄nit waya tok oke.

9. Kv̄na hosh isht h̄aponakla he haksobish vt i hinlikmvt, haklashke, achi tok.

10. Mihma nan im ai ithv̄na v̄hleha hv̄t im ai ona mvt, Nanta katiohmi h̄g nan isht v̄lhpisa h̄g isht ish im anum-puli cho? im achi tok.

11. Mihma afalaminchi mvt, Hv̄chishno yokv̄to nan ik otano v̄ba apelihchika ahalaya puta ka hv̄sh ithana hi okvt hv̄chim v̄lhpisa ha tok; amba yummak okv̄to im v̄lhpisa keyu hoka.

12. Kv̄na hosh ishikma, mihi yō ima he; mikma in laua kv̄t i shahla hi oke: amba kv̄na hosh ishi keyuk mv̄no, ishi tuk ash kia im ai isha hi oka.

13. Okla pih̄isa hokak osh, pisa keyu; mikmvt hahgklo hokak osh, haklo keyu; micha akostininchi keyu aiena hatuk; yohmi kak o nan isht v̄lhpisa h̄g isht im anum-puli li hoke.

14. Mihma Esaias vt nana tikbanli anoli kv̄t, Hahgklo hokv̄no hv̄sh haklo kia, hv̄ch ik akostinincho ka he; mikmvt pih̄isa hokv̄no hv̄sh pisa kia, hv̄ch ik ithano ka he.

15. Okla ilvppa chukvsh atuk mvt nivt taiyaha, mihma haksobish q isht haponahaklo kvv in takobi mvt, nishkin atak ma okla okhishtvshke; yvmmak keyukmvt nitak kani-ohmi kia nishkin atuk ma isht pisvt, haksobish q isht haklo cha, chukvsh ma isht akostininchit ilekostininchi na hlakofehi la hinla kak o, yohmi achi tok q okla ilvppak o ont isht aighli hoke.

16. Amba hvchi nishkin okvto pisa; mikma hvchi haksobish atuk mvt haklo aiena hokvt na yukpvshke.

17. Ahli mak o hvchi miha lishke, Hopaii yvt lgwa, micha hatak hochukma aiena kvv nana hvsh pisa ka pisa bvna tok kia, okla ik peso tok; micha nana hvsh haklo ka haklo bvna tok kia, ik haklo tok oke, achi tok.

18. Yohmi hoka na hokchi isht ulhpisa hatuk ma hvsh hakleshke.

19. Kvna kia apelihika isht anumpa hq haklo cha, ik akostinincho, yohmik ma nan okpulo yosh vlvv, chukvsh anukaka nana im a holokchi tuk ash yichiffit ishit kanchi chatuk. Ilvppak osh hina lapalika yo na nihi ai ishi tok mak oke.

20. Amba tvli foka yo na nihi ai ishi tok okvto vba anumpa hq haklo mvt, na yukvot ashaliika ishi kak oke.

21. Yohmi kia hakshish vt im a toba keyu hatuk osh, imoma na hopaji keyu chatuk; vba anumpa pulla hatuk mak o isht issikkopali, micha isht hofahyali aienakma, chekosi mak inli ho ibetvbi chatuk.

22. Mikma kvv foka yo na nihi ai ishi kak kia vbanumpa hq haklo kak oke; yohmi tuk o yakni ilvppak inli nana ai anushkunna, micha nan in lava bvna kvv isht ashvchi aiena kvv vbanumpa hatuk ma ai olvbbit ishi na ik vno toba kak oke.

23. Amba yakni achukma yo na nihi ai ishi vto vbanumpa hq haklo mvt, akostininchi kak oke: micha yvmmak ash osh vnikmvt, achvfa tuk kia kanimi kvv tablepa achvfa, kanimi kvv pokoli hannali, kanimi kvv pokoli tuchina, yohmi hosh isht waya hoke, achi tok.

24. Mihmvt nan-isht ulhpisa inla yo in takalichit yak

ahanchi mvt, Ūba apehlichī ka yvt hatak osh im osapa ya na nihi achukma hō hokchi tok a holba hoke.

25. Yohmi tuk kia hatak puta kv̄t nusi hosh maya takla ma, in t̄v̄v̄p vt v̄la cha, onush ash haiyukpulo yō ant a hokchichi cha, kv̄nia tok.

26. Yohmi tuk o offot vpi toba cha, waya ma, haiyukpulo ak kia otvni tok.

27. Yohmi ma chuka-chvfa pehlichī in tishu v̄hleha hash osh ona cha, P̄i shahli ma! na nihi achukma yō chim osapa ya ish a hokchi tok keyu hō? katiohmi hō anonti haiyukpulo vt ḡsha cho? im achi tok.

28. Mihma, T̄v̄v̄p osh il̄v̄ppa yv̄mihechi tok, im achi ma; tishu v̄hleha hash osh, Yohmi ka ivt yv̄mmak atuk ma ont aiort il itahoba hi a, ish ahni cho? im achi tok.

29. Yohmi kia yv̄mmak ash osh, Keyu; yv̄mmak keyukma haiyukpulo a aiort hv̄sh itahobi takla kv̄t, onush a aieninchit hv̄sh lobba hinla hoke.

30. Itap̄ihvt hiohm̄yvt av̄v̄sha onashke: atuk o av̄v̄sha onak mak o na-bv̄shli v̄hleha h̄g, Haiyukpulo ak o t̄ikba aiort itahobit hv̄sh sitohli cha, hv̄sh hukmashke; yohmik-mvt onush ak okv̄no a kanchak ak o pit hv̄sh ai itahobashke, im achi lashke, achi tok.

31. Nan-isht v̄lhpisa inla yō in takalichi mvt, Ūba apehlichika yvt mv̄stv̄t nihi achvfa hō hatak vt ishi cha, im osapa ya hokchi tok a holba;

32. Yv̄mmak okvt iskitini kv̄t na nihi moma ka ik lauwo ho mv̄hli; yohmi kia offot hofantikmvt, haiyukpulo puta ka moma imaiya cha, iti o toba; yohmi na vba hushi puta kv̄t naksish atuk ma ant a binohli chatuk oke, achi tok.

33. Anonti nan isht v̄lhpisa inla yō isht im anumpuli mvt, Ūba apehlichika yvt pv̄ska shatv̄mmichi yō ohoyo hv̄t ishi cha, tanchi pushi v̄lhpisa tuchina hō ibafohki tuk o, momvt shatv̄m̄mi tuk a, holba hoke, achi tok.

34. Il̄v̄ppa puta ka nan isht v̄lhpisa bano hō Chisv̄s vt okla laua yatuk ma isht im anumpohonli tok.

35. Hopai vt anumpuli mvt, Nan-isht v̄lhpisa hō sv̄tih h̄g isht anumpohonli lashke; yakni toba tok taiyakla ka na lu-

ma gsha chatuk puta ka anohonli lashke, achi tok a ont aighla chi ka, nan-isht vlpisa ho keyukma im anumpuli tok keyushke.

36. Yohmi mvt Chisvs vt okla laua ya kanompit tihleli mvt, aboha ont chukowa tok; mihma nan im ai ithvna vhleha hvt im ai ona mvt, Haiyukpulo osapa anuka gsha tok nan-isht vlpisa ka achukmalit ish pim anolashke.

37. Mihma afalaminchi mvt, Na nihi achukma yo hokchi kvt Hatak Ushi ak oke.

38. Osapa vt yakni moma kak oke: nihi achukma yvt vba apelhichika im vlla ak oke; amba haiyukpulo vto nan okpulo im vlla ak oke.

39. Tvnp vt yvma hokchi tok vt Setan ak oke: avvsha ona kvt yakni ont im ishtaiyopi kak a he; mikma na bvshli vhleha hvt enchil vhleha ak oke.

40. Yohmi ka haiyukpulo yvt itahoba cha, luak isht holokmi chatuk a, yakni ilvppvt ont im ishtaiyopikmvt, yvmak inli ho chiyuhma hi oke.

41. Hatak Ushi vt im enchil vhleha hg atohonokma, na yoshubi, micha nan ik vlpeso yohmi vhleha aiena ka mominchit im apelhichika atuk ma ai ishit kocha wela he;

42. Mikmvt yvmak atuk ma tvli a bila luak chinto ho pit ai ashacha he: yohmikma yaiya micha noti ahampa aiena hosh yvmak oka aiasha hi oke.

43. Yohmikma hopoyuksa vhleha hokvt shohpakali kvt, hvshi ak o chiyuhmi hosh iki im apelhichika atuk ma aiasha hi oke. Kona hosh isht haponakla he haksobish vt i hinlikmvt, haklashke.

44. Anonti, Uba apelhichika yvt na holitempa luma hosh osapa anuka itonla tuk o, hatak vt yvmak ash o ahayuchi cha, luhmi mvt, na yukpa fehna hatuk osh ia mvt, nana im gsha tuk vt mominchit kanchi cha, osapa yvmak ash o chumpa kak o chohmi hoke.

45, 46. Anonti, Uba apelhichika yvt hatak nan chumpa yoch tvli holitempa hochukma hoyot ahanta; yohmi tuk osh tvli holitempa achvfa kvt vltoba chinto ahayuchi mvt, ivt

nana im gsha tuk vt mominchit ont kanchi cha, chumpa kak o chohmi hoke.

47. Anonti, Uba apelihchika yvt nuni-isht hokli yo okhvta okvchi na ilaiyuka puta pehli ;

48. Atuk o alota ma, okla halvllit oka vhli isht ona mvt, aka binohli cha, hochukma ka aiout nan aivbeha pit apitta mvt, amba okpulo yvno kampila kak o chohmi hoke.

49. Yakni vt ont im ishtaiyopikma yvmmak inli ho chiyuhma he; enchil vhleha hvv kohchvt ayakmvt, hatak haksi vhleha hvv hopoyuksa vhleha ha ibvlhto tuk a filamohlichha he :

50. Mikmvt yvmmak ash o tvli a bila luak chito ka pit ito-ashacha he ; yohmikma yahaya, micha noti ahampa aiena hosh yvmmak oka aiasha hi oke, im achi tok.

51. Mihmvt Chisvs ash osh, Ilvppa puta ka mominchit hvsh akostininchi cho? im achi ma, Yau, Chitokaka ma! okla im achi tok. .

52. Yohmi ma, Na holissochi aiyuka vba apelihchika isht im vlvvchi kvv, hatak chuka-chvfa pehlichhi yosh nan im aiasha ya nana kvv himona, micha hopaki aiena ho ai ishit kohchi ka chomi hoke, im achi tok.

53. Atuk o yakohmi tok ; Chisvs vt nan isht vlvpisa ilvppa puta ka ont taiyali mvt, kohchvt ia tok.

54. Atuk osh ilap i yakni ak inli ka vla mvt, i sinakak a nan ai im abahanchi ; yohmi ma okla nukhlakancha mvt, Hatak ilvppvt nan ithana, micha na fehna aiena ka yvmihchi kvv, katimak o ai im vlhtaha tok oh cho ?

55. Ilvppvt chuka ikbi ya ushi keyu ? ishki vt Meli hohchifo keyu ? mikma itibapishi vhleha mvt Chemis, micha Choses, mikmvt Saimon micha Chutas aiena kak keyu ?

56. Mihma in tek vhleha hvv momvt hvpi takla maya keyu ? Yohmi ka hatak ilvppvt katimak o nan ilvppa mo-ma ka ai im vlhtaha tok oh cho ? achi tok.

57. Mihmvt yvmmak ash o okla isht ai ibetvbli tok. Yohmi kia Chisvs vt, Hopaii vt ik hovitopo keyu hosh ahanta kia, ilap i yakni ak inli, micha ilap in chuka kak illa hoh chatuk oke, im achi tok.

58. Yohmi mət okla nan ik j yimmo hatuk mak o yvm-mak atuk ma na fehna ka lauachit a yvmihchi tok keyushke.

CHAPTA XIV.

Chan Baptist vt nan ai ahli fehna hatuk osh Helot g nan j miha hosh aboha kvllo pit fohka, 1, 3 micha noshkobo tupa tok. 18 Chisvs vt praka lumbo tahlapi, micha neni tuklo aiena hq hatak tahlepa sipokni tahlapi hq ipeta tok. 23 Chisvs vt vba pit anumpula chi hosh neni chaha pit oiya; atuk osh ninak g mahli fehna ma ok-heta paknaka a nowvt nan im ai ithvna vhleha hq im ia; micha Pita yvt oka kvnia he tuk g okchalinchi. 34 Chisvs vt Kenesalet ona mvt, abeka puta tuk g hlakofichi.

1. **YOHMI** ma nitak yvma foka ma, miko Helot vt Chisvs vt annohwa ka, haklo tok.

2. Mihmvt in tishu vhleha hash o, Ilvppvt Chan Baptist mak oke; illi tuk vt falamvt tanishke: yohmi hatuk o na fehna puta kvv yvmmak atuk ma ai isht il otvnihinchishke, im achi tok.

3. Helot vt itibapishi Filip g tekchi Helotias ak atuk pulla mak o, Chan g hoklit, ishit takchi cha, aboha kvllo yg fohki tuk a tok.

4. Chan vt, Yvmmak oka ish itauwaya he chim vhpesa keyushke, im achi hatuk o.

5. Yohmi kak o yvma vbi bonna kia, okla laua yak o j nukshopa tok: yvmmak oka hopaii, okla ahni hatuk oka.

6. Yohmi tuk kia Helot vt ai vta tok nitak g holioblit maya ma, Helotias ushetik vt itikba yg a hihla ma, Helot vt yukpa tok.

7. Yohmi kak osh anumpa kvllo isht ai il onochi hosh nana hq asilhha hokma, ima hi vt miha tok.

8. Mihma ishki vt tikbanli j miha hatuk oka, Chan Baptist noshkobo vt amphvta chito fohka hq, ilvppak fehna ant is si ai vmashke, achi tok.

9. Mihma miko vt nukhaklo tok; yohmi nana kia anumpa kvllo atuk pulla, micha okla ibai-impvt maya tuk aiena hatuk mak o, yvmmak atuk ma ima hi g apesa tok.

10. Micha pit atohno na aboha kvllo anukaka yak o Chan noshkobo ya a túbli tok.

11. Mihma yvmma noshkobo hvt amphvta chito fohka hō isht vla cha, ohoyo himita yash ima tok ; mihma yvmmak ash osh ishki a isht im ona tok.

12. Yohmi ma nan im ai ithvna vhleha hvt haknip a ont ishi cha, hohpi mvt, ivt Chisvs a ont im anoli tok.

13. Chisvs ash osh haklo mvt, nan im ai ithvna vhleha bano hō ai itapihvt yvmma vttvt ia kv, peni vltot yakni haiaka yo ilhkoli tok ; atuk o okla hvt yvmmak ash haklo mvt, aka itvnowa hosh tvnaha puta ka ashvt okla pit iakai-ya tok.

14. Atuk o Chisvs vt kohcha cha, okla laua ya pisa mvt, i nukhaklo fehna cha, abeka im gsha tuk a hlakofichi tok.

15. Atuk o opivt taha ma, nan im ai ithvna vhleha hash osh im ai vla mvt, Ilvppak okvt yakni haiaka yoke ; mikma himak a shobā hosit tahvshke ; okla laua ya pit ish tihleli na tvmahushi taloha ka ilhpak vpa chí kv okla a chumpashke, achi tok.

16. Yohmi kia Chisvs ash osh, Okla ik aiyo mak kia, impa chí ka hvsh ipetashke.

17. Yohmi ma, Pvska tahlapi, micha nvni tuklo aiena illa hosh ilvppa pim ashvshke, okla im achi tok.

18. Mihma, Ilvppak o isht oh vm vlá, achi tok.

19. Mihmvt okla laua yvt aka hvshuk ai om binohla chí ka apesa tok ; mihmvt pvska tahlapi cha nvni tuklo aiena kash o ishi cha, vba pit vba-chakali mvt, ai okpvchi cha tushahlichit, pvska yash o nan im ai ithvna vhleha hā ima na nan im ai ithvna vhleha hash osh okla laua ya pit ipeta tok.

20. Mihma okla momvt impvt kaiya tok ; mihma boshulli atampvt gsha ka kishi alota auah-tuklo hō okla ishi tok.

21. Yohmi ka okla impa tuk vt, ohoyo vlla aiena kvto gsha hō, hatak tahlepa sipokni tahlapi foka tok.

22. Yohmi ma mih mak inli hō Chisvs vt ilapvt okla laua ya tishelichi taklakma, nan im ai ithvna vhleha hvt peni pit abcha cha, tikba misha tvnvp a ilhkola chí ka i miha tok.

23. Micha okla laua yash tishelichit tahli mvt, vba pit anumpula chi hosh ilap illvt nunih chaha yo pit oiya tok: atuk osh opirt taha ma ilap bano hosh yvma anta tok.

24. Amba peni vto okhva iklvna ya, mahli ak osh a sanali hatuk o, oka banvtha ka takakanlit aya tok.

25. Atuk o ninak isht vhpisa ont isht ai ushtak fehna, Chisvs vt okhva ha a nowvt ayvt im ona tok.

26. Mihma okhva a nohovvt aya na nan im ai ithva vtheha hvt pit pisvt, komunta mvt, Shilup oke, achi tok; mihmvt nukshopa cha, tahpva tok.

27. Yohmi kia Chisvs ash osh ashalinka pit im anumpulit, Hvchi nuktanla achukmashke; vno ash sia hoke; ik hvchi nukshopo kashke, achi tok.

28. Mihma Pita yvt afalaminchi mvt, Chitokaka ma! chishno ash chia hokmvt, oka ya a nowvt mayvt chim ona la hi a is sa mihashke, im achi tok.

29. Mihma, Minti, achi tok. Yohmi ma Pita yvt peni ash pit akowa mvt, oka ya a nowvt Chisvs a im ia tok.

30. Yohmi tuk kia mahli hvt kvllo fehna ho pisa mvt, nukshopa tok; micha oka kvnvt ishtia mvt, tahpvlvt, Chitokaka ma! si okchalinchí, achi tok.

31. Yohmi ma Chisvs vt ashalika ibbak a pit welit halvli mvt, Na yimmi fehna keyu chia ma! nanta katiohmi ho chi anuktuklo tuk oh cho! im achi tok.

32. Atuk o peni a ant vlhto ma, mahli hvt yokopa tok.

33. Yohmi ma peni anukaka maya tuk ash osh yvmak oka ant aiokpahanchi mvt, Chishno ak osh Chihowa Ushi a chia ho mchlshke, achi tok.

34. Atuk o yvmak ash o hlopulli mvt, Kenesalet yakni o okla ona tok.

35. Yohmi ma hatak yvma a sha tuk vt yvmak ash o akostininchi mvt, inla tohnot yakni yvma fullota ka mominchit pit tihleli na abeka yatuk vt momvt ai im ona tok.

36. Mihma im anchi aposhokvchi ak illa kia okla potola hinla ka im asilhha tok; yohmi ma laua kvv katiohmi hosh potoli tuk okvt hlakofi aighli tok.

CHAPTER XV.

Chisvs vt na holissochi vhleha micha Falisi vhleha aiena kv̄t anumpa kochanli ī nan v̄lhpisa puta kak ō ahninchī kv̄t, Chihowa ī nan v̄lhpisa puta ka ī shahlichī ka nan ī miha tok, 1: 11 micha nana puta nana hosh hatak ḡ okpaiyani kv̄t ḡsha ka anoli. 21 Chisvs vt Kenan ohoyo hō ushetik ḡ hlakofichi, 30 micha okla laua kv̄t im ona na hlakofihinchi tok; 32 micha pvska lumbo untuklo, micha n̄ni chipunta kanomosi aiena hō hatak tahlepa sipokni ushta ka ipeta.

1. YUMOHI ma na holissochi vhleha, micha Falisi vhleha aiena kv̄t, Chelusalem minti hosh Chisvs ḡ im ai vla mvt,

2. Nanta katiohmi hō na chim ai ithvna vhleha hv̄t hatak tikba vhleha anumpa kochanli isht ī nana v̄lhpisa ha tok ḡ kobvffi cho? okla ibbak achifa keyu hosh pvska vpa kv̄t, achi tok,

3. Yohmi kia yvmmak ash osh afalaminchi mvt, Nanta katiohmi hō hv̄chishno mvt, Chihowa ī nan v̄lhpisa yā anumpa kochanli chī nana v̄lhpisa ka isht hv̄sh kobvffi cho?

4. Chihowa yvt apihisa kv̄t, Chīki micha chishki aiena ka ish holitoblashke; yohmikma, Kv̄na hosh īki okmá, keyukmvt ishki okmá, nana hō na mihachikmvt, illi mak ō illashke, achi tok oka.

5. Amba hv̄chishno vt, Kv̄na kia īki, keyukmvt ishki okma nana kash ō vm isht ish aiyukpa he tuk ḡ, Uba-isht aiokpv̄chi oke, im achi: yohmi cha īki okmá, ishki okmá, nana ka ik holitoblo kia nan ik ī kanihmo ka hi oke, hv̄sh achi.

6. Yohmi hosh Chihowa ī nana v̄lhpisa yā anumpa kochanli chī nana v̄lhpisa yā isht hv̄sh ai okpv̄nichishke.

7. Nan-ilahobi hv̄chia ma! Esias vt tikbanli nan isht hv̄chi anohonli hosh,

8. Okla ilv̄pvt itih hokvno ḡ bilikasi isht vla mvt, itiv̄lbi ma ishit sa holitoblishke; yohmi kia chukvsh okvto auet ḡ hopakishke.

9. Nana abvchi kv̄t hatak ī nana v̄lhpisa yō ithananchi hokvt, nana v̄lhpesa keyut okla si aiokpahanchishke, achi tok, im achi tok.

10. Yohmi mvt okla laua yash ō itahobi cha, Haklot, hv̄sh ithaiyanashke ;

11. Nana kv̄t itih h̄ pit chukowa kak osh hatak ā okp̄ni hō keyu : amba nana hv̄t itih h̄ a kohcha, ilvppak osh hatak ā okp̄ni hoke, im achi tok.

12. Yohmi ma nan im ai itvna v̄hleha hash osh im ai ona cha, Falisi v̄hleha hv̄t anumpa ilvppa haklot issa mvt, ik im v̄lhpieso tuk ā ish akostininchi cho ? achi tok.

13. Yohmi kia yvm̄mak ash osh afalaminchi mvt, Na holokchi moma kv̄t Aki v̄ba binili hosh hokchi tok keyu hokvno, tehvt taha hi oke.

14. Ant ik maya, l̄pa yosh l̄pa pehlichī okla hoke : yohmi ka l̄pa yosh l̄pa yā ilauei kv̄t tuklot yakni kula yā pit kaha hi bano hoke, achi tok.

15. Yohmi ma Pita yvt afalaminchi mvt, Nan isht v̄lhpisa ilvppa achukmalit pim anolī, achi tok.

16. Mihma Chisvs ash osh, Hv̄chishno ak kia nana ik akostinincho kv̄t hv̄chi moma hato ?

17. Nana kv̄t itih h̄ fohka cha ia kv̄t takoba yā ont fohka tuk osh, anonti ont kohcha chatuk ā, hv̄ch ik akostinincho moma cho ?

18. Amba nana puta kv̄t itih h̄ akohcha hokvto chukvsh ak ō a minti ; micha yvm̄mak osh hatak ā okp̄ni chatuk oke.

19. Chukvsh ak ō im anukfila okpulo puta, hatak b̄ka v̄bi, hv̄ni toba, ohoyo ik im iksho micha hatak ik im iksho it ī lumaka puta, hukopa, anumpa ik āhlo isht atokoli, Chihowa ik ahobalot anumpuli puta kv̄t a toba hoka.

20. Ilvppa puta kak osh hatak ā okp̄ni hoke ; amba ibbak ik ahchifo yō isht impa hokvno hatak ā okp̄ni keyu hoke, achi tok.

21. Yohmi ma Chisvs vt yvm̄mak ash v̄ttvt ia mvt, Taia micha Saiton aiena yakni ī kaniohmi hō ona tok.

22. Mihma Kenan ohoyo hosh yvm̄mak inli hō v̄ttvt aya

tuk vt vla cha in tahpvla mvt, Chitokaka Lewi ushi chia ma! is sa nukh^haklashke; svso-tek vt nan-isht-ahullo okpulo ai i foka isht issikkopa fehna hoke, achi tok.

23. Yohmi kia ilap vt anumpa achvfa kia isht ik im afalamincho ki tok. Yohmi ma nan im ai ithvna vhleha hash osh ona cha, Tahpvltv hvp iakaiya ka, kanompit ish chvffi-chashke, achit im asilhha tok.

24. Yohmi kia yvmmak ash osh afalaminchi mvt, Inla yokvno im aya li ha tok keyu; amba chukfvhlpoba tvmoa Israel in chuka-chvfa ak a tok oke, achi tok.

25. Yohmi ma ohoyo hash osh mintit ant aiokpvchi mvt, Chitokaka ma! si apelvchi, achi tok.

26. Yohmi kia afalaminchi mvt, Ulla im pvska ya ishi cha, ofi puta ka pit ipeta he vhpesa keyu hoke, achi tok.

27. Mihma yvmmak ash osh, Ahlishke, Chitokaka ma! yohmi kia ofi puta kvv boshulli osh im pushnayo im ai-impa a chilofa kvno vpa hoke, achi tok.

28. Yohmi ma Chisvs vt afalaminchi mvt, Ohoyo ma! na chi yimmi kvv chintoshke; chishno ish ai ahni tuk fehna mak o chim ai yvmohmashke, im achi tok. Mihma hvshi kanvlli vhpisa yvmmak fehna hq ushetik atuk vt hlakofi tok.

29. Yohmi ma Chisvs vt yvmmak ash vtvt ia mvt, Kalili okhvta bilika yo ona tok; mihmvt nvnih chaha yo pit oiya cha, yvmmak o binili tok.

30. Mihma okla chinto fehna kvv hanali okpulo, ik hoponayo, ik anumpolo, imomokpulo puta, mikmvt inla mvt laua hq il ai ishit im ai ona mvt, Chisvs iyi ituma ya ont ashachi tok; mihma yvmmak ash o hlakofichi tok.

31. Yohmi na okla laua kvv, ik anumpolo atuk vt anum-puli, imomokpulo atuk vt hlakofi, hanali okpulo atuk vt nowa, ik hoponayo atuk vt pisa aiena hq okla pisa mvt, nukhlakancha tok; micha Israel in Chihowa ak o okla aiokpahanchi tok.

32. Yohmi ma Chisvs vt nan im ai ithvna vhleha hash o hoyo cha, Okla laua si apehvt maya na himak nitak tuchina ka nana vpa hi vt ik im iksho hatuk o, i sa nukh^hakloshke; yohmi hatuk osh nan ik po moma hokvno tishelichi la he

keyu, yemmak keyukma takla ya okla tikamba hinla hoka, im achi tok.

33. Mihma nan im ai ithvna vhleha hash osh, Yakni haiaka ya katimak o pvska laua ka il ahayuchi na okla chinto yohmi fehna kv̄t kaiya hinla cho? im achi tok.

34. Mihma Chisvs ash osh, Pvska yvt katohmi hō hvsh ishi hō? im achi tok. Mihma, Untuklo, micha n̄ni chi-punta kanomosi hosh aiena, im achi tok.

35. Yohmi ma okla laua yvt aka binohla hi a apesa tok.

36. Mihm̄t pvska untuklo, micha n̄ni aiena kash o ishi cha, vba isht aiokpv̄chi mvt, tushtoli cha, nan im ai ithvna vhleha h̄g ima na nan im ai ithvna vhleha hash osh okla laua ya ipeta tok.

37. Mihma momvt okla imvt, kaiya tok: mihma bo-shulli atampvt āsha ka kishi alota untuklo hō okla ishi tok.

38. Mihma okla impa tuk vt, ohoyo vlla aiena hokvto āsha hō, hatak tahlepa sipokni ushta tok.

39. Mihma okla laua yash o tishelichi mvt, peni fohka cha, vt̄ Maktala yakni a ona tok.

CHAPTA XVI.

Falisi vhleha hv̄t, Chisvs vt nan isht atokowa ya vba ya ai im otvni-cha hi a ahni, 1; 6 micha nan im ai ithvna vhleha hv̄t, Falisi vhleha hv̄t nana ithv̄nanchi ka ī nuktāhv̄t ahah! ahna he ī miha tok. 13 Pita yvt Chisvs ā Chihova okchaya Ushi, aiahnit yimmi kv̄t miha. 21 Chisvs vt iti-taiyukhvna ai illa he, atuk mvt nitak out atochinakma falamvt tana he aiena kv̄t tikbanli anoli; 24 anont̄i Chisvs ā im antia vhleha hv̄t okla ile kaiyanchi, mikmvt tikba na yukpa ai im vltoba he takanli kak o isht ai ilbvsha he mak o achi.

1. **F**ALISI vhleha micha Satusi okla aiena kv̄t ai v̄la cha, yemmak ash o imomaka pisa hosh nan isht atokowa ya vba ya auet ai im otvni-cha hinla ka, im ahni tok.

2. Mihma afalaminchi mvt opiaka yokma, Shutik vt humma hoka, kocha yvt achukma chishke, hvsh achi.

3. Mikmvt onnahinli yokma, Shutik vt humma cha hosh-

ontichi fehna hokvt, kocha yvt okpula chishke, hvsh achi. Nan ilahobi hvchia ma! shutik pisa yosh kaniohmi hokvno hvsh akostininchi kv, anonti himak nitak isht ai vlpisa kvno hvch ik akostinincho ka hinla cho?

4. Hatak haksi micha havi aiena okla ash osh nan isht atokowa ya pisa ka ahnishke: yohmi kia nan-isht atokowa nana hosh im otvna he keyu; amba hopai Chonas a nan-isht im atokowa kak illa hi oke, im achi tok. Mihmvt yvmmak ash o isvt ia tok.

5. Atuk o nan im ai ithvna vhleha hv misha in tvnvt a ona mv, pvska okla isha he tuk vt imihaksi tuk a tok.

6. Yohmi ma Chisvs ash osh, Falisi vhleha, micha Satusi vhleha aiena im pvska isht-shatvmmi ya i nuktahlvt ahah! hvsh aiahnashke, im achi tok.

7. Yohmi ma yvmmak ash osh, Pvska kil esho kak oka, achit ilap bika it im anumpulit maya tok.

8. Mihma Chisvs vt yvmmak ash o akostininchi mv, Na yimmi fehna keyu hvchia ma! na katihmi ho pvska ya isht hvch ik ayo ke tuk ak osh isht it im anumpulit hvsh maya cho?

9, 10. Pvska tahlapi ho tahlepa sipokni tahlapi tuk a, kishi kanohmi ho hvsh ishi tok vt, micha pvska yvt untuklo ho, tahlepa sipokni ushta tuk a, kishi kanohmi ho hvsh ishi tok aiena kv; hvch ik ithanot hvch ik akostinincho moma ho?

11. Katihmi ho Falisi vhleha, micha Satusi vhleha aien. im pvska isht-shatvmmi ya ahah! hvsh aiahna he, yvmmvt pvska imma yo isht hvch im anumpuli li tuk keyu ka hvch ik akostinincho cho? im achi tok.

12. Yohmi ma pvska isht-shatvmmi hak o ahah! im ahna hi o i miha hatuk keyu; amba Falisi vhleha, mikmv Satusi vhleha aiena nan-isht ai ithvnanchi ak atuk a okla akostininchi tok.

13. Atuk o Chisvs vt Sesalea Fillippi yakni a ona mv, nan im ai ithvna vhleha im ponaklot, Hatak vto, Hatak Ushi sia ha, kvta ho si achi cho? achi tok.

14. Mihma, Kanimi kvto, Chan Baptist chia ho mihakma;

kanimi kvto, Elias; mikma inlaka yvto Chelemaias; keyuk-mvt hopaii a tok achvfona mak o chia ho miha hoke, achi tok.

15. Mihma, Amba hvchishno vto kvta ho hvs si achi cho? im achi tok.

16. Mihma Saimon Pita yvt afalaminchi mvt, Chihowa okchaya Ushi, Klaist chia mak oke, achi tok.

17. Mihma Chisvs vt afalaminchi mvt, Saimon Ba Chona chia hvv na chi yukpvshke: nipi micha issish aiena hosh yvmma chim otvnichi ho keyu hoka, amba Aki vba binili kak oke.

18. Yohmi ma anonti, Chishno vt Pita chia, yohmi ka tvli ileppak o an hvch atuk ma ai ikbit hilechi la hi oke: yohmikma aiokpuloka okhissa puta kvv yvmmak atuk ma ik imaiyacho ka he mak oke.

19. Michā vba apelihika ishit-tiwa puta ka chishno ak o chima lashke: mikma nana ho yakni paknaka ya ish a takchi hoka, vba yakni ma a talakcha he: mikmvt nana ho yakni paknaka ya ish ai i hotofi hoka vba yakni ma ai i hotofa he mak oke, chim achi li akinlishke, achi tok.

20. Yohmi mvt ilap ak osh Chisvs Klaist mak atuk a hatak nana kia okla ik im anolo ka hi a, nan im ai ithvna vhleha hash kvllochit i miha tok.

21. Nitak yvmma ai vhlit maya kak o Chisvs vt ilapvt Chelusalem a ona cha, hatak hochitoka vhleha, micha na holitompa isht asha pehlichi vhleha, na holissochi vhleha aiena ka nan isht im ai ilbvsha in laua he, micha illichi tuk ma, nitak ont atuchinakma falamvt tana he aiena ka nan im ai ithvna vhleha ha im anolit ishtia tok.

22. Yohmi ma Pita yvt ilauevit ishi cha, im alvmminchit ishtia mvt, Na yakohmi kvv chi mishemashke, Chitokaka ma! ileppak okvt a chi yvmohma he keyu hoke, achi tok.

23. Yohmi kia yvmmak ash osh filema mvt, Pita yash o, Setan chia hvv vm ashaka yo ish hikiashke; chishno ak osh is si ataklvmmichishke: nana kvv Chihowa ya ahalaya kak o ish ahninchī keyu, amba nana kvv hatak o ahalaya hok mak bano hoka, im achi tok.

24. Yohmi mut nitak yvmma foka ma Chisvs vt nan im ai ithvna vhleha hash o, Hatak nana hosh siakaiya bvna hokmut, ile kaiyanchi cha, im iti-taiyukhvna ya sholi hosh siakaiyashke.

25. Kvna kia ilap im ilhfiopak a okchalnchi bvna hokvto, i kvnia hi oke: yohmikma kvna kia vno pulla hatuk mak o im ilhfiopak vt isht i kvnia hoh kia, ahayucha hi oke.

26. Hatak vt yakni a ai ila mominchi hosh ahanta na ilap imi shilombish ash osh i kvnia hokma, nanta ho ai-isht il aiyukpa hinla cho? yvmmak keyukmut hatak vt nanta ak o ilap shilombish a isht atobba hinla cho?

27. Hatak Ushi vt enchil vhleha ha pehlichy cha, Iki isht aholitopaka ya il aieshi hosh aya hi oka; yohmikmak osh hatak moma ka ilap nana akaniohmi tok aiyuka mak o isht im atobba hi oke.

28. Ahli mak o hvchim achi lishke, Ilvppa hiohmaya kv kanimi kv ik illo hosh ahanta cha, Hatak Ushi vt im apehlichika il aieshit minti ka, pisa hi vt asha hoke, im achi tok.

CHAPTA XVII.

Chisvs vt inlv toba, micha Moses Elias ita tuklo kv im vla na it im anumpuli, 1. 14 Chisvs vt nvni chaha vtvt akowa mut, haiochichi tuk a hlakofichi; 22 micha illa he atuk mut falamvt tana he tikbanlit anoli. 24 Chisvs vt tvli holisso hoolitopa ka tempel a nan isht im ai atahla chi ho ima tok.

1. YUMOHMI tuk o nitak hannali ont ia ma, Chisvs vt Pita, Chemis, mikmut itibapishi Chan aiena ka ilap bano ho pehlichy cha, nvni chaha yo pit oiya tok.

2. Mihmut itikba ya ai inla tovt hikia tok; mihma nashuka yvt shohpakali kv hvshi ak o chiyuhmi ma, im anchi vt tohbi kv tommy hak o itilauy tok.

3. Yohmi ma Moses micha Elias itatuklo hosh yvmmak ash ant it im anumpuli hosh im otvni tok.

4. Yohmi ma, Pita yvt anumpuli mut, Chitokaka ma! ilvppa il asha kv pim achukmvshke; vlvpesa ish ahni hok-

ma, ilppa vltipo tuchina ka il ai ikbashke; achufa kv̄t chishno ak o chimmi hokma, anonti achufa kv̄t Moses ak o immi hokma, anonti achufa kv̄t Elias ak o immi hashke, Chisvs ḡ im achi tok

5. Yv̄mmvt anumpohonli moma ho, hoshonti tohbi kv̄t ant o hoshontikachi tok; mihma anumpa hoshontika auet a kocha kv̄t, Ilppak osh Svso ḡ holitopa yo, nan-isht a saf yukpa fehna hoke; hv̄sh i haponaklashke, achi tok.

6. Mihma nan ithvna vhleha hash osh haklo mv̄t, hlipvt kaha cha, okla nukshopa fehna tok.

7. Mihma Chisvs vt vltv̄t ant tebli mv̄t, Ho tani; ik hv̄chi nukshopa kashke, achi tok.

8. Yohmi ma okla vba chakali mv̄t, hatak nana kia ik peso, amba Chisvs ak illa tok.

9. Yv̄mohmi tuk o nv̄nih chaha ya asht akowvt okla minti ma, Chisvs vt yv̄mmak ash o nan i mihvt, Nana hv̄sh pisa tuk vt hatak nana kia hv̄ch ik im anolo mak o, Hatak Ushi vt illit falamvt tani hayashke, achi tok.

10. Mihma nan im ai ithana vhleha hv̄t im ponaklot, Yohmi ka katihmi ho na holissochi vhleha hv̄t, Elias ak osh tikba v̄la pulla he, okla achi v̄ho? achi tok.

11. Mihma Chisvs vt afalaminchi mv̄t, Elias ak osh tikba v̄la cha, nan oklv̄ha ka falaminchit achukmalit taiyahla he tuk o mv̄hli:

12. Yohmi ka Elias vt himonasi ak kia v̄la mashko hoke; mihma yv̄mma okla ik ithano cha, amba nana ho okla ahni tuk mv̄t, yv̄mmak atuk ma i yv̄mihchi tok; yohmi ka Hatak Ushi ak kia mih mak o, chiyuhmit im ai issikkopa chi hoke, hv̄chim achi lishke, achi tok.

13. Yohmi ma Chan Baptist ak o yv̄mmvt isht anumpuli hatuk ḡ nan ithvna vhleha hv̄t akostininchi tok.

14. Atuk`o okla laua aiasha kash vltv̄t taha ma, hatak achufa hosh im v̄la cha, ant i hv̄chukbihleptv̄t hikia mv̄t,

15. Chitokaka ma! svso h̄ḡ ish i nukhaklashke: yv̄mmak okvt haiochi atuk osh himonnḡ luak ḡ itatohonla fehna, mikmv̄t oka ma himonna oka itohonla fehna aiena hatuk osh issikkopa fehna hoke.

16. Yohmi hō nan chim aiithvna vhleha hā isht im vīa li tuk ā, okla hlakoficha he keyu tuk oke, achi tok.

17. Mihma Chisvs vt afalaminchi mvt, Na yimmi iksho, micha na shanaiya fehna okla hvchia ma! hvchi takla ahanta li katiohmi foka chī cho? nana ka isht ak hvchi ahno hō katiohmi foka chī cho? Ilvppak o isht hvs sv̄m vlashke, achi tok.

18. Mihmvt Chisvs vt nan-isht ahullo okpulo yā im av̄m-mi ma, yvmmak ash a kohcha tok; yohmi ma vīa yash osh hvshi kanvlli v̄hpisa mih makinli hō hlakofi tok.

19. Yvmohmi tuk o Chisvs vt ilap bano ma, nan ithvna vhleha hv̄t im ona cha, Katiohmi hō pishr̄o vto yv̄mma e kohcha he keyu tuk oh cho? achi tok.

20. Mihma Chisvs vt, Nan ik hvchi yimmo kak atuk oka; āhli mak o hvchim achi lishke: Na yimmi kv̄t mv̄stv̄t nihi achv̄fa yak o chohmi hosh hvchi nukfoka hatuk okmvt, nv̄nih chaha ilvppa, Ilvppak atuk ma a kanvllit yvmmak o ish onashke, hvsh im achi hoka, yvmv̄t kanvlla hinla hoke: mikma nana hosh hvchī na fehna hi vt iksho ka hinla hoke.

21. Yohmi kia ilvppa chohmi hokvt vba pit anumpuli, micha nahullochi aiena kak o keyukma kohcha chatuk keyushke, im achi tok.

22. Atuk osh Kalili ā okla maya hō, Hatak Ushi ā ishit okla ibbak ā fohka chī hoke.

23. Yohmikma yvmmak ash o okla vbi tuk ma, anonti nitak ont atuchinakma falamvt tana hi oke, Chisvs vt im achi tok. Yohmi ma okla nukhḡklo fehna tok.

24. Yvmohmi tuk o Kapenav̄m ā okla ai vīa ma, vba isht ai okpv̄chi tv̄li holisso ā sholi vhleha hv̄t Pita yā im ona mvt, Na hvch ithvn̄nanchi vt vba isht aiokpv̄chi tv̄li holisso ā bohli chatuk keyu hō? achi tok.

25. Mihma yvmmak ash osh, Ahli; achi tok. Michā aboha yā ont chukowa ma, Chisvs vt tikbanli. Saimon vt katiohmi ish ahni cho? m̄iko vhleha yakni pakna aiasha kv̄t ilap im vīa yak okmā, keyukmut hatak inla yak okmā, nanta hō v̄hpoyak i nan v̄hpisa tv̄li holisso, micha nosh-

kobo chumpa t̄li holisso, aiena ka im a hoyo chatuk o? achi tok.

26. Pita yash osh, Hatak inla v̄hleha ha, im achi tok. Mihma Chisvs vt, Yohmikma im vlla yokvto yv̄mma ik abalayo ho tumvshke.

27. Yohmi kia kil ibetvblecho ka ch̄i ka, ivt okhvta ona cha, n̄vni isht-vlbi ȳa pit okvchi; atuk osh n̄vni tikba kohcha h̄o ish ishashke: micha itakha ȳa ish wakvmmikmvt, t̄li holisso tushafa kv̄t f̄oka na ish pisa ch̄i hoke; yv̄mmak o ish ishi cha, vno, micha chishno, il ita tuklo isht vlhtoba mak o yv̄mma ont ish imashke, im achi tok.

CHAPTA XVIII.

Chisvs vt pim anukfila h̄vt akanlosa he, 1, 7 micha ilap i yimmi ahli v̄hleha hoka e shitelema he'keyu ka pi miha: 12 anonti i yimmi v̄hleha h̄a i hullo kv̄t isht anoli mak osh chukfvlhpoba kv̄nia isht apes̄t anumpuli: 15 micha itibapishi ik̄sa ibafohka yatuk osh nana ka pim okp̄ni hokma, il i kaniohma hi oka pi miha: 20 anonti kv̄na boh kia i bohchifo h̄a kanima ȳo ai it afama ka ai ibafoka hi vt achi. 21 Chisvs vt hatak okvt nana ka ai it̄i kaniohmi hokvt, peh it̄i kashofa he tuk nan isht apesa hosh anumpuli.

1. **YOHMI** ma yv̄mmak fehna akinli ka nan ithvna v̄hleha h̄vt Chisvs a im ai v̄la mvt, Kv̄ta hosh vba ap̄ehlichika ȳa ibafoka kv̄t moma i shahli cho? achi tok.

2. Mihma Chisvs vt vlla iskitini o i howa cha, yv̄mmak ash intinlakla ȳa hilechi tok.

3. Mihmvt, Ahli h̄o hvchim achi lishke; Inlv̄t toba cha, vlla chipunta ȳo chiyuhmi h̄o keyukmvt, vba ap̄ehlichika ȳa h̄esh chukowa he keyu hoke.

4. Yohmi hoka kv̄na hosh ile akanlosichi kv̄t vlla iskitini it̄ppak o chiyuhmi hokmvt, mihi yosh vba ap̄ehlichika ȳa ibafoka kv̄t moma i shahla hi oke.

5. Mikma kv̄na hosh vno a hohchifo hatuk mak o vlla it̄ppa chohmi achvfa ka ahn̄inchi hokmvt, vno ak o ahn̄inchi hoke.

6. Amba kv̄na hosh a yimmi chipunta yakohmi achvfona

kia ibetvblichi hokmvt, yvmmak ash o ilap ak o tvli tanchi botoli osh ikunla ya atakanli ho, okhvta ahofobi fehna yo ai oka illi hok mak osh im vlpiesa he tuk mak a hi oke.

7. Nan-isht-ai ibetvbli ak pulla tok mak o yakni vt nan i palvmmi hoke: nana ai ibetvbli okakanto kaniohmi kia ik takalo ka wa: yohmi kia hatak nana ho ai ibetvbli vt isht a tobtv minti hatuk okvno i palvmmi mak oke.

8. Yohmi hoka chibbak okmá, chiyi yokmá, nana hosh chi ibetvblichi hokma, hokofit ish kanchashke; hanali okpulo, keyukmvt imomokpulo yokmá, nana hosh ai okchaya ya ont ish chukowa kak osh ibbak vt tuklo, keyukmvt iyi yvt tuklo, kanima hosh luak ataha iksho ma ish itokvnia he tuk g chim i shahla hi oke.

9. Mikmvt chi nishkin vt chi ibetvblichi hokma, kohchit ish kanchashke; nishkin vt im achvfa hosh aiokchaya ya ont ish chukowa hok mak osh nishkin tuklo hosh aiokpulo-ka luak g ish itokvnia he tuk g chim i shahla hi oke.

10. Ahah! aiahnit chipota vhleha ilvppa achefona kia hvch ik kanimancho kashke: yvmmak oka im enchil vhleha vba yakni aiasha kv, Aki vba binili ka nashuka ya pisa na bilia hoke, hvchim achi lishke.

11. Hatak Ushi vt okpulot taha yak o okchalíncha chi hosh gya hatuk oke.

12. Katiohmi hvsh ahni cho? Hatak vt chukvlpoba tahlepa achvfa hosh im gsha tuk osh, achvfonvt yoshubvt kvnia ka, pokoli chakkali akocha chakkali kash ashachi cha, ivt yoshubvt kvnia tuk g hoyot, nvnih foka ya hikikia chatuk keyu cho?

13. Atuk osh ahayucha he yoba tuk osh yohmi hokmvt, achvfa yvmma isht a na yukpa kv, yoshubvt ik tvmoov ke tuk pokoli chakkali akocha chakkali ka im i shahli chatuk oke, ghli mak o hvchim achi lishke.

14. Yohmi ka chipota vhleha ilvppa achvfonka kia okpulot taha hi g, hvch Iki vba binili kv ik ahno kv, yvmmak inli ho chiyuhmi hoka.

15. Yohmi ka ish itibapishi hvv nana ka chim ashvchi hokma, ivt chishno, micha ilap hvsh ita tuklo bano ho nana

ai ashvchi tuk a ish im anolashke: chi haponaklo hokma, ish itubapishi hatuk a falaminchit ish im aiyubacha he mak oke.

16. Amba chi haponakla he keyu, yohmi hok mvno, himmakma achvfa, keyukmt tuklokma, nana ho pehlinchit ish ia na nan anoli tuklo, keyukmt tuchinakma nana itih ho anumpa puta mvt isht ai ahlashke.

17. Yohmikma yvmak atuk ma i haponakla he keyukma, chvch a ish im anolashke: yohmi kia chvch atuk ma i haponakla he keyu hokmt, yvmak atuk mvt Chentail hatak, micha pblikan aiena mak o chim ai itilauashke.

18. Ahli mak o hvchjm achi lishke, Nana ho yakni pakna ya hvsh a takchi hoka, vba yakni ma a talakcha he; mikmt nana ho yakni pakna ya hvsh ai i hotofi hoka, vba yakni ma ai i hotofa he mak oke.

19. Anonti hvsh tuklo hosh nana ka asilhha he imma ho yakni pakna ya hvsh ai it im achvfa hokma, Aki vba binili kvt ai im aighlicha he mak oke, hvchim achi lishke.

20. Kanima yo tuklokmá, tuchinakmá, nana hosh sa hohchifo ha isht ai itvnaha hoka, yvma ai iklvna hikia li hoka, achi tok.

21. Yohmi ma Pita yvt im ona mvt, Chitokaka ma! itibapishi li hvv katohmi ha yo vm ashvchi ka, i kashofi la hinla cho? untuklo haya hi o? achi tok.

22. Mihma Chisvs vt, Untuklo ha ya hi o ak chim achoshke: amba, Pokoli untuklo bat untukla hi oke, chim achi lishke, im achi tok.

23. Yohmi hoka vba apehlichika yvt miko yosh in tishu vhleha ha aheka i hotihvt pisa bvna ho chohmi hoke.

24. Atuk osh i hotihvt ishtia ma, achvfa hosh talent tablepa sipokni pokoli hosh aheka im asha tuk o, ilauelit im vla tok.

25. Yohmi kia isht atobba hi vt ik im iksho hatuk o, i shahli hash osh yvmvt, tekchi, micha im vlla vhleha, mikmt nan im asha tuk moma aiena kvt kvnia na aheka yvt vltoba hinla ka apesa tok.

26. Yohmi hatuk o tishu hash osh aka hlipia cha,

aiokpahanchi mvt, Chitokaka ma! is svmj svlaha hokma, mominchit chim atobbi lashke, achi tok.

27. Yohmi ma tishu yvmma i shahli yatuk vt i nukhaglo cha, i hotofi mvt, aheka atuk a i kashofi tok.

28. Yohmi tuk kia tishu yvmmak ash inli kvv kohchvt ia mvt, tishu ilapa ai itilau yvt achvfa hosh, aheka iskvli tahlepa achvfa hosh in takanli hatuk a ont pisa tok: mihmvt yvmmak ash o hoklit ishi cha, nukthliffi mvt, Aheka chin takali kvv is svm atobbashke, achi tok.

29. Mihma tishu itilau yatuk ash osh iyi ituma aka ya hlipia cha, Is svmj svlaha hokma, mominchit chim atobbi lashke, achit im asilhha tok.

30. Yohmi kia vhpesa ik ahno ki tok: amba aheka ya atobbi pulla chi mak o, yvmmak ash o aboha kvvlo pit fohki tok.

31. Yohmi ma tishu bika vhleha hvt nana kvv yvmohmi na pisa mvt, okla nukhaglo fehna cha, ivt nana a kaniohmi tuk a mominchit i shahli ha okla ont im anoli tok.

32. Yohmi tok a i shahli hatuk vt yvmmak ash o pit hoyo cha, Tishu haksi chia ma! chishno vt is svm aiahni ma, aheka yvmma mominchit chi kashofi li tuk.

33. Yohmi ka chishno ak kia tishu chi bika ya ish i nukhaglo kvv, vno vt chi nukhaglo li tuk a, ish chiyuhma he tuk keyu cho? im achi tok.

34. Mihmvt i shahli hatuk vt anukhobela mvt, aheka in takanli tuk vt, mominchit atobbi pulla chi mak o, issikkopali vhleha ha im issa tok.

35. Yohmi ka hvchishno hvsh moma kvv hvsh itibapishi nana ai ashvchi ya hvchi chukvsh ak o isht hvsh i kashofi keyukma, yvmmak inli ho ohmichit Aki vba binili kvv hvchi yvmihcha he akinli hoke, achi tok.

CHAPTA XIX.

Falisi vhleha hvt Chisvs a nan im ponaklo ma, Chisvs vt afalaminchi mvt, a hatak vt tekchi iti kvnia ka ik vhpeso ka miha, 8. 13 Chisvs vt vlla chipunta hoka ibbak a onochi cha, vba isht anum-

puli. 16 Chisvs a hatak himita yosh, Nantak o katiohmi li kak osh ai okchayvt bilia yoka ona la hinla cho? im achi ma, Chisvs vt isht im anumpuli: 23 nan in laua yvt ai okchaya yoka palvmmi ho chukowa he achi: 27 anonti ilap i yimmi ghli vhleha ha yukpala hi vt miha.

1. **ATUK** o yakohmi tok; Chisvs vt ilvppa puta ka abanchit tahli mvt, Kalili a utvt ivt, Chatan misha Chutea yakni ai vli ho ona tok.

2. Mihma okla chito yvt iakaiya tuk o, yvmmak o a hlakofohlichi tok.

3. Mihma Falisi vhleha hak kia im ai vla cha, yvmmak ash o imomaka pisa hosh, Nana hosh a katiohmi mak inli ho hatak vt tekchi a kancha hi vt im ai vhpesa hoh cho? im achi tok.

4. Mihma yvmmak ash osh afalaminchi mvt, Ummona hokvno yvmma ikbi hokvt, nakni micha tek itatuklo ho ikbi tok.

5. Mihmvt, Ilvppa pulla hatuk mak o hatak vt iki micha ishki aiena ka issa cha, tekchi ak o it asitia hi oke: yohmikma tuklo yvmmak atuk vt haknip achvfa hi oke; achi tok bolisso ha hvch ik it im anumpulo chatuk oh cho?

6. Yohmi hoka yvmmak okvt himmakma tuklo mak a hi o keyv, amba haknip achvfa hoke. Yohmi hoka Chihowa hosh nana ka ita halvlichi ha ya, hatak vt ik it i filvmmicho kashke, im achi tok.

7. Mihma okla hash osh, Yohmi ka katiohmi ho it i kvnia bolisso ha ima cha, ohoyo ha kancha hi a, Moses vt apesa tok oh cho? im achi tok.

8. Mihma, Hvchi chvkush vt kullo pulla hatuk mak o, hvchi tekchi hvsh kancha hi a, Moses vt hvchim ahni tok: amba ummona a mihinti kvno yohmi tok keyushke.

9. Yokmi kia vno vt, Kvna hosh tekchi a inla itinlumaka tak keyv ho, kanchi cha, inla itauwaya hokmvt, havi toba mak oke: mikma ohoyo kanchi tuk ash o kvna hosh itauwayakmvt, havi toba hoke, hvchim achi lishke, im achi tok.

10. Mihma nan im ai ithvna vhleha hash osh, Hatak vt

tekchi q isht im a yakohma hinlakma, itauwaya ka achukma keyushke, im achi tok.

11. Yohmi ma yvmak ash osh, Hatak moma kv̄t anum̄pa ilv̄ppa aiokpv̄cha he keyu, amba kv̄na h̄o isht ai im v̄lhpe-sa ak illa hinla hoke.

12. Kanimi kv̄t ishki ikfoka an̄ka ak̄ inli h̄o yohmi hosh atobvt v̄tta tuk yunv̄k vt āsha; mikma kanimi kv̄to hatak osh yunv̄k ikbi tok o, yunv̄k vt āsha: yohmi ma kanimi kv̄to v̄ba ap ehlichika pulla hatuk mak o, ilap inli hosh yunv̄k il ikbi tok vt, yunv̄k vt āsha hoka. Kv̄na hosh ilv̄ppa aiokpv̄cha hinlakmvt aiokpv̄chi mak inlashke, im achi tok.

13. Yv̄mma foka ma yvmak atukma ibbak q v̄lla chi punta ya isht umbitepa cha, v̄ba pit anumpula chi ka isht in ai v̄la tok: mihma nan ithv̄na v̄hleha hv̄t okla h̄a im alv̄min chi tok.

14. Yohmi kia Chisus vt, Ulla chipunta yvt v̄m v̄la hi q hv̄sh im ahni cha, hv̄ch ik im alammo kashke: ilv̄ppa chiyuhmi kak osh v̄ba ap ehlichika mak oka, achi tok.

15. Mihmvt yvmak ash o ibbak q isht umbitepvt tahli mvt, yvmak ash a kohchvt ia tok.

16. Yohmi tuk o achv̄fa hosh ayvt ona mvt, Nan ithv̄nan-chi achukma ma! ai okchayvt bilia yoka pisa la hi v̄to nana achukma nanta hak o yvmohmi la hinla cho? im achi tok.

17. Mihma yvmak ash osh, Katiohmi h̄o achukma is si achi cho? achukma kv̄t iksho h̄o amba achv̄fa illa, yvmmvt Chihowa ak oke: yohmi kia ai okchaya yoka ont ish chukowa he ish ahni hokmvt, nan v̄lhv̄pisa puta mak o ish holitoblashke, im achi tok.

18. Mihma, Katima kak o? im achi ma, Chisus vt, Kv̄na kia chik bo kashke, Chik itinlum̄ako kashke, Chik hv̄kopo kashke, Anumpa ik āhlo isht atokolit chik̄ anto kashke.

19. Ch̄iki micha chishki aiena ka ish holitoblashke: mikmvt, Chin chukapanta hatak q ish holitobli kv̄t, chishno akinli ka chim itilauashke, achi tok.

20. Hatak himita yash osh, Ulla sa tomba mak inli hosh nana ilv̄ppa moma ka holitoblit isht mihinti li tok mak oke: nanta hosh ik sv̄m ono moma cho? im achi tok.

21. Mihma Chisvs vt, Aghli kak o ish ahni hokmvt, ia cha nan chim gsha ka kampilvt, ilbusha vhleha ha ish i hopelashke; yohmikmvt na holitompa kvv vba yakni ya chin tonla he mak oke: mikmvt ish la cha, ant is siakai-yashke, im achi tok.

22. Yohmi kia hatak himita yash' osh anumpa yvmma haklo mvt, nan in laua fehna hatuk okvt, nukhaklo fehna hosh kavvllit ia tok.

23. Yohmi ma Chisvs vt nan im ai ithvna vhleha hash o, Ahli mak o hvchj miha lishke, Hatak nan in laua yvt vba apeshlichika ya palvmmi ho chukowa hi oke.

24. Mikma anonti, Kamel vt chofak ushi nishkin g hlo-pulli ka palvmmi kvv, hatak nan in laua yosh Chihowa apeshlichika pit chukowa hokvno, ik lauwo ka he hvchim achi lishke, achi tok.

25. Mihma nan im ai ithvna vhleha hvv okla haklo mvt, nukhlakancha fehna tok: mihmvt, Yohmikma kvta hosh okchaya hinla cho? achi tok.

26. Yohmi kia Chisvs vt yvmmak ash o atokolit pisa mvt, Hatak okvno ilvppvt yohma he keyu, amba Chihowa hokvno nan okluha kvv yohma he bano hoke, im achi tok.

27. Yohmi ma Pita yvt afalaminchi mvt, Yakeh! pishno vt mominchit il issa cha, e chiakaiya tuk; yohmi kvv nanta hak o il isha chj cho? im achi tok.

28. Mihma Chisvs vt, Ahli mak o hvchj miha lishke; Si apeshvt hvsh itvnowa tuk vt, nan okluha kvv himonvt tobak-ma, Hatak Ushi yvt im aholitopaka ya aiasha holitopa ai om binilikma hvchishno ak kia aiasha holitopa suah tuklo ka hvsh a chievvt, Israel oklushi suah tuklo ka na hvchim apesa hi oke.

29. Yohmikma chuka puta, mikmvt itibapishi vhleha, micha in tek vhleha, keyukmvt iki okma, ishki okma, tekchi okma, keyukmvt vlla yokma, yakni okma, nana ho sa hoh-chifo pulla hatuk mak o issvt aya tuk vt momvt yvmmak atuk g ohmi tahlepa achvfa ka pisa tuk mvt, anonti ai okchayvt bilia ma iesha he mak oke.

30. Yohmi kia t̄ikba tuk vt ont ishtaiyopa hi vt lauakma, anonti ishtaiyopi atuk vt t̄ikba hi vt ḡsha hi oke.

CHAPTER XX.

Na pilea v̄hleha hv̄t nitak achv̄fa ka hv̄shi kanv̄lli v̄lhpisa ilaiyuka h̄o p̄k̄vpi a holokchi ilhkoli tok nan isht v̄lhpisa. Nan isht v̄lhpisa ilv̄ppak o Chisvs vt ilap im antia v̄hleha aighi ka ai ilaiyukachit im atobba hi vt ai isht apesa, 1. 17 Chisvs vt anonti illa chī vt tikbanlit anoli; 20 mihma Sebete ushi ishki vt Chisvs ḡ nan im asilhha, mihma afalaminchit ī miha. 30 Chisvs vt hatak l̄vpa tuklo h̄o hopokoyochi.

1. ŪBA ap̄ehlichika yvt, hatak chuka-chv̄fa p̄hlichī osh ī p̄k̄vpi aholokchi a toksv̄la chī ka, tohna chī hosh onnahinli fehna ia h̄o, chohmi hoka.

2. Atuk osh yvm̄mak ash osh ilhtohno v̄hleha h̄a nitak achv̄fa ka iskv̄li achv̄fa chī h̄o it im apesa cha, p̄k̄vpi aholokchi ḡ pit tihleli tok.

3. Atuk osh hv̄shi kanv̄lli v̄lhpisa ont atuchina foka h̄o kohchvt̄ aya m̄vt, inla yvt nan-isht vtta ik im iksho hosh ilhpak a kanchi a hiohm̄aya na pisa tok,

4. Mihm̄vt yvm̄mak ash o, Hv̄chishno ak kia p̄k̄vpi aholokchi ḡ pit hv̄sh abehashke; atukma kaniohmi kak osh ai v̄lhpesakma, hv̄ch ima lashke, im achi na okla ilhkoli tok.

5. Atuk o anonti hv̄shi kanv̄lli v̄lhpisa isht hannali, mikm̄vt ont isht chakkali aiena ka kohchvt̄ aya m̄vt, yvm̄mak ash inli h̄o chohmichi tok.

6. Atuk osh hv̄shi kanv̄lli v̄lhpisa isht auah achv̄fa foka h̄o kohchvt̄ ia m̄vt, anonti inla yvt nan-isht vtta ik im iksho hosh hiohm̄aya na pisa cha, Katiohmi h̄o nan isht vtta ik hv̄chim iksho hosh hv̄sh hiohm̄aya na shoyubi cho? im achi tok.

7. Mihma yvm̄mak ash osh, Amba hatak nana kia nan ik pi tohno kv̄no, im achi tok: mihma yvm̄mak ash o, Hv̄chishno ak kia p̄k̄vpi aholokchi ḡ pit hv̄sh abeha ak inlashke; atuk ma kaniohmi kak osh ai v̄lhpiesakma, mih mak o hv̄sh ishashke, im achi tok.

8. Yvmohmi tuk o ont opivt taha ma, pakvpi aholokchi in talaia atuk ash osh nan im apesuchi ashq, Na pilesa vhleba ha i howa cha, vlhtoba ha ima: ishtaiyopi tuk ak o ai ishtia hosh tikba tuk a ont ish tahlashke, im achi tok.

9. Atuk o hvshi kanvlli vlpisa ont isht auah achvfa foka ho tohno tuk ash o okla ai vla mvt, hatak achvfa kvv iskveli achvfa aiyuka ho ishi tok.

10. Amba tikba tuk vto ai vla mvt, i shahli ho okla isha chi kvv im ahoba tok: atuk o yvmmak ash kia hatak achvfa kvv iskveli achvfa aiyuka ho ishi tok.

11. Micha yvma okla ishit tahli mvt, chukachvfa pehlichu hatak ash o nanumachit maya mvt,

12. Ishtaiyopi tuk yakohmi kvto hvshi kanvlli vlpisa achvfa illa ho toksvli tuk a pishno nitak lvshpa ho toksvli kvv ka isht il ahanta tuk a, ish pi ai itilauechishke, achi tok.

13. Yohmi kia afalamiñchi mvt, achvfa ho, A kana ma! nan ik vlpeso nana ho a chi yvmohmi li keyushke: chishno vt iskveli achvfa hi o il it im apesa tuk keyu?

14. Chimmu mak o ish ishi cha, ish iashke: ishtaiyopi tuk ilvppak kia chishno a it ilauechit ima la chi hoke.

15. Uno vmmu hatuk vt vno nana aiahi li hosh kanimihchi la hi vt vm vlpesa keyu? vno ak osh si achukma kak o, chi nishkin vt ik vlpeso hoh cho? achi tok.

16. Yohmi ka yvmmak inli ho chiyuhmit ishtaiyopi tuk vt tikbakma, tikba tuk vt ishtaiyopa hi oke; im annoa bokvto laua; amba vlhtoka kak osh achafoa hoka, achi tok.

17. Atuk osh Chisvs vt Chelusalem a ia hosh gya mvt, takla yg nan im ai ithvna vhleba auah tuklo kash pehlichit naksika isht ona mvt,

18. Inta! Chelusalem a, iloh ivshke; yohmi ka Hatak Ushi ishit na holitompa isht gsha pehlichu vhleba, mikmvt na holissochi vhleba aiena ka ibbak fohkikma, yvmmak ash osh illa hi a okla im apesa chi hoke.

19. Yohmikma yvmmak atuk ma ishit yopula chi, micha fvmmi, mikmvt ititaiyukhvna ahonvlichit vbi aiena chi

mak o, Chentail okla hq ibbak fohka chi hoke: yohmi tuk kia nitak ont atuchinakma falamvt tana chi hoke, im achi tok.

20. Yohmi ma Sebeta ushi vhleha ishki osh ushi a pehlinchit im ona cha, aiokpahanchi kv, nana achvfa hq im asilhha tok.

21. Mihma ohoyo hash o, Nanta hak o ish aiahni hoh cho? im achi ma, yvmmak ash osh, Svso tuklo ilvppvt ish apehlichika ya achvvt chibbak isht-impakimma ya ont a binilikma, anonti achvfa kv vlvfbekimma ya asha hi a ish im apesashke, im achi tok.

22. Yohmi kia Chisvs vt afalaminchi mv, Nana hq hvsh asilhha hokvt hvsh akostininchi keyushke. Hvchishno vt isht-ishko ai ishko la chi, yvma hvsh ai ishka hinla cho? anonti baptismo isht a sa baptismo ka isht hvchi baptisma hinla cho? im achi ma, yvmmak ash osh, Pi yvmohma hinla hoke, im achi tok.

23. Mihma yvmmak ash o, Um isht-ishko yoka hvsh ai ishka chi ho mvhli; mikmv baptismo isht a sa baptismo ka isht hvchi baptisma chi ho mvhli hoke; yohmi kia svbak ishtimpakimma, micha vlvfbekimma aiena aiasha hokvno vno yosh ima la hi o keyu, amba Aki vt kvna hq im atahli tok mak illa hi oke, achi tok.

24. Yohmi ma pokoli kash osh haklo mv, itibapishi tuklo kash o isht ik i yukpo fehna tok.

25. Yohmi kia Chisvs vt yvmmak ash o i howa mv, Chentail miko vhleha hv ai i shahlit pehlich chatuk, mikma i hochitoka vhleha hv nana im ai vlhpesa hatuk osh im ai yvmihchi chatuk a hvsh ithaiyanvshke.

26. Amba hvchishno yokvno ai yvmohma he keyushke: amba kvna hosh ai i shahlit hvch itintakla ya anta bvna hokmv, yvmmak osh hvchin tishu hashke.

27. Mikma kvna hosh holitopa i shahli bvna hosh hvchi itintakla ahantakmv, yvmmak osh nan isht hvchim vtta yashke.

28. Hatak Ushi vt ilapo ak o nan isht im vtta chi hq aya ha tok keyu: amba nan isht vtta chi, mikmv laua hq ilap

im ilhfiopak g isht chumpa chi aiena hosh aya tok g, mih mak o hvsh chiyuhmashke, achi tok.

29. Yohmi ma Cheliko g asht ilhkoli ma, okla laua fehna kv ymmak ash o iakaiya tok.

30. Atuk o hatak lpa tuklo kv hina lapalika yo chiya tuk osh, Chisvs vt ont ia ho haklo mvt, pit tahpulvt, Chitokaka Lewi ushi chia ma! ish pi nukh^hklashke, achi tok.

31. Yohmi ma okla laua yash osh, ymmvt nukchinta chi ka, im alvmmi tok; yohmi kia ymmak o i shahlichit tahpulvt, Ish pi nukh^hklashke, Chitokaka Lewi ushi chia ma! achi tok.

32. Mihma Chisvs vt lumvt hikia cha, ymmak ash o pit i howa mvt, Nanta hak o a hvchi katimichi la he g hvsh aiahni cho? achi ma,

33. Pi nishkin vt fatuma he ak oke, Chitokaka ma! im achit okla tok.

34. Yohmi ma Chisvs vt i nukh^haklo cha, nishkin ash pit potoli tok: yohmi ma mih mak inli ho nishkin ashot fala-mrt pisa ma, ymmak ash o iakaiyvt okla tok.

CHAPTA XXI.

Chisvs vt kaniohmi hosh Chelusalem g chukowa, 1; 12 anonti na-chumpa vhleha, micha na-kanchi vhleha aiena ka tempel g a kocha weli. 18 Micha iti vhpoba fik achi nan ik vno a bvshit illa he im ahni; mikmvt na yimmi micha anumpa ilbvsha anumpuli aiena ka nan isht im aighi ka ya pim anoli. 23 Kanimi kv nan isht ai vhpesa nana ho isht ai yvmohmi hatuk g a ponaklo tuk kia, ymmak ash o Chisvs vt im a tvblich, 28 micha hatak ushi tuklo, 33 micha na-pilesa vhleha pakvpi a holokchi i pota tuk nan isht apesa hosh Chu okla nan im ai ashvchi g isht otvnihi.

1. YUMOHMI tuk o Chelusalem pit bilika okla onvt Alif nznih Betfachi ak o ai ona ma, Chisvs vt nan ithvna tuklo ho pit tihleli tok.

2. Mihmvt, Tvmahushi hvchi chapaka auet talaiia ka hvsh onashke; yokmikmvt mih mak inli ho issuba hakso-bish falaia ushi ilaneki kv asinta ho hvsh pisa chi hoke: ymma hvsh i hotofi cha, isht hvsv vlashke.

3. Micha k̄vna kia nana ka hvchim achi hokma, Chitokaka yak osh bvna hatuk oke, hvsh im achashke: yohmikma mih mak inli h̄o auet pila ch̄i hoke, im achi tok.

4, 5. Hopaii vt anumpohonlit, Saion ushetik a, yakeh! ch̄i m̄iko chukvsh yohbi achukma, issuba haksobish falaia a toba tok issubushi haksobish falaia ȳo om binili hosh ayut chim vlvshke, hvsh im achashke, achi tok a ont aighla ch̄i mak o ilvppa moma kv̄t a yakohmi tok.

6. Mihma nan ithvna yash osh itiachi mv̄t, Chisvs vt i miha tuk mak o ont yvmohmit okla tok.

7. Micha issuba haksobish falaia, mikmv̄t ushi aiena kash o isht vla ma, im ilefoka ȳa om pullit tahli cha, yvmmak ash o okla om binilichi tok.

8. Yohmi ma okla chinto fehna hosh hina ȳa im anchi a okla pulli tok; kanimi mv̄to iti naksish o vmot hina ȳa pulli tok.

9. Yohmi ma okla chito tikba itvnowa tuk, mikmv̄t iakaiya aiena kash osh, tahpv̄vt, Lewi Ushi a Hosanna im ahanchashke. Chitokaka i hohchifo h̄o il ai eshi hosh aya hokv̄t holiropa mak oke. Shutik tv̄bokaka fehna ma, Hosanna ai ahanchashke, achi tok.

10. Atuk o Chelusalem a ant chukowa ma, tv̄maha hash osh momv̄t nukhlakancha mv̄t, Ilvppvt kv̄ta hoh cho? achi tok.

11. Mihma okla laua yash osh, Ilvppak osh Kalili yakni Nasalet a i hopaii Chisvs mak oke, achi tok.

12. Yohmi ma Chisvs vt ivt Chihowa in tempel a ont chukowa mv̄t, tempel anukaka ȳa nana a kanchi, micha a chumpa aiena maya tuk ash mominchit koche pit tihleli mv̄t, ai impa tv̄li holisso ai itatoba puta, mikmv̄t pv̄chi vlvpoba akanchi abinohli aiena kash halvllit filemohlit kinahlichitok.

13. Mihmv̄t, Um aboha hv̄t vba pit ai anumpuli chuka ȳo hohchifa he, achi hosh holisso tok; yohmi kia hvchishno vto na-hukopa vhleha in chuka ȳo hvsh ikbishke, im achi tok.

14. Mihma lvpa, micha hanali okpulo puta kv̄t tempel anukaka ȳa im ai vla ma, yvmmak oka hlakofichi tok.

15. Mihma na holitompa isht a^gsha pehlichy v^hleha, mi-cha na holissochi okla aiena kv^t, yvmmvt na fehna puta ka yvmihchi, mikma tempel anukaka ya v^llla vt Lewi Ushi a Hosanna im ahanchashke, achi aiena ka pisa mv^t, okla isht ik i yukpo fehna tok.

16. Mihmvt yvmmak ash o, Ilvppvt nana achit maya ka ish haklo cho? im achi tok; Mihma Chisvs vt, Yau, vlo^si mikmvt pishi puta itih ha Chihowa hv^t a holitopa he ish apesa tok achi holisso ka, himonna kia hvch ik it im anum-pulo chatuk oh cho? im achi tok.

17. Mihmvt yvmmak ash o issvt tmaha a kohchvt ia mvt, Betani a ona cha, yvmmak o ont nusi tok.

18. Atuk osh onnahinli ma falamvt tmaha ia hosh aya mvt, hohchvfo tok.

19. Micha fik vpi vt tikba ya hikia na pit pisa mvt, yvmmak ash o ona; yohmi kia nana kia takanli na ik ahayucho; amba hishi ak illa tok; mihmvt, Himak a pilla ma nitak nana vni yvt ik chi a tobo kashke, im achi tok. Mihma chekosi mak inli h_o fik vpi vt bvsh^t taha tok.

20. Yohmi ma nan ithvna yvt pisa cha, okla okokko! aiahni mvt, Chekosi fehna h_o fik vpi vt bvsh^t taha cha, achi tok.

21. Mihma Chisvs vt afalaminchi mvt, Ahli mak o hvchi miha lishke, Na yimmi kv^t hvchi anukfoyuka, miha ik hvchi nukwiyo hokmvt, fik vpi nana a kanimihchi ilvppak bano h_o hvsh yvmihcha hi o keyu, amba, Nvni^h chaha ilvppa kanvllit ivt okhvta hak o pit ish okvtulashke, hvsh im achi aienakma, yvmohma hinla hoke.

22. Micha hvchi yimmi hosh nan okluha ka nana h_o anumpa ilbvsha isht hvsh asilhha hokvt, hvsh isha hi oke, im achi tok.

23. Atuk osh tempel a ona cha, nan ithvnanchi hosh ahanta ma, na holitompa isht a^gsha pehlichy v^hleha, mikmvt okla i hochitoka v^hleha aiena kv^t im ai v^la cha, Nan isht ai vlhpesa nanta mak o ilvppa puta ka isht ish yakohmichi cho? miha kv^ta hosh nan isht ai vlhpesa ilvppa chima tok oh cho? achi tok.

24. Mihma Chisvs vt afalaminchi mvt, Uno ak kia nan achvfa ka a hvchim asilhvchi lashke; yvmmak o hvs svm anoli hokma, vno vt yvmmak inli ho chohmit nan isht ai vlpesa nana ho ilvppa puta ka ishit yakohmichi li hatuk vt hvchim anoli lashke.

25. Chan i baptismo vt katimak o a minti ha tok oh cho? vba yakni okmá, hatak okmá, nanta ha tok oh cho? im achi tok. Yohmi ma, Uba yak o minti ha tok: il achi hokma, Yohmi kak o katiohmi ho yvmma hvch ik i yimmo ke tok oh cho? pim acha hinlvshke.

26. Yohmi kia moma kvv Chan a hopaii o okla ahni hatuk oka, Hatak ak a tok: achi kvv okla ha il i nukshovshke, achit ilap bika it im anumpulit maya tok.

27. Micha Chisvs ash o im afalaminchi mvt, Kil ithanoshke, im achi tok. Mihma yvmmak ash osh, Yohmi ka vno ak osh nan isht ai vlpesa nana ho ilvppa puta ka isht yakohmichi li hatuk vt ak hvchim anoloshke, achi tok.

28. Yohmi kia katiohmi ho hvsh ahni cho? Hatak achvfa hosh ushi vt in tuklo tok; atuk osh tikba yash o, Svso ma! himak nitak a a pkrvpi a holokchi a ont ish toksvlashke, ont im achi tok.

29. Mihma afalaminchi mvt, Yohmi la he ak ahnoshke, achi tok: yohmi tuk kia i himmakma inlanchit anukfilli cha, ia tok.

30. Yohmi ma anonti atukla kash yvmmak inli chohmi ka ont i miha tok. Mihma afalaminchi mvt, Ia lashke, a shahli ma! achi; yohmi tuk kia ik aiyo ki tok.

31. Tuklo yvmvvt katimampo kak osh iki nan aiahni tuk a yvmohmi tok oh cho? im achi tok. Mihma, Tikba yatuk á, im achi tok. Mihma Chisvs vt, Ahli mak o hvchim achi lishke, Pvblikan vhleha, micha havi puta kvv hvchi tikba Chihowa apelihchika ya pit abehija hoke.

32. Chan vt ai vlpiesa ataya mak osh hvchim vla ka, yvmma hvch ik i yimmo tok: yohmi kia pvblikan vhleha, micha havi puta kvto i yimmi tok: mihma hvchishno vt yvmmak atuk ma hvsh pisa ha yvt, yvmma hvchi yimma hi vt i himmak a inlanchit hvch ik anukfillo tok, im achi tok.

33. Nan isht vhpisa inla ka hvsh haklashke; Hatak chuka-achvfa pehlichu achvfa hosh pakvpi g hokchit tahli cha, kvti apushi isht a holitvchit apakfobli mvt, oka-paki ai vhtu g yvmma anvkaka ya a kulli cha, chuka chaha ya ikbit tahli mvt, hatak na pilesa vhleha hq pota cha, yakni hopaki hq ia tok.

34. Atuk osh nan vni waya ai onq hosi ma, yvmmak ash vni waya ka ont isha chi hq, in tishu vhleha hq hatak na pilesa vhleha hash pit ia tihleli tok.

35. Atuk o hatak na pilesa vhleha hvv in tishu vhleha hash o hoklit ishi cha, achvfa ka boli mvt, anonti achvfa ka vbi cha, anonti achvfa ka tvli isht boli tok.

36. Atuk o anonti inla laua kvv tikba atuk g i shahli hq pit tihleli tok: yvmmak ash kia yvmmak atuk mak inli hq okla itilavechi tok.

37. Yohmi kia ont ishtaiyopi fehna ma, Svso hq holitobla chi hoke, achi mvt, ushi ak o pit i pila tok.

38. Yohmi tuk kia hatak na pilesa vhleha hash osh ushi ash o pisa mvt, Ilvppak osh immi mak oke: kiloh vbi cha, immi yatuk a kiloh ai ishi, ilap bika it im achi tok.

39. Mihmvt yvmmak ash o okla itv hoklit pakvpi a holokchi g ishit a kohchi cha, vbi tok oke.

40. Yohmi ka pakvpi a holokchi immi atuk vt onakmvt, hatak na pilesa vhleha yvmmak atuk g nanta hak o katimibcha hinla cho? im achi tok.

41. Yohmi ma, Hatak haksi vhleha yvmmak atuk ma isikkopalit tmvli cha, pakvpi a holokchi yash hatak na pilesa vhleha inla yvto ont ai vhpiesakma na waya ka ihima he fehna hq, i pota he mak oke, im achi tok.

42. Mihma Chivsv vt, Tvli yvmma chuk-ikbi vhleha hvv shitlema yash o, yvmmak ash fehna hosh chukbika nutaka in tola holitopa i shahli hq tobvshke: ilvppa Chihowa hosh yvmbchi hq, pi nishkin g i na fehvshke, achi ka Baibil g himonna kia hvch ik ai it im anumpulo chatuk oh cho?

43. Yohmi hoka Chihowa apelihika ya mokofit hvchim ai ishi cha, yvmmak atuk ma isht a waya he fehna oklushi o ima he mak oke, hvchim achi lishke.

44. Micha kvna hosh tvli ilvppa onvtulakmvt, litoa he ; amba ilap ak osh kvna hō onvtula hokmvt, botolichit kan-cha hi oke, im achi tok.

45. Mihma na holitompa isht gsha pehlichi vhleha micha Falisi vhleha aiena kv, yvmmvt nan isht apesa ka haklot tahli mvt, yvmmvt ilap ak o isht anumpuli hatuk g okla akostininchi tok.

46. Yohmi kia yvmmak oka hopaü ak o okla ahni hatuk oka, yvmmak ash o iti hoklit ishi bōnna tuk kia okla chito ak o i nukshopa tok.

CHAPTA XXII.

Itauwayachi ai impa he tok ik itvabo ki tok nan isht vlpisa, 1 ; 12 ai itauwaya gya he i nafohka yg ik fohko hosh i palvmma he im vlpisa ; 15 Chisvs vt Falisi vhleha, micha Helotian okla aiena kv Sesa yg tvli holiso im itahobi ka vlpesa chishba, ahnit i ponaklo, mihma Chisvs vt afalaminchit nana i miha. 23 Chisvs vt Satusi vhleha hv illi yvt falamvt tana hi oka ik yimmo chatuk g isht anumpuli ; 34 nan vlpisa chinto moma i shahl, 41 kaniohmi kak osh Klaiet vt Lewi in Chitokaka yvt, anonti Lewi ushi ahinla ka, Chisvs vt a ponaklo.

1. **MIHMA** Chisvs vt anonti nan isht vlpisa hō isht im anumpulit,

2. Uba apelihchika vt hatak miko yosh ushi ohoyo itauwaya chī hō, impa im atahli hō chohmi hoke.

3. Micha im annoa tuk vhleha hā ont i howvt itauwaya ai impa ka isht vla chī hō, in tishu vhleha hā pit tihleli tok ; yohmi kia okla minta hi g ik ahno ki tok.

4. Mihma anonti tishu inla yō pit tihleli mvt, Inta ! an tvbokoli impa hā atahli lishke ; g wak-hobvk, micha nana vlpitvt nia puta kv illi ma, nan okluha kv vltahvshke ; itauwaya ai impa ka hvsh mintashke, achit im annoa tuk vhleha hā hvsh in anolashke, im achi tok.

5. Yohmi tok kia yvmmak ash o nan-isht ik ahno hosh kanima pit ilhkolit, achufvt im osapa ia ma, anonti achufvt im ai itatoba ia tok.

6. Yohmi ma akashampa kvto in tishu vhleha hatuk ash iti hoklit ishi cha, kanimanchi fehnt, polaka okla illich tok.

7. Atuk o miko vt yummak ash o haklo mt, anukshomunta fehna tok: mihmt in trshka chipota laua ka pit tihlelit, hatak vbi vhleha yummak ash o vbit tahli mt, in ttmaha ha hukmit tahli tok.

8. Yohmi mt in tishu vhleha hash o, Itauwaya ai impa hamo vlhtatrshke; yohmi kia im annoa tuk vhleha hash osh ahalaia hi o keyu tuk oke.

9. Yohmi hoka hina ai itafamoa puta ka itvnowvt, laua kv kaniohmi ho hvsh pisakmt, moyumvt itauwaya ai impa ka aya he hvsh im anolashke, im achi tok.

10. Yohmi ma tishu vhleha yummak ash osh ilhkoli mt, hina ai itafamoa puta ka itvnowvt, okpulo, mikmt hochukma aiena laua kv kaniohmi ho pisa mt, mominchit hoyot itahobi tok: yohmi ma itauwaya ai impa yash osh im annoa tuk vhleha ha isht alotvt kenia tok.

11. Atuk o im annoa tuk vhleha hash pisa chi hosh miko vt ant chukowa mt, hatak vt ai itauwaya aya he i nafohka ya ik fohko hosh yumma asha na pisa tok.

12. Micha yummak ash o, A kana ma! katiohmi ho ai itauwaya aya he i nafohka vt iksho ho ilvppa ant ish chukowa tuk oh cho? im achi tok. Mihma yummak ash osh nan ik acho ki tok.

13. Yohmi ma miko vt in tishu vhleha hash o, Ilvppa ibbak, mikmt iyi aiena ka ho takchi cha, isht ivt kocha aiokhlilika ya ont hvsh kanchashke: yummak oka yahaya, mikmt noti ahampa aienamak osh aiasha hi oke, im achi tok.

14. Im annoa hokvto laua kia, amba vlhtoka kak osh achafoa hoka, achi tok.

15. Yumma foka ma Falisi vhleha hv ilhkoli mt, kaniohmit yummak ash ilap im anumpa ho isht a yukacha hinla kv isht anumpulit maya tok.

16. Mihmt ilap nan im ai ithvna vhleha ha, Helotian iksa ai itapeha ho pit in tihleli mt, Nan ithvnanchi ma!

chishno vt aighli chia achukma chatuk; mikmut Chihowa i hina aighli mak o ish ithvnanchi chatuk, hatak nana kia nan isht ik chim ahobo chatuk; mikmut hatak vt chim it i shashohli keyu chatuk a il ithaiyanvshke.

17. Yohmi hokvt katiohmi ho chim anukfila hokmut ish pim anolashke: noshkobo isht chumpa tvli holisso a Sesa yak o ima he ai vlhpesa hokma, keyukma, nanta cho? pit achi tok.

18. Yohmi kia yvmmvt im anukfila ai vlhpesa keyu atuk a, Chisvs vt akostininchi mut, Katiohmi ho nan ilahobi vhleha hvchia hvv imomaka hvs sa pesa cho?

19. Noshkobo isht chumpa tvli holisso a ho ha haiakvchi, achi tok. Mihma iskvli achvfa ho okla isht im vla tok.

20. Mihma yvmmak ash o, Ilvppvt kvta hak o holvvt toba ho, mikmut kvta ho a hohchifo ho? im achi ma,

21. Sesa yak oke, okla im achi tok. Yohmi ma yvmmak ash osh, Yohmi hoka nana kvv Sesa yak o immi hokma, Sesa yak o hvsh imashke: mikmut nana kvv Chihowa yak o immi hokmut, Chihowa yak ashke, im achi tok.

22. Yohmi ma okla haklo mut nukhlakancha cha, yvmmak ash o issvt, okla ilhkoli tok.

23. Mih nitak mak inli ka Satusi vhleha hvv, illi yvt falavvt tana he keyu, achi chatuk osh im ai vla cha, ant i ponaklot,

24. Nan ithvnanchi ma! Hatak vt vlla yvt ik im iksho hosh illi hokma, nakfish vt tekchi atuk a itauwaya cha, itibapishi hatuk a vlla isht im ai ikbashke, Moses vt achi tok.

25. Yohmi tuk o itibapishi hvv untuklo hosh pitintakla ya maya tok: atuk o akni hash osh ohoyo itauwaya tuk osh illi tok: mihmut vlla yvt ik im iksho hatuk okvt, tekchi atuk a nakfish ak o im a tosholichi tok.

26. Atuk o atukla kak osh yohmi ak inli tuk o, anonti ont atuchina kvv mihinli ma, mahaya mut isht untuklo kash osh yohmi tok.

27. Atuk o ont ishtaiyopi fehna ma, ohoyo hash kia illi ak inli tok.

28. Yohmi ka yvmma momvt okla itauwaya tok oka, illi yvt falamvt tani kano, untuklo ka katima mak o tekchi mak a hi oh cho? achi tok.

29. Mihma Chisvs vt afalaminchi mvt, Baibil, mikmvt Chihowa nan im aiahli aiena ka hvch ik ithano hatuk osh hvsh ashvchishke.

30. Illi yvt falamvt tani hokvt okla itauwaya he keyu mvt, anonti itauwaya he im vlpisa he keyu, amba Chihowa im enchil vhleha vba aiasha kak o, chiyuhma hi oke.

31. Amba illi yvt falamvt tana he yvmmak okvno, Chihowa hv hvchim anumpohonli mvt,

32. Uno ak osh Eblaham in Chihowa sia, mikmvt Aisaak in Chihowa sia, micha Chekob aiena ka in Chihowa sia hoke, achi tok holisso ka hvch ik it im anumpolo chatuk oh cho? Chihowa hv illi ak o in Chihowa keyu, amba okchaya ak oke, im achi tok.

33. Yohmi ma okla laua yvt ilvppa haklo mvt, nan isht ai ithvnanchi ka anukhlakancha tok.

34. Amba Falisi vhleha hokvto, yvmmak ash osh Satusi hvhleha hv nana acha he keyuchi tok a haklo mvt, okla itahoba tok.

35. Yohmi ma achvfa hosh yvmmvt vba nan vlpisa ithvnanchi yosh, imomaka pisa hosh nan i ponaklot.

36. Nan ithvnanchi ma! vba nan vlpisa katima kak osh nan vlpisa holitopa kvv moma i shahli cho? achi tok.

37. Mihma Chisvs vt, Chitokaka chim Chihowa hoka chi chvkvsh a mominchit, mikmvt chi shilombish a mominchit, anonti chim anukfila hv mominchit isht ish holitoblashke;

38. Achi ilvppak osh nan vlpisa in tikba, mikmvt moma i shahli mak oke.

39. Mikma atvukla kvv yvmmak inli hv chohmi hoke; Chin chuka-panta hatak a ish holitobli kvv chishno ak inli chim itilauashke, achi kak oke.

40. Nan vlpisa tuklo ilvppak o nan vlpisa moma, micha hopaii holissochi tok aiena kvv a shaiyahli hoke, im achi tok.

41. Falisi vhleha hvt itvnahvt chiya takla ma, Chisvs vt i ponaklot,

42. Klaist g katiohmi isht hvchim anukfila cho? yummvt kvta hak o ushi o? achi ma, Lewi ak o ushi oke, okla im achi tok.

43. Mihma yummak ash osh, Yohmi ka katiohmi ho Lewi vt Shilombish isht anukfoyuka mvt, yummak oka hochifo cha,

44. Chitokaka yvt an Chitokaka ya, Subbak ishtimpakimma ya ish binili na chin tvnvp vhleha chiya ai o hikia yo ikbi lashke, im achi tok oh cho?

45 Yohmi ka Lewi vt yummak oka Chitokaka hochifo tok okma, anonti yummvt katiohmi hosh ushi ahinla cho? im achi tok.

46. Yohmi ma hatak nana hosh yummak ash o anumpa achvfa kia im afalamincha hinla kvk iksho ma, anonti nitak yumma ai vhlit mihinti ka himmakma hatak nana kia ik nukwiyo hosh nan im ai asilhvuchi kvk iksho ki tok.

CHAPTA XXIII.

Chisvs vt nan im ai ithvna vhleha hvt na holissochi micha Falisi aiona kvk nana isht ithvnanchi kvpo im antia he, amba nana a katiohmi yokvno okla ik iakaiyo ka hi g im apesa, 1. 13 Chisvs vt na holissochi micha Falisi vhleha aiena kvk im a yvmohma he vhpesa hoka, na palvmmi kvk onvtula chi ka tikbanli anoli, 37 na palvmmi kvk ai imma tikeli ka ithana hatuk osh Chelusalem g Chisvs vt isht yaiya.

1. YUMMA foka ma Chisvs vt okla chinto, mikmvt ilap nan im ai ithvna vhleha aiena kash o im anumpuli mvt,

2. Na holissochi vhleha, micha Falisi vhleha aiena kvk Moses im aiasha ya chieyvshke.

3. Yohmi hoka nan oklvha puta ka nana ho hvsh holitobla hi g hvchi miha hokma, yummak atuk ma holitoblit a hvchi yvmohmashke: amba okla nana a katiohmi hokvno hvch ik holbo kashke: yummak okvt anumpuli tuk kia yohmi keyu hoka.

4. Shapoh weki shali ka palvmma hinla ho takchit tahli

cha, hatak puta tahchi ma onochi hoka : yohmi kia ilap ak inli kvto yvmmak oka ibbak ushi achvfona kia pit isht kanllicha hi g okla ahni keyu hoke.

5. Amba nana a kaniohmi puta kv, hatak vt pisa chi kak o, yvmohmi hoke : i failaktili ya okla hopvtkvlli mv, anonti im anchi aposhokvchi ma hofalohli chatuk,

6. Mikmv impa gsha ka aiasha holitopa i shahli puta kak o im ai achukmakmv, anonti sinikak puta anykaka ma ai-o-minili holitopa i shahli puta kak o im ai achukma chatuk,

7. Mikmv ilhpak a kanchi ai it aiokpvchi, micha hatak puta kv Labai, Labai, im achi aiena kak o im ai achukma chatuk oke.

8. Yohmi kia hvchishno yokvto Labai ik hvchi hohchifo kashke ; hvch i shahli kvto achvfa, yvmmv Klaist ak oke. Yohmikma hvsh moyuma kvto itibapishi hvchia hoke.

9. Micha yakni paknaka ya hatak nana kia hvch iki hvch ik hohchifo kashke : achvfa hosh hvch Iki okvto vba yak o binili hoka.

10. Micha i shahli vhleha ik hvchi hohchifo kashke : achvfa hosh hvch I shahli, yvmmv Klaist ak oke.

11. Amba kvna hosh moma i shahli kv hvch ibafoka hokmv, hvchin tishu mak a hi oke.

12. Mikma kvna hosh ilefehkvchi hokmv, aka ona he ; mikma ile akanlosechi hokmv, holitopa he oke, im achi tok.

13. Amba na holissochi vhleha, micha Falisi vhleha, nan ilahobi hvchia ma ! na hvchi palvmma he mak oke : vba apehlichika ya hatak inla puta ka hvsh im okhishta hokv : mikmv hvchishno vt yvmma pit hvch ik abeho mv, anonti pit abeha he tuk g, ant ik abeha hvch ik im ahnoshke.

14. Na holissochi vhleha, micha Falisi vhleha, nan ilahobi hvchia ma ! na hvchi palvmma he mak oke : ohoyo i hatak illi in chuka puta ka wehpulit hvsh tahli, mikmv peh ilahobi kv vba pit anumpuli hosh hvsh falaiachi hoka : yohmi hokv na palvmmi chito i shahli hosh hvchim vhpisa hi oke.

15. Na holissochi vhleha, mikmv Falisi vhleha, nan ilahobi hvchia ma ! na hvchi palvmma he mak oke ; na hv-

chim ai ithvna achufa kia ikbi hvchi bunna kut, okheta mi-
cha yakni aiena ka hvsh vlfullihinchi hoka : atuk o yvm-
mak ash osh tobakma, anonti aiokpuloka im vlla fehna kut
hvchishno a chohmi tuklo ho hvsh ikbi hoke.

16. Kvna hosh anumpa kullo a tempel ak o isht ai a miha
hokvno nana keyu ; amba kvna hosh tvli holisso lakna tem-
pel anukaka asha kak o anumpa kullo isht ai a miha hok-
mvt, nan il aiahlicha he vlpesa, hvsh achi, na pehlichi
lvpa hvchia ma ! na hvchi palvma he mak oke.

17. Nan im anukfila iksho, micha lvpa aiena hvchia ho-
ka, tvli holisso lakna yak okma, keyukmvt tempel a tvli ho-
lisso lakna yvt isht a holitopa kak okma, nanta hosh i shahli
ho ?

18. Mich a kvna hosh anumpa kullo a alta yak o isht ai
a miha hokvno nana keyu ; amba kvna hosh vba pit isht
aiokpvchi vt yvma pakna onvtonla kak o, nan il aiahlicha
he vlpesa, hvsh achi.

19. Nan im anukfila iksho, micha lvpa aiena hvchia ma !
vba pit isht aiokpvchi ak okma, keyukmvt alta ya vba pit
isht aiokpvchi vt isht a holitopa kak okma, nanta hosh i
shahli ho ?

20. Yohmi hoka kvna hosh anumpa kullo a alta yak o
isht ai a miha hokmvt, yvmmak ash o, micha nana hosh
yvma onvtonla ka mominchit anumpa kullo a isht ai a
miha hoke.

21. Mich a kvna hosh anumpa kullo a tempel ak o isht ai
a miha hokmvt, yvmmak ash o, micha yvma anukaka ai
asha aiena kak o anumpa kullo a isht ai a miha hoke.

22. Yohmikma kvna hosh anumpa kullo a vba yak o isht
ai a miha hokmvt, Chihowa im aiasha, micha yvma om bi-
nili hatuk ma aieninchit anumpa kullo a isht ai a miha hoke.

23. Na holissochi vhleha, micha Falisi vhleha, nan ilaho-
bi hvchia ma ! na hvchi palvma he mak oke : mint, mik-
mvt anise, micha kvmmmin aiena kut ont isht pokoli kash osh
hvchi kvnia hoka ; yohmi mvt nan vlpesa kullo i shahli,
nana ai vlpiesa, micha nana i nukhaklo, mikmvt na yimmi
aiena, hokvno hvsh a haksichishke : **ilvpa pata hoka hvchi**

yrmohma he vhpesa hatuk, yohmikmut yvmmak ash kia hrsh a haksicha he tuk keyu hoke.

24. Na pehlichi lpa ma! shushi ya hoiyvchit hvsh kohchi tuk osh, kamel okvno ishit hvsh nanvbli hoke.

25. Na holissochi vhleha, micha Falisi vhleha, nan ilahobi hvchia ma! na hvchi palvma he mak oke: isht-ishko micha ampo aiena ka paknaka yokvno hvsh kashofi hoka; yohmi kia anukaka yokvto na wehpuli micha nan ik vhpeso aiena hosh isht alotowa hoke.

26. Falisi lpa chia ma! isht-ishko ampo aiena ka anukaka yak o tikba ish kashofi ha yo, paknaka yokak heto kashofa mak inlashke.

27. Na holissochi vhleha, micha Falisi vhleha, nan ilahobi hvchia ma! na hvchi palvma he mak oke: sepvka tohbit vltaha yak o hvsh chiyuhmi hoka; yvmmak okvt paknaka yokvto pisa ka aiokli fehna ho mvhli chatuk; yohmi kia anukaka yokvto hatak illi foni, micha nan liteha okpulo moma kvt isht alotowa chatuk oke.

28. Yohmi ka hvchishno ak kia paknanli vt vhpiesa ho hatak a hvsh im ahoba; yohmi kia anukaka yokvto nan ilahobi, micha nan ik vhpieso aiena bano hosh ishit hvchi alotowa kv, yvmmak inli ho hvsh chiyuhmi hoke.

29. Na holissochi vhleha, micha Falisi vhleha, nan ilahobi hvchia ma! na hvchi palvma he mak oke: hopaii vheha, i sepvka ya hvsh im ikbi mut, anonti hopoyuksa vhleha ha tok isht ithaiyana he sepvka ya hvsh aioklichi chatuk,

30. Mihmut, Pin tikba vhleha aiasha nitak ak o il gshwa tok mak osh, hopaii puta im issish hlatvbi ka il ibatakla he tok keyu, hrsh achishke.

31. Yohmi hatuk osh hopaii puta vbi tok vhleha ha in chipota hvchia hatuk vt, hvchishno inli kak osh hvsh il ai atokolishke.

32. Yohmi hokvt hvchin tikba vhleha nan isht im vhpisa ya hrsh alotolashke.

33. Sinti hvchia, sinti chilita isht unchululi hvchia hv, katiomi kak osh aiokpuloka ai ilbvsha he vhpisa ya hvsh i hlakofa hinla cho?

34. Yohmi hoka, Yakeh! hopaii vhleha, micha hatak hopoyuksa vhleha, mikmvt na holissochi vhleha aiena ka pit hvchin tihleli lishke; yohmi ka kanimi ka hvsh ba he, mikmvt, iti-taiyukhvna hvsh a honahlichy aiena he; mikmvt kanimi ma hvchi sinakak puta hvsh a fummikmvt, hvsh ilbvshachi kvv tomaha puta ma isht hvsh gya hi oke.

35. Yohmi hokvt hvchishno ak o hopoyuksa puta im issish yakni pakna a hlatahampa tok, hatak hopoyuksa Ebel g im issish a tok ai vhlit mihintit, Sakalias, Balakias ushi, yvmma tempel, micha alta aiena itintakla ya hvsh ai vbi tok im issish ant ai vhlit kvv, momvt hvchi onvtula hi oke.

36. Ahli mak o hvchim achi lishke, Ilvppa moyuma kak osh okla himonasi ilvppa gsha ka onvtula he mak oke.

37. Chelusalem, Chelusalem, hopaii vhleha vbi, micha auet chi kanchi tuk ma tvli ishit boli chia ma! akaka yosh ushi vhleha ha sinahchi nuta ya pit ai itahobi chatuk mak o, chiyuhmit chim vlla vhleha ha itahombi la he ahni li tuk nana kia, hvchishno ak osh vlvpesa hvch ik aiahno hokvno.

38. Inta! hvchin chuka yvt hvchin chukillissvt taiyaha mak oke.

39. Himak g pilla ma, Hvs sa pisa chi keyu; amba, Chitokaka i hohchifo ho mihnti hokvt holitopa mak oke, hvsh acha chi hok mak a hi oke, hvchim achi lishke, im achi tok.

CHAPTER XXIV.

Chisvs vt ishtaiyopi mak o tempel g a kobcha tuk osh, yvmmvt okpula he, tikbanli anoli: 3 micha ilap okvt mihintikma, nan isht atokowa kvv yvmohma he, micha na palvmmi kvv ibafoka he miha: 32 mikmvt nana a mihiha kvv ont aighla hi oka, iti vlvpoba fik achi kvv hishi toba chi hosh bokobli chatuk g nan isht apesvt anumpuli: 42 micha ahah! ahnit im vlvthaha he im apesa.

1. YUMOHMI mvt Chisvs vt kohcha mvt, tempel g issvt kanima ia tok: mihma nan im ai ithvna vhleha hvv, tempel vt toba kvv kaniohmi puta ka pisacha chi hosh im ai vlv tok.

2. Mihma Chisvs vt, Na yakohmi puta moma ka hvch ik

peso cho? ahli mak o hvchim achi lishke, Ilvppak oka tvli vt achvfona kia aka ik itolo ke tuk osh, it on tvlkanchit itonla kvv iksho ka hi oke, im achi tok.

3. Yvmohmi tuk o yvmmak ash osh nvnih chaha Alif paknaka ya gsha ma, nan ithvna vhleha hvv lumvt im ai ona mvt, Nitak kaniohmikmak o nana kvv ai yakohma hi o, micha ish minta he, mikmvt yakni vt ont ai vhli aiena chj isht atokowa kvvto nanta hi o? ish pim anolashke, achi tok.

4. Mihma Chisvs vt afalaminchi mvt, Ahah! hvsh aiahni na hatak nana kia ik hvchi yoshublecho kashke.

5. Lawa hosh sa hohchifo ha ishit hohchifo kvv itvnowa cha, Klaiat sia hoke, acha hi oka; mikmvt lauachit yoshublichha he oka.

6. Yohmikma tvnvp gsha, micha tvnvp gsha he annoa aiena ka hvsh hakla hi oke: ahah! hvsh aiahni cha ik hvchi komunto kashke: ilvppa puta kvv moyumvt ont a yvmohmi pulla hi oka: yohmi kia ont ai ishtaiyopi kvvno keyu kisha hi oke.

7. Okla achvfa kvv okla mak inli ka it amokvfa he, mikmvt apelihchika achvfa kvv apelihchika mak inli ka it amokvfa hi oka: yohmikma hohchvfo ohinto, micha ililli puta, mikmvt yakni winakvchi aiena kvv yakni kaniohmi ka ai itulvt gya hi oke.

8. Ilvppa puta kak osh hanukhaklo ai ishtia vmmasa mak oke.

9. Yohmikma hvch issikhopa chj ka hvch ishit okla ibbak hvchi fohki, mikmvt hvch illichha hi oke; micha sa hohchifo pulla hatak mak o oklushi moyumvt hvchj nukkillla hi oke.

10. Yvmma fokakma ibetvbli kvv laua he, micha ilap bika atuk kia ishit okla ha im issa, micha ilap bika itj nukkillla hi oke.

11. Mikma hopai ilahobi vt hiohli kvv laua oha, laua o yoshublichha hi oke.

12. Mikma nan ik vhpeso bieka hatuk mak o i hullo atuk vt kapvsvt taha kvv laua hi oke.

13. Yohmi kia kvvna hosh achunanchit mahayvt ai vhli ka ona hok mak osh mihi yosh okchaya hi oke.

14. Yohmi ka vba apelihchika isht anumpa hanta ilvppvt oklushi moyuma ka isht im ai atokowa he mak osh yakni mominchit ai annoa he: yvmohmi mak o ont ishtaiyopi kvv vla hi oke.

15. Yohmi hoka nan okpvn i nukkilli vhpesa ka hopai Taniel vt isht anumpuli tok a, aholitopaka ya a hikia na hvsh pisa hokma, kvna hosh ilvppa it im anumpuli hokmvt, akostininchashke.

16. Yohmikma kvna hosh Chutea, ya maya tuk mvt, nvnih chaha puta ka pit ik o yihlepá;

17. Aboha pakna yo anta tuk vt akowvt, im aboha ya nana kia ont kohchit ik esho kashke;

18. Mikma osapa anuka yo anta tuk mvt, falamvt im ile-foka ya ont ik esho kashke.

19. Yohmikma nitak yvmma fehna ka kvna hosh vlla i foka hatuk, micha pishechi atuk aiena hokvto i palvmma he mak oke.

20. Yohmi kia hvsh yihlepa hi a hvshstula yokmá, keyukmvt nitak hullo nitak okmá, ik nano ka hi a vba pit hvsh asihjhlashke.

21. Yvmma fehnakma na palvmmi kvv chinto fehna hosh takanla he, yakni vt toba vmona tok ai vhlit mihintit himak a ai vla ka, yvmma chohmi kvv takali chatuk keyu, mvt himmakma nitak nana yvmma chohma he keyu ka hi oke.

22. Yohmi ka nitak yvmma chohmi ka ik falaiacho ho keyukma, hatak nana hosh okchya he keyushke: yohmi kia nan vltoka vheha ak pulla tuk mak o nitak yvmma puta kvv ik falaio ka hi oke.

23. Yvmohmikma hatak nana kia, Yakeh ! ilvppa Klaist vt antvshke, achi; keyukmvt yvmma antvshke, hvchim achi hoh kia, ik hvchi yimmo kashke.

24. Klaist ilahobi vheha, micha hopai ilahobi vheha aiena kvv hihlit nan isht atokowa chinto puta, mikmvt na fehna puta aiena ka okla otvnicha he; yvmohmi cha, yvmvt yohma hinlakma, nan vltoka, vheha fehna atuk kia yoshubliha hi oke.

25. Yakeh ! tikbanli hvchim anoli lishke.

26. Yohmi hoka, yakeh ! yummvt yakni haiaka ya anta hoke, hvchim achi hoh kia, kohchvt hvch ik aiyo kashke : micha, yakeh ! vba potvlhpo a lumaka yak o yummvt anta hoke, hvchim achi hoh kia, ik hvchi yimmo kashke.

27. Malvtha kvv hvshi akochaka imma yo a kohchakmvt, hvshi aiokvtula ya pit tohwikelichi chatuk oka, Hatak Ushi vt minti kak kia yummak inli ho chiyuhma hi oke.

28. Kanima yo nan illi vt itonla hokma, mihi yo ossi puta mvt ai itahomba hi oke.

29. Na palommi nitak yummak atuk g in chekosikma, hvshi vt okhlilikma, anonti hvshi ninak aya mvt ik tommo ka he : mikma fochik puta kvv vba ya asht aka fohopakma, nan isht aighlika puta vba shutik ash osh faiokahancha hi oke.

30. Yemma fokakma, Hatak Ushi g isht atokowa kvv vba ya auet a haiaka hi oke : yohmikma oklushi moma yakni paknaka aiasha kvv yahaya he, mikma Hatak Ushi vt nan isht aighlika, micha isht a holitopaka chinto aiena ka il ai eshi hosh vba hoshonti anukaka ya mihinti na okla pisa hi oke.

31. Atuk ma yummak ash osh im enchil vhleha ha isht-pufa ola chinto ieshi ho tihlinlikma, ilap atokoli tok vhleha ha a mahli ushta shutik ont ai vhli achvfa ka vhlit iut in tennep pit a fullota ka a hoyot itahohomba hi oke.

32. Yohmi ka fik vpi nan isht vlpisa ka hvsh ai ithv-nashke. Yummak okvt hishi toba chi hosh bokoblit tahakma, tofa yvt olanlosi vla ka hvsh ithana chatuk :

33. Yohmi hokvt na yakohmi puta ka hvsh pisakmvt, ai vta hosi, okhissa ak kia ai itukonofa hoka, hvsh ithanashke.

34. Ahli mak o hvchim achi lishke. Himak a okla gsha iltppt ont ik taho kisha ho, na yakohmi puta kvv ont aighla chi hoke.

35. Uba shutik micha yakni aiena kvto ont ai iksho ka he, amba vno vm anumpa puta hatuk vto ont ai iksho ka he keyu hoke.

36. Yohmi ka nitak yummak a he, micha hvshi kanvlli

vlhpisa a he aiena hokvno, hatak nana hosh, mikmvt enchil puta vba aiasha mak osh pit ithana keyu hō, amba Aki ak bano hoke.

37. Yohmi ka Noah hvt ahanta nitak a kaniohmi tok ma, Hatak Ushi vt mihinti kak kia yvmmak inli hō chiyuhma hi oke.

38. Oka falama yvt ik aiyo kisha nitak foka ma, impa micha nan ishko, itauwaya mikmvt itauwaya he im vlhpisa aiena hosh aiasha na Noah hvt peni chukowa he nitak vt ona tok,

39. Yohmi ma ik ithano hosh okla aiasha na oka falama yvt vla cha, mominchit ishit kaiyanchi tok a, Hatak Ushi vt mihinti kak kia yvmmak inli hō chiyuhma hi oke.

40. Yvmma fokakma tuklo kvto osapa ya ashwa tuk ma; achvfa hō ai eshi na achvfa kvto anta he.

41. Ohoyo tuklo kvto nana a botoli a botoli hosh ashwa tuk ma; achvfa hō ai eshi na achvfa kvto anta hi oke.

42. Yohmi hoka hvchishno vt hvchin Chitokaka yvt ai vla he hvshi kanvlli vlhpisa hā hvsh ithana keyu kvto, okchvt hvsh hoyashke.

43. Yohmi kvto hatak chuka-chvfa pehlichi yatuk mvt hvshi kanvlli vlhpisa kaniohmi kak o na hukopa yvt aya hinla ka ithana hatuk okmvt, okcha pulla cha, im aboha yatuk mvt tiwa hi a ahna he tuk keyu, ilvppa hvsh ithanashke.

44. Yohmi hoka hvchishno ak kia hvchim vlhtahashke: yvmmak a he hvch ik aiahno hvshi kanvlli vlhpisa takla kia, Hatak Ushi vt vla hi oke.

45. Yohmi ka kvta hak osh tishu aighli, hopoyuksa achukma aiena tuk o, i shahli hvt ilap in chuka chvfa ya apesvchit ont ai vlhpiesakma ilhpak ipihinta chi ka, atokoli tok oh cho?

46. Yvmohmi hosh ahanta hō, i shahli hatuk vt vla cha ant pisa chi ka, tishu yvmvt na yukpa hi oke.

47. Ahli mak o hvchi miha lishke, Yvmmak atuk ma nana im asha ka moma apesvchi mak o ikba hi oke.

48. Yohmi tuk kia tishu ik vlhpeso yo kvto chukvsh

anukaka, A shahli hvt ai vla he tuk vt vbanvblichishke, achi ;

49. Yohmi cha tishu bika vhleha hash o bolit ishtia, yohmi mvt ishkot haksi vhleha ha it ibai impvt ibai ishkot ahanta hokmvo ;

50. Tishu yumma i shahli hatuk vt, yummak ash osh vla chi ik ahno nitak, mikmvt ik akostinincho i hvshi kanvlli vlpisa ho vla hi oke.

51. Yohmikmvt yummak ash o chanlit ita hokofi cha, nan ilahobi vhleha isht ai im vlhtoba mak o ibafohkit im apesa he : yummak oka yahaya micha noti ahampa aiena he mak oke.

CHAPTA XXV.

Chisvs vt nitak ishtaiyopi vla hi oka isht anumpuli : yohmi kv, ohoyo himita hatak haleli keyu pokoli, 1 : 14 micha talent aiena ka nan isht apesvt anumpuli. 31 Chisvs vt vla cha nana apesa hi okvt isht anumpuli.

1. YUMMA fokakma vba apelihchika yvt ohoyo himithoa hatak ik halelo pokoli hosh pula sholit, hatak himona itauwaya chi ka afamvt ilhkoli tok o chohma he.

2. Mihmvt tahlapi hosh hopoyuksa yokma, anonti tahlapi kvto ik hopoyukso ya tok.

3. Ik hopoyukso vhleha hatuk ash osh pula ha okla ishi ka, bila yano okla ik esho ki tok.

4. Amba hopoyuksa hatuk okvto bila yvt aivlhto a abeha ho prla ha aieninchit okla ishi tok.

5. Hatak himona ohoyo itauwaya chin tuk ash osh ile svlahachit anta na nosilhvt taha cha, okla nusi tok.

6. Atuk o ninak ont iklnna ma tahpahanla kv, Inta ! hatak himona ohoyo itauwaya chin tuk ash osh mintishke, it ont oh afama, achi tok.

7. Yohmi ma ohoyo himithoa yummak ash osh momvt tanit i pula ha okla aiiskiachi tok.

8. Mihma ik hopoyukso vhleha hash osh hopoyuksa

vhleha hash o, Pim pela hvt mosholi hoka, hvchi bila ya hvsh pipetashke, im achi tok.

9. Yohmi kia hopoyuksa vhleha ash osh afalaminchi mvt, Yohma he keyu; yvmmak keyukma, pishno micha hvchishno aiena ka hvvim ona he keyu hoka: amba ivt kanchi vhleha hak o ont hvsh in chumpa he, hvsh ahna he vhpesvshke, achi tok.

10. Atuk o chumpvt ilhkoli takla ma, hatak himona itauwaya chin tuk ash osh vla tok; mihma im vltaha tuk vhleha hash osh apihvt ai itauwaya ya pit abeha na okhissa vvt vlkvma tok.

11. I himmak o anonti ohoyo himithoa kashapa kash osh ai vla mvt, Chitokaka ma! Chitokaka ma! ish pin tiwashke, achi tok.

12. Yohmi kia yvmmak ash osh afalaminchi mvt, Ahli mak o hvchim achi lishke, Hvch ithanali keyushke, achi tok.

13. Yohmi ka Hatak Ushi vt ai vla he nitak, mikmvt hvshi kanvlli vhpisa aiena hoka pit hvsh ithana keyu hokvt, okchvt hvsh hoyashke.

14. Uba apelihchika vvt, hatak osh yakni hopaki nowvt aya chi hosh in tishu vhleha ha itahobi cha, nana im asha tuk vt ibbak fohki tok o chohmi hoka.

15. Mihmvt achvfa ho talent tahlapi ho ima mvt, anonti achvfa ka tuklo ho ima, anonti achvfa ka achvfa ho ima tok; hatak vt kanimihcha hinla aiyuka ka ai vltokowa mak o ima tok; micha mih mak inli ho nowvt aya tok.

16. Yohmi ma talent tahlapi ishi tuk ash osh ia mvt, yvmmak ash o isht itatobvt, anonti talent tahlapi mak inli ka isht ikbi tok.

17. Mihma tuklo ho ishi tuk ash kia, yvmmak ash inli ho chohmit tuklo mak inli ka isht ahayuchi tok.

18. Amba achvfa ho ishi tuk okvto ia mvt, yakni o ont kulli cha, i shahli in tvli holisso atuk ash luhmi tok.

19. Atuk o hopakit taiyaha ma tishu vhleha yvmma i shahli hash osh vla cha, yvmmak ash i hotinvt pisa tok.

20. Yohmi ma talent tahlapi ishi tuk ash osh, anonti

talent tahlapi mak inli ka aieninchit isht vla mvt, Chitokaka ma! yakeh! talent tahlapi hō is svma tok: yvmmak atuk a talent tahlapi mak inli ka isht ahayuchi li tuk oke, achi tok.

21. I shahli hash osh, Ulhpievshke, tishu aighli achukma chia ma! nana kanomosi ka aighli chi achukma hoka, nana lawa pehlichī a chikbi la chī hoke: chī shahli nan isht im ilaiyukpa ya ish chukowashke, im achi tok.

22. Mihma talent tuklo hō ishi tuk ash kia vla mvt, Chitokaka ma! yakeh! talent tuklo hō is svma tok: yvmmak atuk a talent tuklo mak inli ka isht ahayuchi li tuk oke, achi tok.

23. I shahli hash osh, Ulhpievshke, tishu aighli achukma chia ma! nana kanomosi ka aiahli chia achukma hoka, nana lawa pehlichī a chikbi la chī hoke: chī shahli nan isht im ilaiyukpa ya ish chukowashke, im achi tok.

24. Yohmi ma talent achvfa hō ishi tuk ash osh vla mvt, Chitokaka ma! hatak palvmmi chia chatuk; chishno ak osh ish hokchi keyu kia, ish ai vmo chatuk; mikmvt chishno ak osh ish mvshlichī tuk keyu kia, ish pehli chatuk oke, chithanali tuk:

25. Yohmi hatuk osh sa nukshopa cha, ivt chin talent a yakni anuka yo luhmi li tuk oke: yakeh! chimmi hatuk vt yak chin tonlvshke, achi tok.

26. Mihma i shahli hash osh afalaminchi mvt, Tishu haksi nan intakobi chia hvv, vno ak osh hokchi li tuk keyu kia ai vmo likmvt, anonti vno ak osh a mvshlichī li tuk keyu kia, a pehli li chatuk a, ish ithana;

27. Yohmi hokvt an tvli holisso a tvli holisso abohli ya ont ish bohla he tuk: yohmi tuk ma minti li kvv vmmi atuk micha ushi atuk a aieninchit ishi la hi atuk oke.

28. Yohmi hoka talent a oh im ai eshi cha, talent pokoli ishi kak o oh imá.

29. Kvna hosh ishi hok mak o ima na lauvt im aiasha hi oka: amba ik im iksho hatuk okvno ishi tuk ash kia, im ai isha he oke.

30. Mikmvt tishu ik ahobo yokvno kocha aiokhlilika mak

o pit hvsh kanchashke : yummak oka yahaya micha noti ahampa aiena mak a hi oke, im achi tok.

31. Hatak Ushi vt, enchil vhleha moma kv̄t apiha h̄o, ilap isht aholitopaka il ai ish̄it v̄la he, yohmikmvt im ai om binili holitopa yatuk ma om binila he oke.

32. Yohmikma itikb̄a ȳa oklushi moma kv̄t ai itahoba he : yohmikma yummak ash osh yumma achafolichit it̄i filamohlichi kv̄t, chukfv̄lh̄poba apesv̄chi vt chukfv̄lh̄poba ȳa isi kosoma it̄i filamohlichi chatuk mak o chiyuhma he.

33. Mikmvt chukfv̄lh̄poba ȳa im ibbak isht-impak imma yak o ashachikmvt, amba isi kosoma yokvno v̄lhfv̄bekimma ȳo ashacha he.

34. Yohmikmvt M̄iko ash osh im ibbak isht-impak-imma ḡsha kash o, Āki j̄ holitopa hv̄chia ma ! ho minti, v̄ba apehlichika yakni vt ik tobo k̄isha mak o hv̄chim v̄l̄taha tok vt hvsh ai ahantashke.

35. Ūno vt sa hohchv̄fo ma, ilhpak ḡ hvs sv̄peta tok : sa tukshila ma, nana h̄o hvs sv̄shkochechi tok : hatak ik ithano sia hatuk ḡ, aboha ȳa ik chukowa, hvs sv̄m aiahni tok :

36. Sa nipi bano ma, nana hvs sa fohkichi tok : si abeka ma, ant hvs sa pesa tok : vno vt aboha kv̄llo f̄oka li ma, ant hvs s̄a nowa tok okvt, im acha he.

37. Yohmikma hopoyuksa vhleha hash osh im afalaminchi kv̄t, Chitokaka ma ! katiohmi kash o chishno vt chi hohchv̄fo tuk ḡ, e chi pisa cha nana e chipeta tok o ? micha chi tukshila tuk ḡ, nana e chishkochechi tok o ?

38. Katiohmi kash o hatak ik ithano chia hatuk ḡ e chi pisa cha, aboha ȳa ik chukowa, e chim aiahni tok o ? mihmvt chi nipi bano tuk ḡ, nana e chi fohkichi tok o ?

39. Michā katiohmi kash o chi abeka, mihmvt aboha kv̄llo ish̄ f̄oka aiena tuk ḡ, e chi pisa cha, a ch̄i nowa tok oh cho ? acha he.

40. Mikma M̄iko vt afalaminchikmvt Āhli mak o hv̄chj miha lishke, Itibapishi li vhleha yakohmi ka moma ik lauwo achv̄fona ka katiohmi h̄o hvsh ai j̄ yvmohmi tuk okvt, vno ak o hvs s̄a yvmohmi mak atuk oke, im acha hi oke.

41. Yohmikmvt ibbak v̄lhfv̄beka imma ḡsha tuk ash kia,

Issikkopa he vhpesa hvchia hvt, g filvmmitt luak ataha iksho, Setan micha imi shilombish okpulo vhleha aiena im vltaha tok mak o, hvsh ilhkolashke.

42. Uno vt sa hohchvfo ma, ilhpak nana kia hvch ik sapeto ki tok : sa tukshila ma, nana kia hvch ik svshkochecho ki tok : hatak ik ithano sia hatuk g, aboha yg ik chukowa hvch ik svv ahno tok : si abeka, micha aboha kvllo foka li aiena ma, ant hvch ik sa nowo ki tok okvt, im acha he.

44. Yohmikma yvmmak ash kia afalaminchi kv, Chitokaka ma! katiohmi kash o chi hochaiyafu, mihmvt chi tukshila, micha hatak ik ithano chia, mihmvt chi nipi bano, chi abeka, mihmvt aboha kvllo ish foka aiena ka e chi pisa cha ke chi apelacho ke tuk oh cho? acha hi oke.

45. Yohmikma yvmmak ash osh afalaminchikmvt, Ahli mak o hvchi miha lishke, Yakohmi ka moma ik lauwo achefona kia kaniohmi ka a hvch ik i yvmihcho tok mvt, vno ak o hvch ik sa yvmihcho tok mak oke, acha hi oke.

46. Yohmikma yakohmi kash osh ai issikkopa bilia mak o pit ilhkola he, amba hopoyuksa yokvto aiokchayvt bilia yo ia hi oke.

CHAPTA XXVI.

Na pehlichhi vhleha hvt it afama cha, Chisvs g vba chi kvt isht anumpuli, 1. 6 Ohoyo hosh nan-ahama yg Chisvs noshkobo isht im a hvmmi. 14 Chutas Iskaliot vt Chisvs g tvli hvta pokoli tuchina hq ishit kanchi. 17 Chisvs vt nan im ai ithvna vhleha hg nan vbanvblit ontia it ibai impa ; 26 mihmvt opiaka na hoolitopa impa isht vhpisa ka apesa, 30 mihmvt kohchvt nvnih chaha Alif g ona ; mihmvt Pita yvt ik ithano miha chi ka tikbanlit anoli. 36 Chisvs vt Ketemane oapushi ont chukowa cha, vba pit anumpuli. Chutas Iskaliot vt hatak na-halupa sholi bieka ho pehlichhi cha, Chisvs g ont ishi. 57 Okla hvt Chisvs g ishi mvt na hoolitopa isht gsha pehlichhi in chuka hoolitopa isht ona mvt, okla hash osh kalakshichit on tuftua. 69 Pita yvt in Chitokaka yg ik ithano il abobi : yohmit ashtchi tok vt nukhaklo.

1. ATUK o yakohmi tok ; Chisvs vt anumpa ilvppa moma ka ahanchit ont in taiyaha mvt, nan im ai ithvna vhleha hash o,

2. Nitak tuklokma vbanvblit-ontia impa hvt gsha chi, mikma Hatak Ushi vt iti-taiyukhvna ahonvhlvt illa chi mak o, ishit okla ibbak fohka chi ka hvsh ithaiyanvshke, im achi tok.

3. Yvmma foka ma na holitompa isht gsha pehlichī vhleha, mikmvt na holissochi vhleha, mikmvt okla hā i hochitoka vhleha aiena kv̄t na holitompa isht gsha pehlichī Kaiafas hohchifo hō im aboha holitopa yā ai itvnaha tok.

4. Mihmvt haksichi hosh Chisvs g okla ishi cha, vba hinla kv̄t it im anumpulit m̄ya tok.

5. Yohmi kia, Impa chito gsha nitak ak o keyu hō, yvmmak keyukma okla hvt i sanali fehna hinla yoba ká achi tok.

6. Atuk o Chisvs vt Betani g Saimon leplosi vbi a tok in chuka yā gsha ma,

7. Ohoyo pash-ahama holitompa fehna alabasta itombushi achvfa hō ishi kv̄t im ona mvt, impa hosh gsha ma, nōsh-kobo g ont o fohobli tok.

8. Yohmi kia nan im ai ithvna vhleha hash osh pisa kv̄t, okla ik im vlhpeso fehna mvt, Katiohmi mak o ilvppvt yakohmit okpulo cho?

9. Pash-ahama ilvppvt l̄awa kia isht vlhtoba cha, ilbvsha vhleha hā i holhpela hinla tuk oka, achi tok.

10. Chisvs vt akostininchi mvt, Nanta katiohmi hō ohoyo hā hvsh ataklvmmichi cho? ilvppak okvt nan achukma mak o isht vm ai yvmihchi hoka.

11. Ilbvsha yokvto hvchim gsha bilia cha tuk : amba vno yokvto hvch ibatakla l̄i bilia keyushke.

12. Pash-ahama ilvppa sa haknip g o fohobli hokvt, sa hollopa chi kak o vm atahli hosh yvmihchi hatuk oke.

13. Ahli mak o hvchi miha lishke, Yakni moma ka kanima fehna yo vbanumpa ilvppvt isht ai anuhumpakma, nana ka ohoyo ilvppvt yakohmichi tuk g yvmmak ash o isht ithaiyana hi g, anohōwa hi oke, im achi tok.

14. Yvmma foka ma auah tuklo tuk ash achvfv̄t Chutas Iskaliot hohchifo hosh iv̄t na holitompa isht gsha pehlichī vhleha hash o im ona tok.

15. Mihmut, Yummak oka ishit hvchim issa la chi ka nanta ho hv svma hinla cho? yummak ash o im achi tok. Mihma tvli hvta boshulli pokoli tuchina hi o okla i kahli tok.

16. Yohmi ma nitak yumma ai vhlit mahaya ka yummak ash o kaniohmichit ishit im issa he akostinichi bahana tok.

17. Yohmi tuk o pvaska ik shatvmmo vpa nitak vmona ho nan ithvna vhleha hv Chisus a im ai ona mv, Ubanvblit-ont ia ish impa chi ka, katima yak o ont e chim ai atahla hi a ish ahni cho? im achi tok.

18. Mihma yummak ash osh, Ivt tvmaha ha hvsh onak mv, hatak yummak o hvsh im ona cha, Nan ithvnanchi vt, Nitak vt vm ai onq hosishke: chin chuka ak o nan vm ai ithvna vhleha ha pehlichit vbanvblit-ontia ya a holitobli la chi hoke, achi kano, hvsh im achashke, achi tok.

19. Yohmi ma nan ithvna vhleha hash osh, Chisus vt ai im atokoli tuk mak o yvmohmi tok; micha vbanvblit-ontia ya okla atahli tok.

20. Yohmi ma ont opivt taha ma, auah tuklo kash o peh-
lchi cha impa chi hosh binili tok.

21. Atuk osh okla impvt maya ma, Ahli mak o hvchi miha lishke, Hvsh achvfona kv svshit okla ha hvsh im issa chi hoke, achi tok.

22. Mihma okla nukhaklo fehna mv, achvfaiyukvt momvt, Chitokaka ma! vno ak oh cho? im achi tok.

23. Mihma yummak ash osh afalaminchi mv, Kvna hosh ampo a ibbak a pit svb ai okvchikmv, mihi yosh svshit okla ha im issa chi mak oke.

24. Kaniohmit isht holihiso tok mak o Hatak Ushi vt a yvmohmi hoke: amba Hatak Ushi a ishit inla ya im issa hatak okvto i pavmma chi mak oke; hatak yummak okvt ik tobo tok okmak osh im achukma hi atuk oke achi tok.

25. Yohmi ma ishit inla ya im issa Chutas ash osh afalaminchi mv, A shali ma! vno ak oh cho? achi ma, Ahli, ish mihrshke, achi tok.

26. Mihmut okla impa hosh maya ma, Chisus vt pvaska ya ishi cha, vba pit aiokpvchi mv, tushahlichu cha, nan ithvna

vhleha hash o pit ima mvt, Ilvppvt sa haknip mak oke ; ishit oh vpa, achi tok.

27. Mihmvt isht-ishko ya ishi cha vba pit aiokpvchi mvt, yummak ash o pit ima mvt, Hvsh moma kvv hvsh ish-kashke.

28. Ilvppak okv svssish nan isht vlvpisa himona, laua kvv nan ai ashvchika puta isht i kashofa he mak o, hlatapa hatuk oka.

29. Yohmi kia himak a pilla ma pkvpi vnit waya ilvppa ak ishko mak atuk osh himonvchit Aki apelihchika ya a hvch ibai ishko la he nitak mak a hi oke, hvchim achi lishke, achi tok.

30. Mihma vba isht taloa ya okla talovt issa mvt, okla kohchvt nvnih Alif a pit ilhkoli tok.

31. Yohmi ma Chisvs vt yummak ash o, Himak ninak a vno ak atuk mak o hvsh moma kvv hvch ibetvbla chi hoke. Chukfvhpoba apesvchi a issot kanchi likma, chukfvhpoba atuk vt itafimimpvt aya he, achi hosh holisso hatuk oka.

32. Yohmi kia falamvt tani li ha yokvto, hvchi tikba Kalili a ona la chi, im achi tok.

33. Pita yvt afalaminchi mvt, Moma kvv chishno ak atuk mak o isht ai ibetvbli kia, vno yokvto nitak nana si a ibetvbla he keyushke, im achi tok.

34. Mihma Chisvs vt, Ahli mak o chi miha lishke, Himak ninak a akaka yvt ik olo kvsha hv, hituchina ha chik svthano ka ish miha chi hoke, im achi tok.

35. Pita yash osh, Chi awant sulla chi ik nana kia, ak chithano miha la he keyushke, im achi tok. Mihma nan ithvna vhleha hvv momvt yummak inli hv miha tok.

36. Yvmma foka ma Chisvs vt yummak ash o pehlichich, yakni Ketsemane hohchifo hv ona mvt, nan im ai ithvna vhleha hash o, yvmma ivt ont vba pit anumpeli li takla ka, ilvppak inli hv hvsh chiyashke, im achi tok.

37. Mihmvt Pita, micha Sebete ushi tuklo aiena kvno pehlichich cha ia tok ; mihmvt nukhaklo fehvvt i wekit kvnia tok.

38. Yohmi mvt yummak ash o, Sa shilombish vt nukhak-

lo fehna, illa he ak kia chiyuhmishke : ilvppak inli ho chiyvt hvv svb ai okchashke, im achi tok.

39. Mihmvt achakalit ivt misha ituma ona mvt, hlipvt itula cha, vba pit anumpuli mvt, Aki ma! yohma hinla yoba hokma, isht-ishko ilvppvt a kanvllashke : yohmi kia vno ak osh ahni li kak keyu, amba chishno ish ahni kak ashke.

40. Mihmvt mintit nan ithvna aiasha kash o vla mvt, nusi hosh maya na ant pisa cha, Pita yash o, Hvs svb ai akcha na hvshi kanvlli achvfa ka ona hinla keyu mak oh cho?

41. Okchvt vba pit hvsh anumpohonli cha, ayoshuba ya hvch ik iba chukowo kashke : shilombish okvto im vlhtaha ho mvhli, amba nipi ak osh tikambishke, im achi tok.

42. Anonti atvkla ma ia cha, ont vba pit anumpuli mvt, Aki ma! isht-ishko ilvppa ai ishko li ha yo keyukma, a kanolla he keyu hokma, chishno nana ish aiahni ka yvmoh-mashke, achi tok.

43. Micha vla mvt, anonti nusi hosh maya na ant pisa tok : nishkin ak osh weki hatuk okvt.

44. Mihma anonti issvt ia mvt, ont atuchina ma vba pit anumpuli kvv, anumpa yvmmak ash inli ho miha tok.

45. Yohmi mvt nan im ai ithvna aiasha kash o vla mvt, Himmak mak o mavvt nusit hvsh fohashke ; inta! hvshi kanvlli vhpisa hvv ai ona mak oke ; yohmi ka Hatak Ushi a haksichit nan ashvchi vhleha ibbak sa fohka chi mak oke.

46. Ho tani, kiloh ilhkoli, yakeh! sa haksichit okla ibbak sa fohka chi hokvt olanlosi vlshke, im achi tok.

47. Mihma anumpohonli moma ho, auah tuklo atuk achvfa Chutas vt na holitompa isht gsha pchichi vhleha micha okla i hochitoka vhleha aiena im anumpa ho okla chinto bvshpo falaia puta, mikmvt iti tvptua aiena sholi ho, pehlichu cha vla tok.

48. Yohmi kvv haksichit okla ibbak fohka chi, yvmmak okvt isht akostinicha hi a im anoli kvv, Kvna ho ont i suk-sowa likma, yvmmak osh mih mak a chi hoke ; kvllchit hvsh ishashke, achi tok.

49. Mihmvt yvmmak ash osh Chisva a im ona mvt, A shahli ma! na chi yukpashke, achi mvt, i suksowa tok. •

50. Mihma Chisvs vt, A kana hvt katiohmi hō ish la cho ? im achi tok . Yohmi ma okla ai onvt Chisvs ash o itī hoklit ishi tok.

51. Yohmi ma Chisvs a apehvt gya tuk vt achufa hosh ibbak atuk ma i bvshpo falaia ya pit ishit shufi mvt, na hoolitompa isht gsha pehlichī in tishu hō isht fahamvt, haksobish a chanlit tvbli tok.

52. Yvmma foka ma Chisvs ash osh, Chim bvshpo falaia a falaminchit afohka ya pit ish fohkashke : kvna hosh bvshpo falaia yo ishi hokvto, bvshpo falaia yo isht illa he bano hoka.

53. Himonasi ak kia Aki a pit im asilhha li hok ma, ashalika enchil vhleha lechvn auah tuklo atampa ka auet vma hinla ka ik chim ahobo cho ?

54. Yohmi hokma katiohmi hosh yakohma hi a tok vt Baibil vt ont aighla hinla cho ? im achi tok.

55. Chisvs vt hvshi kanvlli vhpisa yvmmak inli hō okla laua yash o, Hatak hukopa yo ayvt i kohcha hō chiyuhmit bvshpo falaia, mikmvt iti tvptua aiena sholi hosh hvsvsha chī kvv hvsh itvnowa cho ? tempel anukaka ya nana ai ithvnanachit nitak moma hvch itintakla binili li ka itī hoklit hvch ik sasho chatuk oke, im achi tok.

56. Yohmi kia hopaii vhleha hvt holissohonchi tok a ont aighla chī mak o, ilvppa moma kvv yakohmi tok. Yohmi ma nan ithvna vhleha hatuk vt momvt yvmmak ash o issvt yihlepa tok.

57. Yohmi ma Chisvs a itī hoklit ishi tuk vhleha hash osh yvmmak ash o ilaelit ivt na hoolitompa isht gsha pehlichī i shahli Kaiafas a isht im ona tok ; yvmmak o na holissochi vhleha, mikmvt hochitoka vhleha aiena kvv ai itvnavvt maya hatuk oka.

58. Yohmi ma Pita yvt auet i mishemanchit pit iakaiyvt yaghayvt na hoolitompa isht gsha pehlichī i shahli im aboha hoolitopa hatuk ma ont chukovvt, ont ishtaiyopi ka pisa chī hosh tishu vhleha ha takla ont binili tok.

59. Mihma na hoolitompa isht gsha pehlichī vhleha, micha hochitoka vhleha, mikmvt nan-apesa moyuma kvv Chisvs a

vba chi kv̄t, anumpa ik ghlo isht atokola hi a hoyot aiasha tok.

60. Yohmi kia ik ahayucho tok. Anumpa ik ghlo isht atokoli hokv̄to lauv̄t ai ahanla mv̄hli kia, ai v̄lhpesa hi a ik ahayucho tok. Ont ishtaiyopi ma anumpa ik ghlo isht atokoli vt tuklo hosh vla tok;

61. Mihmet, Ilv̄put Chihowa in tempel a okpni li tuk mt̄, anonti nitak tuchinakma ikbit tahli la hinla hoka, achi kv̄no, achi tok.

62. Yohmi ma na holitompa isht agha pehlich̄i i shahli vt wakaya mt̄, afalaminchit, Afalaminchit nana kia chik acho cho? nanta mak o yakohmit isht chi atokoli cho? im̄ achi tok.

63. Yohmi kia Chisvs vt nana ik acho ki tok. Mihma na holitompa isht agha pehlich̄i i shahli vt anumpuli mt̄, Chishno ak osh Klaist Chihowa Ushi chia hatuk okm̄vt, keyukma nana hatuk okm̄vt, ish pim anola he mak o Chihowa okchaya pulla ka isht a chim apesa lishke, im̄ achi tok.

64. Mihma Chisvs vt, V̄lhpesa ish mihvshke: yohmi kia, Himak a pilla ma Hatak Ushi vt nan oklv̄ha im̄ aiya im̄ ibbak-ishtimpakimma ȳa binili, micha vba hoshonti anukaka minti aiena h̄o hv̄sh pisa hi oke, hv̄chim achi lishke, im̄ achi tok.

65. Yohmi ma na holitompa isht agha pehlich̄i i shahli ash osh im̄ ilefoka, im̄ anchi aieninchit ita hlilv̄ffi mt̄, Chihowa ik ahobalot anumpa h̄a anumpulishke; himmakma nan-isht ai atokowa katiohmi h̄o iloh ahna hinla cho? inta! himak okv̄no Chihowa ik ahobalot anumpuli ka hv̄chishno vt hv̄sh hakloshke.

66. Katiohmi hv̄chim anukfila cho? achi ma, okla afalaminchi mt̄, Illa he ak o v̄lhpesa hoke, achi tok.

67. Yohmi ma nashuka ȳa on tuftua ma, ibbak a bonulit isht isso tok, kanimi kv̄t ibbak a isht pasalichi mt̄,

68. Klaist chia ma! kv̄na hosh chisso hokma, akostininchit pin anoli, achi tok.

69. Yohmi ma Pita yvt aboha holitompa kocha ȳa asha

tok: mihma ohoyo himita yosh yummak ash o vla mvt, Chishno ak kia Chisvs Kalili vta ya awant ish gya kamo, achi tok.

70. Yohmi kia moma itikba yatuk ma ik ithano ilahobit, Nana ish miha hoka, ak akostininchoshke, achi tok.

71. Micha kohchvt ivt apishia ona ma, ohoyo himita inla yosh pisa mvt, yumma maya kash o, Ilvppak kia Chisvs Na-salet vta ya awant gya kamo, im achi tok.

72. Mihma anonti anumpa kvllo isht il onochit ik ithano ilahobit, Hatak yumma ithana li keyushke, achi tok.

73. Atuk o in chekosi ma bilikasi hiohmaya tuk ash osh ai vla mvt, Pita yash o, Chishno ak kia okla yumma ish ib ai achvfa yatuk o pullvshke; chim anumpa hvv chi otvnichi hoka, im achi tok.

74. Yohmi ma yummak ash osh, Hatak yumma ithana li keyushke, achit ik ahobalot anumpulit anumpa kvllo isht il onochit ishtia tok. Mihma chekosi mak inli hq akaka yvt ola tok.

75. Yohmi ma Pita yash osh, Akaka yvt ik olo kisha hq, hituchina ha chik svthano ish miha chi hoke, im achi tok, Chisvs im anumpa hash pit ithaiyana tok. Mihmvt kocha ia cha, yahaya fehna tok oke.

CHAPTA XXVII.

Na holitompa isht gsha pehlichy vhleha hash osh Chisvs g Pailat Loman i miko ak o isht im ona, 1; 3 mihma Chutas Iskaliot vt ile nuksteli. 19 Pailat tekchi vt Chisvs g nana ik kanimihcho bok bano im ahni; yohmi kin na holitompa isht gsha vhleha hvv nan ahni kak o vhpesa im ahni cha, 26 Balabas ak o peh i hotofi mvt, Chisvs vto illa chi mak o miha. 27 Loman tvshka chipota vhleha vt Chisvs g ishi cha, kvti halupa yq noshkobo ha isht iachukolichi. 32 Tvshka chipota yvt Chisvs g ishit Kalkohla ona cha, im ilefoka yash na shoeli isht apesvt im ishi mvt, Chisvs ash iti-taiyukhvna ahonvhlchi ma; 50 Chisvs vt chitoli fehvt tahpola mvt, illit kvnia, illi ma na fehna kvv ai yvmohmi. 57 Chosef Alimahlea vta yak osh, Chisvs vt iti-taiyukhvna takali tuk g ishit akvchi, mi-cha hatak illi ai asha himona ilap immi ak inli hq fohkit bohli.

62 Na holitompa isht gsha pehlichi vhleha hak osh asihhla ma, Pailat vt tshaka chipota ya atoinchi na Chisvs ahollopi g atoni.

1. **ONT** onrot taha ma na holitompa isht gsha pehlichi vhleha hut moma, micha okla i hochitoka vhleha aiena kvv Chisvs g vba chi kvv isht it im anumpulit maya tok.

2. Micha yvmmak ash q okla takchi mvt, ilauelit isht ivt, nahullo miko Pantivs Pailat ibbak g ont fohki tok.

3. Yvmma foka ma yvmma ishit okla hg im issa tuk Chutas ash osh yvmma illi issa na pisa mvt, inlvv im anukfila cha, tvli hvta boshulli pokoli tuchina kash q falaminchit na holitompa isht gsha pehlichi vhleha micha hochitoka vhleha aiena ka isht om ona mvt,

4. Nan ashvchi keyu issish q ishit okla hg im issa li hokvt ashvchi lishke, achi tok. Mihma, Yvmmvt nanta isht pi abalasia cho? yvmmak okvno chishno ak inli hosh ish pisashke, achi tok.

5. Mihma tvli hvta boshulli g tempel anukaka ya pit fohbli cha, kocha ia mvt, ont ile nuksiteli tok.

6. Yohmi ma na holitompa isht gsha pehlichi vhleha hash osh tvli hvta boshulli ash ishi mvt, Tvli holisso ai itahoba holitopa ya pit fohka he vlvpesa keyu, issish q isht vlvhoba hatuk oka, achi tok.

7. Yohmi mvt okla isht im anumpulit maya cha, oklushi inla hatak puta ka a hollopa hi vt shuti-tvna im osapa yo isht chumpa tok.

8. Yvmohmi hatuk q osapa yvmmvt, Osapa issish hohchifo tok vt himak nitak g moyuma hoke.

9. Yvmohmi ma hopaii Chelemaias vt anumpuli mvt, Isael ushi vhleha hut ai vlvhoba he okla apesa tok mak q ai vlvhoba he vlvpesa tuk vlvhoba tvli hvta boshulli pokoli tuchina ka okla ishi tok.

10. Micha Chitokaka yvt vm apesa tok mak q, shuti-tvna atuk im osapa yo isht atobbi tok; achi tok g ont aighli tok.

11. Mihma Chisvs vt nahullo miko itikba ya hikia tok; mihma nahullo miko vt yvmmak ash q i ponaklot, Chishno ak osh Chu okla hg i miko chia mak oh cho? achi

tok. Mihma Chisvs vt, Uhpesa hō ish mihvshke, im achi tok.

12. Atuk o na holitempa isht asha pehlichī vhleha, mik-mvt hochitoka vhleha aiena kv̄t nan isht mihachi ka, nanasi kia ilapvt afalaminchit ik miho ki tok.

13. Yohmi ma Pailat ash osh, Nana lgwa ka isht a chi atokoli ka chik haklo ho tuma? im achi tok.

14. Yohmi ma yvmmak ash osh anumpa achvfa kia ik im afalamincho ki tok; yohmi hatuk o nahullo m̄iko ash osh nukhlakancha fehna tok.

15. Micha vbanvblit ontia impa ashakma, kvna hō okla ahnikma, nahullo m̄iko vt yukvt talakchi atuk g okla h̄g imi hotofi chatuk a tok.

16. Atuk o yvmma fehna ma annohōwa fehna chatuk yukvt talakchit Balabas hohchifo hosh okla h̄g im anta tok.

17, 18. Yohmi hatuk o Pailat ash osh yvmma okla isht ik i yukpo kak osh ishit okla h̄g im issa hatuk g, ithana hatuk osh, okla itvnavt taiyaha ma, Kvta mak o hvchim̄i hotofi la he g hvsh aiahni cho? Balabas ak okmá, keyukm̄vt, Chisvs osh Klaist hohchifo kak okmá, katimampo kak a chi cho? im achi tok.

19. Mihmvt nan-apesa aiasha ya ont binili ma, tekchi vt pit im anolit, Yvmmak atuk mak o himak nitak a si holhpokunvt nana isht ik svm ai achukmo kv̄t an laua hatuk oka, hatak ghli achukma yvmma nana chik kanihcho kashke, achi tok.

20. Yohmi kia na holitempa isht asha pehlichī vhleha, micha hochitoka vhleha aiena hokvto Balabas ak o okla asilhaha cha, Chisvs ak o vba ch̄i ka, okla laua ya atohnochi tok.

21. Nahullo m̄iko ash osh afalaminchi mvt, Tuklo ka katimampo hvchim̄i hotofi la hi g hvsh aiahni-cho? im achi ma, Balabas ak o, okla achi tok.

22. Pailat ash osh, Yohmikm̄vt Chisvs osh Klaist hohchifo kvno, nanta hak o katimihchi la hinla cho? im achi ma, Iti-taiyukhvna yak o ahonvhlvt illashke, momvt okla achi tok.

23. Mihma nahullo m̄iko ash osh, Katiohmi hō? nan okpulo nanta mak o yvmohmi tuk oh cho? achi tok, Yohmi

kia i shahlichit tahpulvt, Iti-taiyukhvna yak o ahonvhlvt illashke, okla achi tok.

24. Pailat ash osh ilapvt na kanihma he keyu, amba yahapa kak osh i shahlit toba pulla hi a akostininchi mvt, oka kapressa ya ishi cha, okla itikba ya ibbak ai achifa mvt, Hatak ahli achukma ilvppa im issish a isht si ahalaia keyu mak oke: hvchishno ak osh isht hvsh ashashke, im achi tok.

25. Yohmi ma okla momvt afalaminchi mvt, Im issish vt pishno, micha pim vlla aiena kak o onvtonlashke, im achi tok.

26. Yohmi ma yvmmak ash osh Balabas ak o okla ha imi hotofi tok: micha Chisvs ash o fvmmit issa mvt, iti-taiyukhvna ahonvchla chi mak o im issa tok.

27. Yvmma foka ma nahullo miko in tvshka chipota vhleha hash osh Chisvs a ishtivt nana ai apesa yo isht ona mvt, tvshka chipota vhleha ha mominchit ont im itvnahli tok.

28. Mihmvt nafohka ya i shoeli cha tvshka chipota pehlich i i nafohka humma yo ishit fohkvchichi tok.

29. Micha kvti iachuka ho okla tvnvt tahli mvt, noshkobo ha iachukolichi cha, anonti ibbak isht impakimma ya kvshak o pit fohki tok: mihmvt itikba ya okla i hvchukbihlepa cha, isht yopulvt, Chu okla i miko ma! na chi yuk-pashke, achi tok.

30. Mihmvt yvmmak ash o okla on tuftua, micha kvshak ash ishi cha, noshkobo ha isht boli aiena tok.

31. Mihmvt yvmmak ash o okla ishit yopulvt issa mvt, tvshka chipota i nafoka humma yash o i shufi cha, ilap i nafoka yash inli ho fohkvchichi mvt, iti-taiyukhvna ahonvlich a chi hosh ilaueleit ishtia tok.

32. Atuk osh okla ont kocha wiha fehna mvt, Saileni hatak Saimon hohchifo ho okla pisa tok: mihmvt im iti-taiyukhvna ya yvmmak osh shola he a okla atohnochi tok.

33. Atuk osh yakni Kalkohla hohchifo yvmmvt, Noshkobo foni aiasha, achi mak o ona ma,

34. Yvmmak ash o ishka chi ka wineka yosh basunlvsh okchi yvt ibvlhto ho ipeta tok: mihma yvmmak ash o ish-kot pisa mvt, ishka he keyu ki tok.

35. Mihma yummak ash o ititaiyukhvna okla ahonvhli-chi mvt, na shoeli o im ilefoka yatuk ash isht iti hopela tok; hopai vt, anumpuli mvt, Um ilefoka yatuk puta ka okla iti hopela mvt, anonti vm ilefoka lumbo atuk a okla nan-isht a shoelishke, achi tok vt aiabla chi mak a tok.

36. Micha okla hash osh yummak o aka binohli cha, yummak ash atoni tok.

37. Mihmvt noshkobo paknaka anumpa onvtula holisso hvt, ILUPPAK OSH CHISUS CHU OKLA* I MIKO MAK OKE, achi ho takalichi tok.

38. Yohmi ma hatak hukopa tuklo hosh apihvt ititaiyukhvna ahonvhla tok; achvfa kvvtt ibbak isht impakimma yo takali ma, anonti achvvt vlvfbekimma yo takali tok.

39. Mihma yvmma bilikasi ont ihiya kvvtt yummak ash o ik ahobalot pit i yuchunukli beka tok.

40. Mihmvt, Tempel a okpni cha, anonti nitak tuchinak-ma ikbit tahli chia hvt, ish ile okchalinchashke, Chihowa a Ushi chia hokmvt, ititaiyukhvna ya auet akowá, achi tok.

41. Na holitompa isht a sha pehlichu vhleha ak kia na holissochi vhleha, micha hochitoka vhleha ai itapeha kvvtt yummak ash o ishit yopulvt,

42. Inla yokvno okchalinchu hatuk okak osh, ilap inli kvvto ile okchalinchu he keyushke. Ilvppak osh Islael a i miko yatuk okmvt, himonasi ak o ititaiyukhvna ya auet ik akowá, yohmikmak o iloh i yimmashke.

43. Chihowa ya anukcheto atuk oka, yummak osh i hullo hatuk okmvt, himonasi a ant ik hlakofichi; Chihowa Ushi sia hoke, achi hatuk oka achi tok.

44. Hatak hukopa tuklo yvmma apihvt ititaiyukhvna ahonvhla tuk kak kia ik ahobalo kvvtt, yummak inli ho, chohmichi tok.

45. Yohmi ma hvshi kavvli vlvpisa ont isht hannalik fehna ai vhlit kvvtt, hvshi kavvli vlvpisa isht chakkali ona ka, yakni moma ka ai okhlilit kvvnia tok.

46. Yohmi ma hvshi kavvli vlvpisa ont isht chakkali foka ma, Chisus vt chitoli fehna hosh tabpvlvt, Eli, Eli, lama sabakhiani? achi tok; yummvt an Chihowa ma! an

Chihowa ma! nanta katiohmi ho is sa kanchi cho? achi hoke.

47. Mihma yumma hiohmaya tuk vt kanimi kv̄t haklo mvt, Hatak ilvp̄p̄t Elias ḡ pit i howvshke, achi tok.

48. Mihma mih mak inli ho achv̄vt malelit ia mvt, na shat̄m̄mi o ont ishi cha wineka alotoli mvt, kushak o taka-lichī cha, yummak ash o ishka chī ka pit ipeta tok.

49. Mihma inla ka yash osh, Ik ashá, Elias vt okchalinchit aya hinlakmá, nanakmá, keho pesá, achi tok.

50. Mihma Chisvs vt atukla ma chitoli fehna hosh tah-p̄la mvt, fiopissa tok.

51. Yohmi ma nant̄v̄na tempel anukaka takali tuk vt paknaka ak o a hlilav̄t ia mvt, aka ont taha cha tuklo tok: mihma yakni vt winakahanchi ma, tv̄li hochito puta kv̄t bakabli tok.

52. Mihma hatak ahollopi puta kv̄t tiwa ma, vbanumpuli puta haknip mayvt nusi tuk vt l̄awa kv̄t tani tok.

53. Atuk osh Chisvs vt illi tuk vt falamvt tani ma, ahollopi puta ka akohcha wihvt ia mvt, tv̄maha holitopa ya onvt l̄awa ka i haiaka tok.

54. Sintulion micha ap̄hvt mayvt Chisvs ḡ apesv̄chi tuk aiena kash osh yakni winav̄chi, mihmvt nana kv̄t ai yakohmi puta na pisa mvt, okla nukshopa fehna mvt, Ilppak okvt Chihowa h̄g Ushi yo mv̄hli tuk pullv̄shke, achi tok.

55. Yokmi ma ohoyo l̄awa Chisvs ḡ ap̄hvt Kalili ḡ asht, mintit yumma nan im atahli yatuk vt yumma maya cha, auet misbema ho pit pisa tok.

56. Yumma takla maya kv̄t, Meli Maktalene micha Meli, Chemis, mikmvt Choses aiena ishki, mikmvt Sebete ushi v̄hleha h̄g ishki ak osh aiena tok.

57. Ont opiv̄t taiyaha ma hatak nan in laua Alimahlea v̄tta Chosef hohchifo hosh, yummak kia Chisvs ḡ nan im ai it̄v̄na ak inli tuk osh v̄la tok.

58. Michā ia mvt, Chisvs haknip ḡ Pailat ḡ ont im asil̄ha tok. Yohmi ma haknip atukma ima he ḡ, Pailat vt miha tok.

59. Mihma Chosef vt haknip atuk a ishi mvt, yvmmak ash o nantvna kashofa linen achukma ho a bonulli tok.

60. Mihmvt yvmmak ash o ilap i sepvka himona tuli chito yo a kulli hosh ikbi tuk osh ont fohki tok: mihmvt sepvka okhissa ash o tvli chito yo tonolichit pit isht akamali cha, ia tok.

61. Mihma Meli Maktalene, micha Meli achvfa itatuklo kvv sepvka i chapaka ya chiya tok.

62. Yohmi ma nana ai vltaha nitak atuk auct achakaya nitak o na holitempa isht gsha pehlichi vhleha, micha Falisi vhleha aiena kvv Pailat a ant im ai itvnaha cha,

63. Pi shahli ma! na haksichi yvmmvt okchaya momvt ahanta mvt, Nitak ont atuchinakma falamvt tani la hi oke; achi tok a il ithaiyanvshke.

64. Yohmi hoka ish apesa na sepvka vt kvllot vvhkama na nitak atuchina ka onashke; yvmmak keyukma nan im ai ithvna vhleha hvv ninak a ai vlvv hukopvt ishit kvnia cha, Illi tuk vt falamvt tanishke, okla ha im acha hinla hoke: yohmikma ishtaiyopi ka isht haksi kak osh ik ai vlvpeso kvv vmmona tuk a i shahla hinla hoke, achi tok.

65. Mihma Pailat ash osh, Nan atoni vt hvchim gshvshke: oh ilhkoli cha, kanimihchit hvsh a kvullocha hinla kvv hvsh yvmihchashke, im achi tok.

66. Mihma ilhkoli mvt, tvli ash o in chunli cha, nan atoni a ashachit, sepvka ash a kvllochit kaiyanchi tok.

CHAPTA XXVIII.

Nitak ont atuchina onnahinli fehna ohoyo tuklo kvv Chisvs ahollopi tuk a ona; yvmma enchil vt ai afama, 1; 2 micha Chisvs vt illi tuk vt falamvt tani tuk a, im anoli; mihmvt nan im ai ithvna vhleha ha ia cha, ont im anola chi ka i miha. 11 Kaniohmi hoeh Chisvs ahollopi ya atonit aiasha tuk vt falamvt tvnaha chito ya ona cha, ahollopi nana a kaniohmi tuk a na holitempa isht gsha pehlichi vhleha ha im anoli. 15 Chisvs vt nan im ai ithvna avah achvfa ka Kalili ak o ai i haiaka, 19 micha vbanumpa ha okluahv putv ka isht im anumpohonlit itvnohova he a im apesa.

1. YUMOHI tuk o nitak hullo vt ont taha tuk wek nitak emmona chi hosh onvt mihinti ma, Meli Maktalene, micha Meli achvfa itatuklo kvv sepvka yash pisvt aya hosh itonachi tok.

2. Yohmi ma yakni vt winakvchi fehna tok: Chitokaka im enchil osh vba mintit vla cha, tvli okhissa onvtula tuk a kanompit tonolichi cha, paknaka ya on gsha ha tok,

3. Mihma haknip vt malvtha ak o chiyuhmi ma, im ilefoka yvt tohbi kvv okti pushi ak o chiyuhmi tok.

4. Mihma nan atoni vhleha hatuk vt yvmma i nukshopa kvv vwnihinchi mvt, illi yo chiyuhmi tok.

5. Yohmi ma enchil vt anumpuli mvt, ohoyo hash o, Ititaiyukhvna ahonvhlvt illi tuk Chisvs ak o hvsh hoyo ka hvchim ithanali hoka, ik hvchi nukshopo kashke.

6. Ilvppa ikshoshke; miha tuk okvt falamvt tani tuk oke. Mintit Chitokaka yvt ai itola tuk a ant ho pesa.

7. Michi tushpvt ivt, illi tuk vt falamvt tani cha, hvchi tikba Kalili a ia chi ka, yvmmak o ont hvsh a pisa chi hoke, nan im ai ithvna vhleha ha ont hvsh im anolashke: inta! hvchim anoli li mak oke, im achi tok.

8. Yohmi ma nukshopa, mikmvt nayukpa fehna aiena hosh sepvka ya ashvvt tushpvt itiachi tok; mihmvt nan im ai ithvna vhleha hatuk a anumpa isht im ona chi kvv tihlahaya tok.

9. Atuk o nan im ai ithvna vhleha ha im anolit ia hosh avvt okla ma, Chisvs vt afama cha, Na hvchi yukpashke; achi tok. Mihma ivt yvmmak ash o iyi a ont halvlli cha, aiokpahanchit okla tok.

10. Yohmi ma Chisvs ash osh, Ik hvchi nukshopo kashke: Oh ia cha, itibapishili vhleha ha ont hvsh im anolikma, Kalili a okla ai onvt yvmmak o a sa pesashke, im achi tok.

11. Yohmi na itiachi hosh avvt okla ma, nan atoni vhleha hatuk kaniohmi kvv tvmaha ha ona cha, nana kvv kaniohmi tuk a mominchit na holitompa isht gsha pehlichi vhleha ha im anoli tok.

12. Mihma yvmmak ash osh hochitoka vhleha ai itapihvt

itvnaha cha, it im anumpulit okla in taiyaha mvt, tvshka chipota vhleha hash o tvli holisso lawa ka ima cha,

13. Nan im ai ithvna vhleha hvv ninak o ai vla cha, nusi hosh e maya takla ma, ant hukopvt ishit kvnia tuk oke, hvsh achashke.

14. Yohmikma ilvppak atuk mvt nahullo miko haksobish g afohka hokma, yvmmak oka e hopohlvchi cha, e hvchi hlakofichashke, achi tok.

15. Yohmi ma tvli holisso ash o okla ishi mvt, nan im avvchi tok mak o okla ai yvmohmi tok: yvmohmi tok o anumpa ilvppvt himak nitak ak kia Chu okla itintakla ya ai anghoa hoke.

16. Yohmi ma nan ithvna avah achvfa kash osh Kalili g ilhkolit, nvnih chaha Chisvs vt ai im atokoli tok mak o ona tok.

17. Micha yvmmak ash o pisa mvt, okla ai okpahanchi tok: yohmi kia kanimi kvto anuktuklo tok.

18. Yohmi ma Chisvs vt vla cha, ant im anumpuli mvt, Uba yakni, micha yakni ilvppa aiena nan-isht im ai ghlika puta moma kvv vmmi toba hoke.

19. Yohmi hoka hvsh ilhkoli cha, oklushi moma ka nan ithvna ikbit, Iki, micha Ushi, mikmvt Shilombish Holitopa aiena ho isht a hochifochit hvsh baptismo honchashke:

20. Nan oklyha ka nana ho hvchim apesa li tuk g holi-tobla he mak o hvsh im abahanchashke: yohmikma yakeh! vno vt hvchi awant aya li bilia ho, yakni vt ont ai vha hi oke, achi tok oke. Amen.

UBANUMPA MAK.

UT HOLISSOCHI TOK.

CHAPTER I.

Chan Baptist vt vbanumpa isht anumpohonli 1; 9 Chan vt Chisvs g baptismochi; 12 atuk q yvmmak atuk g i himmak ma Setan vt Chisvs ash q imomaka pisa. 14 Chisvs vt Kalili g vbanumpa isht anumpohonli; 16 mihmvt Saimon, micha Antilu, mikmvt Chemie, micha Chan aiena ka nan im aiithvna toba chi ka i miha. 23 Nitak hullo ya Chisvs vt nan ithvnanchi, micha shilombish okpulo kobchichi aiena mvt; 29 Pita tekchi ishki, 82 micha hatak abeka inla yvt laua ho hlakofichi; 85 Chisvs vt vba pit anumpula chi bosh onmvt ik tabo kijaha ho tani; 89 atuk osh i himmakma Kalili vbanumpa isht ai anumpuli, 40 leplosi vbi yo hlakofichi.

1. CHISUS Klaist Chihowa Ushi im vbanumpa ai ishtia vmona kv,

2. Yakeh! vm anumpeshi ya chi tikba chvffichi li hoka mihi yosh chi hina ya tikbanli apoksiacha hi oke.

3. Achvfa hosh yakni haiaka ya a pahaya kv, Chitokaka ataya hi g apoksiachit i hina puta ka oh apissvlich, ahan-chishke, achit hopaii vheha i holisso ha a holisso tok ak q ai itilau tok.

4. Chan vt yakni haiaka ya a baptismohonchi mvhli tok: mihmvt ai ashvchika puta ka isht a kashofa chi ka, ile kostininchit baptisma hi g isht anumpohonli tok.

5. Yohmi ma Chutea yakni ai asha tuk, micha Chelusalem ai, asha tuk aiena kv, momvt yvmmak ash q im ai ona cha, nan im ai ashvchika puta ka il anohonlit, Chatan okhina yak q ai im a baptismo tok.

6. Mihmvt Chan vt kamel hishi nafohka fohka cha, na-

hakshup vskofvchi yo vskofaiyachi tok : mihmvt hawa, mi-
cha foi-bila kowi anuka gsha yak o vpa beka tok.

7. Mihmvt vbanumpa isht anumpohonli mvt, Uno g g
shahli fehna hosh auet siakaiyvt minti, yvmmak okvno vno
vt i shulush isht-talakchi yak kia a hlipivt hotofi la he si
ahoba keyu hoke.

8. Uno vto oka yo isht hvchi baptismochi li mvhli hatuk ;
amba yvmmak okvto Shilombish Holitopa yo isht hvchi
baptismocha chi hoke, achi tok.

9. Atuk o nitak yvmma foka ka yakohmi tok : Chisvs vt
Nasalet Kalili talaia ka vttvt mintit vla cha, Chatan ak o
Chan g ai im a baptismo tok.

10. Micha oka ya ai vttvt kocha ia mak inli ho, vba shu-
tk vt auet tiwa na Shilombish Holitopa yvt pvchi-yoshuba
chiyuhmi hosh vba mintit yvmmak ash o ant o binili tok.

11. Yohmi ma vba ya anumpa hv auet takali kv,
Chishno ak osh Svsso g holitopa chia hoke ; chishno ak o
nan-isht chi a sai yukpa hoke, achi tok.

12. Atuk o chekosi mak inli ho Shilombish Holitopa yvt
yakni haiaka ya pit chvffichi tok.

13. Yohmi na yakni haiaka yvmma nitak pokoli ushta ho
ahanta na Setan vt imomaka pihisa tok ; mihma napoa ok-
pulo puta ka itintakla ahanta tok ; mihma enchil vhleha
hosh nan-isht im anta tok.

14. Chan vt aboha kvlllo fohka ha yo, Chisvs vt Kalili g
vla cha, Chihowa ap ehlichika isht anumpa hanta ya isht
anumpohonli tok.

15. Mihmvt, Nana kv ont aighlit taha na Chihowa ap eh-
lichika yvt olanlosi vlvshke ; ile kostininchit, vbanumpa hg
ho yimm, ahanchi tok.

16. Atuk osh Kalili okhvta lapalika ya aya mvt, Saimon
vt itibapishi Antilu itatuklot, nvni-hokli yatuk okvt, nvni-
isht-hokli g okhvta pit okvchi hosh ahghwa na pisa tok.

17. Mihmvt Chisvs vt, Mintit vno ak o hvs si apeha na
hatak hokli yo hvch ikbi lashke, im achi tok.

18. Yohmi ma mih-makinli ho i nvni-isht-hokli yash issa
cha, iakaiyvt okla tok.

19. Mihma yvmmak atuk g ivt mishema ona mvt, Sebete ushi Chemis, micha itibapishi Chan itatuklo kak kia, peni anuka yg nvni-isht-hokli aiskiachi hosh chiya na pisa tok.

20. Mihmvt mih makinli hq yvmmak ash o pit i howa tok; mihma yvmmak ash osh iki Sebete vt hatak ilhtohno vhleha hq iba taklvt peni ash foka na issvt, pit iakaiyvt okla tok.

21. Atuk o Kapenavm ak o okla ai ona tok: atuk o chekosi ma nitak-hullo nitak o sinakak g ont chukowa cha, nana abahanchi tok.

22. Yohmi ma nan isht ai im avvchi ka okla anukhlakan-cha tok: yvmmak okvt nana kvv ai im vlvpiesa hosh nana im abahanchi kia, na-holissochi vhleha yak okvno ik holbo ki tok.

23. Yohmi ma sinakak yvmma hatak vt shilombish okpulo ai i foka hosh gsha tuk osh, tahpvlvt,

24. Ikikke! Chisvs Nasalet ai vtta chia hq nanta hq isht e chi ahalaia cho? kvna hq chia hoka chithana li, Chihowa i na-holitopa chia mak oke, achi tok.

25. Mihma Chisvs vt yvmmak ash im olvbbit, Nukchintot yvmma ish a kohchashke, im achi tok.

26. Mihma shilombish okpulo ash osh yvmmak ash o haiochechi cha, chitolit tahpvla mvt, yvmmak ash a kohcha tok.

27. Yohmi ma momvt, okokko! aiahni fehna; yohmi cha, Ilvppvt nanta mak osh yakohmi cho? ilvppak osh nan-isht avvchi himona nanta mak oh cho? ai im vlvpiesa hosh yvmmak ash osh shilombish okpulo vhleha hak kia nan im apesa ma, im antivshke, achit okla it im a ponaklot maya tok.

28. Yohmi ma chekosi makinli hq yvmmak ash isht annoa kvv Kalili a folumpa yakni moma ka hlopulli tok.

29. Atuk o sinakak g ashvt a kohcha makinli hosh Chemis, Chan itatuklo ka ai it apihvt Saimon, micha Antilu itatuklo in chuka yq okla ont abeha tok.

30. Mihma Saimon tekchi ishki yvt-yvnya hosh itonla tuk o, ashalika yvmmak ash im anoli tok.

31. Mihma ona cha ibbak g halvllit, tanichi tok ; mihma yvnha hash osh ashalika shipa na nan isht im vtta tok.

32. Atuk o ont opia hvshi vt okatula ma, haknip ik in chukmo puta, mihmvt nan-isht-ahullo okpulo ai i foka aiena tuk g, mominchit okla isht im ai vla tok.

33. Mihma tmaha okla hash osh momvt okhissa ya ant ai itahoba tok.

34. Mihma haknip ik in chukmo ilaiyuka isht abeka tuk g laua ho hlakofichi mvt, nan-isht-ahullo okpulo mvt laua ho kocha weli tok : mihmvt nan-isht-ahullo okpulo yvt ilapa okla ithana hatuk o, ik anumpuli ik im ahno ki tok.

35. Atuk osh ont onnahinli, onnvt ik taho kisha pilla ho, tani cha, kohchvt rot haiaka ona cha, vba pit anumpuli tok.

36. Mihma Saimon, micha apeha tuk ash aiena kvv pit iakaiyvt ilhkoli tok.

37. Atuk osh yvmmak ash ont pisa mvt, Hatak momvt chi hoyoshke, okla im achi tok.

38. Mihma auet apanta tmaha maya kak o kil ohona na yvmmak ma vba isht ai anumpohonli lashke, yvmmak a he mak osh gya li ha tok okvt, im achi tok.

39. Atuk osh Kalili fullota i sinakak puta ka vba isht ai anumpohonlit, nan-isht-ahullo okpulo puta ka kocha wihinli tok.

40. Mihma leplosi vbi yosh gyvt im ona cha, i hvchuk-biblepvt im ilbvsha mvt, Ulhpesa ish ahni hokmvt, is sa kashofa hinlvshke, im achi tok.

41. Mihma Chisvs vt i nukhaklo cha, ibbak g pi welit, potoli mvt, Ulhpesa ahni lishke ; chi kashofashke, im achi tok.

42. Mihma anumpulit ont issa makinli ho, leplosi ash ot ashalika i kvnia na yvmmak ash osh kashofa tok.

43. Mihma ik annoo ka hi a kvllochi fehna hosh yvmmak ash i mihvt taiyahli cha, ashalika kanima pit chvffichi ;

44. Yohmi mvt ahah ! aiahnit hatak kvna kia na chik im anolo kashke ; amba chi hlakofi hokvt okla ha nan im atokowa chi ka, ia cha, na-holitompa-isht vtta yak o ont ish il imi haiakvchi cha, nana puta ka Moses vt apesa tok mak o ish yvmihchashke, im achi tok.

45. Yohmi tuk kia yummak ash osh ia mvt, anoli fehvt, nana kash kanima moma ai im annoachi, yohmi na Chisvs vt himmakma ile haiakvchit ayvt tumaha hā chukowa he keyu hosh, amba kochvt yakni haiaka yak o vttvt aya tok: yohmi ma kanima moma a mintit im ai ohona tok.

CHAPTA II.

Chisvs vt hatak palsi isht abeka yq hlakofichi, 1: 18 Chisvs vt Mahlu vt nan im ai ithvna toba chj ka j miha; 15 micha pvblikan vhleha mikmvt nan ashvchi vhleha aiena ibai impa ka nan isht mihachi ma kanohmi hq yohmi hatuk vt anoli. 18 Mihmvt nan im aiithvna vhleha hq nan ik hullocho hoka nan isht mihachi; mihma yummak ash osh ik yohmo kvv im ai vlpesa atuk q miha mvt; 28 nan im aiithvna vhleha hq nitak hullo kobeffi hq nan isht mihachit aha ma, yummak okvt nitak hullo kobeffi hatuk o keyu ka miha.

1. ATUK o nitak kanohmi ma, anonti Kapenavm a ont chukowa tok: mihma aboha anuka aha ka annoa tok.

2. Yohmi ma ashaljka lavvt ant itahoba, yohmi na aiasha hi vt iksho ma, okhissa itikba yash kia a hikia hi vt iksho ki tok, mihma vbanumpa hq isht im anumpohonli tok.

3. Yohmi ma hatak vt palsi isht abeka hq ushtvt it j shoyulit, isht im vta tok.

4. Micha okla itakantvli ka, j biljka okla ona he keyu mvt, a hikia ka paknaka ya isht hulmo ya tiwi tok; atuk osh tiwit tahli mvt, palsi isht abeka yvt ai onvtola topa hash okla aka pit bohli tok.

5. Okla na yimmi ka Chisvs vt pisa mvt, palsi isht abeka atuk ash o Suso ma! na chim aiashvchika puta kvv chj kashofa mak oke, im achi tok.

6. Yohmi kia na-holissochi vhleha kanimi kvv yumma binohmaya tuk vt, chukvsh anukaka isht anukfillit,

7. Na katihmi hq hatak ilvppvt yakohmichit Chihowa ik ahobalot anumpuli cho? Kvta hosh nan ai aiashvchika puta ka kashofa hinla hq? Chihowa ak illa keyu?

8. Mihma yakohmichit okla im anukfila ka Chisvs vt ilap chukvsh ak inli ka isht akostininchi mvt, ashaljka, Na katih.

mi hq ilvppa puta ka hvchi chukvsh anykaka isht hvchim anukfila cho ?

9. Palsi isht abeka atuk g, Na chim ai ashvchika puta kvv chj kashofa hoke ; im achi kak okmá, keyukmvt, Wakayvt, chj potvlhpo g sholi cha, nowá, achi kak okmá, kati-ma kak osh ahchiba kvv ik lauwo cho ?

10. Yohmi kia Hatak Ushi vt yakni paknaka nan aiashv-chika puta ka kashofa hi vt ai im vlhpiesa hatuk g hvsh akostinincha chj kak o.

11. Palsi isht abeka yash o im anumpulit, Tanit, chj potvlhpo a sholi cha, chin chuka ish iashke ; chim achi lishke, im achi tok.

12. Mihma ashaljka yvmmak ash ot tanit, potvlhpo ash sholi cha, okla momvt pisa na kohchvt ia tok : yohmi na momvt nukhlakancha mvt, Nitak nan ash ilvppa chohmi na e pisa chatuk keyushke, ahanchit Chihowa yg pit holitobli-chi tok,

13. Atuk o anonti kohchvt ia mvt, okhvta lapalika yo ona tok : mihma okla laua yvt momvt ant im ai itahoba na nan im abahanchi tok.

14. Atuk osh ont ia hosh gya mvt, Lefai Alfes ushi vt tvli-holisso abohli g gsha na pisa mvt, yvmmak ash o, Is siakaiyashke, im achi tok.

15. Atuk o yakohmi tok : Chisvs vt yvmma im aboha anyka yg impa hosh gsha ma, pvblikan micha nan-ashvchi vhleha aiena kvv laua hosh Chisvs, micha nan im ai ithvna vhleha aiena ka takla binohmaya akinli tok : yvmmak okvv laua hatuk osh, okla apihvt gya tuk a tok.

16. Michá na-holissochi vhleha, micha Falisi vhleha aiena kvv, yvmmvt pvblikan vhleha, micha nan ashvchi vhleha aiena ka it ibai-impa na pisa mvt, nan im ai ithvna vhleha hash o, Katiohmi hq pvblikan vhleha, micha nan-ashvchi vhleha aiena kvno it ibai impvt nan it ibai ishko cho ? im achi tok.

17. Mihma Chisvs vt haklo mvt, Haknip im achukma hokvto, alikchi g bvna keyu, amba abeka kak oke : nan-ashvchi ik im iksho vhleha hq hohoyot gya li tok keyu,

amba, nan-ashvchi vhleha yosh ile kostinicha chj kak a tok, im achi tok.

18. Mihma Chan, micha Falisi vhleha aiena nan im ai ithvna vhleha hvt na hullohonchi beka tok : atuk osh ai vla mvt, Nanta katiohmi hō Chan micha Falisi vhleha aiena nan im ai ithvna vhleha hvt na hullohonchi ma, amba chishno na chim ai ithvna vhleha hvto nan ik hullocho cho? im achi tok.

19. Mihma Chisvs vt, Hatak himona ohoyo itauwaya tuk vt takla anta moma ka, i kanomi vhleha hvt nukhaklot na hullocha hinla cho? Hatak himona ohoyo itauwaya tuk vt im asha takla hokvt okla nahullocha he keyu hoke.

20. Yohmi kia hatak himona itauwaya yash ot ai i filvma he nitak vt ai ona he ; yohmikmak o nitak yvmma fokak-meno okla nukhaklot nahullocha hi oke.

21. Hatak nana kia nantvna hlilafa himona ka anchi hlipa ya isht akvlli chatuk keyu : yvmmak keyukma, na hlilafa himona vlvkta atuk vt sipokni ash hlilvffi na i shahlit hlilavt okpulo hoke.

22. Mikma hatak nana kia oka-paki himona ya shukcha sipokni yo apitta chatuk keyu : yvmmak keyukma, oka-paki himona yash ot shukcha yash mitahlichu na hlayakma ; shukcha yash ot okpula hinlvshke : amba oka-paki himona vt shukcha himona yo vlvpitta pullashke, im achi tok.

23. Atuk o yakohmi tok ; nitak-hullo nitak o osapa hlopullit aya tok : mihma nan im ai ithvna vhleha hvt onush a hlinlit itvnowa tok.

24. Mihma Falisi vhleha hvt, Yakeh ! na-katihmi hō nitak-hullo nitak o nana kvv ai vlvpesa keyu ka, okla yvmohmi cho? im achi tok.

25. Mihma, Lewi vt ilap, micha apehvt aya tuk aiena kvv hohchvfo mvt, nana ka bvna cha, a katiohmi tok :

26. Michu na hoolitompv isht vttv i shahli Abaiahla vt ahanta nitak a Chihova im aboha ya pit chukova cha, yvmma ai vpv he vlvpesa hatuk keyu, amba na-hoolitompv isht asha vhleha kak a he tuk a, pvska hoolitopa ya vpv mvt,

anonti apehvt aya tuk ma ipeta tok g himonna kia holisso hvch ik it im anumpulo chatuk oh cho? im achi tok.

27. Mihmvt nitak-hullo vt hatak ak o im vllhpisa a tok: hatak ak osh nitak-hullo ak o im vllhpisa tok keyushke.

28. Yohmi hoka, Hatak Ushi vt nitak hullo ak kia in Chitokaka yoke, im achi tok.

CHAPTER III

Chisvs vt hatak ibbak shila hlakofichi, mihma yvmmak o Falisi vhleha hvt vbi bonna hatuk o Chisvs vt koehvt kvnia, 1; 10 mihma okla laua apehvt ilhkoli na lauachit hlakofichi. 13 Mihmvt anum-peshi auah tuklo hq atokoli. 20 Chisvs a i kanomi vhleha hvt tasimbo hq im ahoba, 22 mihma Falisi vhleha hvt Chisvs g ik ahobalot anumpuli; yohmi ma yvmma okla miha ka ahli keyu ka atokolit im anoli. 31 Kvna hosh Chihowa nana aiahni puta ka yvmohmi hokvt Chisvs g i kanomi fehna mak oke.

1. ATUK osh anonti sinakak g ont chukowa ma, yvmma hatak vt ibbak shilvt illi yosh asha tok.

2. Mihma nitak-hullo nitak g hlakofichikmá, nanakmá, nan-vllhpisa onocha hi vt ahnit okla apesabanchi tok.

3. Mihma hatak ibbak shilvt illi yash o Iklvnnaka yg w McKayvt a hikiá, im achi tok.

4. Mihmvt, Nitak-hullo nitak g nan achukma hq yvmohmi, keyukmvt achukma keyu hq yohmi kak okmá; ilhfio-pak okchalinchi, keyukmvt vbi kak okmá, nanta kak osh ai vllhpesa cho? im achi tok. Yohmi kia nan ik acho hosh maya tok.

5. Mihma okla chukvsh kvllo ka isht nukhaktlot, ik im vllhpiesot filemvt pisa mvt, hatak ash o, Chisemochi, im achi tok. Mihma chisemochi tok; yohmi ma ibbak ash osh fallamvt hlakofit in tvnrvp ak inli hq chohmi tok.

6. Mihma Falisi vhleha hvt kocha wiha mvt, ashalika Helotian vhleha aiena kvv yvmmak ash vba hi vt isht it im anumpulit maya tok.

7. Yohmi kia Chisvs ash ot nan im ai ithvna vhleha hash

pehlich cha, flvmmi okhvta ia tok: mihma Kalili, micha Chutea aiena minti,

8. Michā Chelusalem minti, anonti Itumea, micha Chatan mish-tvnnvp minti, micha Taia, micha Saiton a fullota minti aiena okla chinto kv̄t nan aiyaka fehna ka yvmihchi hō okla haklo mvt, iakaiyvt okla chinto fehnvt im ai ona tok.

9. Mihma okla laua hokvt ik atehlefo k̄a ch̄i kak o, peni vt im vltaha ch̄i kv̄t, nan im ai ithvna vhleha h̄a i miha tok.

10. Lauachit hlakofichi hatuk; yohmi hatuk oka, nan i palummit aiasha atuk vt momvt yvmmak ash haleli bvnvt okla a hrvhlinchi tok.

11. Mihma shilombish okpulo puta kv̄t yvmmak ash pisa mvt, itikba aka hlipkvchi mvt, tahpahankvt, Chishno ak osh Chihowa Ushi chia mak oke, achi tok.

12. Mihma yvmmak ash ot ilap a ik otvnincho ka ch̄i ka, yvma kvllochit im apesa tok.

13. Mihmvt nvnih chaha yō ont oiya cha, kvna hō ilap aiahni hosh hoyo na, okla im ai ona tok.

14, 15. Mihma tohno na yvmvt ilapa apehvt aya cha, vbanumpa isht ahanta he; micha abeka puta hlakofichit, nan-isht-abullo okpulo kocha wela he aiena kv̄t, ai im vlvpesa ch̄i ka anah tuklo hō atokoli tok.

16. Mihmvt Saimon atuk a Pita hochifo tok.

17. Mihmvt Sebeta Ushi Chemis itibapishī Chan itatuklo, yvmmak ash o Boaneches hochifo, yvmvt Hiloha ushi, achi hoke.

18. Mikma Antilu, mikmvt Phillip, micha Bahlolomu, mikmvt Mahlu, micha Tamas, micha Alfevs ushi Chemis, mikmvt Tatevs, micha Kenan hatak Saimon aiena,

19. Mikmvt yvmmak ash ishit inla im issa tok Chutas Iskaliot vt aiena tok: mihma chuka chukowa tok.

20. Mihma okla laua yash osh anonti ant ai itahoba na ilhpak ak kia okla vpa he keyu ka chohmi tok.

21. Yohmi ma i kanomi vhleha hv̄t haklo mvt, Tasimbo hoke, achi cha, hokla ch̄i hosh okla ilhkoli tok.

22. Atuk o na-holissochi vhleha Chelusalem minti tuk

ash osh, Beelsebub ak o il ai ishi hosh, nan-isht-ahullo okpulo puta ka isht kocha weli hoke, achi tok.

23. Yummak ash o hoyo mvt, nan-isht-vlhpisa ho anum-pulit, Katiohmi kak osh Setan vt Setan a kohcha hinla cho ?

24. Micha apelhichika achvfa kvit it a kashapvt ilap ash inli it im i sanali hokmvt, apelhichi achvfa yummak atuk vt talaia he keyu hoke.

25. Mihma chuka achvfa vt it a kashapvt ilap ash inli it im i sanal kmvt, chuka achvfa yummvt talaia he keyushke.

26. Mikma Setan vt ilapo inlit it a sanalit ahanta cha, it a kashapa hokmvt, kvllot hikia he keyu, amba ont iksho ka he bano hoke.

27. Hatak nana ak osh hatak hlampko in chuka ya ont chukowa cha, im ilayak puta ka wehpula he keyu : vmmona hak o hatak hlampko yak o takchi ho keyukmvt ; amba yummak okmvt in chuka ya wehpula hinla hoke.

28. Ahli pulla ho hvchim achi lishke. Hatak puta nan im ai ashvchika yvt oklha, micha katiohmit Chihowa ik ahobalot anumpuli a puta kvit i kashofa hi oke.

29. Amba kvna hosh Shilombish Holitopa yak o ik ahobalot anumpuli hokvto nitak nana i kashofa he iksho, amba issikkopvt bilia mak osh im vlhpisa hi oke, im achi tok.

30. Yummvt nan-isht-ahullo okpulo yo il ai ishi hoke, okla achi ha tok oka.

31. Yohmi ma itibapishi vhleha, micha ishki aiena kvit ai vla cha, kocha ya ont hiohmavvt, inla atohnot yummak ash pit hoyo tok.

32. Mihma okla laua vt a fuloblit binohmaya tok ; yummak ash osh, Yakeh ! chishki micha chitibapishi vhleha aiena kvit kocha hiohmaya hosh chi hoyoshke, im achi tok.

33. Mihma afalaminchit, Hvshki micha itibapishi li vhleha aiena kak osh kvta hoh cho ? achi tok.

34. Mihmvt filemvt i bilikasi binohmaya kash pisa mvt, Hvshki micha itibapishi li vhleha aiena ka ho pesa.

35. Kvna hosh Chihowa nana aiahni ka yvmohmi hokmvt, yummak osh svtibapishi, micha an tek, mikmvt hvshki aiena mak oke, achi tok.

CHAPTA IV.

Na hokchi nan isht vlpisa; micha kaniohmi kak o Chisvs vt nan isht vlpisa ho isht anumpuli, 1; 14 na hokchi isht vlpisa yvt ato-kovvt annoa. - 21 Ktna hosh Chihowa im anumpa ha ithana hokvto, ai ithana kvv inla gsha ka im avcha he tuk: 26 vbanumpa hanta hatak chkvsh a fohka hokvt na-nihi yakni a holokchi yvm-mak oka yakohmi hosh ahni keyu kia, offot mahayvt waya cha, vmo ona chatuk a chiyuhmi hoke: 30 micha mvstv nihi ak o it vlpisa akinli. 35 Chisvs vt kocha umba, mahli kvllo ka im anumpulit yukobli.

1. **ATUK** osh anonti okhvta lapalika ya nan ai im avchit ahanta tok; yohmi ma okla chinto fehna kvv im ai itahoba: yohmi na yvmmak ash ot peni yo pit chukowa cha, okhvta paknaka yo binili ma; okla laua yash ot okhvta alaka ak inli ho maya tok.

2. **Mihma** nana ka lauachit nan-isht vlpisa ho isht im ababanchi tok: mihmvv nan isht im avvchi kvv;

3. **Inta!** ho haponaklo; na-hokchi vt na-hokcha chi hosh ia tok oke.

4. **Atuk** o hokchi ma, yakohmi tok; kanimi kvv hina lapalika yo kaha tok; yohmi tuk o vba hushi puta kvv ant vpvv tahli tok.

5. **Mihma** kanimi kvv tvli foka yakni gsha fehna keyu ho kaha tok; atuk osh yakni vt i suko keyu hatuk okvt, chekosi fehna offo tok.

6. **Yohmi** kia hvshi vt kohcha ma, anakshvvt hakshish vt iksho hatuk okvt, bvshit kvnia tok.

7. **Mihma** kanimi kvv kvv foka yo kaha tok: atuk o kvv tv offo cha, ai olvbi na ik wayo ki tok.

8. **Mihma** inlaka yvto yakni achukma yo kaha tuk osh, offot i shahlit mahayvt, vnit waya mvv, kanimi kvv pokoli tuchina ma, kanimi kvv pokoli hannali, anonti kanimi kvv tablepa achvfa vnit waya tok.

9. **Mihmvv**, **Kvna** hosh haksobish isht haponakla hi vt i hinlikmvv, haklashke, im achi tok.

10. **Atuk** o ilap banot gsha ma, yvmma aiasha tuk vt

auah tuklo kash it apeha cha, nan-isht vlpisa hash im a ponaklo tok.

11, 12. Hvchishno ak okvto Chihowa apelhichika nan ik otano ka hvsh ithana hi vt a hvchim vlpisa hoke; amba kocha maya kak okvno pisa hokvno pisa kia ik ithano ka he: haklo hokvno haklo kia ik akostinicho ka he mak o, ilvppa puta kv̄t nan-isht vlpisa hō ai im vlhtaha hoke: yvmmak keyukma nitak kanima ka chukvsh vt inlv̄t toba cha, nan im ai ashvchika puta kv̄t i kashofa hinla hoke, im achi tok.

13. Mihmvt, Nan-isht vlpisa ilvppa hvch ik ithano cho? mih kv̄to katiohmi hosh nan-isht vlpisa puta moma ka hvsh ithva hinla cho? im achi tok.

14. Na-hokchi vt vbanumpa hak o hokchi hoke.

15. Yohmikma kanima yo vbanumpa hv̄t a holokchikma, yakohmi kak osh ai itvnowa lapalika kaha mak oke: haklo tuk kia, chekosi mak inli hō Setan vt vlvt chukvsh im a holokchi tuk vbanumpa hash ishit kanchi hoke.

16. Yohmikma anonti, yakohmi kak osh tvli foka yakni a holokchi mak oke: yvmmak okvt vbanumpa hā haklo mvt, ashaliika na-yukpv̄t ai okpv̄chi hoke.

17. Yohmi kia ilap hakshish vt ik im iksho, yohmi hokvt chekosi takla kak bano hō kv̄llot hiohmaya hoke: atuk mvt vbanumpa pulla hatuk mak o nan ilbv̄sha, keyukmvt na-palv̄m̄mi kv̄t ashakma, chekosi mak inli hō ibetv̄bli chatuk oke.

18. Mikma yakohmi kak osh kv̄ti foka yo a holokchi mak oke.

19. Vbanumpa hā haklo; yohmi tukmvt yakni ilvppa nan isht im anukfila, micha nan in laua bv̄nna kv̄t isht ashvchi, mikmvt nana inla puta ai anushkunna aiena kv̄t ibai alota cha, vbanumpa hash ai olv̄bit ishi na ik vno toba kak oke.

20. Mikma yakohmi kak osh yakni achukma a holokchi mak oke; vbanumpa hā haklo mvt, yvmmak ash yimmi cha, vn̄it wayvt, kanimi kv̄t achv̄fa tuk vt pokoli tuchinakma; kanimi kv̄t pokoli hannali; anonti kanimi kv̄t tahlepa achv̄fa ona hoke, im achi tok.

21. Mihmvt, Pula hā tanchi isht-vlpisa nutaka, keyuk-

mut topa nuta yokmá, nana hō talali cha, ai-ō hikia ik o hi-
lecho ka hi o toba hō?

22. Nana kut ik otano ka hi osh luma kut ikshokma,
anonti nana kut ik haiako ka hi osh luma tuk vt iksho, amba
haiaka he ak o bano hoke.

23. Hatak nana hosh haksobish isht haponakla hi vt i
hinlikmut, haklashke, im achi tok.

24. Mikmut, Nana hvsh haklo kut ahah! hvsh aiahnash-
ke: nan-isht vlpisa nana hō isht hvsh apesa tuk mut, hv-
chishno vt isht hvchim vlpisa hi oke; mikma na haponaklo
hrchia hoka i shahlit hvchim ibvlhta hi oke.

25. Kuna hosh ishi hokmut, mihi yosh im ibvlhta he;
mikma kuna hosh ik im iksho tuk ma, mihi yo ishi tuk ash
kia im ai isha hi oke, im achi tok.

26. Mihmut, Chihowa apelihchika yvt hatak osh na-nihi
o yakni anuka pit hokchi:

27. Yohmi cha ninak a nusit, nitak ma tahanikma, na-
nihi ash ot offot hofantit taiyaha ka, yakohmi kak osh ik
siaho;

28. Yakni ak osh ilap inlit wayachi hoka: vmmona ka
vpi atuk mut, okshonli, yohmi ha mak osh waya chatuk.

29. Yohmi kia vni vt a lakna hokvno, ai-vmlo ona hatuk
oka, ashajika isht-vmlo isht iba chukowa chatuk ak o chi-
yuhmi hoke, achi tok.

30. Mihmut Chihowa apelihchika ya nanta hak o ohmi-
chit, nan-isht vlpisa nanta mak o il ai itilauecha chi
cho?

31. Mvstet nihi yvmmak okvt yakni anuka a holokchi
kut, na-nihi yakni paknaka moma ka iskitini kut ik lauwo;

32. Yohmi kia holokchi mut, offot isht mahayvt, chito
kut haiyukpulo moma imaiya ma, naksish vt hochitot fila-
mohli: yvmohmi na vba hushi puta kut hoshontika nutaka
a nusi ka chiyuhmi hoke.

33. Mihmut ai akostinincha hinla ka, anumpa hash nan-
isht vlpisa yvmma chohmi ka lauachit isht ai anumpohonli
beka tok.

34. Amba nan-isht vlpisa hō keyukmvno ik im anum-

pulo; micha ilapo banot maya hokma, nan im ai ithvna vhleha hā nana moma ka achukmalit im anoli beka tok.

35. Atuk osh nitak yummak atuk vt ont opivt taha ma, yummak ash o, Misha tvnnpv ak o pit keho hlopullí, im achi tok.

36. Mihma okla laua kash kanima pit yuhli mvt, yummak ash o peni fohka tuk vt moma na okla isht ia tok. Yohmi ma peni inla ak kia apehvt aya tok.

37. Atuk o mahli okpulo chinto kvv kocha: yohmi na oka banvtha kvv peni ash ai-issot pit vlvphinta ma, polga alota tok.

38. Mihma yummak ash osh nusi hosh peni asha ka pilla hō vlvphishi on itonla tok: atuk o okla ont okchvli mvt, Nan ithvnanchi ma! pilla chī ka nan-isht chik ahno cho? im achi tok.

39. Mihma wakaya cha, mahli hash im alvmmmit okhvta hash, Nuktanlvv lumvt ish talaiashke, im achi tok. Mihma mahli hvv issa na yokopa achukmvt talaia tok.

40. Mihma, Na katihmi hō hvchi nukshopa fehna cho? na katihmi hō na-yimmi kvv ik hvchim iksho cho? im achi tok.

41. Yohmi ma okla nukshopa fehna mvt, Ilvppvt hatak katiohmi mak atuk g mahli, micha okhvta aiena kak kia im antia cho? im achit maya tok.

CHAPTER V.

Chivv vt nan-isht-abullo okpulo laua hō kohchichi, 1; 18 mikmvt shukha aya achvfa hō ont abeba chī ka im ahni. 25 Chivv vt ia cha ushetik g ont hlakoficha chī hō Chailv vt im asilhha: mihma ia tuk osh takla yā ohoyo issish ont ia isht abeka yō hlakofichi, 35 mihmvt Chailv ushetik vt illi tuk g falaminchit tanichi.

1. **ATUK** osh okhvta hash mish tvnnpv pit tanvblit Katalenes yakni g okla ona tok.

2. Mihma yummak ash ot peni kohchvt ia kash o chekosi ma, hatak vt shilombish okpulo ai i foka hosh, yummak

okvt hatak illi aiasha ak o takla vttvt aya yosh hatak illi aiasha ya a kohchvt afama tok.

3. Yohmi ka yvmmak oka hatak nana hosh tvli itatakvli yoka isht takcha hi o keyu tok.

4. Yvmmak okvt iyi isht talakchi, micha tvli itatakvli aiena ka isht talahakchi kv, tvli itatakvli ya hokohlichit, anonti iyi isht talakchi a kobahlihinch; yohmi hoka hatak nana hosh yvmmak oka kostinicha he keyu ya tok.

5. Mihma ninak, nitak moma ka nvnih foka, micha hatak illi aiasha aiena kak o vttvt ayvt bilia cha, yahayvt tvli puta ka isht ile boli beka tok.

6. Yohmi tok kia Chisvs vt mishema ho minti na pit pisa mvt, malelit ont aiokpvchit,

7. Chitoli hosh anumpulit, Chisvs, Chihowa nana moma imaiya Ushi chia ka nanta ho vno vt isht chi ahalaia li cho? chik svlvshacho ka chi ka Chihowa pulla ho isht a chim apesa lishke, achi tok.

8. Yvmmak ash ot, Shilombish okpulo chia hv hatak yvma ish a kohchashke, im achi ha tok.

9. Mihmvt i ponaklot, Chi hohchifo hv nanta hoh cho? achi tok. Mihma afalaminchi mvt, Pi laua hoka, sa hohchifo hv Lechvn oke, achi tok.

10. Mihmvt yakni ashwa tuk ash a kohchit kanima pit ik tihlelo ka chi ka im asilhha fehna tok.

11. Yohmi ma yvma nvnih foka pit bilika ho shukha laua vt impa hosh maya tok.

12. Mihma nan-isht ahullo okpulo ash ot momvt im ilbvshvt, Shukha laua ak o pit ish pi on tihleli na yvmmak o ont il abehashke, achi tok.

13. Mihma Chisvs ash ot mih mak inli ho vlvpesa im achi tok. Yohmi ma nan-isht ahullo okpulo vhleha hash ot a kohchvt ilhkoli mvt, shukha laua yash ont abeha tok: mihma shukha laua yash osh, yvmvt tahlepa sipokni tuklo foka tuk osh, yihlepa fehvt sakti chaha yo okhvta ha pit ai oka kvvt oka ai illi tok.

14. Mihma shukha laua ya impvchit maya tuk ash ot yihlvpt, tmaha, micha haiaka gsha tuk aiena ka ont okla

anoli tok : yohmi ma nana mak osh yvmohmi tuk okma pisa chī hosh ilhkoli tok.

15. Atuk osh Chisvs g okla im ai ona mvt, nan-isht-ahullo okpulo ai i fokvt Lechvn il ai eshi tuk ash ot nafohka fohka cha, im anukfila mvt achukma hosh gsha na, okla pisa tok ; mihmvt okla nukshopa tok.

16. Mihma okla pisa tuk ash ot nan-isht-ahullo okpulo ai i foka tuk vt im a kaniohmi hatuk ; mihma shukha laua yvt a kaniohmi tuk aienna kash okla im anoli tok.

17. Mihma i yakni a kohchvt gya hinla ka, yvmmak ash o okla im asihhla tok.

18. Yohmi na peni g ont chukowa ma, nan-isht-ahullo okpulo ai i foka tuk ash osh awant gya hinla kv̄t im asilhha tok.

19. Yohmi kia Chisvs vt vlhpesa ik im ahno hosh, amba, Chin chuka ia cha, Chitokaka yvt chī nukhaklo cha, na chinto fehna ka a chim ataiyahli tuk g chī kanomi vhleha hq̄ ish im anolashke, im achi tok.

20. Mihma filvmm̄it ia mvt, na chinto nana mak o Chisvs vt im a tahli tuk a Tekapolis g ai anohonli tok. Yohmi ma okla momvt nukhlakancha tok.

21. Mihma Chisvs ash ot peni fohka cha okhvta in tv̄n-avp ash inli hq̄ pit tanvbli ma, okla laua hosh im itahoba tok ; mihma okhvta pit biljka hq̄ anta tok.

22. Mihma sinakak apesvchi vhleha achvfa Chailvs hohchifo hosh vla cha, yvmmak ash ant pisa mvt, iyi ituma ya hlipvt,

23. Im ilbahasha fehvt, Svso tek iskitini vt illi mak osh itonlvshke : ish ona cha, hlakofa he mak o chibbak g ont isht ish umbitepa hokbano chim ahni lishke : yohmikma okchaya he banoshke, im achi tok.

24. Mihma Chisvs vt awant ia tok : mihma okla laua kv̄t a hablihinchit apehvt gya tok.

25. Atuk o ohoyo achvfa hosh yvmmvt issish ont ia vbi tok g afvmmi suah tuklo ;

26. Yohmi hatuk o alikchi lgawa ka nan isht i palvmmi ai im a pisvt, nana im gsha tuk vt moma kampilvt tahli ; yohmi

krt achukma hi vt iksho, amba okpulo kv̄t i shaht ia bano tok.

27. Atuk osh Chisvs ḡ haklo mvt, okla itakantvli ka asha ka imma yō ont chukowvt, im anchi ya ont potoli tok.

28. Yohmi kv̄t im anchi ak illa hō ont ak potoli kia, sa hlakofa hinla hoke, ahnit im anakfila hatuk osh.

29. Mihma issish a mitafa yash osh ashalika shipa tok: mihma ililli yvmmak atuk ḡ a hlakofi kv̄t ilap haknip anuka ak iall ka isht akostininchi tok.

30. Mihma Chisvs ash osh isht-a-hlakofi vt im a kohcha kv̄t mih-makinli hō akostininchi hatuk osh, okla laua itin-takla ash a filemvt, Kv̄ta hosh vm anchi ya potoli cho? achi tok.

31. Mihma nan im ai ithvna vlheha hv̄t, Okla laua hv̄t chi a kantvli kv̄nia ka ish pisa kv̄t, Kv̄ta hosh sa potoli cho? ish achi há cha, im achi tok.

32. Mihma yv̄mma yvmihchi tuk ash o pisa bv̄nna kv̄t filemoa tok.

33. Yohmi ma ohoyo hash osh nana kv̄t ai i kaniohmi tuk vt ithana hatuk osh, nukshopvt wv̄nihinchi hosh vlv̄t, itikba ya ant hlipia mvt, ai ahli mak o im anoli tok.

34. Mihma yvmmak ash osh, Sv̄so tek ma! na chi yimmi yak osh chi hlakofichi hoke; nuktaiyalvt, micha ililli hatuk a ai i hlakofit ish ayashke, im achi tok.

35. Anumpuli kv̄t isht anta moma na kaniohmi kv̄t sinakak apesv̄chi in chuka minti hosh ai vla mvt, Chiso tek vt illishke; na katihmi hō nan-ithvnanchi ḡ ish im ahchibali na himak a cho? achi tok.

36. Chisvs vt anumpa hv̄t anumpa na haklo makinli hosh, sinakak apesv̄chi ash o, Chi komunta ná; amba na chi yimmi kak illashke, im achi tok.

37. Mihmvt hatak nana kia apehv̄t aya hi ḡ ik ahno mvt, amba Pita, micha Chemis, mikmvt Chemis itibapishi Chan aiena kak illa tok.

38. Atuk osh sinakak apesv̄chi in chuka ash vla mvt, okla yahapa, micha nishkin okchi minti, mikmvt chitolit yaiya fehna aiena hosh maya na pisa;

39. Yohmi cha pit chukowa mvt, Na katihmi ho yakohmit yahapvt, yaiyvt hvsh aiasha cho? ohoyo himita vt illi ho keyu, amba nusi hoke, im achi tok.

40. Mihma ishit yopulvt olvli tok. Yohmi kia yvmmak ash o mominchit kocha welit tahli mvt, ohoyo himita iki micha ishki itatuklo, mikmvt apehvt gya tuk ash aiena ho pehlichu cha, kanima ohoyo himita vt ai itola kash pit chukowa tok.

41. Mihmvt ohoyo himita yash ibbak g ont halvlli mvt, Talihla kumi, im achi tok; yvmmvt toshowa kvv, Ohoyo himita ma! tani, chim achi lishke, achi hoke.

42. Yohmi ma ohoyo himita yash ot ashalika tani cha, nowa tok, vta tok afvmmi auah-tuklo hatuk okvt. Yohmi ma nukhlakancha chinto fehna okla nukhlakancha tok.

43. Yohmi ma yvmmak oka hatak nana kia ik akostinincho ka hi g i miha tok; mihmvt nanasi kia i hoyo na impa hinla ka miha tok.

CHAPTA VI.

Chisvs vt vbanumpa isht anumpohonli: yohmi ma im ai okla achvfa yvt kanimanchi, 1. 7 Vbanumpa isht anumpula chi ka im anumpe-shi auah-tuklo ka pit tihleli mvt, nan-isht-ahullo okpulo puta imaiya chi ka im apesa. 14 Helot vt Chan g aboha kvllo fohki; atuk osh tekchi ash osh anukfohkichi ho, noahkobo tvbli tok. 30 Im anumpe-shi vhleha hvv falamvt Chisvs g im ai ona: 34 Chisvs vt hatak tahlepa sipokni tahlapi ho nan im avrchit ahanta mvt, pvaka lumbo tahlapi, micha nvi tuklo aiena tuk g okla ha impvchi.

1. **ATUK** osh yvmmak ash vttvt ia mvt, ilap i yakni ash inli ho ona; yohmi ma nan im ai ithvna vhleha hvv apihvt gya tok.

2 Atuk o nitak-hullo nitak ai ona ma, sinakak anukaka yo nana ai ithvnanchi tok; mihma yvmma haklo mvt, lauvv nukhlakancha mvt, Katima yak o hatak ilvppvt na yakohmi ka ai ithaiyana tuk o? mikma isht a hopoyuksa ilvppvt nanta hokak osh yvmmvt anukfohka tuk o, nafehna yakohmi puta kvv ibbak atuk ma isht ai yvmohmi cho?

3. Ilvppvt Meli ushi, Chemis micha Choses, mikmvt Chuta anonti Saimon aiena ka itibapishi chuka ikbi yash keyu hō? mikma in tek vhleha mvt ilvppa pi takla maya keyu hō? achi tok. Mihmvt yvmmak ash o okla isht ai ibetvbli tok.

4. Yohmi kia Chisvs ash ot, Hopaii vt ik holi topo hosh ahanta keyu kia, amba ilap i yakni ak inli, micha i kanomi vhleha, mikmvt in chuka-chvfa aiena takla ahantak mak bano chatuk oke.

5. Mihmvt yvmmak oka na-fehna nana ka ik ai yvmihcho ka hi vt ahni tok: amba hatak abeka kaniohmi kak illa hō ibbak isht umbitepvt hlakofichi tok.

6. Mihmvt okla na yimma he keyu kak oka, okokko! aishni tok. Mihmvt tmahushi taloha ka fullokuchit gyvt nan-ithvnanchi tok.

7. Atuk osh auah-tuklo kash o hoyo cha, tuklo aiyukachit kanima pit tihleli mvt, nan-isht-ahullo okpulo vhleha hā ai imaiya he mak o im apesa tok;

8. Mihmvt itvnowvt aya kvv nana kia isht ik ayo, amba trbi ak illa he; bahta vt iksho; pvska mvt iksho; tvli ho- lisso kia i shukcha ya ik foko ka he;

9. Amba shulush ak o honla he; mikmvt nafohka lumbo tuklochit ik fohko ka chi hō im apesa tok.

10. Mihmvt peh kanima yo aboha ya ont hvsh chukowak- mvt, yvmmak o hvsh ai ahshwa tuk osh a kohchvt hvsh ayashke.

11. Mikma kvna kia ik hvchi aiokpacho, micha ik hvchi haponaklo aienakma, yvmmak ash a kohchvt hvsh iakmvt, nan-isht im atokoli mak o hvchi iyi pvtha nuta hituk tohbi gsha ka hvsh tahtolashke. Ahli mak o hvchim achi lishke, Nan-rlhpisa chinto nitak ma Sotom micha Komola aiena kvto pit im vlpisa kvv tmaha yvmmak atuk a i shahla hi oke im achi tok.

12. Mihma ilhkoli mvt, hatak puta kvv ile kostinincha he ak o isht anumpohonli tok.

13. Michā nan-isht-ahullo okpulo a lauachit kocho weli mvt, anonti abeka yatuk ash lauachit bila isht a hvmmichit hlakofichi tok.

14. Mihma miko Helot vt yvmma pit haklo, (hohchifo kv̄t kanima annos kv̄t a mominchi hatuk oka;) mihmvt, Chan Baptist vt illi tuk vt tani hoka: yohmi hatuk ō na-fehna puta kv̄t yvmmak ash ō ai isht il otvnihinchishke, achi tok.

15. Kanimi kv̄to, Elias ak oka, achi ma: kanimi kv̄t Hopaii oka: keyukmvt hopaii v̄hleha ha tok achofona ma chohmi hoka, achi tok.

16. Yohmi kia Helot ash ot yvmma haklo mvt, Chan noshkobo tvbli li chash oka: illi tuk vt tani hoke, achi tok.

17. Helot vt itibapishi Filip ā tekchi, Helotias ak atuk pulla mak ō, ilap inlit pit on tihlelit, Chan ā ishit takchi mvt, aboha kullo fohki tok: yvmmak oka itauwaya tuk okvt.

18. Chan vt Helot ā, Chitibapishi tekchi ā ish itauawaya hi ā chim v̄lhpesa keyu hoke, im achi tuk a tok.

19. Yohmi hatuk ō Helotias vt yvmmak ash ō ī nukkilli cha, vbi ka ahni; yohmi kia na kanihma he keyu ki tok.

20. Helot vt Chan yvmmak okvt hatak ai v̄lhpiesa, micha ai āhli achukma hoka ithana hatuk osh, holitoblit nan ik ī kanihmo ka hi ā ahni tok; mihmvt yvmmak ash im a haponaklot, nana ka lauachit ai yvmohomi, mihmvt na yukvt ī haponaklo beka tok.

21. Atuk osh ont ai v̄lhpiesa nitak vt-ai ona ma, Helot vt ilap ai vtta tok nitak ō ī hochitoka v̄hleha, kv̄pitvni hochito, mikmvt Kalili ī holitompa v̄hleha aiena ka opiaka im pa im ikbi tok.

22. Atuk ō Helotias yvmmak ash ushitek vt ant chukowa cha, hihla ma, Helot micha apēhvt binohmaya tuk aiena kash ot na-yukpa ma, miko yash ot ohoyo himita ash, Peh nana hō ish ahni cha is sv̄m asilhhakma, chima lashke, im achi tok.

23. Mihmvt anumpa kullo im isht il ai onochit peh nana hō is sv̄m asilhhakma, apēhliechi li iklv̄nna hatuk ik nana kia, chima lashke, im achi tok.

24. Mihma yvmmak ash ot kohchvt ia mvt, ishki ash ō,

Nanta hak o asilhha la chi cho? ont im achi ma, yvmmak ash osh, Chan Baptist noshkobo hak o', achi tok.

25. Mihma tushpvt chekosi makinli ho ont chukowvt, miko ash im ona mvt, Chekosi mak o, Chan Baptist noshkobo yosh ampo fohka ho, is suma he ak o ahni lishke, achit im asilhha tok.

26. Mihma miko ash ot nukhaklo fehna tok: yohmi kia ilap vt anumpa kullo bi tuk pulla, micha apehvt binohmaya hatuk pulla mak o ik im ai ghlo ka hi a ik ahno ki tok.

27. Mihmvt miko ash ot ashalika nan-atoni pit chvffichi mvt, noshkobo ya isht vla hi a im apesa tok; mihma ia mvt, aboha kullo anukaka akinli ho noshkobo ya ont a tvbli tok.

28. Mihmvt noshkobo hash ampo fohkit isht vla cha, ohoyo himita yash o ima na, ohoyo himita yash ot ishki a ont ima tok.

29. Yohmi ma nan im ai ithvna vhleha hash ot yvmma haklo mvt, okla ai vlvvt illi haknip ash ishit, hatak illi aiasha yo bohli tok.

30. Mihma anumpeshi vhleha hash ot Chisvs a ant im ai itahoba cha, nana ka a kaniohmi tuk, micha nan avvchi tuk puta ka mominchit im anoli tok.

31. Mihma yvmmak ash o, Hvchishno banot filvmmit haiara oh ia cha, chekosi takla ka mgyvt ho fohá, im achi tok; lavvt ai ahanla ma, anonti ilhkohonli aiena hatuk o, peh maya cha impa kak kia impa he keyu chohmi tok.

32. Mihma lumvt peni pit vlhto cha, a haiaka ka pit ilhkoli tok.

33. Mihma ilhkoli ka okla pisa ma, anonti ithana kvv lau tok: micha tvmahá puta ka a kohchvt aka itvnowa hosh yvmmak ash pit yihlepa tuk osh, yvmmak ash o imaiya cha, ont im itvnaha tok.

34. Atuk o Chisvs ash ot ont kohcha cha, okla lau fehna ho pisa mvt, chukfulhpoba yosh apesvchi iksho ho itilau hatuk o i nukhaklo tok: mihmvt himona nana ka lauchit im avvehit isht ia tok.

35. Atuk o nitak ash ot ont shohba hosi ma, nan im ai ithvna vhleha hash osh im ai ona mvt, Ilvppak okvt yakni haiaka, anonti nitak mvt shohbit mahayvshke.

36. Kanima pit ish tihleli na yakni auet i bilika tmahu-shi puta ka itvnowvt, nana vpa hi vt ik im iksho hatuk okvt, pvska okla chumpashke, im achi tok.

37. Mihma, afalaminchi mvt, Ilimpa ha oh ipeta, im achi tok. Mihma, Ivt pvska iskvli tahlepa tuklo ai vlbi o ont e chumpa cha, ilimpa ha il ipeta chi hoh cho? im achi tok.

38. Mihma, Pvska katohmi ho hvsh ishi ho? ont ho pesa, achi ma; okla pisa mvt, Tahlapa cha, nvni tuklo hosh aienvshke, achi tok.

39. Mihma it a kvshkolit mominchit hvshuk okchaki ya ai o binohliha chi ka, im apesa tok.

40. Mihma tahlepa achufa, anonti pokoli tahhapi, yohmit it a kvshkovt binohli tok.

41. Mihma pvska tahlapi, micha nvni tuklo aiena kash o ishi cha, vba pit chakalit aiokpvchi mvt, pvska yash tushalichi cha, okla ha in talohla chi ho, nan im ai ithvna vhleha hash o ima tok: mihmvt nvni tuklo kash o okla mominchit in tushtuli tok.

42. Yohmi ma momvt impvt okla kaiya tok.

43. Mihma boshulli vt nvni pit aiena kvv kishi auah-tuklo ho ishi tok.

44. Yohmi ka pvska ya okla vpa tuk vt hatak tahlepa sipokni tahlapi foka tok.

45. Mihma ilap vto okla ha kanima pit tiblelit anta takla ma, nan im ai ithvna vhleha hash osh peni pit vlhto cha, tikba ivt mish tvnvp Betsaita okla ona chi ka, mih ma-kinli ho i miha tok.

46. Atuk osh okla hash kanima pit tihleli mvt, vba pit anumpula chi hosh nvni chaha yo pit oiya tok.

47. Atuk o ont opivt taha ma, peni ashot okhvta iklvna ya aya ma, ilap bano hosh haiaka ya anta tok.

48. Atuk o mahli ak osh a sanali hatuk o peni mofi kvllo fehvvt aiasha na pit pisa tok: atuk osh ninak isht vlvpisa

ont ai ushta foka h_o okhvta paknaka y_a a noh_owvt, _ayvt im ona, yohmi kv_t ont ia hi _a aiahni tok.

49. Yohmi kia yvmvt okhvta paknaka y_a a noh_owvt _aya na okla pisa mvt, shilup atuk _o okla im ahoba mvt, tah-p_vla tok.

50. Momvt okla pisa hatuk osh komunta ha tok. Mihma ashalika pit im anumpulit, Hvchi nuktanla achukmashke. Uno ash sia hoke, hvchi nukshopa ná, im achi tok.

51. Mihmvt peni ash ont ibachukowa ma, mahli hash osh issa tok: mihma okla nukhlakancha atampa fehna mvt, okokko! aiahni tok.

52. Yohmi kv_t okla ak osh ch_ukvsh kvllo hatuk osh, p_vska yatuk ash okla pit ik anukfillo kak a tok.

53. Atuk osh yvmmak ash pit tanvblit Kenesale_t yakni _a okla ai v_la mvt, v_hli h_a ont ataiyvli tok.

54. Mihma peni ash okla a kocha wiha ma, mih makinli h_o yvmmak ash okla pit ithana tok.

55. Mihmvt yihlepvt yakni auet a bilika ka mominchit hlopullit _ayvt, abeka puta tuk ash topa onochit sholit, yvm-mak ash osh kanima y_o anta na haklo mvt, isht itnowa tok

56. Mihmvt tumahushi, okmá, keyukmvt, tumaha chito yokmá, yakni kocha yokmá nana peh kanima y_o ona hoka, abeka y_a okla ai itnaha y_a ashachi mvt, yvmmak ash _o im ilefoka _a aposhokvchi ak oh kia okla potola hinla ka, okla im asilhba tok: mihma yvmmak ash okla potonli aiyuka hokvto, momvt hlakofi tok.

CHAPTA VII.

Chisvs nan im ai ithvna v_hleha hv_t ibbak ik abchifo hosh isht impa ka, Falisi v_hleha hv_t nan isht mihachi, 1; 8 mihma ilap ak osh anum-pa kochanli nan v_hlpisa tikba in tonla cha, Chihowa _i nan v_hlpisa h_a isht kob_vffi hatuk _a Chisvs vt atokolit im anoli: 14 yohmi kv_t nana boeh hatak ch_ukvsh _a a kocha ilvppak osh hatak _a okp_vni hoke, achi, 24 Chisvs vt Silofenisian ohoyo ushetk _a hlakofichi mvt; 31 hatak vt ik haponaklo, micha anumpuli anuktuklot aiena tuk a, hlakofichi.

1. YOHMI ma Falisi vhleha, micha na-holissochi ka-nohmi Chelusalem minti tuk aiena kv̄t ant im ai itahoba tok.

2. Atuk osh nan im ai ithvna vhleha kanimi kv̄t, ibbak liteha yo, yvmm̄t ibbak ik ahchifo kak o miha, pvska isht vpa hosh maya na pisa mv̄t, nan isht a mihachi tok.

3. Yohmi kv̄t Falisi vhleha, micha Chu okla moma aiena kv̄t in tikba vhleha nan im vlhpisa halanli fehna hatukosh, achukmalit ibbak achifa ha yo keyukmv̄t, impa keyu beka tok.

4. Mihmv̄t ilhpak ai-itatoba mintit vla kv̄t, ibbak achifa ha yo keyukmv̄t, impa keyu beka tok. Micha nana inla ishtishko, micha ampo, mikmv̄t asonak lakna, anonti aümpa achifa aiena ka a puta chohmi nan-isht-a hullocha he im vlhpisa tok vt lauvt asha hoke.

5. Yohmi mv̄t Falisi vhleha, micha na holissochi vhleha aiena kash osh, i ponaklot, Na katihmi ho na chim ai ithvna vhleha hv̄t pin tikba vhleha nan im vlhpisa ya ik halanlo hosh, amba ibbak vt achifa keyu ho pvska isht vpa cho? achi tok.

6. Mihma afalaminchi mv̄t, Nan ilahobi hv̄chia ha vlhpisa ho tikbanli Esaias vt isht hv̄chi anohonli tuk vt, okla ilvpppvt iti-vlbi yokvno isht sa holitobli kia, chukvsh okvto auet a hopakishke.

7. Yohmi kia nana av̄vchi kv̄t hatak i nan-vlhpisa yo ithvnanchi hokv̄t, nana vlhpesa hi o keyu ho okla si aiokpachanchishke, achit holissochi tok.

8. Yohmi kv̄t Chihowa i nan-vlhpisa hoka naksika pit hv̄sh bohli cha, hatak i nan-vlhpisa, ampo, micha ishtishko aiena achifa ho hv̄sh halanlishke; yohmikmv̄t nana yvmma ai itilau ka hv̄sh a yvmohmi kv̄t lauvshke, im achi tok.

9. Mihmv̄t hv̄chishno hv̄chi nan vlhpisa ya hv̄sh ai ahlichachi kv̄t, Chihowa i nan-vlhpisa ya aighli hosh hv̄sh shiti-lemvshke.

10. Moses okvto, Chiki, micha chishki aiena ka ish holi-toblashke: yohmikma, Kvna hosh iki okmá, keyukmv̄t ishki

okmá, nana hō shítilemvt na mihachikmvt, illi mak o illi pullashke, achi tok.

11. Yohmi kia hvchishno vto, Hatak vt iki, keyukmvt ishki okmá nana kash o vm isht ish ai yukpa he tuk a Kolban oke, yvmma achi hokmvt, vba-isht aiokpvchi isht vhpisa hoke, achi mak okvt nan ik i kanihmo kashke, hrsh achi;

12. Yohmikmvt himmakma iki, ishki ita tuklo ka nana kia isht im vta hi-a hvch ik im ahnot,

13. Hvchin tikba vhleha i nan-vlhpisa isht hvsh avvchi pulla hosh Chihowa im anumpa hā hvsh akshochishke; micha nana yvmma ai itilau ka a hvchi yvmohmi kvv lau-vshke, im achi tok.

14. Micha okla hash mominchit hoyot itahobit taiyahli mvt, Hvsh moma kvv hvs sā haponaklot, hvsh akostinin-chashke.

15. Nana hak osh kocha mavvt hatak a itih fohka kvv, okpvna hi vt ikshoshke: amba nana kvv a kohcha hokvto, yvmmak osh hatak a okpvni hoke.

16. Hatak nana hosh haksobish isht haponakla hi vt i hinlikmvt, haklashke, im achi tok.

17. Atuk o okla aiasha kash vttvt aboha ont chukowa ma, nan im ai ithvna vhleha hash osh nan-isht vhpisa kash isht im a ponaklo tok:

18, 19. Mihma, Hvchishno ak kia na hvch ik akostinincho fehna akinli hō? peh nana hosh kocha mavvt hatak a itih fohka kvv okpvna he keyu, chukvsh ak o pit chukowa hō keyu hokvt, amba takoba yak o ont chukowa tuk mak osh, anonti a hlopulli kvv ilhpak moma ka ai it im vhpesvchi ka hvch ik akostinincho cho? achi tok.

20. Mihmvt, Nana kvv hatak a a kohcha yvmmak osh hatak a okpvni hoke.

21. Hatak haknvp anuka chukvsh ak o im anukfila okpulo, haui puta, ohoyo ik im iksho, micha hatak ik im iksho it in lumaka:

22. Hatak bika vbi, hukopa, inla nan im anushkunna, nan i nukkilli, haksichi, haui anukfohka, nishkin isht ik ai

vlhpeso, Chihowa ik ahobajo, ilefehnvchi,² im anukfila iksho puta kv̄t a kohcha hoke.

23. Nan ik vlhpeso ilvppa puta moma kv̄t anukaka yak o asht kohcha hosh hatak a okpvni hoke, achi tok.

24. Mihmvt yvmmak ash asht wakaya mvt, ivt Taia micha Saiton aiena yakni vhli h̄g ona cha, aboha ont chukowa mvt, hatak nana kia ik akostinincho ka hi a ahni tok; yohmi kia kaniohmit luma he keyu ki tok.

25. Ohoyo hv̄t ushetik himita vt na shilombish okpulo ai i fok̄a hatuk o, yvmmak ash pit haklo mvt, onvt iyi ituma ȳg hlipia tok oka.

26. Ohoyo hv̄t Klik osh Silofenisian im okla ai achvfa a tok: mihmvt ushetik a na-shilombish okpulo a ai ishit i kohcha hinla ka yvmmak ash o im asilhha tok.

27. Yohmi kia Chisvs vt, Ulla vhleha ak osh tikba kaiya ha yo; vlla vhleha i pvska ȳg ishi cha ofi puta ka pit i pila he vlhpesa keyu hoka, im achi tok.

28. Mihma afalaminchi mvt, Ahlishke Chitokaka ma! yohmi kia ofi puta kv̄t ai impa nuta ȳg vlla vhleha im pvska boshulli yak o ai vpa chokvmo, im achi tok.

29. Mihma yvmmak ash o, Anumpa ilvppa pulla hatuk mak o ish iashke; chiso tek a nan-isht-ahullo okpulo vt a kohcha hoke, im achi tok.

30. Atuk o ilap in chuka yash ona mvt, nan-isht-ahullo okpulo vt a kohcha tuk o, ushetik ash osh topa paknaka itonla na ont pisa tok.

31. Mihma anonti Taia micha Saiton itatuklo yakni ash issvt ia mvt, Tekapolis yakni a iklvna hlopullit ayvt Kalili okhvta h̄g ona tok.

32. Mihma achvfa hosh ik haponaklo, micha anumpuli anuktuklo aiena hatuk o yvmmak ash isht im vla; yohmi mvt yvmmak ash o ibbak a isht umbitepa hinla ka, okla im asilhha tok.

33. Mihma yvmmak ash o okla laua ȳg a kohchit nak-sika isht ona cha, haksobish a ibbak ushi pit hiohlichy mvt, tofa cha, isynlvsh a pit hajelechi tok.

34. Mihmvt, pit vba chakalit pisa mvt, hijvt, Effahlá, im achi tok: yummvt ish tiwashke, achi hoke.

35. Mihma yummak ash osh ashalika haksobish vt wakama ma, anonti isunlvsh isht talakchi vt yuhapa na kohehi achukmvt anumpuli tok.

36. Yohmi ma hatak nana kia okla ik im anolo ka chí ka, im apesa tok. Yohmi kia i shahlichit im apesa kak o, anonti okla anoli kvt isht i shahli fehna tok.

37. Mihmvt nukhlakancha kvt atampa fehna mvt, Yummak okvt nan okluha kvt vhpesa bano ho yumihchishke: ik haponaklo atuk a haponaklochi mvt, anonti ik anumpulo atuk a anumpuli ikbishke, achi tok.

CHAPTA VIII.

Chisvs vt pvska lumbo untuklo, micha nvti chipunta kanomosi aiena tuk a hatak tahlepa sipokni ushta impvchi, 1; 11 Falisi vhleha hq nan isht ai atokowa ya i haiakvchi ik bvnno; 14 mihma nan im ai ahvna vhleha hv Falisi vhleha, micha Helot aiena i na-pvska ishit-ehatvmmi a ahah! okla im ahna chí ka i miha. 22 Betsaita ya hatak lva yvt anta tuk o, Chisvs vt hoponayochi. 27 Pita yvt, Chishno ak osh Klaist chia mak oke, atokolit achi ma, Chisvs vt im aiokpanchi; ilap ak o il im antia hosh ile kaiyanchit nana palvzmi puta ma e pihisa chí hokvto ik pi nukwaiyo ka hi a, Chisvs vt pim abahanchi.

1. NITAK yumma foka ma okla hv lau fehna, micha vpa hi vt nanasi kia ik im iksho ma, Chisvs ash osh nan im ai ithvna vhleha hash hoyo mvt,

2. Okla lau vt si apehvt maya na himak nitak tuchina ka nana vpa hi vt ik im iksho hatuk o, i sa nukhakloshke.

3. Yohmi kv okla ik impo ho in chuka ya pit yuhli li hokma, kanimi kv mishema ho minti hatuk okvt, takla tikamba hinlvshke, im achi tok.

4. Mihma nan im ai ithvna vhleha hash osh, Yakni haiaka ilvppa katima yak o hatak vt pvska ya ai ishi hosh okla ilvppa fihobla hinla ho? im achi tok.

5. Mihma i ponaklot, Pvska yvt katohmi ho hvsh ishi ho? im achi ma, Untuklo, achi tok.

6. Mihma okla hvt binohla chi ka apesa tok ; micha pvska untuklo kash ishi cha, vba pit aiokpvchi cha boshullichi mvt, okla hg itikba in talohla chi hō nan im ai ithvna vhleha hash ima ma, yvmmak ash osh okla hash itikba in talohli tok.

7. Michā nvnī chipunta kanomosi ka okla isht aya tok ; atuk o yvmmak ash o vba pit isht aiokpvchi mvt, yvmmak-ma itikba in talohla chi ka apesa tok.

8. Yohmi na okla impvt kaiya tok : mihma ilhpak boshulli atampvt gsha ka kishi untuklo hō okla ishi tok.

9. Mihma okla impa tuk vt tahlepa sipokni ushta foka tuk a tok ; yohmi ma okla hash kanima pit yuhli tok

10. Mihmvt ashaljka nan im ai ithvna vhleha hash it apihvt peni pit fohkvt ia mvt, Talmanuhla yakni a kaniohmi hō ona tok.

11 Mihmi Falisi vhleha hvt ayvt ai vla cha, imomaka pisa hosh, nan isht ai atokowa vba minti ka okla ai im a hoyo hosh himona isht it im anumpulit aiasha tok.

12. Mihmi chitolit chukvsh ai anukaka hīha mvt, Na katihma hō hatak himonasi aiasha ilvppvt nan isht atokowa ya okla hoyo cho? Ahli mak o hvchim achi lishke, Hatak himonasi aiasha ilvppa nan-isht atokowa nana hosh in takala he keyu mak oke, im achi tok.

13. Mihmvt issvt ivt, peni ash o anonti chukowa mvt, mish-tvnnvp o ia tok.

14. Mihma nan im ai ithvna vhleha hvt pvska okla isha he tuk vt immihaksi, yohmi mvt peni a foka kv pvska achvfa ka ont ia keyu hō okla isht aya tuk a tok.

15. Mihma yvmmak ash osh achukmalit nan i mihvt, Falisi vhleha i pvska isht-shatvmmi, micha Helot i pvska isht-shatvmmi aiena ka im il anuktahlvt ahah! ahnit hvsh pihāsashke, achi tok.

16. Mihma ilap bika it im anumpulit, Pvska vt ik pim iksho kak oka, achi tok.

17. Mihma Chisva vt akostininchi mvt, Na katihmi hō pvska vt ik hvchim iksho kak atuk a hvsh miha cho? hvch ik akostinincho, mikmvt hvch ik ithano aiena kvt moma ho? hvchi chukvsh vt kullo kvt moma ho tuma!

18. H^uchi nishkin vt g^ha kv^t hvch ik peso cho? micha hvchi haksobish vt hinli kv^t, hvch ik haponaklo h^o? mikmvt hvch ik ithano cho?

19. P^rska tahlapi h^o hatak tahlepa sipokni tahlapi ka in tushahlichy li ma, boshulli vt kishi alota katohmi h^o hvsh ishi ha tok o? im achi ma, Auah-tukl^o, okla achi tok.

20. Anonti tahlepa sipokni ushta ma, untuklo tuk g a boshulli vt kishi alota katohmi h^o hvsh ishi ha toko? achi ma, Untuklo, im achi tok.

21. Yohmi ma, Katohmi h^o na hvch ik akostinincho hoh cho? im achi tok.

22. Atuk osh Betsaita v^a; yohmi ma hatak lvpa y^o okla isht im ona mvt, yvmmak ash potola chⁱ ka im asilhha tok.

23. Mihma hatak lvpa yash o ibbak g halvli cha, tmaha h^a ishit kobcha; yohmi mvt nishkin g im on tofa cha, ibbak g isht umbitepa mvt, Nanasi kia ish pisa cho? achit i ponaklo tok.

24. Mihma vba chakali mvt, Hatak vt iti yak o chohmi hokak osh itrnowa h^o pisa lishke, achi tok.

25. Yohmi ma anonti nishkin ash o ibbak isht umbitepa mvt, vba chakalichy tok: mihma hlakofi cha, hatak moma ka pisa achukma tok.

26. Mihma in chuka pit chvffichy mvt, Tmaha h^a ont chik chukowokmvt, anonti tmaha g^ha ka achvфона kia chik im anolo kashke, achi tok.

27. Mihmvt Chisvs vt nan im ai ithvna vhleha h^a ai itapehvt kohchvt ivt, tmaha Sesalea Filippi y^a ona tok: mihmvt takla y^a nan im ai ithvna vhleha hash i ponaklot, Okla hvto kvta sia h^o miha cho? im achi tok.

28. Mihma afalaminchi mvt, Chan Baptist; yohmi kia kanimi mvt, Elias ak o achi; kanimi kvto Hopaii vhleha ha tok achvфона mak oka, achi hoke, achi tok.

29. Mihma, Amba hvchishno vto kvta h^o hvv si achi h^o? im achi ma, Pita yvt afalaminchi mvt, Chishno ak osh Klaist chia mak oke, im achi tok.

30. Mihma yvmma hatak nana kia ik im anolo ka chⁱ ka kvllochit i miha tok.

31. Mihmvt Hatak Ushi vt nan-isht ai ilbvsha in laus chi, micha hochitoka vhleha, mikmvt na-holitompa isht agha pehlichy vhleha, anonti na-holissochi vhleha aiena ka ai im a kullakshyt illa he ; atuk mvt nitak atachinakma anonti tana hi a isht im avvchit isht ia tok.

32. Mihmvt anumpa yummak ash o haiakvchit anumpo honli tok. Mihma Pita yvt halvli cha, im alvmmit isht ia tok.

33. Yohmi ma yummak ash osh filemvt nan im ai ithvna vhleha hash pisa mvt, Pita yash im alvmmit, Setan chia hvv vm ashaka yo ish hikiashke : chishno vto Chihowa ai im anukfila hano ish ahninchy keyu, amba hatak ai im anukfila yok mak oka, achi tok.

34. Mihmvt okla ha, micha ilap nan im ai ithvna vhleha aiena kash hoyot itvnahli mvt, Kvna hosh siakaiyvvt aya chik-mvt, ik ile holitoblet im ititaiyukhvna ma sholi cha, siakai-yashke.

35. Kvna hosh ilap im ilhfvpak a okchalinchy ka ahni hokvt i kvnia he ; amba vno pulla, micha vbanumpa aiena pulla ho kvna hosh im ilhfvpak a kanchy hokvto, mihi yosh okchalinchy hi oke.

36. Hatak vt yakni a mominchit immi ikbi hoh kia, anonti ilap im ishilombish ash osh i kvnia kvv, nanta ho isht im ai achukma hinla cho ?

37. Keyukmvt, hatak vt nanta hak o ilap shilombish a isht atobba hinla cho ?

38. Yohmi hoka havi shahli, mikmvt nan-ashvchi fehna aiena aiasha ilvppa kvna kia vno, micha vm anumpa aiena ka ai i hofahya atukma, mihi yo Hatak Ushi vt Iki im aholi-topa il ai ishit, enchil holitopa vhleha aiena pehlichit avvt vlamvt, i hofahya ak inla hi oke, im achi tok.

CHAPTER IX.

Ohisvs vt nvnih chaha oiyvt pakna ent hikia mvt inlvv toba, 1 ; 11 mikmvt Elias vt vla he achi chatuk a, Chan Baptist ak osh mih mak atuk o anoli ; 14 mihmvt hatak achvfa hosh shilombish ok-

pulo anukfobka kv̄t ik haponaklo, micha anumpula he keyu ka aiena tuk o hlakofichi; 80 mihmvt ititajukhvna a takalit illi tuk mvt, anonti salamvt tana hi vt atuklanchit anoli; 83 nan im ai ithvna vbleha hv̄t nafehna bonnvt gsha ka, Chisvs vt nan isht i miha, 38 mihma kvna hosh nan isht ahullo okpulo ya ilap hohchifo ak o isht kocha well hoka ik ataklema ka hi a i miha; 42 na yimmi im anukfila ik hochito puta yoshubli ka ai vhpesa keyu ka miha.

1. **M**IHMUT, Ahli mak o hvchim achi lishke, Ilvppa hioh-maya ka kanimi kv̄t ik illo hosh Chihowa apehlichika yvt nan-isht ai ahlika ya ai it ishit vla na pisa chi kv̄t, gsha hoke, im achi tok.

2. Atuk osh yvmmak atuk a nitak hannali ma, Chisvs vt Pita, micha Chemis, mikmvt Chan aiena ka yvmmak bano ho pehlichichan nvnih chaha yo pit oiya tok: mihmvt inv̄t tobt itikba hikia tok.

3. Mihma im ilefoka yvt shohmalali tohbit kvnia kv̄t, okti pushi ak o chiyuhmi tok: yohmi hatuk o nantonna tohbichi nana ak osh i shahlichit tohbicha he keyu ki tok.

4. Mihma Elias, micha Moses itatuklo hosh ant i haiaka tok: mihmvt yvmmak ash osh Chisvs a it im anumpulit okla tok.

5. Yohmi ma Pita yash ot anumpuli mvt, Chisvs ash o, Pi shahli ma! ilvppa e maya kv̄t pim achukmvshke: yohmi ka vltipō tuchina kak o il ikbi na achv̄vt chimmi hokma, anonti achv̄vt Moses ak o immi hokma, anonti achv̄fa kv̄t Elias ak o immi hashke, im achi tok.

6. Yohmi ka okla nukshopa fehna hatuk o nana a miha ik ithano ha tok.

7. Yohmi ma hoshonti hv̄t ant im okhlichichit tok: mihma hoshonti anukaka ya auct anumpuli kv̄t, Ilvppak osh Svso a holitopa mak oke, hvsh i haponaklashke, achi tok.

8. Mihma ashahlika filemvt okla hopokoyo kv̄t, hatak inla nana kia ik peso; amba Chisvs ash bano ho ai it apiha tok.

9. Atuk o nvnih asht okla akowvt minti ma, nana ka okla pisa tak vt hatak nana kia ik im anolo mak o, Hatak Ushi vt il̄i tuk vt tani ha ya hi a, i miha tok.



10. Atuk o anumpa yvmmak ash o ilap illvt okla ithanvt, Illi tuk osh tani kvf nanta hak oh chishba? ahnit ilap bika it im a ponaklot itvnowa tok.

11. Mihmvt im a ponaklot, Na katihmi ho na-holissochi vhleha hvt, Elias ak osh tikba vla pulla he, okla achi cho? achi tok.

12. Mihma afalaminchi mvt, Ahli, Elias ak osh tikba vla cha, nan-okluha ka ant falaminchit apoksiacha he; mikmvt Hatak Ushi vt kaniohmit nana lawa ka isht ai ilvsha he, micha nan isht ik ahobo ka he aiena ka isht a holisso hatuk oke.

13. Yohmi kia, Isht a holisso tok mak oka Elias vt vla ghli ho mvhli: yohmi na okla kanimihchi bvna kvf yvmmak ash o im ai yvmihchi tuk oke, hvchim achi lishke, im achi tok.

14. Atuk osh nan im ai ithvna vhleha aiasha ka ona mvt, okla chinto fehna kvf aiasha ma, anonti na-holissochi vhleha hvt yvmmak ash o nan im asilhvchit maya na ont pisa tok.

15. Mihma okla hvt yvmmak ash o pisa mvt, mih makinli ho okla nukhlakancha fehvt, yihleptv im ai onvt, okla aiokpvchi tok.

16. Mihma na-holissochi vhleha hash o i ponaklot, Nanta mak o hvsh it im asilhvchi hatuk o cho? achi tok.

17. Yohmi ma okla laua yash osh achvfvf afalaminchi mvt, Nan-ithvnanchi ma! svso hvf na-shilombish ik anum-pulo yo il ai eshi hatuk o ishit chim vla lishke.

18. Yohmi ka kanima yo ai ilhkolicikmvt, haiochichechi chatuk: mikma itukpokpokit noti ahampvt, chunnvt taha chatuk; yohmi ho na chim ai ithvna vhleha ha yvma kohcha chi ka im anoli li tuk ak o, okla kohcha he keyu ke tuk oka, achi tok.

19. Mihma afalaminchi mvt, Na yimma he keyu isht-ai unchululi hvchia ma! hvchi takla ahanta li katiohmi foka chi cho? nana ka isht ak hvchi ahno ho katiohmi foka chi cho? Isht hvs svv vlashke, achi tok.

20. Mihma yvmmak ash o okla isht im ona tok: mihma yvmmak ash pisa ma, na-shilombish ash osh mih mak-inli

hō haiochichechi tok; mihma aka itula cha, shalali mvt itukpokpoki tok.

21. Mihma iki ash o i panaklot, Katiohmi foka kash o ilvppvt ai yakohmi tok o? achi ma, Ulla tomba mak a tok.

22. Yohmi ka vbi bvna kvv luak, mikmvt oka aiena ka it a kanchi beka tuk oke: yohmi kia nana hō ish kanimihcha hinlakmvt, ish pi nukkaklo cha, ish pi apelashe, achi tok.

23. Mihma Chisvs ash osh chi yimma hinla hok ma, nayimmi hokvno nan okluha kvv ai i yvmohma hinla hoke, im achi tok.

24. Mihma vlla ya iki yash ot mih makinli nō nishkin okchi mihinti hosh chitolit, Chitokaka ma! sai yimmishke; nan-isht ik a sai yimmo ya is svm apelvchashke, achi tok.

25. Mihma okla hvv yihlepvv ant ai itahoba ka, Chisvs vt pisa mvt, na-shilombish okpulo ash o im alvmmmit, Na shilombish ik anumpulo, mikmvt ik haponaklo aiena chia hvv ilvppa ish a kohcha cha, mikmvt himmakma chik chukowo ka he mak o chim apesa lishke, im achi tok.

26. Mihma na-shilombish ash osh tabpvvt, yvmmak ash o haiochichechi fehna cha, a kohcha tok: mihma yvmmak ash ot illi yo chohmi tok: yohmi hatuk o, Illishke, achi kvv laua tok.

27. Yokmi kia Chisvs ash osh ibbak a halvlli cha, tanichi ma; yvmmak ash ot wakaya tok.

28. Atuk o aboha ont chukowa ma, nan im ai ithvna vhleha hash ot ilap banot im a ponaklot, Na katihmi hō pishno vto yvmma e kohcha he keyu ke tuk oh cho? achi tok.

29. Mihma, Ilvppa chohmi kvv nana hō isht kohcha hi vt iksho, amba vba pit anumpuli, micha na-hullochi aiena hok mak bano hoke.

30. Mihma yvmmak ash asht okla ilhkoli mvt, Kalili o okla hlopulli tok: mihma hatak nana kia akostinincha hi oka, ik ahno ki tok.

31. Yohmi kvv nan im ai ithvna vhleha hō nan im avvchi kvv, Hatak Ushi vt hatak puta ibbak o fohka hoka, okla

vba chi hoke: atukma illi ha ya tuk vt, nitak ont atuchin-akma tana hi oke, im achi tok.

32. Yohmi kia anumpa yvmma okla ik akostinincho; yohmi mvt i ponaklo nukshopa tok.

33. Atuk o yvmmak ash ot Kapenavm g vla tok: mih-mvt aboha anuka asha hosh i ponaklot, Takla ya hvchishno bika isht hvsh it im anumpuli kash osh nanta mak atuk o? achi tok.

34. Yohmi kia lumvt okla maya tok: yohmi kvv takla ya, Kvta hak osh moma i shahli ahanta chishba? ahnit ilap bika okla isht it im anumpuli tuk a tok.

35. Mihma binili mvt, auatuklo kash o hoyo cha, Hatak nana hosh moma i shahli bvna hokmvt, mihi yosh moma ka ik lauwokmvt, anonti moma in tishu a hi oke, im achi tok.

36. Mihmvt vlla yo halvli cha, itintakla binilichi tok: atuk osh ishit sholi mvt,

37. Kvna hosh sa hohchifo pulla hatuk mak o vlla ilvppa chohmi achvfona ka holitoblikmvt, vno ak o sa holitobli hoke: mikma kvna hosh vno g sa holitoblik mvt, vno ak o sa holitobli hq keyu, amba auet sa kanchi tok ak oke, im achi tok.

38. Mihma Chan vt afalaminchi mvt, Nan ithvnanchi ma! achvfa hosh chishno chi hohchifo hg nan-isht ahullo okpulo puta isht kocha weli hosh anta hq e pisa ka, ik pibafokoshke: yohmi ma il im avvmmi kano, ik pibafokho hoka, achi tok.

39. Yohmi kia Chisvs ash osh, Hvch ik im alammo kash-ke: hatak vt sa hohchifo pulla hatuk mak o na fehna ka isht ai yvmihchi hokvt vno g yvmmak fokalechit na sa mi-hacha hi vt iksho hoka.

40. Mikma kvna hosh hvvpushno g hvv i sanali keyu hokv-to, hvv-ibai achvfa hoke.

41. Klaist g immi hvchia hoka, kvna kia oka kapvssa isht-ishko achvfa ka hvsh ishka chi hq, vno sa hohchifo pulla hatuk mak o hvch ipeta hokmvt, isht vltoba ka i hlakofa he keyu, ghli mak o hvch im achi lishke.

42. Micha kva hosh a yimmi vhleha chipunta ilvppa achufona ma ibetvblichi hokmvt, ilapa ak o tanchi botoli teli ak osh ikunla ya a takanli ho okheta ha oka kvnia hokmak osh, im vhpesa he tuk mak a hi oke.

43. Yohmi ka chibbak vt chi ibetvblichi hokma, chanlit ish hokofashke : imomokpulo yosh ai-okchaya ya ont ish chukowa hok mak osh, chim vhpesa kvv chibbak vt tuklo hosh aiokpuloka, luak vt nitak nana moshola he keyu mak o, chi itvtula hi atuk a chim i shahli hoke.

44. Yvmmak oka i shushi yvt illi keyukma, anonti luak mvt nitak nana mosholi keyu hoke.

45. Mikmvt chiyi yvt chi ibetvblichi hokma, chanlit ish hokofashke : imomokpulo yosh ai-okchaya ya ont ish chukowa hok mak osh chim vhpesa kvv, chiyi yvt tuklo hosh ai-okpuloka, luak vt nitak nana moshola he keyu mak o chi itvtula hi atuk a chim i shahli hoke.

46. Yvmmak oka i shushi yvt illi keyukma, anonti luak vt nitak nana mosholi keyu hoke.

47. Mikmvt chi nishkin vt chi ibetvblichi hokma, kohchit ish kanchashke : nishkin achufa yosh Chihowa apchlichika ya ont ish chukowa hok mak osh chim vhpesa kvv, chi nishkin vt tuklo hosh aiokpuloka luak a chi itvtula hi a chim i shahli hoke.

48. Yvmmak oka i shushi yvt illi keyukma, luak vt nitak nana mosholi keyu hoke.

49. Mikma moma kvv luak o isht ai yvmmi hano kvv, vba isht aiokpochi vt hvpi isht ai yvmma hi a ohma hi oka.

50. Hvpi vt achukma ; yohmi kia hvpi vt homi kvv i kvnia hokma, nanta hak o isht hvsh homincha hinla cho ? Hvpi a hvchishno inli il anit hvsh ieszikmvt, hvchishno bika ma hvsh it i nanaiya achukmashke, achi tok.

CHAPTA X.

Chisv vt Chutea yak o nan im ai avchit anta, mihmvt it i kvnia bolisso hak o Falisi vhleha ha isht it im anumpuli, 1 ; 18 vlla chipunta ya halvllit sholi. 17 Chisv vt hatak himita nan in laua yo

aiokpochit imomaka pisa : 28 mikmvt kvna hosh ilap ak o holitobli pulla hosh nan oklha ka isert gya tuk okvno im atobba hi vt miha : 32 ilap vt ititaiyukhva a takalit illi tuk mvt anonti, falamvt tana hi vt himmakma Chisvs vt anoli : 35 Chemis Chan ita tuklo kvv Chisvs g nana im asilhha ; mihma Chisvs vt ilap ma nana hq im achi mvt ; 46 ik hoponayo Batimevs g hoponayochi.

1. **MIHMA** yvmmak ash o gsht wakayvt minti mvt, Chatan hlopullit mish-tvnnvp g gyvt Chutea yakni g vla tok : mihma okla hvv im ai itahoba na ai yakohmi yatuk okvt, anonti nan im avvchit ahanta tok

2. Mihma Falisi vhleha hvv im ai vla mvt, imomaka pisa hosh, Hatak vt tekchi g kancha he vhpesa hoh cho ? achit i ponaklo tok.

3. Mihma yvmmak ash osh afalaminchi mvt, Moses vt nanta hak o hvchim apesa tok o ? im achi tok.

4. Mihma, It i kvnia holisso hak o ikbi cha, kancha hi o Moses vt ahni tok, achi tok.

5. Mihmvt Chisvs vt afalaminchi mvt, Hvchishno hvchi chukvsh kvllo pulla kak o nan vhpisa ilvppa hvchim ikbi tok.

6. Amba nan oklha toba vmmona ka Chihova hvv nakni, tek ita tuklo hq ikbi tok.

7. Ilvppa pulla hatuk mak o hatak vt iki, micha ishki aiena ka issa cha, tekchi ak o asitia hi oke.

8. Yohmikmvt tuklo yvmmak atuk vt haknip achvfa hi oke. Yohmi ha mvt i himmakma tuklo mak a hi o keyu, amba haknip achvfa hoke.

9. Yohmi hoka, Chihova hvv nana ka it a halvllici ha ya, hatak nana kia ik it i filvmmicho kashke, im achi tok.

10. Atuk o aboha anukaka maya hq nan im ai ithvna vhleha hash osh anonti na mihi yash inli hq i ponaklo tok.

11. Mihma kvna hosh tekchi g kanchi cha, inla yo it auwaya hokmvt, haui tobtv yvmmak ash o isht ik vhpisalo hoke.

12. Mikma ohoyo hvv i hatak g kanchi cha, inla yo auwaya hokmvt, haui toba hoke, im achi tok.

13. Mihma yvmmak ash ot potola chi hq vlla chipunta

ya okla isht im ai vla tok : atuk ak o nan im ai ithvna vhleha hut nan isht ai vla yvmmak ash o im alvmmi tok.

14. Yohmi kia Chisvs vt yvmma pisa mvt, ik im vlpieso fehna cha, Ulla chipunta yvt vm ai vla hi g hvsh ahni cha, hvch ik im alammo kashke : ilvppa chohmi kak osh Chihowa apelihchika mak oka.

15. Ahli mak o hvchim achi lishke, Kvna hosh vlla iskitini ak o chiyuhmit Chihowa apelihchika ya aiokpvchi ho keyukmvt, yvmmak oka chukowa he keyu hoke, im achi tok.

16. Mihmvt yvmmak ash o ishit sholi cha, ibbak a isht umbitepa mvt, yukupali tok.

17. Mihmvt kobchvt ivt hina ont fohka ma, achvvt malelit mintit ant i hvchukbihlepa mvt, Nan-ithvnanchi achukma ma ! ai okchayvt bilia ya pisa la he vlpesa kvto nanta hak o yvmohmi la chi cho ? achit i ponaklo tok.

18. Mihma Chisvs ash osh, Na katihmi ho achukma is si achi cho ? achukma vt iksho ; amba achvfa kak illa : yvmvt Chihowa ak oke.

19. Anumpa vlpisa, Haui chik tobo kashke : Kvna kia chik bo kashke : Nana kia chik hukopo kashke : Anumpa ik ahlo isht atokolit chik ahanto kashke : Kvna kia chik haksicho kashke : Chiki, chishki aiena ka ish holitoblashke, achi puta ka ish ithanvshke, im achi tok.

20. Mihma afalaminchi mvt, Nan ithvnanchi ma ! vlla sa tomba kash inli hosh ilvppa puta ka holitoblit isht mihinti li tuk oke, im achi tok.

21. Yohmi ma Chisvs vt pisa kvv i hullo : mihmvt, Nana achvfa hosh ik chim onoshke ; ish ia cha, nana hosh chim ashakmvt, ish kampila cha, ilbvsha puta ka ish imashke : yohmik mak osh na holitompa kvv vba yakni ya chin tonla he mak oke : mikmvt mintit ititaiyukhvna ant ish eshi cha, is siakaiyashke, im achi tok.

22. Mihma yvmmvt nan in laua fehna hatuk osh anumpa yvmma haklo mvt, nukhaklot, kanima ia tok.

23. Mihma Chisvs vt filemvt hopokoyo mvt, nan im ai ithvna vhleha hash o, Na palvmmi nana kvv a fehna ho nan

in laua vhleha hvt Chihowa apelhichika ya chukowa hi oke, im achi tok.

24. Mihma nan ithvna vhleha hash osh anumpa yvmma achi ka okla nukhlakancha tok. Yohmi kia Chisvs ash ot anonti anumpuli mvt, Ulla vhleha ma! im ilayak ai anukchieto hosh ahanta kvto Chihowa apelhichika ya chukowa kvno palvmmi kvt katihmi fehna hoh chishba!

25. Kamel vt chofak ushi nishkin g hlopulli ka palvmmi kvt, hatak nan in laua yosh Chihowa apelhichika chukowa ka ik lauwashke, im achi tok.

26. Mihma okla nukhlakancha atampa fehna mvt, Yohmikma kvta hosh okchaya hinla cho? ilap bika it im achit maya tok

27. Mihma Chisvs vt atokolit pisa mvt, Hatak okmvno yohma he keyu kia, amba Chihowa hokvno ai yohmi hoke, Chihowa yak okmvno nan oklha kvt aighli chatuk oka, achi tok.

28. Yohmi ma Pita vt, Yakeh! pishno vto mominchit il issa cha, e chiakaiya tuk oke, im achi tok.

29. Mihma Chisvs vt afalaminchi mvt, Ahli mak o hvchim achi lishke, Hatak nana hosh vno pulla, micha vbanumpa aiena hatuk mak o, in chuka, keyukmvt itibapishi vhleha, in tek puta, iki, ishki, keyukmvt tekchi, mikmvt vlla, micha yakni aiena ka issvt gya hokvto,

30. Mihi yosh okchaya takla kvt chuka, itibapishi vhleha, micha in tek vhleha, mikmvt ishki, micha vlla, anonti yakni aiena kvt mihi atuk g ohmi tahlepa achvfa hq pisa he; mikmvt nan ishtai i palvmmi mvt im aiena tukmvt, anonti yakni inlakma aiokchayvt bilia ya pisa hi oke.

31. Yohmi kia tikba yatuk vt ont ishtaiyopa hi vt lawakma, anonti ishtaiyopi atuk vt tikba ya hi vt lauvt gsha hi oke, achi tok.

32. Micha Chelusalem ilhkoli hosh hina vltot asht gya ma, Chisvs vt tikba hikvt ia ma, okokko!okla ahni mvt, iakaiya kvt nukshoptv okla itvnowa tok. Mihma auah-tuklo kash o i howa cha, ilap nana im a kanihoma chi kvt im anolit,

33. Inta! Chelusalem a iloh ilhkolishke; yohmi ka Hatak Ushi vt na-holitompa isht a sha pehlichi vhleha, micha na-holissochi vhleha aiena ka ibbak fohka chi; mikma illa he anumpa onochi cha, Chentail okla ho ibbak fohka chi hoke.

34. Mikmvt yvmmak ash o okla ishit yopula, micha fvm-mi, mikmvt on tuftua aiena cha, okla vba chi hoke: atukma nitak ont atuchinakma falamvt tana hi oke, achi tok.

35. Mihma Sebete ushi Chemis, micha Chan ita tuklo kvv im ona mvt, Nan-ithvnanchi ma! nana ho il ahnikma, ish pim aiahlichi hokbano il ahnishke, achi tok.

36. Mihma, Nanta hak o hvchi yvmihchi la hi a hvsh ahni cho? im achi tok.

37. Chim a holitopa ya achvvt chibbak isht impak-imma ashakma, anonti achvvt vlvfbekimma a sha hosh, e chiya hi ak o ik yohmi ish ahnashke, im achi tok.

38. Yohmi kia Chisvs ash osh, Nana ho hvsh asilhha hokvt hvsh akostininchii keyushke: isht-ishko vno vt ai ishko la chi ka hvsh ai ishka hinla cho? mikmvt baptismo a vno vt isht baptismo li ka hvchishno vt isht a hvchi baptisma hinla cho? im achi tok.

39. Mihma, Pi yvmohma hinltshke, im achi tok. Mihma Chisvs ash osh, Isht-ishko vno vt ai ishko li ka hvsh ai ishkokmvt, anonti baptismo vno vt isht a baptismo li aiena ka isht a hvchi baptisma chi ho mvhli hoke.

40. Amba sabbak ishtimpak imma, micha vlvfbekimma aiena a sha hi okvno ima la hi o keyu; amba kvna ho im vltaha mak a he oke.

41. Mihma pokoli kash ot haklo mvt, Chemis, Chan ita tuklo kash okla isht ik i yukpo fehna tok.

42. Yohmi kia Chisvs vt yvmmak ash o hoyo cha, Chentail okla i miko vhleha hvv ai i shahlit pehlichi chatuk: mikma i hochitoka vhleha hvv nana kvv im a vlvpiesa mak oah okla ha i yvmihchi chatuk a hvsh ithaiyanvshke.

43. Yohmi kia hvchishno yokvto hvchi yvmohma he keyushke: amba hvchi kanima mvt i shahli bvna hosh hvch ibafoka hokmvt, nan-isht hvchim vtta ya he.

44. Mikma hvchi kanima hosh moma i shahli hvchi bun-nakmut, moma in tishu hvchia ha hi oke.

45. Hatak Ushi ak kia nan isht im vtta hi o, gya tok keyu : amba ilapo ak osh nan isht vtta he, anonti lawa kut isht a hlakofa hi g ilap im ilhfiopak a isht atobba he mak a tok oke, im achi tok.

46. Mihma Cheliko g okla ai vla tok : atuk osh nan im ai ithvna vhleha, micha okla lawa fehna aiena ho pelichi cha Cheliko ash a kohchvt ia ma, Timevs ushi Batimevs lupa yvt hina lapalika yo a binilit nan asilhha tok.

47. Atuk osh yvmmak ash ot Chisvs Nasalet minti yatak o haklo mut, tahpvt, Chisvs Lewi ushi chia hvt is sa nuk-haklashke, ahanchi tok.

48. Mihma nukchinta chi ka, i miha kvv laua tok : yohmi kia yvmmak o i shahlichi fehnvt tahpvt, Chisvs Lewi ushi ma ! is sa nukhaklashke, ahanchi tok.

49. Mihma Chisvs vt hikia cha, yvmmak ash o hoyo hi g miha tok. Mihma hatak lupa yash o ont hoyot, Chi nuk-tanla achukmashke, auet chi hoyo hoke ; wakaya, im achi tok.

50. Mihma im anchi ash o kanima pit bohli mut, waka-yvt, Chisvs g ima ona tok.

51. Mihma Chisvs vt afalaminchi mut, Nanta mak o chi yvmihchi la hi g ish ahni cho ? im achi tok : mihma hatak lupa yash osh, A shahli ma ! hoponayo la hi g, im achi tok.

52. Mihma Chisvs ash ot, Ish iashke ; na chi yimmi hvt ehi hlakofichi hoke, im achi tok. Mihma ashaljka hoponayo mut, hina fohkvv Chisvs g iakaiya tok.

CHAPTA XI.

Chisvs vt issuba haksobish falaia himita om binli cha, Chelusalem ont chukowa, 1. 12 Fik vpi yo nitak nana ik ano ka hi g, Chisvs vt im apesa : 15 mihmut nan-itatoba vhleha tempel anykaka gsha tuk g kocha pit tiheli. 27 Kanimi kvv nan isht ai vihpesa nana ho isht ai yvmohmi hatuk g a ponaklo tuk kia, yvmmak ash o Chisvs vt im a teblihi.

1. **ATUK** osh Chelusalem bilika Betfachi, micha Betani ita tuklo, Alif nvnih fehna hq ai vla ma, nan im ai ithvna vbleha hash tuklochit tibleli tok.

2. Mihmvt, Ivt tmahushi hvchi chapaka auet talaia ka hvsh onashke: yohmikmvt yvmma ont hvsh chukowa mih makinli hosh, issuba himita hatak vt ik om binilo kisha yvt asinta na hvsh pisa chi hoke: yvmma i hotofit isht hvsh lashke.

3. Yohmi ka hatak nana kia, Na katihmi hq ilvppa hvsh yvmihchi hq? hvchim achi bokma, Chitokaka yak osh bvna hatuk oke, hvsh achashke: yohmikma mih makinli hq auet pila chi hoke, im achi tok.

4. Mihma it iachi mvt, hina tuklot ant ai it afama hq, issuba himita yvt okhissa kocha ya asinta na ont pisvt okla cha, i hotofi tok.

5. Mihma yvmma hiohmaya tuk vt kanimi kv, Nanta mak q hvsh katihmi hosh issuba himita ya hvsh i hotofi cho? im achi tok.

6. Mihma Chisvs vt nan apesa tuk ash q i miha tok: mihma peh ik ilhkoli okla im ahni tok.

7. Mihma issuba himita yash q Chisvs g isht im vla cha, im anchi puta ka om pvlli na yvmak ash osh q minili tok.

8. Mihma hina ya im anchi puta ka pvlli kv laua ma, anonti kanimi kv iti naksish q vmot hina ya pvlli tok.

9. Mihma tikba ilhkoli, micha pit iakaiya aiena tuk vt, chitoli hosh, Hosanna, Chitokaka i hohchifo il ai eshi hosh minti kv holitopa mak oke.

10. Pili Lewi apehlich i vt Chitokaka i hohchifo il ai eshi hosh aya kv, holitopashke; shutik tvbokaka fehna, Hosanna ai ahanchashke, achi tok.

11. Mihma Chisvs vt Chelusalem g ont chukovvt, tempel g ont chukowa tok: micha nana puta kash filemvt pisvt in taba, mihma opivt taba aiena hatuk q, avah-tuklo kash q pehlich i cha, pit kohchvt Betani g ia tok.

12. Atuk osh ont onna ho, Betani g asht okla minti na, yvmak ash osh hohchvfo tok.

13. Michi fik vpi vt hishi gaha hosh, mishema ka hikia

hō pit pisa tok ; mihmvt ymma nana kia ahayuchi li yoba hinla ká, ahni cha, ona tok ; atuk osh ona mvt, fik vt a nuna ik ai ono kisha hatuk o, nana kia iksho hō, amba hishi ak bano na ont pisa tok.

14. Mihmvt Chisvs vt anumpuli mvt, Himak a pilla ma hatak nana kia vni isht ik chi ai vpo hō biliashke. Mihma nan im ai ithvna vhleha hv haklo tok.

15. Atuk osh Chelusalem a okla ai vla tok : mihma Chisvs vt tempel a pit chukowa mvt, tempel anukaka ya nana a kanchi, micha a chumpa aienvt maya tuk ash kocha pit yuhli mvt, anonti tvli holisso a bohli itatoba ai-impá, micha pvchi vhpoba kanchi vhleha im ai om-binili aiena tuk ash halvllit filemohlit kinahlichí tok.

16. Mihmvt hatak nana kia ai vlbeha ya tempel a isht hlopulla hi a ik im ahno ki tok.

17. Mihmvt nan im avchit, Um aboha ya oklushi moma kv vba pit ai anumpuli chuka hochifa hi oke, achi hosh holisso hō keyu ? yohmi kia hvchishno yokvto na hukopa vhleha in chuka yo ish ikbishke, achi tok.

18. Mihma na-holissochi vhleha, micha na-holitompa isht asha pehlichí vhleha aiena kv haklo mvt, okla ak osh momvt, ymmvt nan isht im avchi ka ai im anukhlakancha hatuk o i komunta mvt, kanimihchit vbi ka ahni tok.

19. Atuk o opivt taha ma, tmaha hash a kohchvt ia tok.

20. Atuk o onnahnli ma, fik vpi ash ot ak-isht-vla pit vhlit bvshít kvnia tuk o pit pivt ont ilhkoli tok.

21. Mihma Pita vt pit anukfilli mvt, Yakeh ! a shahli ma ! fik ik ano ka hi o ish im apesa kash bvshít kvnivshke, im achi tok.

22. Mihma Chisvs vt afalaminchi mvt, Chihowa ak o hvsh i yimmashke.

23. Ahli pulla hō hvchim achi lishke, Kvna kia nvnih chaha ilvppa, Kanvllit, okhvta hak o pit ish okvtulashke ; im achi cha, chukvsh mvt anuktuklochi ik im iksho, amba nana hō miha tuk vt ont aighla hi a yimmi hokmvt, im aighla hi oke.

24. Yohmi hoka vba pit hvsh anumpulikmvt, hvsh asilhha

kv̄t hv̄sh isha hi vt hv̄chi yimmashke, yohmik mak osh hv̄chim aiahla hi oke.

25. Micha vba pit anumpulit hv̄sh hikiakmvt, nana a hv̄chī kaniohmi tuk ashakma, hv̄sh ī kashofashke: yohmi na hv̄chishno na hv̄chim aiashvchika puta ka Iki vba binili kv̄t hv̄chī kashofi makinlashke.

26. Amba hv̄sh ī kashofi keyu hokmvno, hv̄ch Iki vba binili kv̄t hv̄chishno a na hv̄chim aiashvchika puta ka hv̄chī kashofa he keyu akinli hoke, im achi tok.

27. Atuk o anonti Chelusalem a okla ai vla tok: mihma yvmmak ash ot tempel anukaka ya nowvt hikikja ma, naholitompa isht-asha pehlichī vhleha, micha naholissochi vhleha, mikmvt hatak hochitoka vhleha aiena kv̄t im ai vla tok.

28. Mihmvt, Nan isht ai vlhpesa mak o ilvppa puta ka ish yakohmichi cho? micha ilvppa puta ka ish yakomichi ka nan isht ai vlhpesa ka kv̄ta hosh chim apesa tok oh cho? im achi tok.

29. Mihma Chisvs vt afalaminchi mvt, Uno ak kia nana achefa ka hv̄chī ponaklo likma, hvs sv̄m anolashke; yohmikma, vno vt nan-isht-ai-vlhpesa kaniohmi hō ilvppa puta ka isht ai yakohmichi li hatuk vt hv̄chim anoli lashke.

30. Chan ī baptismo vt vba yakni a minti hokmá, keyukmvt hatak akinli hokmá, nanta tuk oh cho? oh vm anoli, im achi tok.

31. Mihma ilap bika it im anumpohonlit, Uba yak a tok: il achi hokma, Yohmik mak o katiohmi hō hv̄ch ik ī yimmo tuk oh cho? acha hinla.

32. Amba, Hatak ak a tok; il achi hokma, achi mvt, okla moma kv̄t Chan a hopaii fehna hoke, ahni hatuk o, okla hak o ī nukshopa tok.

33. Mihmvt afalaminchi mvt, Chisvs ash o, Il anola he keyushke, im achi tok. Mihma Chisvs vt afalaminchi mvt, Uno vt nan isht ai vlhpesa kaniohmi hō ilvppa puta ka isht ai yakohmichi li tuk vt ak hv̄chim anoloshke, achi tok.

CHAPTER XII.

Pak-vpi a holokchi yq hatak toksvli ai vlpesa keyu vhleha i pota tok o isht vlpisa, 1. 13 Falisi vhleha hvt Sesa tvli holiseo im itahobi ak o Chisvs g isht i ponaklo ho, anumpa falama ima. 18 Satusi vhleha hvt hatak illi falamvt tana hi ak o, Chisvs g isht i a ponaklo ho, im anoli: 28 anumpa vlpisa puta kvv kanima kak osh moma i shahli hatuk g Chisvs vt im anoli: 35 Klaist vt kvna hak o ushi ahinla ka, ponaklo: micha nan im ai ithvna vhleha ha ahah! im ahna chj ka, i miha. 41 Ohoyo ilbvaha i hatak illi yosh mait tuklo ho tvli holiseo abohli ya ont apitta ho, Chisvs vt im ahninci.

1. MIHMVT nan-isht-vlpisa ho isht im anumpulit ahanta mvv, Hatak osh pak-vpi aiasha ya hokchi cha, kvv apushi isht a holihtvchit apakfobli cha, oka-paki ai vlbeha ya kulli cha, chuka chaha yo ikbi mvv, hatak toksvli vhleha ho i pota cha, yakni hopaki ho ia tok.

2. Atuk osh waya he ai vlpesa ma, pak-vpi aholokchi nana waya ka, hatak toksvli vhleha hash ot ipeta chj ho, hatak toksvli vhleha hash o tishu ha pit in chvffichi tok.

3. Atuk ak o yvmmak ash o okla it i hoklit boli cha, nana kia iksho ho pit chvffichi tok.

4. Mihma anonti tishu inla ho pit in chvffichi tok: atuk o yvmmak ash o tvli isht bolit, noshkobo ha mitvffit hofahyalichi fehna cha, okla pit chvffichi tok.

5. Mihma anonti inla ho pit chvffichi tok: mihma yvmmak ash o okla vbi tok: mihma inla yvt laua ho pit yuhli kash kia, pit aieninchit kanimi ka boli mvv, anonti kanimi ma vbi tok.

6. Yohmi hatuk o iso achvfa, i holiropa fehna yosh im anta moma mvv, Svso hokvno okla holiobla chj hoke, achi mvv; ishtaiyopi mak o yvmmak ma pit chvffichi tok.

7. Yohmi tuk kia hatak toksvli vhleha hash ot Ilvppak osh immi mak oke; inta! kiloh vbi na immi hatuk vt hvpimmi hashke; it im achit maya tok.

8. Michi yvmmak ash o it i hoklit vbi cha, pakvpi a holokchi g ai ishit kocha pila tok oke.

9. Yohmi kuno, pak-vpi aholokchi immi atuk vto nanta hak o katiohma chi cho? Yvmmak ash ot vla cha, hatak toksuli vhleha hash o vbit tahlilmvt, pakvpi a holokchi ash inla ho im issa chi hoke.

10, 11. Yohmi ka, Tvli yvmma chuk-ikbi vhleha hvv shiti-
 lema chash o, yvmmvt chukbika nutaka in tola holitopa i
 shahli ho tobrshke. Ilvppa Chitokaka yvt yvmihchi ha
 tok o, hvpi nishkin a i na-fehvnshke, achi Holisso Holitopa
 ilvppa hvch ik it im anumpolo chatuk oh cho? im achi tok.

12. Mihma nana isht apesa hosh ilap ak o isht anumpuli
 tuk a okla ithana hatuk osh, yvmmak ash o hoklit ishi vonna
 hokak osh, okla ak o i nukshopa tok: mihmvt yvmmak ash
 o issvt filamohlit taba tok.

13. Mihmvt ilap im anumpa akinli ho isht ai isht kanv-
 pacha chi ka, Falisi vhleha kanimi, micha Helotian iksa
 aiena ho pit on tihleli tok.

14. Atuk o yvmmak ash ot ai vla mvt, Nan-ithvnanchi
 ma! chishno yokvt aiahli chia, mikmvt hatak nana kia nan
 isht ik chim ahobo; hatak nashuka yak o ish pisa ho keyu
 hatuk okvt; amba Chihowa nana aiahni ak o aiahlit ish
 ithvnanchi chatuk a il ithaiyanvshke. Noshkobo isht
 chumpa tvli holisso ya Sesa yak o ima he ai vhpesa hok-
 má, keyukmá, nanta cho?

15. Pi kvniakmá, ik pi kvniokmá nanta chi cho? im
 achi tok. Yohmi kia okla nan ilahobi ka ithvna hatuk osh,
 Na-katihmi ho vmomaka hvv sa pesa cho? iskvli isht hvv
 svv vla na pisa lashke, im achi tok.

16. Mihma okla isht im vla tok. Mihma, Ilvppvt kvta
 hak o holvet toba ho, mikmvt kvta ho a hohchifo ho? im
 achi tok. Mihma Sesa yak oke, okla im achi tok.

17. Mihma Chisvs vt afalaminchi mvt, Nana puta kvv
 Sesa yak o immi hokma, Sesa yak o hvsh imashke; mikmvt
 nana puta kvv Chihowa ak o immi hokma Chihowa ak o
 hvsh imashke, im achi tok. Mihma okla i nukhlakancha
 tok.

18. Yohmi ma Satusi vhleha hvv, Illi yvt falamvt tana he
 keyu; achi mak osh im ai vla cha, i ponaklot,

19. Nan-ithvnanchi ma! Kva hoh kia itibapishi hvt tekchi a sha hosh vlla vt iksho hō illikma, itibapishi ash osh tekchi atuk a itauwaya cha, itibapishi im vlla ai ikba hi o, Moses vt holisso pim ikbi tok.

20. Atuk o itibapishi hvt untuklot a sha tok; mihma akni ak osh tekchi a sha tuk osh, vlla iksho hō illi tok.

21. Mihma iakaiya kash osh itauwaya tuk osh, anonti vlla vt iksho hō illi tok: mihma ont atuchina kvv mihini tok.

22. Mihma untuklo kash osh okla itauwaya ka, vlla vt iksho ki tok: ont ishtaiyopi ma ohoyo hash kia illi tok.

23. Yohmi ka illi yvt falamvt tanikma, okla tanik mvno, untuklo hosh itauwaya tok a yvma katima aiyukali mak o tekchi mak a hi oh cho?

24. Mihma Chisvs vt afalaminchi mvt, Holisso Holitopa, micha Chihowa nan isht im aighi ka aiena ka hvch ik ithano hatuk osh hvsh ashvckhi hō keyu?

25. Illi tuk vt tani hokvto, okla ik itauwayokma, anonti auwaya he i bohli kia iksho ka hi oka; amba enchil vhleha vba yakni aiasha kak inli hō chiyuhma hi oke.

26. Mikma illi yvmmak okvto tana he ak o miha hosh Chihowa hvt bvfaha anuka a kaniohmit im anumpuli mvt, Uno ak osh Eblaham in Chihowa sia, mikmvt Aisaak in Chihowa siakmvt, anonti Chekob in Chihowa sia hoke, achi tok a Moses i holisso ha a hvch ik peso chatnk oh cho?

27. Yvmmak okvt illi ak o in Chihowa keyu, amba okchaya ak o in Chihowa yoke: yohmi hoka hvchishno ak osh hvsh ashvchi fehna broke, im achi tok.

28. Mihma na-holissochi vhleha hvt achvvt vla cha, okla it im anumpulit maya ka haklot, yvmmak ash osh vhpesa fehna isht i miha na akostininchi mvt, Nan-vlhpisa moma i shahli katima kak osh vmona fehna hoh cho? achit i ponaklo tok.

29. Mihma Chisvs vt afalaminchit, Nan vlhpisa moma i shahli vmona fehna kvv, Israel vhleha ma! ho haklo, Chitokaka hvpin Chihowa vt Chitokaka achvfa hoke.

30. Micha Chitokaka chin Chihowa ya chi chukvsh a a

mominchit, chi shilombish a uhvlinchit, mikmvt chim anukfila ha mominchit, anonti chim ishthlampko ma a mominchit isht ish holitoblashke, achi ilvppak osh nan-vlhpisa moma i shabli vmona hoke.

31. Mikma atukla kvv yvmak inli ho chohmi hoke, Chin chuka-panta hatak a ish holitobli kvv, chishno akinli ka chim itilauashke, achi hoke: nan vlhpisa inla vt ilvppa i shabli kvv ikshoshke, im achi tok.

32. Mihma na-holissochi ash ot, Ulhpesa nan-ithvnanchi ma! aishli mak o ish mihvshke; Chihova hvv achvfa; yohmi ka inla mvt iksho ho yvmak ilvshke;

33. Mikma yvmak ash o chukvsh a mominchit, im anukfila ha mominchit, anonti shilombish a mominchit, im isht-hlampko ma mominchit isht holitoblikmvt, in chuka-panta hatak a holitobli kvv ilapa ai itilauvchi kak osh vba isht aiokpvchi nana achvfa nipi vt momvt lua puta ka, micha vba isht aiokpvchi aiena ka moma i shalishke, im achi tok.

34. Mihma yvmvt vlhpesa fehna miha na Chisvs vt pisa mvt, Chihova apvlichika ya auct ish i hopaki keyushke, im achi tok. Mihma yvmak ash i himmakma hatak nana kia ik nukwiyot nana ik im asilho ki tok.

35. Mihma Chisvs vt tempel anukaka nan avvchit ahanta mvt, anumpulit, Katihmi ho na-holissochi vhleha hvv Klait vt Lewi a ushi achi cho?

36. Lewi vt ilapo inli kak kia Shilombish Holitopa pulla kak o Chitokaka yvt an Chitokaka ya, Subbak ishtimpak-imma ya ish binili na chin tvnvp vhleha ha chiyi ai-o-hikia ya ikbi lashke, im achi kvno, achi tok.

37. Yohmi kvv Lewi vt ilapo akinli kvv yvma Chitokaka hochifo tok; yohmi ka katihmi kak osh yvmvt ushi yoh cho? achi tok. Mihma hatak holitopa keyu kvto momvt i haponaklo kvv na-yukpa tok.

38. Mihma nan isht ai im avvchit ahanta kvv, Na-holissochi vhleha na-fohka hofaloha abvkvchit itvnowa kvv im avvkma, micha ilhpak a kanchi ya ai it aiokpvchi aiena kak osh im avvkma;

39. Mikmut sinakak g aiasha holitopa i shahli, mikmut impa chito gsha ka aiasha holitopa i shahli aiena kak osh im achukma ;

40. Micha ohoyo i hatak illi puta in chuka g wehpuli, mikmut peh vbanuspuli ilahobi kvv anumpa ilbusha falaiachit itvnova yoka, ahah! hvsh im ahnashke; yummak okvto nana palvmmi kvv i shahli hvsh im vlvpisa hi oke, im achi tok.

41. Mihmut Chisvs vt tvli holisso abohli i chapaka yo gshvt okla hvv tvli holisso tvli holisso a bohli pit apitta ka pisa tok. Mihma nan in lana atuk vt lauachit pit apitta kvv lana tok.

42. Mihma ohoyo i hatak illi ilbusha achvfa hvsh via hvv, hvsh tuklo yummvt sint achvfa ik ono hvv pit abehli tok.

43. Mihma nan im ai ithvna vvhleha hvsh o hvvot, Ahli mak o hvchim achi lishke, Ohoyo i hatak illi ilbusha ilvvpak osh tvli holisso abohli pit apittvt aiasha ka moma i shahlichit fohkishke.

44. Moma kvvto nan in laus im stampa hatuk osh okla bohli hatuk: amba yummvt ilbusha yatuk vt hvhi tuk vt mominchit pit bohli, isht okhvya he tuk ash kvv mominchishke, im achi tok.

CHAPTA XIII.

Tempel, micha Chelusalem aiena kvv aiokpulokvt taha hi g Chisvs vt tikbanli anoli: micha nana kvv ont ik a yakohmo tgvla ka, nana kvv isht ahoba kvv kaniohma he, 1; 14 micha na-palvmmi kvv a kaniohma he aiena ka anoli: 24 mihmut ilavvt gya chikma a kaniohma he puta ka anoli. 28 Fik vpi ak o nan isht it apesa hvsh nana kvv ai yakohma chj ka, ai hvvt mahya hi g anoli: 32 nitak kaniohmi, hvshi kanvlli nana hvv ai yakohma hi g, hatak nana hvsh ithana keyu hatuk o, moma kvv il anuktghvt vba pit anumpoholit im vlvthvt mgya chj ka, miha.

1. MIHMUT tempel g a kohhvvt iak fehna, nan im ai ithvna vvhleha hvv achvvt, Nan-ithvnanochi ma! tvli hvchito

puta, micha chuka hochito puta aiena kv̄t a kaniohmi hosh yak aiasha ka, pisá, im achi tok.

2. Mihma Chisvs vt afalaminchi mv̄t, Chuka hochitoka yak hiohmaya ka ish pisa cho? tvi vt achvfa kia aka ik itulo ka hi vt it on tulkanchit itonla kv̄t iksho hoke, im achi tok.

3. Atuk osh tempel in chapaka Alif nv̄nih paknaka ya asha ma, Pita, micha Chemis, mikmv̄t Chan, anonti Antilu aiena kv̄t lumvt i ponaklot,

4. Nitak katiohmik mak o ilv̄ppa puta kv̄t yohma hi o, micha ilv̄ppa puta kv̄t ont aighla chikma, nanta hosh ai isht atokowa hi oh cho? ish pim anolashke, achi tok.

5. Mihma Chisvs vt afalaminchi mv̄t; Ahah! hv̄sh aiahni na hatak nana kia ik hv̄chi yoshublecho kashke.

6. Sa hohchifo isht hohchifo kv̄t itenowa cha, Klaist sia mak oke, achi kv̄t laua he, micha lausachit yoshublichia hi oke.

7. Yohmikma tv̄nvp asha, micha tv̄nvp asha he anoa puta aiena ka hv̄sh haklokmvt, ik hv̄chi komunto kashke: ilv̄ppa puta kv̄t moyumvt ont a yvmohmi pulla hi oke; yohmi kia ont ai-vhli kv̄to ik ai ono kisha hoke.

8. Okla achvfa kv̄t okla makinli ka it amokvfa he, mikmv̄t apelihika achvfa kv̄t apelihika mak inli ka it amokvfa hi oka; yohmikma yakni ilaiyuka ka yakni vt a winakvcha he: mikma hohchvfo, micha okla ik it im ai achukmo aiena kv̄t takala hi oke: yakohmi kak osh nanukhglo ai ishtia v̄mmona mak oke.

9. Yohmi kia ahah! hv̄sh il aiahnashke; okla hv̄ch ishit nan apess v̄hleha ibbak g hv̄chi fohka he: mikma sinakak anqaka ma a hv̄chi a bohova he: micha atokowa hv̄sh im anola chi ka, vno pulla hatuk mak o na pehlichia v̄hleha, micha miko puta aiena itikba ya hv̄ch ishit ohona hi oke.

10. Yohmikma vbanumpa hak osh tikba oklushi moma ka isht ai im anuhumpa pulla hi oke

11. Amba okla hv̄ch ishit, ivt okla ibbak g hv̄chi fohkikma, nana hv̄sh anumpula hi vt tikbanli hv̄ch ik anukfillokmv̄t, anonti tikbanli anukfillit ik hv̄chim v̄lhtabo kashke:

amba hvshi kanvlli yvmma fehna ka nana ho hvchi nukfoh-kikma, yvmmak o hvsh anumpulashke: hvchishno ak osh hvsh anumpula hi o keyu, amba Shilombish Holitopa yak a hi oke.

12. Mikma itibapishi hatuk vt itibapishi hash illi issakma, anonti iki atuk vt iso ha illi issa he; mikma vlla vhleha hvv iki, ishki ita tuklo ka i nukkilli cha, illi issa hi oke.

13. Yohmikma vno pulla hatuk mak o hatak moma kvv hvchi nukkilli hi oke: yohmi kia kvna hosh aighlit mahgyvt ai vhli ka ona hok mak osh, mihi yosh okchaya hi oke.

14. Yohmi kia hopaii Taniel vt isht anumpuli tok nan-okpvi a i nukkilli vhpesa kvv a hikia he keyu kvv hikia na hvsh pisakmvt, (kvna hosh ilvppa it im anumpulikmvt akostininchashke,) yohmikma Chutea ya gsha tuk mvt nv-nih chaha pit a yihlepashke.

15. Mikma kanima hosh aboha paknaka ahanta tuk mvt aboha ya akowa cha in chuka ya nana kia ai ishit kohcha chi kvv, ont ik chukowo kashke.

16. Yohmikma osapa anukaka yo anta tuk mvt, i nafohka ya isha chi kvv, falamvt ik aiyo kashke.

17. Yohmikma nitak yvmma foka ka kvna hosh vlla shanli hatuk, mikmvt vlla pishechi atuk aiena hokvto ai i palvmma he mak oke.

18. Micha hvshatula yo hvch ik yihlepo ka hi vt vba pit hvsh anumpohonlashke.

19. Nitak yvmma foka na-palvmmi kvv nana toba vmmo-na Chihowa hvv nan ikbi tok ai vhlit mihinti ka yvmma chohmi kvv iksho chatuk: mikmvt yvmma chohma he keyu ka hi oke.

20. Micha Chihowa yak osh nitak yvmma foka ka hokohlichi tuk o keyukma, hatak nana hosh okchaya he tuk keyushke: amba nan-vlhtoka ilap vt atokoli tok pulla hatuk mak o nitak yvmma hokohlichi tok oke.

21. Micha yvmma fokakma hatak nana hosh, Yakeh! Klaist vt ilvppak o antvshke, keyukmvt yakeh! yvmma antvshke, hvchim achi hoh kia, ik hvchi yimmo kashke.

22. Klaist ilahobi vhleha, micha hopaii ilahobi vhleha

aiena tovt hiohli kv̄t nan isht atokowa puta, micha na fehna puta aiena ka otv̄nihinchit, yohma he yobakma, nan-vlhtoka v̄hleha nana kia yoshublich̄a hi oke.

23. Yohmi kia yakeh! nan okl̄uha ka tikbanli hv̄chim anoli li tuk oke, ahah! hv̄sh aiahnashke.

24. Amba na-pakv̄m̄mi yvm̄mak atuk ḡ misha foka nitak okv̄no, hv̄shi vt okh̄likma, anonti hv̄shi ninak ḡya m̄vt ik tommo ka he.

25. Mikma v̄ba fochik puta kv̄t aka fohopakma, v̄ba shutik nana aiasha puta kv̄t winakv̄cha hi oke.

26. Yv̄mma fokakma, Hatak Ushi vt nan-isht-aighlika chinto, micha isht a holitopaka chinto aiena ka il ai eshi hosh hoshonti anukaka mihinti na okla pisa hi oke.

27. Yv̄mma fokakma yvm̄mak ash ot im enchil v̄hleha h̄g pit tihleli na ilap i nan-vlhtoka v̄hleha h̄g a mahli ushta yakni atahaka ȳg ai v̄h̄lit shutik ont ataha pit ai v̄h̄li ka a hoyot itahoba hi oke.

28. Inta! fik v̄pi nan isht vl̄hpisa ka hv̄sh ai ithv̄nashke; Yv̄mmak okvt hishi toba ch̄i hosh bokoblit tahakma, toffa ch̄i kv̄t olanlosi ka hv̄sh ithana hoke.

29. Yohmi hokvt hv̄chishno vt yvm̄mak o hv̄sh chiyuhmi; na-yakohmi puta kv̄t ont aighli na hv̄sh pisakv̄t, ai v̄lg hosi, okh̄isea ak kia ai itukonofa hoka hv̄sh ithanashke.

30. Ah̄li mak o hv̄chim achi lishke, Himak a okla maya il̄v̄p̄v̄t ont ik taho k̄isha h̄o, nana il̄v̄ppa puta kv̄t a yvm̄ohma ch̄i hoke.

31. V̄ba shutik, micha yakni aiena kv̄to ont ai iksho ka he, amba v̄m anumpa puta hatuk v̄to ont ai iksho ka he keyushke.

32. Yohmi kia nitak yvm̄mak a he, micha hv̄shi kanv̄lli isht vl̄hpisa yvm̄mak a he aiena hokv̄no, hatak nana hosh pit ithana keyu, enchil v̄hleha v̄ba aiasha, mikv̄t Ushi aiena kak kia pit ik ithano, amba īki ak bano hoke.

33. Ahah! aiahnit okch̄v̄t v̄ba pit hv̄sh anumpohonlashke: nitak ont ai vl̄hpesa hi ḡ hv̄sh ithana keyu hoka.

34. Hatak Ushi vt hatak osh anowa hopaki ia hosh, in ch̄uka isv̄t ia m̄vt, in tishu v̄hleha hash o ch̄uka ap̄ev̄chi

atokoli mvt, mominehit a tokseti aiyuka im apesa cha, ochissa atoni ash o ahah! ahnit okcha chi ka, im apesa tok o chohmi hoka.

35. Yohmi hoka ahah! ahnit hvchi okchashke: ohuka chvfa pehlichi vt opiakma, keyukmvt nizam ikivna hokma, ataka ohonla kak okma, keyukmvt, oonahinli kak okma nana ho vla hi g hvsh ithana keyu hokvt.

36. Yummak keyukma ashalika vla cha, nasi hosh hvsh mgya na ant hvchi pesa hinla hoke.

37. Yohmi hoka nana ho hvchim achi li kvv moma kak o Ahah! ahnit hvchi okchashke, im achi li hoke, achi tok oko.

CHAPTER XIV.

Na-holitompa isht gsha micha na-holissochi vhleha aiena kvv Chivv g illicha chi kvv anumpa it im achvfa, 1: 3 micha ohoyo hosh paghi ahama Chivv noshkobo yo o fohopli. 10 Ohutas Iskaliot vt Chivv g ishit okla ibbak g fohka chi kvv iala nan isht it im apesa. 12 Chivv ak osh miha ho, nan im ai ithvna vhleha hvv vbanvblit ont ia isht-vlhpesa hg atahli: mihma Chivv vt ibai impa hosh nahakaichi g atokolit bihlibli; 22 mihmvt Chitokaka im ai-impvt gsha hi g apesa; 27 nan im ai ithvna vhleha hvv isvt tamoa he, 33 mihmvt Pita yvt ilapa ik ithano miha he puta ka Chivv vt tikbanli anoli. 32 Chivv vt Ketsemane g ont chukowa cha, vba pit anumpuli; micha nan i pavmait ahanta. 43 Ohutas vt vla cha Chivv g ant yukachit ishi ma, nan ai ithvna vhleha hvv isvt tamoa: 53 Chivv g Kaiapas g okla isht im ona mvt, ik ahobalo fehna, mihmvt illi issa; 66 Pita yvt i shahli hg ik ithano miha tuk osh anonti falamvt nukhako.

1. YUMMAK atuk o i nitak tuklo ma, vbanvblit ont ia, micha peska ik shatvamo aiena kvv gsha tok: mihma na-holitompa isht gsha pehlichi vhleha, micha na-holissochi okla aiena kvv yummak ash o kanihmit haksichit okla ishi cha, vbi bannvt mgya tok.

2. Yohmi kia, Impa holitopa mgya nitak ano keyu kashke, yummak keyukma, okla hvv isht ik ai vvhpeset gsha hinla hoke, okla achi tok.

3. Mihma yummak ash osh Betani tumaha Seimon leplosi-vbi a tok in ehuka yo impa hosh gsha ma, ohoyo hv spiknat nan-ahama toba hq alabasta kotobushi vltto, holi-topa fehna hq ishi hosh vla tok: mihmvt kotobushi ash q koli mvt, yummak ash q noshkobo hq q fohopli tok.

4. Yohmi ma kanimi mvt ehukvsh anykaka isht ik ima vlpeso fehna kv gsha tok; mihmvt, Na katihmi hq nan-ahama ilvppvt yakohmit okpulot kvnia cho?

5. Ilvppvt iskvti tahlepa tuchina atampa kia aivbi cha, ilvsha vhleha hq i holhpela hinla tuk oka, achi tok. Mihmvt ohoyo hash q okla nan isht mihachi tok.

6. Mihma Chisvs vt, Ik gshá, nanta katihmi hq hvsh achivchi hosh? nana achukma fehna mak q a si ai yvmihchi hoke.

7. Yohmi hoka ilvsha yak okvto hvchim gsha bilia chatk: yohmi hokvt yummak okvno peh nitak kanihmi hq hvchishno hvsh ahnikmvt, nana achukma ka hvsh i yvmihcha hinla hoke; amba vao vto hvchi takla anta li bilia keyushhe.

8. Ilvppak ashot nana ka ai yvmihcha hinla kvto yvmihchi hoke: sa nipi vt hollopa chi ka, tikbanli ahvama chi hosh vla ha tuk oke.

9. Ahli mak q hvchim achi lishke: Ubanumpa ilvppvt yakni moma ka kanimi fehna hq ai anuhumpakma, nana ai yakohmichi tuk ilvppak ash kia yummak ash q isht ithaiyana hi q, anohova hi oke, achi tok.

10. Mihma auah-tuklo kash achvftv Chutas Iskaliot vt yummak ash q ishit na-holitompa isht gsha pehlichu vhleha ibbak fohka chi hosh im ona tok.

11. Mihma yvama okla haklo mvt, na-yukpa mvt, tvli holisso ima he apesa tok. Mihma kanihmi kak osh ai vlpesa na yvamak ash q ishi cha, yvama ibbak fohka hinla kv anukfihni tok.

12. Atuk q pska ik shatvmmo nitak vmmona ka vbanvblit ontia ya okla ai vbi ma, nan im ai ithvna vhleha hash osh, Katima yak q il ia cha, il atahli na vbanvblit ont ia ya ish impa hinla kv ish ahni cho? im achi tok.

13. Mihma nan im ai ithvna vhleha hash o tuklochit pit tihleli cha, Tvmaha ha ont hvsh chukowashke : mikma hatak vt lukfi kotoba oka vlhto ho sholi kvv hvchi afama chi hoke : apihvt hvsh iashke.

14. Mihma kanima yo ont chukowakma, chuka yvmma vttta hatak ash o, Nan-ithvnanchi vt, Ubapotvvlhpo ai impa aboha hvv katima yak o talaia ho, nan vm ai ithvna vhleha ha pehlichit vbanvblit ont ia ya it ibai impa la chi cho ? achishke, hvsh im achashke.

15. Mikma vba-potvvlhpo yosh chito, nana vlhtaha achukma ho hvchim anola chi hoke : yvmmak o hvsh a pim atah-lashke, im achi tok.

16. Mihma nan im ai ithvna ash osh ivt, tvmaha ha ont chukovvt okla mvt, nana ai im anoli tuk ash ai vlhpiesa na pivvt okla tok : micha vbanvblit ont ia ya atahlit okla tok.

17. Atuk o ont opia ma yvmmak ash ot anahtuklo kash o pehlichu cha, ona tok.

18. Mihma binohmayvt impa ma, Chisvs ash ot, Ahli mak o hvchim achi lishke ; Svbai impvt hvsh maya kvv hvsh achvfona mvt, svshit inla ibbak hvv sa fohka chi hoke, achi tok.

19. Mihma okla nukhaklo fehna mvt, achvf-aiyukvt, Uno ak oh cho ? im achi ma, anonti inla mvt, Uno ak oh cho ? achit isht mahaya tok.

20. Mihma afalaminchi mvt, Auah tuklo kvv achvvt ampo achvfa ho a svbai impa kak oke.

21. Hatak Ushi yokvto isht a holihiso tok mak o aya ho mvhlishke : amba Hatak Ushi g ishit inla ibbak fohki yvmmak okvto i palvmma chi mak oke : hatak yvmmak okvt ik tobo tok okmak osh im achukma hatak mak a chi hoke, im achi tok.

22. Mihma impa hosh maya ma, Chisvs vt pvaska ya ishi cha, vba isht aiokpvchi mvt, tushahlichu cha, yvmmak ash o ima mvt, Ishit oh vpá, ilvppvt sa haknip mak oke, achi tok.

23. Anonti isht-ishko ya ishi cha, vba pit aiokpvchit issa mvt, yvmmak ash o ima tok : mihma momvt okla ishko tok.

24. Mihma, Ilppvt svssish nan-isht-vlhpisa himona hosh la^uwa ka i fohopa mak oke.

25. Ahli mak o hvchim achi lishke, Pakvpi a waya ka himmakma ak ishko mak atuk osh himonvchit Chihowa apelhichika yak o ai ishko la he nitak mak a hi oke, im achi tok.

26. Mihma vba-isht-taloo ya okla taloo mvt, kohchvt Alif vnih ha pit ilhkoli tok.

27. Mihma Chisvs ash osh, Hvsh moma kv^t himak ninak a vno pulla kak o hvsh ibetvbla chⁱ hoke: Chukfv^lhpoba apesrchi a issot boli likma, chukfv^lhpoba vt it a fimimpa hi oke, achit holisso hatuk oka.

28. Yohmi kia tani li ha mvto, hvchi tikba ivt Kalili a ona la chⁱ hoke, im achi tok.

29. Yohmi kia Pita ash osh, Moma kak osh ibetvbli ik nana kia, si yvmohma he keyu, im achi tok.

30. Mihma Chisvs vt, Ahli mak o hvchim achi lishke, Himak nitak peh himak ninak akinli, akaka yvt hitukla ha ola takla ka hituchina ha chik svthano ish miha chⁱ hoke; im achi tok.

31. Yohmi kia Pita ash ot i shahlichit kvllochit anum-pulit, Chi awant svlli hokmvt, kaniohmi kak osh ak chitha-no ka miha la he keyushke, achi ma, momvt yvmmak inli ho miha tok.

32. Mihma osapushi Ketsemane hohchifo talaia ho okla ai ona tok: mihma nan im ai ithvna vhleha hash o, Uba pit anumpuli la chⁱ takla ka ilvppak inli ho ho chiyá, im achi tok.

33. Mihmvt Pita, micha Chemis, mikmvt Chan aiena ka pehlinchit ia mvt, okokko! ahni fehna mvt, anonti nukhak-lot isht alotowa tok.

34. Mihmvt yvmmak ash o, Sa shilombish vt nukhaklo atampvt illi hoke: ilvppakinli ho okchvt hvsh chiyashke, im achi tok.

35. Mihmvt itikba ivt olanlosi ona mvt, aka ont hlipia mvt, yohma hinla hokma, hvshi kanvlli ai vlhpisa atuk vt i kanvlla hinla ka, asilhha tok.

36. Mihmvt, Δ ki Abba ma! nan okluha kv̄t a chim aighli bano hoke; isht-ishko ilvppa is s̄a kanvlichashke: ik yohmi kia vno ak osh nan ahni li kak keyu, amba chishno ak osh nana h̄o ish ahni mak ashke, achi tok.

37. Micha v̄la mvt, nusi hosh maya na ant pisa cha, Pita ash o, Saimon chia hv̄t chi nusi h̄o? hv̄shi kanvlli v̄lhpisa achvfa takla ka chi okcha he keyu cho?

38. Okchvt v̄ba pit hv̄sh anumpvashke, yvmmak keyukmvt anukp̄li h̄o ish iba chukowa hinlvshke. Shilombish okvto im v̄lhtaha ho mv̄hli kia, amba haknip ak osh takambi hoke, im achi tok.

39. Mihmvt anonti kanima ia cha, v̄ba pit anumpuli mvt, anumpa mihi ash inli h̄o miha tok.

40. Micha falamvt v̄la ma, nishkin ak osh weki hatuk osh, anonti nusi hosh maya na ant pisa tok: mihma nana h̄o okla im acha hi vt ik ithano ki tok.

41. Atuk o ont isht atuchina v̄la mvt, Himmak mak o, mayvt nusit hv̄sh fohashke: ont ai v̄hli hoke, hv̄shi kanvlli v̄lhpisa hv̄t ai onvshke: yakeh! Hatak Ushi a ishit nanashv̄chi v̄hleha ibbak a fohka ch̄i mak oke.

42. Ho tani; kiloh ilhkoli, sv̄shit okla ibbak sa fohka ch̄i hokvt olanlosi v̄lvshke, im achi tok.

43. Yohmi ma mih makinli h̄o anumpuli moma na suah tuklo atuk achvfa Chutas vt okla chinto na-holitompa isht gsha pehlich̄i v̄hleha, micha na-holissochi v̄hleha aiena aiasha ka a minti hosh bv̄shpo falaia, micha iti tv̄ptua aiena sholi h̄o it apehvt v̄la tok.

44. Yohmi kv̄t ishit okla ibbak fohka ch̄i yvmmak osh ōt nana apesvt, Kvna h̄o i suksowa likma, yvmmak osh m̄ih mak ach̄i hoke; yvmmak o hv̄sh ishi cha, achukmalit ishit hv̄sh iashke, im achi tuk a tok.

45. Atuk osh v̄la makinli hosh, yvmmak ash o apissanlit ivt im ona mvt, Δ shahli ma! Δ shahli ma! achi mvt, i suksowa tok.

46. Mihma yvmmak ash o ibbak onochit okla ishi tok.

47. Mihma bil̄ikasi hiohmaya tuk vt achvfv̄t bv̄shpo falaia

yo ishit shufi mvt, na-holitompa isht asha pehlichi in tishu ha ishit fahamvt haksobish a chanlit tvbli tok.

48. Mihma Chisvs vt anumpuli mvt, Hatak hukopa yo ayvt i kohcha ho chiyuhmit bvshpo falaia, micha iti tvptua aiena sholi hosh hvs susha chi kvv hvsh itvnowa cho ?

49. Nitak moma ka tempel anukaka ya hvchi takla antvt, nan ithvnanchi li ka, hvch ik sasho chatuk : yohmi kia Holisso Holitopa yvt ont aiahli pulla chi kak o hvsh yakoh-mishke, im achi tok.

50. Mihma momvt yvmmak ash o issvt yihlepa tok.

51. Mihma hatak himita achvfa nipi bano hosh linen anchi kvv, yvmmak ash iakaiyvt aya tuk o, hatak himita vhleha hvv it i hokli tok.

52. Mihma linen anchi ash o kanchi cha, nipi bano hosh mokofit mvllelit i kvnia tok.

53. Mihma Chisvs ash o na-holitompa isht asha i shahli yo okla isht im ia tok ; mihma yvmma na-holitompa isht asha pehlichi vhleha, micha hochitoka vhleha, mikmvt naholissochi okla aiena kvv momvt im ai itvnavt maya tok.

54. Yohmi ma Pita yvt auet mishemanchi hosh pit iakaiyvt maya mvt, na-holitompa isht asha i shahli im aboha holitopa yak kia ona tok : mihmvt tishu vhleha ha takla gshvt luak libesha tok.

55. Mihma na-holitompa isht asha pehlichi vhleha, micha nan-apesa moma aiena kvv Chisvs a nan isht im ai atokowa na vba chi kvv, okla akostininchi bvna tuk osh, ik akostinincho ki tok.

56. Yohmi ka yvmma nan isht atokoli ilahobi hokvto laua kia, nan isht atokoli kak osh ai it im achvfa keyu ki tok.

57. Mihma kanohmi hosh wakaya mvt, nan isht im atokoli ilahobit,

58. Ilrvpvt ibbak o, isht toba tok tempel ilvppa okpvi lish, nitak tuchinakma, inla yosh ibbak o isht toba keyu ho ikbi la chi hoke, achi ka e haklo tuk oke, achi tok.

59. Yohmi kia yvmmvt okla nan isht atokoli kvv ont ik itibai achvfo akinli tok.

60. Mihma na-holitompa isht asha i shahli ash osh iklvn-na wakayvt hikia mvt, Chisvs ash o i ponaklot, Afalaminchit nana kia chik acho cho? yakohmi kvv nan isht chi atokoli ka katiohmi hatuk oh cho? achi tok.

61. Yohmi kia nana ik acho hosh lumvt asha tok. Mihma anonti na-holitompa isht asha i shahli ash ot i ponaklot, Chishno ak osh Na-holitopa ya Ushi Klaist chia mak oh cho? im achi tok.

62. Mihma Chisvs vt, Mih sia mak oke: yohmi ka Hatak Ushi vt nan-okluha imaiya ibbak ishtimpakimma ya binili, mikmvt vba hoshonti anukaka minti aiena ho hvsh pisa he mak oke, achi tok.

63. Mihma na-holitompa isht-asha i shahli yash ot i nafohka ya it a hliivfi mvt, Na katihmi ho himmakma nan isht atokowa ka iloh ahna hinla cho?

64. Chihowa isht ik ahobalo anumpa ha hvsh hakloshke: nanta hvchim anukfila cho? achi tok. Mihma illa he vlvh-pesa kak o, momvt okla anumpa onochi tok.

65. Mihma kanimi kvv on tuftua mvt, anonti nashuka ya ompohomo cha, ibbak bonunta isht isso cha, Akostininchit anoli, achi tok: mihma tishu vvhleha hvv ibbak pvtha ya okla isht pvsaha tok.

66. Mihma Pita yvto nutaka aboha holitopa anukaka ya asha na ohoyo himita na-holitompa isht asha i shahli in tok-svli vvhleha hvv achvvt vla tok.

67. Mihma Pita yvt libisha hosh asha na ont pisa cha atokolit pisa tok: mihmvt Chishno vt Chisvs Nasalet vttta ya awant ish gya tuk akinlishke, achi tok.

68. Yohmi kia Pita yvt ik ithano ilahobit, yvmma ithana li keyu; mikmvt nana ish miha kak kia ak chim akostininchoshke, acki tok. Micha kohchvt apishia ya ona ma, aka-ka yvt ola tok.

69. Atuk o anonti ohoyo himita yosh yvmmak ash o pisa mvt, bilikasi hiohmaya kash o, Ilvppak osh yvmma pit ai achvfa mak oke, im achi tok.

70. Mihma anonti yvmma ik ithano, miha tok. Yvmmak atuk a in chekosi ma bilika hiohmaya tuk ash ot anonti Pita

yash o, Chishno ak kia okla yvmma ish ibai achvfa yatuk o pullvshke: Kalili hatak chia hatuk osh, chim anumpa hvv pit ai achvfa hoke, im achi tok.

71. Yohmi kia Pita yash ot, Hatak ilvppa isht anumpulit hvsh maya ka ithana li keyushke, achit ik ahobalot anumpulit anumpa kvllo isht ile ononchit ishtia tok.

72. Mihma atukla ma akaka vt ola tok. Mihma Pita ash osh, Akaka yvt hitukla ha ik olo kvsha hv hituchina ha chik svthano ish miha chv hoke, im achi tok Chisvs im anumpv hash pit ithaiyana tok. Mihma yvmma anukfieli mvv, yavaya tok.

CHAPTA XV.

Chisvs a okla takchi cha, Pailat ibbak fohki, 1; 15 na-holitompa isht gsha vhleha hvv Pailat a anukfohkechi na Balabas ak o i hotofi cha Chisvs okvno ititaiyukhvna ahonvhvv illa chv hv im issa: 17 mihma tvshka chipota vhleha hvv yvmmak ash o kvv tvnna yv iachukolichi cha, isso: 20 mihmvv ititaiyukhvna ahonvhla chv mak o ilavet ia. 21 Chisvs a Kolkohla ya okla isht ona mvv, hatak hvkopa tuklo itin takla yv a tak alichit ititaiyukhvna ahonvhlici; 29 mihma na-holitompa isht gsha vhleha, micha okla puta kvv ishit yopula: 33 hvshi vv okhlilit kvnia ma, Chisvs vv Chihova hv pit in tahpahanvv illi. 38 Nantvna holitompa tempel anykaka takali tuk vv it a hlilafa; Sintulion vv, Chisvs vv Chihova ushi pulla tuk achi; Chisvs vv ititaiyukhvna a takali ka, ohoyo kanimi kvv pisa. 42 Chosv vv Chisvs haknvp ititaiyukhvna takali tuk a ishit akvchi cha, sepelka himona ilap i hikia tuk vv fohki.

1. **ATUK** o onnahinli makinli hv na-holitompa isht gsha pehlichv hash osh hochitoka vhleha, micha na-holissochi okla, mikmvv nan-apesa vhleha moma aiena hv nana ai it im apsvv maya cha, Chisvs a takchi mvv, isht ivv, Pailat ibbak a ont fohki tok.

2. Mihma Pailat ash ot i ponaklot, Chishno ak osh Chu okla hv i miko chia mak oh cho? achi tok. Mihma Chisvs vv, Uhpesa hv ish mihvshke, im achi tok.

3. Mihma na-holitompa isht asha pehlichv vhleha hvv

yvmmak ash o nana ilaiyuka laua ho isht onochi tok : yohmi kia nanasi kia ilapvt afalaminchit ik miho ki tok.

4. Mihma Pailat ash osh anonti i ponaklot, Nana chik acho há cha? yakeh! nana ka isht a chi atokoli ka laua fehvshke, achi tok.

5. Yohmi kia Chisvs ash ot nana ik acho moma tok. Yohmi hatuk o Pailat ash osh, okokko! aiahni tok.

6. Mihma vbanvblit ont ia impa gsha ka ilap mak osh, kánima yo okla ahnikma, yukvt talakchi atuk a achvfalit im i hotofi chatuk a tok.

7. Mihma achvfa hosh, Balabas hohchifo kvv nan-vlhpisa ya itibai i sanalit ahshwa cha, nan-vlhpisa i sanali kvv hatak vbi tuk vt ai it ahevvt talakchi hosh itonla tok.

8. Atuk o okla laua yash ot chitolit tahpvlvt, nana ka ai i yvmihchi bilia yatuk vt yvmiheha chi ka okla im ahni tok.

9. Yohmi kia Pailat ash osh afalaminchi mvv, Chu okla i Miko ak o hvchim i hotofi la chi ka hvsh ahni cho? im achi tok.

10. Yvmmak okvno na-holitompa isht gsha pehlichí vhleha hvv i nukkilli kak osh ishit ibbak fohki tuk a ithana hatuk okvt.

11. Yohmi kia na-holitompa isht gsha pehlichí vhleha hash ot Balabas ak o im i hotofi pulla chi ka okla ha isht a nukfohkichi tok.

12. Mihma anonti Pailat ash ot afalaminchi mvv, Yohmi ka Chu okla i Miko hvsh achi yvmmak amo nanta ho kati-michi la he ak o hvsh ahni cho? achi tok.

13. Mihma atuklanchit chitoli hosh, Ititaiyukhvna ak o ahonvhlichí, achi tok.

14. Yohmi ma Pailat ash ot, Nanta katiohmi ho nan ik achukmo nanta mak o yvmohmi tuk oh cho? im achi tok. Mihma yvmmak o okla isht i shahlichí fehvvt tahpvlvt, Ititaiyukhvna ak o ahonvhlichí, achi tok.

15. Yohmi ma Pailat ash ot okla ha yukpali bvna kvv, Balabas ak o im i hotofi tok: micha Chisvs ash o fvmmi mvv, ititaiyukhvna ahonvhvt illa chi mak o, yvmmak ash o ishit okla hash ibbak fohki tok:

16. Mihma tushka chipota vhleha hash ot yummak ash o halvllit isht ivt nan ai apesa Pletolivm hohchifo hō isht ona tok : mihmvt gya achvfa tuk ash o momint hoyot itvnali tok.

17. Mihmvt na-fohka hummakbi hō ishit fokvchi mvt, kvti tnnvt iachuka ikbi cha, iachukolichi tok.

18. Mihmvt aiokpvchit, Chu okla i Miko ma ! na chi yuk-pashke, achi tok.

19. Mihmvt noshkobo hā kushak ishit isso mvt, on tuf-tuvt, anonti hvchikbihleptv hikia cha, aiokpvchi aiena tok.

20. Mihmvt yummak ash o okla ishit yopula hayosh na-fohka hummakbi ash o i shufi cha, ilap i na-fohka yash inli hō okla fohkvchi mvt, ititaiyukhvna ahonvlichia chī mak o kocha isht ia tok.

21. Mihma Saimon Silinian hatak Aleksanta, micha Lufvs aiena iki vt yakni kocha vttvt minti hosh gya ma, im ititai-yukhvna ya shola chī ka okla atohnochi tok.

22. Mihma yummak ash o yakni Kolkohla, yummvt to-showakma, Noshkobo foni aiasha achi hō okla isht ona tok.

23. Mihmvt ishka chī ka oka-paki osh mvh it-ibvlhto hō okla ipeta tok ; yohmi kia ik ishko ki tok.

24. Mihmvt yummak ash o okla ititaiyukhvna ahonvli-chi mvt, hatak achvfa kvv kaniohmi aiyuka isha chī kvv nan isht a shoelit mayvt, i na-fohka yash okla it i hopela tok.

25. Yohmi kvv hvshi kanvlli vlvpisa ont atuchina hō ititaiyukhvna ya okla ahonvlichich tok

26. Mihma anumpa isht ai onvtula hatuk holisso kvv pak-naka ya CHU OKLA I MIKO YOKE, achi hosh a ho-lisso tok.

27. Micha hvkopa tuklo hō achvfvv ibbak ishtimpak-imma takali ma, anonti achvfvv im vlvfvbekimma takali hō it aieninchit ititaiyukhvna ahonvlichich tok.

28. Mihma holisso holitopa yvt achi kvv, Micha nan-vlvpisa kobvffi vhleha hō iba holhtiena tok achi hatuk vt ont aighli tok oke.

29. Mihma itvnovvt gya mvt, yummak ash o ik ahobalot pit i yachumuklit, Tempel g okpvni cha anonti nitak tuchi-nakma ikbi chia hash osh,

30. Chishno ak inli kak osh ile okchalinchit ititaiyukhvna ya auet akowá, im achi beka tok.

31. Mihma na-holitompa isht gsha pehlichí vhleha, micha na-holissochi vhleha aiena hash kia ishit yopula akinlit, Inla yokvno okchalinchi hatuk o kak osh, ilap inli hokvto ile okchalincha he keyushke.

32. E pisa cha pi yimma chí ka, himonasi ak o Israeł i miko Klaist vt ititaiyukhvna ya vttvt auet ik akowá, it im achit maya tok. Mihma apehvt ititaiyukhvna ahonvha kash kia yvmmak ash o na-mihachi tok.

33. Atuk o hvshi kanvlli vhpisa isht hannali kv̄t ai ona ma, okhlili hv̄t yakni mominchit takali na hvshi kanvlli vhpisa ont isht chakkali ka ona tok.

34. Mihma hvshi kanvlli vhpisa ont isht chakkalik fehna, Chisvs ash ot chitoli hosh tahpvt, Eloi, Eloi, lama sabakhlani, yvmvt toshowa kv̄t, An Chihowa ma! an Chihowa ma! nanta katiohmi ho is sa kanchi cho? achi hoke.

35. Mihma bilika hiokmaya tuk vt kanimi kv̄t haklo mv̄t, Yakeh! Elias ak o i howvshke, achi tok.

36. Mihma achvvt malelit iv̄t na-shatv̄m̄mi o wineka ont alotoli cha, kushak o takalichit ishka chí ka pit ima mv̄t, Ik gshá, Elias vt vla cha ant ishit akvchikmá nana chí hokmá, keho písá, achi tok.

37. Mihma Chisvs ash osh chitoli hosh anumpuli mv̄t, fiopa issa tok.

38. Mihma nantv̄nna tempel anvkaka takali kash ot paknaka ai it a hlilav̄t ia mv̄t, aka ont taha cha tuklo tok.

39. Mihma Sintulion vt im a chapaka hikia tuk vt, yvmvt chitolit makachi cha, fiopa issa na pisa mv̄t, Hatak ilvppvt Chihowa Ushi yatuk o pulla mvhlishke, achi tok.

40. Mihma ohoyo aiena hosh mishema ho piv̄t hiohmaya ma, Meli Maktalene, micha Chemis iskitini, mikmv̄t Choses aiena ishki Meli, mikmv̄t Salome aiena kak osh takla hinli tok.

41. Yohmi kv̄t Kalili ḡ anta ma, ohoyo ilvppak osh apehvt gyvt, nan isht im gshwa tok: mihma apehvt gyvt Chelusalem ḡ ai vla tuk vt ohoyo inla yvt laua hosh pit ai oklqha tok.

42. Atuk o ont opivt taha ma, nana il ai atahli nitak, yummvt nitak hullo vt onnvt gsha ho,

43. Chosef Alimahlea vta, nan-apesa holitompa hosh, yummak kia Chihowa apelihika hohoyo hosh anta hatuk osh, nukwaya ikshot Pailat ash o ont iba chukowa cha, Chisvs haknip g im asilhha tok.

44. Mihma Pailat ash ot mihi ash takla illi hotuma, ahni kvv nukhlakancha tok, micha Sintulion g hoyo mvt, illi tuk g ahchibakma, nana tuk g, i ponaklo tok.

45. Micha sintulion g isht ai akostininchi mvt, haknip ash Chosef g im issa tok.

46. Mihma yummak ash ot linen lapushki yo chumpa mvt, yummak ash ishit akvchi cha, linen g a bonulli cha, sepvka tvli yosh kulvt toba ho ont bohli cha, tvli yo tonolichit sepvka okhissa yash pit o bohli tok.

47. Mihma Meli Maktalene, micha Meli Choses ishki ita tuklo kvv yummak ash a bohli ka pivt okla tok.

CHAPTA XVI.

Enchil osh Chisvs vt falamvt tani tuk g ohoyo im anoli, 1. 9 Chisvs vt falamvt tani ba yvt Meli Maktalene g im otvni tuk osh, 12 nan im ai ithvna vhlaha ha tuklot i haiaka: 14 atuk osh i himmakma avah-chvfa kash ont im otvni: yohmi mvt na yimma he keyu tuk g nan isht i miha; 15 micha vbanumpa ya kanima moyuma isht ai anumpohonla chi ka im apesa; 19 mihmvt vba ya ia ma, vba isht anumpa hvv anuhumpa.

1. **ATUK** osh nitak hullot issa ma, Meli Maktalene, micha Chemis ishki, mikmvt Salome aiena kvv ivt yummak ash o ont ahvmma chi kvv, na-balama okla chumpa tok.

2. Atuk osh wek chukowvt ia nitak vmmona onnahinli fehna hvshi kohcha ho sepvka yash okla ona tok.

3, 4. Mihmvt, Kvta hosh tvli vt chito fehna kash o sepvka okhissa g pim a kanvllicha chi ho? ilap bika it im achi tok: mihmvt okla pit hopokoyo kash osh, a kanvlli tuk g, okla pit pisa tok.

5. Micha sepvka ya okla pit chukowa mvt, hatak himita

yvt na-fohka tohbi falaia fohka hosh, ishtimpak imma tun-
nvp a binili ho, okla pisa cha, nukhlakancha tok.

6. Mihma yvmmak ash ot, Ik hvchi nukshopo kashke,
Chisvs Nasalet vtta yvt ititaiyukhona ahonvhla tuk ash o
hvsh hoyoshke: tani tuk oke: iluppa ikshoshke: okla a
bohli tuk a, pit ho pesa.

7. Yohmi kia hvsh ia cha, nan im ai ithona vhleha, Pita
aiena ka, yvmmak okvt hvchi tikba Kalili a ia he tuk a, ont
hvsh im anolashke: yvmmak o hvchi miha tuk mak oka,
yvmmak o hvsh a pisa chi hoke, im achi tok.

8. Mihma tushpvt pit okla kohcha mvt, sepvka yash
ashvvt pit yihlepa tok: nukhlakancha, wvnihinchi, micha
nukshopa aiena hatuk osh, kvna kia nanasi kia okla pit ik
im acho ki tok.

9. Michi Chisvs vt wek chukowvt ia nitak vmona on-
nahinli fehna ho tani tuk vt, Meli Maktalene, yvmmak o
nan-isht-ahullo okpulo untuklo ka a kohchi tuk ash nan
tikba i haiaka tok.

10. Mihma yvmmak ash osh ivt apehvt itvnova yatuk vt
nukhaklot yaiya hosh maya ma, ont im anoli tok.

11. Mihma yvmmak ash osh okchaya na yvmmvt pisa
tuk a okla haklo mvt, ik yimmo ki tok.

12. I himmakma yvmmak ash osh, tuklo hosh itvnovvt
gyvt, yakni kocha itonachi ma, anonti ai inlvvt i haiaka tok.

13. Mihma itiachi cha, kashapa kash o ont im anoli tok:
mihma yvmmak ash kia okla ik i yimmo ki tok.

14. Atuk o i himmakma auah-chvfa hash osh impa hosh
maya ho ont i haiaka cha, tani ha ya inla yvt pisa tuk a
okla ik i yimmo hatuk oka, na yimma he keyu, micha chg-
kvsh kvllo aiena ka nan isht ai i miha tok.

15. Mihmvt, Yakni moma ka ivt, vbanumpa ha hatak hi-
kia puta isht hvsh im anumpohonlashke.

16. Kvna hosh yimmi cha baptismokmvt, okchaya hi oke;
amba kvna hosh ik yimmo hokvto, issikkovvt bilia im vhpisa
hi oke, im achi tok.

17. Michi na-yimmi vhleha hokvno nan-isht atokowa ya-
kohmi kak osh a takanlit aya hi oke. Uno sa hohchifo ha

nan-isht ahullo okpulo puta isht kocha welikmvt, anumpa ilaiyuka anumpula hi oke.

18. Micha sinti chilita puta ka peh okla aiowa he, mikmvt ishkot illi nana kia ishko hoh kia, nan ik kanihcho ka he : abeka yg ibbak isht umbitepakma, hlakofa he bano hoke, im achi tok.

19. Yohmi mvt Chitokaka yvt ant im anumpuli mvt, vba ivt vba yakni g ont chukowa cha, Chihowa im ibbak ishtimpak-imma yg a binili tok oke.

20. Mihma Chitokaka yvt apelahanchit anumpa hg nan isht atokowa kvt a takanlit gya hatuk ash isht aiahlichy ma, kanima moma ka vba isht ai anumpohonlit itynowa tok oke.
Amen.

У B A N U M P A L U K

У T H O L I S S O C H I T O K .

CH A P T A I .

Luk vt Hliopilvs g pit im anumpuli, 1. 5 Enchil vt Sakalias g ont im otvni : 13 mihmvt ushi gsha hi g i miha ; 24 Elisabet vt vlla shali cha, ile luhmi. 26. Enchil vt ohoyo himita Meli g ont i haiaka ; yohmi mvt Shilombish Holitopa yosh nan anukfilli hq, Klaist ishki g toba pulla hi g i miha. 39 Meli vt Elisabet g ont i nowa mikmvt ita tuklo kvv Chihowa yg aiokpahanchi. 57 Chan vt vtta cha, hakshup vtpa mvt hohchifo : 64 mihma Sakalias vt falamvt anumpuli mvt, 67 na tikbanli anolit Chihowa hq aiokpahanchi.

1, 2. NANA ka isht a pi yimmi ghli fehna vmmonvt isht auehinchi ka nishkin isht pisvt, nana ka isht ahghwa tuk vt yvmma pim anohonli tok mak osh lgwa kvv yvmmak atuk g isht anumpa holisso hq ikbi tuk q.

3, 4. Uno ak kia nan vmmona isht-auehinchi ka nana kvv akaniohmi tok puta ka mominchit asilhhit achukmalit akostinichi li tuk vt, chishno vt nana ka isht chim annoa tuk g aighli ka ish ithaiyana chi ka, nan-annoa ma it iakaiyachi hosh pit chi holissochi la hi vt vm anukfila tuk oke ; Hliopilvs holitopa fehna ma !

5. Chutea i miko Helot vt ahanta nitak g, na-holitompa isht vta achvfa Sakalias hohchifo kvv, Abia apelhichika ai ibafohka yosh anta tok : mihma tekchi vt Aalon ushetik vhleha isht-atiaka yosh, hohchifo kvv Elisabet a tok.

6. Mihi yosh yvmmvt tuklot Chihowa yvt pisa hq aighli biekvt, anumpa vlpisa puta, mikmvt nan-vlpisa ilaiyuka Chihowa yvt apihisa tok g moma ka i shanaiya iksho hosh ahghwa tok.

7. Yvmohmi hosh Elisabet ak osh ushiksho yatuk o, vlla yvt ik im iksho ket okla hosh, tuklot sipoknit taiyaha tok.

8, 9. Atuk o yakohmi tok : ilap ai itvpeha yvt ont im ai vlpiesa ma, yvmmvt na holitompa isht gsha Chihowa itikba ya isht ai ahanta chi ka, na holitompa isht gsha nan im vlpisa chatuk mak o, Chihowa in tempel a ont chukowa cha, na-balama luacha hi vt nashoeli ho isht im vlpisa tok.

10. Yvmohmi ma okla laua yvt na balama lua takla ka vba pit anumpuli hosh kocha ya aiasha tok.

11. Yvmohmi ma Chihowa im enchil vt na-balama a lua alta ishtimpak imma tvnvp o hikivt i haiaka tok.

12. Mihma Sakalias vt pisa mvt, nukhlakanchvt nan-nukshopa mvt anukfoyuka tok.

13. Mihma enchil ash ot, Sakalias vt chi nukshopa na ; vba pit ish asilha tok vt chim vlpesa mak oke : yohmi ka chi tekchi Elisabet vt vlla nakni o chi shala he ; mikma yvmma Chan ish hochifa he ;

14. Yohmikmvt na chi yukput chim achukma fehna he ; yohmikma yvmmvt vta ka na yukpa kvv lau hi oke.

15. Yvmmak okvt Chihowa ya i holitopa fehna he : mikmvt oka-paki, micha oka homi nana kia ik ishko ka hi oke : micha ishki ikfoka a kohcha mak inli hosh Shilombish Holitopa isht anukfohkvv alotowa hi oke.

16. Yvmohmikmvt yvmmak okvt Isael isht-aiunchululi vhleha ha lauachit in Chitokaka Chihowa ya im antia hi a anukfohkicha he mak oke.

17. Mikmvt iki vhleha chukvsh a falaminchit vlla puta ka ai it ibafohkit it in nanaiyachikmvt, anonti nan ik yimmo puta ma hopoyuksa vhleha ha im anukfila ha pit ai ibafohkit, okla ha anukfohki na Chihowa hoka im vltaha chi ka, Elias im anukfila chinto il ai eshi hosh Chitokaka itikba ya ia hi oke, im achi tok.

18. Mihma Sakalias vt, Nanta hosh katihmi na ilvppa isht akostininchi la chi cho ? vno vt hatak sa sipokni, yohmikma sa tekchi mvt sipoknit taiyaha kvno, enchil a im achi tok.

19. Mihma enchil ash ot afalaminchi kvv, Vno vt Chih-

wa itikba hikia Kebliel sia mak oke: mih hosh ant chit im anumpulit, nan annoa achukma ilvppa chim anoli la hi vt si vlhtoka tuk oke.

20. Yvmohmi tuk o vm anumpa hā ont im ai vlhpiesak-mvt aighla hi oka ik chi yimmo; yohmi hokvt ik anumpulo ish toba cha, ish anumpula he ik chim vlhpeso mak o, nana kash ot ont aighli nitak a onak mak a hi oke, im achi tok.

21. Mihma okla hash ot Sakalias a pit hoyot aiasha mvt, tempel anukaka ya anta na hopaki hatuk o, katiohmi cho? okla ahni tok.

22. Atuk o yvmmak ash ot kohcha mvt, okla hash im anumpula he keyu ki tok: peh abahanchi mvt, anumpula he keyu hosh hikia hatuk o, tempel anukaka ya nana ho a pisa tuk a, okla akostininchi tok.

23. Atuk o yakohmi tok; ilap na-holitompa isht ai ahanta he nitak atuk vt ont taha makinli ma, in chuka ia tok.

24, 25. Atuk o nitak yvmmak atuk a i himmak ha yo, tekchi Elisabet vt vlla i fohka cha, Hatak puta itintakla sa hofahya kv̄t a takali tuk a isht kancha ch̄i hosh, suet sa pih̄isa nitak vt Chitokaka yvt ilvppak o a yakohmichi tuk oke; achi mvt ile luyuhmi na hvshi tahlapi tok.

26, 27. Atuk o hvshi ont isht hannalik fehna ohoyo him-ita yvt hatak Chosef hohchifo hosh, Lewi in chuka-chv̄fa isht atiaka yo, im vlhpoa hosh ohoyo himita hohchifo mvt Meli osh, Kalili yakni tmaha Nasalet hohchifo ho anta ho, Chihowa yvt Kebliel a pit i chev̄fichi tok.

28. Yvmohmi na enchil ash ot im aboha hā ant chukowa mvt, Holitopa fehna chia hv̄t na chi yv̄kpashke; Chihowa hv̄t chi halvli hoke, holitopa kv̄t ohoyo puta moma ka ish im̄ayv̄shke, achi tok.

29. Mihma yvmmak ash ot pisa mvt, yvm̄mvt nana ahan-chi ka nukhlakancha mvt, nan isht aiokpv̄chi katiohmi hosh yakohma hinla cho? ahnit im anukfila tok.

30. Mihma enchil ash ot, Meli vt ik chi nukshopo kash-ke; Chihowa ish i holitopa hi vt chim vlhpesa tuk oke.

31. Yohmi kv̄t yakeh! vlla yvt ch̄i fohka cha, vlla nakni o ish ishikmvt, hohchifo hā Chisv̄s ish hochifa he mak oke.

32. Yvmmak osh Chitokaka tobvt ahantvt, Nana moma i shabli Ushi hohchifa he ; yohmikma Chitokaka Chihowa yvt iki Lewi im ai om binili holitopa ya ima hi oke.

33. Yohmikma yvmmak osh Chekob in chuka chvfa isht atiaka pehlichu na bilia he : yohmikma yvmma apehlichika ya ont ataha he mvt iiksho ka he mak oke, im achi tok.

34. Mihma Meli ash ot, Hatak kia ithana li keyu hatuk ano, katiohmit ilvppvt yakohma chi cho? enchil ash o im achi tok.

35. Mihma enchil ash osh anonti afalaminchit, Shilombish Holitopa yak osh chim aya he ; yohmikma Nana moma i shabli nan isht im aighlika yvt chi o hoshontikacha hi oke ; yohmi hoka na-holitopa kvv chim vta hi vt yvmmak kia Chihowa Ushi hohchifa hi oke.

36. Micha yakeh ! chi kanomi Elisabet vt ushiksho hohchifo chatuk kia, sipoknit taiyaha hosh vlla nakni i fohka tuk a himak vt hvshi ont isht i hannali hoke.

37. Chihowa ak okvto nana kvv ik im aighlo ka hi vt iksho hoka, im achi tok.

38. Mihma Meli ash osh, Chitokaka immi ohoyo sia ka is sa peashke : chim anuhumpa tuk mak o nana kvv vm ai vlvpiesshke, im achi tok. Mihma enchil ash ot isvt ia tok.

39. Mihma nitak yvmma foka ma Meli ash ot wakaya eha, tushpvt ivt, Chuta yakni nvnih foka tmaha chito mvt talaia hq ona tok.

40. Yohmi mvt Sakalias in chuka ya ont chukowa cha, Elisabet a aiokpvchi tok.

41. Mihma yakohmi tok ; Meli vt aiokpvchi na Elisabet vt haklo ma, vlla yvt ikfoka anyka ilhkoli tok ; yohmi ma Elisabet vt Shilombish Holitopa isht anukfohkvv alotowa tok.

42. Mihmvt chitoli hosh anumpulit, Holitopa kvv ohoyo puta moma ka ish imayvshke : mihma chikfoka anyka a toba mvt holitopvshke.

43. An Chitokaka ishki vt ayvt vm vla ilvppvt katiohmi hq a yakohmi cho ?

44. Yakeh ! is si aiokpvchi ka anumpa hvv olvt sa hak-

sobish a ant fohka mak inli ho, vlla yvt na yukpa kv̄t sak-foka anyka ya ilhkoli kano.

45. Chitokaka yvt yv̄mma nana ho im anoli tuk a ont aiahlit taiyaha hi oka, na yimmi tuk yv̄mmvto na yukpvshke achi tok.

46. Mihma Meli ash ot, Sa shilombish vt Chitokaka ya holitobli,

47. Yohmi ma sa chukvsh vt Chihowa si okchalinchi a ai isht ilaiyukpvshke.

48. Yv̄mmak okvt in tishu ohoyo ilbvsha ya i nukhaklot pisa tuk oke: yohmi hoka himak pillvt ia ka hatak isht ai unchululi puta kv̄t na-yukpa sia hochifa hi oke.

49. Yv̄mmak osh nana moma imaiya mak osh nafehna chinto ka a yvmihchi tuk oke: yohmi kv̄t hohchifo hv̄t holitopa yoke.

50. Miha hatak it ai unchululi ia puta ka ilapa im antia vhleha ha yv̄mmvt i nukhaklo kv̄t ai in takali mak oke.

51. Yv̄mmak okvt ilapo shakba isht imaiyachi chatuk: ilapunla vhleha hv̄t ilap chukvsh nan isht im anukflvt magyakma, yv̄mmak okvt it a fimibli chatuk oke.

52. Yv̄mmak okvt hochitoka vhleha im aiasha puta tuk a ai isht akakohlikmvt, anonti ilbvsha vhleha ak o holitobli-chi chatuk oke.

53. Hohchifo ya yv̄mmak okvt na hochukma puta ka isht fihoblikmvt, anonti nan in laua yano nana kia ik im ikshochit kanom pit tihleli chatuk oke.

54, 55. Eblaham, mikmvt yv̄mma isht ai unchululi ka i nukhaklot a bilia hi vt pin tikba vhleha ha pim anumpohonli tok vt ithaiyana mvt, in tishu Israel a apelahanchi chatuk oke, achi tok.

56. Mihmvt Meli vt yv̄mma awant anta na hvshi tuchi-na foka mvt, falamvt in chuka ona tok.

57. Yohmi ma Elisabet vt vlla in tonla hi vt ont ai im vlpiesa mvt, vlla nakni o sholi tok.

58. Mihma in chuka panta aasha, miha i kanomi vhleha aiena kv̄t, Chitokaka yvt yv̄mma i nukhaklo fehna tuk a okla haklo mvt, ibai yukpa tok.

59. Atuk o yakohmi tok: nitak ont isht untuchina ma vlla ya hakshup tublit itvnowa tok; atuk osh iki a hochifochit yvmmak ash Sakalias hochifo tok.

60. Mihma ishki ash osh anumpuli mvt, Yohma he keyu; amba Chan ak o hohchifa chj hoke, achi tok.

61. Mihma Chj kanomi hvt kanima mvt hohchifo ilvppa isht a hohchifo kvv ikshoshke, okla im achi tok.

62. Mihmvt iki ak osh nana ho hohchifa hi a ahnik mak a chj ka, okla pit avchi tok.

63. Mihma yvmmak ash ot aholissochi a hoyo cha, Hohchifo hvt Chan oke, achit holissochi tok. Mihma, Na katihmi ho? momvt okla ahni tok.

64. Mihma yvmmak ash ot itih hvt ashalika wakama ma, isunlush vt yuhapa na anumpuli mvt, Chihowa ya aiokpahanchi tok.

65. Yvmohmi ma yvmma ai i bilika fullota aiasha tuk ash ot momvt nukshumpa tok: yohmi ma ilvppa yakohmi tuk vt momvt annovt Chutea yakni nvnih foka yash mominchit a hlopulli tok.

66. Mihma okla yvmma haklo tuk vt moyumvt, Ulla katioma chj hosh ilvppvt yakohmi cho? ahanchit chukvsh anykaka okla isht anukfihinli tok. Mihma Chitokaka ibbak vt yvmmak ash o apelahanchi tok.

67. Mihma iki Sakalias ash ot Shilombish Holitopa isht anukfovket alotovvt, tikbanli nana anolit pit aiokpahanchit,

68-71. Israel in Chitokaka Chihowa hvt holitopashke: yvmmak okvt yakni toba tok taiyakla ka i hopaii hochukma aiashvt isht-avehinchi ka itih isht ai anumpohonli tok mak osh, pishno vt pin tvnvp vhleha, mikmvt pj nukkilli vhleha ibbak ma mominchit il ai o hlakofa hi o, im okla talaia ka i nuklaklot pihisa cha, nan isht vlhtoba he im atahlit, isht aiokchaya chinto fehna ka ilap in tishu Lewi in chuka-chvfa a pj hilechi tok.

72-75. Yohmi kvv pishno vt pin tvnvp vhleha ibbak ma il ai in hlakofikmvt, pi okchayvt nitak il ai ahanta kvv, nukshumpa iksho hosh nan-ashvchi ikshot ai vlvpiessa hosh im anivvt, itikba ma il ahghwa he mak o, auet pim aiarna hi vt

ilap i nan-vlhpisa holitopa anumpa kullo aiena ka pin tikba Eblaham a isht ai im il onochi tok vt ithaiyana cha, anonti nan i nukhgkla he anumpa ha pin tikba vhleha ha ihima tok vt aighlichi mak oke.

78-79. Yohmikma, Ulla chishno vt Chitokaka yvt ataya chi puta ma apoksiachit, anonti hvpin Chihowa nan-isht i nukhgklo chinto pulla hatuk mak o, ilap nan im ai ashvchika yvt i kashofa hosh isht-ai okchaya ma im okla ha ish ithv-nahancha chi hosh Chitokaka itikba ish ia chi hokvt, Moma imaiya i hopaii chi hohchifa hi oke. Yummak atuk pulla mak o ai okhlilika, mikmvt ai-illi ai o hoshonti aiena anuka-ka aiasha tuk a in tohwelicha chi, mikmvt hvv iyi yvt ai itin-nanaiya hina foyuka chi ka apelvcha chi mak o onna tohwikeli vba minti kvv auct pi on tommishke.

80. Yvmohmi tuk o vlla yash ot asvnot ivt, im anukfila mvt kvllot i shablit ia; yohmi hosh yakni haiaka ya ahanta na Israel a i haiaka he nitak vt ai ona tok.

CHAPTER II.

Chisvs vt Behlehem ak o ai vtta cha, vlhpoba ai-impv peni yo fohka,

1. 8 Chukfvlhpoba apevchi vhleha Behlehem bilika gsha tuk o, Chisvs vt vtta ka, enchil osh ont im anoli; 13 mihma enchil vhleha hvv laua hosh ai vla cha, ibai achvvtv Chihowa ha okla aiokpahanchi. 21 Chisvs vt hakshup tva; yohmi ma tempel anukaka yak o Chitokaka ya pit ai im issa ma, Simeon, micha Anna aiena kvv, avvt okla hosh tempel a ont chukova; yohmi cha hatak okchalinchii himona vtta tuk a pisa mvt, Chihowa ha pit aiokpahanchi. 40 Chisvs vt avvmmi auah-tuklo ka ona mvt, 46 tempel o nan ai im avvchi vhleha puta ka i haponaklo, nan im asilhvchi aienvt anta: 51 atuk osh falamvt Nasalet ona cha, iki, ishki aiena ka im antia hosh ahanta.

1. MIHMA yakohmi tok: nitak yvmma foka ma, yakni yvmmvt okluyuhvt holissa hi a Sesa Avvstvs vt apihisa tok.

2. Yakohmi ka Silenivs vt Silia i mikot ahanta mak o okla holissa he ilvppvt vlhpisa vmmona tok.

3. Mihma momvt ilap in tvamaha aiyuka a holissa chi hosh ilhkoli tok.

4, 5. Mihma Chosef ak kia, yvmmvt Lewi in chuka-chufa yo isht-ai-unchululi hatuk okvt, Kalili yakni Nasalet tumaha ha vttvt kohchvt ia mvt, Chutea yakni Lewi in tumaha Behlehem hohchifo hō tekchi vhpōa Meli vt vlla in tola hōi hō, it iba holissa chī hosh ona tok.

6. Atuk o yakohmi tok : yvmma ont ahashwak fehna, yvmmvt vlla in tola he nitak vt ont ai vhpiesa tok.

7. Mihmvt ishi ahpi kvv vlla nakni osh in tola cha, yvm-mak ash na-hlilahli o a bonulli mvt, aboha anuka yano aiasha yvt iksho hoka, issuba ai-ilhpita yo fohkit bohli tok.

8. Yohmi ma yakni yvmmak inli ka chukfvhpoba apesvchi vhleha hvt vhpoba apesvchi hosh ninak a haiaka yo aiasha tok.

9. Yvmohmi tuk o Chihowa im enchil vt ayvt im vla na Chihowa im a tohwekali chinto kvv ai on tommit talaia ma, okla nukshopa fehna tok.

10. Mihma enchil ash ot, Hvchi nukshopa ná ; vno vt anumpa na-yukpali a chinto fehna okla moyuma ka im aya he mak o isht hvchim aya li hoke.

11. Himak nitak a nan-okchalinchī, yvmmvt Klaist Chitokaka mak osh Lewi in tumaha ha a hvchim ai vtvshke.

12. Yohmi ka atokowa kvv ilvppak o yakohmi ha chī hoke : Ulōsi vt nahlilahli o a bonunta hosh, issuba ai ilhpitta yo fohkvv itonla hō ont hvsh pisa chī hoke, im achi tok.

13. Yohmi ma i mih-makinli hō enchil okla chinto yvt enchil ash o ant okla apeha cha, Chihowa ya aiokpvchit,

14. Chihowa yvt vba chaha moma i shahli ya ik a holi-topá ; mikmvt yakni paknaka ma ik a nanaiyá : mikmvt hatak a nana achukma im anukfilli aiena kvv ik ai ituyulá, ahanchi tok.

15. Mihma yakohmi tok : enchil okla hash osh issvt vba ya vvt taha ma, chukfvhpoba apesvchi vhleha hash osh, Inta ! Behlehem fehna ka kiloh ia cha, nana kvv a yvmohmi tuk o, Chitokaka yvt hvvim anohonli tuk ilvppa ont eho pisashke, it im achi tok.

16. Mihmvt tushpvt itvnowvt ona cha, Meli, Chosef ita

tuklo ka, micha vllōsi atuk mvt issuba ai ilhpitta yō fohkv̄t itonla aiena hō okla pisa tok.

17. Yakohmit ont pisa mvt, vlla yv̄mma nana ka okla nan isht im annoa tuk ash ot mishema a mominchit ai anoli tok.

18. Yohmi ma na yakohmi ka chukv̄lhpoba apesv̄chi v̄hleha hv̄t im anoli na okla haiyaklo tuk vt momvt, okokko! aiahni tok.

19. Yohmi kia Meli vto nana yakohmi kash mominchit chukv̄sh anukaka isht ithaiyanvt, anukfihinli tok.

20. Mihma chukv̄lhpoba apesv̄chi v̄hleha hash ot nana kv̄t im ai annoa tuk ash fehna ka oklv̄hvinc̄hit haklo, micha pisa aiena mvt, Chihowa ya holitoblichit aiokpahanchit, fala-mvt okla ilhkoli tok.

21. Yvmohmi tuk o nitak ont isht untuchina ma, vlla ya hakshup wishakchi tvbla hi g ai ona hatuk o, ikfoka anuka ik foko k̄sha mak o, enchil vt yv̄mmak o hochifo tok oka, yv̄mmak ash ot Chisvs hohchifo tok.

22-24. Yvmohmi tuk o Moses vt nana apesa tok g, ishki ash ot na-hullochi nitak vt ont in taha mvt, ishi ahpi ka nakni osh v̄tta hokv̄to moyumvt Chitokaka ma pit im a holitopa he mak o, Chitokaka i nan-vlhpisa h̄g a holi-hiso hatuk oka, yv̄mmak ash Chitokaka ima ch̄i, micha nan-isht aiokpv̄chi vt pv̄chi yoshuba tuklo, keyukmvt pv̄chi himita yosh tukla hi o, Chitokaka i nan-vlhpisa yv̄to ahanchi hatuk oka, isht aiokpv̄cha ch̄i hosh Chelusalem g itvlachi tok.

25. Yvmohmi ma yakeh! hatak Simeon hohchifo hosh Chelusalem g anta tok: yohmi kv̄t yv̄mmak okvt hatak vlhpiesa, Chihowa ma holitobli aighli hosh Israēl okla nayukpali g pit hohoyo hosh anta tok: yohmi ma yv̄mmak oka Shilombish Holitopa yv̄t anukfoyuka tok.

26. Yohmi kv̄t yv̄mmak okvt Chitokaka i Klaist g ik peso k̄sha hokv̄to, illa he keyu ka, Shilombish Holitopa yv̄t tik-banli im anoli tok.

27. Yvmohmi tuk o Shilombish Holitopa yosh yv̄mmak ash o anukfoyuka hō ayv̄t tempel g ant chukowa tok: atuk

o ai yvmohma he nan-vlhpisa hā isht ai yvmihcha chī hosh īki, ishki ita tuklo kv̄t vl̄ōsi Chisvs ā sholi cha, ant chuk-owa;

28. Yohmi ma yvmmak ash ot ibbak ishit sholi cha, Chihowa ya pit aiokpahanchi mvt,

29. Chitokaka ma! chishno chim anumpa ha tok pulla mak o, himak okvno chin tishu hv̄t na-yukpa hosh ia hi ā im aiahni :

30—32. Chī nan-ai-okchaya na-tohwikeli yvt oklushi nan ik ithano v̄leha hā isht in tohwikela chī, micha chim okla v̄leha Israel mvt isht a holitopa chī ka, okla moma itikba ish ai atahli tok ā, sa nishkin vt pisa hoke, achi tok.

33. Yohmi ma yvmmak ash o ishki, Chosef ita tuklo kv̄t yvmma nana kv̄t isht anumpa ka, anukhlakancha tok.

34, 35. Mihma Simeon ash ot, yvmmvt ai yukpvt okla hi ā, im aiahnit v̄ba isht asilhha ; yohmi mvt ishki Meli ash o, Yakeh ! v̄lla ilv̄pvt Israel okla hv̄t isht ai akakoha, mikma anonti a tana he aiena kv̄t l̄awa he : micha nan-isht-atokowa ka ī sanalit isht anumpohonli na chukvsh l̄awa nan isht im anukfila puta mvt ai otaiyana he mak o isht ai vlhtoka hoke ; āhli, mikmvt chishno chi shilombish ma aieninchit bv̄shpo falaiā yvt a hlopulla hi oke ; im achi tok.

36. Yohmi ma ohoyo hopaii Anna hohchifo Ase isht ai unchululi, Fanuel ushetik osh, himitasit hatak auwaya tuk o, afv̄m̄mi untuklo ma illi tuk o, antvt sipoknit konia tok.

37. Yohmi kv̄t vlhtaklv̄t hikia tuk ā afv̄m̄mi pokoli untuchina akocha ushta foka hosh, yvmmak okvt tempel ā issvt ik aiyo hosh, nitak, micha ninak aiena ka na-hullochi, micha v̄ba pit anumpuli aiena hosh Chihowa ma isht a holitoblit ahanta tok.

38. Atuk osh yvmmak ash ot yvmmak fehna ma ant chukowa mvt, Chihowa hā, yakoke, achit aiokpv̄chi akinli tok : mihmvt isht ai okchaya hi ā Chelusalem ā hoyot aiasha tuk puta ka yvmmak ash ai isht im anumpohonli tok.

39. Yvmohmi ma Chihowa ī nan-vlhpisa hatuk ash mominchit nana ka ont aighlichit taiyahli mvt, falamvt, Kalili yakni ilap o in tumaha Nasalet ā it onachi tok.

40. Atuk o vlla yash ot asvnot ia mvt, im anukfila hvt hopoyuksvt alotvt kvllot i shahlit mahaya; yohmi ma Chihowa nan isht ahniechi ka mvt ai anukfoka tok.

41. Ubanvblit ont ia nan-ai-impa holitopa gshakma iki, ishki ita tuklo kvv afvmmikma Chelusalem g itiachi beka tok.

42. Atuk osh impa holitopa isht gsha yvmmak oh chatuk mak osh ont ai vlvpiesa ma, yvmmak ash ot afvmmi avuah tuklo ho, Chelusalem g ilhkoli tok.

43. Atuk osh nitak vlvpisa hatuk vt ont in taha cha, falamvt itiachi ma, vlla Chisvs ash ot olvvlaka Chelusalem g anta hokak o; Chosef, micha ishki ita tuklo kvv ik akostinincho ki tok.

44. Amba okla it apehvt gsht aya ka takla aya he ak o im ahombvt, avvt nitak achvfa nowvt okla tok: mihmvt yvmmak ash ilap i kanomi vhleha, micha ai it ithvnaka puta itin takla ya a hoyo tok.

45. Atuk osh yvmmak ash ik ahayucho mvt, hoyo kvv falamvt Chelusalem g itiachi tok.

46. Atuk ak o yakohmi tok: nitak ont atuchina ho yvmmak ash ot tempel anukaka ya hatak nan-ithvnanchi vhleha i haponaklo, micha nan im a ponaklo aiena hosh takla gsha na ont ahayuchit okla tok.

47. Mihma yvmmvt nan-ithana, micha anumpa afalaminchit miha imponna aiena ka okla haklo mvt, momvt okokko! aiahni tok.

48. Mihma yvmmak ash ot ont pisa mvt, nukhlakanchvt okla tok: mihma ishki ash ot, Svsu hvt nanta katiohmi ho ish pi yakohmichi na chiki ita tuklo li kvv nukhaiyaklot chi hoyo li cho? im achi tok.

49. Yvmohmi ma yvmmak ash ot, Nanta katiohmi ho hvs sa hoyo hosh? Aki nan isht im a kaniohmi ka isht ahanta la he vlvpiesa kvno, hvch ik ithano cho? im achi tok.

50. Mihma anumpa yvmma, yvmmvt isht im anumpuli ka, ik ai akostinincho kit okla tok.

51. Mihma yvmmak ash ot awant ia cha, falamvt Nasalet g ona mvt, im antia achukma hosh ahanta tok: yohmi kia

ishki ash ot anumpa yummak atuk ash mominchit ilap chukvsh ma isht il anukfohkit ieshi tok.

52. Mihma Chisvs ash ot ahopoyuksvt asvnot mahaya mvt, Chihowa, micha hatak puta aiena ka im a holitopa kv̄t i shablit mahaya tok.

CHAPTA III.

Chan Baptist vt vbanumpa isht anumpohonli, 1: 15 Klaist g ato-kowa anoli; 20 anonti aboha kv̄llo fohka. 21 Chisvs vt baptismo, yohmi ma yummak okvt Chihowa h̄g Ushi pulla hatuk vt annoa. 23 Alvm ak o isht ai unchululit mihinti h̄g, Chisvs vt hatak a toba tok g vltokowa annoa.

1. **TIBELIUS** Sesa yvt miko tobtv ahanta tok afvmmi ont isht auah tahlapik fehna, Pontivs Pailat vt Chutea yakni ap ehlich̄i ma, Helot vt Kalili ak o ap ehlich̄i ma, anonti itibapishi Filip vt Itulea, micha Hlakonitis yakni aiena ka ap ehlich̄i ma, Lisantias mvt Abilene ak o ap ehlich̄i h̄g,

2. Annas, micha Kaiafas ita tuklo kv̄t na-holitompa isht gsha i shabli yosh gshwa h̄g, Chihowa im anumpa hv̄t Chan Sakalias ushi g yakni haiaka yo im ai ona tok.

3—6. Yvmohmi ma hopaii Esias im anumpa holisso h̄g a holihiso kv̄t, Achvfa hosh yakni haiaka yo ai anumpohonlit, Chitokaka ataya hi g apoksiachit, i hina puta ka oh apissvlech̄i: kolukbi puta mvt momvt ik alotá: mikma nv̄nih, micha nv̄nih hochito aiena moma kv̄t akanlosit ik tahá: hina fullota atuk kia apissvt ik tobá: yohmi ma ai itilaūi iksho ke tuk vt itilaūit tahashke: yohmikma hatak moma kv̄t Chihowa i nan okchalinch̄i g pisa he mak oke, achishke; ahanchi tok mak o, yummak okvt ai ashvchika puta ka isht a kashofa ch̄i ka, ile kostininchit baptisma hi g isht anumpohonlit Chatan a bilika yakni a mominchit gya tok.

7. Mihmvt im a baptisma ch̄i hosh okla laua yvt ai vla ma, Sinti chilita isht-atiaka hv̄chia ma! na palvmmi mihinti ka hv̄sh i hlakofa hi g, kv̄ta hosh hv̄chim anoli tuk oh cho?

8. Yohmi hokvt ile kostininchī ai it vlpesa mak o vnit hvsh wayashke ; micha, Himona Eblaham ak osh pīki yoke, acha hi okvno hvch ik il anukfillo kashke ; Chihowa hvt tvli yak aiasha ka, Eblaham im vlla ya chī ka ai ikba hinla hoka, hvchim achi lishke.

9. Yohmikma himak ak kia iskifa yvt iti puta ak-isht-vla ya ai itonla hoke ; yohmi hatuk o iti yvt vni achukma ho vnit waya keyu hokvto, moyumvt chayvt akakoha cha, luak g pit itokaha hi oke, im achi tok.

10. Yohmi ma okla hash osh i ponaklot, Yohmi kvno nanta hak o e katiohma chī ho ? achi tok.

11. Mihma afalaminchi kv, Kvna hosh na-fohka yvt in tuklokmvt, kanima hosh ik im ikshokma ik in chvfali ; mikma kanima hosh ilimpa hvt im gsha kv, yohmi makinlashke, im achi tok.

12. Yohmi ma pvblikan vhleha hak kia baptisma chī hosh ai vla mvt, Nan-ithvnanchi ma ! nanta hak o e katiohma chī cho ? im achi tok.

13. Yohmi ma, Nana hvchim vlpisa tuk vt atamblit hvch ik hoyo kashke, im achi tok.

14. Yohmi ma tvshka chipota vhleha hak kia i ponaklot, Mikma pishno ak osh nanta hak o e yvmohma chī ho ? achi tok : yohmi ma yvmak ash o, Hatak nana kia hvch ik o mahlantokmvt, anonti kvna kia a holvbit hvch ik wehpulo kashke ; yohmikmvt na hvchim ai vltoba ma, Vlhpiesa akinli hvsh aiashnashke, im achi tok.

15. Okla hvt nana ka pit hohoyo hosh gsha hatuk, atul osh hatak moma kv, Chan g yvmak osh Klaist mak okmā. keyukmā, nanta ho chishba ? ahnit chukvsh g isht anukfieli okla aiasha ma,

16. Chan ash ot mominchit im anumpullit, Vno yokvto oka yo isht hvchi baptismochi li mvhli ; yohmi kia achvfa kv g shahli fehna hosh mihinti ka i shulush isht-talakchi g vno vt hlitoli la hi o si ahoba keyu hoke ; yvmak osh Shilombish Holitopa, micha luak aiēna ho isht hvchi baptismo-cha hi oke.

17. Yommak osh i nan-isht mvshahchi yvt ibbak a foyuka : yohmi kv̄t i nan-anihechi yatuk ma achukmali fehn̄ot kashofa he ; mikmet onush atuk ma kanchak a pit asha-chikmet, amba hakhlopish okvno luak vt m̄oshola he keyu a isht hukma hi oke, ahanchi tok.

18. Micha okla h̄a nana inla mvt laua h̄o isht ai i mihi-hvt, vbanumpa h̄a isht im anumpohonli tok.

19. Yohmi kia Helot m̄iko yvt ilap it̄ibapishi Filip tekchi Helotias atuk, micha Helot vt nan ik v̄lhpeso puta ai yvmohmi chatuk ash, pit a mominchit atokowvt nan isht ai i miha hatuk o.

20. Nana ik ai v̄lhpesacho ke tuk moma kv̄t ilvppakma isht ai ibafohki hosh Chan a aboha kv̄llo fohkit im okhishta tok.

21. Okla moyuma kv̄t baptismot taha ma, yakohmi tok : Chisvs ak kia baptismo cha, vba pit asilhha ma, vba yvt auet tiwa,

22. Yohmi ma Shilombish Holitopa yvt nipi āsha hosh pv̄chi-yoshuba chiyuhmit vba mintit im v̄la ma, vba ya anumpa hvt auet takali kv̄t, Chishno ak osh suso a holitopa chia hoke ; chishno ak o nan isht chi a sai yukpa mak oke, achi tok.

23. Mihma Chisvs vt afv̄m̄mi pokoli tuchina ka ona foka hosh, peh im ahoba kv̄no, Chosef ak o ushi a tok : mihma yv̄mmvt Heli ak o ushi a tok.

24. Mihma yv̄mmvt Mahlat ak o ushi a tok : mihma yv̄mmvt Lefai ak o ushi a tok : mihma yv̄mmvt Melchi ak o ushi a tok : mihma yv̄mmvt Channa ak o ushi a tok : mihma yv̄mmvt Chosef ak o ushi a tok.

25. Mihma yv̄mmvt Mattahlias ak o ushi a tok : mihma yv̄mmvt Amos ak o ushi a tok ; mihma yv̄mmvt Navm ak o ushi a tok ; mihma yv̄mmvt Esli ak o ushi a tok : mihma yv̄mmvt Nakke ak o ushi a tok :

26. Mihma yv̄mmvt Maath ak o ushi a tok : mihma yv̄mmvt Mattahlias ak o ushi a tok : mihma yv̄mmvt Semei ak o ushi a tok : mihma yv̄mmvt Chosef ak o ushi a tok : mihma yv̄mmvt Chuta ak o ushi a tok :

27. Mihma yvmmvt Choanna ak 0 ushi a tok : mihma yvmmvt Lehesa ak 0 ushi a tok : mihma yvmmvt Solobabel ak 0 ushi a tok : mihma yvmmvt Salahliel ak 0 ushi a tok : mihma yvmmvt Neli ah 0 ushi a tok :

28. Mihma yvmmvt Melchi ak 0 ushi a tok : mihma yvmmvt Alli ak 0 ushi a tok : mihma yvmmvt Kosam ak 0 ushi a tok ; mihma yvmmvt Elmolam ak 0 ushi a tok : mihma yvmmvt El ak 0 ushi a tok.

29. Mihma yvmmvt Chose ak 0 ushi a tok : mihma yvmmvt Eliesel ak 0 ushi a tok : mihma yvmmvt Cholim ak 0 ushi a tok ; mihma yvmmvt Mathlat ak 0 ushi a tok : mihma yvmmvt Lefai ak 0 ushi a tok.

30. Mihma yvmmvt Simeon ak 0 ushi a tok : mihma yvmmvt Chuta ak 0 ushi a tok : mihma yvmmvt Chosef ak 0 ushi a tok : mihma yvmmvt Chonan ak 0 ushi a tok : mihma yvmmvt Eliakim ak 0 ushi a tok.

31. Mihma yvmmvt Melea ak 0 ushi a tok : mihma yvmmvt Menan ak 0 ushi a tok : mihma yvmmvt Mattahla ak 0 ushi a tok : mihma yvmmvt Nahlan ak 0 ushi a tok : mihma yvmmvt Lewi ak 0 ushi a tok.

32. Mihma yvmmvt Chesse ak 0 ushi a tok : mihma yvmmvt Obet ak 0 ushi a tok : mihma yvmmvt Boos ak 0 ushi a tok : mihma yvmmvt Salmon ak 0 ushi a tok : mihma yvmmvt Naason ak 0 ushi a tok.

33. Mihma yvmmvt Aminatab ak 0 ushi a tok : mihma yvmmvt Alam ak 0 ushi a tok : mihma yvmmvt Eslom ak 0 ushi a tok : mihma yvmmvt Fales ak 0 ushi a tok : mihma yvmmvt Chuta ak 0 ushi a tok.

34. Mihma yvmmvt Chekob ak 0 ushi a tok : mihma yvmmvt Aisaak ak 0 ushi a tok : mihma yvmmvt Eblaham ak 0 ushi a tok : mihma yvmmvt Hlala ak 0 ushi a tok : mihma yvmmvt Nachol ak 0 ushi a tok.

35. Mihma yvmmvt Saluk ak 0 ushi a tok : mihma yvmmvt Lakau ak 0 ushi a tok : mihma yvmmvt Falek ak 0 ushi a tok : mihma yvmmvt Hebeh ak 0 ushi a tok : mihma yvmmvt Sala ak 0 ushi a tok.

36. Mihma yvmmvt Kainan ak 0 ushi a tok : mihma

yummvt Alfaksat ak o ushi a tok : mihma yummvt Sem ak o ushi a tok : mihma yummvt Noah ak o ushi a tok : mihma yummvt Lamek ak o ushi a tok.

37. Mihma yummvt Mehlusala ak o ushi a tok : mihma yummvt Enok ak o ushi a tok : mihma yummvt Chalet ak o ushi a tok : mihma yummvt Maleleel ak o ushi a tok : mihma yummvt Kainan ak o ushi a tok.

38. Mihma yummvt Enos ak o ushi a tok : mihma yummvt Seth ak o ushi a tok : mihma yummvt Alam ak o ushi a tok : mihma yummvt Chihowa ak o ushi a tok.

CHAPTA IV.

Chisvs vt, nan-isht-ahullo okpulo yosh imomaka pihisa ma, ik impo ho nitak pokoli ushta mvt, nan-isht ai imomaka pisa puta ka imai-yachi, 1. 14 Chisvs vt falamvt Kalili g ona cha, vba isht anumpohonli; 16 atuk osh Nasalet g ona cha, nitak hullo yo sinakak g nan ai ithvnanchi: 28 mihma okla hvt ik im vlpeso mvt, vbi bonna; 31 Chisvs vt Kapenavm g ona cha, nitak hullo yg nan ithvnanchit ahanta mvt, 33 nan-ishtahullo okpullo ma kohchichi; 38 Pita tekchi ishki g hlakofichi; 40 mihmvt nan abeka ilaiyuka laua ka isht ahullo fehna kia ai yvmihchit ahanta mvt, 48 Kalili fullota ka vbanumpa yg isht ai anumpohonli.

1. CHISUS vt Shilombish Holitopa isht anukfohkvvt im alotowa hosh, Chatan vttvt falamvt ia ma, Shilombish ash ot im aiahni na gyvt yakni haiaka ont chukowa na,

2. Nitak pokoli ushta ka Setan vt imomaka pisa tok. Mihma nitak yvmma fehna ka nanasi kia vpa tok keyu: atuk osh yummvt ont taha na mishia pilla mvno hohchvfo tok.

3. Yohmi ma Setan ash ot, Chihowa Ushi chia hokmvt, teli ikvppvt puska toba chj ka j mihá, im achi tok.

4. Yohmi ma Chisvs vt afalaminchi mvt, Hatak vt pvska yak bieka ho ai okchaya he keyu; amba Chihowa im anumpa moma kak ashke; achi kvvt holisso hoke, im achi tok.

5. Mihma Setan ash ot yvmmak ash ilaueleit nvnih chaha

yo isht oiya cha, yakosi itin takla fehna ho miko apelihchi puta yakni aiasha ka mominchit i haiakvchi tok.

6. Mihmet Setan ash ot, Nan im aighlika, micha im a holitopaka aiens ilvppa mominchit chima lashke; yvmmvk okvt vno ak o vmmi toba tok: yohmi ka kvna ho vno ahni li hok mak osh ima li hoke.

7. Yohmi hoka chishno vt aka hlipvt is si aiokpvchi hokma, moma kvv chimmi hashke, im achi tok.

8. Mihma Chisvs ash ot afalaminchit, Setan chia hvv vm ashaka yak o ish hikiashke; Chitokaka chin Chihowa yak o i hvchukbihleptv ish aiokpahanchashke; micha yvmmak illa ho holitoblit ish im antiashke; achi kvv hollisso hoka, im achi tok.

9. Mihma yvmmak ash ot Chisvs ash o ilaelit Chelusalem g ont isht chukowa cha, tempel wishakchi yo ont o hilechi mvv, Chihowa Ushi chia hokmvv, aka pit ish ile pilashke:

10, 11. Chishno g chi apesahancha chi ka, im enchil vhleha hg atohno na ibbak g okla vba isht takalihinchit chisht gya na nitak kanima kia chiya ya tvli isht chik ai isso ka hi g, achi hosh hollisso tok oka, im achi tok.

12. Mihma Chisvs ash ot afalaminchi mvv, Chitokaka chin Chihowa ya imomaka chik peso kashke; achi tok g ashvshke, im achi tok.

13. Mihma Setan ash ot nan isht ai imomaka pisa puta kash o isht im anukfillit ont tahli mvv, yakosi takla kvno i filvmmi ia tok.

14. Yohmi ma Chisvs ash ot Shilombish nan-isht im aighli ka yvt anukfoyuka hosh falamvt Kalili g ona tok: mihma yvmma isht annoa kvv yakni yvmma a bilika a mominchit hlopulli tok.

15. Mihma yvmma i sinakak a puta ka nan ai ithvnan-chit ahanta ma, momvt ahninchit tok.

16. Yohmi ma ai vtvtv hofanti tok Nasalet mak o vla tok; mihmet a yohmi atuk okvt, nitak hullo nitak g sinakak g ont chukowa cha, hollisso it im anumpula chi hosh wakayvt hikia tok.

17—19. Mihma hopaii Esaias i holisso hō ant ima tok: yohmi ma holisso hash wakummi mvt., yvmma a holisso kv̄t, Ilbvscha puta ka vbanumpa isht im anumpuli la hi g yvm-mak osh nan isht si ahvmmi tuk okvt, Chitokaka im i shi-lombish vt si onvtuyula hoke: chvkush nukhaklo puta ha-tuk kia hopohlvc̄hit, yuka vhleha hatuk ma isht a hlakofa he; mikma lupa puta yatuk mvt isht a hoponaya he, micha issikkopa puta kv̄t gsha tuk g isht a mokofit, Chitokaka yvt aiokpahanchi afvmmi ma isht anumpohonli la hi o, si a tohno tuk oke, achi hō ahayuchi tok.

20. Micha holisso hash akamvli mvt, falaminchit sinakak nan-isht aivtta yash ima cha, aka binili tok. Mihma sinakak aiasha tuk ash ot momvt nishkin isht aiokchifeli tok.

21. Mihma yvmmak ash ot, Holisso ilvppvt himak nitak g hvchi haksobish g isht hvsh haklo kv̄t ont aighli hoke, im achit isht ia tok.

22. Yohmi ma moma kv̄t nan ia atokowa ma piv̄t, anum-pa hochukma kv̄t itih hā a kohoncha ka okokko! aiahni tok: mihmvt, Ilvppvt Chosef ushi keyu hō? okla achi tok.

23. Mihma, Alikchi g chishno inlit ile hlakofich̄i: nana kv̄t Kapenamv g a yvmohmi na e haklo tuk okma, ch̄i yakni ilvppak inli ma a yvmihch̄i, achi anumpa isht vlvpisa ilvppak o hv̄s sv̄m achi pulla ch̄i hoke, im achi tok.

24. Mihmvt, Ahli pulla hō hvchim achi lishke, Hopaii nana ak osh ilap i yakni ak inli hoka ai a holitopa chatuk keyushke, achi tok.

25. Yohmi kia aighli mak o hvchim anoli li: Elias vt ahanta nitak g vba vt ai okshilitvt kv̄nia na afvmmi tuchina hvshi hannali; yohmi na hopoa chinta feh̄nvt a hlopulli ka, Israel okla hā ohoyo i hatak illi vt lauv̄t aiasha tok.

26. Yohmi kia yvmma achvfona kia im gya hi vt Elias vt ik vltoko: amba Saiton yakni Salepta tv̄maha, ohoyo i hatak illi yvmmak illa tok.

27. Micha hopaii Elisevs vt ahanta nitak g Israel okla hā leplosi vbi kv̄t lauv̄t aiasha tok: yohmi kia yvmmak ash ot achvfona kia ik hlakofo hō, amba Naaman Silian hatak ak illa tok.

28. Mihma sinakak aiasha tuk vt ilvppa puta ka haklo mvt, momvt anukhobelvt kunia tok.

29. Mihmvt okla wakaya cha, yvmmak ash o tumaha hq kohcha pit chvffichi mvt, itehpelvt aka pit kancha chī hosh ilauelit, in tumaha ai on talaia sakti ont on talaka fehna isht ona tok.

30. Yohmi tuk kia yvmmak ash ot okla hash itin takla a hlopullit kanima ia tok.

31. Mihmvt Kapenavm tumaha Kalili yakni q ona cha, nitak hullo nitak puta ka okla nana ithvnanchi tok.

32. Yohmi ma im anumpa hvt a na-fehna hatuk o, nana ithvnanchi ka okokko! okla aiahnit im anukfila tok.

33. Yohmi ma sinakak q hatak vt shilombish okpulo yvt isht ai i foka hosh anta tok: atuk osh yvmmak ash ot chitolit tahpelvt,

34. Ikikke! Chisvs Nasalet minti chia hq nanta hq isht e chi ahalaia cho? ish pissikkopala chī hosh ish la hoh cho? kvna hq chia hoka chithana li, Chihowa i holitopa yak oke, achi tok.

35. Mihma Chisvs ash ot yvmmak ash im olvbbit, Nukchintot yvmma ish a kohchashke, achi tok. Yohmi ma shilombish okpulo ash ot okla ai itintaklvchit ai akvchi mvt, nan ik kanehiho hosh a kohcha tok.

36. Yohmi ma okla moyuma mvt nukhlakanchvt, ilap bika it im anumpulit, Ilvppvt anumpa nanta hokak osh yakohmi cho? nan im vhpisa, nan aiahlika aiena hq shilombish okpulo puta ka nan isht im ai apihisa hoka, okla kocha wihvshke, achi tok.

37. Yohmi ma yvmma ai isht annoachi ka yakni auet a bilika aiasha ka moyuma a hlopulli tok.

38. Mihma sinakak q vttvt kohchvt ia mvt, Saimon in chuka ont chukowa tok: mihma Saimon tekchi ishki vt yvna fehna tuk o, pisa hinla ka okla im aiahni tok.

39. Mihma yvmmak ash o wakayvt hikia mvt, yvna hash im olvbbi: yohmi ma yvmmak ash o yvna hvt ai issvchi tok; mihma ashalika tani cha, okla hash nan isht im vtta tok.

40. Yohmi hatuk o hvshi vt okvtula ma, ililli ilaiyuka isht abeka im gsha tuk puta kvv momvt yvmmak ash o im ai ona tok ; yohmi ma ibbak vt aieninchit mominchit isht umbitepvt hlakofihinchi tok.

41. Mihma nan-isht-ahullo okpulo puta kvv laua ka a kocha wiha mvv, chitoli hosh mihvt, Chishno ak osh Chihowa Ushi Klaist chia hoke, ahanchi tok. Mihma yvmmak ash im olvbbi mvv, ilap ak osh Klaist atuk g ithvna ka, yvmma ik mihá, ik im ahno ki tok.

42. Atuk osh ont onnvt taha ma, kohchvt ivt yahni haiaka yq ona tok : mihma okla hvv hoyot itvnowvt im ai ona mvv, ai i filvmmitt kanima ik aiyo ka chj hq, im olvbbi tok.

43. Mihma tvmahá inla ak kia Chihowa apehlichika yq isht im anumpohonli la chj hoka, yvmmak a he mak osh aya li ha tok okvt, im achi tok.

44. Mihmvv sinakak pvta Kalili aiasha ka vbanumpa isht ai anumpohonli tok.

CHAPTA V.

Chisvs vt Saimon i peni yq fohkvt gsha hosh okla hg nan-ithvnan-chi, 1 : 4 Saimon vt, Chisvs osh i mihvt nan anukfilli pulla ho, himona ka nvni lgwa fehna hokli : 11 mihma Saimon, Chemis, micha Chan aiena kvv Chisvs g apeha. 12 Chisvs vt leplosi vbi yq hlakofichi : 16 atuk osh vba pit anumpula chj hosh haiaka ia ; 17 mikmvv hatak palsi isht abeka yatuk g hlakofichi ; 27 Chisvs vt Leifai nan im ai ithvna toba chj ka i miha : 29 micha pvblikan vhleha mikmvv hatak nan-ashvchi vhleha aiena ka yvmmvt ai vlvpesa hq ibai impa hatuk vt miha ; 33 ilap nan im ai ithvna vhleha hvv kaniohmit nan i palvmma he anoli.

1. **ATUK** o yakohmi tok ; okla hvv Chihowa im anumpa hg hakla chj kvv yvmmak ash atehlifichit kaiyanchi hq, Chenesalet hohtak lapalika yq hikia ;

2. Yohmi cha peni tuklo kvv hohtak lapalika yq takohnli na pisa tok : yohmi kia hatak nvni vbi vhleha hatuk vto a kocha wiha tuk osh nvni isht-hokli achvfa hosh maya ha tok.

3. Mihmvv peni achvfaht Saimon ak o immi yq pit chuk-

owa mvt, oka alaka takali tuk g kanvlichit mishemanchit pit takalicha hinla ka, im ahni tok. Mihmvt binili cha, peni yq fohkvt gsha hosh okla hq nan ithvnanchi tok.

4. Anumpuli kvv ont issa mvt, Saimon ash q, Ahofombika pit takalichi cha, nvni isht-hokli puta ka okvchit ish hoklashke, im achi tok.

5. Mihma Saimon ash osh afalaminchi mvt, A shahli ma! ninak g isht il gsha na oyunna kvv nana ke hoklo ke tuk: yohmi kia chishno chim anumpa atuk oka, nvni isht-hokli g pit okvchi li mak inlashke, im achi tok.

6. Micha ilvppa okla yvmihchi mvt, nvni lqwa fehna hq hokli na i nvni isht hokli vt mitafa tok.

7. Yohmi ma im itapela vhleha kvv peni achvfa yq gsha tuk vt vla cha, ant apela hinla ka, okla pit im avvchi tok. Mihma okla ai vla cha, peni ash it aieninchit okla alotoli: yohmi hoka yvmmak ash ot okbilhkvv isht kvv okla tok.

8. Saimon Pita yvt yakohmi na pisa mvt, Chisvs iyikalah q pit tikinlit aka hlipivt, Hatak nan-ashvchi sia hoka g filvmmat, kanima ish iashke, Chitokaka ma! achi tok.

9. Himonna okvchit kohchi kvv, nvni yvt yohmi hq hokli kvv, ilapo, micha inla apekvv gya tuk vt momvt nukhlakan-cha tok.

10. Mihma Saimon im itapela, Sebete ushi, Chemis, micha Chan ita tuklo kak kia yvmohmi tok. Mihma Chisvs vt Saimon g, Chi nukshopa na, himak pilla hq hatak ak q ish hokla chj hoke, im achi tok.

11. Mihma i peni ash vhli hq okla ant itaiyali mvt, nana moma kvv gsha na issa cha, yvmmak ash okla iakaiya tok.

12. Atuk q yakohmi tok; yvmmak ash ot tvmah kani-ohmi hq anta tuk q, hatak vt leplosi isht ai vbi fehna hosh anta tuk osh, Chisvs g pisa mvt, hlipivt itola cha, im ilbvshvt Chitokaka ma! chishno vt vlvpea ish ahnikmvt, is g kashofa hinvshke, im achi tok.

13. Mihma ibbak pit welit potoli mvt, Vlvpea ahni lishke; chi kashofashke, im achi tok. Yohmi ma leplosi ash ot ashaljka a mokovt kvnia tok.

14. Mihma hatak nana kia ik im anolo ka chj ka i miha

mv̄t, amba iv̄t na-holitompa isht vt̄ta yak ō ont im ile haia-
kv̄chi cha, na ch̄i kashofa ka nan-isht-ai im atokowa mak ō
Moses vt̄ nan apesa tok a, nana ka ish bohlahske, im achi
tok.

15. Yohmi kia yohmi ha yak ō isht ī shahlit kanima mo-
ma ka yvm̄mak ō ai annoa tok: yohmi ma im a haponakla
ch̄i, micha haknip ik achukmo puta kv̄t a hlakofa ch̄i hosh
okla chinto fehn̄vt ai it̄vnaha tok.

16. Mihma ilap ill̄vt ai ī mokofvt, yakni haiaka ona cha,
v̄ba pit anumpohonli tok.

17. Atuk ō yakohmi tok: nitak kaniohmi h̄o nana ithv-
nanchi hosh ahanta ma, Falisi v̄hleha, micha nan-vlhpisa
ithvnanchi v̄hleha aiena kv̄t Kalili yakni tv̄maha aiasha
moma, micha Chutea, mikmv̄t Chelusalem aiena ka q̄sht
kohch̄vt aya kv̄t yv̄mma binohmaya tok: yohmi ma Chito-
kaka nan-isht im aiahlika yvt okla ma hlakoficha ch̄i kv̄t ai
ikl̄n̄nv̄t takali tok.

18. Yohmi ma hatak kanohmi kv̄t hatak vt̄ p̄alsi v̄bi yō
potv̄lhpo ai it̄ ī sholit isht v̄la tok: mihmv̄t kaniohmit yv̄m-
ma pit isht chukowa cha, itikba yā ont bohla hinla kv̄t,
okla akostininchi b̄v̄nna tok.

19. Mihmv̄t okla hak osh laua fehna hatuk ō, kaniohmit
pit isht chukowa hinla kv̄t ik akostinincho mv̄t, aboha pak-
naka yō okla pit oiya cha, pit hlopullichit in topushi ash
f̄okit ikl̄v̄nna ka Chisvs itikba yā pit bohli tok.

20. Mihma okla na yimmi ka pisa mv̄t, Hatak chia kv̄t
na chim ai ashv̄chika yvt ch̄i kashofa hoke, im achi
tok.

21. Mihma na-holissochi v̄hleha, micha Falisi v̄hleha
aiena kv̄t, Ilv̄ppvt kv̄ta hokak osh Chihowa ik ahobalot
anumpuli ch̄o? Kv̄ta hosh nan-ai ashv̄chika yā kashofa
hinla? Chihowa ak illa keȳu? aiahnit okla im anukfil̄vt
aiasha tok.

22. Yohmi kia yv̄mma im anukfila h̄a Chisvs vt̄ im akos-
tininchi mv̄t, anumpulit, Nanta mak ō hv̄chi ch̄ukv̄sh an̄-
kaka isht hv̄chim anukfila cho?

23. Na chim ai ashv̄chika puta kv̄t ch̄i kashofashke, achi

kak okmá, keyukmvt, Tani cha nowá : achi kak okmá, katimampo kak osh ahchiba kv̄t ik lauwo cho ?

24. Yohmi kia Hatak Ushi vt nan ai ashtchika puta kashofa hi vt yakni paknaka yá ai im v̄hpiesa hatuk ḡ hv̄sh akostininha ch̄i kak oka, im achi mvt, p̄alsi v̄bi ash, Tanit chin topushi ḡ ish ishi cha, chin chuka ish iashke, chim achi lishke, im achi tok.

25. Mihma okla momvt p̄isa na tanit ai onvtola tuk ash ishi mvt, Chihowa yá holitoblichit aiokpahanchit in chuka ia tok.

26. Mihma okla momvt nukhlakancha fehnvt, Chihowa yá holitoblichit aiokpahanchi mvt, nukshopa fehna hosh, Himak nitak oka nana kv̄t inla fehna h̄o eho p̄iesvshke, achi tok ;

27. Atuk o nana kv̄t a yakohmi ha yá kohchvt ia mvt, p̄vblikan vt Lefai hohchifo hosh tv̄li holisso abohli yá ḡsha na ont p̄isa mvt, Is si akaiyashke, im achi tok.

28. Mihma nana moma kv̄t ḡsha na issvt wakaya mvt, iakaiya tok.

29. Mihmvt Lefai ash osh ilap in chuka akinli h̄o yvm-mak ash o impa chinto fehna im ai ikbi tok : mihma p̄vblikan v̄hleha, micha inlaka aiena kv̄t laua hosh iba takla binoh-maya tok.

30. Yohmi kia j̄ na-holissochi v̄hleha, micha Falisi v̄hleha aiena kv̄to yv̄mma nan im ai ithv̄na v̄hleha h̄g lumvt nana mihachit, Nanta katiohmi h̄o p̄vblikan v̄hleha, micha nan-ashv̄chi v̄hleha aiena ka it-ibai impvt, nan it ibai ishkot hv̄sh aiasha cho ? achi tok.

31. Mihma Chisvs vt afalaminchi mvt, Haknip im achuk ma hokv̄to alikchi ḡ bv̄nna keyu ; amba abeka mak oh chatuk oke.

32. Hopoyuksa v̄hleha ak o hoyot ḡya li ha tok keyu : amba nan-ashv̄chi v̄hleha hv̄t ile kostininha ch̄i kak atuk oke, im achi tok.

33. Yohmi ma, Nanta katiohmi h̄o Chan nan im ai ithv̄na v̄hleha hv̄to chekosikma nahullochit, v̄ba pit anumpuli aienvt ahḡshwa, mikma Falisi v̄hleha nan im ai ithv̄na v̄hleha ak

kia yvmohmi akinli hokak o, amba chimmi hvto impvt nan-ishkot aiasha cho? okla im achi tok.

34. Mihma hatak himona ohoyo itauwaya tuk vt takla anta moma ka, i kana vhleha hvv nukhaktlot nahullocha hinla, hvsh im apesa vhpesa cho?

35. Yohmi kia hatak himona ohoyo itauwaya tuk ash ot ai i filvmma he nitak vt ai ona he: yohmik mak o nitak yvmma fokakmvno okla nukhaktlot nahullocha hi oke.

36. Mihmvt nan isht vhpisa hō aieninchit isht im anum-puli mvv, Hatak nan ak osh na-fohka himona a hlilafa ka na-fohka sipokni g akvlli chatuk keyu: yvmmak keyukma himona yvt hlilaffikmvt, anonti himona ya a hlilafa tuk okvt sipokni g ai it im vhpesa he keyu hoke.

37. Mikma hatak nan ak osh oka paki himona ya shukcha sipokni yo pit vni chatuk keyu: yvmmak keyukma oka paki himona yash ot shukcha ya mitahlichichay hlayakma, anonti shukchayash ot okpulo chatuk.

38. Amba oka paki himona yvt shukchayash ot vlihto hok mak osh tuktlot nan ik kanihmo chatuk oke.

39. Michay hatak nan ak osh oka paki sipokni g ishko ha yvt ashalika himona ma bvna chatuk keyu: sipokni ak osh achukma kvv i shahlshke, achi hokvt, im achi tok.

CHAPTA VI.

Nana kvv achukma he okvno nitak hullo kia isht anta he ai vhpesa hatuk g, Chisvs vt anoli, 1: 8 mihmvt ibbak shila yatuk g hlakofichi. 12 Chisvs vt ninak g vba pit anumpohonli na onna mvv, vbanumpeshi aiah-tuklo ka atokoli; 17 yohmi mvv hatak abeka laua ka hlakofichi. 20 Hatak kanihmi hosh holitopa he, mikma hatak kanihmi hō na-palvmmi kvv onvtula he puta ka, Chisvs vt otv-nichi. 27 Pin tvvvp vhleha kia e holitoblit, nan isht ai achukma he puta ma il i yvmohma hi g Chisvs vt pi miha; mikmvt okla moyuma ka il i kana hi ak o, pim ahni; 37 hatak inla gsha ka nan ik achukmo imma hokvno im anukfillit kil anumpulo ka hi a, pim avvchi. 43 Iti g ilap vni akinli kak o isht ithvna chatuk: mikma hatak g ilap nana a kanihmi kak o isht akostinichi chatuk.

1. YUMOHMI tuk osh vbanvblit ont ia yatuk nitak atukla ka ai isht nitak-hullo vmona ho, yvmmak ash ot osapa taloha ha hlopullit aya tok: yohmi ma nan im ai ithvna vhleha hash ot onush vni ya tvptulit ibbak isht koyuhlit okla vpa tok.

2. Mihma Falisi vhleha kaniohmi kv, Nanta katiohmi ho nana ka nitak hullo nitak a a yohma he vlhpesa keyu kvno hvchi yvmohmi cho? im achi tok.

3. Mihma Chisvs ash ot afalaminchi mv, Lewi vt ilapo, micha apehvt aya tuk aiena kv hohchvfo mv, nana a kaniohmi tok;

4. Yohmi kv kaniohmit Chihowa im aboha ha pit chukovvt, pvska otvni a ishi cha vpa mv, apehvt aya tuk ash kia ipeta tok: yvmmak oka ai vpa he vlhpesa keyu, amba na-holitompa isht gsha ak illa ha tok oka, ilvppak kia holisso ha hvch ik a peso chatuk oh cho? achi tok.

5. Mihmv Hatak Ushi vt nitak-hullo a in Chitokaka akinli hoke, im achi tok.

6. Atuk o anonti yakohmi tok: nitak-hullo inla ho sinakak ont chukowa cha, nana ithvnanchi tok: mihma hatak vt ibbak ishtimpak imma yvt shila yosh yvma gsha tok.

7. Mihma na-holissochi vhleha, micha Falisi vhleha aiena kv nan vlhpisa onocha chj hosh, nitak-hullo nitak a na hla-kofichikma, nanta chj chishba? ahnit apesvchi tok.

8. Yohmi kia ilap vt okla im anukfila ha im ithana hatuk osh, hatak ibbak shila yash, Wakaya cha, iklvnaka ya ont hikiá, im achi tok. Mihma yvmmak ash ot wakaya mv, ont hikia tok.

9. Mihma Chisvs ash ot okla hash, Nana achvfa ho hvchi ponaklo lashke: Nitak hullo nitak a nana achukma kak o a yvmohmi kak okma, keyukmv nana ik vlhpeso yak o a yvmohmi kak okma, ilhfiopak a okchalinchi kak okma, keyukmv tvbli kak okma, nana kak osh ai vlhpesa hoh cho? im achi tok.

10. Mihmv filemovt okla hash o mominchit pisa mv, hatak ash o, Chibbak a chisemochi, im achi tok: mihma yv-

mihchi tok : yohmi ma ibbak ash osh falamvt achukmvt taha mvt, in tvnvp akinli hq chiyuhmi tok.

11. Mihma okla hut anukhobela fehna tok : yohmi mvt Chisus a nana hq kvnihcha chi kvit it i mihvt aiasha tok.

12. Mihma nitak yvmma foka ka, yakohmi tok : vba pit anumpula chi hosh kohchvt nvnih chaya yo ont oiya tok ; micha ninak a Chihowa pit im asilhvvt ahanta na onna tok.

13. Mihmvt ont onnvt taha ma, ilap nan im ai ithvna vhleha hash hoyot itahobi tok : mihmvt yvmmak ash auah-tuklo hq ai atokoli mvt, yvmmak ash vbanumpeshi hochifo tok.

14. Saimon yvmmakma ilap ak osh Pita yo hochifo, mikmvt itibapishi Antilu, Chemis, micha Chan, Filip, mikmvt Bathlolomu,

15. Mahlu, micha Tamas, Alfevs ushi Chemis, Saimon Selotes hohchifo :

16. Michu Chutas Chemis itibapishi, mikmvt Chutas Iskaliot, yvmmak osh na haksichi yosh aiena tok.

17, 18. Mihmvt yvmmak ash ot awant akowa cha, yakni matali yo ant hikia ma, nan im ai ithvna yvt lava, mihmvt okla chinto fehna Chutea yakni moma, Chelusalem aiena ka a minti ; mikma okhvta lapali ka Taia, micha Saiton aiena asht minti ; mihma shilombish okpulo yo isht issikkopa yatum aiena kvit yvmma im a haponakla chi, micha haknip ik in chukmo puta atuk vt im a hlakofohla chi hosh im ai vltv hlakofohli tok.

19. Mihma okla chito ash ot momvt, nan-isht a hlakofi vt yvmmak o a kohcha hosh mominchit hlakofichi hatuk oka, yvmma potoli bvna tok.

20. Mihma ilap nishkin ash nan im ai ithvna vhleha hq isht on talohli mvt, Ilbvsha hvchia ma ! Chihowa apehlichika yak osh hvchimmi hokvt na hvchi yukpvshke.

21. Himonasi hokvno hohchvot aiasha hvchia mvt, hvchi kaiya hi okvt na hvchi yukpvshke. Himonasi hokvno yahgvvt hvsh aiasha mvt, hvsh yukpa hi okvt na hvchi yukpvshke.

22. Hatak Ushi pulla atuk mak o hatak puta mvt hvchi

nukkillit, ilap ai itapeha y_g isht a hvch il a filamohlichit, na hvchi mihachit, hvchi hohchifo ma nan okpulo y_o ai itilauechit kahancha hi oke : yohmikma na hvchi yukp_oshke.

23. Yakeh ! nan-isht-vlhtoba hv_t chinto hosh vba y_g hvchin tonla hokvt, nitak yvmma fehnakma, na ho yukp_a : na hvchi yukp_ot hvsh mullashke : yvmma in tikba v_hleha hv_t hopaii puta ka yvmmak inli h_o i yvmihchi beka tok oke.

24. Amba nan in laua hvchia hvto nan-isht a hvchi yukpa ma hvsh pisa hokvt, na hvch_i palvmmi mak oke.

25. Kaiya hvchia hvto hvchi hohchvfa hi okvt na hvch_i palvmmi mak oke. Himonasi g hvchi yukpa hokvto hvchi nukh_gklot hvsh yahaya hi okvt na hvch_i palvmmi mak oke.

26. Hatak moma kv_t ahninchit isht hvchi anumpohonlikma, na hvch_i palvmmi mak oke : in tikba v_hleha hv_t hopaii ilahobi puta ka yvmmak inli h_o i yvmihchi tok oka.

27. Amba hvsh h_gklo hvsh puta kvno hvchin tv_ovp v_hleha ma i hullot, hvch_i nukkillikma nana achukma h_o hvsh i yvmohmashke.

28. Nan ik v_hpeso isht hvchim anukfillit na hvch_i miha-chi y_g na-yukpali hosh anumpulit, anonti anumpa isht hvchi a holv_obechikma, vba pit isht hvsh anumpohonlashke.

29. Micha kvna hosh chitisukpi g issokma, in tv_ovp ma pit ish i w_ol_t makinlashke : mikm_ot kvna hosh chim anchi g chim ai ishi ka, ch_i na-fohka lumbo ma isha ch_i ka, chik i halanlo makinlashke.

30. Kanima hosh nan chim asilhha ka ish imashke ; micha kvna hosh nana ka chim ai ishikma, falaminchit chik i hoyo kashke.

31. Micha hatak puta kv_t hvchishno g a hvch_i yohma hi g, hvsh aiahni hok mak osh, hvchishno ak kia mih-mak o hvsh ai i yvmohmi makinlashke.

32. Micha hvchishno g hvch_i hullo na mihi y_o hvsh i hullo hokvto, nanta h_o isht a hvchi yukpa cho ? nan-ashvchi v_hleha hv_t, kanima hosh ilap g i hullo hokvno i hullo chatuk akinli hoka.

33. Micha kanima kv_t hvchishno g nana achukma ka isht a hvch_i yvmohmi h_o hvchishno mvt nan achukma ka isht

hush ai i yvmohmi hokvto, nanta hō isht hvchi yukpa cho? nan-ashvchi vhleha ak kia yvmmvno yohmi chatuk oka.

34. Micha yvmmvt hvchim atobba hinla ka hvchim ahoba hokmak osh hvsh i-pota hokvto, nanta hō isht a hvchi yukpa cho? nan-ashvchi vhleha ak kia yvmmak atuk ash inli ohmi hō isha chī kv̄t, nanashvchi bika yā i pota chatuk oka.

35. Amba hvchishno vto hvchin tōvvp puta ka hvsh i hullo, mikmvt nana achukma hō hvsh yvmohmikmvt; anontī nana kia isht ai vltoba hi ā ik aiahno hosh hvsh i potashke: yohmikma isht a hvchim vltoba hokvto chinta he; micha Nana moma imaiya im vlla hvchia ha hi hoke. Yvmmak okv̄t ilap ā ik aiokpacho, micha nan vlpesa keyu vhleha aiena ka i kana achukma yoka.

36. Yvmohmi hoka hvchishno mvt na hvchi nukhāklo bano kv̄t, hvch īki vt nan i nukhāklo bano yoka yvmmak inli hō hvsh chiyuhmashke.

37. Inla yā ik vlpesachot nan hvch ik apeso kashke. Yohmik mak osh nan ik hvchim vlpiso ka he mak oke: isht a hotopa he anumpa hā hvsh onochi nā: yohmikmak osh hvchishno vt isht a hotopa he anumpa hv̄t ik hvchi onv̄tulo ka hi oke: inla yā i kashofit hvchim i haksashke; yohmikmak osh hvchishno mvt hvchī kashofa hi oke.

38. Hvsh ihimashke: yohmikmak osh hvchishno mvt hvsh habihina hi oke: vlpisa achukma, vltēkv̄chit, mikmvt faikov̄chit it ai isso hosh ont atampvt hlahaya ho, hatak vt hvch il ai vskov̄chi anukaka yā pit hvchim apitta hi oke. Nan isht vlpisa hvchishno vt isht hvsh apesa tuk ā, yvmmak inli hosh hvchishno ma isht hvchim vlpisa hi oke, hvchim achi lishke.

39. Mihmvt nan isht apesv̄t anumpulit, Lupa yvt lupa yā halv̄llit isht aya hinlā? tūklot yakni chiluk kia pit ik kaho ka hinla hō?

40. Nana ithvna vt nan ithvnanchi ā i shahli chatuk keyu: amba nana ka imponv̄t aighli hok mak osh moma kv̄t nan-ithvnanchi ak o ai itilaua hi oke.

41. Micha nanta katiohmi hō na hishonluk iskv̄tinosi kv̄t

ish itibapishi nishkin a foka na ish pisa hokak osh, anonti iti chito yvt chi nishkin akinli ka foka kvno chik akostinincho cho?

42. Keyukmvt anonti katiohmit ish itibapishi ha, Itibapishi li ma! na hishonluk iskvтинosi kvт chi nishkin a foka ka ak chi kohchi, ish acha hinla cho? chishno chi nishkin akinli kvno iti chito yosh foka ka chik peso kvт; nan-ilahobi chia hoka, iti chito yak o tikba ishit chi nishkin a ish a kohchashke; yohmikmak osh ish pisa achukma hosh ish itibapishi nishkin a nahishonluk iskvтинosi kvт foka ka ish kohcha hinla hoke.

43. Iti achukma kvт vni vt okpulo yo vnit waya chatuk keyu: yohmikma iti okpulo mvt vni achukma ka vnit waya keyu chatuk oke.

44. Iti puta kvт ilap vni yak o isht il ai otvнинchi chatuk: hatak vt kvти hak o fik a ai vmo chatuk keyu: yohmikmvt bissupi ak o paki a ai vmo chatuk keyushke.

45. Hatak achukma yvt chukvsh a nana achukma kvт i foka hatuk osh, nana kvт achukma ho ai ishit kohonchi chatuk: mikma hatak vlhpesa keyu kvto chukvsh a nana okpulo yosh i foka hatuk osh, nana kvт vlhpesa keyu ho ai ishit kohonchi chatuk: chukvsh vt isht alotowakmak o itih hvt kohchit anumpuli chatuk oke.

46. Na katihmi ho nana ka hvchi mihija li ka hvsh yohmi keyu kak osh, Chitokaka ma! Chitokaka ma! hvs si achi cho?

47. Kvna kia vm vlvт, nana mihija li ka haponaklo cha, ai yvmohmi kvт, kvna ho holba ka hvchim anoli lashke.

48. Hatak vt chuka ya ikbi kvт, yakni a kullit, hofobichit, tvi yo nutaka in tola ya ai om bohli tuk mak o chiyuhmi hoke: yvmohmi tuk o okchito hvt aya mvt, chuka yvmmak ash yanvlli hvt kvllot ai isso fehna tok: yohmi kia tvi yo a toba ha tok oka, ik winalecho ki tok.

49. Amba kvna hosh haklo cha, mihma ik yohmo hokvto, hatak vt nutaka in tonla yvt iksho ho yakni yak o chuka ya ai on talali tok mak o chiyuhmi hoke: yvmohmi tuk o yvmmak ash yanvlli hvt kvllot ai isso fehna tok; yohmi ma

chekosi makinli ho kinafa mvt, chuka yvmmvt okpulo kvv ai okluha tok, im achi tok.

CHAPTA VII.

Chisvs vt Kapenavm g ona cha, Sintulion na-yimmi ka ahninci mvt, 1; 10 in tishu ha hlakofichi. 11 Nain g ona cha, ohoyo i hatak illi ushi illi tuk g falaminchit tanichi. 18 Chan vt aboha kvllo foka mvt, yvmmak osh Klaist mak okma, keyukma, nana hatuk ma Chisvs g pit i ponaklo: 22 mihma ilap vt nana kvv a fehna kia yvmmichi tok puta kvv Chisvs vt im anoli: 24 mihmvt Chisvs vt Chan g isht anumpulit atokowa ka anoli. 37 Ohoyo hvv nanashvchi yo ik yohmi, im aiahni na iyi ya nan-ahama a hvvmmi; mihma ohoyo hash hopohlvchit nan im ai ashvchika ya i kashofi.

1. OKLA hvv haponaklot aiasa na nana ka mihvt ont in taiyaha mvt, Kapenavm g ont chukowa tok.

2. Mihma Sintulion achvvt in tishu, yvmmvt i holitopa chatuk osh, abeka cha, illa hosi tok.

3. Atuk osh Chisvs g pit haklo mvt, vla cha, in tishu hash hlakoficha hinla ka, pit im aiahni hosh, Chu okla in tikba vhleha ha pit in tihleli tok.

4. Atuk o yvmmak ash ot Chisvs g im ai ona mvt, im asilhha kvv achilita fehvvt, Ilvppa ai i yvmihcha he vlvpiesa fehna;

5. Yvmmak okvt pim okla talaisa ha pi holitoblit sinakak g pim ikbi tok oka, achi tok.

6. Mihma Chisvs vt awant ia tok. Atuk osh chuka atuk ash ona hosit taha ma, Sintulion ash osh i kana vhleha ha pit in tihleli mvt, Chitokaka ma! avvt ik chim ahchibo kashke: chishno vt vm aboha ya ant ish chukowa he si ahoba keyu hoka.

7. Yohmi kvv anonti vno akinli hosh avvt ont chi pisa la he si ahoba keyu kvv vm anukfila atuk oke: amba anum-pa bano ho ish mihakma, an tishu hatuk mvt hlakofa hinvshke.

8. Vno ak kia hatak tvshka chipota vhleha pehlichit i shahli nutaka ahanta chatuk sia hoka: yohmi kvv achvfa ka, Iá, im achi likma, ia hoke: mikmvt inla ma, Minti, im achi

likma, minti hoke: mikmvt an tishu h₂, Ilvppa yakohmichí, im achi likma, yvmihchi chatuk oke, pit im achi tok.

9. Mihma Chisvs vt ilvppa puta ka haiyaklo mvt, pit im aiokpanchi fehnvt, filemvt hikia cha, apehvt aya tuk okla hash, Israel okla h₂ kanima kia na yimmi chinto yakohmi ka ak a pesoshke, hvchim achi lishke, im achi tok.

10. Mihma yummvt yakohmit itonowa tuk vt chuka ash falamvt, tishu abeka tuk vt hlakofi tuk o ont pisa tok.

11. Atuk o ont onna ma yakohmi tok: tmaha Nain hobchifo h₂ ia tok; mihma nan im ai ithvna laua, micha okla laua aienvt apehvt ilhkoli tok.

12. Atuk osh tmaha okhissa ya i bilika vla ma, hatak vt ohoyo i hatak illi yo ushi yosh, ishki a yummak osh i bano chatuk osh illi na okla sholit kohcha tok; yohmi ma tmaha okla hvt lauvt yvmma apehvt aya tok.

13. Mihma Chitokaka yvt ishki atuk a pisa mvt, i nukh₂klo cha, Ish yaiya ná, im achi tok.

14. Mihmvt yvmak ash ot ai onvtola kash ant potoli tok: mihma sholi tuk vt lumvt hieli tok. Mihma, Hatak himita chia hvt ish tanashke, chim achi lishke, achi tok.

15. Mihma illi yatuk yvmak ash ot tanit binili cha, anumpuli tok; mihma yvmak ash ishki a pit ima tok.

16. Mihma okla moma ka nanukshopa kv₂ ai anukfoyuka tok: mihmvt Chihowa ya holitoblichit aiokpahanchit, Hopaii chinto kv₂ pitintakla ya a tobt hikivshke; micha Chihowa yvt im okla h₂ i nowvt ayvshke, okla achi tok.

17. Mihma yakohmit Chisvs isht ai annoa kv₂ Chutea yakni a mominchit, anonti yakni inla auet a bilika aiasha ma moma a hlopulli tok.

18. Mihma Chan nan im ai ithvna vhleha hvt nana kv₂ a yakohmi tuk a mominchit im anoli tok.

19. Mihma Chan ash ot ilap nan im ai ithvna ya tuklot hoyo cha, Chisvs a pit in tihleli mvt, Chishno ak osh aya he tuk mak o chia hokmá, ak chu? himmak pilla hak o inla yo e hoyo chi cho? achi tok.

20. Hatak ash ot ayvt im it onachi mvt, Chan Baptist vt, Chishno ak esh aya he tuk mak o chia hokmá, ak chu?

himmak pilla hak o inla yo e hoya chi cho? achi hosh auet pi tihleli tuk oke, achi tok.

21 Mihma hvshi kanvlli vllhpisa yvmmak fehna ka haknip ik in chukmo, mikmvt ililli isht ai ilbvsha, micha shilombish okpulo ai i fokka puta aiena kvv lauua ho hlakofichi tok: mihmvt lvpa vt lauua atuk a hoponayochi tok.

22. Mihmvt Chisvs vt afalaminchii mvt, Oh ia cha, nana ka hvsh pisa tuk, mihmvt hvsh hqklo tuk aiena kvv Chan a ont oh im anoli; lvpa yvt hoponayo, imomokpulo yvt nowa ma, leplosi vbi vt i kashofa, ik haponaklo vt haponaklo ma, illi mvt falamvt tani, mihma ilbvsha ya vbanumpa kvv isht im anuhumpvshke.

23. Yohmi ka kvna hosh vno a ik si ai ibetvblokmvt, mihi yosh na yukpa hoke, achi tok.

24. Mihma Chan im anumpa isht aya tuk vt a falamvt, itiachi ma, okla hq Chan ak o isht im anumpulit, Nanta ho hvsh pisa chi hosh yakni haiaka yvno hvsh ilhkoli tuk oh cho? Kvshak osh mahli na winakvchi kak atuk o?

25. Amba nanta ho hvsh pisa chi hosh hvsh ilhkoli tuk o? Hatak na-fohka lapushki fohka kak atuk o? Yakeh! na-fohka hoolitopa ishit shemvt, ilimpa hochukma in lauua hokvto, hatak miko vhleha in chuka ak o aiasha cho kvmo.

26. Amba nanta ho hvsh pisa chi hosh hvsh ilhkoli tuk o? Hopaii ak atuk o? Ahlishke, micha hoolitopa kvv hopaii ya i shahli fehna hoke, hvchim achi lishke.

27. Ish ataya he chi tikba ai apoksiahancha chi mak o vm anumpeshi a chi nashuka itikba ma chuffichi lishke, achit holisso tok a, ilvppak osh mih mak oke.

28. Ohoyo ho a tovt ai vta tok puta ka hopaii chito kvv Chan Baptist a imaiya kvv iikshoshke, hvchim achi lishke; yohmi ik nana kia moma ik lauwo hosh Chihowa apelhichika yvno anta kvv, Chan a imaiya hoke.

29. Yohmi ma Chan a okla im a haponaklo tuk vt moyuma, micha pvblikan vhleha aiena kvv Chan a i baptismo ya isht a baptisnot, Chihowa ya im aighlichii tok.

30. Amba Falisi vhleha, micha nan-vllhpisa ithonanchii

vhleha aiena kvto ilapo yokvto yvmmak ash o ik im a baptismo, Chihowa nana im ajahni tuk g ik aiahlecho hokvt.

31. Mihma Chitokaka yvt, Yohmi kvno hatak himaka aiasha ka nanta hak o pit it apesa la chj cho? yohmi ka nanta hak o okla pit hoyulba cho?

32. Ulla yosh ilhpak a kanchi yq binomaya hosh ilap bika it j howvt, Oskula ha e hvchim olachi ka, hvchik heh-loshke; illi isht taloa isht e hvchj yaiya ka, hvch ik yaiyoshke, ahanchi hq chiyumishke.

33. Chan Baptist vt pvka yq ik po, mihmvt oka paki ma ik ishko yosh aya; yohmi ma, Nan-isht-ahullo okpuli il ai ishishke, hvsh achi.

34. Hatak Ushi yokvto impa, micha nan ishko aiena hosh aya: yohmi ma, Yakeh! hatak isikopa, micha oka paki ishko shahli, publkan vhleha mikmvt nan ashvchi puta ka j kana yoke, hvsh achishke.

35. Yohmi kia Ahopoyuksaka yokvto ilap im vlla vhleha ha mominchit ai isht aighli chatuk oke, achi tok.

36. Mihma ibai impa hinla ka Falisi achvft im ahni tok: yohmi ma Falisi in chuka yash ont chukowvt, impa chj hosh binili tok.

37. Yohmi ma ohoyo nan-ashvchi yosh tmaha yvma anta tuk osh, Falisi in chuka ya Chisvs vt asht impa na akostinichi mvt, a l a b a s t a kotoba nan-ahama balama vlhto hq isht ona mvt,

38. Im asha-ka iyi pit a chiya ka ont hikivt yahaya cha, iyi ash nishkin okchi yak o isht achivt, anonti ilap noshko-bo pashi akinli hq ishit kasholinchi mvt, iyi g j suksohovvt, nan ahama balama ash o isht a hvmmi tok.

39. Mihma Falisi vt yvmmak ash o hoyo tuk ash ot, yvma pisa mvt, Hatak ilvppvt hopaii atuk ok mvt, kvna hosh, micha ohoyo kaniohmi chatuk osh potoli ka, ik akostinicho ka heto; ohoyo ilvppvt nanashvchi yoka, ahnit ilapo inli il im achi tok.

40. Mihma Chisvs ash ot afalaminchit, Saimon g nana chj miha la hinla kv vm ashvshke, im achi tok. Mihma

yvmmak ash ot, Nan ithvnanchi ma! ish mihashke, achi tok.

41. Mihma, Hatak nan-ahekvchi achvfa yvmma aheka im in takohnli kv̄t tuklo tok: achvfa kv̄to aheka yvt iskvli tahlepa in tahlapikma, anonti achvfa kv̄to pokoli tahlapi ha tok.

42. Atuk osh isht atobba hi vt nana kia ik im iksho kit okla ma, it aieninchit pilla hō yvmmak ash ot i kashofi tok. Yohmi ka, Um anoli; katimampo kak osh yvmma i hullo kv̄t i shahlichā hinla cho? achi tok.

43. Saimon ash ot afalaminchi mvt, Laua i shahli tuk o i kashofi kak a hinla, ahni li, achi tok. Mihma, Pit v̄hpesvchit ish anukfilli mv̄hlishke, im achi tok.

44. Mihmvt ohoyo a hikia ka pit filema mvt, Ohoyo ilv̄ppa ish pisa cho? chim aboha ant chukowa li ma, chishno v̄to saiyi isht achifa he oka kapvssa kia chik samo ke tuk: amba ilv̄ppak okv̄to nishkin okchi yō saiyi ya isht achifa mvt, ilap noshkobo pashi ak o isht kasholihin-chishke.

45. Chishno v̄to chik sa suksowo ke tuk: amba ohoyo ilv̄ppak okv̄to, ilv̄ppa ant chukowa li tuk takla ka, saiyi ya i suksohōwa kv̄t ik iesoshke.

46. Chishno v̄to sa noshkobo hā nan-ahama isht chik sum a hv̄mmo ke tuk; amba ohoyo ilv̄ppak okv̄to saiyi ya nan-ahama isht ahv̄mmishke.

47. Yohmi hokvt, Nan im ai ashvchika yvt laua tuk vt kashofa hoke: mihi yosh nan i hullo fehna. hatuk okvt, chim achi lishke: amba ik lauo hosh i kashofa hok mak osh mihi yosh nan i hullo kv̄t a fehna keyu chatuk oke, im achi tok.

48. Mihmvt ohoyo hash o, Chim ai ashvchika puta kv̄t chi kashofa mak oke, im achi tok.

49. Mihma it apēvt asht impa tuk yvmmak ash ot, Ilv̄ppvt kv̄ta hokak osh nan-ai ashvchika puta kak kia kashofi hob cho? ahnit ilapo inli okla im anukfila tok.

50. Mihma ohoyo hash o, Na chi yimmika yvt chi okchalinchishke: na-yukv̄t ish ayashke, im achi tok.

CHAPTER VIII.

Chisvs vt im anumpeshi vhleba, micha nan-isht im vtta vhleba ohoyo aienvt apihvt gya hq, vbanumpa isht anumpuli, 1. 4 Na hokchi isht vlpisa anumpa; 6 micha yvmmak atuk vt vlbittv achukma annoa. 16 Pvla tohwikeli isht vlpisa; 21 kvna hosh Klaist im anumpa puta ka im antia hokvto, yvmmak o i kanomi fehna mak oke. 22 Chisvs vt kocha umba mahli kvllo ka yukobli; 26 mihmvt nan-isht-ahullo okpulo lgwa hq hatak achvfa ka a kocha weli: yohmi ma, shukha lokoli achvfa hq ont abeha chi ka, vlpesa im ahni; 43 ohoyo issish ont ia vbi yatuk o hlakofichi; 49 mihmvt Chailvs ushetik illi tuk g falaminchit tanichi.

1. ATUK osh i himmakma yakohmi tok: tvnaha, micha chuka lokoli puta aiena ka mominchit a hlopullit gyvt, vbanumpa isht anumpohonli; micha Chihowa apelihchika ai isht ilaiyukpa anumpa hq otvvinchit isht anumpohonli tok: mihma auah tuklo kash ot apehvt gya ma,

2. Micha ohoyo kanohmi, yvmmvt shilombish okpulo puta, micha haknip ik in chukmo puta aiena tuk osh a hlakofi tok, Meli Maktalene hohchifo yvmmak o nan-isht-ahullo okpulo untuklot a kohcha tok.

3. Mihmvt Choanna Helot g nan-isht im vtta Chusa g tekehi, micha Susanna, mikmvt inlaka mvt laua hosh nana im gsha tuk vt, Chisvs g isht apelvchi tuk vt apehvt gya akinli tok.

4. Okla lgwa fehnvt tvnaha moma gshvt minti kvv im ai itvnaha ma, nana isht apesa hosh im anumpuli tok.

5. Na hokechi vt i nanihi hokchit ia tok; atuk osh hokechi ma, kanimi kvv hina lapalika yo kaha tok: atuk o a hvhlich; yohmi na hushi-puta vba itvnowa kvv ant aiowvt vpa tok.

6. Mihma kanimi kvvto tvli yo ai o kaha tok: atuk osh offo mak inli hosh a shummi takanli kvv ik im iksho hatuk okvt, bvshit kvnia tok.

7. Anonti kanimi kvvto kvv foka yo a kaha tok: atuk o kvv ash ot awant offo cha, olvbbit ishi tok.

8. Yohmi ma inla kvto yakni achukma h_o ai o kaha tuk osh offot, nihi achufa tuk kia tahlepa achufa vnit waya tok : iluppa puta ká achit ont in taiyaha mv_t, Kvna hosh isht haponakla he haksobish vt i hinlikmv_t, haklashke, chitoli hosh achi tok.

9. Mihma nan im ai ithvna vhleha hash ot, Ilppvt nan-isht vlpisa katiohmi ha hinla boh cho? achit i ponaklo tok.

10. Mihma, Hvchishno ano Chihowa apeshlichika y_a nana kv_t ik otaiyano ke tuk a hvsh akostinincha he mak osh hvchim vlpisa hoke : amba inla ka yokvto pisa kia, pisa he keyu ; mikmv_t haklo kia, ik akostinincho ka ch_i h_o nan-isht vlpisa anumpa ha ch_i ha tok.

11. Nan-isht vlpisa kv_t iluppak oke. Na-nihi ak osh Chihowa im anumpa mak oke.

12. Hina lapalika kaha kv_t, anumpa h_a haklo kak oke : yohmi ma Setan vt ayvt, okla yimmit ik okchayo ka ch_i ka, anumpa h_a ch_ukvsh ash a kohchit im ishi chatuk oke.

13. Tvli y_o ai o kaha kvto, anumpa h_a haklokmv_t, na yukpa hosh ahninch_i kak oke ; yakohmi kak osh hakshish vt iksho ; yohmi hosh chekosi takla hokvno yimmi tuk osh, nana kv_t ont a palvmmikma, mokohli hoke.

14. Mikma kv_ti foka y_o a kaha kvto, anumpa h_a haklo tuk kia, yakni pakna ahantvt nan-isht a katiohmi puta, mikmv_t nan in laua bvna, micha na-washoha puta isht a nukfoyuka kak osh ai im olvbbi na vnit ahlit ik wayo kak oke.

15. Amba yakni achukma y_o ai o kaha kvto, yvmmv_t ch_ukvsh achukma aighli mak osh anumpa h_a haklokmv_t, ieszit achunanchi cha, vnit waya kak oke.

16. Hatak nan ak osh pva h_a luachi mv_t, nan-aivlhto y_o isht ompohomokmá, keyukmv_t topa nutaka y_o pit tala-likmá, nana chatuk keyu ; amba kvna hosh ant chukowakmv_t tohwikeli ka pisa ch_i ka, pva ai-o-hikia yak o o hilechi chatuk oke.

17. Na luma nana hatuk osh ik otaiyano ka hi vt iiksho :

mikma nana hosh luma tuk ak o ik akostinincho ki, ik otano ka he mvt iksho hoke.

18. Yohmi hoka nana ka hvsh haklo kv̄t, Ahah! hvsh ahnashke; kv̄na hosh įshi hokmak o, mihi yō ima hi oke: mikmvt kv̄na hosh įshi keyu tuk mvno, mihi yō įshi ahomba tuk ash kia aieninchit im ai isha hi oke, achi tok.

19. Yohmi ma ishki, micha itibapishi v̄hleha aiena kv̄t im ai vla kia, okla hak osh atehlev̄t kv̄nia hatuk o, a hikia ka ona he keyu ki tok.

20. Mihma, Chishki, micha chitibapishi v̄hleha aiena kv̄t chi pisa bv̄nna hosh, kocha ya hiohm̄ȳvshke, achit im anoli tok.

21. Mihma yvm̄mak ash ot afalaminchi m̄vt, Chihowa im anumpa h̄a haponaklo cha, mihi yō ai yvm̄ohmi v̄hleha ilv̄ppak osh vshki, micha itibapishi li v̄hleha aiena mak oke, im achi tok.

22. Atuk osh nitak kaniohmi hō yakohmi tok: nan im ai ithv̄na v̄hleha hash ai it apeh̄vt peni ont chukowa tok; mihmvt, Okhv̄ta mish-tv̄n̄vp ak o pit eho tanv̄lashke, achi tok. Mihma peni ash okla oka tobli tok.

23. Atuk o yakohmit peni ā asht itv̄nowa ma, yvm̄mak amo nusi tok: atuk o mahli chito kv̄t okhv̄ta hash on itu-yulla; yohmi ma oka yvt ibai alota na ai isht-kv̄n̄v̄pt ai į palv̄mma he pull̄vt aiasha tok.

24. Yohmi cha okla onvt yvm̄mak ash okchv̄li m̄vt, Pithv̄nanchi ma! Pithv̄nanchi ma! pilli mak oke, achi tok. Mihma yvm̄mak ash ot tani cha, mahli micha oka poakv̄chi aiena kash im alv̄m̄mi tok: mihma yvm̄mak ash ot yokopa na chulusv̄t talaia tok.

25. Mihma yvm̄mak ash ot, Na hv̄chi yimmika m̄vto? im achi tok. Mihma okla nukshopa hatuk okv̄t, nukhlakanchv̄t, Ilv̄ppvt hatak katiohmi mak oh cho? ilv̄ppvt mahli, oka aiena kak kia nan į miha ma, im antiuvshke, it im achit maya tok.

26. Atuk osh Katalenes okla į yakni Kalili auet i chapa ka talaia ka, okla ont ataiya tok.

27. Yohmi na yvm̄mak ash ot pit kohchv̄t ia ma, hatak achv̄fa kv̄t nan-isht-ahullo okpulo puta kv̄t ai į foka tok ho-

paki hosh, na fohka kia fohka chatuk keyu, mihmvt chuka y_o ai v_tta chatuk keyu, amba hatak illi aiasha yak o ai v_tta chatuk osh, tumaha ha a kohchvt aya hosh afama tok.

28. Mihmvt Chisvs a pisa mvt, chitolit tahpula mvt, yummak ash itikba ya aka hlipvt chitoli hosh anumpulit, Chisvs Chihowa nana moma imaiya Ushi chia ha, vno vt nanta ho isht chi ahalaia li cho? chik solbvshalo ka chi mak o, chim asilhha lishke, achi tok.

29. Yummak okvt shilombish okpulo vt hatak ash a kohcha chi ka, im apesa ha tok. Yummak okvt himonna hak-sinchit hohokli beka tok; yohmi hatuk a yummak okvt tvli ita-takvli, micha iyi ai v_lhpitta tvli aienna isht talakchi ho okla apesvchi ha tok: yohmi kv_t isht a kamvssa yatuk a kobvffikma, nan-isht-ahullo okpulo ash osh chvffichi na yakni haiaka a kvnia beka tok.

30. Yohmi hatuk o Chisvs ash ot i ponaklot, Chi hohchifo hv_t nanta ho? achi tok: mihma yummak ash ot nan-isht-ahullo okpulo vt laua hosh pit ai abeha hatuk oka, Lechvn sia, achi tok.

31. Yohmi ma kohchvt ahofobika ai-ilbvsha mak o okla ia hi a ik im apeso ka chi ka, okla im asilhha tok.

32. Yohmi ma nvnih pilla yummak oka shukha laua yvt ai impa hosh aiasha tok: yohmi ma yummak o okla ont abeha chi ka v_lhpesa, im ahna chi ka, im asilhha tok. Yohmi ma v_lhpesa, im ahni tok.

33. Yohmi ma-nan-isht-ahullo okpulo puta kash ot hatak ash a kocha wihvt ia mvt, shukha yash o ont chukowa tok. Yohmi ma shukha laua yash osh nvnih chakpatali ka asht aka pit yihlepa fehvt, okhvta ont ai oka kahvt, nuksakkit illi tok.

34. Yohmi ma yumma apesvchi v_lheha hv_t nana kv_t ai yvmohmi ka pisa mvt, yihlepvt vt, tumaha mikmvt haiaka aiasha tuk aienna ka ai im anoli tok.

35. Yohmi ma nana kv_t ai yvmohmi tuk ash okla pisvt ilhkoli tok. Atuk osh Chisvs ash im ai v_la cha, hatak nan-isht-ahullo okpulo puta kv_t a kocha wiha tuk ash, ilefoka fohka cha, im anukfila mvt hopoyuksa achukma hosh,

Chisvs iyi ituma ya binili ho okla pisa tok : yohmi mvt okla nukshopa tok.

36. Yohmi ma nan-isht-ahullo okpulo puta ai i foka tuk vt kaniohmit a hlakofi na okla pisa tuk ash kia im anoli tok.

37. Yvmohmi ma Katalenes yakni ai i bilika tuk vt okla laua kvt nanukshopa chinto kvt ai onvtuyula hatuk osh, yvmmak okvt i filvmma hinla ka, momvt okla im asilhha tok. Yohmi na yvmmak ash ot oiyvt peni ash pit chukowa mvt, falamvt gya tok.

38, 39. Mihma nan-isht-ahullo puta kvt a kocho wiha tuk hatak ash ot awant gya hinla kvt, im asilhha tok : yohmi kia Chisvs ash ot, Chin chuka yak o falamvt ish ona cha, Chihowa hvt nana chinto nana mak o a chi yvmihchi tuk g, ont ish anolashike, achit pit chevichitok. Mihma yvmmak ash ot ia mvt, nana chinto fehna nana mak o Chisvs vt i yvmihchi tuk g, tvnaha hash mominchit ai anoli tok.

40. Atuk o yakohmi tok ; Chisvs ash ot falamvt vla ma, okla hvt momvt hoyo hosh aiasha tuk okvt, okla na yukvt aiokpvchi tok.

41. Yohmi ma hatak vt Chailvs hochifo hosh, sinakak apesvchi yosh vla tok ; mihmvt Chisvs iyi ituma ya aka ant hlipia cha, in chuka ya ona hinla ka, im asilhha tok.

42. Yvmmak okvt ushetik vt achvfa illa hosh, afvmmi auah-tuklo foka tuk osh, illa hosi hosh itonla ha tok. Yohmi ma yvmmak ash ot ia hosh gya ma, okla chinto kvt ai a folublrit kvnia tok.

43. Yohmi ma ohoyo hvt issish um-bokafa tok afvmmi auah-tuklo hatuk osh, nana im gsha tuk g mominchit alikchi puta kak o ai ataiyaha kia, achvfona ma a hlakofa he mvt iksho hosh, gya tuk osh,

44. Im ashaka ona cha, im anchi aposhokvchi ya pit potoli tok : yohmi ma ashaliika issish ont ia tuk vt i hokofa tok.

45. Mihma Chisvs vt, Kvta hosh sa potoli cho ? achi tok. Kvna hatuk keyu ka momvt miha ma, Pita yvt, micha apehvt gya tok aiena kash ot, Pi shahli ma ! okla chito vt chi a folublrit chi atehlifichi fehna hokak o, Kvta hosh sa potoli, ish achi cha ? achi tok.

46. Mihma Chisvs ash ot, Kva hosh sa potoli tuk, nan-
isht aighlika yvt a si a kohcha ka akostininchi li hoka, achi
tok.

47. Yohmi ma ohoyo hash ot ilapvt luma keyu kv akos-
tininchi mv, wvnihinchit ona mv, itikba ya aka ont hlipia
cha, nana kaniohmi ho yvmmak oka potoli tuk, micha ka-
niohmit ashalika hlakofi tuk aiena kv okla moma itikba ya
ai im anoli tok.

48. Mihma yvmmak ash ot, Svsotek ma! na chi yukpa
achukmashke; na chi yimmika yak osh chi hlakofichi hoka,
na-yukpa biega anukfoyuka hosh ish ayashke, im achi tok.

49. Yvmmak okvt anumpuli moma ho, sinakak apesvchi
in chuka ya achvvt minti hosh vla mv, Chiso-tek vt illish-
ke; nan-ithvnanchi ma chik im ahchibalo kashke, im achi
tok.

50. Yohmi kia Chisvs vt pit haklo mv nan i mihvt, Ik
chi komunto kashke; pilla ik chi yimmi, mikma yvmmak
okvt hlakofa chi hoke, im achi tok.

51. Atuk osh aboha yash ont chukowa mv, hatak nana
kia ik chukowa, ik aiahno; amba Pita, micha Chemis, mik-
mv Chan, micha ohoyo himita ya iki, mikmv ishki ita-
tuklo kak illa tok.

52. Yohmi ma moyumvt ilbeshvt isht yahaya tok: yohmi
kia yvmmak ash ot, Hvsh yaiya na; illi keyu; pilla nusi
hoke, achi tok.

53. Mihma yvmmak okvt illi hoka, okla ithana hatuk osh,
yvmmak ash ik ahobalot olvli tok.

54. Yohmi ma yvmmak ash ot mominchit kohchichit tahli
mv, yvmmak ash ibbak g halvli cha, i howvt, Ohoyo himita
ma! tani, achi tok.

55. Mihma shilombish vt falamvt im vla cha, yvmmak
ash ot ashalika tani tok; mihma nan-ilimpa i hoyo hinla ka,
miha tok.

56. Mihma iki, ishki itatuklo kash ot nukhlakancha fehna
tok. Yohmi ma nana kv a yvmohmi tuk ash hatak nana
kia ik im anolo ka hi q i miha tok

CHAPTER IX.

Chisvs vt im anumpeshi auah-tuklo ka vbanumpa isht anumpula chi, micha nana kv̄t isht ahullo fehna kia yvmihchi a puta hosh im ai v̄lhpeea hatuk vt otv̄nicha chi h̄q, pit tihleli, 1. 7 Helot vt, Chisvs a pisa b̄vna. 17 Chisvs vt p̄vska lumbo tahlapi, micha n̄vni chipunta tuklo aiena tuk a, hatak tahlepa sipokni tahlapi ka imp̄vchi: 18 micha ilapa kv̄na hak o okla im ahoba hatuk a ponaklo tok; 22 micha ilap vt illi tuk osh, anonti salamvt tana he aiena kv̄t tikbanli anoli: 23 yohmi m̄vt nan im ai ith̄vna v̄hleha ilapa holi-tobli pulla kv̄t, ile kaiyancha he, micha na-pal̄vmmi puta ma pisa chi aiena kv̄t im v̄lhtaha hi a, i miha. 28 Chisvs vt v̄ba pit anumpula chi hosh n̄vni chaha pit oiya atuk osh, v̄ba pit anumpulit ahanta moma hosh pisa ka inlv̄t toba. 37 V̄lla yosh nan-isht-ahullo okpulo isht abeka tuk a Chisvs vt hlakofichi: 43 mihm̄vt anonti ilap i pal̄vmmi illa hi vt tikbanli anoli; 46 nan im ai ith̄vna v̄hleha hv̄t ilap na-fehna b̄vna im anukfila puta ka im okt̄vbi: 51 Sa malia okla hv̄t Chisvs a ik aiokpacho kv̄t okla illit taha chi ka, Chemis, Chan, Ita-tuklo kv̄t ahni ma, Chisvs vt nan isht i miha; 57 hatak kaniohmi kv̄t ch̄kv̄sh a mominchit isht im antia he keyu kv̄t agha hatuk o, nan i miha.

1. **YUMOHMI** m̄vt ilapo nan im ai ith̄vna v̄hleha auah-tuklo kash hoyot itahobi m̄vt, nan-isht-ahullo okpulo puta imaiyv̄t, mikm̄vt abeka ilaiyuka puta ma hlakofihicha chi ka, nan aighlika ya isht im apesa tok.

2. Yohmi m̄vt, Chihowa apelihchika yoka isht anumpohlit, anonti abeka puta ma hlakofihicha chi mak o pit tihleli tok.

3. Yohmi m̄vt, Itv̄now̄t hv̄sh aya kv̄t tubi kia, mikm̄vt shukcha, micha p̄vska, anonti t̄vli holisso, ilefoka lumbo m̄vt tuklo aiyuka, peh nanasi kia hv̄ch ik ish̄o kashke.

4. Mikm̄vt chuka nana h̄q ont hv̄sh chukowakm̄vt, yvm̄mak o hv̄sh ah̄ghwa tuk osh, kohch̄vt hv̄sh iashke.

5. Michā kv̄na kia ik hv̄chi aiokpachokma, tumaha yvm̄ma a kohch̄vt hv̄sh iakm̄vt, nan-isht im atokowa mak o hituk tohbi ka hv̄ch iyi ya tahtulit hv̄sh a kanchashke, im achi tok.

6. Mihma okla iv̄t tumaha puta ka hlopullit ayv̄t, v̄ba-

numpa isht anumpohonlit, kanima moma ka abeka a hlakofichit itvnowa tok.

7, 8. Helot miko ash ot, yummvt nana puta ai yvmihchi ka haklo tok; yohmi mvt kanimi kv, Chan ak osh illi tuk vt falamvt tani tuk, achi ma; anonti kanimi kv, Elias ak osh ant haiaka, achi: mihma inlaka mavt hopaii vhleha tikba ya tok ak osh achvvt falamvt tani hoke, achi hoka, katiahmi ahnit ik im vlpiesot im anukfila tok.

9. Mihmvt Helot ash ot Chan ano noshkoba ha tvbli li chamo: amba na yakohmi puta a habaklo li ka yvmmak osh kvta hoh cho? achi tok. Mihmvt yvmmak ash pisa bvna tok.

10. Mihma vbanumpeshi vhleha hash ot falamvt ai ona mvt, nana ai yvmihchi tuk vt mominchit okla im anoli tok. Mihma yvmmak ash ot pehlinchit il a lumvt, naksika tmaha hohchifo Betsaita ai i bilika yakni haiaka yo ia tok.

11. Mihma okla hv akostininchi mvt, yvmmak ash o pit iakaiya tok; mihma yvmmak ash ot im aiokpahanchit, Chihowa apehlichika isht im anumpohonlit, yvmmak okvt hlakofi bvna hokvno hlakofihinchi tok.

12. Atuk o nitak ash ot ont shohbit mahaya ma, auah-tuklo kash ot ai vlv, Yakni haiaka yo il aiasha hoka, okla laua ya ish in tohno na ilhkolit tmaha puta, micha a koche chuka hiohli yakni auct a bilika fullota aiena ka ont a nusit, ilhpak ma ahayuchit mayashke, im achi tok.

13. Yohmi kia yvmmak ash ot, Impa oh ipeta, im achi tok. Yohmi ma, Pvska tahlapi, mikmvt nuni tuklo aiena misha keyu hosh pin chiyvshke; kanima yo ivt okla moma ilvppa ilhpak a kil in chumpo hokmvt, okla achi tok.

14. Yohmi ka hatak vt tablepa sipokni tahlapi foka ha tok. Yohmi ma nan im ai ithvna vhleha hash o, Pokoli tahlapi aiyukvt ia ho ho binohlich, im achi tok.

15. Yohmi ma yvmihchit, mominchit okla binohlichit tok.

16. Yohmi ma yvmmak ash ot pvska tahlapi, micha nuni tuklo aiena kash o ishi cha, pit vba chakalit aiokpvchi cha, tushahlichit mvt, okla laua ya in talohla chi ho, nan im ai ithvna vhleha hash pit ima tok.

17. Mihma okla impvt momvt kaiya tok ; mihma okla im atampa tuk g, boshulli yvt kishi auah-tuklo hq okla aiowa tok.

18. Atuk o yakohmi tok : nan im ai ithvna vhleha ak illa hosh apiha hq antvt, vba pit anumpuli tok : atuk osh yvm-mak ash o i ponaklot, Okla hvto vno vt kvta sia hq achi hq ? achi tok.

19. Yohmi ma afalaminchi mvt, Chan Baptist ; amba kanimi kvto, Elias ak o achi : mikma inlaka yvto, Hopaii vhleha tikba ya tok ak osh achvvt falamvt tani hoke, okla achishke, achi tok.

20. Amba, Hvchishno vto vno vt kvta sia hq hvsh achi hq ? im achi ma, Pita yvt afalaminchit, Chihowa i Klaist a, achi tok.

21. Yohmi ma yvma hatak nana kia okla ik im anolo ka chi ka, achukmalit kvlochit i miha mvt,

22. Hatak Ushi yokvt nan isht ai ilbvsha kv in laua chi, yohmikmvt hochitoka vhleha, micha na holitompa isht gsha pehlichit vhleha, mikmvt na holissochi puta aiena mvt ik i yimmot ik aiokpachot vbi tuk ma, nitak ont atuchinakma falamvt tana hi oke, achi tok.

23. Yohmi mvt mominchit i miha kv, Kvna hosh siakaiya he, ahni hok mvt, ilapo yvt ik ile holitoblo hosh nitak moma ka im iti-taiyukhvna atuk ma ieshi hosh, vno g siakaiyashke.

24. Kvna kia ilap im ilhfiopak g okchalinchi bvna hokmvt, i kvnia hi oka ; amba kvna hosh vno pulla hatuk mak o im ilhfiopak vt isht i kvnia hokmvt, mihi yosh il im okchalicha hi oke.

25. Hatak vt yakni g il a mominchit ieshi hosh, anonti ilapo fehna yash il okpovichit il issikkopalit kaiyanchi hokmvt, nanta hq isht ilaiyukpa hinla cho ?

26. Kvna hosh vno, micha vm anumpa puta aiena ka i hofahya tukma, mihi yo Hatak Ushi vt ilapo, mikmvt Iki, micha enchil hochukma vhleha a puta nan-isht aholitopa ka il aieshit gyvt vlakmvt, i hofahya hi oke.

27. Yohmi kia Chihowa apehlichika ya pisa ha keyuk

mvt, illa chī keyu kv̄t ilvppa kanimi mvt hiohmaya hoke :
ghli mak o hvchim anoli lishke, achi tok.

28. Ilvppa puta ka ahanchi tuk ash nitak ont isht untu-
china foka ma, Pita, micha Chan, mikmvt Chemis aiena ka
pehlichī cha, nvniḥ ḡḡha yō vba pit anumpula chī hosh ia
tok.

29. Atuk osh vba pit anumpuli ma, nashuka yvt inlv̄t
toba ma, i na-fohka yvt tohbit shohmalili tok.

30. Yohmi ma hatak tuklo kv̄t, yummvt Moses, micha
Elias ita-tuklo mak osh yummak ash ant im anumpulit okla
tok.

31. Yummak okvt nan-isht a holitopa ghli ka il aieshi
hosh ant otaiyanit okla cha, yummak okvt Chelusalem ḡ ai
illa hi ḡ, isht anumpohonlit okla tok.

32. Yohmi kia Pita, micha inlaka aiena yv̄mma apehvt
ḡya tuk ash ot nosilhha fehna tok : atuk osh okla ont okchvt
taha mvt, isht-a holitopaka yash, micha hatak tuklo kv̄t
apehvt hieli tuk ash aiena ka okla pisa tok.

33. Atuk o yakohmi tok ; yummak ash ot ai i filv̄mmit
tamovt okla ma, Pita yash osh Chisvs ash, Pi shahli ma !
ilvppa e maya kv̄t pim achukmvshke : yohmi ka v̄lhtipo
tuchina ka il ikbashke, achvfa kv̄t chimmi hokma, anonti
achvfv̄t Moses ak o immi hokma, anonti achvfa kv̄to Elias
ak o immi hashke, achi tok : yummak o miha li, ahni keyu
hosh :

34. Yummak ash ot yakohmichit anumpohonli moma na
hoshonti ḡya kv̄t, ant o hoshontikachi tok ; yohmi ma ho-
shonti anukaka yḡ pit chukovvt ia kv̄t, okla nukshopa tok.

35. Yohmi ma hoshonti anukaka yḡ auet ai anumpa kv̄t,
Ilvppak osh Svso ḡ holitopa mak oke, hvsh i haponaklashe,
achi tok.

36. Atuk o anumpa hash ot ont taha ma, Chisvs ak illa
hosh hikia na okla pisa tok. Yvmohmi ma nana yakohmi
kash okla nana ik achot, nana hō pisa tuk vt achvfonvchi
mvt hatak nana kia nitak yv̄mma foka ka ik im anolo beka tok.

37. Atuk o yakohmi tok : ont onna ma nvniḥ hash okla
ḡsht akovvt minti ma, okla lḡwa kv̄t ont afama tok.

38. Yohmi ma okla hā takla gya tuk vt hatak achufvt chitolit mihvt, Nan-ithvnanchi ma! svso hā ish pisakbano chim ahni lishke, vm vlla yvt yvmmak bano hatuk oke.

39. Yohmi hō shilombish okpulo yvt ishikma, ashaljka tahpahanla hoke; mikmvt haiochichechit itukpokpokihinchi beka hoke: yohmi kv̄t kaniohmit ī filvma he keyu chohmit, haknip litolit hotopahanlishke.

40. Yohmi hō na chim ai ithvna vhleha bak o yvma kohchicha hinla ka, im asilhha li tuk ak o, okla yvmihcha he keyu ketuk oke, achi tok.

41. Mihma Chisvs ash ot afalaminchi mvt, Na yimmi iksho, micha nan-ghli ai ī shanaia fehna okla hvchia ma! hvch iba takla ahantvt, nana ka isht ak ahno hō katiohmi foka ch̄i cho? Chiso hā ilvppa ishit minti.

42. Mihma ishit minti hosh gya ma, nan-isht-ahullo okpulo yash ot aka pila cha, haiochichechi tok. Mihma Chisvs vt nan-isht ahullo okpulo yash im alvmmi cha, vlla yash hla-kofichit, īki ibbak ash falaminchit fohki tok.

43. Yohmi ma Chihowa nan isht im aighli chinto fehna ka momvt okla isht nukhlakancha tok. Yohmi kv̄t nana ka Chisvs vt ai yvmihchi tuk puta kash momvt, okokko! okla aiahnit maya takla ma, yvmmak ash osh ilap nan im ai ithvna vhleha hash,

44. Anumpa ilvppa puta kv̄t hvchi haksobish atuk ma ik a fohoká, hvsh ahnashke; Hatak Ushi yokvt hatak puta ibbak ā ī foyuka hi oke.

45. Yohmi kia anumpa ilvppa okla ik akostinincho ki tok: mihma na miha kash ik im ai otano; yohmi hoka yvmmak ash okla ik ai ithaiyano ki tok: mihmvt anumpa yvmmak ash im asilhvhchi okla nukwia tok.

46. Yohmi ma, Katima kak osh holitopa kv̄t moma ī shahla hinla hoh chishba? ahnit okla isht im ai anukfilvt maya tok.

47. Mihma okla chukvsh nan im anukfila hā Chisvs vt im akostininchi mvt, vlla yō ishit, il a bilikvchit binilichi tok.

48. Mihmvt, Kvna hosh vlla ilvppa vmmi hohchifo hō ahninchi hokvto, vno ak o si ahninchi hoke: mikmvt kvna

hosh vno q si ahninchi hokmvt, yvmmvt auet sa kanchi tok ma pit ahninchi hoke: kanima hosh moma ik a lauwo kv̄t hv̄chi takla ahanta hokvto, mihi yosh moma i shahla hi oke, im achi tok.

49. Mihma Chan vt afalaminchi mvt, Pi shahli ma! achvfa hosh ch̄i hohchifo h̄g nan-isht-ahullo okpulo puta ka ishit kocha weli hosh anta h̄o e p̄isa tuk: yohmi kia yvm-mak okvt ik piba fohko hatuk o, il im alvmmi kano, achi tok.

50. Mihma Chisvs ash ot, Hvch ik im alammo kashke: kv̄na hosh p̄i sanalit anta keyu hokvto, pibai achvfa hoke.

51. Atuk o yakohmi tok: yvmmak ash o aiokpanchit vba ȳg isht ia ch̄i nitak vt ont v̄lhpiesa hatuk o, Chelusalem g ia ch̄i kv̄t ai anukfoyokvt nashuka ȳg pit filimmi tok.

52. Mihmvt nan ont im atahla ch̄i ho, anumpa shali v̄hle-ha h̄g tikba pit tihleli tok: yohmi na okla ivt Samalitan okla in tumahushi o ont chukowa tok.

53. Yohmi ma yvmmak okvt Chelusalem g ia h̄o fehna nashuka yatuk o, okla ik aiokpacho ki tok.

54. Yohmi na nan im ai ithvna Chemis, micha Chan ita tuklo kv̄t yakomi ka pisa mvt, Chitokaka ma! Elias vt yvmibchi tok akinli h̄o chohmichit, pishno mvt luak vba minti kv̄t aka itula cha, okla ilvppa hushmit tahla ch̄i ka il im apesa hinla ka, ish ahni cho? achi tok.

55. Mihma yvmmak ash ot filemvt im alvmmi mvt, Hvchi chukvsh ai im anukfila a kaniohmi hosh hvsh aya kv̄t hvch ik ithanoshke.

56. Hatak Ushi vt hatak puta ka vba ch̄i hosh aya ha tok keyu, amba okchalıncha ch̄i ha tok oke, achi tok. Mihma ilhkolit tumahushi inla ȳo ona tok.

57. Atuk o yakohmi tok; ia hosh okla itvnowa ma, takla ȳg hatak achvfv̄t, Chitokaka ma! kanimak fehna chik aya kia, vno vt chiakaiya la ch̄i hoke, im achi tok.

58. Mihma Chisvs ash ot, Chula puta kv̄t chiluk vt im ai ashakma, vba hushi puta kv̄t v̄lhpichik vt im āsha hoke: amba Hatak Ushi okvto noshkobo h̄g kanima a bohla hi vt ik im iiksho hoke, im achi tok.

59. Mihmvt inla ȳo, Is siakaiyashke, im achi tok. Yoh-

mi kia yvmmak ash ot, Chitokaka ma! vhpesa, vm ahni na ivt, aki ak o tikba ont ak hohpi ha yosh; im achi tok.

60. Mihma Chisvs ash ot, Illi ak osh ilap bika illi yokvno hohpashke: amba chishno vto ivt, Chihowa apelhichika ya isht ish anumpohonlashke, im achi tok.

61. Mihma anonti inla mvt, Chiakaiya la chi mak oke; yohmi kia ivt an chuka maya kak o tikba ont aiokpuchi la hi a, is svm ahnashke, achi tok.

62. Mihma Chisvs ash ot, Hatak nana kia yakni isht patafa ya ibbak a isht ishi ha yvt, olbulaka a pit hopokoyo kvv, Chihowa apelhichika ya ahalaia he vhpesa keyu hoke, achi tok.

CHAPTA X.

Chisvs vt nan im ai ithvna vhleha pokoli untuklochit vbanumpa isht anumpula chi, micha nana kvv a fehna kia yvmihchi puta hosh im ai vhpesa hatuk vt otvnicha chi mak o a tohno, 1: 17 kaniohmi kak o okla na yukpa he isht ai vhpesa hatuk a, Chisvs vt im anoli; 25 Chisvs vt nan-vhpisa ithvnanchi hatuk a vba yakni hina ya isht it im anumpuli: yohmi hosh hatak achukma Samalitan vt kaniohmi tok nan-isht vhpisa yvmmak o, ilavvt in chuka panta hatak puta ka isht ithana he mak o isht im anumpuli.

1. NANA kvv a yakohmi ha ya, Chitokaka yvt inla yosh pokoli untuklo ho atokoli akinli cha, tuklo aiyukachit tvma-ha puta, mikmvt kanima yo ilapo vt ai ona hinla kvv, tikbanli pit tihleli tok.

2. Yvmohmi hatuk osh na-waya yvt ai-vlmo-ona hokvto laua mvhli ho, amba na-toksvli vhleha hak osh chvbehassishke: yohmi hoka na-waya yvt ai-vlmo-ona ka in Chitokaka ya hvsh im asilhhahanchi na na-toksvli vhleha ha i na-waya yvt ai-vlmo-ona ka pit apittashke.

3. Hvsh itvnowashke: yakeh! chukvvlhpoba ushi yosh nashobo ai itintakla maya ho, ohmichi mak osh pit hvchi tihleli li hoke.

4. Tvli holisso ai-vlhto, micha bahta, mikmvt shulush

aiena ka isht hvch ik ayo kashke : micha hina takla ya hatak nana kia hvch ik aiokpacho kashke.

5. Mikmvt chuka nana hō ont hvsh chukowa kv̄t nan tikba, Na-nanaiya kv̄t chuka ilv̄ppa ant iba fokashke, ahnit hvsh mihashke ;

6. Mikma na-nanaiya ushi vt yv̄mma anta tukma, nan-isht hvsh il a nanaiya mvt ai onvtuyulashke : amba keyukmvno, nan-isht hvsh il a nanaiya yvt hvchī falama hi oke.

7. Mikmvt chuka yv̄mmak ash inli hō ahshwvt, peh nana hoh kia hvch ipetakma, v̄pvt hvsh ishkashke : toksvli vt im vlhtoba he ak osh im ai vlhpesa hoka. Chuka vbaiyv̄chit hvch ik itvnowo kashke.

8. Mikmvt tv̄maha nana hō ont hvsh chukowa ka, okla hvchi aiokp̄v̄chikma, impa nana hosh hvchi tikba talaia hokma, hvsh pashke.

9. Yohmikmvt abeka yvt yv̄mma ashakma, ho hlakofichī : yohmikmvt Chihowa apelhichika yvt hvch ī bilika vl̄vshke, hvsh im achashke.

10. Amba tv̄maha nana hō ont hvsh chukowā na ik hvchi aiokpachokma, yv̄mmak ash a kohchvt iv̄t, hina bv̄shkvchi puta ka hvsh ona cha,

11. Hvchin tv̄maha ī hituk tohbi vt pi a lapali tuk a, hvchi o kashofit e kanchishke : yohmi kia Chihowa apelhichika yato hvch ī bilika vla hoka, hvsh ithaiyanashke, hvsh im achashke.

12. Yohmi kia nitak yv̄mma fehnakma Sotom vt im ahleka hoh kia pit im vl̄hpisa kv̄t, tv̄maha yv̄mma ī shahla hi oke.

13. Kolasin ma ! na chī palv̄m̄mi mak oke ; Betsaita ma ! na chī palv̄m̄mi mak oke ; na-fehna puta kv̄t hvchishno ya a hvchim a yvmohmi tuk vt Taia, micha Saiton ita-tuklo ka a yvmohmi ha tok okma, hopaki kash inli hō na-pashi tv̄nna fohka cha, hituk chubbi anūka binoh-mayvt ile kostinincha hi a tok oke.

14. Yohmi kia nan ai-vl̄hpisa chinto nitak okvno Taia, micha Saiton ita-tuklo kv̄t im ahleka hoh kia pit im vl̄hpisa kv̄t, hvchishno a ī shahla hi oke.

15. Yohmikma Kapenavm chia hvt shutik ak o ont ish talala tuk vt, aka ivt ai-okpuloka mak o pit ish a kvnia hi oke.

16. Mikma kvna hosh hvchi haponaklokmtv, vno a a haponaklo hoke : mikma kvna hosh hvchishno a hvchi shitilemakmtv, vno a sa shitilema hoke : mikmtv vno a sa shitilemakmtv, auet sa kanchi tok a shitilema hoke.

17. Yvmohmi tuk o pokoli untuklo kash osh na yukpa hosh falamvt ai vla mtv, Chitokaka. ma ! chi hohchifo pulla kak o nan-isht-ahullo okpulo puta kak kia pim antihiyvshke, achi tok.

18. Mihma yvmmak ash ot, Setan vt malvtha kvv vba vttvt aka minti chatuk a, chiyuhmi ho pisa li kvno.

19. Yakeh ! sinti chilita puta, mikmtv halambia puta aiena ka hvsh a hvhlihinchu : micha na tvnvp nan-isht ai im ahli ka ma mominchit a hvsh imaiya chi mak o nan isht aighlika ya hvch ima lishke : yohmi ka nana hosh a kaniohmit hvchi hotopala hi vt iksho ka hi oke.

20. Yohmi kia shilombish okpulo puta kvv hvchim antia ilvppak okvno nan ik hvchi yukpo kashke ; amba hvchi hohchifo puta kvv vba ya a holisso, yvmmak o na hvchi yukpa vlvhesa hoke, im achi tok.

21. Hvshi kanvlli vlvpisa yvmma fehna ma Chisus vt chvksh na yukpa mtv, Aki, vba, mikmtv yakni ita-tuklo in Chitokaka ma ! na yakohmi puta ka na kostini, micha nan-ithvna aiena kvno ish in luhmi tuk osh, vloqi puta ho ish im otvninchi hoka, yak oke, chim aiahni lishke, vlvpievshke, Aki ma ! yvmmak osh chim vlvpiesa hatuk oka :

22. Nan okluha ka Aki vt subbak a a fohkishke ; yohmi ka kvna hosh Ushi yoka hatak nana kia ik ithano ho, amba Iki vt ak illa hoke : mikmtv kvna hosh Iki yoka kvna kia ik ithano ho, amba Ushi vt ak illa ; micha Ushi vt kvna ho im otvninchi mak bano hoke, achi tok.

23. Yohmi mtv nan im ai ithvna vhleha a hieli ka pit filema mtv, yvmmak ash bano ho, Nishkin vt hvchishno nana hvsh pisa ka pisa kvto na yukpvshke.

24. Hopaii vhleha, micha miko vhleha aiena kvv laus hosh

h_vchishno nana h_vsh pihisa ka pisa b_vnna tuk osh, ik peso ki tok: micha h_vchishno nana h_vsh habaklo ka haklo b_vnna tuk osh, ik haklo ki tok o, h_vchim anoli lishke, achi tok.

25. Yohmi ma yakeh! nan-vlhpisa ithvnanchi achvfa hosh wakayvt hikia mvt, imomaka pisa b_vnnvt, Nan-ithvnan-chi ma! ai okchayvt bilia ya pisa la hi okvto, nanta h_vo kati-ohmi la ch_i cho? achi tok.

26. Mihma yvmmak ash ot, Nan-vlhpisa holisso ha kati-ohmit a holisso h_v? kati-ohmi h_v ai ish it im anumpuli ho? im achi tok.

27. Mihma yvmmak ash ot afalaminchi mvt, Chi chukvsh mominchi hosh, chi shilombish ma mominchit, chim isht-hlampko a mominchit, mikmvt chim anukfila ma mominchi hosh Chitokaka chin Chihowa ya isht ish holitoblashke; mikmvt chin chuka panta hatak ma ish holitobli kv, chishno akinli chim itilauashke, im achi tok.

28. Mihma yvmmak ash ot, Ulhpesa, ish miha mvhlishke: ilvppak o ish yvmihchashke: yohmi hokmak osh ohi okchaya hi oke, im achi tok.

29. Yohmi kia yvmmak ash ot il ai achukmali b_vnna kv, Chisvs ash, Yohmi ka kvta hak osh an chuka panta hatak o? im achi tok.

30. Mihma Chisvs ash ot afalaminchi mvt, Hatak achvfv_t Chelusalem vttvt Cheliko ia tuk osh, hatak hvkopa vhleha ont iba chukowa na i nafohka ya im apoyua cha, isskkopalit boyubli na illa hosit itonla h_v, issvt ilh-koli tok.

31. Atuk o yakohmi tok; na-holitompa isht vta yosh hina yvmma minta he mak yoba tuk osh, yvmmak ash ant pisa mvt, apakfompvt hina in tvnnvp o ant ia tok.

32. Mihma Lefait hatak ak kia yvmmak ash vlvt ant pisa kia, yvmmak ash inli h_vo apakfompvt hina in tvnnvp o ant ia tok.

33. Amba Samalitan hatak osh nowvt aya tuk osh, yvmmvt ai itola kash, vlvt pisa mvt, i nukhaklo tok.

34. Mihmvt ai-itola kash vha cha, ai okpualo tuk a-na-

bila, micha okapaki aiena ka isht ahvmmit, afohlit in tahli cha, ilap im issuba hatuk ash o binilichit isht ayvt, a-foha chuka yo isht ona cha, apesvchi tok.

35. Atuk osh ont onna ma ia chi mvt, iskvli tuklo ka ishit kohchit, afoha chuka apesvchi yash ima mvt, Ilvppa ish apistikelashke: micha atampa kvv kaniohmi hosh chi kvnia tuk mak heno, falamvt aya likmvt, chim atobbi lashke; im achi tok.

36. Yvmohmi ka tuchina ilvppa katima kak osh hatak hukopa vhleha ont im isht kanvpa tuk g in chuka panta hatak a tok o, chim ahoba cho? achi tok.

37. Mihma yvmmak ash ot, I nukhaklo tok á, achi tok. Mihma Chisvs ash ot, Ia cha, chishno mvt yvmmak inli ho ish chohminchashke, im achi tok.

38. Atuk osh yakohmi tok; ia hosh okla itvnowvt aya ma, yvmmak ash ot tvmahushi achvfa ho pit chukowa tok: mihma ohoyo achvfa, Mahla hohchifo hosh, aiokpvchit im aboha ya isht chukowa tok.

39. Mihma yvmma itibapishi hvv Meli hohchifo hosh anta tuk osh, yvmmak ash kia Chisvs iyi ituma ya binilit, im anumpa hg haklo tok.

40. Amba Mahla vto nan-isht vtta in lauvt isht ik im ai vlvpieso mvt, yvmmak ash o im ai vlvv, Chitokaka ma! sa nakfish vt si apela hi g ik ahno ho, vno ak bano hosh nan-isht anta li ka, nan isht chik ahno cho? yohmi hoka nan isht ik svbai vttá, ish i mihashke, ant im achi tok.

41. Mihma Chisvs ash ot afalaminchi mvt, Mahla ma! Mahla ma! nana ka ahalaivt im anukfila isht ik chim vlvpieso kvv chin lauvshke.

42. Yohmi kia nana ai vlvpiesa hokvto achvfa hoke; yohmi ka ai im ai isha he keyu nana achukma mih mak o Meli yokvto ai apissali tuk oke, im achi tok.

CHAPTER XI

Chisvs vt nan im ai itvna vhleha hg vba pit anumpuli im avvchi, 1; 14 nan-isht ahullo okpulo kohchichi: 28 mikmvt kvna hosh Chivo-

wa im anumpa h_g im antia hokvto holidopa ka anoli; 87 Falisi okla nana ka ilabobi, yvmmak oka nana palvmmi onvtula he puta ka atokowa anoli.

1. ATUK o yakohmi tok: a kaniohmi h_o antvt vba pit anumpuli tuk osh ont issa ma, nan im ai ithvna vhleha h_g achvft, Chitekaka ma! Chan vt nan im ai ithvna vhleha h_g im avchi tok a, chohmit pishno ma vba pit anumpuli ka, ish pim avchashke, im achi tok.

2. Mihma yvmmak ash ot, Uba pit hvsh anumpulikmvt, Piki vba ish binili ma! Chi hohchifo hvt holidopashke. Ish apeblichika yvt vlashke. Nana ish aiahni ka vba y_a a yohmi kv_t yakni ilvppak ma a yohmi makinlashke.

3. Nitak mōma ilhpak vt a pim vlvpiesa mak o nitak osh nitak ma ish pihimashke.

4. Mikmvt il ai-ashvchfika puta ka ish pi kashofashke: pishno mvt kvna kia abeka pin takalikma, il i kashofi bano hoke: micha anukpulika imma hokvno ik iba chukowá, chik pim ahno kashke; amba nanokpulo y_a ish pi a hlakofihin-chashke, hvsh achashke, im achi tok.

5, 6. Mihmvt yvmmak ash ot, Hvsh katima kak osh chi kana hvt a_{sha} tuk osh, ninak iklvna h_o ayvt ish onvt, A kana hvt nowvt a_{ya} tuk osh vm vla h_o, nana kia itikba ma talali la hi vt ik svm iksho hoka, pvska tuchina ka is sam potashke, a kana ma! ish im achi;

7. Yohmikma aboha anukaka y_a auet ai afalaminchi kv_t, Chik svm ahchibalo kia, himak ano okhissa vt vlvkama h_o, vm vlla vt si apihvt topa h_g kahvt m_{ya} ka, tani lish chima la he keyushke, auet chim achi;

8. Yohmi tuk kia i kana hatuk ak osh tani cha, ipeta he tuk keyu kia, amba yvmmak ash osh im ahchivchi fehna kak o tani cha, laua kv_t kaniohmi h_o bvnnakma, ima hinla hoke, hvchim achi lishke.

9. Yohmi ka hvsh asilhhakma, hvch ima he: hvsh hokyomvt, hvsh ahayucha he: hvsh sokohakma, hvchin tiwa hi oke.

10. Asilhha aiyuka hokvto habena hoke; mikma kvna

hosh hoyo hokvto, ahayuchi hoke: micha kvna hosh sokohakma, in tiwa pulla hi oke, hvchim achi lishke.

11. Hvsh kanima kvt iki atuk o, ushi vt pvska im asilhhakma, yvmmak ash tvli yo ima hinla? keyukmvt nvti yo asilhhakma, nvti a he tuk ash sinti yo ima hinla ho?

12. Yvmmak keyukmvt, akak-ushi lobunchi yo asilhhakma, halambia ho ima hinla ho?

13. Yvmohmi ka hvchishno vt hvchi ai vhpesa keyu kia, hvchim vlla ya nana achukma puta ka isht ima hokvto hvchimponna ka, hvch iki vba binili kvt i shaiyahlit, kvna hosh im asilhhakma, Shilombish Holitopa ya ima hinla keyu cho? im achi tok.

14. Mihma yvmmak ash ot ik anumpulo yo nan-isht ahullo okpulo ya a kohchit anta tok. Atuk o yakohmi tok: nan-isht ahullo okpulo vt a kohcha mvno, ik anumpulo ash ot anumpuli tok; mihma okla hvv anukhlakancha tok.

15. Yohmi kia kanimi kvto, Ilvppvt nan-isht ahullo okpulo puta i miko Beelsebvb ak o nan-isht ahullo okpulo puta ka isht kocha weli hoke, achi tok.

16. Mihma inlaka mvto imomaka pisa kvv, nan-isht-atokowa kvv vba a minta hi a im a hoyo tok.

17. Yohmi kia yvmmak okvt nana im anukfila puta ka ithana hatuk osh, Apehlichika achvfa kvv it a kashapvt ilapo ash inli it im i sanali hokvt, ont aiokpulokvt taha hoke: mikma chuka yvt ita kashapvt ilapo ash inli it im i sanali hokvt, akvma hoke.

18. Setan ak kia ita kashapvt ilapo ash inlit il im i sanali hokmvt, im apehlichika yvt katiohmi hosh talaia hinla cho? vno vt Beelsebvb ak o nan-isht ahullo okpulo puta ka isht kocha weli li ho hvsh miha hoka,

19. Yohmi ka vno vt Beelsebvb ak o nan-isht ahullo okpulo puta ka isht kocha weli li hokma, hvch iso vhleha hvto kvta hak o yvma isht kocha weli cho? Yohmi hoka yvmmak osh na hvchim apesa yashke.

20. Amba vao vt Chihowa ibbak-ushi o nan isht ahullo

okpulo puta ka isht kocha wihinli li hokma, yohmi hok-
mno, Chihowa apelihika yvt huchina vla mak oke.

21. Hatak hlampko yosh na-halupa ai im vlhtaiyaha hosh
in chuka apesvchi hokvno, nana kvv ai yubaka hoke.

22. Amba kullo kvv ilapo a i shahli hosh ant i kohohvt,
imayachi hokmak osh, i na-halupa ai anukchieto tuk ash
mominchit im ai eshi cha, nana immi hatuk ash inla im it a
kvshkoli chatuk oke.

23. Kvna hosh vno a svb ai achvfa keyu kvv vm i sanali
hoke: mikma kvna hosh svba hoyo keyu hokvto na fimmi
yoke.

24. Shilombish okpulo yvt hatak a kohchakmvt, a foha
he hoyot haiaka oka ik ai iksho puta ka hlopullit aya kia ik
ahayucho mvt, An chuka ai vttvt kohchvt a minti li kash osh
falamvt ia lashke, achi hoke.

25. Atuk osh onakmvt, yvmmak ash ot pshpvt shemvt
taiyaha cha hikia ho, ont pisa hoke.

26. Yohmikmvt shilombish okpulo untuklo inla yvt ok-
pulo kvv ilapo a i shahli ho ont pehlichit vla na, yvmmak
ash okla pit abeha cha, aiasha hoke; yohmikma hatak yvm-
ma nana kvv ont ai-isht im ai yopa kak osh ik achukmo kvv
vmmona tuk ash i shahli hoke, im achi tok.

27. Atuk o yakohmi tok; ilvppa anumpohonli moma ho,
ohoyo achvfvv okla takla hikia tuk vt chitoli hosh mihvt,
Ikfoka yvt yvmmak osh chisht aya tuk, mikma i pishi ma
ish a pihishi tuk a aiena kvvto holitopvshke, im achi tok.

28. Yohmi kia yvmmak ash ot, Ahli, na-yukpa aighi
kvvto Chihowa im anumpa ha haklo cha, im antia hak oke,
achi tok.

29. Atuk o okla hvv itahobvt ant a laua fehvt taha ma,
Hatak himonasi gsha ilvppvt ai vlhpesa keyushke; nan-isht
atokowa okla hoyo; yohmi kia nan-isht atokowa nana hosh
in takala he keyu, amba hopaii Chonas nan-isht im atokowa
kak a hi oke.

30. Chonas vt Ninefeh okla ha isht ai im atokowa tok a,
Hatak Ushi mvt hatak himonasi gsha ilvppa ai in chiyuhmi
makinla hi oke.

31. Nana v_lhpisa chinto nitak okvno oka-mahli ohoyo miko vt hatak himonasi a_sha ilvppa awant hikia cha, atokowvt anumpa onocha hi oke; y_ummak okvto yakni ont ai v_hli pilla vtvtv_t minti kv_t, Solomon isht im a hopoyuksaka ya haklot aya tok okvt; atuk o yakeh! Solomon a imaiya mak osh ilvppa ahantvshke.

32. Nana v_lhpisa chinto nitak okvno Ninefeh okla hv_t hatak vt himonasi a_sha ilvppa iba takla wakayvt hiohmavvt, atokowvt anumpa onocha hi oke; y_ummak okvto Chonas vt vbanumpa ont isht im anumpohonli ma, ile kostininchi tok okvt; atuk o yakeh! Chonas a imaiya mak osh ilvppa ahantvshke.

33. Hatak nana ak osh p_vla ha p_vlali kv_t a lumaka ho talali chatuk keyu, keyukmv_t tanchi isht-v_lhpisa nutaka yo talali chatuk keyu, amba kv_na hoh kia ant chukowakmv_t tohwikeli ka pisa ch_i ka, p_vla ai-o hikia ak o o hilechi chatuk.

34. Haknip a i p_vla hv_t nishkin ak oke: yohmi hoka chi nishkin vt achukmakma, chi haknip ak kia momvt tohwikelit alota hoke; amba chi nishkin vt okpulo yokmvno, chi haknip ak kia ai okhlilikvt kvnia hoke.

35. Yohmi ka ahah! ish aiahni na na tohwikeli kv_t a chi foyuka y_ummvt ik okhlilo kashke.

36. Y_umohmi ka chi haknip vt im a kanima kv_t ai okhli-likaa iiksho hosh tohwikeli banot alotowa hokma, moma kv_t tohwikelit alotowa kv_t, p_vla lua achukma kv_t chim a tohwikelichi chatuk a a_schiyuhma hinla hoke, achi tok.

37. Y_umohmit anumpohonli moma na Falisi achvvt, y_ummak ash ot ont ibai impa hinla ka im ahni tok: mihma ont chukowa cha, impa ch_i hosh binili tok.

38. Yohmi ma Falisi ash ot pisa mv_t, ik impo kisha kv_t ibbak ik ahchifo ke tuk a, okokko! aiahni tok.

39. Mihma Chitokaka ash osh, Falisi hvchia hv_t isht-ishko micha ampo aiena ka paknaka yokvno hvsh kashofishke: amba hvchi anukaka yvto na wehpuli, micha nan ik ai v_lhpeso banot isht hvchi alotovshke.

40. Nan anukfila iksho hvchia ma! nana ka paknaka ya ikbi mv_t, anukaka yak kia ikbi akinli tok keyu cho?

41. Amba yohmi kia nana hvchim gsha kvv hvsh habenv-chashke: yohmikma yakeh! nana puta kvv a hvchim vlv-pesa bano hoke,

42. Amba Falisi hvchia ma! na hvchi palvmmi mak oke, mint, michalu, mikmvt haiyukpolo ilaiyuka puta waya it a kashkoa ont isht pokoli kak osh hvchi kvnia, mikmvt nana ai-vlhpiesa ka, micha Chihowa holitobli aiena hokvno hvsh vbanvbli hoka: ilvppak o a hvchi yvmohmi ha yosh, anonti yvmmak ma hvch ik a haksecho ka hetuk oke.

43. Falisi hvchia ma! na hvchi palvmmi mak oke, sinakak puta anukaka aiasha holitopa puta, mikmvt ilbpak a kanchi ai it aiokpvchi aiena kak o hvchim ai achukma hoka.

44. Na-holissochi vhleha, micha Falisi okla aiena nan-ilahobi hvchia ma! na hvchi palvmmi mak oke; a-hollopi vt otani keyu ho, hatak vt a nowvt vbanopoli kia, yvmvvt ik akostinincho chatuk g hvch itilau hoka, im achi tok.

45. Mihma nan-vlhpisa ithvnanchi vhleha hvv achvfvv afalaminchit, Nan-ithvnanchi ma! ilvppa yak ish achi kvv pishno g aieninchit nan isht chik pi ahobaloshke.

46. Mihma yvmmak ash ot, Nan-vlhpisa ithvnanchi hvchia ma! hvchishno ak kia na hvchi palvmmi mak oke; nana weki shali ka palvmma hinla ho hatak g hvsh shalibinchi mvt, hvchishno yak okvto nana weki ash hvch ibbak ushi achvfvona kia ishit hvch ik potolo hoka.

47. Na hvchi palvmmi mak oke: hopaii puta ka hvchin tikba vhleha hvv vbi tok g i sepulka yo hvsh ihikbi hoka.

48. Hvchin tikba vhleha hvv yvmmak oka ahambi mvhli ma, hvchishno vt i sepulka puta ma hvsh ihikbi kvv, hvchin tikba vhleha hvv nana a kaniohmi tok g hvsh im ahninchit kvv isht atokowa mak o hvsh ieshi mvhlishe.

49. Yvmohmi ka Chihowa i hopoyuksaka yak kia yak vchi tok. Hopaii vhleha, micha vbanumpeshi vhleha aiena ka pit in tihlihini likma, kanima ka vbikmvt, anonti issikko-pali aiena he;

50. Yohmi na yakni vt toba tok taiyakla ka hopaii vhleha im issish vt hlatahampa tok moyuma ka, himonasi hatak abashwa ilvppak o im a hoyu hi oke.

51. Ebel g im issish a tok g ai vhlit mihintit Sakalais al t a micha t e m p e l i t i n takla ai vbi tok issish ak o ant ai vhli ymmak o himonasi hatak aiasha ilvppak o im a hoya he mak oke, aiahli mak o hvchi miha lishke.

52. Nan-vlhpisa ithvnanchi hvchia ma ! na hvchi palvmmi mak oke ; nan-ai-ithvna isht tiwa yg ishit hvsh kanchi hoka : hvchishno ak kia pit hvch ik chukowokmvt, inla yvt pit abeha he tuk g hvsh ataklahgmishke, achi tok.

53. Ilvppa puta ka isht im ahanchi moma na na holissochi vhleha micha Falisi vhleha aiena kv t a tushpalechit, yvmmvt nana ilaiyuka miha he tuk, okla achivvchi ho fehna mvt,

54. Nana kia itakha a kohchvt miha na haklot nan-vlhpisa isht onocha he bvna hosh okla im aiechi tok.

CHAPTA XII.

Chisvs vt nan-im ai ithvna vhleha ha nana ka peh ilahoba he imma hokvno ahah ! okla ahna chi ka i miha, 1 ; 13 yohmi mvt nan im ai ithvna vhleha hv chukvsh g nan ilaiyuka isht ik asitio ka chi ka, hatak nan in laua yosh nana ai isht ilaiyukvvt ahanta tuk o, nan illi hv ashajka a mokofit ishi tok, nan isht vlhpisa ha isht im anumpuli. 22 Chisvs vt nan im ai ithvna vhleha ha yakni paknaka nana a kaniohmi puta hokvno chukvsh isht ik anushkunno ka hi g i miha ; 31 micha hatak shilombish okchaya he ak o na tikba anukfihinli ; 36 yohmikmvt Chitokaka yvt aya hi g, tikbanli im vltaba he puta ka isht im anumpuli. 54 Chisvs vt okla ha, ilap ak osh Klaiat mak atuk g ik akostinincho ka, nan isht i miha ; yohmi mvt Chihova ha itj nanaiya pulla hi g i miha.

1. YUMOHMI ai itin takla ma, okla laua kv t atampa fehna hosh itvnaha, yumohmi cha ilap bika okla it i hvlihinchi ma, yvmmak ash ot nan im ai ithvna vhleha hash, Falisi vhleha i pvska isht shatvmmi, yvmmvt nan-ilahobi yak oka, ik kaniohmi kia ahah ! hvsh aiahnashke.

2. Nana kv t ompoholmo tuk vt ik wakamo ka he, mikma nana kv t luma tuk vt ik otaiyano ka he aiena kv t ikaho ka hi oke.

3. Yvmohmi hoka nana hō aiokhlilika yā hvsh ai anūmpohonli tuk ma, a tohwikeli yō a hakla he; mikmvt hakso-bish ont tikelichit abohushi anūkaka yō hvsh ai anūmpohonli tok ma, aboha paknaka puta ma ai annoa hi oke.

4. Yohmi ka ā kana hvchia ma! Haknip ā vbi kia, himmakma nana hō a kaniohma he mvt ik im iksho yummak okvno hvch ik ī nukshopo kashke, hvchim achi lishke.

5. Amba kvna hō hvsh ī nukshopa he okvno hvchim anoli lashke; Illichi ha mvt, ai-okpuloka yā pit kancha hi vt im vlhpiesa yummak o hvsh ī nukshopashke; ahli, Yummak o hvsh ī nukshohompashke, hvchim achi lishke.

6. Hushi chipunta tahlapi kv̄t sint tuchina hō ai vlbi chatuk keyu? Yohmi kv̄t yummak okvt achvfona kia Chihowa itikba yā ai a haksi keyu chatuk oke.

7. Yohmi ka hvchishno hvchī pashi puta noshkobo ai o hieli kak kia moyumvt holhtinvt taha yoke. Yohmi hoka ik hvchi nukshopo kashke; holitopa kv̄t hushi chipunta laua ka hvsh ī shahli hoke.

8. Kvna hosh vno ā hatak itikba yā Klaist oke, si achit si ahninchi tuk ma, mihi yō Hatak Ushi vt Chihowa im enchil puta itikba ai ahninchit, Ūm antia yoke, achit aiokpvcha he akinli hoke.

9. Amba kvna hosh hatak puta itikba vno ā ik si ahniechot, Ahalaiā li keyu, achi tuk ak o, mihi yō Chihowa im enchil itikba ya ik ahniechot ik ahalaiyo ka hi oke.

10. Mikma kvna hosh Hatak Ushi a na mihachit anumpuli tuk okvto, ī kashofa he; amba kvna hosh Shilombish Holitopa ak o ik ahobalot anumpuli tuk okvto, ī kashofa he keyu kv̄mohmi hoke.

11. Micha sinakak puta, mikmvt mīko vhleha, mikmvt nan apesa puta ka hvch isht im ai onakma, kaniohmi hosh, micha afalaminchit nana ka hvsh anumpula he aiena kv̄t hvch ik anukfillo kashke.

12. Nana hō hvsh acha he vlhpesa ka Shilombish Holitopa ak osh hvshi kanvli yummak fehna akinli ka hvchim anola hi oke, hvchim achi lishke, im achi tok.

13. Mihma okla hash ot achvfot, Nan-ithenanchi ma!

itibapishi li ha ish i miha na, nana kv̄t vlhtoshowvt pibbak
 a pi fohka tuk a a kashvblashke, im achi tok.

14. Mihmvt, Ahah! hvsh aiahni cha, nan in laua b̄vna
 hvchim apesa yokmá, keyukmvt nana hvchi itakvshkoli
 yokmá, nanta h̄o sakbi tok oh cho? im achi tok.

15. Mihmvt, Ahah! hvsh aiahni cha, nan in laua b̄vna
 ya hvch ik ahalaiyo kashke: hatak vt nana kv̄t laua h̄o il
 aieshi kak o im ilhfiopak vt takali h̄o keyu hoke, im achi tok.

16. Mihmvt okla hash nan-isht v̄lpisa h̄o isht im anum-
 pulit, Hatak nan in laua achvfa hosh im osapa yvt nana
 waya fehna tok.

17. Mihmvt, Nana a waya puta ka kanima ai ashachi la
 hi vt ik svm iksho kv̄to, nanta ak o katiohmi la chi cho?
 achit il anukfilli tok.

18. Mihmvt, Ilvppak o yakohmi lashke; an tanchi in
 chuka yak o yuhli lish, chito i shahli h̄o ikbi lashke: micha
 yvmak o a nan a waya, micha na hochukma puta ka mo-
 minchit ashachi lashke.

19. Mikmvt sa shilombish a, Sa shilombish ma! na ho-
 chukma laua kv̄t afvmmi laua taha he v̄lpesa ka achukmalit
 ashachit chin tahlishe; peh nan ik pilesot fohvt, impvt,
 nan-ishkot, nan isht ish ilaiyukpashke, im achi lashke, achi
 tok.

20. Yohmi kia Chihowa yokvto yvmak ash, Ik hopo-
 yukso chia ma! chi shilombish a falaminchit himak ninak a
 chim a hoya chi hoke; yohmikm̄vno nana ish atahli tuk
 amo kv̄ta h̄o immi ha chi cho? im achi tok.

21. Yohmi ka kv̄na hosh na hochukma puta ma ilap inli
 isht im atahlit ahanta hosh, anonti Chihowa ai imma hokvno
 nana kv̄t im vlhtaiyaha tuk keyu kv̄t yvmak o chiyuhmi
 hoke, achi tok.

22. Mihmvt nan im ai ithvna v̄hleha hash, Yvmohmi
 hoka hvchi ai okchaya hi a nana h̄o hvsh pa he; mikmvt
 hvchi haknip ma nana h̄o hvsh fohka hi a anukfillit hvch ik
 ilbvsho kashke, hvchim achi lishke.

23. Okchaya kv̄t holitopa kv̄t ilhpak a i shahlikma,
 anonti haknip vt holitopa kv̄t na fohka ya i shahli hoke.

24. Fula chito puta ka anukfillit ho pesá: yvmmak okvt nana kia hokchi cha vmo hō keyu: mikmvt yvmmak okvt vlpoyak in chuka, micha kanchak aiena kia im asha keyu hō, Chihowa ak osh ipeta hoke. Holitopa kvto hushi puta ka katiohmit isht hvsh i shahli hō?

25. Yohmi ka hvsh katima kak osh anukfihinlit isht ilbvsha kvt hvchi chaha ka k u b i t achvfa kia hvsh il achakala hinla cho?

26. Nana kvt moma ik a lauwo hoka hvsh yvmihcha he keyu kvt, nanta katiohmi hō inla yokak heno anukfillit hvsh pisa cho?

27. Lilli puta kvt katiohmit offot hofantit mahaya ka anukfillit ho pesá; yvmmak okvt toksvilit a hoyubli keyu: anonti nana hō shvnni keyushke: yohmi kia Solomon vt nan isht im a holitopa moma isht a shema kvt ilvppa achv-fona kia chohmi tok keyu, hvchim achi lishke.

28. Yohmi ka Chihowa hvv hvshuk himak nitak g kowi hā hiohmgya tuk osh, onna hā apalvska pit vlpita chī kia, shemvchi kvv yvmihchi kvto, hvchishno g i shahlichī hosh ik hvchi shemacho ka hinla cho? na yimmi fehna keyu hvchia ma!

29. Yohmi hoka nana hvsh impa he, mikmvt nana hvsh ishka he aiena kvv hvch ik hoyo kashke; mikmvt komuntvt ik hvchim anukfilo kashke.

30. Ilvppa chohmi puta kak o oklushi yakni paknaka aiasha kvv hoyo chatuk mak oke: ilvppa chohmi puta ka a hvchi bvna hokvno hvch Iki vt ithana hoke.

31. Yohmi kia amba Chihowa apelihchika yak o hvsh hoyashke; mikmvt ilvppa moyuma kvv a hvchim ibakaha hi oke.

32. Apehlichika 'yā hvch ima kvv im achukma hoka, chukfulhpoba āya ik lauwo hvchia mvt, ik hvchi nukshopo kashke.

33. Na hvchim asha kvv hvsh kanchi cha, ilbvsha yā hvsh habenvchashke: tvli holisso i shukcha yvmmak okvt nitak nana ont a sipokna he keyu, na-holitopa nitak nana taiyaha he keyu vt vba itonla; hukopa nana hosh ai i bilin-

cha he keyu, mikma shgshi mut okpma he keyu, yak o isht hvsh il atahlashke.

34. Kanima yo hvchim ilayak vt itonla hokma, hvchi ehukvsh ak kia mihi yo pit takanla hinla akinli hoka.

35. Il ai-vskufvchi ma isht il ai vskufvchit im vltahvt, pola puta mut hvchin lihimbashke.

36. Yohmikmut hvchishno ak kia hatak osh i shahli hvt ohoyo ipetvchi ia tuk osh falamvt vla chi, atuk osh vla cha sokqhakma, ashalika in tiwa chi cha, pit hoyo hosh aiasha ho hvsh chiyuhmashke.

37. Chitokaka yvt gyvt vlt, okchvt gsha na ont pisa ka, tishu vhleha yvmmvt na-yukpa mak oke: ahli mak o hvchim achi lishke, ilap ash osh nan isht il ai vskufvchit tahli cha, yvmak osh impa chi ka binohlichikmut, wakayvt nan isht im vtta hi oke.

38. Micha ninak kashapa ont atukla ho ayakma, keyukmut ont atachina ho ayakma, nana cha yvmohmit aiasha ho ont pisa ka, tishu vhleha yvmmvt nayukpa hi oke.

39. Hatak chuka chvfa pehlichu vt in chuka ahanta kvv hvshi kanvlli vlvpisa kaniohmi kak o hukopa yvt vla hi a akostininchi hokmut, atoni tuk osh in chuka yvt okpulot ik in tiwo ka hetuk a, ilvppa hvsh ithaiyanashke.

40. Yohmi hoka hvchishno mut, hvchim vltahashke: yvmak a he hvch ik aiashno hvshi kanvlli vlvpisa takla kia Hatak Ushi vt vla hi oke.

41. Mihma Pita yash ot, Chitokaka ma! nan-isht-vlhpisa ilvppa pishno ak okma, keyukmut peh moma kak o isht ish in anumpulikma, nanta cho? im achi tok.

42. Mihma, Yohmi kvno kvta hak osh nan-apesvchi aighi, mikmut hopoyuksa achukma aiena tuk o, mihi yo i shahli hvt ont ai-vlhpiesakma nan-vpa hvt ai inami ha he vlvpesa ka, ipihinta chi ka, ilap in chuka chvfa yash pehlichu ikba chi cho?

43. I shahli hvt gyvt vla kvv, yakohmi hosh ahanta na ant pisa ka, tishu yvmmvt na yukpa mak oke.

44. Ahli mak o hvchim achi lishke: Nana im gsha ka moma apesvchi o ikba hi oke.

45. Yohmi tuk kia tishu yvmmak ash osh chukvsh anuk-aka, A shahli hv̄t ai v̄la he tuk vt vbanv̄blichishke, achi cha, hatak toksvli puta, micha ohoyo toksvli puta aiena kash bolit, impvt, nan-ishkot, okishkot haksi aiena hosh ahanta tok muno ;

46. Tishu yvmma i shahli hash ot ilapvt yvmma pit hoyo nitak keyu, micha ik akostinincho ai itin takla hv̄shi kanv̄lli v̄lh̄pisa fehna h̄o ayvt v̄la cha, chanlit ita hokofit, nan ik yimmo v̄hleha yak o ai iba foyuka ch̄i ka im apesa hi oke.

47. Yohmikma i shahli nan ahni tuk a akostininchi hosh, ik il atahlokmvt, nan-ahni tuk ash kia yvmihchi keyu ke tuk tishu yvmmak ash ot fahama lava isht boa hi oke.

48. Amba ik akostinincho hosh nana ka isht a fuma he v̄lh̄pesa ka yvmohmi hokmvto, fahama ik lauwo h̄o isht fuma hi oke : k̄na h̄o lauachit ima tok ma, mihi yo laua h̄o im a hoyo hi oke : micha kanima h̄o hatak vt lauachit ibbak fohki tuk ma, mihi yo laua i shahli h̄o im a hoyo hi oke.

49. Yakni paknaka ya luak o ai yo bohyuli la ch̄i hosh aya li tok : atuk osh himonasi ak o lua hatuk bano, nana ka ai ahni lishke.

50. Yohmi kia baptismo isht a baptismo la ch̄i kv̄t vm asha : yohmi ka yvmmvt ont ai yvmohma ch̄i takla hokvno a palv̄m̄mi fehv̄shke.

51. Yakni paknaka ya a nanaiyv̄cha ch̄i hosh aya li tok o, hv̄chim ahoba cho ? Keyushke ; ita kv̄shkoli kak illa hoke, hv̄chim achi lishke.

52. Himak pillā ma chuka chv̄fa ka tahlapit ashvt it a kashapa cha, tuchina kv̄t tuklo ka i sanalikma, anonti tuklo kv̄t tuchina ka i sanala hi oke.

53. It i kanimachi cha, iki vt ushi a i sanalikma, anonti ushi atuk vt iki a i sanalikma ; ishki vt ushetik a i sanalikma, anonti ushetik atuk vt ishki a i sanalikma, anonti ipokni vt ipok a i sanalikma, ipok atuk vt ipokni a i sanala hi oke, achi tok.

54. M̄ilapvt anonti okla hash, Hv̄shi ai-okvtulaka boshon-tit kv̄ch̄i na hv̄sh pisakmv̄t, ashajika, Umbvt m̄ih̄m̄tishke, hv̄sh achi chatuk ; atukma yohmi mv̄hli chatuk.

55. Micha oka-mahli hosh mahlikma, Lushpa chishke, hvsh achi chatuk; atuk ma ont yvmohmi chatuk oke.

56. Nan ilahobi hvchia hoka, shutik, micha yakni aiena kvv pisa kaniohmi hokvno nan isht hvsh ai akostininchi hokak osh, amba katiohmi hq himak okvno nana ka hvch ik akostinincho cho?

57. Ahli, micha nanta katiohmi hq hvchishno akinli kvv nana vlpesa kvno hvch ik ithano cho?

58. Nan-vlpisa chi onochi ya awant miko ish im ona chj hosh ish aya kvv, takla ya, ai i hlakofi bvna kvv ish achunanchashke: yvmmak keyukma chi halvllit nan-apesa ya isht chi ai onakma, anonti nan apesa yash ot tishu ha ibbak g a chi fohki na tishu hash ot aboha kvvlllo ya chi fohka hiala hoke.

59. Iskvli ont isht aiyopi fehna ka ish atobbi hq keyukmvt, yvmmak oka ish kohcha he keyu hoke, chim achi lishke, achi tok.

CHAPTA XIII.

Chisvs vt ile kostininchit il aiasha he ak q pi miha, 1. 6 Fik vpi vna he keyu nan isht-vlpisa. 10 Nitak bullo yo Chisvs vt nan ithv-nanchit ahanta hosh ohoyo iksitopo ilbvsha ya hlakofichi; 15 micha vba yakni apelhichika, ya mvstvt nihi, micha pvaka isht shatvmnichia aiena kak q isht it apesa; 24 okhissa iaktinosi yvmma chukowa bvna kvv achunancha hi g, okla ha i miha. 31 Chisvs g Helot vt vbi bvna hatuk q, kohchvt kvna hiala ka, okla im ahni ma, nana hq im achi; anonti Chelusalem vt ont aiokpulokvt taha chj ka, itakonofvt mihinti ka, Chisvs vt tikbanli anoli mvt, isht yahaya.

1. YUMMA fehna ma kanimi kvv yvmma gsha tuk vt, Pailat vt Kalili hatak issish g okla vba pit isht aiokpvchi g ai itaiomi tuk g, im anoli tok.

2. Mihma Chisvs ash ot afalaminchi mvt, Kalili hatak osh yakohmi hokvt nan-ashvchi kvv Kalili okla ha mome i shahli atuk osh na yakohmi ka isht ai ilbvsha tuk q, hvchian ahoba cho?

3. Keyushke; amba hvchishno ak kia hvsh ile kostinini-chi keyukmvt, hvsh moma kvt ilbvshvt hvch illi akinla chi ka, hvchim anoli lishke.

4. Yvmmak keyukmvt Siloam a chuka chaha hikia tuk vt auah untuchina ka o kinafvv vbi tok a, yvmmak osh nan ashvchi kvv hatak Chelusalem asha moma ka i shahli ha tok a, hvchim ahoba cho?

5. Keyushke; amba hvchishno ak kia hvsh ile kostinini-chi keyukmvt, hvsh moma kvv ilbvshvt hvch illi akinla chi ka, hvchim anoli lishke.

6. Nan-isht-vlhvpa ilvppakma isht anumpuli tok: Hatak achvfa hosh f i k vpi vt osapushi anukaka ya im a hollokchi tuk osh ona cha, vni a a hoyo tuk osh, ik ahayucho ki tok.

7. Mihmvt im osapushi apoksiachi ash o, Inta! ilvppvt afvmmi atuchina mak o f i k vpi ilvppa vni a hoyo kvv aya li hosh ak ahayucho bekvshke: chanlit akvchi; nanta katiohmi ho hikivv yakni a ai okpvvini-chi cho? im achi tok.

8. Mihma yvmmak ash ot afalaminchi mvt, Chitokaka ma! himak afvmmi achvfa takla hokvno ant hikia na, kullit apakfoplit, yakni achukmali ya isht apolichit tahli li hayashke.

9. Yohmi na vnit waya hokmvno, vlvpa: amba keyukmvno, yvmma misha pilla mak o chanlit ish akvchashke, im achi tok.

10. Mihmvt nitak hullo yo yvmmak ash ot nan ithvnan-chi hosh sinakak achvfona ka anta tok.

11. Mihma ohoyo hot shilombish okpulo nan iksitopochi vvt ai i f i k vpi tuk a afvmmi auah untuchina hosh, kochofvv kvnia, ka vohmit il apissalecha he keyu kvvohmi hosh anta tok:

12. Atuk o Chisvs vt yvmmak ash pisa mvt, pit i howa cha, Ohoyo chia ma! nan ik chi ai iksitopo ka ish ai i mokofa mak oke, im achi tok.

13. Mihmvt yvmmak ash o ibbak ita taklonchit isht umbitepa tok: mihma yvmmak ash ot mihmakini ho apissvt taha mvt, Chihowa ha holioblichit tok.

14. Mihma sinakak a apesvchi ash ot, Chisvs vt nitak

hullo y_o hlakofichi ka im okpulo fehna hatuk osh, okla hash, Nitak hannali kak o hatak vt a toksvla he vhpesa kvt ashvshke: yohmi ka nitak hullo ak a he tuk keyu; yohmi hoka yvmma ai itintakla kak o ai vlvv hvchi hlakofashke, im achi tok.

15. Yohmi ma Chitokaka yash ot afalaminchi mvt, yvmmak ash, Peh nana ilahobi chia hoke: hvsh moma kvt nitak hullo a ch_i wak toksvli okmá, keyukmvt chim issuba hakso-bish falaia okmá, nana kvt ai ilhpitta y_a talakchit hikja tuk a i hotofi cha, halvllit oka ipetvt ish ia chatuk keyu?

16. Yohmi ka ohoyo ilvppvt Eblaham ushetik atuk o, Setan vt takchit ishi tok a, ilvppvt afvmmi auahuntuchina hatuk a, nitak hullo y_a isht talakchi tuk vt ai i holhtofa he vhpesa keyu cho? im achi tok.

17. Mihma ilvppa yvmmak achi ma, i sanali vhleha hash ot momvt hofahya tok; mihma nan isht a chinto a puta ka yvmihinchi ka okla hvv momvt na yukpa tok.

18. Mihma yvmmak ash ot, Chihowa ap ehlichika yvt nanta hak o hoyulba? yohmi ka nanta hak o isht it apesa la ch_i cho?

19. Mvstvt nihi achvfa h_o hatak vt ishi cha, im osapushi a pit a pila tok o, offot hofantit mggyvt, iti chito tovt hikia tok: yohmi na vba hushi puta kvt naksish puta ka ant ai o binohonli tok mak o chiyuhmi hoke, achi tok.

20. Mihmvt anonti Chihowa ap ehlichika y_a nanta hak o isht it apesa la ch_i cho?

21. Pvska shatvmmichi y_o ohoyo hvv ishi cha, tanchi pushi isht vhpisa tuchina h_o a yvmsvlich_i tuk o, momvt shatvmmit taiyaha tuk mak o holba hoke, achi tok.

22. Mihmvt tvnaha puta, micha tvmahushi aiena ka hlopullit gyvt nan ithvnanchit, Chelusalem imma ia hosh gya tok.

23. Mihma achvvt, Chitokaka ma! Achafea kak illa hosh okchaya hi oh cho? im achi tok.

24. Mihma yvmmak ash ot, Yichina fehvt okhissa iskitini a chukowa hvchi bvnashke; chukowa bvnvt pisa kia, nan ik kanikamo ka ch_i kvt lava hoke, hvchim achi lishke.

25. Chuka chufa pehlichy yvt kaniohmi ho wakayvt, okhissa ya okhishta ha ma, kocha ya hvsh hiohmayvt, okhissa ya sokohvt, Chitokaka ma! Chitokaka ma! ish pin tiwashke hvsh achi kia, yummak ash ot afalaminchit, Yummak o minti, ahnit hvch ithana li keyu.kvt, hvchim acha hi oke.

26. Yumma fokakma hvchishno ash ot, Chi tikba ya ai impvt, nan ishkot il aiasha chatuk: yohmi ma chishno vt pin tumaha itin takla ya nana ish ai ithvnanchi tok mak oke, hvsh acha he.

27. Yohmi kia yummak ash ot, Yummak o minti, ahnit hvch ithana li keyu hoka, nan ai vhpesa keyu puta ka a yohmi hvchia hvt, momvt hvs sa filvmmashke, hvchim achi lishke, acha hi oke.

28. Yohmikma hvchishno yokvno kocha hvchi kanchi na, Eblaham, micha Aisaak, mikmvt Chekob, micha hopaii puta ka a moyuma hokvto Chihowa apehlichika ya suet aiasha na hvsh pisa he, yumma fokak mak osh yahayvt noti a vpt hvsh aiasha hi oke.

29. Mikma hvshi akochaka imma, micha hvshi ai okvtula ka, mikmvt falvmmi, micha oka mahli aiena ka a mihintit Chihowa apehlichika im ai-impay ya ai a binohla hi oke.

30. Mikma yakeh! ishtaiyopi tuk vt mihi yosh na tikba hi oke, mikma na tikba tuk vt mihi yosh ishtaiyopa hi oke.

31. Mih-nitak fehna akinli ka Falisi kaniohmi kv ai vla cha, Ilvppa a kohchvt kanima ish iashke; Helot vt chiba he ahna hinla hoka, achi tok.

32. Mihma yummak ash o, Oh ia cha, chula yumma ont oh im anoli; Himak nitak, micha onna ha aiena kvno nanisht ahullo okpulo puta kocha weli, micha haknip ik in chukmo puta ka hlakofichi aienvt ahanta li tuk osh, nitak ont atuchinakma, nana ka aighlit ont vm ataiyaha hok mak a hi oke.

33. Yohmi kia himak nitak, micha onna ha, anonti nitak ont atuchina kvno, nowa li pullashke; hopaii atuk vt Chelusalem keyu ka ai illa he keyu hoka.

34. Chelusalem, Chelusalem hopaii vhleha vbi, micha suet

chin tihleli tuk ǵ tǵli ishit boli chia ma! akǵaka yosh ushi vhleha hǵ sanahchi nuta yǵ pit ai itahobi chatuk mak ǵ, chiyuhmit chim vlla vhleha hǵ itahohombi la he, aiahni li tuk nana kia, hvchishno ak osh vhpesa hvch ik aiahno hokvno,

35. Yakeh! hvchin chuka yǵt hvchin chuk-ǵlissǵvt taiyaha mak oke. Yohmi hoka aighli mak ǵ hvchi miha lishke; Chitokaka ǵ hohchifo mak ǵ ǵya kv̄t holitopvshke, hvsh acha chǵ ka, ont ai vhpiesa keyukma, hvch ik sa peso ka chǵ hoke, im achi tok oke.

CHAPTA XIV.

Chisvs vt, nitak hullo nitak ǵ hatak nipi shofohli isht abeka yǵ hlakofichi, 1: 7 hatak im anukfila kv̄llo vhleha hv̄t im anukfila hǵ akanloecha hi ǵ, micha nan in laua vhleha hv̄t ilvsha yǵ ǵ kana he aiena ka im av̄chi. 15 Opiaka impa chito ǵsha tok isht vhpisa. 25 Chisvs ǵ nan im ai ithvna e toba chǵ hokmv̄t, yvmmak ǵ e holitobli hatuk mak osh pishno vt ile kaiyanchit, nana fehna hatuk kia il issa hinla hatuk puta ka, yvmmak okvt nan isht vhpisa ilai yuka hǵ isht a pim av̄chi.

1. ATUK ǵ yakohmi tok; nitak hullo yǵ impa chǵ Falisi mǵko vhleha achvfa kǵ in chuka yǵ pit chukowa ma, okla apesvchi tok.

2. Yohmi ma hatak achvfa kv̄t haknip oka atoba ililli hǵ isht abeka kv̄t itikba yǵ ǵsha tok.

3. Mihma Chisvs ash ot na mihvt, nan-vhpisa ithvnanchi vhleha, Falisi okla aiena kash im anumpulit, Nitak hullo yǵ na hlakoficha he ai vhpiesa hoh cho? achi tok.

4. Mihma nan ik achot mǵya tok. Mihma yvmmak ash ishi cha, hlakofichi mv̄t, kanima ia chǵ ka, im ahni tok.

5. Mihmv̄t okla hash im anumpulit, Hvsh katima kak osh hvchim issuba haksobish falaia okmǵ, keyukmv̄t wak toksvli okmǵ, nana kv̄t yakni chiluk hofobi ǵ pit itula ka, ashaliǵa nitak hullo nitak ǵ halvllit hvch ik kohcho ka hinla cho? achi tok.

6. Yohmi ma anonti ilvppa puta ka okla ai isht im afalamincha he keyu ki tok.

7. Mihma im annoa tuk vhleha hut aiasha holitempa kak o hoyot a binohli na pisa mvt, nan-isht vlpisa hg takalichit,

8. Ohoyo ipetvchi ish gya hi g, kvna hosh chim anoli tuk ma, aiasha holitopa i shahli ka chik binilo kashke; hatak holitopa kvt chishno g chi shahli kia yummak ash ot im anoli tuk a hinla hoke.

9. Atuk o chim anoli tuk, anonti yvmma im anoli tuk yummak ash ot ita tuklot vla cha, Hatak ilvppak osh ik aiashá, chim achikma, chi hofahyvt aiasha ik a lauwo kak o ish a binila hinla hoke.

10. Amba chim annoakmvt ivt, aiasha ik a lauwo kak o ish a binili tuk o, na chim anoli tuk ash ot vlakmvt, A kana hut chaha i shahli kak o pit oiyá, chim acha hinla hoke: yohmikma chibai impvt maya yvmma ish ai i holitopa he mak oke.

11. Kvna hosh ilefehnvchi hokvto aka ona he; anonti kvna hosh ik ile fehnacho hokvto holitopa hi oke.

12. Yohmi mvt ilapa hoyo tuk ash kia, Tvbokoli impa yokmá, keyukmvt opiaka impa yokmá, nana ho ish ikbi kv, chi kana vhleha, micha ish itibapishi vhleha, mikmvt chi kanomi vhleha, chin chuka panta hatak nan in laua puta kia chik hoyo kashke; yummak keyukma, ilapo mvt chishno g chi hoyo hinla hoke: yohmikma nana ho, ish yvmihchi tuk g ai itilauit chim vlhtoba hi oke.

13. Amba impa chito ish ikbikmvt, ilbvsha, imomokpulo, kinafa, lva aiena kak o ish hoyashke.

14. Yohmikmak osh na chi yukpa hi oke: yummak okvto chishno ma afalaminchit ai itilauचित chi yvmihcha he keyu hoka: hatak vlpesa illi puta kv tanik mak o yummak atuk g falamvt pit ai itilauit chim vlhtoba hi oke, im achi tok.

15. Mihma ai ibai impvt maya tuk ash o achvvt ilvppa puta ka haklo mvt, Chihowa apehlichika yg paska ai vpa kak osh mihi hosh na yukpa hi oke, im achi tok.

16. Mihma yummak ash o, Hatak achvfa hosh opiaka impa chito fehna ka ikbi cha, lauvt gya chi ka, im anoli tok.

17. Atuk ash opiaka impa ont ai vlpesa ma, im annoa

tuk vheha hash, Himak ano nana moma kv̄t vltahvshke, he minti, im acha ch̄i h̄o, in tishu h̄a chvffichi tok.

18. Mihma moyumvt im anukfila achvfa ohmit taha mvt, okla nan isht ile mihachit isht ia tok. Ummona kv̄t, Osapa iskitini ȳo chumapa li tuk osh, yvmama pisvt ia la he vhpesa hoke; vno yokvno ik ayo mak kia ba is sv̄m ahna hi a chima asilhha lishke, im achi tok.

19. Mihma inla mvt, Uno vt wak toksvli y o k tahlapi h̄o, chumapa li tuk osh, ivt kaniohmi hatuk okma pisa la ch̄i hatuk oka, vno yokvno ik ayo mak kia ba is sv̄m ahna hi a chim asilhha lishke, achi tok.

20. Mihma anonti inla hosh, Uno vt ohoyo itauwaya li; yohmi hatuk osh aya la he keyushke, achi tok.

21. Yvmohmi ma tishu yvmmak ash ot vla cha, i shahli h̄a ilvppa puta kash ant im anoli tok. Mihma chuka yvmama pehlich̄i ash ot im okpulo mvt, in tishu hash, Tushpvt kohchvt ivt tmaha itin takla hina hochito, chipunta aiena ka ayt, ilbvsha, micha imomokpulo, mikmvt kinafa, micha lva aiena ka pehlichit ilvppa isht ish lashke, im achi tok.

22. Atuk o tishu hashot, Chitokaka ma! chishno nana ish ai apesa tuk ano, ont aighlit taha akinli kia, aiasha vt gsha momvshke, achi tok.

23. Mihma i shahli ash ot tishu hash, Kohchvt ivt, haika hina bvshkvchi, mikmvt kv̄ti holihta anpkaka aiena puta ka ayt, ilvppa vla ch̄i ka, ish atushpalechi na an chuka vt alota mak inlashke,

24. Im annoa tuk vheha hatuk yvmmak amo achvfa kia vm opiaka impa ȳa iskitinosi kia ai vpa he keyu mak oke, hvchim achi lishke, im achi tok, im achi tok oka.

25. Atuk o okla lava fehna hosh apehvt aya ma, yvmmak ash ot filema cha;

26. Kvna hosh ayt vm vla kv̄t, iki, micha ishki, mikmvt tekchi, mikmvt im vlla, anonti ilap itibapishi, mikmvt in tek vheha aiena, mikmvt im ilhfiopak akinli aiena kak kia, i nukkilli keyu hokvto, nan vm ai ithvna a he keyushke.

27. Micha kvna hosh im iti-taiyukhona ya shoyuli cha, sikaiya keyu hokvto, nan vm ai ithvna a he keyushke.

28. Hvsh katima kak osh chuka chaha ikba he ahni kvv, vmmona ka aka binilit, Tahli la hinlakmá, nanta cho? ahnit ai-vlhtoba he ma hotinvv ik peso ka hinla cho?

29. Yvmmak atuk keyukmvt nutaka in tola ya bohli ha yosh, anonti atahla he keyukma, yvmmak atuk ash pisa kvv momvt isht itukhlakavv,

30. Hatak ilvppvt itvbvnnit isht ia tuk ak osh, atahla he keyu ke tuk, acha hinla hoke.

31. Yvmmak keyukmvt miko nanta ak osh miko inla yo it in tanampa chi kvv, vmmona ka aka binilit, ilavv tahlepa sipokni pokoli ishi kvv, tahlepa sipokni pokoli tuklo pehlichhi hosh i kohcha ka, amokvfa he vlhpesakmá, nana kvv anuk-fillit ik peso ka hinla cho?

32. Yvmmak keyukmvt, achvfa yash ot hopaki pilla avv takanli moma kak inli hv itin nanaiya ka ahnit, anumpa shali a pit chevichha hinla hoke.

33. Yohmi ka yvmmak o chiyahmit, hvchishno vt hvsh moma kvv nana hv hvchim gsha tuk vt mominchit hvsh issa keyukmvt, nan vm ai ithvna hvchia ha he keyu hoke.

34. Hvpi vt achukma hoke: yohmi kia hvpi hash ot homi tuk vt i kvniakmvt, katiohmi kak osh anonti homa hinla cho?

35. Yvmmvt yakni, micha nan i yvlhki yakni isht achukmvt aiena kak kia isht ai im vlhpesa he keyu; amba hatak vt kocha pit kanchi chatuk oke. Kvna hosh isht haponakla he haksobish vt i hinlikmvt, haklashke, im achi tok.

CHAPTA XV.

Chukfvlhpoba kvnia nan isht vlhpisa, 1; 8 mikmvt tvli hvta tushafa kvnia nan-isht-vlhpisa aiena. 11 Hatak himita ik hoyoyuko nan isht vlhpisa.

1. YUMMA foka ma pvblikan vhlaha, micha nan-ashvchi okla aiena kvv i haponakla chi kvv, momvt avv a kanvli tok.

2. Yohmi ma Falisi vhleha hv̄t micha na-holissochi vhleha aiena kash ot lumasit na-mihachit, Hatak ilv̄ppvt nan-ashv̄chi vhleha hv̄t ilap̄a ai ibafohka ch̄i ka ahninchit, it ibai impa yoke, achi tok.

3. Mihma yv̄mmak ash ot nan-isht-vlhpisa ilv̄ppa isht im anumpuli mvt,

4. Hatak hv̄sh katima kak osh chukfvlhpoba tahlepa achv̄fv̄t im ḡsha tuk osh, achv̄fv̄t ī kv̄nia hokmvt, pokoli chakkali a kocha chakkali kash ot yakni haiaka ȳa m̄aya na issvt, kv̄nia tuk yv̄mmak ash ō hoyot hikik̄jvt ahayuchik mak a hinla keyu ?

5. Atuk osh ahayuchikmvt, na yukpvt isht iabv̄nali ;

6. Atuk osh in chuka yash vla mvt, ī kana vhleha, micha in chuka panta hatak puta ka hoyot itahobi cha, An chukfvlhpoba yvt kv̄nia tuk ash ahayuchi li hoka, na hv̄s sv̄bai yukpashke, im achi hokc.

7. Yohmi ka yv̄mmak inli h̄o chohmit, Nan-ashv̄chi achv̄fa hosh ile kostininchikma, v̄ba ȳa na yukpa ḡsha kv̄t hatak vlhpesa pokoli chakkali akocha chakkali kv̄t nan ile kostinichi yvt ai im ahalaiya he keyu, yv̄mmak oka ī shahla hi oke, hv̄chim achi lishke.

8. Yv̄mmak keyukmvt ohoyo nanta hak osh tv̄li hv̄ta tushahli pokoli kv̄t im ḡsha tuk osh, tushafa achv̄fv̄t ī kv̄ni-akmvt, p̄vla h̄a p̄vlali cha, aboha ȳa bv̄shpolit achukmalit hoyot hikik̄jvt ahayuchik mak ahinla keyu ?

9. Atuk osh ahayuchikmvt, ī kana puta, micha in chuka panta ḡsha tuk aiena kash hoyot itahobi cha, Tv̄li hv̄ta tushafa ā kv̄nia tuk ash ot ahayuchi li hoka, na hv̄s sv̄b ai yukpashke, achi hoke.

10. Yohmi ka nan-ashv̄chi achv̄fv̄t ile kostininchikma, Chihowa im enchil vhleha aiasha ka na yukpa kv̄t yv̄mma akinli h̄o chiyuhmi chatuk oke, hv̄chim achi lishke, achi tok.

11. Mihmvt, Hatak achv̄fa hosh ushi vt in tuklo tok.

12. Atuk ō nakfish ash ot īki a, Āki ma ! nana kv̄t v̄m̄mi ha he tuk ash is sv̄mashke, im achi tok. Mihma nan isht ai okchaya yash ō im it a kashv̄bli tok.

13. Mihma yummak atuk g nitak kanohmi keyu h_o, ushi nakfish ash osh mominchit itahobit taiyahli cha, ivt yakni hopaki fehna h_o ona cha, nan isht aya tuk puta kash yummak o isht a yopomot ahantvt kampilvt taiyahli tok.

14. Yohmit mominchit kampilvt tahli ma, yakni yumma hohchvfo chinto fehna kv_t a kohcha tok; mihma yummak ash ot nana kv_t ik im iksho kit isht ia tok.

15. Mihmvt yakni yumma hatak ont iba fohka tok; atuk o yummak osh shukha laua ipeta beka ch_i ka im osapa puta ka pit chvffichi tok.

16. Atuk o yummak ash ot shukha laua yvt nanoni ai vpa beka tok yummak o vpv_t kaiya bunna beka tok: yohmi kia kv_{na} kia yumma ik ipeto beka tok.

17. Atuk o yummak ash ot ont il akostininchi mvt, Aki im iltohno vhleha hv_t laua kv_t katiohmi hosh pv_{ska} yvt laua kv_t im vhpesakma, anonti atampa mvt gsha chatuk ak o, vno ilvppa a hohchv_{fo}t sv_{lli} cho?

18. Wakayvt ivt, aki im ona lish, Aki ma! Chihowa im ashvchit, mikmvt chi tikba ya a sai yoshuba tuk.

19. Yohmi kv_t himak a pilla ma, chiso sa hohchifa he si ahoba keyushke; chim iltohno vhleha achvfa kak o is si ai itilaueshashke, im achi lashke, achi tok.

20. Mihmvt wakaya cha, iki g im ia tok; atuk osh auet hopaki pilla minti kak inli h_o, iki ash osh pit pisa mvt, i nukhaklo cha, chvfv_t ivt, yummak ash ikunla ont vbv_{nai}yvt i sv_{ksowa} tok.

21. Mihma ushi ash ot, Aki ma! Chihowa im ashvchit, mikmvt chi tikba ya a sai yoshohumba tuk; yohmi kv_t himak a pilla ma chiso sa hohchifa he si ahoba keyushke, im achi tok.

22. Yohmi kia iki ash ot im iltohno vhleha hash, Nafohka holitopa moma i shahli kak o ishit kohchit ant ho fohkvchi cha, ibbak ma ibbak-ushi-fohka ant fohkit, iyi ma shulush hv_{sh} holochashke;

23. Micha wak ushi ilhpitvt nia ya ilvppa isht vlv_t, oh vbi na impvt na-yukpv_t kiloh aiashá;

24. Sv_{so} ilvppvt illi tuk osh, falamvt okchaya hoke;

kvnia tuk osh haiaka hoke. Mihma na yukpot okla aiasha tok.

25. Yohmi ka ushi akni hvto osapa anta tok : atuk osh minti cha, chuka yash bilikasi vla mvt, vhlepa ola, micha hihla aiema ka pit haklo tok.

26. Mihmvt ilhtohno vhleha hash achvfalit pit i howa cha, Katiohmi hosh yakohmi cho? achit i ponaklo tok.

27. Mihma yvmmak ash ot, Chi nakfish ak osh vla hosh achukmakvt ayvt vla ho, chiki vt pisa kak osh wakushi ilhpitvt nia ya vbi hatuk oke, im achi tok.

28. Mihma yvmmak ash ot hvshaya cha, ont chukowa ik bunno ki tok : yohmi hatuk o iki ash ot kohchvt iot, ont i howa tok.

29. Mihma afalaminci mvt, iki ash o, Inta! afommi kanohmi ilvppa chi yuka chiyuhmit isht chim ahanta li mvt, chim anumpa ma himonna kia ak kobvffoshke ; yohmi kia g kana vhleha ai isht it ibai yukpa la chi ka, isi kosomushi kia chik samo chatuk,

30. Amba chiso ilvppvt havi puta ai iba fohkvt ayvt, nan isht ish ai okchaya he tuk ash isht yopomot tahli cha vla ma, mih makinli ho wak ushi ilhpitvt nia ya ish ina vbishke, im achi tok.

31. Mihma yvmmak ash ot, Soso ma ! nitak moma ka si awant ish ahantvshke, yohmi kvv nan okluha vm asha kvv chimmi hoke.

32. Chi nakfish ilvppak okvt illi tuk osh, anonti falamvt okchaya ; micha kvnia tuk osh haiaka hoka, impa ikbit na yukpot il aiasha he vhpesa hatuk oke, im achi tok oke ; achi tok.

CHAPTA XVI.

Nan-apevchi ik aighlo nan-isht-vlhpisa, 1 ; 14 Chievs vt Faliai vhleha hvv ilap g okla ishit yopula ma, nana ka peh ilabohi vhleha hatuk g nan isht i miha. 19 Hatak nan in batua, micha Lasakvs ita tuklo nan-isht-vlhpisa.

1. MIHMUT yummak ash ot nan im ai ithona vhleha ha, Hatak nan in laua achufa hosh nan-apesvchi vt im anta tok : atuk o yummak ash ot nana immi puta kash isht i yopomot tahli ho, im annoa cha haklo tok.

2. Mihmut yummak ash o i howa cha, Katiohmi ho ilvppa isht a chi haklo li cho? nan ish apesvchi yatuk vt achukmalit ish ai il anolashke : himak a pilla ma nan apesvchi chia ha chi keyu hoke, im achi tok.

3. Yohmi ma nan apesvchi yash osh, Nanta hak o katiohmi la chi cho? a shahli hvv nan ai apesvchi li ash si a kohchiehikma, okohahli la he keyukmut, nan asilhha ma sa hofahyushke.

4. Nan ai apesvchi li ash sa kohchiehikma, in chuka yokvno chukowa la hi a okla vva ahna chi ka, nana ho katiohmi la chi kvto ithalyana lishke, achi tok.

5. Mihmut i shahli ha aheka im asha tuk vhleha hash mominchit hoyo mut, Ummona ka a shahli ho aheka katohmi ho ish in takanli cho? im achi tok.

6. Mihmet yummak ash ot, Na-bila vlvpisa tahlepa achufa, achi tok. Mihma, Chim aheka holisso ha ishi cha, tushpvt aka binilit, pokoli tahlapo ho takalichi, im achi tok.

7. Mihma anonti inla ho, Mikma chishno vto katiohmi hosh aheka vt chim asha cho? im achi tok. Mihma, Onush vlvpisa tahlepa achufa, achi tok. Mihma yummak ash o, Chim aheka holisso ha ishi cha, pokoli untuchina ho takalichi, im achi tok.

8. Yohmi ma nan-apesvchi nan ik ai vlvpeso ash ot kostini fehvt yvmohmi hatuk o, i shahli hvv im ai okpahanchi tok : yakni ilvppa im vlla vhleha hvv ilap bika nan it im a katiohmit hopoyuksa kvv, a nitaki im vlla vhleha ha i shahli hoke.

9. Yohmi ka, Nan-ai-ylvpesa keyu mammon a hvchi kana vhleha ha hi a isht hvsh ikbashke, hvchim achi lishke : yohmi tukma ont hvoh ai illikma, ai vta bilia ya ik chukowa, hvchim aiahna hi oke.

10. Kvna hosh nana kvv moma ik a lauwo ho aighli achukma yatuk mut, nana kvv ik aiaka kia aighli achukma

akinli chatuk; yohmikma kvna hosh nana kvt moma ik a lauwo h_o aighli achukma atuk keyukmvt, nana kvt ik aiaka kia, aighli achukma chatuk keyu akinli hoke.

11. Yohmi ka nan-ai-vlhpesa keyu m a m m o n g isht a hvch ik aighlo ke tuk ma, kvta hak osh na holitopa ghli y_a hvsh apesvcha hi g hvchi tohna hinla cho?

12. Micha inla y_o nana kvt immi hatuk g isht hvch ik aighlo ke tuk mvno, kvta hosh nana kvt chimmi fehna y_a chima hi o?

13. Tishu yuka nana kia i shahli tuklochit im antia he keyushke; achvfalit i nukkilli cha, achvfa kamo holitobla hinla; keyukmvt achvfalit halanli cha, anonti achvfa kamo a haksicha hinla hoke. Chihowa, micha mammon it aieninchit hvsh im antia he keyushke, im achi tok.

14. Mihma Falisi vt tvli holisso anuksitia fehna vhleha hatuk osh, ilvppa puta ka haiyaklo mvt, isht ik imi ahno ki tok.

15. Mihma yvmmak ash o, Hvchishno ak osh hatak itik-ba y_a ai il achukmvtli hvchia mak oke: yohmi kia Chihowa hv hvchi chukvsh puta ka ithaiyanvshke: nana kvt hatak g im a holitopa fehnakma, Chihowa hv ai i nukkilli mak oke.

16. Nan-vlhpesa, micha hopaii vhleha i holisso aiena kvt aiashvt mihinti tuk o Chan vt vla tok: yvmmak a tok takla kvno Chihowa apehlichika yak osh anuhumpa na hatak puta kvv yichinvt pit vlbihvshke.

17. Micha vba shutik, mikmvt yakni aiena hokvto ont ik ahobot ik ai iksho ka hinla kvv, nan-vlhpesa iskitinosi kvv moma ik lauwo hosh ont ik ai iksho ka hi g ik lauwo ka hi oke.

18. Kvna hosh tekchi g kanchi cha, inla itauwayakmvt, havi toba hoke; mikma kvna hosh i hatak vt kanchi tok o itauwaya hokmvt, havi toba hoke, im achi tok.

19. Hatak nan in laua achvfa hosh na-fohka hummakbi h_o anonti linen lapushki aiena h_o foyuka mvt, nitak moma nan-vpa in chitot nan isht ilaiyukpa hosh anta tok.

20. Yvmohmi ma hatak ilbvsha yosh Lasalvs hohchifo

hosh liahpo bieka ho, yvmma i holihta okhissa ya ont bohyuli na ituyula tok.

21. Yohmi kv̄t hatak nan in laua im ai-imp̄a yo boshulli vt a chilofa kak o habenvt vpa ka aiahni ha tok; yohmi ma ofi puta nana kia ai vlv̄t liahpo a i holahakshi tok.

22. Atuk ash o yakohmi tok: hatak ilbv̄sha yash ot illi ma, enchil v̄hleha hosh ant isht ivt, Eblaham shakba pohloma ka ont fohki tok. Mihma hatak nan in laua yash'kia illi cha, hollopi tok.

23. Atuk osh yvmmak ash osh aiokpuloka ya ont ai issikkopa cha, v̄ba chakali mvt, Eblaham vt hopaki pilla ka auet āsha ma, Lasalvs vt shakba pohloma ka foka na pisa tok.

24. Mihmvt tahpahanlv̄t, Aki Eblaham ma! auet a nuk-haklot Lasalvs a auet chvffichi na ibbak-ushi wishakchi a oka kapv̄ssa ik oka hilechi cha, sasunlv̄sh a ant ik kapv̄sv̄lli: a libbi ilv̄ppa vm a palv̄m̄mi kv̄t atampa fehnv̄shke, achi tok.

25. Yohmi kia Eblaham ash ot, Sv̄so ma! chi okchaya taklv̄t ish ahanta kv̄t, na hochukma puta ka ish pih̄isa tok: yohmi ma Lasalvs ak kia nana kv̄t a palv̄m̄mi puta ka pih̄isa tuk a, ish ithaiyanashke: yohmi tuk kia yvmmak ash ot himak okv̄no hopohl̄v̄t na yukpa ma, anonti chishno v̄to chim a palv̄m̄mi fehnv̄shke.

26. Micha ilv̄ppak osh ai v̄hli keyu; a hvp̄ itin takla ya kolukbi chito fehna hosh bachaya hoke: yohmi hatuk o ilv̄ppa ai āsht ia kv̄t tanv̄blit yvmma a chim ona he tuk mak osh, na kanihma he keyu; yohmikma anonti yvmma āsht minti kv̄t hlopulli cha pim v̄la he keyu akinli hoke, achi tok.

27. Yohmi ma yvmmak ash ot, Yohmi hoka aki ma! yvmmak oka aki in chuka ya pit ish chvfficha he mak o chim asilh̄ba lishke.

28. Yohmi ka itibapishi li hv̄t tahlapit āsha hoka, atokowa ka ont ai im anoli na ai issikkopa ilv̄ppa yvmmakm̄vt ai v̄la yoba na, achi tok.

29. Eblaham ash ot, Moses micha hopaii puta im anumpa

hvt in tonla hokvt, yummak o okla i haponaklashke, im achi tok.

30. Yohmi ma yummak ash ot, Ahg! aki Eblaham ma! illi atuk ak osh achvftv gyvt im ona hokmvno, okla ile kostinicha hinla hoke, achi tok.

31. Mihma yummak ash ot, Moses, micha hopaii puta im anumpa hg haklo keyukmvt, illi tuk osh achvftv tani mak o, yimma hi vt anukfoyuka he keyu hoke, im achi tok.

CHAPTA XVII.

Chisvs vt nan im ai ithvna vhleha hvt ahah! ahni cha, inla ya ik yoshublecho ka he, 1, 3 micha ilap bika yvt nana ka it i kashofa he aiena ka i miha: 6 na yimmi aiahlika yokvt na fehna ka anoli: micha Chihowa hg holitobli kvv nana hq ik yvmohmi kia im anuk-fila mvt akanloei bieka hi g, i miha; 11 leploei vbi g hatak pokoli hq hlakofichi; 20 Chihowa apelihchika yvt hatak chukvsh anuka-ka ak o fohka: micha kvna hosh yummak oka nan isht ik ahno tuk okvto momvt ont ai okpulokvt taha pulla hi g, anoli.

1. YOHMI mvt nan im ai ithvna vhleha hash o ik kanihmi hoh kia nana isht ai ibetvbli okvt iksho ka chi keyu pulla hoke; yohmi kia kvna hq yummvt isht a tobakma, mihi yosh nan i palvmmi mak oke.

2. Chipunta ilvppa achvfona ka ibetvblichi hokmvt, ilap ak o ikunla ya tvli chito na botoli ak osh a takanli hq, okhvta hg pit okvchi kak o, vlvpesa kvv im i shahli hoke.

3. Ahah! hvsh il aiahnashke. Ish itibapishi hvt chi yoshuba hokma, im alvmmi nana ish i mihashke: yohmi na yummak ash ot nukhaklot ile kostininchi hokma, kashofit ish i kanchashke.

4. Michi nitak achvfa ka untuklo ha chi yoshuba cha, anonti nitak achvfa ka untuklo ha yo filemvt, Sa nukhakloshke, achi hokma, ish i kashofa he mak oke.

5. Mihma vbanumpeshi vhleha hash ot Chitokaka yash, Na pi yimmi ka i shahlichit ish pi nukfohkashke, im achi tok.

6. Mihma Chitokaka yash osh, Na hvchi yimmi kvv m v s t v t nihi achvfa ka chohmi hosh hvchi anukfoka hok-

mt, bibi vpi iluppa hakshish fehna ai isht alobafvt okhota hak o ont ish a holokchashke, hvsh im achikma, hvchim antia hinla hoke.

7. Yohmi ka hvsh katima kak osh yuka hvv im anta tuk vt yakni patovfi hokmá, keyukmvt wak ipeta hokmá, nana hosh anta tuk osh osapa mintit vla makinli hō, Ivt ont binili cha, impá, im acha hinla ?

8. Amba yummak o keyukmvt ; Nana hō opiaka impa la chi ka atahli cha, il ai-ovskovchit chin taha cha, nan isht is svv anta na impvt nan ishko aienvt issa li ha yo, himmak o impvt nan ish ishkashke, im acha hinla keyu ?

9. Micha yuka yummak ash ot nan ai im vlvpisa atuk ash ot yvmihochi ma, yak oke ! im ahni hō ? keyu ka, vm ahobvshke.

10. Yohmi hoka yvmma chiyuhmit hvchishno mvt, nana kvv a hvchim vlvpisa tuk vt mominchit ont hvsh ataiyahlikmvt, Nana hō isht ai yukpa hi o keyu tishu pia : nana ka isht il ai vttá hi a pim vlvpesa tuk mak osh e yvmihchishke, hvsh achi makinlashke, achi tok.

11. Atuk o yakohmi tok : yummak ash ot Chelusalem ia hosh gya mvt, Samaha micha Kalili ajena ka iklvna hlopullit ia tok.

12. Micha tvmahushi achvfa hō ont ehukovak fehna, hatak pokoli kvv leplosi vbi yosh ant afama cha, mishemanchit suet hieli tok.

13. Mihmvt chitoli hosh okla anumpulit, Chisov pi shahli ma ! ish pi nukhklashke, achi tok.

14. Mihma yummak ash ot pit pisa mvt, Oh ia cha, naholitompa isht gsha vhleha hak o ont hvsh im ile haiakvchashke, im achi tok. Atuk o yakohmi tok : ilhkoli hosh asht gya mvt, okla hlakofi tok.

15. Mihma yummak ash ot achvfvv hlakofi kvv ile pisa mvt, falama cha, chitoli hosh anumpulit, Chihova hā holi-tohlichí tok.

16. Mihmvt yummak ash iyi ituma yak o hlipia cha, yak oke ! ahnit aiokpvchi tok : yohmi kvv yvmvvt Samalatan hatak a tok.

17. Yohmi ma Chisvs ash ot anumpuli mvt, Pokoli hosh hlakofi tuk keyu ? amba chakkali mvto ?

18. Falamvt Chihowa hq holitoblichit aya kut iiksho hq, amba oklushi inla hatak ilvppak illvshke, achi tok.

19. Mihmvt yvmmak ash o, Ish wakaya cha, ish iashke ; a chi yimmika yak osh chi hlakofichi hoke, im achi tok.

20. Yvmohmi ma Falisi vhleha hvt Chihowa apehlichika yvt, Katiohmi kak o aya hi o ? ahnit i ponaklo ma, afalaminchi mvt, Chihowa apehlichika yvt ai im akostininchi hq aya he keyu.

21. Micha Yakeh ! ilvppak oke : keyukmvt, Yakeh ! yvmmak oke ; achi kak okmá, kanimampa he keyu hoke. Chihowa apehlichika yvt hvchi chukvsh anpkaka foyuka hoka, achi tok.

22. Yohmi mvt nan im ai ithvna vhleha hash o, Hatak Ushi i nitak o achv falichit pisa ka hvchi bunna fehna kia, hvch ik peso ka hi g nitak vt ai ona pulla hi oke.

23. Yohmi ka Yakeh ! ilvppak oke ; keyukmvt, Yakeh ! yvmmak oke ; hvchim achikmá, nana hi oke. Yohmikma ivt hvch ik im onokmvt, hvch ik iakaiyo kashke.

24. Malvtha kvt shutik nutaka kanima hq a malvthakachit kohchakmvt, shutik nutaka bakapa tvnvp ma pit on tommi chatuk g, Hatak Ushi i nitak vt ont ai vlpiesakma, yvmmak inli hq chiyuhma hi oke.

25. Yohmi kia ik a yvmohmo kisha ka, isht ai issikkopa mvt in laua he ; mikma hatak himonasi gsha ilvppvt ik i yimmot ik ahnincho ka hi mak oke.

26. Mikma Hatak Ushi i nitak mvt, Noah vt ahanta nitak g a kaniohmi tok mak o, a chiyuhmi makinla hi oke.

27. Okla impvt, okla nan ishkot, ohoyo okla itauwayvt, okla itauwaya hi vt im vlpowvchit aiasha tuk o, Noah vt peni chito g pit chukowa nitak fehna ma, oka falama vt aya cha, mominchit vbit taiyahli tok.

28. Lat ahanta nitak g a kaniohmi tok mvt, okla impvt, okla nan ishkot, okla na chumpvt, okla na kanchit, okla na hokchit, chuka okla ikbi aientv aiasha tok.

29. Yohmi tuk kia Lat vt Sotom g a kohchvt ia nitak

fehna ma, luak, micha hituk lakna aiena kv̄t v̄ba ȳg auet ai umba cha, mominchit v̄bit taiyahli tok.

30. Yakohmi tok ḡ chiyuhmit Hatak Ushi vt ont haiaka nitak fehnakma, yvmohma he akinli hoke.

31. Nitak yv̄mma fehnakma kv̄na hosh aboha paknaka anta na im v̄lhpoyak vt aboha an̄ka ḡsha tuk ma, akowvt apoyvt isht ik aiyo kashke; yohmikma anonti kv̄na hosh osapa anta tukm̄vt, falamvt ik aiyo akinlashke.

32. Lat tekchi a tok ḡ hv̄sh ithaiyanashke.

33. Kv̄na hosh ilap im ilhfiopak okchalinchi b̄v̄nna hokv̄to, kaiyancha he; mikma kv̄na hosh im ilhfiopak ḡ ik ī hullo hokm̄vt, okchalincha hi oke.

34. Ninak yv̄mma fehnakma topa achvfa ka hatak tuklot k̄aha tuk ma, achvfa ka ai eshi na achvfa hosh itonla he.

35. Ohoyo tuklo hosh nan it iba botoli hosh ḡshwa tuk ma, achvfa kash ō ai eshi na achvfa hosh anta he.

36. Hatak tuklo hosh osapa ȳg ḡshwa tuk ma, achvfa kash ō ai eshi na achvfa hosh anta hi oka, hv̄ch im anoli lishke, im achi tok.

37. Mihma okla afalaminchi m̄vt, Chitokaka ma! katima yak ō? im achi tok. Mihma yv̄mmak ash ot, Kanima yō illi haknip vt ituyulakma mihi yō ossi puta m̄vt ont ai itahoba hi mak oke, im achi tok.

CHAPTA XVIII.

Nan apesa ai ḡhlich̄i keyu, micha ohoyo ī hatak illi nan asilh̄ha achunanchi aiena nan isht v̄lhpisa, 1; 9 Falisi, micha p̄v̄blikan ita tuklo nan isht v̄lhpisa. 15 Chievs vt v̄lla chipunta ȳg holitoblit ishit sholi. 18 Chievs vt hatak pehlich̄i himita nan in laua yō Klaiat okm̄a, nan laua im ḡaha kak okm̄a, nanta kak osh holitopa kv̄t im ī shahli chishba! ahnit imomaka pisa. 31 Chievs vt ilapvt ititaiyukhv̄na ahonv̄hvt illa he, atukm̄vt nitak ont isht atuchinakma falamvt tana he, anonti tikbanli anoli.

i. MIHM̄VT yv̄mmak ash ō, Hatak vt v̄ba pit anum-pohonli kv̄t bilia cha, ik in takobo ka he tuk ḡ, nan isht v̄lhpisa h̄q isht anum-pulit achi m̄vt,

2. Tumaha ho nan apesa vt ahanta kv̄t, Chihowa ya i nukshompa keyukm̄vt, anonti hatak ma nan isht ik im ahobo ya tok.

3. Yohmi ma tumaha yv̄mama ohoyo i hatak illi yosh anta tok; atuk osh yv̄mmak ash o im ai vla cha, Nan v̄lhpisa si onochi tuk a nan aghi achukma ka isht is sv̄m ai apesashke, achi tok.

4. Yohmi ma yakosi takla kv̄no yv̄mihcha he ik ahno ke tuk osh, amba himmak o nan il anukfilli kv̄t, Chihowa ya i nukshompa li keyu m̄vt, anonti hatak ma nan isht vm̄ ahomba keyu hatuk nana kia,

5. Ohoyo i hatak illi ilv̄ppvt si ataklaiyami hoka, nan aghi achukma ka isht ai im apesa lashke; yv̄mmak keyukma, mihinti bekakm̄vt, an takobicha hinlv̄shke, achi tok.

6. Mihma Chitokaka yash ot, Nan apesa ai v̄lhpesa keyu vt nana achi tuk a, ho haiyakl̄o.

7. Yohmi ka Chihowa hv̄t ilap osh ai atokoli tok mak o nitak, micha ninak aiena ka pit in tahpahanla ka, im ile sv̄laha tuk mak osh, nan ai aghi achukma ka ik im apeso ka hinla cho?

8. Chekosi makinli ho nan ai aghi achukma ka isht ai im apesa hi oka, hv̄chim achi lishke. Yohmi kia amba Hatak Ushi vt ayakm̄vt, yakni paknaka ya na yimmi kv̄t agha na pisa hi oh cho? achi tok.

9. Mihm̄vt kanimi kv̄t ile yimmit, ilap ak osh ai v̄lhpesa mak o im ahobvt, inla agha kv̄no ik ahobalo v̄hleha hatuk ash nan-isht-v̄lhpisa ilv̄ppa isht im anumpuli m̄vt,

10. Hatak tuklo kv̄t v̄ba pit anumpula ch̄i hosh tempel a pit chukowvt okla tok: achv̄fa kak osh Falisi okma, achv̄fa kv̄to pv̄blikan a tok.

11. Falisi ash osh hikia cha, v̄ba pit isht il anumpuli m̄vt, Chihowa ma! hatak inla agha na-wehli; nan ik ai v̄lhpieso; haui puta; mikm̄vt pv̄blikan ilv̄ppak kia ak chohmo kv̄t, yak oke! pit chim aiahi lishke.

12. Nitak hullo achv̄fakma hitukla na hullochi likm̄vt, nan vm̄ agha puta kv̄t ont isht pokoli kv̄t a kv̄nihiyv̄ahke, achi tok.

13. Yohmi ma publikan ash ot auet mishema yak inli ho hikiot, i holhponayo ak kia vba chakalinchi keyu hosh, peh ikkishi ak o isso mot, Nan ashvchi sia hoka, Chihowa hot is sa nukhaglashke, im achi tok.

14. Yohmi kut hatak ilvppot nan im aighli achukma kut achufa yash i shahli hosh in chuka ona tok a hvchim anoli lishke: kvna hosh ile fehnvohikmot, aka ona he; mikma kvna hosh ile akanlosichi hokmot, holitopa hi oka, achi tok.

15. Yohmi ma vlosi puta kia, yvmmak ash ot potola hinla ka okla ishit im ai vla tok: yohmi kia nan im ai ithona vbleha hash ot pisa mot, okla im alvmmi tok.

16. Yohmi kia Chisus vto yvmmak ash o pit hoyo cha, Ulla chipunta vt vm ai vla hi a hvsh ahni cha, hvch ik im alammo kashke; ilvppak o chohmi hosh Chihowa apehlichika ya aiasha hoke.

17. Ahli mak o hvchim achi lishke; Kvna hosh vlla iskitini ak o chohmit Chihowa apehlichika ya aiokpvchi ho keyumot, kaniohmi kak osh yvmma chukowa he keyu hoke, achi tok.

18. Mihma hatak pehlichi achufvt i ponaklot, Nan-ithv-nanchi achukma ma! nantak o katiohmi li kak osh ai okchayvt bilia yato vmmi ha hinla cho? achi tok.

19. Mihma Chisus vt yvmmak ash o, Na katihmi ho vno a achukma is si achi cho? achukma kut iksho ho, amba achufa kak illa, yvmmot Chihowa ak oke.

20. Nan vlpisa, Haui ish toba na: Kvna kia ish bi na: Na chik hukopo kashke; Anumpa ik ahlo isht atokolit chik anto kashke; Chiki, micha chishke aiena ka ish holitoblashke; achi puta ka ish ithantashke, im achi tok.

21. Mihma yvmmak ash ot, ella sa tomba kash inli hosh ilvppa puta ka holitoblit isht mihinti li tok a ant a himak vshke, achi tok.

22. Mihma Chisus vt ilvppa puta ka baklo mot, Yohmi kia nana achufa ho isht ohik ai onoshke; nana chim gsha kut mominehit ish kampila cha, ilvshba ya ishit it a kvshkoachi, yohmik mak eah vba ya chim ilayak vt gsha hi oke; micha ant is siakayashke, im achi tok.

23. Mihma yummak ash ot ilvppa haklo mvt, nan in laua fehna hatuk osh, nukhaklo fehna tok.

24. Yohmi ma nukhaklo fehna hō Chisvs vt pisa mvt, Nana in laua vhleha hokvto palvmrai fehna nana hō Chihowa apelihchika yā chukowa he ;

25. Kamel vt chofak ushi nishkin a hlopulli ka palvmmi kvv hatak nan in laua yosh Chihowa apelihchika chukowa hokvno ik lauwoshke, im achi tok.

26. Mihma yomma okla haklo mvt, Yohmikma kvta hak osh okchaya hinla cho ? achi tok.

27. Mihma yummak ash ot, Hatak okmvno nana kvv ai yvmohma he keyu kia, Chihowa yak okmvno ai yvmohmi hoke, achi tok.

28. Yohmi ma Pita yash ot, Yakeh ! Pishno vto mominchit il issa cha, e chiakaiya kvno, achi tok.

29. Mihma yummak ash ot okla hash, Ahli mak o hvchim achi lishke ; Hatak vt Chihowa apelihchika pulla hatuk mak o in chuka, iki, ishki, itibapishi vhleha, tekchi, im vlla puta aiena ka a kanima kia issvt ya hokvto,

30. Yakni ilvppak inli ka nana laua kvv yummak atuk a im i shahli tuk mvt, yakni inla mihintikma, ai okchayvt bilia ya ik peso ka hi vt iksho hoke, im achi tok.

31. Yohmi mvt auah-tuklo kash hoyo cha, Inta ! Chelusalem ak o iloh ivshke ; yohmi ka hopaii vhleha hvv Hatak Ushi ak o holisso ha ishi ai ikbichi tok a puyuta kvv ont ai ghla chi hoke.

32. Yummak oka ishit Chentail okla ibbak fohki na ishit yopulvt, itukhlakavv hofahyalichit, on tuftua chi :

33. Micha okla fvmmi cha, vba chi hoke ; atukma nitak ont a tuchinakma falamvt tana hi oke, im achi tok.

34. Yohmi ma ilvppa puta ka achi kia okla ik akostinincho ki tok : mihma anumpa ilvppvt im a luma na nana kvv anumpa tuk ash kia okla ik ithaiyano ki tok.

35. Atuk o yakohmi tok ; yummak ash ot Cheliko bilikasi ka vla ma, hatak lupa achvfa kvv hina lapalika yo binilit nan asilhha tok.

36. Atuk osh okla laua vt ont ihija ka haklo mvt, Katiohmi hosh yakohmi cho? achit a ponaklo tok.

37. Mihma, Chisvs Nasalet ai vta ak osh aya hatuk a, okla im anoli tok.

38. Mihma yvmmak ash ot tahpvlvt, Chisvs, Lewi Ushi chia hvt is sa nukhaglashke, achi tok.

39. Mihma tikba asht aya tuk ash ot, nukchinta chi ka, i miha tok: yohmi kia yvmmak o isht i shahlichi fehntv tahpvlvt, Lewi Ushi chia hvt is sa nukhaglashke, achi tok.

40. Mihma Chisvs vt hikia mvt, yvmmak ash o isht im vla hinla ka miha tok: atuk osh yvmmak ash ot i biljkasi vla ma, i ponaklot,

41. Nanta hak o a chi katimichi la hi a, ish ahni cho? achi tok. Mihma yvmmak ash ot Chitokaka ma! hoponayo la hi a, achi tok.

42. Mihma Chisvs ash ot, Ish hoponayashke, a chi yimmi yak osh chi okchalinchishke, im achi tok.

43. Yohmi ma yvmmak ash ot ashalika hoponayo eha, yvmmak ash o iakaiya mvt, Chihowa ya holitoblichi tok: mihma okla hvt pisa mvt, Chihowa ya pit aiokpahanchi tok.

CHAPTA XIX.

Sakevs vt vbanumpa anukfotka tok a isht anumpa, 1. 11 Hatak holitempa hosh miko tobvt ia hosh, in tishu vhleha ha tvli holisso ibbak fohki. 25 Chisvs vt issuba haksobish falaia himita yo o minilit aya hosh Chelusalem a ont chukowa; 45 Chisvs vt tempel a ont chukowa cha, nan itatoba vhleha maya tuk a kocha pit tiheli.

1. **MIHMA** Chisvs vt Cheliko ont chukovvt a hlopullit ia tok.

2. Mihma hatak vt publikan vhleha pehlichi yosh Sakevs hohchifo kv, nan in laua hosh anta tok.

3. Atuk osh yvmmak ash ot, Kvta hoh chishba? ahni mvt, Chisvs a pisa bvna tok: atuk ak osh okla a fohopa fehna hatuk o, ik chaho hatuk osh na kanihma he keyu ki tok.

4. Mihmvt yom-imma ont ia chj hatuk o, pisa chj hosh tikba pit malelit, bihi iti o ont oiya tok:

5. Atuk o Chisvs ash ot yummak ash o vla mvt, pit vba chakalit yummak ash o pisa cha, Sakevs ma! tshpvt akowá; himak nitak a chin chuka ya anta la chj hatuk oke, im achi tok.

6. Mihma yummak ash ot tshpvt akowa cha, na yukpa fehna hosh yummak ash o ilanelit ilap in chuka isht chukowa tok.

7. Mihma okla hvv pisa mvt, momvt lamasit na mibachit, Hatak nan ashvehi yo kak o ont ibai vta chj hosh ia tuk, achi tok.

8. Mihma Sakevs ash osh hikia cha, Chitokaka yash, Inta! Chitokaka ma! um ilayak a ikkmachit ilvsha ya im issa lishke; yohmi kvv hatak nana kia nanasi ka anumpa isht a holabi hosh im ishi li tak okmvt, yummak atuk a ohmi ushta hō i falamichi lashke, im achi tok.

9. Mihma Chisvs ash ot, Ilppak kia Eblaham ushi akinli hatuk oka, himak nitak a ai-okchaya yvt chuka ilvppa vlvshke.

10. Hatak Ushi vt okpulot taha tok mak o hoyot okchalicha chj hosh gya tok oka, achi tok.

11. Mihma ilvppa puta ka okla haklo ma, achakalinchi mvt, Chelusalem a onā he, micha Chihowa apehlichika yvt chekosi otvna hima ka, okla im ahoba aiena hatuk oka, nan-isht-vlhpisa hō isht anumpuli tok.

12. Yohmi hatuk osh, Hatak holitompa achvfa hosh miko ont vltoka cha, falamvt gya hi osh yakni hopaki ka ia tok.

13. Mihmvt in tishu pokoli ka hoyo cha, tvli holisso weki pokoli ka ibbak fohki mvt, Nan isht hvsh itatomba tuk o, vla lashke, achi tok.

14. Atuk ak o i yakni achvfa okla hash ot i nukkilli cha, Hatak yummak okvno ik pi pehlichí, il ahma he keyu, achit anumpa shali a iakayachit pit chuffichi tok.

15. Atuk o yakohmi tok; yummak ash ot miko ont vltokvt im vltaha cha, falamvt vla; yohmi mvt nana isht itatoba kvv hatak achvfa aiyuka kvv kaniohmi hō ahayvahi

tukma, akostinincha hiala kut, tishu vbleha ivppa tvli holisso ima tok ash, yvmmvt im annoa cha, im ai vla chī ka, apesa tok.

16. Mihma tikba vla kut, Chitokaka ma! chin tvli holisso weki achvfa tuk ash osh weki pokoli hō isht il ahayūchi li tuk oke, achi tok.

17. Mihma yvmmak ash o, Ulhpesa, tishu chi achukmōshke; nana kut ik lauwo fehna kia aighli chi achukma tuk okvt, tmaha pokoli hō ai ī shalhit ish pehlicha chī kut a chim vlpiesashke, im achi tok.

18. Mihma atukla kut vla mvt, Chitokaka ma! chin tvli holisso weki achvfa tuk ash ot weki tahlapi hō isht il ahayūchi li tuk oke, achi tok.

19. Mihma yvmmak ash kia, Chishno mvt, tmaha tahlapi hō ish pehlicha chī kut a chim vlpiesashke, im achi tok.

20. Yohmi ma inla yosh vla mvt, Yakeh! Chitokaka ma! chin tvli holisso weki achvfa kash nantapski yo a bonullit bohli li tuk o, yak iōnlvshke.

21. Nana ka chishno ak osh ish bohli tuk keyu kia, ish ishi; yohmikmvt ish hokchi tuk keyu kia ish mo chatuk; hatak palvmmi chia hatuk oka chī sa nukshopa tuk oke, im achi tok.

22. Mihma yvmmak ash o, Tishu haksi chia ka chishno chitih a kohcha kak inli hō nan isht chim apesa la chī hoke. Hatak palvmmi sia nana ka vno yak osh bohli li tuk keyu kia ishi li; mikmvt hokchi li tuk keyu kia vmo li chatuk g, ish ithana;

23. Yohmi ho kak osh na katihmi hō an tvli holisso weki achvfa kash tvli holisso a bohli g chik bohlo ke tuk o, vla li kut vmmi hash a chelichi hosh ak hoyo cho? im achi tok.

24. Mihmvt bilika hiohmaya kash o, Yvmma tvli holisso weki achvfa kash oh im ishi cha, tvli holisso weki pokoli hg ishī kak o oh imá, im achi tok.

25. Mihma, Chitokaka ma! yvmmak okvto tvli holisso weki pokoli ka ishishke, okla im achi tok.

26. Kena hosh ishi hok mak o ima he; amba ik im iksho

hatuk okvno ishi tuk ash kia, im ai isha hi oka, hvch im achi lishke.

27. Amba a nukkilli vhleha hvt i miko la he tuk a, vlvh-pesa ik ahno ke tuk yvmmak okvno ilvppa isht vla cha, sa tikba ya oh ai vbi, achi tok oke, achi tok.

28. Micha ilvppa yakohmichit anumpuli mvt, tikba hikvt Chelusalem a pit oiyvt ia tok.

29. Atuk o yakohmi tok; Betfachi, micha Betani aiena ka auet bilika nvnih chaha Alif hohchifo ho vla mvt, nan im ai ithvna ya tuklochit pit tihleli mvt,

30. Ivt tvmahushi hvchi chapaka talaia ka hvsh onashke: yvmma ont hvsh chukowak fehna kvv issuba himita hatak vt ik o minilo kisha yosh talakchit hikia na hvsh pisa chi hoke; yvmma hvsh i hotofi cha, isht hvsh lashke.

31. Mikma hatak nana hosh hvchim ponaklot, Nanta katiohmi ho hvsh i hotofi cho? achikma, Chitokaka yak osh bvna hatuk oke; hvsh im achashke, im achi tok.

32. Mihma vlvhoka tuk ash ot itiachi mvt, yvmma nana ai i miha tuk ash yohmi fehna mvhli ho ont pisvt okla tok.

33. Micha issuba himita yash i hotofi hosh ahqshwa ma, yvmmvt immi atuk ash ot, Nanta katiohmi ho issuba himita ya hvsh i hotofi cho? im achi tok.

34. Mihma, Chitokaka yak osh bvna hatuk oke, achi tok.

35. Mihmvt yvmmak ash o Chisvs a isht im ona; yohmi ma issuba himita yash anchi puta ka om pvlli cha, Chisvs a okla o minilichi tok.

36. Micha ia hosh aya ma, hina ya im anchi puta ka okla pvlli tok.

37. Atuk osh yvmmak ash ot ong he Alif nvnih ha pit okvtanovvt mahaya ma, nan im ai ithvna vhleha okla chito ash ot moyumvt na fehna puta kvv yvmohmi na okla pihisa tuk vt, na yukvvt chitolit tahpvvt, Chihowa ya pit aiokpahanchi tok.

38. Chitokaka i hohchifo ho aya kvv miko yvmmvt holi-topvshke; vba ya nanaiya achukmakma, achaha moma i shahli ma Chihowa vt ik a holitopa, achi tok.

39. Mihma Falisi vt okla laua takla asht aya tuk vt kani-

mi kv̄t, Nan ithv̄nanchi ma! na chim ai ithv̄na vhleha h̄a im alv̄m̄mi, im achi tok.

40. Mihma yv̄mmak ash ot afalaminchi mvt, Yakohmi kv̄t ont yokopa hokma, tv̄li puta kv̄t chekosi fehna tahp̄vl̄t anumpula hinla hoka, hv̄ch im anoli lishke, im achi tok.

41. Atuk osh bilika ona cha, tv̄maha hash pit pisa cha, isht yaiya mvt,

42. Chishno akinli fehna kv̄t a ch̄i nitak ilv̄ppa fehna kak kia nana isht chi ai yukpa he ai v̄lhpesa ka ish ithaiyana tok okbato; amba himak okv̄no ch̄i holhponayo h̄a ai in lumvt kv̄nia hoke.

43. Chin tv̄n̄v̄p vhleha hv̄t yakni kullit on talaka holihta kv̄llo ai ikbichit isht chi a folv̄blit a chim okt̄v̄bli bieka na anukaka ȳa ish foyuka hi a nitak vt chim aya hi oke.

44. Yohmikma a ch̄i nowvt aya he nitak a chik ithaiyano ke tuk oka, chishno, mikmvt chim v̄lla chi anukaka aasha aiena ka yakni ak o ai itilaeuchit aka chi bohla he; mikmvt tv̄li achv̄fona kia it v̄lantvt kaha hi a, ik chim ahno ka hi oke, achi tok.

45. Mihma tempel a ont chukowa cha, anukaka yv̄mma nana a kanchi, micha nana a chumpa aiena maya tuk ash kocha pit yuhli mvt,

46. An chuka yvt v̄ba pit ai anumpuli chuka yoke: achi hosh holisso tok okak o, hv̄chishno yokv̄to na hukopa vhleha in chuka yo hv̄sh ikbishke, im achi tok.

47. Yohmi mvt nitak moma tempel anukaka ȳa nana im ai abahanchi tok. Yohmi kia na holitompa isht aasha pehlich̄i vhleha, mikmvt na-holisochi puta, micha hatak fochitoka vhleha aiena kv̄t v̄bi b̄vn̄vt aiasha tok.

48. Yohmi kia okla momvt im a haponaklo kv̄t im achukma fehnvt aiasha hatuk o, nana a kaniohma hinla kv̄t ik ithaiyano ki tok.

CHAPTA XX.

Kan̄imi kv̄t, Kl̄aist kaniohmit isht im ai v̄lhpesa hosh yv̄mohmi hatuk vt atokowa anola ch̄i ka, im ahni hatuk o nan anoli, 1. 9 Pa-kv̄pi a hollokchi isht v̄lh̄pisa. 20 Iskv̄li itv̄nali vt Sesa ak o im

itahoba he ai vlpesa hatuk a Chisvs vt otvvinchi. 27 Chisvs vt hatak illi falamvt tana he ilvppa Satusi okla hā isht it im anumpuli mvt, anumpa hā i kobvffi. 41 Klaist vt a katiohmi kak osh Lewi a ushi okmvt, anonti Lewi a in Chitokaka ya hinla chishba f achit Chisvs vt ponaklo tok.

1. **ATUK** o yakohmi tok: nitak yvmma foka ma tempel anukaka ya okla nana im avvchi, micha vbanumpa isht anumpuli aiena hosh ahanta ma, na-holitompa isht gsha pehlichī vhleha, micha na-holissochi vhleha, mikmvt hochi-toka vhleha aiena kv̄t ai it ap̄hvt ant i kohcha tok.

2. Mihmvt im anumpulit, Nan-isht ai vlpesa nana hō ilvppa puta ka isht ish yakohmichi, micha kv̄na hosh nan isht ai vlpesa ilvppa chima tok a ish pim anolashke, achi tok.

3. Mihma yvmmak ash ot afalaminchi mvt, Uno ak kia nana achvfa ka hvchī ponaklo la chī hoke, mikma is sv̄m anolashke.

4. Chan baptismo vt vba yak o a minti hokmá, keyukmvt hatak ak o a minti hokmá, nanta ha tok o? im achi tok.

5. Mihma ilap bika nan it im achit maya mvt, Uba yak o a minti tok; il achi hokma, Nanta katiohmi hō yvmma hvch ik i yimmo ke tuk oh cho? acha hinla.

6. Amba anonti, Hatak ak o a minti tok; il achi hokma, Chan vt hopaii a tok a okla yimmi hatuk okvt, okla momvt tvli isht pi bola hinla hoke, achi tok.

7. Mihmvt afalaminchit, Kanimampo kak a tok a kil itha-noshke, okla im achi tok.

8. Mihma Chisvs ash ot, vno ak kia nan isht ai vlpesa nana hō ilvppa puta ka isht yakohmichi li hatuk vt ak hvchim anoloshke, im achi tok.

9. Mihmvt nan-isht vlpesa ilvppa okla hā isht anumpulit isht ia tok: Hatak achvfa hosh pakvpi a hokchit tahli cha, hatak toksvli vhleha hō i pota cha, yakni hopaki hō nowvt gya na achiba tok.

10. Atuk osh a waya ont vlpesvt taha ma, pakvpi a hollokchi a waya ka okla ipeta chī hō, yvmmak ash ot tishu

ha hatak toksvli vhleha hash pit i chvffichi tok: yohmi tok kia hatak toksvli vhleha hash ot yummak ash o boli cha, nana ik im iksho ho kanima pit chvffichi tok.

11. Mihma anonti tishu inla ho pit chvffichi tok; atuk o yummak ash kia okla bolit hofahyalichi fehna cha, nana ik im iksho ho kanima pit chvffichi tok.

12. Mihma anonti ont atuchina ma pit chvffichi tok; yohmi ma yummak ash kia okla bolit ai okpvninchi cha, kocha pit pila tok.

13. Yohmi ma pakvpi a hollokchi vt immi hatuk ash ot, Nanta ho katiohmi la chi cho? svso g holitopa yak o pit chvffichi laashke; yummak okmvo okla pisakmvt, holitobla hinla yoba ka, achi tok.

14. Yohmi tuk kia hatak toksvli vhleha hash ot yummak ash o pisa mvt, Ilvppak osh immi ha he mak oke; inta l kiloh vbi, atuk mvt nan im ai vlhtoshowa he tuk vt hvpimmi ha hinla hoke, ilap bika it im achit maya tok.

15. Mihma yummak ash o pakvpi a hollokchi g ishit a kobchi cha, okla vbi tok: yohmi kvno pakvpi a hollokchi vt immi hatuk ash ot yummak ash o nanta ho katimihcha hinla cho?

16. Yummak ash ot gyvt vla cha, hatak toksvli vhleha ilvppak ash vbit tahlakmvt, pakvpi a hollokchi ash inla yo i pota hi oke, achi tok. Mihma okla haklo mvt, Yohma hi g Chihowa yvt ik ahno kashke, okla achi tok.

17. Mihma okla ha atokolit pisa mvt, Yohmi ka tvli yg chuk-ikbi vhleha hvv shitilema yash o mihi ash inli hosh chukbika nutaka in tola holitopa i shahli ho tobvshke, achi holisao ilvpprt katiohmi hoh cho?

18. Kvna hosh tvli yumma onvtulakmvt, kobahla he; amba yummak ash ot kvna ho onvtula hokmvt, litolit kaiyancha hi oke, achi tok.

19. Yohmi ma hvshi kavlli vlvpisa yummak fehna ka na-holitopa isht gsha pehlichhi vhleha, micha na-holisochi vhleha aiena kvv, yummvt nan-isht-vlhpisa ilvppa ilap ak o isht arumpuli hatak g okla akostininchi hatak osh, yummak ash ishi bvna hokak osh okla hak o i nukshopa tok.

20. Mihmvt okla apesvchi beka ; yohmi mvt hatak vhpesa ilahobi cha, yvmmak ash ilap im anumpa akinli hō ai isht onochi : yohmi hokmak osh yvmmak ash ishit hatak peblchi ibbak ā ont fohki na nana im apesa hinla ka, na pisa vhleha hā tohno tok.

21. Mihmvt yvmmak ash ot okla i ponaklot, Nan ithvnanchi ma ! nana kv̄t ai-vlhpiesa hō ish miha, mikmvt ish ithvnanchi, yohmi kv̄t hatak mvt a chim it i shahsholi keyu, amba Chihowa i hina ai āhli mak o ish ithvnanchi chatuk ā il ithaiyanvshke.

22. Noshkobo isht chumpa tvli holisso ā Sesa yak o ima he ai vlhpesa hokmā, keyukmā, nanta cho ? pit achi tok.

23. Yohmi kia yvmmak ash ot okla nan-ilahobi ka akostinichi hatuk osh, Nanta katiohmi hō imomakachit hvs sa pisa cho ?

24. Iskvli ā oh ā haiakvchi. Kv̄ta hak o holbvt toba hō, mikmvt kv̄ta hō a hohchifo hō ? im achi tok. Mihma afalaminichi mvt, Sesa yak oke, okla im achi tok.

25. Mihma yvmmak ash ot, Yohmi hoka nana kv̄t Sesa yak o ai immi hokma Sesa yak o hvsh imashke ; mikma nana kv̄t Chihowa yak o ai immi hokmvno Chihowa yak ashke, im achi tok.

26. Yohmi ma okla itikba yā im anumpa hā ai isht onocha he keyu mvt, yvmmvt nana miha ka anukhlakancha cha, nana ik acho ki tok.

27. Yohmi ma Satusi vhleha kanimi kv̄t, Illi yvt falamvt tana he keyu, achi chatuk osh im ai vla cha, i ponaklot,

28. Nan-ithvnanchi ma ! hatak nana kia itibapishi hv̄t illi kv̄t tekchi vt āsha hosh, vlla yvt iksho hō illi hokma, itibapishi hatuk ak osh tekchi atuk ā ilauei cha, itibapishi hatuk ā vlla isht im ai ikba hi oka, Moses vt holissochit pī bohli tok.

29. Yohmi tok o itibapishi hv̄t untuklo hosh āsha tok : atuk o akni ak osh ohoyo itauawa tuk osh, vlla yvt iksho hō illi tok.

30. Mihma atukla kash ot yvmmak ash ilauei tuk osh, anonti vlla yvt iksho hō illi tok.

31. Yohmi ma ont atuchina kash ot ilauei; yohmi tok o ont isht untuklo kash kia yvmmak ash inli ho chomit ilauei; yohmi kut vlla kia iksho ho illi tok.

32. Ont isht aiyopi fehna ma ohoyo hash kia illi tok.

33. Yohmi ka untuklo kash ot yvmma tekchi ikbit ilauei tok okvno, illi yvt falamvt tanikma, katima kak o tekchi mak a hi oh cho? achi tok.

34. Mihma Chisvs vt afalaminchit, Yakni ilvppa vlla yovto itauwaya, mikmvt vlpovvchit itauwayvchishke.

35. Amba yakni yvmma pisa he, micha illi tok vt falamvt tana he aiena kut ai im vlpesa tuk yvmmak okvto itauwaya he keyu, micha it im apovvchit itauwacha he keyu hoke,

36. Mikmvt himmakma illa he keyu; yvmmak okvt enchil vhleha hak o ai itilau hokvt, micha falamvt tani tok okla hokvt Chihowa im vlla mak oke.

37. Illi yvt tana he, Moses ak kia bvfaha anvkaka ya ai otvninchi mak osh Chitokaka yvt Eblaham in Chihowa, mikmvt Aisaak in Chihowa, micha Chekob in Chihowa aiena ka hochihfo tok.

38. Yvmmak okvt illi ak o in Chihowa yo keyu, amba okchaya yak oke; yvmmak o moma kut ai okchaya hoka, im achi tok.

39. Mihma na-holissochi vhleha kanimi kut afalaminchit, Nan ithvnanchi ma! vlpesa fehna ho ish mihvshke, achi tok.

40. Mihmvt yvmmak atuk o i himmakma okla nan i ponaklo kut nukwia tok.

41. Mihma yvmmak ash ot okla hash, Katiohmi ho Klaist vt Lewi a Ushi okla achi cho?

42. Mihma Lewi vt ilap inli kut ataloa holisso ha, Chitokaka yvt an Chitokaka ya, Svbbak isht-impakimma ya ish binili na,

43. Chin tvnvp vhleha ha chiyi yvt ai-q-hikia yo ikbi lashke, im achi tok, achishke.

44. Lewi vt yvmma Chitokaka achi, yohmi ka katiohmi hosh ilap ushi oh cho? im achi tok.

45. Yohmi mvt okla momvt həklo na nan im ai ithvna vhleha yash,

46. Na-holissochi vhleha nafohka holitopa hofvloha hō abehkvchit itvnowa bvnna, micha ilhpak a kanchi ai it-aiokpvchi yak o, micha sinakak puta anukaka ma ai-o-minili holitopa i shahli puta kak o, mikmvt impa chito gsha ka aia-sha holitopa i shahli puta kak o ai im achukma vhleha ;

47. Ohoyo i hatak illi vhleha in chuka puta ka a wehpuli, micha peh ilahobi kvv vba pit anumpuli aiena kvv falaiachi vhleha hā ahah ! hvsh im aiahnashke ; yummak okvto na palvmmi chito i shahli hō pisa he mak oke, im achi tok.

CHAPTA XXI.

Ohoyo i hatak illi yosh Chitokaka yā na kvvtnosi pit isht aiokpvchi hō, Chisvs vt ahninci fehna, 1. 5 Tempel vt ont aiokpulokvt taha hi g, anonti Chelusalem vt ont aiokpulokvt taha cha, chukillisevt talaia hi g isht anumpuli ; 25 micha ilap vt vla chikma, nan isht atokowa puta kvv kaniohma hi g anoli.

1. MIHMVT vba chakalit hopokoyo mvt, hatak nan in laua vhleha hvv tvli holisso abohli holitopa yō in tvli holisso yā pit apittvt maya hō pisa tok.

2. Mihmvt ohoyo i hatak illi ilbvsha yosh mait tuklo hō yvmma pit apitta ka, pisa akinli tok.

3. Mihmvt yummak ash ot, Ahli mak o hvchim achi lishke, Ohoyo i hatak illi ilvppvt moma i shahlichit pit fohkishke.

4. Ilvppak okvto moma kvv nan in laua hatuk osh ai im atampa kvv Chihowa isht aiokpvchi abohli yā pit apittvshke ; amba yummak okvto ilbvsha yosh isht ai okchaya he vt in tonla tuk vt lushumit pit abehlishke, achi tok.

5. Yohmi ma kanimi kvv tempel vt tvli hochukma, micha na hvlbena puta ishit shema fehna ka okla isht anumpulit maya ma, yummak ash ot,

6. Ilvppa puta hvsh pisa ka, tvli achvfona kia aka ik itolo ke tuk osh, it o tvlkanchit itonla kvv ai iksho ka he nitak vt vla hi oke, achi tok.

7. Mihma okla i ponaklot, Nan-ithvnanchi ma! katiohmi fokak mak o ilvppa puta kvt ai yvmohma hi oh cho? micha ilvppa puta kvt ont a yvmohma chik ma, nan-isht atokowa nanta hosh otaiyana hi oh cho? achi tok.

8. Mihma yvmmak ash ot, Ahah! hvsh ahni cha, ik hvchi yoshubo kashke; sa hohchifo hq isht hochifo kvt, Uno ak osh Klaist sia hoke, achit aya kvt laua hi oka; ai yohma he nitak vt ik hopakoshke: yohmi kia yvmma hvch ik iakaiyo kashke.

9. Tvnvp asha, micha nana ik it im achukmo fehna ka hvsh haklo kia, ik hvchi nukshopo kashke: yvmma puta kak osh tikbanli ai yvmohma hi oka; amba ont ishtaiyopi kvt chekosa chi keyu hoke.

10. Yvmma fokakma oklushi achefa kvt oklushi inla ya it in tanampa he; yohmikma miko ap ehlich i achefa kvt miko ap ehlich i inla ya it in tanampa hi oke.

11. Yohmikma kanima ai ilaiyukachit yakni vt winakvchi chinta he; mikma hohchvfo chinto, micha abeka okpulo aiena kvt asha he; yohmikma nana pisvt ai i nukshopa he fehna, micha nan isht atokowa chinto aiena kvt vba ya auet a haiaka hi oke.

12. Yohmi kia ilvppa puta kvt ik a yvmohmo kisha ka, sa hohchifo pulla hatuk mak o okla hvtt ibbak q hvchi onochi cha, hvch issikkopala he; yohmi kvt miko vhleha, micha hatak pehlich i a puta itikba ya isht hvchi ai onvt, sinakak puta isht hvchi ai ona, mikmvt aboha kvlllo q hvchi fohka hi oke.

13. Mikma yvmmak ash osh nan isht a hvchim atokoli mak a hi oke.

14. Yohmi hoka afalaminchit nana hq hvsh miha hi vt tikbanli hvch ik anukfillo ka chi kvt, hvchi chukvsh ma hvsh il anukfoyukashke.

15. Uno ak osh itih, mikmvt im anukfila hopoyuksa aiena ka hvch ima likma, yvmmak o hvchj nukkilli vhleha hvtt i sanalit miha, mikmvt a kanimanacha he kia iksho ka hi oke.

16. Mich a hvch iki, hvch ishki, mikmvt hvsh itibapishi

vhleha, hvchi kanomi vhleha, micha hvch i kana vhleha aiena kv̄t hvch ishit, okla ibbak a a hvchi fohka he: mikmvt hvsh kanima mvt, yvmmak osh ai ahni hō, hvch illa hi oke.

17. Micha vno sa hohchifo pulla hatuk mak o hatak moma kv̄t isht a hvchi nukkilli hi oke.

18. Yohmi kia hvchi noshkobo pashi vt achvfa kia ai okpuloka he keyu hoke.

19. Nuklanvt achunanchit hvsh ahanta pulla hosh hvchim ilhfiopak atuk ma hvsh il ai eshashke.

20. Micha Chelusalem a tvshka chipota puta ka isht apakfoyupa na hvsh pisakmvt, yvmmvt aiokpulokvt taħa chī ka, atukonofa ka hvsh ithaiyanashke.

21. Yvmma fokakma Chutea yā aiasha tuk vt nvnih chaha foka pit yihlepakma; anonti yvmma ai iklvnna aiasha tuk vt a kocha wihashke; mikma kocha foka tvmahushi maya tuk okvto yvmma pit ik vlbeho kashke.

22. Nana puta holihiso tok vt ont ai ghla chī mak o, ilvppvt na palvmmi chinto kv̄t isht ai im vlhpisa he nitak a hi oke.

23. Amba nitak yvmma foka hō vlla shanli, micha pishinchi aiena hokvto i palvmma he; na komunta chinto kv̄t yakni a ai onvtuyulakma, vba auet i nukkilli mvt okla ilvppa onvtula hi oke.

24. Yohmikma bvshpo falaia yō isht akakoha he; micha yuka tobtv̄t oklushi moma ai im ohona he; mikma Chelusalem a Chentail okla hosh aka a hvhlihinci na Chentail okla nana im ai vlhpisa atuk vt ont ai ghlik mak a hi oke.

25. Yohmikma hvshi, micha hvshi-ninak-gya, mikmvt fochik puta aiena ka nan isht atokowa kv̄t aiasha he; mikma oklushi puta a kaniohmi ik ithanot isht a komunta yvt yakni paknaka yā ai onvtuyulakma, okhvta oka bvnvtha kv̄t fohompa he;

26. Ilvppa puta kv̄t yakni a ai onvtuyula chī ka hohoyo tuk vt hatak chkvsh puta kash ot nukshopvt illa hi oke: vba nan isht aighli ka puta gsha kash ot winakahancha hi oke.

27. Yvmma fokakma Hatak Ushi vt nan-isht-aighlika,

micha isht a holitopa chinto aiena ka il ai eshit a hoshonti anukaka minti na okla pisa hi oke.

28. Mikma nana ilvppa puta kv̄t ont aighlit isht ia, yohmikma a hvchi hlakofa ch̄i kv̄t atukonofvt taha hoka, vba pit hopokoyot hvchi noshkobo h̄a hvsh vba chakalichashke, im achi tok.

29. Mihmvt nan-isht v̄lhpisa h̄o okla hash isht im anum-pulit, Fik vpi, micha iti puta ka ho pesá.

30. Yvmmvt bokoplit kohcha na hvsh pisakmvt, hvchish-no akinli kia toffa vt olanlosi ant takanli ka hvsh ithana chatuk oke.

31. Yohmi kv̄t yvmmak inli h̄o chiyuhmit nana ilvppa puta kv̄t ont aighli na hvsh pisakmvt, Chihowa apelihika yvt auet olanlosi v̄la ka hvsh ithaiyanashke.

32. Ahli mak o hvchim achi lishke; Himak a hatak asha ilvppvt ont ik ai ikshot ik kv̄nio k̄isha h̄o, momvt ont aighli ha ch̄i hoke.

33. Uba shutik, micha yakni aiena hokvto ont ik ai iksho ka he; amba vno vm anumpa puta hatuk vto ont ik ai iksho ka he keyu hoke.

34. Michah ahah! hvsh il aiahnashke; yvmmak keyukmvt kanima kash inli h̄o isikopa, micha na homi ishkot haksi, mikmvt yakni ilvppa antvt nana ai okchaya he anukfoyuka fehna aiena kak osh hvchi ch̄ukvsh ma isht alotvt atupa, yohmi na hvch ik akostinincho h̄o, nitak yvmmvt ayvt ant hvch̄i kohcha hinla hoke.

35. Yvmmak okvt nan-isht hokli o chiyuhmit ayvt, yakni pataiya ai ahashwa tuk a mominchit i kohcha hi oke.

36. Yvmohmi hoka il a nuktaglv̄t vba pit anumpohonlit hvsh biliashke: yohmi tuk osh nana kv̄t a yakohma ch̄i puta ka mominchit ai i hlakofit, Hatak Ushi itikba ya hiohmaya hi vt a hvchi v̄lhpeshashke, im achi tok.

37. Mihmvt nitak okvno tempel anukaka yak o nana ithvnanchit anta tuk osh, ninak ano kohchvt ia mvt, nvnih chaha Alif hohchifo h̄o ont antvt on onna tok.

38. Atuk o onnahinli fehna i haponakla ch̄i kv̄t, okla hv̄t momvt tempel a im ai ona tok.

CHAPTER XXII.

Chutas Iskaliot vt Chisvs g ishit na-holitompa isht gsha pehlich
 vhleha h_g ibbak fohka ch_i kv_t nan it im apesa, 1. 7 Pita, Chan
 ita tuklo hosh ont ai vbanvblit isht vlpisa ka atahli h_g, Chisvs vt
 aash-tuklo yash it ibai impa mvt, 19 opiaka na holitopa impa isht
 vlpisa ka apesa. 31 Pita na-yimmi im anukfila hatuk vt i k_vnia
 ch_i keyu, amba hituchina ha y_g ilapa ik ithano chatuk vt miha ch_i
 ka, Chisvs vt im anoli. 39 Nana kv_t im a pal_vmmi, micha vba
 pit anumponlit osapushi anukaka y_g anta; 47 Chisvs g okla isht
 ia na na holitompa isht gsha pehlich g im ona. 54 Pita yvt hitu-
 china ha y_g Chisvs g ik ithano ka miha tuk osh, i himmak o nuk-
 haklot yahaya fehna, 63 mihma Chisvs g okla ik ahobalot na
 mihachi. 66 Chisvs g ilaue_vlit nan ai apesa y_g isht ona na illa ch_i
 im vlpisa.

1. MIHMA vbanvblit ont ia achi, pvska ik shatvmmo
 impa hv_t ai on_g he tok.

2. Yvmohmi ma okla hak o i nukshopa hatuk osh, na-
 holitompa isht gsha pehlich vhleha, micha na-holissochi
 puta kash ot yv_vmma kaniohmichit vba hinla kv_t akostinin-
 chi bahana tok.

3. Yohmi ma Setan vt Chutas Iskaliot hohchifo, aash-
 tuklo ka ai iba holhtina hatuk ash ont chukowa tok.

4. Mihma yv_vmmak ash ot ia mvt, kaniohmichit ishit
 ibbak fohka hinla kv_t, na-holitompa isht gsha pehlich
 vhleha, micha kupitvni vhleha aiena ka ont isht it im anum-
 puli tok.

5. Mihma okla na yukpa mvt, yv_vmmak ash tvli holisso
 ima ch_i kv_t im apesa tok.

6. Mihma, Yohma hinla kv_t miha mvt, okla laua yvt ai
 iksho ma atakvchit ishit, ibbak g fohka hinla kv_t ai vlpesa
 hi g hoyo tok.

7. Atuk o pvska ik a shatvmmo ka he, micha ai vbanv-
 blit ont ia illa he nitak vt ai ona tok.

8. Mihma Chisvs vt Pita, Chan ita tuklo ka pit tihlelit,
 Ivt ai vbanvblit ont ia y_g hvsh pim atahli tuk o, iloh im-
 pashke, achi tok.

9. Mihma yummak ash ot, Katima yak o il ai atahla hinla ka ish ahni cho? im achit okla tok.

10. Mihma, Yakeh! tomaha ha ont hvsh chukowakma, hatak vt lukfi kotoba oka vlhto ho sholi kvv hvchi afama chi hoke; yummak o apihvt aboha kanima yo pit chukowakma, hvsh chukowashke.

11. Mikmut hatak chuka yomma ai vta yatak ash, Nanihnanachi vt, Katima ko ai impa aboha yvt talala ho, nan vm ai ithva vhleha ha pehlichit ai vbanvblit ont ia ya ai it ibai impa la chi cho? auet chim achi kvno; hvsh im achashke.

12. Yohmikma yummak ash ot vba potvlhpo chito hosh nana ai vlhtaha achukma ho hvchi pisacha chi hoke; yummak o hvsh ai atahlashke, im achi tok.

13. Mihma itiachi tuk osh, yummvt nana ai i miha hatuk ash ont ai vlhpiesa na pivt okla tok; yohmi mut ai vbanvblit ont ia ya ai atahlit okla tok.

14. Atuk o hvshi kanvlli vt ai ona ma, vbanumpeshi anah-tuklo kash ot apaha ho, binili tok.

15. Mihmut, Ik si ai ilvsho kisha takla kak osh ai vbanvblit ont ia ilvppa a hvch ibai impa ka ahni kvv ahni li fehna tuk oke.

16. Himak a pilla ma yomma ak ai vpo mak o, Chihowa apehlichika yak o ai isht aighla chi mak oke, hvchim achi lishke, im achi tok.

17. Mihmut isht ishko a ishi cha, vba pit aiokpvchi mut, Ilvppa oh ishi cha, hvsh ita kashkoashke;

18. Pakvpi a waya ka ak ai ishko mak o, Chihowa apehlichika yvt vla chi mak oke, hvchim achi lishke, im achi tok.

19. Mihmut pvka ya ishi cha, vba pit aiokpvchi mut, tushalichi cha, yummak ash o ima mut, Ilvppvt sa nipi yosh hvchishno yak o isht hvchi vlhtoba mak oke, isht hvsh svthaiyana chi mak osh ilvppa hvchi ymohmashke, achi tok.

20. Impvt issa ma, isht ishko ma aieninchit, Isht ishko ilvppvt nan vlhpisa himona yosh vm issish vt hvchishno atuk mak o hlatapa ka isht a toba mak oke.

21. Yohmi kia yakeh! svshit inla ibbak fohka chj ibbak vt si awant ai impa yg ashvshke.

22. Yohmi ka Hatak Ushi yokvto ai im vhpisa tok mak osh yohmi mvhli; amba ishit inla ibbak fohki yvmmak okvto ai i palvmmi mak oke.

23. Yohmi ma, E katima mak osh ilvppa a pi yakohma chj hatuk oh cho? ahnit il im asilhhvchit maya tok.

24. Atuk osh anonti, E katima kak osh moma i shahli ha hinla chishba? ahnit ai ita-chapovt maya tok.

25. Yohmi ma yvmmak ash ot, Chentail okla i miko vhleha hak osh i na-hullo h_o tobtv, nana h_o ahnikmvt, ai i yvmihchi chatuk; micha yvmma ai i shahlit nan im ai vhpisvt antakmvt, nana achukmali y_o hohchifo chatuk.

26. Amba hvchishno vto hvchi yvmohma he keyu hoke; mikma kvna hosh moma i shahli kv hvch ibafoka hokmvt, yvmmak osh himmak o chohmashke; mikma na pehlichy yokmvt, nan-isht im vtta y_o chiyuhmashke.

27. Ashvt impa kak okmá, nan isht im auta kak okmá, nanta kak osh i shahli y_o? ashvt impa kak keyu? yohmi kia vno vto nan isht im vtta mak o chohmi hosh hvchi ibafoka lishke.

28. Isht ai imomaka sa pesa a puta ka hvchishno ak osh hvs si apeha beka tuk mak oke.

29, 30. Yohmi ka a pehlichy li g vm ai impa ai impvt, ai ishkot, aiasha holutopa ka chieyvt, Islael hatak isht-ai-unchululi auah-tuklo ka nana hvsh im apihisa chj mak o, apehlichika yg hvch im apesa li kv, vno g aki vt ai vm apesa tok g chiyuhmichi lishke, im achi tok.

31. Mihmvt Chitokaka yash ot Saimon, Saimon, yakeh! Setan vt chishi cha, mvshlichit onush o chiyuhmichi ka bvna tuk.

32. Yohmi kia na chi yimmi tuk vt ik chj kvnio ka chj ka, vba pit isht chi anumpuli li tuk; yohmi ka a filemvt ish ile kostininchikmvt, ish itibapishi vhleha h_g ish hlampkochashke, achi tok.

33. Mihma yvmmak ash ot, Chitokaka ma! aboha kvllo,

micha ai-illi aiena ka chi awant ona la hi vt vm vlhtaha hoke, im achi tok.

34. Mihma, Pita chia h_g chim anoli lishke, himak nitak g akaka yvt ik olo kisha h_g, hituchina ha chik svthano ish miha ch_i hoke, achi tok.

35. Mihmvt, Tvli holisso i shukcha, micha bahta pinak ai-vlhto, mihmvt shulush aiena kv_t iksho h_g pit hvchi tibleli li chash, nanasi kia isht ik hvchim ai ono ke tuk o ? im achi tok ; mihma, Nanasi kia ik pim ai ono ke tuk keyu, okla achi tok.

36. Mihma, Amba himak okvno, kvna hosh tvli holisso i shukcha yvt in tonla tukmvt, ishi cha, anonti bahta pinak-ai-vlhto ma mihinlashke ; yohmikma kvna hosh bvshpo falaia yvt ik im iksho ke tuk mvt, im anchi g kanchi cha, achufa ka chumpashke.

37. Yohmi kv_t yvmmak ash ot, Nan-vlhpisa kobeffi vhleha h_g ai iba holhtina tok, achi holisso tok ilvppvt vno ak o ant si ai isht ai ghla ch_i ka pulla moma hoke ; nana kv_t vno ak o svst anumpa tok okvto ont ai vhla ch_i mak oke, im achi tok.

38. Mihma, Yakeh ! Chitokaka ma ! bvshpo falaia yvt tuklo hosh yak chiyvshke, achi tok. Mihma, Yvmmak oh kia vlhpesa hoke, im achi tok.

39. Mihmvt yvmmak o yohmi chatuk okvt, kocha ia mvt, Alif nvnih chaha y_g ona ma, nan-im ai ithvna vhleha hash kia iakaiya tok.

40 Mihma yvmmak ash ot yvma ont anta mvt, A yoshuba y_g hvch ik iba chukowo ka ch_i kv_t vba pit hvsh anumpohonlashke, im achi tok.

41. Mihmvt ai i filvmmi_t tvli bohpoa ont ai itola ho tuk ohmi foka h_g, ont hvchukbihlepvt hikia cha, vba pit anum-pulit,

42. Aki ma ! vlhpesa ish ahni hokmvt, isht-ishko ilvppa is s_g kanvlichashke : yohmi kia vno ak osh ahni li kak o keyu ; amba chishno ish aiahni kak o ai yvmohmashke, achi tok.

43. Mihma enchil vba minti kv_t ant i haiakvt hlampkohonchi tok.

44. Mihma i palummi kv̄t a fehna hatuk okv̄t, i shahli-chit a chilitv̄t v̄ba pit asilhha tok: mihma laksha kv̄t isish hlatapa ohinto aka fohompa h̄o chiyuhmi tok.

45. Atuk osh v̄ba pit asilhha tuk ash ot wakaya cha, nan im ai ithvna vhleha aiasha ka v̄la mvt, nukh̄gklo kv̄t nusi tuk osh aiasha na pisa mvt,

46. Nanta katiohmi h̄o hv̄chi nusi cho? ai-ashv̄chika ȳa hv̄ch ik iba chukowo ka ch̄i kv̄t, tanit v̄ba pit oh asilh̄h̄a, im achi tok.

47. Mihma yv̄mmvt anumpuli moma h̄o, auah̄tuklo ai iba holhtina Chutas hohchifo hash ot okla l̄awa ka in tikba hikv̄t aya tuk osh, i suk̄sowa ch̄i kv̄t Chisvs a atukonofv̄t ia tok.

48. Yohmi kia Chisvs ash ot, Chutas ma! na suk̄sowa hak o Hatak Ushi a isht haksichit ishit inla ibbak a ish fohki hoh cho? im achi tok.

49. Mihma apeha atuk ash ot nana kv̄t a katiohma hinla ka pisa mvt, Chitokaka ma! bv̄shpo falaiya ȳo isht e fahama ch̄i cho? im achi tok.

50. Mihma achv̄fvt na-holitompa isht agha pehlich̄i i shahli in tishu h̄o fahama cha, ishtimpak imma haksobish a tv̄bli tok.

51. Mihma Chisvs ash ot anumpulit, Yv̄mmak okvno ant ik a yohmi na hv̄sh aiahnashke, achi tok. Mihmvt haksobish ash i potoli mvt, hlakofichi tok.

52. Mihmvt Chisvs ash ot na-holitompa isht agha pehlich̄i vhleha, micha tempel i kv̄pitvni vhleha, mikmvt hochitoka vhleha aiena kv̄t ai im v̄la tuk ash, Na-hukopa ȳo ayv̄t i kohcha h̄o chiyuhmit bv̄shpo falaiya, mikmvt iti tv̄ptua aiena ka sholi hosh hv̄sh itvnowa cho?

53. Nitak moma hv̄chi takla tempel a anykaka ȳa ahanta li kv̄no; ibbak nana kia hv̄ch ik si o welo ke tuk; yohmi kia himak okv̄to hv̄chishno, micha aiokhlilika nana im aighli aiena ka hv̄ch̄i nitak mak okv̄t, im achi tok.

54. Yohmi ma yv̄mmak ash o okla ishi mvt, isht ivt na holitompa isht agha pehlich̄i i shahli in chuka ȳo ont ishit chukowa tok. Mihma Pita yv̄t auet i mishemanchit iakaiya tok.

55. Atuk o kv̄sbi aboha ai itin-takla talaia tuk g ai ik-
l̄onna ka okla luak ai oti cha, binohlit taha ma, Pita yvt takla
binili tok.

56. Atuk o yv̄mm̄vt luak bilika ont binili ka, ohoyo himita
achv̄vt pisa cha, atokolit pisa fehna m̄vt, Hatak ilv̄ppak kia
yv̄mma awant gya kamo, achi tok.

57. Mihma ik ithano ilahobit, Ohoyo ma! yv̄mma ak
ithanoshke, achi tok.

58. Atuk o anonti in chekosi ma, inla yosh yv̄mmak ash
pisa m̄vt, Chishno vt yv̄mma ai achv̄fa chia akinli, achi ma;
Pita ash ot, Hatak ma! mihi yo sia keyushke.

59. Atuk o yv̄mmak atuk g i hv̄shi kanv̄lli achv̄fa foka
ma, inla hosh kv̄lloch̄i feh̄vt miha m̄vt, Ilv̄ppak kia yv̄mma
awant gya yatuk vt aiahli hoke; ilv̄ppvt Kalili hatak oka,
achi tok.

60. Mihma Pita yash osh, Hatak ma! nana h̄o ish miha
ka ak ithanoshke, achi tok. Mihma ashalika anumpohonli
moma na akaka yvt ola tok.

61. Mihma Chitokaka yvt filem̄vt Pita ya pisa tok. Mihma
Pita yash ot, yv̄mm̄vt, Akaka yvt ik olo k̄isha h̄o, hituchina
ha chik sv̄thano ish miha ch̄i hoke, im achi tuk Chitokaka
im anumpa hash ithaiyana tok.

62. Mihm̄vt Pita yvt kohcha cha, yahaya fehna tok.

63. Mihma Chisvs ash apesv̄chit maya tuk hatak ash ot
ik ahobalot na-mihachi m̄vt, boli tok.

64. Micha nishkin g okla ompohomot, nashuka ya isso
m̄vt, kv̄ta hosh chisso h̄o? akostininchit anoli, achit i po-
naklo tok.

65. Mihm̄vt ik ahobalo feh̄vt nan ilaiyuka isht im i sana-
lit mihachi kv̄t lauachi tok.

66. Atuk o on̄vt taha mak inli h̄o, hochitoka vhleha,
micha na holitompa isht gsha pehlich̄i vhleha, mikm̄vt na-
holissochi vhleha aiena kv̄t itahoba cha, yv̄mmak ash ilauelit
im ai-apesa aboha ya ishit chukowa m̄vt,

67. Chishno ak osh, Klaist mak o chia hoh cho? pim
anoli, im achi tok. Mihma, Hv̄chim anoli li mak o, hv̄chi
yimma he keyu.

68. Micha vno mvt na hvchim asilhba li mak o, afalaminchit hvs svm anumpula he keyukmvt, anonti ant ik i hotofa, hvs svm ahna he keyu.

69. Himak a pilla ma Hatak Ushi vt Chihowa nan oklyha imaiya im ibbak isht impak imma ya a binila he mak oke, im achi tok.

70. Mihma momvt, Mih-kvto chishno ak osh Chihowa Ushi chia ho? okla achi tok. Mihma yvmmak ash ot, Mihi yo sia mak atuk o hvsh mihvshke, im achi tok.

71. Mihma, Hvpishno akinli hosh ilap itih fehna iloh, a haklo kvt, himmakma nan isht atokowa ka iloh ahna hinla cho? okla achi tok.

CHAPTER XXIII.

Chisvs g okla ilaelit Pailat ak o isht im ona ma, 1, 13 Pailat ash ot, okla ak osh yvmma im ahni fehna hatuk o, Chisvs vt ititaiyukhvna ahonvha chi ka, im issa cha, Balabbas ak o i hotofi. 26 Chisvs vt iti-taiyukhvna ahonvha chi ho okla isht ia mvt, Saimon ak osh ititaiyukhvna ya iba shola chi ka atohno; 33 hatak hvkopa tuklo hosh apihvt iti-taiyukhvna ahonvha ak inli; achvfa kvto Chisvs vt yvmma takanli moma ho, i yimmit aiokpvchi. 44 Chisvs vt illi. 50 Chosef Alimahlea minti osh Chisvs haknip g ishi cha, hohpi.

1. **MIHMA** okla laua yvt momvt wakaya cha, yvmmak ash ilaelit Pailat g isht im ona tok.

2. Yohmi mvt, Hatak ilvppvt Klaist miko yo ile mihvt, Sesa ya noshkobo isht chumpa twli holisso im itahobi chatuk g im alvminchit ahantvt, pim okla talala ka okpunit ahanta ho, e pisa tuk oke, achit anumpa okla onochi tok.

3. Mihma Pailat vt yvmmak ash o i ponaklot, Chishno ak osh Chu okla ha i miko chia mak oh cho? achi tok. Mihma afalaminchi mvt, Mih-mak atak ish mihvshke, achi tok.

4. Yohmi ma Pailat ash ot, na-holitompa isht gsha pehlich vhleha, micha okla puta kash, Hatak ilvppa nan ik ai vhpeso nana kia ak ai akostininchoshke, im achi tok.

5. Mihma okla isht i shahlit a chilitot, Ilvppvt vmmona ka Kalili ak o ai isht ia hosh Chu okla aiasha ka mominchit a hlopullit nana im avuchit, okla hā ai okpunichit isht aya hosh ilvppa vla hoke, achi tok.

6. Mihma Kalili achi na Pailat vt haklo mvt, Kalili hatak okmā, nanta hatuk ba? achit ponaklo tok.

7. Atuk osh Helot apehlichy yak o ai iba fohka atuk o akostininchi makinli hosh, Helot ak kia ilapvt nitak yvmma fehna ma Chelusalem g ant anta hatuk o, pit i chvffichi tqk.

8. Yohmi na Helot vt Chisvs g pisa mvt, na yukpa fehna tok: yohmi kvv yvmma isht ai annoa ka habgklo ka laua hatuk osh, pisa bvna fehna tuk g hopaki tok; yohmi hatuk osh nana a fehna kaniohmi kia a yvmihchi na pisa chi kvv ahni tok.

9. Mihmvt anumpa lauachit nana isht im asilbhvchi tok: yohmi kia yvmmak ash ot afalaminchi kvv nana kia ik im acho ki tok.

10. Mihma na-holitompa isht gsha pehlichy vhleha micha, na-holisochy vhleha aiena kash ot kvullochy fehvt anumpa onochit hiohmaya tok.

11. Mihma Helot ash ot in tvshka chipota vhleha hash o pehlinchi cha, yvmmak ash o na-keyukechy fehvt isht itukhlakavvt ik ahobacho ke tuk: mihmvt na-fohka tohbi holitompa hō fohkachechy cha, falaminchit Pailat g pit i chvffichi tok.

12. Mihma tikba hokvno ai it i nukkilli yoh chatuk ak osh, nitak yvmma fehna ka Pailat, micha Helot itatuklo kvv ai iti kana toba tok.

13. Mihma Pailat ash ot na-holitompa isht gsha pehlichy vhleha, micha hochitōka vhleha, mikmvt okla a puta kash hoyot itahobi mvt,

14. Hatak ilvppvt okla hā i miko g isht ai iti filamolichy yoke, achi hosh isht hvs svv vla tuk: mihma yakeh! hvchi tikba ya nana ka ai im asilhhabanchy li kvv, anumpa isht hvsh ai onochy tuk imma ka, nana ik ai-vlhpeso kvv hatak ilvppa ai a takali ka ak im akostininchoshe.

15. Mihma Helot vt mihinli tuk ; yvmmak o pit hvchi a tihleli li ; yohmi ka nana ka isht ai illa he vvhpesa ma a takali keyushke.

16. Yohmi hoka fvmmi lish, i hotofi la chj hoke, im achi tok.

17. Yohmi kvv ai-vbanvblt ont ia impa gsha ka achv-falichit ai i hotofa hi g vvhpesa ha tok.

18. Mihma himonna achvfa momvt tahpvvt, Hatak ilvppvno kanima isht ia cha, Balabbas ak o ish pi kohchi-chashke, achi tok.

19. Yvmmak okvt tvnaha hg antvt i miko g ik im antio ka chj ka okla hg anukfohkichi, micha hatak vbi aiena hatuk o, aboha kvllo g pit a fohki tuk a tok.

20. Yohmi hatuk o Pailat vt Chisvs ak o i hotofi ka ahni hatuk osh, himmak ma okla hg im anumpuli tok.

21. Yohmi kia okla tahpvvt, Iti-taiyukhvna yo ahonvh-lvchi, iti-taiyukhvna yo ahonvhlichj, ahanchi tok.

22. Mihma ont atuchina ma, Nanta katiohmi ho ? nan ik ai vvhpeso nanta mak o yvmohmi tuk oh cho ? nana ka isht ai illa he vvhpesa ka vno vt ak im akostininchoshke ; yohmi hatuk osh fvmmi lish, i hotofi la chj hoke, im achi tok.

23. Mihma okla a chilita fehvt chitolit anumpuli hosh, yvmmvt iti-taiyukhvna ahonvhla hinla ka asihjhlha tok : mih-mvt yvmma, micha na-holitompa isht gsha pehlichj vhleha aiena im anumpa hak osh imaiyachi tok.

24. Mihma Pailat ash ot okla hvv nana asilhha tuk mak o vvhpesa chj ka apesa tok.

25. Mihma yvmmak o okla asilhha tuk oka, i miko ik im antio ka chj ka anukfokvchichi, micha hatak ma vbi aiena hatuk o aboha kvllo g pit a fohki tuk a tok ash, i kohchichi tok : amba Chisvs ak okvno nana ho okla ahna chj ka, im issa tok.

26. Mihma yvmmak ash o kanima isht ivt itvnova mvv, Silinian hatak Saimon osh haiaka vttvt minti ho okla halvllit ishi ; yohmi mvv yvmmak osh Chisvs g iba shola chj ka, iti-taiyukhvna ya om bohli tok.

27. Yohmi ma okla lqwa fehna kvv iakaiyvt itvnova ma,

ohoyo aiena tuk osh yvmmak ash o isht nukhaklot chitolit yahaya tok.

28. Yohmi kia Chisvs ash ot pit filema mvt, Chelusalem ushetik hvchia ma! vno ak okvno vsisht yayivt nishkin okchi hvch ik hlatvblo kashke: amba hvchishno inli kak o isht ile yayivt nishkin okchi hvsh hlatvblikmvt, hvchim vlla aiena kak ashke.

29. Yakeh! vlla ik im iksho, micha oshvto nana a foyuka keyu, mikmvt i pishik vt na pishechi keyu aiena hokvto im achukmvshke, okla acha he nitak vt mihintishke.

30. Yvmma fokakma nvnih chaha puta ka, Pi o kinahlí, im achikmvt, nvnih chipunta ya, Hvsh pi ompohomashke, achit isht ia hi oke.

31. Yohmi ka iti vt okchaki o ilvppa okla ai yvmichi tuk mvno, anonti shila yokvno nanta mak osh a katiohma hi oh cho? achi tok.

32. Yohmi ma hatak haksi tuklo hosh illit okla chi ho, ai apahalinchit isht gya tok.

33. Atuk osh Kalfali hohchifo yvmmak atuk ash okla ai vla mvt, yvmmak ash, mikmvt hatak haksi tuklo aiena kash ot achvftvtt ibbak isht-impak imma yo takali ma, anonti achvftvtt vlvfbeka tvnnpv o takali ho, iti-taiyukhvna ya ai ahovhlichit tok.

34. Yohmi ma Chisvs ash ot, Aki ma! ish i kashofashke: nana ka kaniohmi kvtt okla ithana ho keyu hoka, achi tok. Yohmi ma i na fohka ya ita kvshkolit mavvt na-shoeli tok.

35. Mihma okla hvtt pisvt hiohmaya tok: mihma hochitoka vhleha mvt ik ahobalot, Inla ya okchalinchit yatuk okvt, ilap ak osh Chihowa i hoolitopa Klaist atuk okmvt ilap inli kak osh ik il okchalinchit, achi tok.

36. Mihma tvshka chipota vhleha ak kia ai im vlvtt, ishit yopulvt, anonti wineka ipeta mvt,

37. Chishno ak osh Chu okla ha i miko chiv hokmvt, ish il okchalinchashke, achi tok.

38. Yohmi ma Klik, micha Latin, mikmvt Heblu aiena anumpa ho isht a holisso kvtt, **ILUPPAK OSH CHU OKLA HA I MIKO MAK OKE**, achi hosh paknaka ya takali tok.

39. Mihma hatak haksi tuklot vba takohli tuk ash ot achvvt yvmmak ash ik ahobalot mihachit, Chishno ak osh Klaist chia hokmvt, il okchalinchu cha, pishno ma ish pi okchalinchashke, achi tok.

40. Amba achvfa kvto afalaminchit im alvmmit, Chishno ak kia na chim vlhpisa kvv a miha achvfa hokak osh Chihowa ha chik i nukshopo cho ?

41. Micha pishno ak okvto pim ai vlhpesa ho mvhli ; pishno nana il a kaniohmi tuk isht ai vlhtoba he vlhpesa mak o e pisa hoka ; amba hatak ilvppak okvto nana ho okvni tuk keyushke, achi tok.

42. Mihmvt Chisvs ash, Chitokaka ma ! ish apehlichika ya ont ish chukowakmvt, is svthaiyanashke, im achi tok.

43. Mihma Chisvs ash ot, Himak nitak a si awant palatais a ish anta chi hoke, ai ahli mak o chim achi lishke, im achi tok.

44. Yohmi ka yvmmvt hvshi kanvlli vlhpisa ont isht han-nali foka tok ; mihma yakni moma ka ai okhlilit kvnia na hvshi kanvlli vlhpisa ont isht chakkali tok.

45. Yohmi ma hvshi vt okhilli ma, nan-tvna tempel anukaka takali atuk vt iklvna ita hlilafa tok.

46. Mihma Chisvs vt chitoli hosh anumpuli mvt, Aki ma ! sa shilombish a chibbak pit a fohki lishke, achi tok : mihmvt yakohmichit miha mvt, fiopissa tok.

47. Mihma nana kvv ai yvmohmi na Sintulion vt pisa mvt, Ilvppvt hatak ahli achukma yatuk o pulla mvhlishke, achit Chihowa ya holitoblichu tok.

48. Mihma okla yvmma pivvt ai itahoba tuk ash ot, nana kvv ai yvmohmi ka pisa mvt, momvt ilap ikkishi ha isso cha, falamvt ilhkoli tok.

49. Mihma yvmma ai it ithangka puta, micha ohoyo Kalili a gsht ai apehvt minti tuk aiena kash ot mishema ho auet hielit, na yakohmi puta ka pibisa tok.

50. Mihma hatak vt Chosef hohchifo nan-apesa, micha hatak aihli achukma hosh anta tok.

51. Okla nana im anukfila, micha a kaniohmit maya aiena ka ilvppvto ik ibafohko ki tok : ilvppvt Chu okla in tmaha

Alimahlea ak o ai vta hosh yummak kia Chihowa apehlichika ya pit hohoyo ya tok.

52. Hatak ilvppak ash ot ivt, Pailat g im ona cha, Chisvs haknip g asilhha tok.

53. Micha yummak ash ot akvchi cha, na-lapushki lin en o a bonullit sepulka vt tvli yosh kulvt toba ho, yumma hatak nana kia ik a fohko yatuk o fohki tok.

54. Mihma yummvt ai atahli nitak atuk o, nitak hullo vt atukonofvt mihinti tok.

55. Mihma ohoyo Kalili g asht ai apehvt aya tuk ash kia, iakaiyvt ilhkoli cha, sepulka, micha haknip ash ot kaniohmit itola aiena ka achukmalit pisa tok.

56. Mihmvt falamvt ilhkoli cha, na-balama, micha nanahama aiena ka atahlit maya tok : mihmvt anumpa vlpisa yoka nitak hullo yokvno foha tok.

CHAPTA XXIV.

Chisvs vt falamvt tani tuk g enchil tuklo hosh ohoyo hash sepulka ak o ai im anoli, 1. 13 Chisvs nan im ai ithvna vheha tuk vt tuklot Emmavs g itiachi hosh ayvt okla ; 38 il otvniichi, nan im ai ithvna vheha hatuk vt chiya moma na Chisvs vt itintakla ant hikia : 47 yohmi cha Chelusalem ak o vmmona ka ai isht ia hosh vbanumpa ya okla isht anumpula chi ka, im apesa. 51 Chisvs vt vba a holitopa ya ia.

1. ATUK osh we k nitak vmmona onnvt okhlilinchii fehna ho na-balama atahli tuk vt ishit, inla ka ai itapihvt, sepulka yash okla ai ona tok.

2. Mihma tvli vt sepulka ya kanima pit tonoli tuk o okla pisa tok.

3. Mihmvt okla pit chukowa tuk osh, Chitokaka Chisvs haknip ash ik peso ki tok.

4. Atuk o yakohmi tok ; okla nana a kaniohmi ik ai ithano fehvt maya ma, yakeh ! hatak tuklo kvv i na-fohka shohmalali hosh itumasi a hinli tok.

5. Mihma okla nukshopvt, aka pit yochonoli ma, yummak

ash ot, Nanta katiohmi hō okchaya illi aiasha ak o hvsh hoyo cho ?

6. Ilvppa ikshoshke ; amba tani tuk oke ; Kalili g anta moma mvt hvchim anoli kv̄t ;

7. Hatak Ushi vt hatak nan ashvchi v̄hleha ibbak g a fohka cha, iti-taiyukhvna ai ahonv̄hla tuk osh, nitak ont atuchinakma falamvt tana hi oke, achi tuk g hvsh ithaiyana-shke, im achi tok.

8. Mihma im anumpa ha tok ash okla ithaiyana tok.

9. Micha sepv̄lka yash ḡsht falamvt ilhkoli mvt, auah-achv̄fa kash, micha inla moma aiena ka na yakohmi puta tuk ash mominchit ont im anoli tok.

10. Meli Maktalene, micha Choanna, mikmvt Meli, Chemis ishki, micha ohoyo inla ka yv̄mma apehvt ḡya tuk aiena kak osh v̄banumpeshi v̄hleha h̄g na-yakohmi puta tuk g ont im anoli tok.

11. Mihma yv̄mma im anumpa hv̄t annoa ik ghlo yak o ai im itilau cha, okla ik yimmo ki tok.

12. Mihma Pita yv̄t wakaya cha, malelit sepv̄lka ȳg onvt, pit aka chonoli mvt, l i n e n nan-tv̄nna ak bano hosh ḡsha na pisa cha, ia mvt, nana kv̄t ai yv̄mohmi tuk ash, okokko ! ahni tok.

13. Atuk o tuklo kv̄t nitak mih-makinli ka tv̄mahushi Emmaus hohchifo hosh, yv̄mmvt Chelusalem ḡ auet i kowi untuchina foka hatuk o itiachi tok.

14. Mihmvt nana kv̄t ai yv̄mohmi tuk ilvppa puta kash isht it im anumpohonli tok.

15. Atuk o yakohmi tok ; it im anumpulit nan it im asilhhahanchi kash ot moma hō, Ghisvs akinli kv̄t sakki cha, t̄gkla ḡya tok.

16. Yohmi kia ik ithano ket okla ch̄i ka, nishkin vt mo-choli hō chiyuhmi tok.

17. Mihma yv̄mmak ash ot, Ilvppak osh anumpa katiohmi mak o isht it im anumpohonlit hv̄sh ḡya cha, hv̄sh ilapissa cho ? im achi tok.

18. Mihma achv̄vt Kleopas hohchifo hosh afalaminchit ; Hatak kanima minti chishno ak hosh Chelusalem ḡ ish anta

kv̄t himak nitak chohmi yv̄mma nana kv̄t a kaniohmi ka chik akostinincho ke tuk oh cho? im achi tok.

19. Mihma yv̄mmak ash ot, Nana nanta ho? achi ma, Chisus Nasalet hatak nan im a kaniohmi tuk a, yv̄mmak okvt hopaii yosh Chihowa, mikmvt okla puta aiena itikba ya nana a kaniohmi, micha anumpuli aiena kv̄t a chinto fehna tuk;

20. Yvmohmi tuk o na-holitompa isht asha pehlichī vhleha, micha pi hochitoka vhleha aiena kv̄t, yv̄mmvt illa chi hosh im v̄lh̄pisa chi ka, kaniohmichit ishit inla ibbak a fohki na iti-taiyukhv̄na ahonv̄hlichī tuk.

21. Yohmi kia yv̄mmak osh Islael okla ha hlakoficha he tuk mak atuk a pi yih̄immi tuk; yvmohmi tuk kia keyushke; micha yv̄mmak bano keyu, nana kv̄t a yakohmi tuk a himak vt nitak ont isht atuchinv̄shke.

22. Michā anonti ohoyo il ai itapeha tuk a a kanimi kv̄t onnahinli fehna sep̄lka ya ont maya tuk vt,

23. Yv̄mma haknip a ik peso hosh ai v̄la mvt, anonti enchil mvt i haiaka na pisa ma, Yv̄mmak ash ot okchaya hoke, achi tuk achi cha, okla pi nukhlakv̄shli tuk oke.

24. Yohmi ma il ai itapeha tuk a a kanimi kv̄t sep̄lka ya ona, yohmi mvt ohoyo nana a miha tuk a v̄lh̄pesa ho ont pisa tuk; yohmi kia yv̄mmak amo okla ik peso ke tuk oke, im achi tok.

25. Mihma yv̄mmak ash ot, Im anukfila iksho, hopaii vhleha hv̄t anumpuli tok moma ka chukv̄sh isht yimma he sv̄laha hv̄chia ma!

26. Klaist vt na yakohmi puta ka pisa ha yosh a holitopaka ya chukowa he v̄lh̄pesa ha tok keyu cho?

27. Mihmvt Moses, micha hopaii puta aiena tok ai v̄hli kak o isht ia hosh, Holisso Holitopa ya a mominchit ilap a isht ai annoa ka achukmalit im anohonli tok.

28. Mihma tvmahushi itiachi yv̄mmak atuk ash ot itonach̄ hosi tok; yohmi ma yv̄mmak ash ot ont ia hinla ka, ile chohmichi tok.

29. Yohmi kia im a chilita feh̄mvt oklot, Nitak vt shohbit ont opiv̄t mah̄aya hoka, pi takla ish antashke,

achit okla tok. Mihma takla anta chi hosh ont chukowa tok.

30. Atuk o yakohmi tok; yvmmak ash ot takla impvt binili mvt, puska ya ishi cha, vba isht aiokpvchi mvt, tush-tolit, yvmmak ash o ipeta tok.

31. Mihma nishkin vt i fatumvt okla cha, yvmmak ash ithanvt okla tok; yohmi ma yvmmak ash ot i holhponayo ha ai i kvninihya tok.

32. Mihma, Ilvppvt takla ya a pim anumpuli, micha Holisso Holitopa aiena ka achukmalit a pim otvvinchi ma, pi chukvsh vt libisha tuk keyu? it im achi tok.

33. Mihmvt hvshi kanvlli vlpisa mih-makinli ho wakaya cha, falamvt Chelusalem a it vlachi mvt, auah-achvfa kash ot, micha ai itapeha tuk aiena kv, itvnaha mvt,

34. Chitokaka yvt falamvt tani pulla mvhli tuk osh, Saimon a i haiaka kvno, achit maya ho ant pisvt okla tok.

35. Mihmvt yvmmak ash osh hina takla ya nana kv a kaniohmi tuk, micha yvmvt puska tushalichit asht kani-ohmit im otaiyani tuk aiena kash anolit okla tok.

36. Mihma yakohmichit anumpohonli moma ho, Chisvs vt ilap fehna hosh ai iklvna ont hikia cha, Nanaiya kv hvchimmi hashke; im achi tok.

37. Yohmi kia yvmmak ash ot komuntvt nukshopa fehna mvt, Shilup o pisa ka, im ahoba tok.

38. Yohmi ma, Na katihmi ho hvchi komunta cho? mi-cha, Na katihmi ho hvchi chukvsh anukaka ya na hvchim anukfila anuktuklo kv takali cho?

39. Subbak, saiyi aiena ka ho pesa; vno sia hash inli hoke; sa pvsholit ho pesa: shilup vto nipi, micha foni puta aiena gsha, vno vt si yvmohmi na hv sa pisa ka, chohmi keyu hoka, im achi tok.

40. Mich a ilvppa yakohmichit anumpuli mvt, ibbak, mi-cha iyi aiena kash i haiakvchi tok.

41. Mihma okla na yukpa kak osh yimmi keyu kisha, mi-cha okokko! aiahni aienvt maya takla ma, yvmmak ash ot, Ilvppa nan-ilhpak nana kia hvchim gsha cho? im achi tok.

42. Mihma nvni vlpusha tushafa, micha foi-bila aiena h_o okla ipeta tok.

43. Mihma ishi cha, okla itikba y_a ai vpa tok.

44. Mihmvt, Nan okl_uha kv_t isht a si annovt Moses, micha hopaii vhleha aiena i holisso, mikmvt ataloa holitopa aiena ka ai o holisso tok vt ont aighli pulla ch_i mak o, hvchi takla anta li moma kv_t anumpa ilvppa puta ka isht hvchim anumpuli li tok oke, im achi tok.

45. Mihmvt Holisso Holitopa y_a ithaiyana ch_i ka, im agukfila nan-isht akostininchi g in tiwi tok.

46. Mihmvt, Klaist vt yakohmi hosh i palvmmmit, illi tuk osh, anonti nitak ont atuchinakma illi tuk vt tana hi g, isht ai vlpiesa tok.

47. Micha ile kostinicha he, mikmvt ai ashvchika puta isht a kashofa he aiena kv_t yvmma hohchifo h_o isht anumpa kv_t, vmmona ka Chelusalem ak o ai isht ia hosh, oklushi moma isht im anumpa hi oke, achi hosh yakohmit holihiso hoke.

48. Yohmi h_o hvchishno ak osh na yakohmi puta ka ai-atokovt anoli hvchia mak oke.

49. Yohmi ka yakeh! Aki vt nana ka hvch ima hi vt miha tok mak o, hvchishno g hvchi o kaiyanchi lishke: yohmi kia Chelusalem vmaha hak o hvsh aiashvt, nana aighli vba minti kv_t ont hvchi anukfoyuka kak mak ashke, im achi tok.

50. Yvmohmi tuk osh yvmmak ash pehlichit kohchvt ivt Betani yokvno isht ona tok: mihmvt ilap ibbak ash vba pit wieli cha, yvmmak ash holitoblit aiokpvchi tok.

51. Atuk o yakohmi tok: yvmmak ash holitoblit aiokpvchi ai itin t_akla mvt, ai i filvmmmit vba pilla pit a kvnia tok.

52. Mihma yvmmak ash okla pit holitoblichit aiokpvchi cha, na-yukpa fehna hosh falamvt Chelusalem g ai vla tok.

53. Yohmi mvt Chihowa y_a in talovt holitoblichit pit aiokpahanchit tempel anukaka y_a aiasha beka tok. Amen.

UBANUMPA CHAN

VT HOLISSOCHI TOK.

CHAPTER I.

Anumpa achi Chisvs Klaist yummak osh vmona fehna ka Chihowa ha iba chvfa, 1; 6 Nan-tohwikeli ai ghli kv achvfa illa ilvppak atuk g atokowa anola chi mak osh Chan vt gya hatok. 15 Chan vt Klaist g nan vltokowa isht ai anoli. 35 Chan nan im ai ithvna yatuk vt tuklot Chisvs g apeha toba; yummak atuk vt achvft An-tilu ak osh itibapishi Pita ya ilaelit Chisvs g isht im ona.

1. **UMMONA** ka Anumpa hv ahanta mv, Anumpa hv Chihowa ya ai iba chvfa tok: mihmv Anumpa hash ot Chihowa ya tok.

2. Yummak inli hosh vmona ka Chihowa ya ai iba chvfa tok.

3. Yummak atuk mak o nan okluha kv toba tok; yohmi ka nana kv toba tok vt yummak o keyu hokvno ik tobo ki tok.

4. Yummak oka isht ai okchaya yvt gsha tok: yohmi ka isht ai okchaya yummak ash ot hatak puta ka in tohwikeli ya tok.

5. Mihmv tohwikeli hash ot ai okhlilika ya a tohomi; yohmi ka okhlilika yvt yummak ash o ik akostinincho ki tok.

6. Hatak Chan hohchifo hosh, Chihowa nana aiahni ho gya tok.

7. Yumma pulla tuk mak o hatak vt momv yimma hi o, yummak ash osh nan atokoli osh Nan-tohwikeli ash atokowa anola chi hosh gya tok.

8. Yummak osh Nan-tohwikeli mih mak a tok keyu; am-

ba Nan-tohwikeli yumma atokowa anola chi mak osh aya tok.

9. Yakni pakna hatak vt ai vtta hoka mominchit in tohwikelichi, yummak osh Nan-tohwikeli ahli mak a tok.

10. Yummak atuk mak o yakni vt toba tok o, yakni a ai ahanta ma, yakni vt yummak ash ik ithano ki tok.

11. Yummak okvt ayvt ilap immi vhleha ho im vla ma, immi vhleha hash osh ik i yimmo ki tok.

12. Amba laua kaniohmi hosh ahninchit, ilapo hohchifo ha i yimmi hokvno, Chihowa ushi vhleha toba chi mak o isht ai vhpesa ka ima tok;

13. Issish ak o keyu, mikmvt haknip nan ahni keyu, micha hatak osh nan ahni keyu ho, yummak okvt toba tok; amba Chihowa yaka a tok.

14. Micha Anumpa hash ot nipi yo toba cha, nan isht i kana, micha nana aihlika aienvt isht alotowa hosh pi takla ahanta tok: yohmi na isht a holitopa ya, Iki a Ushi vt achvfa illa cha ai isht a holitopa chatuk mak o, chiyuhmi ho e pihisa tok.

15. Chan vt yummak oka atokowa anoli hosh, chitolit anumpulit, Auet siakaiyvt mihinti kak osh sa tikba ahanta tok mak okvt, yummak ash holitopa kvv vno a a shahli ho, isht anumpohonli li tuk a ilvppak atuk mak oke, achi tok.

16. Micha yummvt isht alotowa hatuk ash e moma kvv nan isht i kana yvt ai itvlbitkvchi ho, e pisa tok.

17. Nan-vlhpisa yokvto Moses ak atuk mak o vlhpihisa tok: amba nan isht i kana, micha nan-aihlhlika aiena hokvto Chisvs Klaist ak o a minti tok.

18. Hatak nana hosh Chihowa ya nitak nan ash o pisa tok keyu: Ushi holitopa achvfa illa Iki shakba ya afoyuka, yummak atuk okvto yummak oka otvninchi tok oke.

19. Mihma yummak ash o, Kvta chia hoh cho? achit ont i ponakla chi ka, Chu okla hvv na-holitompa isht gsha, micha Lefait okla aiena ka Chelusalem a a kohchit pit tihleli na Chan vt atokowa anoli tok a ilvppak oke.

20. Yohm kvv yummak ash ot atokolit anoli kvv, Mih sia

hoke, achi tok keyu; amba atokolit, Uno ak osh Klaist o sia keyu hoke, achi tok.

21. Mihma okla i ponaklot, Mih kvto kvta hak o? Elias ak o chia ho? achi tok: mihma, Mih sia keyu, achi tok. Hopaii mih mak o chia ho? achi ma; afalaminchi mtv, Keyú, achi tok.

22. Mihma, Kvta chia hak o? ish pim anoli na auet pi tihleli tuk vhleha ha anumpa falama ka ont il imashke: chishno akinli kvto, Kvta ho ish ile miha cho? im achi tok.

23. Mihma yvmmak ash ot, Achvfa hosh yakni haiaka yo ai anumpohonlit, Chitokaka ataya hi a oh apissvlichí, ahanchi ho hopaii Esaias vt isht anumpohonli tok mak o mih sia mak oke, achi tok.

24. Mihma okla vlhtokvt ilhkoli tuk ash ot Falisi vhleha ha tok.

25. Atuk osh yvmmak ash o okla i ponaklot, Chishno ak osh Klaist mih mak o chia keyu; Elias a chia keyu; anonti hopaii mih mak o chia keyu hokak osh, nanta katiohmi ho ish baptismochi cho? im achi tok.

26. Chan ash osh yvmmak ash o im afalaminchi mtv, Uno vto oka yo ishit baptismochi lishke; amba achvfa kvv hvchi takla hikia yvmmak okvno hvch ik itha-noshke.

27. Yvmmak osh siakaiyvt minti kvv hoolitopa kvv a shahli ka, i shulush isht-talakchi a hotofi la he si ahoba keyu mak oke, achi tok.

28. Chatan misha Behlabala yvmmak o Chan vt a baptismochi hosh ahanta hatuk o, ilvppa puta kvv ai yakohmi tok.

29. Atuk o ont onna ma Chan vt, Chisvs vt i minti na pisa mtv, Chihowa in Chukvvhpboba ushi, yvmmak osh yakni im ai-ashvchika isht kanchi a, ho pesá.

30. Hatak vt auet siakaiyvt minti kvv, yvmmak osh sa tikba ahanta tuk osh hoolitopa kvv a shahli hoke; achi li tuk a ilvppak osh mih mak oke.

31. Yohmi kvv ilvppa ithana li tak keyu; yohmi kia

ilvppak osh Islael okla h_g im otvna ch_i kak o, vno vt oka ya ishit baptismochit gya li hatuk oke, achi tok.

32. Mihmut Chan vt atokowa anolit, Shilombish okvto pvchi yoshuba yo chiyuhmi hosh vba ya vttvt mintit, yvm-mak ash ant o binili na pisa li tok.

33. Yohmi ka yvmmak ash o ak ithano ki tok; yohmi kia oka ishit baptismochi la ch_i h_o, sa tohno tuk yvmmak osh, Kvna h_o Shilombish ak osh aka mintit ant o binili na ish pisa ch_i ka, mihi yosh Shilombish Holitopa ya ishit baptismochi mak oke, im achi tok.

34. Atuk o, Ilvppak osh Chihowa h_g Ushi pulla hatuk g pisvt, atokowa anoli li tuk oke, achi tok.

35. Anonti ont onna ma Chan vt ilap, nan im ai ithvna tuklo aienvt hinli tok.

36. Micha Chisvs ash ot nowvt gya na pisa mut, Chihowa in Chukvlpoba ushi g ho pesá, im achi tok.

37. Mihma nan im ai ithvna tuklo kash ot, yvmmak ash ot anumpuli na haklo mut, Chisvs g iakaiyvt okla tok.

38. Mihma Chisvs ash ot filema cha, iakaiyvt okla kash o pisa mut, Nanta h_o hvsh hoyo cho? im achi ma, Labbai ma! yvmvt vlhtoshowakmut, nan-ithvnanchi ma! achi, Katima k_o ish ai vta yoh cho? im achi tok.

39. Mihma, Mintit ant ho pesá, im achi tok. Mihma itvlachit kanima ai-vta yatuk g ant pisvt okla mut, hvshi kanvlli vlpisa ont isht pokoli foka hatuk oka, nitak yvm-mvno apehvt ashwa tok.

40. Tuklot Chan vt anumpuli na haklo cha, yvma iakaiyvt okla tuk ash, achvfa kv Antilu, Saimon Pita itibapishi ha tok.

41. Yvmmak ash ot na tikba ilapo itibapishi akinli Saimon ak o pisa mut, Messias ash, yvmvt vlhtoshowakmut, Klaist achi h_o il ahayuchishke, im achi tok.

42. Mihma yvmmak ash o ilanelit Chisvs g im vla tok. Mihma Chisvs vt yvmmak ash o pisa mut, Chona ushi Saimon chia hv Sefas, yvmvt toshowakmut, tvli achi hoke, yvmmak o chi hohchifashke, achi tok.

43. Atuk osh ont onna ka Chisvs vt Kalili g ia hi atuk osh Filip g pisa mvt, Is siakaiyashke, im achi tok.

44. Filip vt Antilu, micha Pita ita-tuklo in tumaha Bet-saita yak o ai vtta ya tok.

45. Filip vt Nahlanael g pisa mvt, Chisvs Nasalet vtta, Chosef ushi, yvmmak o nan vlpisa ya Moses vt, micha hopaii puta kvv isht a holissohonchi tok mak o, e pisvshke, im achi tok.

46. Mihma Nahlanael ash osh, Nana achukma kvv Nasalet g ai itolvt kohcha hinla hō? im achi ma, Filip ash osh, Minti cha, ant pisá, im achi tok.

47. Chisvs vt Nahlanael vt i minti na pisa mvt, Yakeh! Israel hatak ghli fehna kvv nana ilahobi keyu mak oke, achi tok.

48. Mihma Nahlanael ash ot, Katiohmit is svthana cho? im achi ma, Chisvs vt afalaminchi mvt, Filip vt ont ik chi hoyo kisha hō, fik vpi nuta ya ish gsha kak o, chi pisa li kamo, im achi tok.

49. Mihma Nahlanael ash ot afalaminchi mvt, Labbai ma! chishno ak osh Chihowa Ushi chivshke; chishno ak osh Israel okla i miko chivshke, im achi tok.

50. Chisvs vt afalaminchi mvt, Fik vpi nuta ya ish gsha hō chi pisa li tuk achi li kak o, chi yimmi há cha? nana kvv ilvppa i shahli fehna ka ish pisa hi oke, im achi tok.

51. Mihma, Ahlishke, ghli mak o chim achi lishke, Himak a pilla vba yvt tiwa na Chihowa im enchil vhleha kvv Hatak Ushi g auct ai akohova, anonti vba pit ai ihiya aiena ka, ish pisa hi oke, im achi tok.

CHAPTER II

Kana ak o nan-itaawayvchi gsha hō Chisvs vt oka kapvssa atuk g oka paki ikbi, 1; 12 Chelusalem g ona cha, na chumpa vhleha, micha na kanchi vhleha aiena tempel angkaka aisasha tuk g kocho pit yuhli; 23 yohmi ma Chisvs vt na fehna yvmihinchi hō pisa hatuk mak osh lauvv i yimmi.

1. **ATUK** o nitak ont atuchina ma Kalili yakni Kana a nan-itaawayvchi vt gsha tok: mihma Chisvs ishki vt yvmma ont anta tok.

2. Mihma Chisvs, micha nan im ai ithvna vhleha aiena kvv nan-itaawayvchi a aya hi a, im annoa tok.

3. Atuk o oka paki vt ont ai ik im ikshot taha ma, Chisvs ishki vt yvmmak ash o, Oka paki vt okla ik im ikshoshke, im achi tok.

4. Chisvs ash ot, Ohoyo ma! vno vt nanta isht a chi ahalia li cho? hvshi kanvlli vm ai vlpisa hvv ik ai ono kisha hoke.

5. Ishki ash ot nan-isht gsha vhleha hash, Nana ho hvchim achikma, hvsh yvmihchashke, im achi tok.

6. Mihma Chu okla ai yvmofmi yatuk osh isht il ai achifa ya tuk, tvli shuti oka ai-vlbeha hannali kvv, fvk in tuk-lokmá, tuchinakmá nana ai vlhto aiyuka hosh yvmma talohmaya tok.

7. Atuk o Chisvs ash ot, Shuti oka ai-vlbeha ya oka oh alotoli, im achi tok. Mihma yvmmak ash o okla alotolit iti-vlbi vhlichich tok.

8. Mihma, Inta! ho bicheli cha impa pehlichich ya ishit oh im ia, im achi tok. Mihma okla ishit im ia tok.

9. Mihma impa pehlichich ash ot oka oka paki toba tuk ash ishkot pisa cha, kaniohmi hosh toba tuk a ik akostinincho mvt, yohmi kia nan-isht gsha vhleha oka ochi tuk okvto ithana ho, impa pehlichich ash ot himona ohoyo itauwaya ash hoyo tok.

10. Yohmi mvt, Hatak moma kvv vmmona ka okapaki achukma ka talohli chatuk; atuk osh hatak vt ishkot fihopak mak o, okpulo yak oh chatuk; amba chishno vto oka paki achukma ya ish il atomba na himak atoshke, im achi tok.

11. Na fehna yvmihchit isht ai vmmona kvv ilvppak o Chisvs vt Kalili yakni Kana yak o ai yvmihchit, ilap im a holitopa ya otvvinchich tok; mihma nan im ai ithvna vhleha hvv i yimmi tok.

12. Ai yakohmi ha ya, yvmmak ash ot, ishki, micha itibapishich vhleha, mikmvt nan im ai ithvna vhleha aienvt Ka-

penavm g ilhkoli tok; atuk osh nitak kanohmi keyu hq ont maya tok.

13. Mihma Chu okla i nan-ubanvblit ont ia yvt ai onq hosi hatuk o, Chisvs vt Chelusalem g ia tok.

14. Atuk osh tempel anukaka ya wak, chukfulhpoba, micha pvchi vlpoba aiena kanchi vhleha, mihmvt tvli holisso itatoba aiena kvv binohmaya na pisa tok.

15. Mihmvt aseta chipunta yo isht fuma ikbi cha, yvm-mak ash, chukfulhpoba, micha wak puta aiena kash mom-inchit tempel g a kocha weli tok; mihmvt tvli holisso itatoba vhleha in tvli holisso ash aka fohopli mvt, anonti ai-impav tvli holisso ai-itatoba puta kash kinahlichit tok.

16. Mihmvt pvchi yoshuba vlpoba kanchi vhleha hatuk ash o, Ilvppa kanima ishit oh ia cha, Aki in chuka yano na-na ai-itatoba chuka hvch ik ikbo kashke, im achi tok.

17. Mihma, Chin chuka i hullo pulla kak osh vm anuk-fila qhvlinchit ai ishit kaiyanchishke, achi hosh holisso ha tok g, nan im ai ithvna vhleha hvv ithaiyana tok.

18. Mihma Chu okla hash ot afalaminchi mvt, Nan isht atokowa nanta hq ish pim otvninchi hosh ilvppa puta ka ish yakohmichi cho? im achi tok.

19. Mihma Chisvs ash ot afalaminchi mvt, Tempel ilvppa oh okpeni; atuk ma nitak tuchinakma falaminchit ikbit hilechi lashke, im achi tok.

20. Yohmi ma Chu okla hash ot, Tempel ilvppvt afvmmi pokoli ushta akocha hannali hq tobt vltaha tok: yohmi ka chishno vto nitak tuchina hq falaminchit ikbit ish hilecha hinla cho? achi tok.

21. Yohmi kia yvmmak okvt ilap haknvp tempel ak o isht anumpuli ha tok.

22. Yohmi tok o yvmmak ash ot illi tuk vt falamvt tani ma, ilvppa im achi tok g, nan im ai ithvna vhleha hvv ithaiyana tok; mihmvt Holisso Holitopa, micha Chisvs vt anumpav anumpuli tok aiena ka okla yimmi tok.

23. Ubanvblit ont ia isht qshvt impvt maya nitak o, yvmvt Chelusalem g anta cha, na-fehna puta ka yvmhinchit na okla pisa mvt, laurt i yimmi tok.

24. Yohmi kia Chisvs vt hatak moma ka ithana hatuk okvt ik i yimmo ki tok.

25. Micha nana hosh hatak a anukfoyuka ka ithaiyana hoka, kva na kia hatak a isht atokolit im anola he vhpesa keyu ki tok.

CHAPTA III.

Chisvs vt Nikotemvs a it im anumpuli; yohmi hosh atuklanchit vta hi oka ai vhpesa hatuk, 1; 14 micha kaniohmi kia ilapvt ititaiyuk-hvna a takalit illa hi a ai vhpesa hatuk aiena; 16 mikmvt Chihowa hvv hatak a i hullo ka, 18 micha Chihowa ik im antio vhleha hvv nan i palvmma he aiena ka anoli. 22 Chan vt Klaist nan-isht a holitopa ya, micha yvmma i yimmi hatuk okvto ai okchaya he.

1. HATAK vt Falisi yosh Nikotemvs hohchifo hosh, Chu okla pehlichy yosh ahanta tok.

2. Atuk osh yvmmak ash ot ninak o avvt Chisvs a im vla cha, A shahli ma! chishno ak osh nan ithvnanchi yosh Chihowa ak o ish a minti ka il ithanvshke; Chihowa ak osh ik apelachokma, hatak nana hosh na-fehna ilvppa puta ish yvmihinchy ka, yvmihcha he keyu hoka, im achi tok.

3. Chisvs vt afalaminchi mvt, Ahlishke, ahli mak o chim achi lishke, Hatak vt atuklant vta keyukmvt, Chihowa ap ehlichika ya pisa he keyu hoke, im achi tok.

4. Nikotemvs ash ot, Hatak vt sipoknit taryaha kvv kati-ohmi kak osh vta hinda ho? atukla ma ishki im oshvto ya pit chukowa cha, vta hinda ho? im achi tok.

5. Chisvs vt afalaminchi mvt, Ahlishke, ahli mak o chim achilishke, Hatak vt oka, micha Shilombish ita-tuklo kak o isht ai vta keyu hokvto, Chihowa ap ehlichika ya chukowa he keyu hoke.

6. Nipi yo a tobt vta hokvto, nipi yoke; mikma Shilombish o a tobt vta hokvto, shilombish oke.

7. Atuklanchit hvsh vta pullashke, chim achi li tuk a, okokko! chik ahno kashke.

8. Mahli hvv kanima yo pit ai im vhpesakmvt, pit mahlit fokka hokvno ish haklo kia, yvmmak o a minti hosh, anonti

yvmmak o ia, ish ai ahni keyu ka, Shilombish ak o a tobtv tta hokvto yvmmak inli kak o chiyuhmi bano hoke, im achi tok.

9. Nikotemvs ash osh afalaminchi mvt, Katiohmi kak osh ilvppa puta kvv yvmohma hinla cho? im achi tok.

10. Chisvs vt afalaminchi mvt, Islael okla ha nan-ithv-nanchi chia hokak osh, ilvppa puta ka chik ithano cho?

11. Ahlishke, ghli mak o chim achi lishke, Nana ka il ithana mak osh il anumpuli: mikmvt e pisa tuk mak osh atokolit il anoli hoke; yohmi ka nana atokolit il anoli ka ik hvchi yimmoshke.

12. Nana kvv yakni paknaka gsha yo isht a hvchim anoli li ha ya tuk a, ik hvchi yimmo ke tuk vt, anonti nana kvv vba gsha ho isht a hvchim anoli li hok mak o, katiohmit hvchi yimma chi cho?

13. Yohmi ka hatak nana hosh vba ya ia tuk keyu; amba vba ya mintit vla tok Hatak Ushi vba ya gsha yvmmak ilvshke.

14. Yohmi ka Moses vt sinti a kovi anukaka ya vba takalichi tok a, yvmmak inli chiyuhmit Hatak Ushi vt vba takali pulla hi oke:

15. Yohmi na kvna hosh yvmma i yimmikmvt, ik illo hosh, amba ai-okchayvt bilia yo pisa hi oke.

16. Chihowa yvt yakni a i hullo fehna kvv, kvna hosh yvmma i yimmikmvt ik illo hosh, amba ai okchayvt bilia yo pisa hi o, Ushi achvfa illa holitopa ya auet ima tok.

17. Yakni ak o ilbvshacha chi ho, Chihowa yvt Ushi a auet ima tok keyu hoka; amba yvmmak atuk mak o yakni vt isht ai okchaya hi a tok;

18. Kvna hosh yvmma i yimmi kvvto, isht ai ilbvsha he anumpa hvv onvtula keyu hoke: amba kvna hosh i yimmi keyu hokvto, Chihowa Ushi achvfa illa holitopa hohchifo hatuk a i yimmi keyu kvv, isht ai ilbvsha he anumpa hvv onvtula mashko hoke.

19. Yohmi ka tohwikeli hvv yakni a ant iba chukowa ma, ilap nana a kaniohmi ai vhpesa keyu hatuk okvt, hatak vt ai okhlilika yak osh im ai achukma kvv atohwikinli ka,

im i shahli, ilvppak o isht ai ilvsha he anumpa hvt onvtula hoke.

20. Nan ik ai vlhpeso ya a yohmi aiyukali vt atohwikinli ka i nukkillikmvt, anonti ilap nana a kaniohmi yvt otvnt ik hofahyalo ka hinla ka, atohwikinli ka ik ono chatuk oke.

21. Amba kva hosh nan-ai ghlika yo a yohmi yokvto, ilap nana a kaniohmi yvt Chihowa yak atuk mak o isht a yvmohmi tuk vt otvna chi ka, atohwikinli ka ona chatuk oke, im achi tok.

22. Nana kv ai yakohmi ha ya, Chisvs vt nan im ai ithvna vhleha hq it apihvt Chutea yakni g ai vla tok; mihma takla yvmmak o antvt baptismochi tok.

23. Mihma Chan ak kia Salim i bilika Enon yvmmak o oka vt laua hatuk o, baptismochit ahanta tok: mihma okla hvt ai vltv baptismo tok.

24. Chan vt aboha kvllo ik fohko kisha ha tok.

25. Yohmi ma Chan nan im ai ithvna vhleha kanimi, micha Chu okla aiena kv na-baptismo g isht ai it im asilh-hvchit maya tok.

26. Mihmvt Chan g ai im ai vltv, Nan-ithvnanchi ma! Chatan misha ya a chi awant gya tok yvmmak o nana ai atokowa isht ish anohonli kash, yvmmak fehna kv baptismohonchi hq, okla momvt im ai itahohombvshke, im achi tok.

27. Chan ash ot afalaminchi mvt, Uba yak o auct ai ima hq keyukma, hatak vt nana hq ilap inli kv isha he keyu hoke.

28. Uno vt Klaist mak o sia keyu: amba itikba gya a si vlhtoka hatuk oke; achi li tok g hvchishno fehna akinli kv ai atokowa ka hvs svm ithanvshke.

29. Ohoyo himona hatak auwaya ka ilauei kak osh, yvm-mvt hatak himona ohoyo itauwaya mak oke: amba himona ohoyo itauwaya i kana hokvto himona ohoyo itauwaya anumpuli pulla kak o hikjvt i haponaklot isht a yukpa chinto hoke: yohmi ka na sai yukpa ilvppvt isht aighli mak oke.

30. Yvmmak okvto isht i shahlit mahaya he vlhpesakma, amba vno vto ak a lauwt mahaya la he vlhpesa hoke.

31. Uba ya a minti yummak okvto moma ka i shahli hoke: yakni yak o a minti hokvto yakni yakinli; mikmvt yakni yak o ai isht anumpuli hoke; vba ya a minti yummak okvto moma ka i shahli hoke.

32. Micha nana ka pisa tuk; mihmvt haklo tuk aiena mak osh yummak ash atokolit anumpuli hoke; yohmi kia nan ai vltokowa anohonli ka, hatak nana kia ik yimmoshke.

33. Kvna hosh, yummvt nan ai vltokowa anoli ka yimmit aiokpuchi hokvto, Chihowa yvt aighli ka, aighli hosh yimmi hoke.

34. Chihowa yvt atohno tok a, yummak okvt Chihowa im anumpa ho anumpohonlishke; yummak oka Shikombish vt vlpisa ho Chihowa yvt ihima keyu hoka.

35. Iki vt Ushi a i hullo kvt nan okluha ka yumma ibbak o fohkishke.

36. Kvna hosh Ushi a i yimmi hokvto ai-okchayvt bilia ya pisa hoke; mikma kvna hosh Ushi a i yimmi keyu hokvto, ai-okchaya ya pisa he keyu; amba Chihowa nan-isht ai i nukkilli yak osh onvtuyula hoke, achi tok.

CHAPTA IV.

Chisvs vt Samalia ohoyo ho ai okchaya oka ak o isht im anumpuli hosh 1, 26 ilap ak osh Klaist mak atuk vt il anoli; 28 mihma ohoyo hash ot falamvt tomaha ha ona cha, yummak atuk a okla ha im anoli; 39 mihma okla hash ot na yimmi. 43 Chisvs vt falamvt Kalili a ona tuk osh Kana ak o anta hosh, hatak holitompa ushi vt abeka hosh Kapenam ak o itonla ka, pit hlakofichi.

1. CHISUS vt nan ithvna vhleha ikbit baptismochi kv, Chan a i shahli ka, Falisi vhleha hv haklot maya ka, Chitokaka yvt akostininchi hatuk osh,

2. Chisvs vt ilap inli kvto baptismochi keyu ho, amba nan im ai ithvna vhleha hak atuk ak o,

3. Chutea yash issvt Kalili yash inli ho anonti ia tok.

4. Yohmi kv Samalia ya pit hlopullit maya he vlapesa tuk a tok.

5. Atuk osh Chekob vt nahi Chosof a osapa ima tok ta-

laia ka bilika, Samalia yakni tomaha Saika hohchifo ho, vla tok.

6. Yohmi ma Chekob i kvli hut yvmma hikia tok; yohmi hatuk o Chisvs vt nowvt ayvt hoyvbli mvt, hvshi karvlli isht vlpisa ont hannali foka hatuk o, kvli yvmmak ash yakohmit a biniali tok.

7. Atuk o Samalia ohoyo hut oka ochit aya hosh yvmmak ash o vla ma, Chisvs ash ot, Svpeta na ak ishkó, im achi tok.

8. Nan im ai ithvna vhleha hamo ilimpa chumpvt tomaha ilhkoli tuk a tok.

9. Yohmi ma Chu okla hut Samalia okla ha nan ai itim abalalaia keyu chatuk oka, Katiohmi ho Chu chia hokak osh, vno vt Samalia ohoyo sia ha oka is svm asilhha cho? im achi tok.

10. Chisvs ash ot afalaminchi mvt, Chihowa i na-hvlbena ha, micha kvna hosh, Svpeta na ak ishkó; chim achi aiena ka ish ithana hatuk okmvt, ilapo ak o ish im asilhha na yvmmak okvt oka okchaya yo chipeta he tuk oke, im achi tok.

11. Mihma ohoyo hash ot, A shahli ma! isht ish ochia hi vt nana kia ik chim iksho ho, anonti kvli hut hofobishke; yohmi ka katimak o oka okchaya yvmma ish ai ishi hosh?

12. Chishno ak osh piki Chekob vt ilapo inli, micha im villa vhleha, mikmvt i wak aienvt ai ishko yatuk vt kvli ha pima tok a ish imaiya hotuma! im achi tok.

13. Chisvs vt afalaminchi mvt, Kvna hosh oka ilvppa ishko tukmvt, anonti itukshila he;

14. Amba kvna hosh oka ya ipeta la chi yvmmak o ishko hokoto, nitak nana itukshila he keyu; amba vno ak osh oka ya ipeta la chi hokvno, yvmmak atuk ma a foyukvt tobohonli na nitak bilia hi oke im achi tok.

15. Ohoyo hash ot, A shahli ma! oka ilvppa is svpeta na ik svtakshilokmvt, anonti ochit aya kvt ilvppak o ak lo kashke, im achi tok.

16. Chisvs ash ot, Ia cha, chi hatak a ont i howvt vla, im achi tok.

17. Mihma ohoyo hash ot afalaminchi mvt, A hatak vt ikshoshke, achi ma, Chisvs vt, A hatak vt iksho, ish achi kv, vlhpesa ish mihvshke.

18. Hatak vt tahlapi hosh chim gsha tuk osh, anonti himonasi g chim gsha kvto, chi hatak atuk o keyu hoka, yvmak okvno aighli mak osh ish mihvshke, im achi tok.

19. Ohoyo hash ot, A shahli ma! hopai chia hatuk o chi akostininchi lishke.

20. Pin tikba vhleha hvt nvnih ilvppak o gsht Chihowa pit aiokpahanchi tok: a tok ak o hvchishno vto Chelusalem g ashvt hatak puta kv Chihowa pit aiokpahancha he vlhpesa hatuk g ish mihvshke, im achi tok.

21. Mihma Chisvs ash ot, Ohoyo chia mvt is sa yim-mashke; nvnih ilvppa, micha Chelusalem aiena kak kia mayvt Iki g pit hvsh aiokpvcha he keyu ka hi g hvshi kanvlli vlhpisa hvt mihinti hoke.

22. Hvchishno vto yvmak o hvsh ahni keyu hosh pit hvsh aiokpvchishke; isht-ai-okchaya hi vt Chu okla-immi hoka, pishno vto nana ho pit il aiokpvchi hokvt il ithana hoke.

23. Yohmi kia Chihowa pit aiokpvchi aighli vhleha hvt shilombish, mikmvt aighli aiena mak o isht aiokpahancha hi g, hvshi kanvlli at vlhpisa hvt mihinti ho, anonti himonasi g vla hoke: yvma chohmi hosh ilap g aiokpvcha he ak o Iki vt hoyo hoka.

24. Chihowa yvt Shilombish oke: yohmi ka kvna hosh yvma pit aiokpvchi hokvt shilombish, mikmvt aighli aiena mak o isht aiokpvchi pullashke, im achi tok.

25. Ohoyo hash ot, Messias, Klaist hohchifo kv, vla hi g ithana lishke, yvmmvt vla hok mak osh, nana moma ka pim anola hi oke, im achi tok.

26. Chisvs ash osh, Uno vt chim anumpohonli li kak osh mihi yo sia hoke, im achi tok.

27. Mihma nan im ai ithvna vhleha hash ot ilvppa atak-lama ma ai vla cha, yvmmvt ohoyo ha it im anumpuli tuk g, okla anukhlakancha tok: yohmi kv hatak achvfa kia, Nanta ho ish hoyo hosh? Katiohmi ho yvma ish it im anumpeli cho? achi kia iksho ki tok.

28. Yohmi ma ohoyo hash ot isht-ochi ash talali cha, ivt tumaha ont chukowa mvt, hatak puta kash,

29. Yakeh ! hatak vt nana hō a kaniohmi li tok a mominchit vm anoli ka ant ho pesá, ilvppvt Klaist mak o keyu hō ? achi tok.

30. Mihma tumaha hash a kohchvt ivt, yvmmak ash okla im ai ona tok.

31. Yohmi takla ma nan im ai ithvna vhleha hash ot, Pí shahli ma ! impá, achit im asilhha tok.

32. Yohmi kia, Ilhpak vpa la chí kvv vm gsha yvmmak oka hvch ik akostininchoshke.

33. Yohmi hatuk o nan-ithvna vhleha hash ot, Upa chí ka hatak nana kia isht im vla tuk atuk o ? it im achit maya tok.

34. Chisvs ash ot, Auet sa kanchi tok nan ahni kak o a yvmohmi, micha i na-toksvli atahli aiena kak osh vm ilhpak oke.

35. Na-hoyo ai vhpesa chí ka hvshi ushtvt gsha moma, hvsh achi keyu hō ? yakeh ! oh vba chakali cha, osapa puta kvv himonasi ak kia a hoye he ai ona kvv tohmbi ka ho pesá, hvchim achi lishke.

36. Na-hokchi, micha nan vmo ita-tuklo kvv itibai yukpa chí ka, nan vmo yash ot vltoba hā ishi hosh ai okchayvt bilia na-waye ya hoye hoke.

37. Yohmi ka achvvtv hokchi okma, anontí achvfa hosh vmo, achi tok a yvmmvt aighlishke,

38. Hvchishno vt hvsh a toksaiyali tok keyu kvv hvsh ai vma chí ka, pit hvchi tihleli li tuk : hatak inla yosh toksvlí tuk o, im a toksvli yash pit hvsh chukowa tuk oke, im achi tok.

39. Mihma ohoyo hvv nana vltokowa ka anolit, Nana hō a kaniohmi li tok a mominchit vm anolishke, achi ka Samalia okla tumaha gsha tuk vt lavvt yvmmak ash isht ai i yimmi tok.

40. Yohmi hatuk osh Samalia okla hvv yvmmak ash im ai vla mvt, takla anta hinla ka im asilhha tok ; mihma yvma anta na nitak tuklo tok.

41. Mihma ilap fehna akinli im anumpu hatuk o himakma yimmi kvf laua tok.

42. Mihmvt ohoyo hash o, Himak ano pi yimmishke, ohishno ak osh nan ish anoli kak o keyu ; pishao akinli hosh il ai i haponaklo cha, ilvppak osh Klaist, yakni okochalinchi mak atak pulla ka il akostininchishke, im achi tok.

43. Nitak tuklo ont vbanupa ma yummak ash kohchvt ia mvt, Kalili g ona tok.

44. Chisvs akinli kvf hopaii vt ilap i yakni akinli ka a holitopa hi vt ik im iksho ka, vlhtokowa anoli tok.

45. Micha Kalili ash vla ma, Kalili okla hvf yummak kia impa holitopa yg itonowa hatuk osh, impa holitopa isht gsha yvmmvt Chelusalem g nana puta ka a yvmihchi tuk mo-minchit pisa tuk okvt, yummak ash o okla aiokpvchi tok.

46. Yohmi hatuk o Chisvs ash ot Kalili yakni Kana yummak o oka yg okapaki ai ikbi tok ash ot, anonti ona tok. Mihma hatak holitempa achvfa hosh ushi vt abeka kvf Kapenam g itonla tok.

47. Atuk osh, Chisvs vt Chutea yg a kohchvt gyvt Kalili vla ka, haklo mvt, yummak ash im ona cha, ushi vt illa hosi hatuk o, ivt ont hlakoficha hinla ka, im asilhha tok.

48. Yohmi ma Chisvs ash ot, Nan isht atokowa, micha na-fehna aiena hq hvsh pisa hq keyukmvt, hvchi yimma he keyushke, im achi tok.

49. Mihma hatak holitempa hash osh, A shahli ma! vm villa vt ik inlo takla ish onashke, im achi tok.

50. Mihma Chisvs ash ot, Chiso hvf okohaya hoke ; ish iashke, im achi tok. Mihma hatak ash ot, Chisvs vt im anumpuli ka anumpa hq yimmi cha, ia tok.

51. Atuk osh ia hosh gya ma, nan isht im gsha vhleha hvf afama cha, Chiso hvf okohayvshke ; achit im anoli tok.

52. Mihma hvshi kanvlli vhpisa yvt kanichmi kak o pit nuktanlot isht ia tuk g im a posaklo tok. Mihma, Pila-shash hvshi kanvlli vhpisa ont isht untuklo kak o yvaha hvf shipa tuk, im achi tok.

53. Yohmi ma iki ash ot, Chisvs vt, Chiso hvf okohaya hoke, im achi tuk hvshi kanvlli vhpisa vt yummak fehna

akiali tuk g ithana tok ; micha ilapo fehna, mikmvt in chuka chufa yvt a momvt yimmi tok.

54. Chisvs vt Chutea ya a kohchvt gyvt Kalili g vlvvt, anonti na-fehna ka ai yimihchi kvv ilvppvt ont atvkla ha tok oka.

CHAPTA V.

Chisvs vt Chelusalem g ona tuk osh, nitak hullo nitak q Behlesta oka talaia hq hatak vt abeka tok g afvmmi pokoli tuchina akocha untuchina tuk g a hlakofichi, 1. 10 Chu vhleha hvt, Chisvs vt nitak hullo yq na hlakofichi hatuk q, vbi bonna ma ; 17 Chisvs ash osh ilapvt Chihowa ya Ushi yatuk okvt yvmmak oka yvmihcha be im ai vhpesa-hosh yvmihchi tuk vt anoli. 32 Chisvs vt ilapvt Chihowa Ushi pulla hatuk g, Chan vt atokolit anoli ma, 36 atvkla ma ilapo inli kvv nana kvv a fehna kia yvmihinchi ka isht otvni ; 39 Baibil vt yvmma atokolit anoli akinli hoke.

1. ILUPPUT ai yakohmi ha ya, Chu okla impa holutopa hvt gsha tok : mihma Chisvs vt Chelusalem g ia tok.

2. Yohmi ka Chelusalem g chukvvhpboba a kanchi i bilika yvmmak q ai-yupi vt Heblu hohchifo hosh Behlesta yosh i hoshontika tahlapi hosh talaya hoke.

3. Yakohmi ka hatak iksitopo, ik hoponayo, imomokpulo, nipi vt ikshot kvnia puta aiena kvv laua fehna hosh oka piakvcha chj ka, im aiehchi hosh kahvt maya tok.

4. Enchil vt kaniohmikma gyvt, ai yupi ash oka ont pialichi hatuk q ; yohmikma kvna hosh oka vt piakvchikma, tjkba pit okvtulakmvt, abeka nana hq isht abeka hatuk kia hlakofi beka tok.

5. Yohmi hq hatak achufa kvv iksitopo ik nowo tok g afvmmi pokoli tuchina akocha untuchina hosh yvmma itonla tok.

6. Yvmmak ash ot itonla ma Chisvs vt pisa mvt, ai yvmohmi tok vt hopaki fehvt taba ka ithana hatuk osh, yvmmak ash q, Chi hlakofa hi g ish ahni cho ? im achi tok.

7. Mihma hatak iksitopo ik nowo yash ot afalaminchi mvt, A sbahli ma ! hatak nana kia oka yvt piakvchikma, ai-yupi g pit ai okvcha hi vt ak sum ikahoshke ; yohmi hatuk q maya

li taklakma, inla yosh sa tikba okvtula beka hoke, im achi tok.

8. Chisvs ash ot, Tanit, chi potvlhpo ya ishi cha, nowá, im achi tok.

9. Yohmi ma ashalika fehna hatak ash ot hlakofi cha, i potvlhpo ash ishi mut, nowa tok; mihma nitak yvmma fehna kvt nitak hullo ya tok.

10. Yohmi hatuk o Chu okla hvt na hlakofi tuk yvmmak ash o, Nitak hullo yoke; chi potvlhpo a isht ish aya he ai vlhpesa keyu hoke, im achi tok.

11. Mihma yvmmak ash osh afalaminchi mut, Na sa hlakofichi yvmmak osh, Chi potvlhpo ya ishi cha, nowá, vm achi tuk oke, im achi tok.

12. Mihma yvmmvt, Hatak nanta hosh, Chi potvlhpo ya ishi cha, nowá, chim achi tuk oh cho? achit okla im asilhhvchi tok.

13. Yohmi ma okla laua yvt yvmma aasha hatuk o, Chisvs vt lumvt a kvnia tuk atuk a, na hlakofi tuk ash ot kvna ak atuk a ik ithano ki tok.

14. I himmakma Chisvs vt yvmmak ash o tempel anuka-ka ya a pisa mut, Yakeh! chi hlakofi hokvt, nan okpulo i shahli kvt ik chi onvtulo ka chi kvt, himmak mvno ik chi yoshubo kashke, im achi tok.

15. Mihma hatak ash at kohchvt ia mut, hlakofichi tuk vt Chisvs ak atuk a, Chu okla ha ont im anoli tok.

16. Yohmi hatuk o Chu okla hash osh, Chisvs vt nitak hullo nitak o yvmma yvmihchi tuk o, yvmmak ash i nukkil-lit vbi bnnvt maya tok.

17. Yohmi kia Chisvs vt, Aki vt toksahanli na himak a kak o, vno vt toksvli li hoke.

18. Yohmi ka yvmmvt nitak hullo ya koboffi kak o illa keyu, amba Chihowa yak osh Iki yo mihvt, Chihowa ya ilapinli kvt itilau hq isht il ilapissa aiena hatuk o, Chu okla hvt yvmmak ash vbi bvnna kv i shahlich i tok.

19. Mihma Chisvs ash osh afalaminchi mut, Ahlishke, ahli mak o hvchim achi lishke; Ushi yvt ilapo inli hokvto nana kaniohma he keyu, amba nana hq Iki vt yvmihchi hq,

pisa tuk mak oh chatuk oke ; nana hō yvmmak osh a yohmik mak o, Ushi yak kia yvmmak o ai yohmi akinli hoke.

20. Iki vt Ushi g i hullo hatuk osh, ilapvt nana hō a kaniohmi kvt mominchit yvmma im otvninchi chatuk ; yohmi kvt hvchi nukhlakancha chī ka, nana kvt ilvppa i shahli fehna ka im otvnincha hi oke.

21. Iki vt illi g tanichit okchalinchi chatuk g, Ushi vt yvmmak inli hō chohmit kvna hō ilap ahni hosh okchalinchi hoke.

22, 23. Iki vt hatak kvna kia nana ka im apesa keyu hoka ; amba hatak vt momvt Ushi g holitobli kvt, Iki g holitobli kak inli hosh ai itilauecha chī ka, nan-vlhpisa he puta ka mominchit Ushi ak o im issa hoke. Kvna hosh Ushi yash ik holitoblokmvt, yvmma auet kanchi tuk Iki ash ik holitoblo hoke.

24. Ahlishke, ghli mak o hvchim achi lishke ; Kvna hosh vm anumpa hā haklo cha, auet sa kanchi tok g pit i yimmi hokvto, ai-okchayvt bilia ya ahayuchi ; mikmvt isht ai ilvsha he anumpa hvvt ik onvtulo ka hi oke : amba ai-illi hā a kohchvt ai-okchaya yo ona hoke.

25. Ahlishke, ghli mak o hvchim achi lishke ; Illi yvt Chihowa Ushi im anumpa hā hakla he hvshi kanvlli ai vlhpisa kvt mihintit, himonasi ak kia vlvshke ; yohmi ka haklo hokvto, yvmmvvt okchaya he mak oke.

26. Iki vt ilapvt kaniohmit ai-okchaya ya ilap inli il ai ishi hokvt, yvmmak inli hō chohmit Ushi vt ilap inli il ai isha chī ka, im apesa hoke :

27. Micha yvmmak okvt Hatak Ushi atuk oka, nan apesvt ahanta he isht ai vlhpesa ka im apesa hatuk oke.

28. Hvshi kanvlli ai vlhpisa kvt mihinti yvmmak okvno a-hollopi ya vlbehvt maya kvt, momvt yvmma im anumpa hā haklo cha, kocha wiha he ;

29. Kvna hosh ai vlhpiesa hō yvmohmi tok okvto okchaya chī mak osh tana he ; anonti kvna hosh aivlhpesa keyu hō yvmohmi tok okvto, nan isht ai i palvmma chī mak osh tana hi oka, ilvppa hvch ik anukhlakancho kashke.

30. Uno akinli hokvto nana hō kaniohmi la he keyu ; na-

na ka haklo lik mak osh apesa li; yohmi kv̄t vno vm anuk-fila h̄o hoyo li keyu, amba Aki auet sa kanchi tok im anuk-fila ak oka, nan apesa li kv̄t ai v̄lhpiesa hoke.

31. Uno akinli hosh nan il atokolit anoli li hokmvno, nan il atokolit anoli li kv̄t ik ghlo hoke.

32. Na si atokowa anoli kv̄t inla hosh gsha kv̄t, yvmm̄t nan atokowa isht si anoli ka nan v̄lhtokowa aighli mak oka ithana lishke.

33. Chan ḡ nan i ponakla chi ka, pit hvsh tihleli ma, yvmm̄t ash ot aighli ka atokolit anoli tok.

34. Yohmi kia hatak osh nan atokowa anoli h̄o, hoyo li keyu hoke; yohmi kia hvchishno yak osh a hvchi okchaya chi kak o, ilvppa puta ka achi li hoke.

35. Yvmm̄t okvt pula lua yosh shohmalalit tohwikeli ya tok: yohmi ma hvshi kanvli v̄lhpisa achufa kvno ia tohwikinli ka nan isht il aiyukpa ka hvsh abni tok.

36. Yohmi kia nan atokowa si anoli kv̄t Chan ḡ i shahli-chi kv̄t gsha hoke; na toksvli atahli la hi o Aki vt vm apesa tok o, na toksvli h̄o isht ahanta li ka yvmm̄t osh, Aki vt auet sa kanchi tok o mvhli ka, atokowa si anohonli hoke.

37. Mihma Aki vt auet sa kanchi tok vt, ilap̄t ai atokowa ka si anohonli tok. Nitak kaniohmi kash o yvmma im anumpa h̄a hvsh im antia tok keyu m̄t, anonti kaniohmit otaiyani ka hvsh pisa tok keyushke.

38. Mihma im anumpa hv̄t hvchi anukfoka keyu hoke: auet sa kanchi tok ash yvmma hvsh i yimmi keyu hoke.

39. Holisso Holitopa ya achukmalit asilhhit ho pihisá: yvmm̄t o ai okchaya yvt a hvchin takali ka hvchim ahoba hatuk okvt, micha yvmm̄t osh ai-atokowa ka si anohonli mak oke.

40. Yohmi ka vm v̄lvt ai-okchaya ya hvsh pisa hi vt hvch ik ahno kv̄mohmishke.

41. Hatak o ai im a holitopa hi ano ahni li keyushke.

42. Yohmi kia Chihowa holitobli kv̄t hvchi anukfoka keyu ka, hvch ithana lishke.

43. Uno vt Aki i hohchifo h̄o gya li ma, hvch ik si ahnin-

choshke ; inla yosh ilap i hohchifo akinli ho aya hokmvo, yummak o hvsh ahnicha hinlvshke.

44. Ilap bika ai it im aholitopa yak o hvsh aiahni eha, Chihowa ak illa ai im a holitopa hi ano hvsh ahni keyu kv, katiohmi kak osh hvchi yimma hinla cho ?

45. Anumpa hvchi onochit Aki a im anoli la hinla ka, ik hvchim ahobo kashke ; amba hvsh anukhieto tuk Moses ak osh anumpa hvchi onochi hoke.

46. Moses a hvsh i yimmi tok okmvt, vno a hvsh sa yimma he tuk oke ; yummvt vno ak o isht a sa holissochi tok oka.

47. Amba yummvt holissohonchi tok a ik hvchi yimmo hokmvt, katiohmit vm anumpa hak o hvchi yimma hinla cho ? im achi tok.

CHAPTER VI.

Chisvs vt pska lumbo fahlapi, micha nvnii tuklo aiena tuk a hatak tahlepa sipokni tahlapi ka impvchi, 1. 14 Nan-ithvna vhleha ash ot okhvta ilhkoli tak osh, mahli okpulo itafama ; yohmi tuk kia okhvta paknaka ya a nowvt maya hosh Chisvs vt ona. 27 Hatak vt imi shilombish ak o ilhpak im atahli bvnvt maya hi a i miha mvt, 32 ilap ak osh ai okhvta pska mak atuk vt miha. 65 Laua hosh ik im vhpeso mvt, isvt i filvmmi ; 66 Pita yvt auah tuklo nan im anukfila ka anoli hosh, Chisvs vt Chihowa ak o Ushi pulla ka yimmi ka anoli.

1. NANA kv ai yakohmi ha ya, Chisvs ash ot Kalili okhvta, yummvt Tibelias okhvta ho pit tanvbli tok.

2. Mihma abeka puta hatuk a nana ka ai i yvmihchit anta na pisa tuk ak osh okla laua fehvvt pit iakaiya tok.

3. Yohmi ma Chisvs vt nvnii chaha yo pit oiya cha, yummak o nan im ai ithvna vhleha hash pehlinchit binili tok.

4. Mihma vbanvblit ont-ia Chu okla im impa holitopa yvt ai ong hosi tok.

5. Yohmi ma Chisvs ash ot vha chakalit, okla laua fehna

hosh im ai vla na pisa mvt, Filip ash o, Katima ko puska ya il a chumpa na okla ilvppvt impa chi cho? im achi tok.

6. Ilapvt nana a kaniohma hinla hokvto ithana hatuk osh, yvmmak o imomaka pisa hosh ilvppa achi tok.

7. Mihma Filip ash ot afalaminchi mvt, Puska yvt iskvli tahlepa tuklo vlhtoba mak osh, momvt iskvtinosi aiyuka ho isha hinla kia, vhpesa he keyushke, achi tok.

8. Nan im ai ithvna achvft, Antilu, Saimon Pita itibapishi hash osh,

9. Ulla himita yvt bali palvska tahlapi, micha nvni chipunta tuklo aiena ho ishi kvv ilvppa ashvshke; yohmi mak osh laua fehna hoka, na katihma heto, im achi tok.

10. Mihma Chisvs ash ot, Okla ha ho binolichi, achi tok. Yvmma hvshuk vt gsha fehna tok. Yohmi hatuk o hatak holhtina kvv tahlepa sipokni tahlapi foka hosh aka binohli tok.

11. Mihma Chisvs vt puska yash ishi cha, vba pit aiokpvchi mvt, nan im ai ithvna vhleha ha ima ma, nan im ai ithvna vhleha hash ot aka binohli tuk ash ima tok: mihmvt nvni mvt kaniohmi ho okla bvna hinla tuk a yvmmak atuk ash inli ho okla chohmichi tok.

12. Mihma okla hash ot kaiyvt taha ma, nan im ai ithvna vhleha hash o, Boshulli vt atampvt gsha ka oh itahobi, nanasi kia ik kvnio kashke, im achi tok.

13. Yohmi na yvmmak ash ot bali palvska tahlapi ka okla ai vpa ma im atampa tuk boshulli gsha ka, aiowvt itahobi mvt, kishi auah tuklo ka okla alotoli tok.

14. Yohmi ma Chisvs vt na-fehna ho yvmihchi na okla pisa mvt, Ilvppak osh hopaii yakni ilvppa vla he tuk mak o pulla mvhlishke, achi tok.

15. Yohmi hatuk osh okla mintit iti halvllit ishit, miko ikba hinla ka, Chisvs vt akostininchi mvt, filvmmit ilap bieka hosh nvnih chaha yo anonti ia tok.

16. Atuk o opivt taha ma, nan im ai ithvna vhleha hash ot pit okvtahvt okhvta ho ona tok.

17. Micha peni ont vlbaha mvt, Kapenamv imma ia hosh

okhuta hā asht aya tok. Atuk o ont okhlilit taiyaha ka, Chisvs ash ot ik im ayo kisha tok.

18. Mihma mahli chito yosh mahli hatuk o, okhuta hash ot poakahanchi tok.

19. Yohmi hatuk o peni ash okla moŋi kv̄t, kowi tuchi-nakmá, keyukm̄vt ushtakmá, nana foka hō ona m̄vt, Chisvs vt okhuta paknaka a nohowa hosh peni ash i bilika ona na okla pisa tok; yohmi m̄vt okla nukshopa tok.

20. Yohmi kia yummak ash ot, Hvchi nukshopa ná, vno sia hash oke.

21. Mihma okla na yukpa fehvt yummak ash o peni ash ik chukowá, okla im ahni tok; atuk o peni ash ot chekosi fehna okla ai ona he tuk ash yakni a ont ataiya tok.

22. Ont onna ma okla okhuta mish tv̄n̄v̄p hiohmaya kv̄t, peni inla m̄vt yumma iksho hō, achufa yummak illa tuk o nan im ai ithvna vhleha hv̄t vlbeha tuk; yohmi ka Chisvs vt nan im ai ithvna vhleha hā takla peni ont ik chukowo hō, amba nan im ai ithvna vhleha ak bano hosh ilhkoli tuk a, pisa m̄vt;

23. Yohmi kia Chitokaka yvt puska vba pit ai isht aiok-pvchi na okla ai impa tuk a pit bilika Tibelias a a minti kv̄t peni inla kanohmi hosh vla tok.

24. Yohmi hatuk a Chisvs, micha nan im ai ithvna vhleha aiema kash ot yummak ash iksho hō okla akostininchi m̄vt, yummak kia peni inla kanohmi kash vlbeha cha, Chisvs a hoyot, itvnowvt Kapenam a okla ai vla tok.

25. Mihm̄vt okhuta hā mish in tv̄n̄v̄p o anta na okla ont pisa m̄vt, P̄i shahli ma! katiohmi kash o ilv̄ppa ish la tuk oh cho? im achi tok.

26. Chisvs vt afalaminchi m̄vt, Ahlishke, ahli mak o hvchim achi lishke; Nana a fehna puta ka yumihchi li hō hvs sa pisa tuk ak osh hvs sa hoyo kak keya, amba puska ya hvsh pvt, hvchi kaiya tuk ak oke.

27. Ilhpak vt okpula hi okvno ahnit hvch ik toksalo kashke; amba ilhpak vt ik taho hosh ai-okchayvt bilia ya ona hinda, yumma Hatak Ushi vt hvch ima he yummak ash-

ke: yvmmak o Iki Chihowa yvt ai atokolit ai im aighlich hatuk oke, im achi tok.

28. Yohmi ma okla afalaminchi mvt, Nanta ak o e kati-ohmi hosh Chihowa i na toksvli ha e toksvla hinla cho? im achi tok.

29. Chisvs vt afalaminchi mvt, Auet sa kanchi tok yvmmak o hvch i yimmi ilvppak osh Chihowa i na toksvli mak oke, im achi tok.

30. Yohmi hatuk o okla hash ot, E pisa cha, e chi yimma chi kvno, na-fehna nanta ho ish yvmihchi ho? nanta hak o isht ish ahanta cho?

31. Pin tikba vhleha hvt chukushmi foka ya manna yo ai ahampa tok; okla vpa chi ka puska vba minti ho ipeta tok, achi kvt holisso tok oke, im achi tok.

32. Yohmi ma Chisvs ash ot, Ahlishke, ahli mak o hvchim achi lishke, Puska vba minti yvmma Moses ak osh hvch ipeta ha tok keyu; yohmi kia Aki ak osh puska aighli vba minti ka hvch ipeta hoke.

33. Uba mintit vla cha, yakni a ai-okchaya ihjma kak osh, yvmmvt Chihowa i puska mak oke, im achi tok.

34. Yohmi ma, Chitokaka ma! Puska ilvppak o ish pipihinta na biliashke, im achi tok.

35. Mihma Chisvs ash ot, Uno ak osh ai-okchaya puska ya sia mak oke: kvna hosh vno ak o vm vla hokvt nitak nana hohchvfa he keyu; micha kvna hosh vno a a yimmi hokvt nitak nana itukshila he keyu hoke.

36. Yohmi kia hvchishno vto hvs sa pisa kvt ik hvchi yimmo ka, hvchim anoli li tuk oke.

37. Aki vt vma hokvno momvt vm vla hi oke; mikma kvna hosh vm vla hokvno, ik kaniohmi kia falaminchit kocha pit tobli la he keyu hoke.

38. Uba ya mintit vla li kvt, vno akinli nana vm anukfila hosh a yvmohmi la he tok keyu hokvt, amba auet sa kanchi tok nan im anukfila ha he tok.

39. Yohmi kvt auet sa kanchi tok Aki vt vma tok moyuma ka achvfa kia ik sa kvnio hosh, amba nitak ont ishtaiyopikma falaminchit tanichi la he ilvppak o im anukfila hoke.

40. Micha Ushi g pisa cha, yummak ash i yimmi hokvto, momvt ai-okchayvt bilia ya pisa he, ilvppak o auet sa kanchi tok vt aiahni hoke; yohmi ka nitak ont ishtaiyopikma yummak ash o falaminchit tanichi la hi oke.

41. Yummvt, Uno ak osh pska vba minti tok mak o sia hoke, achi hatuk o, Chu okla hash ot yummak ash o lumasit na-mihachit maya tok.

42. Mihmvt, Ilvppvt Chisvs, Chosef g Ushi yoh chokvsh keyu? mikma iki, micha ishki aiena ka iloh ithana keya ho? yohmi hokak osh katihmi ho vba mintit vla li tok, achi cho? achi tok.

43. Yohmi hatuk o Chisvs vt afalaminchi mvt, Lumasit nan itiba mihvt hvch ik mayo kashke.

44. Hatak nana kia vm vla he keyv, amba auet sa kanchi tok Aki ak osh halvlli hok mak a hi oke: mikma nitak ont ishtaiyopikma falaminchit tanichi la hi oke.

45. Mihmvt momvt Chihowa yak o nan im ai ithvna he, achi kvv hopaii puta i holisso ha a holisso tok. Yohmi hatuk o hatak vt Aki g im a haponaklot, nana ka im ai ithvna aiyuka hokvto, vm ahanla hoke.

46. Hatak nana hosh Aki ak o pisa chatuk o keyu; Chihowa yak o a minti tok ak bano yummvto Aki g pisa chatuk oke.

47. Ahlishke, ahli mak o hvch im ach^hlishke, Kona kia g yimmi hokvto ai-okchayvt bilia ya pisa hoke.

48. Uno ak osh ai-okchaya pska sia mak oke.

49. Hvchin tikba vhleha hvv chukushmi foka ya manna ai ahampa tok vt illi tok.

50. Pska ilvppak o hatak vt ai vpa cha, ik illo ka hi o, vba ya mintit vla tok mak oke.

51. Uno ak osh pska okchaya vba minti tok g sia mak oke; hatak nana hosh pska ilvppa vpa hokmvt, okchaya na bilia he; yohmikma pska ipeta la he, yummvt uno sa nipi yakni vt ai okchaya hi o, isht atobbi la chj kak oke, im achi tok.

52. Yohmi hatuk o Chu okla hash ot, Hatak ilvppvt

katiohmi kak osh ilap nipi ya pipeta na e pa hinla ho? achit itachowvt maya tok.

53. Mihma Chisus vt, Ahlishke, ghli mak o hvchim achi lishke; Hatak Ushi nipi ya vpvvt, im issish ma hvsh ishko keyu hokmvt, ai okchaya hi vt hvchi anukfoka keyu hoke.

54. Kvna hosh sa nipi g vpa cha, svssish ma ishko hokvto, ai-okchayvt bilia ya pisa hoke; atukma nitak ont ishtaiyopikma falaminchit tanichi la hi oke.

55. Sa nipi vt ilhpak o fehnakma, svssish g ishka-hi o fehna hoke.

56. Kvna hosh sa nipi g vpa cha, svssish ma ishko hokvt, vno g a subai achafakma, anonti vno mvt ilapa ai ibachafa li hoke.

57. Aki okchaya yvt vno g auet sa kanchi tok o, Aki ak o vno vt ai okchaya li hatuk g, kvna hosh vno g svpa hokvt, yvmmak inli ho chohmit vno ak o si ai okchaya hi oke.

58. Ilvppak osh puska vba minti tok mak oke; hvchin tikba vhleha hvvt manna ya vpa tuk osh anonti illi tok g a chohmi ho keyu; kvna hosh puska ilvppa vpa hokvto okchayvt bilia he mak oke, im ahanchi tok.

59. Kapenavm g nan ai ithvnanchit ahanta mak osh sinakak anykaka ya ilvppa puta ka ai ahanchi tok.

60. Yohmi hatuk o nan im ai ithvna vhleha hvvt ilvppa haklot in taha mvt, lava kvvt, Ilvppvt anumpa kvllo fehmvshke, kvta hosh haponakia hinla cho? achi tok.

61. Nan im ai ithvna vhleha hvvt yvmma lumasit nan isht a miha ka, Chisus vt ilapo inlit akostininchi mvt, Ilvppvt hvchi ibetvblichi hoh cho?

62. Yohmi kvto Hatak Ushi vt tikba ma ai vtta tok vba ya ia na hvsh pisa hok mvt?

63. Okchalinchi vt shilombish ak oke; yohmikma nipi vto nana ho isht ai vlvpesa keyu hoke; anumpa hvchim anumpuli li yvmmak osh shilombish okmvt, anonti isht ai-okchaya yoke.

64. Yohmi ka hvsh katiohmi mvt ik yimmo kvvt hvsh gshvshke, im achi tok. Ummonvt isht auehinchi kak inli ho kvna hak osh ik yimmo ka he, mikma kvna hak osh

ilapa ishit inla ibbak fohka he aiena ka Chisvs vt ithana tuk a tok.

65. Mihmvt, Yohmi hatuk o Aki ak osh anukfohkichi ho keyukma, hatak nana hosh vm vla he keyu hoke; hvchim achi li kvno, achi tok.

66. Yvmmak fehna kak o nan im ai ithvna vhleha hv lauvt filamvt taha mvt, i himmak ma apehvt ik itvnowo ki tok.

67. Yohmi ma Chisvs ash ot auah-tuklo kash o, Hvchishno ak kia filvmmit aya hi g hvchim anukfila cho ? im achi tok.

68. Mihma Saimon Pita yvt afalaminchi mvt, Kvt hak o il im ia hinla cho ? chishno ak osh ai okchayvt bilia isht anumpa ha ish ieshishke.

69. Micha chishno ak osh Chihowa okehaya Ushi, Klaist mak o chia pulla ka il ithanvt, pi yimmi fehna hoke, im achi tok.

70. Chisvs ash ot, Auah-tuklo ho hvchi atokoli li tok o, hvsh achvona kv nan-isht-ahullo okpulo yo chia keyu ? im achi tok.

71. Yvmmak osh auah-tuklo ka ai iba chvfa yatuk osh, yvmmak ash ishit inla ibbak fohka chi ha tok oka Saimon, ushi Chutas Iskaliot ak o isht anumpuli ha tok oke.

CHAPTA VII.

Chisvs vt luma chohmi hosh avt Chelusalem g ona ma, Chu vhleha hv yvmmak ash pisa bvnvt aiasha mvt, nan isht anukfilli kv im ilaiyukvt aiasha, 1. 14 Chisvs vt tempel g ont chukowa cha, nan ithvnanchit ahanta. 37 Hatak vt itukshila hokvto, ilap ak o im ai onvt nan ishka hi g, ahnit Chisvs vt hoyo.

1. NANA kv ai yakohmi ha ya, Chisvs vt Kalili yakni ak o ahanta tok: Chu okla hash osh yvmmak ash vbi ka bvnvt maya hatuk o, Chu i yakni yokvno ahanta he ik ahno ha tqk.

2. Mihma Chu okla chishako vhtipo nuta ai impa holi-topa yoh chatuk nitak vt a tikeli tok.

3. Yohmi hatuk o i kanomi vhleha hvt yummak ash o, Ilvppa issvt ivt, Chutea yakni yak o ish ona na nan chim ai ithvna vhleha hak kia na-fehna puta ish ai yvmihchi ka pisashke.

4. Ilapo vt otvni achukmvt annoa hi g ahni hokvt, hatak vt ai alumaka hq nana ka yvmihchi chatuk vt iksho hoke. Ilvppak oka a chi yvmohmi mvhli chatuk okmvt, yakni g ish il ai im otvnochashke, okla im achi tok.

5. I kanomi vhleha hak kia ik i yimmo hatuk osh.

6. Mihma Chisvs ash ot, Uno vt ia la he ai vlhpiesa kvto ik ai ono kisha hoke; amba hvchishno vto hvsh ia hi vt hvchim vlhpiesa bieka hoke.

7. Yakni vt hvchishno yokvno hvchi nukkilli he keyu: amba vno vto yvmma nana a kaniohmi kvt ai vlhpiesa keyu ka atokolit anoli li hatuk o, vno yokvno g nukkilli hoke.

8. Ai-impa holitopa gsha ilvppa hvsh iashke; vno yokvto ai vlhpesa kvt ai ona fehna keyu kisha hoka, ai-impa holitopa gsha ilvppa himonasi kvno ia la chi keyu hoke, im achi tok.

9. Anumpa ilvppa puta ka im ahanchit in taba mvt, Kalili yakni akinli hq anta tok.

10. Yohmi tuk kia i kanomi vhleha hash ot ivt taha tuk o, ilap ash kia ile haiakvchi fehna keyu, amba luma chohmit ayvt, ai-impa holitopa gsha kash ona tok.

11. Yohmi ma Chu okla hvt yummak ash ai-impa holitopa gsha ka hoyot, Mih mvto katima yak o hikia cho? achi tok.

12. Mihmvt kanimi kvt, Yvmmvt hatak achukma hoke, achi ma, inlaka yokvto, Keyu, amba okla hg haksichi yoke, achi hatuk o yummak ash lumasit isht anumpulit, ilap bika itachowa fehvt mgya tok.

13. Yohmi kia Chu okla hg i nukshopa hatuk osh, hatak nana kia haiakvchit yvmma isht anumpuli kvt iksho ki tok.

14. Atuk o ai-impa holitopa gsha ka iklvnvt taha foka

ma, Chisvs ash ot tempel a pit chukowa cha, nana ithv-nanchi tok.

15. Mihma Chu okla hvt nukhlakancha cha, Hatak ilvppvt katiohmi kak osh ithvna tok keyu kvto, holisso ha imponna hoh chishba? achi tok.

16. Chisvs vt afalaminchi mvt, Nan isht ai ithvnanchi li kvt vno vmmi ho keyu, amba auet sa kanchi tok ak o immi hoke.

17. Hatak nana hosh, yvmmvt nana ai ahni tok mak o ahninchit yvmihchi hokmvt, nan-isht-ithvnanchi ka Chihowa ak o a minti hokma, keyukmvt peh vno ahni li hosh anumpuli li hokma, nana hatuk ma akostinicha hi oke.

18. Kvna kia peh ilap ahni hosh anumpuli hokvto ilap isht a holitopa he ak o aiahni chatuk; amba auet kanchi tok vt nan-isht a-holitopa he ak o aiahni hokvto, yvmmak osh aighli, mikma nana ik ai vlhpeso nana kia ai a takali keyu hoke.

19. Moses vt vba-nan-vlhpisa ya hvch ima tok keyu ho? a tok ak o hvchi achvona kia vba-nan-vlhpisa mvno hvch ik holitobloshke. Nanta katiohmi ho svbi bvnvt hvsh itvnowa cho?

20. Okla hash ot afalaminchi mvt, Nan-isht-ahullo okpulo yo il ai eshi chia hoka, kvta hosh chibi bvnvt itvnowa hoh cho? okla achi tok.

21. Chisvs vt afalaminchi mvt, Nana achvfa ho ai yvmihchi li, yvmohmi ma momvt okokko! hvsh ahnishke.

22. Yohmi ka Moses vt hakshup tvpa ka hvchim apesa tok. Moses ak osh yvmma tikbanlichi tok keyu, amba in tikba vhleha ak a tok: a tok kia hvchishno vto nitak hullo nitak o hatak hakshup hvsh in tahamblishke.

23. Moses i nan-vlhpisa yut ik kobafu ka chi ka, hatak vt nitak hullo nitak o hakshup in tvptohowa ma, vno vto nitak hullo nitak o hlakofichit kaiyanchi li kak o, hvš sa nukilli cho?

24. Nana kvv a katiohmi shoba kak o isht ik hvchim a-

nukfilo kashke; amba nana kv̄t isht v̄lhpisa kv̄t ai-v̄lhpisaa mak o isht hv̄chim anukfilashke.

25. Mihma Chelusalem ḡ ḡsha tuk vt kanimi kv̄t, Okla v̄bi b̄v̄n̄v̄t maya beka tuk ḡ ilv̄ppak osh mih mak o keyu?

26. Yohmi kia nukwaya iksho hosh anumpohonli ma, nan ok ik im achoshke. Ilv̄ppak osh Klaist fehna mak o mv̄hli kv̄no, hatak pehlichī vhleha hv̄t akostininchi hoh chishba?

27. Yohmi kia hatak ilv̄ppv̄to kanima ȳo a minti ka iloh im ithanv̄shke; amba Klaist ak osh v̄la hokma, kanima ȳo a minti ka hatak nana hosh akostinincha he keyu hoke.

28. Mihma Chisvs vt tempel anykaka ȳg nana ai ithv̄nan-chi hosh anta tuk ash osh chitolit, Uno ḡ hv̄s sv̄thana mv̄t, anonti kanima ȳo a minti li tuk ma hv̄sh ithanv̄shke; yohmi ka v̄no akinli ahni li hosh ḡya li keyu, amba auet sa kanchi tok yv̄mmak osh aighli mak atuk o yv̄mma chik ithanoshke.

29. Amba v̄no v̄to yv̄mmak o a minti li tuk okv̄t, yv̄mma ithana li hoke; yv̄mmak osh auet sa kanchi tok mak oke, achi tok.

30. Mihma okla ishi b̄v̄nna tok; yohmi kia hv̄shi karv̄lli isht ai im v̄lhpisa kv̄t ik ai ono k̄isha hatuk oka, hatak nana kia ibbak ḡ ik onochō ki tok.

31. Mihma okla l̄gv̄v̄t yv̄mmak ash i yimmi mv̄t, Klaist ak osh v̄la hokmv̄to, na-fehna puta ka yv̄mihchi kv̄t, hatak ilv̄ppv̄t ai yv̄mihchi tuk puta ka i shahlichā hinla h̄o? okla achi tok.

32. Okla hv̄t lumasit yakohmichit yv̄mma isht anumpulit maya ka, Falisi vhleha hv̄t haklo tok; micha Falisi vhleha, mikmv̄t na-holitompa isht ḡsha pehlichī vhleha aiena kash ot yv̄mmak ash isha ch̄i ka, tishu vhleha h̄g pit tihleli tok.

33. Mihma Chisvs ash ot, Chekosi itintakla kak o hv̄chi takla anta li moma ch̄i; atuk mv̄t anonti auet sa kanchi tok ḡ im ia la ch̄i hoke.

34. Hv̄s sa hoyo kia, hv̄ch ik sa peso ka ch̄i; mikmv̄t kanima ȳo ai ahaata likma, yv̄mma hv̄sh ai ona he keyu hoke, im achi tok.

35. Mihma Chu okla hash osh ilapo b̄ika it im achit, Katima k̄o ia ch̄i hokak o, keho pesa ka ch̄i hoh chishba?

ita-fimimpot Chentail okla ibvlhkahvt a₂sha hak o im ayvt, Chentail okla h₂ nan ithvnancha chi h₂o?

36. Ilvppak osh anumpa nanta mak o, Hvs sa hoyo kia, hvch ik sa peso ka chi; mikmvt kanima yo ai ahanta likma, yvmma hvsh ona he keyu hoke, achi tok.

37. Nitak ont ishtaiyopi na holitoblit ai-imp₂a nitak chinto yvmmak fehna Chisvs vt hikia cha, tahpahanla mvt, Hatak nana hosh itukshila hokmvt, vno ak o vna ai vvt ik ishkó.

38. Kvna hosh vno a a yimmikma, yvmmak o, Holisso Holitopa yvt achi hatuk oka, oka okchaya okhina yvt ohv-krsh a a yanvllit a kokoncha chi hoke, achi tok.

39. Yohmi kia ilapa i yimmi vhleha hv Shilombish a habena he yvmmak o isht anumpuli hosh ilvppa miha tok: Chisvs vt ont ik a holitopo kisha hatuk o, Shilombish Holitopa yvt ik ayo kisha ha tok.

40. Yohmi hatuk o anumpa ilvppa haklo mvt, okla hash ot lauvt, Ilvppak osh hopai mih mak o fehna ho mvhlishke, achi tok.

41. Kanimi mvt, Ilvppak osh Klaist mak oke, achi ma, araba kanimi kvto, Klaist vt Kalili yakni a vtvvt a kohchvt aya hinla h₂o?

42. Klaist vt Lewi Ushi ai isht atiaka h₂o, micha Behlehem tumaha Lewi vt ai ahanta tok mak o ai vtta apha hi a, Holisso Holitopa yvt achi hatuk keyg? achi tok.

43. Yohmi hatuk o yvmmak atuk mak o okla hv isht ai ita kashapvt maya tok.

44. Mihma kanimi kvt yvmmak ash ishi ka ahni tok; yohmi kia hatak nana hosh ibbak a ik onochi ki tok.

45. Yohmi ma tishu vhleha hash osh na holitompa isht a₂sha pehlich₂i vhleha, micha Falisi vhleha aiena kash im ai ona tok; mihma yvmmak ash osh, Nanta katihmi h₂o yvmmak ash isht hvch ik lo cho? im achi tok.

46. Mihma tishu vhleha hash ot, Hatak nana hosh anumpuli kv₂t hatak ilvppa chohmi chatuk keyushke, achi tok.

47. Mihma Falisi vhleha hash ot afalaminchi mvt, Hvchishno ak kia hvsh i haksi hotuma?

48. Hatak hochitoka, keyukmvt Falisi vhleha aiena kv̄t kanimi mvt, yv̄mma ī yimmi tuk ō?

49. Yohmi ka nan-vlhpisa kia ithana keyu okla ilv̄p̄v̄to nan isht ī palv̄mma he vlhp̄esv̄shke, achi tok.

50. Nikotemv̄s, yv̄mmvt ninak ō ayvt Chisv̄s ḡ im ona tok ash ot, yv̄mma ai ibachv̄fa hatuk osh,

51. Nan vlhpisa pin tonla kv̄t hatak ḡ ai ī haponaklot, nana h̄o a kanihmi hatuk ma ai akostininchi keyu k̄isha kv̄t, nan im apesa chatuk oh cho? im achi tok.

52. Mihma okla afalaminchi mvt, Chishno ak kia Kalili hatak chia hatuk ō? achukmalit hoyot pisá: hopaii vt Kalili yakni ḡ ai v̄tv̄t kohchvt aya hi vt iksho hoka, im achi tok.

53. Yohmi ma hatak ash ot momvt in chuka aiyuka ilhkolit taha tok.

CHAPTER VIII.

Falisi vhleha hv̄t, ohoyo hosh havi tobt ahanta na yv̄mmak osh nan im apesa ch̄j h̄o, isht im ona, 1. 12 Chisv̄s vt ilap ak osh yakni in tohwikeli; yohmi ka yv̄mmvt im aighli ka Iki vt atokolit anoli chatuk aiena ka miha. 80 Chu okla hv̄t Chisv̄s ḡ ī sanali; yohmi hatuk ō ilapvt Eblaham ak okv̄no isht atiaka ho mv̄hli akinli kia, nan ai ashv̄chika yokv̄no ī yuka vhleha; miha nan isht ahullo okpulo ḡ im v̄lla vhleha aiena hatuk ḡ, Chisv̄s vt im otv̄nichi.

1. CHISUS vt Alif nv̄nih h̄g ia tok.

2. Atuk osh onna-hinli fehna falamvt tempel ash ant chukowa ma, okla momvt im ai itv̄naha tok: mihma aka binilit nan ithv̄nanchi tok.

3. Mihma na-holissochi vhleha, miha Falisi vhleha aiena kv̄t, ohoyo hv̄t lumakvt anta tuk ō, isht im ona tok; miha ai ikv̄nna ka okla binilichi mvt,

4. Nan-ithv̄nanchi ma! ohoyo ilv̄p̄v̄t lumakvt anta, ai yakohmi fehvt haiaka na ishi tuk oke.

5. Yohmi ka Moses vt ilv̄ppa chohmi hokvt tv̄li isht boa hi ō, nan-vlhpisa ȳg isht a pim apesa tok; yohmi ka chishno v̄to nantuk ish achi cho? im achi tok.

6. Ilap ak o anumpa onocha hi vt ahnit, imomaka pisa hosh iluppa okla achi tok. Yohmi kia Chisvs ash ot ik i haponaklo ho chohmit, aka pit waiahput, ibbak-ushi a yakni a isht ai o holissochi tok.

7. Yohmi ka okla i ponaklo kash ot a moyuma ma, wakaya mvt, Kanima hosh ai ashvchika ik im iksho kvv hvchi takla hikia hokmvt, yvmmak osh na tikba tvli ya isht ik boli, im achi tok.

8. Mihmvt anonti aka pit waiahput yakni a ai o holissochi tok.

9. Mihma okla haklo tuk ash ot, ilap chukvsh akinli ka nan isht ai il akostininchi mvt, holitopa i shahli tuk ak osh tikba achufa aiyukvt kohchvt ihiya mvt, ik a lauwo ke tuk vt momvt ont taiyaha tok; mihma Chisvs ak bano hosh hikia ma, ohoyo hash osh ai iklvna ash hikia tok.

10. Chisvs ash ot wakaya mvt, inla yvt iksho ho, ohoyo ak bano ho pisa mvt, Ohoyo chia ma! anumpa chi onochi vhleha mvto? hatak nana kia anumpa ik chi onochi ke tuk oh cho? im achi tok.

11. Mihma, Hatak nana kia anumpa ik si onochoshke, Chitokaka ma! achi tok. Mihma Chisvs ash ot, Uno ak kia anumpa chi onochi li keyushke, ia cha, himmakma ik chi hakso kashke, im achi tok.

12. Mihmvt Chisvs ash ot anonti okla ha im anumpuli mvt, Uno ak osh yakni im a tohwikeli sia mak oke; kvna hosh vno a siakaiya hokvt, ai okhlilika yo aya he keyu; amba ai okchaya tohwikeli hvv in takala he mak oke, im achi tok.

13. Yohmi hatuk o Falisi vhleha hash ot, Nan ish ai atokoli kvv chishno akinli hosh ish il ai-anoli hokvt, nan ish ai atokoli ka ghli keyushke, im achi tok.

14. Chisvs ash ot afalaminchi mvt Atokoli kvv vno akinli hosh il ai anoli li akinli kia, nan ai atokoli li ka ghli hoke: vno ak okvto kanima yo a minti li tuk: mikmvt kanima yo atia la he aiena kvv ithanali hoka; amba hvchishno vto kanima yo a minti li tuk, micha kanima yo atia la he aiena ka hvsh akostinincha he keyushke.

15. Haknip nan isht a kaniohmi chatuk mak o nana hvsh apesvshke; vno vto hatak nana kia nana ak im apesoshke.

16. Yohmi kia nana ka apesa li hokma, nan apesa li ka aighli hoke; vno ak illa keyu hoka, amba vno vt auet sa kanchi tok Δ ki g itatuklo li hoke.

17. Hatak tuklo hosh nana atokolit anoli ho aighla hi g, hvchi nan-vlhpisa yak kia a holihiso hoke.

18. Nan isht a si atokowa anoli kvv vno akinli kak osh mihi yo sia hokma, anonti auet sa kanchi tok Δ ki ak osh nana atokowa ka si anoli hoke.

19. Yohmi ma Katima ko Chiki vto asha hosh? okla im achi tok. Chisvs vt afalaminchi mvv, Vno, mikmvv Δ ki ita tuklo li ka hvch ik pithanoshke; vno g hvv svthana hatuk okmvv, Δ ki ma hvsh ithana he tuk akinli hoke, im achi tok.

20. Anumpa ilvppa Chisvs vt tempel anykaka yg nana ai ithvnanchi hosh ahantvt, vli holisso abohli yo hikia hosh anumpuli tok: hvshi kanvlli isht ai im vlhpisa kvv ik ai ono kisha hatuk o, hatak nana kia ibbak g ik onocho ki tok.

21. Anonti Chisvs ash ot, Kanima ia likma, hvv sa hoyo kia, nan ai-ashvchika puta kak o isht hvchi ai illa hi oke: kanima yo ai ona li ka, hvchishno vto hvsh ona he keyu, im achi tok.

22. Yohmi ma Chu okla hash ot, Kanima yo ai ona li ka, hvchishno vto hvsh ona he keyu, achi kvv ilap inli kak osh ile ba chi hoh cho? achi tok.

23. Mihma, Hvchishno vto aka yo a minti hvchia hokma, vno vto vba yo a minti li hoke; hvchishno vto yakni ilvppak o ai ibachvfa hvchia hokma, vno vto yakni ilvppa ai ibachvfa sia keyu hoke.

24. Yohmi ka na hvchim ai-ashvchika puta kak o isht hvchi ai illa hi oke, hvchim achi li hokvno; vno ak osh mih mak o sia ka ik hvchi yimmo hokmvv, na hvchim ai-ashvchika puta kak o isht hvchi ai illa hi oka, im achi tok.

25. Mihma, Chishno ak osh kvva hak o chia ho? okla im

achi tok. Mihma Chisvs ash ot, Ummona ka nana ho hvchim anoli li kash mih mak o sia hoke.

26. Nana ka hvchi mihvt, nan isht apesa la hi vt lauvt vm ashvshke.* Yohmi kia auet sa kanchi tok yvmmak osh aighli mak oke; mihma vno vt yvmmak o nana ka ai im a haklo li tuk mak osh yakni a isht im anumpuli li hoke.

27. Iki ak o isht im anumpuli hatuk a, okla ik akostinincho ki tok.

28. Mihma Chisvs ash ot, Hatak Ushi a vba hvsh takalichi hok mak osh, vno vt mih mak sia hatuk; micha vno akinli vm anukfila hosh nanasi ka ai yvmohmi li keyu; amba Aki ak osh nan svthvnanchi tuk mak o ilvppa puta ka anum-puli li hatuk a hvsh akostinincha hi oke.

29. Michā auet sa kanchi tok vt sa takla aya hoke; Aki vt ilap illvchit sa kanchi tok keyu; nana kvv yvmma yuk-pali pulla kak o yvmohmi kvv a sa bilia chatuk oke, im achi tok.

30. Anumpa ilvppa puta ka anumpohonli ma, i yimmi kvv lana tok.

31. Yohmi ma Chisvs ash ot i yimmi tuk vhleha Chu okla hash o, Um anumpa ha hvsh halvlli kvv hvch ik issok-mvt, nan vm ai ithvna ghli fehna hvchia mak a chi hoke.

32. Mikmvt nan-aighli ka hvsh ithana he; mikma nan-aighlika yash ot yuka keyu hvch ikba hi oke, im achi tok.

33. Okla afalaminchi mvt, Eblaham ak o isht atiaka pia, yohmi kvv nitak nan ash o hatak nana kia ai i yuka hosh il anta tok keyu ka, katiohmi ho, Yuka keyu hvchi toba hi oke, ish achi cho? im achi tok.

34. Chisvs ash ot afalaminchi mvt, Ahlishke, ghli mak o hvchim achi lishke, Kona hosh nan ai ashvchika ya ai yohmi hokmvt, nan-ai-ashvchika ya i yuka mak oke.

35. Yohmi ka yuka hokvto chuka ya ai ahantvt bilia chatuk keyu; amba Ushi yokvto ahanta na bilia chatuk oke.

36. Yohmi hoka Ushi yak osh yuka keyu ka hvch ikbi hokma, yuka keyu ghli mak o hvchia ha hi oke.

37. Eblaham ak o isht atiaka hvchia hokvno hvchim

ithana li; yohmi kia *vm* anumpa hak osh hvchi chukvsh *g* ai anukfoyuka keyu kak *o*, svbi hvchi bunvshke.

38. Aki *g* ai iba pisa li tok mak osh vno *v* nana ka isht anumpuli li hoke; mihma hvchishno vt hvch iki *g* hvsh ai iba-pisa tok mak osh a hvchi yvmohmishke, im achi tok.

39. Mihma okla afalaminchi *vt*, Eblaham ak osh piki oke; im achi tok. Chisus ash *ot*, Eblaham ak *o* ushi hvchia hatuk okvt, Eblaham vt nana a kaniohmi tok mak *o*, hvsh yvmohma he tuk oke.

40. Amba Chihowa *ya* nana ai im a haponaklo li tuk vt nan ai ghlika mak *o* hatak hvchim anoli li ka, svbi hvchi bunvshke; Eblaham vt ilvppa yakohmi tok keyu hoke.

41. Hvch iki vt nana a kaniohmi tok mak *o* hvsh yvmohmishke, im achi tok. Mihma, iki, ishki ita tuklo kvv ai vlhpesa keyu *ho* a toba hosh il vtta tok keyu: Piki vt achvfa, Chihowa ak oke, im achi tok.

42. Chisus ash osh, Chihowa ak osh hvch iki atuk okma, hvs *sa* hulla he tuk oke; vno vt Chihowa yak *o* a kohchvt *ya* li hosh vla li ha tok oka; yohmi kvv vno *vm* anukfila akinli hosh vla li tok keyu; amba yvmmak osh auct sa kanchi tok oke.

43. Nanta katiohmi *ho* *vm* anumpa *ha* hvch ik *svm* akostinincho cho? *vm* anumpa *ha* haponaklo ik hvchi bunno kak okvt,

44. Setan hvch iki ak *o* hvsh a toba hatuk osh, hvch iki nana ai-ahni kak *o* ai yohma hi *g* hvchim anukfilvshke; yvmmak okvt *vmmona* kash inli *ho* hatak vbi a tok; micha ilap ak osh nan aighli kvv anukfoka keyu hatuk osh, nan ai ghlika *ya* a hikia keyu hoke. Holabit anumpuli kvv ai immi ka mak okvt anumpuli hoke; ilap ak osh holabi yokvt, anonti na-holabi iki mak oke.

45. Yohmi hatuk *o* ai ghlika *yo* hvchim anoli li hatuk *o*, hvch ik *sa* yimmoshke.

46. Hvsh katima kak osh nan ai-ashvchi li tuk *g* hvs *svm* atokola hinla cho? Ahli mak *o* miha li hok mak heno, nanta katiohmi *ho* hvch ik *sa* yimmo cho?

47. Kva kia Chihowa *ya* immi hokvt, Chihowa im

anumpa ha haklo hoke ; yohmi hoka hvchishno vto Chihowa immi hvchia keyu hokvt hvch ik hakloshke, im achi tok.

48. Mihma Chu okla vhleha hash ot afalaminchi mvt, Chishno vt Samalitan hatak chia hosh, nan-isht-ahullo okpulo a ish il ai eshi hatuk a, e chi achi kvv vhpesa ho e miha keyu cho? im achi tok.

49. Chisvs vt afalaminchi mvt, Nan-isht-ahullo okpulo il ai ishi li keyushke : amba Aki a holitobli li hatuk o, hvchishno vto vno a hvch ik sa holitobloshke.

50. Micha vno akinli isht a sa holitopa hi o ahni li keyu ; yvmma aiahni cha, nan apihisa kvto achvfa hosh asha hoke.

51. Ahlishke, ahli mak o hvchim achi lishke ; Hatak vt nana mihaha li ka vm antia hokmvt, nitak nana ai-illika ya pisa he keyu hoke, im achi tok.

52. Mihma Chu okla hash ot, Nan-isht-ahullo okpulo a ish il ai eshi hatuk a, himak vno il akostininchishke ; Eblaham, mikmvt hopaii vhleha aiena kvv illi tok : yohmi ka hatak vt nana mihaha li ka vm antia hokmvt, nitak nana ai-illika ya pisa he keyu, ish achishke.

53. Piki Eblaham illi tok a ish i shaiyahli cho? mihma hopaii vhleha aiena kvv illit taha tok. Chishno ok ash kvta hak o ish il ai apesa hoh cho? im achi tok.

54. Chisvs vt afalaminchi mvt, Vno akinli hosh ile holitobli li hokma, na sa holitopa he mak keyu hoke. Hvchin Chihowa hvsh miha tuk Aki yvmmak osh sa holitobli hoke.

55. Yohmi kia hvchishno vto yvmma hvch ik ithanoshke ; amba vno vto yvmma ithana lishke ; yohmi kvv yvmma ak ithano hoke ; achi li hokmvt, holabi hvchishno akinli ho chohmi la chi hoke ; yohmi kia yvmmak oka ithana li mvt, nana ahanchi ka holitobli lishke.

56. Hvch iki Eblaham vt ai ahanta li nitak a pisa hi okvt na yukpa tok ; atuk osh pisa cha, na yukpa chinto fehna tok, achi tok.

57. Mihma Chu okla hash ot, Sipokni kvv afvmmi pokoli tahlapi ka chik ono kisha hokak osh, Eblaham a ish pisa tok oh cho? im achi tok.

58. Mihma Chisvs vt Ahlishke, ahli mak o hvchim achi

lishke, Eblaham vt iksho kisha ma, anta li tok oke, im achi tok.

59. Yohmi ma ishit bola chi kvv, tvli g okla aiowa tok : yohmi kia Chisvs ash ot lumvt okla ai iklvnaka ya hlopulit gyvt tempel g a kohchvt ont ia tok.

CHAPTA IX.

Hatak vt lupa yosh vttá tok g, Chisvs vt hopenayochi, 1 : 13 hatak ash q ilauct Falisi vhleha hq isht im ona ma, Falisi vhleha hash ot hatak ash sinakak g a kohchichi. 35 Chisvs vt ilap ak osh Chihowa hq Ushi mak atuk vt hatak yvmmak ash im il otvínchi ma, hatak ash ot i yimmi cha, aiokpvchi.

1. MICHA Chisvs vt ont ia cha gya mvt, hatak vt lupa imoma yosh vttá tok osh gsha na pisa tok.

2. Mihma nan im ai ithvna vhleha hv, Pi shahli ma ! hatak ilvppak okmá, keyukmvt iki, ishki itatuklo ka a kati-ma kak osh nan ashvchi tok q, hatak ilvppvt lupa imoma yosh vttá tok oh cho? achit i ponaklo tok.

3. Chisvs ash ot afalaminchi mvt, Hatak ilvppak okmá, keyukmvt iki, ishki ita-tuklo ka a kanima kak osh nana ashvchi tok q keyu hoke; amba Chihowa nan-isht im ai ghlika yvt ilvppak q isht ai otvna he mak q, ai yakohmi tok oke.

4. In toksvli la he mak q auct sa kanchi tok oka nitaki moma kak q isht im ahanta li pullashke; ninak vt vla ha yokmvo, hatak nana kia pilesa he keyushke.

5. Yakni g ai ahanta li takla hokvto, yakni g in tohwikeli sia hoke, im achi tok.

6. Iluppa mak achit ont issa mvt, yakni g on tofvv, lukfi g itukchi ishit yvmvslit tahli mvt, hatak lupa nishkin g lukfi ash q isht im apolusli tok.

7. Mihmvt, Oka talaia Siloam, yvmvvt toshowakmvt, Pila, achi hq ia cha, ont okamí, im achi tok. Yohmi ma ia cha ont okami mvt, pisa hosh vla tok.

8. Yohmi hatuk q chuka panta hatak vhleha, micha yvmvvt lupa yq tikba ka pisa beka tuk vhleha yvmmak ash ot, Ilvppvt gshvt nana asihjla chokvsh mak q keyu? achi ma,

9. Kanimi kv̄t, Ilv̄p̄vt mihi yoka, achi ma, inla mvt, Peh holba hoka, achi tok : yohmi kia ilap vto, Mihi yō sia hoke, achi tok.

10. Yohmi hatuk o, Katiohmi hosh chi nishkin vto fatuma tuk oh cho? im achi tok.

11. Mihma afalaminchi mvt, Hatak Chisvs hohchifo kak osh lukfi a yvm̄v̄slit, sa nishkin a isht v̄m apolusli cha, Oka talaia Siloam a ia cha, ont okami, v̄m achi ma, iv̄t ont akami li hosh, hoponayo li tuk oke, achi tok.

12. Mihma, Atuk osh mih mvtō? okla im achi ma, Ak akostininchoshke, achi tok.

13. Mihma l̄v̄pa yō beka tuk yvm̄mak ash o ilaunlit Falisi v̄hleha h̄a isht im ona tok.

14. Yohmi ka nitak hullo nitak o Chisvs vt lukfi a yvm̄v̄sli cha, nishkin a i fatummi tuk a tok.

15. Yohmi hatuk o anontī Falisi v̄hleha hv̄t katiohmit hopanayo tuk a, im asilhh̄v̄chi akinli tok. Lukfi yvm̄v̄ska yō sa nishkin a isht a lapohlechi na okami li tuk osh, hoponayo lishke, im achi tok.

16. Yohmi hatuk o Falisi v̄hleha kanimi kv̄t, Hatak yvm̄m̄vt nitak hullo nitak a holitobli keyu hokvt, Chihowa ak o a minti keyushke, achi tok. Inlaka yokvto, Hatak vt nan ash̄v̄chi atuk vt katiohmi hosh na-fehna puta yakohmi ka yvm̄ih̄cha hinla cho? achi tok : yohmi mvt ilap b̄ika okla ai ita kashap̄vt m̄aya tok.

17. Hatak l̄v̄pa yatuk ash o anontī, Chishno vto chi nishkin a ch̄i fatummi tuk a, yvm̄mak oka nanta isht ish achi cho? okla im achi ma, Yvm̄mak ash ot hopaii yoke, achi tok.

18. Yohmi kia Chu okla hash ot hoponayo tuk ash īki, ishki ita tuklo ka hoyot ik im asilhh̄acho k̄isha kv̄t, yvm̄m̄vt l̄v̄pa yatuk osh hoponayo tuk a, ik yimmo ki tok.

19. Atuk osh yvm̄mak ash o okla ī ponaklot, Ilv̄p̄vt hv̄ch iso l̄v̄pa yosh vtta tok hv̄sh achi chokv̄sh oh cho? Yohmi hokak osh katiohmi h̄o himak ano hoponayo cho? okla achi tok.

20. Īki, ishki ita-tuklo kash ot afalaminchi mvt, Ilv̄p̄vt p̄iso, micha l̄v̄pa yosh vtta tok okvno il ithanv̄shke.

21. Amba nana hosh katiohmi h̄o himak ano p̄isa kvno.

kil akostininchoshke; mikmvt kvna hosh nishkin g i fatummi tuk aiena kvno, kil ithanoshke; vlla keyu hoka, ilap ak o hvsh i ponaklokma, ilap inli hosh isht il ai anumpula hinla hoke, achit okla tok.

22. Hatak nana hosh, yvmmvt Klaist oke, achi hokmvt, sinakak g a kohcha hi o, Chu okla hvv ai it ibachvfvv taha mgshko hatuk o, iki, ishki itatuklo kvv Chu okla hak o i nukshopa hatuk osh, anumpa ilvppa achit okla tok.

23. Yohmi hatuk osh iki, ishki itatuklo kash ot, Ulla keyu hoka, ilap ak o oh i ponakl6, achit okla tok.

24. Yohmi ma atukla ma hatak lvpa yatuk ash o okla hoyo mvt, Chihowa yak o pit holidoblichí, hatak ilvppak okvto nan ashvchi g il im ithana hoke, im achi tok.

25. Mihma afalaminchi mvt, Yvmmak okvt nana ashvchi yokmá, keyukmá, nana hokvno ak im ithanoshke; nana achvfa kvno ithana li; yohmi kvv lvpa sia ha tuk kia, himak ano hoponayo li kak oke.

26. Mihma anonti, Nanta hq a chi katimichi tuk o? Katimihchi hosh chi nishkin g fatummi tuk oh cho? okla im achi tok.

27. Mihma im afalaminchi mvt, Hvchim anolit taiyahli li kia, hvch ik haponaklo ke tuk vt, nanta katiohmi hq atuklanchit haklo ka hvsh ahni cho? hvchishno ak kia nan im ai ithvna toba hvchi bvna hq? achi tok.

28. Yohmi ma okla ishtukhlakavv, Chishno ak osh yvmma nan im ai ithvna chia hoke; amba pishno vto Moses ak o nan im ai ithvna pia hoke.

29. Moses ak okvno Chihowa yvt im anumpuli beka tok g il ithana; amba ilvppak okvto kanima yo a minti ma, il ai im ithana keyushke, okla im achi tok.

30. Mihma hatak ash osh afalaminchi mvt, Yvmmvt kanima yo a minti tuk g hvch ik im akostinincho hq, anonti sa nishkin g g fatummi hoka, ilvppvt na-fehvshke.

31. Mihmvt Chihowa yvt nan ashvchi vhleha hokvno i haponaklo keyu chatuk; amba hatak nana hosh Chihowa yg aiokpvchi, micha nan ahni ka im antia aiena yok mak o mihi yo i haponaklo chatuk g iloh ithanvshke.

32. Yakni vt toba tok a taiyakla ka lupa imoma yosh vtta tok g hatak nana kia nishkin ash i fatummi tok g annoa chatuk keyushke.

33. Hatak iloppot Chihowa yak o a minti hatuk keyu hokmut, nana ho yumihcha he keyushke, im achi tok.

34. Mihma okla afalaminchi mut, Nana ai ashvchika bieka mak osh ish vtta tok ak naka nan ish pim avchi hotuma? im achi mut, a kohchichi tok.

35. Yvmma a kohchichi tuk g, Chisvs vt haklo tok; atuk osh yvmmak ash o pisa mut, Chihowa Ushi g ish i yimmi cho? im achi tok.

36. Afalaminchi mut, Chitokaka ma! i yimmi la hinla yvmmak osh kuta ho? achi tok.

37. Mihma Chisvs ash osh, Yvmmak oka ish pisa tuk o, anonti mihi yosh chit im anumpohonli hoke, im achi tok.

38. Mihma, Chitokaka ma! sai yimmishke, achi mut, yvmmak ash aiokpuchi tok.

39. Ik hoponayo atuk vt hoponayo yokma, anonti hoponayo tuk vt lupa yo toba he, yakohmit nan isht im vlhpisa hi o, yakni iluppa gya li hatuk oke.

40. Mihma Falisi vhleha kanimi kut yvmma apela tuk ash ot anumpa iluppa puta ka haklo mut, Pishno ak kia lupa pia hoh cho? im achi tok.

41. Chisvs ash ot, Lopa hvchia hatuk okmut, nan ai ashvchika yvt ik hvchim iksho ka he tuk; amba, E hoponayo, himak g hvsh achi; yohmi hokvt hvchim ai ashvchika yvt takanli moma hoke, im achi tok.

CHAPTA X.

Chisvs ak osh okhissa, mikmut yvmmak osh chukvlhpoba apesvchi achukma yatak osh chukvlhpoba yg vltobvt illi, 1. 19 Okla hvvt Chisvs g nan isht ai im anukfila kut ilaiyuka, 24 Chisvs vt Chihowa hak o a minti tuk g ilap nana ai isht ahanta kak inli hoesh otvninchi ka im anoli; 39 Chu okla hvvt vbi bvna kin im a hlakofit kocha. 40 Chisvs vt ia mut Chatan misha tvnvp o ona ma, okla laas hoesh i yimmi.

1. AHLISHKE, ghli mak o hvchim achi lishke, Kvna hosh chukfulhpoba i holihta okhissa yak o ik a chukowo hosh, amba naksika kanima yo pit oiyvt o walvbli hokvto, yvmmvt hukopa, mikmvt na wehpuli mak oke.

2. Amba okhissa yak o pit a chukowa hokvto, yvmmak osh chukfulhpoba ya apesvchi mak oke.

3. Yvmmak o okhissa apesvchi atuk vt in tiwikma, itih ola ka, chukfulhpoba yvt ithana; yohmi hatuk oka in chukfulhpoba atuk ash hohchifo aiyuka hochifot pehlichit kohcha chatuk.

4. Atuk osh in chukfulhpoba yash kocha welit tahlirkmvt, tikba im iakma, itih ola ka, ithana hatuk okvt, chukfulhpoba yash ot apehvt ia chatuk.

5. Yohmi kia inla itih ola hokvto ik ithano hatuk osh, apihvt ia he keyu hosh, amba i filvmmit yihlepa chatuk oke, im achi tok.

6. Nan-isht-vlhpisa ilvppak o Chisvs vt okla ha isht im anumpuli tok: yohmi kia nana ho yvmmvt isht ai im anumpuli hatuk g, okla ik akostinincho ki tok.

7. Yohmi hatuk o Chisvs ash ot atuklanchit, Ahlishke, ghli mak o hvchim achi lishke, Uno ak osh chukfulhpoba im okhissa sia hoke.

8. A sa tikba aya tok puta kvto hukopa, mikmvt na-wehpuli bano ha tok: yohmi hatuk o chukfulhpoba yvt yvmmak okvno ik i haponaklo ki tok.

9. Uno ak osh okhissa sia hoke: hatak nana hosh vno ak o si a chukowa hokvto, okchaya he: micha pit chukohovwt, anonti kohonchvt, ai-impa ya ahayuhoncha hi oke.

10. Na-hukopa yvt hukopa, micha vbi, nan okpuni aiena he ak bieka hosh aya chatuk; amba ai okchaya ya okla ahayuchikmvt, anonti laua kvv i shahli fehna ho pisa he mak o, vno vto aya li ha tok.

11. Uno ak osh chukfulhpoba apesvchi achukma sia mak oke; chukfulhpoba apesvchi achukma yvt chukfulhpoba ya ilap im ilhfiopak g a kaiyanchi hoke.

12. Amba peh ilthohno, chukfulhpoba apesvchi keyu hatuk, micha chukfulhpoba yvt immi atuk keyuk mvto, na-

shoba vt minti na pisakmvt, chukfvlhpoba ya issvt chvfa hoke; yohmi ma nashoba yvt yummak ash ant hoklit, chukfvlhpoba yash it ai yuhli hoke.

13. Ilhtono hvt peh ilhtohno atuk okvt, chukfvlhpoba ya nan isht ik ahno hatuk mak osh chvfa hoke.

14. Uno ak osh chukfvlhpoba apesvchi achukma sia hoke; an chukfvlhpoba ya ithaiyana li hoke; mikma anonti vmmi hvt vno a svthana hoke.

15. Aki vt svthana ka, vno mvt Aki a ithana li akinli koke; yohmi hosh chukfvlhpoba ya isht vltoba ho vm ilhfiopak a aka bohyuli lishke.

16. Yohmi kvv chukfvlhpoba inla mvt ilvppa ashaka ai achvfa keyu kvv vm asha hoke: yummakma pehlichit vla likma, vm anumpa ha hakla hi oke: yohmikma aiasha vt achvfakma, anonti chukfvlhpoba apesvchi vt achvfa hi oke.

17. Vm ilhfiopak a falaminchit ishi la hinla hosh aka bohyuli li; yohmi hoka Aki vt sa holitobli hoke.

18. Hatak nana hosh vm ishi ho keyu: amba vno akinli ahni li hosh aka bohyuli li hoke. Aka bohyuli la hi vt isht vm ai vlpesakmvt, anonti falaminchit ishi la hi vt isht vm ai vlpesa hoke. Nan-vlpisa ilvppak o Aki a im a habena li tok, im achi tok.

19. Yohmi hatuk o anonti Chu vhleha hash ot anumpa ilvppa isht ai it a kashapvt maya tok.

20. Yohmi mvt, Nan-isht-ahullo okpulo il ai ishi hatuk osh tasimbo hokvto, nanta katiahmi ho hvsh i haponaklo hosh? achi kvv laua ma,

21. Inlaka yokvto, Ilvppak okvt nan-isht-ahullo okpulo il ai ishi ho im anumpa keyushke. Nan-isht-ahullo okpulo vt lopa nishkin a fatumma hinla ho? achi tok.

22. Hvshtula yo tempel a himonvchit Chitokaka pit im issa impa hosh Chelusalem a asha ho, yohmi tok.

23. Mihma Chisvs vt tempel anukaka Solomon im api-shia nutaka ya hikikja tok.

24. Mihma Chu vhleha hash ot vltv yummak ash o ant a folubli cha, Ik ai ithano chohmit il aiasha na katiahmi foka

chj hq ish pim ahni cho ? Chishno ak osh Klaist chia hok-mvt, achukmalit ish pim anolashke, im achi tok.

25. Mihma Chisvs ash ot afalaminchi mvt, Hvchim anoli li ka, ik hvchi yimmo hoke : nana ka Aki hohchifo hq isht a yvmihinchi li kak q, yvmmak osh ai vlhtokowa ka si anohonlishke.

26. Yohmi kia ik hvchi yimmoshke ; yvmmak q hvchim achi li hatuk oka, an chukfulhpoba keyu hvchia hatuk okvt.

27. An chukfulhpoba vto vm anumpa hq haklokma, anonti vno vt ilap ma ithana li hq, a si apeha chatuk.

28. Mikma ai-okchgyvt bilia ya yvmma im issa li ; yohmi ka nitak nana ilbvshvt illa he keyukma, anonti kvna kia yvmmak ash svbbak q a kohchit isha hi vt iksho hoke.

29. Aki yvmma vma tok vt moma i shahli ; yohmi ka kvna kia yvmmak ash Aki ibbak q a kohchit isha hi vt iksho hoke.

30. Uno, Aki itatuklo li kvt il it ibai achvfa hoke, achi tok.

31. Mihma anonti Chu okla hash ot tvli ishit bola chj kvt tvli q okla aiowa tok.

32. Chisvs vt afalaminchi mvt, Isht il apelvchi vt Aki a minti pulla na na hochukma lqwa ka isht a yvmihinchi li hvsh pisa tuk q, na-fehna yvmma puta tuk ash katima kak q tvli q isht hvv sa bola chj mak oh cho ? im achi tok.

33. Mihma Chu okla hash ot afalaminchi mvt, Na fehna achukma yvmmak atuk ak q tvli q ishit e chi bola chj mak q keyu ; amba ik ahobalot anumpulit, anonti hatak chia hokak osh, Chihowa ish il apesa aiena kak oke, im achi tok.

34. Chisvs vt afalaminchi mvt, Chitokaka vhleha hvchia hoke, achi li tok, achi kvt hvchj nan-vlhpisa holisso hq a holihiso keyu cho ?

35. Chihowa im anumpa hvv gyvt ai im ahanta yo yvmmak q Chitokaka vhleha hohchifo tok okma, anonti Holisso Holitopa yvt kobafa hi q keyushke :

36. Iki vt na-holitopa ka isht a im atokoli cha, yakni q auet kanchi tok q, Chihowa Ushi sia hoke, achi li tuk ak q, Nan ik ahobalot ish anumpuli, hvsh achi hoh cho ?

37. **A**ki vt nana a kaniohmi ak o ak yvmihcho hok mak o, hvchik sg yimmo kashke.

38. Amba yvmihchi li hokmuno, vno ak okvno hvch ik sg yimmo hoh kia, nana kvv a kaniohmi yvmmak o hvchi yimmi cha, **A**ki vt auet a si achafakma, anonti vno vt ilap a pit ai achafa li ka, akostininchit hvchi yimmashke, im achi tok.

39. Yohmi hatuk o anonti okla ishi bvna tok: yohmi kia ibbak g im a hlakofi tok.

40. Mihmvt anonti ivt, Chatan misha Chan vt a baptis-mochi vmona tok yvmmak o ona cha, ahanta tok.

41. Mihma okla lgvvt im ai itahoba mvt, Chan vto nafehna nana kia yvmihchi tok keyu; yohmi kia Chan vt hatak ilvppa isht anumpohonli tok g, momvt aighli ha tok, achi tok.

42. Yohmi ma yvmma gshvt ai i yimmi kvv laua tok.

CHAPTA XI.

Lasalvs vt abeka na in tek vhleha hvv Chisvs g pit im anoli, 1; 17 Chisvs vt Betani g vla, mihmvt Lasalvs g falaminchit tanichi. 45 Laua hosh Chisvs g i yimmi kia, kanimi kvv Falisi vhleha hg ont im anoli; Chisvs vt kohchvt ia mvt, tmaha Efihaim ont anta.

1. **H**ATAK achvfa Lasalvs hohchifo, Meli micha itibapishi Mahla itatuklo in tmaha Betani ak o vtta yosh abeka tok.

2. Meli yvmmak osh Chitokaka yg pashi ahama isht a hvmmi cha, iyi ma ilap pgshi yo isht i kasholichi tok mak o i nakfi yosh Lasalvs vt abeka ha tok.

3. Yohmi hatuk o in tek tuklo kash ot yvmmak ash pit im anolit, Yakeh! Chitokaka ma! ish holitobli chatuk vt abekvshke, achi tok.

4. Mihma ilvppa Chisvs vt haklo mvt, Nan abeka ilvppvt isht ai illa hi o keyu hoke; amba Chihowa vt isht a holitopa na Chihowa Ushi vt yvmmak o isht a holitopa chj mak oke, achi tok.

5. Mahla, micha itibapishi, mikmvt Lasalvs aiena ka Chisvs vt holitobli tok.

6. Yohmi hatuk osh yummvt abeka tuk g haklo ha yvt, ai vta tuk ash inli hō ahanta na nitak tuklo tok.

7. Atuk osh yvmma ont vbanvpa ma nan im ai ithvna vhleha hash, Anonti Chutea yakni ya iloh iashke, im achi tok.

8. Mihma nan im ai ithvna vhleha hash ot, Pi shahli ma ! Chu okla hvv chekosi kash o tvli g ishit chi boli bvna tuk g, anonti yvmma ish ia chj hō ? im achi tok.

9. Chisvs vt afalaminchi mvt, Nitak achvfa ka hvshi kannelli vlvhvisa suah-tuklo chatuk keyu cho ? Hatak nana hosh nitak o nowvt gya hokmvt, yakni ilvppa ai in tohwikeli ka pisa hatuk osh ik ibetvblo hoke.

10. Amba hatak vt ninak o nowvt gya hokmvto, tohwikeli kvv ik im iksho hatuk osh, ibetvbli hoke, achi tok.

11. Ilvppak o achi tok : yohmi ha yosh j himmak o, Hv-pj kana Lasalvs vt nusishke ; yohmi kia nusi tuk g ont okchvli la chj mak osh ia li hoke, im achi tok.

12. Yohmi ma nan im ai ithvna vhleha hvv, Chitokaka ma ! nusi hatuk okmvt, hlakofa chj hoke, achi tok.

13. Yohmi kia yummvt illi kak o Chisvs vt miha ha tok ; amba nusit foha kak o miha ka, okla im ahoba tok.

14. Yohmi ma Chisvs vt achukmali fehvvt, Lasalvs vt illi tuk oke.

15. Yohmi ka vno vt yvmma ont ak anto ke tuk vt, hvchishno na hvchi yimma chj ka, hvchishno ak atuk mak o sai yukpvshke ; yohmi kia yvmma iloh im ai onashke, im achi tok.

16. Mihma Tamas, yummvt Titimvs hohchifo hosh yvmma nan im ai ithvna ai itilau vhleha hash, Pishno ak kia iloh ia cha, apjvvt hvv illashke, im achi tok.

17. Atuk o Chisvs ash ot ona mvt, yvmmak ash ot hollopi tuk g nitak ushta tuk o, ont akostininchi tok.

18. Betani vt Chelusalem g pit j biljka kowi tuklo foka tok.

19. Mihma j nakfi illi Mahla, micha Meli itatuklo ka hophvlva ohj hosh Chu okla hvv lauvv im ai itahoba tok.

20. Atuk o Mahla ash osh, Chisvs vt minti ka, haklo

makinli hosh, ivt ont afama tok ; amba Meli vto aboha angka yash gsha moma tok.

21. Mihma Mahla vt Chisvs ash o, Chitokaka ma ! ilvppa ant ish anta tuk okma, g nakfi vt illa hetuk keyushke.

22. Ik yohmi kia himonasi mak o Chihowa ya nana ho ish im asilhha hoka, Chihowa yvt chima hinla ka ithana lishke, im achi tok.

23. Mihma Chisvs vt, chj nakfi vt falamvt tana chj akinli hoke, im achi tok.

24. Mihma Mahla ash ot, Nitak ont ishtariyopi illi vt falamvt tani yummak okvno falamvt tana hi oka, ithana lishke, im achi tok.

25. Chisvs vt, Uno ak osh illi g falaminchit tanichi, mikmut ai-okchaya aiena ka sia mak oke. Kvna hosh vno ak o g yimmi hokvto, ik illi tuk nana kia, okchaya he mak oke.

26. Micha kvna hosh okchayvt ahanta hosh vno g g yimmi hokvto, nitak nana illa he heyu hoke. Ilvppa chi yimmi cho ? im achi tok.

27. Ahli, Chitokaka ma ! chishno ak osh Chihowa Ushi, Klaist yakni ilvppa gya hi a tok mak o chia ka sai yimmishke, im achi tok.

28. Ilvppa yakohmichit miha mut, ivt itibapishi Meli g lumasit ont j howvt, Nan-ithvnanchi vt vla cha, chi hoyoshke, achi tok.

29. Yvmma haklo makinli hosh, ashajika wakayvt ivt ont afama tok.

30. Chisvs vt tumaha ha ant ik chukowo kisha hosh, Mahla yvt ai afama tuk ash akinli ho hikja ha tok.

31. Mihma Chu okla hvv apehvt aboha anuka ya mayvt hopohlvi tuk ash ot, Meli vt tushpvt wakayvt kocha ia na okla pisa mut, Ahollopi yummak o ont a yaiya chj hosh ia hoka, achi mut iakaiya tok.

32. Atuk o Meli ash ot Chisvs a hikia kash ona cha, pisa mut, iyi ituma ya ont hlipia cha, Chitokaka ma ! ilvppa ant ish anta tuk okma, g nakfi vt illa he tuk keyushke, im achi tok.

33. Yvmmvt yahya ma, anonti Chu okla yvmma apihvt

ai vla tuk aiëna kv̄t yahya akinli na Chisvs vt pisa hatuk osh, chukvsh anukaka isht a nukhaklo fehnvt ik im vlpieso ki tok.

34. Mihmvt, Katima yak o hvsh bohli tuk oh cho? achi ma, Chitokaka ma! minti cha, ant pisá, okla im achi tok.

35. Chisvs vt nishkin okchi minti tok.

36. Mihma Chu okla hash ot, Yakeh! i holitopa fehna tuk o mvhli, achi tok.

37. Mihma kanimi kv̄t, Lopa yatuk g hoponayochi tuk vt, hatak ilvppak kia ik illo ka hinla ka, a kanimihcha he tuk keyu chishba? okla achi tok.

38. Yohmi ma Chisvs ash ot anonti chukvsh anukaka isht anukhaklo fehnvt gyvt ahollopi g ona tok. Yakni chiluk o tvli yosh isht vlvkuma ha tok.

39. Chisvs ash osh, Tvli ya ishit ho kanvllichí achi, ma, Mahla illi tuk g in tek ash osh, Chitokaka ma! illi tuk g nitak ushta hokvt himak foka ma shua hoke, im achi tok.

40. Mihma Chisvs vt, Chi yimmi hokmvt, Chihowa isht a holitopaka ya ish pisa hinla hoke, ak chim acho ke tuk oh cho? im achi tok.

41. Mihma illi ai itola tuk ash tvli ya okla ai ishit kanvllichí tok. Mihma Chisvs vt nishkin g pit vba chakalichi mvt, Aki ma! is sa haiyaklo hatuk g yak oke, chim aiahni lishke.

42. Yohmi kv̄t is sa haiyaklo a bilia chatuk g ithaiyana li kv̄no; yohmi kia okla ilvppa hiohmaya kv̄t, chishno ak osh auet is sa kanchi tok g ai yimma chi kak o, yvmma achi li tuk oke, achi tok.

43. Yakohmichit anumpulit ont in taba mvt, chitoli hosh anumpulit, Lasalvs ma! auet kohchá, achi tok.

44. Mihma illi atuk ash ot ibbak, iyi aiëna ka ahollopi ishit shema yvt isht vlvfowa hq ant kohcha tok; mihma nashuka yano nantapvski yosh isht vlvfoyuka tok. Mihma Chisvs vt, Oh i hotofi na ik íá, im achi tok.

45. Yohmi ma Chu okla Meli g im ai itahoba tuk osh, Chisvs vt nana ka ai yvmihchi na pisa mvt, laua hosh i yimmi tok.

46. Yohmi kia kanimi hokvto falamvt ivt, Falisi vhleha h_g im ona cha, nana ka Chisvs vt ai yvmihchi tuk ash okla im anoli tok.

47. Yohmi ma na-holitompa isht gsha pehlichi vhleha, micha Falisi vhleha aiena kash ot hatak hochitoka nan apesa vhleha h_g itahobi mvt, Hatak ilvppvt na-fehna l_gwa ka yvmihchi ka, nanta mak o katiohmi hosh iloh aiasha cho?

48. Ilvppa ant ik yohmi, iloh im ahni hokma, hatak mo-ma kv_t i yimma ch_i hoke; yohmikma Loman okla hv_t vla cha, pi yakni, micha pim okla talaia aiena kash ai okpunicha hinla hoke, achi tok.

49. Mihma achvfv_t Kaiafas hohchifo hosh afv_mmi yvm-ma fehna ka na holitompa isht gsha pehlichi i shahli g ai ibafohka hatuk osh, Nana ka hvch ik akostinincho kvmoh-mishke.

50. Mikmvt hatak achvfa hosh okla h_g vlhtobvt illi na okla talaia kash ot momvt ik illo ka hi g, a hv_pim vhpiesa hatuk g hvch ik anukfiloshke, im achi tok.

51. Yohmi kv_t ilap nana aiahni hosh ilvppa afv_mpuli ha tok keyu; amba afv_mmi yvmma fehna ka na-holitompa isht gsha pehlichi i shahli hosh anta hatuk okvt, Klaist vt okla yvmma vlhtobvt illa he.

52. Yohmi kv_t okla yvmmak bana hi o keyu; amba Chihowa im vlla vhleha kanima ai it afimimpvt gsha tuk aiena ma hoyot a miha chvfa h_o ai itahoba he ak o, tikbanli anoli ha tok.

53. Yvmohmi hatuk o nitak yvmma ai vhlit mihinti ka, yvmma vba ch_i kv_t nana it im apesvt okla m_gya beka tok.

54. Yohmi hatuk o Chisvs vt himmakma haiaka feh_nvt Chu okla itintakla y_g ik a hikikjo ki tok; amba yvmmak ash vtvt ia mvt, yakni haiaka pit a bilika tomaha Efihaim hohchifo h_o nan im ai ithvna vhleha h_g pehliehit ahanta tok.

55. Atuk o Chu okla nan im vbanvblit ont ia yvt ai on_g hosi tok; mihma ilap nan ai il atahlit m_gya ch_i kv_t, nan-vbanvblit ont ia yvt ik ai ono kisha h_o yakni yvmma gsh_t Chelusalem g ia kv_t laus tok.

56. Atuk osh Chisvs ash okla hoyot, tempel anukaka ya hiohmayvt, Impa holitopa asha ka ik lo ka chi hokma, nana ka hvchim ahoba cho? it im achit maya tok.

57. Na-holitompa isht asha pehlichy vhleha, mikmvt Falisi vhleha aiena kash ot, yummvt kanima yo anta ka hatak nana hosh akostininchi hokmvt, anoli na okla isha hinla kvv anumpa vhpisa ka bohli tuk a tok oke.

CHAPTER XII.

Meli vt Chisvs iyi ya nan-ahama im ahvmmi ma, yummvt ai vhpisa ho yohmi hatuk a Chisvs vt miha, 1. 12 Chisvs vt issuba nashoba yo om binili hosh Chelusalem a ona. 20 Klik kanimi kvv Chisvs a pisa benna: 23 Chisvs vt ilapvt kaniohmit illa he, anoli; 27 Chisvs vt chukvsh anukaka nan isht nukhaklo in chito mvt, vba pit anumpuli; 37 Hatak pehlichy vhleha hvv lau hosh Chisvs a i yimmi: yohmi kia Chisvs a isht anumpuli nukwia.

1. ATUK o nan vbanvblit ont ia isht asha chi ka nitak hannalit takanli moma ho, Chisvs vt Betani ak o Lasalvs vt ai illi tuk o falaminchit tanichi tuk a yummvt yummak o ai vta chatuk o, ona tok.

2. Mihma yummak o opiaka impa yo okla ai im atahli tok; mihma Mahla ak osh nan ai isht im anta ma, amba Lasalvs vto ibai impa hosh maya kak o iba takla asha tok.

3. Yohmi ma Meli vt spiknat nan-ahama holitopa fehna weki achvfa ka ishi cha, Chisvs iyi ya ishit a hvmmi mvt ilap pashi akinli ho iyi yash isht i kasholichi tok: mihma nan ahama balama kvv aboha yash alotowa tok.

4. Mihma nan im ai ithvna vhleha achvfa Saimon ushi Chutas Iskaliot vt yummak oka inla ibbak fohka he mak osh,

5. Nanta katiohmi ho nan ahama ilvppvt iskvli tahlepa tuchina kia isht ik vibi cha, ilbvsha ya ik i holhpelo ke tuk oh cho? achi tok.

6. Ilbvsha yak o i nukhaklo kak osh ilvppa achi tok keyu; amba hukopa yatuk osh, micha yummak osh shuk-

cha ya işhi hatuk osh, nana kv̄t yv̄mma ai vl̄beha h̄q̄ shaiyali yatuk ak a tok.

7. Mihma Chisvs vt, Ant ik yvmihchí, ish im aiahnashke, a sa hollopa ch̄i nitak mak a hi o, ilvppa ilatomba hatuk oke.

8. Ilbsha yak okv̄to hv̄chim ḡsha na bilia chatuk; amba vno ak okv̄to hv̄chim anta l̄i a bilia he keyushke.

9. Yohmi ma yv̄mma ant anta ka Chu okla hv̄t lauv̄t akostininchi tok: mihmv̄t Chisvs ak bano kak o keyu, amba Lasalvs, yv̄mmv̄t illi tuk o, falaminchit tanichi tuk ash it aieninchit pisa ch̄i hosh okla ai v̄la tok.

10. Yohmi kia na-holitompa isht ḡsha pehlich̄i vh̄leha hokv̄to Lasalvs ak kia aieninchit illich̄a hinla kv̄t, isht it im anumpulit maȳa tok.

11. Yv̄mmak atuk pulla mak o Chu vh̄leha laua kv̄t yv̄mma itv̄nowvt, Chisvs ḡ ai i yimmi kak a tok.

12. Nitak ont at̄n̄kla ma okla laua kv̄t ai-imp̄a holitopa ȳḡ itv̄nowa tuk vt, Chisvs vt Chelusalem ḡ v̄la ch̄i hosh minti na okla haklo mv̄t,

13. P am vpi naksish ḡ işhit, kohchvt afamvt okla ia mv̄t, chitoli hosh, Hosanna, Is̄lael i m̄j̄ko Chitokaka i hohchifo h̄q̄ il ai eshi hosh ḡya hokv̄t holitopa mak oke, okla achi tok.

14, 15. Saion ushetik chia hv̄t chi nukshopa ná, ch̄i m̄j̄ko vt issuba haksobish falaia himita ȳḡ on talaia hosh minti hoke, achi hosh holisso hatuk oka, Chisvs ash ot issuba haksobish falaia himita ȳo pisa mv̄t, yv̄mmak ash on talaia tok.

16. Um̄mona kv̄no nan im ai ithv̄na vh̄leha hv̄t ilvppa ik ai akostinincho ki tok; amba Chisvs vt ont a holitopa ha yak o, nana kv̄t yakohmi hosh yv̄mma isht a holisso tok ḡ, anonti okla hv̄t nana kash ai i yvmihchi tok aiena ka ithaiyana tok.

17. Mihma yv̄mmv̄t Lasalvs ḡ ahollopi ai i howvt kohchit illi tuk ḡ falaminchit tanichi ka, okla apihvt ḡya tuk ash osh ai vl̄htokowa ka anohonli tok.

18. Yv̄mmv̄t na-fehna ilvppa yvmihchi tuk ḡ okla haklo tuk atuk osh, ilvppak atuk pulla kak o okla mak kia ont afama ha tok.

19. Yohmi ma Falisi vhleha hash ot, Nana hvsh kanihma he keyu kvto hvsh akostininchi cho? yakeh! okla puta hash ot yvmmak o pit a kanvllishke, ilap bika it im achit maya tok.

20. Mihma Klik vhleha kanimi kvvba pit aiokpvchit ayvt, ai impa holitopa asha ka ai vla tuk vt takla maya tok.

21. Yohmi hatuk osh yvmmak ash ot Kalili yakni Bet-saita tmaha a minti tuk, Filip ash im ai ona mvv, Pi shahli ma! Chisvs a pisa pi bvvnvshke, achit i ponaklo tok.

22. Mihma Filip ash osh ivv, Antilu a ont im anoli tok; atuk o anonti Antilu ash osh Filip a ita tuklo cha Chisvs a im anoli tok.

23. Mihma Chisvs vt afalaminchi mvv, Hatak Ushi vt a holitopa he tuk a hvshi kanvlli vlvpisa kvv ai onvshke.

24. Ahlishke, ahli mak o hvchim achi lishke, Onush nihi vt yakni anvkaka yo itola cha, illi ho keyukmvv, ilap ash bievvt itonla hoke; amba illi hokmvto, waya fehna chatuk oke.

25. Kvna hosh ilap im ilhfiopak a i hullo fehna hokvto, i kvnia hi oke; amba kvna hosh yakni ilvppa ahanta kvv ilap im ilhfiopak a i nukkilli hokvto, mihma ieshit okchayvt a bilia hi oke.

26. Hatak nana hosh vv antia hokmvv, siakaiyashke; mikmvv kanima yo ai ahanta likma, yvmmak o an tishu hoh kia anta hi oke; hatak nana hosh vv antia hokma, yvmmak o Aki vt holitobla he mak oke.

27. Himak oka sa shilombish vt ik im ai vlvpesoshke: yohmi ka, Aki ma! hvshi kanvlli ai vlvpisa takali ilvppa ai isht is sai i hlakofichashke, achi likma, nanta chi cho? yohmi kia ilvppak a he mak o hvshi kanvlli vlvpisa takali ilvppa im aya li ha tok oke.

28. Chi hohchifo ha ish holitoblichashke, Aki ma! achi tok. Yohma ma vba ya auet ai anumpa kvv, Yvmmak oka holitoblichi li tuk osh, anonti himmakma holitoblichi la chi akinli hoke, achi tok.

29. Yohmi hatuk o okla hvv bilika hiohmaya tuk vt, yvmm-

ma haklo mvt, Hilohvshke, achi tok. Mihma kanimi kv̄t, Enchil osh auet im anumpuli hoke, achi tok.

30. Chisvs ash osh afalaminchit, Uno ak atuk mak o anumpa ilvppvt auet takali h̄o keyu, amba hvchishno pulla kak oke.

31. Himak okvno yakni vt nana im ai v̄lhpisa mak oke: himak okvno yakni ilvppa ai i shahli nan im aiyahanchi ash ot issvt kohcha he mak oke.

22. Uno vt yakni ḡ a mokofvt vba takali li hokmvt, hatak moma ka halvllit il a kanvllichi la hi oke, achi tok.

33. Ai-illi kaniohmi h̄o isht illa he ak osh anoli hosh ilvppa achi ha tok.

34. Mihma okla hash ot afalaminchi mvt, Klaist vt ahanta na bilia h̄o nan-v̄lhpisa holisso h̄g okla il a haklo chatuk; yohmi ka katiohmi h̄o, Hatak Ushi vt vba ȳg takala hi o ish achi cho? Hatak Ushi ilvppak osh kvta hokak o? okla im achi tok.

35. Mihma Chisvs vt, Himonasi takla kak o tohwikeli hv̄t hvch in takanli hoke. Tohwikeli hv̄t hvchin takanli takla kak osh hvsh nowashke, yvm̄mak keyukma okhlili hv̄t hvchi onvtula hinla hoke. K̄ona hosh okhlili h̄o nowvt aya hokvto, kanima ȳo ia kv̄t ithana keyu hoke.

36. A tohwikeli hv̄t hvchin takanli takla kak osh a toh-wikinli vlla hvchia ha ch̄i kv̄t, a tohwikeli h̄g hvsh i yim-mashke, im achi tok. Ilvppak o Chisvs vt anumpohonli mvt, ai i filvmm̄it kv̄nia cha, ik i haiako ki tok.

37. Na-fehna laua h̄o itikba ȳg yvm̄mak ash ot ai yv̄mi-hinchi hoh kia, okla ai i yimma he keyu ki tok.

38. Yohmi kv̄t hopaī Esaias vt anumpuli mvt, Chitokaka ma! nana il anoli ka kvta hosh p̄i yimmi cho? micha kvta hak o Chihowa i shakba mvt i haiaka tuk oh cho? ahanchi tok ḡ ont aighla ch̄i mak a tok.

39, 40. Anonti Esaias vt i himmakma, Nishkin ḡ isht ik peso, mikmvt ch̄ukvsh ma ik akostinincho kish, ch̄ukvsh himona ik anukfoyuko k̄i, ak hlakoficho ka ch̄i ka, nishkin ḡ im akv̄m̄mi mvt, anonti ch̄ukvsh ma i kv̄llochishke; achi tok oka, okla yimma he keyu ki tok.

41. Yvmma im isht a holitopa ya pisvt yvmma pit isht anumpuli mak osh Esaias vt ilvppa puta ka achi tok.

42. Yohmi kia nan apesa hochitoka vhleha hut i yimmi kvv lau a kinli tok : yohmi kia sinakak g a kohchicha hinla hatuk o, Falisi vhleha pulla kak o yvmmak ash i yimmi hatuk vt okla ik otvnincho ki tok.

43. Hatak ai im aholitopa yak o im achukma kvv, Chihowa ai im a holitopa ka im i shahli hatuk osh.

44. Chisvs vt chitoli hosh, Kvna hosh vno g g yimmi kvv vno ak o g yimmi hv keyu, amba auet sa kanchi tok yvmmak o i yimmi mak oke.

45. Micha kvna hosh vno g sa pisa hokmvt, auet sa kanchi tok ma pisa mak oke.

46. Kvna hoh kia vno g g yimmi hokvt ai-okhlilika ya ik ai ahanto ka chj mak o, nan-tohwikeli mak osh gvt yakni g vla li ha tok oke.

47. Yohmi kia hatak nana hosh vm anumpa hv haklo cha, ik yimmo hokma, nan im apesvt ilbvshali la hi o keyushke ; yakni ak o nan im apesvt ilbvshali la hi osh gya li tok keyu ; amba yakni g okchalinchi la chj ha tok oke.

48. Kvna hosh vno g sa shitilema cha, vm anumpa hv ik ahnincho hokvno, achvfa hosh nan im apesvt ilbvshali kvto gsha hoke ; anumpa anumpohonli li tuk ash fehna kinli kak osh nitak ai ishtaiyopikma nana im apesvt ilbvshala he mak oke.

49. Vno kinli hosh nana ka ahnit anumpuli li tuk keyu hoka ; amba auet sa kanchi tok Aki ak osh nana hv achi la he, mikmvt nana hv anumpuli la he aiena ka nana vm apesa ha tok.

50. Yohmi ka i nan-vlhpisa vt ai-okchgvvt bilia yoka ithaiyana lishke ; yohmi hatuk osh nana hv anumpohonli li ka, yvmmvt Aki vt vno g g miha tok g mih mak o anumpuli li hoke, achi tok.

CHAPTA XIII.

Chisvs vt nan im ai ithvna vhleha hg iyi im achifa, 1. 18 Chisvs vt Chutas ak osh ishit inla im issa ch_i hatuk g, nana kv_t isht vlpisa h_o isht im atokoli. 31 Chisvs vt ilap nan isht a holitopa hi anoli, mihmvt nan im ai ithvna vhleha hv_t it i hulla ch_i ka, i miha mvt, 36 Pita yvt hituchina ha yo ilapa ik ithano miha ch_i ka, tikbanli im anoli.

1. NAN vbanvblit ont ia ai-imp_a holitopa kv_t ik ai ono kisha h_o, Chisvs vt ilapvt yakni ilvppa ai issvt, Iki g im ia ch_i hvshi kanvlli vlpisa kv_t ai ona ka ithaiyana mvt, immi hv_t yakni paknaka gsha ka i hullo hatuk vt, yv_mma i hullo kv_t imomvt ont illi tok.

2. Yohmi ka okhlili ai-imp_a yvt ont vlhtaha yv_mma fehna ma, yv_mmak ash ishit inla im issa ch_i ka Setan vt Saimon ushi, Chutas Iskaliot ch_ukvsh g anukfokkichi hatuk o;

3. Chisvs vt, Iki vt nana moma ka ilap ak o ibbak g fokki tok, micha ilapvt Chihowa hak o a minti ha tok osh, anonti Chihowa hak o im ia ch_i kv_t ithaiyana mvt,

4. Okhlili imp_a gsha tuk vt wakayvt, im anchi ash o naksika pit bohli mvt, tikba takali ishi cha, isht il ai vskofvchi tok.

5. Yohmi ha yosh oka y_g ampo pit vnit ishi cha, nan im ai ithvna vhleha iyi yash achifvt isht ia mvt, tikba takali isht ai il ai vskofan_{chi} tuk ash o ishit isht i kasholichi tok.

6. Atuk osh Saimon Pita yash o ont a hikia tok; mihma Saimon Pita yash ot, Chitokaka ma! sai_yi y_g ish achifa ch_i hoh cho? im achi tok.

7. Chisvs vt afalaminchi mvt, Nana ka yvmihchi li ka himonasi kvno chik akostininchoshke; yohmi kia himmak o ish akostinincha hi oke, im achi tok.

8. Pita yash ot, Sai_yi yak okvno nitak nana chik sv_m achifo kashke, im achi tok. Chisvs vt afalaminchi mvt, Ak chi achifo hokma, is si ahalaia keyu hoke, im achi tok.

9. Saimon Pita yash ot, Chitokaka ma! sai_yi ak bano

keyu kashke, amba subbak, micha sa noshkobo pit aieninchi hosh, im achi tok.

10. Chisvs vt, Vlhchifa tuk okvto himmak ma ik vlhchifo hō iyi ak bano kia, momvt kashofa chatuk; yohmi ka hvchishno vt hvchi kashofa akinli kia, hvsh moma keyushke.

11. Kvna hosh ilapa ishit inla ibbak fohka chi hoka ithana, yohmi hatuk osh, Momvt hvchi kashofa keyushke, achi tok.

12. Yohmit iyi ya im achifvt taiyahli mvt, im anchi ash ishi cha, falamvt aka binili mvt, Nana ka hvchi yvmihchi li ka hvsh ithana cho?

13. Uno g, Na pithvnanchi, pin Chitokaka hvs si achi; yohmi ka mih sia hō mvhli hoka, vlhpesa hvsh mihvshke.

14. Yohmi kia vno vt hvchin Chitokaka, micha na hvch ithvnanchi sia hatuk osh, hvch iyi ya hvchim achifa li hatuk okma, hvchishno ak kia hvchishno bika iyi ya hvsh it im achifa he vlhpesa hoke.

15. Uno vt a hvchi yvmihchi li tuk mak o hvsh a chiyuhmicha he mak o, na hvchim avchi li hatuk oke.

16. Ahlishke, ghli mak o hvchim achi lishke; Tishu hv i shahli hō imaiya chatuk keyu; mikma nan-vlhtoka yosh gya kvn nan-atokoli tuk g imaiya chatuk keyu hoke.

17. Ilvppa puta ka hvsh ithana cha, yvmmak o hvsh yvmihchi hokmvt, na hvchi yukpa mak oke.

18. Moma kak o isht hvchi anumpuli li hō keyushke: kanima kak o vno vt atokoli li tok okvto ithana lishke: yohmi kia Holisso Holitopa yvt, Pvska svbai vpa kash ot iyi kotoba ya isht a sai o wakelishke, achi ha tok g yvmvmt ont ai ghla chi mak oke.

19. Yvmmak ash ot ont ai yvmohmi ha ma, vno ak atuk g hvchi yimma he mak o, ik ai ono kisha hō himak ano hvchim anoli lishke.

20. Ahlishke, ghli mak o hvchim achi lishke, Kvna kia vno ak osh nan tohno li hō gya ka ahninchu hokvt, vno ak o si ahninchu hoke; micha kvna kia, vno g si ahninchu hokmvt, auet sa kanchi tok mak o ahninchu hoke; im achi tok.

21. Chisvs vt yakohmiechit anumpuli mvt, chukvsh anykaka ai ik im vhpieso mvt, atokolit anolit, Ahlishke, ahli mak o hvchim achi lishke, Hvsh achvfona kvv svshit inla ibbak o hvs sa fohka chi hoke, achi tok.

22. Mihma nan im ai ithvna vhleha hash ot kanima kak o miha hatuk a ik ai akostinincho mvt, filemvt okla iti pisa tok.

23. Yohmi ma nan im ai ithvna vhleha ha achvfa ka Chisvs vt holitobli yatuk o, Chisvs ikkishi ha vtayvt gsha tok.

24. Yohmi tuk o yvmmak ash osh kvna hak o miha hatuk ma a ponakla chi ka, Saimon Pita yvt i yuchunukli tok.

25. Mihma Chisvs ikkishi ha vtayvt gsha hosh, Chitokaka ma! kvta hak o cho? im achi tok.

26. Mihma Chisvs vt afalaminchi mvt, Itih fohka achvfa ka pit okvchit kohchi li kvv, kanima ho pit ima likma, yvmmak osh mih mak a chi hoke, achi tok. Atuk osh itih fohka achvfa ka pit okvchit kohchi mvt, Saimon ushi Chutas Iskaliot ak o ima tok.

27. Mihma itih fohka achvfa ishi ma, Setan vt yvmmak ash ont ckukowa tok. Mihma Chisvs vt, Nana ka ish yvmohma chi kvv tushpvt ish yvmibchashke, im achi tok.

28. Nana ka a kaniohma hi o, ilvppa im achi ka, impvt maya tuk vt hatak achvfa kia ik akostinincho ki tok.

29. Chutas ak osh shukcha ya ishi hatuk oka, ai impa holitopa gsha takla ka nana ho pi bvna hinla ka chumpakma, keyukmvt ilbvsha vhleha yak o nanasi kia i hopela hinlakma, nana ho Chisvs vt i miha hatuk a, kanimi kvv im ahoba tok.

30. Mihma itih fohka achvfa ka ishi makiali hosh kocha ia tok; mihma yvmvvt ninak a tok.

31. Yvmmak ash ot kocha ia ma, Chisvs vt, Himak okvno Hatak Ushi vt ai ghlit holitopakma, anonti Chihowa yvt yvmmak o isht a helitopa ai ghla chi mak oke.

32. Chihowa yvt yvmamak o isht a helitopa ai ahli hokmvt, Chihowa yvt anonti ilap inlit yvmmak ash o ai isht il

a holiloblichi ai ghla chī akinli: micha chekosi fehna yvm-mak ash o holiloblichi ai ghla chī mak oke.

33. Chipota vhleha ma! chekosi takla kak o hvchi takla gsha lishke; yohmi ka hvs sa hoya chī hoke; Chu okla hā, Kanima yō ai ia li hoka, hvsh ona he keyushke, im achi li tuk mak osh anonti hvchishno ma himonasi g hvchim achi lishke.

34. Hvsh it i hullo kv̄t, vno vt hvchī hullo li tuk g ohmichi hosh hvchishno yak kia hvsh it i hulla he mak o, nan vlpisa himona ka hvch ima lishke.

35. Hvchishno bika yvt hvsh it i hullo ilvppa pulla kak o nan vm ai ithvna hvchia hatuk g, hatak moma kv̄t isht ithaiyana he mak oke, achi tok.

36. Saimon Pita yash ot, Chitokaka ma! katima kō ish ia chī hoh cho? im achi ma, Chisvs vt afalaminchi mvt, Kanima yō ia li hoka, himonasi kv̄no pit is siakaiya he keyushke; yohmi kia i himmak o pit is siakaiya hi oke, im achi tok.

37. Pita yash osh, Chitokaka ma! Na katihmi hō himonasi akinli kv̄no pit ak chiakaiyo ka hinla cho? chishno g pulla kak o vm ilhfiopak g aka bohyuli lashke.

38. Chisvs vt afalaminchi mvt, Ūno g pulla kak o chim ilhfiopak aka ish bohyula chī cho? Ahlishke, ghli mak o chim achi lishke; Akga yvt ik olo kisha hō, hituchina ha chik svthano ish miha chī hoke, im achi tok.

CHAPTA XIV.

Chisvs vt nan im ai ithvna vhleha hā pehlichit impvt gsha moma hosh, apihvt vba yakni g ont okla gaha hi g, i miha, 1; 13 micha ilap bohchifo hak o nan isht asilhvt anumpuli hokvno moma im aighlicha hi vt miha. 16 Chisvs vt nanuktalali inla auet ima hi vt miha.

1. HUCHI chukvsh vt nana ik hvchī kaniohmo kashke; Chihowa hā, oh i yimmi cha, vno ma oh g yimmi.

2. Aki in chuka yā aiasha yvt laua hoke: ik yvmohmo

hatuk okma, hvchim anoli la he tuk oke, aiasha ya hvchim apoksiachit atahli la chi hosh ia li hoke.

3. Yohmi kv̄t ont apoksiachit hvchim atahli li hokm̄v̄t, anonti falam̄v̄t v̄la lish, v̄no vt kanima yō ai ahanta likma, hvchishno m̄v̄t yv̄mmak o hvsh ai ahashwa hi g, ant hvch ish̄it ai vtta li ka ona la hi oke.

4. Yohmi hokv̄t kanima yō ia li hoka pit hvsh ithana; mikm̄v̄t hina ya hvsh ithanv̄shke, im achi tok.

5. Tamas ash osh, Chitokaka ma! kanima yō ish ia hoka il ithana keyu: yohmi kv̄t katiohmi hosh hina yano il ithana hinla cho? im achi tok.

6. Mihma Chisvs ash ot, Uno ak osh hina, micha ai ghlika, ai okchaya aiena sia mak oke: v̄no ak o keyukma hatak nana hosh Δki g im ai ona he keyu hoke.

7. Uno g hvs sv̄thana hatuk okm̄v̄t, Δki ma hvsh ithana akinla he tuk oke: atuk kia hvsh p̄isa tuk okv̄t himak ai v̄h̄lit ia hokv̄no hvsh ithaiyanv̄shke.

8. Filip ash osh, Chitokaka ma! Ch̄iki g ish p̄i haiakv̄chashke, yohmikma pim v̄lhpesa hinla hoke, im achi tok.

9. Mihma Chisvs vt, Chi takla ahanta l̄i hopakit taiyaha ka, Filip vt chik sv̄thano k̄isha tuk oh cho? kv̄na hosh v̄no g sa p̄isakm̄v̄t, Δki g p̄isa hatuk; yohmi ka katiohmi hō, Ch̄iki g ish p̄i haiakv̄chashke, ish achi cho?

10. Uno vt Δki ibai achafa likma, anonti Δki vt v̄no g a sv̄bai achafa ka ik chi yimmo cho? anumpa hvchim anum-pohonli li kv̄t v̄no akinli v̄m anukfila hosh anumpuli li keyushke; amba Δki sv̄bai achafa yv̄mmak osh nana ka ai yv̄mihchi hoke.

11. Uno vt Δki a ibai achafa likma, anonti Δki vt auet sv̄bai achafa ka hvs s̄a yimmashke; keyuk mak heto nana kv̄t a katiohmi tuk yv̄mmak pulla kak o isht ai hvs s̄a yimmashke.

12. Ahlishke, ghli mak o hvchim achi lishke, Kv̄na hosh g yimmikm̄v̄t, v̄no nana ai yv̄mihchi li tuk ash yv̄mihchi akinla hi oke: yohmikm̄v̄t v̄no v̄to Δki g im ia li hatuk oka, nana kv̄t a fehna ilv̄ppa puta ka i shahli hō yv̄mihcha hi oke.

13. Micha g hohchifo pulla hō nana ka isht hvsh asilhha hokma, İki vt Ushi g ai isht a holitopa ai ghla hi g, mihi yo yvmihchi la hi oke.

14. A hohchifo pulla hō nana ka isht hvsh asilhha hokma, ai yvmihchi la hi mak oke.

15. Hvs sğ hullo hokmvt, vm anumpa vlhpisa puta ka hvsh holitoblashke.

16. Mikma Aki g im asilhha likma, yvmmt a hvchi takla ahanta na bilia he mak o hvchi nanuktalali inla ya auet hvch ima hi oke.

17. Yvmmt Shilombish ai ghli, yvmmak oka yakni okvto pisa keyu, micha ithana keyu aiena hatuk osh, ahnicha he keyu mak oke; yohmi kia hvchishno yokvno hvchi takla ahanta tuk osh, anonti hvchi anukfoyuka chi hoka hvsh ithana hoke.

18. Hvchi vlhtakla hō hvch issvt gya la he keyu; hvchim gya la hi oke.

19. Chekosikma yakni vt sa pisa chi keyu hoke; amba hvchishno vto hvs sa pisa hi oke; yohmi ka sai okchaya hoka, anonti hvchi okchaya he akinli hoke.

20. Uno vt Aki g ibai achafa likma, anonti hvchishno vt vno g hvs svbai achafa na hvchishno ma hvch ibai achafa li aiena ka, nitak yvma fehnakma hvsh akostinincha hi oke.

21. Kvna hosh vm anumpa vlhpisa vt in tonla cha, holi-tobli hokmvt, yvmmak osh sa holitobli mak oke; micha kvna hosh vno g sa holitoblikmvt, Aki ma i holitopakma, vno mvt holitoblit il im otvninchi la hi oke.

22. Chutas vt Iskaliot ak keyu hosh, Chitokaka ma! katiohmi hō pishno ano ant ish pima ile haiakvchi hokak osh, yakni ano ehik im ile haiakvcho ka chi hoh cho? im achi tok.

23. Chisvs vt afalaminchi mvt, Hatak vt g hullo hokmvt, vm anumpa hğ holitobla he; yohmikma Aki vt ilapo ma holitoblikma, il im gya cha, il ibai vta he mak oke.

24. Uno g g hullo keyu hokvto, vm anumpa hğ ik holitoblo hoke; micha anumpa ilvppa hvsh haiyaklo ka vm anumpa keyu, amba auet sa kanchi tok Aki ak o immi hoke.

25. Hvchi takla ahanta li takla hatuk mak osh ilvppa puta ka isht hvchim anumpohonli lishke.

26. Yohmi kia nanuktalali, yvmmvt Shilombish Holitopa mak o a hohchifo pulla hatuk mak o Aki vt auet kancha chi hoka, yvmmak osh nan okluha ka hvch ithvnanchit, nana ho hvchim ahanchi li tuk ma, moma falaminchit hvchi anukfohka hi oke.

27. Nanaiya ya hvchi bohli lishke: a nanaiya ya hvch ima lishke: yakni vt ima chatuk a chohmi keyu ho hvch ima lishke. Hvchi chukvsh vt ik kaniohmokmvt, anonti ik nukshopo kashke.

28. Ia li tukmvt, anonti falamvt hvchim aya la hi oke, hvchim achi li ka hvsh hoklo kvno. Hvs sa hullo hatuk okmvt, Aki ak o im ia li hoke, achi li tuk a na hvchi yukpa he tuk; Aki vt vmaiya hatuk oka.

29. Micha ont ai ghlikma, hvsh i yimma he mak o, himonasi ik ono kisha ho hvchira anoli li tuk oke.

30. Yakni ilvppa ai i shahli yatuk mvt, nana ho isht a si ahalaig keyu hosh minti hoka, himak a pilla mvno hvch it im anumpuli li fehna chi keyu mak oke.

31. Yohmi kia Aki a holitobli li ka, yakni vt ithaiyana chi ka, Aki vt nana ho vm apihisa tok a, mih mak o yvmihchi li hoke. Ho wakaya, kiloh ilhkofi.

CHAPTA XV.

Ohivs vt paki vpi yosh naksish puta aiena hosh nan isht vlapisa ilvppak o hatak vt ilap ak o pit ai achafa pulla hosh vnit waya ka chohma he ai vlvpesa hatuk a anoli, 1: 9 micha ilapvt nan im ai ithvna vhleha ha i hullo fehna hatuk vt anoli mvt, 12 anonti yvmmakmvt it i hullo kvv yvmmak inli ho chohma hi a in tohno; 19 yakni ilvppak okvt ilap, micha Iki ita-tuklo ka ik ahnincho yatuk okvt yvmmakma i nukkillit ilvshacha hi a im anoli.

1. UNO ak osh pak-vpi ghli sia hokma, anonti Aki ak osh apoksiachi oke.

2. Naksish vno ak o a sai offo hosh vni keyu hokma, mo-

minchit ishit kanchi hoke: mikmvt naksish vt vni hokvto, isht i shahlit vna chj ka, achukmalit apoksiachi hoke.

3. Anumpa isht hvchim anumpohonli li tuk pulla hō himonasi g isht a hvchl a kashofvshke.

4. Uno g ho svbai achafá; mikma vno mvt hvch ibai achafa lashke. Naksish vt vpi ak o pit a hikia hō keyukmvt, ilap illa kvv vna he keyu chatuk g, yvmmak i chiyuhmit hvchishno ak kia vno g hvs svbai achafa hō keyukmvt, nana hvsh kanihma he keyushke.

5. Uno ak osh pakvpi sia hokma, hvchishno vto naksish hvchia hoke. Kvna hosh vno g svbai achafa na anonti ilap ma ibai achafa li hokma, mihi yosh vni fehna chatuk oke: vno ak o keyukma nana hvsh kanihma he keyu hoke.

6. Kvna kia vno g svbai achafa keyu hokma, naksish mak o ai itilaeuchit kanchi na bvshi chatuk; yohmikma hatak puta mvt yvmmak ash aiowvt luak g pila na lua chatuk oke.

7. Uno g hvs svbai achafa na vm anumpa mvt hvchi anukfoyuka hokma, nana hō hvsh aiahni cha hvsh asilhha hokvt, hvchim ai ghla hi oke.

8. Hvsh vni fehna yvmmak okmak o, Aki vt isht a holi-topa ai ghla he; yohmikma nan vm ai ithvna hvchia mak a hi oke.

9. Uno g Aki vt g hullo tok mak o, ai itilaeuchi hosh hvchi hullo li hoke; a sa holiobli kvv hvsh biliashke.

10. Vm anumpa vlvpisa puta ka hvsh im antia hokmvt, a sa holiobli kvv a hvchi bilia he: vno vt Aki g im anumpa vlvpisa puta ka im antia li kvv, ai i hullo mvt a sa bilia tok mak o hvsh chiyuhma hi oke.

11. Hvchishno pulla atuk mak o nan isht vm ilaiyukpa hatuk mvt hvchin takali bilia na, na hvchi yukpa kvv alotowa chj mak o, ilvppa puta ka isht hvchim anumpohonli li hoke.

12. Uno vt hvchi hullo li tok mak o, chiyuhmichit hvsh it i hulla he, ilvppak osh vm anumpa vlvpisa mak oke.

13. Hatak vt i kana vhleha hg i hullo kvv im ilhfiopak g aka bohyuli hoka, hatak nana kia yvmma i shahlichit it i hulla hi vt ikshoshke.

14. Nana hō hvchim apesa li ka hvsh yvmohmi hokmvt, g kana hvchia mak oke.

15. Himak pilla kvno ilhtohno hvchi achi la he keyu ; ilhtohno yokvto, i shahli hvt nana hō isht ahanta ka, akostininchi keyu chatuk ; amba nana hō Āki g im a haḡlo li tuk vt oklyuha hvchim anoli li hatuk okvt, g kana vhleha hvchi achi lishke.

16. Hvchishno ak osh hvš si atokoli tok o keyu ; amba itvnowvt vnit hvsh waya he ak atuk oke ; yohmikma hvchi a waya kvt aiasha na Āki g nana hō g hohchifo pulla kak o isht hvsh im asilbhakma, hvch ima he mak o, vno ak osh ai atokolit hvchim apesa li hatuk oke.

17. Hvsh it i hulla he mak o, ilvppa hvchim apihisa li hoke.

18. Yakni vt hvchi nukkilli hokmvt, ik hvchi nukkillo kishashosh vno g g nukkilli tok g hvsh ithaiyanvshke.

19. Yakni ak o hvsh ai achvfa hatuk okmvno, yakni vt immi hatuk okvno holitobla he tuk ; amba yakni g hvsh ai achvfa keyu ; amba vno ak osh atokolit yakni g a kohchit hvch ishi li hatuk ; yohmi hatuk o yakni vt hvchi nukkilli hoke.

20. Tishu hvt i shahli hḡ imaiya chatuk keyu, hvchim achi li tok anumpa yvma hvsh ithaiyanashke. Vno g okla svlvshachi tok okmvt, hvchishno ma hvch ilbvshacha he akinli hoke ; vm anumpa hḡ im antia tok okmvt, hvchim anumpa hḡ im antia he akinli hoke.

21. Yohmi kia auet sa kanchi tok g pit ithana keyu hokvt, vno pulla hatuk mak o ilvppa puta ka hvchi yvmihcha hi oke.

22. Vno ak osh gyvt vlv ant ak im anumpulo hatuk okmvno, ai ashvchika yvt okla ik im iksho ka he tuk ; amba himak okvno nan im ai ashvchika ya isht ompoholma hi vt okla ik im ikshoshke.

23. Kvna hosh vno g g nukkilli hokvt, Āki ma i nukkilli akinli hoke.

24. Vno vt na-fehna puta ka, hatak inla nana kia ai yvmihchi chatuk keyu ka ai itintakla ma vno vt ai yvmihchi li

tuk keyu hokmuno, nan ai ashvchika yvt okla ik im iksho ka he tuk ; amba himak okvno pisa cha, anonti vno, mikmvt **Δ**ki ita-tuklo ka j nukkilli tuk oke.

25. Yohmi kia na kaniohmi keyu hq okla g nukkillishke, achi anumpa hvt j nan vihvisa holisso hq a holisso tok vt ont ai ghla chj kak o, ilvppvt ai yakohmi tok.

26. Yohmi kia nanuktalali, yvmmak okvt Shilombish ghli, **Δ**ki g a kohchvt aya mak o, **Δ**ki g im ai isht auct hvchi kanchi lj vla hokmvt, yvmmak osh ai atokowa ka si anohonla he mak oke.

27. Yohmikma hvchishno vt nana vmmona ka si apeshvt hvsh aya tuk okvt, nan ai-stokowa ka hvsh anoli akinla hi oke.

CHAPTER XVI

Chievs vt anonti nan im ai ithvna vhleha hq okla hvt ilvshala chj puta ka im anoli, 1 : 7 mihmvt nanuktalali, yvmmvt Shilombish Holitopa mak o auct ima hi vt miha. 16 Falamvt tani ha yvt, ilapvt j nowvt aya pulla he im anoli ; 28 ilap hohchifo pulla hq Chihowa hq nan isht im asilhba hokvto im anumpa hvt holitopa pulla hi g miha.

1. **I**K hvchi ibetvblo ka he mak o, ilvppa puta ka isht hvchim anumpohonli li hoke.

2. Sinakak puta ka okla a hvchi kohchicha he ; ghli, kvna hosh hvchibi hokmvt, Chihowa hq holitoblichj mak o im ahoba he nitak vt mihinti hoke.

3. Yohmi kvvt **Δ**ki, mikmvt vno il ita-tuklo ka ik pithano hatuk mak osh, ilvppa puta ka hvchi yvmihcha hi oke.

4. Yohmi kia nitak yvmmvt ai ona hokma, yvmmak oka hvchim anoli li tok g hvsh ithana he mak o, ilvppa puta ka hvchim anoli li hoke. Yohmi kvvt vno vt hvchi tqkla anta li hokvt, nana vmmona hokvno ilvppa puta ka ak hvchim acho ki tok oke.

5. Yohmi tuk osh himonasi yokvno auct sa kanchi tok mak o falamvt im ia la chj hoke ; yohmi na hvsh kanima kia, Katima yo ish ia chj cho ? achit hvchik sa ponakloshke.

6. Amba ilppa puta ka hvchim achi li kak o, nanukhako kut hvchi chukvsh a alotolishke.

7. Yohmi kia ghli mak o hvch im anoli lishke. Uno vt ia li hok mak o nan isht a hvchim vlhpiesa chi hoke; vno vt ia li keyu hokmvo, nanuktalali vt hvchim aya he keyu: amba ia li hokmvo, yomma auct hvchi kanchi la he mak oke.

8. Yohmikma yvmmak osh vlakmvt, ai ashvchika, micha nan ai vlhpiesa, mikmvt nan-vlhpisa aiena ka okla puta ka, anukfohkicha hi oke.

9. Uno a okla a yimmi hatuk keyu hoka, nan im ai ashvchi hatuk a im otvnihincha he;

10. Uno vt Aki a im ia li; yohmi na himmakma hvch ik sa pešo hatuk oka, nan ai vlhpiesa hatuk a im otvnihincha he:

11. Yakni a ai i shahli hvvt nan im vlhpisa hatuk oka, nan-vlhpisa ma im otvnihincha hi oke.

12. Na hvchim achi la he yokvto vm gsha moma akinli kia, himonasi okvno yvmmak oka hvsh akostinincha he keyushke.

13. Yohmi kia Shilombish ghli, yvmmvvt vla hok mak osh, nan ai ghlika puta ma hvch ithvnancha hi oke; yvmmak okvt ilap nana aiahmi hosh anumpula he keyu hokvt; amba nana ho haklo tuk mak osh mihi yo anumpula hi oke; mikmvt nana a kaniohma he puta ka hvchim otvnihincha hi oke.

14. Yvmmak okvt vno ak o vm ai ishi cha, hvchim otvnihincha hi okvt, vno a sa holitoblicha he mak oke.

15. Nana moma Aki vt im gsha kvvt vmmi hoke; yohmi hatuk mak o, vno ak o vm ai eshi cha hvchim otvnihincha he, hvchim achi li tuk oke.

16. Chekosikma hvv sa pisa chi keyushke; atukmvt anonti Aki ak o im ia li hatuk oka, chekosikma hvv sa pisa hi oke, im achi tok.

17. Yohmi ma nan im ai ithvna vhleha kaniohmi kvvt, Chekosikma hvv sa pisa chi keyushke; anonti Aki a im ia li hatuk oka, chekosikma hvv sa pisa chi hoka hvvim achi ka, ilppak osh kaniohmi hoh cho? ilap bika it im achit mayv tok.

18. Yohmi hatuk osh, Chekosikma, achi iløppøt nanta hak oh cho? nana hō miha ka kil im akostininchoshke, okla achi tok.

19. Ilapa okla i ponaklo banna ka Chisvs vt im ithana hatuk osh, Chekosikma hvs sa pisa chī keyushke: atuk osh anonti chekosikma hvs sa pisa chī oke, achi li tuk yvmmak ash isht ai it im a ponaklot hvsh maya cho?

20. Ahlishke, ahli mak o hvch im achi lishke; Hvchishno yovto nishkin okchi mintit hvsh yahaya chī hoke; yohmikma yakni vto na-yukpa chī hoke: mikma hvchi nukhako fehna he; yohmi kia na hvchi nukhako kash ot falamvt isht a hvchi yukpa hi oke.

21. Ohoyo hvv vlla in tonla chikmvt, hvshi kanvlli vlpisa hvv im ai vla hokvt ilbvsha hoke; yohmi tuk kia hatak osh tovt yakni a ai ituyula ka, na yukpa kvv, vlla yvt in tola makinli hosh na palvmmi tuk a imi-haksi hoke.

22. Yohmi ka hvchishno vt himonasi kvno hvch ilbvshvshke; yohmi kia himmakma hvchi pisa la chī akinli; yohmikma hvchi chukvsh vt yukpa he, mikma na hvchi yukpa ka hatak nana hosh ishit hvchī kancha wa.

23. Mikma nitak yvmma fehnakma nana kia hvch ik sa ponaklo ka hi oke. Ahlishke, ahli mak o hvch im achi lishke, Ūno a hohchifo hō nana ka Aki a isht a hvsh im asilhhakma, hvch ima he mak oke.

24. Tikvt a mihinti hokvno a hohchifo ha nana ka isht hvch ik asilhho ke tuk; oh asilhhā; yohmikmvt na hvchi yukvvt isht alotowa chī ka, hvsh habena he mak oke.

25. Nana ilvppa puta ka nan isht vlpisa hō isht hvchim anumpuli lishke; yohmi kia himmakma nan isht vlpisa hō isht ak hvchim anumpulo hosh, amba otvnninchi achukma hosh Aki a isht a hvchim anohonli la he nitak vt mihinti hoke.

26. Nitak yvmmak okvno a hohchifo ha nan isht a hvsh asilhha hi oke: yohmikma Aki a hvch isht im a ponaklo la hi oke; hvchim achi li keyushke.

27. Hvchishno vt hvs sa hullo, mikmvt Chihowa ak o a

kochvt aya li hatok a hvchi yimmi tuk : yohmi hatok o Aki vt ilapo akinli kvv hvchi hullo hoka.

28. Aki ak o a kohchvt aya hosh yakni a vla n tok osh ; anonti yakni ash issvt, Aki a im ia li hoke, im achi tok.

29. Nan im ai ithvna vhleha hash ot, Inta ! himak okvno achukmalit isht pim anumpuli cha, nan-isht vlpisa ho chik anumpuloshke.

30. Nan oklgha ka ish ithaiyana ka, hatak nana hosh nana ka a chim a ponakla hi o keyu ka himak okvno il akostinchishke ; Chihowa ak o a kohchvt ish aya tok pulla ka ilvppak o isht a pi yimmishke, okla im achi tok.

31. Chisvs vt afalaminci mvt, Himak ano okla hvchi yimmi cho ?

32. Inta ! hatak vt ilap in chuka aiyukali ka ai ita fimimpt ilap banochit hvs sa filvmma chi ka hvshi kanvlli ai vlpisa kvv mihinti tuk osh, anonti himak okvno ai ona hoke ; yohmi kia Aki ak osh si ahina hoka, vno ak illa he keyushke.

33. Uno pulla ho nana anuktanla ka hvsh iesha he mak o, ilvppa puta ka isht hvchim anumpuli lishke. Yakni paknaka yokvno na palvmmi puta kvv a hvchim aiasha he ; yohmi kia hvchi nuktanla achukmashke ; vno vt yakni a imaiyachi li tuk oke, im achi tok.

CHAPTA XVII.

• Isht inla ibbak fohka chi ninak a Chisvs vt vba pit anumpuli kvv, ilapvt illi tuk vt falamvt tani ha ya, Chihowa hvv nan im ai ithvna vhleha hg apelahanchi na im anukfila hvv ai it achvfa he, 1 ; 20 Chihowa, Ushi ita tuklo ka im anukfila pit ai itachvfa he : 24 yohmi cha ilap vt vba yakni a holitopvt ahanta ka ont apehvt maya he puta ka vba isht anumpohonli.

1. ANUMPA ilvppa puta ka Chisvs vt anumpohonli mvt, vba pit vba chakali cha, Aki ma ! hvshi kanvlli vlpisa vvt ai onvshke. Chiso hg ish holitoblichy na anonti chiso mvt chi holitoblichy akinlashke.

2. Lana kvv kaniohmi ho ish im ihisa tuk ma, yvmmak

ash ai okchayvt bilia yo yvmmak ash ot ima hi vt, hatak puyuta ma ai imaiya he mak o, ish im apihisa tok oke.

3. Yohmi ka Chishno ak illa kak osh Chihowa ghli chia ka, micha Chisus Klaiast auet ish kanchi tok ma okla ithaiyana he ak o ilvppak osh ai-okchayvt bilia yoke.

4. Yakni paknaka ya a chi holitoblichy lishke. Natoksvli isht abanta la hi o is sum apesa tok a, atahli lishke.

5. Yohmi ka, Aki ma! yakni vt iksho mak o na holitopa ka isht chiba holitopa li ya tok mak o, himak a chishno a ai il a aieninchit is sa holitoblichashke.

6. Hatak puta ka yakni ak o ai ishit is suma hatuk a, chi hohchifo ha im otvninchi li hokvno; yvmmak okvt chimmi hatuk o, is suma hatuk oka, chim anumpa ha okla holitoblituk oke.

7. Nana ka is suma tok oklyuha kvv chishno ak o a minti hatuk a himak okvno okla akostininchishke.

8. Anumpa is suma chash yvmmak o ima li hokvno; mihma yvma okla aiokpuchi mvt, vno vt chishno ak o a chi a minti li hatuk a, okla akostininchi, micha chishno ak osh auet is sa kanchi tok aiena ka okla yimmi hatuk oke.

9. Yvmmak o isht chim ilbvshvt anumpuli lishke; yakni ak o isht chim ilbvshvt anumpuli li keyu, amba ilvppak o is suma tok a, yvmvvt chimmi vhleha hoka, isht chim ilbvshvt anumpuli lishke.

10. Yohmi ka vmmi hvv momvt chimmi hokma, anonti chimmi hvv vno a vmmi makinli hoke: yohmi hoka vno vt yvma isht a sa holitopa hoke.

11. Himak okvno yakni paknaka ya himmakma ik si ai iksho mak oke; yohmi kia ilvppak okvto yakni a ai ahashwa na vno vt chim aya li mak oke. Aki holitopa ma! is suma tok vhleha ilvppak oka chishno chi hohchifo pulla hatuk mak o ish apesahanchi na yvmmak mvt ai itibai achufa kvv pishno a chiyubmashke.

12. Pehliechit yakni paknaka ai abanta li maoma kvv chi hohchifo pulla ha isht ai apesahanchi li tok: is suma tok vhleha yvmmak oka apesahanchi li ma, achufa. kia ik kvno

hō, amba Holisso Holitopa vt ont ai ghla chī kak ō, nan-ok-pni ushi ak illa tuk oke.

13. Yohmi ka vno pulla hatuk mak ō ǵ nan-isht ilaiyukpa ma ilap inlit okla il ai esha hi ō, ilvppa puyutā ka yakni paknaka isht ai anumpohonli li, yohmi tuk osh himak okvno chim ǵya li mak oke.

14. Chim anumpa hǵ ima li tuk oke: yohmi ma yvm-mak okvt yakni ǵ ai immi keyu kv̄t, vno vt yakni ǵ ai immi sia keyu kak inli hō chohmi hatuk ō, okla i nukkili hatuk oke.

15. Yakni ak ō a kohchit. ish isha hi ō chim asilhha li keyu; amba apesahanchit nan-okpulo ak ō ishit chik ahalai-yacho ka hǵ ak oke.

16. Yakni ǵ ai immi keyu kv̄t, vno vt yakni ǵ ai immi sia keyu kak inli hō okla chiyuhmi hoke.

17. Yvmmak oka na chim ai ǵhlika pulla kak ō isht ish i kashofichashke; chim anumpa hak osh nan ai ǵhlika yoke.

18. Chishno vt yakni paknaka yǵ auet is sa kanchi tok mak ō, chohmichit vno mvt ilvppak ma yakni paknaka yǵ a tihlehinli lishke.

19. Micha ilap ak kia nan-ai ǵhlika yǵ ai isht a kashofa chī ka, vno vt ilvppak pulla hatuk mak ō ile kashofichi li hoke.

20. Micha ilvppa illa hō isht asihhla li keyu; amba ilvppa pulla im anumpa hatuk mak ō ǵ yimma he aiena kak oke.

21. Moyumvt ai itib achvfa kv̄t, Aki chia hv̄t vno ǵ is svbai achafakma, anonti vno mvt a chibai achafa li kak inli hō okla chiyuhmi cha, yvmmak mvt pishno ǵ a pibai achafashke: yohmi na chishno ak osh auet is sa kanchi tok ǵ okla moma kv̄t ithaiyanashke.

22. Yohmikma ilvppvt ai itib achvfa kv̄t pishno il itibai achvfa kak inli hō chohma hi ǵ, nan-isht aholitopa is suma tok ǵ ilvppa ima lishke.

23. Vno vt ilvppa ai ibachafa likma, anonti chishno mvt auet is svbai achafa; ai yakohmi hō yvmmak osh ont ai ǵhli achvfa ka tobashke; yohmikma chishno ak osh auet is sa

kanchi tok; a tok osh ilvppak oka ish i hullo kvv vno a is sa hullo kak inli ho ish chohmichi ka, yakni vt ithaiya-nashke.

24. Aki ma! is suma tok vhleha hak kia kanima yo ai ahanta likma, si apihvt gsha cha, nan-isht vm aholitopa yvma is suma tok a pisa he ak o, ahni lashke: yakni vt ik tobo kisha mak o is sa holitobli tok mak oke.

25. Aki ahli achukma ma! yakni vt ik chithanoshke; yohmi kia vno vto chithana li; mihma chishno ak osh auet is sa kanchi tok a ilvppak okvto akostinichi hatuk oke.

26. Yohmi na ilvppak o chi hohchifo ha isht im anohonli li tuk osh, anonti anohonli la chi hoke: yohmikma na-holitobli ai isht is sa hullo hatuk vt ilvppak ma anukfoyuka na, anonti vno mvv ai ibachafa lashke, achi tok.

CHAPTER XVIII.

Chisvs vt osapushi yo ont chukowa, 1; 6 Chutas vt Chisvs a isha chi hosh ai vla na, Chisvs vt anumpuli ma, falamvt obvlhpelvt aka ont fohopa; 10 Pita yvt Malkvs haksobish a chanlit hokofi. 12 Chisvs a okla takchi cha isht ia mvv, Annas ak o isht im ona tuk osh achakalinchi mvv, Kaiafas ak o okla isht im ona; 15 mihma Pita yvt Chisvs a ik ithano miha. 29 Chisvs a Pailat ak o okla isht im ona ma, Pailat ash osh achukmalit nan im a ponaklo.

1. CHISVS vt ilvppa puta ka ahanchit in taiyaha mvv, nan im ai ithvna vhleha pehlinchit Kitlon bokushi a pit tanvblit osapushi vt yvma talaia tuk o, nan im ai ithvna vhleha hash ai it apihvt ont chukowa tok.

2. Yohmi ka Chisvs vt nan im ai ithvna vhleha ha pehlichit yvma ai ona fehna chatuk a ishit inla im issa tok Chutas ak kia yvma pit ai ithana tok.

3. Yohmi hatuk osh Chutas ash ot hatak ai-itapeha achefa, i kvpitvni vhleha aiena ka na-holitompa isht gsha pehlichit vhleha, mikmvv Falisi vhleha aiena ka ai im ai ishi mvv, pva afohka, mikmvv na shimahli pva, miha na halupa aiena ka sholi hosh yvmmak ash ai vla tok.

4. Yohmi ma Chisvs vt nana hosh ilapa ai onvtuyula chi

puta moma ka ithana hatuk okvt, ivt ont afamvt, Kvta hq hvsh hoyo cho? im achi tok.

5. Mihma, Chisvs Nasalet minti ak oke, okla im achi ma, Chisvs ash osh, vno ak osh mih sia mak oke, im achi tok. Mihma ishit inla im issa tok Chutas ash kia yvmma takla hikia tok.

6. Atuk o, Uno ak osh mih sia mak oke, im achi makinli ho, okla obvlhpevt ivt aka ont kaha tok.

7. Mihma atuklanchit i ponaklot, Kvta hak o hvsh hoyo cho? achi tok. Mihma, Chisvs Nasalet minti ak oke, okla achi tok.

8. Chisvs vt afalaminchi mvt, Uno ak osh mih sia hatuk vt hvchim anoli li kvno; yohmi hoka vno ak o hvsh sa hoyo hatuk okmvt, ilvppak okvno asht ik itvnowá, hvsh im ah-nashke.

9. Yohmi na yvmmak o isht anumpuli hosh, Is svma tok vhleha hokvt achvfa kia ik sa kvniosshke, ahanchi tok a ont ai ahlashke, achi tok.

10. Yohmi ma Saimon Pita yvt bvshpo falaia shanli tuk osh halvllit shufi mvt, na holitompa isht asha pehlichí i shahli in tishu hq isht fahamvt, haksobish isht impak imma ya chanlit hokofi tok. Tishu hohchifo hv Malkvs a tok.

11. Mihma Chisvs vt Pita yash o, Chi bvshpo falaia ya i shukcha pit fohki; isht ishko aki vt auet vma tok a ak ai ishko ka hinla cho? im achi tok.

12. Yohmi ma hatak aya achvfa, micha kvpitvni, mikmvt Chu okla nan vltoka vhleha aiena kash ot Chisvs ash ishi cha, takchi tok.

13. Mihmvt yvmmak osh Kaiafas vt afvmmi yvmma feh-na ka na holitompa isht asha pehlichí i shahli yatuk o, yvmma ipochi yatuk oka Annas ak o tikba okla isht im ona tok.

14. Kaiafas ilvppak osh hatak achvfa hosh okla hoka vhlhobvt illa he ak o ai vlpiesa ka, Chu okla ha it im apesa tuk a tok.

15. Mihma Saimon Pita yvt Chisvs a pit iakaiyvt aya ma, anonti nan im ai ithvna achvfa yvmmak oka na-holi-

tompa isht gsha pehlich i shahli hvt ithana hatuk o, Chisvs g awant na-holitompa isht gsha pehlich i shahli i nan-ai-apesa ya ont chukowa tok.

16. Amba Pita vto okhissa kocha yak o hikia tok. Yohmi ma nan im ai ithvna achefa na-holitompa isht gsha pehlich i shahli hvt ithana hatuk, yvmmak ash ot kohchvt ivt, ohoyo okhissa apesvchi yash ont im anoli cha, Pita ya ilaelit chukowa tok.

17. Mihma ohoyo himita okhissa apesvchi yash ot Pita ya, Chishno ak kia hatak ilvppa nan im ai ithvna chia keyu? im achi ma, Mih sia keyushke, im achi tok.

18. Mihma kapvsvchi hatuk o, ilbtohno vhleha, micha nan vlhtoka vhleha aiena kash ot tobaksi yo oti cha, libisha hosh hiohmaya tok; mihma Pita yvt takla hikivt libisha tok.

19. Na-holitompa isht gsha pehlich i shahli ash ot Chisvs g nan im ai ithvna vhleha, mikmvt nan isht im avchli aiena ka ai im asilhvchi tok.

20. Chisvs vt afalaminchi mvt, okla puta ka ai im otvni achukma hosh anumpohonli li hatuk; Chu okla hvt ai itvnaha bilia sinakak, micha tempel aiena yvmmak o fiana ai ithvnanchi li chatuk; yohmi kvv luma chohmi hokvto nana ak achoshke.

21. Na katihmi ho vno ak o is soma ponaklo cho? nana im achi li ka haklo chatuk vhleha hak o ish i ponaklashke: yakeh! yvmmak osh nana achi li chatuk g okla ithana hoke, achi tok.

22. Ivppa yakohmichit anumpuli ma, nan-vlhtoka vhleha hvt achefvt bilikasi hikia tuk osh, Chisvs ash ibbak isht pasalichi mvt, Na holitompa isht gsha pehlich i shahli ya yakohmichi hosh ish im anumpuli cho? achi tok.

23. Chisvs vt afalaminchi mvt, Ik vlhpeso ho anumpuli li hokma, nan ik vlhpeso mak o isht ish atokolashke: amba vlhpesa tuk mvno, katihmi ho is svsvcho? achi tok.

24. Yvmmak ash ot talakchi na Annas vt na holitompa isht gsha pehlich i shahli Kaiapas g pit pila tuk a tok.

25. Mihma Saimon Pita yvt libisha hosh lukja tok : yohmi ma, Chishno vt yvmma nan im ai ithvna vhleha h₂ ish ibai achvfa tuk keyu ? okla im achi ma, ik ghlo mihvt, Uno yokvt mih sia keyushke, achi tok.

26. Na holitompa isht gsha pehlich i shahli im ilhtohno vhleha achvft Pita yvt haksobish tvbli tuk ash i kanomi hosh, Chishno ak osh yvmma awant osapushi g ish anta h₂, chi pisa li tuk keyu ? achi tok.

27. Mihma Pita yvt ik ghlo kash inli h₂ miha tok : mihma chekosi fehna akaka yvt ola tok.

28. Yohmi ma Chisvs ash Kaiafas g im ai ishit ivt, nan ai apesa y₂ okla isht ona tok : yvmmvt onnahinli ha tok ; yohmi kv₂ nan-vbanvblit ont ia ya ai impa he tuk vt, im ai okpuloka hinla hatuk osh ilapo ak okvto nan ai-apesa ya okla pit ik chukowo ki tok.

29. Mihma Pailat vt kohchvt ona mvt, Hatak ilvppa anumpa nanta mak o hvsh ai ikbichi cho ? achi tok.

30. Mihma okla afalaminchi mvt, Ilvppvt nanokp₂ni keyu hatuk okma, chibbak oka ant e ch₂ fohka he tuk keyu hoke, okla im-achi tok.

31. Mihma Pailat vt, Isht oh ia cha, hvch₂ nan-vlh₂pisa mak o isht oh ai im apesa, im achi tok. Yohmi hatuk o Chu okla hash osh, Hatak nana kia illa he il im apesa he vt a pim vlhpesa keyu hoke, okla im achi tok.

32. Yohmi ka Chisvs vt kaniohmit ai-illi y₂ ai illa hi vt anumpohonli tok g, ont ai ghla he mak a tok.

33. Mihma Pailat vt atuklanchit nan-ai-apesa yash ont chukowa cha, Chisvs g i howa mvt, Chishno ak osh Chu okla i miko chia mak oh cho ? im achi tok.

34. Mihma Chisvs vt afalaminchi mvt, Chishno akinli hosh, keyukmvt, inla yak osh vno g isht a chim anolikm₂, nanta tuk o ilvppa ish achi cho ? im achi tok.

35. Pailat vt afalaminchit, Uno vt Chu sia h₂ ? chishno chim okla ash inli, mikmvt na holitompa isht gsha pehlich i vhleha aiena kak osh chishit svbbak g fohki tuk oke. Nanta mak o ish katiohmi tuk oh cho ? achi tok.

36. Chisvs vt afalaminchi mvt, Apehlich i li ka yvt yakni

ilvppak inli keyushke. Apehlichli li ka yvt yakni ilvppak inli hatuk okma, Chu okla ibbak ak a fohko ka chj ka, an tishu vhleha hvt itihimba he tuk: amba himak okvno apehlichli li ka yvt ilvppak inli hq keyushke, achi tok.

37. Yohmi hatuk o Pailat ash osh, Mih kvto miko chia akinli hotuma? im achi ma, Chisvs vt afalaminchit, Miko sia mak atuk o ish mihvshke. Nan ai ghlika atokolit anoli la he ilvppak osh sa toba cha, anonti ilvppa pulla hatuk mak o ayvt yakni g vla li tuk oke. Nan ai ghlika yo anukfoyuka aiyukali hokvto, vm anumpa hq haponaklo bano hoke, achi tok.

38. Pailat ash osh, Nan-ai ghlika yak osh nanta ho? im achi tok. Mihmvt ilvppa achi mvt, falamvt kohchvt Chu okla hash im ona mvt, Nan ik ai-vlhpeso nana kia a takali ka ak im akostinincho kvmohmishke.

39. Yohmi kia nan-vbanvbli ont ia isht gsha hokvno, achvfalichit a hvchim j hotofi la he ai vlhpesa chatuk vt gshvshke: yohmi hoka Chu okla j miko ak o a hvchim j hotofi la hi g hvsh ahni cho? im achi tok.

40. Mihma anonti momvt chitoli hosh, Hatak ilvppeno keyu hq, amba Balabbas ak ashke, okla achi tok. Yohmi ka Balabbas vt hatak hukopa ya tok.

CHAPTA XIX.

Pailat vt Chisvs ash fvmmit issa ma, tvshka chipota vhleha hvt kvti tvnna yo iachokolichi, 1: 4 hlakofichi bvna kia, Chu okla nan ahni kak o im antia hatuk osh, yvmvt ititaiyukhvna ahonvha chj mak o, im issa: 17 tvshka chipota vhleha hvt j nafohka yatuk g iti hopela: 26 Chisvs vt ishki yatuk g achukmalit apelahancha chj ka, nan im ai ithvna j hovitopa yatuk g j miha cha, illi. 31 Tvshka chipota vhleha hvt, Chisvs naksi g tvli halupa ishit bahli. 38 Chosef Alimahlea minti, micha Nikotemvs ita tuklo hosh Chisvs haknip g ishi cha, hohpi.

1. YOHMI hatuk o yvma foka ma Pailat vt Chisvs g ishi cha, fvmmi tok.

2. Mihma tvshka chipota vhleha hvt kvti tvnvt iachuka

ikbit, noshkobo h_g iachukolichi mvt, na tishepa na fohka h_o-
litopa y_o ishit okla anchichi tok.

3. Mihmvt aiokpvchi mvt, Chu okla i miko yosh nan ik
yukpá, achi mvt ibbak okla isht isso tok.

4. Yohmi ma anonti Pailat ash ot ia cha, Yakeh! nana
ik ai-vlhpeso nana kia ai a takali na akostininchi li keyu ka
hvsh akostinincha ch_i mak o, ilauelit hvch_i kohchi lishke, im
achi tok.

5. Mihma Chisvs vt kvti iachuka h_g iachukoli cha, na-
tishepa na-fohka h_olitopa fohka hosh auet kohcha tok.
Mihma Pailat ash osh, Yakeh! hatak atukma ho pesá, okla
h_g im achi tok.

6. Yohmi ma na-holitompa isht gsha pehlichi v_hleha,
mikmvt nan-vlhtoka v_hleha aiena kash ot yvmmak ash pisa
mvt, chitoli hosh mihvt, Ititaiyukhvna ak o oh ahonv_hlich_i,
ititaiyukhvna ak o oh ahonv_hlich_i; ahanchi ma, Pailat ash
osh, Oh ishi cha, ititaiyukhvna ak o oh ahonv_hlich_i; vno
yokvto nana ik ai-vlhpeso nana kia ai atakali ka ak im akos-
tinincho hoke, im achi tok.

7. Chu okla hv_t afalaminchi mvt, Nan-vlh_pisa hv_t pin
tonla : yohmi ka ilvppak okvt Chihowa Ushi ilapissa hatuk
okvt, p_i nan-vlh_pisa pulla kak o isht illa he vlhpesa hoke,
im achi tok.

8. Yohmi hatuk o Pailat vt anumpa yv_mma haklo mvt,
nukshopa kv_t isht i shahli tok.

9. Mihmvt anonti nan ai apesa yash ont chukowa cha,
Chisvs ash o, Katima k_o ish minti tok oh cho? im achi tok.
Yohmi kia Chisvs ash ot nana ik im acho ki tok.

10. Yohmi ma Pailat ash ot, Chik sv_m anumpulo mak
oh cho? vno vt ititaiyukhvna y_g a chi ahonv_hlich_i la hi vt
vm vlhpesa, anonti ch_i hotofi la hi vt vm vlhpesa aiena ka
chik ithaiyano cho?

11. Chisvs vt afalaminchi mvt, Chishno yokvt vba ak o
auet a chima h_o keyukma, vno yoka nana h_o is sa kanihcha
hi vt chim vlhpesa keyushke : yohmi hoka svsh_t gyvt chib-
bak g ant sa fohki tuk g yvmmak osh nan-ashvchi kv_t ai in
chinto hoke, achi tok.

12. Yohmi ma yvmma ai vhlit minti ka Pailat vt yvmmak ash i hotofi bunnvt im anukfihinla tok: yohmi kia Chu okla hv̄t chitolit anumpulit, Hatak ilvppa ish i hotofi hokmvt, Sesa ya i kana chia ha he keyu. Kvna hosh miko il ape-sakmvt, Sesa ak o i sanalit anumpuli hoke, okla achi tok.

13. Yohmi hatuk o Pailat vt anumpa yvmma haklo mvt, Chisvs ash ishit kohchi cha, ilap vto nan ai-apesa ai-o-minili om binili tok, yvmmvt Tvli potvlhpo hohchifo h̄o, amba Heblu ano Kabbahla hohchifo ha tok.

14. Mihma nan vbanvblit ont ia gsha ch̄i ka, ai il atahlit maya nitak, mihmvt hv̄shi kanvlli vlhpisa yvt ont isht han-nali foka aiena; yohmi hatuk o Chu okla hash o, Hvch̄i miko ya ho pesá, im achi tok.

15. Yohmi kia okla chitoli hosh anumpulit, Kanima isht oh ia cha, kanima isht oh ia cha, ititaiyukhvna oh ahonvhli-chi, achi ma, Pailot ash ot, Hvch̄i miko ya ititaiyukhvna ahonvhlich̄i la ch̄i cho? im achi ma, na holitompa isht gsha pehlich̄i vhleha hash ot, Pi miko vt iksho, Sesa ak banoshke, im achi tok.

16. Yohmi ma polaka yvmmak ash ot ititaiyukhvna ahon-vhltv̄t illa ch̄i mak o, ibbak i fohki tok. Yvmma foka ma Chisvs ash o okla ishi cha, halvllit kanima isht ia tok.

17. Yohmi ma im ititaiyukhvna yash o sholi cha ivt yakni hohchifo noshkobo foni aiasha yo, anonti Heblu yokvno yv-mvt Kalkohla hohchifo h̄o ona tok.

18. Mihma yvmmak ash, micha inla yvt tuklo h̄o aienin-chit ititaiyukhvna okla ai ahonvhlich̄i tok: Chisvs ak osh iklvna yo takali na achvfa b̄kv̄t ita hlaklaka takohli tok.

19. Mihma Pailat vt nan anoli holisso h̄a holissochit iti-taiyukhvna ya a lapalich̄i tok. Yohmi ka holisso kv̄t, CHI-SUS NASALET MINTI CHU OKLA I MIKO YOKE, achi ha tok.

20. Yohmi na Chisvs vt ititaiyukhvna ai ahonvhltv̄t illi yvmmvt tmaha h̄a i bilika ha tok: yohmi ka holisso kv̄t Heblu, Klik, mikmvt Latin aiena anumpa hosh isht a holisso hatuk oka, nan anoli holisso ilvppak ash Chu okla laua kv̄t pisa tok.

21. Yohmi ma Chu okla na holitempa isht im gsha peh-
 lichy vhleha hash osh Pailat g, Chu okla i miko, achit chik
 holissocho kashke; amba Chu okla i miko sia hoke, achi
 chatuk yummak o ish holissochashke, okla im achi tok.

22. Mihma Pailat ash ot, Nana ho holissochi li kvt holis-
 sochi li mak atuk oke, im achi tok.

23. Yohmi ma tvshka chipota vhleha hvv Chisvs g ititai-
 yukhvna abovhlichy mvt, i na fohka yatuk g ishit ita kvsh-
 koa ushtali cha, tvshka, chipota vt i kashampa aiyuka tok;
 mihmvt i na fohka lumbo ash kia aieninchi tok: na fohka
 lumbo yvt ahchvwa yo keyu, paknaka yak o a tvnvt maya
 hosh ont taiyaha ha tok.

24. Yohmi hatuk o, Ivppak okvno keho hlivffo hosh,
 amba kvna hosh immi ha chj ka, na shoelit kil oh ashá, ilap
 bika it im achit maya tok; yohmi ka Holisso Holitopa vt,
 Um ilifoka ya okla iti hopela mvt, g na fohka lumbo yoka
 na shoeli isht aiasha kvno, achi ka ont aigla chj mak a tok;
 yohmi hatuk o tvshka chipota vhleha hvv ilvppa okla yakoh-
 mi tok.

25. Mihma Chisvs ititaiyukhvna a takali ka ituma ya ish-
 ki, micha ishki nakfish, mikmvt Meli Kleofas tekchi, mikmvt
 Meli Maktalene aiena hosh hiohmaya tok.

26. Yohmi hatuk o Chisvs vt ishki, micha nan im ai ithv-
 na yvmma i hullo beka tuk mak osh itatuklot hinli na pisa
 mvt, ishki ash o, Ohoyo ma! chiso hq ish pisashke, im achi
 tok.

27. Mihmvt nan im ai ithvna yash o, Chishki g ish pi-
 sashke, im achi tok. Mihma nan im ai ithvna yummak ash
 osh hvshi kanvlli vlvpisa yummak fehna ai-vhlit ia ka, ohoyo
 hash ilauevit ilap in chuka akinli ho bohli tok.

28. Yakohmi ha -ya, nan oklvha kvv ont ai vlvhaha ka,
 Chisvs vt ithana hatuk osh, Holisso Holitopa yvt ont ai ghla
 chj ka, Sa tukshilvshke, achi tok.

29. Yohmi ma nan-ai-vlhto wineka alota kvv talaia tok;
 atuk o na-shatvmmi yo wineka yash alotolit hissop o ta-
 kalichit itih hq pit tikelichi tek.

30. Yohmi hatuk o Chisvs vt wineka yash ishkot pisa

mut, Ulhtaiyahvshke, achi tok; yohmi cha aka yuhchunukli mut, fiopissa tok.

31. Yohmi hatuk o nan il ai atahli nitak atuk oka, nitak hullo ya haknip vt ititaiyukhvna ya ik a takohmayo ka chi ka, nitak hullo ymmvt nitak holitopa hatuk oka, Chu okla hash osh ymma hanali ak osh kobahli na ishit kanima ia hinla ka, Pailat g im asilhha tok.

32. Yohmi na tvshka chipota vhleha hash ot ivt, ititaiyukhvna ai iba honvhlvt okla kash achvfalit tikba hanali ha kobahlichy mut, anonti achvfa yash kobahlichy tok.

33. Amba Chisvs vt a takali tuk g okla ona mut, ymmvto illi mshko tuk o pisa cha, ymmvno hanali ha ik kobahlecho ki tok.

34. Yohmi kia tvshka chipota vhleha yash ot achvftv naksi g na halupa ho ishit bahli na ashaljka issish, micha oka aiena hosh auet fohopa tok.

35. Yohmi ka ymma pisa tok mak osh atokowa ka anoli; yohmi ka ymmvt atokoli ka ai ghli hoke: yohmi ka hvchishno vt hvchi ymma chi ka, ai ghli mak o miha kvv ithana hoke.

36. Holisso Holitopa yvt, Foni vt ik pakoto ka he, achi kvv ont ai ghla chi mak o, nana kvv a yakohmi tok.

37. Michy anonti Holisso Holitopa ai anumpa inla mut, Ymma okla bahli tuk vt ymmak ash pisa hi oke, achishke.

38. Michy ai yakohmi ha ya, Chosof Alimahlea minti vt Chisvs g nan im ai ithvna akinli kia, Chu okla ha i nukshopa kvv il aluma beka tuk osh, Chisvs haknip g isha hinla kvv, Pailat g ont im asilhha tok: mihma Pailat vt vhpesa, im ahni tok. Yohmi hatuk o ivt, Chisvs haknip ash ont ishi tok.

39. Yohmi ma Nikotemvs vt nan vmona ka ninak o gyvt Chisvs g pisa tok ymmak ash kia vla cha, mvh michy aloes itibvlhto kvv weki tahlepa achvfa foka ho isht vla tok.

40. Yohmi ma Chisvs haknip ash o ishit okla cha, Chu okla hvv hohpi kvv yvmihchi chatuk mak o, ymmak ash o linen osh na-balama pit aiena ho isht a bonulli tok.

41. Ititaiyukhvna ahonvhlvt ai illi ymma osapushi osh ta-

laia tok : mihma osapushi anukaka ya sepulka himona, hatuk vt ik a hollopo kisha yo, hikija tok.

42. Yohmi hatuk o Chu okla nan il ai atahli nitak a tok ; yohmi hatuk o sepulka yvt yvmma auet i bilikasi hatuk oka, vvmmak o Chisvs a bohli okla tok.

CHAPTA XX.

Meli Maktalene vt sepulka yash ona, 1. 2 Pita, Chan itatuklo kvv tushpvt ivt, sepulka yash it onachi akinli. 11 Meli Maktalene ash ot sepulka ya falamvt ona, atuk o i himmak o Chisvs fehna kash osh yvmmak ash inli ho ont i haiaka. 19 Mih nitak akinli opivt taha ho nan im ai ithvna vhleha hvv itvnavvt chiya ma, Chisvs vt im ona ; 25 Wek inla hosh ont taha ho nan im ai ithvna vhleha hvv Tamas a pit a momvt itvnavvt chiya ho, Chisvs vt anonti i haiaka.

1. WEK chukowvt iahti onnahinli fehna okhliinchi moma ho, Meli Maktalene vt sepulka yash ona cha, tvli yash osh sepulka ya a kanvlli tuk o, pisa tok.

2. Yohmi ma maleli hosh vlvv, Saimon Pita, micha nan-ithvna achvfa Chisvs vt holitobli yatuk ita tuklo ka, Chitokaka ya sepulka ya ai ishit kohchi cha kanima yo ont bohli tuk a chini ho, kil akostininchoshke, im achi tok.

3. Yohmi ma Pita yvt, micha nan-ithvna achvfa yash ita tuklo cha ivt, sepulka ya it onachi tok.

4. Yohmi kvv tuklot pit tihlaiya tok ; atuk o nan-ithvna achvfa yash ot Pita ya imaiya cha, tikba sepulka ya ona tok.

5. Yohmi cha ont a hlipvt pit hopokoyo mvv, linen vto kahvt maya na pisa akinli kia, pit ik chukowo ki tok.

6. Yohmi ma Saimon Pita yash ot auet iakayvt vla mvv, sepulka yash pit chukowa cha, linen vt kahvt maya ka pisa tok.

7. Yohmi ma nantapvski noshkobo isht afoa tuk vto linen a ik ibafoko hosh, amba pohlvv taha cha, ilapissa yo itoala tok.

8. Mihma nan-ithvna achvfa na tikba sepulka ya ona tuk ash kia pit chukowa cha, pisa mvv, yimmi tok.

9. Yvmma foka mvno illi tuk vt falamvt tana hi oka, Holisso Holitopa ya ik ai akostinincho kishvt okla tok.

10. Yohmi mvt nan-ithvna ash osh ilap in chuka atuk akinli hq itiachi tok.

11. Yohmi kia Meli vto sepvka a kocha ya nishkin okchi mihintit hikja tok: atuk osh nishkin okchi mihintit pit aka chunulit, sepvka anvkaka ya pit hopokoyo tok.

12. Mihmvt enchil tuklo i na-fohka tombi kvv Chisvs haknip ai itola tuk g, achvvt noshkobo imma yatuk ak o gsha ma, achvvt iyi pilla hatuk ak o gsha na pisa tok.

13. Mihma, Ohoyo chia hvv na katihmi hq ish yahaya cho? im achit okla ma, An Chitokaka ya okla ishit kvnia tuk a chini hq, kanima yo a bohli tuk g ak ithano kak oke, im achi tok.

14. Micha ilvppa mak achi mvt, im ashak-imma pit filema mvt, Chisvs vt hikja na pisa kia, yvmmak osh Chisvs ash atuk g ik ahno ki tok.

15. Chisvs ash ot, Ohoyo chia hvv na katihmi hq ish yahaya cho? Kvta hq ish hoyo cho? im achi tok: mihma oapushi apesvchi mak o im ahoba mvt, A shahli ma! ehishno ak osh yvmmak ash ai isht ish ia tuk okmvt, kani- ma yo ont ish bohli tuk mvt, is svm anoli na ont ishit minti lashke, im achi tok.

16. Chisvs ash ot, Meli, im achi ma, pit-filema mvt, Labboni, yvmmvt nan-ithvnanchi ma! achi hoke, im achi tok.

17. Chisvs vt, Uba ivt Aki g ak im ono kisha hoka, is sa potoli na; amba ivt itibapishi li vhleha aiasha kak o ona cha, Aki, mikmvt hvch Iki, an Chihowa, mikmvt hvchin Chihowa im ia li ka, ish im anolashke, im achi tok.

18. Meli Maktalene ash osh vla cha, Chitokaka ya pisa tuk, yohmi na ilvppa puta ka im ahanchi tuk g, nan-ithvna vhleha hash im anoli tok.

19. Atuk o nitak yvmmak ash inlit ont shohbi wek chukovvt iahpi nitak atuk o, Chu okla hg i nukshopa hatuk osh nan-ithvna vhleha ai itnavvt chieya ka, okhissa yvt

v_hk_vma h_o, Chisvs ash ot v_lot iklvna ant hikia cha, Hvchi nuktanlashke, im achi tok.

20. Ilvppa mak achi mvt, ibbak iti chaplinchit, naksi aiena ka i weli tok. Yohmi ma nan-ithvna v_hleha hash osh Chitokaka y_a pisa kv_t na yukpa tok.

21. Yohmi ma Chisvs ash ot atuklanchit, Hvchi nuktanlashke; Aki vt na sa tohno tok mak o, ai itilauechi hosh hvchishno ma na hvchi tohno li hoke, im achi tok.

22. Micha ilvppa makachit in taha mvt, o fiopa mvt, Shilombish Holitopa y_a oh ishi.

23. K_vna im ai ashvchika y_o hvsh i kashofi hoka, i kashofa he mak oke; mikmvt kvna im ai ashvchika y_o hvch ik i kashofa hokma, ik i kashofa ka he mak oke, im achi tok.

24. Yohmi kia Chisvs vt v_la ka, auah-tuklo yatuk g achvfa, Titimvs hohchifo Tamas vt takla gsha tok keyu.

25. Yohmi tuk o nan-ithvna v_hleha inla yash osh, Chitokaka y_a e pisa kvno; im achi tok. Yohmi kia, Ibbak chofak ai ahonv_hla tuk g pisa lish, chofak pit a hika tuk g svbbak ushi pit maiachi lish, anonti naksi g svbbak pit hilechi li h_o keyukmvt, sai yimma he keyushke, im achi tok.

26. Atuk o anonti nitak isht untuchina ma nan im ai ithvna v_hleha hash osh aboha an_uka aiasha ma, Tamas vt takla gsha tok; yohmi ma okhissa yvt v_hk_vma h_o, Chisvs vt v_la cha, iklvna y_a ant hiki_vt, Hvchi nuktanlashke, achi tok.

27. Mihmvt Tamas ash o, Chibbak ushi g auet welit, svbbak g pisa; mikmvt chibbak ma auet welit sa naksi g pit hilechi: yohmi cha, na yimmi iksho hosh ish anta na, amba chi yimmi kv_t a chim alotowashke, im achi tok.

28. Mihma Tamas vt afalaminchi mvt, An Chitokaka ma! an Chihowa ma! im achi tok.

29. Chisvs ash ot, Tamas is sa pisa hatuk mak osh chi yimmishke: pisa h_o keyu kia, yimmi tok v_hleha hokvt na yukpa mak oke, im achi tok.

30. Micha na-fehna inla kv_t laua h_o, Chisvs vt nan im ai ithvna v_hleha hv_t pisa na yvmihchi mv_hli tok g holisso ilvppa ik a holissoshke.

31. Amba Chisvs vt Chihowa Ushi Klaist mak a tok g,

hvchi yimma he; micha hvchi yimmi pulla hosh yvmma hohchifo hatuk mak o okchayvt bilia ya hvsh ahayucha he mak o, ilvppa puta kvv holisso hatuk oke.

CHAPTER XXI.

Chisvs vt, nan im ai ithvna vhleha hvv Tibelias okhvta hq nvn i hokli hosh maya hq, ont im otvni, 1; 12 yohmi cha nan-isht-hokli q nvn i im alotoli cha, anonti itibai impa. 15 Chisvs q i hullokmvt in chukfvhpboba, micha in chukfvhpbobushi aiena ka im ipeta hi q hituchina ha Pita ya i miha; micha Pita yvt na palvmmi isht illa hi q tikbanli im anoli. 24 Chan vt ilap nana anohonli ka aighli, micha Chisvs vt na fehna ka yvmihchi tok q, inla yvt lauvv agha hosh ik holisso ka, miha.

1. ILUPPUT ai yakohmi ha ya, anonti Chisvs vt nan im ai ithvna vhleha hq Tibelias okhvta hak o ont a im ile haiakvchi tok: mihmvt ilvppak o ai yakohmi hosh ile haiakvchi tok.

2. Saimon Pita, micha Tamas Titimvs hohchifo, mikmvt Nahlanael Kalili yakni Kana vta, micha Sebete ushi tuklo, anonti nan im ai ithvna inla tuklo aiena kvv ai itapehvt maya tok.

3. Saimon Pita yash ot, Nvni vbit ia lishke, im achi ma, Pishno ak kia chi apihvt il ivshke, im achi tok. Okla kohchvt ivt chekosi makinli hq peni q ont vlbeha tok; atuk osh ninak yvmma nana kia okla ik hoklo ki tok.

4. Atuk o ont onnvv taha ma, Chisvs vt alaka ya' hikia tok; yohmi kia nan-ithvna vhleha hvv Chisvs ash atuk q ik ithano ki tok.

5. Yohmi ma Chisvs ash ot, Vlla vto ilimpa hvchim agha cho? im achi ma, afalaminchit, Ikshoshke, achi tok.

6. Mihma, Peni ishtimpak-imma yak o nvn i-isht-hokli q oh okvchi, micha hvsh ahayuchashke, im achi tok. Yohmi hatuk o pit okvchi mvt, anonti nvn i yvt laua fehna ka, halvlli kvv okla na kanihma he keyu ki tok.

7. Yohmi ma nan-ithvna Chisvs vt holitobli yatuk, yvm-mak ash ot, Chitokaka mak oke, Pita ya im achi tok.

Mihma yvmmvt Chitokaka mak atuk o, Saimon Pita yvt haklo mvt, nipi bano tuk osh nafokvt nvti hokli yatuk ash o ishit il ai vskofvchi mvt, okhvta hash pit okatula tok.

8. Mihma nan-ithvna vhleha inla ka yvto alaka ya pit i hopaki keyu, amba k u b i t tahlepa tuklo foka ho gsha hatuk okvt, pen-ushi ash o alhtot nvt-isht-hokli nvti alota ka halv-lit isht ia tok.

9. Atuk osh alaka ya okla ona makinli ho, tobaksi luak vt yvmma gsha ma, nvti yvmma itotonla ma, pvska ak kia itonla na okla pisa tok.

10. Chisvs ash ot, Nvti himonasi hvsh hokli tuk vt, ishit ho minti, im achi tok.

11. Saimon Pita yvt pit chukowvt nvt-isht-hokli ash nvti hochito tahlepa achvfa pokoli tahlapi cha, akocha tuchina aienvt alota ho halvllit, alaka isht ona tok: laua hokvto yakohmi nana kia nvt-isht-hokli ash ot ik okpulo ki tok.

12. Chisvs ash ot, Mintit ant oh impa, im achi tok. Mihma yvmmvt Chitokaka mak atuk a ithana hatuk osh, nan-ithvna vhleha hvv achvfa kia i ponaklot, Kvta chia ho? achi kia iksho ki tok.

13. Mihma Chisvs ash ot onvt, pvska ya ishi cha, i hopela mvt, nvti ma yvmihchi akinli tok.

14. Chisvs vt illi tuk osh falamvt tani ha yvt, ilvppvt ont atuchina mak o nan im ai ithvna vhleha ha im ile haiakvchi tok.

15. Atuk o impvt okla issa ma, Chisvs ash ot Saimon Pita ya, Saimon, Chonas ushi chia hvv is so hullo kvv, ilvppa puta ka chim i shahli cho? im achi ma, Ahlishke, Chitokaka ma! chi hullo li hoka chishno vt ish ithanvshke, im achi ma, An chukfvlpoba ushi puta ka pehlichit ish ipihintashke, im achi tok.

16. Anonti atukla ma, Saimon, Chonas ushi chia hvv is sa hullo cho? im achi ma, Ahlishke, Chitokaka ma! chi hullo li hoka, chishno vt ish ithanvshke, im achi tok: mihma, An chukfvlpoba puta ka pehlichit ish ipihintashke, im achi tok.

17. Ont atuchina ma, Saimon, Chonas ushi chia hvv is sa

hullo cho? im achi ma; ont atuchina mak o, Is sq hullo cho? im achi hatuk o, Pita yash osh nukhaklot taha tok. Yohmi mvt, Chitokaka ma! nan okluha ka ish ithanvshke, chi hullo li hoka chishno vt ish ithanvshke, im achi tok. Mihma Chisvs vt, An chukfulhpoba puta ka pehlichit ish ipihintashke, im achi tok.

18. Ahlishke, ghli mak o chim achi lishke, Chi himita mvtto chishno inlit il ai vskofachehit, chishno ish ahni hosh kanima ish gya beka tok: yohmi kia ont a chi sipokni hayokmvtto, chibbak g ish wakeli na inla hosh chi vskofachechi cha, kanima ish aiahni keyu kia, chisht gya hi oke, im achi tok.

19. Ai ili kaniohmi ho Chihowa ha isht a holitoblicha he ak o, anoli hosh ilvppa anumpuli tok. Mihmvt ilvppa anumpuli mvt, Is siakaiyashke, im achi tok.

20. Mihma Pita yvt filemvt, nan-ithvna achvfa Chisvs vt holitobli chatuk opiaka impvt maya ka ikkishi ha pit vtayvt gshvt, Chitokaka ma! chishit inla ibbak chi fohki kvto, kaitima kak oh cho? achi tok ash osh awant gya na pisa tok.

21. Pita yvt yvmma pisa mvt, Chisvs ash o, Chitokaka ma! yohmikmvno hatak ilvppak amo katiohma chi cho? im achi tok.

22. Chisvs ash osh, Uno ak osh ahni li hokma, ilvppak okvt ahanta tuk o vla la he, yvmmvt nanta isht chi abalaia cho? Is siakaiyashke, im achi tok.

23. Yohmi ma itibapishi vhleha hv, nan-ithvna yvmmvt ik illo ka he yatuk g, it im anolit maya tok; yohmi kia Chisvs vt, Yvmmvt ik illo ka hi g i miha tok keyu; amba vno ahni li hokma, ahanta tuk o vla la he, yvmmvt nanta isht chi shalaia cho? achi tok.

24. Nan-ithvna ilvppak a tok mak osh ilvppa puta ka atokoli cha, anonti yakohmi ka holissochi tok: yohmi ka yvmmvt nana atokolit anoli ka ai ghli ka il ithaiyanvshke.

25. Micha nana inla Chisvs vt a kaniohmi tok g lauvt gsha, yvmmak osh momvt holisso hokma, holihiso kv, yakni ak oh kia holisso hv ai itola hi vt iksho ka hinla, vm ahobvshke. Amen.

CHISVS KLAIST

IM APOSTEL VHELEHA EVT NANA A KANIOHMI TOK.

CHAPTA I.

Klaist vt illi ha ya tok g isht annoa kaniohmi kvv vlibitv annoa, 1. 9
Yvmmvt vba ia isht annoa. 15 Chutvs vltoba hq achvfa ka ato-
kola hi g, Pita yvt isht anumpuli.

1, 2. **TIAFILUS** ma! Chisvs vt vmona, nana puta
a kaniohmit nan im avchit isht mahaya tok osh, vba anum-
peshi vheleha ha ilapo akinli atokoli tok vt, nana vhpisa ka
Shilombish Holitopa pulla hq isht ai ihima tok osh, vba ia
tok nitak fena ka, holisso tikba kash o, isht ai ikbi li tok.

3. Yvmmak okvt ilbvsha hayvt okchaya kvv, nana ghli
isht ikhaiyana he lawa ka, yvmmak ash o ai isht im ile hai-
akvchi cha, nana kvv Chihowa ap ehlichika ya, pit ai ahalaia
puta ka isht anumpohonli ka, okla pisa na nitak pokoli ushta
tok.

4. Micha itahobit taiyahli mvt, Chelusalem g okla issvt ik
aiyo hosh; amba Iki vt nana miha tok, Yvmma hvv svv
a haklo tuk vt, pit hoyot hvsh chieyashke; achit im apesa
mvt,

5. Chan ak okto oka yo isht baptismochi mvhli tok;
amba hvchishno vto himmak pila ha, nitak kanohmi keyuk-
ma, Shilombish Holitopa yak o isht hvchi baptisma chj hoke;
achi tok.

6. Yvmohmi na okla itahobvt chieya mvt, nan i ponaklot,
Chitokaka ma, himak foka hokvno ap ehlichika ya falamin-
chit Israel g ish ema chj cho? achi tok.

7. Mihma, Nitak, micha avvmmi puta ka, Iki vt ilapo ib-
bak akinli hq fohkit ieshi ka hvsh ithana vhpesa keyu hoke.

8. Amba Shilombish Holitopa yvt ayvt hvchim vla ha mvno, nana ai ghlika ya, hvsh esha he : yvmohmikmvt Chelusalem, micha Chutia moma, micha Samelia, micha yakni afolota ont ai vhli fena aiena ka, atokolit a na si anoli hvchia ha he mak oke ; im achi tok.

9. Mihma nana yakohmi ka anumpulit ont in taiyaha ma, oklat pisa na, vba ishtia ma, hoshonti hvv i holhponayo ha ant im a luhmit ishi tok.

10. Mihma vba ia na, pit aiokchifelit shutik pilla ka pit hopokoyot hieli ma, hatak tuklot nafohka tohbi fohka hosh i bilikasi hieli tok.

11. Mihmvt yvmmak ash osh, Kalili hatak hvchia hvv, nanta katihmi ho shutik pilla ka pit hopokoyot hvsh hieli cho ? Chisvs ilvppak ash fehna akinli kvv hvchim eshit vba ishtia ka, kaniohmit vba ia ho hvsh pisa tuk g yvmmak inli ho chohmit ayvt vla hi oke ; achi tok.

12. Yvmohmi ma, nvnih chaha Alifit hohchifo ho, yvmmak okvt Chelusalem g pit bilika nitak hullo anowa vlvpesa ho asht falamvt Chelusalem g okla vla tok.

13. Micho okla ant chukowa mvt, vba potvlhpo ya yvmmak o Pita, micha Chemis, micha Chan, mikmvt Antilu, Filip, micha Tamvs, Bahlolomu, micha Mahlu, Chemis, Alfiva ushi, mikmvt Saimon Selotis, micha Chutvs Chemis itibapishi aiena kvv ai asha tuk o pit oiyat taha tok.

14. Ilvppak osh momvt ohoyo puta, micha Meli Chisvs ishki, micha itibapishi vhleha hatuk aiena ka ai itapehvt im anukfila ai achvvt vba pit anumpulit, nana asilhha aiena kvv ik isso hosh aiasha tok.

15. Atuk o nitak yvmma foka ma ! nan ithvna vhleha hohchifo holhtina kvv tahlepa achvfa cha pokoli tuklo foka hosh itonahvt chieya ho, Pita yvt iklvna wakayvt hikia cha,

16. Hatak itibapishi li vhleha ma ! Shilombish Holitopa yvt tikbanli, Lewi ash itakha ai isht Chutvs g isht anumpuli tok o, Chisvs okla ishi ka in tikba hika tuk g, ik kaniohmi kia holisso ilvppvt ai ghli tuk pulla hoke.

17. Yvmmak okvt hvv iba holhtiena cha, anonti nan isht vtta ilvppa pit ahalaia ka ieshi hatuk,

18. Micha hatak ilvppvt yoshoba isht vltoba tuk g osapa yq ishit chumpa tuk; micha itihpelvt akivt, iklvnna mitafana, iskuna puta kashot momvt kocha pit fohopa tok.

19. Yvmohmi ka Chelusalem okla aiasha kvv momvt akostininchi tuk; yohmi hatuk o osapa yvmmvt ilap im anumpa ya, Esiltama hohchifo, yvmmvt osapa issish achi hoke.

20. Micha atalooa holisso hg a holisso kvv, Yvmmvt ai ahanta yatuk g ik chukilissá, yohmikma hatak nana kia yvmmak ash ik ai ahanto kashke; micha, Nana ai isht vtta yatuk g, inla yosh ishashke; achishke. •

21, 22. Yvmohmi hoka, Chitokaka Chisvs vt pi takla vttot gya, Chan g im a baptismo chash, vhlit mintit a hypim eshi na vba ia nitak fehna ai yla ka, hatak yakohmi kvv pi apelvt, gya na bilia tok okvt, yvmmvt falamvt tani tuk g, atokowa pib ai anola chi kvv, achvvt vltoka pullashke; achi tok.

23. Mihma hatak tuklot, Chosef osh Basabvs hohchifo hosh, hochifo apunta kvv Chvstvs o, anonti Mathlaivs aiena hg, okla hiohlichí tok.

24. Micha okla vba pit anumpuli mvt, Chitokaka hatak moma chukvsh g ithaiyana chia hokvt, tuklo ilvppa kani-mampo kak o, ish atokoli hatuk okmvt ish otvvinchi na,

25. Nan isht vtta ilvppa, micha vba anumpa isht vtta pit ahalais aiena, yvmmak atuk o, Chutvs vt ilap ai vtta ya ia chin cha, yoshoba cha issa tuk oka, ieshashke; okla achi tok.

26. Micha okla nashoeli bohli tok; mihma nashoeli ash ot Mathlaivs ak o onvtula na, yvmmak osh vbanumpeshi anahchvfa kash iba holhtiena tok oke.

CHAPTA II.

Vbanumpeshi vtleha hvv Shilombish anukfohka fehna mvt, anumpa haiyuka anumpuli, 1. 14 Pita yvt vbanumpa isht anumpuli.

1. **ATUKO** Pentekost nitak vt ont vlvpiesvt taha ma, momvt im anukfala ai achvvt mih achvfa yq chieya tok.

2. Yvmohmi ma ashalika mahli kullo chinto chiyuhmit, vba yə fopa hosh mintit vla cha, aboha anuka okla aiasha tuk ash ant alotolit kaiyanchi tok oke.

3, 4. Yvmohmi ma, isunlvsh chuhlahli kv̄t luak ɔ chiyuhmi hosh ant i haiaka, micha achv̄faiyuka ant onvtoyula tok; yvmohmi na, moyumvt Shilombish Holitopa yvt isht anukfohkvt alota ma, anumpa inla puta anumpula hi ɔ, Shilombish vt apelahanchi na, okla anumpulit ishtia tok oke.

5. Yvmohmi ma Chelusalem ɔ Chu vhleha, hatak hopoyuksa puta, oklushi mōma shutik nuta ka aiasha ka a minti hosh, aiasha tok.

6. Mihma ilvppak ashot annovt takakanli ma, okla laua yvt ant itahoba cha, ilap imr anumpa aiyuka yɔ, ai anumpulit maya na, hatak momvt haklo hatuk osh, okla anukhlakancha tok.

7. Michā momvt okla nukhlakancha mvt, okokko! ai ahni mvt, Ilvppa anumpulit maya kv̄t momvt Kalili okia keyu hɔ?

8. Michā nanta katihmi hɔ hatak moma kv̄t il a toba tok pim anumpa akinli hɔ, e hahaklo cho?

9. Patia okla, micha Mit okla, micha Ilam okla, mikmvt Mesopotemia, micha Chutia, anonti Kapatosha micha Pontos mikmvt Asia,

10. Fichia micha Pafilia Echip, mikmvt Libya pilla Saini foka aiena aiasha puta, micha Chu vhleha, mikmvt ai ibvlhto puta, Lom mintit itvnowvt ɔya,

11. Klit okla, micha Alabia okla puta kashot, Chihowa i na fehna ka, pishno pim anumpa hɔ okla isht anumpuli na eho haiyakloshke; itim achit maya tok.

12. Michā okla momvt nukhlakancha mvt, ik ai akostinicho chohmi cha ilvppvt, Katihma hinla hosh yakohmi hɔ? itim achit maya ma,

13. Anonti inla ka mvt isht yopulvt, Hatak yakohmi kv̄t oka paki himona yɔ yvm̄mi hoka; achi tok.

14. Yohmi kia Pita yashot, auah chv̄fa kash ibafohkv̄t hikia cha, im anumpa vba takalichit, Chutia hatak hv̄chia,

micha Chelusalem aiasha hvchia, hvsh moma kv̄t, ilvppa oh ithaiyana cha, v̄m anumpa h̄a hvsh haponaklashke.

15. Yakohmi kv̄t nan ishkot haksi h̄o keyu, chishno yokvto yohmi h̄o hvchim ahoba kia nitak hvshi isht v̄lpisa ont atuchina hoka.

16. Amba ilvppvto hopaii Choel vt isht anumpo-honlit,

17. Nitak himmaka pilakma yakohma hi oke: Nipi puyuta ka v̄mi shilombish ma ai isht o fohohompli la hi oke: yohmikma hvch iso nakni v̄hleha, micha hvch iso tek puta kash ot v̄ba anumpa isht anumpulikma, anonti hatak hvch̄i himithoa puta kash ot nan isht ahoba pih̄isa he; yohmikma hatak hvch̄i sipokni puta kv̄t holhpokunna ma holhpokohuna hi oke.

18. Micha nitak yv̄mma fokakma, an tishu v̄hleha, micha ohoyo an tishu moyuma ka v̄mi shilombish ā o fohohombli la he; yohmikma v̄banumpa isht anumpula hi oke.

19. Micha v̄ba shutik ā nana fehna ka a haiakahanchi lik-mvt, anonti aka yakni ma nan isht ahoba, issish, micha luak, anonti shobulli yobota aiena ya hi oke.

20. Chitokaka ī nitak chinto holitopa kv̄t ik lo k̄isha h̄o, hvshi ash ot okhlili h̄o tobakma, hvshi ninak aya ash ot issish toba hi oke.

21. Micha yakohma hi oke, Kv̄na kia Chitokaka hohchifo h̄a pit hochih̄ifokmvt okchaya he mak oke; Chihowa yvt ahanchishke: ahanchi tok mak oke.

22. Israel hatak hvchia hv̄t, anumpa yakohmi ka hvsh haiyaklashke; Chisvs Nasalet ai v̄tta, Chihowa yvt ai ahniechi hatak osh, hvch itintakla ahanta ma, yv̄mmak o Chihowa yvt isht ahullo, nana fehna, micha nan isht ahoba puyuta ka isht hvch itintakla ma, a yv̄mihinchi tuk ā, hvchishno akinli kak kia hvsh ithainayvshke.

23. Yv̄mma Chihowa yvt nan tikbanli pit akostininchi, micha ik kaniohmi kia yohma he ma im anukfila cha, issa tok pulla hatuk mak o, hvsh ishi cha, ibbak haksi yash isht iti taiyukhv̄na a takalichit hvsh bi tok.

24. Yv̄mma Chihowa yvt illi na-hotopa puta ka hotoffi

cha, tanichi tok: yummak oka yummvt a foka he vhpesa keyu hatuk oka.

25. Lewi yvt yumma isht anumpuli mvt, Chitokaka yvt sa nashuka itikba ya hikia na, pit pihisa li chatuk. Ik sa kanvillo ka hi g, yummak okvt subbak isht impak imma ya hikia hoka:

26. Yohmi hatuk o, sa chukvsh vt na yukpa ma, anonti sa sunlvsh vt yukpa tok: yohmikma sa nipi ak kia nan ahni iksho hosh foha hi oke.

27. Umi shilombish g aiokpuloka ya ish a kancha he keyu hokvt, anonti chj Holitopa tuk ash kia ant toshbit ik taba, ish im ahna he keyu boke.

28. Chishno yvt ai okchaya hina puta is sum otunichi tok; chishno vt chi nashuka ya, isht yukpalit is si alotola hi oke; ahanchi tok.

29. Hatak il itibapishi vhleha ma! nukwya ikshot hatak iki chinto Lewi atuk osh illi cha hollopi aiena tok o, im ahollopi yvt hvp itin takla ya hikia na himak a nitak fehna hatuk g, isht hvchim anumpohonli lashke.

30. Yomohmi ka hopaii atuk, micha Chihowa yvt, nipi okvto yumma isht atia ka yo, Klaist g ai ikbit yumma im ai asha holitopa tuk ash, ai o binila chj mak o, hilecha hi vt, anumpa kullo isht ai im il apihisa tok g, ithaiyana tok oke.

31. Ilvppa tikbanli akostinichi hatuk osh, Klaist vt falamvt tana hi g isht anumpuli mvt, ilap imi shilombish g aiokpuloka ya ik im a kancha ma, anonti nipi yvt toshbit ik taho ki tok aiena ka, miha tok oke.

32. Chisvs ilvppa Ohihowa yvt tanichi tuk o, yumma atokowa naa anoli pi bieka mak osh e hielishke.

33. Yohmi ka Chihowa im ibbak isht impak imma a binilit holitopa, micha Shilombish Holitopa im ihisa tak ash, iki ya im ai ihishi aiena hatuk makosh, ilvppa auct fohohombli na, himonasi ka mihamak o hvsh pisa, micha hvsh hahakloshke.

34. Lewi yvt vba shatik g ona tok keyu hoka; yohmi kia ilapinli kv, Chitokaka yvt an Chitokaka ya, Sebbak isht impak imma ya ish binili na,

35. Chin tump vheha hā chiyi ai o hikia ikbi lashke ; im achi tok, ahanchi tok.

36. Yvmohmi hoka, Islael okla moma kv̄t, Chisvs iti itai-yukhvna hvsh a takalichi chash fehna ka, Chihowa yvt yvm-mvt Chitokaka, micha Klaist aiena mak o, ikbi tok a, ithaiyana pullashke ; im achi tok.

37. Yohmi ma ilvppa okla haiyaklo mvt, chukvsh vt nuk-haklo fena mvt, Pita, micha vbanumpeshi inla aiena kash o, Hatak il itābapishi vheha ma ! nantak o e katiohma chī cho ? im ahanchi tok oke.

38. Yvmohmi ma Pita yashot, Hvsh moma kv̄t ile kostininchit, nan ai ashvchika puta isht kashofa chī ka, Chisvs Klaist hohchifo hā, im a hvchi baptismashke ; yohmikmvt Shilombish Holitopa holhpila ka hvsh isha he mak oke.

39. Anumpa hv̄t hvchishno, micha chim vlla puta aiena, micha auet hopaki pilla aiasha ka moma, peh laua kv̄t kaniohmi hō Chitokaka hvpin Chihowa yvt pit hoyā hi a, im aya hoka ; im ahanchi tok oke.

40. Michā anumpa inla mvt laiyawa hō, isht im anumpulit, anonti atohnohonchi mvt, Aivlhpesa iksho isht ai unchululi vheha ilvppa hvsh ai ile mokofashke ; ahanchi tok oke.

41. Yvmohmi ma im anumpa hā na yukpvt ihishi tuk puta kv̄t baptismo tok ; yvmohmi na nitak yvmmak inli ka hatak tablepa sipokni tuchina fokvt ibvlhkaha tok oke.

42. Yvmohmi cha vbanumpeshi vheha im anumpa hash, micha itī hullo aiena, micha pvska boshulichi, mikmvt vba pit anumpuli aiena kv̄t kullo fenhvt ahāshwa tok.

43. Yvmohmi ma hatak moma ka nukshopa hv̄t onvtuyula tok ; mihma nana fehna, micha nan isht ahoba laua aiena kv̄t vbanumpeshi vheha hash isht a yvmohmi tok.

44. Yvmohmi ma na yimmi tuk vheha hv̄t momvt ai it achvfa mvt, anonti nana puta ka ai i moma hosh ai asha tok.

45. Michā im osapa puta, vlvpoyak aiena kash okla kampela cha, hatak mominchit hatak vt nana hō bv̄nna hatuk aiyuka ka, i hopela tok.

46. Michā im anukfila mvt ai achvft, Tempel anukaka ya, nitak moma ai ahāshwa, micha chuka taloha puta ma,

pvska a boshullichit itvnowa aiena mvt, chukvsh ai ghlit na yukpvt im ilhpak ma vput aiashvt,

47. Chihowa ya ai okpahanchi ma, okla moyuma kv ahniechi tok. Yvmohmi ma okchaya he puta kano, Chitokaka yvt nitak moyuma ka vbanumpuli ikxa ya isht ibakanli tok oke.

CHAPTA III.

Pita, Chan ita tuklo kv hatak imomokpulo hlakofichi tok o isht anoa, 6.

1. YOHMI ma Pita, Chan ita tuklo kv hvshi kanvlli isht vhpisa chakkali h_o, vba pit ai anumpuli hvshi kanvlli hatuk o, tempel a itiachit ont chukowa tok.

2. Yvmohmi ma hatak vt imomokpulo yosh vta tok o, yvma okla iti sholit, tempel a, okla ont a chukowa ka, nanasi kia im asilhha chi h_o, nitak uha tempel okhissa, yvmvt hohchifo mvt aiukli achi h_o, ont okla bohyuli beka tok o;

3. Yvmmak ashot, Pita, micha Chan ita tuklo kv tempel a pit chukovvt okla chi h_o, pisa mvt nanasi kia asilhha tok.

4. Mihma Pita yvt Chan ash awant yvmmak ash aiokchifelit pihisa mvt, Auvt pi pesa, achi tok.

5. Yohmi ma yvmmak ashot nana h_o im a habena chi ka, im ahoba mvt im atia tok.

6. Mihma Pita yashot, Tvli holisso, micha tvli holisso lakna aiena hokvto ik svm ikshoshke: amba nana h_o ishi li kvto chima lishke: Chisvs Klaist Nasalet ai vta hohchifo pulla ka, wakaya cha nowa, achi tok.

7. Mihmvt ibbak im ishtimpak imma ya halvlli cha, wakeli tok: mihma ashalika iyi, micha iyi imoksak foni puta aiena kash ot hlampkot toba tok.

8. Mihma yvmmak ash ot balaklit tanit hikia cha, nowa tok: mihmvt nohovvt, anonti mullit, Chihowa ma pit aiokpahanchit, yvmmak ash awant Tempel a ont chukowa tok.

9. Mihma okla momvt yummvt noh_owa, micha Chihowa pit aiokpahanchi aiena ka, piesa tok.

10. Mihmvt yummak osh na habena ch_i hosh tempel okhissa aiukli g gsha beka tuk g, okla ithana tok : nana kv_t ai i yakohmi tuk g, okla okokko! ahnit anukhlakanchvt kvnia tok.

11. Micha hatak imomokpulo hlakofi tuk ash ot Pita, micha Chan ita tuklo ka halanli ma, okla moma kashot okokko! ahni fehnvt, o yihleptv Solomon im, apishia achi h_o nutaka ya, ont ai itahoba tok.

12. Yvmohmi na Pita yvt pih_isa mvt, okla hash im anumpulit, Israel hatak hvchia hv_t, nanta katihmi h_o ilvppa isht hvchi anukhlakancha cho? Micha nanta katihmi h_o pishno nan isht a pim ghlika akinli hokmā, keyukmvt pi achukma hokmā, nana tuk osh hatak ilvppa e nowvchi tuk o chiyuhmit aiokchifeli fenvt hvsh pi pih_isa cho?

13. Eblaham micha Aisak, mikmvt Chekob in Chihowa, micha hv_p iki vhleha in Chihowa yvt Ushi Chisvs g holitobli tok; yummak oka Pailat vt ant ik iá, im ahni vlvpiesa tuk g hvchishno vt itikba hielit kanchit ibbak hvsh fohki tok oke.

14. Micha Holitopa, mikmvt Aighli aiena tuk ash hvsh kanchi cha, hatak vbi yak osh a hvchim vlvpiesa ch_i kv_t, hvsh asih_ihla tok.

15. Micha Aiokchaya i m_iko ya hvsh bi tok o, yummak ash illi tuk g, Chihowa yvt tanichi tok o; yumma atokowa anoli vhleha pia mak oke.

16. Yumma hohchifo, hohchifo yumma a yimmi pulla hosh hatak ilvppa hlampkochi tuk o, hvsh pisvt hvsh ithaiyanvshke: ghli, yumma ai i yimmika pulla hosh haknip achukma aighli ilvppa, hvsh moma hvchi tikba ya a im ataiyahli hoke.

17. Yohmi ka itibapishili vhleha ma! na hvchik ithaiyano kak osh hvsh yvmohmi tok; micha hatak hvchi pehlich_i vhleha ak kia yohmi akinli tuk g, himak g ithaiyana lishke.

18. Yohmi kia Klaist vt ilvrsha he g, Chihowa yvt tikba

ma i hopaii puta itih ha, nana ymma puta ka isht anohonli tuk vt, ymihchit ai ghichi tok oke.

19. Ymohmi hoka ile kostinichit im anukfila inla hvchi anukfokashke; ymohmi na nitak hochukma Chitokaka itikba a mihinti kvv ahanlakma, nan hvsh ai ashvchika puta kvv hvchi kashofa hi oke.

20. Ymohmikma tikba kash isht hvchim anumpa tok Chisvs Klaist a auet chvfficha hi oke.

21. Ymmak oka vba shutik vt ieszhi pulla na, nana oklaha Chihowa yvt nitak tikba pilla mihinti ka, i hopaii hochukma puta itih ha isht anumpononli tok vt, ont ai ghla he vhpiesa hoke.

22. Moses okvt hatak pin tikba vheha ha, Chin Chitokaka Chihowa yvt hvsh itibapishi hatuk a hopaii, vno chohmi ka ikbit hvchi hilecha he: ymmak o nan oklaha nana ho hvchim ahanchikma, hvsh haiyakla hi oke.

23. Yohmikma, yakohma hi oke: kvna hosh Hopaii ymma i haponakla he keyukmut, okla ai ibafohka tuk vt ai okpulo kvv kvnia hi oke; im ahanchi mvhli tok.

24. Ahli, micha hopaii moma, Samuel ai vhlit minti, micha ola takla ha asht isht auehinchit anumponli kvv movt, nitak yakohma hi oka, tikbanlit anoli akinli tok.

25. Hvchishno vt, hopaii vheha, micha Chihowa yvt hvpin tikba vheha ha, nan it im apesvt Eblaham a, chishno isht chi ai unchululi ho, oklushi puta yakni paknaka aiasha kvv ai isht ilayukpa hi oke; im ahanchi tok, anumpa ha ushi hvchia hoke.

26. Chihowa yvt ushi Chisvs ikbit hilechi mvv, hvchishno ak o mominchit nan im ai ashvchika yg ai isht filvmmichit a chi yukpala chi ka, tikbanli auet chvffihinchi tok oke; achi tok oke.

CHAPTER IV.

Pita, Chan ita tuklo kvv aboha kvvlo vhpitta tok, 1. 8 Pita yvt nukwaya iksho tok. 18 Vbanumpeahi vheha hvv anumpa kvvlo im vhpisa tok.

1, 2. **MICHA** okla hā im anumpulit ahashwa ma, na holitompa ish vta vhleha, micha tempel atoni, mikmvt Satusi vhleha aiena kv̄t, yummvt hatak illi puta tana hi oka, Chisvs atuk mak o okla hā nan ikhv̄nanchi, micha isht anumpohonli kak o, ik im v̄lhpieso hatuk osh, ant i kocha tok.

3. Michā okla ibbak isht ieshit, aboha kv̄llo apitta na onna tok, opig hosi tok oka.

4. Yohmi kia anumpa hā hahgklo tuk vt, laua hosh yimmi tok; yvmohmi ma hatak holhtina kv̄t tahlepa sipokni tahlapi foka tok.

5. Ont onna ma yakohmi tok; Okla i pehlichika vhleha, micha hatak hochitoka vhleha, micha na holissochi vhleha,

6. Mikmvt Annas, na holitompa isht gsha pehlichi, micha Kaiafvs, mikmvt Chan, micha Aliksanta, micha na holitompa isht gsha pehlichi i kanomi vhleha moma aienvt, Cheluselem a ai itahoba tok.

7. Michā yvmmak ash o ai iklv̄na hiohlechi mvt, Kv̄ta hosh nan apesa tuk o, keyukmvt nanta hohchifo hō ilv̄ppa isht hv̄sh ai yakohmi tuk oh cho? achit ponaklo tok.

8. Yohmi ma Pita vt Shilombish Holitopa isht anukfohka fehna mvt, Okla pehlichi vhleha micha Israel i hochitoka vhleha hv̄chia ma!

9. Hatak iksitopo vt nan isht il ayukpa yvt im v̄lhtaha tuk a, kaniohmi hō isht a hlakofi tuk a, himak nitak a pishno ak o pi ponaklo hatuk oka,

10. Hv̄chishno vt hv̄sh moma, micha Israel okla moma kv̄t hv̄sh ithaiyanashke; Ohisvs Klaist Nasalet ai vta hohchifo pulla, yv̄mma iti itaiyukhv̄na hv̄sh a takalichi tok o il̄k̄ tuk a, Chihowa yvt tanichi tok: yvmmak fehna kak o, hatak ilv̄ppvt isht a hlakofi cha hv̄chi tikba yā, yak hikia hoke.

11. Tv̄li ilv̄ppak o, chuk-ikbi vhleha hv̄chia hv̄t, ik aho-balot hv̄sh kanchi tok mak o, yvmmak ash ot chukbi ka nutak intola fehna toba hoke.

12. Michā ai okchaya mvt inla kia ik̄sho: shutik nutaka yā hohchifo inla ma hatak puta ka auct ai ima tok o, mihi yo il̄ ai okchaya he v̄lhpesa kv̄t ik̄sho hoka; im ahanchi tok.

13. Yohmi ma Pita, micha Chan ita tuklo kv̄t nukw̄ya iksho h̄o okla pih̄isa, micha yv̄mmvt hatak holisso imponna keyu, micha nan ik ithano aiena yatuk a, akostininchi mvt, okokko! okla aiahni tok; micha yv̄mmvt Chisvs a apehvt aya tuk a, okla im akostininchi tok.

14. Michā hlakofi tuk hatak ashot ibafokv̄t hikia na, okla p̄isa hatuk osh, yv̄mma okla nan isht a miha he keyu tok.

15. Amba ai itv̄naha ka a kohcha ch̄i ka, okla im apesa ha yokv̄to, ilap b̄ika it im anumpulit m̄ayvt,

16. Hatak ilv̄ppa nanta k̄o eho katimihcha ch̄i h̄o? na fehna ithana hinla mak o, yv̄mma ai isht yvmohmi mv̄hli tuk a, Chelusalem ai asha kv̄t momvt akostininchi hoka; anonti pishno vt ik āhlo, e miha he keyushke.

17. Amba okla h̄a ibai a chukov̄t i shahlit isht ik aiyō ka he a, i nokowa fehvt, himmak a pilla ma, hatak nana kia hohchifo ilv̄ppa isht ik im anumpulo ka hi a, iloh im apesashke; ahanchi tok.

18. Mihmvt okla pit i howa cha, Chisvs hohchifo h̄a isht ik anumpulo kv̄mohmikmvt, anonti nan im av̄vchit ik ah̄ashwo ka ch̄i h̄o, im apesa tok.

19. Yohmi kia Pita, micha Chan ita tuklo kash ot, afalaminchi mvt, Hv̄chishno ak o a hv̄ch̄i haponaklo kv̄t, Chihowa ya, i shahlich̄i kak okm̄a, nanta kosh Chihowa itikba ya ai v̄hpiesa h̄o anukfillit ho pesá.

20. Nana ka e p̄isa tuk, micha e hah̄aklo tuk aiena kv̄t, isht kil anumpulo ka he keyu hoka; im achi tok.

21. Yvmohmi ma okla hatuk pulla mak o, kanimihchit a f̄v̄mma hinla kv̄t, ik akostinincho hatuk osh, achakalit nan i mihvt tahli mvt, ant ik ayá, okla im ahni tok; nana kv̄t a yvmohmi tuk a, hatak moma kv̄t, Chihowa ya pit isht holi-tobli hatuk o.

22. Hatak vt hopahki kv̄t af̄v̄m̄mi pokoli ushta ka atampa h̄o na fehna nahlakofichi ilv̄ppvt ai i yvmohmi hatuk oka.

23. Ant ik ayá, im ahni mv̄no, ivt ilap ai itapeha ai asha kash itonachi tok; micha na holi-tompa isht otta v̄hleha, hohchitoka aiena kv̄t nana im achi tuk ash mominchit anoli tok.

24. Mihma yv̄mma okla haklo mvt, im anukfila ai ach̄v̄vt,

Chihowa ya okla pit im anumpuli mvt, Chitokaka ma! chishno akosh Chihowa chia hosh, vba shutik, micha yakni, mikmvt okhvta, micha nana moma yakohmi aiasha ka ikbi tok chia hvt;

25. Lewi chim vlla itih ha isht ish ai anumpuli mvt, Nanta katihmi ho okla nan ik ithano yvt nokowa ma, anonti okla hvt nana tok keyu ka anukfillit ai asha tok oh cho?

26. Yakni miko vhleha hvt hieli ma, yohmi na pehlichi vhleha hvt Chitokaka, micha i Klaist aiena ka i sanalit itahomba tok, ish achi tok.

27, 28. Ahli mvhlishke, chiso holitopa Chisvs, yvmmak o chishno vt ish il a hvmmichi tuk ash, Helot vt Pashis Pailat g ita tuklot, okla nan ik ithano vhleha, micha Israel okla aiena ka itapehvt i sanalit nana hosh kaniohma hi g, chibbak, micha chim anukfila aiena kvt, tikbanlit aiahni tok g, yvmihcha chi mak osh, okla itahohomba tok oke.

29, 30. Yvmohmi ka himonasi g, Chitokaka yvt okla im anumpa palvmmi g ish ithaiyanashke, micha hlakoficha chi kvt, chibbak g auet ish wihinli; micha nan isht ahoba puta, anonti na fehna puta aiena kvt chiso holitopa Chisvs hohchifo pulla ka isht a yvmohmi na, chin tishu vhleha hvt nukwaya iksho hosh chim anumpa ha isht anumpohonla chi ka auet ish im aiahnashke; achi tok.

31. Yvmohmit vba pit anumpulit okla in taiyaha ma, itv nahvt okla a chieya tuk ash winakahanchi tok; yohmi ma momvt Shilombish Holitopa yvt anukfohkvvt kunia mvt, nukwaya iksho hosh Chihowa im anumpa ha okla isht anumpohonli tok oke.

32. Okla laua na yimmi tuk vhleha hashot chukvsh achvfa mvt, Shilombish mvt achvfa hosh ai asha tok; micha achvfona kia nana im aiasha kvt kaniohmi ka ilvppa vno vmmi fena, achi tok keyu; amba nana moma ai i moma hosh aiasha tok.

33. Ubanumpeshi vhleha hash ot nan ghlika chinto ka il aieshi hosh, Chitokaka Chisvs vt tani tok g atokowa okla anohonli tok: yvmohmi ma ayukpa chinto kvt mominchit onvtoyula tok.

34. Micha achvfona kia nana kv̄t ik im iksho mvt ibafoka tok keyu; amba osapa, micha chuka kia in talohmaya aiyu-kali atuk vt, kampila cha, nana hosh nana kanchi ka it vlh-toba tuk puta ka, okla isht ai vla tok.

35. Micha yvmmak ash vbanumpeshi vhleha iyi ituma ya, ant ashachi tok; yohmi na hatak vt nana ka banna ka aiyu-kali tuk a isht i holhpila tok oke.

36. Yohmi ma Choses atuk o, vbanumpeshi vhleha hvt Banabas hochifo tok, yvmmtv toshowakmvt Nana im abv-chi ushi achi hoke, Lefait hatak Sairivs yakni vta vt,

37. Osapa in talaia tuk osh, kanchi cha, tvli holisso a isht vla cha, vbanumpeshi vhleha iyi ituma ya, ant ashachi tok oke.

CHAPTA V.

Ananaivs, Safaila itatuklo kv̄t, Pita yvt nan i miha ma, illit aka kaha,

1. 12 vbanumpeshi vhleha hvt na fehna puta yvmihinchi tok.

1. YOHMI kia hatak achvfa Ananaivs hochifo hosh, tekchi Safaila itatuklot, osapa kanchi,

2. Micha isht vlhtoba tuk ash kashvblit ishi tok; tekchi ak kia im akostininchi ho; micha a kashampa ho isht vla cha, vbanumpeshi vhleha iyi ituma ant bohli tok.

3. Yohmi ma Pita yashot, Ananaivs, nanta katiohmi ho Shilombish Holitopa ya ish i holabi cha, osapa isht vlhtoba tuk a kashvblit ish isha chi ka, Setan vt chi chukvsh a anuk-fohki tok oh cho?

4. Talaya moma mvt, chishno ak o chimmi ha tok keyu? micha yvmmtv kunia ha ya, chishno chibbak o foka tuk keyu? nanta katiohmi ho, ilvppa chi chukvsh anukaka isht chim anukfiela tuk oh cho? Hatak o ish i holabi tuk keyu, amba Chihowa ak atuk oke; achi tok.

5. Yvmohmi ma, Ananaivs ashot anumpa ilvppa hahaklo mvt, aka itulvt fiopissa tok; yohmi ma na yakohmi ka haklo kv̄t momvt nukhlakancha fehna tok.

6. Mihma hatak himita vhleha yosh wakayvt, nan abo-nullit isht kohcha cha, ont okla hohpi tok.

7. Mihma yummak atuk g hopaki kvv hushi kanvlli isht vhpisa tuchina foka hq, tekchi vt nana kvv yvmohmi tuk g, ik akostinincho hosh ant chukowa tok.

8. Mihma Pita yvt im anumpuli mvt, Yakohmi hq osapa yg hvsh kanchi tuk okmá, nanakmvt, is svm anolashke ; achi tok, mihma, Yau, yummak okvno ; achi tok.

9. Mihma Pita yashot, Katiohmi hq Chitokaka imi Shilombish g imoma ka hvsh pisa chj kvv, hvchim anukfila hvv ai achvfa tuk oh cho ? Chj hatak g hohpi tuk, micha chish-no ma isht chi kohcha chj vhleha iyi vt okhissa yg gsha ka, pisá ; im achi tok.

10. Yohmi ma mih makinli hq yummak ash ot iyi ituma ya ont itula mvt fiopissa tok ; mihma hatak himita vhleha yash ot ant abeha cha, yummvt illi tuk o pisa mvt, ishit kohcha cha, j hatak ont apotulit hohpi tok.

11. Mihma vbanumpuli ikxa yvt moma, micha kaniohmi hosh na yakohmi ka haklo tuk vt momvt nukshopa fena tok.

12. Yvmohmi ma vbanumpeshi vhleha ibbak g nan isht ahoba, micha na fehna aiena laua kvv okla itintakla yg isht g yvmohmi tok. Mihma momvt im anukfila hvv ai achvvt Solomon im apishia nutaka chieya tok.

13. Mihma inla hokvto nukwia kvv hatak achvfa kia ik ibafohko ki tok ; yohmi kia okla hokvto yvmma ahninchí tok.

14. Mihma na yimmi vhleha hatak nakni, micha ohoyo puta aiena kvv, laua hosh Chitokaka yg ai ibvlhkaha kvv j shahlit ia tok.

15. Yohmi hatuk o Pita yvt gyvt ont iakma shilombish ak illa kia kaniohmi ka pit o hoshontikacha hi g, abeka puta ka isht kohchvt hina puta isht onvt topa, micha topushi aiena paknaka ont okla o kahpulli tok.

16. Mihma auet abilika temaha talohmgvvt fullota ka gsht minti kvv laua hosh abeka puta, micha na shilombish okpulo puta isht issikkopa vhleha hatuk aiena isht gyvt, Cheluselem g ai vla tok ; mihma momvt hlakofit taiyaha tok.

17. Yohmi ma na holitorapa isht gsha pehlichí, micha apeha tuk vt, (yummvt Satusi ikxa yatuk osh,) momvt wakaya mvt, anukhobela fehna tok.

18. Mihmvt vbanumpeshi vhleha h_g, okla ibbak isht ieshi cha, okla moma im aboha kvllo y_o pit apitta tok.

19. Yohmi tuk kia Chitokaka im enchil vt ninak g aboha kvllo okhissa y_a ant tiwit tahli cha, pehlichit kohcha mvt,

20. Oh ia cha, ai okchaya ilvppa isht anumpa h_g mom-inchit tempel anukaka y_a ont hielit okla h_g isht hvsh im anumpohonlashke ; achi tok.

21. Mihma yvmma okla haklo mvt, onnahinli fehna tempel g ont abeha cha, nan ithvnanchit ahashwa tok. Yohmi kia na holitempa isht asha pehlichit vt apeha tuk ash aient ai vla mvt, nan apesa vhleha, micha Israe_l okla i hochitoka moma i howvt itahobi mvt, yvmmak ash isht vla ch_i h_o, aboha kvllo g pit tihleli tok.

22. Yohmi tuk kia nan vlhtoka vhleha hash ot ai vla cha, aboha kvllo anukaka y_a, yvmmak ash ant ik a peso mvt okla falamvt ont anolit,

23. Aboha kvllo yokvto vlhkama achukma bano, yohmi ma apistikeli yvt okhissa puta itikba kocha y_a hiel_i h_o, ont e pisa ho mvhli tuk, yohmi kia e tiwi mvt, hatak nana kia anukaka y_a asha na ke peso kano ; ahanchi tok.

24. Yvmohni ma na holitopa isht asha pehlichit i shahli micha tempel atoni, mikmvt na holitempa isht asha pehlichit vhleha aiena kv_t, na yakohmi ka haklo mvt, nana ak o ilvppvt ont ai vlhpiesa hinla ka, ik ai akostininchot okla aia-sha tok.

25. Yohmi ma achvfa kv_t gyvt okla hash ant im anohonli kv_t, Yakeh ! hatak aboha kvllo pit hvsh apitta tuk ash o tempel anukaka y_a hielit, okla h_g nan im abahanchishke, achi tok.

26. Yohmi ma nan atoni ash ot, nan vlhtoka vhleha hash itvpeha cha ia mvt, okla h_g i nukshopa, yvmmak keyukmvt, teli okla isht boa hinla hatuk osh, yvmmak ash o nan ik kan-ihcho hosh ont pehlichit vla tok.

27. Ont okla pehlichit vla mvt, nan apesa vhleha itikba y_a hiohlichit tok : yohmi ma na holitempa isht asha pehlichit yvt im a ponaklot,

28. Hohchifo ilvppa isht im avvchit hvchik ahanto ka hi

g, kullochi fehnvt okla e chim apesa tuk keyu? Yohmi kash o Cheluselem g hvchim anumpa isht ai alotolit hvsh kaiyanchi; yohmi mvt hatak ilvppa im issish g pishno ak o isht pi onochi hvchi bonnvshke; ahanchi tok.

29. Yohmi ma, Pita, micha vbanumpa isht vtta vhleha inla aiena kashot afalaminchi mvt, Chihowa yak o il im antia kvv hatak g, il i shahlichá he tuk oke.

30. Hvpin tikba puta in Chihowa yvt, Chisvs yvmma iti a takalichit hvsh bi tuk g, tanichi tok.

31. Yvmmak o Miko, micha Nan okchalinchi aiena cha, ilekostoninchi Israel g anukfohki, micha ai ashvchika aiena ma kashofa chi ka, Chihowa yvt ilap ibbak ishtimpak imma ya isht holitobli tok oke.

32. Yvmohmi ka pishno ak osh nan ilvppa puta ka isht im a atokowvt anoli pia; yohmikma Shilombish Holitopa, yvmma Chihowa yvt im antia vhleha hg ima tok g, yohmi akinli hoke; achi tok.

33. Yvmma haklo mvt, okla anukhobela fehna mvt, vba chi kvv, isht anumpulit maya tok.

34. Mihma achvvt Falisi hatak, Kameliel bohchifo, nan vlvpisa ikhananchi, okla momvt i holitopa cha tuk o, nan apesa vhleha itin takla ya hikia mvt, vbanumpeshi vhleha hash, chekosi takla ka kocha pit ashacha chi ka, miha tok.

35. Yvmohmi mvt, Israel okla hvchia hvv hatak ilvppa imma yo, nana kanihcha chi ka, hvsh aiahni hokvto, ahah! isht hvsh il aiahnashke.

36. Himak nitak takla ka, Hlutas vt ilap ak osh hatak fehna mak o, mihvt ahanta na yvmma hatak holhtina kvv tahlepa ushta fokvt iba kaha tok o; yvmmak ash o vbi ma, im antia vhleha hatuk ash ot momvt, ita fimimvt, ont aiok-pulokvt taha tok.

37. Chutvs Kalili hatak osh hatak ilvppak ash achkvv, okla holhtinvv maya nitak ash ahanta cha, okla lava ka isht il akanvllichi tok osh, yvmmak ash kia illi tok: yohmi ma kanihmi hosh im antia tuk vt, momvt itatiavvt taha tok.

38. Yvmohmi hoka, Hatak ilvppa nan isht hvchik ahalaio hg, peh gáht ik itvnowá; chim ahanchi lishke Anumpa, mi-

cha, nan isht vtta aiena ilvppvt hatak atuk okma, ont aiok-pulokvt taha chi hoka.

39. Amba yvmma Chihowa yak atukmvno, ai okpvnit hvsh kancha he keyushke. Yvmmak keyukmvt, Chihowa yak o itibi hosli hvsh ahghwa na hvchi ahayucha hinla hoke ; im ahanchi tok.

40. Mihma, vlvpesa okla im ahni tok. Micha vbanumpa isht vtta vhleha hash i howa cha, fvmmit ashachi mvt, Chisvs hohchifo ha okla isht ik anumpolo ka chi ka, im apesvt taiyahli cha, kvnompit tihleli tok.

41. Yohmi ma yvmma hohchifo pulla ho na hofahya ka isht ile pisa he a, ont ai vlvpiesa tuk vt, na yuhukpvt nan apesa vhleha itikba ya asht okla ia tok.

42. Micha nitak moma tempel anpkaka, micha chuka taloha moma ka, nan im avvchi, micha Chisvs Klaist isht anumpuli aiena kvv okla ik isso tok.

CHAPTA VI.

Vbanumpeshi vhleha hvv hatak ilvsha ithana, micha anumpa ha isht anumpuli aiena, 1. 5 Hatak vlvhtoka untuklot vlvhtoka tok.

1. NITAK yvmmak foka, nan ithvna vhleha hvv laua kvv isht i shaht taha ma, im ohoyo vlvhtakla puta ka nitak moma nana iti hopela ya ahaksichi beka hatuk o, Klik okla hvv Heblu okla ha nanumachit aiasha tok.

2. Yohmi ma avvhtuklo kashot nan ithvna vhleha laua kash itahobi cha, Chihowa im anumpa ha il issa cha, ai im-pa yak o isht il ai ghwa he, vlvpesa keyushke.

3. Yohmi hoka il itibapishi vhleha ma ! hvsh ai itvpeha ya hatak untuklo annoa achukma chatuk, nan imponna, micha Shilombish Holitopa anukfohka aiena ho hvsh atokoli na, yvmmak o nan ai isht vtta ilvppa e hiehlechaashke.

4. Amba pishno ak okvto, vba pit anumpuli, micha anumpa isht vtta aiena kak o, kil isso kvvohma chi hoke ; achi tok.

5. Yohmi ma okla lava kash ot momvt anumpa ha aiok-

panchi tok. Yohmi mvt Istefin hatak na yimmi, micha Shilombish Holitopa yvt anukfobka fehna, micha Filip, micha Pokolvs, mikmvt Naikena, micha Taimon, micha Paminvs, mikmvt Nikolis vbanumpa nukfobka Antiak ai vtta aiena ho, okla atokoli cha,

6. Yvmma puta kash o vbanumpeshi vhleha itikba hiehlechi tok. Mihma okla vba pit anumpuli mvt, ibbak isht umbitepa tok.

7. Yohmi ma Chihowa im anumpa hvt isht i shahlit ia ma, Cheluselem a nan ithvna vhleha holhtina laua kvv i shahlit ishtia fehna tok; yohmi ma na holidompa isht asha lawa fena kvv ayimmika ya im antivt aiasha tok.

8. Mihma Istefin vt ayimmika, micha isht ai ahlika aiena kvv isht alota mvt, nan isht ahoba chinto, micha nafehna aiena ka, okla itin takla ya a yvmihinchi tok.

9. Yvmohmi ma sinakak Laibatin okla i sinakak achi ho, asha yatuk, micha Sailini okla, micha Aleksantia okla, mikmvt Silisia, micha Asia minti aiena kaniohmi kvv, Istefin a itim anumpulit hieli tok.

10. Yohmi kia chukvsh, micha ahopoyuksaka aiena ho isht ai anumpuli hatuk ash, okla nan isht a miha he keyu tok.

11. Yohmi mvt hatak lumvt tohno na, Yvmmak ashot Moses, micha Chihowa aiena ka ik ahobalot isht anumpohonli ka, e haklo kano; achi tok.

12. Mich a okla puta, mikmvt i hochitoka vhleha micha holissochi vhleha aiena kash okla ihkolihinchi na, okla i kohcha cha yvmmak ash ishi mvt, nan apesa vhleha ha isht im ona tok.

13. Mich a hatak nana aholvbi ya hiehlechi na, yvmmak ash ot, Hatak ilvppvt aholitopaka ilvppa, micha nan vlpisa aiena ka, anumpa ik ahobalo isht mihachi kvv ik issoshke.

14. Chisvs Nasalet ai vtta ilvppvt ilvppa okpvna he, micha nan vlpisa puta Moses vt hvv ima tok a invcha he, ilvppvt achi ho, okla e haklo kamo; achi tok.

15. Yvmohmi ma, itvnahvt maya kash ot momvt yvmmak

ash aiokchifeli fehnvt pisa ma, nashuka mvt enchil nashuka yō chiyuhmi na, pisa tok oke.

CHAPTA VII.

Istefin g im asilhvchi hatuk o isht il anumpuli.

1. YUMOHI ma na holitopa isht asha pehlich i ashot, Nana kv̄t yakohmi hō mv̄hli cho ? achi tok.

2. Mihma yvm̄mak ashot, Hatak itibapishi li v̄hleha, mi-cha an tikba puta ma ! hv̄sh haiyaklashke. Pin tikba Eblaham vt Chalan g, ont ik vtto k̄isha hosh, Mesopotemia ak o anta moma ma, Chihowa holitopa yvt ant i haiaka tok.

3. Mihmvt yvm̄mak ash o, Ch̄i kanomi v̄hleha i fil̄v̄mmit, ch̄i yakni g a kohchvt ḡyvt, yakni chi pisachi la ch̄i ka, ish lashke ; im achi tok.

4. Mihma Kaltia okla i yakni ash a kohchvt minti cha, Kalan ak o ant ai ahanta tok. Atuk o īki vt illi ma, yvm̄mak ash o a wihachit yakni ilv̄ppa himonasi hv̄sh ai ahashwa ka, isht v̄la tok.

5. Ulla yvt ik im iksho k̄isha ma, ilap miha isht ai-un-chululi aiena ka, yvm̄mvt immi ha he mak o, ima hi okvt, i miha tok nana kia, a binila hi g peh iyi p̄v̄tha a habli achv̄fa kia, ilap g ik emo ki tok.

6. Miha Chihowa yvt yakohmichit anumpuli tok : Yvm̄ma isht ai unchululi v̄hleha hv̄t yakni inla ai itv̄nowa he ; yohmikma okla yukachit ilbv̄shahanchi na, af̄v̄m̄mi tahlepa ushta he.

7. Yohmikma oklushi nana hō i yukvt ahashwa tukma, yvm̄ma na kanichi la hi oke ; yohmi ha mv̄no, okla koche wiha cha, ilv̄ppa ant a si aiokpahaneha hi oke ; Chihowa yvt achi tok.

8. Mihmvt hakshup t̄v̄pa nan v̄lv̄pisa ka ima tok. Atuk o Eblaham vt Aisak g ikbi cha, nitak isht untuchina ma, hakshup tv̄bli tok. Atuk o Aisak vt Chekob g ikbi tok o, Chekob vt hatak p̄iki hochitoka suah tuklo ka ikbi tok.

9. Yohmi tuk o, hatak īki hochitoka yash ot Chosef g i

nukkilli hatuk osh, nan isht chumpvt Echip g pit kanchi tok ; yohmi kia Chihowa yvt awant anta tok.

10. Micha nan isht im a palvmmi puta ka mominchit ai isht kohchi cha, Echip miko Feleo g itikba ya aholitopa, mi-cha nan imponna aientv ahanta chi ka, ima tok ; yohmi na yvmmak ashot Echip yakni, micha in chuka moma pehlich i ikbi tok.

11. Yvmohmi ma Echip yakni moma, micha Kenan aiena ka na hohchvfo, micha na palvmmi chinto aiena kv onvtu-yula-tok ; yohmi ma hvpin tikba vhleha hashot nan ilimpa nana kia ik ahayucho ki tok.

12. Yohmi kia Echip g tanchi vt gsha na Chekob vt ha-klo mvt, hvpin tikba vhleha ak o vmmona ka pit tihleli tok.

13. Atuk o ont atukla kak o, Chosef vt itibapishi vhleha ha im il anoli tok. Yohmi ma Chosef i kanomi vhleha ha-tuk vt Feleo g im annoa tok.

14. Yohmi ma Chosef vt iki Chekob, micha i kanomi vhleha moma kv, hatak pokoli untuklo akucha tahlapi ho, pit hoyo hosh, pit chvffichi tok.

15. Yohmi na Chekob vt Echip g ona tok osh, ilap ash, micha hvpin tikba vhleha aientv illi tok.-

16. Yvmohmi na ishtvt Saikam g isht ona cha, Eblaham vt ahollopi Saikam iki, Ema ushi vhleha ha tvli holisso isht in chumpa tok g, ont fohki tok.

17. Yvmohmi kash o Chihowa yvt anumpa kvllo Ebla-ham g nan isht ai im apihja tok, nitak vt ai ona het ma-haya ma, okla hashot Echip g a laua kv i shaht isht mahg-ya na,

18. Miko inla Chosef g ithana keyu hosh hikia tok.

19. Yvmmak ash osh hvpi kanomi vhleha ha haksichi mvt, hvpin tikba vhleha hash o ilbvshachi, yvmohmi cha okcha-yvt ik mayo ka chi ka, im vllo si g isht kampila beka tok.

20. Yvmmak foka ma Moses vt vtta mvt, aiukli fehna, yvmohmi cha iki in chuka ya hvshi tuchina ho, a pishi tok.

21. Yvmohmi tuk o kocha kanchi ma, Feleo ushetik vt eshi cha, ilap ushi a chi ho hofantichi tok.

22. Yvmohmi ma, Moses vt Echip okla nan ai ithana

puta ka mominchit ithaiyana, yvmohmi mvt anumpa puta, micha na fehna puta aiena ka isht anta imponna tok.

23. Yvmohmi tok osh hopaki kv̄t afv̄m̄mi pokoli ushta ont v̄lh̄piesa mvt, itibapishi Israēl ushi v̄hleha h̄ḡ ī nowvt gya hi oka, ch̄ukv̄sh anukfoyuka tok.

24. Yvmohmi tok osh, ach̄v̄fv̄t nan v̄lh̄pesa keyu h̄ḡ isht ilbv̄sha na pisa mvt, yvm̄mak ash apelv̄chi, yohmi cha, issikopa tuk ḡ atobbit, Echip hatak ash vbi tok.

25. Yv̄mma ibbak ak ō Chihowa yvt isht hlakoficha hi ḡ, itibapishi v̄hleha hv̄t okla akostininchi hatuk ḡ, im āhoba hatuk kia, okla ik akostinincho ki tok.

26. Yvmohmi tuk ō nitak ont at̄ukla ma itibi hosh āshwa ma, yvm̄mak ashot ont ī haiaka cha, itin nanaiyv̄cha ch̄i hosh, Hatak, itibapishi hv̄chia hoke; na kat̄ihmi h̄ḡ hv̄sh iti okpv̄ni cho? ahanchi tok.

27. Yohmi kia in chuka panta hatak okpv̄ni tuk ashot, Kv̄ta hosh na pi pehlich̄i, micha na pim apesa aiena ka chikbi tuk ō?

28. Pilashash Echip hatak ish bi tuk vt, is sa chomicha ch̄i h̄ḡ? achi mvt, naksi ka pit tobli tok.

29. Yohmi ma ilv̄ppa ahanchi ka, Moses vt kv̄nia cha, hatak nowvt gya yosh, Matian yakni yā ahanta hosh, yvm̄mak ō ushi tuklo ka ai ikbi tok.

30. Atuk̄ ō afv̄m̄mi pokoli ushta kv̄t ont taha ma, Chitokaka im enchil vt yakni haiaka nv̄nih chaha Saina yā bv̄faha an̄uka luak libbi h̄ḡ, ant im a haiaka tok.

31. Moses vt yv̄mma pisa mvt, na pisa kv̄t okokko! aiāhni tok; micha akostinincha ch̄i hosh bil̄ika ona ma, Chitokaka im anumpa hv̄t im v̄la kv̄t,

32. Uno akosh chin tikba v̄hleha yā in Chihowa sia, Eblaham ḡ in Chihowa, micha Aisak ma in Chihowa, micha Chekob ḡ in Chihowa sia mak oke; ahanchi tok. Yohmi ma Moses vt w̄v̄nihinchi mvt, atokowvt pisa nukwia tok oke.

33. Yvmohmi ma Chitokaka ashot, Shulush ḡ ch̄iyi ish a shuelashke; ish a hikia yv̄mmvt yakni holitopa hoka.

34. Um̄ okla v̄hleha Echip ai ah̄ḡshw̄t ilbv̄sha ka pisa kv̄t pih̄isa li: micha okla yah̄aya ka hab̄aklo li chatuk;

yvmohmi cha kocha weli la chj hosh aka minti lishke. Yohmi ka minti, chishno ak o himonasi a Echip a pit chi chvffichi lashke; im achi tok.

35. Moses ilvppa, okla shitilema cha, Kvt hosh na pehlichy, micha nan apesa aiena ka chikbi tok o? ahanchi tok ash fena akinli ka, na pehlichy, micha na hlakofichy aiena ka, enchil bvfa ha anka ai i haiaka ka ibbak o, Chihowa yvt isht a pit chvffihinchy tok.

36. Mihma na fehna, micha nan isht ahoba puta aiena ka, Echip yakni, micha okhota humma, mikmvt afvmmi pokoli ushta ho yakni haiaka ya, isht a kaniminchy hosh, yvmma pehlichy kohcha tok.

37. Moses ilvppak osh Israel ushy vhleha ha, Chihowa hvchin Chitokaka yvt hvsh itibapishy hatuk a, hopai vno chohmy ho, ikbit hvchy hilecha he; yvmmak o hvsh i haponakla hi oke; im ahanchy tok oke.

38. Ilvppak osh yakni haiaka okla ai itvnaha ka ibafohka, enchil vt nvny chaha Saina ya ai im anumpuly ka awant anta; micha hvpy tikba vhleha ma ibafohka tok; yvmmak osh isht ai okchaya, nan vlpisa puta ka hvpy ima chy kv, ishy tok mak oke.

39. Yvmmak o hvpy tikba vhleha hvpy im anta he keyu hosh, amba naksi ka py toby cha, chukvsh vt falamvt Echip a ia mvt,

40. Alon ash o Py tikba ilhkola chy ka, Chitokaka puta ka, py ikbi; Moses ilvppa py pehlichy Echip yakni ai isht py kohchy ano, nana mak osh isht a kaniohmy tuk chishba, kil ithaiyano hoka, im ahanchy tok.

41. Michy nitak yvmma foka ma, wak ushy okla ikby cha, na holba toba yash nan isht aiokpvy ya, isht im ai vly cha, ilap ibbak nan ikby tuk a isht il ai yukpvt aiasha tok.

42. Yohmy ma vba fochik puta ka, okla aiokpvy chy mak o, Chihowa yvt issvt i filvmmi tok. Hopai vhleha i holisso ha a holihiso kv, Israel in chuka achvfa vhleha hvchy ma! afvmmi pokoli ushta ka yakni haiaka, nan vlpoba nipy puta, michy nan isht ai okpvy puta aiena ka, isht hvsv sum ahanla cho?

43. Amba Molak im vltipo a, micha Limfan chin Chihowa i fochik aiena, na holba hvsh aiokpvcha chi mak osh, hvsh ikbi tok vt shoyulit hvsh aya cha tok. Yvmohmi hoka wihachit Babulon misha pilla, hvch isht aya la hi oke, achi hoka.

44. Yvmmak okvt Moses a i mihvt, kaniohmi ho pisa tuk vt, holba ho ikba he o, apesa tok mak o, hvpin tikba vhleha hvt yakni haiaka ya isht ai atokowa vltipo vt in takali tok.

45. Atuk o hvpin tikba vhleha hak kia, yvmma ishi tok osh, Choshua a apehvt oklushi nan ik ithano, yvmmak o Chihowa yvt pin tikba vhleha itikba ya a kohchit tihlihlinli tok, i yakni a isht chukowa tok o, ituyula na, Lewi vt ahanta nitak a oyuna tok.

46. Mihma yvmmak osh Chihowa itikba ai isht il ayukpa alayuchi, yvmohmi cha, Chekob in Chihowa ya aboha im atahli bnna tok ;

47. Yohmi tuk kia Solomon ak osh chuka ya im ikbi tok.

48. Yohmi kia Moma i shahli hvt tempel puta ibbak o isht ikbi yokvno, ai ahanta cha tuk keyu ;

49. Uba yvt vm aiasha okma, yakni vt saiyi ai o hikia yoke. Chuka nanta ho hvsv sm ikba chi ho? mikma a foha li ak osh nanta ho?

50. Uno subbak ak osh nana ilvppa moma ka ikbi tok keyu cho? Chitokaka yvt achishke ; hopaii vt achi hoka.

51. Ikunla kullo, micha chukvsh mikmvt haksobish aiena wishakchi ik tapo hvchia hvt, Shilombish Holitopa ya i svnalit hvsh bilia. Hvchin tikba vhleha hvt yohmi tok a, hvsh chiyuhmishke.

52. Hopaii vhlia ha katima kak o hvchin tikba vhleha hvt ik ilvshacho ki tok o? MichA Aighli vt aya hi a, tikbanli anoli vhleha, yvmma okla vbi tok o mihi o himak a hvchishno vt na haksichi, micha nan vbi aiena hvsh a toyuba tuk oke.

53. MichA enchil vhleha hosh nan vlpisa ya auct tosholi

na, hvsh eshi tok ; yohmi kia hvchik holitoblo cha tuk oke : achi tok oke.

54. Yohmi ma na yakohmi ka okla haiyaklo mvt, chukvsh vt nvhla tok ; micha yvmmak ash noti isht o shakan-
lichi tok.

55. Yohmi kia yvmmak okvt Shilombish Holitopa anuk-
fohkvv kvnia hatuk osh, vba ya pit ai okchifeli fehnvt
hopokoyo mvt, Chihowa im aholitopaka, micha Chisvs vt
Chihowa im ibbak ishtimpak imma ya hikia aiena ho, pisa tok.

56. Michā, Ūba yvt tiwa, micha Hatak Ushi vt Chihowa
ibbak isht impak imma ya auet hikia aiena ho, pisa lishke ;
achi tok.

57. Yohmi ma chitoli fehnvt okla tasali mvt, haksobish a
akvmmi cha, achvfa chohmit o yihhleptv tmaha ha ishit a
kohchi cha, tvli ishit boli tok.

58. Yohmi ma nana atokowa anoli vlheha hashot, ilap
anchi a hatak himita Sal hohchifo ho, iyi ituma ont ashachi
tok.

59. Michā Istefin vt pit im payvt, Chitokaka Chisvs ma !
Sa shilombish a ish ishashke ; ahanchi na, okla tvli ishit
boli tok.

60. Yohmi ma hvchukbihleptv hikia cha, chitoli hosh,
Chitokaka ma ! ai ashvchika ilvppa isht ish onochi na ; achi
tok. Michā ilvppa ahanchi mvt, nusit kvnia tok oke.

CHAPTA VIII.

Filip vt Samelia ya vbanumpuli iksa ghilichi, 5. 26 Ehliopia hatak
anumpeshi yq baptismochi.

1. YUMMVT illi ka Sal vt vlhpesa ahni tok. Michā
nitak yvmma feka ma, vbanumpuli iksa Cheluselem gshwa
tok a i palvmmichi fehna tok ; yohmi ma momvt ita fimim-
ptv Chutia yakni, michā Samelia aiena a mominchi na, vba-
numpeshi vhlaha hash illa tok.

2. Yohmi ma hatak hochukma yesh Istefin a hohpit
taiyahli mvt, okla isht yaiya fena tok.

3. Yohmi ma Sal vto, vbanumpuli ikxa ya okpvnit, chuka moma iba chukowa cha, hatak puta, ohoyo puta aiena ka halvllit ishit, aboha kvlllo pit apihinta tok.

4. Yvmohmi hatuk o ita fimimpa tuk vhleha hash ot, anumpa ha isht anumpulit kanima moma itvnowa tok.

5. Yohmi ma Filip vt Samelia tmaha ha ona cha, Klaist g isht im anumpohonli tok.

6. Mihma okla hv, yvmmvt na fehna yvmihinchi ka haklo, micha pihisa aiena mvt, im anukfila ai achvfvvt Filip vt nana ahanchi puta ka, haponaklo tok.

7. Shilombish okpulo puta a foyuka tuk vt chitolit tahpanlvvt lawa ka a kocha wiha hatok o; micha palsi isht abeka lawa tuk, micha imomokpulo aiena tuk vt hlakofi tok.

8. Yvmohmi ma tmaha yvmma a yukpa chinto tok.

9. Yohmi kia hatak achvfa Saimon hohchifo hosh, tikba ma tmaha yvmmak inli ka ai isht ahullot ahantvt, ilap ak osh hatak na fehna mak o, mihija cha, Samelia okla ha nukhlakvshli tok.

10. Yvmmak o, chipunta, micha asvno aiena kvvvt momvt, Hatak ilvppvt Chihowa nan isht im ai ghlika chinto mak oke; ahanchi mvt, okla im antia tok.

11. Micha yvmmak osh isht ahullot, isht nukhlakavshli tok hopaki hatuk o, okla im antia beka tok.

12. Yvmohmi tuk kia, Filip vt Chihowa apehliechika, micha Chisvs Klaist hohchifo aiena nana puta ka isht ai anumpohonli na, okla yimmi mvt, hatak, micha ohoyo puta aiena kvvvt baptismo tok.

13. Yohmi ma Saimon vt ilap ash kia yimmi akinli tok, micha baptismo mvt, Filip g ibafohkvvt avvt, na fehna, micha nan isht ahoba puta aiena kvvvt a kaniohmi na pisa mvt, nukhlakancha tok.

14. Yohmi ma vbanumpeshi vhleha Cheluselem maya tuk vt, Samelia vt Chihowa im anumpa ha ishi tuk o, haklo mvt, Pita micha Chan aiena ka okla pit in tihleli tok.

15. Atuk o, yvmmak ashot itonanchi mvt, okla Shilombish Holitopa anukfovha chi ka, vba pit isht anumpulit oklat tok.

16. Yvmma foka ma, achvona kia yvmmvt ik onvtulo kisha ha tok; Chitokaka Chisvs hohchifo hq isht a baptismo tuk ak illa ha tok.

17. Yohmi mvt okla hash ibbak isht umbitehimpa ma, Shilombish Holitopa yvt okla anukfohka tok.

18. Yvmohmi ma Saimon vt vbanumpeshi vhleha ibbak isht umbitepa ka, Shilombish Holitopa yvt ai anukfohka hq, pisa mvt tvli holisso ant i weli cha,

19. Uno ak kia nan isht im ai ghlika ilvppa hvs sama na, kvna hq vno vt svbbak isht umbitepa likma, Shilombish Holitopa yvt ai anukfohkashke, ahanchi tok.

20. Yohmi kia, Pita yvt, Chihowa yosh nan ima ya, tvli holisso yvt isht vlhtoba hinla ka, chim ahoba tuk oka, chin tvli holisso yvt chi awant aiokpuloka pit kvniashke.

21. Chi chukvsh vt Chihowa ya itikba ya ai vlhpiesa keyu hokvt; nan ilvppa kaniohmi kia, micha ahalaia kia ik chim ikshoshke.

22. Yvmohmi hoka, nan isht ik chi ai vlhpeso ilvppa ish ile kostininchashke; micha Chihowa pit ish im asihhla na, yohma he yobakma, chi chukvsh im anukfila yvt chj kashofa hi oke.

23. Chishno vt basunlvsh homi, micha nan ai ashvchika abonunta aiena chia hatuk o, akostininchi li hoka; im achi tok.

24. Mihma Saimon vt afalaminchit, Chitokaka ya pit im ilbeshvt isht hvs si anumpuli na, na yakohmi hvsh anumpuli tuk g achvona kia ant ik si onvtulo kashke; achi tok.

25. Mihma yvmmak ash ot, Chitokaka im anumpa hq atokowvt anolit, isht anumpohonli cha falama mvt, Samelia okla in tmahushi lgwa ka vbanumpa isht ai anumpohonlit, Cheluselem g itvlachi tok.

26. Yvmohmi ma, Chitokaka im enchil vt Filip g im anumpulit, Wakaya cha, oka mahli pila ivt, hina Cheluselem vttvt, Kesa ia bachaya chukushmi foka yvmma ish onashke, im achi tok.

27. Mihma wakaya cha ia tok. Atuk o Ehliopia hatak, Kantisi ohoyo Ehliopia okla i miko im anumpeshi holiitempa

hosh, yummak osh t̄oli holisso a mominchit i shoyuli yosh vba pit aiokpvcha chi hosh, Cheluselem a vla tok osh,

28. Falamvt ia kv̄t im iti chanvlli anukaka binilit, Esaias hopaii i holisso ha itim anumpuli tok.

29. Mihma Shilombish vt, Filip a, Bilika ona cha, iti chanvlli ilvppa ont ibafohka; im achi tok.

30. Mihma Filip vt pit o malelit ona cha, Esaias hopaii i holisso itim anumpuli ka haklo mvt, Nan ish itim anumpuli kv̄to ish akostininchi cho? achi tok.

31. Mihma, Katiohmi li kak osh, hatak nana hosh em avuchi ho keyukma? achi tok. Mihmvt, Filip vt pit oia cha, awant gsha hinla ka; ahni tok.

32. Anumpa holisso holiropa ai itim anumpuli ka ilvppak a tok. "Chukfi vlpoba chohmi ho yvma ai illi hvllat ishtia tok; micha chukfi vlpohpo-ushi yosh hishi im vmo in tikba hikia kv̄t, nan ik ayo chatuk a chohmit, yvmmvt itih ha ik wakvmmo ki tok:

33. "Ibvsha fena ma, nan ai vlpiesa ka im ishi tok. Im ihfiopak a yakni a ai ishi tok oka; im ai itilauj kv̄t ahqshwa tok a, kv̄ta hosh anola hinla cho?"

34. Mihma anumpeshi vto, Filip a afalaminchi mvt, Chi ponaklo lishke; Kv̄ta ho hopaii vt ilvppa isht anumpuli ho? Ilapo akinli hokma, keyukmvt hatak inla yokma, nanta ho? achi tok?

35. Mihma Filip vt itih ha wakvmmi cha, holisso mihi ash inli ho ai isht ivt, Chisvs a isht im anumpohonli tok.

36. Yvmohmit hina fohkv̄t mahayvt okla mvt, oka nana kia ont a hieli tok. Mihma anumpeshi ashot, Yakeh! oka yoke; baptismo la hi a nanta kosh ai atakvmmi cho? achi tok.

37. Mihma Filip vt, Chi chukvsh mominchit ishit chi yimmi hokma, vlpiesvshke, achi tok. Mihma afalaminchi mvt, Chisvs Klaist vt Chihowa ya ushi yoka, sa yimmishke, achi tok.

38. Mihma iti chanvlli vt lumvt hikia chi ka, miha tok; micha Filip vt anumpeshi ash ita tuklot pit okvtahvt oka ya itonachi na, yummak ash baptismochi tok.

39. Yumohmi ma oka yash ai ashvvt kochvt okla ma, Chitokaka imi Shilombish vt Filip a isht ia na, anumpeshi ash ot himmakma ik peso ki tok: micha na yukpa hosh i hina fohkvt ia tok.

40. Amba Filip vto Asotvs ak o antvt haiaka tok; micha a hlopullit aya mvt, tmaha moyuma ka vba isht ai anum-pohonlit ayvt Seselia ya vla tok oke.

CHAPTER IX.

Sal vt Tamaskvs pilla ia hosh aya hq, Klaist vt im anumpuli, 1. 10 Ananaivs vt ayvt im ona ma, baptismo tok. 20 Pal vt nukwaya iksho hosh Klaist a isht anumponhli.

1. YUMOHMI ma, Sal vt Chitokaka i nan im ai ithana vhleha ha i nokowa, micha vbi aiena he fiopvt kohonchi kvv imoma mvt, na holitempa isht agha pehlichim im ona tok.

2. Michasinakak puta, Tamaskvs agha ka, nakni okma, keyukmvt ohoyo hokma nana hosh, ilvppa chohmi kvv agha na, ahayuchikmvt talakchi o Cheluselem a pehlichit vla hinla kvv, yvma puta pit holisso ha, im ikba hi a, im asillia tok.

3. Atuk osh ia hosh aya mvt, Tamaskvs pit bilika ona tok; mihma tohwikelit vba minti kvv yvmak ash o ashajika tommit a folupli tok.

4. Yohmi ma aka ont itula tok; micha anumpa hvv, Sal, Sal, nanta katihmi hq is selvshali cho? im ahanchi na haklo tok.

5. Mihmvt, Chitokaka ma! kvta chia hoh cho? achi tok. Mihma Chitokaka ashot, Uno akosh, Chisvs ish ilvshahanli ka sia mak oke, Na halupa puta asvnalinchit ish hahghli kvv chi palvmmi hoke; achi tok.

6. Yohmi ma yvmak ashot nukhlakanchvt wvnihinchi mvt, Chitokaka ma! nanta hak o katiohmi la hi a, si svv ahni cho? achi tok. Mihma Chitokaka yvt, Wakaya cha, ivt tmaha ha ont ish chukowakmak o, nana ish kaniohma chi kvv, chim annoa chi hoke; im achi tok.

7. Yohmi ma hatak apehvt gya tuk ashot anumpa kvno haklo kia, hatak nana kia ik peso mvt, ik anumpolo hosh hieli tok.

8. Atuk o, Sal vt aka itolvt tani tok: micha nishkin vt fatuma mvt, hatak nana kia ik peso ki tok. Yohmi ma ibbak g halvlli cha ishtivt, Tamaskvs g okla isht chukowa tok.

9. Yohmi ma ik hoponayo mvt, anonti ik impo, nan ik ishko aienvt ahanta na nitak tuchina tok.

10. Yvmohmi ma hatak nan ithvna achvfa, Ananaivs hohchifo kvt Tamaskvs g anta tuk o: yvmmak ash o holhpokuna ka, Chitokaka yvt, Ananaivs, im achi tok; mihma, Yak anta lishke, Chitokaka ma! achi tok.

11. Mihma, Wakayvt ivt hina Apissa hohchifo ka ish ona cha, Chutvs in chuka ya, Tasvs hatak Sal hohchifo ka, ish aponaklashke; yvmmak ash osh vba pit anumpohonli hoka.

12. Micha holhpokuna kvt, hatak Ananaivs hohchifo hosh ant chukowa cha hopokoya chi ka, ibbak g ant isht um bitepa na, pisa tuk oke: Chitokaka yvt im achi tok.

13. Yohmi ma Ananaivs ashot afalaminchi mvt, Chitokaka ma! hatak ilvppvt, chi holitopa vhleha Cheluselem aiasha ka kaniohmit nan isht okpni ka, laua ho a haklo li chatuk.

14. Micha chi hohchifo pit hochifo vhleha mominchit takcha chi ka, na holitopa isht gsha pehlichu vhleha yvt im apesa tuk o, ilvppa anta hoke: achi tok.

15. Yohmi kia Chitokaka ash ot, Ia, nan isht vm vtta holitopa, sa hohchifo hg shoyulit, miko vhleha micha okla nan ik ithano puta, micha Israel ushi vhleha aiena itikba ya hikia hi oka.

16. Micha vno sa hohchifo pulla ka, na palvmmi hochito kaniohmi kia isht ilvsha chi ka, im anoli la chi hoka; im achi tok.

17. Mihma Ananaivs ash ot, ivt aboha ya ont chukowa tok; micha ibbak g isht umbitepa mvt, Itibapishi li Sal ma! ish minti ma, hina takla ya a chi haiaka tuk, Chitokaka Chivs vt chishno vt ish hopokoyo cha, Shilombish Holi-

topa yvt chi anukfohka chi ho, auet sa chvffichi tuk oke; achi tok.

18. Yohmi ma chekosi makinli ho, na hakhlobish atuk o chohmit nishkin a mokohlit aka itula tok; yohmi ma ashalika hopokoyo mvt, wakaya cha baptismo tok.

19. Micha nana impvt in taha mvt hlampko tok; yohmi mvt Sal vt nan-ithvna vhleha Tamaskvs maya ka awant anta na nitak kanohmi tok.

20. Micha in chekosi makinli ho, Klaist a yvmmvt Chihowa Ushi atuk a, sinakak puta ka, isht ai anumpohonli tok.

21. Yohmi ma okla haklo kvv momvt anukhlakancha mvt, Ilvppak osh na hohchifo ilvppa pit hochifot Cheluselem ai asha tuk a ilvshahanli cha, ilvppa aya kvv, yvmmvt talakchi yo, na holitempa isht asha pehlichu vhleha, isht im ona chi mak atuk keyu? achi tok.

22. Yohmi kia Sal vto hlampko kvv isht i shahlit ishtia, yohmi mvt atokowvt, ilvppak osh Klaist fehna mak oke; ahaya mvt, Chu okla Tamaskvs asha tuk a imaiyvchi tok.

23. Yvmohmi kash o nitak kanohmi kvv taha ma, Chu okla hvv, yvmma vba chi kvv isht anumpulit maya tok.

24. Yohmi kia okla nan ahnit maya ka, Sal vt akostininchi tok; mihma vba chi kvv nitak, micha ninak moyuma holihta okhissa puta ka okla atoni tok.

25. Yohmi ma nan ithvna vhleha hvv nitak o ishit, kishi fohkit tvi holihta lapalint aka pit bohli tok.

26. Yvmohmi na Sal vt Cheluselem a vla mvt, nan ithvna vhleha ha ibafohka bvna tok. Yohmi kia momvt okla i nukshopa tok; micha yvmmvt nan ithvna yo ik im ahobo ki tok.

27. Yohmi kia Banabas ato eshi cha, ilaelit vbanumpeshi vhleha ya isht im vla tok; micha hina takla ya kaniohmit Chitokaka ya pisa tok, yohmi na im anumpuli tok, micha kaniohmit nukwaya iksho hosh, Chisvs hohchifo ha Tamaskvs a isht ai anumpohonli tok aiena ka, im anoli tok.

28. Yohmi ma Cheluselem a asht kocha, micha ant abeha aiena ka takla ahanta tok.

29. Micha nukwaya iksho hosh, Chitokaka Chisvs hoh-

chifo hā isht anumpohonli cha, Klik okla ma itim anumpohonli tok; yohmi kia vbi bvnnt okla aiasha tok.

30. Yohmi na itābapishi vhleha yvt akostininchi mvt, ilauelit Seselia isht vla cha, Tasvs g pit chvffichi tok.

31. Yohmi na Chutia yakni vt moyuma, micha Kalili, micha Samelia aiena ka, vbanumpuli ikxa puta kvv nuktanla mvt isht i shahlit ia tok; mihma Chitokaka i nukshoyupa, micha Shilombish Holitopa yā isht ilai yukpa aienvt itvno-wa kvv, lauvt isht i shaiyahli tok oke.

32. Yakohmi tok; Pita yvt mominchit hlopullit gya mvt, vbanumpuli vhleha Litti ai asha tuk ash kia, im vla tok.

33. Mihmvt yvma hatak achvfa, Enias hohchifo kvv palsi isht abeka hosh topa itoyula na afvmmi untuchina tuk o, ont pisa tok.

34. Micha Pita yashot, Enias ma! Chisvs Klaist vt chi hlakofichishke. Tani cha, chishno inlit chin topa ha patali, im achi tok. Mihma chekosi tani tok oke.

35. Yohmi ma Litti, micha Salon aiena gsha tuk vt mvmvt yvma pisa mvt, filemvt Chitokaka yā im ai ona tok.

36. Yohmi ma nan itvna achvfa Tabihla hohchifo, yvmvt toshowakmvt Takvs achi hō, Chappa yā anta tok: ohoyo ilvppvt nan achukma a yvmohmi, micha na habenvchi aiena biekvt ahanta tok.

37. Atuk o nitak yvma foka ma yakohmi tok; yvmvt abeka cha illi tok; yohmi ma yvmmak ash okla achivt tahlit mvt, vba potvlhpo yā boyuhli tok.

38. Mihmvt Litti yvt Chappa yā pit bilika hatuk, micha nan itvna vhleha hvv, Pita yvt yvma anta ka, okla hāklo tuk osh anukwāya im vla hinla ka, pit im ahnit hatak tuklo ka pit tihleli tok.

39. Atuk o, Pita yash ot wakaya cha awant ia tok. Atuk osh vla ma, ilauelit vba potvlhpo yā okla ishit chukowa tok; mihma ohoyo vlhtakla vhleha yvt momvt apēhvt hohmayvt yaiya mvt, nafohka, micha anchi chohmi, Takvs vt awant anta moma mvt ikbi tok g, haiakahanchi tok.

40. Yohmi kia Pita yvt mominchit koche weli cha, hvchukbihlepvt hikia mvt, vba pit anumpuli tok; mihmvt hak-

nip ai ittola ka pit filema mvt, Tabihla, tani, achi tok ; yohmi ma nishkin g fatummi cha Pita ya pisa mvt, tanit binili tok.

41. Mihma ibbak pit ima cha wakayvchi tok. Micha vba pit anumpuli vhleha, micha ohoyo vltakla puta aiena kash hoyo cha, okchaya ho ima tok.

42. Yohmi ma Chappa okla hvv momvt yvmma akostin-inchi tok ; yohmi mvt lgvvt Chitokaka ya i yimmi tok.

43. Mihma yakohmi tok ; Saimon wak hakshup hummvchi ya awant Chappa ya ahanta na nitak kanohmi tok oke.

CHAPTA X.

Kanilis vt Pita ya pit hoyo, 1. 84 Pita yvt vbanumpa isht anumpuli. Shilombish Holitopa yvt haponaklo vhleha ha onvtoyula.

1. HATAK achvfa Seselia ya ahanta kvv, Kanilis hohchifo hosh tvshka chipota gya achvfa, Itili okla achi ho, i kvpitvni ha tok.

2. Hatak achukma, micha in chuka-chvfa moma aienvt Chihowa ya i nukshompa cha, okla ha na habenvchi fehna mvt, Chihowa ya pit im anumpohonli na bilia tok.

3. Yvmmak ashot holhpokuna chohmit pisa ka nitak hvshi kanvlli isht vlvpisa ont isht chakkali foka ho, Chihowa im enchil vt haiaka achukma hosh mintit ant iba chukowa mvt, Kanilis, im achi tok.

4. Yohmi ma yvmmak ash atokowvt pisa mvt nukshopa cha, Chitokaka ma | nanta hoh cho ? achi tok ; mihma, Vba pit ish anumpohonli, micha nan ish hopela puta aiena ka, Chihowa yvt ithaiyana he mak o vba ihya hoke.

5. Yohmi hoka himak g, Saimon, Pita hohchifo ka pit hoyot, hatak g Chappa pit ish tihlelashke.

6. Yvmmak okvt Saimon wak hakshvp hummvchi in chuka mvt okhvta lapali ka yo talaia ho, awant anta hoke ; yvmmak osh nana ho ish kaniohma he tuk ma, chim anola hi oke ; im achi tok.

7. Mihma enchil, Kanilis g im anumpohonli tuk ash ot ia

ma, chuka nan isht im ai vta ya tuklo, micha tvshka chipota nan isht im ai ashwa bilia ya ahli achukma achufa ho aieninchit hoyo tok.

8. Micha nan okluha kash mominchit im anolit taiyahli mut, Chappa ya pit tihleli tok.

9. Ont onna ma okla itvnowvt mahaya mut, tumaha hash pit bilika ona ma, hushi kanvlli isht vhpisa ont isht hannali foka ho, Pita yvt vba pit anumpula chi hosh aboha pakna pit oiya tok.

10. Atuk osh hohchvfo fehvvt taiyaha cha, impa he tuk osh ; amba okla atahlit isht maya ma, holhpokuna ho chohmi tok.

11. Micha shutik vt tiwa, yohmi ma, nan ai vhpitta yosh nan tohbi chito wishakchi ushtvt ita shekonopa ho chohmi hosh aka i mintit, yakni ant onvtoyula ho, pisa tok.

12. Mihma anukaka ya nan-vlhpoa puta, hanalushta ilia-yuka yakni aiasha kvv moyuma, micha napoa puta, micha nana aka a balvlli puta, micha vba hushi puta aiena kvv ai asha tok.

13. Yvmohmi ma anumpa hvv mintit im vla kvv, Pita, tani cha, vbit vpa ; achi tok.

14. Yohmi kia Pita ashot, Yohma he keyushke, Chitokaka ma ! nana kvv ai vhpesa keyu, kashofa keyu hokvno himonna kia, vpa li chatuk keyu hokv ; achi tok.

15. Yohmi ma anonti anumpa hvv atukla ma, im anumpuli kvv, Nana ho Chihowa yvt kashofi tuk a, yvma vhpesa keyu, chik hochifo kashke ; achi tok.

16. Hituchina ha yo ilvppa yakohmi tok ; yohmi ma nana ai vhpitta kash ot falamvt vba ia tok.

17. Pita yvt holhpokuna chohmit nana pisa tuk, yvmmvt nana isht akaniohmi hatuk a ik akostinincho chohmi ai itin takla ma, hatak Kanilis vt pit tihleli tuk ash, Saimon in chuka ya a ponaklo tuk osh okhissa itikba ya hieli tok.

18. Mihmvt tahpva cha a ponaklot, Saimon, Pita hohchifo kvv, yvmmak o antakma, nanta cho ? achi tok.

19. Pita yvt holhpokuna tuk ash o anukfihinli fehna, Shilombish vt, Yakeh ! hatak tuchina kvv chi hoyoshke.

20. Yohmi hoka tanit pit akowa cha, nana kia isht ai anuktuklo iksho hosh awant ish iashke, yumma vno ak osh auet tihleli li tuk oka; im achi tok.

21. Yohmi ma Pita yash ot akowrt ivt, Kanilis vt auet in tihleli tuk hatak ash im ona mvt, Yakeh! vno ak osh hatak hvsh hoyo hatuk g sia mak oke. Nanta hosh a katiohmi hō ayvt hvsh la cho? achi tok.

22. Mihma, Kanilis Kvpitvni hatak ahli, micha Chihowa ya i nukshohumpa cha tuk, micha Chu okla moyuma ka ai im annoa achukma hosh ahanta chatuk, yummak osh in chuka ya ish ona chī ka, chi hoyo cha, anumpa hā chi a hakla chī ka, Chihowa yvt enchil holidopa ya isht ai im anoli tuk oke; okla achi tok

23. Yohmi ma i howvt aboha pit apitta na maya tok. Atuk o ont onna ma, Pita yvt wakaya cha awant ia ma, itibapishi vhleha kanohmi kvv Chappa ya asht apihvt ilhkoli tok.

24. Atuk osh yummak atuk g onna ma, Seselia ya okla ont chukowa tok; yohmi ma Kanilis vt i kanomi vhleha, micha i kana fehna aiena ka hoyot itahobit tahli cha, asht pit hoyo tok.

25. Atuk osh Pita yvt ant chukowa ma, Kanilis vt ont afama cha, iyi ituma ya hlipiyvt ai okpvchi tok.

26. Yohmi kia Pita yvt, Hikiá, vno ak kia hatak sia akinli hoke, ahanchi cha halvllit tanichi tok.

27. Michā im anumponlit pit chukowa mvt, itahoba tuk vt laua hosh ai asha na pisa tok.

28. Yohmi mvt Chu hatak okvt okla inla takla gya hokmá, keyukmvt ont ibafohka hokmá nana ka kaniohmit im ai vlvpiesa keyu ka hvsh ithaiyanvshke; yohmi kia vno yokvto hatak nana kia ik vlvpeso, micha okpulo a la he keyu hō, Chihowa yvt vm abahanchi tuk oke.

29. Yvmohmi hatuk o, sa hoyo makinli hō nana ak acho hosh, gyvt hvchim vla li hoke. Yohmi hosh hvchī ponaklo lishke, nanta katiohmi hō is sa hoyo tuk oh cho? im achi tok.

30. Mihma Kanilis vt, Nitak ushta kash o nahullochit an-

ta li, hvshi kanvlli himak foka tok. Yohmi hosh hvshi kanvlli isht vhpisa ont isht chakkali hō, v̄m aboha anpkaka yā vba pit ai anumpuli li tuk; yohmi ma hatak vt nafohka shohmalali fohka kv̄t sa tikba yā hikia tuk.

31. Mihmvt, Kanilis, vba pit ish anumpuli ka haklo, micha nan ish hopehinla chatuk ā Chihowa yvt ithaiyana hoke.

32. Yohmi hoka Saimon, Pita hohchifo ka pit hoyot Chappa yā pit ish tihlelashke; yvm̄mak okvt okhvta lapali ka Saimon wak hakshup hummv̄chi in chuka yō anta hoke; yvm̄mak osh vlakmvt ant chim anumpula hi oke; achi tok.

33. Yohmi hatuk o ashalīka pit chi hoyo li kv̄no; atuk o ish la kv̄t ish vhpesa hoke, yvmohmi ma Chihowa yvt nana chim apesa tuk ā, mominchit e hakla ch̄i mak osh momvt himak ā yakohmit Chihowa itikba yā e chiya hoke; achi tok.

34. Mihma Pita yvt itakha yā wakv̄m̄mi mvt Chihowa yvt hatak ā kaniman̄chi keyu ka, ai āh̄lit akostinin̄chi lishke—

35. Amba oklushi moyuma ka kv̄na hosh yv̄mma i nukshoyupa cha, ai vhpiesa ka yvmohmi hokvt, im a holitopa chatuk oke.

36. Chihowa yvt Islael ushi v̄hleha yā anumpa auet ema na Chisvs Klaist pulla hō nuktanla hi ā, isht ai im anuhumpa tok ā, yvm̄mak osh moma in Chitokaka yoke.

37. Baptismo yō Chan vt isht anumpuli ha yak o, anum̄pa yvm̄mvt Kalili ai ishtia tuk osh, Chutia yakni ā mominchit ai anum̄pvt hlopulli tok;

38. Kaniohmit Chihowa yvt, Chisvs Nasalet ai v̄tta yā Shilombish Holitopa, micha nan isht im ai āh̄lika aiena ka isht ah̄vm̄m̄chi tok; Chihowa yvt awant aya hatuk o, yvm̄mak ashot nan achukma ka isht ahanta, micha nan isht-ahullo okpulō isht ilbv̄sha v̄hleha yā mominchit hlakofichit nohōwa tok, hvsh ithaiyanv̄shke.

39. Michā yvm̄mvt Chu okla i yakni, michā Cheluselema aiena ka nana hō a kanimih̄in̄chi tukma, moyuma atokowa anoli pia mak oke; yvm̄mak o okla iti a takalichit vbi tok.

40. Yvm̄mak ash nitak ont atuchina ma, Chihowa yvt tanichi cha, achukmalit haiakv̄chi tok.

41. Yohmi kia okla moma kak a tok keyu, anba nana

atokowa anoli vhleha, Chihowa yvt tikbanli atokohonli tok, illi tuk vt falamvt tani ha ya, nan itibai impvt, ishkot maya tok, pishno ak a tok oke.

42. Mihma okla h₂ il im anumpula he, micha okchaya, vhleha, mikmvt illi puta aiena nan im apesa ya he, Chihowa yvt atokoli ka ilap ak atuk g, atokowa il anohonla he, pim. apesa tok oke.

43. Yvmmak o hopaii moma kv_t, yvma hohchifo pulla: hatuk mak o, kvna ho kia i yimmi hokvt ai ashvehika puta kv_t isht a kashofa ahayucha hi g, atokolit okla anohonli tok; achi tok.

44. Pita yvt anumpa iloppa anumpohonli kv_t moma ho, anumpa haklo yash Shilombish Holitopa yvt mominchit onvtuyula tok.

45. Yohmi ma hakshup tvptua na yimmi vhleha Pita ya apihvt vla tuk vt, okla nan ik ithano vhleha ak kia Shilombish holhpila kv_t o foliopa hatuk o,

46. Anumpa ilaiyuka okla anumpulit Chihowa ahnihinchi ka, okla h₂klo hatuk osh momvt nukhlakancha tok; Mihma. Pita yvt afalaminchit,

47. Shilombish Holitopa yvt anukfoka tuk vhleha pishno akinli chohmi; yakohmi kv_t ik baptismo ka ch_i ka, hatak nanta hosh oka ya im ataklvma hinla: cho? achi tok.

48. Yohmi mvt Chitokaka isht a hochifot okla baptisma ch_i, i miha tok; yohmi ma awant anta na nitak kanohma ch_i ka okla im ahni tok oke.

CHAPTA XI.

Pita yvt oklushi nan ik ithano vbanumpa ont isht im anumpuli tuk o, nanumachi, 1. 19 Vbanumpa yvt tumaha kanohmi ka ai anumpa:

1. **YUMOHMI** ma vbanumpeshi vhleha: micha itibapi-shi vhleha aiena Chutia maya tuk vt okla nan ik ithano vhleha hak kia Chihowa im anumpa: h₂ ishi tuk g, okla haklo tok.

2. Yvmohmi tuk o, Pita yvt Cheluselem g vla ma, hakshup tupa vhleha yatuk vt i chapvt anumpulit,

3. Chishno vt hatak hakshup tupa keyu vhleha ya ont ish iba chukowa cha, ish ibai impa tuk oke; ahanchi tok.

4. Yohmi ma Pita yvt ai ishtia vmmona ka silhhit im anolit,

5. Chappa tomaha ha vba pit anumpuli hosh ahanta li tuk osh, sa holhpokuna chohmit na pisa li ka, nan ai vlpitta yvt mihinti kvv nan tohbi chito yo chiyuhmi hosh vhli ushta ka ishi ho vba ya ai aka mihinti tok, mihmvt vno ash fehna vm vla tok.

6. Yvmmak ash sa nishkin g isht atokoli li mvt, nana vm anukfihila tok, mihmvt nan-vlh-poba iyushta puta yakni pakna aiasha, micha na-poa nukshopa, mikmvt nan aka balli puta, micha vba hushi aiena ka pihisa li tok oke.

7. Mihma anumpa hvt, Pita yvt wakaya cha, vbit vpa, vm ahanchi na, haklo li tok.

8. Yohmi kia vno ashot, Yohma he keyushke, Chitokaka ma! nitak nan ash nana kvv ai vlpesa keyu, micha okpulo aiena kvv satakha ya fohka tok keyu chatuk oke; achi li tok.

9. Yohmi kia atukla ma anumpa hvt vpa auet si afalaminchit, Nana ho Chihowa yvt kashofi tuk g, yvmma ai vlpesa keyu, chik acho kashke; achi tok.

10. Ilvppa yakohmi kvv hituchina ya tok; yohmi ma moma falaminchit vba isht maya tok.

11. Yvmohmi ma, mih makinli ho hatak tuchina Seselia auet ai an tihleli tuk g, chuka ai vta li tuk ash, ai vla tok.

12. Yvmohmi ma Shilombish vt, nana kia isht anukwaya iksho hosh awant ia la he, g miha tok; yohmi ma il itubapishi hannali ilvppvt si apohvt itvnowa ho, hatak ash in chuka ont e chukowa tok.

13. Yohmi ma yvmmak ash ot kaniohmit enchil vt ilap im aboha anuka ya hikia na pisa ho, Hatak g Chappa ya pit tihlelit Saimon, Pita hohchifo ka pit ish hoyashke.

14. Yvmmak osh anumpa, chishno, micha chin chuka

achvfa moma aienvt isht hvchi okchaya hi g, chim anola hi oke, im achi tuk g, pim anoli tuk oke.

15. Yvmohmi ma anumpulit ishtia li makinli hō, Shilombish Holitopa yvt okla hā onvtuyula kv, vmona ka hvpushno g pi onvtula chash chiyuhmi tok.

16. Yohmi ma Chitokaka yvt, Chan okvto oka yō ishit baptismochi mvhlishe; amba hvchishno yokvto Shilombish Holitopa yō ishit hvchi baptisma hi yoke; achi tok g, im anumpa hā ithaiyana li kvno.

17. Yvmohmi ka Chihowa yvt, Chitokaka Chisvs Klaist i yimmi vhleha hā hv ima tok, ai itilau na holhpila ka ihima tuk g, vno ak osh nanta sia hatuk osh Chihowa yā ataklvmmi la hinla cho? im achi tok.

18. Na yakohmi ka okla haiyaklo mv lumvt chieya cha, Chihowa yā aiokpahanchi mv, Yohmikma Chihowa yvt okla nan ik ithano vhleha ak kia isht okchaya ile kostinichi yā ihima tumvshke; ahanchi tok oke.

19. Yvmohmi ma na palvmmi kv Istefin g isht atoba ma, okla ita fimimpa tuk vt itvnowvt aya kv Finisi, micha Saipilvs, mikmv Antiak g pit vhlitch inla ka yano keyu, amba Chu vhleha ak bano hō anumpa hā okla isht im anumpohonli tok.

20. Micha kanimi kv Saipilvs hatak, micha Sailini hatak aiena hatuk osh Antiak g ai vla mv, yvmak ash ot Klik okla hā im anumpulit Chitokaka Chisvs g isht anumpohonli tok.

21. Yohmi ma Chitokaka ibbak vt awant antā tok, holhti-na laua hosh yimmi cha filemv Chitokaka yā im ona tok.

22. Yvmohmi ma na yakomi kv annovt, iksa Cheluselem gshwa tok haksobish g ont chukowa tok; mihma Banabas g yvmmv ia kv Antiak g ona chj hō okla pit chvffichi tok.

23. Yvmak ash osh vla cha, Chihowa im isht il aiyukpa ka pihisa mv na yukpa tok; micha chukvsh mv kvilo hosh Chitokaka yā isht asitia chj ka, mominchit atonohonchi tok.

24. Yvmak okvt hatak achukma hosh, Shilombish Ho-

litopa, micha ayimmika aiena kv̄t anukfoyuka fehna hatuk oka; yohmi ma okla hv̄t l̄avvt Chitokaka ȳa iba kaha tok.

25. Yohmi ma Banabas vt Sal ḡ hoyā ch̄i hosh, Tasvs ḡ ia tok.

26. Atuk osh yvmmak ash ahayuchi mv̄t, ilauevit Antiak ḡ isht v̄la tok. Mihma yakohmi tok, af̄v̄m̄mi achv̄fa v̄lh-piesa ka v̄banumpuli ik̄sa ȳa ibai itahobvt okla l̄awa ka nan im abahanchi tok. Mihma nan ithv̄na v̄hleha hv̄t v̄m̄mona ka Antiak ak ̄o, Klaist okla a hohchifo tok.

27. Yv̄m̄ohmi ma nitak il̄oppa foka ma, hopaii v̄hleha Cheluselem minti kv̄t, Antiak ḡ ai v̄la tok.

28. Micha yvmmak ash ot achv̄fv̄t Akav̄s hohchifo hosh hikia cha, hohchv̄fo chinto kv̄t yakni mominchit a hlopulla ch̄i ka, Shilombish pulla isht ai anohonli tok. Yv̄m̄mv̄t Kilatvs Sesa yvt ahanta nitak ak ̄o ont ai ḡhli tok.

29. Yohmi ma nan ithv̄na v̄hleha yvt nana kv̄t kaniohmit im ḡsha tukmv̄t ik kaniohmi kia, it̄ibapishi v̄hleha Chutia maya ka isht apelv̄chi ȳa pit ḡ pila ch̄i kv̄t, hatak moma tok.

30. Yv̄m̄mak ash okla yohmi mv̄hli cha Banabas, micha Sal ita tuklo kak ̄o ibbak fohkit, hatak tikba v̄hleha ȳa pit pila tok oke.

CHAPTA XII.

Helot vt v̄banumpuli v̄hleha ḡ issikkopali.

1. YOHMI ma nitak yv̄mma foka ma, Helot m̄iko yvt v̄banumpuli ik̄sa yatuk ḡ kaniohmi h̄o, il̄bv̄shala ch̄i kv̄t ibbak ḡ ̄o weli tok.

2. Micha Chemis, Chan it̄ibapishi ḡ bv̄shpe falaia h̄o isht v̄bi tok.

3. Micha yohmi ka Chu okla hv̄t im achukma h̄o, pisa hatuk osh achakalinchi mv̄t, Pita ȳa aieninchit isha chin tok; mihma pv̄ska ik shatv̄mmo v̄pa nitak a tok.

4. Atuk osh yvmmak ash hoklit ishi mv̄t, aboha kv̄llo pit fohki cha, v̄banv̄blit ont-ia issa ha ȳo okla ḡ isht ḡ kobcha

chī mak o, ahni hosh, t̄shka chipota ushta bat gya ushta hō apesvcha chī ka, im issa tok.

5. Yohmi hatuk o Pita yashot aboha kullo ya foka tok; yohmi kia vbanumpuli iksa yvt ymma isht Chihowa pit im asilbha krt, ik yokopo ki tok.

6. Atuk o Helot vt isht kohcha he tuk a, ymma ninak fenak akinli ka, Pita yvt tvli itatakvi tuklo hosh isht talaiyakchi hō, t̄shka chipota tuklo itin takla yo a nusi tok; yohmi ma apesvchi vt okhissa itikba ya hielit aboha kullo ya apesahanchi tok.

7. Yvmohmi kash o Chitokaka im enchil vt im vla na tohwikeli kvt aboha kullo anukaka ya tommi tok: mihma ymmak ash osh Pita ya naksi a isso cha, tanichi mvt, Tushpvt taní; achi tok; yohmi ma in tvli itatakvi yvt ibbak a a mokohli tok.

8. Mihma enchil ash ot, Il ai vskofachi cha, chī shulush a holó, im achi ma, yvmihchi tok, mihma, Chim anchi a anchi cha, is siakaiyashke, im achi tok.

9. Mihma kohcha mvt iakaiya tok; yohmi kvt enchil vt nana a yvmihchi ka ai ghli mak atuk a, ik akostinincho ki tok. Amba nana mak o pisa hō im ahoba tok.

10. Ai atoni vmmona, micha atukla aiena ka ant itiachi mvt, tvmaha pila ia tvli holihta okissa ya itvlachi ma, ilap akinlit in tiwa tok; mihma pit kohcha cha, hina achvfa hō fokvt ayvt okla tuk o, enchil ash ot ashalika i filvmmi tok.

11. Yohmi ma Pita yvt falamvt kostieni mvt, Chitokaka yvt im enchil a auet chvffichi cha vno a Helot ibbak, micha Chu okla nana ahni tuk puta ka, a sa hlakofichi tuk a, himak a ai ghli mak o ithaiyana lishke; achi tok.

12. Micha nan im anukfihinla mvt Chan, Mak hohchifo ishki, Meli in chuka ya, ymma laua hosh itahobvt vba pit anumpuli hosh maya na, vla tok.

13. Micha Pita yvt apishia okhissa ya ant sukoha ma, ohoyo himita Loti hohchifo hosh ont haponaklo tok.

14. Micha Pita im anumpa hō pit ithana mvt, na yukpa kvt apishia ya okhissa ya ik tiwo hosh, amba malelit ant chukowa mvt, Pita yvt apishia itikba ant a hikja ka, anoli tok.

15. Mihma, Ik chi hopoyuksoshke, im achi tok. Yohmi kia i shahlichit, yohmi tuk ash pulla ho mihaha tok; yohmi ma, Im enchil oka, okla achi tok.

16. Yohmi kia Pita ash ot sukoha kv̄t imoma tok; yohmi ma okla tiwi cha, pisa mv̄t nukhlakan̄cha tok.

17. Yohmi ma nukchintot maya chi ka, ibbak pit i fahv̄mmi mv̄t, kaniohmit Chitokaka yvt ilap a aboha kv̄llo isht a kohchi tuk a, im anoli tok; mihmv̄t, Na yakohmi ka Chemis, micha il itibapishi v̄hleha aiena ka iv̄t oh im anoli, achi tok; mihmv̄t kohchvt iv̄t inla ho ona tok.

18. Atuk o onv̄t taha makinli ho, tv̄shka chipota v̄hleha ash ot Pita yvt nanta mak o a katiohmi tuk, ahnit nukhlakan̄cha kv̄t chohmi tok keyu.

19. Yvmohmi tuk o Helot vt yvmmak ash hoyo tuk osh ik peso mv̄t, apesv̄chi v̄hleha yash achukmalit im asilh̄v̄chi mv̄t, yvmmak ash o vba chi ka, apesa tok. Mihmv̄t Chutia ya v̄tv̄t iv̄t Seselia ona cha, yvmmak o anta tok.

20. Mihmv̄t Helot vt Taia, micha Saitvn aiena ai asha ka isht ik i yukpo fehna tok; yohmi kia miko im vba potvl̄hpo apesv̄chi Blastus a it̄i kana okla ikbi tok, micha ilap i yakni ya miko i yakni yak osh ai apelv̄chi atuk aiena hatuk oka, im anukfila mv̄t ai achv̄fa hosh im ai v̄la cha, nanaiya ka ai ahni tok.

21. Yvmohmi ma ai v̄lh̄pisa tuk nitak o, Helot vt miko i na fohka ishit shemv̄t taiyahli cha, im aiasha holitopa paknaka ya binili cha, anumpa isht hikv̄t im anumpohonli tok.

22. Mihma okla hash ot tahpvl̄vt, Ilv̄pvt Chihowa yak o im anumpa, hatak im anumpa yo keyushke; ahanchi tok.

23. Mihma isht aholitopaka ya Chihowa yak o pit ik im isso hatuk o, mih makinli ho Chihowa im enchil vt isso tok, mihma shv̄shi yosh ai ahampa na fiofissa tok.

24. Amba Chihowa im anumpa hv̄to achakv̄t isht i shahlit ia tok.

25. Yohmi ma Banabas micha Sal ita tuklo kv̄t nan isht ahqshv̄t atahli mv̄t Chan, Mak hohchifo ka ilauint Cheluselem a qshv̄t falamv̄t ia tok oke.

CHAPTA XIII.

Pal, Banabas ita tuklo kvt oklushi nan ik ithano, yā im ia. 42 Oklushi nan ik ithano v̄hleha yvt v̄banumpa yimmi.

1. YOHMI ma iksa Antiak ahashwa ka kaniohmi kvt hopaii, micha nan im av̄uchi v̄hleha, Banabas, micha Simion osh Naika hohchifo, anonti Lusivs, Sailini vtta, micha Manevn, Helot na pehlichy yā iba hofanti tok, micha Sal chohmi kvt maya tok.

2. Okla Chitokaka pit aiokp̄v̄chit nahullochit maya ma, Banabas, micha Sal ita tuklo ka, a toks̄vli im ai atokoli li tuk isht ashwa ch̄i ka, hvs sv̄m atokolashke, Shilombish Holitopa yvt achi tok.

3. Mihma okla nahullochit v̄ba pit anumpuli cha, ibbak a isht umbitep̄vt taiyahli mvt, okla pit tihleli tok.

4. Yohmi ma Shilombish Holitopa yak osh pit tihleli hoka, iv̄t Silushi a itonachi tok osh, yv̄mma ashv̄vt peni v̄lhtot iv̄t Saipilvs a itonachi tok.

5. Michā Salemv̄s a ont ashwa mvt, Chu okla i sinakak puta Chihowa im anumpa isht ai anumpohonli tok. Mihma Chan a il ai apelahanchi akinli tok.

6. Michā tashaiyi yā a hlopullit Pefvs a itonachi mvt, hatak isht ahullo achv̄fa hopaii ilahobi, Chu hatak Bachisvs hohchifo h̄o, pisa tok.

7. Yv̄mmak okvt nahullo m̄iko hatak nan ithana, Sachis Paulvs a awant anta tuk o, yv̄mmak ash ot Banabas, micha Sal aiena ka hoyo mvt, Chihowa im anumpa h̄a haklo bv̄nna tok.

8. Yohmi kia Ilimvs hatak isht ahullo ash ot, hohchifo hv̄t toshowakmvt yv̄mmak oka nahullo m̄iko a na yimmika ai i filv̄mmichi bv̄nna kvt yv̄mmak ash im ataklv̄mmi tok.

9. Mihma Sal mvt, Pal hohchifo akinli hosh, Shilombish Holitopa yvt anukfohkvt kv̄nia hosh, yv̄mmak ash atokolit pisa tok.

10. Mihma, Na haksichi, micha nan ik ai v̄lhpeso aiena banot isht alotowa, nan isht ahullo okpulo ushi, ahopoyuksa

okluha in tenvp ma! Chitokaka i hina ai ghli puta okpuni kv, ish issa he keyu cho?

11. Mikma, yakeh! himak g Chitokaka ibbak vt chi onvtula hoka, chi lupakmt hvshi g chik peso hō ahchiba chi hoke; achi tok. Mihma chekosi makinli hō tohbi, micha okhlilika aienvt onvtula tok. Mihma kvna kia ibbak g halvli cha isht gya chi ka, hoyot fullokahanchi tok.

12. Mihma nahullo miko vt Chitokaka im anumpa hā anukhlakancha cha, nana kv yvmohmi na pisa mtv yimmi tok.

13. Mihma Pal vt itupeha yash aienvt Pefos g a hotofi cha, okla mintit Pafilia yakni Pvki g ai vla tok. Mihma Chan vt i filvmmi Cheluselem g falamvt ona tok.

14. Amba Pvki a gsh kohchvt okla ia mvt, Pisitia yakni Antiak g ai vla cha, nitak hullo g sinakak g ont chukovt chieya tok.

15. Mihma nan vhpisa, micha hopai i holisso puta aiena kash, itim anumpulit atahli ma, sinakak apelihoodi vheha yvt, Hatak, il itibapishi vheha ma! okla isht im anumpa he anumpa hv hvchim gshakmt hvsh anumpalashke; achit auet im anoli tok.

16. Mihma Pal vt hikia cha ibbak g pit isht im alvmmi, Israel okla, micha Chihowa yā i nukshohumpa vheha hvchia ma! hvsh haponaklashke.

17. Okla ilvppa Israel vheha in Chihowa yvt pin tikba vheha yā atokoli mvt, hatak novvt gya chiyuhmi hosh Echip g okla ahghwa ma, yvmmvt holidobli tuk osh, ilap ibbak kvlllo pulla kv yvmmak ash isht akohonchi tok.

18. Micha afvmmi pokoli ushta foka yakni haiaka okla nana a kaniohmi ka, ant ik yohmi, im ahni tok.

19. Micha Kenan yakni g oklushi untuklot ai imaiyachi mvt, i yakni atuk g, na shuei hō, isht ai i hopela tok.

20. Micha yohmi ha ya nan apesa vheha im a hiohlinchi na, afvmmi tahlepa ushta cha pokoli tahlapit aiena foka hō, Samuel hopai vt vta tok.

21. Atuk o i himmakma, miko okla asilhha tok. Mihma Chihowa yvt Sis ushi, Sal, hatak Benchamin isht atiaka yō, i hilechi na afvmmi pokoli ushta tok.

22. Atuk osh yummak ash ai ishi mvt, Lewi ak osh i mi-ko ya chi ho okla ha i hilechi tok; yummak o pit atokolit, Ilap vt, Lewi Chesse ushi, vno sa chukvsh fehna iakaiya hatak, micha vno nan ai ahni li ya mominchit ai ghlicha chi makoh ahayuchi lishke; achi tok oke.

23. Hatak ilvppa isht ai unchululi yo Chihowa yvt ilap miha tok pulla hosh, okchalimchi Chisvs g Israe'l okla ha i hilechi tok.

24. Yummvt ik lo kisha ho, Chan vt vmmona ka Israe'l okla moyuma ka ile kostiminchit baptismo ya isht im anum-pohonli tok.

25. Michi Chan vt anumpulit ahanta mvt, Kvta hak o sia hvchim ahoba cho? Uno vto mih mak o sia keyu hoke. Amba siakaiyvt minti kak o, yumma iyi i shulush g vno vt i hotofi la he si ahoba keyu hoke; achi tok.

26. Hatak itibapishi li vhleha ma! Eblaham isht atiaka ushi, micha kvna hosh hvchi takla ashwa kvv Chihowa ya i nukshohumpakma, hvchishno ak o, ai okchaya isht anumpa ilvppvt hvchim gya hoke.

27. Cheluselem ai asha, micha i hochitoka aiena kvv, yumma, micha hopai vhleha im anumpa nitak hullo moma ka itim anumpuli chatuk aiena ka ik ithano hatuk osh, na palvmmi ka onochit yummak atuk g, ai-ghlichi tok oka.

28. Michi kaniohmi ho yummak okvt isht ai illa he vlv-pesa kvno, im ai akostimimchi keyu ho kakosh, illa he g ahnit, Pavvt g okla im asilhha tok.

29. Michi yumma isht a holihiso tok g mominchit ai ghlichit okla tahli mvt, iti ash ai ishit akvchi cha ahollopi any-kaka ya bohyuli tok.

30. Yohmi kia illi tuk g Chihowa yvt tanichi tok.

31. Yohmi ma Kalili ya asht apehvt mintit Cheluselem g ai vta tuk vt yumma okla pisa na nitak kanoim tok; mih mak osh yumma atokovvt okla ha im anoli yoke.

32. Yohmi hosh anumpa achukma pin tikba vhleha ima tok g isht e hvchim anumpulishke.

33. Im vlla vhleha hvpia hak o, Chihowa yvt yummak ash isht pim ai ghlichi hosh Chisvs g falamichit tanichi

tok. Yohmi kv̄t ataloa ont atukla ka, Svso chia l̄oke, himak nitak ʒ chikbi lishke, achit aholisso akinli hoke.

34. Micha yv̄mmvt illi tok ʒ falaminchit tanichi ka himmakma falamvt ahollopi ʒ chukowa he keyu hatuk o yak ahanchi tok, Lewi i nan isht il aiyukpa ʒhli ka chima la hi oke.

35. Yvmohmi hatuk o anonti, Chi Holitopa ka ant nan toshbi ka ik pisá, ish im ahna he keyu hoke, inla ma ai ahanchi hoke.

36. Lewi ak okvto Chihowa nan ahni pulla h̄o, im okla h̄a nan isht im ahantvt in taiyaha mvt, illi cha in tikba vhleha h̄a ibafohkv̄t itoyulvt nan toshbi ma piesa tok oka.

37. Amba Chihowa yvt falaminchit tanichi tok, yv̄mmvto nan toshbi nana kia ik peso ki tok.

38. Yvmohmi ka hatak il itibapishi vhleha ma! hatak ilv̄ppa pulla hatuk mak o, nan ai ashvchika puta isht kashofa yvt ishit hv̄chim anumpa hoka hv̄sh ithaiyanashke.

39. Micha Moses i nan v̄lhpisa ak okmvno yv̄mma kaniohmit isht hv̄sh ai i hlakofa he keyu ke tuk kia, na yimmi vt momvt yv̄mma pulla kano okluha isht ai i hlakofi hoke.

40. Yvmohmi hoka ahah! hv̄sh ai ahnashke; yv̄mmak keyukma hopaii vhleha i holisso h̄a isht ai anumpvt,

41. Na shitilema vhleha hv̄chia hv̄t ho pesa cha, okokko! ahnit, ik hv̄chi nukhlakanchá; hv̄chi nitak ʒ nan isht v̄tta ȳa isht ahanta li ka, kv̄na kia ik hv̄chim anoli mak o, kaniohmit nan isht v̄tta yv̄mma a hv̄chi yimma he keyu, achi kv̄t hv̄chi onvtula hinla hoke; achi tok.

42. Mihma Chu okla hv̄t sinakak ʒ a kohcha wiha ma, okla nan ik ithano vhleha yvt anumpa yakohmi kash ot nitak hullo atuklakma isht im anumpa hinla kv̄t asilhha tok.

43. Yvmohmi tuk o itvnaha yash ot tisheli ma, Chu okla laua, micha himona vbanumpuli toba vhleha aiena kv̄t Pal micha Banabas ita tuklo ka apehv̄t ʒya tok. Mihma yv̄mmak ash ot im anumpulit, Chihowa im ai isht il ayukpa pulla h̄o ai itvnova chi ka atohnohonchi tok.

44. Atuk o atukla nitak hullo ȳa tv̄maha chito achv̄fa

kv̄t mom̄a hosit Chihowa im anumpa hakla ch̄i kv̄t it̄naha tok.

45. Yohmi kia Chu okla hv̄to okla laua ȳa pisa mv̄t, nukhobelvt alota mv̄t, Pal vt nana anumpuli ka ik ahobalot na mihachit itachowvt maya tok.

46. Yohmi ma Pal, micha Banabas ita tuklo kash ot nukw̄aya iksho kv̄t isht ī shahlit ia mv̄t, Chihowa im anumpa hv̄t t̄ikba hv̄chishno ak ō a hv̄chim anumpa he mv̄to ai v̄lh-piesa tuk okvno ; yohmi kia, yv̄mmak ash naksi ka pit hv̄sh bohli cha, okchayvt bilia he ō ik chi ahobo kv̄t isht hv̄sh il anukfihinli hoka, okla nan ik ithano yak ō pit il ī filemv̄shke.

47. Yakohmi h̄o Chitokaka yvt pim apih̄isa mv̄t, Okla nan ik ithano v̄hleha ȳa ish in tohwikela ch̄i, yakni ont v̄hli fullota kv̄t isht ai okchaya he mak̄o, chi hilechi lishke ; ahanchi tuk oke, achi tok.

48. Mihma okla nan ik ithano v̄hleha yvt ilv̄ppa haklo mv̄t, okla na yukp̄vt Chitokaka im anumpa h̄a aiokpahanchi tok. Mihma okchayvt bilia he isht im v̄lh-pisa tok v̄to mom̄v̄t yimmi tok.

49. Yohmi na Chitokaka im anumpa hv̄t annovt yakni yv̄mma mominchit a hlopulli tok.

50. Yohmi ma Chu okla hv̄t, v̄banumpuli ohoyo holitompa v̄hleha, micha hatak holitompa tv̄maha ḡsha tuk aiena ka atohnohonchi cha, Pal, micha Banabas ita tuklo ka isht ai ilbv̄shaka ȳa ilhkolichi tok ; micha ī yakni ḡ kohchit kanom pit tibleli tok.

51. Yohmi kia iyi hituk chub̄bi ḡsha tuk ḡ on tahtuli cha, mintit Aikoniv̄m ḡ itvlachi tok.

52. Mihma nan it̄hv̄na v̄hleha yvt na yukpa, micha Shilombish Holitopa aiena ka isht anukfohka tok.

CHAPTA XIV.

Pal, micha Banabas ita tuklo kv̄t ī palv̄mmi, 1. 8 Pal vt Listi ḡ hatak imomokpulo ḡ hlakofichi na, nan-ishtahullo v̄hleha hatuk ō, okla

hvt ahobvchi, 1. 19 Pal vt tvli isht boa, 21 Tvmaha ilaiyuka hlo pullit aya mvt, falamvt Antiak g itvlachi.

1. MIHMA Aikonivm g yokohmi tok; Chu okla i sina-kak o ita tuklot ont chukowa cha, kaniohmit anumpohonli ma, Chu okla, micha Klik okla ai itvpeha kvv lau hosh yimmi tok.

2. Amba Chu nan ik yimmo vhleha hvto okla nan ik ithano g atohnochit, im anukfila hg itibapishi vhleha hash isht i nukkilichi tok.

3. Yvmohmi hatuk o nukwayiksho kit Chitokaka ya isht anumpulit, yvmmak ash ahghwa na hopaki ma, yvmmak ash ot nan isht ahoba, micha na fehna puta aiena kvv yvma ibbak g isht ai yohma hi g ahni cha, im anumpa hanta ya isht ai ghlichich tok.

4. Yohmi kia tvmaha okla chinto kash ot ita kashapa tok; mihma kashapa kvto Chu okla hak o pit halanli ma, anonti kashapvt vbanumpa isht vta vhleha yak a tok.

5. Atuk osh okla nan ik ithano vhleha, micha Chu okla hg pit aiena kvv i pehlichich ka ai itvpehvt, yvmmak ash ilbvshachit, tvli isht bola chi kvv im anukfilvt mgya ma,

6. Akostininchit okla mvt, tihlavt Laikeonia yakni g tvmaha Listi, micha Tabi ita tuklo, micha yakni auet folumpa ka ona tok.

7. Micha yvmmak o vbanumpa isht ai anumpulit okla tok.

8. Mihma Listi g hatak achvfa kvv ishki ikfoka anuka yakinli ho ai imomokpulo tok osh, iyi vt ik kvvlo hosh, nitak nana nowa tok keyu vt binili tok.

9. Yvmmak ash ot Pal vt anumpuli ka haklo tok; mihma yvmmak ash ot atokowvt pihisa cha, hlakofa he vt yimmi ka akostininchich mvt,

10. Chitoli hosh anumpulit, Wakayvt chiyi g apissvt isht ish hikiashke; achi tok. Mihma yvmmak ashot mullit, micha nowa aiena tok.

11. Mihma okla hash ot, Pal vt nana yvmhinchich na pisa mvt, Laikeonia anumpa ho okla anumpulit chitoli hosh, Chi-

tokaka vhleha yvt hatak o chiyuhmit aka mintit ayvt hvp im vlvshke; ahanchi tok.

12. Micha Banabas g Chupita hochifo mvt, Pal ak okvto anumpuli chito atuk o, Makulvs hochifo tok.

13. Mihma in tmaha itikba hikia Chupita yg na holi-tompa isht im vtta yvt, wak nakni chohmi, micha sita bita puta aiena ka ishit holihta okhisa yg vla kv, okla ai itvpehvt vbit isht aiokpvcha he ahni tok.

14. Mihma vbanumpeshi vhleha Banabas, micha Pal ita tuklo kv haklo mvt, im ilefotka yg ita hlilvfit, okla mvt pit tihlayvt okla hg iba chukowa cha, tahpvlt,

15. Hatak puta ma! na katihmi hq hvchi yakohmi cho? Pishno ak kia hatak hvchishno chohmi pia hoke, mih hosh nan ik ahobo yakohmi ka ai i filvmmi, Chihowa okchya, vba shutik, micha yakni, micha okhvta, micha nana puta, yvma ai ahshwa ka aiena ikbi tok g, hvsh im ona he mak o, e hvchim anumpohonli hoke.

16. Yvmak okvt nitak tikba ma, oklushi moma ka ilap o inli nana a kaniohmi g ant ik ai itanowá, ahni tok.

17. Yohmi kia ilap fehna isht ai atokowt anoli g ik takohlichu hosh ahanta tok keyu; yohmi kv nana ka achukmali hosh umba vba minti, micha na waya achukma nitak aiena ka auet hvp ihima cha, pi chukvsh g ilhpak, micha na yukpa aiena ka, isht alotohonli hoke; ahanchi tok.

18. Micha ilvppa shya pulla hosh na kvni okla hg yokbli na, yvma okla nan ik im abo ki tok.

19. Yvmohmi ma Chu hatak kanomona Antiak, micha Aikonivm aiena mintit vla cha, okla hg ant atohnochit, Pal g tvli isht bolit, illi hq im ahoba cha hvllat tmaha hg isht kohchi tok.

20. Yohmi tuk kia, nan ithvna vhleha yvt afolublil hinli ma, tani cha, tmaha hg ant chukowa tok. Atuk osh nitak ont atukla ma, Banabas awant Tabi g ia tok.

21. Atuk osh tmaha yvma vba isht im anumpulit, micha lgwa hq nan im avchi mvt, falamvt anonti Listi, micha Aikonivm, micha Antiak aiena kash itvlachit,

22. Nan ithvna vhleha im anukfila hlampkochi, micha ayimmi kv̄t achunancha ch̄i h̄o atohnochi mvt, na palvmmi laua ka il a hlopulli pulla hosh Chihowa apehliechika ȳa e chukowa hi oke; achi tok.

23. Micha vbanumpuli iksa moma pehlich̄i aiyuka atokolit hiohlechi cha, nahullochit vba pit anumpulit issa mvt, Chitokaka yvmmak o okla anukcheto tuk ash pit im issa tok.

24. Micha Pisitia hlopulli mvt, Pafilia itvlachi tok.

25. Micha anumpa hash Pv̄ki ā isht ai anumpuli cha, Atelia itonachi tok.

26. Atuk osh yvmmak o peni ai vlhtot Antiak yvmmak o toksvla ch̄i ka Chihowa im abolitopaka hi o, pit im issa tok ash ai āhlich̄i tuk vt itonachi tok.

27. Micha itvlachi cha iksa ȳa itahobi cha, Chihowa yvt isht kaniohmihinch̄i tuk moma, micha okla nan ik ithano vhleha ȳa ayimmika okhissa ȳa ik tiwi tuk aiena ka, im anohonlit okla tok.

28. Micha yvmmak o nan ikhvna vhleha ȳa awant ahshwa na hopaki tok oke.

CHAPTA XV.

Hakshup t̄pa isht ai itachowa, 1. 6 Vbanumpeshi vhleha hv̄t isht itim anumpulit m̄ya. 22 Ai apissalechit im anukfila ha tok.

1. MIHMA hatak kaniohmi Chutia mintit ai vla tuk vt, itibapishi vhleha h̄a nan im abvchit, Moses ī nan vlhpisa ak o chohmit hakshup hv̄chi tapa keyukmvt, hv̄chi okchaya he keyushke; achi tok.

2. Yohmi na Pal, micha Banabas ita tuklo kv̄t yvmmak ash itachovt itim inla fehna ma, Pal, micha Banabas anonti inlaka kaniohmi aiena kv̄t anumpa itachowa tok, ilvppak atuk vt vbanumpeshi vhleha, micha asononchika vhleha aiena ka Cheluselem ā im ona ch̄i ka, okla apesa tok.

3. Mihma iksa vhleha yvt pit apehvt aya na kohchvt ilh-koli mvt, okla nan ik ithano vbanumpuli toba tuk ā anohon-

lit, Finisi, micha Samelia aiena ka hlopulli tok; micha itibapishi vhleha ya mominchit yukpali chinto tok.

4. Atuk osh Cheluselem ash itonachi ma, iksa vhleha, micha vbanumpeshi vhleha, micha asononchika vhleha aiena kv̄t aiokpanchi tok. Mihma Chihowa yvt ilapo a nana isht a kaniminci tuk a mominchit anoli tok.

5. Yohmi kia Falisi iksa kaniohmi na yimmi atuk vt wakaya cha, Hakshup a in tvpli cha, Moses i nan vhpisa ha holitobla he aiena ka im apesa he vhpiesvshke; ahanchi tok.

6. Yvmohmi ma vbanumpeshi vhleha, micha asononchika vhleha aiena kv̄t anumpa ilvppa anukfillit pisa chi kv̄t itvnaha tok.

7. Atuk osh itachowa chuma naha ma, Pita yvt wakaya mvt, Hatak itibapishi li vhleha ma! nitak hopaki kash Chihowa yvt hvpin takla ma auet ai atokoli ka, yvmvt stih ak o okla nan ik ithano vhleha yvt vba isht anumpa anumpa ka a haiyaklo cha, yimma hi a tok a, hvsh ithaiyanvshke.

8. Michā Chihowa yvmmak osh chukvsh puta ka ithaiyana kv̄t, aiokpanchi hosh Shilombish Holitopa ihima kv̄t hv̄pishno yo chash itilauēchi hoke.

9. Michā hv̄pishno a yvmma a pit im invchi keyu, yimmi hatuk o chukvsh a i kashohufi hoke.

10. Yvmohmi ka nanta katihmi ho Chihowa hvchik anukcheto hosh, nan itvna vhleha ikonla ya ikonla abana yvmma pin tikba vhleha, micha hv̄pishno aiena kv̄t e lauwi cha, e shala he keyu ka, yvmma hvsh onochi cho?

11. Yohmi kia Chitokaka Chisvs Klaist achukma pulla hatuk mak o, pi okchaya kv̄t yvmmak inli il itilaua he aiahnit pi yimmishke; achi tok.

12. Yohmi ma okla laua yvt lumvt chieyvt, Banabas, micha Pal ita tuklo Chihowa yvt ilapo a, na fehna, micha nan isht ahoba puta aiena kaniohmi ho okla nan ik ithano vhleha itin takla ya, isht a yvmihinci tuk a anoli ka haklo tok.

13. Okla hv̄t lumvt chieya ha yano, Chemis vt achakalinchi mvt, Hatak itibapishi li vhleha ma! hv̄s sa haponaklashke.

14. Chihowa yvt ummona ka oklushi nan ik ithano g kaniohmit aiokpanchit okla ilap isht hohchifa chi ka akohchit ishi tuk g, Simion vt anohonli tok.

15. Micha hopaii vhleha im anumpa hvv ilvppak o ai achvfvshke.

16. Yakohmi ha ma falama lish, Lewi in chuka kinafa tuk g falaminchit ikbi la hi oke; micha okpulo tuk g falaminchit ikbit hilechi la hi oke.

17. Yvmmvt hatak a kashampa, micha okla nan ik ithano vhleha moma sa hohchifo hg isht a hohchifo tuk puta kvv, Chitokaka ya okla hohoya chi ka, yvmmak osh na yakohmi moma ka yvmihchi mak osh Chitokaka yvt achishke; achi holisso tok g.

18. Ummona pillvt isht auehinchi ka Chihowa yvt ilap nana a kaniohmi puta ka mominchit ithaiyana chatuk.

19. Yvmohmi hoka okla nan ik ithano atuk filemvt Chihowa ya im onvt maya ka, kil anumpulicho ka he ak o, vno vt aiahni lishke.

20. Amba na holba toba puta isht ai okpulo, micha ohoyo himita itin lumaka, mikmvt nana kvv nuksitvt illi puta, micha issish aiena ka ik ahalaio ka chi kak o pit iloh i holissochashke.

21. Nitak hopaki isht auehinchi ka, Moses i holisso hg tumaha moma, kvna hosh isht ai anumpohonlikma, nitak hullo moma, sinakak g ai itim anumpohonli chatuk oka; ahanchi tok.

22. Mihma vbanumpeshi vhleha, micha asononchika vhleha, iksa vhleha moma ai itvpeha kvv ilap ai itvpeha akinli, hatak ai vlhtoka hg Pal, micha Banabas ita tuklo ka ai itvpehinchit Antiak g pit tihlela he, vlvpesa ahni tok Chutvs osh Basabas hohchifo, micha Sailvs itatuklo itibapishi vhleha ya moma i shashonli kak a tok.

23. Micha holissochit ibbak fohki kvv yakohmichi tok. Ubanumpeshi vhleha, micha asononchi ka, micha itibapishi vhleha aiena kvv, itibapishi vhleha okla nan ik ithano a tok Antiak, Silia, micha Selisia puta aiasha ka pit aiokpvchishke.

24. Yvmohmi kvv hatak kaniohmi ilvppa isht ia tuk osh,

anumpa isht hvchi atakvmmmit hvchi shilombish okpanit, Hvchi hakshup vt tupa cha, nan vlpisa ya hvsh holitoblashke, ahanchi tuk g e haiyaklo tok; yummak oka il atohno tuk keyu hoke.

25, 26. Chukvsh vt achvfa chohmit itvnavt e chieya mvt, hatak vltoka hvpin Chitokaka Chisvs Klaist hohchifo pulla ka ilap im ilhfiopak g a kaiyanchi chohmi hatak o, pi holitopa Banabas, micha Pal ita tuklo ka ai itvpehvchit pit a hvchin tihlela he g, vlpesa il aiahni tuk.

27. Yvmohmi hatuk osh Chutvs, micha Sailvs aiena ka pit e hvchin tihleli hoka, mihi yosh yummak ash fehna ka itih ho isht hvchim anohonla hi oke.

28. Yvmohmi ka Shilombish Holitopa, micha pishno il aiena kvv nana kvv weki kvv ai vlpesa ilvppa chohmi ka, ai i shahli ho e hvchi onoicha he keyu kak o vlpiesa il aiahni tuk oke.

29. Yohmi kvv nipi na holba toba pit im issa tuk, micha issish, mikmvt nana kvv nuksitvt illi tuk puta, micha ohoyo himita itin lumaka aiena kak o, hvchik ahalaio kashke. Yvmak o hvchik il ahalaicho hokmvt hvsh vlpiesa hi oke. Hvchi achukmakashke; achi tok.

30. Yohmi na okla pit tihleli ma, Antiak g ai vla tok; micha okla laua ya itahobit tahli mvt, holisso hash ima tok.

31. Mihma yummak ash okla itim anumpuli mvt, nan im annoa kvv okla na yukpa tok.

32. Mihma Chutvs, micha Sailvs ita tuklo kvv, ilap mvt hopaii akinli hatuk okvt, itibapishi vhleha ha anumpa lava ka isht atohnohonchi cha kvvlochi tok.

33. Atuk osh yummak osh ahghwa na ahchieba ma, itibapishi vhleha yvt aiokpanchi cha vbanumpeshi vhleha ha pit in tihleli tok.

34. Yohmi kia Sailvs vto yummak inli ahanta kak osh im vlpiesa tok.

35. Pal ak kia, micha Banabas aiena kvv Antiak g, inla laua ho ai itvpehvt mayvt Chitokaka im anumpa ha im abahanchi, micha isht im anumpohonli aiena tok oke.

36. Yummak atuk g nitak ont isht kaniohmi ma, Pal vt

Banabas ash, Anonti ivt tumaha moma Chitokaka im anum-pa il ai anumpohonli tuk vt, il itibapishi vhleha h_g i nowvt ayv kaniohmi hosh ai ashakma e pisashke; im achi tok.

37. Mihma Banabas vt Chan osh Mak hohchifo ka ilau-ehit aya lhi g ahni tok.

38. Yohmi kia Pafilia ai i filvmmi cha iba takla nan isht vttvt ik ayo ke tuk ash, ilaelit aya ik vhpeso, Pal vt ahni tok.

39. Mihma itachowa kvv kullo fehna hatuk osh, itj filvmmi okla tok. Yohmi ma Banabas vt Mak g ilauei cha peni fokhvt Saipilvs g ona tok.

40. Mihma Pal vt Sailvs g hoyo cha itibapishi vhleha yvt Chihowa im aholitopa he mak o, pit im issa ma, ia tok.

41. Mihmvt yvmmak ashot iksa vhleha ya hlampkochit isht ayvt, Silia, micha Silisia aiena ka hlopulli tok oke.

CHAPTA XVI.

Pal vt Timohli g hakshup tvpli, 1. 14 Litie vt vbanumpuli toba.
24 Aboha kullo apesvchi vt vbanumpuli toba.

1. YUMOHMI mvt Tabi, micha Listi aiena ka vla tok. Mihma yvmma nan ithvna achvfa Timohlivs hohchifo hosh anta tok; Chu ohoyo na yimmi o ushi; amba iki okvto Klik hatak a tok.

2. Yvmmak oka itibapishi vhleha Listi, micha Aikonivm aiena aiasha kvv ahnichi tok.

3. Yvmmak osh takla aya hi g, Pal vt aiahni tok; micha ishi cha hakshup tvpli tok, yakni koyofa yvmma aiasha kvto Chu vhleha hatuk o, micha iki okvto Klik hatak g momvt ithana hatok oka.

4. Micha tumaha puta a hlopullit aya mvt, nan vhpisa vbanumpeshi vhleha, micha hatak asononchi aiena Cheluselem aiasha kvv apesa tuk g, holiobla chi ka ihimvt okla tok.

5. Yvmohmi ho iksa puta kvv yimmi kvv kullot hiohli ma, holhtina mvt laua kvv nitak atukma, i shahlit ia tok.

6. Yvmohmi ma Fichia, micha Kaleshi yakni aiena a hlo-

pullit okla, micha Asia g anumpa ha isht ai anumponla he keyu, Shilombish Holitopa yvt i miha tuk o,

7. Mishi g itvlachi mvt, Bihlinia chukowa bvna tuk kia, Shilombish vt vhpesa, ik im ahno tok.

8. Yohmi ma Mishi g ant itiachi mvt, Tloas g itvlachi tok.

9. Mihma ninak o, Pal g nan isht ahoba yvt ant i haiaka tok. Masetonia hatak osh hikia cha, im asilhhvchit, Masetonia ak o vla cha ant pi apelá, ahanchi tok.

10. Mihma yvmmak oka vbanumpa ont isht il im anum-pula he makg, Chitokaka yvt auet pi hoyo tok pulla ka, pim anukfihinla mvt, nan isht ahoba ka pisa tuk g, in chekosi ma, Masetonia ya ia pi bvna tok.

11. Yohmi cha Tloas g il a hotoffi mvt, auet apissalint mintit Samoleshi e la tuk osh, nitak atukla ka Niapolis g e la.

12. Micha yvmma ashvvt il ia mvt, Filippi, yvmmak okvt tmaha chito kvv Masetonia yakni koyofa yvmma moma i shahli, okla wiha a binili g e la tok. Micha tmaha yvmma il ashwa na nitak kanohmi tok.

13. Micha nitak hullo ma tmaha kohchvt ivt okhina la-pali ka, yvmmak o vba pit ai anumpuli chatuk g, ont e chieya mvt, ohoyo hvv itahohumba ma il im anumpuli tok.

14. Mihma Chihowa aiokpanchi ohoyo achvfa Litie hoh-chifo, na humma lusbi kanchi, Hlaiataila tmaha vta yvt pi haklo tok; mihi yo chukvsh o Chitokaka yvt tiwi na Pal vt nana isht ai anumpohonli ka anukfohka tok.

15. Micha ilap vt in chuka chvfa aienvt baptismo mvt, asilhhvchit, Uno vt Chitokaka ya pit im ai ahli li ka hvchim ahobakmvt, an chuka ya ont hvsh chukowa cha hvsh ash-washke; ahanchi mvt, pi atvshpalechi tok.

16. Yakohmi tok, vba pit ai anumpuli ia hosh il gya ma, ohoyo himita achvfa kvv isht ahullo shilombish anukfoka hosh pi afama tok; yvmmak okvt nan anoli ilahobit vlvto-ba chinto i shahli vhleha isht im ahayuchi a tok.

17. Yvmmak ashot Pal, micha pishno aiena ka piakai-yvt gya mvt tahpvvt, Hatak yakohmi kvv Moma i Shahli Chihowa yakg, in tvshka vhleha yosh ai okchaya hina hvvim abahanchi hoke; ahanchi tok.

18. Mihmvt ilvppa yakohomi na nitak kanohmi tok. Yohmi kia Pal vt ik im vlpeso hatuk osh filema mvt, shilombish ash, Chisvs Klaist hohchifo pulla hō, chishno vt yvmma ish akohcha chī ka, chī miha lishke; im achi tok. Mihma yvmmak ashot mih makinli hō kohcha tok.

19. Yvmohmi ma i shahli vhleha yvt nan isht ai ahayunchi ashot kunia na pisa mvt, Pal, micha Sailvs ita tuklo ka hokli cha, hvllat ishtivt nan vpa a kanchi g isht chukovvt, hatak pehlichi vhleha ya isht im ona tok.

20. Micha ishtivt tvshka chipota i miko vhleha ya isht im ona cha, Hatak ilvppvt Chu okak osh hvpin tumala ha atak-laiyvmmi fenvshke.

21. Micha Lom okla pia hv, nan vlpisa yvmma il aiokpvchi cha, e holutobla he pim ai vlpesa keyu ka pim abahanchishke; ahanchi tok.

22. Yohmi ma okla laua yashot im a sunali himona achvfa wakaya tok; mihma tvshka chipota i miko vhleha yashot im ilefohka ya okla i shueli mvt bola chī ka, okla apesa tok.

23. Mihma fvma lava hō okla onochi mvt, aboha kvllo apesvchi g achukmalit apesahancha chī ka im apesvt tahli cha, aboha kvllo pit apitta tok.

24. Yvmmak ashot nana kv, yakohmit im vlpiphisa mvt, aboha kvllo anpkaka pilla pit apitta cha, iti iyi isht akvllō isht a kvllōchi tok.

25. Yvmohmi tuk o ninak iklvna ma, Pal, micha Sailvs ita tuklo kasht vba pit anumpulit, Chihova pit aiokpvchit in talohova tok; mihma aboha kvllo vlpinta tuk vt haiyaklo tok.

26. Mihma yakosi fena makinli hō, yakni winakvchi chin-to na, aboha kvllo nutaka intola yvt ilhkoli tok: mihma ashaliika okhissa yvt momvt tiwa ma, momvt im isht talakchi yvt i mokohli tok.

27. Mihma aboha kvllo apesvchi yvt nusi tuk vt okcha cha, aboha kvllo okhissa puta kv, tiwa hō pisa mvt, aboha kvllo vlhto g tihlaiyvt tamoa tuk g, im ahoba mvt i bvshpo falaia ya hvllat shufi kv, ile ba chin tok.

28. Yohmi kia Pal vt chitolit pit tahpvvt, Momvt ilvppa e maya hoka, nana kia chik ile kaniho kashke; ahanchi tok.

29. Mihma pva ha pit hoyo cha, mvlet pit chukowvt wvnhinchi hosh vla mv, Pal, micha Sailvs ita tuklo itikba ya ant hlipia tok.

30. Micha pehlichit kohcha mv, Hatak hvchia ma! sai okchaya chi kvto nanta ko katiohmi la chi cho? achi tok.

31. Yohmi ma, Chitokaka Chisvs Klaist ak o ish i yim-mashke, mikmak osh chishno, micha chin chuka achvfa aienvt chi okchaya hi oke; achit okla tok.

32. Micha Chitokaka im anumpa ha ilap, micha in chuka anuka ya maya tuk ash a mominchit isht im anumpuli tok.

33. Mihma ninak hvshi kanvlli isht vhpisa mih makinli ho ishi cha, a fvma tuk a achifa tok; mihma ashalika ilap vt in chuka chvfa momvt baptismo tok.

34. Micha pehlichit im aboha ya ishit chukowa mv, ilh-pak a itikba in talohli mv, in chuka chvfa ya a moyumvt Chihowa ya yimmit na yukpa tok.

35. Yvmohmi tuk o onvt taha ma, tvshka chipota i miko vhleha yvt anumpeshi a pit tihleli mv, Hatak yvmvt ant ik itiachi, ahanchi tok.

36. Atuk o aboha kvllo apesvchi yvt Pal a anumpa ilvpa im anolit, Tvshka chipota i miko vhleha yvt ant ik ayá, auet hvchim aiahni tuk oke; yvmohmi hoka himak ano kohchvt ivt, na yukvvt hvsh gyashke, achi tok.

37. Yohmi kia Pal vt, Anumpa vhpisa yosh pi onvtula keyu ka, Lom hatak pia ho kak o haiakvchi hosh pi fahami cha, aboha kvllo ya pit pi apitta tuk; yohmi kash ot anonti peh luma hosh pi kohchi hoh cho? Yohma he keyu pulvshke. Amba ilapo inlit ai vla cha, isht pi kohchashke; im ahanchi tok.

38. Atuk o anumpeshi ash ot anumpa ilvppa tvshka chipota i miko vhleha yash ont im anoli tok. Mihma yvmvt Lom hatak atuk o okla haklo mv, nukshopa tok.

39. Mihmv ai vla cha ant im asilhvt, isht kohchi mv, tvmah ha a kohchvt okla hinla ka, im ahni tok.

40. Mihma aboha kvllo a a kohchvt ia mv, Litie in chuka out chukowvt okla tok; micha itibapishi vhleha ya pisa cha hopohlvt tahl mv, kohchvt itiachi tok oke.

CHAPTA XVII.

Pal vt Hlessalonika ya vba isht ai anumpuli, 1. 10 Pal vt Belia akq ai anumpuli. 15 Pal vt Ahlens q ai anumpuli.

1. YUMOHMI kashot Amfipolis, Apollonia aiena ka hlopullit okla mvt, Hlessalonika yvmmak o Chu okla i sina-kak vt hikia ho itvlachi tok.

2. Mihma Pal vt yvmmak o a yohmi atuk okvt ont iba chukowa cha, nitak hullo nitak tuchina ka Holisso Holitopa ya ai isht okla ha im anumpohonli tok.

3. Klaist vt issikkopa he, micha illi tuk osh falamvt tana hi vt ai vlpiesa tok, isht i fahpullit im abuchit, yvmohmi ka Chisvs iluppa vno vt isht hvchim anumpohonli li kak osh, yvmmvt Klaist mak oke; achi tok.

4. Mihma kanimi kvv yimmi mvt Pal, Sailvs ita tuklo kash iba kaha tok. Mihma Klik hatak vbanumpuli laua fehna, micha ohoyo holitompa aiena kvv kanomosi tok ke-yushke.

5. Yohmi kia Chu okla nan ik yimmo hokvto anukhobela mvt, hatak haksi nan isht vta ik im iksho kaniohmi ho pehlichit itvnnali cha, tmaha okla ha mominchit nukhla-kashlit, Chesvn in chuka ya o yihlepa tok; micha pehlichit kohchvt okla isht im vla chi hosh yvmmak ash hoyo tok.

6. Atuk osh yvmmak ash okla ik ahayucho mvt, Chesvn micha itibapishi vhleha kaniohmi ka-aieninchit, hullat tmaha apehlichi vhleha ya isht im ona cha, tahpvlvt, Yakohmi kvv yakni q shot filimmi tuk vt iluppak kia ai vlshke.

7. Mihi yo Chesvn vt pehlichit ishi tuk; micha yakohmi kvv momvt Sesa i nan-vlhpisa ai ahalaia keyu ho, okla yvmohmit, miko inla Chisvs vt asha hoke, ahanchishke, achi tok.

8. Mihmvt okla puta, micha tmaha apehlichi vhleha aiena kvv na yakomi ka haklo ma, nukhla-kashli tok.

9. Mihmvt Chesvn, micha inla aiena anumpa nana ho im ai ishi kvv im vlhpesa mvt, asht ik itvnowa, okla im ahni tok.

10. Mihma itibapishi vhleha yvt ashalika ninak o Pal, Sailvs itatuklo kash Belia pit tihleli tok; yvmmak ash itonachi mvt, Chu okla i sinakak o ont abeha tok.

11. Yakohmi kvto hochukma kvt Hlessalonika maya ka i shahli tok, im anukfila mominchit isht aiokpanchit anumpa ha ishi hatuk osh, micha yvmmvt yohmi ho mvhli ho chishba, nitak moma Holisso Holitopa ya a hohoyo tok.

12. Yvmohmi hatuk osh okla yvmmvt laua hosh yimmi tok; mihma Klik ohoyo holitopa vhleha, micha hatak aiena mvt kanomosi tok keyushke.

13. Yohmi kia Chu okla Hlessalonika asha kv, Pal vt Chihowa im anumpa ha Belia ya isht ai anumpohonli ka pit akostinichi mvt, yvmmak ash kia okla ai vla cha, okla ha ant okpuni tok.

14. Mihma ashalika itibapishi vhleha ash osh Pal a okhvta ak o ia chohma chi ho, pit chvffichi tok. Amba Sailvs, micha Timohlivs itatuklo kvto yvmmak inli ho ashwa moma tok.

15. Mihma Pal ilauev isht okla aya tuk vt Ahlens a isht ona tok; micha Sailvs, Timohlivs itatuklo kv tushpa fehnvt im itonancha chi ka, pit i miha, anumpa ishi mvt, okla ilhkoli tok.

16. Yohmi ma Pal vt yvmma pit hoyo hosh Ahlens a anta takla cha, vmaha hv na holba toba banot isht alotowa na, pihisa mvt im anukfila hv ik vlvpeso ki tok.

17. Yvmohmi hatuk osh Chu okla, micha vbanumpa ahni vhleha aiena ka, sinakak micha kvna ho nana ai itatoba ai itafama hokvt nitak moma ai im anumpohonli beka tok.

18. Mihma hatak nan-imponna Epikulvs iksa, micha Istok okla aiena kanihmi kv, yvmma okla itim anumpuli tok. Mihma kanimi kv, Anumpuli shahli ilvppvt nanta ko acha hinla? achi ma; kanimi kv, Chisvs, micha falamvt tani aiena isht im anumpuli hatuk o, Yakni kanima nan isht ahullo ho isht anumpuli ha chinishke; achi tok.

19. Mich a okla ilauevit ishtvt, Mas nvnih a isht ona mvt, Ilvppvt anumpa himona nana ho isht ish ai anumpuli hatakma, il ithvna hinla cho?

20. Chishno yokvt nan inla nana mak o pi haksobish a ant ish foyuki hoka. Yohmi hoka ilvppvt kaniohmi hatuk okma il akostinincha hinlvshke; ahanchi tok.

21. Ahlens okla moma, micha yakni inla hatak puta yvmma aiasha aiena kvv, nan inla yo keyu, amba na himona fehna anoli, keyukvt haklo hokma, nana hosh aiasha bilia hatok oka.

22. Yvmohmi ma Pal vt Mas nvnih iklvna ya hikia cha, Ahlens okla hvchia ma! nana a kaniohmi puta ka na holba toba ya hvsh aiokpanchi fehna ho, hvchim akostininchi lishke.

23. Ant ia li kvv hvchi na holba toba puta ka pihisa li kvv, vba tva ya, Kvna ik ithano Chihowa mak o, achi, ilvppak osh isht ai o holisso ka pisa li hokvno. Yohmi hoka hvsh ithana keyu hosh, pit hvsh aiokpahanchi chatuk, mihmak o, vno vt hvchim anohonli lishke.

24. Chikowa yakni, micha nana moma yvmma anvaka aiasha aiena ka ikbi tok; yvmmak okvt vba shutik, micha yakni aiena ka in Chitokaka yokvt tempel puta ibbak a isht toba ya, ai ahanta keyu.

25. Micha nana hosh ik im iksho hatuk o, hatak ibbak vt im isht anta chatuk keyu; yvmmak osh moma ka okchya, micha im ilhfvpak, micha nana moma aiena ka ihima hatuk oka.

26. Micha issish achvfa ho, hatak oklushi moma yakni paknaka a mominchit aiasha hi a ikbi tok; mihkv nitak kaniohmi vlvpisa ho, micha kanima yo aiasha he puta ka, apesa tok.

27. Yvmkvv Chitokaka ya hoyo chi hatok; yvmmak okvto eho moma ka hvpi mishemanchi keyu nana kia, yohma he yobkvv, pasholit hoyo fehna cha, yvmmak oka ahayucha hinla hoke.

28. Hvpushno vt yvmmak o iloh ai okchya, micha ilhkoolit, iloh aiasha hoka. Hvchim ataloe ikbi kaniohmi kvv, Hvpushno ak kia yvmma ushi hvpia hoka, ahanchi akinli tok oka.

29. Yohmi ka Chihowa ya ushi vhleha pia hokvt, Chiho-

wa imma ya t'li holisso lakna okmá, keyukmvt, t'li hvta, keyukmvt t'li, hatak nan isht v'tta imponna nana anukfilli hosh, na holba ikbi ya chohmi hoka, hvvim ahoba he tuk keyu hoke.

30. Nan ik ithaiyano nitak yvmmak foka hokvno, Chihoa yvt tohmosonli hosh pihisa tok kia; amba himak okvno hatak okl'ha kanima moyuma ahanta kv't ile kostinincha he ak o, im apihievshke.

31. Hatak g ilapo inlit atokoli tok, yvmmak o yakni g ai ghli banot nan isht im apesa he vt nitak g apesa tok okvt; illi tuk g tanichi hosh moma ka im ai ghlichu tok; ahanchi tok.

32. Illi falamvt tana he puta okla haklo mvt, kanimi kv't isht yopula tok; mihma kanimi kv't, Anonti himmakma ilvppa e chim a hakla hi oke; achi tok.

33. Yakohmi ho Pal vt okla iklvnaka ya, akohcha tok.

34. Yohmi kia hatak kaniohmi kv'to yimmi cha, yvmmak ash ibakaha tok. Yvmma iba takla kv't Taionishvs, Mas nvnih nan ai apesa, micha ohoyo Tamelis hohchifo hosh, anonti inla ai itvpeha tok oke.

CHAPTA XVIII.

Pal vt Kolinhla, g ibbak isht a toksvli, micha v'ba isht ai anumpuli aiena, 1. 9 Holhpokuna hosh isht ai i yiminta.

1. NANA kv't a yakohmi ha ya, Pal vt Ahlens g akohchvt ia mvt, Kolinhla g v'la tvk.

2. Micha Chu hatak achvfa Akuila hohchifo, Pantvs ai v'tta tok vt, tekchi Plisilla ita tuklo kv't, Kilativs vt Chu v'hleha yv't momvt Lom g akocha wiha chi ka, apesa hatuk o, Itili ya ashvvt itvlachi tuk g cheki hosh ashwa na, pisa mvt yvmmak o im ona tok.

3. Micha ilap vt a toksvli itim ai achvfa hatuk okvt, takla shantvt toksvli tok; yvmmak okvt isht v'lhtipo ikbi im v'lhtayak v'hleha ha tok okvt.

4. Mihmvt sinakak g nitak hullo moma ai anumpulit, Chu v'hleha, micha Klik okla aiena ka nukfokichi tok.

5. Atuk o Sails, micha Timohlivs ita tuklot Masetonia gshvvt itvlachi ma, Pal vt chukvsh vt a yimihinta mvt, Chisvs ak osh Klaist pulla mak atuk a, Chu okla hã im abahanchi fehna tok.

6. Mihma okla i sanalit ik ahobalot anumpuli ma, ilap im ilefohka yã wilohli mvt, Hvch issish vt hvchi noshkobo akinli hõ onutulashke, vno vto sa kashofvshke. Himmak pilla ano okla nan ik ithano vhleha ak o im gya la chj hoke ; im achi tok.

7. Michã yvmmak ash akohchvt ia mvt, hatak achvfa Chvstvs hohchifo, Chihowa aiokpahanchi in chuka ont chukowa tok. Yvmma in chuka yvt sinakak o bilikasi hõ, talaia hatok.

8. Mihma Kispvs sinakak apelihchika yvt in chukachvfa moma ai itvpehvt, Chitokaka yã i yimmi tok. Mihma Kolinhla okla hv haklo mvt, laua hosh yimmi cha baptismo tok.

9. Mihma Chitokaka yvt ninak o, Pal vt holhpokuna chohmi ka im anumpulit, Chi nukshopa ná, amba anumpuli, micha lumvt chik gsho kashke:

10. Uno vt chi awant gya li hoka ; hatak nana hosh chi onvtulvt chi hotopala he keyu hoke, tmaha ilvppa okla lauvt vm ai gshwa hoka ; im achi tok.

11. Mihma Chihowa im anumpa hã ai im avchit ahanta na avvmmi achvfa cha hvshi hannalit aiena tok.

12. Atuk o Kalio vt Akaia i nahullo mikot ahanta ma, Chu okla hv im anukfila ai achvfa chohmit, Pal a o kinafvv ishiv nana ai apesa yã isht ona mvt,

13. Nan-vlhpisa yã ai ahalaia keyu ka, Chihowa yã aiokpvcha chj ka, hatak ilvppvt okla hã atohnonchishke, achanchi tok.

14. Mihma Pal vt ilap itih hã wakvmma chj foka ma, Kalio vt, Chu okla hash nana kvv ik vlhpeso, keyukmvt, okpulo fehna nana hatuk okmvno, vno vt hvchim aiokpanchi la hi a, ai vlhpiesa he tuk oke, Chu okla hvchia ma !

15. Amba anumpa, micha hohchifo puta, mikmvt hvchi nan-vlhpisa imma aiena isht anumpa hatukmvno, hvchishno

akinli hosh yummvno isht htsh gshashke. Uno yokvto nana ymma chohmi hokvno, non apesvt ahanta la he ke-yushke, im achi tok.

16. Mihmvt nana ai vhpisa gsha tuk g kvnom pit tihleli tok.

17. Mihma Klik vhleha hvt momvt sinakak apelihchi Soshlenes g, okla hoklit ishi cha, nana ai vhpisa itikba yg a boli tok. Mihma Kalio vt ymma puta ka nan isht ik ahno tok.

18. Yakohmi ha ya, Pal vt ahanta na nitak kanohmi tok ; atuk osh itibapishi vhleha yg aiokpvchit tahli mvt, Plisilla, micha Akuila aiena ka ai itapihvt peni fohkvt gyvt Silia yg ia tok ; anumpa hg il onochi tok okvt, Kenklea pashi ai vmo tok.

19. Micha Efesvs g vla mvt, yummak o ant ashachi cha ; amba ilapo vto vba isht ai anumpa chuka ont chukowa cha, Chu vhleha yg im anumpohonli tok.

20. Mihma takla anta na hopaka hinla ka, okla ahni ma, ilap ak osh ik haklo tok.

21. Micha okla hg aiokpvchi mvt, Ik kaniohmi kia, impa holitopa mihinti ilvppa Cheluselem ak o ai isht anta la chi hoke. Yohmi kia Chihowa ak osh ik yohmi ahni hokma, falamvt chim gya la he akinli hoke ; ahanchi tok. Mihmvt peni fohkvt Efesvs vttvt ia tok.

22. Atuk osh Sesalia yg ont atayali cha, pit oiyvt iksa vhleha hg ont aiokpvchit tahli mvt, Antiak g ia tok.

23. Mihmvt ymma ont anta naha cha ia mvt, Kalessi, micha Fichia yakni aiena ka, nan ithvna vhleha moma hlampkochit abaiyvt gyvt hlopulli tok.

24. Mihma Chu achvfa Apollos hohchifo, Aleksantia ai vttta tok, hatak anumpuli imponna, micha Holisso Holitopa yg imponna fehna yosh Efesvs g vla tok.

25. Hatak ilvppvt Chihowa i hina yvt im vlvchi ya tok ; micha chukvsh vt ai yimihinta hatuk osh, Chan i baptismo ak illa ho ithana hosh, achunanchit Chitokaka immi yg isht anumpuli, micha im avchi aiena tok.

26. Micha nukwaya kv iksho hosh, sinakak g ai anum-

pulit ishtia tok. Yvmmak ash o Akuila, micha Plisilla ita tuklo kv̄t haklo mvt, yvmmak ash pit hoyot ishi cha, Chihowa ī hina ȳa achukmalit ī shahlichit im anohonlit okla tok.

27. Micha Akaia ȳa ia ka bv̄nna ma, nan ithvna vhleha yvt okla aiokpahancha chī ka, pit atohnochit, itibapishi vhleha yvt holissochi tuk o; yvmmak ashot vla mvt, ī nukhaklo na yimmi tuk vhleha ȳa apelahanchi fehna tok.

28. Yvmmak okvt, Chisvs ak osh Klaist mak a tok ḡ okla itin takla Holisso Holitopa ȳa ai isht im abahanchit Chu okla h̄ḡ anukfohki fehna tok oke.

CHAPTA XIX:

Pal vt ibbak isht umbitepaka Shilombish Holitopa yvt anukfohka tok. 17 Vbanumpa yimmi kv̄t laua.

1. **ATUK** o, yakohmi tok, Apollos vt Kolinhla ḡ anta moma ma, Pal vt ibetvp pilla ka a hlopulli mvt, Efesus ḡ vla tok; micha nan ithvna kaniohmi ka ant pisa mvt,

2. Hvchi yimmi tok takla kv̄to, Shilombish Holitopa ȳa hvsh eshi tok oh cho? im achi tok. Mihma Shilombish Holitopa yvt ḡsha hokmá, nana kak kia, e haklo chatuk keyu hoke; okla im achi tok.

3. Mihma, Yohmi kv̄to, nanta k̄o ai isht hvchi baptismo hatok o? im achi tok. Mihma, Chan ī baptismo ak a tok; okla achi tok.

4. Mihma, Chan v̄to ile kostininchit baptismo ȳo isht baptismochi ho mvhli cha, ilap iakgyvt mihinti, Klaist Chisvs mak o yimma hi ḡ, okla h̄ḡ im ahanchi tok; Pal vt achi tok.

5. Mihma ilvppa okla haklo mvt, Chitokaka Chisvs hohchifo h̄ḡ isht okla baptismo tok.

6. Mihma Pal vt ibbak ḡ okla hash, isht umbitepa ma, Shilombish Holitopa yvt ant onvtoyula tok. Mihma anumpa ilaiyuka okla anumpuli mvt, vbanumpa aiena isht anum-puli tok.

7. Micha hatak vt moma kv̄t auah̄tuklo foka hatok.

8. Micha sinatak ont chukowvt, nukw̄yay iksho hosh, Chihowa apehlichika imma yā isht anumpulit, anukfohki-chit ahanta na hv̄shi tuchina tok.

9. Yohmi kia kaniohmi hokv̄to ch̄kv̄vsh kv̄llo taha cha, ik yimm̄o mv̄t, hina yv̄mmak ash na mihachit okla laua itikba yā ai anumpohonli ma, yv̄mmak ashot ai i filv̄mmi cha, nan ithv̄na v̄hleha hash a filamolechit eshi cha, Tailanus osh nana ai ikhv̄na i hikia h̄o, nitak moma ai anumpohonli tok.

10. Ilv̄ppa yakohmi kv̄t imoma na afv̄mmi tuklo tok; yohmi hatuk o, Chu, micha Klik okla aiena Asia ai asha tuk vt momv̄t Chitokaka Chisvs im anumpa h̄a haklo tok.

11. Mihma Chihowa yvt nana kv̄t isht ahullo fehna kaniohmi ka, Pal ibbak a isht a yvmihinchi tok.

12. Yvmohmi hatuk o, nantapv̄ski puta, keyukmv̄t, tikba takohlichika, yv̄mma haknip a ai isht abeka puta ka isht im oh̄ona; yohmi ma nan ililli puta kv̄t ai i filamoli, micha shilombish okpulo aiena kash ot akohoncha beka tok.

13. Yvmohmi ma Chu kaniohmi nan isht-ahullo okpulo kohchi ilahobit itanowa yvt, shilombish okpulo anukfoka v̄hleha h̄a, Chitokaka Chisvs hohchifo h̄a isht ai o hochifochit piv̄t, Chisvs, Pal vt yv̄mma isht ai anumpohonli ka pulla h̄o, anumpa kv̄llo ai isht e chi onohonchishke; aban-chi tok.

14. Yohmi ma Chu hatak Sifa hohchifo, na holitompa isht asha pehlichika o ushi untuklo hosh yv̄mma yohmi tok.

15. Mihma shilombish okpulo ash ot falaminchi mv̄t, Chisvs a ithana li, mikmv̄t Pal ano ithana li; amba hv̄chishno ak osh kv̄ta hv̄chia h̄o? achi tok.

16. Mihma shilombish okpulo yvt a foka hatak ash ot yv̄mmak ash o mv̄let, onvtulvt isht i shahlichit imaiyachi tok; yvmohmi na na fohka iksho micha ai okpulo kv̄t taha aiena hosh, chuka yv̄mmak ash akohchvt yihlepa tok.

17. Yohmi ma Chu okla hv̄t moma, micha Klik puta aiena Efesvs asha tuk vt, ilv̄ppa okla akostininchi tok; mihma na nukshopa hv̄t mominchit onvtoyula ma, Chitokaka Chisvs hohchifo hv̄t holitopa tok.

18. Mihma na yimmi tuk vt laua hosh ai vltv ant il anolit, nana akaniohmi chatuk puta kvv anohonli tok.

19. Micha isht ahullo imponna vhleha hatuk aiena kak kia, laua hosh i holisso puta ka isht itahobi cha, hatak mo-ma itikba ya a hukmi tok. Micha ai vltoba ya okla hotihna mvt, tvli hvta boshulli tahlepa sipokni pokofi tahlapi tuk o, akostininchi tok.

20. Chihowa im anumpa hvv kvvlo kvv i shahlit ia fehna, yakohmi hosh imaiyachi tok.

21. Nana kvv a yakohmit ont ai issvchi ma, Pal vt Masetonia, micha Akaia aiena ka hlopullikmvt, Cheluselem a ia hi vt chukvsh a isht ai ahni mvt, Yvmma ont anta li tukmvt, anonti Lom ma pisa li pulla akinlashke; ahanchi tok.

22. Mihmvt im ai itapela tuklo Timohlivs, micha Elastvs aiena ka Masetonia pit tihleli cha, amba ilapa vto Asia ya anta na ahchiba tok.

23. Mihma nitak yvmma fehna ma, hina yvmma okla hvv nanumachi fehna tok.

24. Hatak achvfa Temetivs hohchifo, tvli hvta ikbi, yvm-mak osh Taiena ya tvli hvta itombushi puta im ikbi yosh isht vltoba mvt chvbihasi keyu ho, hatak nan ikbi imponna vhleha ya isht im vla cha;

25. Yvmmak ash, micha nan isht vtta ai itim achvfa vhleha aiena ka hoyot itahobi mvt, Hatak puta ma! nan isht ai vtta ilvppa pulla ho, nan isht il ahayuchi ka hvsh ithaiyanvshke.

26. Yvmohmi ka Efesvs ak o bano keyu, amba Asia a a mominchi chiyuhmit Pal ilvppv, ibbak isht toba yokvto chitokaka vhleha nana ho keyu hoke, ahanchi cha, okla laua ka anukfokichit filamolihinchi ka hvsh pisa, micha hvsh haklo aienvshke.

27. Yvmohmi ka hvvpushno nan isht iloh ai vtta ilvppak bano ho, ik ahobalo ka he fehna keyu; amba nan isht ahullo ohoyo chito Taiena in tempel ak kia aienvt kalakshikma, anonti yvmmak o Asia moyuma, micha yakni puta kvv aiok-pahanchi yash isht aholitopa yvt ont ai okpulot kvnia hinla fehna hoke; achi tok.

28. Mihma okla haklo mvt, anukhobelvt alota mvt, tahpvt, Efesvs okla in Taiena vt chinto hoke: ahanchi tok.

29. Mihma tmaha hā yahapa kv̄t alotvt kv̄nia tok. Micha Masetonia hatak, Pal ahev̄t nowvt aya Kaivs, micha Alistakvs ita tuklo ka hoklit okla ishi mvt, im anukfila ai achvfa chiyuhmit yihlept, okla ai itahoba chatuk ā pit abeha tok.

30. Mihma Pal vt okla hā pit iba chukowa bv̄nna tuk ak o nan itvna vhleha yvt vhpesa, okla ik im ahno ki tok.

31. Mihma Asia hatak pehlichī vhleha kaniohmi, yv̄mma i kana yatuk vt, okla ai itahoba ya pit chukowa bvnvt ik peso ka hi ā, ahnit pit im anoli tok.

32. Yvmohmi ma kanimi kv̄t nana hō mihakma, anonti inla mvt inla hō miha tok; itvnaha hak osh ai vhpesa keyu hatuk o, micha moma chohmi kv̄t nana kaniohmi hō itvnaha hatuk vt ik ahostinincho ki tok.

33. Mihma Aleksanta ya okla laua akohchi ma, Chu okla hv̄t tikba pit hilechi tok; mihma Aleksanta yvt ibbak pit fahv̄mmi mvt, okla hā im isht il anumpuli bv̄nna tok.

34. Yohmi kia yv̄mmak okvt Chu atuk o, okla akostininchi mvt, momvt anumpa achvfa, Efesvs okla in Taiena yvt chinto hoke, tahpvt ahanchi na hv̄shi kanvlli tuklo foka tok.

35. Mihma tmaha i holissochi yokvt okla hā yokopli mvt, Efesvs hatak hv̄chia ma! Efesvs tmaha hv̄t nan isht ahullo ohoyo chito Taiena, micha na holba toba Chupita a mintit akatula tok aiena ka aiokpv̄chi ā, hatak nanta hosh ik akostinincho kv̄t ahanta cho?

36. Yohmi ka ilv̄ppa nana hō isht ai acha hi o keyu hoka, hv̄chishno yvt nukchintot hv̄sh maya cha, tushpvt nana hv̄chik kaniohmo ka he tuk oke.

37. Hatak yakohmi kv̄t tempel puta wehpuli keyu mvt, anonti hv̄chi nanisht ahullo ohoyo ma ik ahobalot na mihachi o keyu hokak o, ilv̄ppa isht hv̄sh la tuk oka.

38. Yvmohmi hoka Temetivs vt, micha hatak nan ikbi vhleha yv̄mma apeha kv̄t, hatak nana kia nana im a kanioh-

mi tuk in takanli hokma, nan vlpisa nitak vt gsha, micha nan apesa vhleha mvt mayvshke; nan vlpisa iti onochit ik gshá.

39. Amba nana inla imma yo hvsh ai asilhvuchi hokma, yvmmak okvto itvnaha ai ghli hō ai vlpisa hi oke.

40. Itvnaha iloppak atuk a nana hō isht il ai anola he mvt iksho; yohmi hokvt himak nitak nana ai vlpiesa mvt iksho ka, nan vlpisa yvt hvpi onvtula he fehna hoka; achi tok.

41. Micha yakmichit anumpulit issa mvt, itvnaha yash tishelichi tok oke.

CHAPTA XX.

Pal vt Masetonia ona, 1. 7 Pal vt Chitokaka im opiaka impa holi-toblit antvt, vba isht anumpuli. 28 Pal vt iksa in tikba vhleha hā atohnochi.

1. **ATUK** o yahapa kash ot issa ma, Pal vt nan itvna vhleha ya hoyo cha ai okpvchi mvt, Masetonia a ona chī hosh ia tok.

2. Atuk osh yakni puta yvmmak ash a hlopullit, im anumpohonli fehvt aya tuk osh Klis a vla tok.

3. Micha yvmmak o ahanta na hvshi tuchina tok. Mih-mvt peni fohkvt Silia ia chī foka ma, Chu vhleha hv im aie chi ma, falamvt Masetonia pit hlopulli ka ahni tok.

4. Mihma apehvt Asia ona kv Sopeta, Belia hatak, micha Hlessalonika okla Alistakvs, micha Sikvntvs, micha Tvbi hatak Kaius, mikmvt Timohlivs aiena kak, a tok; mikma Asia hatak vt Tikikvs, mikmvt Tafimvs aiena kak a tok.

5. Yakohmi kv tikba ilhkoli tuk osh Tloas ak o ont gsh-vvt pi hoyo tok.

6. Mihma pvska ik shatvmmo vpa nitak vt ai issachi ha yo, peni vlvhvvt, Filippi gsht e minti kv, nitak tahlapi hō Tloas a il im ai vla cha, yvmmak o il gsha na nitak untuklo tok.

7. Mihma nitak hullo achvfa nitak alpi hā, nan itvna

vhleha hvt pvska kobahlichu chi hosh itahoba ma, Pal vt onnakma kanima ia chi hatuk osh, im anumpuli mvt; anumpa hash isht mahaya na, ninak iklvnna ona tok.

8. Mihma aboha vba potvlhpo ai itahobvt maya ka, pula hvt lava tok,

9. Mihma hatak himita achvfa Yutikovs hohchifo hosh okisushi ya gsha tuk osh nusit kvnia tok; anonti Pal mvt anumpa ha falaiachi aiena hatuk o, nusit kvnia kvt akia cha, vba potvlhpo ont atuchina ho vtvt aka ont ittula cha, illi yo okla sholit wakeli tok.

10. Mihma Pal vt pit akowa cha, ont onvtayulvt ishi mvt, Im ilhfiopak vt a foka moma boka, ik hvchi nukhlanancho kashke, achi tok.

11. Yvmohmi hatuk osh falamvt oiya mvt, pvska ya kobahlichit impa cha, anumpohonli hopaki, polaka onvt taha ho, kohchvt ia tok.

12. Mihma hatak himita yashot okchaya ho, okla isht vla mvt, na yukpa kvt chohmi tok keyu.

13. Mihma tikba ivt peni ya il ona cha, ilap vt aka gvt ia kak o ahni cha, yvmmak o miha tuk oka, yvmma Pal ont ai isht e fohka chi, pim ahoba hosh peni fohkvvt ivt Asvs g il ona tok.

14. Atuk osh yvmmvt Asvs g a pi afama ma, ishit auet e fohki cha, mintit Mitilini ya e la tok,

15. Micha yvmma gshvt peni fohkvvt, e minti tuk vt nitak atukla ma, Kaios, i chapaka e la tuk osh, anonti onna ma, Samvs e la cha, Tochilm g ant il gshwa tok; atuk osh onna ma mintit Mailitvs g e la tok.

16. Pal vt Asia g antvt nitak i kvnia ik bunno hatak osh, yohma hiala yobakmvt, Pentekost nitak g Cheluselem g, ont anta chi hatuk osh, tushpvt gya hokvt Efesvs g peni fokvt ont ia be ak o, ahni tok.

17. Micha Mailitvs ak o vtvt, iksa i pehlichu vhleha ha Efesvs g pit hoyo tok.

18. Atuk o okla im ai vla ma, Asia ya vla li nitak vmona tok ai itin taiyakla kvt, nitak moyuma ka kaniohmi hosh hvchi awant ahanta li chatuk,

19. Chukvsh akanlosi bieka, micha nishkin okchi mihinti fehna hosh, Chu vhleha hvv aiechit maya na, na palvmmi puta sai onvtulvt, Chitokaka ya im antihya li tok.

20. Michu hvchishno nan isht hvchim ai vhpesa puta ka hvchim a luhmi li tok keyu; amba hvchim anolit ai itvnaha, micha chuka puta, a hvchim abahanchi li tok.

21. Chu okla, micha Klik vhleha aiena ka, Chihowa ile kostininchit i falama cha, hvpin Chitokaka Chisvs Klaist g i yimmi aiena ka, im abahanchi li fehna chatuk g, hvsh ithaiyanvshke.

22. Yvmohmi hosh himak g sa chukvsh vt pit a yiminta fehna hosh, yvma nana a si akaniohma hi g pit ithana iksho hosh, Cheluselem g ia lishke.

23. Amba Shilombish Holitopa ak osh tmaha moma ka ai anolit, talakchi, micha na palvmmi puta kvv an takalishke; abanchi kak illvshke.

24. Yohmi kia nan ilvppa puta kvv achvfona kia ik sa folulechoshke, micha na yukpa hosh g nitak ma, micha nan isht vta Chihowa achukma ka anoli, vbanumpa im avvchi la he, Chitokaka Chisvs g ai im ishi li tuk vt atahli la chi kvv, vm ilhfiopak g g holitopa ak ai ahnoshke.

25. Yvmohmi hosh himak g, Chihowa apelihchika ya isht hvchim anumpulit hvch itin takla ma gya li chatuk g, hvsh moyuma kvv himmakma sa nashuka ya hvsh pisa chi keyu ka, ithaiyana lishke.

26. Yvmohmi hoka hatak okluyvha im issish g, vno yvt nan isht ai ahalaia li keyu kvv, ai ghli mak osh himak nitak g hvchishno g hvchim anohonli lishke.

27. Vno vt Chihowa im anukfila puyuta ka hvchim anoli ka, sa nukwaya iksho chatuk okvt.

28. Yvmohmi hoka hvchishno akinli, micha nan iakaya vhleha moma, Shilombish Holitopa yvt mihi yo apesvchi puta hvch ikbi tok g, ahah! ahnit Chihowa im iksa puta ilap im issish akinli ho isht chumpa tok g, mominchit hvsh pehlichashke.

29. Vno vt kanima atia li ha ma, nashoba okpulo nan

iakaiya vhleha hash, i nukhako iksho mak osh, ant hvch iba chukowa he ; ilvppa vno vt ithaiyana li hoka,

30. Micha hvchishno hvsh ai itapeha yash inli hatak ak kia nan ikhvna vhleha ya filvmmichit il iakaiyvcha chi kv, nan isht okpvi ya anumpulit hiohla hi oke.

31. Yvmohmi hoka, hvsh ile nuktaghla chiké ; micha afvmmi tuchina ka nishkin okchi mihinti hosh, nitak micha ninak puyuta ma, moma nan im anolit ahanta li kv, ak isso kv-mohmi chatuk a hvsh ithaiyanvshke.

32. Inta ! il itibapishi vhleha ma ! Chihowa, micha ilap o achukma isht anumpa aiena, yvmmak osh ai ablichit hvchi hiohlichia hinla, mikmvt hochukma toba tok vhleha moyuma ka ai itin takla ya, ai vttvt hvch ima he vlpiesa mak o, yvmma ibbak a pit hvchi fohki lishke.

33. Hatak nana kia in tuli hvta kia, mikmvt in tuli holisso lakna yokmá, keyukmvt ilefohka yokmá nana kia im anushkonna li chatuk keyushke.

34. Ahli, ibbak ilvppak osh vno, micha si apevt aya puta na pi bvna ka, nan isht ahanta chatuk a, hvchishno ak kia hvsh ithaiyanvshke.

35. Yakohmit toksahanli hosh ilbvsha puta ka hvsh apelvcha he tuk, micha Chitokaka Chisvs im anumpa puta, yvmmak okvt, Ima kak osh na yukpa kv habena ka, i shahli hoke, achi tok a hvsh ithaiyana chi ka mominchit hvchim anohonli li chatuk oke ; im ahanchi tok.

36. Micha yakohmichit anumpulit taiyahli mvt, hvchukbihleptv hikia cha, moma ka pehlichit vba pit anumpuli tok.

37. Mihma momvt nishkin okchi minti fehna mvt, Pal ikonla ya okla onvtuyula cha i suksowa tok ;

38. Himmakma i nashuka ya okla pisa he keyu, miha tok ; anumpa yvmmak o isht nukhako im atampa ha tok. Mihmvt apivt peni ya okla ona tok oke.

CHAPTA XXI.

Pal vt Cheluselem a ia, 1. 17 Pal vt Cheluselem a ont anta ma, itj hokli. 81 Kvpitvi chito vt Pal hlakofichi.

1. MIHMA yakohmi tok, yummak ash pit il oka topli cha, i mokofvt auet apissanlit mihintit, Kova g e la tuk osh, nitak atukla ma Lotis g e la; atuk osh yumma ashvvt Patela ya e la tok.

2. Micha peni vt Finishi ya ia hosh gya ka e pisa mv, ont e chukowa cha, e maya tok.

3. Atuk osh Saipilvs vt auet pi haiaka mv, yummak ash pim vlvfbeka inama yo talala na, ont il ia mv, Silia ya il ona cha, Taia yak o ont il ataya tok; peni na shali ka yummak o ont akochcha wiha chi hatuk o.

4. Micha yumma nan ishona vhleha ya ont il ai ahayuchi mv, il ashwa na nitak untuklo tok; yummak osh Pal g Cheluselem ik aiyo ka hi g; Shilombish pulla hatuk mak o, im achi tok.

5. Nitak yummak ash ot ont pin taiyaha mv, pishno ash ot kohchvt pi hina fohkv, il ia ma, momvt tekchi vhleha, micha im vlla puta aientv pi apehvt pisht gya na, tomaha hg ant e kohcha tok; mihma oka takchvka ya hvchukbihlepvt e hieli cha, vba pit il anumpuli tok.

6. Atuk osh okla it aiokpvchit pin taiyaha ma, peni pit il vlvto ma, yummak ash ot falamvt, in chuka ilhkoli tok.

7. Atuk o peni fohkv, Taia gsht e minti tuk vt ont pim ai vli mv, Talimeis g e la cha, il itibapishi vhleha ya ant il aiokpachi cha, nitak achvfa ho takla il ashwa tok.

8. Atuk osh ont onna ma, Pal g apeha pia hatuk vto kohchvt ivt, Sesalia ya e la tok; micha Filip vbanurapa isht vtta, yummak osh untuklo kash aiena hatuk ash, in chuka ont e chukowa cha apehvt e maya tok.

9. Mihma hatak yummvt ushetik ohoyo himita ushta hosh im ashwa tuk osh, vbanurapa isht anumpuli tok.

10. Micha yumma il asha na nitak kanohmi ma, hopaii achvfa Akebus hohchifo hosh Chutia mintit vla tok.

11. Micha yummak ashot gyvt pim vla mv, Pal im vskofvchi yash ishi cha, ilap ibbak micha iyi aiena ka isht takchi mv, Hatak vskofvchi iloppvt immi yatukma, Chu vhleha Cheluselem aiasha kv yakohmichit takohi cha, ishit okla

nan ik ithano ibbak g a fohka hi oke ; Shilombish Holitopa yvt achishke ; ahanchi tok.

12. Mihma iluppa okla e haklo mvt, pishno ash ot yvm-mak inli gsha yatuk pit il aienvt, Cheluselem g ik aiyo ka hi g, okla il im ahni tok.

13. Mihma Pal vt afalaminchi mvt, Katiohmi ho hvsh ahni hosh ygivt sa chgkvsh g hvsh kobvfi cho ? Sa talakcha he ak o illa keyu ; amba Cheluselem g Chitokaka Chisva hohchifo pulla ka, isht a si ai illa chi aiena kvv um vlhtaba hoke, achi tok.

14. Micha hakla he keyu ma, Chitokaka nan ahni yak osh ik yvmohmi, il ahni mvt, okla il issa tok.

15. Mihmvt nitak yakohmi kvv ont taha ma, il il apoyua cha, Cheluselem g pit il ilhkoli tok.

16. Mihma nan ithvna vhleha kanihmi kvv Sesalia yg gshv pi apehvt ia akinli tok ; micha Nesvn Saipilvs vttta nan ithvna sipokni ka' yo, yvmmak o il ibai gshwa chi ka, okla pisht ona tok.

17. Atuk o Cheluselem ash il ai ona ma, il itibapishi vhleha yvt na yukpa hosh pi aiokpvchi tok.

18. Atuk o onna ma, Pal vt pi awant Chemis g im ona ; mihma hatak tikba vhleha yvt momvt chieya tok.

19. Mihma yvmmak ash aiokpvchit tahlv mvt, ilap vt nama isht ahanta ho, Chihowa yvt okla nan ik ithano vhleha itin takla yg, nana ai atahanli tuk puta kash o atokowa fehna kak o anohonli tok.

20. Mihma okla haklo mvt, Chitokaka yg okla aiokpachanchi mvt ; yvmmak ash o, Chu vhleha na yimmi kvv tahlepa sipokni kanihmi hosh ai asha kvv, yvmmak okvt moyumvt nan-vlhpisa holitobli fehna ka, ish pihjvshke, il itibapishi ma !

21. Micha chishno vt Chu vhleha hosh oklushi nan ik ithano takla gsha ka, mominchit Moses g okla issa chi ka, im avvchit im villa puta ka hakshup tvpla he tuk keyu, mikmvt ilap nana a kanihmi vlhpisa puta aiena ka, okla iakaiya he tuk keyu ka, ish i mihjha ho, okla im annoa tok.

22. Yohmi ka nanta mak oh cho? Ish la tuk g, okla hakla chi hokvt, okla laua yvt itvnaha pulla chi hoke.

23. Yvmohmi hoka pishno yvt nana e chi miha, ilvppak o ik chi yvmohmi; hatak anumpa holitopa ile onochi tuk ushta hosh pim gshwvshke.

24. Yvmmak o pehliechi cha, takla nan iba hullochit, mi-cha chishno ak osh vltoba hvv ibafokvt chi kvnia pulla na, okla noshkobo shafashke; mina momvt chishno g nana a chi haiyaklo tuk vt peh pilla hatuk; amba chishno ak kia ai vlvpiesvt ish gya cha, nan vlvpisa ya ish holitobli ka ithaiyanashke.

25. Amba okla nan ik ithano na yimmi vhleha imma kamo, nana yvmma chohmi ka ik holitoblo ka chi, amba nana ka na holba toba pit im issa tuk puta, micha issish mikmvt nana kvv nuksitvt illi puta, micha ohoyo himita itin lumaka aiena kak o, okla ik ahalaio ka he yak o, okla pim anukilvt pit il i holissochi tok; im achi tok.

26. Mihma Pal vt hatak ash pehlichy cha, onna ma, nan iba hullochi mvt, vba nan isht pit aiokpvchi ya achvfa ai-yuka pit im isht aiokpachi ha ya chi ho, nahullochi nitak vt ont taha ka, anola chi hosh tempel g chukowa tok.

27. Atuk o nitak untuklo kash ot ont taha ghosi ma, Chu vhleha Asia minti tuk vt, yvmmvt tempel anukaka ya gsha na, okla pisa mvt, okla mominchit atvshpvlihinchit yvmmak ash ibbak isht ishi mvt;

28. Israel hatak puta ma! pi apelá; hatak ilvppak osh yakni ilvppa, okla, micha nan-vlhpisa aiena ka i svnalit, hatak moyuma ka kanima mominchit ai imavvchi mak oke; micha achakalechi mvt, Klik vhleha ma pehlichit tempel g ant isht chukowa cha, aholitopaka ilvppak ash aiokpvnishke; achit tahpahanla ha tok.

29. Tikba ka Tafimvs, Efesus hatak vt yvmma awant tv-maha anta ho, okla pisa tuk osh, yvmma Pal vt ilauint tempel g chukowa tuk g, okla im ahoba tok.

30. Mihma tv-maha hash ot momvt wakaya ma, oklat yihleptv itahoba tok; micha Pal ash okla ishit tempel g a kohchi ma; chekosi makinli ho okhissa puta kash ot vlvkvma tok.

31. Micha okla vbi bonna hosh maya ma, tushka chipota aya-chufa i kvpitvni chito ya, Cheluselem vt momvt nan ik ai vhpeso bano ka annoa kvv avt im vla cha ;

32. Yvmmak ash ot ashalika tvshka chipota vhleha, mi-cha kvpitvni puta ka pehlichu cha, chvvtv itv im ona tok ; mihma kvpitvni chito, micha tvshka chipota vhleha aiena ka okla pisa mvt, Pal a boli mvt issa tok.

33. Mihma kvpitvni chito ash ot itv ituma ona cha, yvm-mak ash ishi mvt, tvli itatakvli tuklo hosh ishit talakcha chi ka miha tok ; mihmvt, yvmvt kvna hatuk, micha nana hv kaniohmi aiena tuk a, asilhvhchi tok.

34. Mihma okla laua aasha tuk vt tahpvt, kanimi kvv kanimihchit miha ma, anonti kanimi kvv inlvchi tok ; mihma yvmmak ashot yahapa hatuk o, ai atokowa ma ik ai akosti-nincho mvt, yvmmak ash isht holihta kvvlo ont fohka chi ka, miha tok.

35. Atuk o yakohmi tok, okla hak osh okpulo ka fehna o, yvmmak ashot pit atuyvt ia ya ona ma, tvshka chipota vhleha yosh sholit ishtia tok.

36. Okla laua yak osh, Yvmma kanima isht oh ia cha, ahavvt iakaiya hatuk o,

37. Atuk o Pal ash o holihta kvvlo ya, ont isht chukowa chi foka ma, yvmmak ash ot kvpitvni chito yash, Chim anum-puli la hinla cho ? im achi ma, yvmmak ash ot, Klik anumpa ya ish anumpula hinla ho ?

38. Chishno ak osh Echip hatak chia hosh, nitak tikba kash nan isht ish ataklaiyama cha, hatak bika vbi ya tahlepa sipokni ushtat pehlichit yakni haiaka ya, pit isht ish chukowa tok keyu ? achi tok.

39. Mihma Pal vt, Vno vt Chu hatak Tasvs, Silisia yakni tmaha ai vta, tmaha ik ahobo nana hv ai vta sia keyu hoke : mi hosh okla hv im anumpuli la hi a vm ahnikbano, chim ahni lishke ; achi tok.

40. Mihma yvmmak ash ot vhpesa im ahni ma, Pal ash-ot pit atuyvt ia ya o hikia cha, okla hv ibbak a pit i fahvm-mi tok ; micha luma bievvt okla aasha ma, Heblu anumpa hv im anumpulit yak ahanchi mvt,

CHAPTA XXII.

Pal vt kaniohmit vbanumpa nukfoka tok vt anoli, 1. 25 Pal vt fema he tuk kia, Lom hatak atuk osh hlakofi.

1. **HATAK** il itibapishi vhleha, micha an tikba puta ma! himak a isht hvchim il anumpohonli li ka, hvsh hai-yaklashke.

2. Yvmmvt Hebta anumpa ho isht im anumpuli na, okla haklo mvt, isht i shahlit lumvt aisha tok. Mihma yvmmak ashot,

3. Uno vt Oku hatak fehna sia, Tasva, Sibia yakni in tmaha ak o ai vtta li tok nana kia, tmaha ilvppa Kamiliel iyi itvmaka yo abantvt sa hofanti; micha hatak tikba vhleha i nan vlpisa ai apissaki mvt, vm vlbahanchi tok; mihmvt Chihowa yg pit achunanchi kvv himak a nitak hvsh maoma kvv, hvchi yvmohmi kak inli chiyuhmi li tok.

4. Mihma ilvppa yakohmi ka nakni, micha ohoyo aiena ka, illa he mak o, takchit aboha kvvlo pit apittvt ilvshachi li tok.

5. Yohmi ka na holitompa isht gsha pehlich, micha hatak tikba vhleha hak kia momvt vm ithaiyana hoke; micha yvmmak o il itibapishi vhleha pit i holisso ka, im ai ishi li hosh, yvmma gsha tuk vt talakchi yg Cheluselem a isht vla likma, na palvmmi pisa chi ho, Tamaskvs a ia li tok.

6. Atuk o yakohmi tok; nowvt gya li mvt, hvshi vt tvbokoli foka ho, Tamaskvs a ona la hosi ma, ashaljka nan tohwikeli chito vba minti kvv ant tommit si afolupli tok.

7. Mihma aka ont sa tula cha, anumpa kvv, Sal, Sel, nanta katohmi ho, is sa palvmmichi cho? vm ahanchi na, haiyaklo li tok.

8. Mihmvt afalaminchit, Kvta chia hoh cho, Chitokaka ma? achi li ma, Uno ak osh Chisvs Nasalit ai vtta mihi yg ish i palvmmichi ka sia mak oke; vm ahanchi tok.

9. Mihma si apehvt gya tuk vt tohwikeli hokvno okla pisa mvhli cha, nukshopa tok; yohmi kia anumpa auct vm anumpuli hokvno okla ik haklo ki tok.

10. Mihma, Chitokaka ma! nanta ko katiohmi la chi ho? achi li tok. Mihma Chitokaka yash ot, Wakaya cha, Tamaskus a ish onashke; mikma nana ish a katiohmi he a chim vhpisa tuk vt moyuma, yvmmak o a chim annoa hi oke; vm achi tok.

11. Mihma tohwikeli yvmma shokpakali tuk a ak hopanayo hatuk o, si apehvt aya tuk ibbak ak osh sa halvli ho, ayvt Tamaskus a ona li tok.

12. Mihma hatak achufa vbanumpuli nan vhpisa ya isht ai ahli, Ananais osh, Chu vhleha yvmma ai asha ka moma ai im annoa achukma chatuk osh,

13. Ayvt vm vla cha hikia mv, Itubapishi li Sal ma! ish hoponayashke, vm achi tok; mihma hushi kavvli makini ho, vba chakalit ilap a pisa li tok.

14. Mihma, Hvpia tikba vhleha in Chihowa yvt, chishno vt ilap o nan ahni ka ish ithaiyana he, mikmv Ahli yvmma ish pisa cha, yvmma itakha ai anumpa ma ish bakla hi a chi atokoli tuk oke.

15. Chishno vt nana ho ish pisa tuk, micha ish haklo tuk aiena kv, hatak moyuma ka im anoli chia ha chi mak oka.

16. Yohmi kv nanta katiohmi ho himak a ish ahchibali cho? wakaya cha, baptismot, Chitokaka ya pit hochibifot, nan chim ai ashvchika puta kv kashofvt chi kvniashke; achi tok.

17. Atuk o yakohmi tok, falamvt Oheluselem ash vla lish, tempel anghaka ya vba pit ai anumpohemi li mv, sa holhpokuna chohmi tok.

18. Mihma yvmmak ash ot vno ya, Nana isht is ai anoli ka, okla chim aiokpahancha he keyu hoka, tushpa, micha Oheluselem a chekosi ish akohchashke; vm ahanchi na pisa li tok.

19. Michu vno ash ot, Chitokaka ma! chishno chi yimmi vhleha hatuk a aboha kvllo pit apitvt, sinakak puta ka, a fahmi li tuk a, okla ithaiyanvshke.

20. Michu Istefin atokowa chi anolit im issish hlatapa ka, vno ak kia itomasi ya hikia li tuk osh, yvmmvt illa chi ka, vhpesa ahni li mv, yvmma vbit mgya ka, im ilefokha ya jshi li tok oke; achi li tok.

21. Mihma, Hopaki pilla, okla nan ik ithano vhleha aisha kak o pit chi chvffichi la chi hoka, ish ayashke; um achi hokvno; achi tok.

22. Mihma anumpa ilvppa vhli kano okla i haponaklo tok; atuk osh chitolit, Hatak yvmma chohmi ka, yakni a ai isht ho kanchi, yvmmak okvt okchayvt anta he vlpesa keyu hoka, okla achi tok.

23. Micha okla tahpvlvt i na fohka puta kash shoelit kampilvt, lukfi pushi aiena ka pehlit vba pilvt maya ma,

24. Kvpitvni chito yvt yvmmak ash o holihta kullo ya isht ona chi ka, apesa mvt, anonti yvmmak ash fvmmi hosh, nan i ponaklo na, kaniohmi ho okla hvt isht anumpuli kvv yohmi fehna hatukma, ilap vt akostinincha chi kvv, miha tok.

25. Mihma wak hakshup aseta chuhla ka, okla ishit takchi ma, Pal ash osh kvpitvni hvt bilikasi hikia tuk o, Lom hatak, micha nan vlpesa yosh ai atokowa keyu ka, ish fvmma he chim ai vlpesa ho? im achi tok.

26. Kvpitvni vt ilvppa haklo mvt ivt, kvpitvni chito ya ont im anolit, Nana ish kaniohmi kvv, ahah! ish ahnashke, ilvppvt Lom hatak oka; ahanchi tok.

27. Mihma Kvpitvni chito ash ot vla mvt, Chishno vt Lom hatak chia ho? vm anoli, im achi ma, yvmmak ash ot, Yau, achi tok.

28. Mihma kvpitvni chito yash ot afalaminchi mvt, Ilap inli nan ahni hosh aya ilvppa, vlhtoba chinto ho isht ishi li tok, achi tok; mihma Pal ash ot, Amba vno vto si ai imoma yosh vta li tok oke, achi tok.

29. Yohmi ma yvmma nan i ponakla he tuk ash ot mih makinli ho, ai i filamoli tok; mihma kvpitvni chito ash kia, yvmmak okvt Lom hatak atuk a akostininchi, micha takchi tuk aiena hatuk osh nukshopa tok.

30. Ont onna ma, kaniohmi ho Chu vhleha yvt anumpa ha onochi hatukma atokowa ka akostininchi bvna hatuk osh, isht talakchi ya i hotuffi mvt, na holiropa isht aha pehlichu vhleha, micha i nan apesa vhleha moyuma kvv itvna ha chi ka, apesa tok. Micha Pal ash isht ona cha itikba ya ont hilechi tok oke.

CHAPTER XXIII.

Pal vt isht il anumpuli, 1. 10 Pal vt atukla aboha kullo foka tok.
23 Pal vt nahullo miko Filiks g im ia.

1. MIHMA Pal vt hochitoka vhleha ya ai okchifelit pi-hisa mvt, Hatak il itibapishi vhleha ma! im anukfila ai achukma biekvt Chihowa itikba ma ai ahanta li himak nitak fenvshke; achi tok.

2. Mihma na holitompa isht gsha pehlichy Ananais ash ot, yvmma bilika hiohmaya tuk vt itih hq lvsalicha chi ka, miha tok.

3. Mihma Pal ash ot, Chihowa yvt chishno ak o chissa chi hoka, holihta kullo tohbi chia ka; nan vlpisa yo nan isht vm ai apesa chi hosh ish gsha mvt, anonti nan vlpesa ya ai vlpesa keyu ka, svssa hi g ish miha cho? im achi tok.

4. Mihma a bilika hiohmaya tuk vt, Chihowa j na holitompa isht gsha pehlichy g chik ahobalo hq? achi tok.

5. Mihma Pal ashot, Iloh itibapishi ma! yvmmak okvt na holitompa isht gsha pehlichy ya, ak akostinincho ke tuk oke. Chim okla talaia pehlichy ya ik ahobalot ish anumpuli na, achi hosh holihiso hoka, achi tok.

6. Yohmi kia kashapa kvf Satusi okla yokma, anonti kashapa kvf Falisi yo akastininchi mvt, itvnaha itin takla ya tahpvt, Hatak il itibapishi vhleha ma! vno vt Falisi sia, Falisi o ushi sia hoke; illi falamvt tana he isht a sai yimmi hatuk mak o, nan vm ai asilhvchi hoke; achi tok.

7. Yvmihchit anumpuli ma, itachowa anumpa kvf Falisi vhleha, micha Satusi vhleha aiena itin takla ya takakanli tok; mihma okla laua yvt ita kashapa tok.

8. Satusi iksa yokvt falamvt tana hi vt takanli keyu, mikmvt enchil, micha shilombish aiena kvf iksho, achi hoka; amba Falisi yokvt tuklonchit yimmit anoli hoke.

9. Mihma yahapa chinto kvf takali tok; mihma holissochi vhleha, Falisi apehanchi kvf wakaya cha, anumpa hq isht ai isso fehvvt, Nan ik vlpeso nana kia hatak ilvppa kil

ai akostininchoshke; amba shilombish okmá, keyukmvt en-chil okmá nana hosh im anumpuli tok okma, Chihowa ya kiloh itibo kashke; ahanchi tok.

10. Mihma okla itachowa chinto kv̄t takali ma, kv̄pitvni chito ash ot, Pal ḡ okla it̄i hvlat nipli na ahni kv̄t, komunta mvt, ont afout mokofit im ishit, holihta kv̄llo ya ant foka chi h̄q, tvshka chipota v̄hleha ya i miha tok.

11. Mihma yummak atuk ninak ḡ, Chitokaka yvt ant a hik̄vt, Pal ma! na chi yukpashke, Cheluselem ḡ is ai ai anohonli hatuk okvt, chiyuhmit Lom ma atokov̄vt ish ai anohonla chi pulla akinli hoke; achi tok.

12. Atak o onm̄vt taha ma, Chu v̄hleha kanichmi kv̄t itibai achv̄vt anumpa kv̄llo ile onochit, Pal ḡ okla vbi h̄q ke-yukm̄vt ik impo, miha nana kia ik ishko ka chi kv̄t, mih̄ja tok.

13. Mihm̄vt pokoli ushta ka atampa hosh anumpa yakohmi ka ikbi tok.

14. Mihm̄vt na holitompa isht ḡsha pehlich̄i, miha asononchika puta aiena ka im ai v̄la mvt, Anumpa kv̄llo fehna ka il il onochi kv̄t, Pal ḡ ke bokm̄vt nana kia ke po ka chi hoke.

15. Yvmohmi hoka, himik ḡ hvchishno, miha 'hochitoka v̄hleha hvsh ai itapeha kv̄t, yvmak atuk ak o anonti achukmalit i shahlichit im ai asilhr̄vcha chi h̄q chohmit, kv̄pitvni chito ya hvsh im anoli na, onna ha ma yv̄mma isht hvchim ḡyashke, yohmikma yvm̄vt ilv̄ppa itomasi ḡ ik lo h̄q e ba chi kv̄t pim v̄lhtaha yoke; achi tok.

16. Mihma Pal in tek ushi yvt, yv̄mma im aiechit magya ka haklo mvt, vt holihta kv̄llo ḡ ont chukowa cha, Pal ḡ im anoli tok.

17. Mihma Pal vt kv̄pitvni v̄hleha ya achv̄vt pit hoyo cha, Hatak himita ilv̄ppa ilauct kv̄pitvni chito ya isht im ona, yvm̄mak oka nanasi kia im anola chi kv̄t in takanli hoka; achi tok.

18. Mihma yvm̄mak ash ilauei cha, kv̄pitvni chito ya isht im ona mvt, Pal aboha kv̄llo fohka yak osh pit sa hoyo na v̄la li h̄q, hatak himita ilv̄ppet nanasi kia chim anola hi vt

im gsha hatuk o, ilauei chim vla la hinla ka, vm ahni tuk oke; achi tok.

19. Mihma kupitvni chito yvt yvmmak ash ibbak g halvli cha, naksika alumaka isht im ona mvt i ponaklot, Yvm-mak osh nanta mak o is svm anola chi kvv chim takanli ha-tuk o? achi tok.

20. Mihma, Yvmmak oka achukmalit i shahlichit im asilhvcha chi ho chohmit, onnaha ma, Pal g ilauei ai itv-naha ya isht ish ona chi ka, chim asilhha chi kvv, Chu vhle-ha yvt itib ai achvfa tuk oke;

21. Yohmi kia chishno vto vlpesa, chik im ahno kashke; yvmmak okvt hatak pokoli ushta ka atampa hosh, yvma im aiechi kvv ai asha hosh, yvmvt anumpa kvvlo ya isht il onochit, yvma okla ik bokmvt nana kia vpvv, ishkot ik mayo ka chi, isht il apesa tuk oke; yohmi latuk osh himak g im vlhtavv, anumpa falama ka auei chim a hoyot maya hoke; achi tok.

22. Mihma kupitvni chito yvt hatak himita yash ant ik ia, im ahni mvt, nana ilvppa puta is svm anoli tuk vt hatak na-na ka, chik im anolo kashke; im achi tok.

23. Mihmvt yvmmak ash ot kupitvni tuklot hoyo mvt, Ni-nak hvshi kanvli isht vlpesa ont atuchinakma, Sesalia ilh-kola chi ka, tvshka chipota tahlepa tuklo, micha issuba o binili tvshka pokoli untuklo, mikma na halupa ishi mvt tah-lepa tuklo ho hvsh atahlashke.

24. Micha Pal g, okla o binilichit achukmalit isht gyvt, nahullo miko Filiks g isht im ona chi ka, nan vlvpoa ma, hvsh atahlashke, ahanchi tok,

25. Mihmvt ilvppak o yakohmichit holissochi tok.

26. Kilativs Lisivs vt nahullo miko hollitempa fena Filiks g pit aiokpvchishke.

27. Hatak ilvppa Chu vhleha yvt ishi tuk; micha okla vba he tuk o; ilvppv Lom hatak atuk o haklo li mvt, tvsh-ka chipota pchlinchit vla lish, okchalinchit li hokvno.

28. Micha kaniohmi ho okla anumpa onochi tuk okma, akostininchi ka sa bonna mvt ilaueit ilap itvnavv maya ka iba chukova li tuk.

29. Mihmvt yvmmak okvt ilap i nan-vlhpisa yak o anum-pa hvt isht im atoba hatuk o, akostininchi li tuk; yohmi kia isht ai illikmá, keyukmvt talakchikmá nana he imma hokvto ik onvtulo ke tuk oke.

30. Micha Chu vhleha yvt hatak ash im aiechi hosh mgya ka vm annoa mvt, ashalika pit chin chvffichi lishke, micha anumpa onochi vhleha mvt, yvmma nana hō isht a miha hi vt im gsha tuk vt, chishno chi tikba yak o a miha chī ma, aieninchit im apesa li tuk oke. Chi achukmakashke; achi tok.

31. Mihma tvshka chipota vhleha yvt, yvmmak osh im vlhpisa tuk okvt, Pal g ilaueleit ninak o isht gyvt Antipetis g isht vla tok.

32. Ont onna ma yvmma apihvt ia chī ka, issuba o binili tvshka ya ashachi cha, falamvt holihta kvllo ya okla ona tok.

33. Yvmmak ashot Sesalia ya ai vla cha, holisso hash nahullo miko ya ant ima mvt, Pal ma aieninchit ibbak fohki tok.

34. Mihma nahullo miko vt holisso hash pisvt issa mvt, ulhti nana hō vttvt aya hatuk g i ponaklo tok; Silisia ak atuk o akostininchi mvt,

35. Anumpa chi onochi vhleha ak kia ai vla hok mak o, chi haklo lashke; achi mvt Helot i nan ai vlhpisa chuka yak o, yvmmvt a foka chī ka, apesa tok oke.

CHAPTA XXIV.

Tatvls vt Pal g anumpa onochi, 1. 10 Pal vt isht il anumpuli.

24 Pal vt nahullo miko tekchi ita tuklo ka Klaist isht im anumpuli.

1. YUMMAK atuk g nitak tahlapit taha ma, na holi-tompa isht gsha pehlichī Ananaivs vt asononchika vhleha, micha hatak anumponli achvfa Tatvls hohchifo hō itapehvt vla na, yvmmak osh Pal g nahullo miko g nan isht im anoli tok.

2. Yvmmak ash pit hoyo na vla ma, Tatvlvs vt anumpa onochit ishtivt, Filiks holutompa fehna ma! chishno ak atuk mak o nukchinto fehnvt il ahagshwa chatuk, micha chishno vt nan chimponna pulla ho, nan isht im ai ahli achukma fehna kvt okla ilvppa ai i yvmohmi chatuk oke.

3. Nitak moma, micha kanima a mominchit yukpa fehna hosh, il aiokpanchi chatok oke.

4. Himmakma achakalechit ak chin takobecho ka chi na kia, nuktanla chia hv, anumpa tilofasi ish pi haiyaklok-bano, chim ai ahni lishke.

5. Hatak ilvppvt, Chu vhleha yakni paknaka aiasha ka mominchit ai itin takla ma, nan isht ataklaiyamvt nan itachowa ma atohnochit aya mv, Nasalin ikxa ya in tikba hika yo e pisa hatuk oka.

6. Tempel ma aieninchit yvmmvt ik akobalo brnna ho, ilvppa il ishi kv pishno pi nan vhpisa yo, nan isht il im apesa chin tok.

7. Yohmi tuk kia kvpitvni chito Lisivs vt ayvt ant pi kohcha cha, kullo fehnvt yvmmak ash pibbak a a kohchit eshi cha,

8. Yvmma anumpa ai ikbichi vhleha yvt ayvt chishno a chim vla chi ka apehisa tuk; yvmmak oka chishno inlit im ai asilhhvchi hosh, anumpa isht il ai ikbichi hatuk puta ilvppa ish akostinincha chi hatuk oke, ahanchi tok.

9. Mihma Chu vhleha hak kia pit ataklammvt nana kash yvmmvt yohmi tok oka, ahanchi tok.

10. Mihma anumpula chi ka, nahullo miko vt pit im avvchi ma, Pal ash ot, Okla ilvppa nan im apesvt ish ahanta afvmmi kanohmi ka, chim akostininchi li hatuk osh, na yukpa fehna hosh isht ile anumpohonli lishke.

11. Uba pit aiokpvchi la chi hosh, Cheluselem ia li chash, nitak auah tuklo ka atampa keyu ka, ish ithaiyana hinla kama.

12. Yohmi ka tempel anukaka ya hatak nana kia ai itachovvt ahanta li, micha sinakak puta, micha tvmaha aiena ka okla ha ai ilhkolichit ahanta li, okla sa pisa tuk keyu.

13. Mikmvt nana ka anumpa ma himonasi g okla isht a sai onochi tuk vt atokola he keyu hoke.

14. Amba ilvppak o chim il anohonli li, vno nana puyuta nan vlpisa holisso, micha hopaii vhleha i holisso aiena, a holihjso tok moma ka, yimmit ikxa inla yo okla achi hatuk oka, an tikba vhleha in Chihowa ya yakohmit aiokpahanchi li mvhlishke.

15. Micha, ghli mikmvt ik ai ghlo, moma illi yvt tana hi g, yvmma ilap ak kia yohmi, okla ahni akinli hoka, vno vt Chihowa ya pit anukchieto lishke.

16. Yohmi hatuk o Chihowa, mikmvt hatak puta aiena itikba ya chukvsh mvt yoshoba iiksho bilia hosh ahanta la chi kv achunanchi li chatuk oke.

17. Yvmmak a tok g afvmmi kanohmit taha ma, na holhpila vm okla ha isht im aya li mvt, vba pit isht aiokpvchi puta aiena ka isht vla li tok.

18. Mih ho yvmmak o Chu kaniohmi Asia minti kv okla laua yokma, keyukmvt a yahapa itin takla yokma nana keyu, tempel anukaka yo, nahullochit vm vltahvt anta li ka, sa pisa tok.

19. Yvmmak osh chi tikba ma, ant maya tuk osh nana kia isht sa mihacha hi vt im gsha tukmvt acha he tuk.

20. Yvmmak keyukmvt ilvppa maya kak inli kia vno vt nan ai apesa itikba hikia li ka, nan ik vlpeso nana kia vm ai akostininchi tukmvt, ik mihá.

21. Amba yvmma itin takla hikia li mvt, illi tani yak o isht tahpahanli li tuk, anumpa achvfa ilvppa illa tok o, himak nitak g hvchishno vt hvs svm asilhhvchishke; achi tok.

22. Mihma Filiks vt ilvppa puta haklot, na yakohmi puta kash achukma fena ai akostininchi mvt, Kvpitvni chito Lisivs ak osh vla hokmak o nana hvchim a kaniohmi ya okluha hvchim akostininchi lashke; achi mvt, im achakalechi tok.

23. Micha kvpitvni hv Pal g apesvcha chi, yohmi kia fohacha he, mikmvt it ithvna ka vhleha yvt, nana ant isht im

vtta, keyukmvt im ai itanowvt maya ka, ik im olabo ka hi g, im apesa tok.

24. Yvmmak atuk g i himak nitak kanohmi ho, Filiks vt tekchi Chu ohoyo Tusila ya ilauelet vla mvt, Pal g pit hoyo cha, Klaist g i yimmi imma ka im a haponaklot chieya tok.

25. Yohmi na yvmmak ash ot, ai ahli, mikmvt ile nukta-lanli, micha nan-vlhpisa hi vt mihinti aiena ka isht anumpo-honli ma, Filiks vt wvnihinchi mvt, Himak okvno ish iashke, nitak vt vm vlhpiesa hok mak osh pit chi hoyo la hi oke; achi tok.

26. Micha Pal vt tvli holisso kia ima na, i hotofa hinla ka im ahoba tok; yohmi hatuk osh chekosikma pit hoyo cha, itim anumpohonli beka tok.

27. Yohmi tuk kia yvmmak atuk g, afvmmi tuklo taha ma, Pashis Festvs vt Filiks vlhtobvt hikia tok; mihma Filiks vt Chu vhleha ya yukpali bvna kvv, Pal vt talakchi na, issvt ia tok.

CHAPTA XXV.

Chu okla kvv Festvs itikba hielit, Pal g anumpa onochi.

1. YOHMI tuk o Festvs vt ulhti ha vla tuk g, nitak tuchina ont ia ma, Sesalia ya vttvt kvv Cheluselem g ona tok.

2. Mihma na holitempa isht asha pehlichi, micha Chu vhleha i hochitoka aiena kvv, yvmma Pal g ai isht im anoli cha, nan im asilhha tok.

3. Micha im aiokpanchi cha, yvmmak ash Cheluselem g vla chi ka, pit hoyo na, takla im aiechit vba chi kvv, im asilhha tok.

4. Yohmi kia Pal vt Sesalia yak inli ho anta pulla he, micha ilapo akinli mvt chekosikma, yvmma ia chi kvv, Festvs vt miha tok.

5. Yohmi hoka hatak vlhpisa hvchi takla maya kvv ai apihvt ik ia cha, nan ik achukmo kvv a takanli hatukma hatak ilvppa ont ik atokoli; achi tok.

6. Micha yvmmak ash takla ahanta na, nitak pokoli ka ont atampa ma, ivt Sesalia ya ona tok. Atuk osh ont onna ma, nan apesa aiasha ya om binili mvt, Pal g isht vla hi g, miha tok.

7. Atuk o yvmmak ash ot vla ma, Chu vhleha Cheluselem mintit vla tuk vt, afoluplit hiohmavt anumpa laua, micha okpulo fehna ho, ai ikbichit Pal g onochi mvt, yvmmak ash ai atokolit ghlicha he keyu ki tok.

8. Mihma ilapo inlit isht il anumpulit ahanta mvt, Chu okla i nan vlhpisa, micha tempel, mikmvt Sesa yak okma nana kia, nana ka isht ai i yoshoba li iksho kvmohmishke, achi tok.

9. Yohmi kia Festvs vt Chu vhleha ya yukpali bnna kvv, Pal g afalaminchi mvt, Cheluselem g ish ona cha, sa tikba hiki vt ilvppak atuk puta kvv nan isht chim vlhpisa hinla cho? achi tok.

10. Mihma Pal ash ot, Nana vm ai vlhpisa he ai vlhpesa mak o, Sesa vt ai asht nan apesa yo hikia lishke; Chu okla hoka nana ik achukmo nana kia, ai i yvmohmi li iksho ka, chishno vt ish ithaiyana fehvshke.

11. Uno vt anumpa kobvffi sia hokma, keyukmvt isht ai illa he vlhpisa kaniohmi ho a si yvmohmi tuk okmvt, ik sullo ka hi g ak ahnoshke, Amba ilvppa puta kvv takali ho anumpa ma yakohmi kvv a sai onochi keyu hokmuno, hatak nana kia sasht ibbak ma ik fohko kashke, Sesa ya achakvllit pit im anoli li mak oke, achi tok.

12. Mihma Festvs vt nan itibai apesa vhleha ya itim anumpulit issa mvt, afalaminchit, Sesa yak o ish im anoli mak o? Sesa yak o ish im iashke, achi tok.

13. Atuk o nitak kanohmit taha ma, miko Ekilipa, micha Banisi ita tuklo kvv, Festvs g aiokpvchit aya hosh Sesalia ya itvlachi tok.

14. Micha yvmmak ash ant ashwa na nitak kanohmi ma, Festvs vt Pal nana im a kaniohmi ya, miko im anolit, Hatak achvfa kvv talakchi na, Filiks vt issvt ia tok g ashvshke.

15. Mihi yo Cheluselem ont anta li ma, na holitempa

isht gsha pehlichī vhleha, micha Chu in tikba vhleha aiena kv̄t nan im apesakbano, ahn̄it v̄m anoli tok.

16. Mihma afalaminchit, Anumpa onvtula tuk vt anumpa onochi ȳg nashuka b̄ika ita sanali keyu, micha nana isht a kaniohmi nan ash onvtula tuk vt, mihma isht il anumpula he mvt, ik im v̄lhpeso k̄isha ka Lom okla hv̄t hatak nana kia illi issa, im ai v̄lhpesa chatuk keyu hoke; im achi li tuk.

17. Yohmi hatuk ̄o ilv̄ppa okla ai v̄la ma, ahchiba iksho ont onna ma, nan apesa ai ̄o binili ȳg ̄o binili lish hatak ash isht kohchv̄t v̄la ch̄i ka, apesa li tok.

18. Mihma anumpa onochi vhleha yvt wakayvt hieli mvt, yakohma ch̄i ka ahni li tuk amo, achv̄fali kia isht ik onochi ki tok.

19. Amba ilapo vba pit anumpuli isht a tobv̄t maya, mik-mvt Chisvs illi tok, yv̄mmak ̄o Pal ak osh yv̄mmvt okchaya kak pulla, miha kak ̄o; yv̄mmak ̄o anumpa isht onochi tok.

20. Mihma anumpa yv̄mma chohmi ka, nan ai anukfilli ak ithano hatuk osh, Cheluselem ak ̄o ona cha, yv̄mmak ̄o ilv̄ppa puta kash ot nan isht im ai v̄lhpisa hinlakma, nana ka i ponaklo li kv̄no.

21. Yohmi kia Pal vt anumpa h̄g Akv̄stvs vt atoshowa ka, hakla he pulla h̄o ahni ma, apesanchi tuk ̄o Sesa ȳg pit in chv̄ffichi la he vt miha li tuk oke; ahanchi tok.

22. Mihma Ekilipa ash ot Festvs g, Ūno ak kia hatak yv̄mma i haponaklo la hinla, im achi ma; Onna ha mak ̄o, ish i haponaklashke; achi tok.

23. Atuk ̄o ont onna ma, Ekilipa, micha Banisi aiena kv̄t shema chinto fehna hosh itvlachi cha, kv̄pitvni hochitoka vhleha, micha hatak holitompa vhleha tmaha gsha tuk g, ai itapeha cha ai gsht na haklo ȳg pit abeha ma, Festvs im anumpa h̄o Pal g isht kohchit v̄la tok.

24. Mihma Festvs ash ot, Ekilipa m̄jko, micha hatak pi apchv̄t ilv̄ppa hv̄sh maya kv̄t momvt hatak ilv̄ppa, Chu okla laua yvt moyumvt, yv̄mmak okvt himmakma okchayvt ahanta na ahchiba he v̄lhpesa keyushke, ahanchit Cheluselem, mi-cha ilv̄ppak inli aiena ka, ai v̄m v̄la beka tuk mak ̄o, hv̄sh pih̄isv̄shke.

25. Yohmi kia nana hō isht ai illa he vlpesa ka yvmohmi tuk keyu ; micha ilapo akinli mvt anumpa hā achakalinchit Akvstvs g im anoli mak atuk o, akostinichi li mvt, pit chvffichi ka vm-anukfihinla tuk okano.

26. Mih hosh nana hō yvmma ai isht, g shahli hā pit i holissochi li fehna hi vt ik svm iksho : yohmi hatuk osh nana im asilhvuchi yak osh asht issa ha yokmvo, nanasi ka holissochi la he vt vm gsha hinla kak osh kohchit hvchi tikba, micha chishno ak o fehna kak o chi tikbi yā ant hilechi lishke, miko Ekilipa ma !

27. Anumpa mvt isht ai onvtula ka atokowa ma anoli ka aieninchi hō keyu kv, aboha kullo fōka yā pit chvfficha he vlpisa keyu ka, vm ahoba hokvt ; ahanchi tok oke.

CHAPTA XXVI.

Pal vt Ekilipa g itikba hikivt kaniohmit aya chatuk puta kv, anoli, 1.
12 Pal vt vbanumpuli toba tok vt anoli.

1. MIHMA Ekilipa ashot, Chishno isht ish il anumpula chī kv, chim vlpesvshke, Pal g im achi tok. Mihma Pal ash ot ibbak g pit fahvmmi mvt, isht il anumpohonli tok.

2. Chu vhleha yvt anumpa isht g sai onochi tok imma puta ka mominchit himak nitak g, chi tikba hikivt isht il anumpohonli la chī kv, na yukvt vm anukfihinlvshke, miko Ekilipa ma !

3. Chu okla i nan vlpisa puta, micha anumpa ai isht itachowa puta aiena ka, chishno vt chimponna pulla hatuk mak o ; yohmi hoka achukmalit g haponaklokbano, chim ai ahnilishke.

4. Ulla sa tomba tok takla, yvmmvt vmmona ka vno vm okla talaia ai itin takla Cheluselem ak a tok oka, nana a kaniohmit mihinti li puta ka, Chu vhleha yvt momvt ithavnshke.

5. Ummona kash inli hō, svthanvt isht auehinchi tok, yvmmak osh vbanumpa isht pim iksa apissali kv, moma i shahli, Falisi yosh ahanta li tok g, anola hinla chishke.

6. Micha Chihowa yvt hvpin tikba vhleha ya anumpa ima tok a, a yimmi hatuk pulla hosh himonasi a hikivt nan vm vhpisa mak oke.

7. Anumpa tok yvmmak o pisa ka, aiahni hosh pim okla auah tuklo kvv nitak, ninak puyuta ka Chihowa ya pit aiokpahanchi na bilia hoke. Na pit ai ahni yvmmak pulla ho, Chu vhleha yvt anumpa isht a sai onochi hoke, Ekilipa miko ma!

8. Chihowa yvt illi puta ka tanicha hi a, katiohmi ho ayimma he keyu nana ho hvchim ahoba cho?

9. Uno vt Chisvs Nasalet vttta hohchifo ha i sanalit nana ka lauachit a si yvmohma he tuk oka, ahnit il anukfilli li mvhli tok.

10. Mihmvt na yvmmak ash Cheluselem a ai yvmihinchi li akinli tok; micha na holitompa isht gsha pehlichich vhleha yvt vm apesa hatuk o, vbanumpuli lauachit aboha kvillo pit apihinta li tok; micha okla vba chi ka vno vt vhpesa, ahanchi li tok.

11. Micha sinakak puta ka ai ilbvshahanchi li mvt, Chihowa pit ik ahobalot anumpula hi a, atushpalihinchi li tok; micha yohmi ka i nukkilli li fehna hatuk osh issikkopali kvv, yakni inla tmaha puta kak kia isht aya li tok.

12. Yvmmak o na holitompa isht gsha pehlichich vhleha yvt atokowa, anumpa kvillo ai ghli achukma ka vma na, ieshi hosh Tamaskvs a ia hosh aya li tuk o,

13. Ont tvbokolik fehna, hina takla ya, tohwikeli vba minti kvv shohmalali kvv hvshi a imaiya hosh, tommit vno, micha si apehvt nowvt aya tuk aiena kash a folupli na, pi-hisa li tok oke, miko ma!

14. Mihma momvt aka ont pi kaha ma, anumpa hvv vm anumpuli kvv, Heblu anumpa yo Sal, Sal ma! nanta katiohmi ho is svlvshali cho? Na halupa puta ho pit ish hvhli kvv chi palvmmi hoke; ahanchi na haiyaklo li tok.

15. Micha, Kvta chia hoh cho. Chitokaka ma! achi li tok. Mihma, Uno akosh Chisvs ish issikkopali a sia hoke.

16. Yohmi kia chishno a vbanumpa isht vttta, mikmvt nana ish pisa tuk ilvppa, micha nana chim ottvninchi likma,

yvma puta ka ish anohonla he aiena ka, chikbi la chi, apisali ilvppa pulla hosh chi haiaka li hatuk oka; wakayvt chiyi a isht ish hikiashke.

17. Okla ha, micha oklushi nan ik ithano vhleha aiena ka akohchit chi hlakofichi li hatuk okvt.

18. Yvmmak oka i holhponayo ha fatummi, anonti ai okhlilika ya a filvmmichit tohwikelika ya isht onvt, micha Setvn apelihchi a akohchit Chihowa ya isht ish im ohona na, nan ai ashvchika puta isht a akashofa ka, micha vno a yim-mika pulla hosh isht kashofa tok puta ka, iba takla ai ahanta aiena ma, ahayucha chi mak o himak a pit chi chvffihinchi lishke; achi tok.

19. Yohmi ma vba mintit haiaka kash ik im antiot ahanta li tok keyushke, miko Ekilipa ma!

20. Amba ile kostininchi cha filemvt, Chihowa ya okla im ona cha, ile kostininchi yvt a yohmi ai vlpiesa ho yvmohmit aiasha hi a, vmona ka, Tamaskvs, mikmvt Cheluselem, micha Chutia yakni afullota moma aiasha ka mominchit im anoli li mvt, anonti oklushi nan ik ithano vhleha ma im anohonli li tok oke.

21. Yakohmi puta pulla hatuk mak o, tempel anvkaka ya anta li ho, Chu vhleha yvt sashi cha, svbi bnnvt maya tok.

22, 23. Chihowa yvt si apelahanchi hatuk mak o, hopaii vhleha, micha Moses aiena kvv nan a kaniohma he, Klaist vt illvsha he, micha yvmmak osh illi tani ka tikba he, micha okla hash, mikmvt okla nan ik ithano vhleha aiena ka tohwekeli ka i haiakvcha he a, ahanchi tok a, yvma nan isht inla yo miha keyu hosh asvno, micha chipunta aiena ka im anohonli kvv, himak nitak a sa moma hoke, ahanchi tok.

24. Yakohmihchit isht il anumpohonli ma, Festvs vt chitolit anumpulit, Pal, chi tasimboshke; holisso chimponna fehna kak osh isht chi tasimbo hoke; achi tok.

25. Mihma, Sa tasimbo ho keyushke; amba anumpa ai ahli, anumpa kostini yo anumpohonli li hoke, Festvs holi-tompa fehna ma!

26. Miko vt ilvppa puta ka ithaiyana ho, itikba ma hikivt

nukwaya ikshot anumpuli li akinlishke. Nana ilvppak okvt chukbika yo a yvmohmi tok keyu hoka. A yakohmi puta kvv achvfona kia in luma keyu ka, vno vt akostininchi li hoka.

27. Miko Ekilipa ma! hopaii vhleha im anumpa ha chi yimmi cho? Chi yimmi ka ithana lishke, achi tok.

28. Mihma Ekilipa ash ot Pal a, Ubanumpuli toba la hi a is si anukfokichi naha fehnvshke; im achi tok.

29. Mihma Pal vt, Chishno ak o bano keyu, amba himak nitak a sa hgklo kvv moyumvt naha fehna cha, anonti fehna, vno ak o chiyuhmi hosh, amba talakchi yakohmi kano keyu hosh, hvsh aiasha hi a, Chihowa ya pit im asilhha li hoke; achi tok.

30. Yakmihchit anumpulit issa ma, miko vt, nahullo miko, micha Banisi, mikmvt apehvt chieya tuk aiena kvv wakaya tok.

31. Micha naksika onvt taha mvt, Hatak ilvppvt isht ai illa he, micha isht a talakcha he ai vlhpesa nana ka, nana ho a kaniohmi kvv ikshoshke; achit itim anumpuli tok.

32. Mihma Ekilipa vt, Hatak ilvppvt i holhtufa hinla tuk, Sesa akv achakalit im anola chintuk keyu hatukmvt; Fests a im achi tok oke.

CHAPTA XXVII.

Pal vt peni fohkvv Lom pila ia hosh aya, 1. 14 Mahli kvvlo vt peni a onvtula. 39 Yakni a ont ahayuchi cha okla hlakofi.

1. MICHA peni fohkvv Itili ya il ona hi a ai vlhpisvt taha ma, Pal, micha aboha kvvlo fohka inla kaniohmi aiena ka, tvshka chipota Akvstv ai itapeha i kvv pitvni, Chulivs hohchifo ho ibbak fohki tok.

2. Mihma Hlessalonika tmaha Masetonia hatak, Alistakvs vt piba foka hatuk o, Asia ya pit lapalika okla e maya chi mak osh pim anukfila hosh Atlemitivm peni yo pit il vlbeha mvt il ilhkoli tok.

3. Atuk osh ont onna ma, Saitv a ont il ataya tok; mih-

ma Chulivs vt Pal g i kana fehnvt isht gya mvt, i kanomi vhleha aiasha ka ona cha, impa hinla chohmi ka, im apesa tok.

4. Atuk o yvmma gsht il ilhkoli mvt, mahli hak osh ai isso hatuk o Saipilvs g nutaka il gya tok.

5. Micha Silisia, mikmvt Pafilia aiena okhvta hq pit il a hlopulli mvt, Lishi yakni, Maila tmaha hq e la tok.

6. Mih hq yvmmak o Aleksantia peni yvt Itili yg ia hosh gya na, kvpitvni hvt pisa cha, yvmmak o pishno ash pit pi apitta tok.

7. Mihma svlahvt il itvnowa na nitak kanohmi hosh, Naitvs g ont kil i chapo kisha chiyuhmi hq, mahli hak osh pi a sanali hatuk o Salmoni i chapa ka Klit ak o nunta gsht il gya tok.

8. Micha yvmmak ash ont kil aiy chohmi hosh, peni ai ataya achukma hohchifo hq e la tok; yvmmak o bilika yq Lesi tmaha hvt talai ha tok.

9. Atuk o ahchiebvt taha, micha nahullochi hvt ai issa-chi ha ya tuk o, himak okak heno peni isht gya ka ai achukma he keyu hatuk o, Pal ash ot nan i miha tok.

10. Mihmvt, Hatak puta ma! himak okhvta gya ka nana kvv ai okpulo kvv kvnihia fehna chishke, vhpoyak, micha peni aiena kak bano keyu; amba hvpim ilhfiopak vt aiena chi ka akostininchi lishke; im ahanchi tok.

11. Yohmi kia kvpitvni hash ot, peni vt immi hatuk, mi-cha isht gya pehlichia aiena kak o i yimmi kvv, Pal vt nana anumpuli tuk g, im i shahli tok.

12. Micha peni ai ataya yokvt hvstula yg aiasha achukma keyu hatuk o, yvmma gsht achakvlit ivt kaniohmi kia yohma hinlakmvt, Finisi yvmmak okvt Klit peni im ai ataya yosh falvmmi im okvtula imma pit bachayakmvt, anonti oka mahli im okvtula imma ma pit hikia hq, ona cha hvstula yg yvmmak o okla gsha hi g, miha kak osh laua kvv i shahli tok.

13. Atuk o oka mahli hvt lomvt mahli ma, okla nan ahni tuk vt im vhpesa, im ahoba mvt, hotofi cha, Klit pit a bilikasit peni isht gya tok.

14. Yohmi tuk kia yvmmak atuk g hopaki keyu h_o, mahli kullo fehna tobt, Yulaklitv hohchifo hosh ai isso tok.

15. Mihma peni vt atavchit kvnia cha, mahli h_g a sanalit ia he keyu ma, ant shalit isht ik ay_a, il ahni tok.

16. Mihma shalit ishtia ma, yakni tashaiyi achvfa Kilati hohchifo h_o nutaka ona ma, penushi yak osh palvmmi h_o isht e mihinti tok.

17. Yvmmak ash o okla hvlat ishi mvt, apelvchi kv_t peni chito ash afohli_t takchi mvt; anonti ik yohmokma, okchv_nak ont ai issa hinla ka, nukshopa kv_t na hvta h_g ai akvchi na shalit isht gya tok.

18. Atuk o mahli kullo ka e takakanlit gya fehna hatuk o, ont onna ma, peni g okla shohhv_lachi tok.

19. Atuk osh nitak ont atuchina ma, pishno pibbak akinli h_o peni isht talakchi y_g ishit kocha pit e kampila tok.

20. Micha nitak kanohmi ka, hvshi, mikmvt fochik nana kia ik haiako ma, anonti mahli kullo mvt atampa fehna hosh pi onvtuyula ma, pi okchaya he pit ahomba kash ot, momvt pi kvnia tok oke.

21. Yohmi kia okla ik impo h_o hopakit taha ma, Pal vt wakayvt itin takla hikia cha, Holitopa vhleha ma! vno ak o hvs sa haponaklo tukmvt, Kilati g hvchik a hotofe ke tuk osh, nan okpulo, micha nan kvnia aiena ilvppa hvchik peso ka he tuk oke.

22. Yohmi kia hatak hvsh achvfona kia im ilhfiopak vt a kvnia ch_i keyu, amba peni ak illa ch_i hoka, hvchi yukpa hi g hvch_i miha lishke.

23. Himak ninak g Chihowa yvmmak o immi sia hosh, mihi y_o im atihya li yatuk mak o, im enchil vt sa tuma y_g hikvt,

24. Pal vt ik chi nukshopo kashke. Sesa itikba y_g ish ona ch_i pulla hoke; mikmvt Chihowa yvt ai itapehv_t peni isht hvsh gya ka, yvma mominchit chima hoke; ahanchi tuk oka.

25. Yvmohmi hoka holitopa vhleha yvt na hvchi yuk-

pashke; nana vm annoa tuk fena kv̄t ont v̄lhpiessa ch̄i ka, Chihowa ī sai yimmi hoka.

26. Yohmi kia yakni tashaiyi kaniohmi h̄o, ont iloh ō hlatapa ch̄i hoke; achi tok.

27. Yvmohmi tuk ō ninak vt ont isht auah ushta mak ō Atelia okhv̄ta h̄a e fullokahanchi na, ninvk iklv̄na foka ma, peni isht aya v̄hleha hash ot yakni nana mak ō pit bilika ona h̄o, im ahoba tok.

28. Micha oka ya apesa mvt, ashatv̄pa pokoli tuklo h̄o akostininchi tok; atuk osh achakvlit ivt mishema ona mvt, anonti apesa ma, ashatv̄pa auah tahlapi na pisa tok.

29. Mihmvt tvli hochito ka ont ai issa hinla kv̄t, okla nukshopa kv̄t, yakni yichifi ya ushtat peni hasimbish ā pit ai okv̄chi mvt, onnakbano ahnit aiasha tok.

30. Mihma peni chito isht aya v̄hleha yash ot peni chito ya a kohcha wihvt yihlepa chin cha, penushi yash okhv̄ta h̄a pit oka talali mvt, yakni-isht yichifi ya peni chito itikba ya pit ai oka kapulla hi ā ahoba ma,

31. Pal vt, kv̄pitv̄ni, micha tvshka chipota v̄hleha aiena kash, Yakohmi kak osh peni chito anukaka ya maya h̄o keyukma, hv̄chi okchaya he keyushke; im achi tok.

32. Mihma tvshka chipota v̄hleha yvt peni ushi ishtalakchi ya chanlit hokofi na akia tok.

33. Atuk ō onnvt mibinti ma, Pal ash ot, momvt impa hinla ka, im ahni mvt, Nahullochit hv̄sh ahqshwa cha, nana kia hv̄chik impo mak ō himak' vt nitak ont isht auah ushtv̄shke.

34. Yohmi hoka nanasi hv̄sh impa hinla ka hv̄chim ahni lishke. Ilv̄ppak ō hv̄sh ai okchaya ch̄i mak okvt; hv̄sh achv̄fona kia chi noshkobo h̄a pashi vt ai akia ch̄i keyu mak oke; achi tok.●

35. Yakohmihchit anumpulit tahli mvt, pv̄ska ya eshi cha, moma itikba ya Chihowa pit ai aokpachi tok; micha tushtuli mvt, impvt ishtia tok.

36. Yohmi ma momvt yukpa chukma mvt, yvmmak ash kia okla impa tok.

37. Micha peni il alhto kut e moma kut hatak tahlepa tuklo cha pokoli untuklo akucha hannali il aiena tok.

38. Micha impa kut okla ont im vllhpesa mvt, onush a okla okhvta pit oka hlahlit peni a shohhalali tok.

39. Atuk o onnvt taha ma, yakni ya okla ik ithano ki tok; yohmi kia okhvta filvminchi yvt vlli hvt auet gsha ho, okla pit pisa mvt, yohma hinla yobakma, yvmma peni ya ont fohka chi kut okla im anukfila tok.

40. Micha isht yichifi ya okla kohchit aiowa mvt, okhvta ha okla im ile kaiyanchit peni isht afana isht talakchi a hotofi cha, nan tohbi shvpha wishakchi fehna takali ya mahli ha pit a asanalichit vba takalichi mvt, oka vlli pilla ka, okla ia tok.

41. Micha okhvta tuklo ai itafama ya pit vlhto cha, peni ash yakni ont on talali tok; mihma ibbish imma kvto a kullot kvnia cha ilhkola he keyu hosh talaya ma, amba hasimbish pila hamo oka banvtha kullo fena kut okpvnit kanchi tok.

42. Mihma tvshka chipota vhleha hash ot aboha kullo vllhpita yatuk a vba hinla, yvmmak keyukma, kanima mvt okshonullit kohcha cha, hlakofa hinla ka, anumpulit maya tok.

43. Yohmi kia kvpitvni hvt Pal a okchalinchi bvna hatuk osh, okla nan ahni tuk a im olvbbi tok; mihmvt kanima hosh okyohla hinla kak osh tikba okhvta ha pit oka kahvt kocha ona chi ka,

44. Mikma inla kanimi kut iti bvsha yo o binohli ma, kanimi mvt peni pahlavli yak o o binohla chi ho, miha tok. Mih hosh yakohmi tok; momvt nana kaniohmi iksho hosh yakni ya, okla onvt hlakofi tok oke.

CHAPTA XXVIII.

Pal, micha apchvt gya tuk aiena kash okla nan ik ithano vhleha hvt i kana fehna, 1. 8 Pal vt yakni tashaiyi abeka aiasha tuk a laua ho hlakofichi. 16 Pal vt Lom a vla mvt, Ohu okla ha vbi isht im anumpuli.

1. **MICHA** okla hlakofi mvto yakni tashaiyi vt Milita hohchifo hatuk o akostininchi tok.

2. Mihma okla nan ik ithano vhleha yvt pi kana kvt peh chohmi tok keyu; mihma uhumba hatuk, micha kapvssa aiena hatuk oka, okla luak oti cha, mominchit pehlichit pishi tok.

3. Mihma Pal vt iti chipunta laua itahobit, sholit luak a ant itoyashachi ma, sinti okpulo fena yvt luak lvshpa ka vttvt kohchvt, ibbak a apakfoa tok.

4. Mihma sinti okpulo fehna yvt ibbak a a takanli na, oklushi nan ik ithano vhleha yash ot pisa mvt, Ik kaniohmi kia hatak ilvppvt hatak bika vbi pulla tuk osh, okhvta hokvno i hlakofi tuk nana kia, na palvmmi ak okvto okchayvt ik anta, ahni keyu hoke; ilap bika itim achit maya tok.

5. Mihma sinti yash fahlit luak pit itvchi mvt, nan ik kanihmo ki tok.

6. Yohmi kia shatalikma, keyukmvt ashaliika illit aka itulakma nana chi kak o, im ahobvt maya tok; yohmi tuk kia okla pisa na hopaki ho, nan ik i kanihmo ho pisa mvt, inlvchit im anukfila mvt, yvmmak ash nan isht-ahullo hoka, achi tok.

7. Yakni yvmmak oka yakni tashaiyi ya apehlichit Publus hohchifo ho, im osapa yosh talohmaya tok. Atuk osh yvmmvt pi kana achukmvt pehlichit pishi na, nitak tuchina il ashwa tok.

8. Atuk o yakohmi tok, Publus iki vt yvna, micha isshish ikfia aiena ho isht abeka hosh ittoyula tok; atuk o Pal vt yvmmak ash ont iba chukowa cha, vba pit anumpulit ibbak a isht umbitepa mvt, hlakofichi tok.

9. Ilvppvt a yakohmi ma inlaka ak kia, yakni tashaiyi yvmma abeka maya tuk vt ai vlvot hlakehoi tok.

10. Michia yvmmak okvt nan isht a holitopa laua ka isht pi holitobli tok; micha kocha il ilhkoli ma, nana kia isht aya he vlvhesa puta ka okla pi shalichi tok.

11. Mihma hvshi tuchina kvv taha ma, Aleksantia peni yosh yvmmvt yakni tashaiyi yak o hvshutula ya takanli tok; micha hohchifo mvt Kasta, mikmvt Palvks aiena hosh lapali ho, pit vlvhot il ilhkoli tok.

12. Micha Sailekus g ont il ataya cha, yvmma il ashwa na nitak tuchina tok.

13. Yvmma asht e minti mvt apakfompvt mihintit Lichivm g e la tok; atuk o ont onna ma, oka mahlit mahli ma, mintit nitak ont atukla ma, Putioli, ya e la tok.

14. Yvmmak o il itibapishi vhleha ya ant il ahayuchi ma, takla e maya na nitak untukla chi ka pim ahni tok; yohmi ma Lom pila imma pit il ilhkoli tok.

15. Mihma yvmma asht il ilhkoli ka, il itibapishi vhleha yvt pi haklo mvt, Api Folvm, mikmvt Ai-impa chuka tuchina heli ka ai vhli kak o, ant a pi afamvt itvnova tok, Pal vt yvmma pisa mvt, Chihowa ya, yakoke, pit im ahni mvt, ayiminta tok.

16. Atuk o Lom g okla il ai vla ma, kvpitvni hvt aboha kvllo vlpita yatuk g nan apesvchi i kvpitvni hg ont ibbak fohki tok; amba Pal ano ik yohmi im ahni na, ilap bano hosh isht gya tuk tvshka chipota ya awant anta tok.

17. Atuk o yakohmi tok, nitak tuchina ont taha ma, Pal vt Chu hochitoka vhleha hg hoyot jtahobi tok; micha itahoba ma, Hatak il itibapishi vhleha ma! vno vt okla hoka, micha pin tikba nana a kaniohmi a puta kia nana im ai isht a kaniohmi li kvv iksho nana kia, Cheluselem g vttvt talakchi yosh Lom okla hg ibbak fohka li hokvno.

18. Atuk o yvmmak ashot okla achukmalit vm asilhhvchit taiyahli mvt, isht ai illa he vlpesa mvt, si a takali keyu hatuk oka okla g hotofa he tuk.

19. Yohmi kia Chu vhleha yvt yvmma a sanalit anumpuli ma, vno vt ik kaniohmi kia, Sesa ya im anoli la hi vt, vm anukfila ha tok; vm okla talaia ka nana ho isht ai atokoli la hi vt vm gsha ha tok o keyushke.

20. Yvmohmi hatuk osh ilvppa a yakohmi pulla kak o hvchi pisvt isht hvchitim anumpuli la chi hosh hvchi hoyo li tuk oke; Israel nan pit ai ahni a tok pulla mak o, tvli itakvli ilvppvt isht sa talaiyakchi hokvt; im ahanchi tok.

21. Mihma, Chishno g chi nanumachi holisso kvv Chutia ya minti kvv ik pim vlo; yohmikma il itibapishi vhleha ak kia ai vla kvv kanima mvt, nana ik achukmo nana kia chi anolit anumpuli chatuk keyushke.

22. Yohmi kia chishno nana isht chim anukfila kano haklo ka il ahnishke; amba ikxa ilvppak okvno na mihachi kut kanima mominchi hoka, il ikhaiyanushke; okla im achi tok.

23. Micha nitak okla pit im apesa tuk o, laua kut ai vtta yg okla ant iba chukowa tok; mihma yvmmak osh Chihowa apelihchika yg atokolit im anolit, Moses i nan-vlhpisa, micha hopaii vhleha i holisso puta ka akohchit, Chisvs g isht ai anukfohkichit ahanta na onnahinli tuk vt opia tok oke.

24. Yohmi ma nana kut anumpa tuk puta ka kanimi kvto yimmi ma, anonti kanimi mvt ik yimmo ki tok.

25. Micha okla ik ai it achvfo mvt, Pal vt anumpa achvfa anumpulit, Shilombish Holitopa yvt hopaii Esaias g, ghli hosh ai isht anumpulit hvpin tikba vhleha yg.

26. Oh ia cha, okla ilvppa haklo hokvno hvsh haklo kia hvchik akostinincho ka hi oke; mikmvt pisa hokvno hvsh pisa kia, yakohmi hvchik ai ahno ka hi oke; hvsh in ahanchashke.

27. Yvmmak keyukmvt nishkin g ishit pisa cha, anonti haksobish ma, ishit haklokmvt, anonti chukvsh g akostininchi cha inlot im anukfila na, hlakofichi la hinla ka, okla ilvppa chukvsh vt nusilhha fehvt taha ma, anonti haksobish mvt haponaklo kut in takobi ma, anonti nishkin g okla okhishta hoka; im ahanchi tok.

28. Yvmohmi hoka, Chihowa yvt isht ai okchalinchi yg okla inla puta kak o ima ka, yvmmak kvto haponakla chi hoke, hvsh ithaiyanashke; achi ma, tisheli tok.

29. Yvmmt anumpa ilvppa ahanchit ont issa ma, Chu vhleha yvt tisheli cha, ilapo bika yak o itim anumpuli fehna hosh maya tok.

30. Yvmohmi ma Pal vt, ilap chuka puta tuk vt ahanta na, afvmmi tuklo vlhpiesa hlopulli tok; yohmi mvt kvna hosh i nowvt ayvt vla ka aiokpahanchi banot,

31. Chihowa apelihchika yg isht anumpulit, hatak nana hosh im alvmmi iksho hq, nana kut Chitokaka Chisvs Klaiat g pit ai ahalaia putakma nukwaya iiksho hosh im abahanchi beka tok oke.

HOLISSO PAL UT CHUCH LOM

A HIKIA HQ I HOLISSOCHI TOK.

CHAPTA I.

Vbanumpa yimmi Lom aiasha ka Pal vt pit aiokpuchi, 1; 16 Vbanumpa hvt nana, micha nan vllhpiesa nana hq isht otaiyani; 18 nashvchi moma ka Chihowa yvt i nukkilli; 21 nan ik ithano okla nan im ai ashvchika yvt nana hatuk okma anoli.

1. PAL, Chisvs Klaist in tishu, apostel toba kvv, Chihowa im vbanumpa isht vtta hi osh vlhtoka tok vt,

2. Yvmma tikba pilla kash o Chihowa hvt Holisso Holitopa yak o i hopaii vhleha hq isht ai anohonli kvv,

3. Ilap Ushi Chisvs Klaist hvpin Chitokaka, yvmmvt haknip imma hokvno Lewi isht atiaka yo isht atoba kak atok;

4. Micha shilombish holitopa hokvno illi tuk osh falamvt tani kak osh Chihowa Ushi nan im ai ghli fehna kvv isht otaiyani ai oklgha tok:

5. Yvmmak atuk pulla mak o isht ai i kana, micha vbanumpa isht-ai vtta vlhtoka aiena ka il ai eshi ka, oklushi moyuma kvv vbanumpa hq im antia na ilap hohchifo hvt isht a holitopa hi atok:

6. Yvmmak o ibai achvvt Chisvs Klaist q im a hvchi vlhtohoka tok:

7. Lom aiasha moyuma Chihowa i holitopa, vbanumpuli tohomba tok moyuma ka Piki Chihowa, micha Chitokaka Chisvs Klaist ita tuklo nan isht i kana, micha nan isht it i nanaiya ita tuklo kvv hvchi anukfoyukashke.

8. Vmmona ka Chisvs Klaist ak atuk mak o hvsh moyuma ka hvch ithaiyanvt, na hvchi yimmi hoka annohvvt

yakni moyuma ka a hlopulli kak o, an Chihowa ya yak oke, pit im ai ahni li hoke.

9. Yohmi ka yvmmak oka ilap Ushi im vbanumpa hak o ai isht sa shilombish oka isht in toksahanli li kv̄t, anumpa ilbvsha anumpuli li puta kv̄t pit hvch ithaiyana bieka hosh, isht hvchi anumpohonli li kv̄t ak isso kamohmi hoka, Chihowa yak osh nan atokowa si anoli yoke.

10. Himak g yohma he yoba tuk o nitak vt ik hopako kia achukma biekv̄t gyvt, Chihowa yak osh ai ahni pulla na hvchim ona la he ak osh asihihla lishke.

11. Yohmi ka hvchi pisa sa bunna fehna kv̄t, shilombish isht im achukma he yak o hvchi hopela li, nana ka isht hvchi hlampka hi atok.

12. Ilv̄p̄v̄t nana ka hvch ibai yukpa li hokbano, na yimmi bika pia hatuk oka, achi li hoke.

13. Yohmi ka itibapishi li v̄hleha ma! hvch im ona la hi okv̄t himonng vm anukfihinla kv̄t, nan-vni kaniohmi ka hvch itintakla ya ai ishi li kv̄t, Chentail inla v̄hleha h̄g ai ihishi li tok g chiyuhmi ak inlikbano ahni li tuk kia, si ataklama na himak g hvch ik ithano ka he ai ahni li keyu hoke.

14. Klik, micha Bvlbaha v̄hleha, nan ithana, nan ik ithano aiena ka vbanumpa h̄g isht im anumpohonli la he vm v̄lh-pisa hoke.

15. Yohmi hoka, vno yokvto Lom hvsh ai asha kak kia, vbanumpa isht hvchim anumpohonli la chj kv̄t vm v̄lhtaha hoke.

16. Yohmi ka Klaist im vbanumpa h̄g j sa hofahya he keyu hoke: yohmi ka yvmmak okv̄t Chihowa nan im ai ghli pulla hatuk ak o kv̄na hosh yimmi puta hokvto isht ai okchaya hoke; v̄mmona ka Chu hak osh ai yvmohmi h̄g, anonti Klik vt ai yvmohmi ak inlishke.

17. Yohmi ka yvmmak o na yimmi ak atuk pulla kak o Chihowa j nan isht okchalimchi yvt na yimmi v̄hleha h̄g im otaiyani hoke; holihiso kv̄t, Ai-v̄lhpiessa yokvto na yimmi pulla kak osh isht okchaya hi oke, achi hoka.

18. Yohmi ka Chihowa vba yakni binili nan isht j nakkili yvt hatak vt Chihowa ik holitoblo, micha nan ai v̄lhpiessa

keyu yvmohmi puta kv̄t anumpa ai gh̄li ka atakl̄m̄mi kak q̄ onvtuyula hosh otaiyani hoka.

19. Yohmi ka Chihowa imma ka isht ithv̄na hinla ka ilap inli kv̄t isht otaiyani hoka, Chihowa yak osh j̄ haiakv̄chi hatuk oka.

20. Yohmi ka yakni, micha nan okl̄gha v̄ba ai asha kv̄t toba tok takla ka nana nishkin isht pisa he keyu Chihowa immi puta ka akostininchi fehna kv̄t nan okl̄gha tohomba tok q̄ Chihowa nan okluha im ai gh̄li, micha okchayvt bilia yoka isht akostininchi hatuk osh nan isht a miha hi vt ik im ikshoshke.

21. Yohmi ka Chihowa yoka ithana ha yokvt, Chihowa chohmichit ik holitoblo kish, yak oke ik im ai ahno, amba im anukfila kv̄t nan isht ik ahobo tobtv̄t, ch̄kv̄sh anukfila iksho yvt okhlilit, kv̄nia tok.

22. Yv̄mmvt hopoyuksa ilahobi hosh ik hopoyukso toba tok.

23. Micha Chihowa illa he keyu isht a holitopa yq̄ kan-chit na holbtv̄t toba hatak illa he, micha hushi, micha nam-poa iyi ushta, micha nana balali puta aiena ka holbtv̄t toba hq̄ holitobli tok.

24. Yvmohmi hatuk ak q̄ Chihowa hokvt ilap inli ch̄kv̄sh okpulo nan ai ahni puta kak atuk mak q̄ na liteha yq̄ a yvmohmit, ilap hakn̄ip puta kash inli isht ik iti hofahyali, im ai ahni tok ak inlishke :

25. Yohmi ka yv̄mmvt Chihowa j̄ nan ai gh̄li yoka holabi yq̄ isht ai ikbi cha, natoba yak q̄ aiokpv̄chit, in toksahanli kv̄t Nan ikbi yq̄ j̄ shablich̄i tok : yv̄mmak okv̄to holitopot bilia yoke. Amen.

26. Il̄ppak atuk pulla kak q̄ Chihowa hv̄t ant ik yvmohmi ai ahni hq̄, havi isht ile hofahyali ilaiyuka ka ai yvmohmi tok. Yohmi kv̄t ohoyo hak kia nana ka ai yvmohma he atuk ash q̄ ai inlv̄chit, ohoyo hv̄t ai yvmohma he atuk keyu ka yvmohmi tok.

27. Mihma nakni yak kia ohoyo hak q̄ ai yvmohma he atuk vt issa cha, it j̄ havi anukfilli kv̄t luh̄wa fehna mv̄t, nakni vt nakni b̄jka ka isht a hofahya yak q̄ it j̄ yvmihinchi

hosh, ilap nan ai ashvchika isht vlhtoba ai vlhpiesa mak o ilap ash inli hosh ihishi tok.

28. Micha Chihowa hoka ithaiyana ka ik bvnno hatuk oka, Chihowa hv ant ik yvmohmi ai ahni hq, im anukfila okpulo yoka nan isht ai ahni hosh, nan isht a hofahya he puta ka yvmihinchi tok.

29. Yohmi hosh nan ai vlhpiesa keyu, itin lumaka, nan okpulo anukfilli, nan anushkunna, inla chukvsh hotopali bvnna, nan it i potvnno, hatak bika vbi, itachowa, it i haksichi, nan isht i nukkilli, inla lumvt na mihachi aiena ka isht ai alotowvt kvnia hatuk osh,

30. Inla ya ashakachit na mihachi puta, Chihowa i nukkilli vhleha, na hofahyalit isht anumpuli, ilefehvchi, ilauata, nan isht ik achukmo puta ihikbi, iki, ishki ita tuklo ik im antio,

31. Nan im anukfila iksho, nan it im vlhpisa kobeffit shahli, im vlla i hullo ik im iksho, it i hopohla himma keyu, it i nukhaklo ik im iksho :

32. Yvmmak okvt Chihowa i nan vlhpisa yvt, kvna hosh nana yvma chiyuhmi ka yvmihinchi hokvt isht ai illa he vlhpiesa achi ka ithana kia; yvma yvmihinchi kak bano keyu, amba kvna hosh yvmihinchik mak o isht im ai achukma hoke.

CHAPTER II.

Kvna hosh nanashvchi hokvto nana hq isht apohpocha hi vt ik im iksho, 1: 6 mikmvt Chu yokma, keyukmvt Chentail okma, nana hatuk oh kia Chihowa i nan vlhpisa hq im a hlakofa he keyu.

1. **YUMOHMI** ka kvna chia hoh kia inla anumpa ish onochikmvt, nan isht ile mihacha hi vt ik chim ikshoshke, hatak chia ma! kvna chia hosh inla anumpa ish onochi hokmvt, nana yvmmak ash inli hq ish ai yvmohmi chatuk okvt; nana hq inla ya ish onochi kv, chishno yash inli hosh anumpa ish il onochi hoke.

2. Yohmi kia ilvppa chiyuhmi yvmihchi puta hokvno

Chihowa yokvt ai ghli mak o nan vlpisa ya onochi hoka il ithaiyvshke.

3. Yohmi ka hatak chia ma! nana yvmma yvmihinchi puta ka anumpa ish onochi mvt, yvmmak ash inli ho ish yvmihinchi kv, Chihowa i nan vlpisa ya ish ai i hlakofa hinla, chim ahoba cho?

4. Micha Chihowa isht chi kana ya isht ish ile kostinicha he atuk vt chik ithaiyano hosh, isht chi kana fehvvt, chim ile salalit, na palvmmi chi onocha hi osh ile halanli aiena ka ish shitelama cho?

5. Amba chi chukvsh kvllo nan ai ashvchika isht nukhaklo keyu yak o ish iakaiya hosh, Chihowa yokvt nan ai vlpiesa apesa ka otaiyana he, micha ai ilbvsha nitak vt otaiyanikma, a chilbvsha hi vt ish il im itvnanhanlishke.

6. Yvmmak okvto hatak puta kv ilap nana kaniohmi tok ak o isht ai im atobba hi oke.

7. Yohmi kv kvna hosh nuktaiyavt achunanchit nan achukma yvmohmi kv, isht a holitopa, micha isht annoa achukma, micha isht ai illa he keyu hohoyo hokvno isht ai okchaya bilia he im apesa hi oke.

8. Amba kvna hosh Chihowa ya i sanali, micha anumpa ai ghli ik holitoblo hosh, amba nan ai vlpiesa keyu a yvmohmi yokvno, isht i nukkilli chinto kv onvtuyula hi oke,

9. Micha hatak nan ik achukmo yvmihchi puta hokvno isht ai ilbvsha, micha isht anukhvmmi aiena hosh onvtuyula kv; Chu ak o tikba onvtuyula cha, Chentail ak kia onvtuyula hi oke:

10. Amba isht a holitopa, micha isht annoa achukma, micha isht it i nanaiya aiena hosh hatak nana achukma yvmihinchi puta hokvno onvtuyula he; yohmi kv Chu ak o tikba onvtuyula cha, Chentail ak kia onvtuyula hi oke;

11. Yohmi ka Chihowa hokvto hatak puta ka it i shahshohlichich kv ik im iksho hoke.

12. Yohmi ka laua kaniohmi hosh vba nan vlpisa yvt ik im iksho hosh nan ashahanchi hokvto, vba nan vlpisa iksho ho ai okpulo kv kvnia mak inla he; mikma laua kaniohmi hosh vba nan vlpisa yvt in tonla hosh nan ashahan-

chi hatuk mvt, vba nan vlpisa yak o nan isht ai ina vlpisa hi oke :

13. Yohmi ka vba nan vlpisa ya haklo vhleha hak osh Chihowa itikba ya isht ai vlpiesa ho keyu, amba vba nan vlpisa ya yvmihinchi vhleha hak osh ai vlpiesa hoke.

14. Yohmi ka Chentail vba nan vlpisa ik im iksho vhleha hvv ilap nan anukfilli hosh nana a kaniohma he vba nan vlpisa ya foka tuk a yvmihchi hokmvt, yvmvt vba nan vlpisa yvt ik im iksho ak inli kia, ilap ash inli hosh isht im il i nan vlpisa yoke.

15. Yvmmak osh vba nan vlpisa yvt nan i miha ka otv-ninchi kvv i chukvsh oka ai o hohihiso ho, ilap nan isht il akostininchi yak kia nan atokowa ka ibai anohonli, mikma im anukfila puta kvv i himmak ano ilap ash inli hosh anumpa isht il onochi, isht il achukmali, kanimampo ka it im anohonli hoke.

16. Yohmi kvv Chihowa hokvt vm vbanumpa ak atuk pulla kak o Chisvs Klaist oka ishit hatak im anukfila luma puta tuk a nan im apesa he nitak yvmmak fehna ka yvmohma hi oke.

17. Yakeh! Chu chi hohchifo kvv, vba nan vlpisa ya ish anukchieto hosh Chihowa ya isht ish ilaunata ;

18. Micha vba nan vlpisa ya isht a chim vlvuchi hatuk osh, nan ai ahni ka ish ithana, micha nan achukma i shahli ka ish hohitobli hoke ;

19. Micha nishkin tamoa ya in tikba hika, ai okhlilika anukaka aiasha ka im pva sia hoke, ai ahnit ish ile yimmi hokvt ;

20. Micha im anukfila iksho kostininchi, vlla chipinta nan im avvchi, nan ithana, micha nan ai ahli vba nan vlpisa foka ka ai isht ithvna ish ishi hoke.

21. Yvmohmi ka chishno yvt inla nan ithvnanchi chia hokvt, chishno inli kvno chik il ithvnancho cho? Hatak vt hukopa he keyu ho otvvinchit ish anumpohonli hokak osh, chishno yvt ish hukopa cho?

22. Hatak vt itin lumaka he keyu, ish abya hokak osh, ish itin lumaka cho? Na holvvt toba ya i yuvalvt ish shi-

tilema hokak osh, Chihowa ya nana ish ima hi atuk vt ish ishi cho?

23. Uba nan vllhpisa isht ish ilauata ho kak osh, vba nan vllhpisa yash kobvffit Chihowa ya isht chik holitoblo cho?

24. Yohmi ka, Yohma hi o holihiso hatok oka, Chihowa hohchifo hvt Chentail vhleha ha ai i kvllakshi kvv hvchishno yak atuk pulla kak oke.

25. Yohmi ka vba nan vllhpisa yak o ish holitoblik mvo, hakshup tupa yvt isht ai achukma ai ghli; amba vba nan vllhpisa ya, ish kobvffi yokmvno chi hakshup tupa yvt hakshup ik tapo hoke.

26. Yvmohmi ka hakshup ik tapo yvt vba nan vllhpisa yvt isht ai vllhpiesa kak o holitobli hokmvt, hakshup ik tapo yash ot hakshup tupa yo chohma hinla keyu?

27. Micha hakshup ik in tapo yoh mak osh vba nan vllhpisa ya holitobli hokmvt, chishno yokvt holisso hvt chin tonla, micha chi hakshup tupa kia vba nan vllhpisa ya ish kobahafi ka, nan chim apesa hinla keyu?

28. Yohmi ka paknali yokvto Chu keyu, micha nipi ai otvni kvto hakshup tupa keyu hoke.

29. Amba im anukfila anukaka yokvto Chu oke; mikma hakshup tupa yvto chukvsh anukaka yak oke; yvmmak oka hatak okvt ahninchu keyu, amba Chihowa yak oke.

CHAPTA III.

Chu oka nan isht im achukma kvv i shahli, 1. 9 Uba nan vllhpisa yvt nanashvchi Chu g isht im atokowa; 20 hatak nana hoah vba nan vllhpisa ya isht ai vllhpiesa he keyu: moma kvv na yimmi ho isht ai vllhpiesa; yohmi kia vba nan vllhpisa yvt akabot kvnia keyu.

1. YOHMI ka Chu hvt nanta isht i shahli ho ishi ho? micha hakshup tupa ya nanta hak o isht im ai achukma ho?

2. Ai oklaha bieka; vmmona ka Chihowa im anumpa hvt ibbak a foyuka hatok oka.

3. Yohmi ka kaniohmi kvv ik yimmo hatuk okma, nanta

katiohmi cho? yummvt ik yimmo kak osh Chihowa yvt nan isht ai ghli yoka ik ai ghlecho hō?

4. Ik yvmohmo pullashke; ghli, Chihowa hokvto ai ghlikma, amba hatak moma kvto holabi ashke; yohma hi o holihiso hatok oka, Ish ai anumpohonli puta kvt ish ai ghla hi atok, micha nana chim vllhpisakmvt, ish imaiyacha hi atok.

5. Yohmi ka nan ai vlhpiesa keyu e yvmohmi kak osh Chihowa hvv nan ai vlhpiesa yvmohmi ka otvninchi hokmvno, nanta hak o il acha hinla hō? Chihowa hvv na palvmmi ka onochi kvv ik ai vlhpieso hō? Hatak vt anumpuli chatuk mak o anumpuli lishke.

6. Ik yvmohmo pullashke; yohmi hokmvno, Chihowa hvv okla moyuma ka katiohmit nan im apesa hinla hō?

7. Yohmi ka Chihowa nan isht ai ghli yokvt vno ak osh holabi li kak o isht i shahlit otvni na ilap vt isht a holitopa hokak o, nanta katiohmi hō nan ashvchi yo chiyuhmit nan vm vlhpisa hinla ak inli hō?

8. Amba nan ik ghlo isht a pi annohova kvv, nan ik achukmo kak o e yvmohmi na nana kvv isht ai achukmashke, il achi hō kaniohmi hokak heto kvllochit anohonli hatok a, nanta katiohmi hō ke yvmohmo cho? yummak ash nan vlhpisa hvv onvtuyula he vt ai vlhpiesa hoke.

9. Yakohmi ka katiohmi hō? isht a pim achukma kvv yvma il i shahli hō? Keyu kamohmi hoke; yohmi ka Chu, micha Chentail vhleha moyuma hokvt ai ashvchika nuta ai asha ka tikba kash il otvninchi tuk oke:

10. Yohma hi o holihiso hatok oka, ai vlhpiesa yvt iksho, achvfa kia iksho hoke:

11. Achvfona kia nana ka akostininchi kvv iksho; achvfa kia Chihowa ya hohoyo kvv iksho hoke.

12. Moyuma kvv naksika yo itvnohova, moyuma kvv itapihvt isht ai achukma hi vt iksho; achvfa kia nana achukma yvmihchi kvv iksho; achvfa kia iksho hoke.

13. Ishit nelli yvt hatak a hollopi tiwa yoke; isunlvsh a isht haksihinchi; asps nan isht vbi yvt itivlbi; mukaka ya fqka hoke:

14. Inla yə nan okpulo im ai ahnit anumpuli, micha anumpa na hotopali aiena kv̄t itih h̄ə alotowa hoke.

15. Iyi yvt issish ɔ hlatahampla ch̄i kv̄t pulhki hoke.

16. Isht ai okpulo, micha isht ai ilvsha aiena kv̄t i hina yə foyuka hoke :

17. Isht it i nanaiya hina yə ik ithano chatuk oke.

18. Chihowa isht i nukshopa yvt nishkin itikba yə ik im iksho hoke.

19. Yohmi ka nana h̄ə vba nan vlhpisa yvt achi kv̄t, kv̄na hosh vba nan vlhpisa i nuta ai asha 'kak ɔ im achi ka il ithana ; yohmi na itih puta kv̄t vlhkuma hi atok ; micha okla moyuma kv̄t Chihowa itikba yə nan vlhpisa yvt ai onvtula hi atok.

20. Yvmohmi hoka nan isht ai vta vba nan vlhpisa yvt ai ahni kak ɔ hatak nana kia itikba yə ai vlhpiesa he keyu hoke ; yohmi ka vba nan vlhpisa yak ɔ ai ashvchika yə isht ithvna yoka.

21. Amba himonasi kano nan ai vlhpiesa kv̄t vba nan vlhpisa holitobli kak ɔ keyu, Chihowa hv̄t atahli tok ɔ otaiyani kv̄t, vba nan vlhpisa, micha hopaii vhleha hv̄t nan atokowa anohonli tok ak atok :

22. Yvmmvt Chihowa i nan ai vlhpiesa Chisvs Klaist i yimmi kak ɔ a minti mak osh moyuma ka im annohowa, micha yimmi moyuma, kv̄t anukfoyuka ; it im inla kv̄t iksho hoka :

23. Yohmi ka moyuma kv̄t nan ashvchi hatuk, micha Chihowa hv̄t ai ahnicha hi ɔ ik ono hatuk oka :

24. Chisvs Klaist vt isht vltoba yə atobbi tok pulla mak ɔ, Chihowa isht i kana yə pilla isht ai im vlhpiesa hatuk oke :

25. Yvmmak oka im issish ɔ anukchieto hokmak ɔ, Chihowa hv̄t haiakvchi tok ; yohmi hosh Chihowa hv̄t na palvmmi onocha hi osh ile halanlit, tikba nan ai ashahanchi tok ɔ i kashofi kv̄t, nan isht ai vlhpiesa otv̄nicha hi osh yvmohmi tok :

26. Yohmi hosh himonasi yə nan isht ai vlhpiesa yə otv̄nicha ch̄i hosh yvmohmi kv̄t, Chisvs ak ɔ i yimmi hokvno

nan ai ashvchika yə ai vlpiesachi kv̄t, ilap vt ai vlpiesa hi atok.

27. Yohmi ka nan isht ilauata yvt katimak o? Iksho kamohmishke. Nan vlpisa nanta hak o isht ai akshu ho? nan isht vtta nan vlpisa hak o? Keyu, amba na yimmi nan vlpisa kak oke.

28. Yvmohmi hoka hatak vt vba nan vlpisa yə holitobli tok ak o keyu, amba na yimmi pulla kak osh isht ai vlpiesa il ai ahnishke.

29. Chihowa hv̄t Chu ak illa in Chihowa ho? yvmv̄t Chentail ak kia in Chihowa ak inli keyu ho? Ahli, Chentail ak kia in Chihowa hoke;

30. Yohmi ka hakshup tupa yvt i yimmi hatuk pulla mak o, micha hakshup ik tapo yvt yimmi hatuk pulla mak o ai vlpiesacha hi vt Chihowa achefa illa hoka.

31. Yohmi ka na yimmi yatuk pulla kak o vba nan vlpisa yə il akshochi ho? Ik yvmohmo pullashke: amba vba nan vlpisa yak o il ai ghlichhi hoke.

CHAPTA IV

Eblaham vt na yimmi hoah ai vlpesa isht hohchifo, 1: 18 na yimmi moma hokvno Eblaham vt iki; 26 na hev̄pim a yimmi ka yak kia ai vlpiesa isht pi hohchifa chi.

1. YOHMI ka p̄iki Eblaham vt hakn̄ip imma hokvno nanta hak o ahayuchi tok o, il acha hinla ho?

2. Yohmi ka Eblaham vt vba nan vlpisa yə isht ahanta kak osh isht ai vlpiesa hokmvt, nan isht ilauata ishi; yohmi kia Chihowa itikba hokvno yvmohmi keyu ki tok.

3. Yohmi ka Holisso Holitopa yvt nanta hak o achi ho? Eblaham vt Chihowa yə i yimmi kak osh nan isht ai vlpiesa yvt immi toba tok.

4. Yohmi ka na toksahanli ka isht im vltoba kv̄t isht i kana yo keyu, amba aheka yoke.

5. Amba toksahanli yak keyu, amba nan ashvohi yə ai

vlhpiesachi yak o i yimmi hokvto, ilap na yimmi ak osh nan isht ai vlhpiesa yvt immi toba hoke.

6. Yumma chiyuhmi ka hatak vt toksahanli keyu kia, nan isht ai vlhpiesa ya Chihowa hvt ima na nan isht ilai-yukpa ka Lewi ak kia isht anumpuli kv,

7. Kuna hosh nan ik ai vlhpieso yvt i kashofa, micha ai ashvchika yvt im ompoholmo hokvto, na yukpshke.

8. Chitokaka yvt ai ashvchika ik im iksho yo chohmichi hokvno hatak yummvt na yukpshke, achi tok.

9. Yohmi ka nan isht ilaiyukpa ikppvt hakshup tupa ak illa ho immi ho? keyukmvt hakshup ik tapo yak kia aiena ho? Yohmi ka na yimmi yak osh Eblaham g nan isht ai vlhpiesa immi toba tok, il achi hoke.

10. Yohmi ka katiohmit immi toba tok o? hakshup tupa hayak atok o? keyukmvt hakshup ik tapo kisha kak atok o? Hakshup tupa hayak atok keyu, amba hakshup ik tapo kisha kak atok.

11. Yohmi ka hakshup tupa yak osh nan isht atokowa, micha nan isht ai vlhpiesa isht ai ghli mak o hakshup ik tapo kash inli hosh jshi tok; yohmi kv hakshup ik tapo kia, yimmi hokvao moyuma ka iki ya hi atok; yohmi ho yummak kia nan isht ai vlhpiesa yvt immi ak inla hi atok:

12. Yohmi kv hakshup tupa iki, micha hakshup tupa kak illa keyu, amba piki Eblaham vt hakshup ik tapo kisha ak inli kash osh yimmi a nohwa tok ak o iakaiya yummak okvno iki ya hi atok.

13. Yohmi ka Eblaham, micha isht atiaka yvt yakni moyuma kv immi ha hi o im issa kv, vba nan vlhpisa ya holitobli tok ak atok keyu, amba na yimmi nan isht ai vlhpiesa kak atok.

14. Yohmi ka vba nan vlhpisa yumma anukchieto yak osh immi ha he yokma, na yimmi vt akshu toba, micha nan im issa tok g ai ghla he keyu hoke.

15. Yohmi ka vba nan vlhpisa yvto nar isht a palvmmi yoka; yohmi ka nan vlhpisa iksho hokvno, nan vlhpisa kobvfi iksho hoka.

16. Yvmohmi hoka isht *i* kana yak a hi atuk pulla kak *o*, na yimmi isht ai vlhpiesa kak oke : yohmi h_o yvmmak ash isht atiaka moyuma ka nan im issa tok ash im ai ghla hi-atok : isht atiaka vba nan vlhpisa in tonla kash illa keyu, amba isht atiaka Eblaham e moyuma ka piki vt yimmi tok ak *o* chiyuhmi aiena kak *o* im ai ghla hi atok.

17. Yohmi ka, Oklushi l_gwa ka *i*ki y_o chikbi li tok ; achi kv_t holihiso hatok ak *o* yohmi hoke ; Chihowa *i* yimmi tok yvmmak osh illi y_g tanihinchi, micha nana kv_t ik yvmohmo kisha kia, yohmi tuk ash inli h_o chohmichit isht anumpohonli yvmmak *o* itikba ai yvmohmi hoke.

18. Yvmmtv yohma he ik ahobo fehna kia, yohmi pulla ch_i ahnit, oklushi l_gwa ka *i*ki toba hi atuk vt yimmi tok ; yohma hi *o* anuhumpa hatuk oka, Isht chi ai unchululi hv_t yvmohma hi oke.

19. Yohmi kv_t yimmi kv_t ik kullo keyu hokvt, sipokni kv_t afvmmi tahlepa achvfa foka kia, ilap haknip vt himonasi kvno illi, micha Sela im oshvto yvt illi, ai ahni tok keyu.

20. Chihowa hv_t nan im issa tok ash ik yimmot anuktuklo keyu ; amba yimmi kv_t kullo hatuk osh Chihowa h_g holitohombli tok :

21. Micha nan im ihisa hatuk vt ai ghlicha he bano aiena ka nukfoyuka fehna tok.

22. Micha yvmohmi kak *o* nan isht ai vlhpiesa yvt immi toba tok.

23. Yohmi ka yvmmtv immi toba tok *g*, holihiso kak osh ilap ak atuk illa hak atok keyu :

24. Amba pishno ak kia pi holihiso ak inli tok ; pin Chitokaka Chisvs okvt illi tuk *g* falaminchit tanichi tok *g* il *i* yimmi hokmtv, pishno ak kia pimmi toba hi atok oka,

25. Yvmmak ash ot pim ai ashvchika yak atuk pulla mak *o* illa ch_i hosh im vlhpisa tuk osh, isht pi ai vlhpiesa he mak *o* anonti falamvt tani tok.

CHAPTA V.

Na yimmi hq isht a pi vlhpiesa hokmak osh nan isht i kana Chihowa il ibai ishi, 1; 8 in tənəp pia hatuk kia Chisvs im issish pulla hq il itin nanaiya tok; 10 il itin nanaiya hokvt hōpi okchaya chj pulla; 12 nanashvchi, micha nan illi itatuklo kv̄t Alvm ak o minti tok; yohmi hoka nan ai vlhpiesa micha nan okchaya itatuklo kv̄t Chisvs Klaist ak o a minti hoke.

1. YUMOHMI ka na yimmi pulla yak o isht a pi ai vlhpiesa hatuk osh, pin Chitokaka Chisvs Klaist ak atuk pulla mak o Chihowa ya il it i nanaiya hoke.

2. Yvmmak atuk pulla mak o isht i kana il a hieli ilōppa na yimmi pulla kak osh e chukowa cha, Chihowa isht a holitopa ya il isha he ahnit, pi yuhukpvshke.

3. Micha yvmmak illa keyu, amba na palvmmi puta ak atuk mak o pi yuhukpa ak inlishke; na palvmmi yak osh nuktaiyalvt achunanchi ikbi hoka, il ithana hoke:

4. Mikmvt nuktaiyalvt achunanchi yak osh Chihowa immi ai a atokowa isht ai il ithana ikbi hoke; micha Chihowa immi ai atokowa isht ai il ithana yak osh ai okchaya pisa he ahni ikbi hoke:

5. Micha ai okchaya pisa he ahni yvt hofahyali keyu; Shilombish Holitopa yvt pi anukfoka hatuk osh Chihowa isht i hullo ya lauachit pi chukvsh anukaka ya pit fohobli hoka.

6. Yohmi ka hlampko ik pim iksho moma kak o ont ai vlhpiesa ma, Chisvs vt Chihowa ik holitoblo ya vlhtobvt illi tok.

7. Yohmi ka hatak vlhpesa yak ok mak o kanima kv̄t vlhtobvt illa he keyu chiyuhmi; amba hatak achukma yovno kanihmi kv̄t vlhtobvt illi kv̄t ik nukwiyo ka hinla chishke.

8. Amba Chihowa hokvto isht pi hullo otvninchi kv̄t, nan ashvchi pia moma kash o, Chisvs Klaist vt pi vlhtobvt illi kak a tok.

9. Yohmi ka himonasi hokvno ip̄n issish ak o isht a pi

vlhpiesa hokvt, yvmmak atuk pulla kak q isht i shahli fehnvt na palvmmi mihinti ka il i hlakofa hinla hoke.

10. Yohmi ka in tenvp pia moma kash ot, Ushi yvt illi tok pulla kak q Chihowa ya isht a il it i nanaiya hatuk okmvt, il it i nanaiya ha yokvt, ilap okchaya pulla kak q isht i shahli fehnvt isht a pi okchaya hinla hoke.

11. Micha yvmmak illa keyu, amba pin Chitokaka Chisvs Klaist ak atuk pulla kak q Chihowa ya isht a pi yuhkpa fehna cha, yvmmak atuk pulla kak q himonasi kvno isht il it i kana hoke.

12. Yvmohmi ka hatak achvfa nan ashvchi achvfa pulla ho ai ashvchika yokvt yakni paknaka yoka chukowa tok; micha ai ashvchika yak atuk pulla mak q nan illi yvt yakni paknaka yoka onvtuyula tok; yohmi hatuk q nan illi yvt hatak moyuma ka onvtuyula tok, moyuma kvt ashahanchi hatuk oka.

13. Yohmi ka vba nan vlhpisa yvt ik holisso kjsha ho ai ashvchika yvt yakni paknaka ya a takali tok: amba nan vlhpisa yvt iksho hokvno ai ashvchika yvt onvtuyula he keyu hoke.

14. Yohmi kia Alvm ai ahantvt Moses ai ahanta ant ai vhli Alvm nan ashahanchi tok q chohmi keyu moyuma kak kia nan illi yokvt i shaiyahli tok; yvmmak ash ot vla hi atok yvmma isht vlhpisa hoke.

15. Amba nan ai ashvchika yash q na helbina yuto ik chiyuhmo hoke. Yohmi ka achvfa hosh nan ashvchi kak q moyuma kvt illi hokma, Chihowa hvv isht i kana, micha isht i kana yak q isht a helbina yvt isht i shahli fehnvt, Chisvs Klaist, hatak achvfa, yvmmak atuk pulla kak q moyuma ka in laua hoke.

16. Micha achvfa nan ai ashvchi tok ash q na helbina yokvto chiyuhmi keyu hoke: yohmi ka ai ashvchika achvfa nan im vlhpisa kvv isht ai i palvmmi yatok, amba pilla na helbina yak okvto ai ashvchika lqwa isht a kashofvt isht ai vlhpiesa yoke.

17. Hatak achvfa kash im ai ashvchika yak q nan illi yvt hatak achvfa kash pulla kak q isht i shaiyahli hatok okma;

isht i kana ląwa, micha nan isht ai vihpiesa hvlbina ląwa ka ihishi hokak heto isht i shahli fehret, hatak achvfa, Chisvs Klaist ak atuk pulla mak o ai okchaya ya a mikot uasha hi oke.

18. Yvmohmi ka achvfa nan ashvchi kash pulla kak o isht ai i palvmmi yvt hatak moma kvv isht im vlhpisa tok ash inli chiyuhmit, achvfa i nan isht ai vlhpiesa yak pulla kak o pilla na hvlbina ai ashvchika i kashofvt isht ai vlhpiesvt okchaya hi vt hatak moyuma ka im gya hatok.

19. Hatak achvfa kash osh ik im antio pulla kak o moma kvv nan ai ashvchi vhleha toba tok ash inli chiyuhmit, achvfa kash osh im antia pulla kak o ląwa kvv ai vlhpiesa toba hi oke.

20. Anonti ai ashvchika yvt ląwa chj mak o, vba nan-vlhpisa yvt gya tok : yohmi kia ai ashvchika yvt ląwa ma, isht i kana yvt isht i shahli fehret ląwa tok.

21. Yohmi ka ai ashvchika yvt imaiyvt ilihinchi tok ash inli chiyuhmit, isht i kana isht ai vlhpiesa pulla kak osh isht i shahlit pin Chitokaka Chisvs Klaist atuk pulla mak o, isht okchalinchi bilia hi atok.

CHAPTA VI.

Nanashvchi il ai ahanta he keyu, 1 ; 3 na baptismo pulla hosh yvm-mak ash il im illi hatuk okvt : 13 nan ahopoyuksa a yvmohma he osh pishno ak inli il im issa hatuk oka ; himaka pilla ma nanashvchi yvt ik hvv i shahlo kashke : 22 nanashvchi atoksali isht im vltoba kvv nan illi.

1. **YOHMI** ka nanta hak o il acha hinla hq ? Isht i kana yvt laua chj mak o, isht ai ashvchika ya e maghaya hinla hq ?

2. Ik yvmohmo pullashke. Ai ashvchika ya il im illi ha yvt, katiohmi kak osh yvmmak ash inli hq il ai ahanta moma hinla hq ?

3. Yohmi ka Chisvs Klaist ak o im a baptismo kvv, illi tok g isht a pi baptismo ak inli hatuk g, hvch ik ithano hq ?

4. Yvmohmi ka pi baptismo pulla kak osh illit il iba hol-

lopi hoke: yohmit Klaist illi tok vt Chihowa isht a holi-topa yak pulla kak o falamvt isht a tani tok ash inli chiyuhmit, pishno yak kia himonvt toba yosh il itvnowa hi atok.

5. Yohmi ka ilap illi tok ak o isht a hoyulba hosh il iba hollokchi hatokmvt, illi tuk vt falamvt tani tok ak kia isht il a hoyulba ak inla hi atok.

6. Yohmi ka ai ashvchika haknip vt okpulot kvnia na himak a pilla hokvno ai ashvchika yvno il i yuka he keyu mak o, pim anukfila tikba yvt ititaiyukhvna yak o yvmma ibai illi hatok, ilvppa il ithana hoka.

7. Yohmi ka kvna hosh ibai illi hokvto, ai ashvchika ya ai i mokofa hoke.

8. Anonti Klaist a il ibai illi hatok mvt, il ibai okchaya ak inla hi okvt, pi yimmishke.

9. Yohmi ka Klaist vt illi tuk vt, falamvt tani hatok okvt, himmakma illa he keyu: nan illi yvt himmakma imaiyacha he keyu ka il ithaiyanvshke.

10. Yohmi ka illi hokvto, himonna illa ho ai ashvchika pulla kak o illi hatok: amba okchaya hokvto, Chihowa hak o im ahantvshke.

11. Yvmmak inli ho chiyuhmit hvchishno yak kia ai ashvchika ya il im illi ho mvhli, hvsh il ahni, amba pin Chitokaka Chisvs Klaist ak atok pulla mak o okchayvt Chihowa ya il im ahanta, hvsh il ahni ak inlashke.

12. Ai ashvchika yvt hvchi haknip illa hi a ik imaiyacho ki, im anukfila okpulo yvmma hvch ik im antio kashke.

13. Hvchi haknip moyuma ka vlpesa ahnit, nan ik ai vlpieso isht a yvmohmi yo chiyuhmit isht hvsh ashvchi na; amba illi tok osh falamvt okchaya ho chiyuhmit, Chihowa ya hvsh il im issashke; micha hvchi haknip moyuma kv Chihowa yak o nan isht ai vlpiesa isht i yvmohmi mak o hvsh chiyumashke,

14. Yohmi ka ai ashvchika yvt hvch i shahla he keyu; yohmi ka nan vlpisa yak o nutaka hvsh anta keyu, amba isht i kana yak oke.

15. Yohmi ka katiohmi cho? nan vlpisa ya nutaka il

anta keyu; amba isht i kana nutaka yo il anta kak osh il ashvcha chi ho? ik yvmohmo pullashke.

16. Yohmi ka kvna ho in tishu tobt hvsh im antia hokmvt, kvna ho hvsh im antia kv, in tishu hvchia hokvt hvch ik ithano ho? Ai ashvchika isht ai illi, keyukmvt im antivt isht ai vlhpiesa yak okmá, kanimampo yoke.

17. Amba ai ashvchika ya i yuka hvchia hatok ak inli kia, nan isht vlvchi kaniohmi ho hvchim vlvchi hatok vt hvchi chukvsh ak o isht hvsh holiobli hatok ak o, Chihowa ya yak oke, pit im ai ahni lishke.

18. Yvmohmi ka ai ashvchika ya hvsh ai i mokofa mak osh, nan isht ai vlhpiesa ya in tishu hvsh toba hatok.

19. Hvchim anukfila hvv ik hlampko pulla kak o, hatak anumpuli chatuk mak o chiyuhmit anumpuli lishke; yohmi kv hvchi haknip moyuma ka vlhpesa ahnit, nan ik vlhpeso ya hvsh yvmohma chi kak osh, na liteha, micha nan ik vlhpeso aiena ka i yuka hvsh toba tok ash inli chiyuhmit, himonasi hokvno hvchi haknip moyuma ka vlhpesa ahnit, ai ashvchika yvt ik hvchim iksho ka chi kak osh nan isht ai vlhpiesa ya in tishu hvsh tobashke.

20. Yohmi kv ai asuvcaika ya i yuka hosh hvsh ai asha mvto, nan isht ai vlhpiesa yvt ik hvchim iksho ki tok;

21. Yohmi ka nana yakohmi puta kvno nan isht il ai yukpa nanta ho hvsh ai ishi tok okak osh himonasi hokvno yvmak a tok a hvsh i hofahya ho? yohmi ka nana yakohmi puta ka ont im ai isht aiyopi hokvto nan illi hak oke.

22. Amba himonasi hokvno ai ashvchika ya ai i mokofa hatok osh, Chihowa yak o in tishu hvsh toba hosh, ai ashvchika i kashofvt isht il ai yukpa hvsh ishi hoke: yvmvvt ont im ai ishtaiyopi kv ai okchayvt bilia yak oke.

23. Yohmi ka ai ashvchika ya isht vltoba hokvto nan illi hak oke; amba pin Chitokaka Chisvs Klaist ak atok pulla mak o Chihowa i na hvlbina hokvto ai okchayvt bilia yak oke.

CHAPTER VII.

Okchayvt anta kak illa hq vba nan vlpisa yvt onvtuyula, 1, 4 yohmi ka vba nan vlpisa ya il im illi tok; 7 yohmi kia vba nan vlpisa yvt nanashvchi keyu; 12 amba holitopa vlpiesa, micha achukma; nan vlpisa ya holitobli kvv ik onancho kak osh Pal vt nukhaklo tok.

1. ITIBAPISHI li vhleha ma! nan vlpisa ya ithana vhleha hak o im anumpuli lishke; yohmi ka hatak vt okchaya takla ka nan vlpisa yvt i shaiyahli hoka hvch ik ithano cho?

2. Yohmi ka ohoyo hvv i hatak ashakmvt, nan vlpisa ya nutaka ahanta hatuk osh, i hatak vt okchaya takla ka i filvmma he keyu; amba i hatak ak osh illi hok mvno, i hatak a i filvmma he keyu nan vlpisa yash o ai i mokofa hoke.

3. Yvmohmi hatuk o i hatak vt okchaya takla hq, hatak inla auwaya hokmvt, havi hohchifa hi oke; amba i hatak vt illi hokmvno, nan vlpisa yvmmak ash ai i mokofa hoke; yohmi hokvt hatak inla yo ik auwaya mak osh havi toba he keyu hoke.

4. Yvmohmi hoka itibapishi li vhleha ma! hvchishno yak kia Chisvs Klaist haknip atuk pulla mak o nan vlpisa ya hvsh im illi hoke: yohmi kvv inla yo hvsh auwaya kvv, illi tok vt falamvt tani tok yvmmak a hi atuk: yohmi hosh Chihowa yoka nan vnit hvsh i waya hi atok.

5. Yohmi ka haknip ak o i nutaka hosh il ai asha mvno, ai ashvchika anukfila puta kvv nan vlpisa atuk pulla mak o yvmohmit, haknip moyuma ka a toksahanli hosh isht illi ya vnit vahaya tok.

6. Amba himonasi kvno nan vlpisa ya il ai i mokofa kvv, i nutakvt il ai asha hatok vt il im illi hatuk okvt; Chihowa ya holisso tikba ya tok ak o isht il a holitobla he atuk keyu, amba shilombish himona yo isht e holitobla he atuk oke,

7. Yakohmi hoka nanta hak o il acha hinla hq? vba nan

vlhpisa yak osh ai ashvchika y_o? ik yvmohmo pullashke. Keyu, ai ashvchika y_a ak ithano ke tuk osh, amba vba nan vlhpisa ak atuk pulla mak o ithana li tok; yohmi kv_t nan vlhpisa yak osh, Chik anushkunno kashke, achi hatuk ke-yukma, nan anushkunna y_o ithana la hi atuk keyu hoke.

8. Amba ai ashvchika yv_t vba nan vlhpisa atuk pulla mak o nan-anushkunna ilaiyuka puta ka isht si anukfokihinchi tok; vba nan vlhpisa yv_t iksho hokvno ai ashvchika yv_t illi yatok oka.

9. Yohmi ka vba nan vlhpisa y_a ak ithano hokvto, himonna ka sai okchaya tok; amba vba nan vlhpisa nan ai ahni kv_t vla mvno, ai ashvchika yv_t okcha tok: mihma sulli tok.

10. Micha vba nan vlhpisa yvmmv_t isht ai okchaya yosh vlhpihisa tok ash osh, isht illi y_o ahayuchi li tok.

11. Yohmi ka ai ashvchika yv_t vba nan vlhpisa yak o isht okcha cha, sa haksichi tok; micha yvmmak o isht svbi tok.

12. Yvmohmi hatuk o vba nan vlhpisa yv_t holitopa, mikma nan vlhpisa nan ai ahni kv_t holitopa, ai vlhpiesa, micha achukma hoke.

13. Yvmohmi ka nana achukma yvmmak okak osh isht a svlla he an toba tok o? ik yvmohmo pullashke. Amba ai ashvchika yak atok yohmi h_o ai ashvchika yv_t otvna ch_i kak osh, nana achukma ka isht a svlla he vm ikbi tok; yohmi h_o ai ashvchika yv_t ik achukmo atampa fehna kv_t nan vlhpisa nan ai ahni kak o isht ai otvna hi atok.

14. Yohmi ka vba nan vlhpisa yv_to shilombish imma hoka il ithanvshke; amba vno yokvto haknip nan ai ahni i nuta sia, ai ashvchika y_a i yuka sia hoke.

15. Yohmi kv_t nana h_o yohmi li kv_t, vlhpesa ak ahno; yohmi kv_t nana h_o ai ahni li hokvto, yvmmvno ak yvmihcho; amba nana h_o ak ahninchokmv_t, yvmmak o yvmihchilishke.

16. Yvmohmi kv_t nana ka ak yvmihcho hokbano ai ahni lik mak osh yvmihchi li hokmv_t, vba nan vlhpisa yv_t achukmvshke, vno yv_t ai ahni lishke.

17. Yakohmi hoka vno ak osh himmakma yvmma yvmi-

hinchi li kak keyu, amba ai ashvchika si anukfoyuka kak oke.

18. Yohmi ka vno ya sa foyuka, yvmmvt sa haknip anukaka ya nana achukma kvt iiksho ka ithaiyana lishke : yohmi kvt nana achukma ai ahni hokvto si anukfoyuka ; yohmi kia nana achukma yvmma yvmihinchi la he ak osh ak ahayuchoshke.

19. Yohmi kvt nana achukma kvno yvmihchi la he ai ahni li kv, ak yvmihchoshke ; amba nana ik achukma kvno yvmihchi la he ak ai ahno kia, yvmmvno yvmihchi lishke.

20. Anonti nana ka ak yvmihcho hok bano ai ahni lik mak osh yvmihchi li hokmvt, vno ak osh himmakma yvmma yvmihchi li kak keyu ; amba ai ashvchika si anukfoyuka kak oke.

21. Yakohmi hoka nana achukma ka yvmihchi la he ai ahni likma, nana ik achukmo hokvt si anukfoyuka a bilia kv, il akostininchi lishke.

22. Yvmohmi hoka Chihowa i nan vlpisa ya vm anukfila himona yak okvno isht i hullo lishke.

23. Yohmi kia sa haknip nan ai ahni hokvt inla hatuk osh, vm a nukfila nana ai ahni ka in tanahampi, micha ai ashvchika nan ai ahni sa haknip foyuka kak o i yuka sahakbi ho, pisa lishke.

24. Uno hatak ilbvsha fehna sia hoka, kvta hak osh isht ai illi haknip ilvppa a sa hlakoficha chi cho ?

25. Pin Chitokaka Chisvs Klaist atuk pulla kak o Chihowa ya yak oke pit im ai ahni lishke. Yakohmi hoka vm anukfila hokvno Chihowa i nan vlpisa yoka isht holitobli li ; amba sa haknip okvno ai ashvchika nan ai ahni kak o isht i yuka sia hoke.

CHAPTA VIII.

Klaist g kvna hosh ib ai achvfa cha, Shilombish nan ahni ho ahanta hokvto isht ai ilbvsha he nan vlpisa ya im ai i hlakofi, 1 ; 5-13 nan isht ahotopa he nana hosh haknip g atoba : 6-14 nan achukma nana hosh Shilombish g a minti, 17 mikma Chihowa im vlla toba

ka nana achukma nana hosh otvni ; 29 nan isht ai okchaya hi vt Chihowa pulla hō tīkba ma im vļhpisa tok ; 38 nan isht i hullo ya nanta hosh isht a pit i filamincha hinla hō ?

1. YUMOHMI hoka Klaist Chisus ibai achvfa, haknip nan ai ahni kak o yvmohmi keyu, amba Shilombish nan ai ahni kak o iakaiya vļleha hokvno himonasi ka isht ai i palvmma he anumpa hv̄t im vļhpisa keyu hoke.

2. Yvmohmi ka isht ai okchaya Shilombish nan ai ahni Klaist Chisus a minti kak osh ai ashvchika nan ai ahni isht ai illi yō a sa hlakofichi hatok oke.

3. Yohmi ka vba nan vļhpisa yvt nana ka ik atahlo kv̄t, haknip ak atuk pulla kak o ik ai ghlo hatuk o, Chihowa hv̄t ilap Ushi ak inli hō ai ashvchika isht vļhtoba mak o hatak nan ashvchi haknip ḡ hobachit auet kanchi hosh, haknip ak o ai ashvchika ya ai i palvminchi tok :

4. Yohmi hō pishno yokvno haknip nan ai ahni ka e yvmohmi keyu, amba Shilombish nan ai ahni kak o il iakaiya kak osh, vba nan vļhpisa isht ai vļhpiesa kv̄t pim ai ghla he atok oke.

5. Yohmi ka haknip nan ai ahni kak o iakaiya hokvto, nana puta haknip immi hak o i hullo anukfihinli chatuk : amba Shilombish nan ai ahni kak o iakaiya hokvto, nana puta Shilombish immi hak o i hullo anukfihinli chatuk oke.

6. Yohmi ka haknip nan ai ahni kak o isht ahanta hokvto isht ai illi yoke ; amba Shilombish nan ai ahni kak o isht ahanta hokvto isht ai okchaya, micha isht it i nanaiya yoke :

7. Haknip nan ai ahni kak o isht ahanta hokvto Chihowa i nukkilli yoka ; yohmi kv̄t Chihowa i nan vļhpisa ya im antia keyu, micha yohma hi o keyu kamohmi mv̄hlishke.

8. Yakohmi hoka haknip nan ai ahni kak o i nutakvt ahanta hokvto Chihowa ya yukpala himma keyushke.

9. Amba haknip nan ai ahni kak o i nutakvt hv̄sh ahanta keyu, amba Shilombish nan ai ahni kak o i nutakvt hv̄sh ahanta hoke ; Chihowa imi Shilombish ak osh hv̄chi anukfoyuka ho mv̄hli hokmvt. Yohmi ka hatak nana hosh Klaist imi Shilombish ḡ ishi keyu hohmvt, immi hō keyu hoke.

10. Michā Klaist ak osh hv̄chi foyuka hokma, hv̄chi hak-

nip okvto ai ashvchika yak atuk pulla kak o illi hoke: amba hvchi shilombish okvto nan isht ai vlpiesa pulla kak o okchaya hoke.

11. Amba Chisvs vt illi tuk g falaminchit tanichi tok imi Shilombish ak osh hvchi anukfoyuka hokmvt, Klaist vt illi tuk g falaminchit tanichi hatok ak osh hvchi haknip illi im vltayak ilap imi Shilombish hvchi anukfoyuka kak o isht okchalinchi ak inla hi oke.

12. Yvmohmi ka itibapishi li vhleha ma! nan aheka vhleha pia kv haknip nan ai ahni kak o il im aheka yosh haknip nan ai ahni kak o il iakaiya hi o keyu hoke.

13. Yohmi ka haknip nan ai ahni kak o hvsh iakaiya hokmvt, hvch illa hi oke; amba Shilombish ak atuk pulla kak o haknip nan a kaniohmi puta ka hvsh illihinchi hokmvt, hvchi okchaya hi oke.

14. Yohmi ka laua kaniohmi hq Chihowa imi Shilombish ak osh anukfohkit isht gya hokvno, Chihowa ak o ushi vhleha hoke.

15. Yohmi ka anonti isht a hvchi nukshopa chj hosh yuka im anukfila hq hvsh ishi hatok keyu; amba vlla im anukfila hq hvsh ishi hatok ak o, pishno vt Abba, Piki, il achishke.

16. Shilombish Holitopa ak inli hosh pimi shilombish g nan isht atokowa it ibai anohonli kv, Chihowa im vlla vhleha pia ka anolishke,

17. Micha im vlla pia hokmvt, isha he ai vlpiesa pia: micha Chihowa yak o im ai isha he vlpiesa pia, micha Klaist ak o it ibai isha he ai vlpiesa pia hoke: yohmi ka il ibai ilbvsha ho mvhli hok mak osh il iba holitopa hi atok.

18. Yohmi ka yakni paknaka iltpa nan isht ai ilbvsha puta hokvto nan isht a holitopa pim otaiyana hi g pit it vlpisa hi g ik ono, ai ahni lishke,

19. Nana toba tok puta hokvto Chihowa ushi vhleha hv isht otaiyana hi ak o pit hohoyo fehna hosh ai asha hoke.

20. Nana toba tok puta hokvto vlpesa ik ahno kia, isht ai illa hi vt im vlpisa tok: yohmi kia isht ai illa he im apesa kv, isht a hlakofa he ahna hi g nukfokit yvmihchi tok.

21. Yohmi hoka nana toba tok ash puta kv̄t isht ai illa he ī yuka hatuk vt ai ī hlakofi cha, Chihowa im vlla vhleha hv̄t yuka keyut isht a holiropa yvt immi ak inla hi oke.

22. Yohmi ka nana toba tok puta moyuma kv̄t it ibai hih̄ih̄vt, it ibai ilbahasha na himak a hoka, il ithaiyanvshke.

23. Micha yvm̄mak illa h̄o keyu, amba pishno ak kia Shilombish isht ai vni waya vm̄mona ka il ishi kv̄t, pishno ak kia e hih̄iha kv̄t vlla ai gh̄li e toba he, yvm̄mvt pi haknip isht a hlakofi yak o e hohoyo hoke,

24. Yohmi ka nana kv̄t pim vlhtaha tok vt il isha he il ai ahni kak osh isht ai okchayvt il ahanta hoke: amba nana ka il ishi hokv̄to, himmak o il isha he il ahna he keyu hoka: yohmi ka katiohmit hatak vt nana ka ishi kv̄t himmak o ishi la hi oka, ahni h̄o?

25. Amba nana ka e pisa keyu hosh il isha chi, il ai ahni hok mak osh nuktaiyav̄t achunanchit e hohoyo hoke.

26. Yvm̄mak ī chiyuhmit Shilombish ak kia ik a pi hlampko puta ka pi apelahanchi fehna hoke: nana ka il asilh̄ha he tuk ai vlhpiesa kv̄t pishno ak inli kv̄t il ithana keyu hoka; amba Shilombish ash inli hosh isht a hih̄iha isht anumpa he keyu puta kak o pi anukfokihinchi hoke.

27. Yohmi kia chukv̄sh puta silhit akostininehi yak okv̄to Shilombish vt nana h̄o pi anukfokihinchi ka ithana hoke: Chihowa nan ai ahni kak o Shilombish ash ot vbanumpuli gh̄li puta ka nana ka anukfokihinchi hokv̄t.

28. Yohmi ka nan okl̄gha hokv̄t Chihowa ī hullo vhleha, ilap nan ai ahni tok pulla mak o vlhtohoka tok vhleha hokv̄to, isht im ai achukma he mak o it ibai tokahanli ka il ithaiyanvshke.

29. Yvm̄ohmi ka tikbanli ithaiyana tok okv̄to ilap Ushi yak o hoyulba he mak o tikbanli atokohonli mak inli tok; yohmi h̄o yvm̄mak ash ot itibapishi laua ka tikba vttahpi ha hi atok.

30. Anonti tikbanli atokohonli hatok okv̄to hoyo mak inli tok: mihmvt hoyo hatuk okv̄to ai vlhpiesvchi mak inli tok:

mihmvt ai vhpiesvchi hatuk okvto ilap isht aholitopa yo ib ai isha he im ai ahni tok.

31. Yakohmi kvno nana ilvppa puta imma hokvno nanta hak o il acha hinla ho? Chihowa hak osh pi kana hokma, kvta hosh pi sanala hinla ho?

32. Ilap Ushi fehna ka ik ilatombo hosh, amba pishno e moyuma hak atok pulla mak o pim issa tok vt, katiohmi ho yvmma pima hatuk vt nan okluha ka anonti pilla pima ak inla he keyu ho?

33. Kvta hak osh Chihowa im vlhtoka vhleha ha isht ai i palvmmi anumpa kia onocha hinla ho? Chihowa ak osh i kashofi hoke.

34. Kvta hosh nan vhpisa onocha hinla ho? Klaist ak osh illi hatok; ahli, yvmma i shahli, yvmmak osh falamvt tani hatok osh Chihowa ibbak isht impak imma yo binilit, yvmmak osh isht pi anumpohonli hoke.

35. Kvta hak osh Klaist vt pi hullo ka pi filvmmicha hinla ho? Isht ai ilbvsha, isht a palvmmi, hatak bika yvt pi hoto-pali, isht a hohchvfo, haknip bieka, isht ai illa he, keyukmvt bvshpo falaia yak a hinla ho?

36. Yohma hi o holihiso hatok oka, Chishno yak atuk pulla mak o nitak moma ka pihimbi na shohombishke, chukfi vhpoba vba chi kak o e chiyuhmi hoke.

37. Yvmmak illa keyu, nan okluha ilvppa puta ka ilap pi hullo tuk pulla kak o im aiyachi yak kia il i shahli hoke.

38. Yohmi ka isht illa he, isht okchaya he, enchil vhleha, enchil vhleha i shahli, miko puta, himonasi nana ai asha puta, himak a pilla ai asha he puta;

39. Isht a holitopa fehna, ilbvsha fehna, keyukmvt nana toba tok nana kia, pin Chitokaka Chisvs Klaist ak atuk pulla mak o, Chihowa il i hullo ka, pi filvmmicha himma keyu ka, sai yimmishke.

CHAPTA IX.

Pal vt Qan i nakhaklo, 1. 7 Eblaham isht aivvanchululi moma kvv
 la keyu: 18 Kvna ho ahni hok mak osh

Chihowa yvt i nukhako; 28 Chentail vt yimma he; mikma nan ik yimmo kak osh Chu yvto ik holitopo ka he a tuk tikba anoa.

1. **KLAIST** ak o nan ai ahli ka isht ai anumpuli li kvt holabi li keyu, Shilombish Holitopa ak osh anukfokihinchi ho, isht akostininchi li yak kia nan atokowa ka anohonli ak inlishke.

2. Yohmi kvt sa chukvsh anukaka ya isht a nukhako bilia, micha isht a weki chinto kvt a foyuka kak osh miha lishke.

3. Yohmi ka itibapishi li vhleha, vm okla achufa yak atuk pulla mak o Klaist a i filvmmi sa kvnia hi a, ahni la hinla hokbano.

4. Yvmmak osh Israel isht atiaka vhleha hoke: yvmmak o ushi isht a toba, micha Chihowa yvt holitopa fehnvt im otaiyani, micha nan it im vlpisa puta, micha vba nan vlpisa in tonla, micha Chihowa isht aiokpvchi, micha ai okchayvt bilia puta im issa tok aiena kvt immi hoke:

5. Mihmvt iki vhleha tikba chash ot immi, micha yvmmak o Klaist vt hatak haknip imma hokvno a minti tok osh, moma i shaiyahlit Chihowa holitopvt bilivshke. Amen.

6. Chihowa im anumpa hokvt aka itulvt kvnia tok o chiyuhmi keyu hoke. Yohmi ka Israel vhleha hak osh moyumvt Israel okla keyu hoke.

7. Micha Eblaham isht atiaka vhleha hokak osh moyumvt im vlla vhleha keyu ak inli: amba Aisaak ak o isht chi ai unchululi hohchifa hi oke.

8. Yohmi kvt haknip imma im vlla vhleha hokvto, Chihowa im vlla vhleha keyu hoke: amba im issa tok vlla vhleha hak osh isht ai unchululi mak osh toba ho mak a chi hoke.

9. Yohmi ka nan im issa tok isht anumpa hvv ilvppak oke, Vlpisa tok nitak ont ai vlpiesakma vla la hi oke, mikma Sela yvt ushi im vta hi oke.

10. Micha yvmmak illa keyu; amba Lebeka yak kia achufa piki Aisaak ak o isht ai i chakali hatuk o;

11. Yohmi ka vlla yokvt ik ashwo kisha hokvt, nana

achukma, nana ik achukmo nana kia ik yvmihcho kisha ak inli kia, nana hō yvmihchi tok ak o keyu, amba ilap ak osh hoyo hatuk o vlhtoka kut Chihowa nana ai ahni tok vt ai ahla chī kak o;

12. Yvmmak ash o, Akni ak osh nakfish a i nutaka hi oke, im achi tok.

13. Holihiso kut, Chekob ano i hullo li tok: amba Esau yokvno ak i hullo li tok, ahanchi hatok oka.

14. Yakohmi ka nanta hak o il acha hinla hō? Chihowa hut nana yvmihinchi kut ik ai vlhpeso hō? ik yvmohmo pullashke.

15. Yohmi ka, Kvna hō i nukhaklo la he ahni likmvt, i nukhaklo la hi oke; micha kvna hō i kana la he ahni likmvt, i kana la hi oke, Moses a im achi tok.

16. Yakohmi hoka yvmmak ash o, ilap nan aiahni hokmá, mvlihinli kak okmá, nana kak osh ishi hō keyu; amba Chihowa yak osh i nukhaklo kak o yvmohmi hoke.

17. Yohmi ka, Chishno yak o nan isht vm ai ahli yoka ai otvninchi la he, micha sa hohchifo hokvt yakni moma ka hlopullit ai annohowa he, ilvppak fehna kak atuk mak o ik ahantá chim ai ahni li tok, Feleo ya Holisso Holitopa yvt im achishke.

18. Yvmohmi hoka kvna hō i nukhakla he ahnikmvt, i nukhaklo hoke: micha kvna ho kvllocha he ahnikmvt, kvllochi hoke.

19. Yakohmi ka chishno yokvt, Nanta katihmi hō ik ahnincho imoma hō? Kvta hak osh ilap nan ai ahni ka i sanali hatuk o? is svm acha chī hoka.

20. Yohmi ak inli kia, amba hatak chia ma! kvta chia hokak osh Chihowa ya i sanalit ish anumpuli oho? Nana toba tok vt ikbi tok ash o, Nanta katihmi hō yakohmieht ohishno yvt is sakbi tok o? im acha hinla hō?

21. Lukfampo ikbi yvt lukfi ya kanimihcha hi vt im ai vlhpiesa keyu hō? lukfi yvmvaska miash inli ka achvfa kvto isht a holitopa, mikma achvfa kvto isht a kvllakshi ampo yo ikbi chatuk keyu hō?

22. Yohmi ka Chihowa hut ilap isht i nukkilli, micha ilap

nan isht ai ghli yā otv̄n̄incha he ai ahni kak osh, isht i nukkilli onvtuyula he nan ai vlhto okpulot kv̄nia he im vlhtaiyaha puta ka ilbtshala hi vt i sv̄laha fehna hatuk mvt :

23, 24. Micha ilap isht a holitopa lāwa fehna ka i nukhāklo onvtuyula he nan ai vlhto puta, yvm̄mvt isht a holitopa pisa hi o tikbanli im ataiyahli hatok vt, pishno yak fehna ka pi hohoyo hatok ; Chu okla hak bano keyu, amba Chentail okla hak kia ai isht otv̄n̄incha he ai ahni hatok okma, nanta katihmi cho ?

25. Hosea yak o isht ai anumpohonli mvt, v̄m okla v̄hleha hatok keyu ka v̄m okla v̄hleha hochifa la he : micha ḡ holitopa tok keyu kv̄t, ḡ holitopa hi oke, ahanchi ak inli hatok oka.

26. Yohmi ka, Ūm okla hv̄chia keyu ai im ahanchi tok ash inli, yvm̄mak o Chihowa okchaya im v̄lla v̄hleha a hohchihifa he mak oke.

27. Esaias ak kia, Israel imma ka chitolit isht anumpohonli mvt, Israel im v̄lla v̄hleha holhtina kv̄t okhv̄ta on talaka shinuk ai asha kak o chiyuhmi ak inli kia, kashapa hosh okchaya he mak oke.

28. Yohmi kv̄t ilap im anumpa h̄g ai gh̄lich̄a ch̄i kv̄t ai vlhpiesa hosh tushpa fehnvt yvm̄ih̄cha hi oke : yohmi hosh Chitokaka yvt yakni paknaka yā a yvm̄ohma he vlhpisa tok anumpa h̄g ai gh̄lich̄a he mak oka.

29. Mikma Esaias vt tikba kash, Sabaolh in Chitokaka yak osh kashapa ka pim ashahanchi hatok keyukma, Sotom atok ash inli h̄o e chiyuhmi, micha Komolah yak o chiyuhmit e toba hi atok oke, ahanchi tok.

30. Yakohmi ka nanta hak o il acha hinla h̄o ? Chentail okla hv̄t nan isht ai vlhpiesa yak o achunanchit hohoyo hatok keyu kv̄t, isht ai vlhpiesa na yimmi yak o ai isht ai vlhpiesa yak fehna ka ih̄ishi hatok oke.

31. Amba Israel okla hokv̄to nan vlhpisa isht ai vlhpiesa yā achunanchit hohoyo kv̄t, nan vlhpisa isht ai vlhpiesa yā ik ai ono hatok oke.

32. Yohmi ka katihmi hatok o ? isht ai vlhpiesa yash o isht ai yimmi kak o keyu, amba nan vlhpisa yak o a mihinta

hi ash o in chiyuhmit hohoyo hatok okvt. Isht ai ibetvbli tvli yvmma isht ibetvbli hatok okvt.

33. Holihiso kv̄t, Yakeh! isht ai ibetvbli, micha isht ai itula tvli yo Saion anukaka ya bohli lishke: yohmi ka kv̄na hosh i yimmikmv̄t, hofahya he keyu mak oke, ahanchi tok oke.

CHAPTA X.

v̄ba nan v̄lhpisa, micha na yimmi yo isht ai v̄lhpiesa kv̄t itim inla ka anoli, 5, 11 Chu yokma, Chentail okma nana hohkia, na yimmi kv̄t momv̄t hofahya he keyu, 18 Chentail vt v̄banumpa ha holitoblit yimma he.

1. ITIBAPISHI li v̄hleha ma! sa chukvsh nan aiabni, micha Israel oka anumpa ilbvsha Chihowa ha isht im anumponli li kv̄t, okla okchaya he ak o ai ahni lishke.

2. Yohmi ka Chihowa ya ai yiminta fehna kia, ai ghli ithana keyu ka atokowa im ithaiyana lishke.

3. Yohmi kv̄t Chihowa hv̄t nan isht ai v̄lhpiesa ya ataiyahli tok a ithana keyu hatok osh, ilap inli i nan isht ai v̄lhpiesa yo ai ghlichī bv̄nna kv̄t, Chihowa hv̄t nan isht ai v̄lhpiesa ataiyahli hatok okvno ik im antio hatok oke.

4. Yohmi ka na yimmi puta hokvto isht ai v̄lhpiesa he mak o, Klaist ak osh v̄ba nan v̄lhpisa nan ai ahni ka ai ghlichī yoke.

5. Yohmi ka Moses okvt v̄ba nan v̄lhpisa isht ai v̄lhpiesa ka isht anumv̄t, Hatak vt yvmma puta ka yvmihin-chik mv̄t, isht ai okchaya hi oke, achi tok oke.

6. Amba na yimmi isht ai v̄lhpiesa hokvto yakqhmichit anumv̄t: Chi chukvsh oka isht anumv̄t, Kv̄ta hak osh v̄ba yakni yoka ont chukowa hi o? achi kv̄t, Klaist a ont ilaelit aka isht v̄la chi ho? achi ka, chik acho kashke.

7. Keyukmv̄t, Kv̄ta hak osh ahofobi fehna ka ont chukowa hi o? achi kv̄t, Klaist a falaminchit tanichi cha, isht v̄la chi ho? achi ka, chik acho kashke.

8. Amba yvmmak ash ot nantuk achi? Anumpa hokvt chi bilikasi, chitakha anukaka yak fehna, micha chi chukvsh

anukaka foka hoke; achi kv̄t isht ai yimmi anumpa isht il anumpuli kak oke.

9. Chishno yokvt chitih fehna ka Chitokaka Chisvs oka isht otv̄ninchit ish anumpuli, micha illi tuk a falaminchit Chihowa hak osh tanichi tok a chi chukvsh oka isht chi yimmi hokmvt, chi okchaya hi oke, yvmmvt achi hoke.

10. Yohmi ka hatak vt chukvsh ak o isht ai yimmi kak osh isht ai vlhpiesa hoke; micha itih hak o Klaist a isht otv̄ninchit anumpohonli kak osh isht ai okchaya hoke.

11. Yomohmi ka Holisso Holitopa yvt, Kvna fehna hoh kia i yimmikmvt, hofahya he keyu mak oke, ahanchishke.

12. Yohmi ka Chu, micha Klik^oita tuklo ka nana kv̄t ai it im inla keyu hoke: yohmi ka Chitokaka moyuma i shaiyahli miash inli hosh ilapa i pahaya moyuma ka i nukhaklo kv̄t a chinto fehna hoke.

13. Yohmi ka kvna hoh kia Chitokaka hohchifo ha i pahayakmvt, okchaya hi oke.

14. Yohmi ka katiohmit yvmma i yimmi hatuk keyu kv̄t i pahaya hinla ho? micha katiohmit yvmma haklo hatuk keyu kv̄t i yimma hinla ho? micha katiohmit vbanumpa isht anumpuli yvt iksho ka, hakla hinla ho?

15. Micha vlhtoka keyu kv̄t katiohmit vbanumpa ha isht anumpula hinla ho? holihiso kv̄t, Isht it i nanaiyvchi vbanumpa isht anumpohonli, micha na hochukma isht anohowa isht ai yukpa puta isht aya ka iyi yvt yakeh! aiokli fehnvshke, ahanchishke.

16. Yohmi kia moyumvt vbanumpa ha im antia hatuk keyu. Yohmi ka Esaias vt, Chitokaka ma! kv̄ta hak osh pim anumpa ha yimmi hatuk o? achishke.

17. Yakohmi hoka haklo kak osh isht a yimmi hoke: Chihowa im anumpa hv̄t isht anuhumpa pulla kak o a haklo hoke.

18. Yohmi kia haklo tuk keyu ho? Ih!^oai ghli fehna; yakni moyuma ka itih ola kv̄t im ohona tok; micha anumpa puyuta kv̄t yakni hatak ai ahanta moyuma ka im ohona tok oke, vno vto achi lishke.

19. Amba Israel vt ithana hatuk keyu ho? vno vto achi

lishke. Ummona ka Moses vt okla hq keyu kia isht a chi nuktghlachi la hi oke, micha oklushi ik hopoyukso yq isht a chi nokowvchi la hi oke, achishke.

20. Anonti Esaias vt nukwaya iksho hosh, Sa hohqyo hatok keyu kvv si ahayuchi tok; si a ponahaklo hatok keyu ka im otaiyani li hatok, achishke.

21. Amba vm antia he keyu, micha a sanalit anumpuli okla hoka sabbak a pit i wiyeli li shohombishke, Israel okvno im ahanchishke.

CHAPTA XI.

Chihowa hvv Chu maoma kak o kanchi hatak keyu, 1; 7 kanimi kvto chpkvah kvllochi kia, kanimi kvto okchaya he vltoka tok: 16 vbanumpa anukfohka hi yokvno im ahna he vhpesa; 26 Chihowa yak osh ahnit imissa tuk atok oka, 33 Chihowa nan im anukfila yokvno kvna hosh hoyo kvv im ithvna he keyu.

1. YAKOHMI ka Chihowa hvv im okla fehna ka kanchit taiyahli hatok o? Ik yvmohmo pullashke; yohmi ka vno yak kia Israelait Eblaham isht atiaka Benchamin iksa sia hoke, achi lishke.

2. Chihowa hvv im okla fehna tikbanli ithaiyana tok okvto kanchit taiyahli hatok keyu hoke. Holisso Holitopa yvt Elias ai isht anumpononli ka chik ithano cho? Israel oka anumpa onochit Chihowa ya isht anumpononli kvv,

3. Chitokaka ma! chi hopaii vhleha hg ahambi tok, chim alta puta ka iba kullit akabanchi tok; yohmi ka vno ak bano hosh ahanta li ma, vm ilhfiohpak a tvbli bahanvshke, ahanchishke.

4. Yohmi kia Chihowa hvv afalaminchit nanta hak o im achi hq? Hatak tahlepa sipokni untuklo hokvto Baal hol- hvv toba ya ik i hvchukbihlepo atuk okvno vno vmmi yq ilatohomba li tuk oke, achishke.

5. Yvmmak ash inli chiyuhmit himonasi ak kia isht i kavnv isht ai vltoka tok vt kaniohmi kvv ai asha ak inli hoke.

6. Yohmi ka isht i kana yak okma, toksahanli tuk pulla yak o ai yvmohmi keyu hoke; yakohmi hokma isht i kana

yvt isht i kana keyu yoke. Amba toksahanli tuk pulla yak o ai yvmohmi hokma, isht i kana yak o ai yvmohmi keyu hoke : yakohmi hokma toksahanli yvt toksahanli keyu hoke.

7. Yakohmi ka katiohmi ho? Israel okvt nana hohoyo kvt ishi hatok keyu hoke : amba vltoka yak osh ishi hatok ; mihma kashapa hokvto im anukfila hvv kvllot kvnia tok oke ;

8. Yohmi ka holihiso kvv, Chihowa hokvt im anukfila nosilhhvt kvnia, nishkin nan isht pisa he keyu, micha hak-sobish nan isht hakla he keyu puta aiena ho ihima hatok ; ahanchi hatok ash o ihima na himak a nitak g ai vlvshke.

9. Mihma Lewi vt achi kvv, Ai impa yvt isht ai ibetvbla he, micha isht ai itula he, micha isht ai okpula he, micha isht ai im vltoba he aiena isht ai in tobashke.

10. Michu nishkin vt im okhlili cha, isht ik peso hosh hlipkvchit maya na biliashke, achishke.

11. Yakohmi hoka ibetvbli hatok ak osh isht ai itulvt kvnia ho? Ik yvmohmo pullashke : amba isht ai itula hatok pulla kak o isht ai okchaya yvt Chentail g im vla ho isht a nuktahlahancha chi hatok oke, achishke.

12. Yohmi ka yvmvvt isht ai itulvt kvnia kak o yakni moyuma kvv isht ai yukpa laua kvv im vla hokma, micha isht ik a lauwot taiyaha kak o Chentail vhleha hg isht ai yukpa lava kvv im vla hokma ; isht ai alotowa hokak heno isht i shahli fehna hi o keyu?

13. Yohmi ka Chentail hvchia hg hvch im anumpohonli il kvv, Chentail im apostel sia hatok okvt, nan isht ai vttali yv holitobli lishke.

14. Yohmi hosh kaniohmit isht a nuktahlachit sa haknip ai achvfa kash kanimi kvno okchalanchi la hinla hokvvt,

15. Yohmi ka yvmma kaiyanchi kak o yakni moyuma kvv isht ai it i nanaiya hokma, yvmmak ash i kanvt falaminchit ishi hokak heno nanta ha hi o? amba illi tuk vt falamvt isht ai okchaya kak a hi o?

16. Yohmi ka vnit waya vmmona kvv holitopa hokma, a moyuma kvv holitopa ak inli hoke : micha hakshish vt holitopa hokma, naksish puta kak kia yohmi ak inli hoke.

17. Mihma naksish kaniohmi kvto atvptovt kvnia hokma,

alif haiaka ai offo chia hash osh ish ibafohka hatuk ; micha yummak ash ibafoka hosh alif okchi, micha hakshish aiena ka ish ibai ishi hatuk okmvt ;

18. Naksish puta ka ik ahobalot chik im ilauato kashke ; amba ish ilauata hok mak osh chishno yak osh hakshish ish il ai ishi keyu, amba hakshish ak osh chishi hoke.

19. Yvmohmi ka, Naksish kaniohmi kvk kobahlit kvnihiya kvk, vno yak osh iba fohka la he yak o yohmi hatok, ish acha chi hoke.

20. Ahli ; ik yimmo kak osh kobahlit kvnihiya hatok ; amba chishno vto na yimmi kak osh isht ish a hikia hoke. Chik ilefehnacho kashke, amba ish il akanlosechashke :

21. Yohmi ka Chihowa hvk naksish fehna yash kanchi nukwiya tok keyu hokmvt, chishno yak kia chi kancha he yoba ka, ahah ! ish ahnashke.

22. Yvmohmi ka Chihowa hvk isht i kana, micha isht palvminchi ya ho pesa : aka itula tok ash isht palvminchi ; amba chishno yokvno isht chi kana, ilap isht i kana yash o ish a mahaya hokmvt ; yummak keyu hokmvno chishno yak kia chgyvt chi tupa he ak inli hoke.

23. Yummak ash kia ik yimmo kak o keyu hokmvt, iba fohoka he ; Chihowa hak osh yummak ash falaminchit iba fohoka hi vt im ai ahli hoka.

24. Yohmi ka chishno yvt alif haiaka ai offo yo a tupa hosh alif achukma yash, ai yvmohmi chatuk keyu kia, ish ibafohka hatok okma ; naksish fehna yatok ilvppak heto isht i shahli fehvvt ilap immi yatuk ash inli ka ibafohoka hinla keyu ho ?

25. Yohmi ka itibapishi li vhleha ma ! Israel a kashapa hokvt im anukfila hvk kahanlo na Chentail vhleha isht ai alotowa yvt vla he yak atok, anumpa ai ahli ik otano chatuk ilvppa hvch ik ithaiyano hosh, hvchishno ash inli hosh ile yimmit hvsh ai asha hi a ak hvchim ai ahnoshke.

26. Yakohmikmvno Israel vhleha hvk moyumvt okchaya hi oke ; holihiso kvk, Nahlakofichi yvt Saion ak o a mintit kohcha hosh ai ashvchika ya Chekob a ai isht i kancha hi oke, achi hatok oka.

27. **Micha ai ashvchika yash ai isht i kanchi likmvt, ilvppak o nan it im apesa la he tok mak oke.**

28. **Ubanumpa hash imma hokvno, hvchishno yak atuk pulla kak o yummak ash ot tvnvp vhleha hoke; amba vltoka yash imma hokvno iki vhleha yash ak atuk pulla kak o i holitopa vhleha hoke.**

29. **Yohmi ka Chihowa hvv na habenahanchi, micha atokohonli aiena kvv inlvchit im anukfila he keyu hoke.**

30. **Yohmi ka hvchishno yokvto tikba pilla kash Chihowa ya hvsh i yimmi hatok keyu; yohmi kia yummak ash ot isht ik a yimmo pulla kak o isht i nukhaklo yash hvsh ishi hatok ash o;**

31. **Chiyuhmit ilvppak ash ot himonasi ka ik yimmo ak inli hatok kia, isht hvsh i nukhaklo yak atuk pulla kak o ilvppak ash kia isht i nukhaklo ya ishi mak inla hi atok.**

32. **Yohmi ka Chihowa hvv yummak ash moyuma kvv ik yimmo ka he im ai ahni hosh moyuma ka i nukhakla he ak atok.**

33. **Yakeh! Chihowa hvv hopoyuksa fehna, micha nan ithana aiena kvv ataha hi vt ik im iiksho; nana apihisa ka akostininchit nana a kaniohmi puta ka silhhit ahayucha he keyu hoke.**

34. **Yohmi ka kvta hak osh Chitokaka im anukfila hvv ithaiyana tok o? keyukmvt kvta hak osh nan i miha yatok o?**

35. **Keyukmvt kvta hak osh tikba ima hatok osh, anonti falamvt im vltoba hi atok o?**

36. **Yohmi ka nan oklyha kvv yummak o a mihinti, micha yummak o isht a tobe, micha yummak o immi mak osh tohomba tok; isht a holitopa yvt yummak o immit peh biliashke. Amen.**

CHAPTA XII.

Chihowa abaichit e yukpa la chi ka Chihowa nan isht i nukhaklo yash pi nukfakihincha hi a tok, 1; 3 ilifehvchit pishno ak inli ka isht ik pira anukfiko kashke; 6 amba kasima yo il a hikis na nana

ka yvmohma he vlhpesa kv̄t a pi onutuyulak ma, mihi ȳo e yv-
mohmashke; 9 iti hullo, micha nana ka il a yvmihcha he vlhpesa inla
aiena ka pim apesa; 19 afalvminchit nana ka ik vlhpesalo ka hi
okvno pim ahni keyu hoke.

1. YUMOHMI ka itibapishi li vhleha ma! Chihowa
hvt isht i nukhaklo puta hak atuk pulla mak o hvchi haknip
puta hokvno vba isht aiokpvchi okchaya, holitopa, Chiho-
wa yvt aiokpancha he vlhpesa ho, yvmma isht hvsh ai ahan-
ta he vlhpiesa hokvt, hvsh im issa he, hvchim ai ahni lishke.

2. Micha yakni ilvppak inli ka hvch ik hoyulbo kashke;
amba hvchim anukfila hvt himonvt toba pulla hatuk mak
osh inlv̄t hvsh tobashke; yohmi hosh nan achukma, nan ai
vlhpiesa, nan ai gh̄li Chihowa nan ai ahni ka hvsh akosti-
ninchashke.

3. Yohmi ka isht i kana ya vma hatuk pulla mak o, ha-
tak hvch ibafoka puta ka ilap ash inli kv̄t isht il anukfilla
he ai vlhpiesa ka isht i shahlichit isht ik anukfillo kashke,
im achi lishke: amba il oktambli Chihowa hvt hatak hikia
aiyuka ka isht ai yimmi kaniohmi ho ima hatok ash o, hatak
hikia aiyuka kv̄t isht il anukfillashke.

4. Yohmi ka pi haknip vt achvfa kia, pit ai achvfa hvt
laua, micha pit ai achvfa ilvppvt moyuma kv̄t nan isht ai
vtta yvt miash inli keyu kash o:

5. E chiyuhmi hosh e laua kia, Klaist il ibai achvfa kv̄to
haknip achvfa pia, micha achvfa aiyuka kv̄t pit il it ibai
achvfa hoke.

6. Yvmohmi ka isht i kana yvt kaniohmi ho il ishi hatok
ak osh na hvlbina puta kv̄t ilaiyuka ho il ieshi hokvt, Shi-
lombish anukfoyokvt anumpuli isht ai vtta ȳo e habena ha-
tuk okmvt, isht ai yimmi yak o ai itilaūi ho yvmmak o isht
il ahantashke.

7. Mikmvt chvch nan isht im vtta isht ai vtta ya e habe-
na hatok mvt, yvmmak o isht il ahantashke; micha nan
ithvnanchi yokmvt, yvmmak o isht ahantashke.

8. Micha vbanumpa isht atohnochi yokmvt, yvmmak o
isht ahantashke: na hopela yokmvt, im anukfila apissali
hosh yvmihchashke: pehlich̄i yokmvt, ai gh̄li achukmashke:

i nukhəklot nan isht im vtta yokmvt, aiokpanchi hosh yv-mihchashke.

9. Isht **i hullo yvt isht il ahobi iiksho hashke.** Nan ik achukmo ka ish **i nukkillashke**; nan achukma hoka ish asi-tiashke.

10. Itibapishi chiyuhmit it **i kana fehnvt hvsh it i hul-lashke**; hvsh iti holiobli kvv hvsh it im **i shahlashke.**

11. Nan isht vtta kvv intakobi keyu; **chukvsh isht ai yi-minta fehnvt, Chitokaka yak o in toksvli hosh isht hvsh ahantashke.**

12. Ai okchayvt bilia pisa la he ai ahnit, hvchi yuh-pashke: na palvmmi hvsh pihisa kvv hvchi nuktaiyalashke: achunanchi hosh anumpa ilbvsha hvsh anumpohonlashke.

13. Ubanumpuli a bvna ka hvsh **i hopehinlashke**: hatak ik ithano ya hvsh **i kana fehnashke.**

14. Hvch ilbvshali ka isht im ai achukma he ai ahnit isht hvsh anumpohonlashke; isht ai okpula hi g hvch ik ai ahno hosh, isht ai achukma he ak o ai ahnit isht hvsh anumpohonlashke.

15. Nan isht ilaiyukpa ka hvsh ibai yukpashke; micha nukhəklorkma, hvsh iba nukhəklashke.

16. Hvchim anukfila hvv ai achvfvv hvsh it im anukfil-lashke. Isht a holiropa puta ka hvch ik hohoyo kashke: amba hatak ilbvsha yak o hvsh il itilauechashke. Hvchish-no inli hvch ik ile yimmo kashke.

17. Hatak vt nan ik achukmo hvchi yvmihchi ka nan ik achukmo yo hvch ik **i falamincho kashke.** Hatak moyuma itikba ya nana achukma puta ka hvsh yvmihchashke.

18. Yohma he yobakma, hvsh a yvmohma he ai vlhpiesa kvvto, hatak moyuma ka hvsh it **i nanaiya hosh hvsh ahantashke.**

19. A holiropa ma! hvch ik il ai okho kashke, amba ai vlhpiesa isht im atobbi yak o hvsh il im issashke; holihiso kvv, Ai vlhpiesa isht atobba hi okvv vmmi hatuk osh, afalaminchit atobbi la hi oke, Chitokaka yvt achi hatok oka.

20. Yvmohmi ka chin tvnvp vt hohchevfo hokma, ish ipetashke; itukshila hokma, nan ishko ish ipetashke; ilvppak

o ish yvmihchi hokmak osh luak tobaksi yo noshkobo ha ish o fohobla hi oke.

21. Nan ik achukmo i nutvt chik il ai okho kashke; amba nan achukma kak o nan ik achukmo ka isht ish imaiyachashke.

CHAPTA XIII.

Nan apesa ya imantia, mikmvt nana ka il i yvmohma he vlpesa kvv inla mvt asha ka isht anumpuli, 1, 8 vba nan vlpisa yvt ghla hi g holitobli, 11 atampli fehvvt impa, nan ishkot haksi aiena kvv ai okhlili ka yo yvmohmi hatuk osh kaanima yo vbanumpa hvv atohwikeli hokvno ai otaiyana he keyu.

1. SHILOMBISH puta kvv nan vlhtoka i shahli vhleha ha im antiashke. Nan vlhtoka inla kvv iksho: amba Chihowa ak osh ai ahni kak bano hoka; nan vlhtoka puyuta ka Chihowa hak osh vlhtoka he ai ahni hoke.

2. Yvmohmi hoka kvna fehna hoh kia nan vlhtoka yoka i sanali hokvt, Chihowa hvv nan apesa tok g i sanali hoke: mikmvt i sanali vhleha hokvto ilap inli isht ai ilbvsha yosh im vlvpisvt isha hi oke.

3. Nan vlhtoka vhleha hoka nan toksvli achukma yak osh ai i nukshopa yo keyu hoke: amba nan ik achukmo toksvli yak oke. Yakohmi ka nan vlhtoka yoka chishno yvt i nukshopa la he, chik ai ahno cho? Nan achukma kak o ish yvmohmashke; mikmvtto yvmmak ash o ish im a holitopa hi oke.

4. Nan isht chim achukma chj mak o yvmvvt Chihowa nan isht im vta hatuk oka. Yohmi kia nan ik achukmo kak o ish yvmihchi hokmvt, chi nukshopashke: yohmi ka yvmvvt bvshpo falaia ya peh pilla ieshi ho keyu; amba yvmvvt Chihowa nan isht im vta yosh nana ka ai ghlichit nan ik achukmo yvmihchi ya isht ai i palvmmi ka onohonchi mak oke.

5. Yvmohmi hoka isht ai i palvmma he ak bano kak o keyu, amba isht il akostininchi yak atuk pulla aiena kak o ish im antia pullashke.

6. Yohmi ka ilvppak atuk pulla kak o noshkobo chumpa ya ish atobbi makinlashke: yummvt Chihowa nan isht im vta vhleha hatuk osh nana ilvppak fehna ka isht ahantvt bilia hoke.

7. Yvmohmi ka moma kvt ilap ai isha he ai vlhpiesa ka ish imashke: noshkobo chumpa ya kvna hosh isha he ai vlhpiesa kak o ish imashke: vlhpoyak isht ai vlhtoba kashampa kvnia he tuk g kvna hosh isha he ai vlhpiesa kak o ish imashke: kvna hq i nukshopa he, ai vlhpiesa kak o ish i nukshopashke: kvna hq holitoba he ai vlhpiesa kak o ish holitoblashke.

8. Hatak nana kia aheka yvt ik chin takanlo kashke: amba hvsh it i hulla he vto hvsh it in takanlashke; yohmi ka kvna hosh inla ya i hullo hokvto vba nan vlhpisa ya ai ghlichy hoke.

9. Yohmi ka, Chik it in lumako kashke, Chik bo kashke, Chik hukopo kashke, Chik aholvbecho kashke, Chik anushkunno kashke; micha nan vlhpisa inla kvt takanli hokmvt, anumpa kanomosi, Chin chuka panta hatak g ish i hullo kvt, chishno ish il i hullo kak i chiyuhmashke, achi ilvppak o foka hoke.

10. It i hullo yvt nan ik achukmo in chuka panta hatak g ik i yvmihcho yoke: yvmohmi hoka it i hullo yak osh vba nan vlhpisa ya ai ghlichy mak oke.

11. Micha ilvppak o hvsh yvmohmashke: mikmvt himonasi ka nusi tuk vt pi okcha he hvshi kanvlli hvvt ont ai vlhpiesa ka il ithaiyanashke; himonasi kvno isht ai pi okchaya yokvt pi bilika kvt pi yimmi hatok ano i shahli hoka.

12. Ninak vt ant ig hosi ma, nitak vt vlg hosishke: yvmohmi hoka okhlili isht a toksvli puta ka e kaiyan-chashke: micha nan tohwikeli isht il atukkochi yak o e foyukashke.

13. Nitak itvnowa yak o chiyuhmit ai vlhpiesa hosh il itvnowashke: haksi, micha tasimbot tasali keyu, itiba nusit isht a havi keyu, itachowa, micha it i potvnnot hvsh ik it i nuklillo kashke.

14. Amba Chitokaka Chivsvs Klaiat ak o hvsh foyukash-

ke; micha haknip nan ai ahni okpulo puta ka im ai ghlicha chj kv̄t haknip a nana hvch ik atahlo kashke.

CHAPTA XIV.

Nana kv̄t ilim itim inla mak osh il iti shetilima he tok keyu, 1; 13 amba nana ka ahah! il oh ahni na, nana ka il itim inla hoh kia, inla maȳa kv̄t isht ik pim ai ibetvblo kashka; 15 nana kv̄t yohmi ka na laua hq̄ isht mihvt Pal vt otv̄ninch̄i hoke.

1. NA yimmi kv̄t ik ono ka hvsh i kana banashke; micha im anukfila anuktuklo atuk a nana isht chik im apeso kashke.

2. Yohmi ka achvfa hokvto nan okluha ka vpa hi atuk vt yimmishke; inla hokvto na yimmi kv̄t ik ono mv̄t, na waya yak o vpvshke.

3. Yohmi ka vpa hokvt ik po hoka ik kanimancho kashke; micha ik po hokvt vpa hoka nan ik im apeso kashke; Chihowa ak osh i kana hatuk oka.

4. Kv̄ta chia hokak osh hatak inla in tishu hq̄ nan ish im apesa hoh cho? ilap i shahli ak illa hq̄ isht im a hikia he, keyukmv̄t isht ai im itula hi oke. Ahli, ai ghlit hikia hi oke, Chihowa hak osh ai ghlichit hilecha hinla hoka.

5. Hatak achvfa hokvto nitak achvfa kv̄t inla ka i shahli, ai ahnishke; inla hokvto nitak moma kv̄t itilau, ai ahnishke. Hatak puyuta kv̄t ilap im anukfila fehna ka ai ghlit anukfoyukashke.

6. Kv̄na hosh nitak a holitoblikmv̄t, Chitokaka yak o i holitobli hoke: mikma kv̄na hosh nitak a ik i holitoblo hokmv̄t, Chitokaka yak o ik i holitoblo hoke. Kv̄na hosh vpakmv̄t, Chitokaka yak o im vpa hoke; Chitokaka yak o isht aiokpv̄chi ya ima hokvt: mikma kv̄na hosh ik pokmv̄t, Chitokaka yak o ik im vpo hoke: yohmi kia isht aiokpv̄chi ya Chihowa yak o ima hoke.

7. E kanima kv̄t pishno inli il im anta keyu hoke: micha hatak nana kia ilap inli il im illi keyu hoke.

8. Pi okchayvt il ahanta kv̄t, Chitokaka yak o il im ahanta hoke; micha pilli hokmv̄t, Chitokaka yak o il im illi hoke;

yvmohmi hoka pi okchaya, pilli, kanimampo hoh kia Chitokaka yak o immi pia hoke.

9. Yohmi ka Klaist okvt illi tuk vt falamvt okchaya kvt, illi, micha okchaya it aieninchit in Chitokaka toba chi ilvppak fehna hatok oka.

10. Yohmi kia nanta katihmi ho chitibapishi ha nan ish im apesa cho? micha nanta katihmi ho ish itibapishi ha ish kanimanchi cho? e moyuma kvt Klaist nan apesvt ai o binili ka itikba ya e hiohla hi oka.

11. Yohmi ka holihiso kvt, Sai okchaya hoka iyikalaha puta kvt a hvchukbihlapa hi oke; mikma isunlvsh puta kvt Chihowa ha aiokpahancha hi oke, Chitokakayvtachi hoke, achi hatok oka.

12. Yakohmi hoka e moyuma kvt Chihowa hoka il im il anohonla hi oke.

13. Yvmohmi hoka himak a pilla kvno nan it im apesvt kil ahanto kashke; amba hatak nana kia isht ai ibetvbla he, keyukvt isht ai itula he nana kia itibapishi i hina ya ik bohlo ka he ilvppak o hvsh im anukfillashke.

14. Yohmi ka nana kvt ilap ak inli kvt ik kashofu kvt iksho ka, Chisvs Klaist ak atuk mak o isht a sa nukfoykvt, ithaiyana lishke: amba kvna hosh nana kvt ik i kashofu ai ahni hokvno, yvmvno nana kvt ik i kashofu hoke.

15. Ish itibapishi hvv nana ish pa ka isht ik im vlvpieso hokma, himak a i hullot ish nohova keyushke. Yvmmak ash Klaist vt vlvtovt illi hatok oka, chim ilhpak a isht chik okpano kashke.

16. Yvmohmi hoka nana achukma isht ish ilaiyukpa kvt ik ai vlvpesot isht ik anumpo kashke.

17. Yohmi ka Chihowa avehlichika yokvt nan impa, nan ishko kak o keyu hoke; amba nan isht ai vlvpiesa, micha isht it i nanaiya, micha Shilombish Holitopa ai isht ilaiyukpa yak oke.

18. Yohmi ka kvna hosh nana ilvppak fehna ka Klaist a isht im antia hokvno Chihowa yvt ahninchu, mikvt hatak puta kvt vlvpesa ai ahni hoke.

19. Yvmohmi hoka nana kvt isht ai it i kana puta, micha

nana ka isht it i hlampkohoncha he aiena kak o e yvmohq-mashke.

20. Yohmi ka nan vpa ak atuk mak o Chihowa hvt nana toksahanli tuk ash isht chik okpano kashke. Nan oklyha kvv kashofa mvhli hoke : yohmi kia hatak nana hosh inla isht ai ibetvbli hq impa hokvto, isht ik im achukmo hoke.

21. Nipi vpa, oka paki ishko, keyukmvt nana kia ish itibapishi hvt isht ai itulvt isht ai ibetvblit isht ik a hlampko ka chi hq, ai yvmohmi kvv ik achukmo hoke.

22. Nana kash chi yimmi cho? Chihowa itikba yak o chishno illa hosh ish a yvmohmashke. Kvna hosh ilap vt nana hq vhpiesa abnit, ilap ash inli anumpa isht ik il onocho hokvt, na yukpa hoke.

23. Yohmi ka kvna hosh anuktuklo hoh kia vpa hokmvt, anumpa onvtula hoke : nana hoh kia yimmi keyu hosh yvmihchi hokvto ai ashvchi yoka.

CHAPTA XV.

Hlampko kvv, ik hlampko yq nan ib ai isha he, 1 ; 2 pishno inli kil ile yukpalo, 3 Klaist vt yohmi tok keyu, 7 amba e moma ka Klaist vt pi kanvt nan pim anukfilli tok q chohmit it i kanvt ili tiholito-blichha he: 30 Pal vt Loman vbanumpuli vhleha hvt vba isht anumpula he im a sihlha.

1. **YAKOHMI** hoka pi hlampko hokvto ik hlampko hokvno nan il ib ai isha he atuk ; micha pishno inli il ile yukpala hi atuk keyu hoke.

2. E moyuma kvv ilap in chuka panta hatak vt vbanumpa hq isht a hlampkot im achukma chi ka e yukpalaashke.

3. Yohmi ka Klaist ak kia ile yukpali tok keyu hoka ; amba holihiso kvv, Isht a hofahyali puta kvv ohi onvtula hatuk vt sai onvtula hatuk oke, achi hatok oka.

4. Yohmi ka nana fehna hoh kia tikba pilla kash-holihiso kvv nana isht a pim vlvcha he mak o holihiso hatok oka ; yohmi kvv Holisso Holitopa ak o nana ka isht a nuktaiyavt achunanchit ai okchayvt bilia yq il isha he, il ai ahna hi atok oke.

5. Yohmi ka Chihowa hak osh hvchi atohnononchit isht anuktsiyalvt achunanchi ya hvch ima na nana hvsh it im anukfilli kv̄t ai achv̄vt Klaist Chisvs ak atok ak o hvsh chiyumashke.

6. Yohmi hosh hvchim anukfila hv̄t ai achv̄vt, itih achv̄fa hosh Chihowa, pin Chitokaka Chisvs Klaist iki yak fehna ka hvsh holitobla hi atok oke.

7. Yvmohmi hoka Chihowa hv̄t isht abolitopa ch̄i kak o Klaist ak kia p̄i kana hatok ash o, chiyuhmit hvsh it i kanashke.

8. Yohmi ka Chihowa isht ai ghli yak atok pulla kak o Chisvs Klaist okvt hakshup tv̄pa yak o nan isht im v̄tta toba kv̄t, iki vhleha h̄a nan im ih̄isa tok puta ka ai ghlich̄a ch̄i kak atok oke, achi lishke.

9. Micha yohmi h̄o Chentail vhleha hv̄t ilap isht i nukhaklo tok ak o Chihowa ya holitobla hi atok oke; holihiso kv̄t, Ilvppak atok mak o Chentail vhleha h̄a ibai achv̄vt chi aiokpahanchi la he; micha chi hohchifo h̄a isht taloh̄wa la hi oke, achi hatok oka.

10. Micha anonti Chentail hvchia hv̄t vm okla vhleha h̄a hvsh ibai okpahanchashke, Chitokaka v̄vt achishke.

11. Micha anonti, Chentail moyuma kv̄t Chitokaka ya hvsh aiokpahanchashke: micha okla moyuma kv̄t hvsh aiokpahanchashke, achishke.

12. Micha anonti Chesse ak o isht atiaka yosh ahanta he, micha yvmmak fehna hosh Chentail okla h̄a i shahlit m̄ikot wakaya hi oke: yvmmak o Chentail okla hv̄t anukchieta hi oke, Essias vt achishke.

13. Yohmi ka ai okchayvt bilia ya pisa he ai ahni ya in Chihowa yak osh isht ai yimmit ai isht it i nanaiya, micha ai isht il aiyukpa moyuma ka hvchi alotoli h̄o Shilombish Holitopa nan isht ai ghli yak atok pulla mak o ai okchayvt bilia hvsh isha hi okvt, ai ghli feh̄vt hvchi anukfoynkashke.

14. Micha itibapishi li hvchia hv̄t nana achukma bieka hosh hvchi anukfoyu kv̄t, nan ithana isht a hvchi alotowa hatuk osh, nana ka hvsh it i miha he bieka ak inli ka, vno ak inli kv̄t hvchi yimmi li ak inlishke.

15. Yohmi ak inli kia itibapishi li vhleha ma! Chihowa ak osh isht i kana ya vma hatuk oka, ik sa nukwayo kut isht i shahli hosh isht hvsh ithana chi kak o, nana a kaniohmi ka hvchi holissohonch lishke;

16. Yohmi hosh Chisvs Klaist nan isht im vtta yosh, Chihowa im vbanumpa ha Chentail okla hak o isht im ahan-ta la chi hatok; yohmi ho Chentail vt Shilombish Holitopa yak o isht a kashofa hatuk o vba isht aiokpvchi ka ahninja hi atok oke.

17. Yvmohmi hoka nan oklyuha, Chihowa hvv isht pit ahalaya ka Chisvs Klaist ak atuk pulla mak o, nana ka isht ilauata la hi vt ieshi lishke.

18. Chihowa imi Shilombish nan isht ai ahli yak atuk pulla mak o nan isht nukhlakancha, micha nan isht atokowa yo nana ka isht ai yvmohmit anumpohonli li ho, Chentail okvt im antia chi ka, Klaist vt isht a si atoksvli hatuk keyu hokvno nana ai yvmohmi tuk ash achvfa kia isht anum-puli la he keyu hoke.

19. Yvmohmi hosh Chelusalem, micha isht ai apakfoyvvt Illilikvm g ont ai vhli itintakla ya Klaist im vbanumpa ya ai ahli fehvvt isht ai anumpohonli li hatuk oke.

20. Ahli, yakohmi hosh intolahpi hatak inla immi pak-naka yo ai ikbi li yoba na, ai ahni li kak osh kanima yo Klaist vt isht ik ai anumpo hokvno vbanumpa ya isht ai anumpohonli sa bvna fehna chatuk oke.

21. Yohmi kia holihiso kvv, yvmak o isht im anumpa hatok keyu kia, okla pisa hi oke; micha okla yvmmvt haklo hatok keyu kia, akostinincha hi oke, achi hatok oka.

22. Yohmi ka ilvppak atuk pulla kak o hvchim ona la hi atok vt, isht a si ataklvma fehna ak inli hatuk oke.

23. Yohmi kia himonasi hokvno ilvppa ai anumpuli la hi okvt ik svm iksho hatuk osh; micha hvchim ona sa bvna fehna tok g himak g afvmmi hvv laua fehna hatuk osh;

24. Kanima kash inli ho nowvt avvt Ispani yoka chukowa likvvt, hvchim ona la hi oke: yohmi kvv nowvt aya li hokvt, ont hvchi pisa la he ai ahni li: micha hvchi pivvt

kaniohmit v̄m v̄lhpiesa ha yokm̄vno, nowvt gya li kash achakalit pit hvs sa pila he chishke, ai ahni lishke.

25. Yohmi kia himonasi hokvno v̄banumpuli v̄hleha hak ō i hopela la ch̄i hosh Chelusalem ak ō ia la chishke.

26. Yohmi ka Masetonia, micha Akaia okla aiena kv̄t im v̄lhpiesa hosh v̄banumpuli ilbv̄sha Chelusalem ai asha ka nan isht apelv̄chi kaniohmi ka i bohonli tuk oke.

27. Im v̄lhpiesa ai gh̄li fehna hosh yvm̄ihchi tuk: yohmi hatuk ō im ah̄eka v̄hleha hokvt. Yohmi ka Chentail okla hv̄t nana Shilombish immi puta ka ibai ih̄ishi toba hatuk m̄vt, anonti nana hakn̄ip immi puta ka yv̄mma isht apelv̄cha hi okvt im ai v̄lhpiesa ak inlishke.

28. Yvm̄ohmi hoka ilv̄ppa isht v̄ttvt v̄m v̄lhtaha, micha nan isht apelv̄chi ilv̄ppak ash ō im ai gh̄lich̄i li ha yok mak osh, hv̄chin t̄maha h̄g hlopullit Ispani yoka ont chukowa la hi oke.

29. Mich̄a hv̄chim ona likm̄vt, Klaist im v̄banumpa ai isht ilaiyukpa ai gh̄li fehna laua ka isht hv̄chim ona la hi okvt, ithaiyana lishke.

30. Yohmi ka itibapishi li v̄hleha ma! Chitokaka Chisvs Klaist ak atuk puyula, micha Shilombish ak atuk mak ō isht it̄i hullo yvt hv̄chi anukfoyuka hokvt, sv̄bai yichina fehna hosh anumpa ilbv̄sha Chihowa ȳg im anumpohonli kv̄t, isht hvs si anumpohonlashke.

31. Yohmi h̄o ik yimmo v̄hleha Chutia ai asha ka ai i hlakofi lashke: micha Chelusalem ḡ nan i hopela la ch̄i ish̄i li kash v̄banumpuli v̄hleha hash ot aiokpahanchashke.

32. Yohmi h̄o Chihowa nan ai ahni pulla h̄o nan isht ilaiyukpa ȳg ieszit hv̄ch im ona li hosh, nana ka hv̄ch ibai yuh̄kpa li hokbano.

33. Yohmi ka nan isht it i nanaiya in Chihowa yak osh hv̄sh moyuma ka hv̄ch iba foyukashke, Amen.

CHAPTA XVI.

v̄banumpuli Loman asha tuk vt laua ka ai okpacha hi ḡ, Pal vt im ahni, 1, 17 m̄hm̄vt nan itakv̄ahkoli, nan ibetv̄blich̄i aiena ka ahah i

okla im ahna chi ka im anoli ; 21 atuk osh nana ka yakmihchit na pit i mihihvt tahli mvt, ishtaiyopichi kvv Chihowa ya aiokpachanchi.

1. **KLENKLEA** chvch hikia ka nan isht im vta, pin tek, Febi ya hvsh aiokpancha he pit hvchim ai ahni lishke :

2. Yohmi hosh Chitokaka yak o ai achvfa hoka vbanumpuli ai yvmohmi yak o chiyuhmit hvsh aiokpvchashke : micha nana hoh kia isht apelvcha hi a bvna hokma, hvsh apelahke : yohmi ka yvmvt laua ka apelahanchi chatuk ; micha vno ak kia aieninchit si apelahanchi chatuk oke.

3. Klaist Chivsv a ibai achvft svb a toksahanli Akuila, micha Plissilla ita tuklo ka hvsh aiokpvchashke.

4. Yvmmak okvt vm ilhfiopak ak atuk pulla kak o ilap ikunla fehna ka aka ya bohoni tok : yvmmak oka vno ak illa keyu, amba Chentail iksa hiohli puyuta aiena kvv yak oke, im ai ahnishke.

5. Yvmmak ash chiyuhmit yvma in chuka vbanumpuli iksa maya ka hvsh aiokpvchashke. Epenetv a holitopa fehna, yvmvt Klaist i yimmi kvv Akaia ya ai yvmohmit nan vni vmona hatok a hvsh aiokpvchashke.

6. Meli ya hvsh aiokpvchashke ; yvmmak okvt pin toksahanli fehna hatok oke.

7. A kanomi, micha svbai yuka Antonivsv, micha Chunia itatuklo, yvmmak okvt vbanumpeshi vhleha ha i holitopa yoka hvsh aiokpvchashke ; yvmmak okvt sa tikba Klaist ai ibai achvfa hatok mak oke.

8. Amplias Chitokaka ya ai achvfa a holitopa ya hvsh aiokpvchashke.

9. Ulbani Klaist ai achvft piba toksahanli, Stakv a holitopa aiena ka hvsh aiokpvchashke.

10. Apelles, Klaist vt ahnichi ya hvsh aiokpvchashke. Alistobulv in chuka chvfa ai achvfa ka hvsh ai okpvchashke.

11. A kanomi Helotion a hvsh aiokpvchashke. Nasivsv in chuka chvfa Chitokaka ai achvfa ka hvsh aiokpvchashke.

12. Tlaifina, micha Tlaifosa itatuklo, Chitokaka in toksahanli ya hvsh aiokpvchashke. Pasis holitopa, yvmvt

Chitokaka ya in toksahanli fehna chatuk a, hvsh aiokpvchashke,

13. Lufvs Chitokaka im vlhtoka, micha ishki, micha yvmvt vshki ya hvsh aiokpvchashke.

14. Asinklitvs, Flekon, Hemas, Patlobvs, Hemes, micha il itibapishi vhleha hvv yvmma apehvt maya aiena ka hvsh aiokpvchashke.

15. Filolokvs, micha Chulia, Nelevs, micha in tek, micha Olimpas, micha vbanumpuli yvmma apehvt maya aiena ka hvsh aiokpvchashke.

16. It i suksova holitopa yo isht hvsh it aiokpvchashke. Klaist in hvch vhleha hokvt hvchi aiokpvchishke.

17. Yohmi ka itibapishi li vhleha ma! nan vlvchi hvsh ithvna kash i sanalit isht it i filvmmichi; micha isht ibetvblichi aiena ihikbi hokvno, yakohmi hvsh ahni pulla cha, hvch ik ahalaiyo kashke.

18. Yohmi ka ilvppa chiyuhmi puta hokvto Chitokaka Chisvs Klaist ak o in toksvli keyu hoke, amba ilap ikfoka yak inli hoke: mikmvt anumpa achukma puta, micha isht ahninchi anumpa puta aiena kak o nuktvhltv ahah! ik ahno chvkvh puta ka isht haksichi hoke.

19. Yohmi ka isht hvsh im antia yokvt hatak moyuma ka im anohova hoke: yvmohmi hoka hvchishno yak atuk pulla kak o sai yukpvshke: yohmi ak inli kia nana achukma kak o hvch imponna cha, nan ik achukmo hokvno ik hvch imponno hok bano hvchim ai ahni lishke.

20. Mikma nan isht it i nanaiya in Chihowa yak osh Setan oka chekosikma chiyi nuta ya a litofa chj hoke. Pin Chitokaka Chisvs Klaist isht i kana yvt hvchi anak foyu kashke. Amen.

21. Timohlivs svba toksvli, micha Lusivs, micha Chason, micha Sosipata a kanomi aiena kvv pit hvchi aiokpvchishke.

22. Tetivs sia holisso ilvppa holissohonchi kash ot Chitokaka ibai achvfa hvchia ha pit hvchi aiokpvchi lishke.

23. Uno, micha hvch moma aiena ka nan im atahli Kavis ash ot pit hvchi aiokpvchishke. Elastvs,vmaha in

tvli holisso shōli, micha il itibapishi Katvs aiena kv̄t pit hv̄chi aiokp̄vchishke.

24. Pin Chitokaka Chisvs Klaist isht ĵ kana yvt hv̄sh moyuma ka hv̄chi anukfoyukashke. Amen.

25. Yohmi cha Chisvs Klaist vt nan abahanchi tok v̄m v̄banumpa ak atuk na luma ituyula chatuk yakni toba tok itin takla ka isht ik anumpo chatuk osh isht anuhumpa ak atuk puyula mak ǝ isht a hv̄chim ai ghlica he im ai v̄lhpiesa hatuk,

26. Micha Chihowa okchayvt bilia yvt nan apihisa hatuk mak ǝ hopaii v̄hleha hv̄t holissohonchi tok ǝ, oklushi moyuma kv̄t na yimmit isht im antia ch̄i mak ǝ, im otaiyani hatok :

27. Chihowa hopoyuksa achvfa bano kash ot Chisvs Klaist ak atuk pulla kak ǝ isht a holitopa yvt immit biliashke. Amen.

HOLISSO UMMONA PAL UT

KOLINHLA CHUCH

A HIKIA HO I HOLISSOCHI TOK.

CHAPTA I.

Vbanumpuli Kolinhla gsha tuk q Pal ut pit ai okpuchi, mihmet Chihowa ya aiokpuchi, 1; 10 itibachvft mgya he i miha; 12 itakshapet mgya tuk q nan i miha. 18 Aka a nahopoyuksa yvt nan isht a hopoyuksa ka; 21 nan ik shobo vbanumpa isht anumpuli kak q Chihowa yvt isht okpaninchi: 26 na hopoyuksa, micha nan i shahli aiena kak osh vltoka keyu, amba ik hopoyukso, ik hlampko, aiena kak osh vltoka.

1. PAL, Chihowa nan ai ahni atuk pulla mak q Chisvs Klaist im apostel vltoka tok, micha il itibapishi Soshlenes ita tuklo kvf,

2. Chihowa in chvch Kolinhla a hikia, Chisvs Klaist ak atuk pulla kak q isht a kashofvt, vbanumpuli vltoka tok, micha pin Chitokaka Chisvs Klaist vt yvma, micha pishno il ita tuklo ka pimmi hatuk q hohchifo hq anukchietot hohoyot kanima moma ai asha aiena ka pit i holissohonchishke.

3. Isht i kana, micha isht it i nanaiya aiena Piki Chihowa, micha Chitokaka Chisvs Klaist ita tuklo ka a mihinti kvf hvchi anukfoyukashke.

4. Yohmi ka Chisvs Klaist ak atuk pulla kak q Chihowa hvf ilap isht i kana ya hvch ima hatuk oka, an Chihowa ya hvchishno yak atuk pulla mak q yak oke im ai ahni li bilivshke.

5. Yohmi hq nan oklgha kvf yvmmak q isht a hvchin

lausa hosh isht anumpuli puta, micha nan ithana puta kv̄t isht a hvchim aienvshke.

6. Yakohmi hosh Chisvs Klaist nan isht atokowa yash osh hvchishno ḡ isht ai ghli hatuk oke.

7. Yohmi hosh na hv̄lbina nana kia ik ai ono h̄o hvsh ishi tuk keyu hatuk osh; pin Chitokaka Chisvs Klaist vt otaiyana hi ḡ hvsh hoh̄oyo hoke.

8. Yvmmak ash inli hosh hvchi ai ghlinchit ont ai v̄hli ka isht hvch ona hi oke: yohmi h̄o pin Chitokaka Chisvs Klaist j̄ nitak fehna ka anumpa isht a hvchi onvtula hi vt iksho ka hi oke.

9. Chihowa hv̄t ai ghli yoke, yvmmak ō ilap Ushi pin Chitokaka Chisvs Klaist ḡ ai ib ai eshi isht a hvchi v̄lhtoka hatuk oke.

10. Yohmi ka itibapishi li v̄hleha ma! nana a miha chv̄fa h̄o isht hvsh anumpula he, mikmvt ai it j̄ filvmmi puta kv̄t ik hvchim iksko ka he; amba nana hosh ai ahni kv̄t hvchim anukfila hv̄t ai ghli fehvt hvsh it ibafoyuka he mak ō, pin Chitokaka Chisvs Klaist isht a hochihfo hosh hvchim ai ahni lishke.

11. Itibapishi li v̄hleha ma! nan itachowa yvt hvchin takla a takali ka, Kloe in chuka chv̄fa yosh vm anoli hatuk oke.

12. Yohmi ka hvsh moma kv̄t, Uno ak osh Pal ai achv̄fa sia; anonti, Uno mvt Apollos ai achv̄fa sia; mikma, Uno vto Sefas ai achv̄fa sia; yohmik ma, Uno vto Klaist ai achv̄fa sia; hvsh achi ilvppak ō achi lishke.

13. Klaist vt ita kvshkoa h̄o? hvchishno atuk mak ō Pal ak osh ititaiyukhvna ai illi tok ō? keyukmvt Pal j̄ hohchifo h̄o isht hvchi baptismo tok ō?

14. Hvsh kanima kia ak hvchi baptismocho hosh Klisv̄s, micha Kavis ita taklo bano tok ḡ yak oke, Chihowa h̄a im ai ahni lishke.

15. Yohmi hatuk ō vno ak inli ḡ hohchifo h̄o isht baptismochi li tok ḡ, hvsh kanima kia hvsh acha he keyushke.

16. Mikmvt Stefanvs in chuka chv̄fa ak kia baptismochi li tok; inla yano baptismochi likmá, nana tuk vt ak ithanoshke.

17. Baptismochi la hi o, Klaist vt si atokoli tok keyu hoka, amba vbanumpa isht anumpuli la he ak atok: anum-pa hopoyuksa ya he atuk keyu, yohmi hokma Klaist im ititaiyukhvna yvt nan ai ghla he keyu hoke.

18. Ititaiyukhvna isht anumpuli yokvt kvna hosh ilboshvt illa chi yvmmak o ik im ahobo yoke: amba okchaya chi pishno ak okvno Chihowa nan isht im ai ghli yoke.

19. Nan imponna isht a hopoyuksa yokvno okpvni la chi, mikmvt nan ithana nan isht akostininchi yano akshochi la chi, achi hosh holihiso hatok oke.

20. Katima yak o na-hopoyuksa yvt anta ho? katima yak o na-holissochi yvt anta ho? yakni ilvppa nan isht ai it i ponaklo yvto katima yak o maya ho? yakni ilvppa isht a hopoyuksa ya Chihowa hvto ik ahobalecho hatuk keyu?

21. Nan isht a hopoyuksa hosh Chihowa hvv nan atahli tok kia, yakni vt ilap hopoyuksa kak osh Chihowa ya isht ik ithano ma, vbanumpa isht anumpuli ik ahobo kia, kvna hosh yimmi hokvno mihi yo Chihowa hvv vhpesa, ahnit isht okchalnchi yoke.

22. Chu okla hvv nan isht atokowa asihghla, mikma na hopoyuksa yo Klik vto hohoyoshke:

23. Yohmi kia pishno vto Klaist ititaiyukhvna ai illi tok g isht il anumpohonli ka, Chu okla hokvno isht ai im ibetr-bli yokmvt, anonti Klik okvno nan ik im ahobo yoke;

24. Yohmi kia Chu okla, mikmvt Klik okla ita tuklo ka kanima hosh vhtoka hokvno mihi yo Chihowa nan isht im ai ghli, micha Chihowa nan isht im ahopoyuksa Klaist g isht il im anumpohonlishke.

25. Chihowa nan isht ik im ahobo yvt hatak okvno hopoyuksa kvv i shahli hoka; micha Chihowa yvt isht ik a hlampko ahoba kia hatak okvno hlampko kvv i shahli hoke.

26. Itibapishi li vhleha ma! hvchishno vto hvchi vhtoka hokvto yakni pakna a hopoyuksa yvt ik lauwo, nan isht ai ghli ishi kvv ik lauwo, hatak holidompa aiena kvv ik lauwo hosh vhtoka ka hvsh pistvshke:

27. Yohmi kvv ilap hopoyuksa ya hofahyala chi kvv

Chihowa hvt yakni ilvppa nana ik ahobo puta ka atokoli hatuk; micha nana hlampko yvmma hofahyala chj kvv yakni ilvppa ik a hlampko yv Chihowa hvt atokoli hatuk :

28. Mikmvt nana kvv yakni ilvppa ik a holitopo, micha nana kvv yvmma ik ai ahobo aiena ka, Chihowa hvt atokoli hatuk; ghli, yohmi kvv nana gsha tuk g akshocha chj kvv nana kvv iksho ke tuk g atokoli hatuk :

29. Yohmi hv hatak nana kia Chihowa itikba yg ai ila-ata he atuk keyu hoke.

30. Yohmi kia hvchishno vto yvmmak atuk mak v Klaist Chisvs g hvsh ibai achvfa ka yvmmak v Chihowa pulla kak v isht pi a hopoyuksa, micha isht pi ai vlvpiesa, micha isht pi a kashofa, micha isht pi ai vlbi yoke :

31. Yohmi ka holisso hatuk oka, Kvna kia ila-ata hokmvt, Chitokaka yak v isht ik ila-ata.

CHAPTER II

Vbanumpa isht anumpohonli ka Chihowa nan isht im ai ghli yosh ai ibafoyuka tuk g, Pal vt achi, l. 14 Im anukfila himona hatak keyu hokvto vbanumpa hv ik akostinincho.

1. **YOHMI** ka itibapishi li vvhleha mal kaniohmi kash hvchim ona li kvv, Chihowa isht atokowa yv hvchim anohonli la chj kvv, isht ahninja he anumpa hokma, keyukmvt isht ahninja he hopoyuksa hokma, nana hv isht hvchim gya li hatok keyu hoke.

2. Nana ka a hvchim ai ithvna la he ahni li hatok keyu, amba Chisvs Klaist, micha yvmmak osh ititaiyukhvna ai illi tok ak bano hatok ak oka.

3. Yohmi mvt isht a hlampko iksho, mihmvt komunta, micha wvnhinchi fehna hosh hvchin takla yg ahanta li tok.

4. Mihmvt anumpuli li, micha vbanumpa isht anumpuli li aiena kvv, hatak hopoyuksa nan isht yukpali anumpa hatok keyu, amba Shilombish, micha nan ghli yv otvvinchit isht anohonli li tok :

5. Yohmi ka na hvchi yimmi kvv hatak nan isht im a

hopoyuksa yo a minta chj hatok keyu, amba Chihowa nan isht ai ghli yak a he atok.

6. Yohmi kia vbanumpa ithana ghli yokvno na hopoyuksa yo isht il im anumpulishke: yohmi kia yakni ilvppa isht a hopoyuksa yak keyu; mikmvt yakni ilvppa i miko vhleha isht a hopoyuksa, yvmmak okvt ont ik ai iksho ka he ak atuk keyushke.

7. Yohmi kia Chihowa isht im a hopoyuksa yvmmvt luma hatok a yvmma isht pi a holitopa hi o, yakni vt ik tobo kisha ma, Chihowa hvv apesa tok ak o isht il anumpononlishke.

8. Yakni ilvppa i miko vhleha achvfa kia ilvppak ash ik ithano ki tok: okla ithana hatuk okmvt, a holitopa in Chitokaka ya ititaiyukhvna ai vba he atok keyu hoke.

9. Yohmi kia kvna hosh yvmma i hullo hokvno mihi yo Chihowa hvv nana ka im ataiyahli tok a, yvmmak oka hatak nishkin vt ik pesokma, anonti haksobish vt ik haklokma, hatak chukvsh ak kia ik anukfohko hoke, achi hosh holihiso hatuk oka.

10. Yohmi tok o Chihowa hvv ilap imi Shilombish pulla ho yvmmak ash isht a pim otvvinchi hatuk: Shilombish ak osh nana puta ka silhvit ithana hokvt, ghli, Chihowa nana im a kaniohmi a hofobi kak kia ai yvmohmi yoke.

11. Kva hosh hatak nana im a kaniohmi puta ka ithana cho? hatak shilombish yvmmvt ilapa anukfoyuka ak illa keyu? yvmmak i chohmi ho Chihowa nana im a kaniohmi puta ka hatak nana hosh ithana keyu ho, amba Chihowa imi Shilombish ak illa hoke.

12. Yohmi ka yakni nana isht ai im anukfila yo il ishi hatuk keyu, amba Chihowa hatuk mak o nana puta ka il ishi hatuk vt il ithana chj pulla hosh Shilombish Chihowa a minti ho il ishi hatuk oke.

13. Nana puta yvmma isht il anumpononli kvv yvmma hatak nan isht im a hopoyuksa yosh avvchi anumpa keyu, amba yvmmak oka Shilombish Holitopa yosh avvchi anumpa ho Shilombish nana im a kaniohmi ya Shilombish anukfoyuka vhleha ho il ithvnahanchishke.

14. Hatak chukvsh ik kashofo hokvto Chihowa imi Shilombish nana im a kaniohmi puta ka ik ithano yoke ; yvmmak okvt ilap a nana ik ahobo hokvt : mikmvt ithana he keyu, yvmmak ash o Shilombish osh avvchi hoka.

15. Yohmi ka kvna hosh Shilombish anukfoyuka hokvto nana puta ka anukfillit akostininchi, yohmi kia ilap okvno hatak nana hosh im akostininchi keyushke.

16. Kvta hosh Chitokaka im anukfila hq ithaiyana cha, mihi yosh nan im avvcha hinla cho? Yohmi kia pishno yokvto Klaist im anukfila yo il ieszvshke.

• CHAPTA III.

Pishukchi vt vlla chipunta yak o immi, 1 : 8 kaniohmi hq itakvshko a hatuk g haknip imma im anukfila hatuk vt otvni. 7 Kvna hosh hokchi, mikma kvna hosh oka o foechi itatuklo kvv nana keyu : 14 Chihowa ak osh wayachi. 16 Vbanumpuli yvt Chihowa in tempel ; 19 yakni nan isht ahopoyuksa yokvto Chihowa j nahopoyuksa keyu.

1. YOHMI ka itibapishi li vhleha ma! Shilombish anukfoyuka hq chohmichit hvchim anumpohonli la he keyu, amba haknip nan ai ahnit Klaist ibai achvfa vllasi yo hvchi chohmichi lishke.

2. Pishukchi yo isht hvch ipeta li tok, ilhpak kvlllo atok keyu ; tikba kamo isht a hvchim vlhpesa tok keyu kvv himonasi ak kia, isht a hvchim vlhpesa keyu momvshke.

3. Haknip nan ai ahni hvchia moma hoka itj potvno, micha itachowa anonti itj filamohli aiens kvv hvch itin takla aiasha hoka, haknip nan ai ahni mak o hvchia moma, micha hatak im anukfila yo chohmit hvsh itvnohova keyu ?

4. Hvsh kanima kvv, Vno vto Pal ai achvfa sia ; anonti inla mvt, Vno vto Apollos ai achvfa sia, hvsh achi hokvt haknip nan ai ahni hvchia mak o keyu ?

5. Yohmi ka kvta hosh Pal okmá, anonti kvta hosh Apollos o ? amba vbanumpa isht vta yvmmak atuk mak o hvsh moma ka Chitokaka yvt hvchi anukfohki tuk mak o, hvchi vimmi tuk oke.

6. Hatak moma kv̄t yohma he mak ǒ Chitokaka yvt a-pe-sa, tok ǒ, Uno ak osh na-hokchi li tok, Apollos vto eka on hlali tok; amba Chihowa yokvto offochi hatuk oke.

7. Yohmi ka kvna hosh hokchi, mikma kvna hosh oka isht ǒn hlali hokvto na kanihma he keyu, amba Chihowa yvmmak osh offochi yoke.

8. Yohmi ka kvna hosh na hokchi, anonti kvna hosh oka isht ǒn hlali ita tuklo kv̄t itibai achvfa yoke: yohmi ka mo-ma kv̄t ilap na toksvli isht ai v̄lhpiesvt v̄lhtoba ak illa hǒ isha hi oke.

9. Chihowa immi hosh itiba toksvli v̄hleha pia hoke. Chihowa nan im ahollokchi hvchia, micha aboha Chihowa hv̄t atahli tuk mak ǒ hvchia hoke.

10. Chihowa hv̄t ilap nan isht i kana yvmma vma tuk mak ǒ aboha ikbi imponna hopoyuksa yǒ chohmit in tolahpi yǒ bohli li hatuk; mihma inla yosh yvmmak ash ǒ ai itvb̄ni hoke. Yvmohmi hoka hatak moma kv̄t kanimihchit yvmmak ash ǒ ai itvb̄ni kv̄t ahah! ahnashke.

11. Intolahpi yvmmvt Chisvs Klaist, yvmmak osh itola ha ya, hatak nana hosh inla yǒ bohla he keyu hoka.

12. Yohmi ka hatak kvna kia intohlapi iluppa pakna yǒ tvli holisso lakna yokmá, tvli hvta yokmá, tvli ai v̄lbi chito yokmá, iti yokmá, hvshuk okmá, onush vpi yokmá, nana hǒ isht itvb̄ni tuk okmá;

13. Nana v̄lhtaha tuk aiyuka kv̄t otaiyana hi oke: nitak yvmmak osh otv̄nicha he, luak ǒ isht otaiyana hi oka; yvmohmi ka hatak ǒ im a toksvli aiyuka kv̄t kanihmi hatuk oh kia, luak osh imomaka pisa hi oke.

14. Yvmmak ash pakna ai itvb̄ni tuk ǒ hatak nana hosh atoksvli tuk ak ǒ ik okpulokma, mihi yosh nan v̄lhtoba yǒ isha hi oke.

15. Kvna hosh atahli tuk ǒ lua hokma, yvmmak osh i kv̄nivt ilv̄sha hi oke: yohmi kia ilap okvto okchaya he, yohmi kia luak ǒ a hlopulli kak inli hǒ chohma hi oke.

16. Chihowa in tempel hvchia, yohmi hatuk ǒ Chihowa imi Shilombish vt hvchia chukvt anta ka hvch ik ithano cho?

17. Kvna kia Chihowa in tempel a liteblikma, mihi yo Chihowa hvt ishit kancha he; Chihowa in tempel vt holitopa yoka, tempel yummak o hvchia hoke.

18. Kvna kia ik ile haksecho kia. Hvchi kanima hosh yakni ilvppa hopoyuksa ho ilahobikmvt, yummvt hopoyuksa chi kvt yakni ilvppa ik ahobo yo ik tobá,

19. Yakni ilvppa isht im a hopoyuksa yokto Chihowa ya isht ik im ahobo yoka. Yummak okvt hopoyuksa ya ilap nan isht imponna ak inli ho isht ishi yoke, achi hosh holisso tok oka.

20. Mihmvt anonti ataklanchi mvt, Chitokaka yvt hopoyuksa im anukfila puta, yummvt ai ghli ik ono ka ithaiyana hoke, achi tok.

21. Yvmohmi hoka kvna kia hatak puta ho isht ik ilauato kia, nana moma kvt hvchimmi hoka;

22. Pal ak okmá, keyukmvt Apollos, keyukmvt Sefas, keyukmvt yakni ilvppa, keyukmvt ilhfiopak okchaya, keyukmvt nan illi, keyukmvt nana kvt himonasi gsha, keyukmvt nana kvt gsha he moma kvt hvchimmi yoke.

23. Mikma hvchishno vto Klaist immi hvchia; mikma Klaist vt Chihowa immi hoke.

CHAPTA IV.

Kanohmit Klaist im vbanumpa isht vta ya il ahicha he tuk 1; 7 nana ka e habena tuk keyu kvt il i shi keyu. 9 Apostel vchievt yakni pakna ik ahobo yo isht vlpisa, 16 yummak o il im antia he tuk.

1. **KLAIST** in tishu vhleha, misha, nan ghli Chihowa hvt otvninchi tok puta nan im apesvchi vhleha mak o, oliyuhmichit hatak puta kvt isht pi anukfillashke.

2. Anonti nan apesvchi vhleha nan isht im vlpisa kvt hatak yummvt ai ghla hi ak oh chatuk oke.

3. Yohmi kia hvchishno, keyukmvt hatak mala nana kia nana ho isht hvs svn anukfillit hvsh apesa kia, uno yokto

yummvt vm iskitinosi fehna hoke; ghli vno ak inli kv̄t isht il anukfillit nan apesa li keyu hoke.

4. Uno ak inli kv̄t nana hō isht il akostininchi li keyu kv̄t; yohmi kak osh ilvppak o isht si ai v̄lhpiesa hi o keyu; amba kv̄na hosh nan isht si anukfillit apesa hokvto Chitokaka yak oke.

5. Yvmohmi hoka Chitokaka yvt ik lo kjs̄ha ka tikbalinchit nan isht anukfillit hv̄ch ik apeso kashke, yvmmak osh ai okhlilika ȳg nana kv̄t a luma puta tuk ḡ otv̄ninchikmvt, anonti chukvsh im anukfila puta hatuk ma haiakabaneha hi oke; yvmohmi ha ya hatak moma kv̄t nana ai isha he v̄lhpesa tuk vt Chihowa ȳg im ai isha hi oke.

6. Yohmi ka itibapishi li v̄hleha ma! yv̄nama puta kash hv̄chishno pulla hatuk mak o, vno, mikmvt Apollos, ita tuklo li kak o isht il onochi li: yohmi ka nana kv̄t holisso tok ḡ i shahlichit hatak o isht ik hv̄chim anukfilo hosh pishno ak o hv̄sh pim ai ithvnashke; yohmi hosh hv̄sh achvfona kia achvfa ka ish ile fehv̄chit, anonti achvfa ka hv̄ch ik i sanalo kashke.

7. Kv̄ta hosh hv̄ch iti shashohlichit hv̄chim apesa tok o? Nanta hō ish ishi hosh yv̄mma chik habeno tok o? yohmi ka ish habena hatuk mvt, nanta katiohmi hō chik habeno ke tuk ak inli hō chohmit isht ish ilauata cho?

8. Himak ano na hv̄chi fihopa, himak ano na hv̄chin laua, ik piksho hō mj̄kot hv̄sh m̄ȳvshke; yohmi ka hv̄sh mj̄ko hatuk o mv̄hli hokbano ahni li, yv̄mmak atuk mv̄no pishno ak kia e hv̄ch iba mj̄ka he atuk.

9. Illa he isht im v̄lhpisa kak o chohmit v̄banumpeshi ishtaiyopi pishno ḡ Chihowa hv̄t pi atokoli tuk ḡ vm ahoba hoka; yakni moma, mikmvt enchil v̄hleha, mikmvt hatak puta itikba a yopissa e toba tok oka.

10. Klaist atuk mak o ik pi ahobo ma, amba hv̄chishno vto Klaist ḡ isht hv̄chi a hopoyuksa hoke: ik pi hlampko ma, amba hv̄chishno vto hv̄chi hlampkoshke: hv̄chi holitopa ma, amba pishno vto ik pi holitoposhke.

11. Pi hohchahḡfot, pi tukshihniula, micha haknip bieka, mihma pi pvsahga; yohmi hō ai v̄tta ghli yvt ik pim iksho na ant himakvshke.

12. Mihmvt pishno pibbak ak inli hō isht toksahanli hosh ont pi a hoyublishke. Isht pi atukhlakahafa kia, i kanvt il anumpononlishke : pi palvmihinchi kia, vllpiesa il ahnishke.

13. Ik ahobalot na pi achi kia, i kana hosh il im anumpononlishke ; yakni pakna im a liteha ak inli hō a pi chiyuhmi, mikma nana moma isht liteha chukvlhpvsh ak o e chiyuhmi na ant himakvshke.

14. Hvchi hofahyali la he osh ilvppa puta ka holissochi li keyu, amba vm vlla g holitopa hvsh chiyuhmi kvv ahah l hvsh ahana chī kak o hvchī miha lishke.

15. Klaist nan isht ithvnanchi tahlepa sipokni pokoli hosh hvchim ai asha hoh kia, hvch iki vt ik lauwashke ; Klaist Chisvs osh nan apelvchi hō vbanumpa pulla hō isht hvchi tobachi li tuk oke.

16. Yvmohmi hokvt hvv siakaiya hi g hvchī miha lishke.

17. Ilvppa yakohmi kak o Timohlivs, svso g holitopa, Chitokaka im ai ghlit achukma yg pit hvchi kanchi li ka, mihi yosh kanima moma iksa a hiohli puta ka Klaist-isht avvchit, nana a kaniohmi li puta ka anolit hvchi anukfokhicha hi oke.

18. Yohmi ka ak hvchim ono ka he im ahobvt, hvsh kanimi kvv isht hvsh ilefehvvchishke.

19. Yohmi kia Chitokaka yvt vlhpesa ahnikma, chekosi hvchim ona la chī hoke : yohmi kvv ilefehvvchi vhleha hatuk yvmmak ash im anumpa hak a chī keyu, amba nan ai ghli yak o ithana la chī hoke.

20. Chihowa im apehliechika yokvt anumpa hō keyu, amba nan isht ai ghli yak oke.

21. Nanta hō hvsh ahni? fuli yokmá, keyukmvt i hullo, micha chukvsh im anukfila yohbi hokmá, nanta hō ieshi hosh hvchim ona la chī cho?

CHAPTA V.

Havi mvt Kolinhla hvch g ibvllkahvt mgya kak osh hofahyalichi, 1; 10 nan ibetvblichi okpulo yokvno hofahyalit kano pit kancha he vlhpesa.

1. ITIN lumaka yvt hvch itin takla ya gsha kvv anohwa fehna hoke; yohmi ka kvna kia iki tekchi atuk g itauwaya, nan itin lumaka chohmi kvv Chentail okla ak kia ai yvmohmi fehna chatuk keyu hoke.

2. Yohmi ka kvna hosh na yakohmi ka yvmihchi tuk vt hvch itin takla ya a filvmma chj ka, ik hvchi nukhako kish, isht hvsh ile fehvchishke.

3. Sa haknip okvno isht a hvchj filvmmi li mvhli; yohmi kia sa shilombish okvno isht hvch ibafokvt hvch itin takla ahanta li ka chohmit, kvna hosh na yakohmi ka yvmohmi tuk mihi yo nana im apesa li mashkoshke.

4, 5. Kanihmi ho pin Chitokaka Chisvs Klaist j hohchifo ho isht itvnavt hvsh chiyakma, sa shilombish vt a hvch iba foyuka na pin Chitokaka Chisvs Klaist nan isht im ai ghli pulla hatuk mak o, kvna hatuk ash haknip isht ai im ilvsha tok osh Chitokaka Chisvs Klaist j nitak vla hokvno imi Shilombish okvto okchaya chj ka, Setan ak o hvsh im issashke.

6. Nan isht hvsh ilauata ka ik achukmashke. Nan isht shatvmmi iskvtnosi kia na yvmvaska moma ka yvmmichi ka hvch ik ithano cho?

7. Yvmohmi ka ik yvmmo hvchia hokvt, na yvmvaska himona mak o hvchia ha chj kvv, nan isht shatvmmi tikba yash isht ile filvmmichit hvsh kanchashke. Klaist vt na pim vbanvblit ont ia yvt vltobvt illi tok oka.

8. Yvmohmi hoka impa holitopa isht kiloh ai ashá; yohmi kvv nan isht shatvmmi tikba yash o keyu, mikmvv isht itj nukkilli, micha nan ik ai vlhpeso aiena ka isht shatvmmi yak o keyu, amba nan ilahobi keyu hosh ai ghli j pvvka ik shatvmmo yak ashke.

9. Itin lumaka vhleha ha hvch ik itiba chvfo ka chj ho, holisso ha hvchj holissochi li tuk oke.

10. Yohmi kak osh yakni ilvppa ai itin lumaka vhleha, mikmvv nan anushkunna atampa vhleha, micha na wehpuli vhleha, mikmvv na holvvt toba aiokpvchi vhleha aiena ka hvch ik itvpeho kvvohma he ak atok keyu; yohmi hokmvv yakni ya hvsh a kohcha he ak osh hvchim vlhpesa hoka.

11. Yohmi tok kia kvna hosh itibapishi hohchifo hatuk vt itin lumaka, keyukmvt nan anushkunna atampa, keyukmvt na holbut toba aiokpvchi, keyukmvt inla isht itukhlakafa, keyukmvt oka homi ishko, keyukmvt na wehpuli okma, nana hokvno hvch ik itibai achvfokmvt, yvmma chohmi kash impa kia hvch ik itibai impo ka hi o himak a hvchi holissochi lishke.

12. Kvna hosh iksa ibafohka yatuk keyu yvmmak kia nanta ho isht im apesa la he vhpesa ho? iksa ibafohka yvmmak atuk okvno hvsh im apesa keyu ho?

13. Amba kvna hosh iksa ibafohka keyu hokvno Chihowa yosh nan im apesa yoke. Yvmohmi hoka hatak nan ashvchi yvmmak ash ai il i fikvmmichit hvsh kanchashke.

CHAPTER VI.

Vbanumpuli vt nan vhpisa isht it onocha he keyu, 1; 9 nan ik vhpeso vto vba apelihchi ka ai ahanta he keyu. 15 Hvpi haknip vt Klaist a ibachvfa, 19 mikmvt Shilombish Holitopa in tempel oke.

1. HUSH kanimi kut inla ya nana hvsh iti kaniohmikmvt, nan ik vhpeso itikba yo ont nana hvchim vhpisa hi osh hvsh ahni cha, amba na yimmi vhleha itikba yokvno keyu ka hinla hatuk o?

2. Na yimmi vhleha hvv yakni moma nan im apesa hi a hvch ik ithano cho? yohmi ka yakni a nan hvsh im apesa hi okmvt, nana kut iskvtnosi hokvno hvsh apesa he hvchi vhpesa keyu ho?

3. Enchil vhleha ha nan iloh im apesa hi a hvchik ithano cho? yohmi hokvt okchaya ilvppa nana im a kaniohmi yokak heno il i shaiyahlichich fehna hinla keyu ho?

4. Yohmi ka okchaya ilvppa nana im a kaniohmi yo nan isht hvchim vhpisa chi hokmvt, kvna hosh iksa im a holi-topa keyu mihi yosh na hvchim apesa chi ka, hvsh atokoli chatuk oh cho?

5. Hvchi hofahya chi ho hvchim anumpuli lishke. Hatak hopoyuksa kut hvch itin takla ya iksho ho? achvfa kia

itibapishi vhleha nan itj kaniohmi ka im apesa he keyu kut iksho hq? yohmi ho mvhli hq?

6. Yohmi kia itibapishi achufa kut itibapishi atuk g anumpa onochi cha, nan ik yimmo vhleha itikba yq nana im vlpisa chi kut ohonvshke.

7. Yomohmi hoka himonasi kia anumpa itonochit nan im vlpisvt hvsh maya hokvt, nana hvsh ashvchi fehnvshke. Nanta katiohmi hq nan ik vlpeso ka hvchi onocha he hvch ik im ahno hosh? nanta katiohmi hq nana ka ik vlpesachot hvchim isha hi g vlpesa hvchik im ahno hosh?

8. Yohmi keyu, amba hvch itibapishi ak kia ai vlpiesa keyu hq na hvsh im ishi kut, nan hvsh ashvchi hoke.

9. Ik vlpeso vhleha hokvt Chihowa im apelihika yvt ai immi ha he vlpesa keyu ka hvch ik ithano cho? hvch ik ile haksecho kashke; itin lumaka vhleha, naholvt toba aiokpvchi vhleha, micha haui vhleha, micha nakni haui vhleha, mjcha nakni bika iti hauichi vhleha,

10. Micha hukopa vhleha, micha nan anushkunna atampa vhleha, micha oka homi ishko vhleha, micha inla isht itukhlakafa vhleha, micha na wehpuli vhleha, aiena hokvno Chihowa im apelihika yvt ai immi toba he vlpesa keyu hoke.

11. Yohmi ka hvsh kanimi kut yvmma chohmi hvchia hatuk oke. Yohmi tuk kia hvchi ahchifa hatuk, mihmvt hvchi kashofa hatuk, yohmi kut Chihowa imi Shilombish pulla hq Chitokaka Chisvs i hohchifo hq isht a hvchi vlpiesa hoke.

12. Nana puta kut isht vm ai vlpesa, yohmi kia nana puta kut isht vm ai achukma keyu; nana puta kut isht vm ai vlpesa, yohmi kia yvmma kanima kak oh kia i yuka la he keyu hoke.

13. Il impa hvvt takoba yak q immi hoh chatuk oke, mikma takoba yato ilimpa hak q ai immi hoh chatuk oke: yohmi kia yvmmak ash q it aieninchit Chihowa hvvt ikshokecha chi hoke. Yohmi ka haknip okvt haui yak q ai im vlpisa keyu, amba Chitokaka yak oke: yohmikma Chitokaka yvt haknip g nan im atahli yoke.

14. Yohmi kut Chihowa hvvt Chitokaka yq tanichi hatuk

okvt anonti pishno g ilap nan isht im ai ghli yo isht pi tani-
cha he ak inli hoke.

15. Yohmi ka hvchi haknip vt Klaist g ai it immi hg hvch
ik ithano cho? yohmi hatuk g Klaist g ai it immi hash ishi
lish, anonti haui yo ai it immichi la chj cho? ik yvmohmo
pullashke.

16. Yakeh! kvna hoh kia haui yo ibafohka kv, yvmmvt
haknip achvfa ka hvch ik ithano cho? tuklo tuk kia haknip
achvfa toba hi oke, achi hoka.

17. Amba kvna hosh Chitokaka ak o ibafokkaktvt, shi-
lombish achvfa hoke.

18. Haui ya ili filvmmichit hvsh m lelashke. Kvna kia
nan ai ashvchika moma ka yvmihchi hokvto, haknip okvno
nana kanihchi keyu hoke: amba kvna hosh itin lumaka ho-
kvto, ilap haknip ak inli ho okpanit nan ashvchi hoke.

19. Yakeh! hvchi haknip vt Shilombish Holitopa mihi
yosh hvchi afoka, yvmmak osh Chihowa a minti ho hvsh
ieshi, yvmmak o in tempel hvchia hosh, hvchishno ak inli
kvno keyu kv hvch ik ithano cho?

20. Nan ai vlli ho isht hvsh ai vlhtoba hatok: yvmohmi ho-
kv hvchi haknip, micha hvch imi shilombish, yvmmak okvt
Chihowa immi hoka, Chihowa ya isht hvsh holitoblashke.

CHAPTA VII.

Nan itauwaya imma ka miha, 1; 4 mikvt ik itj lumako ka hi g itau-
waya hi g miha: 10 nan itauwaya kvt pilla ik ahobot itimokofa
he keyu: 18 moma kvt ilap nan im vlhpisa kvt vlhpesa ahnit ahi
kia he; 25 ohoyo himithoa itauwaya ka nan isht anumpuli.

1. YUMOHMI ka nana ka hvsh sa holissochi tok imma
kak oke. Hatak vt ohoyo hg ik potolo kak osh im achukma
hoke.

2. Yvmohmi kia itin lumaka iksho ka chj kak o, hatak
moma kvt ilap tekchi ak inli ho ieszikma, anonti ohoyo mo-
ma kvt i hatak ak inli ho ieszashke.

3. I hatak vt ohoyo hg isht ai im vlhpesa ka imashke:
mikma tekchi atuk ak kia i hatak g mihinlohimchashke.

4. Tekchi vt ilap haknip ak o immi ho keyu, amba i hatak ak oke; mikma i hatak ak kia mihi yo chohmit ilap haknip a immi keyu, amba tekchi ak oke.

5. Isht im ai vlhpiesa hatuk ash hvch ik it im esho kashke, amba anumpa ilbvsha hvsh anumpuli fehna chi hosh chekosi itin takla yo hvsh it im ahni hok mak ashke; atuk osh nan isht il ai oktambli ik hvchim iksho ki Setan vt imomaka hvchi pisa hinla ka, atuklant hvsh it im onashke.

6. Yohmi kia vno nana vm anukfila hosh ilvppa isht hvchim anumpuli lishke, yohmi kvv nana isht vm vlhpisa tuk keyu hoke.

7. Hatak puta kvv vno ak inli chiyuhma he ak o ahni lishke. Yohmi kia hatak moma kvv Chihowa i nan hvlbina ya isht im vlhpiesa cha, achvfa kvv ilvppak o isht ai im vlhpiesakma, anonti inla yvt yvmmak o isht im vlhpiesa yoke.

8. Yvmohmi ka nan ik itauwayo kisha, micha i hatak illi vhleha aiena kvv, Vno ak inli chohmit maya hinla hokmvto, im achukmvshke, achi lishke.

9. Yohmi kia okla il oktampala he keyu mvto, okla itauwayashke: itauwaya kak osh lua hi a im i shahli hoke.

10. Anonti itauwaya vhleha hokvno im apesa lishke; yohmi kia vno ak keyu, amba Chitokaka yak oke; Tekchi atuk vt i hatak atuk a ik i filvmmo kashke.

11. Yohmi kia anonti tekchi atuk vt filvmmi hokmvto, inla ik auwayo hosh antashke: keyukmvv i hatak atuk ash o i kanvv i falamashke; mikma i hatak vt tekchi a ik kancho kashke.

12. Yohmi ka inlaka yano vno ak osh anumpuli li, Chitokaka yak keyu; iloh itibapishi kvna kia tekchi ik yimmo, yohmi kia yvmmak ash o awant anta kvv im achukmakma, yvma ik kancho kashke.

13. Anonti ohoyo hvv i hatak osh ik yimmo, yohmi kia yvmmak ash awant anta kvv im achukmakma, yvma ik kancho kashke.

14. I hatak vt ik yimmo yvt tekchi atuk pulla mak o isht im a kashofa yoke; mikma tekchi nan ik yimmo yvt i hatak atuk mak o isht im a kashofa yoke; yvmmak keyukma hv-

chima vha yvt ik kashofo ka he tuk; amba himak ano holi-
topa hoke.

15. Yohmi kia ik yimmo yvt filummi hokmvt, filummit
ayashke. Yvmma chohmi hokvno il itibapishi yokmá, pin
tek okmá, nana hash osh i yuka he keyushke; yohmi ka
Chihowa hvto itj nanaiya he ak o pi atokli tuk oke.

16. Tekchi chia ma! ehj hatak g ish okchalinchikmá nana
chj kvv nanta ish ithana eho? mikma hatak ehia ma! chi
takchi g ish okchalinchikmá, nana chj kvv katiohmit ish ithana
eho?

17. Yohmi kia Chihowa hvv kaniohmichit hatak moma ka
j hopehinla hatuk, Chihowa yvt moma achvfalechit atokoli
tok; yohmi hoka yvmmak o ik ai itvnowá. Yohmi ka
chvch hiohli moma ai yvmohma chj mak o apihisa lishke.

18. Kvna kia hakshup tupa yvt vbanumpa nukfohka ho?
Yohmi hokmvt hakshup ik tapo yo ik tobo kashke. Kvna
kia hakshup ik tapo yosh vbanumpa nukfohka ho? yohmi
hokmvt hakshup tupa keyu kashke.

19. Hakshup tupa yokvto nana keyu, mikma hakshup ik
tapo yokvt nana keyu, amba Chihowa j nan vhpisa holito-
hombli kak oke.

20. Hatak moma kvv kaniohmit antet vbanumpa anak-
fohka tuk vt, yvmmak inli ho anakfoyakvt isht ahantashke.

21. Yuka chia hosh vbanumpa chi nukfohka ho? yohmi
hokmvt na yohmi chik ahno kashke; yohmi kia yuka keyu
ish toba hinla hokmvt, yvmmak o ish yvmaibehashke.

22. Kvna hoh kia yuka hosh Chitokaka isht anakfoyu-
kakma, mihi yosh Chitokaka immi yuka keyu hoke; yvmaak
ash inli ho chohmit kvna hosh yuka keyu yosh vbanumpa
anakfohkakmvt, mihi yosh Klaist in tishu yokvt.

23. Nan ai vlli yo hvsh ai vlbj hatuk; hatak j yuka ho
hvchia keyu kashke.

24. Itibapishi li vhleha ma! hatak moma kvv kanima yo
hikivt anakfohka tuk mvt, Chihowa im antihjyvt yvmmak inli
ho antashke.

25. Yvmohmi ka ohoyo himithoa hatak haleli keyu vhleha
izama kak a he tuk okvno Chitokaka j nan vhpisa yvt ik

svm ikshoshke: yohmi kia ai ghla chi hosh Chitokaka nan isht j nukhgklo abayuchi tuk mak o, chohmit vno vm anuk-fila hg ima lishke.

26. Yohmi kia himonasi yokvno nan isht palvmmi ak atuk mak o ilvppak okvt achukma, ahni li; na yakohmi ka hatak vt yohmi kak o achukma, achi lishke.

27. Tekchi g ish a talaiyakchi hq? j holhtoyufa he, chik ahno kashke. Chi tekchi g ish j holhtoyufa hq? tekchi g chik hoyo kashke.

28. Yohmi kia anonti ish itauwaya hokmvt nana ish ashv-chi tuk keyu hoke: mikma ohoyo himita hatak haleli keyu yosh hatak auwaya hokmvt, nan ashvchi tuk keyu hoke. Yvmohmi ak inli kia yvmma chohmi kvv haknip nan isht ik im vhpieso ka he; yohmi kia hvchi kanvt nana kaniohma hi okvno ak hvchim anoloshke.

29. Yohmi ka itibapishi li vhleha ma! ilvppak o achi lishke: nitak vt ik falaio yosh takanli hoke; tekchi im gsha vhleha yatuk vt, ik im iksho chiyuhmashke.

30. Mikma kvna hosh yaiya kia, yaiya tuk keyu chiyuh-mashke; mikma kvna hosh yukpa kia, yukpa tuk keyu chi-yuhmashke; mikma kvna hosh chumpa kia, ik esho ke tuk chiyumashke.

31. Mikma kvna hosh yakni ilvppa nan isht ai ahanta kia, ik vhpesachot ahanta ik chiyuhmo kashke. Yakni ilvppa nana a kaniohmi yokvto ont ikshot jhiya hoka.

32. Yohmi hoka nan isht im anukfilvt ik hvchi komunto ka he ak o hvchim ai ahni lishke. Kvna hosh itauwaya keyu hokvto, kaniohmit Chitokaka yg yukpala chi kvv, nana kvv Chitokaka ai immi hak o anukfihinli hoke.

33. Amba kvna hosh itauwaya yokvto, kaniohmit tekchi g yukpala chi kvv, nana kvv yakni ai immi hak o anukfihinli hoke.

34. Hatak im gsha, mikmvt ohoyo himita hatak haleli keyu hokvto, it im inla hoke: ohoyo hatak auwaya keyu hokvto ilap haknip, micha im anukfila ita tuklo ka isht ik ashvcho ka chi kvv, nana kvv Chitokaka ai immi hak o anuk-fihinli hoke: amba hatak im gsha yokvto, kaniohmit j hatak yukpala chi kvv, nana kvv yakni ai immi hak o anukfihinli hoka.

35. Yohmi ka hvchishno isht ai hvchim vlhpesa hi q iltpa anumpuli lishke : yohmi kv̄t nan isht ataklv̄ma yō isht hv̄chi onochi la ch̄i hatuk keyu ; amba nana kv̄t ai vlhpiesa kak atuk ; yohmi ka nan isht fitekv̄chi ik im ikshot, Chitokaka ya im antihyv̄t nan isht hv̄sh im ahantashke.

36. Yohmi ka hatak kv̄na hosh ilap ushetik hatak haleli keyu hatuk q ilap inli hosh ik vlhpesalo kv̄t anukfillikm̄vt, yummak ash osh hofantit taha ha ya tuk okma, anonti yvmohma he vlhpesa hoka, nana hō iki ash osh ahnikm̄vt nanashv̄chi keyu hokvt, yvmihchashke : yohmi hō hatak auwayashke.

37. Yvmohmi kia yvmohma he vlhpesa keyu hokmv̄no, iki ash osh ilap chukv̄sh isht ile kv̄llochit ilap nan ahni hosh ghlich̄a hinla hosh, anonti yakohmashke, ahnit ilap chukv̄sh q anukfoyuki hokm̄vt, ushetik hatak haleli keyu kash ot imoma hosh im anta he ahnikm̄vt, vlhpesa hō yvmihchi hoke.

38. Yvmohmi hoka kv̄na hosh ushetik hatak haleli keyu hā hatak auwayv̄chi kv̄t vlhpesa hō yvmihchi hoke ; yohmi kia kv̄na hosh ushetik hatak haleli keyu ya hatak auwayachi keyu kak osh, vlhpesa kv̄t i shahli hō yvmihchi hoke.

39. I hatak vt okchaya moyuma ka tekchi vt nan vlhpisa pulla hō isht a talaiyakchi hoke ; yohmi tuk kia i hatak ash osh illi hokmv̄no, Chitokaka immi kv̄na hoh kia ahnikm̄vt, auwaya hi vt i holhtofa hoke.

40. Yohmi ka Chihowa imi Shilombish vt a si anukfoyuka ak inli ka vm ahoba hoka, vno vm anukfila hā yummak ash osh iakaiyv̄t peh anta hokm̄vt, yummvt yukpa kv̄t i shahli hoke.

CHAPTA VIII.

Naholbvt toba puta ka nan isht aiokpv̄chi ka isht anumpuli, 1 ; 9 kv̄na kia na kil ibetv̄blich̄o kashke.

1. YOHMI ka na holbvt toba isht aiokpv̄chit nana ka im issa tok imma hokv̄no, nana ka iloh ithaiyana kv̄t il

ithanvshke. Nan ithana yvt ile chahvchi, amba nan i hullo yokuto nan achukmali yoke.

2. Yohmi ka kvna kia nana ka ithana im ahoba hokmvt, nana ka kaniohmit ithana he tuk ash osh ik ithano kisha hoke.

3. Amba kvna hosh Chihowa ya i hullokma, mihi yosh yvmma im a holitopa hoke.

4. Na holbt toba puta isht aiokpochit nana ka im issa tok yvmmak o vpa hatuk imma tok okvno, na holbt toba yvt yakni pakna ya nana ho keyu; micha Chihowa inla yvt iksho, amba achvfa kak illa ka iloh ithanvshke.

5. I shahli hohchifo kvt ai asha kvt vba shutik ak okma, keyukmvt yakni pakna yak okma, nana ho ai asha kvt, i shahli hvv laua cha, anonti chitokaka mvt laua hoke.

6. Amba pishno yokvno Chihowa achvfa, Iki, yvmmak osh nan ai ahni pulla ho nana moma kvv toba hoke; mikma pishno vt yvmmak o immi pia hi osh il in toba hoke; mikma Chitokaka Chisvs Klaiat achvfa yvmmak atuk mak o nana moma kvv ai asha, mikma pishno mvt yvmmak atuk mak o il ai ashvshke.

7. Yohmi kia nan isht ithaiyana yash hatak moyuma ka anukfoyuka keyushke: kanimi kvv na holbt toba ya nana ho chohmichit isht ai i yimmi cha, na holbt toba yash nana ho im issa tuk ash o yvmmak o ai vpvv mgya na ant himakvshke: yohmi mvt nan isht il ai akostininchi yvt ik ono hatuk osh ai okpuloka hoke.

8. Yohmi ka il impa hatuk mak o Chihowa hvv pi ahninchi ho keyu: il impa hoh kia, kaniohmit il i shahli keyu hoka; mikmvt kil impo kia kil a lauwo keyu hoke.

9. Yohmi kia ahah! hvsh ahni na na hvsh a kaniohma he vlvpesa ilvppak ash ot kvna hosh ik hlampko, yvmmak ash o ibetvblichi yo ik kaniohmi kia ik tobo kashke.

10. Kvna chia hosh nana hash isht ithaiyana kia, na holbt toba in tempel anukaka ya ish ai impa na kvna hosh chi piesakmvt, yvmvvt nan isht il akostininchi hvv ik hlampko hatuk okmvt, na holbt toba nana ho im issa tok yvmmaks ash o vpa hi vt i shahlit anukfoka keyu ka hinla ho?

11. Yohmi ka nana ish ithana pulla tuk ash o chitibapishi ik hlampko yummak o Klaist vltobvt illi tok a ai okpuloka chi cho ?

12. Yohmi ka hvsh itibapishi vhleha ha yakohmiechit hvsh im ashvchi cha, nan isht il akostininchi ik hlampko yash hvsh hotopali kv, Klaist ak o hvsh im ashvchi hoke.

13. Yvmohmi ka ilhpak vt itibapishi li ha ibetvblichi hokma, itibapishi li hash ak ibetvblecho ka chi kv, yakni vt talaia moma ka nipi nana kia vpa la he keyu hoke.

CHAPTA IX.

Vbanumpa isht vta yvt nan isht il apelacha hi okvno im atahla he otvninchi, 1: 18 yohmi kia ilap vt kvna kia nana ka iwekechi tok keyu. 21 Okchayvt il anta ilvppvt nan iti timiya pulhki ho chohmi.

1. APOSTEL sia keyu ho? yuka keyu sia keyu ho? pin Chitokaka Chisus Klaist a pisa li tuk keyu ho? Chitokaka hvsh ibai achvfa ka yummvt na hvchi atahli li tuk mak keyu ?

2. Inla yokvno im apostel sia keyu hok mak heto, hvchishno yokvno hvchim vbanumpeshi sia mvhlishke: Chitokaka hvsh ibai achvfa kak osh vbanumpeshi si vltoka hatuk a isht ghlichhi hvchia hoke.

3. Kvna hosh ik yimmot si a ponaklo tuk yumma im afalaminchi li ka ilvppak oke ;

4. Impa, micha nan ishko ita tuklo kv isht a pim vlpiesa keyu ho ?

5. Ohoyo pin tek a ilaelit aya kv, apostel inla vhleha, mikmvt Chitokaka itibapishi vhleha, micha Sefas aiena ka chohmit pim ohoyo, pin tek a ilaelit il aya hi vt pim vlpiesa keyu ho ?

6. Yohmikmvt Banabas ita tuklo li kak bano hosh ke toksulo ka hi vt pim vlpiesa keyu ho ?

7. Kvta hosh kaniohmi hoh kia itotinowa kv ilap inli hosh nan i kvnia ho? kvta hosh pakvpi a hollokchi ya ikbi tuk vt, yumma nan ai vni ka ai vpa keyu ho? keyukma

kṛta hosh nan v̄lhpōba apistikeli kv̄t anonti nan v̄lhpōba yā
ī pishukchi yā ik ishko ka hinlā ?

8. Hatak ō chohmit ilvppa puta ka achi li hō ? v̄ba nan
v̄lhpisa yak kia yvmmak inli hō achi ak inli keyu hō ?

9. Wak toksvli yvmmvt na nihechi ka, Itakha yā chik
takcho kashke, achi hosh Moses ī nan v̄lhpisa yā holisso
hoke. Chitokaka yvt wak toksvli yā nan im atahli hō ?

10. Yohmi ka pishno ak illa puyulla hatuk mak ō achi
tok ō ? pishno puyulla mv̄hli hatuk mak ō ilvppvt holisso
hatuk : yohmi ka kv̄na hosh yakni patv̄ffi kv̄t, nawaya pisa
he ahni hosh yakni patv̄ffashke ; mikma nan isht ilai yukpa
pisa he ahni hosh kv̄na kia nanihechi kv̄t, na pisa he ahni
tuk ak ō ibai isha hi oke.

11. Nana kv̄t shilombish imma kō e hv̄chim a hokchi
hatuk okma, nana kv̄t haknip ahalaia imma e hv̄chim ai
v̄ma ch̄i ka, nana kv̄t a fehna hō ?

12. Inla yvt ilvppa hv̄ch ibai isha hi vt v̄lhpesa hokma,
pishno yokak heto isht a pim v̄lhpiesa keyu hō ? yohmi kia
nana v̄lhpesa ahnit ilvppak ash ō isht kil il apelacho hatuk :
amba Klaist im v̄banumpa hā kil ataklammo ka ch̄i kv̄t,
nana moma ka ik yvmohmī il ahni hoke.

13. Kv̄na kia nana kv̄t holitopa imma kak ō isht vtta kv̄t,
yvmmvt nana kv̄t tempel ā ai immi hak ō ai v̄pa ; mikma
kv̄na hosh alta yā nan isht ai vtta kv̄t, yvmmvt alta yā nan
ai ibai ishi ka hv̄ch ik ithano cho ?

14. Yvmmak inli hō chohmit kv̄na hosh v̄banumpa isht
anumpuli kv̄t, yvmmvt v̄banumpa hā ai isht il apelacha hi
ō, Chitokaka yvt apesa tok.

15. Yohmi kia ilvppa puta kash achv̄fona kia isht il
apelachi li tuk keyu : yohmi mvt nana kv̄t v̄m ai yvmohma
ch̄i kv̄t ilvppa puta kash holissohonchi li tuk keyu : kv̄na
kia nan isht il a holitopa li yā ik ahobalecho ka he atuk ā,
illi kak osh achukma kv̄t yvmma v̄m ī shahliskke.

16. V̄banumpa isht anumpohonli li hoh kia, nan isht il
aholitopa la hi vt ik sv̄m iksho kamohmishke : nana kv̄t ai
v̄lhpiesa mak osh si onvtuyula hoka ; āhli, v̄banumpa hā
isht anumpohonli li keyukmvt, nan v̄m a palv̄mmi hoke.

17. Ahmi li hok mak osh ilvppa yvntohmi li hokvvt, nan vlhtoba kia ieshi li hoke; amba ak ahno hok mak osh ilvppa yvmihchi li hoh kia, vbanumpa isht ai vtta hi okvto si vlhtokowa hatuk oke.

18. Yohmi ka nanta hosh nan isht vm vlhtoba yo? ahli, vbanumpa ho isht anumpohonli li kvv, Klaist im vbanumpa hash nan ak ai illecho ka chi hatuk; yokmi hokvt vbanumpa isht vm ai vlhpiesa hatuk a ak vlhpesacho ka hi o keyushke.

19. Achvfona kia i yuka sia keyu, yohmi kia i shahlichit asitvbi la chi kvv, vno ak inli hosh moma ka il im i yukahanchi li hoke.

20. Yohmi hokvt Chu okla ha asitvbi la chi kvv, Chu okla hokvno Chu ak inli ho toba li hatuk; mihmvv kva hosh nan vlhpisa ya ai i nutaka atuk a asitvbi la chi kvv, nan vlhpisa ai i nutaka hokvno nan vlhpisa ai i nutaka ak inli ho toba li hatuk;

21. Kva hosh nan vlhpisa a keyu ka asitvbi la chi kvv, nan vlhpisa a keyu hokvno nan vlhpisa a keyu ak inli ho toba li hatuk; yohmi kia nan vlhpisa ik im ikshot Chihowa ik im antio ka hi o keyu, Klaist i nan vlhpisa yosh onvtu-yula hoka.

22. Ik hlampko ya asitvbi la chi kvv, ik hlampko hokvno ik hlampko ak inli ho toba li hatuk; yohmi kvv ik kaniohmi kia kanimi ka okchalnchi la chi kvv, hatak moma ka nana moma ka in toba li hoke.

23. Yohmi kvv vbanumpa ha hvch ibai ishi la chi kvv, vbanumpa pulla kak o ilvppa yakohmi li hoke.

24. Kva hosh ai itin timiya ai yihlepa chi hatuk okvt, moma kak osh yihlepa kia, nan isht a holitopa hi okvno achvfa bane hosh ishi ehatuk a hvch ik ithano cho? Nan isht a holitopa hi ya hvsh isha chi kvv, yvmmak inli ho ehohmit hvsh malelashke.

25. Yohmi ka hatak moma kvv i shahlichia he ahnit ile hushummi hokvto, yvmmavv nana moma ka il si oktampli hoke. Yohmi kvv iachuka okpula hi o isha chi kvv, okla ilvppak o yakohmi hoke: pishno yokvto nan okpula he keyu kak oke.

26. Yvmohmi hoka ik im ai ono keyut, yakohmit malihinli lishke: kva hosh mahli hō ihisso hō chohmi keyut, itihimbi lishke.

27. Yohmi kv̄t sa haknip imaiyachi li, yohmi mv̄t yukahanchi lishke: yvmmak keyukmv̄t ik kaniohmi kia inla yā vbanumpa isht im anumpohonli li haya tuk vt, vno ak inli kak osh ak ai ghlo ka hinla hoke.

CHAPTA X.

Chu okla nan isht im v̄hpisa holitopa, 1. 7 Chu okla nan isht im apalv̄mi tok ā nan isht il ithana he tuk. 21 Chitokaka im ai impa yā Setan o im ai impa kiloh ikbo kashke. 24 Il itibapishi im anukfila hā il itim ahnicha he tok.

1. YAKOHMI ka itibapishi li v̄hleha ma! pin tikba v̄hleha hv̄t kaniohmit moma kv̄t hoshonti hā ai ī nutakvt ayvt, anonti momvt okhv̄ta hō a hlopulli tok ā hv̄ch ik ithano ka hi ā, hv̄chim ai ahni li keyushke.

2. Yohmi ka Moses ā im antia chī kv̄t hoshonti, micha okhv̄ta ita tuklo kash o isht a baptismo tok.

3. Mihma il impa shilombish imma a miha ohv̄fa hō momvt vpa tok.

4. Mihmv̄t nan ishko shilombish imma a miha chv̄fa hō momvt ishko tok. Tv̄li chito shilombish imma yvmmak ash okla ai ishko tok ā yvmmak ash ot iakaiya tok oka; yohmi ma Tv̄li chito yvmmv̄t Klaist mak atok oke.

5. Yohmi kia yv̄mma kashampa laua ka Chihowa yvt isht ik ī ahno fehna tok; illit yakni haiaka yā okla a fimimpa tok oka.

6. Yohmi ka nana yakohmi kv̄t nan isht a pim v̄lv̄v̄cha hi atuk; yvmohmi hokvt okla nan anushkunna tok ak inli hō chokmit nan ik v̄hpeso puta ka kil anushkunno ka he atuk oke.

7. Okla hv̄t binohmayvt impvt, nan ishkot wakaya cha, a hihlv̄v̄chi tok, achi kv̄t holisso hoka; kanima kv̄t yohmi hatok ā chohmit nan holv̄t toba aiokpv̄chi hv̄chia keyu kashke.

8. Mihmvt kanimi kv̄t itinlum̄aka tuk osh, nitak achvfa ka tahlepa sipokni pokoli tuklo akocha tuchinv̄t ak-akoha tok vhleha h̄a chohmit kil itinlum̄ako kashke.

9. Mihmvt kanimi kv̄t Klaist imomaka pisa tuk osh, sinti ̄o isht ai illi tok vhleha h̄a chohmit Klaist a imomaka ke peso kashke.

10. Mihmvt kanimi kv̄t ik im vlhp̄esot na mihachi tuk osh, nan okp̄v̄ni ̄o isht ai okpuloka tok vhleha h̄a chohmit, na hv̄ch ik mihacho kashke.

11. Yohmi ka isht a pim vlv̄v̄cha hi ̄a ilv̄ppa puyuta kv̄t yvm̄mak ash ̄o ai i yvm̄ohmi tok: yohmi tuk osh yvm̄mak atok vt isht a pim achukma ch̄i mak ̄o holisso ma, yakni ont ai vhli hv̄t pishno ak ̄o pim vlv̄shke.

12. Yvm̄ohmi hoka kv̄na hosh, Hik̄ia li, ahni kv̄t, mihi yosh ik itulo ka ch̄i kv̄t ahah! ahnashke.

13. Nana imomaka pisa nana hosh hv̄chi onvtula he keyu; amba hatak moma ka ai onvtuyula chatuk chohmi kv̄t yvm̄mak oke; yohmi kia Chihowa yvt ai ̄ahli, yvm̄mvt nan hv̄sh a lauecha he ont ia hokv̄no imomaka hv̄chi pisa hi ̄a ahna he keyu hoke; amba yvm̄mak ash hv̄sh a lauecha ch̄i ka nana imomaka pisa yvt hv̄chi ontuyulakma, a hlakofa he at̄aya ya hv̄chim ikba he ak inli hoke.

14. Yvm̄ohmi hoka ̄a kana ̄a holitopa vhleha ma! na holbtv̄t toba ai okp̄v̄chi hv̄sh i filv̄mmashke.

15. Hatak hopoyuksa ȳo hv̄chi chohmichit anumpuli lishke; nana h̄o achi li ka anukfillit hv̄sh akostininchashke.

16. Isht ishko holitopa mihi ȳo Chihowa isht il aiokp̄v̄chi kv̄t, yvm̄mvt Klaist im issish ̄a isht itibai ishi keyu h̄o? Pvska e boshullichi ka, yvm̄mvt Klaist haknip ̄a isht itibai ishi keyu h̄o?

17. Pishno vt pi laua kia, pvska achvfa, anonti haknip achvfa pia hoke; pvska achvfa yvm̄ma momvt iloh itibai ishi hokvt.

18. Israel okla haknip imma hokv̄no ho pesá; kv̄na hosh vba nan isht aiokp̄v̄chi nipi ȳo ai vpa kv̄t, yvm̄mvt alta ya itibai ishi keyu h̄o?

19. Yohmi ka nanta h̄o achi li h̄o? na holbtv̄t toba

yummvt nana hoke; mikmvt na holbvt toba nana hō isht aiokpvcha chī hō imma ka yummvt nana hoke, achi li hō? keyú.

20. Amba nana hō Chentail okla hvt vba isht aiokpvchi kv̄t, nan isht a hullo okpulo yak o isht aiokpvchi kv̄t, Chihowa yak okvno keyu, achi li hoke: yohmi hokvt nan isht a hullo okpulo yā hvsh ibai isha hi o, hvchim ahni li keyushke.

21. Chitokaka im isht ishko, mikmvt nan isht ahullo okpulo im isht ishko it aieninchit hvsh ai ishka he keyushke: mikmvt Chitokaka im ai-impā, mikmvt nan-isht ahullo okpulo vhleha im ai-impā it aieninchit hvsh ibai achvfa he keyushke.

22. Chitokaka yā il anukhobelvchi na pī nuktvhla hinla hō? yvmma hlampko kv̄t il ī shahli hō?

23. Nana moma kv̄t isht v̄m ai vlhpiesa, yohmi kia nana moma kak osh isht achukma he keyu; nan moma kv̄t isht v̄m ai vlhpiesa, yohmi kia nana moma kak osh achukmalechi keyu hoke.

24. Hatak kv̄na kia ilap nan isht im ai vlhpiesa he ak bano hō ik hoyo kashke; amba hatak moma kv̄t inla nan isht im ai vlhpiesa he yak ashke.

25. Nipi a chumpa yā nana hosh a kv̄nia tuk g, yvmma nan isht il akostininchi pulla kak o nana ik a ponaklot, hvsh pashke.

26. Yakni moma, micha awaya moma kv̄t Chitokaka immi hoke.

27. Kanimi kv̄t na yimmi keyu hosh ont hvsh ibai impa he hvchim ahni hokma, ia hi g hvsh ahni hokmvt; nana hosh hvchin tikba yā talaiakma nan isht il akostininchi pulla kak o nana ik a ponaklot, hvsh pashke.

28. Yohmi kia kv̄na hosh, Na holbvt toba isht aiokpvcha hi o ilvppa im issa tok g hvchim achikma, na hvchim anoli tuk yvmmak pulla, mikmvt nan isht il akostininchi aiena pulla kak o hvshpa ná; yakni micha ai immi moma aiena kv̄t Chitokaka immi hoke.

29. Nan isht il akostininchi achi li ka, chimmi ak o keyu,

amba yummak ash oke; nan isht um ai vllhpisa hosh yvni-
ihchi li ka, nanta katiohmi ho inla nan isht il akostimnichi
hosh si onochi ho?

30. Chihowa nan isht i kana pulla ho ibai ishi li hokmvt,
yummak oka yak oke isht ahni li ka, nanta katiohmi ho nan
ik vllhpeso yo isht a si anumpa cho?

31. Yvmohmi hoka hvsh impa, keyukmvt na hvsh ishko,
keyukmvt nana ho hvsh yvmihchi hokmvt, Chihowa isht a
holitopa chi ho, mominchit hvah yvmohmashke.

32. Aehvona kia Chu ak okma, keyukmvt Chentail ak
okma, keyukmvt Chihowa in ehvoh ak okma, nana kia hvch
ik ibetvblicho kashke.

33. Hatak moma ka nana moma ka yukpali kv, vno nan
isht um ai vllhpiesa hi o hoyo li keyu; amba lawa yvmvt
okchaya chi ka, isht im ai vllhpiesa hi o hoyo li ka hvsh chi-
yuhmashke.

CHAPTER XI.

Chihowa aiokpabanchi g nana kv ik vllhpeso, misha Chitokaka im
opiaka impa ma ik abobalo aiena ka im alvmmi, 1. 23 Chitokaka
im opiaka impa vllhpisa vmonvt isht a minti tok g im anoli; mih-
mvt kaniohmit okla holitobla hi tok g im otvniinchi.

1. UNO vt Klaist g iakaiya sia akinli ho chohmit, siakai-
ya hvchia hashke.

2. Yvmohmi ka itibapishi li vhleha ma! nana moma isht
hvs svthaiyana, mikmvt nan vllhpisa holitopa moyuma ka
hvch ichima li tuk g hvsh holitobli hoka, hvchi ahninchi
lishke.

3. Yohmi ka hatak moma i noshkoboka yvt Klaist ak ok-
ma; anonti ohoyo ha i neshkoboka yvt hatak ak oke; mik-
ma Klaist i noshkoboka yvt Chihowa yak oka, hvsh ithana
he ak o, hvchim ahni lishke.

4. Hatak moma kv anumpa ilvsha anumpuli, keyukmvt
Shilombish o anukfoyukvt anumpuli kv, noshkobo hv im
o hlipia hokmvt, ilap noshkobo ha hofahyali hoke.

5. Amba ohoyo moma kv noshkobo o hlipia keyu hosh,

anampa ilbasha anumpuli, keyukmt Shilombish o anukfo-
yukvt anumpuli hokmt, noshkobo yash o hofahyali hoke ;
yvmmak okvt noshkobo i shafa yak inli ho chiyuhmi hoka.

6. Ohoyo hv noshkobo ompoholmo keyukmt, pashi ak
kia vlmashke ; yohmi kia pashi vmo, keyukmt shafa kak
okma, nana ka ohoyo hv isht a hofahya hinla hokma, nosh-
kobo hv ompoholmashke.

7. Chihowa yg a hoyulba na isht a holitopa hoka, hatak
vt noshkobo hg nan o hlipela he vhpesa keyu mvhlshke :
amba hatak a isht im a holitopa yokto ohoyo ak oke.

8. Hatak vt ohoyo ak o a toba tok keyu, amba ohoyo ak
osh hatak ak atok oka.

9. Mikmt hatak vt ohoyo ak atuk pulla mak o toba tok
keyu, amba ohoyo ak osh hatak ak atok oke.

10. Yvmohmi kak o ohoyo hv enchil vhleha ak pulla
kak oka, noshkobo hv ompoholma he vhpesa hoke.

11. Yohmi kia ohoyo hv iksho ka hatak vt anta he keyu,
mikma hatak vt anta he keyu, mikma hatak vt iksho ka
ohoyo hv anta he keyu, Chitokaka yvt im ahni hoke.

12. Ohoyo hv hatak ak o a toba yatuk o, yvmmak inli
hg chohmit hatak vt ohoyo pulla kak o atoba hoke ; yohmi
ka nana puta kv Chihowa ak o atoba hoke.

13. Hvchishno ak inli hosh anukfillit ho pesa ; ohoyo hv
noshkobo ompoholmo keyu hosh Chihowa im ilbvshvt an-
umpuli yvmmt vhpesa ho ?

14. Hatak vt pashi vt falaia hokmt, ishit hofahya ka
nan isht anukfilli kak oh kia nan hvchi itvnanohi keyu ho ?

15. Amba ohoyo hv pashi vt i falaia hokmt, isht im a
holitopa hoke ; ilap pashi vt noshkobo isht ompoholma hi
o ishi tok oka.

16. Yohmi kia kvna hosh a sanali kak o bvna ahoba kia,
pishno yokto yvma chohmi kv ik pim iksho chatuk ;
mikmt Chihowa in hvch a hichli kv yvma chohmi kv
ik im iksho chatuk oke.

17. Yohmi ka achukma i shahli kak o keyu, amba okpulo
i shahla chj hosh mintit hvsh itvnaa kak o, ak hvchim
ahnincho ilvppak osh hvchim anoli lishke.

18. Ubanumpuli ikxa yosh ant hvsh ai itvnaha kv, nana vmonna ka ita kvshkovt hvsh maya ka haklo lishke : yohmi kv sai yimmi chohmishke.

19. Yohmi ka hvch ik itibachvfo kak o pulla chi, yohmik mak o kvna hosh ai ghli hok mak osh hvch itin takla ya otaiyana hi oke.

20. Yohmi ka a miha chvfa ho ant hvsh ai itvnaha, ilvpak osh Chitokaka im opiaka impa ya vpa ho keyu hoke.

21. Hvsh impakmvt, hvsh moma kv hvchim opiaka impa yatuk kak illa ho tikba hvsh ishishke : yohmi hatuk o achvfa kv hohchvfohma, anonti inla yato nan ishkot haksishke.

22. Yakeh ! ai impa he, mikmvt ai ishka he aiena chuka yvt ik hvchim iksho ho ? keyukmvt Chihowa in hvch hvsh shitilema cha, anonti kvna hosh nana kv ik im iksho ke tuk yvmmak ash kia hvsh hofahyala chi hosh hvsh yohmi ho ? Nanta ho hvchim achi la chi ho ? ilvppak ash o isht hvchi ahninchil la chi ho ? isht hvchi ahninchil li keyushke.

23. Chitokaka ya im ishi li tuk mihi yo hvch ihima li ; yohmi ka Chitokaka Chisvs vt tvnvp ibbak fohka chi ninak yvmmak inli mvt pvska ya ishi tok.

24. Mihmvt yvmmak ash ot vba pit isht aiokpvchi cha, pvska yash boshullichi mvt, Ieshi cha, ho vpa ; ilvppvt sa haknip osh hvchi boshulli hoke : hvsvthana chi kv ilvpak o hvsh yvmihchashe, achi tok.

25. Yvmmak ash inli ho chohmichit opiaka impa ishi ha-yosh, isht ishko ash kia yvmmak ash ot ishi mvt, ilvppvt nan vlvpisa himona vm issish o isht ai ghli toba hoke ; ilvppak o hvsh yvmihchi cha, yvmmak ash hvsh ishko aiyukakmvt, hvsvthahgnashke.

26. Pvska ilvppa hvsh pa aiyuka, mikmvt isht ishko ilvppa hvsh ai ishko aiyuka aiena kv, Chitokaka illi tok a hvsh otvnihinchi na yvmmak atuk vt vla hayashke.

27. Yvmohmi ka kvna hosh yohma he ai vlvpiesa keyu hosh, pvska ilvppak ash vpa chi, mikmvt Chitokaka im isht ishko ilvppak ash ai ishka chi aiena hokmvt, mihi yosh Chitokaka haknip, micha im issish ita tuklo ka ik holioblot nan isht i palvmmi mak a hi oke.

28. Yohmi ka hatak okvt anukfillit ik ile pisá : yvmohmi cha mihi yosh puska yash ik pá, mikmvt isht ishko yash ik ai ishkó.

29. Kvna hosh ai vlpiesa keyut yvmmak ash vpa, micha ishko aiena kv̄t Chitokaka haknip ash ik akostinincho hokvt, mihi yosh ilap nan isht im vlpisa hi o yvmmak ash vpa, micha ishko aiena hoke.

30. Ilvppa yakohmi kak o ik sitopo, micha abeka aiena kv̄t laua hosh hvchim ai asha ; mihma laua kv̄t nusi hoke.

31. Pishno ak inli kv̄t il il akostininchi hatuk okmvt, nan isht pim vlpisa hi atuk keyu.

32. Yohmi ka nan isht pim vlpisa kv̄t, yakni ya ai itv-pehvt ik pi palvmmo ka chi kv̄t, isht pi achukma chi hosh Chitokaka ya il im afvma hoke.

33. Yomohmi hoka itibapishi li vhleha ma ! hvsh impa chi hosh hvsh itvnahakmvt, it i hullot hvsh iti hoyashke.

34. Yvmohmi ka itvnahvt nan isht hvchim vlpisa chi kv̄t, kvna hosh hohchvfo hokvto, mihi yosh in chuka yak o ik ai impá. Nana inla ka yatuk okvno ona lik mak osh, apoksiachi la hi oke.

CHAPTA XII.

Shilombish na holhpela hokvto il ai yuka, 1 ; 7 yohmi kia moma kv̄t nan isht ai yukpa he vlpesa bano. 12 Haknip a ai ibachvfa yvt ai it im il aiyuka bano, yohmi kia ilap bika it im vlpesak mvt, haknip ma im ai vlpiesa chatuk ; 29 yohmi hoka na pi hvlbena kv̄t il aiyuka kia, isht il itapela he tok.

1. YUMOHMI ka itibapishi li vhleha ma ! Shilombish imma ka hvch ik akostinincho ka hi a ak hvchim ahnoshke.

2. Chentail hvchia hv̄t na hvsh anukfoyuka hosh na hol-bvt toba ik anumpulo puta ilvppa hvsh im ohona kv̄t hvsh ithaiyanvshke.

3. Yvmohmi ka hatak nana kia Chihowa imi Shilombish anukfoyuka hosh anumpuli kv̄t, Chisvs a na kallakshi yo hochifa he keyu hoke : yohmikma hatak kvna kia Chisvs vt Chitokaka yoke, acha he keyu, amba Shilombish Holitopa yak osh anukfoyuka hok mak ahinla ka hvch itvnanchi lishke.

4. Yohmi ka na hulbina ilaiyuka kv̄t ai asha; yohmi kia Shilombish mihi ash inli hoke.

5. Mikma nan isht v̄tta m̄vt im ilaiyuka; yohmi kia Chitokaka yokv̄to mihi ash inli hoke.

6. Mikma na toksv̄li m̄vt im ilaiyuka hoke; yohmi kia Chihowa mihi ash inli hosh ilv̄ppa moma ka hatak moma ka anukfokichi hoke.

7. Yohmi ka Shilombish nan isht otv̄ni h̄q̄ hatak moma kv̄t isht ai v̄lhpiesa hi osh habena hoke.

8. Shilombish pulla h̄q̄ na hopoyuksa anumpa h̄q̄ achv̄fa kv̄t anukfoyuka hoke; inla yato Shilombish yv̄mmak inli h̄q̄ nan ithana anumpa h̄q̄ anufoyuka hoke.

9. Inla m̄vt Shilombish mihi ash inli pulla h̄q̄ na yimmi h̄q̄ ishi: mikma inla m̄vt Shilombish mihi ash inli pulla h̄q̄ na hlakofichi hulbina ka ishi hoke.

10. Inla yv̄t na fehna puta yv̄mihcha hi vt ishi; inla m̄vt Shilombish anukfoyukv̄t nan ithv̄nancha hi vt ishi; inla m̄vt chukv̄sh im anukfila puta akostininchi ȳq̄ ishi; inla m̄vt anumpa ilaiyuka anumpula he vt ishi; inla m̄vt anumpa ilaiyuka toshola hi vt ishi ka Shilombish pulla kak oke.

11. Shilombish achv̄fa mihi ash inli kak osh hatak moma ka kanimi h̄q̄ im ai ahni aiyuka hosh na yakohmi puta kash im it a kv̄shkolit anukfokichi hoke.

12. Haknip okv̄to achv̄fa, yohmi kia yv̄mma ai immi hokv̄to in laua; mikma haknip achv̄fa yv̄mma ai immi moma kv̄t laiyawa kia, haknip achv̄fa hoke; yohmi ka Klaist ak kia ilv̄ppak inli h̄q̄ chohmi hoke.

13. Shilombish achv̄fa pulla h̄q̄ momv̄t isht il a baptis-mot haknip achv̄fa e toba; Chu, keyukm̄vt Chentail pia hokm̄á, yuka, keyukm̄vt yuka keyu ȳq̄ pia hokm̄á, nana tuk kia momv̄t Shilombish achv̄fa il ibai ishi ȳq̄ e toba hatuk.

14. Haknip vt ai immi im achv̄fa keyu, amba laua hoka.

15. Iyi yv̄t, Uno v̄to ibbak sia keyu hokv̄t, haknip ai immi sia keyu; achi hokm̄v̄to, yohmi kia yv̄mmv̄t haknip a ai immi keyu h̄q̄?

16. Mikma haksobish vt, Uno v̄to nishkin sia keyu hokv̄t,

haknip ai immi sia keyu hoke; achi hokmvt, yohmi kia yummvt haknip g ai immi keyu hq?

17. Yohmikma haknip moma kvv nishkin okma, katima yak osh na haklo ya hinla hq? moma kak osh na haklo yokma, katima yak osh na hqwa ya hinla hq?

18. Yohmi ka himonasi yokvno Chitokaka yvt yakohma hinla, ahni mak osh, ai immi hash achvfa aiyukali momin-ehit haknip ash ai iba fohkichishke.

19. Yohmi ka moma kak osh ai immi achvfa hokmvt, katima yak osh haknip a hinla hq?

20. Yohmi ka himonasi yokvno ai immi yvt laaa: yohmi kia haknip okvto achvfa hoke.

21. Yohmi ka nishkin vt ibbak g, Nana ka ak chj svbn-noshke, im acha he keyu: keyukmvt anonti iyi yash o, Nana ka ak chj svbn-noshke, noshkobo hvv im acha he keyu hoke.

22. Keyu, yvma i shahli, haknip ai immi ilvppak ash osh ik hlampko fehna ahoba kia ai vlhpiesa hoke.

23. Yohmi ka haknip ai immi ilvppak ash kanima ka holitopa ik lauwo pim ahoba kia, ilvppak ash o holitopa i shahli fehna il ima hoke: mikmvt a pim alumaka imma hokvno i shahlichit e shemvchi hoke.

24. Isht a pi aiokli imma hokvno shema yvt isht im ai vlhpesa keyu hoke: yohmi ka Chihowa hvv haknip g iti fohkit apoksiachi mvt, kanimi kvv ik alauwo ke tuk ash holi-tobli kvv i shahlichit fehna hoke.

25. Yohmi na haknip ash ita kvshkoa iksho ka hi atok; amba ai it immi hash osh ahah! it im ahna he ak atok oke.

26. Yohmi ka haknip ai immi achvfa hatuk vt ilbvsha hokma, haknip ai immi moma kak osh ibai ilbvsha hoke: mihma ai immi achvfa kvv holitopa hokma, moma kvv ibai yukpa hoke.

27. Yohmi ka Klaiat haknip o hvchia, micha yvumak ash o ai imrai ka a kashampa ai yuka hvchia hoke.

28. Yohmi ka Chihowa hvv kanimi ka atokolit chvch a hiohlichit; vmmona ka apostel, atukla ka Shilombish anuk-foyvkvv anumpuli; atuchina ka vbanumpa isht ithvnanchi;

mikmvt na fehna puta yvmihchi, mikmvt na hlakofichi holhpela, nan apelvchi, chvch pehlich, anumpa ilaiyuka anum-puli puta kak oke.

29. Moma kak osh apostel o? keyukmvt moma kak osh Shilombish anukfoyukvt anum-puli yo? keyukmvt moma kak osh vbanumpa isht ithvnanchi yo? keyukmvt moma kak osh na fehna puta yvmihchi yo?

30. Moma kak osh na hlakofichi holhpela hq ishi hq? keyukmvt moma kak osh anumpa il aiyuka anum-puli hq? keyukmvt moma kak osh anumpa ilaiyuka tosholi yo?

31. Yohmi ka na holhpela puta achukma i shahli kak o ishi ka hvsh ahni fehnashke. Yohmi kia na fehna kvv i shahli hq hvchim anoli lishke.

CHAPTA XIII.

Shilombish holhpela moma kvv nan i hullo kvv aiena keyu hokvto nan ik ahoba, 1; 4 nan i hullo im anukfila nan a kaniohmi.

1. **HATAK** im anumpa ilaiyuka puta, mikmvt enchil puta im anumpa hq isht anum-puli li hoh kia, nan i hullo yvt ik svm ikshokmvt, tvli lakna ohonla, keyukmvt tvli kvva kvvshahanchi ak inli hq holba li hoke.

2. Yohmi ka Shilombish anukfoyukvt anum-puli na holhpela ka ieshi li, micha nan ik otano ki tok moma ka akostinichi li, micha nan ithana moma ka ieshi li, yohmi cha na yimmi moma ma ieshi li, yohmi hokvt nvnih hochito puta ka kanvllichi la hinla kia, nan i hullo yvt ik svm iksho hokmvt, nana hq sia keyu hoke.

3. Yohmikmvt nana vm gsha moma kash ilbvsha ya im iti yopelachi li, micha sa haknip mvt lua chi hq im issa li; yohmi kia nan i hullo yvt ik svm iksho hokmvt, nana hq isht vm ai achukma keyu hoke.

4. Nan i hullo yvt na hotopali ya i svlaha, micha nan i kana yoke; nan i hullo yvt nana potvntot i nukkilli keyu; nan i hulle yvt ilap inli ka isht ilauata keyu, ile chahvchi keyu.

5. Pefehnuchi hosh inla yā hofahyali keyu, ilap immi yo hoyo keyu, nan ik kanihmo ka nokowa keyu ; nan ik vllhpeso anukfilli keyu.

6. Nan ik vllhpeso isht ai yukpa keyu, amba nan ghli yo isht ai yukpa yoke.

7. Nana moma ka ompohomo, nana moma ka yimmi, nana moma kv̄t vllhpesa ch̄i, ah̄anit a yimmi, nana moma kv̄t ant ik sv̄m ai yohmi, ah̄ani.

8. Nan i hullo yokv̄to nitak nana ont ai iksho ka he keyu : amba Shilombish anukfoyukv̄t anumpuli yokmá, nana hatuk kia yv̄mmak okv̄to ont ai iksho ka hi oke ; anumpa ilaiyuka ithaiyana yokmá, nana tuk kia yv̄mmak okv̄to ont issa hi oke ; nan ithana yokmá, nana hatuk vt ont akshot kv̄nia hi oke.

9. Ik onancho hosh il ithaiyana hosh, anonti ik onancho hosh Shilombish anukfoyukv̄t il anumpuli hoke.

10. Yohmi kia nana ont ai ghli yv̄mmvt v̄la ch̄i, yohmi hokmv̄no nana ik ono yv̄mmak atuk vt ont ai ikshot kv̄nia hi oke.

11. Ulla sa tomba mv̄t, v̄lla yo chohmit anumpuli li tok ; v̄lla yo chohmit nana akostininchi li tok ; v̄lla yo chohmit nana anukfilli li tok ; yohmi tok kia hatak ont toba li mv̄t, v̄lla nana im akaniohmi yash kanchi li tok.

12. Himonasi yokv̄no ik onanchot a pisa yo hlopullechit e pisa : yohmi kia yv̄mmak fokak mak o nashuka b̄ika il it̄i pih̄isa hi oke : himonasi yokv̄no ak onancho hosh ithana li ; yohmi kia himmak o himonasi yā sv̄thaiyana kak inli h̄o chohmit ithaiyana la hi oke.

13. Yohmi ka himonasi yokv̄no na yimmi, ai okchgyvt bilia pisa he ahni, nan i hullo, tuchina ilv̄ppak ash osh takali hoke : yohmi kia ilv̄ppak ash moma i shahli hokv̄to nan i hullo yak oke.

CHAPTA XIV.

Shilombish anukfoyukv̄t anumpuli h̄a ahn̄inchi ; 4 yv̄mmak osh anumpa inla ithanvt anumpuli ka i shahli ; 12 isht a hlampko

achukmvt i shaht la chi ka ita tskio ka a yvmihoha hinla ;
 34 chvch itvnahvt maya ka ohoyo kvv anumpula he keyu im
 vllhpisa.

1. NAN i hullo yq achunanchit lakaiyvt, ishi ka hvchi
 bvnashke : mikmvt Shilombish imma ka anukfoyuka chi ka
 hvchi bvnashke : yohmi kia Shilombish anukfoyukt hvsh
 anumpula he ak osh ahni kvv hvsh i shahlichashke.

2. Kvna hosh anumpa inla yq anumpuli hokvto, hatak q
 im anumpuli keyu, amba Chihowa yak oke : kvna hosh im
 akostininchi keyu hoka ; yohmi kia Shilombish anukfoyuka
 hosh yvmmak ash ot nana luma hatok puta ka anumpuli hoke.

3. Amba Shilombish anukfoyukt anumpuli hokvto,
 hlampkohonchi, mikmvt ai okchaya he ahna chi ka i mihija,
 mikmvt hopohlahanli, aiena hosh hatak puta im anumpuli
 hoke.

4. Kvna hosh anumpa inla yq anumpuli hokvto, ilap illa
 isht achukmali hoke ; amba kvna hosh Shilombish anukfoy-
 ukvt anumpuli hokvto, chvch q hlampkohonchi hoke.

5. Hvsh moma kvv anumpa ilaiyuka hvsh anumpula he
 ak q hvchim ahni li ; yohmi kia Shilombish anukfoyukt
 hvsh anumpula he ak q hvchim ahni li kvv i shahlich li :
 kvna hosh anumpa ilaiyuka anumpuli ka, chvch vt achuk-
 mvt i shahlit hlampka chi ka, yvmnavt tosholi keyukma, kv-
 na hosh Shilombish anukfoyukt anumpuli kak osh holitopa
 kvv i shahli hoke.

6. Yohmi ka itibapishi li vhleha ma ! nana otvninchi, ke-
 yukmvt nana itvnanchi, keyukmvt Shilombish anukfoyukt
 anumpuli, keyukmvt nana avvchi nana hosh anumpa ilaiyu-
 ka anumpuli la chi hosh hvchim ona li hokmvt, nanta hq
 isht hvchi yukpali la hinla ho ?

7. Yohmi ka nana kvv flopa ikshe hosh ohonla kvv, oskula
 hokma, keyukmvt hap okma, nana ka ai ola kak osh it im
 ilaiyuka keyukmvt, katihmi kak osh oskula yokma, keyuk-
 mvt hap okma, nana hq ai ola kvv otaiyana hinla hq ?

8. Isht pufa yvt ola kvv ik haiako hokma, kvta hosh itiba
 chi kvv il atahla hinla cho ?

9. Yvmmak inli hq hvsh chiyuhmi kvv anumpa akostinin-

cha he kullo keyu hō hvsh anumpuli keyukma, katiohmi kak osh nana hosh anumpa tuk vt otvna chī hō? mahli ak o hvsh ai anumpuli ha chī hoka.

10. Anumpa ola ilaiyuka laua kv̄t yakni pakna ai asha, yvmohmi chatuk; yohmi kia achvfa kv̄t nana hō miha keyu kv̄t iksho hoke.

11. Yvmohmi ka anumpa ola ka yvmmak o miha ka ak akostininchokma, kv̄na hosh anumpuli yvmmak ash o im bulbaha sia mak a hi oke; mikma kv̄na hosh anumpuli yvmmak ash ot am bulbaha mak a hi oke.

12. Yvmmak inli hō chohmit Shilombish imma ka ahnit hvsh achilita hokvt, chvch a hvsh hlampkohoncha he yak osh hvsh anukfillashke.

13. Yvmohmi hoka anumpa inla yō kv̄na hosh isht anumpuli hōkmvt, yvmmak ash toshola chī kv̄t vba ik asilhhā.

14. Anumpa inla yō vba isht anumpuli li hokma, sa chvkvsh ak osh vba asilhha hoke: yohmi kia vm anukfila hokvto inla yā nan im vni keyu hoke.

15. Yohmi ka katiohmi kak a chī hō? chvkvsh o vba isht anumpuli la he, micha vm anukfila hō vba isht anumpuli la he: mikmvt chvkvsh o isht taloa la he, micha vm anukfila hō isht taloa la hi oke.

16. Yvmmak keyukma, Chihowa isht ish aiokpvchi kia, kv̄na kia nan ik ithano im ai o binili binili hatuk vt, nana hō ish achi ka akostininchi keyu kv̄t, katiohmi kak osh yvmmak ash osh yak oke ahnit, vba pit ish aiokpvchi ka, Amen acha hinla hō?

17. Ahli hosh yak oke vba pit ish aiokpvchi ho mvhli; yohmi kia inla yokvno hlampkohonchi keyu hoke.

18. Anumpa inla anumpuli li kv̄t, hvsh moma ka hvch i shahlichī li kv̄t, an Chihowa yā yak oke im ahni lishke.

19. Yohmi kia chvch itvnaha ka inla maya ka vm anumpa ola ka nana isht im avchi la chī kv̄t, vm anukfila anumpa akostininchi tahlapi anumpuli li kak osh, anumpa inla tahlepa sipokni pokoli anumpuli ka vm i shahlishke.

20. Itāpishi li vhleha ma! nana akostininchi kv̄t vlla chipunta yō hvch ik tobo kashke: yohmi kia nana ik ai vlv-

peso hokvno vilqsi yq hvsh tobashke; yohmi kia nana akontinichi hokvno hatak q hvsh tobashke.

21. Anumpa im inla, mikmvt itivlbi inla hatak q okla ilvppa isht anumpohonli la chi: ilvppa moma yvmohmi hoh kia okla ik sa haponaklo ka chi, Chitokaka yvt achi hoke, achi kvv nan vlpisa ya a holisso hoke.

22. Yohmi hoka anumpa inla anumpuli yvt na yimmi vhleha hq isht im atokowa keyu, amba kvna hosh yimmi keyu kak oke; yohmi hoka Shilombish anukfoyuka kvv anumpuli kak q kvna hosh yimmi keyu yvmmak q achukmali keyu, amba kvna hosh yimmi kak oke.

23. Yvmohmi hoka chvch moma kvv miha chvfa hq ant ai itvnaha cha, momvt anumpa inla anumpuli aiyuka hokma, anonti nan ik ithano, mikmvt nan ik yimmo aiena kak kia ai vlakmvt, tasimbo yq hvchim acha hinla keyq?

24. Amba moma kak osh Shilombish anukfoyukvt anumpuli hokma, anonti na yimmi keyu, keyukmvt nan ik ithano yosh vla hoh kia yimmit, momvt anumpuli ka ahli ahnit anukfohka, yvmmak ash ot moma kak q nan isht ai im vlpisa hoke.

25. Yohmi ka yakohmi hosh chkvsh isht im anukfila anukaka yvt otaiyani yoke: yakohmi hok mak osh hlipia cha, yvmmak ash ot Chihowa ya aiokptchishke, mikmvt Chihowa hvv hvch iba takla ho mvhli hatak q anola hi oke.

26. Yohmi ka itibapishi vhleha ma! nanta katiohmi hq? ant hvsh itvnahakmvt, hvsh moma kvv ataloe yokma, anumpa tosholi ak okma, nana hq hvsh jahi aiyuka hosh ant hvsh itvnahvshke. Isht achukma hi q nana moma kvv yvmohmashke.

27. Hatak kvna hosh anumpa inla yq anumpuli hokma, tuklo, keyukmvt tuchina kvno ont ik aiyo, yohmik mak q it iakaiyashke; mikma achvfa kak osh tosholi ashke.

28. Amba tosholi iksho hokmveno, ai itvnaha ya lumvt binilashke: yohmi cha Chihowa, ilapo ak inli ita tuklonchiq im anumpulashke.

29. Shilombish anukfoyukvt anumpuli vhleha hvv tuklo.

tuchinakma, nana kv̄t anumpulikma, inla yokvto ghli h̄o? ahnit anukfillit pisashke.

30. I bilikasi binili yv̄mmak ash o nana kv̄t im otvni hokma, v̄mmona kash ot nuktanlv̄t binilashke.

31. Momv̄t ithana cha, anonti moma kv̄t isht im ai achukm̄v̄t isht i shahla ch̄i ka, Shilombish anukfoyk̄v̄t hv̄sh moma kv̄t it iakaiya hosh hv̄sh anumpula hinla hoke.

32. Shilombish anukfoyk̄v̄t anumpuli v̄hleha im anuk-fila puyuta kv̄t Shilombish anukfoyk̄v̄t anumpuli v̄hleha hash o i nutaka yoke.

33. Shakap̄v̄t nan iti ataklv̄ma he Chihowa hv̄t ahni keyu, amba v̄banumpa anukfohka ghli im ai itvnaha moma kak o chohmit it̄i nanaiya yak oke.

34. Iksa itv̄nahv̄t maya ka hv̄chim ohoyo hv̄t lumv̄t binohmayashke; yv̄mmak okv̄t anumpula he im v̄lhpesa keyu hoka; amba im antia he ak osh im v̄lhpesa hoka, nan v̄lhpesa yv̄t yv̄mmak o achi ak inli hoke.

35. Yohmi ka nana h̄o itv̄na bv̄nna hokm̄v̄t, chuka ak inli kak o i hatak a ai im aponaklashke: iksa itv̄nahv̄t maya ka ohoyo hosh anumpuli hokv̄to nan isht im a hofahya hoka.

36. Yakeh! Chihowa im anumpa hv̄t hv̄chishno ak o a kohchv̄t minti hatok o? keyukm̄v̄t hv̄chishno ak bano h̄o hv̄chim ona hatuk o?

37. Hatak kv̄na hosh ilap inli kv̄t Shilombish anukfoyk̄v̄t anumpuli yokma, keyukm̄v̄t Shilombish holhpela ka isht anukfoyuka h̄o mihi yosh im ahobakm̄v̄t, pit hv̄chi holisso-chi li tuk yv̄mmv̄t Chitokaka i nan v̄lhpesa mak atuk a akostininchit, ghli ahnashke.

38. Amba kv̄na hosh ik akostinincho hokv̄to mihi yosh nan ik akostinincho kv̄t imomashke.

39. Yv̄mohmi ka itibapishi li v̄hleha ma! Shilombish anukfoyk̄v̄t anumpula he ishi ka bv̄n̄v̄t hv̄sh achilitashke; mikm̄v̄t anumpa inla anumpuli ka hv̄ch ik im alammo kashke.

40. Nana moma kv̄t ai v̄lhpesa, micha ai itiakaiyv̄t anuktanla mak o yv̄mohmashke.

CHAPTER XV.

Illit falamvt e tani pulla hi a, Klaist vt illit falamvt tani tok ak o isht anoli, 1: 21 Klaist vt illit falamvt tani tok a nana kv̄t isht a yv̄mohmi: 26 falamvt e tana he nana akaniohmi: 51 Klaist vt vlak ma, okchayvt anta tuk vt inlvt toba he.

1. YUMOHMI ka itibapishi vhleha ma! vbanumpa yv̄mmak o hv̄chim anumpohonli li yv̄mma hv̄sh ishi tuk osh, anonti mihi yō anukfoykvt hv̄sh mahaya ka, yv̄mmak inli hō hv̄ch im anohonli lishke:

2. Yv̄mmak o hv̄chi ai okchaya, nana ka isht hv̄chim anumpuli li tuk a ithaiyanvt hv̄sh ieshi hokmvt, nana ka ik onancho keyut hv̄chi yimmi hatuk okmvt.

3, 4. Holisso Holitopa nana achi tok mak o nana pim ai ashvchika puta kak o Klaist vt kaniohmit isht ai illi; yohmi cha yv̄mmak ash ot hollopi tuk osh, anonti nitak ont atuchina ma Holisso Holitopa nana achi tok mak o yv̄mmak ash ot anonti tani tok, yv̄mmak o vno ak kia si anukfoyuka hatuk osh, mihi yō tikbanli hv̄chim anohonli li tuk oke.

5. Mihma yv̄mmak ash ot Sefas a i haiaka, yohmi mvt auah tuklo kash i haiaka tok.

6. Yohmi ha ya tuk osh himona achufa yv̄mmak ash osh itibapishi tahlepa tahlapi ont ia ka i haiaka tok: yv̄mmak atok a akashampa laua kv̄t okchaya na ant himakvshke, yohmi kia kanimi kv̄to nusit akakoha tok.

7. Yohmi ha yō yv̄mmak ash ot Chemis a i haiaka tok; yohmi mvt apostel vhleha hash mominchit i haiaka tok.

8. Yohmi mvt moma ont ishtaiyopi ka ai vlpiesa keyu hō chohmi, vno ak kia yv̄mmak ash ot a haiaka tok.

9. Apostel vhleha moma ik alauwo sia, yohmi kv̄t apostel hohchifa he si vlpesa keyu, Chihowa in chvch a ilbushali li tok okvt.

10. Yohmi kia Chihowa nan isht i kana pulla hō kanima a hikia li kv̄t yv̄mmak o hikia sia mak oke; mikmvt yv̄mma nan isht i kana yv̄mmvt si anukfoyuka kv̄t ik ai ono ke tuk keyu hoke: yohmi hokvt toksvli hoyubli kv̄t yv̄mmak ash

moma ka j shahlichli li: yohmi kia vno ak keyu, amba Chihowa nan isht j kana mihi yosh a subai achufa kak atuk oke.

11. Yvmohmi hoka vno yak okmá, keyukmvt yvmak okmá, e nana hosh yvmihchit il anumpohonli ma, yvmohmit hvchi yimmi hatuk oke.

12. Yohmi ka Klaist yvmvt illit falamvt tani tuk vt isht anumpa hokma, katiohmi hō hvsh kanimi kvv illit falamvt tana hi vt iksho, hvsh achi cho?

13. Yohmi ka illit falamvt tana hi vt iksho hatuk; yohmi hokma Klaist vt ik tano ki tok oke.

14. Yohmi ka Klaist vt ik tano ki tok; yohmi hokma vbanumpa isht il anumpuli ka isht ai achukma he keyu, mikma nan isht hvchi ai yimmi ka yvt isht ai achukma he keyu ak inli hoke.

15. Ahli, yohmi ka Chihowa isht atokowa ik ghlo il otvni hoke: Chihowa yvt Klaist g tanichi tok g isht il atokoli tok okvt: yvmak ash ik tanicho ke tok, illi yvt falamvt tana he keyukma.

16. Illi yvt tana he keyu, yohmi hokma Klaist vt ik tano ki tok oke.

17. Yohmi ka Klaist vt ik tano kitok okma, na hvchim ai yimmi ka yvt ik ai ghlo; na hvchim ai ashvchi ka hvsh a hikia momvshke.

18. Yohmikma kvna hosh akakohvt Klaist g iba nusi tuk vhleha yvmvt aiokpuloka mak oke.

19. Okchaya ilvppak bano kak osh Klaist g il ai okchaya chj il anukchieto hatuk okmvt, pilbvsha kvv hatak moma ka il j shahlishke.

20. Yohmi ka himak vno Klaist vt illit falamvt tani tok, micha kvna hosh nusi tuk vhleha yvmak ash nan vni vmona mak o toba hoke.

21. Hatak puyulla hatuk mak o nan illi hvv gya tok, hatak pulla kak o illit falamvt tani vt a minti tok.

22. Alvm atok puyulla mak o momvt illi ka, yvmak inli hō chohmit Klaist pulla atuk mak o momvt falamvt okchaya yo toba hi oke.

23. Yohmi kia hatak moma kv̄t ilap nan isht im ai vl̄h-
piesa kak a hi oke: Klaist ak osh nan vni v̄mmona hoke: ī
himmak ō Klaist immi hatuk vt, yv̄mmvt mintikma, tana hi
oke.

24. Mikma ap̄ehlichika, nan vl̄htoka, micha nan im ai gh̄li
aiena ka ai akshochi ha yosh ap̄ehlichika ȳa yv̄mmak ash ot
Iki Chihowa mak ō ibbak fohka hi oke; yohmik mak ō ai
v̄hli hv̄t vla hi oke.

25. Yv̄mmak okvt mikot ahanta pullvt, in tv̄nvp v̄hleha
moma ka ilap iyi nuta ashachi ha ya hi oke.

26. Tv̄nvp ishtaiyopi mak osh yv̄mmvt ont ik ai iksho ka
ch̄j kv̄t nan illi ak oke.

27. Nana moma ka yv̄mmak ash ot iyi nuta ȳa ashachi
tok oke. Yohmi ka nana puta kv̄t yv̄mmak ash ai ī nuta-
kv̄shke, yv̄mmvt achi kia, nana moma ka yv̄mmak ash ai ī
nutakv̄chi tok ilap ak bano hosh keyu kv̄t otaiyanishke.

28. Yohmi ka nana moma kv̄t yv̄mmak ash ō ai ī nutakvt
taha, yohmik mak ō Ushi ilap ak kia nana moma ka ai ī
nutakv̄chi tok yv̄mmak ash ō ai ī nutaka he; yohmi h̄o
Chihowa ȳa moyuma kv̄t nana moma ka isht ai okpahanchit
isht im antia hi oke.

29. Yv̄mmak a he keyukma; illi tuk ak ō vl̄htoba hosh
baptismo tuk, yv̄mmv̄to nanta h̄o katiohma hi ō? illi yvt
tana he keyu kv̄mohmi hokma; nanta katiohmi h̄o illi atuk
pulla ka isht a baptismo hatuk ō?

30. Mikma nanta katiohmi h̄o hv̄shi kanv̄lli moma ka isht
a p̄i palv̄mmi ȳa il a hikia cho?

31. Nan isht ilaiyukpa yv̄mma hv̄chishno pulla hatuk
mak ō pin Chitokaka Klaist Chisvs isht im ai eshi li kak
osh ai gh̄lichit anohonli li mv̄t, nitak moma ka sahanlishke.

32. Hatak ō chohmit nampoa nukshopa puta ka Efesvs
ak ō ai itihimbi li tuk vt, illi yvt tani keyukma, nanta hosh
isht v̄m ai achukma hinla h̄o? onnaha ȳa hv̄p illa ch̄j hokvt,
impvt, nan ishkot keho m̄yá.

33. Hv̄ch ik ile haksecho kashke: nan ik vl̄hpeso a chu-
kulbi yokv̄to im anukfila achukma puta tuk a im okp̄v̄ni
yoke.

34. Yohma he ai vhpiesa hoka oh okcha, mieha na hvch ik ashvcho kashke; kanimi kv̄t Chihowa nan isht im ithaiyana ik im iksho hoka. Hvchi hofahya ch̄i h̄o ilvppa hvchim anumpuli lishke.

35. Yohmi ka katiohmi hosh illi yvt tani h̄o? mikm̄vt h̄akn̄ip vt katiohmi h̄o yummak ash ot isht kohcha h̄o? hatak kanimi kv̄t acha hi oka.

36. Im anukfilla iksho chia ma! nana ka ish hokchi tuk a illi ȳo keyukm̄vt, yummak ash ot okchaya ȳo keyu hoke.

37. Mikma nana ish hokchi kv̄t nan vpi yummak a hi o ish hokchi keyu, amba onush okm̄a, keyukm̄vt nihi inla yokm̄a, nana kia nihi ak bano hoke:

38. Yohmi ka Chihowa yvt yohmi ai ahni mak osh, nan vpi ya ch̄i ka ima hoke; mikm̄vt nihi moma kv̄to ilap im vpi ya ch̄i ka ima hoke.

39. Nipi moma kv̄t nipi mihi achvfa keyu hoke; yohmi ka hatak nipi vt inlak ma, inla m̄vt nampoa nipi, inla m̄vt n̄vni nipi, inla m̄vt hushi nipi yak oke.

40. Uba imma na h̄akn̄ip ilaiyuka, aka imma na h̄akn̄ip ilaiyuka aiena kv̄t ai asha hoke: yohmi kia vba imma isht im a h̄olitopa yokv̄to achvfa, mikma inla m̄vt aka imma nan isht im a h̄olitopa yak oka.

41. Hvshi yvt nan isht im a h̄olitopa yvt achvfa, inla m̄vt hvshi ninak gya nan isht im a h̄olitopa, anonti inla m̄vt fochik puta isht im a h̄olitopa yvt asha hoke; isht a h̄olitopa hokv̄no fochik achvfa kv̄t fochik inla ya it im inla hoke.

42. Illit falam̄vt tani kv̄t yummak inli h̄o chiyubma·hi oke. Toshba hi osh h̄olloh̄okchi tuk vt, ik toshbo ka hi osh taiyani hoke.

43. Ik h̄olitopot h̄olloh̄okchi tuk vt, h̄olitopa hi osh taiyani hoke: ik hlampkot h̄olloh̄okchi tuk vt, nan ai ghlahe mak osh taiyani hoke.

44. Ilh̄iopak h̄akn̄ip h̄olloh̄okchi tuk vt, shilombish imma h̄akn̄ip osh taiyani hoke. Ilh̄iopak h̄akn̄ip, mikm̄vt shilombish imma h̄akn̄ip ita tuklo kv̄t ashvshke.

45. Yv̄mohmi kak o hatak v̄mmona Alvm vt shilembish

okchaya yosh toba tok; Alvm ishtaiyopi kvto Shilombish okchalnchi yo toba tok, achi hosh holihiso hoke.

46. Yohmi kia shilombish imma kak osh vmmona tuk keyu, amba haknip imma kak atok oke: atuk o i himmak o shilombish imma kak atok oke.

47. Hatak vmmona kvt yakni yo a toba hatuk osh, yakni imma kak oke. Hatak atukla kvto vba minti Chitokaka ak oke.

48. Yakni ai immi atuk ash o, chohmit kvna hosh yakni ai immi hokvto yvmmak inli ho chohmi hoke: mikma vba ai immi hokvto, yvmmak ash inli ho chohmi hoke.

49. Yohmi ka yakni ai immi kash o holba ka iloh ieshi hatuk a, chohmit vba ai immi kash o holba ka iloh iesha he ak inli hoke.

50. Yohmi ka itibapishi li vhleha ma! nipi, micha issish ita tuklo kvto Chihowa im apchlichika yvt ai immi ha he vhpesa keyu; mikma nan toshba hi okvto nan ik toshbo ya ai immi ha he vhpesa aiena keyu hoke.

51, 52. Yakeb! nana a luma hatuk a hvch im anoli lishke; moma kak osh hvpi nusa chi keyu, amba ai ishtaiyopi isht pufa yvt nana olakma, yakosi itin takla, nishkin mochukli ai itin takla ho, moma kvt inlv e toba hi oke: nana ola hvv ohonla he, mikmak o illi atuk vt ik toshbo ka hi osh tana he, mikma inlv e toba hi oke.

53, 54. Na toshba he ilvppak ash osh nan toshba he keyu ho isht a foyuka pulla he, mikma nan illa he ilvppak ash osh nan illa he keyu ho isht a foyuka he: yvmohmi ha yok mak o, nan illi hash o ont imaiyachi na ik ai iksho ka hi oke; ahanchi hosh holisso tok vt yvmmak ash ot ont ai ghla hi oke.

55. Nan illi ma! katima yak o nan isht ish nvhli yo? ahollopi ma! katima yak o nan isht ish imaiyachi ho?

56. Nan illi i nan isht nvhli vt nana ashvchi ak oke; mikma nan ashvchi isht imi hlampko yvt nan vhpisa yak oke.

57. Yohmi kia hvpin Chitokaka Chisvs Klaist pulla hatuk mak o nan isht imaiyachi ya Chihowa yvt hvv ima hoka, Chihowa ya yak oke; im ai ahni lishke.

58. Yvmohmi hoka itibapishi li a holitopa vhleha ma!

hush kvllo cha ik hvchi fitekacho kish, vltoba iksho ka hi osh Chitokaka hvsh in toksvli keyu kvv hvsh ithaiyana hokvt, Chitokaka im atoksvli yā lauachit hvsh toksahanlashke.

CHAPTA XVI.

Nan ik im iksho a kaniobmit apelacha he, mikmvt vbanumpa hvv i shaht holitopvt mahaya chi ka, nanasi isht apelacha he im anoli; 13 i kanvt nan i mihvt tahli mvt, isht aiyopichi kvv vbanumpa hā yakoke ahni tok.

1. YOHMI ka na yimmi ghli nan im itahobi imma hokvno, hvch Kaleshi a hiohli kak o nana im apesa li tok ā, chohmit hvsh yvmihchi ak inlashke.

2. Ona li ha yo nan itahobi kvv ik ai iksho ka chī ka, wek nitak vmonakma achefa hvsh aiyuka kvv, Chihowa hvv nan im ilayak ā ataiyahli ka, it ilauechit ishit hvsh il im bohonlashke.

3. Atuk o ona likma, kvna hō vhpesa hvsh ahni hokma, mihi yosh nana hvsh habenvchi tuk ash Chelusalem isht ona chī ka, holisso hā im atahli lish, pit yuhli lashke.

4. Yohmi kia ia li kak o vhpesa hinla hokma, yvmak ash ot si apihvt ia chī hoke.

5. Yohmi ka Masetonia yakni yā a hlopulli li ha yosh, hvchim ona la chī hoke, Masetonia yakni yā a hlopulli li mak okvt.

6. Yohmikmvt hvch ibai anta la chī, ghli, hvstula yak kia hvch ibai anta la chī chishke; yohmi hō anowa hopaki kanima yo ia la chī ka hvv si apelvcha hi oke.

7. Himonasi yā nowvt āya li hokvto, hvchi pisa la he keyu; amba Chitokaka yvt ik yohmi ahni hokma, ont hvch ibai anta li hopaka he keyu, ahni li hoke.

8. Yohmi kvv Efesvs ak o anta li Pentekost ai onak mak a chī hoke.

9. Okhissa yvt chito, mikmvt vm ai ghla hi vt an tiwa, mikma ā sanali vt laua hoke.

10. Yohmi ka Timohlius vt ona hokmvt, nukshopa ikshot hvch iba takla anta chī ka hvsh pisashke: vno vt yvmak inli chohmit, yvmvt Chitokaka im atoksvli li yā toksahanli hoke.

11. Yvmohmi ka kvna kia ik shitelemo kashke: amba yummot ayvt vm vla chi ka, i kanvt hvsh apelvchashke: itibapishi li vhleha takla vla hi a hoyo li hoka.

12. Il itibapishi Apollos okvno iloh itibapishi vhleha ha ai itvpihvt hvchim ona he ak o ahni li fehna tuk; yohmi kia himonasi yokvno ona hi vt ik ahno kvmoimi tuk; yohmi kia ona he im ai vhpiesa onakma, ona chi hoke.

13. Okchvt oh il apistikeli, ai yimmika ya kvllot ieshit hvsh hikiashke, hatak ahli il otvvinchit, hvsh hlampkashke.

14. Nana hvsh a kaniohmi puta kvv nan it i hullo mak o ik ai yvmohmi.

15, 16. Stefanas in chuka chvfa, yummak osh Akaia ya nan ai vni vmmona yosh, na yimmi ahli vhleha ha apelvcha chi kvv okla il im issa tok; yohmi ka itibapishi li vhleha ma! yvmma chohmi, micha na piba toksvli, micha toksvlit hoyubli ayuka ka hvsh im antia chi ka, hvch it i kanvt hvchi atohno lishke.

17. Stefanas, micha Fatunavv, mikmvt Akaikv siena kvv ai vla ka sai yukpvshke; nana ka hvch ik onancho ke tuk a okla onanchit atahli hoka;

18. Sa chkvsh, micha hvchishno siena chkvsh a okla yukpali hatuk: yvmohmi hoka yvmma chohmi vhleha ha i kanvt hvsh ithaiyanashke.

19. Asia yakni chvch maya kvv pit hvchi aiokpvchishke. Akuila micha Plissilla ita tuklo kvv, ilap in chvch maya ka siena kvv, Chitokaka ibai sohva hvchia hoka pit hvchi aiokpvchi fehvshke.

20. Itibapishi moma, kvv pit hvchi aiokpvchishke. Suk-sowa holitopa yv hvsh it aiokpvchashke.

21. Uno Pal naa isht aiokpvchi ka vno subbak isht holis-sohonchi lishke.

22. Kvna hoh kia Chitokaka Chisvs Klaist a holitobli keyukmvt, mihi yosh Anahlema, Malanahla mak ashke.

23. Hvpin Chitokaka Chisvs Klaist nan isht i kana yosh hvchi anukfoyakashke.

24. Klaist Chisvs ibai sohva hvchia ka nan isht i hullo li yvt mominchit hvchi anukfoyakashke. Amen.

HOLISSO ATUKLA PAL VT

CHUCH KOLINHILA

A HIKIA HO I HOLISSOCHI TOK.

CHAPTA I.

Pal vt ilap nan isht im apalvmi ka isht hopohqhla kv̄t achi; mihmvt vbanumpuli Kolinhila ai asha ka nan isht hopohla tok ash inli hq isht hopohlahan li kv̄t Chihowa ya yak oke im ai ahni, 1; 15 nana hoshi kaniohmi hq ik im vlo ki tok vt anoli; 23 i kana kak a tok.

1. CHIHOWA nan ai ahni atuk pulla mak o Chisvs Klaist im apostel Pal, micha il itibapishi Timohli ita tuklo kv̄t Chihowa in chvch, yvmmvt Kolinhila a hikia, mikmvt na yimmi ghli moma yvmmvt Akaia moma ka ai asha ka aie-ninchit pit aiokpv̄chi kv̄t,

2. Piki Chihowa, micha Chisvs Klaist ita tuklo nan isht i kana, micha isht it i nanaiya ita tuklo kv̄t hv̄chi anukfoyuk-ashke, hv̄chim ahnishke.

3. Pin Chitokaka Chisvs Klaist Iki, Chihowa, nan i nuk-haklo fehna Iki, micha nan isht anuktanla moma in Chihowa yvt holitopashke.

4. Yvmmak osh nan isht il ai ilbv̄sha moma ka pi nukta-lahanli; yohmi hq pishno vt Chihowa hak o nan isht im anuktaiyala ya isht a pi nuktaiyala cha, kv̄na hoh kia ilbai-yasha hokma, e nuktalahanla hinlv̄shke.

5. Klaist pulla hatuk mak o nan isht ilbv̄sha yvt pim a laua; yohmi hokvt Klaist pulla hatuk mak o nan isht a pi nuktaiyala yak kia lauv̄shke.

6. Yohmi ka nan isht a pilbaiyasha hoh kia, hv̄chishno

ano nan isht hvchim ahopohla, micha nan isht hvchim ai okchaya chī kv̄t, nan ilbvsha yvmmak o pishno vt isht a pilbvsha tuk ak inli chohmi ka isht a hvch ilbvsha hokmak osh nan isht hvchim ai ghli hoke; anonti pishno vt isht a pi nukhtaiyala hok mak heno, yvmmvt nan isht a hvchim a hopohla, micha hvchim ai okchaya mak oke.

7. Yohmi ka nan ilbvsha puta ka hvsh ibai ishi, yohmi hatuk okvt na hopohla ma hvsh ibai isha chī ka il ithaiyana kak osh nan isht e hvchim anukfilli kv̄t kv̄llo fehvshke.

8. Iloh itibapishi vhleha ma! nan isht a pilbvsha yvmmvt Asia yakni yā a pi onvtula; yohmi mv̄t pim isht hlampko hash imaiyachi na na pī weki fehna mv̄t; okchaya he yak kia kil ahno ke tuk g, hvch ik akostinincho ka hi g e hvchim ahni keyu hoka:

9. Yohmi ka illa he anumpa il il ai eshi, yohmi kv̄t pishno ak inli ka il anukchieta he keyu; amba illi tanichi Chihowa yak a hetuk oke.

10. Yvmmak osh nan illi chinto fehna kash a pi hlakofichi tuk osh, a pi hlakofichi moma: yohmi kv̄t yvmmak ash osh pi a hlakofihinja chī ka yvmmak o il anukchieta hoke.

11. Hatak laua pulla kak o nan isht i kana pi onvtuyula tuk g, hvchishno ak kia itapelvt anumpa ilbvsha isht hvsh pi anumpohonli; yohmi hō pishno pulla kak o yak oke Chihowa yā im ahni kv̄t laua hi oke.

12. Isht il il akostininchi isht im ai atokowa kv̄t haknip imma isht hopoyuksa keyu, amba Chihowa nan isht i kana pulla hatuk mak o nan anukfila apissali achvfa, micha Chihowa anukfoyuka ai ghli hosh yakni paknaka il ai ahanta hatuk: yohmi hokvt hvchishno yak heno i shahlichit il a hvchī yvmohmi, ilvppak osh nan isht il il aiyukpa hoke.

13. Nana ka hvsh it im anumpuli; micha ghli hvsh akostininchi fehna tuk yvmmak keyukma nana inla yō e hvchī holissochi keyu hoke; yohmi hoka ghli ahnit, akostininchit mgahyvt ont ai vhli ka hvsh ona hi g hvchim ai ahni lishke:

14. Chitokaka Chisvs i nitak vt vlakma, nan isht pim ilaiyukpa hvchia ha chī kv̄t, yvmmak inli hō chohmit nan isht

huchim ilaiyukpa pia ha chī ka, hvsh kanimi kv̄t ghli hvsh pi akostininchi ak inli tuk oke.

15, 16. Yohmi ka yakohmi tok ak o na yimmi hosh atukla ma nan isht ilaiyukpa ka hvsh isha hi ḡ tīkba hvchīm ona la he ahnit, anonti ont ivt, Masetonia yakni ona li tuk mvt, anonti Masetonia yakni yash o akohchvt atuklant hvchīm aya li hok mak osh, Chutia imma aya la chikma, hv̄s si apelvcha hi ḡ vm anukfila tuk oke.

17. Yvmohmi kv̄t yakohmit vm anukfila mvt, vm anukfila hv̄t fitekvchi hosh yvmihchi li tuk o? yvmmak keyukmvt vno vto yau, yau, mikmvt keyu, keyu, achi la hi osh nana ka ahni li kv̄t, haknip nan ai ahni hō isht anukfilli li tuk o?

18. Yohmi ka Chihowa hv̄t ai ghli yatuk o, pim anumpa nan isht e hvchīm achi tuk ḡ yau yatuk osh anonti keyu, yatuk keyushke.

19. Uno, mikmvt Silfanvs, micha Timohlivs aiena pulla kak o, Chihowa Ushi Chisvs Klaist, yvmmvt hvchīm anuhumpa kv̄t, yau yatuk osh, anonti keyu yatuk keyushke, amba yvmmak okvt yau yatuk oke.

20. Yvmmak atuk pulla mak o Chihowa hv̄t nana im ihisa tuk moma kv̄t yau okma, anonti yvmmak atuk mak o Amen oke, yohmi kak o pishno ma Chihowa nan isht im a holiropa yoke.

21. Yvmohmi ka Klaist ḡ iloh ibai achvfa chī ka, hvpi hlampkohonchi cha, na pi a hv̄mmi kv̄t, yvmmvt Chihowa ak oke.

22. Mihmvt ilap immi pia ha chī ka, yvmmak ash osh pi ai ghlichī mvt, ai okchayvt bilia e pisa he pim ai ghlichī kv̄t, Shilombish ḡ pi anukfohkechi tuk oke.

23. Yvmohmi hoka hvchī kanvt na hvchīm anukfilli la chī kak osh, Kolinhla yḡ ak ono kīsha hatuk ḡ Chihowa hv̄t vmi shilombish ḡ atokowvt vm ithana ya chī ka hohoyo lishke.

24. Na hvchi yimmi ka il ī shahli hatuk keyu hoka, amba na hvchīm ai yukpa apelvchi pia hoke; na yimmi pulla hatuk mak osh hlampkot hvsh hikia hoke.

CHAPTER II.

Nana hosh kaniohmi kak o ik im ono ki tuk vt anoli, 1; 6 Chveh a a kobcha tok g i nukhanklot i kvshofa hi g im ahni; 10 ilap ak kia i kvshofi tuk g chohmachi: 15 kanima yq vbanumpa isht anuz-pohonli ka Chihowa yvt im ai okpanchi.

1. YOHMI ka vm anukfila kvv na nukhaklo hosh, atuk-la ma ak hvchim ono ka chi, ilvppak o vno ak inli kvv vm anukfila hatuk oke.

2. Hvchi nukhaklochi li, yohmi hokma kvta hosh na sai yukpala hinla ho? amba vno yak atuk mak o kvna hosh nukhaklo tuk yvmmak inli kak a hinla keyu?

3. Yohmi ka ona likmvt, kvna ho ibai yukpa la hetuk, yvmmak ash ot nana a kaniohmi ka isht a nukhaklo la hinla kak osh, ilvppvvt mihi ash inli ka isht hvchi holissochi li hatuk oke: hvsh moma nan isht hvchim ai-yukpa yvt vno g nan isht vm il aiyukpa ak inli hoke, ai ahnit hvsh moma ka hvchi yimmi lishke.

4. Na nukhaklo fehna, chukvsh ilbaiyvshvt nishkin okchi mvt laua aiena hosh isht hvchi holissochi li hatuk; hvchi nukhakla he yak atuk keyu, amba nan isht i hullo yvma isht hvchi hoyullo li fehna hatuk g hvsh ithaiyana chi kak atuk oke.

5. Yohmi kia kvna hosh na nukhaklochi tuk okmvt, vno ak illa ho si anukhaklochi tuk keyu: hvsh moma ka ak hvchi kvllo ka chi kak osh ilvppa hvchim achi lishke.

6. Hatak yvma chohmi kvno nan vlvpisa ilvppak o laua kvv im apesa tuk g, im ai vlvpiesa hoke.

7. Yohmi tuk g yvma chohmi kash i kashofit hopohlvi kak o hvsh ahna he tuk oke; yvmmak keyukma yvma chohmi kash ot na nukhaklot isht ai i palvmmitt kvnia hinla hoke.

8. Yvmohmi hoka nan isht hvsh i hullo kvv yvmmak ash o hvsh im otvniacha chi kak o hvchim ai ahni lishke.

9. Ilvppak a he mak o holissochi li akinli hatuk; nana

moma ka ai im antia hvchia hokmá, nana ka hvch imoma ka ithvna la chj hatuk oke.

10. Kvna hq nana ka hvsh j kashofi hokma, vno ak kia j kashofi li hoke; nana hatuk q j kashofi likmvt, hvchishno pulla kak q Klaist vlhtoba hosh yvmihchi li hoke.

11. Yvmmak keyukma Setan vt pi haksicha hinla, yvmma nan ahni ik vlpeso ya kil ithano keyu hoka.

12. Yohmi ka Klaist im vbanumpa isht anumpohonli la chj hosh, Tloas g ona li ma, Chitokaka yvt nan ai ahni hq, okhissa yvt an tiwa tok.

13. Itibapiahi li Titvs g ak ahayucho hokvt, vm anukfila nuktula ik sem iksho ki tok: yohmi ka okla yvmmak ash aiokpvchit issa li mvt, yvmma a kohchvt Masetonia yakni ya ia li tok.

14. Yohmi hoka, yak oke ahnit, Chihowa hq kiloh aiokpvchi; yvmmak osh Klaist pulla hatuk mak q il imaiyacha chj ka pi apelahanchi; mikmvt kanima moma ka pishno pulla atuk mak q ilap a nan isht im ithvna j na balama otvnihinchishke.

15. Pishno vto Klaist ibai achvfa pia hosh kvna hosh okchaya chj, micha illa chj aiena kak q Chihowa j nan isht balama champuli pia hoke.

16. Achvfa kano, illi bitema nan isht ai illa he j pia hoke, mikmvt inla yano okchaya na balama nan isht ai okchaya pia hoke. Yohmi ka kvta hosh iloppa puyuta ka isht im ai vlpiesa cho?

17. Lava hv Chihowa im anumpa ik ai ghlecho ya e chohmi keyu; amba chgvsh ai ghli, yohmi kv Chihowa im vlhtoka kv, Chihowa itikba yo Klaist j hohchifo isht il anumpohonli hoke.

CHAPTA III.

Pal vt vbanumpa isht anumpohonli hq Kolinhlia vt vbanumpa anukfohka kak q yvmmak ash Chihowa hv pit pila hatuk g otvniinchi tok, 1; 6 vbanumpa anumpula chi ka Chihowa yak osh ataiyahli tok a tak, 12 vbanumpa hak osh holitopa kv Moses nan apesa tok g j shahli.

1. PISHNO ak inli kv̄t atuklanchit il il ahninchit isht il ia h̄q? keyukmvt inla maya ka chohmit, isht hv̄sh p̄i kana he holisso puta ka il isha he pim vlhpesa h̄q? yvmmak keyukmvt holisso isht ai i kana ya e hv̄chim ai isha hi vt vlhpesa h̄q?

2. Hv̄chishno ak osh p̄i holisso hv̄chia hosh pi chukvsh a a holih̄so tuk osh, hatak moma ka im otaiyanit im ai it anuhumpa hoke :

3. Pishno yatuk mak o hv̄chishno vt Klaist i holisso toba tuk otaiyanit hv̄sh anoh̄wa kv̄t, isht holissochi oka yo isht holih̄so tok keyu, amba Chihowa okchaya imi Shilombish ak atuk ; tvi patvssa yo a holih̄so tok keyu, amba chukvsh nipi ak atuk oke.

4. Yohmi hatuk o Klaist pulla hatuk mak o Chihowa yak osh yvmih̄chi tuk a p̄i yimmishke.

5. Pishno ak inli nana ka ai isht anukfillit isht im ai aghla he il ahni kak osh pishno ak inli kv̄t il ona ch̄i keyu hoke : amba Chihowa ak atuk mak o nana ka pim ai aghlit il ona ch̄i hoke.

6. Nan it im vlhpisa himona nan isht im vtta ai aghla he mak o yvmmak osh pi atokoli ak inli tok : holisso tikba yak o nan isht im vtta h̄q keyu, amba Shilombish ak oke ; holisso tikba yash okvto vbi yoka, amba Shilombish okvto okchalinchi yoke.

7. Yohmi ka tvi yo ai in chuwa holisso isht ai illa he isht ai vtta yvt holiropa ; yohmi h̄q Moses yvmma nashuka yvt shohpalali hoka, Israel ushi vhleha hv̄t nashuka yash o atokov̄t pisa he keyu ki tok ; yvmmak ash ot ont ai iksho ka hi atok oke ;

8. Katiohmi hosh Shilombish nan isht ai vtta yokak heto holiropa kv̄t i shahla hetuk keyu h̄q ?

9. Isht a palvmma he nan vlhpisa isht ai vtta yvt holiropa hokma, nan isht ai vlhpisa isht ai vtta yokak heto holiropa kv̄t i shahli fehna he tuk keyu h̄q ?

10. Nana kv̄t yakohmit holiropa tok ilvppak ash ot na holiropa yvmmvt i shahli pulla kak o holiropa kv̄t ik alauwo ki tok.

11. Nana kv̄t ont ai iksho kak osh holitopa tok okma, nana kv̄t takali kv̄t holitopa i shahli fehna hinla hoke.

12. Yvmohmi hoka yvmohma ch̄i ahnit na pi yimmi hosh anumpa otaiyani fehna h̄o isht il anumpuli hoke.

13. Yvmohmi kv̄t Moses atok ano chohmi keyu, yvmak okvto Islael ushi vhleha hv̄t nan vhpisa yvmmak ash ot kv̄nia kia, a hlopullichit ai vhli pit atokowvt pisa keyu kak o, isht ompoholmo ȳo ilap nashuka yash isht ompohomo tok.

14. Yohmi kia yvmma im anukfila hash ot lupa yatok; himak nitak ak kia Testament sipokni im ai itim anumpuli hokvno nan ompoholmo mihi ash inli kv̄t ik i kv̄nio kisha hosh takali hoke; yohmi kia yvmmak ash ot Klaist ak o ont isht ai akshot kv̄nia hoke.

15. Yohmi ka himak ak kia Moses a ai itim anumpuli ka, nan ompoholmo yashot i chukvsh a on hlipia hoke.

16. Yvmohmi tuk o Chitokaka ya pit ai i filemvt im onakma, nan ompoholmo yash o isht i kancha hi oke;

17. Yohmi ka Chitokaka yvt, Shilombish yvmmak ash oke: yohmi ka kanima ȳo Chitokaka imi Shilombish vt ai otaiyanikma, mihi ȳo ai yuka keyu mak oke.

18. Yohmi ka nashuka ompoholmo keyut a pisa ȳo il a pihisa chohmit Chitokaka im aholitopa ya e pihisvt, yvmak ash inli h̄o hoyulba ch̄i hosh momvt inlv̄t e toba kv̄t, Chitokaka imi Shilombish vt a pi yvmihchi kak o, holitopa kv̄t i shahlit il a mahgaya hoke.

CHAPTA IV.

Ai ghli, achilita hosh vbanumpa ha isht anumpoholli tuk vt otvni-chi, 1; 7 mihmvt nan im apalvmi puta tuk vt Chihova yosh isht aholitopa he, 12 chvch nan isht im a chukma he; 16 mikmvt ilap nan isht il ai yukv̄t im a bilia hi a tuk a, achi.

1. YAKOHMA ch̄i mak o, nan isht i nukhako il ishi hatuk mak osh, nan isht ai vta ilvppak ash o isht il ahanta kv̄t, pin takobi keyushke.

2. Isht a hofahya he nan isht im aluma puta ka e kanchi

mtv; i kostinit nan isht akanomi ya il ai itnowa keyu, Chihowa im anumpa ha ik ghlechot il inlvchi keyu; amba Chihowa itikba ya nan ai ahli ya il otvninchi ka, hatak moma nan isht il akostininchi yvt ahli, pim ahni hoke.

3. Yohmi kia pim vbanumpa hvt luma hokmtv, okpula he vhleha hak o in luma hoke.

4. Klaist, yummvt Chihowa Hoyulba ka, im vbanumpa holitopa in tohwikeli hvt on tomma chi keyu ka, na yimmi keyu yummak ash o im anukfila puta ka yakni ilvppa i shahli yosh lvblichich hatuk oke.

5. Ubanumpa isht il anumpuli kv, pishno ak inli ho isht il anumpuli keyu, amba Klaist Chisvs Chitokaka yak atuk: yohmi hokvt pishno yokvto Chisvs pulla hatuk mak o hvchin tishu pia hvt il otvninchishke.

6. Tohwikeli hvt ai okhlilika ya a kohchvt tomma chi ka, Chihowa yummak osh im apesa tok okvt, Chihowa im aholitopa nan isht ithaiyana im a tohwikeli hvt Chisvs Klaist i nashuka a minti mak o pima chi hosh pi chukvsh a a tommi hatuk oka.

7. Yohmi kia nan isht ai ahli chinto fehna kv pishno ak o keyu, amba Chihowa ak o immi ha chi ka, nan ilayak holitopa ilvppak ash o nan ai vlvto okfulush toba ho isht il ieshi hoke.

8. A palvmmi bano hosh pia folubli kia, atukonofvt pi komunta keyu kisha; atia he pim okvpa, yohmi kia isht apelvchi yvt ik pim iksho ka chi kil ahno hoke.

9. Inla yvt pi palvmmichi, yohmi kia Chihowa hvt ik pisso; aka il itula; yohmi kia ik pi okpulo hoke.

10. Chitokaka Chisvs vt isht illi mak o pi haknip a isht ieshit il aya bilia; yohmi na Chisvs okchaya yosh pi haknip a ai otvna chi hatuk oke.

11. Chisvs vt okchaya kv illa he pi haknip a isht ai otahana chi ka, Chisvs pulla hatuk mak o okchayvt il anta kv, illa he pim vlvpihisa na bilia hoka.

12. Yohmi hoka nan illi yosh pi a toksahanli, yohmi kia nan okchaya yosh hvchi a toksahanli hoke.

13. Na yimmi im anukfila, Na sai yimmi yvmohmi hosh

anumpuli li hoke; achit holisso tok g yvmmak inli hō il iesz hosh na pi yimmi ak inli, yvmohmi hokvt il anumpuli hoke.

14. Chitokaka Chisvs g tanichi tok yvmmak osh Chisvs pulla hatuk mak o pi tanicha he ak inli, mikmvt hvchishno g a pit aieninchit pi hiohlicha hi g il ithaiyana hoke.

15. Nana puta kv̄t hvchishno pulla hatuk mak o ai yakohmi ka, laua kv̄t yak oke ahnit, aiokpv̄chi pulla hō nan isht i kana laua kv̄t Chihowa yvt isht a holitopa ch̄i hoke.

16. Yakohmi hoka pin takobi keyu hoke; yohmi kia hatak pi pakna yokvto tikambit mahaya kia, hatak anukaka yokvto nitak osk nitak ma himonvt tohombvshke.

17. Yakosi itintakla hō na pim a palv̄mmi shohvla kia, na holitopa weki bilia nan imaiya fehna ka pim atahli hoke:

18. Nana puyuta yvmvt otaiyani yak o e pihisa keyu, amba nana kv̄t otaiyani yak keyu; nana puta yvmvt otaiyani yokvto a bilia keyu; amba nana puta yvmvt otaiyani keyu kak osh a bilia yoke.

CHAPTA V.

Aiokchaya bilia pisa he anukfoyuka ghli, 1; 9 mihmvt Klaiet im ai asha holitopa nan apesa itikba hikia ch̄i kv̄t ithaiana, yohmi mvt im a holitopa he ahnit toksahanli; mihmvt ib ai achv̄vt nobōwa, micha inla mvt okchaya ch̄i ka anukfokihinchi.

1. ULHTIPO yakni pakna a pim aboha ilvppak okvt ont a yuhla kia, ibbak isht atoba tok keyu, vba a holitopa ya a bilia chuka, Chihowa hv̄t ikbi tok g, pin talaia kv̄t il ithaiyana hoka.

2. Ilvppak ash o il a foyuka kak osh ilbv̄shvt e hih̄iha kv̄t, pim aboha, yvmvt vba a minti mak o, isht e fohka he ahni fehvt, e hohōyo hoke:

3. Yakohmit e foyuka mv̄hli hokmvt, haknip biekvt il otaiyani ch̄i keyu.

4. Ulhtipo ilvppa il ai ahanta hokvto, nan i weki tikabit ilbv̄shvt e hih̄iha; yohmi kia ik fohko ka hi ak o il ahni keyu, amba isht il a foyuka he ak oke; yohmi hō nana kv̄t

illa he imma hatuk okvto nan okchaya kak q ont ai iksho kak a chj hatok g il ahni hoke.

5. Yohmi ka nana kvv ilvppak a chj ka a pi atahli tuk vt Chihowa ak oke; yvmmak osh ai okchayvt bilia yvt pim ai ghla chj ka, Shilombish g pihjma ak inli hoke.

6. Yvmohmi hoka yvmohmi pulla chj ai ahni fehna kvv, haknip q il ai anta tqkla hokvto, Chihowa ya j filvmmi hosh il anta kvv il ithaiyana hoke.

7. Na yimmi pulla kak osh il itvnohvwa, pjsa kak q keyu hoka.

8. Yvmohmi pulla chj il ahni fehna, yohmi hokvt haknip a ai j filvmmi cha, Chitokaka yak q il ibai achvfa hi ak osh pim j shaiyahli hoke.

9. Yvmohmi hokvt ibai achvfa kak okmá, keyukmvt j filvmmi kak okmá, nana kia yvmmak ash e yukpala chj kvv e toksahanli hoke.

10. Ilap haknip aiyuka nana kvv ai yvmohmi tuk g nana achukma hokmá, keyukmvt okpulo hokmá, nana hoh kia, yvmma yvmihchi tuk isht vlhtoba mak q moyuma kvv il isha chj kvv, Klaist im q binili nan ai apesa itikba ya e moma kvv ont il ai otaiyana chj pulla hoka.

11. Yvmohmi hoka Chitokaka isht im anukshopa hi g ithaiyana hosh, hatak puta kvv hlakofa he ahnit il in tohvno; yvmohmi hokvt Chihowa hv q il im otaiyani pulla; yohmi hokvt nan isht hvsh il akostininchi ma e hvchim otaiyani ak inli, ahni li hoke.

12. Isht hvsh pi ahnicha hi g pishno ak inli kvv atukla ma isht e hvchim atahli keyu; amba chukvsh ak q keyu; ilap nashuka yq isht il aiyukvvt ilauata vhleha yvmma hvchishno vt j nan hvsh ok acha hi vt hvchi anukfvka chj kak osh, pishno ak q nan isht hvsh il aiyukpa kvv hvsh il austa chj kak q, e hvchim ahni hoke.

13. Pishno ak inli kak osh il il atampfi fehna hokmá, nana hoh kia, Chihowa nan isht im a holitopa chj kak oke: keyukmvt pim anukfila nuktaiyala hokmá, nana kia hvchiahno nan isht hvchim achukma chj kak oke.

14. Klaist nan isht pj hallo yak osh a pi anukfoyakvt pi

ai yimilihinchi hatuk oka ; yohmi ka achufa kv̄t moma ka im illi hatok, yohmi hokma, moma kak osh illi yoke, ahnit yakohmichit isht pim anukfila hoka.

15. Yohmi ka moma kak o im illi hatuk oka, kv̄na hosh himmak ma okohayvt ahanta kv̄t, ilap nan ahni banot ahanta he keyu, amba vltoba hosh illi tuk osh, anonti falamvt tani tok yvmmak o holitoblichy hosh ahanta he vlpesa hoke.

16. Yohmi ka himak a pilla ka haknip imama hatak nana kia il ithaiyana ch̄y keyu : ghli, yohmi kia haknip imama Klaist okvno il ithaiyana tok : yohmi tok kia himak a pilla kvno yvmmak ash il ithaiyana ch̄y keya mak oke.

17. Yvmohmi ka hatak nana hosh Klaist a ibai achufa hokmvt, mihi yosh nana toba himona yoke : na sipokni stuk vt ont ai ikshot kvnia na, yakeh ! nana puta kv̄t himonvt toba hoke.

18. Yohmi ka Chihowa yvmmak osh Chivus Klaist pulla hatuk mak o ilap a isht a pit i nanaiyvchi tok ; mihmvt nan isht it i nanaiyvchi isht ai v̄tta yo pi atokoli tuk mak osh, nana yakohmi puta ka yvmihchi yoke.

19. Yohmi kv̄t Klaist pulla h̄o Chihowa hvt yakni a ilap a isht il i nanaiyvchi kv̄t, yvmmak ash nan im ai ashvchi puta kash o isht in takalihinchi keyu ; yohmi mvt nan isht it i nanaiya im anumpa h̄a pi anukfoyuki hatok.

20. Yvmohmi hoka Klaist vltobvt im anumpa isht gya pia hoke ; yohmi ka pishno pulla hatuk mak o Chihowa hvt i kanvt hvchim anumpohonli chiyuhmi ma ; pishno mvt Klaist vltoba hosh e hvchim asilhha ka Chihowa ya hvsh i nanaiyashke.

21. Yvmmak atuk mak o Chihowa nan isht im ai vlpiesa e toba ch̄y ka, yvmmvt nan ashvchi ithaiyana tok keyu ka, yvmmak ash o Chihowa yvt nan ashvchi yo pim ikbi tok.

CHAPTA VI.

Ilap, m̄icha itapehvt toksvli aiena kv̄t Chihowa yak o iba toksahanli kv̄t achi, 1 ; 5 vbanumpa isht anumpohonlit nan isht im apalvmi,

micha toksahanli aiena kv̄t anoli; 14 Chihowa okchaya yō in tem-
pel a tuk okv̄t, na holbet toba puta nan akaniohmi ik v̄lhpeso puta
ka ai i filv̄mma chi ka i miha.

1. YUMOHMI hoka pishno vt nan itiba toksv̄li pia
hosh, Chihowa nan isht i kana hv̄sh habena kv̄t, pilla hv̄sh
habena ch̄i keyu hō i kanv̄t hv̄chin tohōno li hoke.

2. Ai okpancha he nitak vt takali ma chi hahaklo li tok;
anonti isht ai okchaya nitak vt takali ma chi on chv̄fv̄t chi
apelahanchi li tok, yv̄mmv̄t achi hoka: yohmi hoka yakeh!
himonasi yā aiokpahancha he nitak vt takali hoke; yakeh!
himonasi yak osh isht ai okchaya he nitak vt takali hoke.

3. Ubanumpa isht ai v̄tta yv̄t ik hofahyo ka chi ka, nana
kia isht ai ibetv̄bli yā kil i bohonlo hosh;

4. Nuktaiyv̄t achunanchi fehna, nan apalv̄m̄mi puta ka
isht ai atukonufv̄t a hlakofa he keyu;

5. Fahama, aboha kv̄llo ma fohōka, nukkillit yahapa
puta, toksahanlit hoyubli, nusi mv̄t ik im iksho, hohchahāfo,

6. Chv̄kv̄sh kashofa, nan ithaiyana, i kanv̄t nuktaiyala,
sv̄lahv̄t nokowa, Shilombish Holitopa, ilahobi keyu hosh
nan it i hullo,

7. Nan ghli isht anumpa, Chihowa nan isht im ai ghli,
isht impakimma, mikmv̄t isht afvbekimma ita tuklo kv̄t nan
isht ai v̄lhpiesa i nan isht tanampi isht ai im v̄lhtaiyaha;

8. Nan isht holitopa, anonti nan isht ik holitopo, nan ik
achukmo isht annoa, anonti nan achukma isht annoa; na
haksichi yō chiyuhmi, yohmi kia ai ghli bieka;

9. Ik ithano yō chiyuhmi, yohmi kia otaiyani achukma;
illa he im ai v̄lhp̄ih̄sa, yohmi kia yakeh! pi okchaya moma;
kostina hi osh nan i palv̄m̄mi, yohmi kia illi keyu;

10. Na nukhaklo yō chiyuhmi, yohmi kia na yukpa
bieka; ilbv̄sha yō chiyuhmi, yohmi kia lāwa ka nan in
lauahanchi; nan ik im iksho kamohmi hō chiyuhmi, yohmi
kia nana moma kv̄t ai immi; nana kv̄t a pi yakohmi hokv̄t,
Chihowa nan isht im v̄tta vt kaniohma hetuk ā chohmit
nana moma ka isht il ai otv̄nihinchi hoke.

11. Kolinhlilian hv̄chia ma! pitakha yv̄t hv̄ch̄i wakama, pi
chv̄kv̄sh mv̄t hv̄chim a chinto fehna hoke.

12. Pi chukvsh g ai iskitinosi ho hvsh pim a foyuka keyu, yohmi kia hvchi chukvsh okvno iskitinesi ho hvsh a pi foyuki hoke.

13. Yohmi ka mihi ash inli chohmi ho hvsh pi falaminchi cha, hvchi chukvsh g hvsh pin chitolashke; vm vlla chipunta chohmi ho im anumpvi li hoke.

14. Na yimmi keyu vhleha hokvno it ibai achvvt ikunla abana isht ik hvch abanaiyo kashke: nanta ho nan vhpesa kvv nan ik vhpeso ya it ibai ieshi ho? nanta ho tohwikeli hvv okhlili hg isht ai it ibai achvfa ho?

15. Yohmikma Klaist vt Belial g nanta ho isht ai itiba ola achukma ho? mikma na yimmi yvt nan ik yimmo ya nanta ho isht ai it ibai achvfa ho?

16. Yohmikma Chihowa in tempel vt na holbvt toba puta ka nanta ho isht ai it ibai achvfa ho? Chihowa okchaya in tempel hvchia hoka; yohmi ka Chihowa hvv, Yvmmak oka ai ahanta la chi, mikvvt a nohova la chi: yohmi cha in Chihowa sia hokma, anonti ilap vt vm okla ha chi hoke, achi tok oka.

17. Yvmohmi hoka yvma a kohchvt hvsh mintashke; yohmi cha oh i filvmmi, mikvvt nana kvv ik kashofo ka hvsh potoli na; yohmik mak o hvch i kanvt hvchi ieshi la chi hoke, Chitokaka yvt achishke.

18. Yohmikvvt hvch Iki toba likma, anonti hvchishno vt svso vhleha, svvotek vhleha hvsh toba hi oke, Chihowa nana moma i shahli hvv achishke.

CHAPTA VII.

Nan ashvchi ik im ikaho ka he i miha, 1; 2 Klaist im vbanumpa ishi ai ghli yatuk ilap g okla aiokpancha chi ka i miha; Ilap nan im ai ashvchika isht ilekostinicha hi g i holiseo vmonna kvv nukfokichichi tok o, Titvs vt ant im anoli ilvppak o nana kvv i palvmi ak inli kia isht hopoghla tok vt pit im anoli.

1. YUMOHMI ka g kana holitopa vhleha ma! nana hash yakohmiechit pimihisa ka, haknvp, micha hvvim anakfila nan isht ai liteha puyuta ka isht kiloh il a kashofi,

Chihowa hā holitohombli pulla hosh ont ai ghliṭ nan ai ashvchi ka ik pim iksho kashke.

2. Pī kanvt hvsh il anukfoyukashke; hatak nana kia kil vlpesalo hatuk keyu; hatak nana kia il ai okpvnichi hatuk keyu; hatak nana kia haksichi hosh nan il im ishi hatuk keyu.

3. Anumpa hvchi onochi la hi osh ilvppa anumpuli li keyu; hvch ibai illi hokmá, okchayvt hvsh ibai ahanta hokmá, nana hi vt pī chukvsh ā hvsh pim a foyuka hoke, tikba kash achi li tuk oka.

4. Yohma chí ahnit, na yimmi chintot hvchim anumpuli li hokvt otvvinchi li fehnvshke; nan isht hvchi ilaushanta li chinto hoke; na hopohla ma isht vm alotowa kvṭ, na pima apalvmmi a moma ka isht a sai yukpa vm atampa fehna hoke.

5. Masetonia yakni yā ant e chukowa ha yatuk ā pi hak-nip vt ik foho kvmmohmi; yohmi hoka a pi afolubli moma ka nan isht a pī palvmmi; kocha yā ai itihimbi ma, pi anukaka ma, pi nukshohumpvshke.

6. Yvmohmi kia Chihowa hvṭ kvna hosh im anukfila akanlosi puta hokvno nuktalali, yvmmak osh Titvs vt ayvt vla pulla hō pi nuktalali tuk.

7. Yohmi kvṭ yvmmvṭ ayvt vla kak bano keyu, amba na nuktanla mihi yō yvmmak ash ot isht hvchi anuktanla pulla tuk osh, nan isht hvš sā hullo kvllo, mihmvṭ na hvchi nukhaklo, hvchim anukfila hā kvllochit isht hvš si atakali aiena ka yvmmak ash ot ant pim anoli hoka: yohmi hoka nan isht sai yukpa vm ī shahli fehna tuk oke.

8. Yohmi kvṭ hvchī holissochit isht hvchi nukhaklochi li tuk vt sa nukhaklo tuk kia, himak ano sa nukhaklo keyushke; holisso yvmmak ash ot na hvchi nukhaklochi kia, hvshi kanvlli achvfa hō chohmi tok ā akostininchi li hoke.

9. Himonasi yā sai yukpvshke, na hvchi nukhaklo kak keyu, amba na hvchi nukhaklot hvsh ile kostininchi kak atuk oke: pishno ak atuk mak o nana kia isht hvchi ai okpulo ka chí kvṭ, Chihowa nan ai ahni hō na hvchi nukhaklo tuk oke.

10. Chihowa nan ai ahni hō na nukhāklo yokto anukfohka cha, okchaya chī hosh ile kostininchi kut nukhākla himma keyu hoke: amba yakni yō nan isht a nukhāklo yokto illa hi osh anukfohka hoke.

11. Chihowa nan ai ahni hō na hvchi nukhāklo tuk vt ilvppak fehna ka ho pesá; tushpvt anukfohkvt nana isht hvsh ahanta tuk, ghli, na hvchi onvtula tuk ash hvsh il im i kanvlichichu tuk, ghli, ile shitlemvt nan ai ashvchi hvsh i nukkilli tuk, ghli, na hvchi nukshopa tuk, ghli, yvmohmi pullakbano ahni fehvt hvchi anukfoyuka tuk, ghli, nan a mosholit hvsh ahanta tuk, ghli, ik vlpeso mak o i sanalit hvsh i nukkilli tuk, yohmi hokvt nan ilvppak ash hvsh ai iti kaashofa kut nana ilvppa puta kak o isht hvsh il otvvinchishke.

12. Yvmohmi ka hvchi holissochi li tuk vt kvna hosh nan ik vlpeso ka yvmihchi tuk, mihmvt kvna hosh ik vlpesot nan i palvmmi tuk pulla kak o yvmihchi li tuk keyu; amba Chihowa itikba yō tushpvt anukfohkvt isht e hvchim ahanta ka hvchim otaiyana chi kak atuk oke.

13. Yvmohmi hoka nan isht hvchi nuktanla ka isht a pi nuktaiyala hoke; ghli, yohmi hokvt Titvs yvmmvt im anukfila hut hvsh moyuma kak o nan isht a nuktanla tuk okvt, na yukpa kak o pishno vt na pi yukpa pim atampa tuk oke.

14. Hvchishno pulla hatuk mak o isht im ilauata li tuk oh kia, sa hofahya keyu; yohmi ka ai ghli hō nana moma isht e hvchim anumpuli kut, Titvs itikba yō na yukpvt il ilauata ha tuk a, yvmmak ash ot ai ghli bieka hoke.

15. Yohmi ka nukshohumpa, micha wvnihinchi aiena hosh yvmmak ash hvsh aiokpvchi cha, nana ka mominchit hvsh im antia tuk a ithaiyana momvt, yvmmak ash ot im anukfila isht hvchi kana kut in laiyawa atampa hoke.

16. Yvmohma hoka nana moma ka hvsh ai ghli ka hvchi yimmi li kak osh na sai yukpa hoke.

CHAPTA VIII.

8banumpuli ilvsha Cheluselvū gaha ka peh pilla nana ka isht apelacha he i miha, 1; 7 vbanumpuli Masetonia ai ashvt nan akanioh-

mi ka hobacha he. 8 Chihowa nan isht i kana anukfoynka pulla hosh; 14 Klaist g iakaia pulla hosh yvmihcha he; mikmvt nana ka ykmiichi kvv ilap shilombish nan im achukmali pulla ka, achi.

1. YUMOHMI ka itibapishi li vhleha ma! Masetonia yakni chvch a hiohli ka Chihowa hvv ilap nan isht i kana yo ihima ma,

2. Nan imomaka pisa chinto a palvmmi kak o nan isht im il aiyukpa kvv lqwa, yohmi mvt ilbvsha fehna yatuk vt ilap nan ahnit nan itahobi kvv, lauachi fehna tuk g isht e hvchim anolishke.

3. Nan isht il ilauechi, ghli, nan isht il ilauecha hi g im atampa ak inli kia, yvmihcha he ahnit, ilap inli nana im anukfila hatuk o atokowa anoli li hoke;

4. Nan isht i kana yash il ishi cha, na yimmi ghli vhleha isht im ia ka ibachvvt il apelvcha hi g, okla ai ahni fehvvt pim asilhha tuk oke.

5. Yohmi kvv ilvppak o okla yvmihchi tuk, yohma he ahnit pim anukfila tuk keyu; yohmi kia na tikba Chitokaka yoka okla il im issa cha, anonti Chihowa nan ai ahni pulla hv pishno ma pim il issa tuk oke.

6. Yohmi hatuk o nana ka isht wakaya hatuk okvt, Titvs ak osh nan isht i kana hvsh bohla he yvmmak ash kia hvchi ai itahobit tahla hi g, il im ahni tuk oke.

7. Yvmohmi hoka na yimmi, micha anumpuli imponna, micha nan ithana, micha tvshpvt anukfohkvv nana ka isht ahanta, mikmvt hvsh pi hullo aiena, nana moma ma isht a hvchim vlvtaiyaha laua ka, chohmit nan isht i kana ilvppak kia hvchin lauashke.

8. Nan vlvpisa yo isht anumpuli li keyu, amba inla tvshpvt anukfohkvv nan achunanchi yak oke; yohmi kvv na hvshi hullo ai ghli kak o otvninchi la he ak atuk oke.

9. Hvpin Chitokaka Chisvs Klaist, yvmmak okvt nan in laua yatuk kia, hvchishno pulla kak o ilbvsha yo toba tok; yvmmvt nan ilbvsha pulla hatuk mak o na hvchin laua chi hatok vt hvsh ithana hoke.

10. Yohmi ka tikba kash isht hvsh wakaya kvv, nana ka hvsh yvmihcha he ak illa keyu, amba avvmmi achvfa foka

kash yohmikbano ahnit, hvchi anukfoyuka ak inli tok, ilvppot nan isht hvchim vlhpesa hoka, vno nana anukfilli li kvv anoli lishke.

11. Yohmi hoka himonasi ya nana kvv ai yvmohma he yatuk ash hvsh yvmihchashke: yohmik bano ahnit hvchim vlhtaiyaha hatuk okvno na hvchim gsha ka isht hvsh ai ghlichiv kvv, hvchim vlhtaiyaha ak inlashke.

12. Im anukfila ak osh nan tikba yohmikbano ahni ha yatuk okvno, hatak yvmmvt nana ho ishi tuk ash isht vlhpisa ho ima kvv isht ai vlhpesa hoke, amba yvmmak ash ot nana hash ik isho ke tuk ak osh isht ik im ai vlhpiso chatuk keyu.

13. Hvchishno ak osh na hvchiv weki, nan inla yvto nan ik ahalaio ka hi o miha li keyu.

14. Amba ai itilauashke, yohmi hoka himonasi ano na hvchin laua yak osh ilbvshvt na bvnna yak o apelvcha chiv; yohmi tukma ilap nan in laua yak kia ilbvshvt na hvchi bvnakma hvchi apelvcha chiv; yohmikma nana kvv ai itilau kvv;

15. Kvna hosh nana ka lauachit itahobi hatuk kia, atampa kvv ik im iksho hoke; mihma kvna hosh ik lauachot itahobi hatuk kia, ak im ono keyu, achi hosh holisso ka chohmi hoke.

16. Yohmi ka achilitvt nana yvmmak ash isht hvchim vta chiv ka, Titvs im anukfila ha Chihowa hvv anukfohki-chechi tuk a yak oke, im ahni lishke.

17. Yvmmak ash osh nan in tohono li ka aiokpanchi fehna mvhli hatuk; yohmi kvv ilap inli nan im anukfila kvv achilitvt, ila tushpa fehnvt hvchiv maya hatuk oke.

18. Yohmi ma vbanumpa pulla hatuk mak o chvch hi-ohli moma ka im a holitopa il itibapishi ha, tuklonchit pit e pila hatuk.

19. Yohmi kvv yvmmak bano hatuk keyu, amba Chitokaka yvmmak ash inli kvv isht a holitopa chiv, mikmvt nana kvv yohmikbano ahnit hvchim vlhtaiyaha tuk vt otaiyana chiv ka, nan isht i kana ilvppak okvt pishno pulla hatuk mak o ai yvmohmi tuk a yvmmak ash ieshit pi takla nowvt ya chiv kvv, chvch vhleha ho yvmmak ash ot ai im vltokowa ak inli tuk oke.

20. Nan isht *i* kana laua ilvppak ash yakohmichit isht il ahanta na kvna kia nan isht ik pi mihacho ka *chi* ka, ilvppa ahah ! il ahani tuk oke.

21. Chitokaka itikba ak illa keyu, amba hatak puta itikba yak kia, nana kvv vhpiesa ho isht iloh il otvniacha hatak oke.

22. Yohmi kvv himonng imomaka e pihisa na nana lgwa ka achunanchi yatuk il itibapishi, mihmak o ibafokit pit e pila tuk ; yohmi ka hvchi yimmi chinto kvv nana ka achunanchi *i* shahli fehna *chi* pulla hoke.

23. Hvchishno yatuk mak o kvnia kia Titus g a ponakla he yoba ka, yvmmak okvt vm itapela, micha na svba toksvli yoke ; yvmmak keyukvvt hvv itibapishi vhleha hash a ponakla he yoba ka ; yvmmak okvt Klaist nan isht a holitopa *chi* ka, hvvch hiohli puta ho ai im vltoka vhleha hoke.

24. Yvmohmi hoka nan isht hvsh *i* hullo, mikvvt hvchishno g nan e hvchi yimmit isht il ilausta hatuk ash atokolit ghlichu kvv, hvvch hiohli puta, mikvvt ilvppak ash aiena ka hvsh im otvniinchashke.

CHAPTA IX.

Achakalimchi kvv peh pilla nan ima he akv anukfokichi, 1 ; 6 na hokchi nihi yv isht ita pesa hosh na hokchi tok aiyuk ali kak osv vma he, achi ; 7 aiokpanchit nan ima kak o Chihova yvt holitoblichu ; 10 pilla nan isht *i* kana lauachi yv Chihova hvv ilap nan isht *i* kana yv lauachit ima.

1. **UBANUMPULI** ghli vhleha nan isht im ahanta he fimma yvmmak ash okvno, nan isht mihvt hvchi holisso *chi* la he vm vhpesa keyu.

2. Yohmik bano ahni kvv hvchim vltaiyaha hatuk, mihma Akaia ai asha kak kia afvmmi achvfa foka kash nana kvv im vltaiyaha hatuk, mihi yash o Masetonia ai asha ka isht im ilausta li hatuk ; yohmi hatuk o na hvsh a mosholi kvvlo kvv laua fehna ka yimitvchit anukfokchiechi ka ithaiyana lishke.

3. Yohmi ka ilvppak ash o hvchim vltaha *chi* ka, achi

tuk mak osh il itibapishi vhleha hā pit tibleli li tuk oke ; yohmi ka nan isht e hvch ilauwaiyata tuk ash o ont ik ai ahlo keyu ka chī kak atuk.

4. Masetonia hatak ash ot si apihvt ona yoba cha, nana kv̄t ik hvchim vltaho ke tuk o ont ahayuchi na, na yimmit isht ilauwaiyata tuk mihi yō ai isht a pi hofahya hinla kv̄t, hvchishno ak a he okvno il achi keyu.

5. Yohmi ka il itibapishi vhleha hash ot tīkba hvchim gya cha, nan isht hvsh ī kana he vt isht anuhumpa tak ash, tikbanli atahla he vlpesa ahnit, ī miha li tuk ; yohmi ka pilla nan isht ī kana yvmmak a he ash ot vltaiyaha kv̄t, nan il ahayuchi bv̄nna yō ik chohmo kashke.

6. Yohmi ka kv̄na hosh ik lauacho hosh hokchi hokvto, mihi yosh ik lauacho hosh vma chī ak inli hoke ; mikma kv̄na hosh lauachi hosh hokchi hokvto, mihi yosh lauachi hosh vma chī ak inli, ilv̄ppa achi lishke.

7. Kv̄na kia ilap im anukfila hak o na tīkba nan isht ik ahni ha yosh hatak moma kv̄t nan ik imá ; isht nukhāklo keyu, mikmvt yohma hi atuk ahni kak o keyu ; aiokpanchit nan ima yak o Chihowa yvto ī hullo hoke.

8. Yohmi ka Chihowa hv̄t nan isht ī kana moma ka isht hvchim a lauacha hinla kv̄t im vlpiesa hoke ; yohmikma nana moma ka isht hvch im vltaiyaha biekv̄t, na tokvli achukma moma mvt isht a hvchin laua hi oke.

9. Yvmvt na fimmi hatuk ; micha yvmvt ilbv̄sha yō nan ima hatuk aiena kv̄t, nan ai vlpiesa hō yvmihchi tuk a takali na bilia hi hoke.

10. Yohmi ka kv̄na hosh na hokchi a na nihi im atahli yak osh hvchim ilimpa chī pv̄ska ma ik atahanli, micha hvchī na nihi hollokchi tuk ash ik ibakahanli, mikmvt na hvsh a kaniohmi ai vlpesa im vni yā ī shahlichit ik ibafoh-oki ; achi hosh holisso hoke.

11. Nana ka lauachit hvsh ima chī kv̄t, nana moma isht a hvchin laiyauwa ka yvmmak osh pishno pulla hatuk mak o, lgwa kv̄t Chihowa hā yak oke im ai ahna chi ka, nukfohkih-inchishke.

12. Nan isht apehluchi ilv̄ppak oka isht abante kv̄t vba-

numpuli ghli vhleha nan ik im iksho kash o nan im atahli illa keyu, amba Chihowa ha lauachit yak oke im ai ahni vhleha ha isht a laiyawa ak inlishke.

13. Klaist im vbanumpa ha im antia hvsh il anohonli; yohmi mvt ilap, micha hatak moma ka nan isht hvsh apelvchi na nan isht apelvchi ilvppak ash o imomaka pihisa pulla hosh Chihowa ya okla holtoblichishke.

14. Yohmi mvt vba isht hvchi anumponhli pulla hosh Chihowa nan isht i kana fehna kvv hvchi anukfoyuka chi ka, ai ahnit isht hvchi hullo hoke.

15. Chihowa nan isht i kana yvt anumpa ho isht annoa he keyu hoka yak oke im ai ahni lishke.

CHAPTA X.

Klaist im apostel atuk osh nana kvv vltoka, mikmvt shilombish imma isht im ai ghli kvv anumpuli.

1. YUMOHMI kvv Klaist chukvsh yohbi, micha chukvsh nukhobela iksho pulla ho, vno Pal sia hvv hvchi kanv hvchi tohono lishke; hvchi takla antakmvt, im anukfila akanlosi, amba hvchi filvmmikmvt, hvchi nukwaya iksho sia mak oke.

2. Yohmi kvv haknip imma nan ahni ho nana ka e yvmihchi tuk a kanimi kvv pi ahobachi, yvmmak okvno nukwaya ikshot i kvvlo li kvv hvchi takla ont anta li hokmvt, nukwayvt ak hvchi kvvlo ka he ak osh hvchim asilhha lishke.

3. Yohmi kvv haknip o il ai ahanta kia, haknip imma nan ahni yo ai isht e tanahampi keyu.

4. Nan isht e tanampi yokvto hatak osh nan isht tanampi yo chohmi keyu, amba Chihowa pulla hatuk mak o kvvlo ai ghli hosh nan a holihta kvvlo puta hatuk a yuhlichy yoka.

5. Nan anukfilli ik vlvpeso puta, mikmvt nan anukfilli cha-ha, yvmmak okvt Chihowa nan ithana ya i sanalit ilap inli ile chahvchi moma ka ishit e kanchi, mikmvt Klaist a im antia chi ka, nan isht pim anukfila moma ka e yukahanchi yoke.

6. Yohmi ka na hvsh im antia he tuk vt ont a hvchim ai

ghlikma, nan ik im antio moma kvno nana kvt isht-ai im vlhpiesa mak o isht il i yvmihcha he vt pim vlhtaha hoke.

7. Nashuka yo chohmichit nana ka hvsh pihisa ho? Kvna kia Klaist immi sia, ahnit ilap inli il anukchieto hokmvt, atuklant ilap ak inli hosh ilvppak ash ik anukfilli, yvmmak ash ot immi sia, ahni ka, yvmmak inli ho chohmit pishno kia Klaist immi pia, il ahni hoke.

8. Yohmi kvt nana a pi vlhtoka tuk pulla ho nana ka i shahlichit isht ilauwaiyata li ka isht ik hvchi okpulo hosh, achukma i shahlit hvsh mahaya hi o, yvmmak ash Chihowa yvt pima hatuk oka, sa hofahya he keyu hoke.

9. Yohmi kvt holisso ho isht a hvchi nukshopli la he, ahni li tuk a ik si ahobo ka chi kvt, ilvppak o yvmihchi li hoke.

10. I holisso hokvto weki, micha kullo, yohmi kia ilap haknip fehna otaiyani hokmvtto ik kullo, micha im anumpa mvt ik ahobo hoka, yvmmak ash ot achi.

11. Yvmma chohmi tuk ak osh ilvppa ik anukfilli, yohmi ka il i filvmmik mak osh holisso pulla ho anumpa yakohmi ka e yvmihchi kvt, pishno fehna il otaiyani hokmak heto, nan isht il anta kvt, yvmmak ash atuk ak inli ho e chohma hi oke.

12. Kanima kvt ilap inli il ahninchi vhleha, yvmma pishno vt isht il iba hotehnachit, isht il it apesa keyu; yohmi ka ilap inli ahninchit nan isht il apesa vhleha, micha ilap inli ka isht il it apihisa vhleha aiena hokvto hopoyuksa keyu hoke.

13. Yohmi ka nan isht a pim vlhpisa ya ont atampa hokvno nan isht il ilauwaiyata he keyu; amba nan isht vlhpisa pulla yvmmvt hvchishno ak kia hvchim ona he, nan vlhpisa yo Chihowa yvt pim apesa tok ak oke.

14. Ik hvchim ono ke tuk ak inli ho chohmit nan isht a pim vlhpisa ya pit il atamplit il ile mahampli keyu; Klaist im vbanumpa isht anumpohonli ak inli hosh hvchishno a e hvchim ona hatok:

15. Nan a pim vlhpisa, yash pit atamplit hatak inla im a pileasa yokvno nana ka isht il ilauwaiyata he keyu; amba na hvchi yimmi hatuk vt i shahlit hlampko na nan isht a pim

vlhpisa hash o, hvchishno pulla hq isht a pi chito fehna he ak o il ahni.

16. Yohmikmuno hvsh ai asha ka mishu vbanumpa isht il anumpohonli kvv, hatak inla nan isht im ai vlhpisa ai vlhtaiyaha hq isht kil ilauwaiyato ka chj hatuk.

17. Yohmi ka kvna hosh ilauwaiyata hokvto, mihi yesh Chitokaka yo isht ik ilauwaiyatá.

18. Kvna hoh kia ilap inli il ahninchí kak osh mihi yosh helitopa keyu, amba kvna hq Chitokaka ak osh ahninchik mak oh chatuk oke.

CHAPTA XI.

Kolinhlia ya j hullo pulla hosh ilap inli il ahnichit vbanumpeshi moma j shahli ka ili tilauechit anohonli: 9 vbanumpa ha pilla isht im anumpohonli hatuk, vba nan vlhpisa imma nan achi ka ai itilau.

1. NAN isht ilauwaiyata li kanomosi ka ant ik yohmi, hvs sum ai ahnikbano hvchim ahni li; yohmi ka ant ik yohmi, hvs sum ahna chj pulla hoke.

2. Chihowa anukfoyyukt nan isht j hullo mak o isht hvchj huhulo li hokvt: ohoyo himita hopoyuksa ghli hatak haleli keyu chohmi mak o, hvch ishit Chisvs g im otvvinchi la hi mak osh, j hatak achvfa chj ka hvch it im apovvchi li hatuk.

3. Yohmi tuk kia sinti okvt ilap kostinj pulla kak osh If g haksichi tok g, chohmit na hvchim anukfila hash ot shanaia na nan anukfilli apissali achvfa, yvmmvt Klaiet ak o ai achvfa yash o hvsh j filomma hinla ka, sa nukshohumpa hoke.

4. Kvna hoh kia Chisvs inla yvmma isht il anumpuli tuk ash keyu hq isht anumpulit gya, micha Shilombish inla yvmma hvchi anukfoyyuka tuk ash keyu hq hvchi anukfoyyuka, yvmmak keyukvt vbanumpa inla yvmma hvsh aiokpuchi tuk ash keyu hq hvsh aiokpuchi hokvt, ant ik yohmi, hvsh im ahni vlhpesa hoke.

5. Apostel moma j shahli fehna kak kia ik alauecho sia keyu, vm abaha hoka.

6. Yohmi ka anumpuli hokvt ik imponno sia, yohmi kia nan ithana kak o keyu ; yohmi kvv hvch itin takla ya nana moma ka achukmalit isht e hvchim otaiyani hatuk oke.

7. Nan isht hvchi hoolitopa chj ka il akanlosechi lish, Chihowa im vbanumpa hg pilla isht hvchim anumpohonli li kak osh nan ashvchi li hatuk o ?

8. Hvchi apelvchit nan isht hvchim ahanta la chj kvv, chvch hiohli inla yo nan im ihjshi li kvv, ilap ak osh nan atobbi hq ishishi li hatuk.

9. Yohmi kvv hvch iba takla ahantvt na sa baiyvna kia kvna hosh na hvchi kvnia tuk keyu ; nana kvv ik sum ono ke tuk okvno itibapishi li vhleha Masetonia minti hosh vm atahli tok ; yohmi hoka nana moma ka isht ak hvchim ile wekecho ke tuk ; yohmi hokvt yvmmak o a si yvmohma chj mak oke.

10. Klaist nan isht im ai ghli yvt a sa nukfoyuka hosh, nan isht ilauwaiyata li ilvppa kvna hosh Akaia afullota anta kvv, svsacha he keyu hoke.

11. Nanta katiohmi hq ? hvchi hullo li keyu kak o ? Chihowa hvv ithaiyanvshke.

12. Amba anumpa si onochi bvna kia, anumpa isht si onocha hi vt ik im iksho ka he ; micha nana ka isht ai ila-ata hatuk vt pishno ak inli hq chohmit otaiyana chj kak o, a katiohmit ahanta li hatuk vt, yvmmak o ai yvmohmit ahanta la chj hoke.

13. Yvma chohmi kvv vbanumpeshi ghli keyu hoke ; na haksichi yosh Klaist nan isht im vta ilahobi hoke.

14. Ilvppvt a yakohmi ka anukhlakancha he vlvpesa keyu ; Setan ak fehna ak kia inkvv tokvv a tohwikeli ka im en-til ilahobi chatuk oka.

15. Yvmohmi hoka yvmmak ash in tishu vhleha ak kia inkvv tokvv, nan isht ai vlvpiesa in tishu vhleha hg holba hokvt na fehna keyushke ; yvma im ishtaiyopi yvt ilap vt nana a katiohmi chatuk ak inli hq chiyuhma hi oke.

16. Hatak nana kia im anukfila iksho ik si ahno kashke : yvmmak keyukvvt im anukfila iksho si ahni boh kia, vlv-

pesa vm ahni; vno ak inli kv̄t iskvtinosi ka isht ilauata lashke, anonti achi lishke.

17. Ilv̄ppa puta anumpuli li kv̄t Chitokaka ak o iakaiya hosh anumpuli li keyushke; amba im anukfila iksho yo chohmit nukwaya iksho hosh isht ilauata ilv̄ppa anumpuli lishke.

18. L̄awa kv̄t haknip imma ka isht ilauata kak o, vno ak kia isht ilauata li ak inla ch̄i chishke.

19. Hv̄chishno vto hv̄chi hopoyuksa kak osh, im anukfila iksho a yukpa hosh ant ik yohm̄i, hv̄sh im ahni hoka.

20. Hatak okvt yuka h̄o hv̄ch ikbi hokm̄a, keyukm̄vt v̄pvt hv̄chi tahl̄i hokm̄a, keyukm̄vt nana hv̄chim ai ishi hokm̄a, keyukm̄vt ile chahv̄chi hokm̄a, keyukm̄vt hv̄chi nashuka ya isso hokm̄a, nana kia ant ik yohm̄i, hv̄sh im ahni hoke.

21. Ik ahobo hatuk osh isht a hofahya hi o chohmichit anumpuli lishke. Yohmi ak inli hoh kia kanima kv̄t nana ka isht ik nukwayo kv̄t āsha hokma, nan im anukfila iksho chohmit anumpuli hosh, vno ak kia isht ik sa nukwiyo ak inlishke.

22. Heblu okla h̄o? vno ak kia yv̄mmak o sia hoke. Islael okla h̄o? vno ak kia yv̄mmak o sia hoke. Eblaham ak o isht atia h̄o? vno ak kia yv̄mmak o sia hoke.

23. Klaist in tishu h̄o? im anukfila iksho chohmit anumpuli li kv̄t, yv̄mmak oka i shabli li hoke; yv̄mma i shablichit toksv̄li li hoke, atampa h̄o sa fahama hoke, aboha kv̄llo foh̄oka li chatuk, a sv̄lli naha kv̄t laua chatuk oke.

24. Chu okla h̄a pokoli ushta ch̄i ma achv̄fa hosh iksho h̄o tahlapi ha im a sa fahama tok.

25. Hituchina ha fuli isht sa fahama tok, himonna ka tv̄li isht sa boa tok, hituchina ha, peni fohkv̄t aya li tok a okpulo tok, ninak achv̄fa nitak achv̄fa aiena ka okhv̄ta pakna takakanli li tok.

26. Anowa hopaki kia himonna a noh̄owa li, oka kia isht vm a palv̄m̄mi, na wehli kia isht vm a palv̄m̄mi, a yakni achv̄fa okla hak kia isht vm a palv̄m̄mi, v̄banumpa ik ithano ma isht vm a palv̄m̄mi, tmaha anukaka kia isht vm a pa-

lvmmi, yakni haiaka kia isht vm a palvmmi, micha itibapishi li ilahobi vhleha kia isht vm a palvmmi;

27. Hoyohambli, na hotohompa, himonng nusi vm okpo-honlo fehna, himmonng hohchvot, ituk shihinla, micha kapvssa ka, haknip bieka aiena hosh isht vm a palvmmi hatuk.

28. Nana ilvppa moyuma kv̄t kochanli a mintit a si onv-tohonla ma, nitak moma ka chvch hiohli puyuta nana isht anukfilli mv̄t a si onvtohonla hoke.

29. Kv̄ta hak osh ik hlampko na vno ak osh sa hlampko hō? kv̄ta hak osh ibetv̄bli na vno ak osh ik sa nuklibisho hō?

30. Nana ka isht ilauata la he vhpesa hokmv̄t, nana kv̄t isht a ik sa hlampko imma kak o isht ilauata la ch̄i hoke.

31. Chihowa pin Chitokaka Chisvs Klaist İki, holitopa bilia yak osh, holabi li keyu ka ithaiyana hoke.

32. Hatak pehlichi m̄iko Aletas nutaka ahanta tuk vt Tamaskvs ḡ si ai yukachi bv̄nna kv̄t, Tamasenes tv̄maha h̄a tvshka chipota atonichi tok.

33. Yohmi na kishi hō fohkv̄t tv̄li holihta okhissushi a hlōpullit aka ona hosh yv̄mma ibbak ḡ i hlakofi li tok.

CHAPTA XII.

Isht il anumpohonli mv̄t v̄ba atuchina ka nana kv̄t auct im atokv̄t im otv̄ni tok vt anoli, 1, 9 yohmi kia nan isht ik hlampko ak o isht aholitopa hi vt ahni, iki nan i kana mak o chohmit im ḡya ch̄i kv̄t im anoli.

1. NANA ka isht ilauata la he okv̄to vm vhpesa keyu ak inli chishke. Nana ka Chitokaka yv̄t sa pisachit vm otv̄ninchi tok ak o isht anumpuli li la ch̄i hoke.

2. Afv̄mmi auah ushta atampa kash hatak Klaist ibai achv̄fa ka ithanali tok; yv̄mmv̄t haknip o a fohka hokm̄á nana tok chishba, ak ithanoshke; keyukmv̄t haknip ḡ ai i filv̄mmi hokm̄á nana tok chishba, ak ithanoshke; Chihowa ak osh ithana; yv̄mmak atuk ash o hoklit v̄ba ont atuchina ka isht ona tok.

3. Hatak yvmma chohmi ka ithana li tok, haknip o a folka hokmá, haknip g ai i filvmmi hokmá nana tok chishba, ak ithanoshke; Chihowa ak osh ithana hoke.

4. Yvmmak ash o hoklit Palatais g isht ona na, anumpá he keyu puta hatak okvt anumpula he vhpiesa keyu hq haklo tok.

5. Yvmma chohmi kak o isht ilauata la chí hoke: yohmi kia vno ak inli hokvno isht ilauata la he keyu, amba nan isht ik sa hlampko puta kak a hi oke.

6. Isht ilauata ik sa bunna hoh kia, vm anukfila hokvto iksho ka he keyu hoka; ghli hq miha la hi okvt; yohmi kia ilolambi lishke; keyukma hatak kvna kia sa kaniohmi hq sa pisa, micha a sa haklo kv, isht i shahlichit isht si anukfilla hinla hoke.

7. Micha nana vm otvni apakna pulla hq isht chahvt ak atapo ka chí kak o, kvti haknip shamvlli, Setan in tishu mak o ahama kv, isht chahvt ak atapo ka chí kak o, ishit sahgo ya chí hatok.

8. Ilvppa pulla kak o Chitokaka yg hituchina ha im asilhha li kv, ilvppak ash osh vm a filvmma chí kak atuk oke.

9. Mihma, Nan isht vm i kana yvt isht chim vhpesa hoke; nan vm isht hlampko yvt ik hlampko yak o isht im ai vlhtaha yoka, vm achi tok. Yvmohmi hoka Klaist isht i hlampko yvt si onvtuyula chí ka, nan isht ik sa hlampko isht ilauata li kak osh vm vhpesa chí hoke.

10. Yvmohmi hoka Klaist pulla kak o nan isht ik sa hlampko puta, nan isht sa hofahyali puta, nan isht hotopa puta, na palvmmi atukonofa a hlakofa he keyu puta kak o, isht il ai yukpa li hoke, ik sa hlampko hok mak osh, sa hlampko hokvt.

11. Isht ilauahanta li kak osh ik hopoyukso yg toba lishke; hvs si atoblichit tuk oka; ahninchit isht hvs si anumpula he vhpesa tok oka: nana hq si ahomba keyu kia, apostel vhleha i shabli fehna kak kia gaha ka hikia li keyu hoka.

12. Apostel isht atokowa yvt hvch itin takla yg ai

yvmohmi kv̄t, nan nuktaiyalvt achunanchi, nan isht atokowa puta, nan isht nukhlakvshli puta, na fehna yvmihchi puta aiena moma ka, isht ai yvmohmi mvhli tok.

13. Nanta hak ō hvch inla puta ka isht hvch ik a lauwo tuk oh cho? nana ka ak hvch̄i kullo ilvppak atuk ak ō? vno fehna kv̄t hvchim ashvchi li tok ilvppak atuk ash hv̄s s̄g kashofashke.

14. Yakeh! ont isht atuchina mak ō hvch im ona la chi kv̄t v̄m v̄lhtav̄shke: yohmi kv̄t hvch̄i kullo la chi keyu; na hvchimmi hak ō keyu, amba hvchishno yak ō hoyo li hokvt. Ulla yak osh īki micha ishki ita tuklo ka nana im ahayucha he v̄lhpesa keyu, amba īki micha ishki ita tuklo kak a hetuk oke.

15. Micha hvchishno pulla kak ō a lushumichit ik si ataba kia sai yukpa fehna hi oke: hvch̄i hullo li kv̄t isht ī shahlich̄i li fehna kia, ik lauwo hvchim a holitopa li hoke.

16. Yohmi kia ant ik yohm̄i, hvch̄i kullo li tok keyu: yvmohmi kia ī kostini li hatuk osh, a haksichit hvchim ishi li tuk ō, achi hoke.

17. Hvch̄i pila li tuk yvmmak ash ō kanimi ka nan isht hvch im ai ishit il ahayuchi li tuk ō?

18. Titvs vt hvchim ona he, ahni lish, itibapishi ma aieninchit pila li tok. Titvs vt na hvchim ai ishit il ahayuchi tuk ō? anukfila achv̄vt il itvnowa tuk keyu? ataya achv̄fa h̄o il ai itvnowa tuk keyu?

19. Anonti nana isht hvchim il il a miha, hvchim ahoba cho? Klaist ḡ iba foyuka hosh Chihowa itikba ȳg il anum-pulishke, yohma kv̄t nana moma e yvmihchi kv̄t, p̄i holitopa fehna v̄hleha ma! isht hvsh a hlampka he ak oke.

20. Yvmmak keyukma ona likmv̄t, itachowa, it ī potv̄nno, it ī nokowa, it ī nukhobela, ḡshaka nana a mihachi, it̄i shukshort na mihachi, ilefehnvchi, itakvshkoa, hvsh aiena cha v̄lhpesvt hvsh maya na, hvchi ahayuchi la hetuk ash osh keyu h̄o hvchi ahayuchi li, yohmikmv̄t a kaniohmi li hv̄s sa pisa hetuk ash ō keyu hosh, hvchim otaiyani la he ká, ahnit sa nukshohumpa:

21. Yohmi ka anonti ona likma, an Chihowa yvt a hvchim

itin takla a si akanlosechi na nan ai ashvchi mashko tuk vt na liteha, micha na havi, micha chukvsh nan isht havi aiena ka yvmohmi tuk vt, i filvmmmit ik ile kostinincho kisha tuk o isht yahaya li yoba ná.

CHAPTA XIII.

Nan ibetvblichi vhleha hvv ile kostininchi keyu ka nana im apesa hi vt miha, 1 ; 5 nana ka a yimmi hatuk vt il imoma ka pisvt ik ono kisha hq nan a kaniohmi atuk vt falamvt il a chukmala hi a achi.

1. ILUPPUT isht atuchina mak o hvchim aya lishke : Nan atokoli tuklo, tuchina itih hq anumpa moma kvv isht ai ahlashke.

2. Tikba hoka hvchim anoli li tok osh, anonti atukla mak o hvchi takla anta li chohmit tikbanli hvchim ano li lishke ; yohmi kvv himak a ik saksho hatuk osh tikba ka yoshuba tok ash, micha inla moma aiena ka pit i holissochi li, yohmi kvv anonti ona likmvt, apoanchi la he keyu hoke.

3. Klaist vt isht si a hvchim anumpohonli tuk a atokowa hvsh hoyo hoka, yvmvvt hvchishno yokvno ik hvchi hlampko keyu, amba hvchi ai a hlampko hoke.

4. Ik hlampko hosh ititaiyukhvna a takalit illi tok kia, Chihowa imi hlampko pulla hq okchaya hoka, pishno ak kia yvmma iba chavvt ik pi hlampko ; yohmi kia Chihowa imi hlampko yvt hvchi onvtula chi pulla ka, yvmmak ash iba chavvt pi okchaya chi hoke.

5. Ai yimmi ka yoka hvsh ibai achvfakma, nana kvv hvchishno inli hvsh ile pisashke ; hvchishno inli imomaka hvsh pisashke. Hvchishno inli hvch ik ithano cho ? Chisvs Klaist vt hvch iba foyvka ka, ik ai aghlo hvchia keyukmvt.

6. Yohmi ka pishno yvt ik ai aghlo pia keyu ka, hvsh ithana chi ka sa yimmishke.

7. Micha Chihowa ya pit im asilhha li kvv, nan ik vlvpeso ka ik hvchi yvmohmo ka he ak oke : il ai aghli kvv isht il otvna he ak keyu, amba ik ai aghlo yo pia e chiyuhmi kia, hvchishno yokvto nana achukma kak o hvsh yvmohma he ak oke.

8. Anumpa ghli il i sanali kv̄t nana e kanihma he keyu, amba anum̄pa ghli yā il apelvchi yak oka.

9. Ik pi hlampkokm̄vt, hvchi hlampko kak o, pi yukpa hokv̄t: anonti ai ghlit hvchim vlhtaha he ilvppak kia e hvchim ai abni hoke.

10. Yvmohmi ka ik saksho hosh ilvppa puta ka hvchi holiasochi lishke, ilvppak atuk keyukm̄vt ont hvch iba takla anta likm̄vt, Chitokaka isht im ai ghli isht hlampkochi la he, micha isht okp̄vni la he ak keyu hō vma tok ak o anumpa ishit halupvchi la hetuk yoba ká.

11. Ishtaiyopi ka itibapishi li vhleha ma! na hvchi yukpashke. Ai ghlit hvchim vlhtashke, ahopohla achukm̄vt hvchim anukfila achv̄vt, it i nanaiyv̄t hvsh ai ashashke; mikma Chihowa holitoblit nan isht it i nanaiyvchi yosh hvchi anukfoyuka chi hoke.

12. S̄uksowa holitopa yō isht hvsh it aiokp̄vchashke.

13. Ubanumpi yimmi ghli puta kv̄t pit hvchi aiokp̄vchishke.

14. Chitokaka Chisvs Klaist nan isht i kana, micha Chihowa isht i hullo micha Shilombish Holitopa ai itibai achv̄fa aiena kv̄t hvsh moyuma ka hvchi anukfoyukashke. Amen.

HOLISSO PAL VT

CHVCH KALESHAN

YAKNI A HIOHLI HQ I HOLISSOCHI TOK.

CHAPTER I.

Hatak keyu, amba Chihowa pulla hosh vbanumpa isht anumpula chi ka atokoli tok a Pal vt achi, 1: 6 Kaleshan vbanumpuli vt chekosi vbanumpa ha i filami kak o okokko! ahnit miha; 11 hatak o keyu, amba Chihowa yo vbanumpa ha im ai ithvna; 14 nana ka ik vlhtoko kisha kvv hatak kaniohmi hatuk vt anoli, 17 yvmmak atuk vt ont i himmak o im anukfila kaniohmi kvv anoli.

1. PAL apostel sia kvv hatak kaniohmi ho nan a si vlhtoka tok keyu, mikmvt hatak nan ahni hatok keyu, Chisvs Klaist, micha Iki Chihowa, yvmmvv illi tok a falaminchit tanichi tok ita tuklo kak atok:

2. Yohmi ka itibapishi li vhleha si apehvt maya kvv, mvmvt chvch Kaleshan yakni hiohli ka pit hvchi aiokpvchi lishke.

3. Iki Chihowa, micha hvpin Chitokaka Chisvs Klaist ita tuklo nan isht i kana, micha isht it i nanaiya ita tuklo kvv hvchi anukfoykashke.

4. Yvmmak okvt Piki Chihowa nan ahni tok mak o yakni ik achukmo ilvppa a pi a hlakoficha chi hosh, nan il aishvchi pulla kak o yvmmak okvt il im issa tok.

5. Chihowa Piki yvmmak osh holitopvt bilia cha biliashke. Amen.

6. Chekosi fehna ho Klaist isht i kana isht hvchi hohoyo

tok g i filvmmmit, vbanumpa inla yo hvsh eshi ka, okokko ! ahni lishke.

7. Yvmmvt vbanumpa keyu ; amba kanimi kvv hvchi anuktuklochi cha, Klaist im vbanumpa hq shanaiyvchi bvna kvv gshvshke.

8. Yohmi kia pishno, keyukmvt vba yakni enchil ak ok-má nana hosh vbanumpa inla isht e hvchim anumpohonli tuk g keyu hq isht anumpulikmvt, okpulot taha he ik im vlvhpsá.

9. Tikba ka e hvchim achi tok g, anonti himak g mih mak inli hq hvchim achi lishke ; Hatak nana kia vbanumpa hvsh eshi tok g inla yo isht anumpulikmvt, okpulot taha he ik im vlvhpsá.

10. Himak g hatak ak osh, keyukmvt Chihowa ak osh g kana he ahni li cho ? hatak o yukpali sa bvna hq ? hatak ak o yukpali li momakmvt, Klaist in tishu sia ha he keyu hokvt.

11. Amba itibapishi li vhleha ma ! hatak nan ahni keyu hq vbanumpa isht anumpohonli li tuk vt hvch ithvnanchi lishke.

12. Hatak o im ai ishi li tuk keyu, micha im ai ithvna li tuk keyu hokvt ; amba Chisvs Klaist ak osh vm otvvinchi hatuk.

13. Nitak chgshpo ma kaniohmit Chu okla im vbanumpa anukfoyukvt gvt, atablichit Chihowa in hvch g ilbvshalit, ehukilisevchi li ;

14. Yohmi kvv Chu im vbanumpa ithvna li kvv, va okla achvfa ai itilau li laua ka i shaiyahlit, an tikba vhleha im anumpa vlvhpsa ik holisso atok g amosholi li fehvvt im antia li tok g, hvsh haklo tuk oka.

15. Yohmi tok kia Chihowa yvmmak osh hvshki im oshvto yg ai ishit sa kohchi cha, isht i kana isht sa hoyo tok,

16. Yohmi kvv vlvhpsa ahni cha, Ushi yg si ai otvvinchi kvv, vbanumpa ik ithano vhleha hq vbanumpa isht im anumpohonli la chi ak atok ; yohmi mak inli hq hatak nana kia it im anumpuli li tok keyu.

17. Mihmvt Cheluselem g ivt apostel vhleha sa tikba tok

g ont pisa li tok keyu; amba Alabia yak o ona li tok osh, anonti falamvt Tamaskvs g ona li tok.

18. Atuk osh afvmmi tuchina ma Pita ya pist ia hosh Cheluselem g ona li tok; mihmvt ibai anta li nitak auah tahlapi tok.

19. Yohmi kia apostel vhleha inla yano ak peso, Chemis Chitokaka itibapishi ak illa tok.

20. Chihowa itikba yo hikivt nana puta hvch i holissochi li kv, holabi li keyu ka ho pesá.

21. I himmak o Silia, micha Silisia foka ka ona li tok.

22. Micha Chutia chvch puta Klaist ibafoyuka yvt sa nashuka ya ik peso kisha tuk atok.

23. Amba chgshpo ka pilbvshali tok yvmmak ash ot himak ano ai yimmi ka tikba ka okpvti tok vt isht anumpohonli ka haklo kak illa tok.

24. Micha vno ak atuk mak o Chihowa ya holitobli tok.

CHAPTER II.

Atukla ma Cheluselem g ia tok, nana kv yvmma akaniohmi tok g anoli, 1: 11 Antiak g anta mvt, nana ka a yohma he vhpesa keyu kv Peta yvt yohmi na Pal vt im avmmi, mihmvt na yimmi kak keyu hokma, kvna hosh nan vhpiesa he keyu ka im anoli.

1. **YOHMI** tok g i himmak afvmmi auah ushta ma anonti vno, Banabas ita, tuklot Titvs g ilaunlit Cheluselem g il ia tok.

2. Yohmi ka Chihowa yak osh vm otvvinchi na ona lish, vbanumpa Chentail vhleha ha isht im anumpohonli li tuk vt isht im anumpuli li tok; yohmi kia vbanumpa tosholit gya li tuk g peh pilla ná, anonti himmakma vbanumpa tosholit gya li kia peh pilla ná, ahni li hatuk osh luma hosh hatak annoa achukma kak o im anumpuli li tok.

3. Yohmi ka Titvs vt si awant gya tuk vt, Klik atuk o, hakshuk tupa he i mihija kia, ik yvmohmo ki tok.

4. Yohmi ka yvmmvt itibapishi ik ghlo takla iba chukowa kv, Klaist Chievs puyulla ho a yuka keyut il ahghwa ka pim

akostinincha chī hosh lumvt piba chukowa tok ; yohmi kv̄t falaminchit pi yukacha chī hatok ; yohmi tuk kia ik yohmo ki tok oke.

5. Ubanumpa ghli yvt hvchin tonla chī kak o, yvmmak ash o hvshi kanvlli achvfa kia i nutakvt il a kanvlli tok keyu.

6. Amba, kv̄na hosh holitompa vhleha ahoba kv̄t, nana hō kaniohmi yoh kia, yvmmak okvto nan isht v̄m a kaniohmi keyu ; Chihowa yvt hatak ḡ nashuka yak o pisa keyu ; holitompa ahoba yvmmak ash o it im anumpuli li tok ḡ nana isht ḡbafohki tok keyu.

7. Amba hakshup ik tapo vbanumpa in tosholi la hi vt si vlhtoka ma, hakshup t̄pa vbanumpa in toshola hi vt Pita ak osh vlhtoka tok ḡ pisa mv̄t ;

8. Pita ya hakshup t̄pa vbanumpa in toshola he atokoli tok mak osh vbanumpa isht ai ghlichī tok, anonti mih mak inli hosh vbanumpa Chentail ḡ in tosholi li ka isht ai ghlichī tok oka.

9. Yohmi ka Chemis, Sefas, micha Chan aiena kv̄t pehlichika yo ahoba hatuk osh isht i kana vma tok ḡ pisa mv̄t, vno, micha Banabas, il ita tuklo kv̄t il iba holhtina chī kak o, ibbak isht impakimma ya pima tok ; yohmikma vbanumpa ik ithano yak o im anumpulit il iakma, ilap vt hakshup t̄pa vbanumpa in toshola chī hatok.

10. Ilbvsha ma il ithana he pim ahni tok ; yvmmak okvno vno ak kia aiokpanchit achunanchi li tok.

11. Yvmohmi tok kia Pita yvt Antiak ḡ ant anta ma, atokovt im asanali li tok, nan ik vlhpeso yohmi tok ak oka.

12. Chemis vt tohno tok ḡ ik lo kisha kano, Pita yvt Chentail ḡ ibai impa tok ; yohmi tok kia ai vla ma, hakshup t̄pa ya i nukshopa hatuk osh, kohchvt il a filv̄m̄mi tok.

13. Mihma Chu inla ak kia nan il ahobi tok ; yohmi kak o Banabas ak kia nan il ahobi ka iba taklv̄t yvmohmi tok.

14. Yohmi kia yohmit vbanumpa ieszit ai vlhpiesvt itvnohōwa keyu hō pisa li mv̄t, momvt haklo hō, Pita ya, Chishno vt Chu chia hoh kia, Chentail nana a kaniohmi ka ish yvmohmi cha, Chu nana a kaniohmi ka chik yvmohmo

ho kak osh, nanta katiohmi hō Chentail vt Chu chobmit abanta he ish im ahni cho? im achi li tok.

15. Pishno vt Chu yosh il vtta tok, yohmi kv̄t Chentail nan ashvchi pia keyu,

16. Hatak vt vba nan vlhpisa iakaiya kak osh isht ai vlhpiesa keyu, amba Chisvs Klaist ī yimmi hok mak osh isht ai vlhpiesa ka ithaiyana hosh, vba nan vlhpisa yak o keyu, amba Klaist ī yimmi mak o isht a pi vlhpiesa chī kv̄t, Chisvs Klaist il ī yimmi tok; vba nan vlhpisa iakaiya hokvno hatak nana hosh isht ai vlhpiesa he keyu hoka.

17. Yohmi ka Klaist ak o isht ai vlhpiesa pi bv̄nna hokvto, pishno vt nana ashvchi pia moma hatuk vt otaiyani; yohmi ka Klaist vt nan ai ashvchi in tishu hō? ik yvmohmo pullashke.

18. Nana ka okpvni li tukvt anonti ikbi likmvt, nan vlhpisa kobvffi toba li hoke.

19. Vba nan vlhpisa pulla hō vba nan vlhpisa yā im illi li kv̄t, Chihowa yak o ai okchaya la he atok.

20. Klaist ā ititaiyukhvna iba takalit sv̄lli hoke: yohmi kia si okchaya hoke; yohmi kv̄t vno ak o keyu, amba Klaist ak osh okchayvt sa foyuka hoke; himak ā okchayvt haknip a halais li moma hokvto, Chihowa Ushi, yv̄mmvt ā hullot si vlhtobvt illi tok ā ī yimmi li hosh si okchaya hoke.

21. Chihowa nan isht ī kana yā akshuchi li keyu; nan isht ai vlhpiesa hv̄t vba nan vlhpisa yak o isht atoba, yvm-mak okm̄vno Klaist vt pilla illi tok.

CHAPTA III.

Vbanumpa hā ī fl̄v̄m̄mi ka nan i miha; 6 kv̄na hosh yimmi hokvto nan ai vlhpiesa; 9 mikm̄vt Eblaham ā ibaiyukpa; 10 na laus hō isht miha hosh il̄v̄ppa anoli.

1. **IM** anukfila iksho Kalesan okla ma! hv̄chi nishkin a pisa yō Chisvs Klaist vt ititaiyukhvna atakalit illi tuk vt hv̄chi tikba yā ai anohōwa tok ā, kv̄ta mak osh hv̄chi yoshubli na vbanumpa āhli yā hv̄sh im antia he keyu cho?

2. Ilvppak illa hō hvchi ai ithvna sa bvnvshke ; vba nan vlpisa yā hvsh iakaiya kak osh Shilombish Holitopa yā hvsh ieshi tok oh cho? akchu? haklot hvchi yimmi kak atuk o?

3. Hvchim anukfila iksho fehna kv̄t hvsh yvmohmi cho? Shilombish o anukfoyukv̄t isht hvsh ia kash ot, himak ano haknip o isht a hvchi vltaha cho?

4. Nan laua hō isht hvchi ilbaiyasha ka peh pilla ha tok o? peh pilla keyu hatok pulla hoke.

5. Yvmohmi ka Shilombish g hvch ima cha, hvch itin takla yā na fehna puta ka ai yvmihchi kv̄t, vba nan vlpisa yā hvsh im antia tok ak o? akchu? vbanumpa haklot a hvchi yimmi kak atuk o?

6. Yvmmak inli hō chiyuhmit Eblaham vt Chihowa yā i yimmi tok: mihmvt nan isht ai yimmi kv̄t ai vlpiesa im vlpisa tok.

7. Yvmohmi ka hvsh ithaiyanashke, yimmi puyuta yvmmak okvto Eblaham im vlla vhleha yoke.

8. Mihma Holisso Holitopa yvt Chihowa yvt vbanumpa ik ithano yā na yimmi pulla kak o isht ai vlpiesacha hi g tikbanli pisa kak osh, Eblaham g vbanumpa hā isht im anumpulit, Chishno ak o okla moma kv̄t na yukpa hi oke, achi tok.

9. Yvmohmi hoka kv̄na hoshi yimmi yokvto, mihi yosh na yimmi Eblaham g iba taklv̄t na yukpa hoke.

10. Vba nan vlpisa anukohieto aiyuka hokvto, na hotopa anumpa hv̄t onvtonla bieka hoka: holisso kv̄t, Kv̄na kia vba nan vlpisa holisso atakali puta ka achunanchit ik im antio aiyuka hokvno, na hotopa anumpa hv̄t onvtuyula hoke achi hoka,

11. Amba hatak kv̄na kia Chihowa ai itikba yokvno vba nan vlpisa yā isht ai vlpiesa he keyu kv̄t otvnishke; Hatak vlpesa yokvto yimmi pulla kak osh isht ai okchaya hi oka.

12. Yohmi ka vba nan vlpisa yvt ai yimmi ka yokvno ahalaia keyu, amba, Hatak vt yvmma yvmihchi hokvto, yvmmak o isht ai okchaya hi oke.

13. Klaist vt pi vltobvt na hotopa onvtula toba cha, vba

nan vlpisa isht a hotopa ya a chumpvt pi falaminchi tok ; holisso kv̄t, Kvna kia iti ḡ atakalimvt, na hotopa anumpa hosh onvtula hoke, achi hoke.

14. Yvmohmi hō Chisvs Klaist pulla hatuk mak o Eblaham nan isht aiyukpa yvt Chentail ḡ onvtula chī hatok ; yvmohmi hō pi yimmi pulla kak osh, Shilombish pim issa tok ḡ il isha chī hatok.

15. Itibapishi li vhleha ma ! hatak nana a kaniohmi yo anumpuli lishke : peh hatak nana it im vlpisa yoh kia kv̄llochī hama, hatak kvna hosh akshochi, micha ibafohka he keyu.

16. Yohmi ka Eblaham, micha im isht atiaka yak o nan im ihisa tok ; Laua nana hō ahobvchit isht atiaka vhleha, achi keyu ; amba achvfa chohmichit, Chim isht atiaka yak o, achi yvmvt Klaist ak oke.

17. Yohmi ka ilvppak o achi lishke, Nan itim vlpisa Klaist isht anumpa yvma Chihowa yvt kv̄llochī ha ya, afvmmi tahlepa ushta pokoli tuchina ha yo vba nan vlpisa toba tok vt akshocha he keyu, yohmi kv̄t nan im issa tok ḡ ik ai ḡhlecho ka he atok keyu.

18. Uba nan vlpisa im antia pulla kak o nana ai isha he vlpesa kv̄t ai yvmohmi hokma, nan im issa yak keyu hoka ; yohmi kia Chihowa yvt nan im issa tuk osh Eblaham ḡ ima tok.

19. Yohmi ka vba nan vlpisa yvt nanta hō katiohmichi hatok oh cho ? Nan vlpisa kobvffi pulla kak o vlpisa tok o, isht atiaka yvma nana im ihisa tok vt vlak mak a he vlpisa tok ; yohmi ka enchil vhleha hosh iti takla hikivt tosholi ya i nutaka hosh nan vlpisa ya anolit haiakvchi tok.

20. Yohmi ka ititakla hikivt tosholi vt achvfa hō ititakla hikivt tosholi chatuk keyu, amba Chihowa yvto achvfa hoke.

21. Yohmi kvno nan vlpisa yvt Chihowa nan isht im issa tok ḡ i sanali cho ? ik yvmohmo pullashke ; nan vlpisa ima tok intonla kv̄t okchalıncha hinla hokma, nan vlpisa pulla kak o isht ai vlpiesa hi atok o mv̄hlishke.

22. Holisso Holitopa yvt moma ka nan ai ashvchi i nutakvchit ompohomo hoke ; yohmi hō Chisvs Klaist i yimmi

pulla hō nan ai yukpa im issa tok ǵ kvna hosh i yimmikmvt isha hi atok.

23. Yohmi kia ai yimmi ka yvt ik lo kisha ma, vba nan vlhpisa ya il i nutakvt il ai ashvt, ai yimmi ka yvt himmak o haiaka he yak o il anukchieta hi ǵ pi atoblichitok.

24. Yvmohmi ka vba nan vlhpisa yvt pi kostininchi yosh Klaist ǵ pisht im ona na, na yimmi pulla hosh isht ai vlhpiesa hi atok.

25. Yohmi tok kia ai yimmi ka yvt ai vla ha yokvno, kostininchi ya il i nuktaka keyu hoke.

26. Klaist Chisvs ǵ i yimmi pulla hosh hvsh moma kvv Chihowa im vlla hvchia hokvt.

27. Klaist ǵ ishit hohchifot hvchi baptismo tok aiyuka hokvto, Klaist ǵ isht hvsh foyuka hoke.

28. Chu okmá, Klik okmá, nana kvv iksho; yuka yokmá, yuka keyu yokmá, nana kvv iksho; nakni okmá, ohoyo hokmá nana kvv iksho, amba hvsh moyuma kvv achvvt Klaist Chisvs ǵ hvsh ibafoyuka hoke.

29. Yohmi kvv Klaist ǵ immi hvchia hokmvt, Eblaham isht atiaka hvchia, micha nan im issa tok ǵ ai isha he vlhpesa hvchia hoke.

CHAPTA IV.

Nan vlhpisa i yuka pia hatuk ǵ Klaist akosh na pi hlakofichi; mikmvt Chihowa ushi vhleha pikbi, 1; 6 yvmma i chkvsh okvno Chihowa yvt ilap ushi imi shilombish o auet nukfokihinchi. 22 Akah micha Sela itatuklo kvv nan isht vlhpisa.

1. ANONTI ibai isha he vlhpesa kvv, vlla moma hokvto, nana moma kvv immi hoh kia, yuka hǵ nan isht inla keyu hoke, achi lishke.

2. Amba kostininchi, micha apesvchi ya i nuta kvv ahanta na, iki vt im apesa tok nitak ǵ ona chatuk oke.

3. Yvmmak inli hō chiyuhmit, pishno ak kia vlla pia momo mvt, yakni nan ai ithvna ai ishtia vmmona ya i nutakvt yukvt il ashwa tok.

4. Yohmi tok kia nitak ont vlhpesa kvv vla ma, Chihowa

yvt Ushi vt pila na, nan vlpisa i nutaka toba hosh ohoyo ho a toba tok.

5. Uba nan vlpisa i nutakt gsha tuk g falaminchit pi chumpa na, Chihowa ushi vhleha e toba chi hatok.

6. Yohmi tok g ushi vhleha hvchia hoka, Chihowa yvt Ushi imi Shilombish g hvchi chykvsh g anakfohki na Abba Iki achit tahpahanla hoke.

7. Yvmohmi hoka himak a pilla ka yuka chia keyu, amba ushi mak o chia hoke; yohmi kvv ushi chia hokmvt, Klaist pulla hatuk mak o Chihowa immi hg ai isha he vlpiesa chia hoke.

8. Yohmi kia tikba ma Chihowa hvch ik ithano mvt, chihowa nana keyu ka hvsh i yuka tok.

9. Yohmi tok kia, himak g Chihowa yg hvsh ithana ha ya, yvmak keyukmvt, Chihowa yak osh hvch ithana ha ya, katiohmi ho anonti nan ai ithana ai ishtia vmmona isht hlampka he keyu, micha isht ai yukpa he keyu ka falamvt i nutakt yuka hvchi bvna cho?

10. Nitak il aiyuka, micha hvshi talali, micha afvmmi vlpisa aiena ka hvsh holitoblishke.

11. Peh pilla ho hvchin toksvlit isht a svlvsha tak yoba ka ahnit, ahah! hvchim abni lishke.

12. Itibapishi li vhleha ma! hvchishno ak inli chohmi li hokvt, vno ak o hvsh chohma chi ka hvchim asilhha lishke: nan ik vlpeso hvv sa yvmihchi tok keyu kvvohmi hoke.

13. Ummona hoka haknip ik hlampkot hoyubli hosh kanihmit vbanumpa hg hvchin tosholi li tok g, hvsh ithanvshke.

14. Micha imomaka pisa li yvt sa haknip g afoyuka ka ik shitlemot hvch ik sa kancho ki tok; amba Chihowa im enchil chohmichit, Klaist Chisvs mak o, chohmichit hvv sashi tok.

15. Yokmi kvno nan isht aiyukpa yg isht hvsh anumpuli tok mvt? hvsh yvmihcha hinla nana hokmvt, hvchi nishkin g hvsh kohchi cha, hvv suma hinla tok g, atokowa hvchim anoli lishke.

16. Yvmohmi ka ghli ho hvchim anoli li kak osh hvchirv tvnvp o toba li cho?

17. Hvchi hullo fehna ahoba kia vhpesa keyu hoke ; ghli, hvchi atakvma he ahni na hvch ik sa hullo hosh, ilap ak o hvsh i hulla chi kak atok oke.

18. Yohmi kia nana achukma hokvno i hullo fehvvt bilia kak o vhpesa hoke ; micha hvchi takla anta li kak bano keyu.

19. Um vlla chipunta vhleha ma ! ohoyo vlla esha chi nukhvmi ka a hvchim a chohmi li tuk atok o Klaist vt a hvchi atobak mak a chi hoke.

20. Himak a hvchi takla anta lish, vm anumpa ha inlanchi la he sa bvvnvshke ; a hvchi anukfilli la he ak ithanoshke.

21. Uba nan vhpisa ya i nutaka hvchi bvna kvv, vba nan vhpisa ya hvchik haklo ho ? oh vm anoli

22. Holisso kvv, Eblaham vt ushi in tuklo tok ; achvfa kvv ohoyo yuka yak o ushi yokma, achvfa kvvto ohoyo yuka keyu yak o atok, achi hoka.

23. Yohmi ka ohoyo yuka ushi yvt haknip nana a kani-ohmi chatuk a chiyuhmi tok ; amba ohoyo yuka keyu ushi vto im issa tok ak atok.

24. Yvmmvt nan isht vhpisa yoke : ilvppvt nan it im vhpisa tuklo yoka ; achvfa kvv nvni chaha Sainai a tobtv yuka ikbichi, yvmmvt Akah yak oke.

25. Akah ilvppvt nvni chaha Sainai yosh Alabia yak o hikia hosh, Chelusalem vt himak a talala ka isht vhpisa hosh, im vlla puta ka il ai eshit yuka hoke.

26. Amba Chelusalem vba yokvto yuka keyu hosh, e moma ka hvv ishki yoke.

27. Holisso kvv, Ulla ik chim iksho, vlla ish eshi chatuk keyu ma ! chi yukpashke ; vlla esha chi chi nukhvmi chatuk keyu ma ! chitolit ish tahpahanlashke ; ohoyo vltakla ya tuk kia vlla in laua kvv hatak im asha tuk kak kia, i shahli hokvt, achi hoka.

28. Yohmi ka itibapishi li vhleha ma ! pishno vt Aisaak atok a, chohmit nan im issa tok ak o im vlla pia hoke.

29. Yohmi ka nitak yvmma haknip o kani-ohmi chatuk a chohmit ai vta yvt Shilombish ai vta ya ilbvshali tok a, chohmit himak ak kia yvmohmi hoke.

30. Yvmohmi ka Holisso Holitopa yvt nan tuk achi ho? Ohoyo yuka, micha ushi ita tuklo ka kohchit ish kanchashke: ohoyo yuka ushi vt ohoyo yuka keyu ushi ya nana ibai isha he vlpesa keyu hoka.

31. Yvmohmi hoka itibapishi li vhleha ma! ohoyo yuka im vlla pia keyu, amba ohoyo yuka keyu ak oke.

CHAPTA V.

Klaist pulla hatuk mak o yuka keyu toba tok vt yvmmak fehna ho ai itanohowa chi ka i miha, 1; 3 Chu okla nan im vlpisa yokvno ik im antio ka chi, amba nan i hullo pullvt itanohowa he; 19 haknip imma atoksvli kvv kaniohmi ka anoli; 22 mihmvt shilombish imma nan vni ka anoli.

1. YUMOHHMI hoka a yuka keyu ho Klaist vt pisht ona tuk a kvllot hvsh hielashke, micha anonti yuka ikunla im abana ilvppa isht hvch ik il onocho kashke.

2. Yakeh! Pal sia hosh hakshup hvchi tupa hokma, Klaist vt nan isht hvchim ai achukma he keyu ka hvchira achi lishke.

3. Anonti hatak moma kvv hakshup tupa yvmmak okvto, nan vlpisa moma ka yvmihcha he aheka in takanli ka atokolit im anoli lishke.

4. Kvna hvchia hosh nan vlpisa yak o isht hvchi ai vlpiesa hokma, Klaist vt nana isht hvchim ai achukma keyu; isht i kana ya i filvmmitt hvchi tula hoke.

5. Yohmi ka Shilombish pulla hatuk mak o na yimmi hosh isht ai vlpiesa hi a il esha he ahnit, e hohoyoshke.

6. Chisvs Klaist imma hokvno hakshup tupa yokma, hakshup ik tapo yokma, nana hoh kia nana a kanihma he keyu hoke; amba ai yimmi ka i hullo isht atoba yak oke.

7. Vlpesa hosh hvsh maleli tuk; anumpa ghli ya hvch ik im antio ka chi ka, kvta hosh hvchi atoklvmmi tuk o?

8. Hvchi anukfohki na vlpesa hvsh ahni ilvppvt hvchi hoyo tok ak o a minti keyu hoke.

9. Isht shatvmmichi iskvtinoci kia yvmmeska ya meosajachit shatvmmichi chatuk oke.

10. Chitokaka pulla kak o hvchi yimmi li kv, nana inla hvch im anukfila he keyu ak oke ; amba kvna hatuk oh kia mihi yosh hvchi anuktuklochikmv, nan vlpisa yvt onvtula hi oke.

11. Yohmi ka itibapishi li vhleha ma ! vno yvt hakshup tupa ya isht anumpuli li moma hokak osh, nanta katiohmi ho nan ilvsha yvt ai onvtula moma cho ? yummak okma ititaiyukhvna isht ai ibetvbli vt yokopa hoke.

12. Hvchi anuktoklochi vhleha hatuk vt chvch g a tuptv kvniakbano ahni lishke.

13. Itibapishi li vhleha ma ! a yuka keyu yo hvch isht ona tuk oke ; a yuka keyu yvto haknip yukpali keyu, amba it i hullot it apelahanchi yak oka.

14. Anumpa achvfa ho vba nan vlpisa a moma kv isht ai ahli hoka ; yummot ilvppak oke, Chin chuka panta hatak g ish i hullo kv chishno ak inli ho chim itilau-ashke.

15. Amba iti koblit, vput hvsh ititahli hokmv, iti okpvnit hvch ik iti tablo ka chi kv, ahah ! hvsh ahnashke.

16. Yohmi ka Shilombish iba foyukvt hvsh ayashke ; yohmi hokvto, haknip nan ahni okpulo ya hvch ik ai ahlecho ka chi hoke.

17. Haknip nan ahni kv Shilombish g im i sanalikma, Shilombish nan ahni kv haknip g im i sanali hoke ; micha ilvppv it im inla hoke : yvmohmi ho nana yvrahcha he hvsh ahni kia hvsh yvrahcha he keyu hoka.

18. Amba Shilombish ak osh hvch isht aya hokma, nan vlpisa ya hvsh i nutaka keyu hoke.

19. Yvmohmi ka haknip atokvli otvni yvmvot ilvppak oke : Havi toba, itin lumaka, na liteha, havi anukfili,

20. Na holba aiokpvchi, ikhish isht yushpakama, it i nukkilli, itachowa, it i shahshohlechi, anukhobela, it i yichina, ita kvshkovt nan vlpisa i sanali, vbasumpuli iksa it i filamohli,

21. It i potvno, hatak bika vbi, okishko shahli, okishkot vssahvt aya, micha yvma chohmi puta ka tikba ma hvchim anoli li ak inli tok kia, himak g atuklant hvchim

anoli li ka, ilvppa yvmihchi puta kv̄t Chihowa im apeli-chika ȳo isha he v̄lhpesa keyu hoke.

22. Amba Shilombish o isht ai vni hokvto, I hullo, nayukpa, it i nanaiya, nuktaiyalvt nokowa sulaha, anukfila yohbi, nana achukma yvmohmi, na yimmi,

23. Il aiokha bunna keyu, ahah! ahnit il oktamp̄li; yv̄mma chohmi ka onvtonla kv̄t nan v̄lhpisa yvt ikshoshke.

24. Yohmi ka kv̄na hosh Klaist a immi hokvto hakn̄ip, micha hakn̄ip nan isht i hullo, micha nan ai ahni okpulo ȳa hakn̄ip ash aieninchit ititaiyukhvna a takalichit ilichi hoke.

25. Shilombish ak o il ai okchaya hokm̄vt, Shilombish a iba foyukvt il iba noh̄wa mak inlashke.

26. Nana ik ahobo a holitopa ȳa ahnit it i nokovvchit, it i potv̄nnot kiloh ai asho kashke.

CHAPTA VI.

Kv̄na hosh nana kv̄t ik im v̄lhpesa ka i kanvt nan im anukfilla he, micha nan i weki ka ib ai isha he i miha, 1; 6 vbanumpa isht anumpuli yoka nana ka isht im vtvt̄v̄t apelacha he i miha: nan v̄lhpisa chinto nitak yv̄mmak okv̄no momvt nan im v̄lhpisa hi a anoli

1. ITIBAPISHI li v̄hleha ma! hatak kv̄na kia nan ai ashvchi ka iba chukowa hokma, Shilombish anukfoyuka hv̄chia hv̄t, chukvsh isht i nukh̄aklot yv̄mma chohmi kash falaminchit hv̄sh hilechashke; hv̄chishno kia nan ai ashvchi hv̄chi ai itula hinla kv̄t, hv̄sh il anukfihinlashke.

2. Nana isht a hv̄chi weki puyuta ka hv̄sh it̄i shaiyashke; yohmi hosh Klaist i nan v̄lhpisa ȳa hv̄sh ai aghlichashke.

3. Hatak vt nana keyu kia, na sa fehna ahni hokm̄vt, ilap inli hosh ile haksichi hoke.

4. Amba hatak puyuta kv̄t ilap nan isht ai v̄tta yak o yakohmi ahnit, pisashke; yvmohmi hosh inla ȳo ai yukpa keyut, ilap ak inli tuk ak osh nan isht il ai yuhkpa chi hoke.

5. Hatak puyuta kv̄t ilap i shahpo illa hō shaiyala he oka.

6. Kv̄na hosh vbanumpa hā isht im vlv̄chi hokmvt, nan im av̄chi yvm̄mak ash nana hochukma puta ka it ibai eshashke.

7. Hv̄chik ile haksecho kashke; Chihowā hv̄t isht ik si yopulá, ahni keyu hoke; hatak vt nana hō hokchi tuk mvt, yvm̄mak o vma hi oke.

8. Kv̄na hosh haknip ak o i hokchi hatuk okvto, haknip ak o isht okpula hi o vma hi oke; amba kv̄na hosh Shilombish ak o i hokchi hatuk okvto, Shilombish ak o ai okchaya bilia yo vma hi oke.

9. Yohmi kv̄t nana achukma isht il ahanta kv̄t ik pin takobo kashke; pi tikambi keyu hokmvt, nitak ont ai vlv̄piesakma, il ai vma hi okvt.

10. Yohmi hoka hatak moma ka nana il im ai achukma la hi vt pin takalikmvt, e yvm̄ihchikmvt, na yimmi in chuka chv̄fa v̄hleha yokak heno i shahlichit il i yvm̄ihchashke.

11. Holisso chito kv̄t, kaniohmi hō vno sv̄bbak ak inli hō pit isht hv̄chī holissochi li tuk ā hopesá.

12. Haknip ak o isht otvni achukma he ahni aiyukali hokvto, hakshup t̄pa he ak o hv̄chim ahnishke; yvm̄mak keyukmvt Klaist ititaiyukhv̄na ai illi pulla hatuk mak o na palv̄m̄mi pisa hinla kak illa kak osh yvm̄ohmi hoke.

13. Yohmi ka hakshup t̄pa v̄hleha ilap inli kak kia v̄ba nan vlv̄pisa yā holitobli keyu: yohmi kia hv̄chi hakshup t̄pa he hv̄chim ahni kv̄t, hv̄chī haknip ak o isht ilauata he ahni hoke.

14. Amba vno yokvto isht ak ilauata pulla he, pin Chitokaka Chisvs Klaist ititaiyukhv̄na atakalit illi tok ak banashke: yvm̄mak atuk pulla mak o yakni vt ititaiyukhv̄na v̄m ai illi, mikmvt vno yvt yakni ā im ai illi li hoke.

15. Klaist Chisvs imma hokvno hakshup t̄pa, micha hakshup t̄pa keyu aiena kv̄t nana keyu, amba himonvt toba ak illa hoke.

16. Laua kut kaniohmi hosh anumpa vthpisa ikuppak ash im antiut aya, micha Chihowa im Israel aiena hokvno isht i nanaiya, micha isht i nukhaklo ita tuklo kut onctuyulashke.

17. Chitokaka Chisvs pulla hatuk mak o sa haknip a na misa laua ka isht shaiyali li hoka; himak a pilla mvno hatak nana kia ik si ataklammo kashke.

18. Itibapishi li vhleha ma! pin Chitokaka Chisvs Klaist isht i kana yvt hvchimi shilombish a anukfoyukashke. Amen.

HOLISSO PAL VŦ

CHVCH EFESVS

A HIKIA HO I HOLISSOCHI TOK.

CHAPTA I.

Pal vŦ Efeshan okla pit ai okpochi, 1; 4 vbanumpuli vhleha hvŦ yakni vt ik tobo kisha mak o vltahvŦ Chihowa im vlla vhleha toba tok, 11 Klaist pulla hq nan ai yukpa ai immi ha he im vllpisa 13 Shilombish Holitopa yq isht ai ghlit kvllo; 17 mihmvŦ Chitokaka Chisvs Klaist im a holitopa vba yg pisa hi mak o vba anumpo-
honli.

1. PAL, Chihowa nan ai ahni ha tuk pulla mak o Chisvs Klaist im apostel vŦ vbanumpuli ahli Efesva ai asha, micha Klaist Chisvs i yimmi aiena ka pit aiokpochishke.

2. Piki Chihowa, micha Chitokaka Chisva Klaist ita tuklo nan isht i kana, micha isht it i nanaiya ita tuklo kvŦ hvchi anukfoyukashke.

3. Chihowa pin Chitokaka Chisvs Klaist iki, yvmmak osh Chisvs ak atuk mak o vba nana ishit pi yukpabanli yvŦ holitopashke:

4. Yohmi hosh yakni in tolahpi vŦ iksho pilla ma, Klaist g a pi atokoli kvŦ, i hullot nan ai ashvchi iksho, micha liteha iksho hosh yvmma itikba il gya he ak atok oke.

5. Yvmohmi kak osh vllhpesa ahni pulla tuk mak osh, Chisvs Klaist atuk mak o ilap im vlla e toba he ak o, tik-
banli pi atokoli tok,

6. Yohmi kvŦ isht i kana chinto yvŦ isht annghowa he,

yvmmak pulla hō Holitopa achvfa yvmma a pi abninchi tok.

7. Yvmmak ash pulla im issish o isht a pi vlhtoba mvt, isht i kana yvt chinto pulla hatuk mak o nan pim ai ashvchi yvt pi kashofa hoke :

8. Yohmi kvv hopoyuksa biekvt im anukfila chinto hosh, isht i kana yvmma chitolechit pihjma tok oke ;

9. Yvmihcha he il ai ahni tok vt vlhpiesa ahni pulla hosh, im anukfila luma hatok g pim otvninchi kvv ;

10. Yvmmvt nitak vt ont ai vlhpiesakma, nana puta uba ai asha, micha yakni pakna ai asha aiena ka itahobit achvfa-lechit, Klaist yvmma fehna ka i nutakacha he ak atok :

11. Yvmmak inli pulla hō il ai isha he vlhpesa e toba hi osh, ilap nan ahni bieka hosh nana moma ka yvmihchi chatuk im anufila hō, tikbanli pi vlhtoka tok :

12. Yohmi kvv na tikba Klaist g il anukchieto tuk pishno ak o im a holitopa yvt a pi annohōwa chi hatok.

13. Hvchishno ak kia anumpa ghli vbanumpa isht hvsh ai okchaya hvsh haklo hayvt, yvmmak ash hvsh anukchieto tuk ak inli ; hvchi yimmi ha yosh, yvmmak ash nana im ihisa tok Shilombish Holitopa yvmma isht hvchim ai ghli tok,

14. Yvmmak okvt nana il ai isha he vlhpesa ka il isha he atokowa isht vlhpisa hosh mahaya tuk o falaminchit chumpvt a pim atahli tok g il ishi na, yvmma im a holitopa yvt isht annohōwak mak a he oke.

15. Yvmohmi ka vno yak kia Chitokaka Chisvs g hvsh i yimmi, micha vbanumpa yimmi ghli moma ka hvsh i hullo ka, haklo li hayvt,

16. Yak oke ishit hvchi ahni li kvv, issa li keyu mvt, micha anumpa ilvsha anumpuli likmvt, isht hvchi anohonli li hoke ;

17. Yohmi ka pin Chitokaka Chisvs Klaist in Chihowa, na holitopa puta Iki vt Shilombish isht a hopoyuksa, micha isht otvninchi hvch ima na yvmma ithaiyanvt hvsh mahaya he ;

18. Nan isht hvsh anukfilli i holhponayo yvt in tohwikeli

na, ai okchgya hvsh pihisa hi o hvchi atokoli kv̄t kaniohmi, micha vbanumpa yimmi ghli yā isht a holiṭopa chinto il ai isha hi vt kaniohmi,

19. Micha ilap nan isht im ai ghli chinto a yvmihchi kv̄t, na yimmi v̄hleha pia hā ilap nan isht im ai ghli chinto fehna ka isht p̄i yvmih̄chi kv̄t kaniohmi aiena ka, hvsh a kostinincha he ak atuk oke.

20. Yvmmak ash o yvmihchi hosh, Klaist illi tuk ā falaminchit tanichit, vba a holiṭopa ilap ak inli ibbak isht impakimma yō binilichit,

21. Hochitoka puta, nan vlhtoka puta, nan im ai ghli, nan i shahli puta, micha na hohchifo moma yvmmvt yakni ilvppa a hohchihifo kak bano keyu, amba yakni yvmmvt vla ch̄i aiena ka i shaiyahli yak oke :

22. Yohmi kv̄t nana moma ka yvmma iyi nutakvchi, mihmvt chvch im ai achukma ch̄i ka nana moma i noshkoba ha ch̄i ka atokoli tok,

23. Yvmmak ashot ilap haknip oke, ilvppak osh kanima moma alotoli ā isht alota mak oke.

CHAPTA II.

Im anukfila kaniohmi yosh il v̄tta tok, 1 ; 8 Ohihowa nan isht i kana pulla hō kaniohmit pim anukfila ka anoli ; 10 nan achukma ka e yvmihcha he e toba tok ; 18 Klaist il im antia hokmvt, vba imma nan im v̄lhta hash il ahanta cha, Ohihowa im okla achvfa mak o pia ha hi a tok.

1. YOHMI kv̄t na yoshuba, micha nan ai ashvchi isht hvchi illi yatuk ā, hvchi okchalinchi tok oke.

2. Ilvppa chiyuhmi ka chashpo ma hvsh ai itnowa kv̄t, yakni ilvppa ai yvmohmi cha tuk ā yvmohmit shutik takla i miko, shilombish vbanumpa ik im antio puta anukfoyukvt isht aya kak o, iakaiya hosh hvsh itnowa tok oke :

3. Yohmi kak o pishno ak kia chashpo ma iba takla pi haknip im anukfila ik achukmo iakaiyvt, haknip nan ai ahni, micha ch̄kvsh nan ai ahni aiena hō e yvmohmi tuk oke ;

yohmi kv̄t chukvsh okpulo v̄mmona il ishi tok moma kv̄t im ai anukkilli pi onvtonla kv̄t, inla yak inli chohmi hoke.

4. Yohmi tok kia Chihowa nan i nukhaklo chinto im ai v̄lhtsyak pulla hosh, nan isht i hullo chito h̄o isht pi hullo hatuk osh,

5. Nan ai ashvchi isht pilli moma kia, Klaist iba taklan-chit hv̄pi okchalnchi tok oke; isht i kana pulla h̄o hv̄chi okchaya hoke;

6. Micha Chisva Klaist ibafokkit wakayvchit, v̄ba a holi-topa puta pi binilichi tok oke;

7. Yohmi hosh himak a pilla ma Klaist Chisvs pulla h̄o pi nukhaklo tuk vt, isht i kana chinto fehna ka isht otv-nincha ch̄i hatok.

8. Na yimmi kak osh isht i kana pulla h̄o hv̄chi okchaya hoke; yohmi kv̄t ilv̄ppt hv̄chishno na hv̄sh ahni kak keyu, Chihowa na hv̄ch ima kak oke.

9. Nan toksvli kak keyu, yv̄mmak keyukma kv̄na kia isht ilauata yoba ná.

10. Yv̄mma im a toba hv̄pia kv̄t, nan toksvli achukma isht il ahanta hi osh Klaist Chisvs ak o il a toba tok; yv̄mma il ai itvnowa hi o Chihowa hv̄t tikbanli apesa tok.

11. Yv̄mohmi ka nitak chashpo ma haknip i nuta yosh Chentail hv̄chia ma, nipi hakshup t̄vpa ibbak isht toba hoh-ehifo yv̄mmak okv̄t hakshup ik tapo hv̄chi hochifo hoke.

12. Yohmi kv̄t yv̄mma foka mv̄no Klaist ibafoyuka keyut, Israel okla ai achvfa hv̄sh ahalaia keyu, micha nan im issa tok isht it im v̄lhpisa hv̄ch ik ahalaio, aiokohaya pisa he ahni ik im iksho, Chihowa ik ithano yosh yakni a hv̄sh ai asha tok.

13. Yohmi tok kia himak ano Chisvs Klaist pulla hatuk mak o hv̄chishno vt tikba mv̄no hv̄sh mishemanchi tuk vt, Chisvs im issish o isht hv̄sh a bilika kv̄t hv̄sh ithaiyanashke.

14. Yv̄mmak osh pit i nanaiyvchi yosh, e tuklo ka achvfa pikbi cha, holihta nan isht pit i filv̄mmichi yatuk a ishit kanchi tok oke;

15. Yohmi kv̄t nan isht it i nukkilli nan isht v̄lhpisa yv̄t im v̄lhpisa tok, haknip isht ilbusha cha, ishit kanchi tok:

yohmi hosh tuklo ka hatak himona achvfa il ai ikbi eha, it i nanaiyvcha chi hatok :

16. Yohmi kv̄t ititaiyukhvna pulla h̄o tuklo ka haknip achvfa isht ikbit, yvmmak o it i nukkilli tuk a ai illichi eha, Chihowa ȳa it i kanvcha chi hatok :

17. Atuk osh mishemanchit hvsh ai asha, micha bilika ai asha aiena tuk a, anumpa isht it i nanaiyvchi isht anumpulit hvchim gya tok oke.

18. Yvmmak atuk pulla h̄o Shilombish achvfa hosh pi anukfohkichi h̄o, il ita tuklo kv̄t Uba Iki il im ohona hokvt.

19. Yakeh! yohmi ka himak a pilla ma ik ahalaio okla inla ȳo hvchia keyu, amba vbanumpuli ibai okla, micha Chihowa in chuka chvfa hvchia hoke.

20. Yohmi cha apostel, micha hopaii puta kv̄t in tolahpi yokma, Chisvs Klaist ak inli hosh noshkoboka chukbika tvli ȳo, onvtula hosh hvsh it abana hoke.

21. Yvmmak o ai it abana iti fohka achukma kv̄t, Chitokaka ibafoyukvt tempel holitopa tobtv̄t isht maghaya hoke.

22. Yvmmak o hvchishno ak kia hvsh ai it abana cha, Chihowa im aboha imi Shilombish a foyuka hvsh toba hoke.

CHAPTA III.

Chentail vt vbanumpa habena be atok, 1; 9 Pal vt im anumpohonla, he vt vhtoka; 14 mihmvt Chihowa nan i hullo tok a okla akostinicha chi ka vba asihjla; 20 mihmvt nan isht aiokchaya chinto vt yakohmi ha tuk o Chihowa ȳa yakoke im ai ahni.

1. ILUPPA pulla kak o Pal sia hvt Chentail hvchia hatuk mak o Chisvs Klaist i yuka sia hoke.

2. Chihowa nan isht i kana vlpisa ishit hvchim anum-puli ka chi h̄o vma tok a, hvsh haklo mvhli tok a;

3. Yvmmvt Chihowa im anukfila luma hatok a kanioh-michit vm otvninchi tok a, anumpa ik lauwo ka tikba ka hvchi holissochi li tok oke.

4. Yvmmak o hvsh itim anumpulikmvt, Klaist im anuk-fila luma hatok a ithana li ka, hvsh akostinicha hinla hoke;

5. Yvmmvt nitak tikba ma hatak ushi vhleha h̄a im an-

noa tok a ohmi keyu ho, himak ano Shilombish vt apostel holitopa vhleha, micha hopaii puta aiena ka im otvoinchi hoke;

6. Yvmohmi na Chentail vt vbanumpa pulla ho iba tak-
let nan ai isha he vhpesa toba, micha haknip ai achvfa
toba cha, Klaist pulla ho nan im ihisa tok a ibai isha he
atok:

7. Chihowa yvt ilap nan isht im ai ghli vm ai yvmibinchi
pulla hosh, ilap nan isht i kana vma pulla ho, vbanumpa
isht vtta toba li tok oke.

8. Uno vt vbanumpa yimmi moma ik lauwo ka ik a lau-
wo sia hoh kia, isht i kana ilvppa vma na Klaist nan isht
yukpali kvna hosh ithvntv hlopullicha he keyu a, Chentail
a isht im anumpuli la hi atok.

9. Mich a im anukfila luma hatok a itibai achvfa kv ka-
niohmi ka hatak moma ka pisachi la hi atok; yvma yakni
tobahpi a minti ka Chihowa hv Chisvs Klaist nana moma
ka isht ikbi tok vt, luhmit ieszhi tok;

10. Yvmohma hi o himak ano hochitoka ilaiyuka, nan
vhtoka ilaiyuka, vba a holitopa ai asha kv, chvch pulla
atuk mak o Chihowa a hopoyuksa chinto kv im otaiyana
hi atok.

11. Yohmi kv Chisvs Klaist pin Chitokaka isht yvmih-
cha he im anukfila bilia tok mak osh yvmihchishke.

12. Mihi yo i yimmi kak osh pi nukwaya keyut, pi hakla
chi ahnit, pi anukfoyukt il im ohona hoke.

13. Yohmi ka hvchishno ak atuk mak o nan isht svlvsha
ka, yvmmvt nan isht a hvchi holitopa hokvt hvchi chukvsh
isht ik hvchim ello kashke.

14, 15. Ilvppa pulla kak o pin Chitokaka Chisvs Klaist,
yvmak o chuka chvfa vba yakni a ai asha, micha yakni ai
asha a moyuma kv ai a hohchifo Iki a i hvchukbehlipa li
kv,

16. Isht im a holitopa chinto fehna ka hvch ima na, imi
Shilombish vt chukvsh isht hlampko isht hvchi hlampko-
honchi;

17. Mich a na hvchi yimmi ho Klaist vt hvchi chukvsh a

anukfoyuka he yohmi lishke; yohmi ho nan isht i hullo a akshish a tobtv a hvchi kullo hosh,

18. Ubanumpuli ghli puta iba taklvt a pvtha, micha afa-laia ka, micha hofobi, micha chaha aiena ka hvsh akostinincha hinla hoke.

19. Michu Klaist vt nan isht pi hullo ka ai ithvna he atampa ka hvsh ithvna hosh, Chihowa isht alotowa moma kvv isht hvchi alotowa he ak atok.

20. Yvmmak osh ilap im isht hlampko isht pi hlampko-honchi kvv, nana ho il asilhha, keyukmvt nan il anukfilli moma atampa fehna ka pim atahla hinla,

21. Mihi yosh Klaist atuk pulla mak o chvch isht a holi-topa na nitak ataha iksho, yakni ataha iksko kashke. Amen.

CHAPTA IV.

Itib achvfa he i miha, 1; 7 Chihowa hvv 11 in chvch vt nan isht hlampkot i shaht mahaya chi ka im okla ha shilombish holhpela il aiyuka ihima ka anoli; 17 nan a kaniohmi tikba yatuk a naksi ka bohli; 28 nana a kaniohma he vlhpesa ka yvmihchi, micha nan ik vlhpeso moma ka mokofa chi ka i miha.

1. YUMOHMI ka Chitokaka atuk mak o yuka sia hvv hvsh a yvmohma he hvchi vlhtoka tuk vt, ai vlhpiesvt hvsh ayvt,

2. Chukvsh akanlosi, micha chukvsh yohbi, micha anuk-hobela svlahvt, iti hullot, it im i nuktaiyalvt;

3. Shilombish ai isht itibai achvvt nan isht it i nanaiya isht iti talakchi kak o hvsh ai ahna he, hvchim asilhha lishke.

4. Yohmi ka haknip achvfa, micha Shilombish achvfa hosh aiasha, yvmmak inli ho chohmit hvsh a yvmohma he hvchi vlhtoka tok vt, ai okchaya pisa he hvsh ai ahni kvv achvfa hoke.

5. Chitokaka yvt achvfa, na yimmi mvt achvfa, baptismo mvt achvfa,

6. Moma iki achvfa, yvmmvt nana moma i shahli; nana moma a hlopulli, hvsh moyuma ka hvchi foyuka hoke.

7. Yohmi ak inli kia e moma ka nan isht i kana pima kut, Klaist i na hulbina kaniohmi hq pi anukfohki kak oke.

8. Yvmohmi kak o vba ia mvt, yuka lawa yukachit isht ayvt, na hulbina puta ka hatak puta ka ima tok, achishke.

9. Yohmi ka vba ia tok, achi kut nanta hoh cho? amba yvmmvt tikba ma vba mintit aka yakni vla tok ak inli keyu?

10. Uba minti tok mihi yq ak inli hosh vba shutik pakna-ka pilla ona kut, nana moma alotowa chj kak atok.

11. Micha kanimi kut apostel; micha kanimi kut hopai; micha kanimi kut vbanumpa tosholi; micha kanimi kut ikxa apesvchi; micha kanimi kut nan ithvnanchi aiena ya chj ima tok:

12. Yohmi kut vbanumpa yimmi vhleha hq ai ghlicha he, vbanumpa isht vtta he, Klaist haknip ithvnanchit hlampko-honcha hi ak atok oke.

13. Yvmohmi na e moma kut mghayvt nan ai yimmi ka, micha Chihowa Ushi ai ithvna aiena ka ont il ai achvvt, hatak im ahli e tobt, Klaist vt a kaniohmit ai alotowa fehna ka e chiyahma hi oke:

14. Yvmohmi hosh himak a pilla ma vlla pia keyu hosh, oka piakvchi ka chohmit, anumpa il aiyukali mahli chohmi hatak vt nan isht i kostini o isht hakaicha chj kut, isht im aihinchi ka ibafokvt ke fullokahancho kashke.

15. Amba i hullo hosh anumpa ghli anumpulit, nan oklha ka isht im a hofantit mghayvt, Klaist yvmmvt noshko-boka ya e chiyuhmashke.

16. Yvmmak o haknip moma kut ai itifohka achukma, micha hakshish puta isht ita talakohi hosh moma kut nana a kaniohma he vhpisa kut, ghliit yohmit it apelachi hosh haknip isht a chitot isht it i hullot mghaya hoke.

17. Yohmi ka ilvppa achi li mvt, anonti himak a pilla ma Chentaal inla im anukfila ik ahobo,

18. Im anukfila okhlili, micha chukvsh vt okpulo felma hatuk osh, nana ik ithano anukfoka kak osh, Chihowa im ai okchaya i filvmmit yoshubvt aya;

19. Chukvsh sulahbot atvpa, na haui atampa, na liteha puta asitvt isht ahanta ka hvoh ik ai itunowo ka he

mak o, Chitokaka pulla hatuk mak o atokolit hvchim anoli lishke.

20. Amba hvchishno vt yvmohma hi osh Klaist a hvsh ithvna tuk keyu hoke :

21. Yohmi ka hvsh i haponaklo cha, Chisvs im anumpa ghli yo isht hvchim vlvchi tuk okmvt ;

22. Tikba ma nana hvsh a kaniohmi tok vt hatak sipokni, yummvt na haksichi chukvsh okpulo isht yoshuba aiena kvno, naksika hvsh bohlayshke :

23. Micha chukvsh isht hvsh anukfilli vt himonvt tobashke :

24. Micha hatak himona, yummvt Chihowa holba tobtv nan ai vlvpiesa, micha nan ai ashvchi ik im iksho ghli mak o isht hvsh foyukashke.

25. Yohmi hokvt na holabi puta naksika bohli anumpa ghli in chuka panta hatak a hatak moma kvv im anumpulashke ; hknip il itib achvfa hokvt :

26. Hvchi nokowa kia, ik hvchi yoshubo kashke ; hvsh nokowa moma na hvshi vt ik okvtulo kashke.

27. Micha nan isht a hullo okpulo ya hvchik i kanvilo kashke.

28. Kvna kia hukopa tuk vt, himmak ma ik hukopo kashke ; amba ik pilesa cha nana achukma kak o ibbak isht tok-sahanli hosh, kvna kia ilbvshakma ima hi vt nan ahayuchashke.

29. Anumpa liteha yvt chitih ha ik kohchot, amba nana kvv achukma isht hlampka he, micha haklo puta kvv isht im achukma he ak ashke.

30. Micha Chihowa imi Shilombish Holitopa, yvmmak o hvsh ai okchaya, he nitak pit isht hvchim vlvpisa kvv, hvchik nukhaklocho kashke.

31. Chukvsh homi, micha it i nokowa, micha nukhobela, micha itachowa, micha anumpa ik achukmo nanumachi, micha nan ik achukmo puta aiena kvv naksika itonlayshke.

32. Micha it i kanvt, chukvsh na hih isht iti ahnit, Chihowa hvv Klaist ak atuk mak o hvchi kashofi tuk a chohmit, hvsh it i kashohofashke.

CHAPTER V.

Chihowa ya im antiyt nan ai i hullo yo ai itanohwa he, 1; 3 im anumpa liteha hosh itanowa beka tuk vt naksika bohla he; 18 nan ishkot hakshe he imma ka ik ahalaio ka he, amba shilombish holitopa yo isht anukfuyukt im vltaha he nan i miha; 22 Ohoyo hvt kaniohmit abanta he, ilap i hatak g im antia he; 25 Klaist vt chvch g i hullo ka chohmit hatak vt im ohoyo hg i hulla he nan isht miha.

1. YUMOHMI hoka vlla holitopa yo chiyuhmit Chihowa ya hvsh iakaiyashke.

2. Micha Klaist vt pi hullo cha, pishno ak atuk mak o nan ashvchi isht vltoba, Chihowa nan i balama, isht il im issa tok g chiyuhmit, ai it i hullot hvsh ai itvnowashke.

3. Amba havi toba, micha nana liteha puta, nan anushkonna atampa vbanumpa yimmi vt yohma he vlpesa keyu ka, himonna kia yohmi tok achit ik hvchi annowo kashke.

4. Micha anumpa isht a hofahya, anumpa makali anum-puli, na yopula, a yvmohma he ai vlpiesa keyu ka hvch ik anumpulo hosh, amba Chihowa ya yak oke im ai ahni kak osh hvchim i shahlashke.

5. Hatak havi nana kia, hatak ik kashofo, hatak nan anushkonna atampa, yvmmvt na holvvt toba aiokpvchi, ilvppvt Klaist, micha Chihowa im apelhichika nan ai isha he vlpiesa keyu ka hvsh ithana hoke.

6. Hatak nana kia anumpa ik achukmo isht ik hvchi haksecho kashke: ilvppa puyuta pulla kak o Chihowa nan isht i nukkilli yvt vbanumpa ik im antio hatak puta ka onvtuyula hoke.

7. Yvmohmi hoka yvmmak okvno hvchihno vt na hvch ik iba taklo yashke.

8. Tikba ma hvchi okhlili tok kia, himak ano Chitokaka hvsh a tohwikeli hokvt, tohwikeli vlla yo chohmit hvsh itvnowashke.

9. Shilombish isht ai vni hokvto nana achukma bieka, micha nan aivlpiesa yvmohmi, micha anumpa ghli yak oke.

10. Yohmi cha nana hō Chitokaka yvt aiokpanchikma, hvsh akostinincha hi oke.

11. Micha okhlili ka a toksuli nan ik vno hvch ik iba taklo hosh, amba ik im ahninchot hvsh im alvmmashke.

12. Alumga hō nana kvv ai yvmohmi tuk g isht anum-puli illa kak kia, isht hofaya he vhpesa hoke.

13. Yohmi ka atokowa otvni kvv nan tohwikeli ak o isht otvni hoke: nana hosh nana ka otvninghikmvt, yvmmak osh tohwikeli hoke.

14. Yvmohmi kak o, Nusi tuk chia kvv, chi okchashke, micha illi tuk chia kvv falamvt ish tanashke, mikma Klaist vt tohwikeli chima chj hoke, achi hoke.

15. Yohmi ka im anukfila iksho chohmi keyut, amba hopoyuksa chohmit ahah! ahnit hvsh itvnowashke.

16. Nitak vt ik hvchj kvnio hosh nan isht hvsh il im ahantashke; nitak hvsh ai ahanta kvv ik achukmo hoka.

17. Yvmohmi hoka ik hopoyukso yo hvchia keyu hosh, amba Ckitokaka im anukfila hvv kaniohmi ka hvsh akostin-
inchashke.

18. Micha oka homi isht ik hvchi hakso, yvmmvt im ila-yak isht yopomo yoke; amba Shilombish ak o isht hvchi alotowashke.

19. Uba isht taloa, micha Shilombish imma isht taloa aiena ka isht il ai anumponlit, chukvsh isht in champulit Chitokaka ya hvsh in talohvashke.

20. Nana puta ka pin Chitokaka Chisvs Klaist isht hohchihifot Chihowa, yvmmvt iki mak oka, yak oke ai ahnit, il aiokpahanchashke.

21. Chihowa j ntkshohompa hosh hvsh it im antiashke.

22. Tekchi vhleha ma! Chitokaka chohmichit hvchj hatak g hvsh im antiashke.

23. Klaist vt hvch g j noshkobo ya yvmmak inli hō chohmit hatak vt ilap tekchi g j noshkoboka yoka: micha yvmmvt haknip ai okchaya mak oke.

24. Yvmohmi ka hvch vt Klaist g im antia ka yvmmak inli hō chohmit, tekchi vhleha hvv nana puta ka ilap j hatak g isht im antiashke.

25. **I** hatak vhleha ma! hvchi tekchi a hvsh i hulló kv̄t, Klaist vt chvch a i hullo hosh, il im issa tok ak inli ka, hvsh chiyuhmichashke :

26. Yvmohmi kv̄t oka isht achifvt vbanumpa isht kashofvt na hullochichā,

27. Chvch holitopa, na liteha lapali iksho, shinowa, yvma chohmi nana kia iksho hō ilap itikba hilecha chi hatok; ghli a holitopa, imomokpulo keyu hō ilap itikba hilech, chi hatok.

28. Yvmmak inli hō chiyuhmit, hatak puta kv̄t ilap haknīp chiyuhmichit, tekchi vhleha hā i hulla he v̄lhpesa hoke. Kvna hosh tekchi a i hūhullo kv̄t, ilap a i hullo hoke.

29. Kvna kia ilap haknīp a i nukkilli chatuk keyu hoka; amba Chitokaka yvt chvch a i yvmihchi ak inli hō chohmit, apovchit hiahnit ilauei hoke.

30. Pishno vt yvmma haknīp, nipi micha foni aiena ka ai achvfa pia hoka.

31. Ilvppa pulla kak o hatak vt iki, micha ishki ita tuklo ka issa cha, tekchi ak o asitia he, mikmvt tuklo ilvppvt nipi achvfa hi oke.

32. Ilvppvt na fehna' chinto hoke: yohmi kia Klaist, micha chvch ita tuklo yvmmak o isht miha lishke.

33. Yohmi ak inli kia hvchishno hvsh puta aiyukali kv̄t ilap inli chiyuhmit hvchi tekchi a hvsh i hullashke; mikma tekchi vt yohmi ahnit, i hatak a holitoblashke.

CHAPTA VI.

Vlla yvt ishki, micha iki ita tuklo ka im antia he vt v̄lhpesa, 1; 5 yuka hv̄t i shahli hā im antia he vt v̄lhpesa: 9 mikma i shahli hv̄t ai v̄lhpiesa mak o i yuka hā i yvmohma he v̄lhpesa; 10 na pi okchaya ilvppvt il itihimbi; 18 vbanumpuli vt nan isht ile atukkochi, 18 yohmi ka kanimihchit ilvppak ash isht aya he anoli.

1. **U**LLA vhleha ma! Chitokaka ak o hvch iki, micha hvch ishki ita tuklo hvsh im antiashe; ilvppak osh v̄lhpesa hoka.

2. Chiki, micha chishki ita tuklo ka ish holitoblashke, ilvppvt anumpa vlpisa nan im issa ya apatoa vmona.

3. Yohmi hosh chim achukmut hopaki ho yakni paknaka ish ai ahantashke.

4. Mikma iki hvchia hv hvchim vlla ya hvch ik nokowvcho kashke: amba Chitokaka yak o anukfohki, micha nan ai ahni yak o a fohkit hvsh hofantihinchashke.

5. Yuka vhleha ma! yakni ilvppak inli haknip isht hvchi nahullo ya i nukwiyvt wvnihinchit, chukvsh apissali kv, Klaist ak inli ho chohmichit hvsh im antiashke.

6. Yohmi kv hatak yukpali yo chohmit, nishkin pisa bano toksvli keyu; amba Klaist in tishu ho chohmit hvchi chukvsh fehna Chihowa nan ai ahni ya hvsh yvmihinchashke:

7. Yohmi kv aiokpanchit yuka a toksvli toksvlit, Chitokaka yak o i yvmihchi, hatak ak o keyu;

8. Nana achukma nana ho hatak kvna kia yuka hokma, yuka keyu hokma, nana hoh kia yvmihchikma, ymmak atuk mak inli ho Chitokaka ya im a habena hi a hvsh ithaiyanashke.

9. Mikma i nahullo hvchia hv i nokowvt anumpuli iksho hosh, ymmak inli ho hvsh i yvmihinchashke: hatak iti shahshohlechit anukfilli keyu hosh, vba yakni hvchim i Shahli yvt binili ka hvsh ithaiyanashke.

10. Ishtaiyopi ka itibapishi li vhleha ma! Chitokaka a hlampkot im a hlampko chinto yo hvsh a hlampkashke.

11. Nan isht ahullo okpulo isht a yoshubli a im i sanalit hvsh hikia hinla kv, nan isht il atukkochi Chihowa yvt atahli tok a moyuma ka hvsh foyukashke.

12. Nipi, micha issish o im i sanalit il itibi keyu, amba miko vhleha, nan vhtoka, hochitoka, yakni ai okhlili ka ilvppa pehlichi vhleha, shilombish okpulo vba itnowa puta aiena kak oke.

13. Yvmohmi ka nitak ik achukmo ka im ai i sanalit hikia, micha hvsh atahli hayvt, hvsh hikia hinla kv, nan isht il atukkochi Chihowa yvt atahli tok a moyuma ka hvsh il ai eshashke.

14. Yvmohmi ka anumpa ai ahli isht vskofaiyachit nana isht ai vlhpiesa ikkishi alata hq foyukvt,

15. Micha vbanumpa it i nanaiyvchi nan isht im vlbtaiyaha ma hvch iyi isht hoyulo hosh hvsh hikiashke.

16. Nan okpulo yvmma im iti naki ishit hulohushmi puta ka isht hvsh mosholicha hinla kvv, moma pahnaka ya telihpa na yimmi ka mak o hvsh il ai eshashke.

17. Noshkobo isht ompoholmo ai okchaya, micha Shilombish i bvshpo falaia, yvmmvt Chihowa im anumpa mak oka hvsh ieshashke.

18. Shilombish anukfoyuka hosh anumpa ilbvsha puta im anumpohonlit, asihihla hosh achunanchit ahah! ahani, micha vbanumpa yimmi puta ka isht hvsh asihihlashke :

19. Micha vno ma isht hvv si anumpohonlashke : yohmi na itih kohchit anumpuli la hi a vma na vbanumpa luma ya tok a anohonli la chi kvv, nukwaya ikshot svtih ha wakvmmi lashke.

20. Yvmma pulla hq Uba Miko im anumpeshi talakchi sia hoke : si yvmohmi kia nukwaya ikshot anumpuli la he vlhpesa hokvt, anumpuli la hi a vba isht hvv si anumpohonlashke.

21. Amba nana vv a kaniohmi, micha nana isht anta li aiena ka hvsh akostinincha chi ak inli kvno, Tikikvs itibapishi a holitopa, micha Chitokaka nan im isht vtta ai ahli ak osh nana moma ka hvchim anola chi hoke.

22. Yvmohma chi kak o yvmma hvchi pila li tuk oke ; yohmi na nana pim a kaniohmi ka hvsh ithana chi hatuk ; mikma hvchi chukvsh a hopohlva chi hoke.

23. Iki Chihowa, micha Chitokaka Chisvs Klaist a minti na yimmi ka isht ai it i hullo, micha it i nanaiya aiena kvv itibapishi vhleha ha hvchi anukfoyakashke.

24. Chitokaka Chisvs Klaist i hullo ai ahli moyuma ka nan isht i kana yvt anukfoyakashke. Amen.

HOLISSO PAL VT

CHVCH FILIPPI

A HIKIA HO I HOLISSOCHI TOK.

CHAPTA I.

Filippi chvch hikia ka pit aiokpvchi, 1. 6 Na toksvli achukma isht wakaya tok vt Chihowa hvv isht ai ghlichit im atahla čhi ka yimmi.

12 Lom aboha kvllo afoyuka ka nan isht im anukfila he nana hosh akaniohmi tuk a anoli. 22 Klaist pulla kak o okchaya kak okma, keyukmvt illi kak okma nana hi vt im vhltaiahvt anta tok vt anoli.

1. PAL, micha Timohlius, ita tuklo Chisvs Klaist in tishu hvv vbanumpa yimmi ghli vhleha Chisvs Klaist ibafoyuka Filippi ai asha, bishop puta, micha chvch nan isht im vta puta aiena ka pit aiokpvchi kvv,

2. Piki Chihowa, micha Chitokaka Chisvs Klaist ita tuklo nan isht i kana, micha isht it i nanaiya aiena kvv hvchi anukfoyukashke, hvchim ahnishke.

3. Hvchi anukfilli li aiyuka kvv an Chihowa ya yak oke im aiahnit,

4, 5. Nitak na hvchi yimmi tok vhlit mintit ant himak ak o hvchim ilayak iti hopinhinlvv, vbanumpa isht hvsh apelvchi kak o, anumpa ilbvsha isht hvchi anumpuli li puta kvv chvksh yukvvt isht hvchi asihihla li bilivshke.

6. Ilvppa fehna ka sai yimmi hatuk osh, Nan toksvli achukma isht a hvchi wakaya kvv, ai ghlichit Chisvs Klaist i nitak a hvch isht ona he, ilvppa fehna ka sai yimmi hatuk oke.

7. Yvmohmit hvsh moma ka ilvppa hvchi anukfilli la he vlhpesa, sa chukvsh isht hvch ithaiyana li hokvt; vbanumpa isht anumpuli li, micha ai ghlichu li hosh sa talakchi aiena ka nan isht i kana hvs svb ai ishi hoka.

8. Chisvs Klaist hiahnit isht i bullo chohmit hvchi sa palata fehna ka, Chihowa yvt atokolit si anoli yoka.

9. Micha ilvppa asihihla lishke; yvmmvt Chihowa im anumpa ithanvt, hvsh akostininchi puta kak osh hvsh it i hullo kv, chitot isht i shahlit hvsh mgghyashke.

10. Yvmohmi hosh nana kv it im inla ka imoma ka pisvt, achukmaka vlhpesa ahnit, ai ghli, isht im ai ibetvbla he iksho hosh Klaist i nitak g hvsh onashke.

11. Yvmohmit Chisvs Klaist ak atuk mak o nan ai vlhpesa isht ai vni isht a hvchi alotowa na, Chihowa yvt isht a holitovt isht anumpa he yak oke.

12. Yohmi ka itibapishi li vhleha ma! nana vm a kaniohmi tuk g vbanumpa hv isht i shahlit isht atoba tuk g hvsh ithana he, hvchim ai ahni lishke.

13. Yvmohmi ka Klaist pulla ho sai yuka kv miko atoui tvshka chipota i holihta, micha kanima moma ka ai otvnishke.

14. Mihma itibapishi li vhleha laua kv sai yuka kak o Chitokaka anukchieto kv, isht i shahlit nukwya keyu fehvt, nukshopa mv iksho hosh vbanumpa ha isht anumpohonlishke.

15. Kanimi kv isht g potvno, micha nan isht an chowa aiena ka bvna hosh Klaist g isht anumpulikma; anonti kanimi kvto g kana he ahni hosh yohmi hoke.

16. Achvfa kv nan isht an chowa kak o ahni hosh Klaist g isht anumpulit, chukvsh ghli keyu hosh, sai yuka ka ai vbechit svbvshali bvna hosh:

17. Amba achvfa kvto holitobli hosh, vbanumpa afvt isht anumpuli la he si vlhtoka tuk g ithana hatuk osh, yohmi hoke.

18. Yohmi kvno ik kaniohmi hoh kia pah ilahobi hokma ghli hokma, nana kia Klaist vt isht anumpa hoke; yohmi na yvma a sai yukpa ghli hosh, a sai yuhkpa chi hoka.

19. Anumpa ilbusha isht hvs si anumpohonli; micha Chisvs Klaist imi Shilombish vt si apelahanchi aiena, ilvppak osh isht si okchaya hi g ithana li hokvt,

20. Yummak a he ahni li fehna kv, nana kia isht sa hofahya he keyu, amba nukwaya iksho kumohmit ai yvmohmi chatuk vt, a moyuma chi ho si okchaya hokma, svlli hokma, nana kia Klaist vt sa haknip g isht a holitopa hi g ahni li hoke.

21. Uno yak okvto si okchaya kv Klaist ak okmvt, anonti svlli hoh kia nan isht vm ai achukma hoke.

22. Yohmi kia haknip ak o ai anta li hokmvt, a toksvli li nan ai vni kv ilvppak oke; yohmi kia kanimampo ahni la hinla kv ak ithanoshke.

23. Yakni issvt ia lish, Klaist g ont ai ibachvfa li, yvmak ok mak o i shahli fehna hoka sa bunna hatuk osh, nan a mia tuklo isht a svb bikeli hoka:

24. Yohmi kia haknip ai anta li kak o achukma kv isht hvchim i shahli hoke.

25. Micha ilvppa sai yimmi ghli hatuk osh, nana a hvchi yimmi kv i shahlit a hvchi yukpa kv isht i shahla hi ak o hvsh moyuma ka hvchi takla ahanta la chi kv, ithana lishke.

26. Yohmi ka vno pulla, micha hvchim ona li kak o Chisvs Klaist g isht hvsh il ai yukpa kv i shahla he ak oke.

27. Nana hvsh a kaniohmi kv Klaist im anumpa ak o isht ai vlpesa kak banashke: yohmi na onvt hvchi pesa li hokma, keyukmvt kanima gya li ik saksho hokma nana kia na hvchim a kaniohmi puta yvmvt shilombish achvfa, im anukfila achvfa hosh vbanumpa ai yimmi ka hvsh it iba fohtvt kullot hvsh hieli ho hahaklo lashke.

28. Micha nana hoh kia hvchim i sanali puta ka ik hvchi nukhlakancho kashke: yohmikmvt yummak okvto ai okpuloka hi yosh isht ai im atokowa, amba hvchishno ano isht ai okchaya he Chihowa a minti mak osh isht hvchim atokowa hoke.

29. Hvchishno vto Klaist pulla kak o yvmma hvsh i

yimmi kak bano keyu, amba yvmma pulla kak o nan isht hvsh im ilbvsha he hvchim vlpisa hoka :

30. Yohmi kv̄t anumpulit it̄i kahanlot isht svlvsh̄a yvma hvs sa p̄isa tok, anonti himak a si onvtuyula ka hvs sa hahaklo ka yvmmak inli hosh hvchi onvtuyula hoke.

CHAPTER II.

Klaist ḡ iakaivt̄ im anukfila iti bai achv̄vt̄ il akanlosiichi banot aiasha hi ḡ i miha, 1; 12 ilap nan isht aiokchaya a toksahanlit p̄ula h̄o chohmit yakni a im a tohwikela hi ḡ im achi.

1. YOHMI ka Klaist atuk pulla mak o ahopohla yvt̄ ḡsha hokma, i hullo kv̄t a nuktanla yvt̄ ḡsha hokma, Shilombish ai itiba chvfa yvt̄ ḡsha hokma, ch̄ukvsh isht i nukhaklot hi ahni yvt̄ ḡsha hokma,

2. Hvchim anukfila hvt̄ itilavit̄ nana a miha chvfa holitoblit, ch̄ukvsh achvfa cha, hvchim anukfila ai achvfa hosh nan a sai yukpa ya isht hvs sv̄m alotolashke.

3. Anumpa isht itachowa shahli, keyukmvt̄ ilefehnvchi nanasi kv̄t ik vltaho kashke; amba ch̄ukvsh akanlosi hosh moyuma kv̄t inla yvt̄ achukma kv̄t ilap ḡ i shahli h̄o anukfillashke.

4. Hatak moma kv̄t ilap immi kak o bano keyu, amba hatak moma kv̄t inla immi ak kia anukfillashke.

5. Klaist Chisvs anukfoyuka tok akinli nan anukfila iltp̄v̄t hvchi anukfoyakashke.

6. Yvmmvt̄ Chihowa hoyulba yatuk osh, Chihowa ya ile itilauechi kv̄t na wehpuli ya he ahni tok keyu.

7. Yohmi kv̄t il a kohchichit yuka ohmi h̄o il aieshit hatak chohmi hosh toba tok oke.

8. Micha hatak ohmi hosh haiaka mvt̄, il akanlosechit im antia kv̄t, ititaiyukhvna a takalit illi yoh kia isht illi kak atok.

9. Yvmohmi hatuk o Chihowa hvt̄ holitoblichi fehna mvt̄, hochifo kv̄t na hohchifo inla moma ka i shahli h̄o ima tok oke :

10. Yvmohmi ka Chisvs hohchifo h̄a vba yakni aiasha,

micha yakni paknaka aiasha, micha yakni nutaka aiasha puta kv̄t i hvchukbihlepa he ;

11. Micha hatak isunlvsh puta kv̄t Iki Chihowa yvt isht a holitopa he mak o, Chisvs Klaist vt Chitokaka ya he, achit anohonlashke.

12. Yvmohmi ka g holitopa vhleha ma! hvs svm antia chatuk vt hvchi takla anta li kak bano keyu, amba himonasi yokak heno ik saksho ka i shahlichit hvs svm antia kv̄t, nukshumpvt wvnihinchi hosh hvchishno inli aiokchaya ya hvsh atahlashke.

13. Chihowa ak osh ilap nan isht im vlvpesa hosh ai ahni kak o ahnit, hvsh yvmihcha chi ka hvchi a toksahanli hoke.

14. Nana moma ka ik ahninchot na miha keyu, micha anumpa ita chowa mv̄t iksho hō hvsh yvmihchashke.

15. Anumpa nana kia hvchi onvtonla keyu, nan okpvi keyu, na liteha lapanli keyu hosh okla shanaiaowa, micha nan ai ashvchi ai ititakla yo yvma i pva tohwikeli chohmit yakni paknaka ya hvsh ai ashvshke.

16. Micha anumpa okchaya ya hvsh otv̄nichi na Klaist i nitak a pilla hō chahafa li tok keyu, micha pilla hō toksv̄li li keyu kv̄t sai yukpashke.

17. Ahli, na hvchi yimmit vba isht hvsh il ai okpv̄chi, micha nan isht hvsh ai ahanta aiena ont aighla chi kak o, il imi kanchi li hokmv̄t, sai yukpv̄t hvsh moma ka hvch iba yukpa li hoke.

18. Yvmmak inli kak o yukpv̄t hvs sv̄bai yukpa mak inlishke.

19. Yohmi kia chekikma Timohlivs g hvchi pila la chi, yvmohmi hosh hvchi a kaniohmi ka akostininchi lish, sai yukpa chi kv̄t, ahnit Chitokaka Chisvs g anukchieto lishke.

20. Nana a hvchi a kaniohmi ka anukfihinli fehna kv̄t hatak inla im anukfila yvmmak inli ohmi hō ik svm iksho hokvt.

21. Moma kv̄t ilap immi ak o hoyo mv̄t, nana kv̄t Chisvs Klaist immi hokv̄no ik hoyo hokvt.

22. Amba yvma imomaka pisa tuk g hvsh ithana ;

yvmmak okvt ushi yosh iki iba toksvli chohmit vbanumpa isht svb a toksahanli tuk oke.

23. Yvmohmi ka yvmmak o chekosikma sa kaniohma chi ka pisa likmvt, pila la chi ahni lishke.

24. Yohmi kvv vno yak kia chekosikma ona la chi, ahnit Chitokaka yg anukchieto lishke.

25. Yohmi ak inli kia Epafiotitvs, itibapishi li, itiba toksvli li, micha tvshka chipota sv bika, micha hvchim anumpa shahli, micha nana a sa bvna tuk g isht vm anta chatuk, yvmmak o hvchi pila la he vhpesa ahni li tuk oke.

26. Hvchi palata fehvvt, ilap vt abeka tuk g hvsh haklo tuk ak o nan a nukhgklo kvv chukvsh g alota fehna tok.

27. Abeka ho mvhlit illi naha fehna tuk, yohmi kia Chihova hvv i nukhaklo tuk: yohmi kvv yvmmak bano keyu, amba vno ma g nukhgklo tuk: yvmmak keyukma svlvsha kvv it vlbehkvcha he atuk oke.

28. Yvmohmi kak o ahni fehvvt hvchi pila li tuk oke; yohmi na anonti hvchi pisa likmvt, hvchi yukpakma, vno vt a nukhgklo kvv ik lauwo ka he ak atuk oke.

29. Yvmohmi hoka Chitokaka ibafoyuka ka chohmichit chukvsh yukpa biekvt hvsh aiokpvchashke; mikmvt yvma chohmi kash hvsh holitohomblashke:

30. Klaist ak o in toksvli pulla kak osh ilap im ilhfiopek g na fehna ik ahno hosh, illi naha fehna kvv, isht hvv si ape-lacha he tuk ik ono ka vm atahla chi kak atuk oke.

CHAPTA III.

Nan i hullo cha, nan avvchi ik ghlo yokvno ahah! im ahna hi g i mi-ha, 1; 8 Klaist pulla ha tuk mak o nan oklyha ka ik ahobo ahna he: 18 haknip imma nan ahni hq iakaiya yokvno i filvma he nan i miha.

1. ISHTAIYOPI ka itibapishi li vhleha ma! Chitokaka yg hvsh ai yukpashke. Nana kvv mihi yg ash inli hq hvchi holissochi li kvv, vm ahchiba keyu mvhli, amba hvchishno yak osh isht hvchi a hlampka chi kak oke.

2. Ofi yg ahah! hvsh im ahnashke, nan ik vhpeso yv-

mohmi yā abah! hvsh im ahnashke, tvblit kanchi yā abah! hvsh im ahnashke.

3. Pishno ak okvto hakshup tvpa shilombish anukfoyu-
kvt Chihowa holitoblich, micha Chisvs Klaist ai yukpa pia,
yohmi kvt haknip ā ai anukchieto keyu pia hoke.

4. Uno ak kia haknip ā ai anukchieto la hinla tuk ak inli
hoke. Kvna kia haknip ā ai anukchieta hinla kvt ishi ka
ahnikma, vno vt ī shahli li hoke.

5. Nitak ont isht untuchina ma hakshup sa tvpa tok, Ia-
lael isht ai unchululi, Benchamin apelhichi, Heblu ai ahli sia
hoke: vba nan vlpisa yak okmvno Falisi yō sia hoke.

6. Amosholi hosh chvch ā ī palvmmichit, vba nan vlpisa
isht ai vlpiesa yvmmak okmvno anumpa nana kia si onv-
tula he keyu ki tok.

7. Yohmi tok kia nana isht ahayuchi li yatuk vt, yvmmvt
Klaist pulla kak o ā kvnia, ahni li tuk oke.

8. Ahli mvhlishke, yohmi kvt Klaist Chisvs an Chitokaka
ithana achukma fehna kak o nana puta kvt peh ik ahobo
ahni lishke; yvmma pulla kak o nana puta kvt isht ā kvnia,
mikmvt yvmmak ash o chopilhkvsh ā chohmichi li, yvmoh-
mit Klaist ā asitvbi li,

9. Mikmvt yvmma ibafoyuka la he, micha vno ak inli kvt
vba nan vlpisa yvmmak o isht ai vlpiesvt il ai eshi li keyu,
amba yvmmvt Klaist ā ī yimmi kvt nan ai vlpiesa na yim-
mi pulla kak o Chihowa a minti yak oke:

10. Yvmohmi ka Klaist, micha yvmmvt illit tani tok nan
isht im ai ahli, micha yvmmvt ai ilbvsha tok ā iba takla kvt
kaniohmi aiena ka ithana lish, yvmmvt illi tok ā hoyulba la
chī kak a hetuk oke.

11. Ik kaniohmi kia illit tani ka ona li yoba ná, ahni li
hatuk osh.

12. Himak okvno ona li mashko ahni li keyu, micha hi-
mak ak kia ai ghlit sa taba ahni li keyu; amba achunanchit
iakaiya li, yvmohmi hosh yvmmak a he ak o Klaist Chisvs
vt si atokoli tok yvmmak ash ieshi la he ak atuk oke.

13. Itibapishi li vhleha mā! ont ishi li tuk il ahni li ke-
yu hoke; yohmi kia nana achvfa ilvppak o yohmi li, nana

puta olbul ai asha ka vmi haksi cha, nan tikba gsha kak o subbak a pit wielit,

14. Achunanchit ai vlbi ya mghaya li, nan vlbi yvmmvt Klaist Chisvs pulla kak o Chihowa yvt vba et a hohoyo kak oke.

15. Yohmi ka ai ghli aiyuka pia hokvto, yakohmit pim anukfilashke; yohmi ka nana ka kanihmit hvchim anukfila kvt inla tuk okma, Chihowa yvt ilvppak oh kia hvchim otr-nincha chj koke.

16. Yohmi kia iloh ai ona mghsko hatuk okvto, yvmmak ash inli hq kiloh ai itvnowa cha, nana yvmmak ash inli hq iloh anukfihinlashke.

17. Itibapishi li vhleha ma! it apehvt na sa hobachi hvsh tobashke, micha pishno a hobachi hvsh ahni kvt yakohmit aya vhleha hq hvsh holioblashke.

18. Lavt aya kvv yvmma himonna hvchim anohonli li chatuk osh, anonti himak a nishkin okchi mibinti hosh, yvmmvt Klaist im ititaiyukhvna in tvnvp vhleha hoka, hvchim anoli lishke.

19. Yvmma ont im ishtayopi kvv aiokpuloka he, yvmma j shahli yvt ilap takoba ak inli, micha nan isht hofahya isht ile holiobli, yvmmvt yakni paknaka nana a halaia kak o asitia yoke.

20. Uba yakni okla ai achvfa pia hoka; yvmmak o a minta hi o pi Okchalnchi Chitokaka Chisvs Klaist a e hohoyo hoke.

21. Yvmmvt imj hlampko hq isht yvmihchit nana puta ka imaiyachit il aiesha hinla hokvt, ilap haknip holiropa ya hoyulba chj ka yvmmak ash ot pi haknip akanlosi ya inlucha hi oke.

CHAPTER IV.

Chitokaka ya a kvllo fehvvt itanowa he j miha, 1; 4 vbanumpuli ghli mak osh aiaaha he im apesa; 10 ilap a j kana tuk a na yukvvt yak oke pit im ai ahni felna.

1. YUMOHMI ka itibapishi li a holiropa, micha j palata li, isht sai yukpa, micha isht sa holiropa hvchia ma! kvllot

hikivt Chitokaka ya hvsh ibai achvfashke, holitopa fehna vhleha ma!

2. Yuotias g ilbvshvt im asilhha li, micha Sintichi ma ilbvshvt im asilhha li ka, yvmmtv im anukfila it ibai achvfa hosh Chitokaka ya ibafoyukashke.

3. Mikmtv chishno itiba toksvli li ghli ak kia chim asilhha lishke, ohoyo yvmmtv vbanumpa ha isht svba toksvli tuk, micha Klement, micha svba toksvli vhleha inla aiena, yvma hohchifo hvv holisso okchaya a takali ka, ish apelahanchashke.

4. Chitokaka ya hvsh ai yukpa na biliashke; micha anonti, Na hvchi yukpashke, achi lishke.

5. Nana ka isht hvsh il oktampili yvt hatak moma ka im otaiyanashke. Chitokaka yvt vlg hosi hoke.

6. Nana kia isht ik hvchi ataklaiyamo kashke; amba nana puta ka anumpa ilbvsha anumpulit asihihlvvt aiokpahanchi hosh nana a hvchi bvna kvv Chihowa ya im annohovashke.

7. Michi Chihowa im isht it i nanaiya, yvmmtv im anukfila moma i shahli yvt hvchi chukvsh, micha hvchim anukfila aiena ka Klaist Chisvs pulla hatuk mak o atohona chi hoke.

8. Ishtaiyopi ka itibapishi li vhleha ma! nana hosh ghlikma, nana hosh holitopakma, nana hosh ai vhpiesakma, nana hosh kashofakma, nana hosh aioklikma, nana hosh annoa achukmakma, nan ai vhpesa inla yvt gshakma, anonti aiokpancha he vhpesa kvv gshakma, ilvppa puta kash hvsh anukfihinlashke.

9. Nana puta yvma hvv svv ai ithvna, micha hvsh ishi, micha hvsh haklo, micha hvv si a pisa aiena tuk vt hvsh yvmohmashke; yohmikma Chihowa im isht it i nanaiya yvt hvv ibafoyuka chi hoke.

10. Yohmi kia himak ano polaka hvv si anukfilli tuk vt anonti okcha i shahli ka Chitokaka ya isht a sai yukpa fehvshke; yvmmak a hi o isht hvv si anukfilli tuk kia, hvsh ai yvmihcha hinla kak osh ik hvchim iksho ki tok oke.

11. Nana kvv ik svv ono kak osh ilvppa achi li hv keyu: kaniohmi hvv a hikia li hoh kia, yvmmak oka si a nuktaiyala he vt ithvntv tahli li tuk okvt.

12. Kaniohmit nana ka ik sum iksho hosh aya li kv̄t ithana li, micha kaniohmit nana an laua hosh aya li kv̄t ithana li hoke; kanima moma, micha nana puta ka sa kaiya, micha sa hohchvfo, micha nan an laua, micha nana ik sum ono aiena hosh aya li kv̄t ithana li hoke.

13. Klaist pulla hosh sa hlampkohonchi kak o, nana moma ka yvmihchi la hinla hoke.

14. Yohmi ak inli kia ai v̄lhpiesa hō yvmohmit nana v̄m a palv̄m̄mi ka hvs sv̄b anukh̄aklot hvs si apela tok oke.

15. Yvmohmi ka Filipian v̄hleha hv̄chia ma! v̄banumpa hv̄t anumpa v̄mmona ka Masetonia ya akohchv̄t ia li ma, chvch nana kia nana isht apela he v̄ma na ishi la hetuk ash imma ka yvmohmi keyu ma, amba hv̄chishno ak illa tuk v̄t hv̄sh ithaiyanashke.

16. Hlessalonika ya anta li ma, himonna ka pit hvs sa pila tuk osh, anonti nana ka a sa b̄v̄nna tuk a pit hvs sa pila tuk oke.

17. Na hv̄lbina sa b̄v̄nna kak o keyu; amba nana achukma hv̄sh yvmohmi tuk isht ai v̄ni kv̄t hv̄chin laua he kak o ahni lishke.

18. Yohmi kia nana moma ka ishi lish, nan an laua hoke; si alotowa hoke, Epaflotitvs ibbak fohkit nana balama v̄ba nan isht aiokpv̄chi Chihowa hv̄t v̄lhpesa ahni ya et hvs sa pila tuk a, v̄m v̄la tuk oke.

19. Yohmi ka an Chihowa holitopa fehna kv̄t Chisvs Klaist pulla kak o nana a hv̄chi b̄v̄nna moma ka hv̄chim atahla hi oke.

20. Yohmi ka Chihowa, micha P̄iki yak osh holitopa na biliv̄t biliashke. Amen.

21. Ubanumpa yimmi Klaist Chisvs ibai achv̄fa v̄hleha h̄a hv̄sh aiokpv̄chashke. Itibapishi li v̄hleha hv̄t si ap̄ihv̄t maya kv̄t hv̄chi aiokpv̄chishke.

22. Ubanumpa yimmi moma kv̄t pit hv̄chi aiokpv̄chi; mihma Sesa in chuka chv̄fa yokak heto pit hv̄chi aiokpv̄chi fehv̄shke.

23. Pin Chitokaka Chisvs Klaist isht i kana yv̄t hv̄sh moyuma ka hv̄chi anukfoyakashke. Amen.

HOLISSO PAL VT
 CHUCH KOLOSSI

A MIKIA HO I HOLISSOCHI TOK.

CHAPTA I.

Na yimmi ghlit maya pulla kak o Chihowa yg ai okpahanchi, 1 : 9 nan isht i kana anukfohkvt i shahlit mahaya he isht anumpohonli ; 14 Klaist holitopa he isht anumpuli ; 21 mihmvt nana ka Klaist vt im ataiyahli tok g im anoli.

1. PAL, Chihowa nan ai ahni hatuk pulla mak o Chisvs Klaist im apostel sia, micha Timohliva pitibapishi ita tuklo kv,

2. Ubanumpa yimmi ghli vhleha, il itibapishi ghli Klaist g ibafoyuka Kolossi ai asha ka pit aiokpvchi kv, Piki Chihowa, micha Chitokaka Chisvs Klaist ita tuklo nan isht i kana, micha nan isht it i nanaiya ita tuklo mak osh hvchi anukfoyukashke, hvchim ahnishke.

3. Chihowa, micha pin Chitokaka Chisvs Klaist Iki yg yak oke, im ahnit, vba isht e hvchi anumpohonli na bilia hoke ;

4. Yohmi kv Klaist Chisvs g hvsh i yimmi, micha vbanumpa yimmi vhleha hg hvsh i hullo ka e haklo ha yokvt,

5. Ai okchaya bilia hvsh isha he vba hvch in tuyula pulla kak o e yohmishke ; yvmmak oka vbanumpa ghli isht ai anumpa ho tikba kash hvsh haiyaklo tuk vt ;

6. Mihi yosh hvchim vla tuk ak inli chohmit, yakni mo- ma ka im aya cha, nan vnit waya kv, nana ka hvsh haiya-

klot, Chihowa nan isht *i* kana ghli hvsh ithaiyana nitak atuk taiyakla kv̄t, nan vnit hvsh waya kak inli h̄o chohmi hoke.

7. Yvmmak ash inli h̄o Epafias, tishu pi b̄ika pi holitopa ya hvsh im ai ithvna tuk; yvmmak okvt Klaist im vbanumpa isht vtta hvchim ghli mak oke:

8. Yvmmak inli kak osh Shilombish a ibai achvfv̄t hvsh it *i* hullo ka pim anoli tok.

9. Yakohmi kak *o* nitak yvmma fehna ka e haiyaklo tuk taiyakla kv̄t, anumpa ilbv̄sha isht e hvchi anumpohonli kv̄t il issa keyu, mihmvt hvchi hopoyuksa bieka, micha shilombish im ahalaia ka ithvnt, Chihowa nan ai ahni ka hvsh ithana ka isht hvchi alotowa he ak *o*, il ai ahni hoke:

10. Micha nan toksvli achukma puta ka isht ai vni, micha Chihowa nan isht im ithana ya isht *i* shahlit isht ia hosh, Chitokaka ya ai im vlv̄piesvt nana moma ka isht yukpali cha;

11. Chihowa imi hlampko holitopa isht hlampko fehna hosh, nukchintot achunanchit, nan ilbv̄sha yvt onvtuyula kia nuktaiyav̄t vlv̄pesa ahnit yukpa banot;

12. V̄banumpa yimmi yvt vba atohwikeli ai isha he vlv̄pesa hosh ai asha ka ai il iba takla hi a pi ai atahli tok, P̄iki yvmma yak oke hvsh im ai ahna he ak *o*, il ai ahni hoke;

13. Yvmmak okvt aiokhlili ka isht im ai ghli ya a pi a hlakofichi mvt, anonti kanv̄lichit ilap Ushi holitopa im apelhichika ya pisht ona tuk oke;

14. Yvmmak *o* im issish isht vlbi ai okchaya, nan ai ashvchi isht kashofa mak *o* il eshi hoke:

15. Yvmmvt Chihowa ya pisa he keyu ka hoyulba kv̄t, nana toba tok puta ka V̄ttahpi yoke.

16. Yvmmak atuk mak *o* nana moma toba kv̄t nana vba aiasha, micha yakni paknaka ai asha, nana ka pisa he, micha nana ka ik peso ka he, m̄iko yohmá, nan *i* shahli yokmá, hochitoka yokmá, nan vlv̄toka yokmá, aiena mikmvt nana moma kv̄t yvmmak atuk mak *o* toba kv̄t, yvmmak ash *o* in toba tok.

17. Yohmi ka yvmmak ash osh nana moma ka in tikba yoke, mihma yvmmak *o* nana moma kv̄t a takala he atok vt ont ai yv̄mohmit isht ai it im vlv̄pesa hoke.

18. Yohmi ka yummak osh chvch haknip a i noshkobo yoke : yummvt nana moma ka ai in tikvt holitopa cha, ai isht ia vmona illi tuk osh falamvt tani vhleha hg im Ut-tahpi yoke.

19. Iki vt vhpesa ahni kvv, yummak ash o nan isht ai vhtaha yvt afoyuka he, ahni tok :

20. Yohmi kvv ititayukhvna issish a hlatapa tok pulla ho it i nanaiyvichi ikbi cha, yummak pulla ho nana moma ka isht il ai i kanvcha hi vt ahni tok ; yummak pulla ho nana yakni ai asha yokmá, nana vba yakni aiasha yokmá, nana kvv yvmohmi hoke.

21. Yohmi ka hvchishno vt tikba kamo ik ahalaio yosh nana ashvchi toksvilit hvchim anukfila isht in tanampi atuk kia, himak ano hvch il i kanvchi tuk oke,

22. Ilap haknip nipi ili kak o himak ano hvch il i kanvchi tuk ; yvmohmi hosh nan ai ashvchi iksho, micha liteha a lapali iksho, micha anumpa nana kia hvchi onvtula he keyu ho ilap a itikba ya hvchi hilecha hi atok :

23. Nan ai yimmika ya a kvvlot nan anukfili fitikvchi iksho, micha nana ka yohma he ahni, vbanumpa a takali yumma hvsh haiyaklo ma, yummak ash ot okla moma shutik nuta aiasha ka im anuhumpa tuk a hvch ik i filvmmo ka chi mak o, Pal sia hvv vbanumpa isht vtta toba li tuk osh ;

24. Himak a hvchishno pulla kak o, nan isht a pavvmmi puta kvv sai yukpa hoke ; micha Klaiist ai ilbvsha tok a sa haknip isht svlvsha kvv ik ono kisha ka, haknip yummvt chvch pulla kak oka, isht alotofit isht mahaya li hoke.

25. Hvchishno pulla ho Chihowa hvv nana ai ahnit vm اسپسا kvv, Chihowa im anumpa mominchit isht anumpuli la he ak o vbanumpa isht vtta si atekli tok.

26. Anumpa yummvt nitak bilia kash, micha hatak chgsh-po asha ka in luma hatok kia, himak ano vbanumpa yimmi puta ka im otvni yak oke.

27. Yummak ash o Chihowa hvv anumpa luma hatok ilvppak ash isht a holitopa ehinto kvv Chentail ai itintakla otvni kvv kaniohmi ka im otvnincha he ai ahni tok ; yummvt Klaiist hvchi anukfoyuka a holitopa isha he isht ai ahni yoke.

28. Yvmma isht il anumpohonlit e hopoyuksa biekt, hatak moma kv̄t ahah! ahna hi ḡ il im abanchi mvt, hatak moma ka il im abahanchi hoke; yvmohmi hosh Chisvs Klaist pulla hatuk mak ō hatak moma ka ai ghlichit e hilecha chj̄ hatuk.

29. Yvmmak a chj̄ mak osh vno ak kia imi hlampko isht sa hlampkohonchi fehna kak ō amosholit toksahanli li hoke.

CHAPTER II.

Ai vlhpiesa banot chvch ḡ ai asha he j̄ miha, 1 : 8 hatak nan im anukfila, micha nana kv̄t Klaist ḡ isht a hvch a filvmmicha hi okvno hvsh j̄ filvmma he anoli.

1. HUCHISHNO, micha Laotisea ai asha, micha laua kv̄t kaniohmi hosh sa nashuka yā ik peso kisha puta ka anukfihinlit, isht svlvsha fehna ka hvsh ithaiyana hi ḡ hvchim ahni lishke:

2. Yvmohmi hō chukvsh vt it j̄ hullot itrshekonompa hosh chukvsh vt hopohqlashke: yvmohmi hosh ai yimmi ghli isht ai yukpa chinto ka ai ghlit ithana he, yohmi hosh Chihowa yvmmvt Iki, micha Klaist isht anumpa luma hatok ma otvnhincha he ak atok;

3. Klaist ak ō na hopoyuksa, micha nan ithana ita tuklo im isht ilaiyukpa moma kv̄t a luma hoke.

4. Micha hatak nana kia anumpa isht yimmichi isht hvchi haksicha hinla kak ō ilvppa achi lishke.

5. Haknip okvno isht ik saksho kia, shilombish okvno isht hvch ibafoyukvt ai vlhpiesa hvsh yvmohmi, micha Klaist ḡ j̄ yimmi ka a kvllot hvsh hieli ka hvchi pihisa li kv̄t sai yukpa hoke.

6. Yvmohmi ka Klaist Chisvs Chitokaka yā hvsh j̄ yimmi hatuk okvt, yvmohmit hvsh iba nohowashke:

7. Micha hakshish atobvt kvllot ontalaivt a hvchim ai vlvchi tok mak ō, ai yimmika a kvllot im ai vltaha fehnt, yak oke hvsh ai ahnashke.

8. Ahah! hvsh ahnashke, keyukma hatak nana kia hatak

im anumpa chashpo isht auehinchi iakaiya, micha yakni nan ai ithvna isht ia vmona iakaiya cha, Klaist a ik iakaiyo yvt anumpa inla, micha anumpa isht haksichi aiena ka isht hvchi okponichi ná.

9. Klaist ak osh Chihowa yvt akaniohmi ka isht alotowa kv̄t:

10. Hochitoka, micha nan vlhtoka puta i noshkoboka yvmmak o isht hvchim ai vlhtaha hoke:

11. Yvmmak pulla ho hvchishno ak kia ibbak o hakshup isht t̄pa keyu ho hakshup isht hvchin t̄pa tok: yvmohmi hosh Klaist hakshup t̄pa pulla ho haknip nan isht ashvchi yash naksika hvsh bohli tuk oke:

12. Na baptismo ho hvsh iba hollopi tuk, Chihowa yvt toksvit yvmm̄t illi tuk a falaminchit tanichi tok ak o, hvchi yimmi hosh yvmmak ash awant hvsh tani hoke.

13. Yohmi kv̄t hvchishno vt nana hvsh ai ashvchi isht illi, micha hvchi haknip hakshup ik tapo atuk a nana hvsh ai ashvchi puta ka hvchi kashofi cha, yvmmak ash iba taklvchit hvchi okchalinchit tuk oke:

14. Nan isht vlpisa ibbak isht holisso a kashofi tok, yvmm̄t pi sanali, micha pim ai vlpiesa keyu hosh pi ai ititakla hikia tok a ishit kanchit, im ititaiyukhvna ya ahonvhlichit tok oke:

15. Yvmma pulla ho hochitoka, micha isht im ai ghli puta aiena ka wehpulit, haiakvchit pisachit isht ai yukpa tok.

16. Yvmohmi hoka hatak nana kia impa ak ok má, nan ishko ak okmá, impa holiropa nitak ak okmá, hvshi talali ak okmá, nitak hvlo puta ak okmá, nana kia nan isht apesvt ik hvchi onochi kashke.

17. Yvmm̄t nana kv̄t vla he isht vlpisa yoke: amba haknip okvto Klaist ak oke.

18. Hatak nana kia ilap ahnit il akanlosechit, enchil vhleha ha aiokpvchit nana pisa chatuk keyu kv̄t, afvnalit haknip im anukfila isht ilefeh̄vchi, yvmohmit noshkoboka ya halvli keyu kv̄t, na hvsh asitvba he tuk a, ik hvchim esho kashke.

19. Yvmmak o haknip moma itachakli, micha hakshish

aiena kv̄t isht ai iti talakchit isht hlampkot, Chibowa h̄st ahni h̄q̄ tobt̄t ia hoke.

20. Yohmi ka yakni ai ithvna isht ia v̄mmona ai i filv̄mit, Klaist q̄ hvsh ibai illi tok okm̄vt, nanta katihmi h̄q̄ yakni hvsh ibafoyuka chohmit, nana isht v̄lhpisa hatak vt apes̄vt ithvnanchi ka hvsh i nutaka ch̄q̄?

21, 22. Iluppa chohmi ka, Ish potoli ná; v̄pvt ish p̄isa ná; ish pvshohli ná, moma kv̄t ieshi kv̄t okpula he biaka hoka.

23. Nana ȳmma puta hokvt hopoyuksa aboba ho mv̄h̄i, ilap ahnit v̄ba aiokp̄echit il akanlosechit hahap q̄ ilbvshali; yohmi kia holioblich̄i keyu, peh haknip ak q̄ im acbukm̄ali hoke.

CHAPTER III.

Pim anukfila nan isht h̄ih il ahni q̄ kanima yo il a bohla hi q̄ pim anoli, 1; 5 na liteba isht im anukfila puta ka illich̄a he v̄lhpesa ka i miha; 9 nan ghli anumpuli; 12 i kanvt nan itj nanaiyachi; 14 v̄ba isht talohq̄vt isht i shahlit̄ hvsh iti hlampkochashke; 18 hatak im ohoyo; 10 hatak ohoyo im ḡsha; 20 v̄lla, 21 iki 22, yuka aiena kv̄t nan a kaniohma hi v̄lhpesa ka isht anumpuli.

1. YOHMI ka Klaist q̄ hvsh iba tani tuk okm̄vt, Klaist vt a binili v̄ba Chibowa ibbak isht impakimma nana ai asha kak q̄ hvsh hohoyashke.

2. Hvchim anukfila h̄q̄ nana kv̄t v̄ba ai asha kak q̄ hvsh onochi cha, nana kv̄t yakni paknaka ai asha kak q̄ keyu kashke,

3. Hvch illi; yohmi hosh hvchi okchaya yvt Klaist q̄ iba luv̄vt Chibowa yq̄ ibafoyuka hoke.

4. Klaist ȳmm̄vt il ai okchaya yosh haiaka, yohmik̄ma hvchishno ak kia a holiopa hosh ȳmm̄mak ash awant hvsh haiaka hi oka.

5. Ȳmm̄k̄mi ka hvchim i nana kv̄t yakni ai asha ka hvsh illih̄iach̄i; havi toba, ch̄kv̄vsh liteba, anushkunna atampa, haknip nan ahni okpulo, nana ahayuchi bunna atampa, ȳv̄mm̄vt na holbt̄t toba aiokp̄echi yoke.

6. Na yakohmi pulla kak o Chihowa nan isht i nukkilli vt nan ik im antio hatak puta ka onvtuyula hoke :

7. Yemma chohmi ka hvchishno ak kia chashpo ma hvsh ibafoyuka kvv hvsh ai itvnowa tok.

8. Yohmi tuk kia himak okvno hvchishno vt nokowa, nukhobela, i nukkilli, ik ahobelot anumpuli, anumpa isht hofahya, hvch itih hq akocha ilvppa moma kak kia hvsh kanchashke.

9. Hvsh it i holabi na, hatak sipokni ya shufit nana a kaniohmi chatuk puta ka hvsh kanchi cha ;

10. Hatak himona yo isht hvsh foyuka tuk okvt, yvmmak okvt nan ithana ka isht a himonvt, Ikbi tok q hoyulba hosh himonvt toba tok :

11. Yvmmak oka Klik, micha Chu yo keyu, hakshup tupa, micha hakshup ik tapo yo keyu, Belbaha, micha okla nukshopa yo keyu, yuka, micha ik yuko yo keyu, amba Klaist vto nana moma ka im i shahli, micha moma ka ibafoyuka hoke.

12. Yvmohmi hoka Chihowa im vlhtoka nan ashvchi iksho, holitopa hvchia hokvt hiabni, i kana, anukfila akanlosi, chukvsh yohbi, anukhobela sulavvt nuktaiyala aiena kak o hvsh foyukashke.

13. Hatak kvna kia isht itachowa im ashakvvt, itin lumvt hvsh it i kashofashke ; Klaist vt hvchi kashofi tok oka, yvmmak inli hq chohmit hvsh yvmohmashke.

14. Micha ilvppa moma paknakachi kvv nan isht i hullo, yvmmak osh ai vlhtaba ai ghli ka isht iti talakchi yoka, isht hvsh foyukashke.

15. Micha it i nanaiyvchi Chihowa a minti vt hvchi chukvsh q foyukvt nana hvchim apesashke, yvmmak a he ak o haknip achvfa hvsh toba chi hosh hvchi vlhtoka tok oke : micha yak oke, hvsh ahnashke.

16. Klaist im anumpa hvv a chitot hvchi foyuka na isht a hvchi hopoyuksashke ; vba isht taloa, micha shilombish imma isht taloa aiena ka isht it im avchit, isht it i nukfohkit, nana aiokpahancha he hvchi chukvsh q foyukvt Chitokaka ya hvsh in talohqashke.

17. Micha anumpa hokmá, na kaniohmi hokmá, nana hoh kia hvsh ymohmikmut, Chitokaka Chisvs hochihifot yvmak atuk mak o Iki Chihowa ya yak oke im ai ahnit, mominchit hvsh yvmihinchashke.

18. Tekchi vhleha ma! Chitokaka im ai vlhpiesa mak o hvchi hatak g hvsh im ile nutakvchashke.

19. I hatak vhleha ma! hvchi tekchi g hvsh i hullashke; yohmi kvv chukvsh homit hvch ik i kvvlo kashke.

20. Ulla vhleha ma! nana moma ka hvch iki, micha hvch ishki ita tuklo ka, hvsh im antiashke; ilvppak osh Chitokaka ya im ai achukma ghli yoka.

21. Iki vhleha ma! hvchim vlla vhleha hq hvsh nokowvchi ná; yohmikma im ai ghli la he keyu ahnit, chukvsh iella hinla yoba ká.

22. Yuka vhleha ma! hvchi haknip i nahullo vhleha hq nana puta ka hvsh im antiashke; nishkin pisa toksvli hatak ak o yukpali chohmi keyu, chukvsh achvfa ai apissali hosh Chihowa ya hvsh i nukshoyupashke.

23. Yohmi kvv nan toksvli nana hq hvsh yvmihchikmut, chukvsh ai ghli Chitokaka pulla, micha hatak keyu hq hvsh i yvmihchashke.

24. Chitokaka yak o ai isha he ai vlhpesa isht hvchim vltoba he vt hvsh ithaiyanashke: Chitokaka Klaist ak o hvsh in toksahanli hokvt.

25. Amba kvna hosh nan ik vlhpeso yohmikmut, nan ik vlhpeso yohmi tuk ak osh isht im vlhpisa hi oke: itj shahsholichit kvna kia im anukfilli kvv iksho hoka.

CHAPTA IV.

Nan i shahli vt nana a kaniohma he vlhpesa ka achi, 1. 2 Uba a sihjla bilia he im achi; 5 hvch ik ibafoko itanowa ka nan vlhpesa biekvt im itvnohwa he; 10 nana ka i shahlit mahaya he ahnit im achi.

1. I NAHULLO vhleha ma! hvchi yuka vhleha nan isht im vlhpesa, micha nan isht im itilau aienna ka hvsh

imashke; micha hvchishno ak kia hvchi shahli hut vba yakni binili ka hvsh ithaiyanashke.

2. Anumpa ilbvsha anumpohonlit, yvmmak ash o ai okchvt yak oke hvsh ahgnashke.

3. Yohmi mak inlit Klaist im anumpa luma yatok, micha ymma pulla kak o sa talakchi ak inli tuk vt isht anumpuli la he, okhissa ya Chihowa yvt pin tiwa hi a, isht hvsh anumpohonli mak inlashke.

4. Yvmohmi ho anumpuli la he vlpesa hatuk vt, otvninchi lashke.

5. Kocha ai asha ka i hopoyuksvt itnowvt, nitak ik hvchi kvnio hosh nan isht hvsh il im ahantashke.

6. Hvchim anumpa puta kvv Chihowa nan isht i kana ai ibafoyuka biekvt hvpi ho isht yvmashke; yohmi hosh kaniohmit hatak puta anumpa falama ka hvsh ima he vlpesa kvv hvsh ithaiyana hoke.

7. Nana vma kaniohmi ka Tikivs, ilvppvt itibapishili holitopa, micha vbanumpa isht vta ai ghlit, micha tishu sa bika Chitokaka ibafoyuka yak osh hvchim anola chi hoke.

8. Yvmmvt yvmohma chi kak o hvchi pila li tuk: yohmi ka nana hvchim a kaniohmi ka akostininchi cha, hvchi chukvsh a hopohlva chi kak atuk;

9. Micha Onesims itibapishi li ai ghli holitopa, yvmmvt hvchishno ak inli ka aieninchit hvchi pila li hatuk. Yvmmak osh nana moma ilvppa a kaniohmi ka hvchim anola chi hoke.

10. Alistaks, svbai yuka yvt pit hvchi aiokpvchishke: micha Maks, Banabas in tek ushi mut pit hvchi aiokpvchishke; yvmmak oka isht anumpa vlpisa ha hvsh ishi tuk vt hvchim onakma, hvsh aiokpvchashke.

11. Micha Chivs, yvmmvt Chvstvs hohchifo hut pit hvchi aiokpvchishke; yakohmi kvv hakshup tupa yoke. Ilvppak illa hosh Chihowa im apchlichika a svba toksahanli yosh nan isht sa hopohohla yatuk oke.

12. Epafias, yvmmvt hvchishno mak inli, Klaist in tishu hosh pit hvchi aiokpvchishke, micha Chihowa nan ai ahni moma ka a kvllot ai ghli hvsh hikia hi a anumpa ilbvsha achunanchit isht hvchi anumpohonli bilia yoke.

13. Hvehishno, micha Laotisea ai asha, micha Hielapolis ai asha aiena ka hvchi anukfihinli fehna ka im atokowa anoli sia hoke.

14. Luk, alikchi holitopa, micha Temas, ita tuklo kvv pit hvchi aiokpvehishke.

15. Itibapishi vhleha hvv Laotisea aiasha, micha Nimfas, micha in chuka chvfa hvch ai asha aiena ka pit hvsh aiokpvchashke.

16. Micha holisso ilvppa hvsh it im anumpulikmvt, anonti Laotisea hvch ak kia ai it anumpa hi a hvsh apesashke: mikmvt holisso Laotisea a minti ak kia hvsh it im anumpulashke.

17. Micha Achippvs a Chitokaka yak o vbanumpa isht ai vta ish im ai eshi tuk vt ghah! ahnit ish ai ghlichashke, hvsh im achashke.

18. Uno svbbak ak inli ho Pal sia hvv pit isht hvchi aiokpvchi lishke. Sa talakchi ka hvsh ithaiyanashke. Isht i kana yvt hvch anukfoyakashke. Amen.

HOLISSO VMMONA PAL VT

CHUCH HLESSALONIKA

A HIKIA HQ I HOLISSOCHI TOK.

CHAPTA I.

Chuch Hlessalonika a hikia ka ithanvt vba isht anumpohonlit yak oke im ai ahni, 1; 5 mihmvt Chihowa anukfoyuka ghli ahnit i yimmi kvv isht anumpuli.

1. PAL, micha Silfanvs, micha Timohlivs aiena kvv Hlessalonian chuch Iki Chihowa, micha Chitokaka Chisvs Klaist ibafoyuka ya pit hvchi aiokpvchi kvv, Piki Chihowa micha Chitokaka Chisvs Klaist ita tuklo nan isht i kana, micha nan isht it i nanaiya ita tuklo kvv hvchi anukfoyukashke hvchim ahnishke.

2. Anumpa ilbvaha il anumpulikmvt, e hvchi anohonlit, Chihowa ya yak oke hvsh moma ka isht e hvchim ahni hoke;

3. Pin Chitokaka Chisvs Klaist ibafoyukvt na hvchi yimmi kvv na hvsh yvmihchi, micha na hvsh i hullo aiena kvv na hvsh toksahanli, micha ai okchaya pisa he ahnit nuktaiyalvt hvsh achunanchi aiena ka Chihowa Piki itikba ya ithaiyanvt e bilia hoke:

4. Micha itibapishi li vhleha ma! Chihowa i holitopvt im ai vltoka hvchia ka il ithaiyana kak oke.

5. Pim vbanumpa hvv anumpa illa hvsh hvchim gya tok keyu, amba nan isht ai ghli, micha Shilombish Holitopa ai

itibafoyuka aiena na na hvchi yimmi fehna tok ; yvmohmit hvchishno ak atuk mak o kaniohmit hvchi takla il aya tok a hvsh ithaiyana ak inli hoka.

6. Yvmohmi cha nan isht ai ilbvsha lawa kia, Shilombish Holitopa ai yukput vbanumpa ha hvsh aiokpvchi cha, pishno, micha Chitokaka ya im antia hvsh toba tuk oke :

7. Yvmohmi hokvt na yimmi moma Masetonia, micha Akaia aiena i asha kvv im ai ithvvt iakaiya hi o hvchia hoke.

8. Hvchishno ak o mvhli ho Chitokaka im anumpa anoa kvv Masetonia, micha Akaia ak bano keyu, amba kani-ma moma kak kia, Chihowa hvsh i yimmi kvv annovshke ; yohmi ka pishno vt nana il acha he vhpesa keyu hoke.

9. Micha yvmma chohmi puta kak osh pi anoli kvv, kaniohmit e hvch iba chukowa tok ; micha kaniohmit Chihowa ahli okchaya ya hvsh im antia chi hosh, na holba ya i filvmmit Chihowa hvsh im ona tuk a anoli hoke.

10. Yohmi cha Ushi Chisvs vt illi tuk a falaminchit tani-chi tok a, mihi yosh vba yakni minta chi ka hvsh hohoyo ka, yvmmak osh nan isht i nukkilli minti ka pi ahlakofichi tok mak oke.

CHAPTA II.

vbanumpa hvv kaniohmit Hlessalonika ya ai anuhumpa ma, kaniohmit okla aiokpvchi tok a anoli, 1 ; 18 pisa ka bvna fehna, yohmi kia nana hosh kaniohmi kak o ik im ono kvv anoli.

1. ITIBAPISHI li vhleha ma ! hvchishno ak kia kaniohmit e hvch iba chukowa ma, yvmmvt pilla tok keyu ka, hvsh ithaiyana hoka :

2. Yohmi ka tikba ka pilbvsha, micha Filippi okla hvv pi hofahyali aiena tok a hvsh ithaiyanvshke ; yohmi ha ya pin Chihowa pulla ho a nukwaya keyut, achunanchit a lushummit vbanumpa ha isht e hvchim anumpohonli tok.

3. Ubanumpa isht e hvchim anumpohonli kvv, anumpa yoshubli, micha chukvsh litehli, micha i kostinit haksichi atok keyu hoka ;

4. Amba Chihowa ak osh vlpesa ahnit vbanumpa hā pibbak fohki tok oka, yvmohmit il anumpuli hoke: hatak ak o e yukpali keyu, amba Chihowa pi chukvsh a pisa yak oke.

5. Micha nitak nan ash o na fehvchit il anumpuli tuk keyu, nan isht ahayuchi bnna hosh, nan il ilahobi ha tuk keyu ka hvsh ithana hoke: Chihowa mvt pisa yoke.

6. Micha hatak ak o a holitopa e hoyo tuk keyu, hvchishno, micha inla yak oh kia tok keyu, Klaist im apostel pia hv hvchi wekit na hvch im a hoyocha he vlpesa kia, e yvmohmi tuk keyu.

7. Amba hvchi takla il ashwa mvt, ik kvllot, vlla ilauei vt ipetvt hofantichi chakuk a e chohmi tuk oke:

8. Yvmohmi hosh hiahnit e hvchi palata fehna hokvt, vlpesa ahnit Chihowa im anumpa ak bano keyu, amba pimi shilombish ak kia aieninchit e hvch ima hinla tuk, hvsh pi holitopa fehna hoka.

9. Itibapishi li vhleha ma! toksahanlit hoyvblit pilbvsha tok a hvsh ithana hoke; achvfona kia e hvchi weka chi keyu kv, ninak, micha nitak, aiena ka toksahanlit Chihowa im anumpa hā isht e hvchim anumpohonli tok.

10. Hvchishno, micha Chihowa ak kia kaniohmit chukvsh kashofvt ai vlpiesa, micha anumpa onvtula he iksho ho na yimmi vhleha hvchia hā hvchi takla il ashwa tok a atokolit pi anoli hvchia hoke.

11. Atohnochit, micha hopohlvlit iki yosh im vlla im anumpuli ak inli ho e chohmi tuk a hvsh ithaiyana,

12. Yohmi hokvt vba apehlichika holitopa ya hvsh esha chi ka, Chihowa, yvmmak osh hvchi hoyo tuk a, hvsh im ai ghla he ak atuk.

13. Chihowa im anumpa hā hvsh pi haponaklo mvt, im anumpa nana ho chohmichit hvsh ishi keyu kv, amba ai ghli hoka, Chihowa im anumpa hoke, yvmvt na yimmi hvchia puta ka ai ghlit hvchi atahli tuk ilvppa pulla aiena kak o Chihowa ya yak oke il im ahni kv, il issa keyu hoke.

14. Itibapishi li vhleha ma! hvchishno vt Chihowa in hvch puta Klaist ibafoyuka hosh Chutea aiasha ka, iakai-

ya hvsh toba tuk oke; hvchishno ak kia Chu okla hv yvmihchi tok a, hvchim okla hv chohmichit hvch ilbvshali tok oka :

15. Yvmmvt Chitokaka, micha ilap i hopaii puta atuk ak kia vbi tok osh, pishno ma pilbvshali tuk oke: mihmvt Chihowa yq yukupali keyu mvt, hatak moma ka im inla hoke :

16. Il im anumpuli na Chentail vt okchaya chi ka pim alvmmi hoke; ilap nan ashvchi alotola chi kak osh yvmohmi bilia chatuk okvt, nan isht i nukkilli vt onvtula kvv ont im ai oklaha hoke.

17. Yohmi ka itibapishi li vhleha ma! nitak ik hopako ka nashuka yokvno hvchi filvmmichis pi ai ishi tuk, chvkvsh ak okvno keyu, yvmohmi hq isht i shahli fehvt hvchi nashuka yq pisa pi bvna fehna tuk oke.

18. Yvmohmi kak osh himonna, micha a tukla foka ka e hvchim ona he, Pal fehna sia hvv vm anukfila tuk; yohmi tuk kia Setan vt pi ataklvmmi tok.

19. Yohmi ka nanta hak q il isha he il ahni hq? nanta hak q isht pi aiyukpa yq? nanta kak osh pim iachuka isht pi aiyukpa yq? Pin Chitokaka Chisus Klaist vt vlakma itikba yq hvchishno yak a he keyu?

20. Hvchishno ak q isht pi a holitopa, micha isht pi aiyukpa yoka.

CHAPTA III.

Timohli a pit i pila kvv Tlessalonian a i hullo; micha nan ai vhlpieces hq okla yvmohmi ka isht yukpa kvv, otvvinchi hatok, 1; 10 vba isht anumpohonli, micha im ona hi a ahni fehna aiena.

1. **YVMOHMI** hoka pi nuktaiyala he keyu kit taha mvt, Ahlens a pishno bano hosh il ashwa he vlvpesa il ahni tok.

2. Micha Timohlivs, pitibapishi, Chihowa nan isht im vta, Klaist im vbanumpa a piba tokvli, vt hvchi ai yimmi ka yq a hvchi hlampkohonchit hvchi hopokvla chi hq, e pila tuk oke :

3. Yohmi na hatak kuna kia nan ai ilbusha yakohmi ka isht ik a shanaiowo kashke; hvchishno ak kia yakohma hi vt isht pim vlpisa tok a hvsh ithanvshke.

4. Hvchi takla il gshwa mvhli mvt, nan isht ilbusha ya e pisa hi vt tikbanli hvchim anoli tok fehna kvf ant ai yvmohmi tuk a, hvsh ithaiyanvshke.

5. Yakohmi kak o sa nuktaiyala he keyu kit taha mvt, na nukplichi vt kaniohmit haksichi tuk yoba ka, yohmi na e toksvli tuk vt peh pilla na, ahni li hosh, hvchi ai yimmi ka akostininchi la chj hosh pila li tuk oke.

6. Yvmohmi tuk kia himak vno Timohlivs vt hvchi a kohchvt pim vla cha, a hvchi ai yimmi, micha hvsh itj hullo annoa achukma ka isht pim vla, mihma hvsh pithaiyana a bilia, hvchi pisa pi bvna ka, hvchishno mvt pi pisa hvchi bvna fehna ak inli tuk a, e haklo tuk oke.

7. Yvmohmi kvf itibapishi li vhleha ma! a pilbusha putvt nana kvf pim atakonofa kia a hvchi yimmi ka pulla kak o isht pi a hopohla tuk oke.

8. Chitokaka ya ibafoyuka kvllot hvsh hielikma, himak a pi okchaya mak okvt.

9. Hvchishno pulla kak o pin Chihowa itikba ya na yukpa puta isht pi ai yukpa kvf, yak oke ahni katiohmi ho hvchishno pulla kak o anonti Chihowa ya il ima hinq?

10. Nisak, micha nitak moma anumpa ilbusha achunan-chit il aaijhla kvf, yvmvt hvchi nashuka ya e pisa cha, na hvchi yimmika yvt nan ik ai ono ketuk a il ai ghlicha he ak oke.

11. Yohmi ka Chihowa ilap vt Piki, micha pin Chitokaka Chisvs Klaist vt 'il atia chj ka apissvlichit pisht hvchim onashke.

12. Micha Chitokaka yvt hvsh it j hullo ka j shahlit isht ia, micha hatak moma hvsh j hullo ka j shahlit isht ia, a chinto ka hvchim anashke; pishno e hvchj hullo ka hvsh chohmashke:

13. Yvmohmi ho pin Chitokaka Chisvs Klaist vt vbanumpa yimmi puta pehlichit vlakma, nan ashvchi ikahot,

anumpa hvchi onvtula keyut, Chihowa, Piki mak o itakba ya hvsh hiela hi o, mihi yosh hvchi chukvsh g hlampkohonchashke.

CHAPTA IV.

Chihowa anukfoyuka kv̄t i shahlit mahaya hi g atohnohonchi, 1 ; 9 iti hullo, 11 nuktanlv̄t ilap nan isht ai vtta he tok akbano ho ahni ; 14 illit falamvt tani, mikmvt anonti Klaist vt minta hi g isht anum-puli.

1. YUMOHMI ka anonti itibapishi li vhleha ma ! Chitokaka Chisvs puyulla ho isht e hvchim anumpohonli kv̄t, yvmvt kaniohmit gvt Chihowa ya hvsh yukpala hi osh hvsh pi a haponaklo tok vt, yvmohmit chitot isht i shahli fehnvt hvsh mahaya he ak o e hvchim asilhvshke.

2. Chitokaka Chisvs pulla ho anumpa vlpisa nana ho e hvch ima tok g hvsh ithaiyana hokvt.

3. Nan ashvchi ik hvchim iksho ilvppak osh Chihowa im anukfila hoka, yvmvt na havi hvchik ahalaio ka he ;

4. Micha hvsh moyuma kv̄t nan ashvchi iksho, micha holitobli hosh, kaniohmit im ai vlhto ya iesha he vt ithana hi ak oke.

5. Haknip nan ai ahni isht havi toba keyu hosh, Chentail vt Chihowa ik ithano ka ik chohmo kashke :

6. Hatak nana kia atablit itibapishi ha nana hoh kia ik haksecho kashke ; Chitokaka yvt ymma chohmi ka im apesvt na hotopa onocha he oka, ymma chashpo ma ahah ! hvsh im ahna he, atokolit e hvchim anoli tok.

7. Chihowa yvt a liteha yo a pi atokoli tok keyu, amba nan il ai ashvchi iksho ka hi ak atuk oke.

8. Yvmohmi ka kva kia shitilemakmvt, hatak o shitilema keyu, amba Chihowa yvmvt ilap Shilombish Holitopa ya pima tok ak oke.

9. Amba itibapishi it i hulla he imma hokvno isht hvchi holissochi la hi g hvsh ahna he keyu : hvchishno ak inli hosh it i hulla hi okvto Chihowa yak o hvsh im ai itvna tuk oka.

10. Yohmi kv̄t il itibapishi moma Masetonia moma ai asha ka hvsh i yvmohmi mvhli hoke : yohmi kia il itibapishi vhle-

ha ma! isht i shahlit hvsh mahaya hi ak o e hvchim asilh-hvshke.

11. Micha na fehna ahnit nuktaiyaltv, nana ilap isht ai vtta he bieka ho yvmihchi, micha ilap ibbak ak inli ho isht toksahanla hi ilvppak o e hvchim apesa tok ak oke :

12. Yvmohmi hosh kocha gsha ka ai vhlpiesa ho hvsh i yvmohmi cha, nana kia ik hvch im ono kvv iksho kashke.

13. Yohmi kia itibapishi li vhleha ma! nusi vhleha ak okvno hvch ik im ithano ka he ahni li keyu, inla yvt nana ai okchaya pisa he ik ahno yo, chohmit ik hvchi nukhaklo ka he ak oke.

14. Chisvs vt illi tuk osh falamvt tani tok g pi yimmi hokma, yvmmak inli ho chohmit kvna hosh Chisvs g ibafoyukvt nusi tok okvno Chihowa hvv iba tanicha hi oka.

15. Chihowa im anumpa pulla ho ilvppa e hvchim achi hoka, yvmvvt Chisvs vt vlakma, pishno vt pi okchayvt il gsha tuk vt, nusi tok g il in tikba he keyu hoke.

16. Chitokaka yvt ilap ak inli hosh na shakapa, enchil i miko im anumpa ola, micha Chihowa im isht pufa chinto ohonla ho a pehliechit vba mintit vla hi oka; mikma Klaist g ibafoyukvt illi tuk vt tikba tana hi oke.

17. Yohmi mak inli ho pi okchayvt il gsha kvv, hoshonti ataya shutik takla Chitokaka ya il ai afama chi ka, yvmmak ash aieninchit pisht ia hi oke: yvmohmi ho Chitokaka takla ya il gsha na bilia hi oke.

18. Yvmohmi hoka, anumpa ilvppa puta kak o isht hvsh it i hopohlahanlashke.

CHAPTA V.

Nan vhlpiesa chinto nitak g kaniohmit Klaist vt vla he anoli, 1; 12 nan im avvchi, micha nana ka achukma he bano ho ahnit, apesahanchi puta ka holutobla he i miha; mihmvvt nan inla isht ai im anukfila he vhlpiesa ka aieninchit achi.

1. YOHMI kia itibapishi li vhleha ma! himak a pilla nitak nan a kaniohma he puta imma hokvno isht hvchi holisochi M hi g hvsh ahna he keyushke.

2. Chitokaka i nitak vt hukopa yosh ninak o aya ho chohmit vla hi okvno, hvchishno ak inli kvv hvsh ithana fehna hoka.

3. Achukma bieka, tvnvp vt iksho, okla ahanchikma, yohmikmak o yohma chj ik ahno takla ho na palvmmi kvv onvtula kvv, ohoyo vlla esha chj kvv nukhvmi ka chiyuhma hi oka; mikma hlakofa he keyu hoke.

4. Yohmi kia itibapishi li vhleha ma! hukopa yo chohmit nitak yvmmvt hvchi sakka chj ka, ai okhlilika yo hvsh aya keyushke.

5. Hvsh moma kvv atohwikeli ka im vlla hvchia, micha nitak im vlla hvchia hoke; ninak, micha ai okhlileka yo pia keyu hoke.

6. Yvmohmi ka inla yo chohmit ik hvpi nuso kashke; amba okchvt ahah! il ahnashke.

7. Kvna hosh nusi hokvto ninak ak o nusi; mikma nan ishkot haksi hokvto ninak ak o haksi hoka.

8. Amba nitak o pia hokvto ahah! ahnit, na yimmi ikkishi alata, micha nan i hullo ma isht hvsh foyuka, micha noshkobo isht ompoholmo ai okchaya pisa he ahni ya il ieshashke.

9. Chihowa yvt ai i nukkilli yo a pim apesa tok keyu, amba pin Chitokaka Chists Klaist pulla ho ai okchaya il isha chj hatok oka.

10. Yvmmvt pi vlhtobvt illi tok, yohmi ka pi okcha hokma, pi nusi hokma, nana kia iba takla il ahanta hi atok.

11. Yvmohmi hoka hvsh yvmohmi ak inli hatuk vt, it im anumpulit iti hopohlahanlit, hvsh iti hlampkohonchashke.

12. Micha itibapishi li vhleha ma! hvchin toksahanlit, Chitokaka pulla ho hvchi pehliechit, ahah! hvsh ahna he hvchi anukfohki ya, hvsh ithaiyana he;

13. Micha toksahanli pulla kak o holitoblit hvsh im anukfilli fehna hi a e hvchim asilhvshke. Micha hvchishno bika hvsh it i kanashke.

14. Yohmi ka itibapishi li vhleha ma! ilapunla yvt isht im ahleka hinla ka hvsh im anoli, chvkvsh ielli ma hvsh hopohlahanlit, chvkvsh ik hlampko hvsh hlampkohonchit,

hatak puta ka chukvsh isht hvsh i nuktaiyala he ak o e hvchi nukfohkishke.

15. Yohmi ka hvsh ahni na kvna kia nana ik achukmo ka nana ik achukmo mak inli ho hatak nana kia ik i yvmihcho kashke; amba hvchishno ak inli, micha hatak puta ka isht im achukma kak o hvsh iakaiya na biliashke.

16. Hvchi yukpa na biliashke.

17. Anumpa ilbvsha hvsh anumpuli kvv hvch ik isso kashke.

18. Nana puta ka yak oke, hvsh ai ahnashke; Klaist Chisvs pulla kak o Chihowa hvv ilvppa hvchim ai ahni hoka.

19. Shilombish g hvsh mosholichi na.

20. Shilombish anukfoyyukt anumpuli ka hvsh shitilema na.

21. Nana moma ka imomaka hvsh pisashke; nana kvv achukma ka kvvlochit hvsh ieshashke.

22. Nana ik achukmo ahomba moma ka ik hvchi ahalaio kashke.

23. Mikma it i nanaiya yvt a mihinti Chihowa ak inli hosh ai oklvhvchit hvchi kashofashke; micha Chihowa ya im asihhla li kvv, hvchi shilombish, micha hvchim anukfila, micha hvchi haknip aiena kvv anumpa onvtula ikshochit hvchv ieshit, pin Chitokaka Chisvs Klaist vt ai vla hi g hvch isht onakbano ai ahni lishke.

24. Nana miha kvv ai gblichy yosh hvchi hoyo kvv, yvmvvt yvmihcha chv ak inli hoke.

25. Itibapishi li vhleha ma! anumpa ilbvsha isht hvsh pi anumpohonlashke.

26. Hvsh itibapishi puta ka suksowa holitopa yo isht hvsh ai okpvchashke.

27. Chitokaka pulla ho holisso ilvppa il itibapishi holi-topa vhleha hv hvsh im it anumpohonla he ak o hvchv miha lishke.

28. Pin Chitokaka Chisvs Klaist nan isht i kana yvt hvchi anukfoyyukashke. Amen.

HOLISSO ATUKLA PAL VŦ

CHVCH HLESSALONIKA

A HIKIA HO Ī HOLISSOCHI TOK.

CHAPTA I.

Hlessalonian okla hvŦ vbanumpa anukfohka ai ghli ahnit, yimmit miha, 1; 7 nan ĩ pvlammit maya ka vba afoha he isht hopohlanli; mihmvŦ nana kvŦ isht ai vhpiesa hq nan vlpisa pvlammi kvŦ ĩ nukkilli vhleha hq onvtuyula he isht miha.

1. PAL, micha Silfanvs, micha Timohlivs pia hvŦ Chvch Hlessalonia a hikia Piki Chihowa, micha Chitokaka Chisvs Klaist ibafoyuka ka pit il aiokpvchi kvŦ,

2. Piki Chihowa, micha Chitokaka Chisvs Klaist ita tuklo nan isht ĩ kana, micha isht it ĩ nanaiya ita tuklo kvŦ hvchi anukfoyukashke, e hvch im ahnishke.

3. Hvchi ai yimmi ka yvt chitot isht ĩ shahli fehna, micha hvsh moma kvŦ hvsh it ĩ hullo kvŦ laua fehna hoka, itibapishi li vhleha ma! isht ai vlpiesa hq hvchishno pulla kak o Chihowa ya yak oke il im ai ahni na bilia hi atuk oke:

4. Yvmohmi kvŦ pishno vt ai ilbvsha, micha na palvmmi puta aiena kvŦ hvchi onvtuyula kvŦ, hvchi nuktaiyavŦ, na hvchi yimmi kak o, Chihowa in chvch puta ka a hvchi anolit isht e hvch ilauata hoke.

5. Yvmak okvŦ Chihowa hvŦ ai vlpiesa apesvt onochi ka isht otvni, yohmi hq Chihowa im apehlichu ka ya hvsh isha he vlpiesa ka hvchi ahna hi atok, yvmak a he mak o hvch ilbaiyvsha hoka.

6. Chihowa hvt hvch ilbvshali yg i falaminchit na palvmmi hq onocha hi vt vlpesa ;

7. Micha hvchishno vt hvch ilbvsha kv, hvsh pibafoha hi g hvchim ahna hi vt vlpesa hoka, nitak yvmma fehna Chitokaka Chisvs vt enchil hlampko puta ka il ai eshit,

8. Uba mintit luak libbi biekv haiakvt, Chihowa ik ithano, micha Chitokaka Chisvs Klaist im vbanumpa ik im antio aiena ka isha he vlpesa mak o im apesvt onochikma ;

9. Yvmmak okvt Chitokaka, micha nan isht im ai ghli holitopa itikba ai i filvmmat na palvmmi a bilia isht im vlvtovt ilbvsha he ;

10. Yvmmak okvt vla cha, vbanumpa yimmi puta ka isht a holitopa he, mikma i yimmi puta kv okokko ! ahnt aiokpachana he nitak yvmmak ok mak o yakohma he, atoklit il anoli tok g hvchi yimmi tok oka.

11. Yvmohmi hoka anumpa ilbvsha isht e hvchim anumpononli na bilia kv, pin Chihowa yvt nan isht ilaiyukpa ilvppak ash hvsh isha hi g vlpesa hvchi ahni cha, ilap nan isht i kana aiokpancha he achukma moma, micha ai yimmi a toksvli nan isht im ai ghli aiena ka isht hvchim atahli hokbano il ai ahni hoke.

12. Yvmohmi ka pin Chitokaka Chisvs Klaist hohchifo hvt, hvchi a holitopakma, pin Chihowa, micha Chitokaka Chisvs Klaist nan isht i kana pulla hq yvmmak ash hvchi a holitopashke.

CHAPTA II.

Nan ai ghli yg a kvllot iesha hi g i miha ; nan ai ghli laua kv ai i filvmma he, mikma Klaist i sanali vt Chitokaka yvt ik lo kisha ka, otaiyana hi g anoli;15 vba isht anumpononli.

1. YOHMI ka itibapishi li vhleha ma ! pin Chitokaka Chisvs Klaist vt vla he, micha il im itvnaha he ak o isht e hvchim asilhhvshke.

2. Yohmi ka chekosi, shilombish tikbanli anoli yokma, vbanumpa tosholi yokma, pi holisso hak okma, nana hoh

kia Klaist i nitak vt auet olanlosi hvchi chochmit, hvchim anukfila hut ~~ok~~ shanaioiwot ik hvchi komunto kashke.

3. Hatak nana kia kaniohmit ik hvchi haksecho kashke: vbanumpa ha i filvmmitt ik gsho kisha, micha nan okpctni ushi, hatak nan ashvchi yummvt ik haiako kisha ka, nitak yummvt vla he keyu.

4. Yummak okvt Chihowa hohchifo, micha i shahli ikbit aiokpvtchi puta ka i sanalit ile chahvchit, il i shahlichy yoke: yohmi hosh yummvt Chihowa chochmit, Chihowa in tempel a binilit, Chihowa ile mihvt ile haiakvchi hoke.

5. Hvchi takla anta li moma mvt, ilvppa puta ka hvchim anoli li tok a hvch ik ithaiyano ho?

6. Yohmi ka himak ano nitak vt im vlhpiesakmvt otvna hi a, nana hosh halvli ka, hvsh ithaiyanvshke.

7. Na luma chito ik vlhpeso yvt tobtv isht ia mashko hoke: himak a halvli kvv halahanla chi; atuk o yummak ash o ishit i kanvlllichik mak a hi oke.

8. Mikma yohmikmak o nan ashvchi yummak ash ot otvna hi oke; yummak oka Chitokaka yvt itih ilhfiopak isht illicha he, micha sholupakali hosh ant haiakakmvt, yummak ash o akshocha hi oke.

9, 10. Yummak okvt Setan nan akaniohmi yo iakaiya kvv, nan isht im ai ghli, nan isht atokowa puta, micha na holabi isht nukhlakancha, mikmvt nan ik vlhpeso isht yoshubli aiena ho il ai ishit illi na bilia he puta ai itin takla ya ayvt otaiyani yummak a he oke; okchaya hi atuk kia vbanumpa ghlika ya holitoblit ik yimmo tok okvt.

11. Mikma yakohmi kak o Chihowa yvt nan isht a yoshuba kvvlo kvv ik onvtula im ahni na na-holabi kia i yimma he:

12. Yvmohmi pulla hosh anumpa ghli ik yimmo hosh, amba nan ik vlhpeso aiokpanchi tuk vt momvt nan im vlhpisvt na hotopa hi atok.

13. Yohmi kia itibapishi li Chitokaka i holitopa hvchia ma! hvchishno pulla kak o Chihowa ya yak oke il im aiahnit bilia he vlhpesa hoke. Shilombish isht a kashofa, micha anumpa ghli yimmi pulla hosh hvchi okchaya he ai vmona ka hvchi atokoli tok oke:

14. Yummak a hi o pin Chitokaka Chisvs Klaist isht a holitopa ya hvsh isha hi a, yummak ash ot pim vbanumpa isht hvchi hohoyo tok oke.

15. Yvmohmi hoka itibapishi li vhleha ma! kvllot hvsh hielashke, micha anumpa vlpisa puta vbanumpa toshowa hokma, keyukmt pi holisso hokma, nana ho hvsh ai ithvna tuk vt hvsh ieshashke.

16. Mikma pin Chitokaka Chisvs Klaist ilap inli, micha Piki Chihowa, yvmvt pi hullo, micha nan isht i kana pulla hosh chukvsh isht a nuktaiyala bilia, micha nana isha he ahni achukma ya pihima tok vt,

17. Hvchi chukvsh a hopohlvi cha, anonti anumpa achukma puta, micha nan toksvli achukma aiena ka isht a hvchi hlampkohonchashke.

CHAPTA III.

Vba isht anumpohonla hi a im a sihlha, 1; 6 nan ai vlpiesa ik shana-iowo ka he i miha; nan in takobi, micha nan ik vlpeso aiena ka ik ai itapeho ka he, 16 isht aiyopichi kvv vba asihlha.

1. ISHTAIYOPI ka itibapishi li vhleha ma! anumpa ilbusha isht hvsh pi anumpohonli na Chitokaka im anumpa yvt mvlihinlit ayvt, holitopa kvv, hvchim ai yvmohmi kak inli ho chohmashke:

2. Yohmi ho hatak ik vlpeso, micha hatak nan ashvchi atampa aiena ka il i hlakofa he ak o, hatak moma kvv ai yimmi ka ishi keyu hoka.

3. Yohmi kia Chitokaka yvt na mihvt ai ghlichi, yummak osh hvchi hlampkochi cha, nan okpulo ya hvchi a filvmmi-chit hvch iesha hi oke.

4. Micha hvchishno pulla hokvno Chitokaka ya isht il anukchieto kvv, nana e hvchim apesa tok a hvsh yvmihchi kvv, anonti hvsh yvmihincha chi mak oke.

5. Mikma Chitokaka yvt hvchi chukvsh a apissvlechi na Chihowa ya hvsh i hullo, Klaist atok a chiyuhmit nuktaiyaltv hvsh achunanchashke.

6. Yohmi ka itibapishi li vhleha ma! pin Chitokaka Chisvs Klaist g hochihifot isht e hvchim apesa kv̄t, itibapishi kv̄na hosh ai vlhpesa keyu h̄o aya, micha anumpa vlhpisa pim ai ishi tok ak keyu hokvno, hvsh i filvmmashke.

7. Hvchishno ak inli kia kaniohmit hvsh pi ahobacha he vlhpesa kv̄t hvsh ithanvshke: hvchi takla il gshwa mvt, ai vlhpesa keyu ka a pi yvmohmi tok keyu:

8. Micha pilla batak inla i pvska e pa tok keyu, amba ninak, micha nitak moma ka toksvlit, hoyublīt pi palvmmi tok, yvmmvt hvsh kanima kia nana kv̄t ik hvchi kv̄nio ka chi kak atok.

9. Yohmi kv̄t e yvmohma he vlhpesa keyu nana tok keyu: amba hvsh piakaiya hi o e hvchim ile haiakvchi hatuk oke.

10. Hvchi takla il gshwa mvt kv̄na kia toksvla he keyukmvt impa he vlhpesa keyu, ilvppak oka e hvchim apesa tok.

11. Kanimi kv̄t hvchi takla ai vlhpesa keyut aya mvt, toksvla he keyu kv̄mohmit, nan isht ahalaia keyu kia isht vtvtv fullokahanchi ka e haklo hoka.

12. Yvmma chohmi puta kv̄t nuktanlv̄t ahanlv̄t, toksvlit, ilap i pvska vpa he ak o im apesvt, pin Chitokaka Chisvs Klaist puyulla mak o il in tonohonchishke.

13. Yohmi kia itibapishi li vhleha ma! nana achukma ka hvsh yvmohmi kv̄t ik hvch in takobokashke.

14. Micha hatak nana hosh pim anumpa holisso ilvppa ik im antiokma, yohmi hvsh ahni cha, takla hvch ik ayo ki hafayashke.

15. Yohmi kia hvchin tv̄nv̄p o ahnit hvchik anukfillo hosh, amba itibapishi h̄g chohmichit nana hvsh i mihashke.

16. Chitokaka it i nanaiyvchi ilap ak osh ik kaniohmi kia isht it i nanaiya ya hvch ima na biliashke. Chitokaka yvt hvsh moma ka hvch ibafoyukashke.

17. Pal sia hv̄t sv̄bbak fehna h̄o isht hvchi aiokp̄vchi li ka, yvmmvt g holisso puta ka isht ithvna mak oke: yakohmi h̄o holissochi lishke.

18. Chitokaka Chisvs Klaist nan isht i kana yvt hvsh moyuma ka hvchi anukfoyukashke. Amen.

HOLISSO VMMONA PAL VT

TIMOH LI YA

I HOLISSOCHI TOK.

CHAPTA I.

Timohli a pit aiokpuchi, mihmvt nana ka isht atokoli tok vt isht i mihija, 1; 5 nana ho isht ai vlpiesa hosh nan vlpisa yatak a anoli; 11 ilap vbanumpa nukfoka tok vt anoli.

1. PI Okchalinchi Chihowa, micha ai okchaya bilia e pihisa he ahnit il anukchieto, Chitokaka Chisvs Klaist ita tuklo ka im anumpa pulla ho, Chisvs Klaist im apostel Pal vt;

2. Nan ai yimmi pulla ho svso fehna Timohli ya pit aiokpuchi hoke; Isht i kana, isht i nukhaklo, micha isht it i nanaiya aiena kv Piki Chihowa, micha pin Chitokaka Chisvs Klaist ita tuklo ka a mihinti kv chi anukfoyukashke.

3. Masetonia ya ia li mvt, Efesvs a ish anta cha, kvna kia nana inla isht ik abacho ka chi ka,

4. Mikmvt anumpa ik ahobo, micha in tikba ai unchululit isht auehinchi isht annoa ataha iksho, yvmmak okvt Chihowa holitobli nan isht ai yimmi i shahlichit nukfohkicha he keyu hosh, iti posilhvchit ai asha hi a anukfohkichi yvmmak oka isht ik ahanto ka chi ka, ish im apihisa he chim ai ahni li tok a, ish yvmihchashke.

5. Uba nan vlpisa yokvto chukvsh kashofa, micha im anukfila achukma, micha na-yimmi ai ahli aiena hosh it i hulla he ak o, hoyo hoke:

6. Kanimi kv̄t ilvppa puta kak ō i filvmm̄it, naksika ia cha, anumpa nan ik ahobo anumpuli hoh mak osh ;

7. Ilap okvt nana hō okla miha, micha nana hō kv̄llochit miha aiena kv̄t akostininchi keyu kia, vba nan v̄lhpisa ithv-nanchi ō toba b̄vnna chatuk oke.

8. Yohmi ka hatak okvt ai v̄lhpiesvchi hosh isht vtta hokma, vba nan v̄lhpisa yvt achukma hoka il ithanvshke.

9. Uba nan v̄lhpisa yvt hatak v̄lhpesa yak ō in toba tok keyu, amba vba nan v̄lhpisa ik ahninchot ik im antio, Chihowa ik holitoblo, nan ashvchi, Chihowa ik im antio, vbanumpa ik ahobalo, īki puta vbi v̄hleha, ishki puta vbi v̄hleha, hatak b̄ika vbi v̄hleha.

10, 11. Haui puta, kv̄na hosh ilap inli kv̄t nakni b̄ika isht ile litehli v̄hleha, hatak b̄ika h̄ukopa v̄hleha, holabi v̄hleha, anumpa kv̄llo il onochit ik ḡhlo v̄hleha, mikmvt ilap inli isht ilaiyukpa Chihowa im anumpa holitopa, isht vm atokowa tok, nan ai ḡhli yv̄mma ī sanali kia yvmohmi v̄hleha aiena kak atok, ilvppa il ithaiyanvshke.

12, 13. Yohmi ka tikba ma vbanumpa ik ahobalo, micha na yimmi v̄hleha ī palvmmihinchi, micha ch̄ukv̄sh hotopahanli sia yatuk kia, ai ḡhli la he vm ahnit, pin Chitokaka Chisvs Klaist mihi yosh sa hlampkohonchi cha, vbanumpa isht im vtta yō sa hilechi tok ; yohmi ka nan ik yimmot nan ak ithano hatuk osh, nana ka yvmihchi li tuk osh nan isht ī nukh̄aklo ḡ ahayuchi li tuk vt, yak oke im ahni lishke.

14. Yohmi ka pin Chitokaka nan isht ī kana yvt l̄awa fehna hatuk ō, Klaist Chisvs ai ibafoyuka hosh na sai yimmi cha, nan isht ī hullo li tok oke.

15. Nan ashvchi v̄hleha yv̄mma vno ak osh moma ī shahli li yatuk ḡ, okchalinya ch̄i hosh Klaist Chisvs vt yakni pakna v̄la tok, anumpa ilvpp̄vt ai ḡhli fehna ka v̄lhpesa ahnit, aiokpancha he v̄lhpiesa hoke.

16. Yohmi ka nan ashvchi moma ī shahli vno yak atuk osh nan isht ī nukh̄aklo yḡ ahayuchi li tok, ilvppak ō himak a pilla ai asha kv̄t yv̄mma ī yimmi cha, ai okchayvt bil̄a isha ch̄i ka, Chisvs Klaist vt vno ak ō nan isht ahobvcha he ak osh ilap nan isht ī svlahvt ī nukh̄aklo yḡ otvnihincha ch̄i ha tok.

17. Yohmi ka Miko okchayvt a bilia, illa he keyu, na holhponayo hvt pisa he keyu, Chihowa hopoyuksa yak bano kak o ahninchit holitohombli na bilia hosh ik biliá. Amen.

18. Tikba nan atokowa isht a chi anoli kv̄t, tikbalichit isht chi otv̄ihinchi yvm̄mak atuk pulla mak o, tv̄shka ghli achukma hosh ish tanahampa ch̄i ka, sv̄so Timohli ya nan isht ish ahanta he ilv̄ppa chi atokoli lishke :

19. Ilv̄ppak ash im ai ghli achukma kv̄t isht il akostininchi achukma ka ish ieshashke : yakohmit isht il ithaiyana he tuk ash osh kanimi kv̄t kanchi kv̄to, nan ai yimmi ka yash o it a yuhli yoke.

20. Yohmi ka kanimi kv̄t Himenevs, micha Aleksanta ita tuklo kak atuk ; yvm̄mvt vbanumpa ik ahobalot nan ik mihacho ka ch̄i ka yvm̄mak o ithvna ch̄i ka, Setan ḡ im issa li tok oke.

CHAPTA II.

Hatak moma ka vba isht anumpohonla he, mihmvt nana kv̄t kaniohmi kak o yakohma hi ḡ anoli, 1 ; 9 kaniohmit ohoyo hvt shema he : 12 ohoyo hvt vba anumpa isht anumpula he keyu, yohmi kia na yimmi ghli hokmvt, okchaya he.

1, 2. YOHMI hoka nana ish a yvmohma he vmmona kv̄t, Chihowa hvt hatak puta ka i nukhaklo ka yak oke pit im ai ahnit, anumpa ilbv̄sha ish anumpuli kv̄t, Chihowa hvt hatak puta i kanvt, miko v̄hleha, micha nan vlhtoka v̄hleha aiena ka hopoyuksiacha he ak o ish im asih̄ihla he chi atohno lishke ; yohmi kv̄t Chihowa ya e holitobli, micha hatak nana il ai it i kaniohmi puta kv̄t ghli achukma hosh il ahanta hokmak osh pi okchaya takla kv̄t, it i hullot it i kanvt il ahashwa hinla hoke.

3. Ilv̄ppak okvt achukma hoke ; yohmi ka pi Okchalinchit Chihowa hvt pisa kv̄t ahninchit hoke :

4. Yvm̄mak okvt hatak puta kv̄t vbanumpa ghli yoka nukfoyuka cha, okchaya he ak o im aiahni hoke :

5. Yohmi ka Chihowa hvt achvfa, micha hatak, Chihowa ita tuklo it i nanaiyvchi yvt achvfa, hatak Klaist Chisvs ak oke.

6. Yvm̄mak okvt moma ka vlhtoba mak osh ilap inlit il

im issa kv̄t, anumpa gh̄li ilv̄pvt ont ai vlhpiesakma anoh̄wa hi a tok oke.

7. Yv̄mmak atuk mak ō apostel, micha v̄banumpa isht vtta ita tuklo ka si v̄lhtoka tok oke ; yohmi kv̄t anumpa gh̄li, micha na yimmi imma aiena ka Chentail okla im av̄vchi sia hosh, holabi keyu hosh Klaist isht anumpa gh̄li mak ō anum-puli lishke.

8. Yohmi ka anuktuklo, micha anukhobela aiena iksho hosh, ibbak mvt kashofa achukma bieka hosh v̄ba pit welit, kanima moma ka hatak puta kv̄t anumpa ilbv̄sha ai anum-pohonla hi ḡ im ai ahni lishke.

9. Anonti yv̄mmak ash inli h̄o chiyuhmit, ohoyo puta kv̄t ilefoka ai v̄lli chito, p̄vl, tv̄li holisso lakna aiena ka isht ik shemo ka he, micha p̄shi aiena ka yikyuchit ik shemacho ka he ; amba im anukfila puta kv̄t ile oktampilit, hatak ma ik ai okchifelo hosh nuktanlv̄t, ilap isht a shema he ai vlhpiesa ka isht shema he im ai ahni lishke.

10. Amba ohoyo puta kv̄t Chihowa holitobli kv̄t, si anuk-foyuka ahnit il anoli kv̄t, ai yvmohma he vlhpesa, nan isht vtta achukma kak ō yvmohmashke.

11. Ohoyo hv̄t ai gh̄lit im antīvt, lumvt m̄ya hosh nana ka ithvnashke.

12. Yohmi ka hatak ḡ ohoyo hv̄t ī shahlit, nana ka im av̄vchit ahanta he ak im ahnoshke ; amba lumvt ai asha he im ai ahni lishke.

13. Yohmi ka Alvm ak osh If ḡ tik̄ba toba hatok oka.

14. Mihma Setan vt Alvm ḡ haksichi tok keyu, amba ohoyo hak ō haksichi na ai ashv̄chika ȳḡ yvmohmi tok.

15. Yohmi kia v̄lla ishi kv̄t okchaya he, yohmi kv̄t na yimmi kv̄t ik isso hosh, ī hullo, micha chukv̄sh kashofa h̄o isht holitoblit, ñe oktampilit hok mak osh okchaya hi oke.

CHAPTER III.

Bishop, micha iksa nan isht im vtta, micha im ohoyo aiena kv̄t nana hosh im v̄lhtaiyaha he, 1 ; 15 Chihowa in chv̄ch, micha nan ai gh̄li vt ai vl̄v̄vchi ka isht im anum-puli.

1. ANUMPA iløppvt ai għlishke, yohmi kv̄t hatak kv̄na hosh bishop nan ai isht vtta ishi bvn̄nakmvt, nan ai isht vtta achukma h̄o ishi bvn̄na hoke.

2. Yohmi ka bishop vt anumpa ik achukmo nana kia onvtula he keyu, tekchi achvfa ī hatak, nana ka ahah ! ahni, ile oktamp̄li, nana a kaniohmi mvt achukma, hatak ik ithano moma ka ī kana, nana im av̄vchi kv̄t imponna,

3. Oka homi ishko shabli keyu, na fahama keyu, ai v̄lh-piesa keyu isht a hofahya he nan isht ahayuchi bvn̄na keyu ; amba nuktanlv̄t, ik itachowo, tv̄li holisso ī hullo keyu ;

4. Yohmi kv̄t ilap in chuka chvfa yā pehlich̄i kv̄t imponna, im v̄lla v̄hleha hv̄t im antia achukma ch̄i ka yopunla keyu hosh im anukfila nuktanla achukma hosh nana im api-hisashke :

5. Yohmi ka hatak in chuka chvfa pehlich̄i ik ithano kv̄t, katiohmit Chihowa in chvch ā apesv̄chi imponna hinla h̄o ?

6. Himona v̄banumpuli toba keyu hashke ; yohmi hatuk mvt ilefeh̄nv̄chi isht a wakayvt hikia hokmvt, nan isht ahullo okpulo nan isht ilbv̄sha im v̄lhpisa tok ā chiyuhmit im v̄lhpisa hinla hoke.

7. Anonti v̄banumpuli keyu aiasha im annoa achukma kv̄t ieshashke ; keyukmvt isht a hofahya, micha nan isht ahullo okpulo nan isht haksichi aiena ka pit itula hinla hoke.

8. Anonti chvch nan isht im vtta yvt yopunla iksho hosh im anukfila nuktanla achukmashke, im anumpa tuklo keyu, oka homi ishko shabli keyu, ai v̄lhpiesa keyu isht a hofahya he nan isht ahayuchi bvn̄na kv̄yu ;

9. Nan ai yimma hi vt v̄banumpa a luma hatok ā im anukfila kashofa achukma hosh isht ieshashke.

10. Yv̄mmak ash ō t̄ikba imomaka pisashke ; yohmi kv̄t anumpa ik achukmo onvtuyula iksho hok mak osh, chvch nan isht im ai vtta yā isht v̄ttashke.

11. Tekchi ak kia yopunla keyu hosh im anukfila nuktanla, hotopali bvn̄nv̄t na-mihachi keyu, nana ka ahah ! ahni, nana moma ka ai għli banashke.

12. Chvch nan isht im vtta yvt tekchi achvfa ī hatak osh,

im vlla vhleha, micha ilap in chuka chvfa yā ai vļhpiesa hosh pehlichashke.

13. Yohmi ka chvch nan isht im vtta nan-ai isht-vtta isht vtta ai ghli yvmmak osh ilap isht hohchifo achukma ka ishi hoke; yohmi cha Klaist Chisvs isht ai yimmi kv̄t nukwāya iksho hosh anukfoyukv̄t ahantv̄shke.

14, 15. Chekosikma chim ona la chī, ahni li; yohmi **ka** anta lī hopaki hokma, Chihowa im aboha anukaka, yvmmv̄t Chihowa okchāya in chvch okv̄t, vbanumpa ghli ka in tonik, micha in tolahpi yoka, ish a kaniohma he puta kv̄t ish ithaiyana he mak o, ilv̄ppa puta ka pit chī holissochi lishke.

16. Mikma moyuma kv̄t ilv̄ppa ai ghli ai ahnishke; vbanumpa nan otv̄ninchī kv̄t na chinto fehna; yohmi kv̄t Chihowa hv̄t haknip o isht otv̄nit, Shilombish Holitopa ka isht ai ghli, enchil vhleha hā im a haiakv̄t, Chentail vhleha hā isht im anuhumpa tok, mihma yakni paknaka yā ai ī yihimmi tok o, vba a holitopa ka ik chukowā im ai ahni na pit chukowa tok.

CHAPTA IV.

Nan ai yimmika yā ī filv̄mmit akakoha hi ā tikbanli anoli, 1; 6 nana ka a yvmohma he vļhpiesa ka mominchit yvmihcha hi ā anumpa vļhpisa il aiyukali isht ī miha.

1. **SHILOMBISH** Holitopa yv̄t otv̄ninchī fehna hosh anoli kv̄t, himak a pilla ka kaniohmi kv̄t vbanumpa yimmi tuk vt issa cha, shilombish na yoshubli im antiv̄t, nan isht ahullo okpulo vhleha imma isht vlv̄vchi ka yimmit,

2. Nan ilahobi holabi hosh anumpohonli kv̄t, isht il akostininchī mv̄t tv̄li lv̄shpa isht luv̄t yikotv̄t kv̄nia hatuk osh;

3. Nan-itaulya im olv̄bichi, micha ilhpak kaniohmi ka ik po ka he aiena ka im apihisa he; ilhpak yvmmak oka anumpa ghli ithana, micha ī yimmi aiena hokv̄to yak oke ai ahnit, habena he mak o, Chihowa hv̄t ikbi tok oke.

4. Yohmi ka Chihowa hv̄t nana moma ikbi tok ā achuk-

ma bano, yak oke ai ahnit habena hokvto, ik ahnincho ka hi g nana kvt ikshoshke.

5. Yohmi ka Chihowa im anumpa, micha anumpa ilbvsha ita tuklo atuk. mak o yvmmak ash ot isht a pim vlpiesa hoke.

6. Ilvppak o itibapishi vhleha hvv ithaiyana he mak o ish nukfoyuki hok mvv, Chisvs Klaist im anumpa isht vtta achukma chia mak a he, na yimmi, micha nan vlvvchi achukma ita tuklo isht anumpa ka isht chim vlvvchit a chi anukfoyuka hoke.

7. Anumpa kvllakshi shukanumpa, ohoyo sipokni nan anoli chohmi ka chik ahnincho hosh, amba Chihowa holitoblit isht ahantashke.

8. Haknip nan isht vtta isht ai achukma hokvto mishema he keyu hoke: amba Chihowa holitobli nana moma ka isht im ai achukma kvv, yakni paknaka nan ai isht ai yukpa, micha yakni inla vla he mihinti ita tuklo ka isht ai yukpa he im issa hoke.

9. Anumpa ilvppvt ai ghli fehna ka, vlvpesa ahnit, ai okpancha he vlvpiesa hoke.

10. Yohmi ka ilvppak osh yohma chi ho, e toksvlit pi hoyvblit, isht a hofahya anumpa aiena kvv pi onvtohonla kvv, Chihowa okchaya ak o il anukchieto ka; yvmmak osh hatak moma okchalinchi, yvma i yimmi hok mak heno ghli fehna hosh okchalinchi yoke.

11. Ilvppa puta ka im apesvt ish im abahanchashke.

12. Chi himita kak o isht ik chi yukpo kvv kvna kia ik anto kashke; amba nan ish a kaniohmi, ish anumpuli moma, ish i hullo, chukvsh nan isht ish ai ahni, na chi yimmi, havi imma anukfila iksho, ilvppa puta ka ish yvmohmi pulla na na-yimmi vhleha hvv chim ai ithvvtv chiakaiyashke.

13. Holisso it im anumpulit nan atohnochit, vbanumpa im avvchit isht ish ahanta na ona lashke.

14. Na hvvbina chimmi ha he nitak hopaki pilla kash anohova tok o, vbanumpa isht vtta vhleha hvv ibbak chi onochi na chim ai ghli tok vt, chi anukfoyuka kvv isht chik ahanto ki na.

15. Ilvppa ish anukfihinli cha, chim anukfila ha a moinchit isht ish ahantvt, nana ka i shahlit ish mahaya ka nana moma ka ai otvashke.

16. Ahah! ish il ahnashke, micha nana ish abahanchi kvv ahah! ish ahnashke: yohmi kvv yvmma achunanchit isht ish mahayashke: ilvppak o ish yvmohmi hokmak osh, ish ile okchalinchikmvt, anonti inlvv chi haklo aiena ka ish okchalinja hinla hoke.

CHAPTA V.

Hatak ilaiyuka ka kanimihchit nan i miha he anoli, 1: 5 ohoyo i hatak illi ya nan isht i miha: 17 ikxa nan isht im vttta, 23 Timohli abekoma chohmi aiena ka nan isht miha, 24 kanimi ka nan im ashvchika yvt tikba ivt nan vlpisa ka ona, mikma kanimi nan im ashvchika yvt himmak o iakavt nan vlpisa ka ona.

1. HATAK asvnochi ka anumpa kvvlo isht chik im alvmmicho hosh, amba iki chohmichit i kanvt nana ish i mihashke; micha hatak himita vhleha hokvno itibapishi chohmichit i kanvt nana ish i mihakmvt,

2. Ohoyo sipokni vhleha hokvno ishki chohmichit i kanvt nana ish i mihakmvt, anonti ohoyo himita vhleha hokvno haui imma anukfilli iksho hosh, in tek chohmichit i kanvt nana ish i mihashke.

3. Ohoyo i hatak illi vhleha hvv i hatak illi ghli pulla ka ish holitoblashke.

4. Amba ohoyo i hatak illi kaniohmi kvv im vlla, keyukmvt ipok vhleha hvv ashakmvt, vmmona nan itvna kvv, in chuka mayvt nana achukma ka yvmohmashke; micha ipokni, ishki chohmi ka falaminchit im atobbashke: ilvppvt achukmvtshke, yohmi kvv Chihowa itikba ya ai vlpiesa hoke.

5. Yohmi ka ohoyo i hatak illi ghli pulla, micha vltakla hokvto, Chihowa ak o anukchieto kvv, nitak, ninak ita tuklo ka anumpa ilbvsha anumpohonlit a bilia hoke.

6. Amba ohoyo i hatak illi yvt haknip nan isht ai yukpa isht ai yukvt ahanta hokvto, okchaya takla kvv illi yoke.

7. Yohmi ka iloppa puta ka ish im apihisa na anumpa ik achukmo kv̄t ik onvtulo kashke.

8. Amba kanimi kv̄t ilap immi, micha ilap in chuka chvfa a fehna aiena ka ik im atahlo hokmv̄t, vbanumpa h̄a ik holitoblo kv̄t, nan ik yimmo ak kia ik achukmo kv̄t i shahli hoke.

9. Ohoyo i hatak illi yvt afv̄m̄mi pokoli hannali ka ik ono hokv̄to, ik iba holisso kashke,

10. Yv̄mm̄v̄t hatak achvfa tekchi atok, nan isht vtta achukma ka isht annoa achukma, vlla achukmalit hofantihinchi, hatak ik ithano nowvt gya ka nan im atahanli, vbanumpuli holitopa iyi kia im achihiḥfa, ilbvsha ȳa apelahanchi, nan isht vtta achukma puta ka achunanchi biekv̄t isht ahanta cha tuk mak osh iba holissashke.

11. Amba ohoyo i hatak illi himita vhleha hokvno ish im olvbichashke; yv̄mm̄ak okv̄to Klaist im antia ik bv̄nnot, yakni paknaka nan isht ai yukpa ahnit isht iakmv̄t, hatak auwaya bv̄nna hinla hoke:

12. Yv̄mm̄ak okv̄t na yimmi v̄m̄mona tuk vt issa hokv̄t, isht ilbvsha anumpa hv̄t onvtuyula hoke.

13. Mikmv̄t anonti nan isht vtta intakobi kv̄t, chuka abaiyv̄chi banot itv̄noh̄owa; micha nan isht vtta intakobi kak bano keyu, amba anumpa chukushpali aiena, micha inla nana im a kaniohmi kak bieka isht ahanvt, nana isht anumpula he v̄lhpesa keyu kia isht anumpuli hoke.

14. Yohmi hoka ohoyo i hatak illi himita vhleha hv̄t hatak auwayakmv̄t, vlla ishki tobv̄t, chuka apesv̄chit anta kv̄t, nana ik achukmo nana kia yv̄m̄ohmi na vbanumpa i sanali vhleha hv̄t hofahyalit isht ik anumpulo ka he, im ai ahni lishke.

15. Himak ḡ kaniohmi hokv̄to naksika filv̄m̄mit Setan ḡ iakaiyv̄t ia m̄shko hoke.

16. Yohmi ka hatak, keyukmv̄t ohoyo na yimmi kanimampo kv̄t ohoyo i hatak illi yvt i kanomi hv̄t ḡsha hokmv̄t, yv̄mma apelahanchi na chvch ak okv̄to nan isht ik i kv̄nio kashke; amba ohoyo i hatak illi ghli pulla hokvno apelvchashke.

17. Iksa pehlich i vhleha hvt achukmalit iksa pehlich kak osh holitopa kv̄t i shahlikma, anonti vbanumpa ithv-nanchit isht anumpuli hokak heto i shahli fehnvt holitopashke.

18. Yohmi ka Holisso Holitopa yvt achi kv̄t, Wak toksvli vt onush nihechi ka itih h̄q chik takcho kashke: micha, Na toksvli vt im vlhtoba he ak osh ai vlhpiesa hoke, achishke.

19. Ubanumpa isht v̄tta yvt nan ik achukmo kia yvmohmi tok annoa ka ik chi yimmo kashke; amba nan atokowa anoli tuklo, tuchina kanima hosh anoli hok mak ashke.

20. Amba ashvchi hatuk o mv̄hli hokmv̄no, momvt p̄isa h̄q, ish im alvmmichashke, yohmi na inla āsha kv̄t nukshopa mak inlashke.

21. Nana chim apihisa li kv̄t, Chihowa, micha Chitokaka Chisvs Klaist, micha enchil vlhtoka vhleha aiena ka itikba hikia li hosh, ilvppa ish holitobli kv̄t it i shahsholechit, hatak achvfona h̄q i kana i shahlichit nana isht chik im ahanto ka he ahni lishke.

22. Hatak kv̄na kia himak fokalechit ibbak onochit, inla nan ai ashvchi ka chik iba taklo kashke: yvmohmi kv̄t a kashofa hosh ish ahantashke.

23. Himmakma oka kapv̄ssa chik ishko hosh, amba chik-foka ak atuk pulla mak o, micha chi abeka shahli aiena hokvt oka-p̄aki kanomosi ka ish ishkashke.

24. Hatak kaniohmi nan ai ashvchi yvt tikbanli otv̄nit, nan ai vlhpiesa itikba ȳq oh̄ona hoke; mikma hatak kaniohmi hokv̄no iakaiya hoke.

25. Anonti hatak kaniohmi nana achukma a yvmohmi kv̄t tikbanli otv̄ni akinlishke; mikma ik yohmo ke tuk vt luma he keyu hoke.

CHAPTA VI.

Yuka hvt nana ka isht ahanta he vlhpesa ka anoli, 1: 3 ilap vt nan isht ithvnachi tuk a keyu h̄q kv̄na hosh isht ithvnachi hokv̄no i filv̄mma he. 6 Chihowa anukfoyk̄a hokv̄to nan il ahayuchi,

10 tvli holisso i hullo kv̄t nan ik v̄lhpeso ȳo hakshish; 11 nana h̄o Timohli vt̄ i fil̄v̄m̄mi cha, anonti nana h̄o im antia he: 17 nan in-lava ȳa nana h̄o im acha hi ā im achi.

1. YUKA puta ikunla abana nuta abanta kv̄t, ilap i na hullo isht a holitopa he v̄lhpiesa ka isht holitobli na Chihowa hohchifo, micha im v̄banumpa aiena kv̄t isht ik kv̄llak-she kashke.

2. Mikma i na hullo v̄banumpuli yosh āsha hokvt itiba-pishi hokvt, isht ik i ahno ka he v̄lhpesa keyushke; amba i na-hullo yvt na-yimmi, micha Chihowa i holitopa, micha nana isht ai yukpa v̄ba minti ka it ibai ishi yoka, aiokpan-chit nana ka isht im ahantashke. Ilv̄ppa puta kak ō im av̄v̄chit ish atonohonchashke.

3. Yohmi ka hatak kanima hosh nana inla h̄o av̄v̄chi, micha isht ai achukma anumpa Chitokaka Chisvs Klaist im anumpa, micha Chihowa holitobli nan isht v̄lbahanchi aiena ka v̄lhpesa ik ahnot,

4. Ilef̄eh̄rv̄chi isht alotvt, nan ithana keyu, amba tasimbot nan isht a ponaklo ak bano isht anumpohonli, micha anumpa isht itachowa aiena yv̄mmak ō a minti hosh nan it i potv̄nno, it i nukowa anumpa, kanimanchit isht anumpuli, anukfila okpulo,

5. Micha hatak im anukfila ik achukmo, micha v̄banumpa āgli kv̄t ik im iksho cha, nana ahayuchi kak osh Chihowa holitobli im ahoba hosh, it i kv̄llot anumpuli aiena hoke; yv̄mma chohmi ka ish il i fil̄v̄mmichashke.

6. A nuktanla hosh Chihowa holitobli kv̄t nana a fehna ahayuchi hoke.

7. Yohmi ka yakni ilv̄ppa nana il īshi hosh e la tok keyu; yohmi kv̄t nana īshit il ia he keyu kv̄t ai āghlishke.

8. Yohmi kv̄t nan ilhpak, micha ilefoka aiena il īshi kv̄t, yv̄mmak oka isht pim ai v̄lhpiesashke.

9. Amba nan in laua he ak bano bv̄nna fehna hokvto, nan isht hokli, nan isht anukp̄li, micha anukfila ik hopo-yukso, micha anukfila okpulo isht ile okp̄v̄ni aiena ka chukowa, yv̄mmak ash ai okpuloka chinto ka hatak ā okai ahambi hoke.

10. Yohmi ka tvli holisso i hullo kak osh nan ik achukmo moma ka hakshish isht a toba hoke; yvmmak o kaniohmi kv̄t anuksitiv̄t hohoyo kak osh, vbanumpa h̄a i filvmmi cha, nan isht a nukhaklo laua ka isht ile nvhlit ile hlopullihinchi tok oke.

11. Amba chishno Chihowa immi chia ma! ilvppa puta kano ish i filvmmashke: micha ai vlhpiesa yvmohmi, Chihowa holitobli, na yimmi, i hullo, nuktanlv̄t achunanchi, anukfila yohbi aiena hak o ish hohoyashke.

12. Na-yimmi isht itibi achukma yvmmak o isht ish itihimbashke; ai-okchayvt bilia ak o kv̄llo hosh ish ieshashke, yvmmak o chishno ak kia isht chi vlhtoka tok, micha nan atokowa anoli l̄awa ka itikba yo vbanumpa yimmi isht anoli achukma ka ish il apesa tuk mak oke.

13. Chihowa yvmmak osh nana moma ka ik okchayá, im ahni na okchaya, micha Chisvs Klaist, yvmmak okvt Pontivs Pailat itikba hikia mv̄t, ai atokowa ghli achukma ka il anoli tok ita tuklo itikba ya hikia li hosh nana obirn apihisa li kv̄t;

14. Chishno yvt na-liteha iksho, anumpa ik achukmo chi onvtula he kia iiksho hosh, nan vlhpisa ilvppa holitoblit ish ahanta na pin Chitokaka Chisvs Klaist okvt haiakashke:

15. Ai yvmohma he apesa tok nitak yvmma ilap ak bano hosh ithana hosh yvmmak oka haiakvcha he; yohmi kv̄t ilap ak osh nayukpa Miko ak bano, miko moma ka i Miko, micha chitokaka moma ka in Chitokaka yoke.

16. Yvmmak okvt ai illa hi vt ik im iiksho, micha tohwikeli yvmmak oka hatak nana hosh ai ona he keyu h̄o anukaka ai ahanta hoke; yohmi ka yvmmak oka hatak nana hosh pisa chatuk keyu, micha pisa hi o keyu; yvmmak okvt isht a holitopa, micha nana moma isht imaiya bilia ita tuklo kv̄t immi hashke. Amen.

17. Himonasi im ilgyak laua aiasha ka nana ish im apihisa kv̄t, im anukfila chahvt ik ai asho ka he, micha im ilgyak ai ghli keyu ka ik anukchieto hosh, amba Chihowa okchaya, yvmmak osh nana isht pim ai achukma he moma ka. lauchit pihima kak ashke:

18. Yohmi kv̄t nana achukm̄vli kv̄t nan isht vt̄ta achuk-
ma ka isht ahanta fehna kv̄t, hopela hi vt̄ im vl̄t̄gha, ha-
ben̄vcha he vt̄ ahni kv̄t ;

19. Nitak himak a pilla mihinta he ak pulla tuk mak o
im ilayak achukma ilap immi mak osh intolahpi bohoni na
ai okchayvt bilia ȳg isha he mak o, ish ī mihhashke.

20. Timohli ma ! nana chim vl̄hpihisa tok vt̄ ish h̄olitobli
kv̄t, vbanumpa isht ik ahalaio isht anumpa, isht ik ahobo
anumpa, micha nan ithana ghli keyu it ī chilit̄vt̄ isht it im
anumpuli aiena ka chik ahalaio kashke.

21. Yohmi ka kaniohmi kv̄t yvmmak o iakaiya miha
hosh, vbanumpa h̄g ī shanaiyvt̄ ashvchi tok oke. Isht ī
kana yvt̄ chi anukfoyakashke. Amen.

HOLISSO ATUKLA PAL VT

TIMOHLI YA

I HOLISSOCHI TOK.

CHAPTA I.

Timohli i hullo kv̄t Pal vt isht anumpuli, 1; 6 Chihowa nan isht i kana anukfoyuca tok vt i shahlichit isht im anukfihinla hi n̄g im achi.

1. CHIHOWA nana ai ahni h̄q Chisvs Klaist im apostel Pal vt ai okchaya Chisvs Klaist vt ataiyahli tok ḡ anohonla chi hosh iso i holiropa fehna Timohli ȳg aiokpochishke;

2. Nan isht i kana, isht i nukhaklo, micha isht it i nanaia aiena kv̄t Iki Chihowa, micha pin Chitokaka Chisvs Klaist ita tuklo ka a mihinti kv̄t chi anukfoyucahke.

3. Chihowa ȳg yak oke im ai ahni li kv̄t, an tikba v̄hleha hv̄t kaniohmit aiokpahanchi beka tok ḡ chiyuhmit anukfila kashofa h̄q isht aiokpahanchi li kv̄t, ak isso hosh nitak, ninak moyuma ka anumpa ilb̄sha anumpohonli likmvt, chithaiyana lishke:

4. Yohmi kv̄t chi nishkin okchi mihinti tok ḡ ithaiyana li mvt, chi pisa sa b̄vna fehna, yvmohmit sai yukpa ai ghli fehna hokbano ai ahni lishke;

5. Yohmi kv̄t na yimmi ai ghli kv̄t chi anukfoyuca ka ithaiyana li mvt, chipokni Lois ak o v̄mmona ka yvm̄mvt anukfoyuca tok osh, anonti chishki Yunis ḡ anukfoyuca tok osh, chishno ak kia chi anukfoyuca ka sai yimmi akinlishke.

6. Yvmohmi hoka sv̄bbak chi onochi li tok ak o nana

Chihowa ish i habena tok vt chi anukfoyuka, yvmma achukmalit ish okchvla chj mak o chim anohonli lishke.

7. Yvmohmi ka anukfila isht nukshopa keyu, amba isht hlampko, mikmvt isht i hullo, mikmvt isht a hopoyuksa aiena anukfila hō Chihowa hvt pima tok oka.

8. Yohmi ka pin Chitokaka im anumpa atokowa, mikmvt yvmma atuk pulla mak o yuka sia aiena ka chik i hofahyo hosh; amba vbanumpa ak atuk pulla mak o nan isht palvmmi puta ka Chihowa hvt chi hlampkohonchi mak o isht ish ibai ilbvshashke;

9. Yvmmak osh pi okchalynchi cha, vba nan isht ilaiyukpa holutopa hō il iesha he mak o pi atokoli kv, pishno nan il ai isha he ai vlhpiesa kak o yohmi keyu, amba ilap nan isht im anukfihinla hosh, yakni ik tobo pilla kash inli hō ilap isht i kana yā Chisvs Klaist ak atuk pulla mak o pihima kak a tok oke:

10. Amba pi Okchalynchi Chisvs Klaist vt vla kak osh himonasi kvno isht i kana yā otvyninchi kv, nan-illi hō imaiyachit kanchi cha, ai okchaya micha ai illa he keyu aiena ka vbanumpa ak pulla kak o isht otvyninchishke:

11. Yvmmak atuk pulla mak o vbanumpa isht vta, micha apostel, micha Chentail vhleha nan im avtchi aiena si vltoka tok oke.

12. Yvmmak atuk pulla mak o na-palvmmi puta ilvppa aiena ka pihisa li; yohmi ak inli kia sa hofahya he keyu; kvna hō i yimmi li hatuk vt ithana li hokvt; mikma nana ka isha chj hō ibbak fohki li tok ā ishi na nitak yvmma ona he bano ka i sai yimmishke.

13. Anumpa ai ghli achukma is si a haklo tok vt, Chisvs Klaist isht i yimmi, micha isht i hullo aiena ka kvllot ish ieshashke.

14. Shilombish Holitopa pi anukfoka kak osh chi apihinla na nana achukma ish iesha chj hō chima tok ā ish ieshashke.

15. Chishno yokvt ilvppa ish ithana; yohmi kv Asia ai asha tuk vt moyumvt ā filvmmi kvnia tok: yvmma iba foka kv Fichellvs, micha Hemochenes ita tuklo kak oke.

16. Onesifolvs in chuka chvfa yoka Chitokaka yvt i nuk-

haklok bano, yvmmak okvt sai yukpahanli beka tok oka, mi-
cha yukvt sa talaiyakchi ka ik sa hofahyo ki tok.

17. Amba Lom g ont anta mvt, achunanchi fehna hosh
sa hohoyo cha, si ahayuchi tok.

18. Chitokaka yokvt vlhpesa im ai ahni na nitak yvmmak
oka Chitokaka yvt i nukhaklo ka ahayuchi hok bano; micha
Efesvs g ont anta li ma, nana lgwa kaniohmi ka isht si ape-
lahanchi tok g, chishno yokvt ish ithana fehvshke.

CHAPTA II.

Timohli vt achunanchit Chitokaka in tishu ai ghla chi ka Pal vt i mi-
ha, 1; 16 nana hq ahah! ahna he; 24 mikmvt Chitokaka in tishu
hvt kaniohmit ai vlhpiesvt im anukfila he im anoli.

1. YOHMI ka svso chia hvv Chisvs Klaist nan isht i ka-
na yoka isht ish hlampkashke.

2. Nan-atokowa anoli lgwa itikba yo chishno yokvt nana
ka is si a haiyaklo tok vt, yvmmak oka hatak ai ghli achuk-
ma inla ai asha ka nan im avvcha he ai vlhpiesa ak inli kak
o ish imashke.

3. Yohmi ka Chisvs Klaist in tvshka achukma chia hokvt
na palvmmi ish pihisa kvv, vlhpesa ish ai ahnashke.

4. Hatak kvna kia tvshka toba hokvto, yakni ilvppa nana
a kaniohmi ka isht ataklvma keyu hoke: tvshka atokoli tok
ak o yukpala chi hosh yvmohmi hoke.

5. Mikma it i shahlichi g bvna hosh hatak vt achunanchi
ak inli mak osh, nan vlhpisa yak o hovitoblit achunanchi ke-
yu hokvto, iachukola he keyu hoke.

6. Yakni okchali yvt vmmona ka toksvli ha yak osh na-
waya yoka ai vpashke.

7. Nana chim ahanchi li ka ish anukfihinlashke; mikmvt
nana moma ka ish ithaiyana chi ka Chitokaka yvt chi anuk-
fohki hokbano.

8. Um vbanumpa hak atuk mak o Lewi isht ai unchululi
Chisvs Klaist vt illi tuk vt, falamvt tani tok g ish ithaiya-
nvshke:

9. Yvmmak atuk pulla mak o nan-ishtakanomi yo chiyuhmit na-palvmmi ka pihisa li hosh, polaka sa talaiyakchi tuk oke: yohmi kia Chihowa im anumpa hokvto talakchi keyu hoke.

10. Yohmi ka ai-okchaya pisa he vltoka tok vhleha atuk pulla kak o na-palvmmi puta pihisa li kvv, yvmmak kia Chisvs Klaist vt ai-okchaya ataiyahli tok g, micha nan isht a holitopa aiena ka isha chi ka si yvmohmi hoke.

11. Ilvppvt anumpa ai ghli yoke: il ibai illi hokvvt, il ibai okchaya chi ak inli hoke.

12. Nuktanlvv il achunanchi hokvvt, il iba mika he ak inli hoke: Klaist g ak ithanoshke, il achikma, ilap ak kia ik pithano ak inla hi oke:

13. Kil i yimmo kia, ilap okvto ai ghli ahanta: yohmi kvv ik ile holitoblo ka he keyu hoke.

14. Ilvppa puta ka ithana chi mak o ish ithvnanchashke: yohmi kvv anumpa illa nan isht achukma he keyu, amba haklot maya kvv isht ai okpula hi okvno isht itachovvt ik ai asho ka hi o, Chitokaka itikba ya anumpa ai ghli ka isht ish im apihisashke.

15. Ulhpiesa chi ahni ho Chihowa itikba ya ish hikia chi kvv ish achunanchashke; yohmi kvv ish a toksvli tuk vt isht chi hofahya he keyu hosh anumpa ai ghli yoka, moyumvt ai isha he ai vlhpiesa ka, ish ita kvshkolashke.

16. Yohmikvvt vbanumpa isht ik ahalaio isht anumpa, isht ik ahobo anumpa puta kvno ish apakfopashke; yvmmak okvt Chihowa ik holitoblo i shahli ka ikba hinla hoke.

17. Mikvvt im anumpa hvv kanka yo chiyuhmit okpahana hi oke: yvmmak oka iba fokv kvv Himenevs, micha Filetvs ita tuklo kak oke.

18. Yvmmak okvt nan ai ghli ka i filvmmi kvv, illi falamvt tani yvt ant ia tok ahanchi kak atok; mihmvvt na yimmi kaniohmi ka okpvni hoke.

19. Yohmi kia Chihowa im intolahpi yvt kullo ai ghli hoke: anumpa ilvppak osh ai o holisso kak o, Ilap immi ka Chitokaka yvto ithana hoke. Mikvvt Klaist hohchifo hohchifo kvv moyumvt nan ai vlhpesa keyu ka i filvmmashke.

20. Yohmi kia chuka chinto anukaka ya nan ai vlhto tvli holisso lakna, micha tvli hvta isht a toba aiena kak bano hosh foka chatuk keyu, amba iti, micha lukfi isht a toba kak kia aiena ak inli chatuk; yohmikma kaniohmi kvto isht a fehnakma, kaniohmi kvto isht a kvllakshi chatuk oke.

21. Yohmi ka ileppak ash kvna hosh ai i filmmi hok mvto, nan ai vlhto holitopa hosh kashofvt, i shahli ha isht im ahanta chi kv im vlhtaha hosh, nan toksvli achukma puta ka isht ahanta chi kv im vlhtaha hoke.

22. Haui anukfila himita immi ha tushpvt ish i filmmi mak inlashke; amba nan ai vlhpiesa, nan ai ghli, it i hullo, micha it i nanaiya aiena ish yvmohmi kv, chukvsh kashofa Chitokaka isht a hochihifo kak o ish ibai achvfashke.

23. Amba isht a hopoyuksa he keyu anumpa tasimbo yokvno chik ahalaio kashke; mikmvt yvmmak okvt itachowa ikbi yoka ish ithanashke.

24. Mikmvt Chitokaka in tishu hokvt itachowa he vlhpesa keyu, amba hatak moma i kana, nan im avchi kv imponna, nan im okpulo isht ilbvaha kia, nuktanla aiena vlhpesa:

25. Im anukfila yohbi hosh vbanumpa i sanali vhleha yoka nan im avchi vlhpesa; yohmik mak o Chihowa hv nukfohki na ile kostininchit, vbanumpa ai ghli ka achukmalit ithana yoba na:

26. Yohmikmvt nan isht a hullo okpulo i nan isht hokli ya ai i hlakofa hinla; yvmmak osh ilap ai ahni hosh yvmmak ash o yukahanchi hatuk oke.

CHAPTER III.

Nan ik vlhpeso nitak vt via hi a tikbanli anoli, 1; 6 vbanumpa in tvnp vhleha ha otvoinchi; 10 Timohli vt ilap ak o nan im ai ithvnt iakaiya he isht miha; 16 mihmvt Holisso Holitopa ya ahnichit isht anumpuli.

1. ILUPPA ish ithana mak inlashke: yohmi kv nitak ishtaiyopit mahgyakma, nitak yvmvt nan isht a palvmmi alotowa hi oke.

2. Yohmi ka hatak vt ilapunla he, tuli holisso i hullo, nan isht ilauata, ilefehuvchi, vbanumpa ik ahobalo, iki, ishki ita tuklo ik im antio, Chihowa ya yak oke ik im ai ahno, Chihowa ya ik holitoblo,

3. Im vlla i hullo ik im iksho, nan it im vhpisa kobeffi, inla aholvbechi, ile oktampli ik ithano, anukfila yohbi iksho, hatak hochukma moyuma ka ik i hullo,

4. Ilap i yimmi tuk kia haksichi, ahah! ik ahno, anukfila chaha, haknip nan isht ai yukpa yak bano ho i hullo kvv Chihowa ya im i shahli;

5. Chihowa ya holitobli ilahobi kia, ai ghli ka ona hosh yohmi keyu ka he: yvmma chiyuhmi hokvno ish i filvm-mashke.

6. Yohmi ka ilvppa chiyuhmi kak osh chuka ya chukovvt, ohoyo im anukfila iksho, ai ashvchika isht ompoholmot kvnia, anukfila ik achukmo ilaiyuka ka im antivt ahantvt;

7. Nana ka ithahgvvt bilia kia, anumpa ai ghli kvno achukmalit ithvna he keyu puta ka yukahanchi hoke.

8. Yohmi ka Channes, micha Chambles ita tuklo kvv Moses g i sanali tok oka, ilvppak ash kia hatak im anukfila okpulot kvnia, na yimmi kvv ai vhpesa keyu hosh anumpa ai ghli ya i sanali mak inlishke.

9. Yohmi kia himak a pilla ma achakalit ia he keyu; yohmi kvv Channes micha Chambles ita tuklo atok g chiyuhmit, yvmmvt nana a kaniohmi kvv ai vhpiesa keyu kvv hatak puta ka im otvna chi mak inlishke.

10. Amba nana abahanchi li, kaniohmit ahanta li, nan isht vm anukfihimla, nan isht ai ahanta la he tuk vt ai ghli li, nan ilbvsha pihisa li kvv sa nuktaiyala, nan i hullo li, nuktanlvv achunanchi li,

11. Antiak, Ikonivm, Lista aiena ka ahanta li ma, kani-mihcht a sa hotopahanli na svlbahasha, nan isht ilbvsha kaniohmi ho pihisa li tok g chishno yokvt ish ithana feh-nvshke: yohmi kia Chitokaka yokvt yvmma moyuma ka a sa hlakqfihinchi tok oke.

12. Ahli mvhli, Chisvs Klaist ibai achvfa hosh Chihowa

- im ai ghli bwnna moyuma kv̄t nan isht a hotopa he pihisa pulla hi oke.

13. Amba hatak ik v̄lhpeso, micha na yoshubli aiena kv̄to nan ai v̄lhpesa keyu yohmi kv̄t i shahlit mahaya hi oke: yohmi kv̄t ilap vt yoshuhumba hatuk osh inla ya yoshuhumbla hi oke.

14. Amba nana ka chishno yvt ish ai ithvna tuk vt, ai ghli chi yimmi hatuk okvt ish mahayashke: yohmi kv̄t kvna h̄o ish im ai ithvna tuk vt ish ithaiyanvshke.

15. Mikmvt yv̄mma ish ithana kv̄t v̄lla chi tomba kash inli hosh Holisso Holitopa ak o ish ai ithvna tok; yv̄mmak okvt chi hopoyuksacha hinla h̄o Chisvs Klaist a i yimmit isht chi okchaya hi oke.

16. Holisso Holitopa moma ka Chihowa hv̄t nukfohkichi h̄o holissohonchi tok oka; nan isht v̄lv̄vchi, nan isht ai atokowa, nan isht kostininchi, nan ai v̄lhpiesa aiena isht pithvnanchi achukma hoke.

17. Yohmi hatuk o hatak Chihowa immi hv̄t ai ghli hosh, nan toks̄vli achukma puta ka isht ahanta ch̄i kv̄t im v̄ltaha achukma hinla hoke.

CHAPTER IV.

Ai ghli nan a kaniohma he v̄lhpesa kv̄t yv̄mihcha ch̄i ka i miha, 1; 6 ai illa he nitak vt im atikeli, mihmvt v̄ba achukma ka pisa ch̄i im ai ghli kv̄t im anoli; 9 chekosi im v̄la ch̄i ka i miha; 16 nan i palv̄m̄mi v̄m̄mona ka nana kv̄t kaniohmit onotuyula tok a anoli.

1. **CHIHOWA**, micha Chisvs Klaist yv̄mmak osh ilap apelihika ishit haiakakmvt, okchaya, micha illi tok aiena ka nan im apihisa he itikba ya hikia hosh na ch̄i miha lishke.

2. Yohmi kv̄t v̄banumpa h̄a isht ish anumpohonlashke, yohmi kv̄t nitak ai yv̄mohma he ai v̄lhpiesa, ai v̄lhpiesa keyu aiena ka ish achunanchashke; ai atokolit im anumpo honlit, im alv̄m̄minchit nuktaiyala hosh nana ka ish im abahanchit ish atohnonchashke.

3. Yohmi ka v̄banumpa ai ghli ka haklo ik bwnno ka hi a

nitak vt vla hi oke : haksobish yaouhlichi ishi cha, ilap im anukfila okpulo ilaiyuka im antia kak osh nan-abvchi lawa ka il im itvnahanla hi oke :

4. Mikmvt vbanumpa ai ghli ka haksobish a isht i filvmmit kenia cha, anumpa ik ahobo yak o haklo bvna toba hi oke.

5. Amba chishno yokvto nan okluha ka ahah ! ahnit, nan ilbvsha chi onvtuyula kia chi nuktanlv, vbanumpa isht anumpuli yvt nan isht ai vtta he tuk a isht ahantvt, vbanumpa isht ish ahanta hi atuk vt ish ai ghlichi fehnashke.

6. Yohmi ka vulla chi kv anumpa hv si onvtula ho, a vulla chi kv atukonofvshke.

7. Itibi achukma ka itihimbit atahli lishke, nan isht ai ahanta la hi atuk vt atahli lishke, vbanumpa sai yimmi kv ai ghli hosh achunanchi lishke :

8. Yohmi hoka himak a pilla ma nan isht ai vlhpiesa ia-chukoli la he vmmi ituyula, yvma nan ai ghli apesa, Chitokaka yvt nitak yvmak fehna ka vma hi oke : yohmi kv vno ak bano ho vma he keyu, amba ilap vt vla ka i hullo moyuma aiena ka ima hi oke.

9. Chekosi chim vlhtaha pulla cha, ai ahanta li ka ish lashke.

10. Yohmi ka Temas vto himonasi yakni ilvppak inli kak o i hullo hatuk osh, svsvt ia tok : yohmi tuk osh Hlessalonika ya ia tok : Klesens vto Kaleshi yak o ia ma, Titvs vto Talmasia yak o ia tok.

11. Luk ak bano hosh si awant anta hoke ; Mak ano ilauelit ish lashke ; yvmak okvt vbanumpa isht ai vtta ya a si apela hinla hoka.

12. Yohmi ma Tikikvs ano Efesvs a ia chi ho tohno li tok.

13. Nowvt aya anchi chito ya Kapvs Tloas anta ka ibbak fohki li tok a ish mintikmvt, isht is svv vlashke ; yohmikmvt holisso moma, micha tvlhko holisso yokak heno isht ish la pullashke.

14. Aleksanta tvli lakna nan isht ai ikbi yvt nan ik achukmo ilaiyuka si onohonchi tok : ilap nana a kaniohmi tok ak o Chitokaka yokvt isht im atobbashke.

15. Yummak oka ahah ! ish im ahni mak inlashke ; yummak okvt pim anumpa moyuma ka i sanali fehna hatuk oka.

16. Ummona isht if anumpuli li kvano hatak achufa kia si awant hikia tok keyu ; amba hatak moma kvv ssvvt ia tok ; yumma yumohmi tok vt isht ik onvtuyulo hok bano ai ahnit, Chihowa ya im ilbusha lishke.

17. Yohmi kia Chitokaka yvt si awant hikia tok ; micha sa hlampkohonchi na vbanumpa isht anumpohonli li chatuk vt ai ghli fehvt vno ak o isht ai otvni ho, Chentail moyuma kvv haiyaklo tok : yohmi ma koi chito itakha ya sa kohchi tok.

18. Yohmi ka Chitokaka yvt nana a kaniohmi ik achukmo moyuma ka a sa hlakfihinehi cha, sai okchalinchit ilap vba apelihchika ya isht sai ona hi oke : yumma isht a holitopa yokvt immat biliashke. Amen.

19. Pliska, micha Akuila, micha Onesifolvs in chuka chvfa aiokpvchi.

20. Elastvs vto Kolinhla yak o anta tok ; amba Tlofimvs vto abeka hosh Miletvm ak o itonla ho issvt minti li tok.

21. Chim vltaha pulla cha, ik hvstulo kisha ho ish lashke. Eubulvs vt pit chi aiokpvchishke, micha Putens, Linvs, Klautia, micha itibapishi moyuma kvv pit chi aiokpvchi mak inlishke.

22. Chitokaka Chisvs Klaist vt chimi shilombish g ibafoyakashke. Isht i kana yvt chi anukfoyakashke. Amen.

HOLISSO PAL vT

TITUS A

I HOLISSOCHI TOK.

CHAPTA I.

Titus a pit aiokpuchi, mihmvt nana kaniohmi hq Kleti a anta he im ahni tuk vt anoli, 1; 6 vbanumpa isht vta yvt kaniohmit nan im ai vhltaiyaha he; 11 nan ik vllpeso anumpulit nan ithvnanchi itakha yvt issa he isht anumpuli.

1. PAL, Chihowa in tishu, micha Chisvs Klaist im apostel okvt, vbanumpa hq anohonli na okchayvt bilia he Chihowa hvt im ahni tok vhleha hvt yimmi cha, anumpa ai ghli ka achukmali fehvtv ithvvt, Chihowa hq isht a holitobla hi atok;

2. Yohmi cha ai okchayvt bilia pisa he ai ahna hi atok, yummak oka Chihowa holaba he keyu yvt, nana puta kv ik tobo pilla kash inli hq, im ihisa tok;

3. Yohmi tok osh ont ai vllpiesa ma nan im ihisa tok vt vbanumpa isht anumpohonli hq isht otvnhinchi; yvma vno ak osh isht anumpohonli la he vm vllpisa kv, Chihowa pi Okchalnchi nan apihisa tok mak o yvmohmishke.

4. Yohmi kv nan isht a pi yimmi pulla kak o svso, Titus a, pit chi aiokpuchi lishke: Nan isht i kana, i nukhaklo, micha isht it i nanaiya aiena kv Piki Chihowa, micha pi Okchalnchi Chitokaka Chisva Klaist ita tuklo ka a mihinti kv chi anukfoyukashke.

5. Kleti g ish anta he chim ai ahni li kvv ilvppak atok ; nana kvv ik vlhtaho puta tuk g achukmalit isht ish ahanta kvv, chim apesa li hatuk oka, vbanumpa isht vtta ya tvnaha puta ka ish ai atokohonlashke.

6. Kanima ka anumpa ik achukmo kvv onvtonla he keyu, ohoyo achvfa i hatak, im vlla mvv vbanumpa yimmi nan isht yopomo anumpa kia onvtonla he keyu, micha ilapunla keyu hok mak o ish atokolashke.

7. Yohmi ka bishop vt Chihowa nan im apesvchi yatuk osh, anumpa ik achukmo kia onvtula he keyu ho pullashke : ilap ai ahni keyu, nokowa shahli keyu, oka homi ishko shahli keyu, na-fahama keyu, ai vlhpiesa keyu isht a hofahya he nan isht ahayuchi bvna keyu ;

8. Amba hatak ik ithano i hullo, hatak achukma puta ka i hullo, kostini, ai vlhpiesa, Chihowa holitobli, ile oktampli ;

9. Mikmvv anumpa ai ghli im vlbahanchi kash o kvvllot halvlli hosh, nan isht vlbvchi ai ghli ka isht im abahanchit, vbanumpa i sanali vhleha ha nan i mihvt im alvmminchinchi mak inlashke.

10. Yohmi ka ilapunla, nan ik ahobo isht anumpuli, micha na haksichi yvt laua fehna hosh ai asha hoka, mikmvv hakshup tupa vhleha hokak heto laua hoke :

11. Yvmma itih hvv vlhkuma pullashke, yvmmak osh chuka chvfa moma ka ai ghli ka i filvmmihinchinchi kvv, ai vlhpesa keyu isht a hofahya he nan isht ahayuchi bvna kak osh, yohma hi atuk keyu kia nana ka abahanchishke.

12. Ilap ai achvfa, ilap i hopaii atuk ak inli hosh na miha kvv, Kletian vhleha hvv holabi kak bano chatuk, nampoa okpulo, intakobi, isikopa aiena hoke, achi tok.

13. Anumpa atokowa ilvppvt ai ghli hoke ; yohmi hoka vbanumpa yimmi kvv ai ghla chj mak o, hotopalit ish im alvmminchashke :

14. Yohmikmvv Chu im anumpa ik ahobo, micha anumpa ai ghli ka i filvmmi hatak nan apihisa aiena ka chik im antio kashke.

15. Yohmi ka kashofa hokvno nan okluha kvv i kashofa hoke ; amba ik kashofa, na yimma he keyu hokvno nana kia

ik i kashofo hoke ; amba nan ahni, micha isht il akostininchi aiena kv̄t litehvt kv̄nia hoke.

16. Yohmi kv̄t Chihowa h̄g ithana, miha kv̄t il otv̄ninchī ak inli kia, nana a kaniohmi puta kv̄t isht ik holitoblo, na yimma he keyu, mikm̄vt nan toksvli achukma puta ka ik ai ghlo hoka i yuwala he vlhpesa hoke.

CHAPTER II

Nana h̄g isht anumpulit abahancha hi a, mikm̄vt kaniohmit ai vlhpiesvt gya hi g Titvs g im apesa, 1 ; 9 yuka, micha hatak moma kv̄t nan akaniohma he vlhpesa ka anoli.

1. AMBA chishno yokv̄to nan oklgha kv̄t nan isht vlbvchi achukma ka isht ai ghli kak o isht ish anumpohonlashke ;

2. Yohmi kv̄t hatak asvnochi puta kv̄t ahah ! ahni, yopunla iksho hosh im anukfila weki achukma, kostini, vbanumpa yimmi, it i hullo, nuktanlv̄t achunanchi aiena kv̄t ai ghlashke :

3. Mikma ohoyo asvnochi puta kv̄t vbanumpuli yokv̄t ai yvmohmi vlhpiesa kak o yvmohmi mak inlashke ; inla aho-lvbechi keyu, oka homi yoka i yuhka keyu, nana hochukma ka abahanchashke :

4. Yohmi kv̄t Chihowa im anumpa hv̄t ik kullaksho ka ch̄i ka, ohoyo himita puta kv̄t ile oktamp̄li, i hatak i hullo, im vlla ȳg i hullo aiena ;

5. Mikm̄vt kostini, havi anukfila iksho, ilap in chuka antvt, nan isht ahanta, hochukma, ilap i hatak im antia achukma aiena ch̄i ka im abahanchashke.

6. Hatak himita puta m̄vt ile oktamp̄la ch̄i ka nan ish i mih̄ja mak inlashke.

7. Nan oklgha ish a kaniohmi kv̄t nan toksvli achukma puta isht ai ithvna yo ish il otv̄nihinchashke : nan ish abahanchi kv̄t ai ghli kak bano, yopunla keyu hosh anukfila weki achukma hosh ish im abahanchashke ;

8. Yohmi kv̄t anumpa achukma isht ai i sanala he iksho

h_o ish abahanchashke ; yohmi na kvna hosh ch_i sanali hatuk mvt, nan ik achukmo nana kia isht ch_i anumpula he iksho kv_t hofahyashke.

9. Yuka puta kv_t ilap i na-hullo yoka im antia, micha nan okluha ka isht ai yukpali, a sanalit ik anumpulo ka he ;

10. Micha ik hukopo, amba nan okluha ka ai ghli achukma he ; yvmohmi cha Chihowa pi Okchalinchi im anumpa ha nan okluha ka isht a holitobla ch_i ka ish i mihhashke.

11. Yohmi ka Chihowa isht i kana yak osh ai okchaya ishi kv_t hatak puta ka im otvni tok oka,

12. Yummak osh pim abahanchi kv_t, Chihowa isht ik holitoblo puta, yakni ilvppak inli anukfila okpulo ilaiyuka ka isht kil ahanto ka he, amba ile oktamp_li, hatak bika it im ai ghli achukma, micha Chihowa ya holitobli hosh himonasi yakni ilvppa il ahanta he ;

13. Mikmvt ai okchayvt isht il ai yukpa bilia, micha Chihowa Chitokaka, pi okchalinchi Chisvs Klaist vt isht a holitopa ieshi hosh haiaka hi g pit hohoyot il ahanta he ;

14. Yohmi kv_t yummak ash osh ai ashvchika puta ka a pi hlakofihinchi cha, pi kashofi na ilap immi okla holitopa fehna e toba cha, nan toksvli achukma puta ka a yiminta hosh isht il ahanta he mak o, pi vlhtoba hosh illi tok.

15. Ilvppa puta kak o ish anumpulashke, yohmi kv_t Klaist im anumpa ai ghli ka nan isht a mahvt ish im olahambashke. Yohmi na hatak nana kia ik chi shitilemo kashke.

CHAPTA III.

Nana h_o ithvnancha he, mikmvt nana h_o ik ithvnancho ka he aiena ka Titvs g im avvchi, 1 ; 12 im v_la hi g pit i miha.

1. MIKO, nan apesa, nan vlhtoka vhleha moyuma ka im antia achukma, nan toksvli achukma puta ka isht ahanta ch_i kv_t im vlhtaha he,

2. Hatak nana kia kvllakshichit isht ik anumpulo, it i nokowvt ik itachowo, amba anukfila yohbi, hatak moma ka i kana aiena he mak o, ithana ch_i ka ish im anohonlashke.

3. Yohmi ka pishno ak kia tikba hokvno nana kil ithano, Chihowa kil im antio, pi yoshubvt, anukfila okpulo ilaiyuka, micha haknip isht ai yukpa aiena ka i yuhukvt, hotopali bvnna, it i potvnno aiena isht il ahanta kv, nan isht ik pi ahobo fehna hosh it i nukkillit il ahanta tok.

4. Yohmi tok kia Chihowa pi okchalinchi yvt hatak isht i kana, micha isht i nukhaklo aiena kv otaiyani ha yano,

5. Nan ai vlhpiesa isht ahantvt il atahli tok ak o keyu, amba pi nukhaklo kak osh himona toba isht vlhchihifa kv, Shilombish Holitopa yak o himona isht a toba ho isht a pi okchalinchi tok oke ;

6. Yohmi kv yvmak ash o Chisvs Klaist pi okchalinchi yvt nan atahli tok ak pulla kak o, lauachi fehna hosh pi o fohobli tok :

7. Yohmi na isht i kana yo isht a pi vlhpiesa hosh, ai okchayvt bilia il isha he pim ai vlhpiesa hosh e toba hinla hoke.

8. Anumpa ilvppvt ai ghli yoke, yohmi kv nana yvmak ash puta ka kvllochi fehna hosh isht ish anumpohonla he chim ai ahni li ; yohmi na Chihowa i yimmi tok vlleha hvv ahah ! ahnit, nan toksvli achukma puta ka achunanchit isht ahantashke. Nana ilvppa puta kv achukma, micha hatak g isht im achukma hoke.

9. Nan isht a ponaklo isht ik ahobo, in tikba ai unchululit isht auehinchi isht annoa, nan isht itachowa, micha Chu i nan vlhpisa isht itachowa aiena ka chik ahalaio kashke ; yvmvt nan isht ik ahobo, micha nan isht ai achukma hi vt iksho hoka.

10. Hatak kvna hosh vbanumpuli iksa i sanalit it a kvshkoli bvnna hokma, vmona, micha atuklant ish im olabi ha yoka yvmihchi kv imoma hokma, chik aiokpanchro kashke.

11. Yvmma chiyuhmi hokvto ai ghli ka i filvmmit kvnia hosh, nan ashahanchi kv, ilap inli kv ik ai ghlo kv otvninchi hoka ish ithaiyanashke.

12. Tikikvs, Atemas, kanimampo ka pit chim pila li hokma, Nikopolis ak o anta li hoka ik kaniohmi kia ish la pulashke : hvshsula ya yvmak o anta la chi hoke.

13. Nan vlpisa imponna Senas, micha Apollos ita tuklo kv̄t im vltaha achukma cha, nana a b̄nna kv̄t ik im iksho ka ch̄i ka ish im atahli cha, auet ish pilashke.

14. Mikma pimmi yokvt nan isht ai vni ik im iksho hosh ik anto ka ch̄i kv̄t, nana ka ai yvmohma he ai vlpiesa nan toksuli achukma puta ka achunanchit isht ahanta ch̄i kv̄t, moyumvt ithvna mak inlashke,

15. Si apiha kv̄t moyumvt pit chi aiokpvchishke. Na yimmi pia h̄a p̄i hullo ka moyuma ish aiokpvchashke. Isht i kana yvt hvsh moyuma ka hvchi anukfoyukashke. Amen.

HOLISSO PAL VT

FILEMON A

I HOLISSOCHI TOK.

Filemon ɔ pit aiokpuchi, mikmvt na yimmi, micha nan isht i hullo aiena kvt anukfoyuka ka haklo mvt, na yukpa; yohmi hoesh in tishu Onesimvs ɔ nana ka i kaashofi cha, atuklanchit i hullot aiokpucha chi ka ahni fehnvt miha.

1. PAL, Chisvs Klaist ak atuk pulla mak o yuka, micha il itibapishi Timohli yvt pi holitopa, il itiba toksvli Filemon,

2. Mikmvt pi holitopa Affia, micha tvshka il itilauv Achippvs, micha chvch chin chuka gsha aiena ka pit hvchi aiokpuchishke :

3. Nan isht i kana, micha isht it i nanaiya ita tuklo Piki Chihowa, micha Chitokaka Chisvs Klaist aiena ka a mihinti kvt hvchi anukfoyukashke.

4. Anumpa ilbvsha anumpohonli likmvt, chithaiyana li kv,

5. Chitokaka Chisvs Klaist oka ish i yimmi, micha vbanumpuli vhleha hɔ ish i hullo aiena ka hahaklo li kak osh, Chihowa ya yak oke im ai ahni lishke.

6. Na yimmi chi anukfoyuka kv ai ghli fehnvt otahani na Chisvs Klaist isht a holitopa he mak o, nana achukma puta kv chi anukfoyuka ka ai ithaiyana hokbano, ai ahnit asilhha lishke.

7. Yohmi ka chishno ak atuk pulla mak o vbanumpuli vhleha chukvsh vt yuhkpa hoka, isht ish i hullo ka isht a pi nuktva, micha isht a pi yukpa chintoshke, itibapishili ma !

8. Yohmi ka Klaist immi sia hokvt nana ka nukwaya iksho kamohmi hosh a chim ai vlhpiesa ka chim apesa la he vlhpiesa kia,

9. Pal sipokni, micha Chisvs Klaist ak atuk pulla mak o yuka ma aiena mih sia hash osh, isht i hullo li pulla atuk mak osh chim asilhha li kak osh vm i shalishke.

10. Yuka hosh anta li mvt, tobachi li tok svso, Onesimvs ak atuk pulla mak o chim asilhha lishke.

11. Yvmmak okvt tikba hokvno nan isht chim ai achukma iksho ki tok kia, himonasi kvno chishno, micha vno il ita tuklo ka isht pim ai achukma fehnvshke.

12. Yvmmak oka falaminchit pila lishke; sa chukvsh chiyuhmi hoka i kanvt ish ishashke.

13. Yvmmak okvt si awant antvt, vbanumpa ak atuk pulla mak o yuka hosh anta li ka, chishno ak a he tuk mak o chi vlhtoba hosh nana kia isht vm ahanta he im ai ahni la he vlhpiesa kia;

14. Yohmi kia chishno chim anukfila keyu ka, nana kia yvmohmi la he ak ai ahno: yohmi na nana achukma ish yvmohmi kvt ik kaniohmi kia ish yvmohma hi atuk o keyu, amba chishno inli chim anukfila kak ashke.

15. Yohmi ka yvmmak okvt hvshi kanvlli achufa chohmi itin takla hq chi filvmmi na yvmmak ash ish ishi na bilia hi atuk yoba ka;

16. Yohmi ka yuka keyu, yuka kano i shahli, vno yvt itibapishi li a holitopa hq fehna, amba chishno yokak heno a chimmi, micha Chitokaka ibai achufa hokvt chi holitopa kvt i shahli fehna hiala keyu?

17. Yohmi ka chibai achufa li ka is si ahni hokmvt, vno ak a he tuk ma chiyuhmiehit i kanvt ish ishashke.

18. Nana kia chim okpvi tok, micha aheka kia chin takanli hokma, vno ak o aheka is svm ikbashke.

19. Pal sia hvv vno subbak ak inli hq isht holissochi li kvv, atobbi la he mak oke; yohmi kia is svm aheka kvv chishno yak fehna kak kia is san takanli ak inli ak chim achoshke.

20. Ahlishke, itibapishi li ma! Chitokaka ish ibai achufa

hoka nana isht chi a sai yukpashke; Chitokaka ish ibai achvfa hokvt is sa nuktalalashke.

21. Is svm antia hinla ka chī yimmi li, micha nana achi li ka i shahli ak inli ish yvmihcha chī ka ithana li aiena hatuk osh, chī holissochi li tuk oke.

22. Yohmi kia ai-vtta la chikma, aieninchit is svm atah-lashke: yohmi kv̄t anumpa ilbvsha ish anumpohonli hatuk mak o chim ona la he ai ahni lishke.

23. Chisvs Klaist ak atuk mak o yuka sa bika Epafas vt pit chi aiokpvchishke.

24. Makvs, Alistachvs, Temas, Lukas it ibai toksvli li vhleha aiena kv̄t pit chi aiokpvchishke.

25. Pin Chitokaka Chisvs Klaist isht i kana yvt chi Shilombish a ibafoyukashke. Amen.

HOLISSO PAL VT

HEBLU OKLA HA

I HOLISSOCHI TOK.

CHAPTA I.

Klaist vt Iki Chihowa ya itilau i kv̄t annoa, 1: 4 enchil puta i shahli fehna; 14 enchil v̄hleha hv̄t nan isht ai vt̄ta ka anoli.

1. **CHIHOWA** hv̄t nitak ch̄gshpo ilaiyuka, micha a kaniohmi mv̄t ilaiyuka hosh pin tikba v̄hleha hopaii v̄hleha ak o isht ai im anumpohonli kv̄t,

2. Pol̄ga ilv̄ppt̄ ai ishtaiyopi mak o ilap Ushi yo isht a pim anumpohonli kv̄t, yv̄mmak osh nana moma ka iesha he im ai v̄lhpiessa mak o atokoli tok; micha v̄ba yakni, micha yakni ilv̄ppa a moyuma ka yv̄mmak ash o isht ai ikbi ak inli tok:

3. Yv̄mmak ash osh Chihowa isht a holitopa shohmalali, micha Chihowa mih fehna yatuk, micha nan okluha ka im anumpa kv̄llo ai ghli kak o isht ieshi hosh ai ashv̄chika isht a pi kashofa hi a ataiyahli tok osh, Nan okluha imaiya v̄ba chaha moma i shahli ka a binili im isht impak imma ak o binili tok.

4. Nan iesha he im ai v̄lhpiessa hatuk vt̄ ieshi hatuk osh, ilap hohchifo isht a holitopa kak osh enchil v̄hleha h̄g i shahli fehna hatuk osh kaniohmit holitopa kv̄t yv̄mma i shahli fehna hoke.

5. Nitak nanta kash o enchil v̄hleha h̄g achv̄fona kia, Chishno yv̄t sv̄so chia mak o himak nitak a chi tobachi

lishke; micha anonti ilap vt, Uno yak o Svso hachi, mik-
mvt, vno yvt Iki sia hachi hoke, im achi tok o?

6. Micha anonti, Tobahpi yash o yakni paknaka ya isht
vla mvt, Chihowa im enchil vhleha hvt moyumvt aiokpa-
hanchashke, ahanchishke.

7. Mikmvt enchil vhleha hano isht anumpuli kvv ilvppak
o achishke, Yvmmvt im echil vhleha hokvno mahli chiyuh-
michit, mikmvt in tishu hano luak libbi chiyumichi hoke.

8. Amba Ushi yokvno ilvppak o im achishke, Chihowa
ma! ish ai o binili holitompa kvv hikia bilivt peh bilivshke:
nan ai vlpiesa tvbi yak osh ish apelihchika yoka in tvbi
yoke:

9. Chishno yokvt nan ai vlpiesa kak o ish i hullo cha,
nan ik vlpeso yokvno ish i nukkillishke; yohmi ka Chi-
howa, chin Chihowa yak osh nan isht ai yukpa bilia ya
laua i shahli ho isht chi ahvmmi kvv, ish ai itilaui tuk a i
shahli chikbi tok.

10. Micha Chitokaka chishno yak osh vmmona kash inli
ho yakni ilvppa intolahpi ka ish boyuhli tok; mihmvt nana
moma vba shutik ai asha ka, chibbak ak osh ihikbi tok.

11. Yvmmak okvto ont ai okpulo kvv taha kia, Chishno
yokvto ish ahanta he; mikma yvmmak okvto moyumvt
sipokni kvv na fohka yo chiyuhma hi oke:

12. Mikma anchi yak inli ho chohmichit ish pohla he;
mikma yvmmak ash ot inlvv toba he: yohmi kia Chishno
yokvto mih yash inli chia, micha chiv afvmmi hokvt ont
ataha he iiksho hoke.

13. Yohmi kia nitak nanta kash o enchil vhleha achvfona
kia, Svbbak isht impak-imma ak o ish a binili na chin tvvvp
vhleha hoka chiyi ai o hikia yo ikbi li hayashke, im achi
tok o?

14. Yvmmak ash ot moyuma kvv nan isht ahanta shi-
lombish osh ai okchaya pisa he im ai vlpiesa vhleha yvmm-
mak o nan isht im ahanta chiv vltoka yo keyv?

CHAPTER II.

Klaist g il im antia he tuk, 1; 9 pi okchalincha chi kvt hatak o toba tok oka; 14 yohmi kvt nana kvt a yakohma he vlhpesa tok mak osh hatak o toba tok.

1. YOHMI hoka nana e haiyaklo tuk puta kvt ahah! ahni fehna hosh il anukfihinla hetuk, e yvmohmi keyukmvt, nitak kanima ka pi kvnia hinla hoke.

2. Yohmi ka enchil vhleha hvt anumpa anumpohonli tok g ai ghlit kullo hatok okma, micha kvna hosh anumpa yvm-mak ash o kobahafi, micha ik im antio puta ka isht vlhtoba kvt isht ai vlhtoba he vlhpiesa ho ihishi tok okma:

3. Ai-okchaya chinto yakohmi ka kil anukfihinlokmt, katohmit pi hlakofa hinla cho? yvmma vmmona ka Chitokaka yak osh isht anumpohonli tok o, anonti yvmma i haponaklo tok puta kvt ai ghlichi mak osh pim anohonli tok:

4. Chihowa hak kia atokowa ibai anohonli kvt, nan isht atokowa, nan isht anukhlakvshli, micha nan isht ai ghli ilai-yuka, micha Shilombish Holitopa na hopela aiena ka ilap im anukfihinla hosh isht ai ghlichi tok:

5. Yohmi ka yakni talais he isht il anumpuli ka, enchil vhleha hokvno i nutaka apihisa tok keyu hoke.

6. Amba achvfa kvt kanima ka atokoli hosh ai anumpuli kvt, Hatak vt nanta ho yvmmak oka chishno yokvt isht chim anukfihinla ho? micha hatak ushi yoka, chishno yokvt ish i nohwa ho? ahanchi tok.

7. Yvmmak oka enchil vhleha hokvno lumvt ik lauwo ho ish ikbi tok osh, isht a holitopa chinto ka isht ish iachukolechi, micha nan okluha chibbak vt ihikbi tok g i shahli ho ish ikbi tok:

8. Chishno yokvt nan okluha kvt iyi nuta aiasha cha, im antia hi g ish apesa tok. Yakohmichit moyuma ka im i nutakvchi ha yokvt, nana kia ik im i nutakacho ka achvfa kia iksho ki tok. Yohmi kia nan okluha kvt ik im i nutako kisha ho himonasi ka e pihjvshke:

9. Yohmi kia Chisus, yvmmak okvt enchil vhleha hā lumvt ik lauwo hosh toba tok kia, nan-illi isht ilbvsha ka pihisa kak osh isht a holitopa chinto ka isht iachuka ka e pihisvshke; yohmi na Chihowa isht i kana pulla hatuk mak o yvmmak ash ot hatak moyuma ka vlhtoba hosh illa hi atok.

10. Yvmmak pulla hosh nan okluha ka ihikbi tok, mih fehna kash inli atuk pulla mak o nan okluha kvv toba tok, yvmmvt yvmihcha he im ai vhpiesa hosh ushi vhleha laua ka isht a holitopa ka pehlichit isht ohona kvv, yvmmak ash isht ai okchaya i kvpitvni hvv nan isht ilbvsha puta ka pihisa hosh isht ai ghla hi a im apihisa tok oka.

11. Yohmi ka na-kashofi, micha nan ai ashvchika i kashofa aiena kvv it ibai achvfa hoke; yakohmi hoka ik hofahyo hosh itibapishi vhleha hochihifo kvv,

12. Itibapishi li vhleha hā chi hohchifo hā otvminchit im anohonli la chi; itibapishi li vhleha hā ai iklvna hikivt talahovvt chi aiokpahanchi la chi hoke, ahanchishke.

13. Mikmvv anonti, Yvmmak o anukchieto la chi hoke, achishke. Anonti, Ūno, micha vlla vhleha hā Chihowa hvv ahama tok oka pisá, achishke.

14. Yohmi hoka vlla vhleha hash osh haknvp, issish aiena ka ibai ishi hatuk o, ilap ak kia anonti yvmmak ash ibai ishi tok ak inli hoke: yohmi na vlhtobvt illi pulla hosh nan-illi ishi, yvmmvt nan isht ahullo okpulo ak atuk a imaiyachi cha;

15. Yvmmvt nan-illi i nukshopa kak osh, okchaya takla kvv yuka tobt kvnia chatuk a mominchit hlakoficha hi atok.

16. Yohmi ka ghlishke, yvmmvt enchil vhleha hā halanli tok keyu; amba Eblaham isht ai unchululi hak o halanli tok.

17. Yvmohmi ka nan okluha ka ai yvmohma he ai vhpiesa hosh itibapishi vhleha ak inli hō chiyuhmit toba hi atok; yvmohmi hosh i kana fehvvt na-holitompa isht vtta chinto ai ghli fehna hosh Chihowa nan isht im ahanta kvv, okla puta nan ai ashahanchi tok isht vlhtohomba he ikhi mak osh isht ahanta hi atok.

18. Yohmi ka ilap ak kia imomaka pisa kv̄t, na-palv̄mami pih̄isa hatuk okv̄t, kv̄na hosh imomaka pisa hokv̄no apelv̄cha hi vt ithana hoke.

CHAPTA III.

Klaist vt holitopa kv̄t Moses ā i shahli, 1 : 7 yohmi hoka kil i yim-mokm̄vt, Isael ch̄kv̄sh kv̄llo vt na palv̄mami isht onvtula he im v̄lh̄pisa tok ā i shahlit pi onvtula he bano hoke.

1. YUMOHMI hoka itibapishi holitopa v̄hleha v̄ba nan isht ilaiyukpa et annoh̄owa ka ibai ishi hv̄chia ma ! Apostel, micha Na-holitompa isht v̄tta chinto, Chisvs Klaist ā il ithai-yana, il il apih̄isa tok ā hv̄sh anukfihinlashke.

2. Moses vt ilap in chuka ai achv̄fa moyuma ka im ai āhli bano tok ā, chiyuhmit yvm̄mak ash osh ilap ā atokoli tok ā im ai āhli bano tok.

3. Yohmi ka hatak ilv̄p̄vt isht a holitopa i shahli h̄o isht a holitopa kv̄t Moses ā i shahli kv̄t, chuka yoka kv̄na hosh ikbi tok ak osh holitopa kv̄t, chuka yash i shahli chatuk ā chiyuhmi hoke.

4. Yohmi ka chuka toba moyuma ka ikbi vt āsha bano chatuk ; amba nana moma ih̄ikbi tok vt Chihowa ak oke.

5. Yohmi ka tishu h̄o chiyuhmit Moses vt ilap in chuka ai achv̄fa moyuma ka im ai āhli bano kv̄t, nana isht anu-humpa he mak ō atokolit anohonli tok :

6. Amba Klaist v̄to Ushi yosh in chuka achv̄fa pehliechi h̄o chiyuhmit ai āhli tok ; yohmi ka ai okchaya yā na-yuk-p̄vt e hoh̄oyo hosh Chisvs Klaist il anukchieto kv̄t, achu-nanchi ai āhli hosh ai v̄hli ka il ona hokm̄vt, yvm̄mak ash in chuka pia hoke.

7. Yvm̄ohmi hoka Shilombish Holitopa yvt ahanchi kv̄t, Himak nitak oka im anumpa hoka hv̄sh haiyaklo hokm̄vt,

8. Hv̄chi ch̄kv̄sh oka hv̄ch ik kv̄llocho kashke : yohmi kv̄t isht a nokow̄chi, yvm̄ohmit nana ka imomaka pisachi hosh yakni haiaka itv̄nowa tok ā hv̄ch ik chiyuhmicho kashke.

9. Nitak yvm̄mak ash hv̄ch īki vt ik sai yimmo kv̄t imo-

maka sa pisvchi tok; micha nana a kaniohmi li puta ka pibisa na afvmmi pokoli ushta tok.

10. Yvmohmi hoka okla yvmmak ash isht vm ahchibvt kvnia tok: mihmvt, Yvmmvt chukvsh anukaka ya isht ashvchi bilia, micha vm anumpa vlpisa puta ka ik ithanoshke, achi li tok.

11. Yohmi kvv sa nukhobela hosh anumpa kvllo il onochit anumpohonli li hoka, Um afoha yoka chukowa himma keyu mak oke.

12. Itibapishi li vhleha hvv ahah! hvsh ai ahnashke, chukvsh okpulo, nan ik yimmo Chihowa okchaya ya isht hvsh ai i filvmma hinla kvv, hvsh kanima ka ik hvchi anukfoyuko kashke.

13. Amba himak nitak achi itin takla kak o nitak puta ka nan it i mihvt hvsh iti hlampkohonchi pulla ho, hvsh kanima kia nan ai ashvchi isht a haksit ik hvchi kvllo kashke.

14. Yohmi ka na pi yimmi vmona tok vt ai ghli biekvv mahayvt ont ai vhli ka il ona hokmvt, Chisvs oka ibai achvfa vhleha e toba hoke.

15. Himak nitak achi itin takla kak o, Himak nitak oka im anumpa hoka hvsh haiyaklo hokmvt, isht a nokovvchi yvmohmi tok g, chiyuhmit hvchi chukvsh oka hvch ik kvllocho kashke.

16. Yohmi ka kaniohmi kvv haklo hayvt nokovvchi tok: yohmi kia Moses vt pehlichit Echip g kohchi tok g moma hosh yohmi tok keyu hoke.

17. Amba afvmmi pokoli ushta ka kvva hak o isht im ahchibvt kvnia tok o? nan ashvchi tuk osh huknip illi vt yakni haiaka ya ai itohonla ak atok keyu cho?

18. Yohmi ka kvva hak osh im afoha yoka chukowa himma keyu ho anumpa kvllo il onochit anumpohonli tok o? amba ik i yimmo ke tuk vhleha ak atok keyu cho?

19. Yohmi ka ik i yimmo pulla kak osh chukowa he keyu ki tok g eho pisvshke.

CHAPTER IV.

Ubanumpuli a-foha he vltaha tok a na yimmi pulla hokmak osh isha he, 1: 12 Chihowa im anumpa hvv aighli fehna; 14 Na hohlitompa chinto isht pim vttta yvt Klaist Chisvs Chihowa Ushi, 16 nan isht ai i kana ai o binili hohlitompa nukwaya keyu hosh il ohqnashke.

1. YUMOHMI hoka im afoha e chukowa he pim isea tok a takali moma hoka, hvsh kanima kvv hvch ik ono ahoba hinla ka, abah! il ai ahnashke.

2. Isht ai yukpa anumpa yash ot pishno ak kia pim annohwa kvv, yvmmvt im annohwa tok ash o chiyuhmi tok: yohmi kia anumpa im annohwa kvv nan isht im achukma tok keyu kvv, anumpa hahaklo yvmmak okvt na yimmi ya ibafoki keyu ak atok.

3. Yohmi ka, Si anukhobela hosh anumpa kvvlo il onochit anumpohonli li hoka, yvmmak okvt vm afoha yoka chukowa he keyu, ilap vt achi tok: yohmi ak inli kia pishno il i yimmi hatuk okvto yakni toba vmmona pilla kash nan toksvli puta kash ot ont vltaiyaha tok im afoha yoka e chukowa hoke.

4. Ilap vt yakohmichit nitak isht untuklo ka ai atokowa kanima ka isht anumpuli tok: yohmi kvv Chihowa hokvt ilap a toksvli puta hoka ataiyahli kak osh nitak isht untuklo hokvno foha tok.

5. Mihmvt ilvppak o, Um afoha yoka chukowa he keyu, anonti achi tok.

6. Yakohmi hoka afoha yoka kaniohmi kvv chukowa chi pulla ka takanli moma hoka, yohmi ka isht ai yukpa anumpa im annohwa vmmona tok vhleha hokvto afoha yoka ik chukowo kvv na-yimma he keyu kak atok.

7. Anonti Lewi ak o isht ai anumpulit nitak kaniohmi ho atokolit, Himak nitak a ahanchi, nitak yvmmak atok a hopakit taiyaha, achi hoka, Himak nitak a vm anumpa hvsh haiyaklo hokmvt, hvchi chukvsh oka hvch ik kvvlocho kashke.

8. Yohmi ka Choshua vt yvmmak ash afoha ya ima ha-

tok okma, i himmak okvno nitak inla ho isht anumpula hi atok keyu hoke.

9. Yumohmi hoka Chihowa im okla vhleha hokvto afoha yvt in takanli hoke.

10. Yohmi ka kvna hosh Chihowa im afoha yoka ont chukowa hokvto, ilap inli toksvli kash issa kvt, Chihowa hvv ilap toksvli tuk vt issa ak inli tok ash inli ho chiyuhmi hoke.

11. Yohmi hoka afoha yvmma e chukowa chi kvv il achunanchi fehnashke; ik yimmo hosh itohonla tok ash o chiyubmit hatak kvna kia ik itulo kashke.

12. Yohmi ka Chihowa im anumpa hvv okchaya, micha isht ai ahli fehna, micha halupa kvv bvshpo falaia itahlakla halupa yak kia i shahli hosh hlopullichit bvshli kvv, ilhfiopak, micha shilombish ita tuklo ka it i filvmmichi, anonti itachakli, micha lupi ita tuklo ka it i filvmmichi, micha chukvsh anukaka nan isht ahni, micha nan isht anukfilli puta ka akostininchit nan im apesa yoke.

13. Nana toba moma kvv achvfa kia itikba ya ik im ai otano kvv iiksho; amba nana ka il it i kaniohma chi yvmma i holhponayo hokvno nan okluha kvv ik ompoholmo i bieka hoke.

14. Na-holitompa isht vtta chinto pim anta, Chihowa Ushi, Chisvs okvt vba yakni oka ona tok oka, nana ka il il apihisa tok vt il ai aghlashke.

15. Yohmi ka na holitompa isht vtta chinto nan isht a pilbvsha ka ik piba nukhaklo ka hi osh pim anta keyu; amba nana a kaniohmi puta ka imomaka pisa kvv, pishno ak inli ho chiyuhmi kia ai ashvchi yak osh ik im iksho ki tok.

16. Nan isht i nukhaklo il ishi cha, ont ai vhpiesa pi apela chi ka isht i kana il ahayucha chi kvv, isht ai i kana ai o binili holitompa nukwaya keyu hosh il onashke.

CHAPTA V.

Chihowa yvt Klaist a holitobli; mikmet na holitompa isht vtta i shahli yq atokoli, 1; 14 Heblu okla hvv nan ai ahli ilvppa ithvna he tuk vt a haksichi ka Pal vt nan i miha.

1. **YOHMI** ka na holitompa isht vtta chinto puta hatak g a kohchit ihishi ka, hatak ak atuk pulla mak o nana Chihowa immi ha isht ahanta chi kv, vlhtoka tuk osh nan ai ashvchi isht vlhtoba he puta, micha na hvlbina aiena ka isht im ona hi atok :

2. Ilap ak kia nan isht ai ibetvbla hi vt isht apakfoyupa ak inli hokvt, nan ik ithano, micha yoshuba vhleha aiena ka yvmmvt i nukhakla he bano hoke.

3. Mikmvt nana kv ai yakohmi hokvt, ilap nan ai ashvchi isht vlhtoba he yak kia, aieninchit okla nan ai ashvchi isht vlhtoba hi g isht im ona hi atok oke.

4. Hatak nana kia ilap ak inli kv nan isht a holitopa ilvppa isha he keyu, amba Alon atok g chohmichit Chihowa ak osh atokoli hok mak oke :

5. Yohmi ka Klaist ak kia ilap ak inli hosh na holitompa isht vtta chinto toba chi kv isht ile holitoblichit tok keyu : amba, Chishno vt Svso chia ho himak nitak oka chi tobachit lishke ; im achi kak atok oke.

6. Anonti, Chishno yokvt Melkisetek atok g chiyuhmit na holitompa isht vtta hosh ish ahanta na bilia hi oke, inla kanima ka ai achi ak inli tok.

7. Yvmmak ash ot hatak haknip ieszit yakni paknaka ilvppa ahanta mvt, nishkin okchi mihintit, chitoli fehna hosh pahayvt, nan-illi im a hlakoficha hinla ka im ilbvsha fehvvt anumpohonli tok : yohmi ka Chihowa ha holitobli hatuk mak o, Chihowa hv i haponaklo tok :

8. Yvmmak ash ot Ushi atuk ak inli kia, na palvmmi pi-hisa kak osh im antia kia isht ithvna tok :

9. Mihmvt nana kv ai ghlit im vlhtaiyaha kak osh, im antia puta hokvno ai okchayvt bilia ya im atahli yoke :

10. Yohmi kv Melkisetek atok g chiyuhmit na holitompa isht vtta chinto hosh Chihowa hak o im ai vlhtoka tok.

11. Melkisetek ash isht il anumpula chi kv pin laua : yohmi kia nana ka akostinichi hvchi svlaha hoka, tosholi ka kvillo hoke.

12. Yohmi ka yvmmak atok g hopakit taiyaha hoka nan im avvchi yosh hvsh ahanta he vlhpiesa kia, kanima kv

Chihowa im anumpa ai isht ia vmmona ka anonti hvchim avvcha hi a vlpesa pulla hoke : yohmi kvt ilhpak kvllo vpa chatuk okvno hvch ik chohmo, amba pishukchi ishko chatuk ak o chiyuhmi ho hvsh tovvshke.

13. Yohmi ka pishukchi ishko puta hokvto nan isht ai vlpiesa anumpa hoka akostinincha hi a ik ona, vllosi yokvt.

14. Amba ilhpak kvllo vt asvnochi vhleha hak o im ai vlpiesa hoke ; yvmmak ash ot nana ka ai yvmohomi kak osh im anukfila isht toksahanli hosh nan achukma, ik achukmo ita tuklo ka isht akostininchi hoke.

CHAPTA VI.

Nan ai yimmika ya ai i filvmmmit aka ik kaho ka chi, 1 : 11 amba kvllot hiela chi : 12 nana ka achunanchit nuktaiyalvt Chihowa ya auokpvcha chi ka i miha : 13 Chihowa im anumpa hvv ahli hoka.

1. **YUMOHMI** hoka Klaist ai isht vlvvchi vmmona hokvno e boyuhli cha, ai ahli fehnvt itikba il ia hosh nan toksvli isht ai illi ai i filvmmmit ile kostininchi, micha Chihowa isht i yimmi ;

2. Baptismo nan isht vlvvchi, micha ibbak onohonchi, mi-cha illi tok vt falamvt tani, micha hatak puta nan im vlvpisvt bilia he aiena ka intolahpi ka atuklanchit keho bohlo kashke.

3. Micha Chihowa ak osh vlpesa ahni hokma, ilvppa e yvmohma he mak oke.

4. Yohmi ka kvna hosh himonna ha im vlvvchit, na-hvl-bina vba yakni minti ka akostininchi, micha Shilombish Holitopa ya ibai ishi tok okvto,

5. Mikvvt Chihowa im anumpa achukma, micha vbanumpa nitak nan isht ai ghla he aiena ka anukfoyuka ha yak okvto,

6. Yvmmak ash osh vbanumpa ha i filvmmi hokvt kaniohmit atuklant himonvt toba cha, ai isht ile kostinincha hinla kvv iksho kamohmi hoke ; yohmi kvv ilap ash inli hosh Chihowa Ushi ya himonvchit ititaiyukhvna ya ai vbi kvv, otv-ninchit hofahli hokvt.

7. Yohmi ka yakni ak osh uhumba aiyuka ka ai ihishko

hosh yakni a toksvli yummak atuk vt ai isha he vhpiesa hō offohonchi cha, nan isht ai yukpa Chihowa a mihinti ka ishi hoke :

8. Amba bafvlli halupa ilaiyuka offohonchi hokvno nan ik ahobo hatuk o, isht ai okpuloka he anumpa hvt onvtuyula hosi; yummvt ont im ishtaiyopi hokvto lua he mak oke.

9. Yakohmichit il anumpuli loh kia, amba holitopa vhleha ma! hvchishmo yokvno nana achukma i shahli, micha ai okchaya nana kvv ai ahalaia kak o a hvchi yvmohmi ka, pi yimmishke.

10. Yohmi ka Chihowa hvt ik ai vhpeso hokmá, nanta tuk osh nan toksvli holitoblit ilap hohchifo imma ka nan isht hvsh im ahanta tuk g imi haksa he keyu, vbanumpuli vhleha hā nan isht hvsh im ahanta tuk osh, isht hush ahanta kvv imoma hoka.

11. Mikmvt ai okchaya ishi la he ai ahnit, ai ghli hvchi yimmi hosh ont ai vhli ka hvsh ona chi kvv, nana hvsh a kaniohmi kash ot moyuma kvv hvsh achunancha he e hvchim ai ahnishke.

12. Yohmi hosh ik hvch intakobo kashke; amba kaniohmi kvv na yimmi kak osh nana ka nuktaiyavt hohoyo hosh, nana im ihisa tok ash ont ieshi vhpesa tok ak o hvsh hobachashke.

13. Yohmi ka Chihowa hvt Eblaham g nana ka im ihisa hokvt ilap inli hō ai isht anumpa kvv il onochi kvv, i shahli kanima ai isht anumpa kvv il onocha he keyu kak atok,

14. Ahlishke yukpahanlit chi yukpali la he, mikmvt laahanchit chi lauachi la hi oke, ahanchi tok.

15. Yakohmit nana ka nuktaiyavt hohoyo hatuk osh, nana ka im ihisa tok ash ishi tok.

16. Yohmi ka hatak okvto i shahli hō ai isht anumpa kvv il onohonchi chatuk vt ai ghli; micha nan isht ai ghlich i anumpa kvv il onochi kak osh itachowa puta hokvno ont im ai vhlich i chatuk bano hoke.

17. Yvmohmi ka Chihowa hokvt nana ka im ihisa tok g ont isha he im ai vhpiesa vhleha hoka ilap nana im anukfinla tok vt kaniohmit ai inla himma keyu ka, achukmalit i

shahlichit im otvoinchi bonna hosh, anumpa kvllo yo il onochit isht ai ghlichit tok :

18. Yohmi ka nana kaniohmit ai inli himma keyu tuklo yvmmak oka Chihowa hokvt isht a holaba himma keyu hoka, vba isht il aiyukpa pim ihisa tok ash il isha chi hosh a hlakofi yo il o chahafa kv, nan isht a nuktaiyala chinto il iesha he ak atok.

19. Nana pim ihisa tok ash il isha he il ai abni kak osh, isht a kvllo ai ghli kanvlla he keyu yo shilombish vt im itilau, micha yvmmak osh, aholitopa fehna isht ompoholmo anukaka yoka ehukowa mak oke.

20. Yvmmak oka pin tikba-heka, Chisvs vt chukowvt, Melkisetek atok a chiyuhmit na holitopa isht vtta chinto bilia toba tok oke.

CHAPTER VII

Melkisetek atok a chohmit Klaist Chisvs vt nan isht vtta holitopa, 1, 11 Alon na holitopa isht vtta yatok a i shahli fehna.

1. YOHMI ka Melkisetek ilvppvt Salem i miko, Chihowa holitopa fehna i na holitopa isht vtta yosh, Eblaham vt miko vhleha ont vbit falamvt gya ma yvmmak ash ot ont afama mvt, yukpali tok.

2. Yvmmak ash o Eblaham vt moyuma ka a kashapa ont isht pokoli ka ima mak inli tok : vmona hoka toshowakmvt, Nan ai vhpiesa i miko, mikmvt anonti yvmma achakaya kv Salem i miko, yvmmvt nanaiya i miko achi hoke,

3. Iki iksho, ishki iksho, isht ai unchululi iksho, nitak ai isht ia vmona tok vt iksho, micha im ilhfiopak vt ont ai vhlitok vt iksho, amba Chihowa Ushi yak o chiyuhmi hosh na holitopa isht vtta yosh ahantvt bilia hoke.

4. Yohmi ka hatak ilvppvt a chinto kaniohmi ho, iki chinto Eblaham ash ot nana ka in tvnvp a im ai ishi tok ash achukma i shahli kak o a kashapa ont isht pokoli ka ima tok a, hvsh anukfillashke.

5. Yohmi ka Lefai ushi vhleha atuk vt na-holitopa isht

vtta vlhtoka kv̄t, okla yvmmvt itibapishi; micha Eblaham ak o isht atiaka yak inli kia, vba nan-vlhpisa in tonla hatuk osh, a kashapa ont isht pokoli ka im ai ishi beka mvhlisheke:

6. Amba yvmmak ash o ilap okvto ai isht unchululi hō keyu kia, a kashapa ont isht pokoli ka Eblaham a im ai ishi mv̄t, nana im ihisa tok ash o yukpali tok.

7. Mikmv̄t i shahli hak osh ik lauwo ka yukpali hoka ik ai ahlo, acha hi yvt ikshoshke.

8. Mikmv̄t ilvppak okvno hatak vt illa he kia a kashapa ont isht pokoli ka ishi; amba yvmmak okvno yvmmvt ishi kv̄t okchayvt ahanta ka, nana kv̄t isht ai atokowa hoke.

9. Yohmi ka Lefai yokvt a kashapa ont isht pokoli ka ihishi kia, Eblaham ak o isht ai unchululi hokvt, a kashapa ont isht pokoli ka Eblaham a ibai atobbi ak inli tok, yvmma chiyuhmi achi la hinla ak inli hoke.

10. Yohmi ka Melkisetek vt yvmmak ash o afama ma, yvmmvt iki ikfiksa anukaka yak o foka moma hatok.

11. Yohmi ka Lefai na-holitompa isht ai vtta yokvt ai ahli bieka hatok okma, yvmmak o okla hv̄t i nuta ai asha hosh vba nan vlhpisa puta ka ihishi hatok oka, Melkisetek atok a chiyuhmit na holitompa isht vtta inla hokvt pa katihmi hō vlhtoka he vlhpesa moma hō? micha Alon na holitompa isht ai vtta yatok a chiyuhma he keyu hō?

12. Yohmi ka na holitompa isht ai vtta inla hosh vlhtoka hatuk o, anonti nan vlhpisa yash ot inlv̄t toba he vlhpiesa hoke.

13. Yohmi ka yvmma nana puta ilvppvt isht anuhumpa hokvto, oklushi inla hō ibai achvfa hatok; yvmmak okvto hatak achvfa kia alta ya nan isht ai vtta beka tok keyu hoke.

14. Yohmi ka Chuta yak o pin Chitokaka yvt a tobtv̄t kohcha tok vt ai atokowa; oklushi yvmmak oka na holitompa isht ai vtta imma nana kia Moses vt isht anumpuli tok keyu hoke.

15. Mikmv̄t nana ai atokowa hokvt i shaiyahli fehna imoma ka, Melkisetek atok a hoyulba hosh na holitompa isht vtta inla kv̄t hikia hoke,

16. Yvmmak okvto hakn̄ip nan im vlhpisa imma hō isht

vlhtoka tok keyu, amba okchayvt bilia im ai vlhpiesa hatuk osh vlhtoka tok oke.

17. Yohmi ka yummvt atokolit anoli hosh, Chishno yokvt na-holitompa isht vtta Melkisetek atok a chiyuhmit bilia chia hoke, ahanchi tok.

18. Yohmi ka nan vlhpisa yummak ash osh nana ka isht ai achukma, ai ghli ka ik ono hatuk osh akshu tok vt ai ghlishke.

19. Nan-vlhpisa yummak ash okvto nana kia ai ghlich i tok keyu hoke : yummak atuk mak o nana achukma i shahli h o pim ataiyahli hosh vla hatok pulla kak o, Chihowa i bil i- kasi ka il ona hoke.

20. Mihma yummak ash ot anumpa kvllo il onoyuchi keyu iksho h o yummak ash ot na holitompa isht vtta toba tok oka :

21. Yohmi ka anumpa kvllo il onochi kia iksho h o yummvt na holitompa isht vtta vhleha tohomba tok oka : amba ilvppak okvno anumpa kvllo il onochi hosh nana im ahanchi kv t, Chitokaka yak osh anumpa kvllo il onochi kv t, inlv t im anukfila he keyu mak osh, Chishno yokvt na holitompa isht vtta Melkisetek atok a chiyuhmit bilia chia hoke, ahanchi tok :

22. Yakohmi hosh Chisvs okvt nan it im vlhpisa achukma i shahli yoka ai ghlich i toba tok oke.

23. Yohmi ka yummak ash okvto na holitompa isht vtta yvt lava mvhli tok : yohmi kv t yummak okvto nan illi ak atuk pulla mak o ahantvt bilia beka tok keyu hoke.

24. Amba hatak ilvppak okvto okchayvt bilia hatuk osh na holitompa isht ai vtta inla himma keyu h o ieszhi hoke.

25. Yvmohmi hokvt anonti ilap ak o anukchieto hosh Chihowa hoka im ohona hokvno mominchit okchalinya he bano hosh, yummak oka apelvchit isht anumpohonli hosh ahantvt bilia hoka.

26. Yohmi ka na holitompa isht vtta chinto, yummak okvt ai ashvchika ik im iksho, nan ik okpano, na liteha iksho, nan ashvchi vhleha h a ai i filvmmi, micha chaha kv t vba yakni yak kia i shahli, yummak chiyuhmi hosh pim ahanta he ai vlhpiesa hatok :

27. Yohmi ka na holitompa isht vtta pehlichu chinto vhlēha hokvto nitak moma ka ilap nan ai ashvchi isht vltoba ka tikba pit im issa ha yosh, okla nan ai ashvchi isht vltoba ka pit im issa beka tok o, yummak okvto chiyuhma he im vlpesa keyu, nan ai ashvchi isht vltoba il im issa mak osh ilvppak oka himonna ma yvmohmi tok okvt.

28. Yohmi ka nan vlpisa yummak ash ot hatak ibetvbla he im vltayak kia na holitompa isht vtta chinto atokohonli; amba anumpa kvllo isht ai ghli tok ash ot vba nan vlpisa yummak ash ot toba ha yak o, Ushi ya atokoli ho, yummavt na holitompa isht vtta ai ghli bilia he mak oke.

CHAPTA VIII.

Klaist ak osh na holitompa isht vtta i shahli bilia, yohmi ka Klaist vt via ha yokvno Alon isht ai unohululi kvv na holitompa isht vtta vltoka he keyu mak oke, 1 : 7 yummak inli chohmit Chihowa yvt nan vlpisa himona ikbi ha yokvno Isael vt Echip a kohchvt minti ma, nan vlpisa toba tok vt kashovt taha hoke.

1. NANA isht il anumpohonli kash puta ka ilvppak osh moma i shahlishke : Na holitompa isht vtta chinto yakohmi hosh vba yakni Chihowa Chitokaka yvt a binili kak o isht impak imma yo pi binili hosh ;

2. Uba aholitopa, micha vltipo ai ghli fehna ka hatak ak atok keyu, amba Chitokaka yak osh ikbi tok, yummak o nan isht ai ahanta hoke.

3. Yohmi ka na holitompa isht vtta chinto puta kvv na hvlbina, micha nan ai ashvchi isht vltoba puta aiena pit im issa chi hosh vltoka chatuk oka ; hatak ilvppak kia anonti nana im ai asha tak osh pit im issa he im vlpiesa hoke.

4. Yohmi kvv yakni ilvppak o ahanta hokvvt, na holitompa isht vtta ya hi o keyu, vba nan vlpisa yak atak pulla mak o na hvlbina pit im issa hosh na holitompa isht vtta vhlēha kvv ai asha hoka :

5. Yummak okvt nan isht ahanta kvv vba yakni nana ai asha kak o isht vlpisa, micha isht a hoyulba mak o isht ai yvmihchi hoke : yohmi ka Moses vt vltipo ya ikba chikma,

Chihowa hvt nan i miha kv̄t, Ahah! ahnit nan isht a holba nvnih paknaka chim ai otvni tok ak o chiyuhmi hō nan ok-luha ka ish ikbashke, achi tok oka.

6. Yohmi tok kia himonasi hokvno yvmmak okvt nan it im v̄lhpisa achukma i shahli, nana achukma i shahli anno-howa puta isht ai ahli tok a, it i nanaiyvchi yosh nan isht ai v̄tta holitopa i shahli fehna hō ieshi mak inlishke.

7. Yohmi ka nan it im v̄lhpisa v̄mmona yvmmvt nan isht ik ono iksho hatok okma, anonti atukla kv̄t ai yv̄mohma hi ya hoyā hi atok keyu hoke.

8. Yohmi ka yvmmvt nan isht ik ono ka pisa kak osh Chitokaka yvt achi kv̄t, Yakeh! Islael in chukachvfa, micha Chuta in chukachvfa aiena ka nan it im v̄lhpisa himona im apihisa la he nitak vt v̄la hi oke,

9. Iki v̄hleha hoka ibbak halvllit pehliechit, nitak kaniohmi kash Echip yakni yoka a kohchi li mvt, nan it im v̄lhpisa im apihisa li tok okvno chiyuhma he keyu; yvmmak okvt nan it im v̄lhpisa im apihisa li tok ash foyukvt mahaya keyu hatok o, ak ahnineho ki tok, Chitokaka yvt aohishke, im ahanchi tok.

10. Yohmi ka nan it im v̄lhpisa ilvppak o nitak himak a pilla mak o Chuta in chukachvfa yoka im apihisa la hi oke; yohmikmvt a nan v̄lhpisa puta yoka amukfokihinchi likmvt, chukvsh oka ai o holissohonchi la hi oke; mikmvt in Chihowa sia hahe, mikma v̄m okla hahi oke. Chitokaka yvt ahanchishke.

11. Yv̄mohmikma hatak puta kv̄t in chuka panta, micha hatak puta kv̄t itibapishi aiena ka nan im av̄vohit, Chihowa hoka ish ithaiyanashke, im ahancha he keyu; moma ik lauwo, micha moma i shahli aiena kv̄t sv̄thana hi oka.

12. Yohmi ka ik v̄lhpeso ai yv̄mohmi puta ka i nukh̄gklo la he, mikmvt nan ai ashv̄chi, micha v̄ba nan v̄lhpisa kobahafi puta ka himak a pilla ak ithaiyano ka he mak oke.

13. Nan it im v̄lhpisa himona yvmmak achi kak osh, v̄mmona tok vt sipokni yō chohmichi hoke. Yohmi ka nana kv̄t okpulot sipoknit isht ai aiena hokvto, ont ik ai iksho kamohma ch̄i kv̄t v̄lhtayaha hoke.

CHAPTA IX.

Vba nan-vlhpisa yokvto issish a hlatahamp^{la} hi a im apesa 1; 11 amba Klaist vt ilap issish, micha ilap fehna isht a hlakofa hi o ile kanchi tok vt mihi yosh holitopa fehna: 15 nan vlhpisa himona ai ahl^{ichi} hosh Klaist vt illa he vlhpiesa hatok.

1. **YOHMI** ka nan it im vlhpisa vmmona yvmmak ash ot Chihowa aiokpuchi nan isht vlhpisa puta, micha aholitopa yakni iluppa ahalaiya aiena ka ishi tok vt ai ahl^{ishke}.

2. Yohmi ka vlhtipo yokvt toba tok: vmmona yvmma anukaka yak o p^{ula} ai o hikia, micha ai impa, micha p^{uska} otvni aiena kv^t a^{sha} beka tok, yvmmak osh aholitopa hohchifo hoke.

3. Mihma nan-tv^{nna} isht ompoholmo vba takali atukla mish a^{sha} ka, vlhtipo yokvto aholitopa moma i shahli hohchifo hoke:

4. Yvmmak oka anukaka ya na balama aluachi tvli holisso lakna isht toba, micha nan it im vlhpisa yash im itombi yokvt tvli holisso lakna yosh isht ompoholmot apakfoyupa, yvmmak o tvli holisso lakna nan ai vlhto manna yosh vlhto, micha Alon in tvli yvt bikobli tok, micha tvli pat^{essa} tuklo nan it im vlhpisa yvt ai o holihiso tok aiena kv^t foyuka hosh taloha tok:

5. Mihma paknaka ya Chelubim holitopa v^{hleha} hv^t isht ai i kana ai o binili ya o hoshontikahanchi tok, yvmmak oka himonasi ka achvfa ai^{yukvt} isht il anumpula he keyushke.

6. Yohmi ka nana puta kv^t yakohmit vlhtaiyaha ha yak o, na holitomp^a isht vtta yak osh vlhtipo vmmona anukaka yak o chukowvt, Chihowa aiokpuchit a hlopulli beka tok:

7. Amba atukla hoke no na holitomp^a isht vtta chinto kak osh ilap bano hosh afvmmikma himonna ho chukowa kv^t, issish ik esho keyu hosh yvmmak o ilap nan ai ashvchi, micha okla nan ai ashvchi aiena ka isht vlhtoba mak o pit im issa beka tok:

8. Shilombish Holitopa yak osh vlhtipo vmmona yash

of hikia imoma hokvno, aholitopa moma i shahli anukaka a chukowa yokvt ik otano kisha ho ilvppak o otvninchi tok :

9. Yvmmak osh nitak yvmmak fehna ka nan isht vlhpisa hatok ; yvmmak ash o na hvlbina, micha nan ai ashvchi isht vlhtoba ita tuklo ka im ihisa tok: yohmi ka yvmma isht ahanta hokvno yvmmak okvt nan isht il akostininchi imma hokvno nuktvla ai ghli yo im ikba he keyu hatok.

10. Yvmmak okvt nan ilhpak, micha nan ishko puta, micha il achifa ilaiyuka, micha haknip imma nan isht vlhpisa puta aiena kak illa hosh im vlhpihisa na nan ai vlhpesa nitak vt vla hi atok.

11. Amba Klaist vt vla hokvt vlhtipo chito, micha vlhtaha achukma kvv i shahli, ibbak isht a toba keyu, yvmma achi kvv nan toba ilvppak o chohmi keyu, na holitompa isht vta chinto hosh nana achukma vla chi puta ka isht ahanta kvv ;

12. Issi kosoma, micha wak ushi issish o keyu, amba ilap im issish ak inli ho isht a pi vlhtombvt bilia ya isht a pim ataiyahli ha yosh, aholitopa yoka himonna achvfa chukowa tok.

13. Yohmi ka wak nakni, micha issi kosoma issish, micha wak tek himita hullushmi hituk chubbi ya ik kashofo ka ai o fimimpa kak osh kanimihchit haknip a kashofi hatok okma ;

14. Shilombish okchayvt bilia anukfoka pulla hatuk osh isht ik ai ono kia iksho hosh Klaist vt Chihowa yoka pit il im issa tok ; yvmma im issish okak heto i shahlichich fehna hosh nan a kaniohmit isht ai illi ya a hvchi filvmmichit, isht hvsh il akostininchi yoka hvchi kashofichi na Chihowa okchaya yoka hvsh holitobla hinla hoke.

15. Yohmi ka yvmmak okvt nan it im vlhpisa vmmona nuta ai ashvt nan ai ashahanchi tok vt isht vlhtoba chi mak o, illi pulla hatuk mak osh nan it im vlhpisa himona yoka ai ghlichich toba ho, im annohowa tok puta hokvt ai okchayvt bilia isha he im ai vlhpiesa im ihisa tok a isha hi atok.

16. Nan it im vlhpisa yvt tobakma, nan it im vlhpisa isht ai ghli kvv illi kak o pulla chatuk mak inlishke.

17. Yohmi ka nan it im vlpisa isht ai ghli yash osh okchaya imoma hokvno isht ik ai ghlo kamohmi, amba ifli ha yak o isht ai ghli chatuk oke.

18. Yomohmi hoka nan it im vlpisa vmmona hokvt issish iksho hq isht ai ghli tok keyu hoke.

19. Yohmi ka Moses okvt vba nan vlpisa yvt nana apihisa ka mominchit okla puta ka isht im anumpohonlit taiyahli mvt, wak ushi, micha issi kosoma ushi issish ita tuklo, oka kapessa, micha chukfi hishi humma, micha hissop aiena hq ieshi cha, holisso, micha okla moma aieninchit isht o fimmi mvt,

20. Ilvppak osh nan it im vlpisa issish mak o Chihowa yokvt hvchim apihisa tuk oke, achi tok.

21. Anonti yummak ash ot vlhtipo, micha Chihowa isht aiokpvchi ai-vlhto aiena ka issish isht o fimmi mak inli tok.

22. Yohmi ka vba nan vlpisa yak atuk pulla mak o naa okluha kvt moma chohmit issish isht a kashofa hoke; micha issish hlatahampa keyu hokvno nan ai ashvchika isht a kashofa iksho hoke.

23. Yohmi hoka nana vba ai asha puta ka isht vlpisa puta kvt ilvppak ash o isht a kashofa hi atuk; amba nana vba ai asha yummak oka nan ai ashvchika isht vlhtoba achukma kvt ilvppak ash o i shahli hq isht a kashofa hi atuk oke.

24. Yohmi ka Chisvs vt aholitopa puta ibbak isht a toba, yummak o ai ghli fehna ka isht vlpisa hatok ak o chukowa tok keyu; amba pishno ak atuk pulla mak o Chihowa itikba ya himonasi kvno ai otaiyana chi kak osh vba yakni fehna ka chukowa tok:

25. Na holitompa isht vta chinto yokvto aholitopa yoka afvmmikma in issish o isht chukowa beka tok, chiyuhmit himonng ilap ash il im issa hi atok keyu hoke:

26. Yohmi tok okma, yakni intolahpi toba vmmona tok takla ka himonng ihinla hi atok pulla; amba himonasi kvno himonna achvfa hq yakni ont ishtaiyopi yak o ant ai otaiyani kvt, nan ai ashvchi isht kanchi mak osh ilap il im issa hosh illi tok.

27. Yohmi ka hatak puta kv̄t himonna hō illa hi vt̄ im v̄lhp̄ih̄isa tok; amba misha pilla hokvno nan im v̄lhp̄isa nitak osh v̄la hi oke:

28. Yv̄mma chiyuhmit̄ Kl̄aist ak kia l̄awa nan im ai ashv̄chi isht kancha ch̄i mak osh himonna ma il im issa tok: yohmi kv̄t yv̄mma hohōyo v̄hleha hokvno nan ai ashv̄chi ik im iksho hosh atukla okchal̄incha ch̄i hosh otaiyana hi oke.

CHAPTA X.

V̄ba nan-v̄lhp̄isa hō na n̄ipl v̄ba isht aiokp̄v̄chi hokvno nan ashv̄chi isht kancha he keyu, 1: 10 amba Kl̄aist hakn̄ip osh himonna ha nan v̄lhtoba hosh illi ha yokv̄to nan ashv̄chi yā isht kanchi; 19 achunanchit̄ nan ai yimm̄ika yā kv̄llet̄ ieshit̄ Ch̄ihōwa yā aiokp̄hancha he j̄ miha.

1. YOHMI ka v̄ba nan v̄lhp̄isa yokv̄t nana achukma puta v̄la he ak o isht v̄lhp̄isa hatok; yohmi kv̄t nana yv̄mmak o isht a holba ai ḡh̄li keyu hokv̄t, nan ai ashv̄chi isht v̄lhtoba puta yv̄mma afv̄mm̄i aiyuka ka pit im ih̄isa na bil̄ia mak o isht ahanta v̄hleha hoka nuk̄talalit̄ ai ḡh̄lich̄a himma keyu hoke.

2. Yohmi tok okma, ilv̄ppak oka pit im issa kv̄t issa hi atok keyu? yohmi ka aiokp̄v̄chi yakohmi v̄hleha hokv̄t himonna kashofa ha yokv̄t, nan ai ashv̄chi puta isht il akost̄in̄inchi yvt̄ ik im iksho ka hi atok oka,

3. Amba nan ai ashv̄chi isht v̄lhtoba yv̄mmak ash o afv̄mm̄ikma anonti nan ai ashv̄chi isht ai otaiyani beka tok.

4. Yohmi ka wak-nakni, micha issi kosomushi issish aiena kv̄t nan ai ashv̄chi puta ka isht kancha he keyu kamohmi hoka.

5. Yv̄mohmi hoka yakni ilv̄ppa v̄la mvt̄, Nan ai ashv̄chi isht v̄lhtoba, micha v̄ba isht aiokp̄v̄chi aiena hokvno chik ahno tok; amba hakn̄ip o is sv̄m ikbi tok, achi tok:

6. Nan ai ashv̄chi isht v̄lhtoba lua yokvno isht a chi yukpa tok keyu hoke.

7. Yohmi hatuk oka, yakeh! nan isht si annohōwa ho-

lisso a foyuka hoka nan ish ai ahni tok a ataiyahli la chi hosh vla li hoke, Chihowa ma! achi li tok.

8. Tikba kash nan ai ashvchi isht vltoba, micha vba isht aiokpvchi, micha nan ai ashvchi isht vltoba lua aiena ilvppa vba nan vlpisa yak atuk pulla kak o isht ahanta hoka, chik ahno mut, anonti ymma isht a chi yukpa keyu ki tok, achi tok.

9. Yohmi mut, Yakeh! nan ish ai ahni tok a ataiyahli la chi hosh vla li hoke, Chihowa ma! achi kv, nana vmona kash o isht kanchi hosh nan atukla kash o ai ghlicha chi hatok.

10. Nan ai ahni tok ymmak atuk pulla kak o Chisvs Klaist vt himonna achvfa ma, haknip a im issa tok ak o isht a pi kashofa hoke.

11. Yohmi ka na holitempa isht vta puta kv nitak moma ka hiki vt nan isht ahanta kv, nan ai ashvchi isht vltoba mih ash inli, ymmvt nan ai ashvchi isht kancha himma keyu ka, himonna pit im ihisa chatuk:

12. Amba hatak ilvppvt o nan ai ashvchi isht vltoba achvfa ka, im issa ha ya tok vt, Chihowa ibbak isht impak imma ak o binilit bilia hoke:

13. Himak a pilla mghaya hokvno in tvnp vhleha hokvt ilap iyi ai o hikia yo toba he, ai ahni ahanta hoke.

14. Yohmi ka nan ai ashvchi isht vltoba achvfa ho kashofa vhleha ymmak okvno isht nuktalalit ai ghlichit bilia hatok.

15. Ymmak oka anonti Shilombish Holitopa yak kia nan atokowa pim anoli hoke; yohmi kv anonti tikba ka achi ha yak osh,

16. Nan it im vlpisa ilvppak o nitak ymma i himmak okvno it im apihisa likvt, chkvsh fehna ka a nan vlpisa yoka nukfohkihinchil la he, micha im anukfila fehna ka ai o holissohonchi la he;

17. Mikvt nan im ai ashvchi, micha vba nan vlpisa kobahfi tok puta ka himak a pilla ma ak ithaiyano ka hi oke, Chitokaka yvt achishke, achi tok.

18. Yohmi ka ilvppa isht a kashofa kv asha hokvno,

anonti nan ai ashvchi isht vlhtoba himmakma im issa he iksho hoke.

19. Yvmohmi hoka itibapishi li vhleha ma! Chisvs im issish ak atuk pulla kak o nukwaya iksho hosh aholitopa fehna ka e chukowa hoke :

20. Yohmi kv̄t aholitopa isht ompoholmo takali yv̄mma achi kv̄t haknip ak oke, yvmak atuk pulla kak o hina himona, micha okchaya holitoblichit pim apesa tok o e chukowa hoke.

21. Yohmikmvt̄ na holitoĩpa isht vtta chinto Chihowa im aboha i shahli hosh pim ahanta hokvt̄ ;

22. Chukvsh ai ghli, micha i yimmi ai ghli fehna, pi chukvsh mvt̄ issish o fimmvt̄, isht il il-akostininchi ik achukmo ka ai i filv̄mmit, pi haknip okvt̄ oka kashofa achukma isht vlhchifa tuk aiena h̄o isht i bilikasi il onashke.

23. Nana pim ihisa tok vt ai ghli yoka, nana pi yimmi il il apihisa tok vt shanaia iksho hosh il ai ghlashke :

24. Michā nana ka isht it anukfilli hosh iloh it i hullot, micha nan isht vtta achukma puta ka e yvmohma chi kv̄t, il itaiyimitachashke :

25. Kaniohmi kv̄t ai yvmohmi chatuk ḡ chiyuhmit il itv̄naha he tuk vt kil isso kashke : amba nana ka it i mihvt̄, nitak yvm̄mvt̄ vlḡ hosi ka hvsh pisa kak osh, i shahlichī feh̄vt̄ hvsh yvmohmashke.

26. Yohmi ka nan ai ghli ka il ithaiyana ha yokvt̄, pishno inli pim anukfila hosh il ashvchi hokm̄vno, nan ai ashvchi isht vlhtoba yvt̄ himmakma takanli keyu hoke ;

27. Amba isht a nukshobla he na palv̄m̄mi vlhpisa, micha isht i nukkilli luak aiena ka hohoyot ahanta he ; yvm̄mvt̄ vbanumpa ai ahli i sanali vhleha hoka okpv̄nit tv̄mola he ak osh takanli hoke.

28. Moses i nan vlhpisa yoka ik holitoblo hatuk vt̄ nan atokowa anoli tuklo, tuchina, kanima kv̄t p̄isa h̄o isht i nuklaklo kia iksho h̄o, illi hatok oke.

29. Yohmi ka kv̄na hosh Chihowa Ushi yoka iyi nuta bohliit a hvhlih̄inchi, micha nan it im vlhpisa issish yvmak o isht a kashofa tok ash osh nana ik holitopo isht ahobvchi,

micha nan isht i kana Shilombish Holitopa ya nan isht ik ahobalo hatuk okvto, nan isht ilbvsha yvt i shahli katiohmi ho isht ilbvsha he, hvchim ahoba ho ?

30. Yohmi ka, Ai vhpiesa isht atobba hi okvt vmmi hoke, ilvppak ash achi tok yvmmak okvno il ithana ; falaminchit atobbi la he, Chitokaka yvt achishke. Mikma anonti, Chitokaka yvt im okla vhleha hoka nan im apesa hi oke, achi kvv takanlishke.

31. Chihowa okchaya yoka nan im vhpisa chi hosh ibak a foyuka kvv nana ka isht a nvkshopa he vhpesa hoke.

32. Yohmi kia nitak tok ash o hvsh ithaiyanashke, yvmmak vmo nana ka hvsh ithaiyana ha yokvto, na palvmmi chinto puta ka it i kabanlot isht hvch ilbahasha tok :

33. Yohmi kvv isht a horahya, micha na palvmmi puta hvchi onvtuyula hosh okla a yopissa mak o hvsh tohomba kvv hvchi yvmohmi ; micha kanimikma yvmma yvmohmi puta kash o ibai achvfa hvsh tohomba kvv chiyuhmi mak inli tok oke.

34. Yohmi ka yuka talakchi yosh ahanta li ma, hvsvba nukhaklo tok ; micha hvchim ilayak puta ka hvchi wephonli kia, vhpesa ahnit hvchi yukpa kvv nana okpula he keyu, micha achukma i shahli hosh vba aholitopa yoka hvchin tuyula kvv, hvsh il ithana hatuk okvt.

35. Yvmohmi hoka na yimmi hvchi anukfoyuka kash osh hvch ik kancho kashke : yvmmak osh nan isht vltoba nan isht il aiyukpa chinto ho ieshi hoke.

36. Yohmi ka nuktaiyavt achunancha he hvchim vhpiesa ; yohmi hosh Chihowa nan ai ahni tok a hvsh ataiyahli ha yosh, nana auet hvchim ihisa tok ash hvsh iesha hi atok.

37. Himak a pilla chekosi fehnakma vla hi atok vt, vla chi kvv solaha hosh vla chi keyu hoke.

38. Yohmi ka ai vhpiesa yokvto na yimmi pulla kak osh okchaya chi ; amba hatak nana hosh falama hok mvno, sa shilombish vt isht im ai yukpa hi vt iksho hoke.

39. Amba pishno vto falama cha, nan isht ai ilbvsha bilia pihisa he vhleha yvmmak okvno il ibai achvfa keyu, amba na yimmi cha, shilombish okvt okchayvt bilia yvmmak o il ibai achvfa hoke.

CHAPTA XI.

Na yimmika yvt nana hatuk a anoli, 1; 7 nayimmi isht ai vni kvv vbaumpuli tikba ash ot nan im anukfila na otvni tok a anoli.

1. NA yimmi kak osh nana il isha he ai ahuit e hohoyo ka nan isht pim ai ghli yoke; micha nana ke peso ka nan isht ai atokowa yoke.

2. Yvmmak atuk pulla kak o hatak tikba vhleba hokvt nan annoa achukma ka isht ai atokowa tok oka.

3. Na pi yimma pulla kak osh yakni puta kvv Chihowa im anumpa hak o isht a toba tok a isht il akostininchi hoke; yohmi hatuk o nana puta e pihisa kvv nana puta otaiyami kak o isht atoba tok keyu.

4. Na yimmi pulla kak osh Ebel okvt vba isht aiokpuchi achukma kvv Ken immi ya i shahli fehna ho Chihowa hoka ont im issa tok; yvmmak ash o nana ka ai vllhpiesa kvv isht atokowa kvv, i na hulbina puta ka Chihowa hokvt atokolit im aiokpanchi tok; micha yvmmak atuk pulla kak o illi tok kia anumpuli kvv imomvshke.

5. Na yimmi pulla kak osh Enok vt toshowa kvv nan-illi ik peso ka chi kak atok; micha Chihowa ak osh tosholi hatuk oka, iksho ki tok: ik toshowo kisha kvv Chihowa yoka yukpali tok, nan isht atokowa ilvppak o ishi hatok okvt.

6. Amba na yimmi iksho hokvno kanihmit yukpala himma keyu hoke; yohmi hoka kuna hosh Chihowa im onakmvt, yvmmak osh ahanta, micha yvmmak okvt ilap o achunanchit hohoyo puta hokvno nan im atobbi aiena ka yimmi pullashke.

7. Noah yoka Chihowa hvv nana im anohonli ma, nana ka ik peso kisha ak inli kia, nukshopvt holutobli hokvt, i yimmi pulla hosh in chuka-chvfa yvt isht ai okchaya hi a peni chito ya ikbi tok; micha yvmma yvmohmi kak osh okla puta ai asha tok ash na palvmmi vllhpiesa hvv onvtula he vllhpesa ka isht otvvinchi tok; micha na yimmi isht ai vllhpiesa iessa hi vllhpesa hosh toba tok.

8. Eblaham okvt yakni inla yvmma i himmak o immi tobvt isha hi o, ivt ona chi ho i howa ma, yimmi pulla kak osh im antia tok; micha yvmmak o ia li, ahni keyu kia, kohchvt ia tok.

9. Na yimmi pulla kak osh yakni im issa tok ash ont ahanta kv, yakni vt immi keyu ho chiyuhmi hosh Aisaak, micha Chekob ita tuklo, yvmmvt nan im issa tok mihi ash iesha he im ai vhpesa ak inli ka ai itapehvt vltipo anukaka yo ahashwa tok:

10. Tvmaha chito intolahpi yvt kvlllo achukma yvmmak oka Chihowa hak osh apestv bohli, micha ikbi yak o hohoyo hatok okvt.

11. Na yimmi pulla kak osh anonti Sela ilap inlit isht hlampko ishi hosh chakali cha, vlla sholi tok, ai yvmohmi chatuk a ont ivt kvnia kia, yvmmak ash ot nan im issa tok a ai ghli yoke ahni i yimmi hatok okvt.

12. Yvmohmi hoka achufa, yvmmvt illi ak o chiyuhmi kia, laua kv fochik vba shutik ai asha ka itilau, micha shi-nuk a hohhtina iksho okhvt ontalaka ai asha kak o chiyuhmi hosh a toba tok.

13. Ilupvt momvt yimmi imoma hosh illi tok; nan im ihisa tok a ishi tok keyu; amba yvmmvt hopaki fehna moma ho pihisa kv, yvmma yimmi ai ghli fehvt anukfoyuka hosh, yakni paknaka ai asha kv, peh nqvvt aya, ai anta na hopaka he ik im iksho yosh il anohonli tok.

14. Kvna hosh yvmma chohmi ka achi hokvto, ai ahanta he yakni yo hoyo kv otvninchi fehna hoka.

15. Yohmi ka yakni yvmma a kohchvt minti tok vt anukfihinli hatok okmvt, a falama hi vt takanli akinli tok mvhlishke.

16. Amba himonasi kvno yakni achukma i shahli, yvmvt vba yakni yak o bvna hoke: yvmohmi hoka in Chihowa isht a hohchihifo kv, Chihowa hv hofahya keyu, yvmmak oka tvmaha chito yo im ataiyahli hatok okvt.

17. Na yimmi pulla kak osh Eblaham okvt nana ka imomaka pisa ho, Aisaak a im issa tok; micha nana im

ihisa puta kash ishi hatuk okvt ushi yvmmak i bieka tuk vt im issa tok.

18. Yvmmak o isht anumpa hosh Aisaak ak o chi unchululi kv̄t isht a toba hi oke, achi tok.

19. Chihowa yokvt, illi tuk kia, falaminchit tanicha he bano hoka, ai ahni pulla hatuk mak osh yvmmvt illi tuk a chiyuhmichit falaminchit ishi tok.

20. Na yimmi pulla kak osh Aisaak okvt Chekob, Esau ita tuklo kv̄t i himmak nana im akaniohma hi oka im anolit yukpali tok.

21. Na yimmi pulla kak osh Chekob okvt illit isht maghaya mvt, Chosef ushi a ita tuklont yukpali tok; mihtmvt in tvbi wishakchi ak o on hlipia hosh Chihowa ha aiokpvchi tok.

22. Na yimmi pulla kak osh Chosef okvt illi mvt, Israel im vlla vhleha hokvt wihvt itvnowa hi oka isht anumpuli tok; micha ilap foni yoka kanimihcha hi oka im apesa tok.

23. Na yimmi pulla kak osh Moses okvt vttahpi mvt, vlla aiokli fehna ho iki, ishki ita tuklo kv̄t pisa hatuk osh, luhumi na hvshi tuchina ona tok; micha miko i nan vlpisa ya i nukshopa tok keyu.

24. Na yimmi pulla kak osh Moses okvt asvnot taiyaha mvt, Feleo ushetik ushi isht a hohchifa he ik ai ahno kv̄t;

25. Chihowa im okla vhleha hak o na palvmmi isht ibai ilbvsha kak osh nitak kanomosi takla, nan ai ashvchika ai isht ilaiyukvt ahanta hi atuk vt im i shahli tok:

26. Yohmi kv̄t Klaist a i yimmit isht a hofahya yak osh nan isht ilaiyukpa chinto kv̄t Echip anykaka nan im ilayak puta ai asha ka im i shahli tok; nan isht vlhtoba nan isht ilaiyukpa yak o hohoyo tok okvt.

27. Na yimmi pulla kak osh yvmmak ash ot Echip a issa kv̄t, miko yokvt isht i nukkilli ya i nukshopa tok keyu: yohmi kv̄t nishkin vt pisa he keyu yvmmak okvno pisa kash chiyuhmit nuktaiyavt achunanchit ahanta tok.

28. Na yimmi pulla kak osh yvmmak ash ot vbanvblit ont ai, micha issish isht o fimmi aiena ka holitobli na, vttahpi ahambi yvmmvt ik halelo ka chi hatok.

29. Na yimmi pulla kak osh okla hut okheta humma yvt yakni shila chiyuhmi hq a hlopulli tok; yvama Echip okla hokvt hobachi hosh okai illit taiyaha tok.

30. Na yimmi pulla kak q Cheliko tvli isht a holihta yokvt okla apakfobompa na nitak untuklo ma aka itula tok.

31. Na yimmi pulla kak osh Lehab ohoyo havi yatuk vt, yimama he keyu vhleha hoka ibafokvt illi tok keyu, na tikba pisa vhleha hoka i kanvt ilap in chuka yoka ik chukowá, im ahni hatok okvt.

32. Micha himmakma nanta hak q achi la chi? Yohmi kvv Keteon, Balak, Samson, Chefhli, Lewi aiena, micha Samuel, micha hopaii vhleha aiena ka isht anolit ont taiyahli la he keyu hoke:

33. Yvmmak okvto na yimmi pulla kak osh apelihchika puta imaiyachi, nan ai vvhpiesa ka yvmihinchi, nana im ihisa tok q ihishi, koi hochito itakha ya akvmmi aiena tok;

34. Luak libbi isht lua mosholibinchi, bvshpo falaia halupa ai i hlakohofi, tikambi tuk vi hlampko, itabi kvv kullot isht i shahlit mghaya, oklushi inla in tvshka chipota ya falaminchit tiblihlini aiena tok.

35. Ohoyo vhleha ha im illi tuk vt anonti falamvt okchaya na ihishi tok; mihma inla yvt a hlakofa he im issa kia, vvhpesa ik ahno hosh nan isht a hotopa; issikkopa pihisa, yohmi kvv falamvt tani achukma i shahli hq isha he ak atok:

36. Mihma inla yvt isht ik ahobalo anumpa okpulo fehna, micha fvma isht a hotopa fehna puta, mihmvt anonti talakchit aboha kvvlo fohoka aiena ka isht ai imomaka pihisa tok:

37. Okla tvli isht bohova, bvshvt ita hokohofa, isht ai imomaka pihisa, bvshpo falaia isht ai ihinli: chukfi vvhpeba hakshup, micha issi kosoma hakshup aiena hq foyukvt yakni haiaka ai itvnowa, nana ik im iksho kamohmi hosh, nan ilbvshvt issikkopa aiena tok;

38. Yvmmak oka yakni yvt immi ha he ik ono hatok;

yakni haiaka nvnih anyka, micha tuli chiluk, micha yakni chiluk anyka aiena ka okla gshvt itvnowa tok.

39. Mihmvt ilvppvt moyumvt na yimmi pulla kak osh nana annoa achukma ka isht ai atokowa kia, nana im ihisa tok g ik isho ki tok.

40. Chihowa hak osh nana inla achukma ho pim ataiyahli ka, okla pibai achafa keyu kvv ai ghlit im vltaha hi atok keyu hoke.

CHAPTA XII.

Chihowa anukfoyvkv achunanchit nayimmi ka il ai itvnowa he achi, 1 ; 22 kva hosh nan vlvpea himona aiokpvchi kvv isht ai yukpa ahalaia he vlvpea ka anoli.

1. YUMOHMI ka nan atokowa anoli puta kvv hoshonti chinto ka chiyuhmit yakohmi hosh isht a pi apakfoyupa ak inli hokvt, na weki puta, micha nan ai ashvchi yvt nan isht ahomba iksho isht a pi apakfoyupa a moma ka naksika e boyuhli cha, a mvlela he pit tikba itayula ka ~~ok~~ktaiyalvt achunanohit e mvlilinlashke,

2. Chisvs nan isht a pi yimmi ka pi nukfohkichi, micha atahli, yvmmak osh nan isht ilaiyukpa yvt itikba auet takali kak osh vlvpea ahnit, ititaiyukhvua ya takalit, nan isht a hofahya nan isht ik im ahobo tok osh, Chihowa ai o binili holitompa isht impakimma yak o binili ka hvsh pihj-sashke.

3. Yohmi ka hvchim anukfila hvv tikambit vm ai ghla he keyu, ahnit taha yoba hinla kvv, nan ashvchi vhleha hvv ilap g i sanahanli kia yvmmak oka vlvpea ai ahni tok g hvsh anukfihinlashke.

4. Hvchishno yokvto nan ai ashvchika ya i sanali kvvlo fehvvt hvsh ilafoa na issish isht ik hlatapo kishvshke.

5. Michi isht a nuktula he anumpa hvv hvchim anum-puli kvv vlla yo chohmichit, Svso ma ! Chitokaka i nan isht kostininchi ya chik ahobalo ki na ; michi yvmmvt chi kostininchikma, vm ai ghla he keyu, chik ai ahno kashke, achi ka chimi haksi tok o ?

6. Yohmi ka Chitokaka yvt kuna hō i hullo hokvto kostininchi hoke; micha ushi puta ka ahninchi hokvto fvmmi hoke.

7. Hvchi kostininchi ka nuktaiyalvt vhpesa hvsh ahni hokma, Chihowa hak osh ushi yō chohmichit hvchi yvmih-ohi hoke; ushi nanta hō iki vt kostininchi keyu ka anta hatuk o?

8. Amba nan isht kostininchi yvmmak oka moyuma kvt ibai ishi chatuk bano, yvmmvt ik hvchim iksho hokvto, ushi vhleha hvchia keyu, amba iki iksho hvchia hoke.

9. Mihmvt anonti piki vt haknip asha pishno chohmi hosh pi kostininchi chatuk; mihma yvmma e holitobli tuk vt shilombish puta İki yokak heno i nutakvt il ai asha cha, pi okchaya he ak osh pim i shahla hinla keyu hō?

10. Yohmi ka yvmmak okvto nitak kanomosi takla hō ilap ai ahni hosh pi kostininchi chatuk mvhlishke: amba yvmmvto nan isht pim ai achukmvt, ilap nan ai vhpiesa kak o il ibai isha he ak atok oke.

11. Yohmi ka himonasi ka isht a kostininchi hokvno isht ai yukpa he ik ahobo, amba nukhaklochi; yohmi ak inli kia yvmma isht ai yvmohmi vhleha hokvno i himmak o nan isht ai vhpiesa nan vni achukma ka i wayvchi hoke.

12. Yohmi hoka hvch ibbak vt aka pit takali ka ho wakeli, micha hvch iyikalaha ik hlampko ka apissulechit ho hilechi;

13. Michā hvch iyi yā hina apissa hō hvsh im ikbashke, keyukma hanali okpulo yvto tahlofa hinla hoke; amba yvmmvto ik yohmo hosh hlakofi kak o ahni fehna hetuk oke.

14. Achunanchit hatak puta ka it i nanaiyvt, nan ai ashvchi iksho yā hvsh ieshashke, yvmmvt iksho ka hatak nana kia Chitokaka yā pisa he keyu hoke.

15. Nana ka ahah! hvsh ai ahnashke, keyukma hatak kanima kvv Chihowa yvt isht i kana yā i hlakofi yoba ná; mikmvt na homi okpulo hakshish kia offot kohcha cha, hvchi atakvmmi na lāwa kvv isht ai okpula hinla hoke.

16. Anonti hatak havi, micha vbanumpa ik ahobalo ka-

nima kv̄t, Esau yokv̄t ilhpak himonna vpa yokak o vttahpi nana kv̄t ilap ai immi hatuk vt kanchi tok a, chohma hinla kv̄t anta yoba ká.

17. Yohmi ka kaniohmit i himmak okvno nana isht ai yukpa he anumpa tok a isha he ai ahni kia, vlpesa ik im ahno tok a hvsh ithana; yohmi ka im anukfila h̄a inlvcha he yvmmak o achunanchit nishkin okchi mihinti hosh asihjla ak inli kia, ik ahayucho ki tok.

18. Yohmi ka nv̄nih yv̄mma potola hinla, micha luak isht luhuwa, hoshonti lusa, micha okhlilika, micha apeli chinto aiena h̄o hvsh ona keyu,

19. Yohmi kv̄t isht-pufa yvt ohonla, micha anumpa vlpisa puta isht anumpohonli ma, yv̄mma okla hv̄t haiyaklo mvt, anumpa yv̄mmvt himmakma ilap a isht ik im anumpo ka ch̄i ka asilhha tok:

20. Yohmi kv̄t nana im anuhumpa kv̄t kaniohmit vlpesa ahnit okla haponakla he keyu hatok; yohmi ka nan vlpoba yak oh kia nv̄nih h̄a haleli hokmvt, yv̄mmvt tv̄li isht bov̄t illa hi atok, keyukmvt iti falaia tv̄li halupa achaka yo isht bahvt hlopulla hi atok:

21. Michā na pisa yv̄mmvt isht a nukshopa fehna he vlpiesa hatuk o, Moses vt, Sa nukshopa fehna hosh sa v̄v̄nihinchishke, achi tok:

22. Amba hv̄chishno yv̄to nv̄nih Saion, micha Chihowa okchaya in tumaha chinto, Chelusalem vba talaia, micha enchil v̄hleha, a holhtina iksho kamohmi, itahoba chinto ai asha,

23. Michā vttahpi im iksa hohchifo hv̄t vba a holitopa yak o a holih̄iso, micha Chihowa moyuma ka nan im apesa, micha hatak vlpiesa puta imi shilombish vt ai ghli toba tok,

24. Michā Chisvs nan it im vlpisa himona ȳa ai-ghlichī, micha issish nan isht o fimmi, yvmmak osh Ebel vt a yvmohmi tok a nana achukma i shahli h̄o isht anumpuli aiena h̄o hvsh ona hoke.

25. Ahah! ahnit yv̄mmvt anumpuli ka hv̄ch ik i haponaklo ki ná. Yohmi ka yakni paknaka ai anumpuli ka ik i

haponaklo mtv hlakofi tok keyu ka, yummvt vba a holitopa yak o auet anumpohonli ho il i filvmmi hokak heto, pi hlakofa he keyu fehna hoke :

26. Yummak o im anumpa hosh nitak yummak ash yakni ya winalihinchi tok ; amba himonasi kvno yummvt nana anoli kv, Anonti himonna ha yo yakni ak bano keyu, amba vba yakni yak kia winalihinchi li mak inli, achishke.

27. Mikma, Anonti himonna ha yo achi, anumpa iluppvt nana puta kv winakahancha hinla kvto, toba hatuk osh, ont akshot taha chi ho isht otvni na nana puta kv winakahancha he keyu kak osh asha moma chi hatok.

28. Yumohmi ka apelihchika yummvt aksha he keyu mak o il ishi hokvt, Chihowa yvt isht i kana yoka il ieshi pulla hosh, holitoblit i nukshopa ai ahli ai vhpiesa hosh Chihowa yoka nan isht il im ahantashke.

29. Pin Chihowa yokvt luak nan okpvnit kahanchi yoka.

● CHAPTA XIII.

Nana ka a yvmihcha he vhpisa kaniohmi ka anoli, 1 : 7 im vbanumpa isht anumpuli vhleba ha holitobla he i miha : 9 nan ithvnanchi inla hokvno ik i haponaklo he, 16 vbanumpa hvv holitopa, hi ahrit nan isht apelvchi : 17 nan vhpisa ya im antia he aiena ka i miha : mihmtv isht aiyopichi kv vba isht anumpuli.

1. ITIBAPISHI it i hullo kv mghya pullashke.

2. Hatak ik ithano ya i kanvt apelvcha he tuk vt ik hvchimi hakso kashke ; yvma ai yvmohmi kak osh kaniohmi kv ik ithano kia, enchil a aboha ya ik chukova im ahni cha apelvchi tok oka.

3. Talakchi puta ka ibai achvfa ho chiyahmit, micha na palvmmi isht ilbvsha yvma puta ka hvsh ithaiyanashke ; hvchishno yak kia hvchi haknip vt hvchi shilombish ai itifo-ka moma hokvt.

4. Nan itauwaya yokvt hatak moma ka isht im ai vhpiesa, micha topa yvt okpulo keyu kv isht a holitopa hoke ; amba itauwaya yvt ik it im ai ahlo puta, micha havi puta aiena kvno Chihowa hvv nan im apesa hi oke.

5. Nana hvsh it i kakiohmi kv̄t nana it im anushkunna kv̄t ik hvchim iksho kashke; micha nana kaniohmi hosh hvchim gsha hokmv̄t isht hvchim v̄lhpiesashke; yummv̄t, Chisv̄t ia la himma keyu, micha hvchi kanchi la himma keyu, ahanchi tok oka.

6. Yvmohmi hoka Chitokaka yak osh na si apela yoke, micha hatak vt nana h̄q sa kanimihcha hinla hokv̄no i sa nv̄kshopa he keyu, pi nukw̄aya iksho hosh il acha he bano hoke.

7. Hvchi pehlich̄i yummak oka hvsh itaiyanashke; yummak osh Chihowa im anumpa hoka isht hvchim anumpohonli tok; yummv̄t na yimmi tok ak o hvsh hobachi cha, nana a kaniohmi tuk ash ai v̄hli ka hvsh anukfihinlashke.

8. Chisv̄s Klaist okv̄t pilashash kaniohmi tuk vt, himak nitak a mih ash inli, micha peh bilia yoke.

9. Nan isht v̄lv̄chi ilapissa, micha ilaiyuka ka isht hvchi filemoa ná; Chihowa hv̄t isht i kana hak o chukv̄sh vt isht ai ahli ka nana achukma hoke: nan ilhpak ak keyu, yummak okv̄to yumma isht ai ahanta kia nana im achukmali tok keyu hoke.

10. Pishno v̄to alta yvt p̄i hikia; yvmohmi ka v̄lhtipo chash o nan isht ai ahanta yummak okv̄to ai impa im ai v̄lhpesa keyu hoke,

11. Yvmohmi ka anonti nan v̄lh̄poba yummak o issish o isht nan ai ashv̄chika ak pulla kak o na holitompa isht v̄tta chinto yvt a holitopa ya ishit chukowa h̄q, nipi ash ot abinanchi ka misha ȳo a hulukmi beka tok.

12. Yvmohmi ka Chisv̄s ak kia ilap im issish ak o okla isht kashofa ch̄i kak osh, holihta isht v̄lhkv̄ma misha ȳo ai ilbv̄shv̄t illi tok.

13. Yohmi hoka ilap vt nan isht hofahya tok chiyuhmi h̄q iesz̄i hosh, abinanchi yak o kiloh ia cha kiloh im oná.

14. Ilv̄ppak okv̄no tv̄maha chito talaia bilia hi vt ik pim iksho, amba himmak v̄la he achv̄fa kak o e hoyo hokv̄t.

15. Yohmi ka yummak atuk pulla kak o Chihowa isht a holitopa he pitiv̄bi isht a waya ka yummak o pit il im ih̄iv̄sv̄t bilia cha, ilap hohchifo h̄q yak oke ai ahnit, il aiokpahanhashke.

16. Micha nana achukma isht ahanta cha, vbanumpa nan isht apelvcha he aiena tuk vt hvchimi haksi ná: nana isht it i hullo yvmma chohmi kak o Chihowa yokvt isht im vlpesa fehna hoke.

17. Hvchi pehliechi ka holitoblit hvsh im antia pullashke; hvchimi shilombish isht im anukfihinla kv̄t, nana il anohonli pulla ch̄i h̄o chiyuhmit, na yukpa hosh yvmohmi hokbano, nan isht a nukh̄aklo keyu, yvmak okma nan isht a hvchi yukpa he keyu hoka.

18. Anumpa ilvusha isht hvsh pi anumponlashke; yohmi kv̄t nan okl̄uha ka ai isht il akostininchi achukma h̄o il ieshit ai vlpiesa kak bano hosh il ahanta he il ai ahnishke.

19. Yohmi kia ilvppak o yohmik bano hvchim ahni li i shahli hokvto, chekosi a holhtofa cha, falamvt hvchim ona li hok bano, ai ahni lishke.

20. Yohmi na nan it i nanaiyvchi Chihowa yvmak osh nan it im vlpisa bilia issish ak atuk pulla kak o Chukfelhpoba apesvchi chinto, pin Chitokaka Chisvs okvt illi tuk a falaminehit tanichi tok okvt,

21. Ilap nan ai ahni ka hvsh yvmihcha ch̄i ka nan toksvli achukma puta ka hvchi anukfohkihinchit isht hvchim ai ghlich̄i h̄o, ilap nan isht im vlpiesa fehna ka Chisvs Klaist ak atuk pulla kak o hvsh yvmihinchashke; yvmak pulla kak o isht a holitopa yokvt immi bilivt peh biliashke. Amen.

22. Mikmvt it̄ibapishi li vhleha h̄a nan isht atohnochi anumpa achukma ka vlpesa ahnit hvsh aiokpvchi hokbano hvchim ai ahni lishke: anumpa kanomosi hvch̄i holissochi li tuk okvt.

23. Yohmi ka il it̄ibapishi Timohli vt ik iá im ahni na ia tuk oka hvsh ithanashke; yvmvt chekosikma vla hokma, awant ont hvchi pisa la ch̄i oke.

24. Hvchi pehliechi puta, micha vbanumpuli moyuma ka hvsh aiokpvchashke. Itali okla hv̄t hvchi aiokpvchishke.

25. Isht i kana yokvt hvsh moyuma ka hvchi anukfoyukashke. Amen.

CHEMIS

I HOLISSO HOKE.

CHAPTA I.

Na pi palvmmi kv̄t nan isht il aiyukpa he tuk, 1 ; 8 mikmv̄t nan isht il ahopyuksa Chihowa ȳg il im asilhha he tuk ; 18 nan isht a pi palvmmi kv̄t na pim ashvchika yvt Chihowa yak o a mintishke, il acha he keyu ; 22 vbanumpa h̄g im antia ȳg h̄opia hashke. 27 vbanumpa nukfohka ghli kv̄t nana ha tuk a anoli.

1. CHEMIS, Chihowa, micha Chitokaka Chisvs Klaist in tishu hv̄t Islael isht atiaka akvshkoa suah tuklo kv̄t ita fimimpv̄t kanima moma maya puta ka, pit aiokpv̄chi hoke.

2. Itibapishi li vhleha ma ! nan isht imomaka pisa ilaiyu-ka puta ka hv̄sh pihisakmv̄t, na yukpali i shahli nana kak o hv̄chim itilauashke :

3. Na hv̄chi yimmi nan isht imomaka pisa yak osh nuk-tanlv̄t achunanchi ȳg anukfohkichi hoka hv̄sh ithaiyanashke.

4. Yohmi kia hv̄chishno vt hv̄chi aighlit hv̄chi vltaha ka nan isht ik ai ono kv̄t ik hv̄chim iksho ka hi g, nuktanlv̄t achunanchi yak osh a kaniohmi he tuk vt ont aighli pul-lashke.

5. Hv̄sh kanimi kv̄t isht a hopoyuksa hi vt ik hv̄chim ik-sho hokmv̄t, Chihowa hak o, yvmmak osh hatak moma ka ai okpanchit ima, micha nan isht ik mihacho chatuk ak o, im asilhhashke. Yohmikma yvmmak oka ima he bano hoke.

6. Yohmi kia na yimmi hosh nan isht anuktuklo nana kia ikshot asilhhashke ; kv̄na hosh anuktuklo hokvto, okhuta oka

banvtha hō mahli hvt shalit isht ia na poakahanchi kak o, chiyuhmi hoka.

7. Yohmi hokvt hatak yvmmak okvt Chitokaka yā nanasi kia im a habena hi ā ik im ahobo kashke.

8. Hatak im anukfila tuklo yvt nana a kaniohmi puta kv̄t fitikahanchi hoke.

9. Il itibapishi hvt ilbvsha yatuk osh holitopa kv̄t na yukpashke.

10. Yohmikma nan in laua yatuk osh akanlosit toba kv̄t na yukpashke: yohmi kv̄t yvmmak okvt ont iksho kv̄t haiyukpulo pakanli ak o chiyuhma chi hokvt.

11. Hvshi vt na hushma he lvshpa ka il ai ishit kohcha mak inli hosh haiyukpulo puta ka bvshechikma, pakanli aśha tuk vt chilofa na pisa aiokli tuk vt okpulo chatuk; yohmi ka hatak nan in laua ahanta kak kia yvmmak inli hō chiyuhmit nana a kaniohmi yatuk vt ont ai iksho ka hi oke.

12. Hatak nana hosh nan isht imomaka pisa yā pisa cha, ai ghli hlopulli hokvto na yukpvshke; yvmmak okvto ai ghli hlopulli ha yokvto, ai okchaya iachuka holitompa Chitokaka yvt, kva hosh ilap ā holitoblikma, ima hi vt miha tok mak o isha hi okvt.

13. Hatak nana kia nan isht anukpeli pisa hokvt, Chihowa hak osh sa nukpulechi hō, ik acho kashke; Chihowa hvt nan ik vhpeso yā ishit nukpela he keyu, mikmvt ilap vt hatak nana kia isht nukpulecha hi o keyu hoka.

14. Amba ilap chukvsh nan ahni yak osh halollit ishit mahayvt yukachi hok mak o, hatak moma kv̄t nukpeli hoke.

15. Yohmi tuk mak o chukvsh nan ahni ash osh chakali met, nan ai ashvohika yō cheli hoke; atukma nan ai ashchika ash osh ont ai vltaha hokvto, nan illi hō ikbi hoke.

16. Itibapishi li ā holitopa vhleha ma! hvch ik yoshubo kashke.

17. Na hvlbina achukma, micha na hvlbina ai ghli puta hokvto vba ak o a minti; yohmi kv̄t yvmmak okvt inlv̄t takohi, micha ilaiyuka kia ik im iksho, nan tohwikeli puta Iki ak o a minti hosh aka v̄la hoke.

18. Immi ha hi osh ikbi tok puta nan i wayahpi e chiyuhma hi o, ilap ahni hosh anumpa ai ghli yo ishit tobahan-chi tok.

19. Yohmi hoka itibapishi li g holitopa vhleha ma ! hatak moyuma kv̄t tushpa hosh haponaklok̄m̄vt, sv̄laha hosh anumpuli cha, nukhobela m̄vt sv̄lhashke :

20. Hatak nukhobela im anukfila hv̄t Chihowa holitobla hi g nukfok̄kichi chatuk keyu hoke.

21. Yohmi hoka na liteha okpulo puta, micha nan ik al v̄lhpeso ilaiyuka puta ma mominchit naksika hv̄sh bohli cha, anukfila yohbi hosh anumpa hollokchi, yv̄mmak osh hv̄chim i shilombish puta okchalıncha hi vt im v̄lhpiesa ka hv̄sh ih̄shashke.

22. Yohmi kv̄t anumpa h̄g haklo illvt hv̄chishno inli isht hv̄chik ile yoshublo kish, amba holitoblit im antia yo hv̄chia hashke.

23. Kv̄na hosh anumpa h̄g haponaklo kia, holitoblit im antia keyu hok̄m̄vt, yv̄mm̄vt hatak osh a pisa ȳg ilap nashuka ak inli ka ai il a pisa ka chohmi hoka.

24. Yv̄mmak ash ot ilap inli ka ile pisa cha, kanima iak̄m̄vt, mih mak inli h̄g hatak kaniohmi atuk ash osh imi haks̄i chatuk oka.

25. Amba kv̄na hosh a yuka keyu nan v̄lhpisa ghli ka pi-h̄isvt achunanchi hok̄v̄to, yv̄mm̄vt anumpa h̄g peh haklot imi haksi keyu hatuk osh, amba holitoblit na toksv̄li isht ahanta hok̄v̄to, hatak mihi yosh yakohmit ahanta kv̄t nan isht ilai yukpa hi oke.

26. Hatak nana hosh hv̄chi takla anta kv̄t v̄banumpuli yo shoba kia, ilap isunlush g ik apesacho hosh, amba ilap ch̄gkv̄sh ash inli ka haksichit ahanta hok̄v̄to, hatak ilv̄pp̄vt v̄banumpa yimmi kv̄t im ghli keyu hoke.

27. Na yimmi ghli, litcha ikshot, Iki Chihowa itikba takali kv̄t, v̄lla v̄lhtakla vhleha, micha ohoyo i hatak illi puta aiena ka nana kv̄t im a palv̄mmit aiasha ka, i nowvt aya, mik̄m̄vt yakni g isht ik ile litehacho aiena ilv̄ppak oke.

CHAPTER II.

Obanvmpuli vt nan in laua ya holitobli cha, anonti itibapishi ilbvsha ya kanimanchi ka vhpesa keyu, 1; 18 amba i hullot it i nukhakia he tuk; 17 na yimmi kvv isht ai vni kvv ik im ikabo hokvto ili yoke; 21 Eblaham na yimmi kvv yvmma chohmi tok keyu.

1. **ITIBAPISHI** li vhleha ma! pin Chitokaka Chisv Klaist Chitokaka holitopa ya hvsh i yimmi kvv, hatak oka iti shahsholechit isht holitoblit hvch ik ahanto kashke.

2. Hatak vt na fohka hochukma hq fohka cha, tvli holisso lakna ibbak ushi abeha abehkvchi hosh, hvchim ai itonaha ya vla ma; anonti hatak ilbvsha mvv nafohka hlipa ya fohka hosh vla;

3. Yohmi hokma nafohka hochukma hq fohka kak ash o hvsh holitobli cha, yvmmak ash o, Aiasha achukma ilvppak o binili, hvsh im achi: mikmvv ilbvsha ash o, Yvmmak o ish hikiashke; keyukmvv ai asha li nutaka ilvppak o ant ish ashashke, hvsh im achi;

4. Yohmi kvv yvmmv hvchishno inli hvsh il iti shahsholechi, micha anukfila ai vhpesa keyu nan isht im anukfilli yo hvsh toba hq keyu?

5. Itibapishi li a holitopa vhleha ma! hvsh haponaklashke; yakni pakna ilvppa ilbvshvt aiasha kvv ai yimmi ka yo nan isht ai in laua chi, micha kvna hosh ilap a holitobli tak ma, vba apelihika yo ima hi vt miha tok mak o immi ha chi ka, Chihowa hvv atokolichi tok keyu?

6. Amba hvchishno yokvto ilbvsha ya hvsh kanimanchishke. Hatak nan in laua vhleha hvv hvchishno a hvch ilbvshachit, nan ai apesa kia hallvlt hvch isht ohona chatuk keyu?

7. Na hohchifo holitopa yvmmak o isht a hvchi hohchifo hatuk ash ik ahobalot okla nanumahanchi keyu?

8. Uba nan vhpisa i noshkoboka, Holisso Holitopa vt, Chin chuka panta hatak a ish i hullo kvv chishno inli kak o ish itilauechashke, achi kak o, hvsh ai ghlichu hokmvv, vhpesa hq hvchi yvmohmi hoke:

9. Amba hatak puta ka iti shahsholechi hosh hvsh ahnichi hok mvto, hvsh ashvchi; yohmikmt nan vlpisa kobvfi mak o nan vlpisa yash ot isht a hvchi atokowa hoke.

10. Kvna hosh nan vlpisa ya mominchit ai ghlichi hosh, anonti achvfona ka kobvfi hokvt, mominchit kobvfi mak oke.

11. Hvsh iti lumaka na, achi mvto, anonti kvna kia ish bi na, achi ak inli tok oka. Yohmi ka hvch ik iti lumako hoh kia, hatak a ish bi hokmvto, nan vlpisa kobvfi o ish toba hoke.

12. Hvsh anumpuli, micha nana hvsh a kaniohmi puta kvto, a yuka keyu nan vlpisa ho kvna hosh nan isht im vlpisa hi vt kaniohma he vlpiesa ka, hvsh chiyuhmashe.

13. Kvna hosh inla ya ik i nukhaklo ke tuk okvto, ilap mvto i nukhaklo iksho ho nan im vlpisvt na palvmmi pisa he; mikma nan i nukhaklo yokvto nan im vlpisvt im a palvmmi a ik i nukshopo hoke.

14. Itibapishi li vhleha ma! hatak vt ai yimmika yvt anukfoka miha kia, na toksvli kvto ik im iksho hokvto, yvmmt nanta ho isht im ai achukma hinla ho? Ai yimmika illa kvto yvma okchalincha hinla ho?

15. Iksa ibafohka itibapishi, in tek kanima hosh nipi bano cha, nitak yvma nana vpa he kia ik im iksho;

16. Yohmikma hvsh achvfona kvto yvmmak ash o haknip a nan isht apelvcha he ai vlpesa ka hvsh ima keyu nana kia, Hvchi libishvt, hvchi kajya hosh na yukput hvsh itvno-washke, hvsh im achi ka, nanta ho isht ai achukma hinla cho?

17. Yohmi ka ai yimmika yak kia yvmmak inli ho chohmit, na toksvli hvto ik im iksho ho, yvmmak illa hokmvto, illi hoke.

18. Ahli, kvna kia, Chishno vto ai yimmika yosh chi nukfoka ma, anonti vno vto na toksvli ak o isht ahanta lishke; nana ka isht ish ahanta keyu hosh nan isht a chi yimmi hg is svm otvnochikma, anonti vno vto nana ka isht ahanta li hosh nan isht a sai yimmi kvto chim otvnochilishke.

19. Chihowa hvt achvfa ka hvchi yimmi kv̄t, v̄lhpiesa h̄o hvchi yvmohmishke: nan isht ahullo okpulo v̄hleha ak kia yimmi cha, wv̄nihinchi hoke.

20. Yohmi kia ai yimmika yokvt, na toksvli hvt ik im iksho yokvto, illi mak atuk g, hatak ik hopoyukso chia hvt akostininchi ka ish ahni cho?

21. Pin tikba Eblaham vt ilap ushi Aisaak g alta pakna vba isht ai okpuchit isht ahanta kak osh isht ai v̄lhpiesa tok keyu?

22. Yvmmak okvt nan ishi ahanta ka ai yimmika yokvt ka-
niohmit ibai isht ahanta tok, micha nan isht ahanta pulla h̄o ai yimmika yvt isht ai gh̄lit kv̄nia tok g ish akostininchi cho?

23. Micha Eblaham vt Chihowa h̄a i yimmi tok; mih-
mvt yvmmvt nan ai v̄lhpiesa h̄a isht im v̄lhpisa tok, achi
Holisso Holitopa vt ont ai gh̄li tok; mihma yvmmak ash
osh Chihowa i kana isht hohchifo tok.

24. Yohmi hoka na yimmi illa kak keyu, amba nana ka
isht ahanta kak o pulla hosh hatak vt kaniohmit isht ai v̄l-
piesa ka hvsh akostininchishke.

25. Yohmi ka yvmmak inli chohmi hosh ohoyo havi Le-
hab vt nan isht ahanta ilvppa pulla hosh okla yakni pisvt
ḡya tuk g pehlichit ishi tuk osh, hina inla h̄a pit tibleli hosh
isht ai v̄lhpiesa tok keyu?

26. Hatak haknip vt, shilombish vt iksho hokvno, illi yo
chatuk g, na yimmi hak kia nan isht ahanta kv̄t ik im iksho
hokvto, illi ak inli hoke.

CHAPTER III.

Ai o walamp̄li hosh inla ya na kil i miho ka he tok, 1; 5 pisumlvsh
g il im alvmmashke, haknip g ai achvfa kitinosi kia, nan achukma
hokmā, ik v̄lhpeso chiato hokmā, nana ka yvmihcha he bano; 18
na hopoyuksa gh̄li hokvto im anukfila yohbit nanaiya, nukhobela
kv̄t ik im iksho chatuk.

1. ITIBAPISHI li v̄hleha ma! nan isht v̄lhpisa chinto i
shahli mak osh pi onvtula hinla ka hvsh ithana kv̄t, nan
ithananchi g lauvt hvch ik tobo kashke.

2. E moma kv̄t nana ka il ai ibetv̄bli kv̄t laua hoke. Hatak nana hosh anumpa h̄g isht ik ibetv̄blo hokm̄vt, mihi yosh hatak ai gh̄li, micha hakn̄ip ḡ mominchit apesahancha hinla hoke.

3. Yakeh! pim antia ch̄i ka issuba it̄h h̄g kapali ḡ e fohki chatuk; micha hakn̄ip ḡ mominchit e fullolichi hoke.

4. Yakeh! anonti peni hochito, yumm̄vt na hochito fehna h̄g mahli kv̄llo hosh shalit isht ih̄iya kia, apesv̄chi mak osh kanima h̄g ia hi ḡ ahnikma, isht afana yv̄t iskv̄tinosi kia fullolichi chatuk oke.

5. Yummak in̄li h̄g chohmit isunlv̄sh vt nana iskv̄tinosi ak inli kia, nan aiaka mak o ai isht il atambli chatuk: mikma yakeh! lvak vt iskv̄tinosi kia iti laua chinto luachi chatuk.

6. Yohmi ka isunlv̄sh vt luak, micha ai ashv̄chi yakni mak oke: yohmi hosh isunlv̄sh vt pi hakn̄ip ḡ ibai achv̄fa hatuk osh hakn̄ip ḡ mominchit okp̄ghani; micha yumm̄vt ai okp̄loka luak mak o isht libbi hatuk osh, hatak isht ai unchululi puta ka libbichi chatuk oke.

7. Nampoia ilaiyuka, micha hushi, micha nana hosh aka a ita balv̄lli, mikm̄vt okhv̄ta anyka ai asha puta kv̄to kostini chatuk: hatak isht ai unchululi puta kv̄t yummak okv̄no kostininchi chatuk oke:

8. Amba isunlv̄sh ak okv̄no hatak naha hosh kostinincha hi o keyu; yummak okv̄t nan ik v̄lhpeso, kostina hi o keyu, hatak isht illi banot alotowa hoke.

9. Yummak o Iki Chihowa h̄g isht il ai okpahanchikm̄vt; anonti yumm̄vt Chihowa h̄g holba hosh toba tok hatak puta kash yummak ash inli h̄g anumpa okp̄lo isht e mihachishke.

10. Itakha mih achv̄fa holioblit isht ai okp̄v̄chi, mikm̄vt anumpa okp̄lo isht mihachi aiena hosh akohonchv̄shke. Itibapishi li v̄hleha ma! ih̄v̄ppa puta kv̄t yakohma he tuk o keyushke.

11. Kv̄li hv̄t akocha achv̄fa ka oka champuli, takba aiena h̄g akohonchi chatuk o?

12. Itibapishi li v̄hleha ma! fik v̄pi vt alif v̄ni ȳg v̄na hinla h̄g? keyukm̄vt pak-v̄pi vt fik o v̄na hinla cho? yv̄m-

mak inli chiyuhmit kvli nanta hak osh hvpi oka, micha oka kashaha aiena ka kohonchi chatuk keyushke.

13. Kvt a hak osh hatak hopoyuksa, micha nan ithana anukfohka achvkma kvt hvchi takla ahanta cho? mih mak osh hopoyuksa chukvsh yohbi hosh nana kvt ai vlhpiesa ho yvmohmi kvt na toksvli ha isht otvnihinhashke.

14. Amba it i potvno homi, micha itachowa aiena hosh hvchi chukvsh a foka hokmvno, isht hvch ik ilauato, mikmvt nan ghli ka hvch ik a holabo kashke.

15. Na hopoyuksa ilvppak okvto vba ak o a minti keyu, amba yakni, hatak, micha nan isht ahullo okpulo aiena kak o immi hoke.

16. Kanima yo it i potvno, micha itachowa aiena kvt ashakma, ai itasheha, mikmvt nana a kaniohmi ik vlhpeso moma aiena kvt yvmmak oka a takali hoke.

17. Amba na hopoyuksa vba ak o a minti hatuk osh vmona ka hanta achvkma tuk mvt, anonti it i nanaiyachi, yohbi, ilap nan ahni ak bano keyu, nan i nukhaklo, micha nan ai vlhpiesa yohma he aiena kvt alotowa, iti shahsholechi iksho, micha peh il ahobi vt ik im iiksho chatuk oke.

18. Mikma nan ai vlhpiesa vni g nangiyachi vhleha yvmmak osh im anukfila nuktaiyala hosh hohokchi hoke.

CHAPTER IV.

Nan ashvchi il-aiyuka ka ahah! im ahna he i miha, 1; 18 mihmvt nan okchaya ilvppvt ont ataha kia kil ithano, yohmi hokvt pishno, micha nana ho il, ieshi moma kvt Ohihowa hosh nan ai ahni kak a chj ka il im asilhhashke.

1. IT in tanampi, micha itibi puta kvt hvchi takla ya takali kvt, katima ko a toba cho? hvchishno hvchi haknip isht ai yukpa he ahni kvt hvchi haknip g a tanahampi kak o a toba ilvppak o keyu?

2. Nana ka hvchi bvna fehna ho kak osh hvch ik esho; hvsh bi mvt, ishi ka hvchi bvna kia, hvsh isha hi o keyushke; itibit it in tanampi aienvt hvsh aiasha kia, hvch ik asilho kak okvt, hvch ik eshoshke.

3. Hvsh asilhha kia, hvch ik esho ; yvmmak oka hvchishno hvchi haknip isht ai yukpa he ahni pulla kak o isht yopomot hvsh tahla chj kv, ai vlpiesa keyu ho hvsh asilhha hokvt.

4. Hatak havi, ohoyo havi vhleha hvchia hvv yakni anushkunna hokvto, Chihowa hg in tanampi chatuk g, hvch ik ithano cho ? Yohmi hoka kvna hoh kia yakni g it i kanvt ahanta chj mak okmvt, Chihowa hg in tvnvp oke.

5. Chvkvsh pi anukfoka kak osh il it i potvna hi g ahni ka Holisso Holitopa vt achi ka, ik ghlo ho hvchim ahobo cho ?

6. Yohmi kia yvmmak okvto i shahlichit isht i kana ya ima hoke ; yohmi hatuk osh Chihowa hvv ilefehvvchi puta ka i sanalikmvt, amba chvkvsh akanlosi yokvno i kanvt apelahanchi, achi hoke.

7. Yohmi hoka Chihowa ak o hvsh il im issa cha, hvsh im antiashke. Nan isht a hullo okpulo g hvsh i sanalashke, yohmikma yvmmak okvt hvch i kanulla hinla hoke.

8. Chihowa ai i bilika pit hvsh kanvllashke, yohmikma ilap mvt hvchi bilincha chj hoke. Nan ashvchi vhleha hvchia hvv hvch ibbak g hvsh kashofikma, anonti im anukfila mia tuklo hvchia mvt hvchi chvkvsh g hvsh kostininchashke.

9. Il ilbvshachit nukhaklot yayvt hvsh ai ashashke ; yukvt hvsh ai asha tuk g na yaya tobakma, na hvchi yukpa yatuk vt chvkush isht nukhaklo yo tobashke.

10. Chitokaka itikba ya a hvsh il akanlosechashke ; yohmikma yvmmak okvt halvllit hvchi wakela chj hoke.

11. Itibapishi li vhleha ma ! hvchishno hvchi bika ya nan it i mihachit hvch ik anumpulo kashke. Kvna hosh itibapishi hg na mihachit anumpuli kvv itibapishi hash o anumpa onochi hokvt, nan vlpisa ak o nanumachi, micha nan vlpisa hash o kanimanchi mak oke ; amba nan vlpisa ya ish kanimanchi hokmvt, nan vlpisa ya holitobli mak o chia keyu, amba nan vlpisa kanimanchi mak o chia hoke.

12. Nan vlpisa ikbi vt yvmmak okvto okchalanchi, micha vbi aiena kvv im ai vlpesa he bano mak osh achvfa kvv

ashvshke; ohishno ak osh kvta chia hatuk osh inla ya anumpa ish onochi cho?

13. Inta! himak nitak, onna ha kanima ka tumaha yummak o il ona cha, afummi achufa ka yummak o ashvut, nan ita tobt nan isht ahayuchit il ahshwashke, achi hvchia ma!

14. Onna ha nana a kaniohma hi a hvsh ithana keyu kv. Hvchim ilhfopak vt nanta ho? oka shobulli yummak okrt chekosi takla hokvno otvni tuk osh kvnia chatuk a, yummak o itilau hoke.

15. Yohmi hoka Chitokaka ak osh yumma ahni hokma, pi okchaya cha ilvppa, keyukmtv yumma kanima ka pi ymohma chi chishke, hvsh acha he tuk oke.

16. Amba himak okvno hvchishno hvsh il atambli kak osh isht hvchi yukpvshke; nan isht ai yukpa yumma chohmi puta kvt vlhpesa keyu bano hoke.

17. Yohmi hatuk o kvna hosh nana ai vlhpesa ka yohma hi vt ithana hosh, yummak ash ik yohmo hokvto, mihi yosh ashvchi mak oke.

CHAPTER V.

Chihowa yvt na palvmmi isht im atobbi yoka, batak nan in laua nan ashvchi vt i nukshohompashke, 1, 7 Chob atoks a nan im ai ithvmt nana kvt ik pvlvami kia nuktaiyala he tuk; 13 nana kvt palvmmi ka anumpa ilbvsha yo anumpohonlikmtv, anonti nana kvt isht im achukmakmtv vba taloa isht talohowashke; 16 pishno na ki aighlo nukhaklot il itim anohonla he tuk, micha vba isht it anumpohonla he tuk, 19 itibapishi nan ashvchi tuk a falvminobit nan ai ghli ka a hilechi aina hi a isht anumpuli.

1. **INTA!** batak nan in laua hvchia ma! na palvmmi hvch on itula chi kv, nishkin okchi mintit chitoli hosh hvsh yahayashke.

2. Nana laua hvchim ai asha tuk vt toshbit taha ma, hvchi na fohka puta ka shvshi ai vpa bano hoke.

3. Hvchin tvli holisso lakna, micha hvchin tvli holisso hvta aiena kv lakvnt taha: yohmi kv lakna yummak atuk vt nan isht hvchi atokola he; mikmtv luak o chiyuhmit

huchi nipi g ahampa chi hoke. Nitak huchim ishtaiyopik mak a hi g huchim ilgak g hvsh itahobi tuk oke.

4. Yakeh! toksvli vhleha huchim osapa puta nana ai vmo tuk isht vltoba he tuk, yummak oka hvchishno ak osh nana ik vhpesalot falaminchit hvsh ishi tuk g, pahayvshke: yohmikma nan vmo tuk vhleha paya kvv Sabaolh Chitokaka haksobish g ont chukowa hoke.

5. Nan isht aiyukpa il impa in lauvt, haui toba hosh yakni pakna ya hvsh maya tuk: vhpoba illa chi hokvt ilhpihinta chatuk mak o, italauenchit huchi chukvsh g hosh ipihinta tuk oke.

6. Hatak ai vhpiesa yatuk g anumpa onochit hvsh bi tok; yohmi kia yummak okvt ik hvchi sanalo kisha hoke.

7. Yohmi hoka itibapishi li vhleha ma! nukchintot hvsh hoyo na Chitokaka yvt vlashke. Yakeh! hatak osapa toksvli vt nan vni hochukma yakni a waya ka anukfillit hohoyo; yohmi kvv yvma ahni kvv nukchintot falaiachi hosh, vmona micha ont ishtaiyopi aiena ka im on umba chatuk oke.

8. Yohmi ka hvchishno ak kia nukchintot huchi chukvsh g ai ghlichit hvsh hlampkochashke: Chitokaka vt ai vla he tuk vt atukonovt taha hoke.

9. Nanasi kia isht huch ik it i potvno kashke, itibapishi li vhleha ma! yvmmak keyukmvt nana isht huchim vhpisa hinla hoke. Yakeh! nan apesa yvt okhisea itikba ya hikia hoke.

10. Itibapishi li vhleha ma! hopai Chitokaka i hohohifo pulla hatuk mak o anumpohonli tok vhleha hvv na palvmmi pisa, micha nukchinto tok puta mak o nan isht ithanvt hvsh hobacha chi kvv hvsh anukfillashke.

11. Yakeh! kvna hosh nuktanlvv achunanchi mak o yvmmak okvt na yukpa, il ahni chatuk. Chob vt nuktanlvv achunanchi tok okvno hvsh hgklo chatuk: yohmi cha Chitokaka nana ai ahni tok ash hvsh akostininchi: yohmi kvv Chitokaka yvt nan i nukhgklo fehna, micha i kana fehna hoka hvsh akostininchiske:

12. Yohmi kia itibapishi li vhleha ma! ik kaniohmi nana kia vba shutik, keyukmvt yakni, keyukmvt anumpa kvvlo

isht ai vlpisa inla nana kia anumpa kullo ai isht hvch ik il onochi kashke: amba yau, hvsh achikma, ik ai ghli; mikmtv keyu, hvsh achikma, keyu mak ashke: yvmmak keyukma nan isht hvchim vlpisa hvv hvchi on itula hi oke.

13. Kva kia na palvmmi pisa kvv hvchi takla ahanta cho? yohmikmtv vba pit anumpohonlashke; kva kia na yukpa kvv ashg? yohmi hokmtv vba isht taloa mak o isht taloashke.

14. Kva kia abeka kvv hvchi takla ahanta cho? yohmi hokmtv ilap ak osh iksa pehlichich vhleha hg hoyashke: yohmikma yvmmak ash osh vba isht anumpulit, Chitokaka i hohchifo hg nan ahama yg okla ahvmmichashke.

15. Yohmi hokma na yimmi hosh vba isht anumpuli pulla kak osh abeka yg hlakoficha he; mikma Chitokaka yvt yvmmak ash tanicha hi oke: mikma nana hg ai ashvchi tuk ok mak heno i kashofa he mak oke.

16. Nan hvsh ai ashvchi pvta ka hvchishno bika yvt hvsh it im anohonlashke; mikmtv hvchi hlakofa chi kvv, vda isht hvsh it im anumpuli pullashke. Hatak ai vlpiesa hosh na yimmi hosh vba pit anumpohonli kvv nana ka ai ghlichich fehna chatuk oke.

17. Elias vt hatak im anukfila im a kaniohma he vt hvpvishno ak inli chohmi tok; yohmi hatuk osh ik umbo ka hi g ai ghli fehvt vba pit anumpohonli tok; yohmi ma yakni yvmma ik ai umbo hg afvmmi tuchina cha hvshi hannali aiena tok.

18. Yohmi ma anonti yvmmak ash inli hosh vba pit anumpohonli ma, Chitokaka yvt umbachich na yakni g nana kvv a wahaya tok.

19. Itibapishich li vhleha ma! hvsh kanima hosh vbanumpa hg i filvmmi hvsh gya na anonti achvvt nukfohkichit falaminchich hokma,

20. Kva hosh hatak nan ashvchi vt yoshubvt atgya tuk g nukfohkichit falaminchich hokvt, yvmmv hatak shilombish g ai illi yg a hlakoficha he; mikmtv nan ai ashvchika laua hg ompohoma he aiena hoka ithaiyanashke.

P I T A

I H O L I S S O U M M O N A H O K E .

CHAPTA I.

Shilombish nan isht i kana laua pulla kak o Chihowa ya aiskpa-hanchi, 1; 10 Hopaii vheha pulla ho Klaist isht im ai okchaya yvt tikbanli anohowa tok a anoli; 13 Chihowa im anumpa ho isht ai vta hatuk okvt, nan ashvchi ikshot maya chi ka i miha.

1. PITA, Chisvs Klaist im apostel okvt i yakni keyu ai it a fimimpvt Pontvs, Kaleshi Kappatosia, Asia, micha Bihlinia aiena ai asha ka pit ai okpvchi kv,

2. Iki Chihowa hak osh tikbanli ithaiyanvt, okchaya he atokoli tok yvmmak oka Shilombish Holitopa yak osh kashohofi na, nana ka im antia ho Chisvs Klaist im issish isht o fima tok hvchia hoka; Nan isht i kana yvt hvchi anukfoyuka, micha nan isht it i nanaiya yvt hvchin lauashke.

3. Pin Chitokaka Chisvs Klaist Iki, micha in Chihowa hokvt holitopashke, yvmmak osh pi nukhgklo chinto hatuk osv, Chisvs Klaist vt illi tuk kia, falaminchit tanichi kak osh anonti himonvchit pikbi tok o, na yukpa fehna hosh,

4. Ai ahanta okpula himma keyu, micha liteha he keyu, micha aksha he keyu ho e hohoyo ka, hvchimmi hosh vba yakni ya ai vlhtayaha hoke;

5. Yvmmak oka na yimmi pulla kak o Chihowa imi hlampko kvt ishi na ai okchaya nitak ishtaiyopi otaiyana chi ka ona hoke.

6. Yvmmak oka nan isht a hvchi yukpa fehna; yohmi kia yakosi itintakla ka ai yvmohma he vlhpesa ho isht

imomaka pisa ilaiyuka hvsh pihisa kak osh isht a hvchi nukhaklo hoke:

7. Yohmi kia na hvchi yimmi ka isht imomaka pihisa kak osh holitopa kv, tvli holisso lakna okpulo chatuk, yvmmak oka luak isht imomaka pisa chatuk ak kia i shahli fehna hokvt, Chisus Klaist vt haiakakma, isht a holitopa, micha annoa chinto aiena kv isht a hvchi otaiyani hokbano;

8. Yvmmak oka hvch ik peso kia, hvsh i hullo; yvmmak ash himonasi ka hvsh pisa keyu ak inli kia, hvch i yimmi hosh, nan isht ilaiyukpa annoa he keyu, micha isht a holitopa alotowa aiena ka isht a hvchi yukpa:

9. Na hvchi yimmi isht vltoba ka hvsh ihishi kv, hvchi shilombish isht ai okchaya yak fehna hoke.

10. Ai okchaya yvmmak o hopai vhleha hv a ponahaklo, micha achunanchit hohoyo tok, isht i kana yosh hvchim vla hi oka yvmvt tikbanli anohonli kv;

11. Nitak katiohmi, micha nitak nanta, Chisus imi Shilombish vt yvmmak ash anukfoyuha hatuk vt Chisus vt isht ai ilbusha he puta, micha yvmohmi hosh isht a holitopa he aiena ka tikbanli atokolit anoli tok g, ai ahnit hohoyo tok.

12. Yvmmak ash o im otaiyani kv, ilap ak atuk ak o yohmi keyu; amba pishno ak atuk mak o nana ka otvnihinchi tok yvmmak ash himonasi ka vbanumpa ha Shilombish Holitopa vba yakni mihinti hosh awant gya ho, isht hvchim anumpohonli kash osh hvchim anohonli tok; nana yvma puta kash enchil vhleha hokvt akostininchi bahana fehna hoke.

13. Yvmohmi hoka hvchi chukvsh g okchvilit aiksiachi cha, ahah! ahnit, Chisus Klaist vt ant haiakakma, isht i kana yosh hvchim vla hi okvt ai ghli bano hosh hvsh hohoyashke.

14. Yohmi kv vlla nan im antia yq hvsh chiyuhmit, tikba hokvno nana hvch ik ithano hosh chukvsh nan ahni kak o hvsh yvmohmi beka tok vt, hvch ik ile hobacho kashke:

15. Amba hvsh im antia chi hvchi hōwa tok, yummvt nan ai ashvchika ik im iksho hoka, nan ai ashvchika ik hvch im iksho ak inlashke :

16. Uno vt nan ai ashvchika ik svm iksho hoka, nan ai ashvchika ik hvch im iksho kashke ; achi hosh holihiso hoka ;

17. Yohmi ka Iki ak o hvsh im asithha hokmvt, yummak okvt hatak it i shahshohlechi iksho hosh hatak puta kv̄t ilap a kaniohmi tuk ak o isht im apesa yoka, ilvppa hvsh ai ahanta tqkla kv̄t hvsh holitoblashke :

18. Yohmi kv̄t hvch iki v̄hleha hak o hvsh im ai ithvna tok nana hvsh a kaniohmi ik achukmo yoka a hvchi filvm-michi kv̄t nana okpula he tv̄li hvta, micha tv̄li holisso lakna chiyuhmi hō isht hvchi v̄lhtoba tok keyu kv̄t hvsh ithanushke ;

19. Amba Klaist im issish holitopa Chukfulhpobushi ai okpuloka iksho, micha liteha iksho yak a tok ;

20. Yummak osh yakni intolahpi vt ik tobo pilla kash o tikbanli v̄lhtoka tok osh, hvchishno yak atuk pulla kak o himak ont ishtaiyopi ilvppa otaiyani tok oke ;

21. Hvchishno yvt yummak atuk pulla kak o Chihowa hq hvch i yimmi pulla kv̄t, yummak osh illi tuk a falaminchit tanichi cha, isht a holitopa ka ima tok oka ; ai okchaya yq Chihowa yak o im ai ishi la he ai ahnit, hvch i yim-mashke.

22. Yvmohmi ka Shilombish ak osh hvchi anukfoyuka hō vbanumpa ai ghli ka hvsh im antia hosh, hvchi shilombish a hvsh kashofi hatuk osh, itibapishi v̄hleha hoka ilahobi keyu hosh isht i shahlichī fehna hosh hvsh it i hullashke ;

23. Chihowa im anumpa, yummvt mahayvt bilia yak atuk pulla kak o na nihi okpula he keyu yō atuklant isht hvsh a toba hoke.

24. Yohmi ka haknip puta kv̄t haiyukpulo yak o chiyuhmi, micha hatak isht a holitopa moma kv̄t haiyukpulo pakanli yak o chiyuhmi hoke. Haiyukpulo yash ot bv̄shikma, pakanli yash ot liwelit taha hoke.

25. Amba Chihowa im anumpa hokvto mahayvt bilia hoke. Yohmi ka anumpa ilvppak o vbanumpa hvv isht a hvchim anuhumpa hatuk oke.

CHAPTER II

Nan ik vhlpeso isht im anukfila puta ka naksika bohla chi ka i miha, 1; 5 Klaist akosh tikba intola yq okla ai itabana hatuk a anoli; 11 haknip imma nan isht im anukfila yokvno kano pit kancha chj ka achi; 18 yakni pakna nan apesa maya ka im antia he; 18 yvka hvv kaniohmit i nahollo yq im antia hi a ithvnachi.

1. YUMOHMI hoka isht i nukkilli, na haksichi, nan ilahobi, na potvno, anumpa chukushpeli puta a moyuma ka mokofit naksika hvsh boyuhli cha;

2. Ullosi himona vta chiyuhmit, yvmmak o isht a hvchi hofahantit ai okchaya yq hvsh ona chj mak osh, vbanumpa pishukchi ai ghli kak o bvna fehvvt hvsh hohoyashke.

3. Chitokaka yvt hvchi kana achukma fehna hq hvsh akostinichi ai ghli hatuk okvvt;

4. Yvmmak okvt tvli okchaya chiyuhmi hq hvsh im ohona ka, hatak okvto ik ahnincho fehna tok kia, Chihowa hokvto holitobli fehvvt atokoli tok;

5. Hvchishno ak kia tvli okchaya chiyuhmit, shilombish chuka hvsh toba hosh, na holitopa isht vlla holitopa yosh Chisvs Klaist ak atuk pulla kak o, Chihowa hokvt im vhlpiasa hq, chkvsh isht aiokpvchi puta ka pit hvsh im ihisa hi a tok.

6. Yvmohmi hoka anonti Holisso Holitopa yq a foyuka kvv, Yakeh! chukbi in tola tvli vltoka, holitopa fehna hq Saion a bohli lishke: yohmi ka kvna hosh yvmmak oka i yimmi hokvt hofahya he keyu hoke, achi tok.

7. Yohmi hoka yvma i yimmi hvchia hokvno hvchi holitopa fehna; amba ik im antio yokvno, chuka ikbi vhleha yash ot tvli yq ik ahnincho ki tok, yvmmak ash inli hosh chukbi in tola noshkoboka yq toba hoke.

8. Micha ik im antio yq vbanumpa isht ai ibetvbli yvmmak fehna kak osh isht ai ibetvbla he tvli, micha isht ai

okpula he tvli chito aiena h_o, yummak o ai yvmohma he im vlhpihisa tok.

9. Amba isht atiaka vlhtoka, miko i na holitompa isht vta ; oklushi holitopa, Chihowa immi ai ghli fehna hvchia hoke : yohmi ka yummak osh hvchi h_ovvt ai okhlilika ya a kohchit im atohwikeli chinto ka hvchi foyuki tuk o, ilap isht aiokpahancha he a puta ka otvninchit hvsh an_ohlonla he a tok :

10. Yohmi kv_t nitak tikba hokvno Chihowa im okla hvchia ha tok keyu kia, himak ano Chihowa im okla hvchia hoke ; isht i kana ya hvch ik esho ki tok kia, himak ano isht i nukhaklo ka hvsh ishi tuk oke.

11. A holitopa vhleha ma ! nana hvchim ai ahni li kv_t hatak ik ithano, micha ilap i yakni keyu ai itvnowa chiyuhmit, haknip imma nan ahni, yvmvvt shilombish in tanampi yoka hvsh i filahamashke :

12. Nana hvsh a kaniohmi kv_t achukma hosh vbanumpa ik ithano okla h_o iba takla hvsh ahantashke : yohmi na nana ik achukmo yvmihchi chohmichit hvchi sanalit anumpononli kia, nana achukma puta hvsh yimihinchi ka pihisakmvt, Chihowa yvt i nowvt aya nitak oka yvma okla holitoblashke.

13. Chitokaka yak atuk pulla mak o hatak i nan vlhpisa puta ka hvsh im antiashke : miko yok ma moma i shahli yo chohmichit hvsh holitoblashke.

14. Michi nan vlhtoka vhleha nana ik achukmo yvmohmi puta hokvno nan vlhpisa onochikmvt, nana achukma yvmohmi yak okvno aiokpvcha chi h_o, miko yvt atokohonli tok a hvsh holitoblashke.

15. Yohmi ka nana kv_t ai vlhpisa h_o hvsh yvmohmi hosh hatak im anukfila iksho nan ik ithano itih puta ka hvsh i kamala he yak o, Chihowa hokvt ai ahni hoke :

16. Yuka keyu hvchia kia, hvsh yvmohmi kak osh nan ik vlhpeso ya isht hvsh ompohomo na : amba Chihowa in tishu vhleha mak o hvsh chiyuhmashke.

17. Hatak puta ka hvsh holitoblashke. Hvsh itibapishi

vleha h₂ hvsh i hullashke. Chihowa ya i nukshopot hvsh holitoblashke. Miko yoka hvsh holitoblashke.

18. Yuka hvchia hvt isht a holitopa he vlpesa h₂ hvchi nahullo yoka isht hvsh im antia kv₂ achukma, micha im anukfila yohbi aiena kak bano keyu, amba hvch i kullo aiena ka hvsh im antia ak inlashke.

19. Yohmi ka hatak vt chukvsh ak osh Chihowa ya isht im vlpiesa kak osh isht a nukhaklo ya vlpiesa ahnit, ai vlpiesa keyu h₂ isht ilbahasha hokma, ilvppet isht i kana hoke.

20. Yohmi ka nana ai vlpiesa keyu h₂ hvsh yvmohmi tuk osh vlpiesa ahnit, isht hvchi boh₂wa hokmvt, yvmvt nan isht amoa achukma nanta h₂? amba nana ai vlpiesa h₂ hvsh yvmohmi tuk kia, vlpiesa ahnit isht hvch ilbahasha hokvno, ilvppak o Chihowa hokvto isht im vlpiesa hoke.

21. Yohmi ka ilvppak o hvsh yvmohma he osh hvchi vltoka tok; pishno ak atuk pulla mak o Klaist ak kia ilbahasha kv₂, ilap a noh₂wa tok a il iakaiya he mak o pish abahanchi hatok oka:

22. Yvmvt nan ashvchi tok keyu, haksichi kia itih h₂ foyuka tok keyu:

23. Yvmvt ilap a isht ik ahobalot anumpuli mak o, afalaminchit isht ik ahobalot anumpuli keyu; na palvmmi onochi ma, na palvmmi onocha hé kia miha tok keyu; amba ai vlpiesa apihisa yak o il im issa tok:

24. Yvmvt osh nan il ai ashvchika ya ilap hakn₂p fehna ak o ilap inlit il onochi hosh iti ya takali tok: yohmi h₂ nan ai ashvchika puta il im ihinli hosh, nan ai vlpiesa ya il im okchaya ch₂ ha tok: yvmvt fahama tok ak o isht hvchi hlakofi hoke.

25. Yohmi ka chukvlp₂poba tamoa chiyahmit hvsh itc₂wa tok kia, himonasi kano chukvlp₂poba Apesvchi micha hvchimi shilombish ma Nan im atahli yoka falamvt hvsh im ona hoke.

CHAPTA III.

Hatak vt im ohoyo itatuklo kv̄t nan v̄lhpiesa h̄o isim anukfilvt ita-
pela he im av̄vchi, 1; 8 it ī hullot it ibai av̄vcha he; 14 na palv̄m-
mi ka isht it ibai il v̄vcha he; 19 Oka falama yvt ik ayo k̄isha ma
okchayvt aiasha tuk ḡ Klaist vt nan i kanimihchi tok ḡ anoli.

1. ANONTI tekchi hv̄chia hv̄t hv̄ohī hatak oka hv̄sh im
antiashke; yohmi na kanima kv̄t v̄banumpa h̄ḡ ik ahnicho
hokmvt, v̄banumpa hash ik haklo kia, tekchi ak osh nana a
kaniohmi kak o, yv̄mmvt v̄lhpesa ahnit islt anukfohka ak
inli yoba na;

2. Yohmi kv̄t havi imma ai yvmohmi ik hv̄chim iksho,
micha hv̄sh holitobli aiena ka pih̄isa kak osh yvmohma hinla
hoke.

3. Yv̄mma isht shema yvt p̄ashi tan̄v̄ffo, micha tv̄li ho-
lisso lakna isht shema, micha na fohka fohka aiena paknati
isht shema yv̄mmak okv̄no keyu:

4. Amba ch̄ukv̄sh anukaka a toba hatak luma okpula
himma keyu, anukfila yohbi, micha nuktanla isht shema yo
fehna yv̄mmak ashke; ilv̄ppak osh nan ai v̄lli chinto fehna
Chihowa hv̄t ai ahni hoke.

5. Nitak tikba ma ilv̄ppak o yakohmit ohoyo hochukma
Chihowa ī yimmi ak inli hosh, isht ile shemahanchi kv̄t, ilap
ī hatak ḡ im antia ya tok.

6. Sela ak oh kia Eblaham ḡ ī shahli hochihifot im antia
tok: yv̄mmak o ushetik hv̄chia hoke, nana ai v̄lhpiesa ka
hv̄sh yvmohmi takla, micha isht a nukshopa he kia hv̄oh ik
ī nukshopa hokm̄v̄to.

7. Anonti ī hatak hv̄chia hv̄t nana ka īthaiyana hosh ibai
ahantvt, hlampko ik hv̄chi lauwo mak o eh̄iyuhmichit, isht ī
kana ai okchaya bilia hv̄sh it ibai isha he mak okvt, hv̄ohi
tekchi ḡ hv̄sh holitoblashke; yohmi h̄o av̄vumpa ilv̄vcha
hv̄sh av̄vumpohonli kv̄t ik ai ataklamo kashke.

8. Ai ishtaiyopi ka moyumvt hv̄chim anukfila hv̄t ai
av̄vcha eha, it ī nukhaklot, itibapishi vt ī hullo eh̄iyuhmit,
inla ī kanvt ch̄ukv̄sh akanlosi mvt aienashke.

9. Micha nana ik achukmo hvchi yvmihchikma, nana ik achukmo yo hvch ik falamincho kashke: micha isht ik hvchi ahobalokma, isht ik ahobalo yo hvch ik falamincho kashke; amba ilvppa ik holbo i kanvt hvsh im anumpulashke; ilvppak o hvsh yvmohma hi osh hvchi vlhtoka tok vt hvah ithana hokvt, yohmi hosh nan isht ai yukpa ya hvsh pisa he vlpesa yatok.

10. Yohmi ka kvna hosh, Si okchaya cha, nitak hochukma ho pihisa li hokbano ai ahnikmvt, isunlvsh oka nana ik achukmo ka i filvmmnichi cha, itivlbi yoka na haksichi ya isht ik anumpulo kashke.

11. Nan ik achukmo kvno i filvmmi cha, nana achukma kak o yvmihinchashke; it i nanaiya yak o hohoyot, achunanchit iakaiyashke.

12. Yohmi ka Chitokaka nishkin okvt ai vlpiesa yokvno o wakaya, micha haksobish okvt im anumpa ilbvsha puta ka in tiwa hoka; amba nana ik achukmo yvmihchi puta hokvno Chitokaka nashuka yvt i sanali hoke.

13. Micha nana achukma yvmihchi yak o iakaiya vhleha hvchia hokma, kvta hak osh hvchi hotopala hinla ho?

14. Amba nan ai vlpiesa yak atuk pulla mak o isht hvsh ilbahasha hokmvt, hvchi yukpa hoke; micha nan isht nukshobli yoka i nukshoptvt isht hvch ik komunto kashke;

15. Amba Chitokaka Chihowa yak o i nukshoptvt hvchi chukvsh isht hvsh holitoblashke; micha ai okchaya pisa la he ai ahnit hvchi anukfoyuka a kaniohmi ka hvchi ponoqaklo puta ka anukfila akanlosit, holitoblit anumpa falama ka hvsh ima chi kvv hvch im vlhtaha kak banashke.

16. Isht il akostininchi achukma ho hvsh ieshashke: yvmohmi ho nana ik achukmo yvmihchi chohmichit nana ik achukmo isht hvchi anumpohonli kvv, Klaiat a anukfoykvt nana achukma hvsh yvmohmi ka, anumpa ghli keyu hvchi onochi tuk vhleha hvv isht a hofahyashke.

17. Yohmi ka Chihowa hak osh ik yohmi ai ahni hokma, nana achukma ho yvmohmi cha, isht ilbvsha kak osh achukma kvv, nana ik achukmo ho yvmohmit isht ilbvsha ka, i shahli hoke.

18. Yohmi ka Klaist ak kia himonna ma nan ai ashvchika pulla kak o ai vlpesa yvt ik ai vlpeso yak o vlhtobvt isht ilbvsha tok ; yohmi hosh pi pehliechit Chihowa ya isht pim ona chj ha tok : haknip okvto illi ha tok kia, amba shilombish okvto okchaya tok :

19. Yvmmak ash o shilombish yuka vhleha ai asha ka ivt ont isht im anumpohonli ak inli tok :

20. Yvmmak okvt nitak tikba ma peni yokvt toba itin takla Noah okvt ahanta nitak yvmmak ash fehna kvno, Chihowa hvv i nukhaglot isht i nukkilli onochi svlaha hosh ahanta ma, im antia he keyu ki tok ; peni yvmmak ash o kanimosi yvmmvt shilombish untuchina hosh oka ya isht a hlakofi tok.

21. Yvmmak ash o chiyuhmi hosh himonasi ak kia baptismo yvt, yvmmak osh haknip liteha yoka isht kanchi keyu, amba Chihowa itikba isht il akostinlinchi achukma ai yvmohma he il apihjvt, Chisvs Klaist illi tok kia falamvt tani tok pulla kak o yvmohmi kak osh pi okchalnchi ak inli hoke.

22. Yvmmak okvt vba yakni yoka ona tuk osh, Chihowa im isht im pakimma yak o binili hoke ; yvmmak oka enchil, micha miko, micha nan vlhtoka puta kvv i nutvt im antia he ya tok.

CHAPTA IV.

Nana moma kvv ont ai vha chj kvv olanlosi vla hoka, Klaist iakaiya pullvt nanashvchi issvt ai i filvmmit itanowa he i miha, 1 ; 12 nan i palvmmi puta ka hopohlvi.

1. YUMOHHMI ka Klaist vt hvchishno yak atuk pulla kak o haknip g isht ilbahasha tok g, chiyuhmit hvchishno yak kia im anukfila hatok chiyuhmi ka hvsh il ataiyahli mak inlashke : yohmi ka haknip g isht ilbahasha tok vt nan ai ashvchi ya issvt ai i filvmmi ha tok oke :

2. Yohmi kvv yvmmvt haknip vt okchaya ai itin takla kvv hatak haknip imma nan ahni isht ahanta he a tok keyu, amba Chihowa nan ai ahni kak a hi a tok.

3. Yohmi ka pi okchgyvt il ahanta tok ash ai vhl itin takla kak kia, havi imma anukfilli, chgyvsh nan ahni, oka homi ishkot hoita, isht a haksichit tasimbot atampa, micha na holba nan isht ik ahobo puta ka isht il ahanta kv, vbanumpa ik ithano vhleha nan ai ahni hokvto il a yvmihcha hi ya ona tok oke.

4. Yvmmak oka isht ahanta hosh ilap vt nan ik achukmo puta ka isht afekommit a tasimbo atampa ka hvch ik ibafohko kak o okokko! ahnit, isht im anukfila hosh nan ik achukmo kia isht hvchi anumpohonli hoke.

5. Yvmmak okvt illi, okchaya aiena ka nan im apesa he im vlhtaiyaha yak o ilap nana a kaniohmi tuk vt il im ai anola hi oke.

6. Yohmi ka ilyppak a he mak o illi tok vhleha yvmmak kia vbanumpa hv isht im anuhumpa ak inli tok; yohmi na hatak haknip imma nan ahni yokvt nana ka im apihisa kia, Shilombish Holitopa yak osh apelahanchi hq Chihowa ya holitobla hi a tok.

7. Amba nan oklgha kv ont ai vha chi kv atukonofshke; yvmohmi hoka nana ka hvsh ile oktambli cha, ahah! ahnit, anumpa ilbvsha hvsh anumpohonlashke.

8. Mikmvt hvchishno inli hvsh iti hullo ai ahli fehna hosh nan oklgha ka hvchim i shahli hosh hvsh ieshashke: yohmi ka it i hullo yak osh nan ai ashvchika lgwa kia ompohoma hi oke.

9. Ik im vlhpesot anumpuli iksho hosh it i kanvt hvsh it apelvchashke.

10. Hatak puta kv isht i kana hvlbina ishi ha tok mvt, yvmmak ash inli hq isht iti apihinla kv, Chihowa isht i kana ilaiyuka nan im apesvchi achukma yak o chiyuhmashke.

11. Hatak kanima hosh anumpuli hokmvt, Chihowa im anumpa hv avchi kak o anumpulashke; hatak kanima hosh vbanumpuli ilbvsha ya nan isht im ahanta hokmvt, Chihowa hv kanimihchit hlampkochi kak o isht ahantashke: yohmi na Chihowa hv Chisvs Klaist ak atuk pulla kak o nan oklgha ka isht a holitopashke, yvmmak o isht a holitopa, mikot ahantvt bilia yvt immit biliashke. Amen.

12. A holitopa vhleha ma! isht hvchi imomaka pisa chi luak nan isht imomaka pisa imma hokvno, okokko! ai ahnit, nana ilapissa fehna kaniohmi hosh a hvchi yomohmi ka ik hvchim ahobo kashke.

13. Amba Klaist vt ilbvsha puta tok a chiyuhmit hvsh ibai ilbvsha ak inli hokvt, hvchi yukpashke: yohmi kvv ilap isht a holitopa hokvt otaiyanikma, hvchishno yak kia nan isht il ai yukpa chinto hq isht a hvchi yukpa mak a hiala hoke.

14. Klaist hoehifo ak atuk pulla kak o isht ik hvchi ahobalo hokma, hvchi yukpa hoke; yohmi kvv isht a holitopa Shilombish, micha Chihowa imi Shilombish vt hvchi onvtuyula hoke; yummvto Klaist a isht ik ahobalot isht anumpohonlikma, amba hvchishno yokvto hvsh holitobli hoke.

15. Yohmi kia hvsh kanimi kvv hatak bika vbi, na hukopa, nan ik achukmo yvmihchi, micha hatak inla nan im a kaniohmi ka atakvmmi aiena hokvno chiyuhmit ik hvch ilbvsho kashke.

16. Amba hatak kanima kvv vbanumpuli yo chiyuhmit ilbahasha hokvvt, ik hofahyo kashke: amba iltpa yakohmi hokvt Chihowa yak o holitoblashke.

17. Yohmi ka Chihowa im aboha yak o nan vlpisa yvt ai onvtulvt isht ia chi pulla ka nitak vt vla hoka; yohmi ka pishno ak o tikba ai isht ia hokma, Chihowa im vbanumpa ik im antio vhleha ont im ai vli kvv katiohma hi o?

18. Mich a vlpiesa yokvt palvmmi hq okchgya hokma, Chihowa ik holitoblo, micha nan ashvchi aiena kvvto katima kq ai otaiyana hi oh cho?

19. Yvmohmi hoka Chihowa nana ai ahni hq im antia kvv ilbahasha vhleha hokvto, nana achukma hq ai yvmohmit nana Ihikbi ai ghli yoka ai ahnit, ilap shilombish a iesha chi hq, im ihisashke.

CHAPTA V.

Chukvvlhpoba ushi a achukvvt vbanumpeshi vta yvt ipihinta chi ka i miha, 1; mihvvt itibapishi himithoa yvt nan im antia he, mikvvt moma kvv il oktambliit yichinut Setan a i sanala he i miha.

1. **ŪBANUMPULI** ikxa apesvchi vhleha hvch itin takla aiasha ka nana atohnochi li kv̄t, vno ak kia vbanumpuli ikxa ibai apesvchi, micha Klaist vt ilbahasha tok puta atokowa anoli, micha na holitopa kv̄t otaiyana hi oks ibai isha he ak inli sia hoke.

2. Chihowa in chukv̄lhpoba hvch itin takla ai asha ka hvsh ipihinta kv̄t, yohmi la he atuk okv̄t ik kaniohmi kia ahni keyu, amba yohmi likbano ahnit, ai v̄lhpiesa keyu isht a hofahya he nan isht ahayuchi bv̄nna keyu, amba hvchim anukfila hv̄t v̄lhtaba achukma hosh apesvchit hvsh pehlichashke.

3. Yohmi kv̄t Chihowa immi hoka i shahli chiyuhmit ahanta he keyu, amba chukv̄lhpoba ȳa nan isht im v̄lv̄tchi ya he tuk.

4. Yohmi ka chukv̄lhpoba apesvchi Miko yvt ant il otv̄ninchikma, isht a holitopa iachuka okpula himma keyu mak o hvsh isha hi oke.

5. Yv̄mmak i chiyuhmit himita hvchia hv̄t av̄nonchi ȳa hvsh im antiashke; ghli, moyuma kv̄t hvsh it im antia cha, im anukfila akanlosi h̄o isht hvsh shemashke: yohmi ka Chihowa hokv̄t ilapunla yano i sanali cha, im anukfila akanlosi yokvno isht i kana ȳa ima chatuk oka.

6. Yv̄mohmi hoka Chihowa ibbak hlampko nuta ȳa hvsh im il akanlosechashke; yohmi na ont ai yv̄mohma he ai v̄lhpiesak ma v̄ba hvchi wakeli mak inlashke:

7. Anukfila isht a hvchi komunta puta ka yv̄mmak o hvsh onochashke: yohmi ka yv̄mmv̄t hvchi anukfihinli hoka.

8. Ahah! ahnit, hvchi okchashke, hvchi sanali nan isht ahullo okpulo yvt kv̄na kia isht nanv̄bli bv̄nna kv̄t, hohoyot, koi chito woh̄ha chiyuhmi hosh noh̄wa hoka.

9. Yv̄mmak oka na yimma kullo ai ghli hosh hvsh i sanalashke: hvsh itibapishi vhleha yakni ilv̄ppa ai asha hokv̄t, na palv̄mmi yv̄mmak o chiyuhmi puta ka pihisa ha tok oka, hvsh ithaiyanashke.

10. Amba Chihowa isht i kana chinto yv̄mmak osh Chisvs Klaist ha tok pulla mak o ilap isht aholitopa bilia yoka il esha he mak o pi atokoli tok vt, yakosi itin takla hvsh

ilbahasha ha yak o, ai ghlichit kvlochit hilechit, hlampko-honchit, chpkvsh fitkvchi iksho hq hvchi anukfokihin-chashke.

11. Yvmmak o isht a holitopvt, mjkot bilia yvt immit biliashke. Amen.

12. Silfanvs hvsh itibapishi ai ghli ahni li ha tuk osh, anumpa kanomosi ka holissochit ima li hq, isht hvchim ia tok; yohmi kvv nana hvchi miha li kvv, hvsh a hikia yvmmak osh Chihowa hvv isht i kana ai ghli mak o, atokolit hvchim anoli lishke.

13. Ubanumpuli iksa Babulon hikia kvv, hvch ibai vltoka ha tok vt hvchi aiokpvchishke; mikma svso Makvs vt yohmi ak inli.

14. It i hullo it i suksowa isht hvsh it aiokpvchashke. Klaist ibai achofa hvsh moyuma ka isht it i nanaiya kvv hvchi anukfoyukashke. Amen.

II. P I T A

I HOLISSO ATUKLA HOKE.

CHAPTER I.

Nan isht il aiyukpa chinto nan hq vbanumpuli vt isha chi hosh vltoka ka anoli, 1; 5 nan ai vhlpiessa a yvmihcha he moma ka yvmihchi, yohmi pulla hosh ai okchaya pisa chi kvt ai ghlichia chi i miha: 14 ilap vt illa chi nitak vt ai vlg hosi ka anoli; mihmet Klaist i yimmit akvllot hiela hi a i miha.

1. SAIMON Pita, Chisvs Klaist im apostel, micha in tishu hokvt pin Chihowa, micha pi Okchalinchi, Chisvs Klaist vt nan aivhlpiessa yvmohmi tok pulla mak o, na yimmi pi holitopa itilau ka ahayuchi tok vhleha yvmmak o pit aiokpuchi kvt,

2. Chihowa, micha Chisvs pin Chitokaka hvsh ithaiyana kak osh nan isht i kana, micha isht it i nanaiya aiena kvt hvchin lauashke;

3. Yohmi kvt ilap ai ghli kak osh nan oklgha isht ai okchaya, micha Chihowa isht holitobli imma aiena ka pihima kvt, ilap ithvna kak osh nan ashvchi ik pim iksho hosh isht a holitopa ya e pihisa he mak o, pi atokoli tok:

4. Yvmmak o nana holitopa, micha achukma chinto puta ka isht a pihima; yohmi kvt ilvppak atuk pulla kak o nan okpulo chukvsh nan ai ahni yatuk pulla kak o yakni ilvppa ai asha ka hvsh i filvmmi hosh, Chihowa im anukfila ha hvsh ibai isha chi ha tok.

5. Michi ilvppa atuk pulla kak o achunanchi fehna hosh na hvchi yimmi ya nan vhlpesali ya isht hvsh otvnnin-

chashke: micha nan vlpesali ya nan ithana ya isht hvsh otvninchashke.

6. Michā nan ithana ya ile oktamp̄li ya isht hvsh otvninchashke: micha ile oktamp̄li ya nuktaiyalvt achunanchi ya isht hvsh otvninchashke; micha nuktaiyalvt achunanchi ya Chihowa isht holitobli ya isht hvsh otvninchashke.

7. Michā Chihowa isht holitobli ya itibap̄ishi vbanump̄uli it i hullo ya isht hvsh otvninchashke; micha itibap̄ishi vbanump̄uli it i hullo ya hatak moma i kana ya aieninchit isht hvsh otvninchashke.

8. Yohmi ka nana ilvppa puta kv̄t hvchi anukf̄oyuka kv̄t isht i shahlit lauv̄t ia hokm̄vt, pin Chitokaka Chisvs Klaist hvsh ithaiyana kv̄t, in takobit hvch ik vno ka hi o hvch ikbi keyu hoke.

9. Amba nana ilvppa puta ka ik im iiksho hokm̄vt, nishkin tamoa hosh mishema pit pisa he keyu, micha tikba ilap nan ai ashvchika yvt i kashofa ha tok vt imi haksi hoke.

10. Yvmohmi hoka na hvchi vlhtoka, micha na hvchim annoa aiena kv̄t hvchim ai ahla ch̄i kv̄t ai yiminta hosh hvsh achunanchashke: yohmi ka nana ilvppak o hvsh yimihchi hokm̄vt, chi tula himma keyu hoke:

11. Hvsh yakohmi hok mak o pin Chitokaka, micha pi Okchalinchi Chisvs Klaist apehliechi ka bilia ya im vltaha achukma hosh ik ch̄vkwá, hvchim ai ahni fehna hi oke.

12. Yvmohmi hoka nana ilvppa puta ka hvsh ithaiyana, micha vbanumpa hvchi yimmi kv̄t kv̄llot hvsh a hikia ak inli kia, hvsh ithaiyana ch̄i ka himonna hvchi anukf̄ohkihinch̄i li kv̄t an takoba he keyu hoke.

13. Ahli, vlhtipo ilvppa anuk̄kaka ahanta li takla kv̄t, hvsh ithaiyana ch̄i kak o hvchi anukf̄ohkihinch̄it hvchi okchvli li kv̄t ilvppvt ai vlpiesa, ahni lishke.

14. Chekosikma vm vlhtipo ilvppa mok̄ofit boyubli la ch̄i pulla ithaiyana li kv̄t, pin Chitokaka Chisvs Klaist ak kia vm otvninchi akinli ha tok ak oke.

15. Yvmohmi hoka a svlli ha kia, nana ilvppa puta ka hvsh ithaiyana bieka hi ak o hvchim ai ahni li kv̄t achunanchi la hi oke.

16. Pin Chitokaka Ohisvs Klaist vt vla tok, micha nan im ai ghli tok aiena ka e hvchim anohonli mvt, anumpa nan isht ik ahobo nan isht haksicha he nana hō il iakaiya ha tok keyu, amba ilap isht a chinto ka nishkin isht ai atokoli pia ha tok.

17. Yohmi ka, Ilppak osh Suso a holitopa yoke, yummak o nan isht vm vhpiesa hoke, ahanchi anumpa yosh Holitopa chinto ka a minti hosh im vla kak osh isht a holitopa, micha isht annoa achukma ka Iki Chihowa yak o im ai eshi tok.

18. Mihma itvpehvt nvnih paknaka holitopa yak o e hieli hō, anumpa ilvppvt vba yak o minti hosh vla hō e haiyaklo tok.

19. Hopaii im anumpa hak osh isht ai atokowa i shahli hvt pin tonla ak inlishke : yummak oka pula hosh ai okhliika yo hikia chiyuhmi hō hvsh anukfihinli na onvt taha, micha onnahnli fochik vt hvchi chukvsh a a kohcha hi okvt hvchim vhpiesa hoke.

20. Hopaii im anumpa hvt ilap im anukfila ha tok keyu ka tikba ilvppa hvsh ithanashke.

21. Yohmi ka hatak nana ai ahni hō nitak tikba kash hopaii im anumpa hvt vla tok keyu, amba hatak holitopa yosh Chihowa nana ai ahni pulla hō Shilombish Holitopa yak osh nukfokihinechi hō anumpohonli tok.

CHAPTA II.

Vbanumpa ithvnachi ik ai ghlo vt wakaya he, atuk kia yummak asbot im antia pit a moma ka Ohihowa yvt okpvnit taha he ; amba hopoyuksa vhleha hokvno okchalincha he tikbanli anoli, 1 ; 10 nan ithvnanchi ik vhpeso ilvppak ash achukmvt anoli.

1. YOHMI kia hopaii ai ghli keyu vhleha hvt okla ai itin takla ya ai asha ak inli beka tok a, anonti nan ithvnanchi ai ghli keyu kvv hvch itin takla ai asha he ak inli ; yummak okvt isht okpula he ai ghli isht anumpa keyu puta ka lumvt isht hvch iba chukowa mvt, ilap a chumpa tok, Chitokaka

kanchi hosh isht ai okpulo ya tushpa fehnvt isht il onocha hi oke.

2. Mikma lawa kvt yummvt nan isht ai okpuloka he ai yvmohmi puta ka hobacha he; yummvt yvmohmi kak o hina ai ahli yvt nan isht ik ahobot isht anumpa hi oke.

3. Micha yummvt nan ahayuchi bunna kak osh isht haksichi anumpa ho nan isht itatoba yo isht hvch ikba hi oke; yvma nan isht im vlpisa tok a hopaki kia svlaha he keyu, micha yvma isht ilbvsha hi vt nosilhha keyu hoke.

4. Yohmi ka Chihowa yvt enchil vhleha hvn nan ashvchi ma ik il atombo hosh, amba ai okhlilika teli itatakvli isht takchi cha, ai okpuloka ya pit ashachi kvt yvma ai asha na nan vlpisa hi vt ai ona hi a tokma;

5. Micha yakni vmona ka ila tomba tok keyu, Chihowa holitobla he keyu vhleha yakni paknaka ai asha tuk ash oka falama yo isht onochi tok: yohmi kia Noah hatak isht untuchina nan ai vlpiesa isht anumpohonli yano okchalinchi tok.

6. Chihowa ik holitoblo himak a pilla ai asha he ak osh isht im vlvcha hi o ihikbi hosh, vmaha hochito Sotom micha Komola ita tuklo ka hushmit hituk chubbi banochi kv, okpulo ai ahli mak o im apihisa tok.

7. Mihmvt hatak achukma Lot okvt, hatak haksi nan a kaniohmi liteha ya isht nukhaklot ik im achukmot ahanta tuk a, a hlakofichi tok.

8. Yohmi ka hatak ai vlpiesa yvanvt yonama ai itintakla ahantvt, nana ka pihisa, micha hahaklot, nan ai vlpiesa keyu ai yvmohmi kak o onna hosh onnakma chukvsh vt isht a hotoyupa tok:

9. Chitokaka yokvt Chihowa i hullo yokvno isht imomaka pisa ya kanimihchit akohchi kv ithana; micha ai vlpiesa ka yvmihincha he keyu yokvno kanimihchit ishi na nan im vlpisvt isht ilbvsha chi nitak vt ai ona hi oka ithana hoke:

10. Micha haknip isht ai yakpa anuksitia hosh chukvsh nan ai ahni kak bano isakaya, micha nan vlpiesa yo ik holitoblo siena kak fehna ho kak heno i yvmihcha hi oke.

Ilapunla, ilap nan ai ahni kak bano, nan vlhtoka puta ka nan isht ik ahobalot anumpuli kv̄t ik nukshoposhke.

11. Yohmi kia enchil v̄hleha hokv̄to isht ai ahli, micha isht hlampko aiena kv̄t yv̄mma i shahli fehna kia, Chitokaka itikba ȳg isht ik ahobalo anumpa kia yv̄mma ai onochi keyu hoke.

12. Amba ilv̄ppv̄to nampoa nan ithana keyu ilap nan ahni bano hosh itv̄nowa ka, ishit okpv̄na hi o toba tok chiyuhmit nana ka akostininchi keyu kv̄t, isht ik ahobalot anumpulishke; yohmi kv̄t ilap im anukfila okpulo nan isht ai yvmohmi kak osh isht ai okpulot kv̄nia ch̄i hoke:

13. Micha yv̄mmv̄to nitak kia nan impv̄t, nan ishkot isht a havi kv̄t nan isht ilaiyukpa ȳo im ahobv̄t ai asha kia, nan ai vlhpiesa keyu ai yvmohmi isht vlhtoba ka isha ch̄i hoke: yv̄mmv̄t na liteha okpulo, na hofahyali yosh yv̄mmv̄t hv̄ch ibai impa itin t̄akla kv̄t na haksichi kak osh nan isht ilaiyukpa hoke:

14. Yohmi kv̄t nishkin mv̄t isht a havi yak osh alotowa, micha nan ashv̄chi kv̄t issa keyu hosh, hatak im anukfila fitikv̄chi ȳg haksihinchi hoke; micha nan ahayuchi bv̄nna atampa isht ai yvmohmi puta ka ch̄ykv̄sh isht a tokshanli hosh, isht ai ilv̄shv̄t onvtula he vlhpiesa villa v̄hleha hoke.

15. Yv̄mmak okv̄t hina ai vlhpiesa issa cha, yoshubv̄t kv̄nia hosh Boso ushi, Belam, yv̄mmv̄t nan ai vlhpiesa keyu isht vlhtoba yak o anuksitia hosh nan a kaniohmi tok ak o iakaiya hoke:

16. Yohmi kia Belam ash ot nan ai vlhpiesa keyu yvmohmi kv̄t ik vlhpieso ka im otv̄ninchi kv̄t, issuba haksobish falaia anumpula he keyu kia, hatak im anumpa h̄o anumpuli hosh, hopaii im anukfila tasimbo yash im olv̄bi tok.

17. Ilv̄ppv̄t kv̄li oka iksho puta, micha hoshonti h̄a apeli vt isht gya mak oke: yv̄mmak okv̄no okhlili chinto yak osh immit bilia hi osh takali hoke.

18. Yohmi ka yv̄mmak okv̄t nan isht ik ahobo isht anumpa ilaustv̄t anumpohonlikmv̄t, hahnip imma nan ahni, micha havi anukfili isht alotowa kak osh nan ashv̄chi aiasa

yumma yakosi itin takla ho ai i filvmmi tok ash yummak o haksihinchi hoke.

19. Ilap ai ahni hosh nana ka yummvt yvmohma he im ihisa ak inli kia, ilap ak okvto nan ai ashvchi yak o chukvsh okpulo ai yvmohmi yak o i yuka vhleha hoke: yohmi ka kvna hosh hatak a imaiyachi hokma, yummak ash inli ho i yuka toba chatuk oka.

20. Yohmi ka pin Chitokaka, micha pi Okchalinchi Chisvs Klaist oka ithaiyana kak osh yakni ilvppak inli isht a liteha puta ka ai i filvmmi ha ya tuk osh, anonti yummak ash inli ho isht ai apakfovt isht ai imaiya hokmvt, yummvt ont im ai ishtaiyopi kvt ik achukmo kvt im ai ishtia vmmona tuk ash i shahli hoke.

21. Yohmi ka yummak okvt nan ai vlhpiesa hina ya ik ithano hatuk mak osh im achukma kvt yumma ithana cha, anumpa vlhpisa holitopa yvt im anohowa ha ya tuk osh i filvmmi kvt, im i shahla he atuk oka.

22. Yohmi kia yummak okvt nan isht vlhpisa ai ahli ho ai yvmohmishke; yohmi ka, Ofi yvt hoita kash osh falaminchit vpvshke; mikma, Shukha tek vt vlhchifa kash osh, falamvt lukchuk a oka tonolishke, achishke.

CHAPTA III.

Nan vlhpisa chinta he nitak a Klaist vt vla pulla hi a ghlichit im anoli 1, 10 kaniohmit yakni, micha vba pit a moyuma kvt ont ai okpulo ka he anoli; 14 nan ai okpula hi pit anukfoyvvt anumpuli mvt nan ashvchi ikshot holitovvt itanowa chi ka i miha.

1. A HOLITOPA vhleha ma! ilvppvt holisso atukla mak o himonasi ka pit hvchi holissohonchi li kvt, ita tuklo ka nana ka isht hvsh ithaiyana chi ho hvchim anukfila toh-wikeli tok a isht okchvli lishke.

2. Yohmi na hopaii vhleha hokvt tikba kash anumpa puta isht anumpohonli tok; micha Chitokaka, micha Okchalinchi im anumpeshi pia hvv nana e hvchim apihisa tok aiena ka isht hvsh ithaiyana chi hatuk;

3. Ilvppa tikba hvsh ithana, yohmi ka ishit yopula anum-

puli, micha chukvsh nan ahni iakaiya puta kv̄t ont ai ishtai-yopi nitak puta ka vla hi oke;

4. Mikmvt, Yvmmvt vla he anumpohonli tok̄ m̄to kati-mak o? hatak tikba v̄hleha hv̄t nusi tok takla ha ya, nan okluha hokvto tikba v̄mmona tok ash̄ osh imomvt mahaya hoka, ahancha hi oke.

5. Yohmi ka ilvppa ithvna ik b̄vno hokvt, hopaki pilla kash vba yakni okvt Chihowa im anumpa hak o isht atoba tok, mihma yakni ilvpput oka akohcha cha, itin takla talasia tok:

6. Yvmmak o yakni yvmmak atuk vt oka yosh isht ompoholmot kv̄nia h̄o, isht ai okpulot kv̄nia tok.

7. Amba vba shutik, micha yakni ilvppa ita tuklo hokvno Chihowa im anumpa yvmmak ash̄ inli hosh Chihowa ik holitoblo hatuk puta kv̄t ai okpulot kv̄nia ch̄i nan v̄lhpisa nitak mak o lua he ai ahni hosh achukmalit ieszhi hoke.

8. Amba a holitopa v̄hleha ma! nana achvfa ilvppa hv̄ch ik ithano ki ná, yohmi kv̄t nitak achvfa kv̄t Chitokaka yov̄no afv̄m̄mi tahlepa sipokni achvfa ka im itilau; micha afv̄m̄mi tahlepa sipokni kv̄t nitak achvfa ka im itilau hoke.

9. Chitokaka yokvt nana ka im ih̄isa tok vt, a sv̄laha hatak kaniohmi kv̄t ahni kia, sv̄laha keyu hoke; amba p̄i nukhaglo hosh p̄i sv̄laha kv̄t, achv̄fona kia okpunlot ik kv̄nio hosh, amba moyuma kv̄t ile kostinincha he, im ai ahni hoke.

10. Yohmi kia Chitokaka i nitak okvt, ninak anykaka yo na hukopa yvt aya chatuk mak o, chiyuhmit vla hi oke; yvmohmikma shutik moma kv̄t nan ola chinto h̄o isht ai okpulot ont ai iksho ka he, mikma fochik moma kv̄t luak lv̄shpa fehna h̄o isht a luv̄t bihinlakma, yakni, micha nan okluha ai v̄lhtaiyaha puta tuk vt luv̄t taiyaha hi oke.

11. Yvmohmi ka nan okluha ilvpput ont ai v̄hlit kv̄nia oh̄i hoka, hatak kaniohmi hosh nana a kaniohmi puta ka nan ai ashv̄chi iksho hosh Chihowa holitoblit hv̄sh ai asha hi atuk o?

12. Micha Chihowa i nitak vt v̄lakma, vba shutik moma kv̄t lua hatuk osh ont ai v̄hlit kv̄niakma, fochik moyuma kv̄t

luak lvshpa fehna hō isht a luvt bihinla he, yvmmak o ho-
hoyot tushpvt hvsh mahaya hokvt.

13. Yohmi kia pishno yokvto nana ka pim ihisa tok pulla
kak o, vba shutik himona, micha yakni himona ita tuklo nan
ai vlpiesa ai ahanta yvmmak o e hohoyo hoke.

14. Yvmohmi ka a holitopa vhleha ma! nana ilvppa chi-
yuhmi puta hō hvsh hohoyo hokvt, anumpa isht ai onvtula
he, micha na liteha aiena ik hvchim iksho hosh hvsh i na-
naiya hō, hvsh im otaiyana hi vt hvsh achunanchashke.

15. Mikmvt pin Chitokaka yvt ilbvshala chī kv̄t sv̄laha
kv̄t isht pi ai okchaya he atuk, il ai ahnashke; ilvppa chi-
yuhmi il itibapishi Pal ak kia isht a hopoyuksa ya anukfoki-
hinchi hō hvchī holissohonchi tok:

16. Yohmi kv̄t holisso ihīkbi puta kv̄t nana ilvppa mōma
ka isht anumpohonli ak inli hatok okvt; yvmmak oka nana
kaniohmi kv̄t akostininchi kullo kv̄t ai asha, yvmmak oka nan
ik ithano, micha anukfila apissali iksho aiena hokvto ilap isht
ai okpula chī kv̄t anumpa holitopa inla ka yvmihinchi hatuk
ash osh, chohmichit shanaiyvchi hoke.

17. Yvmohmi ka a holitopa hvchia ma! tikba nana ilvppa
puta ka hvsh ithana hatuk okvt abah! hvchik ai ahnokmvt,
hatak nan vlpiesa ik holitoblo isht ai yoshuba ya isht ai
yoshubvt isht a hvchi yimmi kullo kash i filvmmit chi
tula ná.

18. Amba isht i kana hvchi anukfokvt hvsh yvmohmi kv̄t
i shahlichit mahayvt, pin Chitokaka pi Okchalinihi Chisvs
Klaist a hvsh ithaiyana kv̄t i shahlichit hvsh mahayasbke.
Yvmmak oka isht a holitopa yokvt, himonasi, micha himak
a pilla ka immit biliashke. Amen.

C H A N

I HOLISSO VMMONA HOKE.

CHAPTER I.

Klaist ǵ isht anumpuli, mihmvt yvmma anonti Iki itatuklo ka ibachv-
fvt nan im anukfila he miha, 1; 5 nan ib achvfa ilvppa yakohmi
kvt nan isht il aiyukpa hokmvt, atohwekinli ka il ai itanowa he;
9 mikmvt na pim ai aashvchika puta ka il il anohonlikma, pi ka-
shofa hinla.

1. AI okchaya anumpa yvmmak osh vmmona ka ahanta
tok mak o e hahaklot, pi nishkin ǵ isht e pihisvt, il o hopo-
kohoyo tok, micha pibbak vt pvshohonli tok mih mak oke.

2. Ai okchaya yvmmvt haiaka na e pihisa tuk osh atoko-
wa anolit, Ai okchaya bilia yvmmvt Iki ǵ takla ahanta cha-
tuk mak osh, ant pi haiaka tok ǵ e hvchim anoli hoke.

3. Hvchishno mvt hvsh pibai achvfa he mak o, nana ka
e pihisa tuk, micha e hahaklo tuk aiena kvt e hvchim anoli
hoke: yohmi kvt pishno vt Iki, micha Ushi Chisvs Klaist
aiena kak o il ibai achvfa mvhli hoke.

4. Mikmvt nana a hvchi yukpvt alotowa he mak o, ya-
kohmi ka pit e hvchi holissochishke.

5. Yohmi ka Chihowa yvt tohwikelika, micha yvmma
okhlilika yvt atakali iksho kv mohmi aiena ilvppak o anumpa
yvmma il ai i haponaklo tuk mak osh e hvchim anolishke.

6. Yvmmak oka pit il ibai achvfa, il achi hosh, anonti ai
okhlilika yo il itvnova hokmvt, e holabi; micha nan ai ghli-
ka mvno a pi yvmohmi keyu hoke.

7. Amba yvmmak okvt atohwikelika yo anta hoka, pish-
no vt atohwikelika yo il itvnova hokmvt, iloh it ibai achvfa.

Yohmikma Ushi Chisvs Klaist im issish vt nan ai ashvchika ya mominchit a hvpi kashofi hoke.

8. Nan ai ashvchika yvt ik pim iksho, il achi hokmvt, peh il ile haksichi: micha nan ai ghlika yvt pi anukfoyuka keyu mak oke.

9. Na pim ai ashvchika ya il il im anohonli hokma, yvm-mak okvt ai ghli achukmvt, ai vlpiesa hatuk osh na pim ai ashvchika ya pi kanvllichy; micha nan ik ai vlpeso ka mominchit pi kashofa hinla hoke.

10. Nana il ai ashvchika chatuk keyu, il achi hokmvt, yvmmak oka holabi il ikbi; mikma im anumpa hvvt pi anukfoyuka keyu mak oke.

CHAPTER II.

Klaist vt pi a pelvt isht pi anumpuli, 1; 3 ai ahlit Chihowa ya ithana hokvto im anumpa vlpisa ya holitobli hoke. 9 Pitibapishi hg il oh i hullashke; 15 yohmikmvt yakni imma hokvno keyu kashke; 18 na yoshubli a ahah! il im ahnashke.

1. **U**M vlla chipunta vhleha ma! hvch ik ashvcho ka chi mak o, ilvppa puta ka pit hvchi holissochi lishke. Micha hatak nana hosh ashvchi hokma, isht anumpuli vt Chisvs Klaist achukma yvt Iki a itikba pim anta hoke.

2. Yvmmak osh na pim ai ashvchika ya, vltoba kvvt pish-no pimmi hak bano keyu, amba yakni moma nan ashvchi aiena ka oklaha vltoba mak oke.

3. Micha im anumpa vlpisa yak o e holitobli hok mak osh, yvmma il ithaiyana ho mvhli kvvt isht il akostininchi hoke.

4. Kvna hosh yvmma ithana li, achi hosh, anonti im anumpa vlpisa ya holitobli keyu hokvto, holabi; micha nan ai ghlika yvt anukfoyuka keyu mak oke.

5. Amba kvna hosh yvmma im anumpa hg holitobli hokvto, mihi yosh Chihowa ya i hullo ai ghli fehna hoke. Ilvppak o yvmma il ibai achvfa kvvt isht il akostininchi hoke.

6. Kvna hosh yvmmak oka ai iba foyuka, miha hokvto, ilap mak kia, yvmvvt kaniohmit gya tok mak o, a chohmit gya he tuk oke.

7. Itibapishi li vhleha ma! anumpa vlpisa himona nana ho pit hvchi holissochi li keyu; amba anumpa vlpisa sipokni vmmona kash inli ho hvchin tonkt isht auehinchi tok ash oke. Anumpa vlpisa sipokni vt anumpa vmmona kash inli ho haklot isht hvsh auehinchi tok ak oke.

8. Ai okhlilika yvto ant ia ma, himak okvno tohwikeli ghli mak osh tomme hoka, anonti anumpa vlpisa himona, yvmak okvt ilapo, micha hvchishno aiena hokvno ghli mak o pit hvchi holissochi lishke.

9. Kvna hosh atohwikelika yo anta li, achi cha, itibapishi hg i nukkilli kv, himonasi ak kia ai okhlilika yo aya moma hoke.

10. Kvna hosh itibapishi hg i hullo hokvto, mihi yosh atohwikelika yo ahanta; yohmi cha kaniohmit ai ibetvbla hi vt ik im iksho mak oke.

11. Amba kvna hosh itibapishi hg i nukkilli hokvto, ai okhlilika yo ahanta cha, ai okhlilika yo nohova; yohmi ma okhlilika kv nishkin a tvmoli hatuk o, kanima yo ia kv ithana keyu hoke.

12. Ulla chipunta hvchia ma! yvma hohohifo pulla ho na hvchim ai ashvchika yvt isht a hvchi kashofa hatuk oka, pit hvchi holissochi lishke.

13. Iki hvchia ma! vmmona makinli ho ahanta tok yvmak ash hvsh ithaiyana hatuk oka, pit hvchi holissochi lishke. Hatak himita hvchia ma! nan okpulo atukma hvsh imaiyachi hatuk oka, pit hvchi holissochi lishke. Ulla chipunta hvchia ma! Iki a hvsh ithaiyana hatak oka, pit hvchi holissochi lishke.

14. Iki hvchia ma! vmmona makinli ho ahanta tok yvmak ash hvsh ithaiyana hatuk oka, pit hvchi holissochi li tuk oke. Hatak himita hvchia ma! hvsh hlampko, yohmi ma Chihova, im anumpa hv a hvchi anukfoyuka, micha nan okpulo atukma hvsh imaiyachi aiena hatuk oka, pit hvchi holissochi li tuk oke.

15. Yakni a, micha nana kv yakni paknaka gsha ka hvch ik i hullo kashke. Hatak nana hosh yakni a i hullo hokma, Iki i hullo kv yvma anukfoyuka keyu hoke.

16. Yakni asha kvto moma, haknip nan isht anushkunna, micha nishkin nan isht anushkunna, mikmvt yakni pakna nan ai isht ilefehntvchi, aiena kv Iki ak o a minti ho keyu; amba yakni ak o a minti hoke.

17. Micha yakni vt, mikmvt nan ai isht anushkunna aie na hokvto, ant ayvt kvnihiya hoke; amba Chihowa nan ai ahni yak o a yvmohmi hosh ahanta hokvto, antvt bilial hoke.

18. Ulla chipunta ma! ai ishtaiyopi mak oke: yohmi ka Klaist im asanali vt aya hi oka, hvsh haklo tok mak o, hi monasi ak kia Klaist im asanali vt lavt aiasha; yohmi ho ont ai ishtaiyopi ka isht il akostininchishke.

19. Yvmmak ash ot a pi filvmm it kocha wiha tok; yoh mi kia yvmmt a hvpibai achvfa tok o keyu hoke; yvmmt pishno ak o a hvpibai achvfa tok okmvt, a hvpibai afoka na bilial he tuk pulla chishke: amba yvmmt moma kak osh a hvpibai achvfa ho keyu hatuk vt otvna chi kak osh a hvp ilvmm it kocha wiha tok oke.

20. Amba hvhchishno yokvto Shilombish Holitopa ak o hvsh im ai ahama tuk osh nan okluha ka hvsh ithanvshke.

21. Nan ai ahlika ya hveh ik ithano hatuk o, pit hvhchi holissochi li ho keyu, amba yvma micha holabi hvt achv fona kia nan ai ahlika ya ahalaia keyu aiena ka hvsh ithana kak atuk oke.

22. Kvta hosh holabi yo? amba Chisvs ak osh Klaist mak atuk a keyu achi kak oke. Iki micha Ushi aiena ka i yimmi keyukmvt, yvmmak osh Klaist im asanali mak oke.

23. Kvna hosh Ushi a i yimmi keyukmvt, yvmmak osh Iki a pit ahalaia keyu mak oke; amba Ushi a i yimmi hokvto Iki a ib ahalaia ak inli hoke.

24. Yohmi hoka nana ka hvsh haklo vmona tok yvm mt a hvhchi anukfoyukashke. Nana ka hvsh haklo vmona tok yvmmt a hvhchi anukfoyuka hokma, hvhchishno mt Ushi, mikmvt Iki aiena ka hvsh ai ibafoyuka hi oke.

25. Micha nana miha kv ai okchaya bilial ilvppak o pim issa tok oke.

26. Na hvhchi yoshubli vhleha ha ai imvchi kv yakoh mi kak o pit hvhchi holissochi li tuk oke.

27. Amba yumma nana hvsh ai im ahama tuk amo a hvchi anukfoyuka; yohmi ka hatak osh nana hvchim abvcha he hvsh ahni ka keyu; amba nan ahama yummak ash inli kak osh nana moma ka a hvchim abvchi kv ai ghli, holabi keyu; yohmi ka na hvchim abvchi tuk ash fehna ka yumma hvsh ai ibafoyuka hi oke.

28. Yohmi ka inta! vlla chipunta ma! yummak o hvsh ai iba foyukashke; yohmi tuk o yummak ash ot ant haiakakma, il anukcheto cha, mihintikma itikba ma a ik pi hofahyo kashke.

29. Yummak okvt ai vlpiesa yo hvsh akostininchi hokmvt, ai vlpiesa ho a yvmohmi hokvto, momvt yummak o isht a toba yo hvsh akostininchishke.

CHAPTA III.

Chihowa yvt ilap ushi yo pihikbi kv pi hullo fehna, 1; 3 yvmohmi hoka i nan vlpiesa ya e holitobla he tuk; 11 il iti hulla he tuk.

1. **CHIHOWA** ushi vhleha hvpi hohchifa hi a Piki vt nan i hullo kv a kaniohmit hvpi i hullo tok a ho pesa: yohmi hatuk o yakni vt pishno a ik hvpi ithano; yumma ik ithano tok okvt.

2. Holitopa vhleha ma! himak okvno Chihowa ushi hvpia, yohmi kia e kaniohma hi a himonasi kano ik otano kvshvshke; amba yummak osh ant haiakakma, pishno vt yummak o e holba hi vt il ithana, yummvt kaniohmi hatuk ma e pisa hi okvt.

3. Yumma anukchieto hosh si yakohma he ahnit, yummak ash ot kashofa achukma yatuk a chiyuhmit momvt ile kashofi hoke.

4. Kvna hosh nana ashvchi kv anumpa vlpiesa ma kobvffi hoke: nan ai ashvchika yak osh anumpa vlpiesa ya kobvffi hoka.

5. Yohmi ka yummak okvt pim ai ashvchika ya isht hvpi kancha chj mak osh ant haiaka tok a hvsh ithana; micha yumma ai ashvchika nana hosh atakali keyushke.

6. **Kvna hosh yvmma ai iba foyuka hokvto ashahanchi** chatuk keyu ; kvna hosh ashahanchikmt, yvmma pisa tuk keyukmt, anonti ithana tuk keyu aiena mak oke.

7. Ulla chipunta ma ! hatak nana kia ik hvchi yoshublo kashke : kvna hosh nan ai vlhpiesa ya a yvmohmi hosh ahantakmt, ai vlhpiesa kv, yvmmv ai vlhpiesa yatuk g, chohmi mak oke.

8. Kvna hosh ashahanchi kv Setan ak o ibai achvfa mak oke : Setan ak okvt vmona mak inli ho ashvchit isht auehinchi tok oka. Setan vt nan ai isht vta tok puta ka okpvna chi pulla kak osh Chihowa Ushi vt ant haiaka tok.

9. Kvna hosh Chihowa ak o isht a toba hokvto ashahanchi chatuk keyu : yvmma i na nihi vt anukfoyuka hatuk o ; micha yvmmak okvt Chihowa ak o isht a toba hatuk okvt, ashahancha he keyu hoke.

10. Ilvppak o Chihowa im vlla vhleha, mikmt Setan im vlla vhleha aiena kv isht ai otvni hoke : kvna hosh nan ai vlhpiesa ya a yvmohmi keyu, mikmt itibapishi ha ik i hullo aiena kv, Chihowa ak o ai ibai achvfa ho keyu hoke.

11. Iloh it i hulla he anumpa ilvppak o vmona mak inli ho hvsh hahaklo tok.

12. Nan okpulo g ai ibai achvfa cha, itibapishi ha vbi tok Ken ak okvno ke chohmo kashke. Micha nanta katiohmi ho yvmma vbi tok o ? Ilapo nana a kaniohmi kvto ai vlhpiesa keyu ma, itibapishi hvto ai vlhpiesa kak a tok oke.

13. Itibapishi li vhleha ma ! yakni vt hvchi nukkilli hokma, ik hvchi nukhlakancho kashke.

14. Il itibapishi vhleha ha il i hullo hatuk osh, ai illika ya a kohchvt ai okchaya ya il ona kv il ithanvshke. Kvna hosh itibapishi ha i hullo keyu hokvto, ai illika yo anta hoke.

15. Kvna hosh itibapishi ha i nukkilli kv, hatak vbi yoke : yohmi ka hatak vbi nana hak osh okchayvt bilia yvt anukfoyuka keyu ka hvsh ithanvshke.

16. Pishno pulla hatuk mak o ilap im ilhfiopak g isht pi atobbi tok g ilvppa fehna ak o Chihowa vt pi hullo ka, isht

il akostininchishke: yohmi ka pishno vt il itibapishi vhleha ha pim ilhfiopak a isht il atobba he vlpesa hoke.

17. Amba kuna hosh yakni ilvppa nana isht il ai yvka vt im asha; yohmi hosh itibapishi hv ilbvsha ho pisa kv, yvmmak ash i nukhaklo iksho; yohmaikma Chihowa i hullo kvto katiohmit yvmma anukfoyuka hinka cho?

18. Um vlla chipunta ma! anumpa, micha isunlvsh aiena kak bano ho ishit kiloh it i hullo kashke; amba nan isht ahanta, micha ai ahli mak ashke.

19. Micha ilvppak o nan ai ahli ka ya il ibai achvfa kv isht il akostininchi; mikmvt pi chukvsh a nuktalanit itikba ya il asha hi oke.

20. Pi chukvsh vt isht pi atokoli hokma, Chihowa ho kak heto pi chukvsh a i shahli, micha nana moma ka ithana hoke.

21. Holitopa vhleha ma! pi chukvsh vt isht pi atokoli keyu hokmvo, Chihowa ya il ai nanaiya mak oke.

22. Micha im anumpa vlpisa ya e holitobli, mikmvt nana ka ilapvt ai ahninchi ak o a pi yvohmi aiena hatuk osh, nana ho il asilhha kv, yvmma il ai i habena chatuk oke.

23. Yohmi kv yvmmak a hi o, anumpa vlpisa ha pima tok oka, Ushi Chisus Klaist hoehchifo ha pi yimmi cha, it i hulla he aiena ilvppak osh im anumpa vlpisa mak oke.

24. Micha kuna hosh im anumpa vlpisa ya holitobli kv, yvmmak o ai ib achvakma, ilap mvt yvmma ai ibai achvfa hoke: micha yvmmvt a pi nukfoyuka kv, yvmmvt Shilombish pima tok ilvppak o isht il akostininchi hoke.

CHAPTA IV.

Nan ithonanchi moma kak o i yimma he keyu amba Chihowa im anumpa ho isht imomaka pisa hi a i miha, 1; 7 nana hosh katiohmi kak o il it i hulla hi a lauachit nar isht miha.

1. **HOLITOPA** vhleha ma! hopai ilahobi lauvt yakni a stiapa hatuk oka, shilombish a uhvlinchit hvchi yimmi

ná; amba Chihowa yak o a minti hokma, nana tukmá, shilombish puta kash imomakachit hvsh pisashke.

2. Ilvppak o Chihowa im Shilombish g isht hvsh akostininchishke; shilombish vt, Chisus Klaist vt haknip gsha hosh vla tok g atokoli hokvto, Chihowa ak o a minti bano hoke.

3. Mikma shilombish vt, Chisus Klaist vt haknip gsha hosh vla tok g atokoli keyu hokvto, Chihowa ak o a minti keyu bano hoke; micha ilvppak osh shilombish Klaist i sanafi, yummvt gya hi g hvsh hoklo tok g, anonti himonasi kak kia yakni paknaka ya aiasha ka mak oke.

4. Ulla chipunta ma! Chihowa ak o immi hvchia; yohmi hosh yummak ash hvsh imaiyachi tok; hvchishno g a hvchi anukfoyuka kak osh yakni paknaka ya anta kvno i shahli hatuk okvt.

5. Yummak ash ot yakni ak o ai ibai achvfa; yohmi hatuk osh yakni ak o isht anumpuli ma, yakni vt i haponakloshke.

6. Pishno vt Chihowa ak o immi hvpia hoke; kvna hosh Chihowa ya ithana hokvto, hvpi haponaklo: kvna hosh Chihowa ya immi keyu hokvto, ik hvpi haponakloshke. Ilvppak o shilombish ai ghli, mikmvvt shilombish na yoshubli aiena ka isht il akostininchishke.

7. Holitopa vhleha ma! nan i hullo vt Chihowa ak o a minti hoka, iloh it i hullashke: micha kvna hosh i hullo hokvt moyumvt Chihowa ak o isht a toba; micha Chihowa ya ithana mak oka.

8. Kvna hosh nan ik i hullokmvt, Chihowa ya ik ithano mak oke. Chihowa ak okvto nan i hullo mak oka.

9. Yummak atuk mak o pishno vt isht pi okchaya hi g Chihowa yvt Ushi achvfa illa yatuk g yakni g auet kanchi tok oka, ilvppak o Chihowa yvt auet hvpi hullo ka isht ai otvni tok oke.

10. Pishno ak osh Chihowa ya il i hullo tok o keyu, amba ilap ak osh pishno g pi hullo cha, na pim ai ashvchika yvt isht vltoba hi g, Ushi g auet kanchi tok ilvppak osh nan i hullo mak oke.

11. Holitopa vhleha ma! Chihowa yvt pi hullo kv̄t yak-ohmi tok okma, pishno ak kia iloh it i hulla he vlpesa hoke.

12. Hatak achvfa kia nitak nan ash Chihowa ya pisa tok keyushke. Pishno vt iloh it i hullo hokma, Chihowa yvt hvpi anukfoyuka; yohmikma yv̄mma il i hullo kv̄t ai ghli mak oke.

13. Yv̄mmak okvt imi Shilombish g ai isht pima tok oka, pishno vt yv̄mma il ibai achvfakma, anonti ilap mvt pibai achvfa ka ilvppak o isht il ai akostinichi hoke.

14. Micha pishno vt e pihisa mak osh yakni g okchalinchi a he Iki vt Ushi g auet kanchi tok g atokowa il anohonlishke.

15. Kvna hosh Ohisvs vt Chihowa ya Ushi yoke, achi hoka, Chihowa ak osh yv̄mma anukfoyuka ma, anonti ilap mvt Chihowa ya anukfoyuka hoke.

16. Mikmvt pishno g Chihowa vt pi hullo ka il akostinichi, micha pi yimmi aiena tok. Chihowa vt nan i hullo hoke: yohmi ka kvna hosh nan i hullot ahanta hokvt, Chihowa ak o ai ib anukfokakma, anonti Chihowa mvt ilap g ai ib anukfoyuka hoke.

17. Nan vlpisa nitak fehnakma pi nukwaya iksho ka he vt ilvppak o nan il i hullo kv̄t isht ai ghli hoke: ilap vt kaniohmi ka, pishno mvt yv̄mmak inli hō chohmi hosh yakni ilvppa il gsha hokvt.

18. Nan i hullo ka nukshopa hvt iksho hoke; amba nan i hullo ghlika yvt nukshopa hā kohchit kanchi yoke; na nukshopa hvt issikkopali yoka. Kvna hosh nukshompa hokvto nan i hullo kv̄t ai ghli hō keyu mak oke.

19. Ilap ak osh tikba pi hullo tok oka, pishno vt yv̄mma il i hulloshke.

20. Hatak vt Chihowa ya i hullo li, achi hosh anonti itibapishi hā i nukkilli hokmvt, yv̄mmvt holabi yoke. Itibapishi hā pisa kv̄t ik i hullo kv̄to, anonti katiohmi hosh Chihowa pisa chatuk keyu kv̄t yv̄mma i hulla hinla cho?

21. Kvna hosh Chihowa ya i hullo hokvto, itibapishi ma i hullo ak inla he anumpa vlpisa ilvppa yv̄mmak osh pima tok oke.

CHAPTA V.

Kvna hosh Chihowa ya i hullo kv^t i nan v^lhpisa ma holitobli cha, yv^mma im v^lla puta ka i hullo hoke, 1; 7 nan atokowa yv^t tuchina hosh v^ba ya aⁱasha; 8 mikma tuchina makinli hosh aka ya a^sha; 9 Chihowa ushi Chisvs v^t pi okchalincha hinla kv^t im v^lhpiesa.

1. **K**UNA hosh Chisvs v^t Klaist mak atuk a yimmi hokv^to, Chihowa ak o isht a toba mak oke; micha na toba-chi tok ash i hullo hokv^to, moma kv^t yv^mma isht a toba tok puta ma i hullo ak inli hoke.

2. Chihowa ya il i hullo, micha im anumpa v^lhpisa aiena ka e holitobli hokm^vt, ilvppak o Chihowa im v^lla v^hleha ha il i hullo kv^t isht il akostininchi hoke.

3. Im anumpa v^lhpisa ya e holitobli ilvppak osh Chihowa i hullo mak oke; micha im anumpa v^lhpisa yv^t a palv^mmi ka keyu hoke.

4. Kvna hosh Chihowa yak o isht a toba tuk okv^to, yakni a imaiyachi hoke; micha yakni a nan isht imaiyachi kv^t nana pi yimmi ka ilvppak oke.

5. Kvta hosh yakni a imaiyachi cho? amba Chisvs v^t Chihowa ya Ushi a yimmi kak o banoshke.

6. Oka, micha issish aiena kak o isht otvⁿit aya tok v^t Chisvs Klaist ilvppak oke: oka yak o illa keyu; amba oka, micha issish aiena tok. Mikma Shilombish ak osh ai ghli ka mak okv^t, Shilombish ak osh atokowa ka anoli hoke.

7. Tuchina hosh nan atokoli kv^to v^ba ya a^sha, Iki, micha Anumpa, mikm^vt Shilombish Holitopa aiena kak oke; mikm^vt tuchina ilvppv^t achvfa hoke.

8. Yohmikma tuchina hosh nan atokoli kv^t yakni a a^sha, Shilombish, micha oka, mikm^vt issish aienvshke; mikm^vt tuchina ilvppv^t ai it im achvfa hoke.

9. Hatak osh nana atokoli ka pi yimmi chatuk ma, Chihowa hosh nana atokoli ho kak heto ai i shahli fehna hoke. Chihowa yv^t nana ai atokoli Ushi ya isht ai anohonli tok ilvppak oke.

10. Kuna hosh Chihowa Ushi ya i yimmi hokvto, nan isht atokowa kut ilapo inlit anukfoyuka hoke: kuna hosh Chihowa ya ik i yimmo hokvto, Chihowa yvt Ushi a nan isht ai atokowa ka anoli tok a, ik yimmo hokvt, ymma holabi hoke.

11. Yohmi ka Chihowa yvt ai okchayvt bilia ya pim issa tok ilvppak osh nan atokowa annoa mak oke; mikma ai okchaya ilvppvt Ushi yak o ai in takali hoke.

12. Kuna hosh Ushi vt anukfoyuka hokvto, ai okchaya ya ishi hoke; mikma kuna hosh Chihowa Ushi yvt ik anukfoyuko hokvto, aiokchaya yvt ik im ikshoshke.

13. Chihowa Ushi hohchifo ha yimmi vhleha hvchia hvt ai okchaya bilia yvt hvchin takanli kut hvsh ithaiyana chi, mikmvt Chihowa Ushi hohchifo ha hvchi yimma chi aiena kak o na yakohmi ka pit hvchi holissochi li hatuk oke.

14. Nana ka ilap nan ai ahmi ka ya pit ai vhpesa ho isht ai il im asilhvchi hokma, pi haponaklo pulla ka ilvppa pi yimmi hoke.

15. Micha nana ho il im asilhha ka, pi haponaklo ka il akostininchi hokmvt, anonti nana ho il im asilhha tuk vt, il eshi kut il akostininchi mak inlishke.

16. Hatak nana hosh itibapishi hvt nan ashvchi kut isht ai illa he keyu ho isht ai ashvchika pisa hokmvt, ymmak ash ot asilhha na isht ai illa he keyu yo isht ai ashvchi tuk vhleha hash ymmvt ai okchaya ya ima hi oke. Isht ai illa he ai ashvchika yvt takanlishke; yohmi hokvno vba pit isht anumpula hi a ak mihoshke.

17. Nana ai vhpesa keyu vt aiashvchika yo banoshke; yohmi ka isht ai illa he keyu nan ai ashvchika yvt takanlishke.

18. Kuna hosh Chihowa yak o isht a toba tuk okvto, ashahanchi keyu chatuk a il ithanvshke: amba Chihowa ak o isht a toba tuk okvto achukmalit il apesahanchi chatuk; yohmikma nan okpulo ymmak ash ot ik halelo chatuk oke.

19. Micha pishno vto Chihowa yak o immi pia; mikma yakni moma kvto ik ai vhpeso banot talaia ka iloh ithanvshke.

20. Micha Chihowa Ushi vt vla cha, yummak osh nan ai ghli ka mak atuk ash il akostinincha chj ka, nan isht akostininchi g pi anukfoki tuk g iloh ithanvshke ; yohmi ho pishno vt yummak osh nan ai ghli ka mak atuk Ushi Chisvs Klaist g il ai ibai achvfa hoke. Ilvppak osh Chihowa ai ghli, micha ai okchayvt bilia mak oke.

21. Ulla chipunta ma! na holbut toba yg hvch ik ai ahalaio kashke. Amen.

C H A N

I H O L I S S O A T U K L O H O K E.

Nan isht ai i hullo a kvllot achunancha chj ka ohoyo holitopa, im vlla aiena ka i miha, 1; 10 Klaist im vbanumpa hq isht aya keyu yvt na yoshublihi yoka yvmma hvchik ahalaio krahke.

1. **ŪBANUMPESHI** sipokni yokvt ohoyo vlhtoka, micha im vlla vhleha aiena ka pit ai okpochishke, yvmmak ash o vno vt ai ghli hosh i hullo li chatuk; mikmut vno ak bano chatuk keyu; amba nan ai ghli ka akostininchi tuk okvto i hullo ak inli chatuk;

2. Nan ai ghli ka yvt a pi nukfoyuka kvv a pi nukfoyukvt bilia chj pulla hq yvmohmi hoke.

3. Hvch i hullo li ai ghli mak osh Iki Chihowa, mikmut Iki g Ushi, Chitokaka Chisvs Klaist ita tuklo a mihinti nan isht i kana, mikmut ai i nukhakloka, micha nan isht it i nanaiya aiena kvv hvchi anukfoyuka hi g ahni lishke.

4. Anumpa vllhpisa Piki vt pima tok mak o, chim vlla vhleha hvv nan ai ghli ka mak o ai itvnowa na pisa li kvv, sa yukpa fehna tuk oke.

5. Yvmohmi ka ohoyo ma! anumpa vllhpisa himona nana hq pit chj holissochi li hq keyu: amba vmmona mak inli hq hvpin tonla tok ash iloh it i hulla he yak o chim ai ahni lishke.

6. Micha im anumpa vllhpisa yak o ai iakaiyvt il itvnowa ilvppak osh nan i hullo mak oke. Ilvppak osh anumpa vllhpisa mak oke; vmmona mak inli hq hvsh hahaklo tok vt, yvmmak o hvsh ai itvnowa he tuk oke.

7. Na yoshubli laua kvv yakni g atiapa cha, Chisvs Klaist

vt haknip gsha hosh vla tok g atokowa anoli keyushke. Il-
vppak osh na yoshubli, micha Klaist i sanali aiena mak oke.

8. Hvsh il apesahanchi pulla na nana ka iloh atahli tuk
vt ik hvp i kvnio hosh, amba ai vltoba vllhpiesa ka iloh
ishashke.

9. Kvna hosh ashahanchi cha, Klaist im anumpa anuk-
foyukvt aya keyu hokvto, Chihowa ya pit ai ibai achvfa ho
keyu hoke. Kvna hosh Klaist im anumpa ha afoyukvt aya
hokvto, mihi yosh Iki, micha Ushi aiena ka pit ai ibai achv-
fa hoke.

10. Kanima kvv ayvt hvchim vla kvv, anumpa ilvppak o
isht aya keyukma, hoyot hvchim aboha ya hvch ik chuko-
wachokmut, hvch ik ai okpacho kashke.

11. Kvna hosh yvmma ai okpvchi hokvto, nan ik vllhpeso
a yohmi ya pit ahalaia mak oke.

12. Nana ka pit chi holissochi la hi vt lauvt gsha; yoh-
mi kvv holisso tohbi, micha isht holissochi okchi aiena ho
isht a pit holissochi la he keyushke; amba nashuka bika it
atokovvt anumpulit a pi yukpa fehna chi ka, vno vt ayvt
chim ona la chi, vm ahoba hoke.

13. Chitibapishi ohoyo vltoka ya im vlla vllaha hvv pit
chi ai okpvchishke. Amen.

C H A N

I HOLISSO ATUCHINA HOKE.

Kaivs vbanumpa anukfoyuka ka im ahninchit miha, 1; 5 i kanvt hiahni ka im aiokpanchi; 9 Tiotifvs nan akaniohmi kvno vllhpesa ik im ahno; 12 Temetivs vno ahninchit isht anumpuli.

1. **ŪBANUMPESHI** sipokni yokvt Kaivs holitopa fehna yvmma ai ghli hosh i hullo li chatuk mak o pit ai okpv-chishke.

2. Holitopa ma! chi haknip vt achukmaka cha, i shahlit ia kvv, chi shilombish vt isht i shahlit ia kak inli ho chohma hi g ahni li kak osh nana moma ka vm i shabllshke.

3. Il itibapishi vhleha hvv ai vla mvv, nan ai ghli ka yvt a chi anukfoyuka cha, nan ai ghli ka ai ish ataya ka atokowa anohonli ka a sa yukpa fehna tok.

4. Na sa yukpa kvv, vm vlla vhleha hvv nan ai ghli ka ya ai itvnowa na haklo li ka vm i shahli kvv iksho.

5. Holitopa ma! il itibapishi vhleha, micha hatak itvnowvt aya aiena ka nana ho ish ai i kaniohmi kvv, ish ai ghli achukma bieka hoke.

6. Yvmmak ash ot, i hullot ish apelahanchi ka, chvch g im a chi atokowushke; yvmmak oka nowvt aya ka Chihowa aiahni vllhpiesa ho pit ai ish apelahanchi hokmvv ish ai vllhpiesa he mak oke:

7. Yvmmak okvt yvmma hohchifo pulla hatuk mak o Chentail g nanasi kia ik im ai esho hosh itvnowvt aya hatuk oka.

8. Yohmi hoka pishno vt nan ai ghlika ya pit ai im

apelvchi pia ha chī kv̄t, yv̄mma chohmi ka ai okp̄vchit nana il im atahanla he v̄lhpiesa hoke.

9. Chvch ȳ pit ī holissochi li tok; yohmi kia yv̄mma ai ī shahli bv̄nna hosh Tiotlefes yv̄mmak okv̄t ik pim ai okpacho tok oke.

10. Yohmi hoka v̄la li hokmv̄t, yv̄mmv̄t nana a kaniohmi tuk, anumpa okpulo ka isht a pi achukushp̄vli tuk: mikmv̄t yv̄mma illa hokv̄to ik im ono mv̄t, anonti il itibapishi v̄hleha hȳ ai okp̄vchit nan ik im atahlo mv̄t, anonti kanima kv̄to yohma he tuk ȳ im alv̄mmit, yv̄mmak ash chvch ȳ akocha weli tuk ȳ ithaiyana la he mak oke.

11. Holitopa ma! nana kv̄t achukma keyu hokv̄no chik iakaiyo hosh, amba achukma kak ashke. Kv̄na hosh achukma hȳ a yohmi hokv̄to, Chihowa yv̄t anukfoyuka hoke, amba kv̄na hosh nan ik achukmo yȳ yohmi kv̄to, Chihowa yȳ pisa tok keyu mak oke.

12. Hatak moma, micha nana ai ȳhli ka fehna aiena kash kia Temetivs ȳ annoa achukma ka anolishke; ȳhli, micha pishno ak kia yv̄mma ai atokoli kv̄t il anoli ak inlishke; yohmi kv̄t pishno nan il atokoli ka ai ȳhli ka hv̄sh ithaiyanv̄shke.

13. Nana ka holissochi la he v̄t lauv̄t ȳsha hatuk: yohmi kia isht holissochi okchi, micha isht holissochi aiena ak okv̄no isht pit ak chī holissocho ka chīshke:

14. Yohmi kia chekosikma chi pisv̄t, nashuka ai it atokov̄t isht chim anumpuli la chī ka v̄m ahoba hoke, Nan isht il ai yukpa yv̄t chi anukfoyukashke. Pī kana v̄hleha hv̄t pit chi ai okp̄vchishke. Il itī kana v̄hleha hȳ hochifo cha, pit ish ai okp̄vchashke. Amen.

CHUTE

I HOLISSO HOKE.

Nan ai yimmika ya a kvllot achunanchit hiela he im ahni, 1; 4 nan ithvnanchi ik ai ghlo puta kvv ib a chukowa he, yahmi kia yvm-mvt ai ilvsha hi okvto im vhtaba; 20 Chihowa anukfoyuka yak-vto shilombish holitopa apelachi pulla, mikmvt vbanumpobonli aiena pulla hosh ilap a okchalinchi cha, anonti inla na yoshubli isht a yoshuba tuk puta ma hlakoficha hi oke.

1. CHUTE, Chisvs Klaist in tishu, micha Chemis itibap-ishi hokvt, Iki Chihowa ya, i holitopa vhleha, micha okchaya he vltoka tok; micha Chisvs Klaist ak atuk pulla kak o ai ghlit i yimmit mahaya yvmmak o pit i holissochi kvv,

2. Isht i nukhaklo yvt hvchimmi hashke, micha isht iti nanaiya, micha nan i hullo aiena kvv hvchin lauashke.

3. A holitopa vhleha ma! nana ka achunanchi fehna hosh moma isht ai okchaya yak o pit hvchi holissochi la chikmvt, hvchi holissochi li kvv nana ka hvchi atohnochi la he vm vlpiesa he tuk: yohmi kvv vbanumpa ai ghli yvt himonna ma vbanumpuli vhleha hoka im anohowa tok ak o i yimmi aighlit hvsh mahaya chi kvv yichina fehna hosh hvsh hohq-yashke.

4. Yohmi ka hatak kaniohmi hokvt ik i nuktablo fehna ho iba chukowa, yvmmak okvt nitak pilla kash o nan ik achukmo ilvppa ai yvmohma he vt im vlpihisa tok: yvm-mvt Chihowa holitobli keyu hokvt, pin Chihowa isht i kana ya havi imma isht ai ihikbi, micha yvmmak illa hosh Chito-

kaka Chihowa, micha pi Okchalinchi Chisvs Klaist ash o ik holitoblo hoke.

5. Yvmohmi ka Chitokaka yokvt kanimihchit Echip yakni a a kohchit okla ha hlakofichi ha yvt na yimma he keyu vhleha hokvno vbit taiyahli tok; ilvppa himonna ma hvsh ithana hatuk ak inli kia, hvsh ithaiyana he mak o hvchim ai ahni lishke.

6. Micha enchil vhleha hokvt a toba vmmona tok ash inli ai ahanta keyu hosh, amba ilap ai ahanta kash issa tok puta hokvno, ai okhlilika chinto tvli itatakvli isht talakchit bilia hosh nitak chinto nan ai vlpisa ka ona he im ai ahni hoke.

7. Yohmi ka Sotom, Komolah, micha tumaha hochito auet i bilika aiena kash osh yvmmak ash o chiyuhmit, havi ai yvmohmi fehna, micha haknip inla ho asitia aiena tok vt nana ka isht ilbvsha he otaiyani mak osh isht i nukkilli luak bilia yo isht ilbvsha hoke.

8. Yvmmak o chiyuhmi hosh holhpokunna liteha vhleha ilvppak kia haknip a litehli, nan i shahli ya kvllakshichi, micha hatak nan vlhtoka holitopa he vlpiesa kia nan isht ik ahobalot anumpuli hoke.

9. Yohmi kia Mikael, enchil miko yvt nan isht ahullo okpulo ya it im anumpuli kv, Moses, haknip imma yo isht it im anumpunli kia, isht a hofahya he anumpa hoka mihachi kv nukshopa mv, amba Chitokaka yak osh chim olvbashke, achi tok.

10. Amba ilvppvto nana yakohmi puta ka akostininchi keyu kv, nan isht ik ahobalot isht anumpulishke; yohmi kv nampoa im anukfila iksho yak i chiyuhmit, haknip nan isht ai anushkunna ithana yvmmak puta ho isht il ai okpunit tahlishe.

11. Yvmmv i palvmmi mak oke; Ken nana a kaniohmi tok ak o chiyuhmit itvnowa hokvt, micha nan isht vlhtoba yak o bvna hosh Belam vt nan ashahanchi tok ak o chiyuhmit, ai yimitvt kvnivt yihlihimpa hatuk osh Koli vt i **salit anumpohonlit isht illi ha tok a chiyuhmit isht ai okpulo tok.**

12. Ilvppak okvt itj hullo impa hvch ibai impakmv, na

liteha vhleha yosh nukshopa kia ik im iksho hosh il impa-
hanchi kv̄t; hoshonti oka iksho ȳo mahli puta kv̄t kanima
isht aya; iti vni bv̄shit, vni iksho puta, hitukla illi, akshish
momvt l̄obahli mak oke:

13. Okhvta chito oka piakv̄chit it ai ih̄ssot, ilap isht aho-
fahya ȳa pokpokit kohonchi; fochik yoshuba puta hoka ai
okhlilika chinto yak osh yummak okvno immit bilia he im
vlhpisa hoke.

14. Mihma Enok, Alvm isht ai unchululi ont isht untuklo
kak kia, anumpa ilvppa tikbanli anohonli kv̄t, Yakeh! Chi-
tokaka yokvt ī holitopa vhleha tahlepa sipokni pokoli ka ai
itvpehvt vla kv̄t.

15. Moyuma ka nan im apesvt, Chihowa im antia he keyu
yvt Chihowa ik holitoblo hosh nan ai vlhpesa keyu puta
yumohmit ai asha chatuk, micha nan ashv̄chi Chihowa ik im
antio vhleha hv̄t ilap ī sanalit anumpa kv̄llo anumpohonli
chatuk aiena moyuma ka na palv̄mmi ka onocha hi oke.

16. Ilvppak okvt ik ahninchot lumasit isht anumpuli
vhleha hosh ilap chukv̄sh okpulo nan ahni kak ̄o iakaiya
yoke; micha isht ilauata fehna anumpa puta ka itih h̄a
isht anumpohonli kv̄t, ilap nan isht im achukma he, ahni
kak osh, hatak nashuka puta ka ahninchī yoke.

17. Amba ā holitopa vhleha ma! hv̄chishno yv̄to p̄in
Chitokaka Chisvs Klaist im anumpeshi vhleha hv̄t tikba
kash anumpa isht hv̄chim anumpohonli tok puta kak ̄o hv̄sh
ithaiyanashke:

18. Yohmi kv̄t ont ai ishtaiyopit mahayakma, nan isht
ik ahobalo vhleha hv̄t Chihowa ik holitoblo hosh ilap chu-
kv̄sh okpulo nan ahni kak ̄o iakaiya hosh ai asha hi oka, hv̄-
chim anohonli tok ā hv̄sh ithaiyanashke.

19. Ilvppak osh vbanumpuli iksa ai ahli ka il ai ī filv̄mmi-
chi kv̄t, hakn̄ip nan ahni ȳo iakaiya hosh, Shilombish Holi-
topa yvt ik im iksho hoke.

20. Amba ā holitopa hv̄chishno yv̄to, Shilombish Holi-
topa yvt hv̄chi anukfoyuka hosh anumpa ilbusha anumpo-
honlit, na hv̄chi yimmi holitopa fehna kv̄t hv̄sh il ai ahli-
chashke;

21. Chihowa **ya** hvsh **i** hullo **kv**t hvsh il achunanchi hosh, Chitokaka Chisvs Klaist okvt hvchi nukhako na aiokchayvt bilia **ya** hvsh ona **chi** kv't hvsh hohoyashke.

22. Mikmvt yakohmi hoka im ahnit, kaniohmi kvno hvsh **i** nukhaglashke.

23. Micha inla kvno nukshoblit halvllit, luak **a** a koehit hvsh hlakofichi kv't, na fohka haknip isht aliteha yak heno hvsh **i** yuwalashke.

24. Yohmi ka yvmamak osh hvchi halanli **ho** ik hvch ibetvblo ka **he**, micha ilap ai **o** binili holitompa itikba **ya** anumpa ik achukmo hvchi onvtonla iksho nan isht il aiyukpa chinto **ho** isht hvchi ona hinla,

25. Pi Okchalinchi Chihowa hopoyuksa kak bicka yvmamak **o** isht a holitopa, isht a chinto, micha isht a **miko**, micha nan isht ai ghli aiena kv't himonasi, micha himak a **pilla** ka immit biliashke. Amen.

UBANUMPESHI CHAN A

NANA KUT IM OTUNI TOK.

CHAPTA I.

Uba nan im otaiyani tok vt tvi holisso lakna pula ai o hikia untuklo nan isht vhpisa ho Chan vt chvch untuklo Asia a hiohmaya ka pit i holisso chi tok, 1; 7 Klaist vt minta chi; 14 nan isht im ai ghli holiropa chinto aiena ka anoli.

1. CHISUS Klaist nan isht otvninchi yvmmak oka Chihowa hvv ima na in chekosikma nana a kaniohmi pulla chi ka, in tishu vhleha ha im otvnincha hi a tok; atuk o yvmmak ash osh im enchil ak o pit chvffichi hosh in tishu Chan g nan it apesa hosh im anoli tok.

2. Mihi yosh Chihowa im anumpa, mikmvt Chisus Klaist nan isht im atokowa, micha nana ho pisa tok aiena kvv atokowa anoli tok mak oke.

3. Kvna hosh ilvppa it im anumpohonli, mikma kvna hosh na tikbanli annoa anumpa ilvppa haklo cha, nana hosh a holihiso tuk g holiobli hokvto momvt na yukpvshke; yakohma chi ka ai onq hosi hoka.

4. Chan vt Asia yakni chvch a hiohli untuklo ka pit aiokpvchi; yvmmvt okchayvt ahanta kvv, yvmmak osh okchayvt ahanta tok osh, anonti himak a pilla ka okchayvt ahanta he mak o nan isht i kana, isht it i nanaiya aiena kvv a minti, yvmma im ai o binili holirompa itikba ya a hiel Na shilombish untuklo aiena ka a minti;

5. Michi Nan atokowa anoli ai ghli, mikmvt illi tuk osh

falamvt tani kv̄t illi v̄hleha hak o Uttahpi hosh holitopa i shahli; micha m̄iko yakni pakna ai asha puta I shahli Chisvs Klaist mak o a minti hosh hv̄chi anukfoyakashke. Hvp i hullo cha, na hv̄pim ai ashv̄chika puta hatuk ma ilap im issish ak inli h̄o isht achifvt hv̄p i kashofi cha,

6. Iki Chihowa na holitopa isht im v̄tta, micha m̄iko ȳo ohminchi hosh pi atokoli tuk mak osh mihi ȳo isht a holitopa, micha nana moma isht imaiya ita tuklo kv̄t immi hosh bilivt biliashke. Amen.

7. Yakeh! hoshonti h̄o il ai eshi hosh minti mak oke; yohmi ka hatak nishkin puta, mikma kv̄na hosh yv̄mma tv̄li halupa isht babli tok v̄hleha ash kia moyumvt pisa he; yohmikma oklushi puta yakni pakna ai asha tuk vt moyumvt yv̄mmak atuk pulla kak o komuntvt yahaya hi oke; yakohmi mak inlashke. Amen.

8. Chitokaka nan okl̄uha imaiya yvt himak a okchayvt ahanta kv̄t, yv̄mmak osh okchayvt ahanta tok osh, himak a pilla ka okchayvt ahanta he mak osh, Ūno ak osh Alfa, Omeka, ai isht ia v̄mmona, micha ont ai v̄hli aiena sia mak oke, achishke.

9. Chan sia hv̄ch itibapishi, mikmvt na palv̄m̄mi ka hv̄ch iba pih̄isa sia, micha Chisvs Klaist ap̄ehlichika ibafohka, micha Chisvs vt nuktanlv̄t achunanchi tok a ohmit isht a hv̄ch iba achv̄fa sia hatuk vt, Chihowa im anumpa, micha Chisvs Klaist nan isht im atokowa pulla hatuk mak o yakni tashaiyi Patmos hohchifo h̄o ont anta li tok.

10. Atuk osh Chitokaka i nitak o Shilombish Holitopa yvt si anukfoyuka fehnvt ahanta li h̄o, v̄m asha ka imma ya nan ola chinto isht p̄ufa ola h̄o chohmi kv̄t,

11. Ūno ak osh Alfa, mikmvt Omeka, v̄mmona, mikmvt ont ishtaiyopi aiena sia mak oke; yohmi hoka nana h̄o ish pih̄isa kv̄t holisso h̄a ish a holissochi cha, Asia yakni chv̄ch a hiohli untuklo Efesvs, micha Sm̄vna, mikmvt Pvkamos, micha Hlaiatila, mikmvt Satis, micha Filatelfia, mikmvt Laotisea aiena ka pit ish pilashke, ahanchi h̄o haklo li tok.

12. Yohmi ma auet v̄m anumpohonli yv̄mmak ash o pisa

la chj hosh pit filema li tok. Yohmi kv̄t pit filema li mv̄t, teli holisso lakna p̄vla ai q̄ hikia untuklo ka pisa li tok:

13. Yohmi ma p̄vla ai q̄ hikia untuklo yv̄mmak ash ik̄-lenna ya Hatak Ushi ak q̄ holba hosh, anchi vt̄ iyi pilla ona hō ai anchi hosh, teli holisso lakna isht vskofv̄chi q̄ chinuko foka ak q̄ isht takchi hosh hikia tok.

14. Mihma noshkobo, micha p̄gshi aiena kv̄t tohbi kv̄t chukfi hishi, micha okti pushi aiena kak q̄ chiyuhmi ma, nishkin vt̄ luak libbi hak q̄ chiyuhmi tok:

15. Yohmi mv̄t iyi yv̄t malanta kv̄t tv̄li lakna yosh teli abila yō fohkv̄t hullokmi tuk mak q̄ chiyuhmi ma, itih ola kv̄t oka chinto fopa hō chiyuhmi tok.

16. Mihmv̄t ibbak isht impak imma ya fochik untuklo hō isht ieshi tok; mihma itih hā bushpo falaia itahlakla halupa yosh a kohcha ma, nashuka yv̄t shohpakali kv̄t, hv̄shi tom̄mi ai ahli tom̄mi chatuk mak q̄ chiyuhmi tok.

17. Yohmi ma yv̄mmak ash q̄ pisa li mv̄t, illi yō chohmit iyi ituma ya ont sa tula tok. Yohmi ma ibbak isht impak imma ya ishit si umbitepa mv̄t, Uno ak osh v̄mmona, micha ont ishtaiyopi aiena sia mak oke, ik chi nukshopo kashke.

18. Uno ak osh okchayv̄t ahanta sia mak osh, sv̄lli tok nana kia, anonti yakeh! okchayv̄t sa bilia hoke, Amen: yohmi hosh isht ai illa he, micha shilombish aiasha aiena isht-tiwa ya ieshi li hoke.

19. Nana ish pisa tuk, micha nana kv̄t a kaniohmi, mik̄mv̄t himak a pilla hō nana kv̄t a kaniohma he puta ka ish holissochashke.

20. Fochik untuklo sv̄bbak isht impak imma al̄hto hō ish pisa kash, micha tv̄li holisso lakna p̄vla ai q̄ hikia puta aiena kash ot nan isht v̄lh̄pisa kv̄t ilv̄ppak oke. Fochik untuklo kv̄t chv̄ch a hiohli untuklo ka nan isht im vt̄ta v̄hleha untuklo kak oke; yohmikma p̄vla ai q̄ hikia untuklo ish pisa kash ot chv̄ch a hiohli untuklo kak oke, v̄m achi tok.

CHAPTA II.

Efesvs, 1, 8 Smvna, 12 Pvkamos, 18 Hlaiatila aiena chvch a hiohli ka vbanumpa isht im vtta puta nana hō pit i holissocha chī ka Chan g im apesa kv̄t, nana kv̄t ai v̄lhpiesa, anonti nana ka ik ai onot aiasha kak a tok.

1. CHUCH Efesvs a hikia nan isht im vtta yā pit ish i holissochashke: Ibbak isht impak imma yā fochik untuklo ka isht ieshi cha, tvli holisso lakna p̄vla ai o hikia untuklo hō iklv̄nna a nohōwa yak osh ilv̄ppa puta ka achishke.

2. Nana ish a kaniohmi puta, nan isht ahantvt a chi hoyv-bli, nuktanlv̄t ish achunanchi, mikmvt ai v̄lhpiesa keyu v̄hleha hā kaniohmit ish im ahninchī keyu, yohmikmvt kv̄na kia ilap ak osh vbanumpeshi mak o ile miha hatuk kia, keyu hatuk puta ka imomaka pisvt holabi atuk o ish akostininchi:

3. Micha nana kv̄t palv̄m̄mi ka ish pih̄jsa kia, nuktanlv̄t ish achunanchi, mikmvt v̄no sa hohchifo pulla hatuk mak o ish toksahanli mvt, ik chi hoyvblo a puta hatuk g chim ithaiyana lishke.

4. Yohmi nana kia v̄m̄mona ka nan i hullo chi anukfoyu-ka tuk vt chik a lauecho hatuk o, nana ka isht ak chim ahnincho kv̄t v̄m̄ gshv̄shke.

5. Yohmi hoka kanima yō a hikivt ik a lauwot ish ia tuk vt pit anukfihinlit, ish ile kostininchi cha, nan isht ish ai vtta v̄m̄mona tok ak o ish yvm̄ihchashke: yvm̄mak keyukma chekosi chim gya likmvt, ish ile kostininchi hō keyukma, chī p̄vla ai o hikia yā ishit, a hikia tuk g kanv̄llichī la hi oke.

6. Amba chishno yokv̄to ilv̄ppak o a chi yakohmi hatuk osh, Nikolaitan okla nana a kaniohmi puta ka chik ahnincho ka, yv̄mma v̄no ak kia ak ahninchoshke.

7. Kv̄na hosh haksobish vt i hinli hokv̄to, Shilombish Holitopa yvt chvch v̄hleha hā nan im ok ahanchi puta ka haklashke. Kv̄na hosh nana ka imaiyachit a hlopulli hokv̄to, mihi yosh ai-okchaya iti Chihowa i Palatais iklv̄nna hikia hatuk ma ai v̄pa hi g ima la hi oke.

8. Mikmvt chvch Smvna a hikia nan isht im vtta yā pit

ish i holissochashke. Ummona, micha ont ishtaiyopi aiena, yvmmak osh illi tok vt, okchayvt ahanta mak osh, iluppa puta ka achishke.

9. Nana ish a kaniohmi puta, mikmvt na palvmmi ish a pihisa puta, micha ilbvsha chim aiena, (yohmi kia nana kvv chin laua ka ithana li,) mikmvt kanima kvv nana ka ik ahobalot anumpulit mihi yo keyu kvv, amba Setan i sinakak mak okak osh, Chu mak o ile mihvt aiasha ka, ithana li hoke.

10. Nana kvv isht chi ai ilbvsha he puta gsha ka chik i komunto kashke. Yakeh! hvsh kanima ka hvch imomaka pisa chi ka, Setan vt aboha kvvlo g hvchi apitta he; yohmikma nitak pokoli ho na palvmmi hvsh pisa chi hoke: ai ghlit mahayvt ont chillashke; yohmikma iachuka okchaya yo chima la he mak oke.

11. Kvna hosh haksobish vt i hinli hokvto, Shilombish Holitopa yvt chvch vhleha ha nan im ok ahanchi puta ka haklashke. Kvna hosh nana ka imaiyachit a hlopulli hokvto, ai illi atukla ka ik im a palvmmo ka he mak oke.

12. Mikmvt chvch Pvkamos a hikia nan isht im vtta ya pit ish i holissochashke: Bvshpo falaia itablakla halupa ishi mak osh iluppa puta ka achishke.

13. Nana ish a kaniohmi puta, mikmvt kanima yo Setan vt apelihchi yvmmak kia ish ai vtta ka ithana lishke; yohmi kvv sa hohchifo hatuk ma kvllochit ish ieshi mvt, anonti Antipas yvmmak okvt vm antia ai ghlit atokowa otvvinchi yosh hvchi takla ahanta tok g Setan ai vtta yak o ai vbi tok nitak foka kak kia, vno g is sai yimmi tuk vt chik kancho tok g ithana lishke.

14. Yohmi kia na holbut toba puta isht aiokpvchi tuk puta ka vpa chi, mikmvt itin lumga ma yvmohma chi ka, Israel okla itikba ya isht ai ibetvbli i bohla chi ka Belam vt Balak g im avvchi tok nan vlvchi iluppa holitobli vhleha yvmmak o ish il a pehlichy hoka, nana ka isht ak chim ahnineho ka achafoa kvv vm ashvshke.

15. Yohmi mvt anonti Nikolaitan okla nana isht ithvnan-

chi yummak oka ak ahnincho chatuk mak o, mihi yo holi-
tobli vhleha yummakma ish il apelhichi ak inlishke.

16. Ile kostininchi; yummak keyukma chekosi fehna
chim aya lish, okla yummak oka bushpo falaia svtih a
kocheha hatuk ma ont isht itibi la he mak oke.

17. Kvna hosh haksobish vt i hinli hokvto, Shilombish
Holitopa yvt chvch vhleha ha nan ok im ahanchi puta ka
haklashke. Kvna hosh nana ka imaiyachit a hlopulli ho-
kvto, mihi yosh manna lumpoa vpa chi ka ima likmvt,
anonti tvli tohbi yo yumma hohchifo himona yosh a ho-
lisso, yohmi ka yumma hatak nana hosh ithana he keyu,
amba ishi tuk ak illa hosh akostininchi mak o ima la hi
oke.

18. Anonti chvch Hlaiatila a hikia nan isht im vtta ya
pit ish i holissochashke: Chihowa Ushi yummvt nishkin vt
luak libbi ho chiyuhmi ma, iyi mvt tvli lakna malanta
achukma ho chiyuhmi mak osh ilvppa puta ka achishke.

19. Nana ish a kaniohmi puta, micha ish i hullo, nan
isht ish ahanta, na chi yimmi, nuktanlvvt ish achunanchi,
mikmvt nana ish a kaniohmi puta, yohmi kvv ont ishtaiyopi
kak osh tikba ya tok g imaiyachi ka chim ithaiyana lishke.

20. Yohmi nana kia ohoyo Chesebel, yummak okvt ohoyo
hopaii mak o ile miha hosh, yummvt an tishu vhleha ha
nan im avchit, yoshubli na itin lumaka yvmohma he, mik-
mvt nana ka na holvvt toba yo isht aiokpvchi tuk puta kia
vpvt ai asha hi g, vlvpesa ish im ai ahni hatuk oka, nana ka
isht ak chim ahnincho ka achafoa kvv vm ashvshke.

21. Yohmi mvt itin lumakvt ahanta chatuk vto ai ile
kostinincha chi ka nitak g ima li tok, nana kia ile kostinin-
cha he keyu ki tok.

22. Yohmi hoka yakeh! yumma atuk ma topa pakna yo
pit ai om bohli Lkmvt, yumma itin lumaka yatuk ma na
palummi chirto ka onochi la chi hoke; nana a kaniohmi
yatuk puta kvv ai ile kostininchi ho keyukma.

23. Mikmvt ohoyo yumma im vlla vhleha hatuk ma illi
mak o isht ahambi la chi hoke; yohmikma vno ak osh
hatak chukvsh nana ai ahni puta ka afvnalechit ithana si

hatuk a chvch vhleha puta kv̄t ithaiyana he mak oke : yohmikma hvchishno hvsh a kaniohmi puta kak o isht ai vhpesa aiyukali mak o hvch ima la hi oke.

24. Yohmi kia hvchishno, micha inla Hlaiatila maya aiena, laua kv̄t kaniohmi hosh nan vlv̄chi ilvppak ash ik ahnincho, micha Setan vt im anukfila ont ai v̄hli mak o, okla miha ka, ik ithano hvchia hokvno na weki inla nana h̄o hvchi onochi la ch̄i h̄o keyu, hvchim achi lishke.

'25. Amba nana ka hvsh ieshi mashko hatuk okvto, kv̄llochit hvsh ishi na v̄la li hayashke.

26. Yohmikma kv̄na hosh nana ka imaiyachit, nana kv̄t yakabma he ahni li ka holitoblit im antivt a hlopulli hokvto, mihi yosh oklushi puta hatuk ma i shakla he mak o, vno a Aki vt vm apesa tok a, chohmichit im apesa la he mak oke :

27. Yohmikma yvmmak ash ot tv̄li fuli toba h̄o ieshi hosh yvmma nan im apihisa he ; mikma yvmmak atuk mvt shuti tv̄na yosh na tv̄na tuk o bushullit tv̄mos chatuk a chiyuhma hi oke.

28. Yohmikma yvmmak amo onnahinli fochik a ima la he mak oke.

29. Kv̄na hosh haksobish vt i hinli hokvto, Shilombish Holitopa yvt chvch vhleha h̄a nan im ok ahanchi puta ka haklashke.

CHAPTA III.

Satis chvch hikia vbanumpa isht im vtta ya nan i miha, 1 : 8 lle nukhaklonchit ilekostonincha ch̄i ka i miha : Filatelfia chvch hikia ka nan isht im vtta yvto nana ka ahlit achunanchit ahanta ka im ahninchi ; 15 Laotisea chvch nan isht im vtta ya tuk vt libisha keyu, mikmvt kapvsa keyu aiena ha tuk o im alvmmi ; 20 Klaist vt okhissa ya hikivt sokoha.

1. MIKMVT chvch Satis a hikia nan isht im vtta ya pit ish i holissochashke. Chihowa imi shilombish untuklo, miha fochik untuklo aiena il ai eshi mak osh ilvppa puta ka achishke : Nana ish a kaniohmi puta, okchaya mak o chi hohchifo ak inli kia, illi yo chia hoka chim ithaiyana lishke.

2. Nana kv̄t ai v̄lhpesa ḡhli h̄o Chihowa itikba ȳa ish a yvmohmi na pisa li keyu hoka, ahah! ish il ai ahni cha, nana kv̄t illi mak ̄o mah̄aya kia ḡsha moma hatuk okvno ish hlampkohonchashke.

3. Yohmi kv̄t nana ka ish ishi, micha ish haklo aiena tuk vt, ithaiyanvt kv̄llochit ish ieshi cha, ish ile kostininchashke. Amba ahah! chik il ai ahno hok mvno, h̄ukopa nowvt aya h̄o chohmi hosh ant ch̄i kohcha la ch̄i; yohmi ka hvshi kanvlli nana h̄o ant ch̄i kohcha la ch̄i ka ish ithana hi ̄o keyu hoke.

4. Satis ak okvno holhtina kanomosi kv̄t, yvmmak okvto im ilefoka ȳa ik litehlo kv̄t, chim ashvshke; yohmi hatuk osh yvmmak okvto yvmmak a he im ai v̄lhpesa hokvt, na fohka tohbi foyuka cha svb ai itvnowa he mak oke.

5. Kvna hosh nana ka imaiyachit a hlopulli hokvto, mihi yosh nafohka tohbi a fohka he; yohmikma yvma hohchifo hv̄t ai okchaya holisso a takali tuk ḡ kashofi la he keyu, amba hohchifo h̄a Ḃki, micha im enchil v̄hleha aiena itikba ȳa ai anohonli la he mak oke.

6. Kvna hosh haksobish i hinli hokvto, Shilombish Holitopa yvt chvch v̄hleha h̄a nan im ok ahanchi puta ka haklashke.

7. Mikmvt chvch Filatelfia a hikia nan isht im v̄tta ȳa pit ish i holissochashke: Holitopa, ai ḡhli mak osh, Lewi im isht tiwa ȳa ieshi hosh, yvmv̄t okhishta haya, hatak nana hosh wakvma he keyu; anonti tiwa haya, hatak nana hosh okhishta he keyu chatuk mak ̄o ilvppa puta ka achishke.

8. Nana ish a kaniohmi puta ka ithana lishke: yakeh! isht hlampko iskvtinosi kv̄t chin takanli cha, vm anumpa h̄a ish holiobli mvt, sa hohchifo h̄a chik kancho hatuk oka, okhissa ȳa tiwit chi tikba ȳa hilechi li: yohmi ka hatak nana hosh yvmmak oka okhishta hi ̄o keyu hoke.

9. Kanima kv̄t mih mak ̄o keyu kv̄t, Chu mak ̄o ile mihvt holabi v̄hleha hv̄t Setan i sinakak atuk ḡ atokolit anoli la ch̄i hoke: yakeh! yvma puta kash ot chiyi ituma ȳa ai v̄vt ant aiokpvchi hosh, vno vt ch̄i hullo li hatuk ḡ akostininha hi ḡ im anukfilli la ch̄i hoke.

10. Chishno vt nuktanlet ish achunancha hi chim apesa li tok vm anumpa hā ish holitobli tuk oka, vno ak kia na palummi yummvt yakni pakna āsha puta ka imomaka pisa chi mak osh yakni pakna onvtuyula hi oka, hvshi kanvlli yumma fehna ka chi hlakofihinchi la he oke.

11. Yakeh! chekosi vla la chi mak oke: nana ish īshi yummak atuk vt kvlochit ish ieshi pulla na iachuka hā hatak nana kia ik chim esho kashke.

12. Kvna hosh nana ka imaiyachit a hlopulli hokvno mihi yō an Chihowa in tempel in tonik o ikbi la he: yohmikma yummak atuk mvt nitak nana ik kohcho ka he mak oke: yohmikma an Chihowa hohchifo, mikmvt an Chihowa in tv-maha chito hohchifo, yummvt Chelusalem himona, an Chihowa ak o minti hosh vba yakni ā a kohchvt vla hatuk ā yumma isht a holissochi la he, mikmvt, sa hohchifo himona ma yummak ash isht a holissochi la hi oke.

13. Kvna hosh haksobish vt ī hinli hokvto, Shilombish Holitopa yvt chvch vhleha hā nan im ok ahanchi puta ka haklashke.

14. Mikmvt chvch Laotisea a hikia nan isht im vta ya pit ish ī holissochashke: Amen, Nan atokowa anoli ahli, Chihowa nana ikbi tok ā moma in Tikba mak osh ilvppa puta ka achishke.

15. Nana ish a kaniohmi puta ma ithana li ka, chi kapvssa, keyukmvt, anonti ik chi lvshposhke; yohmi ka chi kapvssa hokmā, chi lvshpa hokmā, nana tuk okbano, ahni lishke.

16. Yohmi kvv chi kapvssa keyukmvt, anonti ik chi lvshpo hosh peh chi libisha vmmona hatuk oka, hoitvt sa takha a kohchit chi kanchi la hi oke.

17. Nana kvv an laua kvv, ī shahlit isht ia hatuk osh nana kia sa bvna keyu, ish achi; yohmi cha na palummi pihivt chilbvsha, micha nana ik chim iksho, chik hoponayo, nipi bano aiena ho kak osh chik ithano hokvt.

18. Nan chin laua chi kvv, tvli holisso lakna luak isht imomaka pivt vltaha yō vno ak o is san chumpa chi, mikmvt na fohka ish fohka cha, nipi banot hofahya kvv ik chim

iksho ka chi kvt, vno ak o na fohka tohbi yo is san chumpa chi, micha nishkin ahama ma an chumpvt, chi nishkin a ish ahama cha, ish hoponaya chi ka, chi miha lishke.

19. Kva ho vno vt i hullo li hokvto, nana ka im olabbit kostinichi li chatuk: yohmi hoka nana ka amosholi hosh ish ile kostininchashke.

20. Yakeh! okhissa ya hikivt sukohoha lishke: Kva hosh vm anumpa ha haklo cha, okhissa ya tiwi hokma, iba chukowa lish, ibai impa likma, anonti ilap mvt subai impa chi mak oke.

21. Kva hosh nana ka imaiyachit a hlopulli hokvto, mihi yosh, vno vt imaiyachit a hlopulli lish, Aki a awant im ai o binili holitopa ya a binili li kv't, yvmmak inli ho chohmit vm ai o binili holitopa ya a binila chi ka, im apesa la he mak oke.

22. Kva hosh haksobish vt i hinli hokvto, Shilombish Holitopa yvt chvch vhleha ha nan im ok ahanchi puta ka haklashke.

CHAPTA IV.

Chihowa im aiasha holitopa vba ya Chan vt pisa, 1 ; 4 hatak tikba pokoli tuklo akucha ushta ; 6 nan okchaya kv't itikba, olbol aiena ka nishkin vt alotowa; 10 aiasha holitopa o binili kash o hatak tikba vhleha hash ot iachuka holitopa ya aka bohli cha, aiokpahanchi.

1. NANA kv't a yakohmi haya, anonti pit hopokoyo li ma, yakeh! vba shutik a okhissa yvt tiwa tuk atok: yohmi ma auet svt im anumpuli anumpa vmmona haklo li ka, isht pufa yo chiyuhmi hosh, llvppak o oiyá, mikma himak a pilla nana a kaniohma hé puta ka chim otv'ninchi lashke, achi tok.

2. Yohmi ma mih-mak inli ho Shilombish Holitopa isht a sa nukfoyuka ma, ai o binili holitopa kv't vba shutik a ai o hikia ma, ai o binili holitopa yvmmak ash achvfa kv't o binili tok.

3. Yohmi ka ai o binili holitopa o binili yvmmak okvt pisa ka tvli holitopa chaspa, micha satin aiena kak o holba

tok: mihma pisa ka emelal ak o holba hosh hinak bitepuli hvt ai o binili holitompa yash apakfoypa tok.

4. Yohmi ma ai o binili holitompa yash ai o binili pokoli tuklo akucha ushta hosh hiohlit folubli tok: yohmi ma hatak tikba pokoli tuklo akucha ushta kv̄t na fohka tohbi abehkv̄chi hosh tv̄li holisso lakna iachuka h̄o iachukoli hosh ai o binili yash o binohmaya tok.

5. Yohmi ma ai o binili holitompa yash malv̄tha, hiloa ola aiena hosh a kohoncha tok. Mihma ai o binili holitompa yash itikba ȳa p̄la luak untuklo, yv̄mm̄vt Chihowa imi Shilombish untuklo mak osh h̄eli tok.

6. Yohmi ma ai o binili holitompa itikba ȳa okhv̄ta shohkoali hosh klistal ak o chiyuhmi hosh talaia tok; yohmi ma ai o binili holitompa ai ikl̄enna, mikm̄vt auet a bil̄ika fullota aiena ka nan okchaya ushta kv̄t itikba, micha im ashaka aiena ka nishkin biekv̄t alotowa hosh aiasha tok.

7. Yohmi ka nan okchaya v̄mmona kash ot koi chito ȳo holba ma, nan okchaya ont atukla kash ot wakushi ȳo holba ma, nan okchaya ont atuchina kash ot nashuka āsha kv̄t hatak nashuka ȳo holba ma, anonti nan okchaya ont ai-ushta kash ot ōssi h̄ika h̄o holba tok.

8. Mihm̄vt nan okchaya ushta hash ot sanahchi vt i han-nali aiyuka ma, nishkin biekv̄t isht alotowa tok: mihm̄vt yv̄mm̄mak ash ot, Holitopa, holitopa, holitopa, Chihowa Chitokaka nana moma imaiya, yv̄mm̄mak osh okchayv̄t ahanta tok osh himak ā okchayv̄t ahanta kv̄t, himak a pilla ka okchayv̄t ahanta hi oke, ahanchi kv̄t nitak, ninak aiena ka ik ai yokoposhke.

9. Nan okchaya v̄hleha yv̄mm̄mak ash ot okchayv̄t ahantv̄t biliv̄t bilia yv̄t ai o binili holitompa o binili kash, yak oke im ai ahnit, holitoblit, aiokpahanchi ma,

10. Hatak tikba pokoli tuklo akucha ushta kash osh okchayv̄t ahantv̄t biliv̄t bilia yv̄t ai o binili holitompa o binili kash itikba ȳa ant hlipkv̄chit, aiokpahanchi m̄vt, im iachuka hash shoelit ai o binili holitopa itikba ȳa pit ashachi m̄vt,

11. Chishno ak osh nan okl̄gha ka ish ikbi tok: micha

chishno nana ish ai ahni hō nana ai asha kv̄t toba tok ōka, Chihowa ma! nan isht a hōlitopa, micha isht ahninchī, mikmvt isht chim ai ghli puta kv̄t a chimmi ha he vt chim v̄lhpesa hoke.

CHAPTA V.

Holisso hvt nan isht ashana untuklo hō isht ashana hō Chan vt pisa, 1; 9 yv̄mma chukfv̄lh̄poba ushi yv̄mmvt illi tok ak bano hosh wakama hi vt im v̄lhpesa, yohmi hoka hatak tikba v̄hleha hashot yv̄mmaḱ ash ǒ aiokpahanchi; 9 ilap im issish ǒ isht okchalinchī tuk ḡ okla anohonli.

1. **YUMOHMI** ma a holisso yvt anukaka, mikmvt pakna aiena ka holisso hosh, isht ashana untuklo hō isht ashana hosh ai ǒ binili hōlitompa ǒ binili ibbak isht impak imma yḡ foyuka na pisa li tok.

2. Mihma enchil hlampko fehna kv̄t chitolit anumpohonli mvt, Kv̄ta hak osh isht ashana puta hatuk ḡ mokohlichī cha, holisso hash tiwa hi vt im v̄lhpiesa cho? achi hō pisa li tok.

3. Yohmi ma vba shutik, micha yakni, mikmvt yakni nutaka aiena ai ahanta kv̄t kv̄na kia holisso yv̄mma tiwa he, mikmvt pisa he ai im v̄lhpiesa aiena kv̄t iksho ki tok.

4. Yohmi ma kv̄na kia holisso hatuk ḡ tiwi cha, it im anumpula he, micha yv̄mma pisa he ai im v̄lhpiesa kv̄t iksho hatuk ǒ, sa nishkin okchi vt mihinti fehna tok.

5. Mihma hatak tikba v̄hleha hash osh achv̄vt, Chi nishkin okchi vt minti ná; yakeh! Koi chito Chuta okla a minti, yv̄mmvt Lewi a minti hakshish filaminchi yak osh isht ashana untuklo kash mokohlichī cha, holisso hash tiwa chī kv̄t ont im ai ghli hatuk oke, vm achi tok.

6. Yohmi ma yakeh! ai ǒ binili hōlitompa, micha nan okchaya ushta, mikmvt hatak tikba v̄hleha aiena ka ai itin takla yḡ Chukfv̄lh̄pobushi vt hikia kv̄t illi tuk ḡ ahoba hosh, lapish vt untuklo cha, nishkin mvt untuklo, yv̄mmvt Chihowa imi shilombish untuklo yakni moyuma ai im ḡya mak ǒ pisa li tok.

7. Mihmet yummak ash ot minti mvt, ai o binili holi-
tompā o binili im ibbak isht impak imma holisso hvt foka
tuk ash ant kohchit ishi tok.

8. Mihma yummvt holisso hā ant ishi ma, nan okchaya
ushta, micha hatak tikba pokoli tuklo akucha ushta kash ot,
hap, micha tvli holisso lakna nan ai vlhto yosh na balama
alotowa, yummvt vbanumpuli puta im anumpa ilvsha mak
osh yohmi hō ishi banot, Chukfvlhpobushi itikba ya okla
ont hlipkvchi tok.

9, 10. Micha taloa himona ka okla talohowa kv, Chishno
ak osh chilli hosh oklushi ilaiyuka, im anumpa ilaiyuka
puyuta, hatak okla moma a kohchi hosh Chihowa immi e
toba chī ka, chishno chim issish ak o isht ish pi chumpa
hatuk; yohmi hosh Chihowa hā na holi-tompā isht imvta,
micha miko vhleha aiena ka ish pikbi tok: atuk o yakni
pakna ka a mikot il ai asha chī hoka, Chishno ak osh holisso
hash ish ishi cha, isht ashana yash ish tiwa he vt a chim
vlhpiesa hoke, ahanchi tok.

11. Yohmi ma pit pisa li ma, ai o binili holi-tompā bilika
fullota ka, enchil vhleha laua, mikmvt nan okchaya, micha
hatak tikba vhleha aiena ka itih ola bieka hō haklo li tok;
yohmi kv yummvt holhtena kv tahlepa sipokni pokoli
banot ia kv tahlepa sipokni pokoli cha, anonti tahlepa
sipokni bano hosh tahlepa sipokni achvfa hosh,

12. Chitolit miha hosh, Chukfvlhpobushi illi tok vt nan
isht im ai ghla he, micha nan uha in laua, mikmvt isht a
hopoyuksa, micha isht hlampko, mikmvt isht ahninchī,
micha isht aholitopa; mikmvt isht aiokpanchi aiena ka a
chimmi ha he vt chim vlhpesa hoke, ahanchi hō haklo li
tok.

13. Yohmi ma vba, micha yakni pakna, mikmvt yakni
nutaka, mikmvt okhvta anpkaka, nan okchaya aiasha tuk,
mikmvt yvmma puta aiasha tuk vt momvt, Ai o binili holi-
tompā o binili, micha Chukfvlhpobushi ita tuklo kv isht ai
okpanchi, micha isht ahninchī, mikmvt isht a holi-topa, mik-
mvt isht im ai ghli aiena kv ai immi kv bilivt biliashke,
ahanchi hō haklo li tok.

14. Yohmi ma nan okchaya ushta kash ot Amen, achi tok: mihma hatak tikba pokoli tuklo akucha ushta kash ot aka hlipkvchi cha, okchayvt ahantvt bilivt bilia yash o aiokpahanchi tok.

CHAPTA VI.

Nan ashana kash it iakaiyachit wakamohli; tiwakma nana hosh kaniohmi; nana kv̄t ont ai v̄lhikma kaniohma he anoli.

1. YOHMI ma pisa li h̄o, Chukv̄lhpobushi vt holisso isht ashana achvfa kash tiwi tok: mihma h̄iloha wimimpa h̄o chiyuhmi hosh nan okchaya ushta kash ot achvvt, Minti cha, ant pisa, achi h̄o haklo li tok.

2. Mihma yakeh! issuba tohbi ȳo pisa li tok: mihma iti tanampo ishi hosh yvm̄mak ash o o binili; yohmi ma yvm̄mak ash o iachuka ima ma, yvm̄mak ash ot imaiyachit hlopulla ch̄i kv̄t imaiyahanchit ishit mah̄aya tok.

3. Atuk o anonti holisso isht ashana atukla kash tiwi ma, nan okchaya atukla kash osh, Minti cha, ant pisa, achi h̄o haklo li tok.

4. Atuk o issuba inla yvm̄vt humma yosh kohchvt ia tok: yohmi ma yvm̄ma o binili kv̄t nanaiya hatuk a yakni pakna ȳa a mokofit isha ch̄i kv̄t im v̄lhpisa na okla hv̄t ilap b̄ika ȳa itilicha he mak atok; yohmi ma yvm̄mak ash o bv̄shpo falaia chinto h̄o ima tok.

5. Mihma anonti holisso isht ashana ont atuchina kash tiwi ma, nan okchaya atuchina kash osh, Minti cha, ant pisa, achi na haklo li tok; mihma yakeh! issuba lusa ȳo pisa li tok; mihma yvm̄ma o binili kv̄t nan-isht-weki ibbak isht ishi tok.

6. Yohmi ma nan okchaya ushta ai itintakla ȳa ai anumpa ola kv̄t, Iskvi achvfakma onush isht v̄lhpisa achvfa, mikma iskvi achvfa ka bale vt isht v̄lhpisa tuchinashke; yohmi kia ahah! ish ai ahni cha, alif vni, mikm̄vt oka p̄aki aiena hokvno chik okpano kashke, achi h̄o haklo li tok.

7. Atuk o anonti holisso isht ashana ont ai ushta kash

tiwi ma, nan okchaya ont ai ushta kash osh miha mtv, Minti cha, ant pisa, achi na haklo li tok.

8. Yohmi ma yakeh! issuba hatolakna yo pisa li tok: mihma Isht-ai-illi hohchifo hosh yvmmak ash o o binili ma, ai okpulo ka ai asha tuk vt pit iakaiya tok. Mihma yvmmak ash ot yakni itakashkoa ont isht ai ushta ka bvshpo falaia, micha na hohchifo, mikmtv nan-illi, micha nampos nukshopa puta yakni pakna ai asha aiena kak o isht illichah chj kvv im vhpisa tok.

9. Atuk o holisso isht ashana ont isht tahlapi kash tiwi ma, Chihowa im anumpa pulla, micha nana atokowa anolit ieshi pullvt isht illi tok vhleha shilombish vt alta nutaka ya ai asha na pisa li tok.

10. Mihma yvmmak ash ot, chitolit anumpulit miha mtv, Chitokaka ai ahli holiropa chia hvv pim issish a tok a atobvchi kvv yakni pakna ai asha ka chik im apeso ho, hopaki kvv katiohmi foka chj cho? ahanchi tok.

11. Yohmi ma yvmmak ash o ilefoka tohbi falaia holiropa ai yuka ho ima tok: mihma chekosi takla hokvno nukhintot fohvt maya na itibapishi vhleha tishu ilap ai itilaua puta kak kia, ilap ak atok ak inli ho chohmit illa hi atuk vt, ont ai ahla hi a i miha tok.

12. Mihma holisso isht ashana ont isht hannali kash tiwi ma, yakeh! yakni winakvchi chinto ho pisa li tok: mihma hvshi vt lusa kvv na pashi tvna yo chiyuhmi ma, hvshininak-aya yvt issish ak o chiyuhmi tok.

13. Yohmi ma vba fochik puta kvv chilofvt akakoha kvv, fik vpi yvt mahli kvvlo fehna ho faiokahanchi na ik ai ono ho vni vt chilofa chatuk ak o chiyuhmi tok.

14. Mihma vba shutik vt ita pahlatvt, a holisso yosh bonuntvt ont taiyahvt kenia ho chohmit pit kenia tok: mihma nvnih chaha, micha tashaiyi puta kvv a taloha tuk a a kanllit taha tok.

15. Mihma miko vhleha yakni pakna ai asha tuk, micha hatak hochitokaka vhleha, mikma hatak nan in laua vhleha, kvv pitvni hochito, hatak holiropa vhleha, mikmtv hatak yuka, micha hatak yuka keyu puyuta kvv nvnih chaha

puta tvli hochito aiena ka chiluk ai asha tuk a a lumpoa tok.

16. Mihmet nunih chaha puta, micha tvli hochito aiena kash o, Auet hvsh pi o kinahli cha, ai o binili holitompā o binili ka i nashuka, micha Chukfvlhpobushi nan isht i nuk-killi aiena hatuk ma pisht hvsh i luhmashke.

17. Himak a nan isht i nukkilli nitak chinto kv̄t vlvshke; yohmi ka kv̄ta hak osh hikia hinla cho? achi tok.

CHAPTA VII.

Chihowa in tishu v̄hleha ibitakla ya enchil osh in chunli, 1; 4 Islael isht ai unchululi laua kaniohmi hosh yakohmit nan isht ai in chuwa, 9 Oklushi inla mvt aholhtina iksho hosh in chuwa, ilvppak ashot na tohbi holitopa falaia isht fohkv̄t aiasha holitopa itikba ya hiohmaya; 14 im anchi vt chukfvlhpobushi im issish o isht ahchifa ha tok.

1. ATUK o ai yvmohmi ha ya, enchil ushta kv̄t, mahli hv̄t yakni, micha okhv̄ta, mikmvt iti aiena ka ik o mahlo ka ch̄i ka, yakni auet a mahli ushta hatuk ma ieshi hosh, yakni achukbeli ushta ka hiel̄i h̄o pisa li tok.

2. Mihma anonti enchil inla hosh Chihowa okchaya im isht in chuwa ishi hosh hv̄shi akochaka imma yo v̄tv̄t oiȳt minti h̄o pisa li tok; mihma yvmmak ash osh enchil ushta yakni, micha okhv̄ta aiena okpv̄na ch̄i im v̄lhpisa tuk ash o chitoli hosh pit in tahpv̄lv̄t,

3. Yakni, mikmvt okhv̄ta, micha iti puta aiena ka hv̄ch ik okpano h̄o, hv̄pin Chihowa in tishu v̄hleha ibitakla ya iloh in chonli hayashke, ahanchi tok.

4. Atuk o in chuwa tok v̄hleha holhtina ka haklo li tok: yohmi ma Islael okla isht ai unchululi v̄hleha moma kv̄t tahlepa sipokni banot tahlepa achv̄fa cha, tahlepa sipokni pokoli ushta akucha ushta hosh in chuwa tok.

5. Ohuta isht ai unchululi hv̄t tahlepa sipokni auah tuklo hosh in chuwa tok. Luben isht ai unchululi hv̄t tahlepa sipokni auah tuklo hosh in chuwa tok: Kat isht ai unchululi hv̄t tahlepa sipokni auah tuklo hosh in chuwa tok.

6. Ase isht ai unchululi hvt tahlepa sipokni auah tuklo hosh in chuwa tok. Neftalim isht ai unchululi hvt tahlepa sipokni auah tuklo hosh in chuwa tok. Manasses isht ai unchululi hvt tahlepa sipokni auah tuklo hosh in chuwa tok.

7. Simeon isht ai unchululi hvt tahlepa sipokni auah tuklo hosh in chuwa tok. Lefai isht ai unchululi hvt tahlepa sipokni auah tuklo hosh in chuwa tok. Issaka isht ai unchululi hvt tahlepa sipokni auah tuklo hosh in chuwa tok.

8. Sabulon isht ai unchululi hvt tahlepa sipokni auah tuklo hosh in chuwa tok. Chosef isht ai unchululi hvt tahlepa sipokni auah tuklo hosh in chuwa tok. Benchamin isht ai unchululi hvt tahlepa sipokni auah tuklo hosh in chuwa tok.

9. Iluppvt ai yakohmi haya, anonti yakeh ! okla chinto fehna, hatak nana hosh hotehna kvv tahla he keyu mak o, oklushi ilaiyuka, im anumpa ilaiyuka puta yakni pakna ai asha moma ka a minti hosh, ilefoka tohbi falaia holitompa abehkvchi hosh, pam vt ibbak a foyuka ho ai o binili holitompa, micha Chukfvlhpobushi ita tuklo itikba ya hiel ho pisa li tok.

10. Mihma chitolit miha hosh, Hvpin Chihowa ai o binili holitompa o binili kak osh, micha Chukfvlhpobushi ita tuklo kak osh pi okchalnchi tuk mak oke.

11. Mihma enchil vhleha ai o binili holitompa, micha hatak tikba vhleha, mikmvt nan okchaya ushta aiena kash a foluplit hiel tuk vt ai o binili holitompa itikba ya okla oka hlipkvchit Chihowa ha aiokpahanchi mvt,

12. Amen, hvpin Chihowa yvt hopoyuksa, hlampko, micha nan okluha imaiya aiena hoka, yak oke im ai ahnit ahninchit, holitoblichit, il aiokpahanchi na bilivt biliashke, Amen, ahanchi tok.

13. Yohmi ma hatak tikba vhleha hash ot achvvt auet anumpuli mvt, Ilefoka tohbi falaia abehkvchi yakohmi kvv kvta ho ? micha katima yo okla minti tok oh cho ? vm achi tok.

14. Mihma, A shahli ma ! yvmmak okvno ish ithanvshke, im achi li tok. Mihma, Iluppa yakohmi kak osh na palvm-

mi chinto h_o asht kohchvt aya hosh, im ilefoka yash Chuk-fvlhpobushi issish o isht achifut tohbichi tok mak oke.

15. Yohmi hatuk osh Chihowa im ai o binili holitompa itikba ya nitak, micha ninak moyuma ka yvmma in tempel anukaka ya aiokpahanchi hoke: yohmi ka ai o binili holi-tompa o binili kvv yvmma ai itin takla ya ahanta hi oke.

16. Yohmikma himak a pilla ma ik hohchafo ka he, mik-mvt ik itukshilo ka he, mikmvt hvshi vt ik onvtulo ka he, mikmvt kocho lvshpa mvt ik towulhkocho ka hi oke.

17. Chukfvlhpobushi ai o binili holitompa iklvna binili yvmmak osh impvchit, pehlichit oka kvli okchaya hiohli puta ka isht ohona he: yohmikma Chihowa ak osh nishkin okchi puta ma mominchit i kasholichit tahla he mak oke, vm achi tok.

CHAPTA VIII.

Nan ashana ont isht untuklo kash o wakami, 1; 2 isht pufa untuklo h_o enchil untuklo ka ima, 6 ushta kvv olachi ma-na palvmmi chinto kvv otvni; 3 enchil achvfa kvv vbanumpuli vhleha vba pit anumpohonli taklak ma tvli holisso lakna alta toba ka na balama pit o bohli.

1. **ATUK** o holisso isht ashana ont isht untuklo kash ti-wi ma, hvshi kanelli isht vlvpisa iklvna itintakla ka vba aholitopa yvt chullusvt talaia tok.

2. Mihma enchil untuklo Chihowa itikba hieli tuk g pisa li tok: yohmi ma yvmmak ash o isht pufa untuklo h_o ima tok.

3. Mihma enchil inla hosh tvli holisso lakna na-balama ai-vlhto yo sholi kvv, mintit alta ya ant a hikia tok: yohmi kvv vbanumpuli vhleha moyuma kvv vba pit anumpohonlik-ma ai atakla ma tvli holisso lakna alta toba yvt ai o binili holitompa itikba hikia tuk g ai o huhvkma chi ka, na bala-ma laua h_o ima tok.

4. Atuk o na balama ya a shobulli kvv, vbanumpuli vhle-ha vba pit anumpohonli ka ai itiba fokvt enchil ibbak g a kohchvt ia hosh, Chihowa itikba ohona tok.

5. Atuk o enchil ash ot na balama ai vlhto yash ishi cha, alta yak o luak a ai ishit alotuli mvt, aka pit fohobli tok; yohmi ma nan ola, micha hiloa, malvtha, mikmvt yakni winakvchi aiena tok.

6. Mihma enchil untuklo kash ot isht pufa untuklo ka ishi tuk ash, olacha chi kvtil ai atalili tok.

7. Mihma enchil vmmona kash ot olachi ma, hatafo, mikmvt luak, issish it ib vlhto aiena ho yakni a o kanchi tok: mihma iti okchaki moma ka a kashapa ont isht a tuchina kvtil luvt taha ma, hvshuk okchaki mvt momvt luvt taha tok.

8. Mihma anonti enchil ont atukla kash ot olachi ma, nr-nih chito yosh luak o isht luhua chiyuhmi hosh okhvta ha pit okatula tok: mihma okhvta a kashapa ont isht atuchina kvtil issish o toba tok.

9. Yohmi ma okhvta anukaka nana toba tok puta im ilhfopak asha tuk vt, kashapa ont isht atuchina kvtil illi tok; mihma peni hochito yatuk vt kashapa ont isht atuchina kvtil okpulot talia tok.

10. Mihma anonti enchil ont atuchina kash ot olachi ma, fochik chito yosh pva ho chiyuhmit luhua hosh, vba shutik a a mintit aka-ant itola cha, okhina puta kashapa ont isht atuchina, mihmvt kvli a hiohli kashapa ont isht atuchina aiena ka onvtula tok.

11. Yohmi kvtil fochik yvmma hochifo kvtil wumwut achi hatok; yohmi hatuk o oka moyuma ka kashapa ont isht atuchina kvtil wumwut o toba tok: mihma oka ak osh takvt kvnia hatuk oka, hatak vt oka yash o isht illi kvtil laua tok.

12. Mihma anonti enchil ont ai ushta kash ot olachi ma, hvshi, hvshi ninak aya, fochik puta aiena kvtil koyufa ont isht atuchina hosh ai okpuloka tok; yohmi hatuk osh koyufa ont isht atuchina kvtil im okhlili na nitak koyufa ont isht atuchina kvtil ik tommo ma, anonti ninak vt mihinli tok.

13. Mihma anonti pit hopokoyo li mvt, enchil achvfa kvtil ossi hika ho chiyuhmit vba shutik iklvna ya hlopullit aya mvt, chitolit tahpulvt, enchil tuchina kash ot himak pilla isht pufa ola inla ka olacha chi kvtil asha ka, yvmmak osh

ohonla hokvno, hatak yakni pakna gsha hatuk vt i palvmmi, palvmmi, palvmmi chinta chi mak oke, ahanchi ho haklo li tok.

CHAPTA IX.

Enchil ont isht tahlapi kash ot olachi ma, fochik vt aka auet itula ma, yvmmak ash q chittuk hofobi ont ataha he iksho isht tiwa ya ima, 1: 2 chiluk ash q tiwi ma hawa puta halambia ho choh mi hosh auet kocha wiha tok; 13 isht pyfa isht hannali kash ot ola; 15 mihma enchil ushta talakchi atuk vt i holhtofa.

1. YUMOHMI ma enchil ont isht tahlapi kash ot olachi ma, fochik vt vba shutik ak q a mintit yakni q ant onvtula ho pisa li tok; mihma yvmmak ash q chiluk hofobi ont ai vhli iksho isht tiwa ya ima tok.

2. Mihma yvmmak ash ot chiluk hofobi ont ai vhli iksho yash tiwi ma, tvli a bileli chito yo shobullit a kohcha ka, chiyuhmit chiluk hofobi q a shobullit kohoncha tok; mihma chiluk hofobi q a shobullit kohoncha kak q hvshi, micha shutik takla aiena kvv isht okhlilit kvnia tok.

3. Yohmi ma hawa puta mvt shobohli ka asht kohchvt, yakni q ai itvnowa tok; yohmi ka yvmmak atuk mvt nan okpvna he im vlpisa kvv, halambia yakni pakna ai gsha kvv nan okpvna he im vlpisa tok ak inli ho chiyuhmi tok.

4. Yohmi mvt yakni pakna hvshuk ai asha ka, micha nan okchaki puyuta, mikmvt iti aiena hokvno ik okpano ka chi, amba hatak kaniohmi hosh Chihowa im isht in chuwa yvt in lapanli keyu hatuk ak illa chi ho im vlpisa tok.

5. Yohmi kia yvmmak oka ik illichu ka chi, amba ilvppak ash ot nan i palvmmi kvv hvshi tahlapi ka ona chi ho im vlpisa tok; yohmikma hawa vt yvmmak ash q i palvmmichi kvv halambia hosh hatak q nvhlikmvt-i palvmmichi chatuk q chiyuhmi tok.

6. Mikmvt nitak yvmma foyuka hokvno hatak vt illa hi q hohoyo kia, ik ahayucho ka he; micha illi ka ik bunna kia, nan illichu vt i kvnihya hi oke.

7. Yohmi ma hawa yash osh issuba hosh tvnvp ia chi hosh im vltahvt kvnia chatuk q chiyuhmi tok: mihmvt tvli

holisso lakna holba h_o iachuka iachukoli ma, nashuka y_ut hatak nashuka y_o chiyuhmi tok.

8. Mihmvt pashi vt ohoyo pashi ak o chiyuhmi ma, noti vt koi chito noti y_o chiyuhmi tok.

9. Yohmi mvt ikkishi alata puta kv_t tvli ikkishi alata holba h_o okla ishi tok: mihmvt i sanahchi fopa kv_t itichanvli issuba laua shali h_o tvnvp itibit ia hosh yihlepvt aya na winihvchi h_o chiyuhmi tok.

10. Mihmvt hasimbish vt halambia hasimbish o holba hosh asha h_o, nan isht nvhli mvt asha tok; yohmi hosh nan im vhpisa kv_t hvshi tahlapi h_o hatak a ilbvshala ch_i hatok.

11. Mihmvt i miko vt binili tok: yummvt chiluk hofobi ont ai vhli iksho a im enchil mak a tok: yummvt Heblu anumpa hokma Abatton hohchifo ma, amba Klik anumpa hokvno hohchifo kv_t Apolyon oke.

12. Nana palvmmi achvfa kash ot ant iut kvnia ma, anonti na palvmmi tuklo hosh himmakma mihinta ch_i oke.

13. Atuk o enchil ont isht hannali kash ot olachi ma, tvli holisso lakna alta Chihowa itikba hikia tuk lapish ushta ka, anumpa ola hv_t a kohcha mvt, enchil ont isht hannali kash ot isht pufa ishi hosh hikia kash o,

14. Enchil ushta talakchi yosh okhina chito Euffates a oka asha ka ont ish i hotofashke, im achi h_o haklo li tok.

15. Mihma enchil ushta kash ot i holhtofa mvt, hatak puta kashapa ont isht atuchina ka vba ch_i kv_t, hvshi kanvlli achvfa, nitak achvfa, hvshi achvfa, afvmmi achvfa aiena ka im vltaha tok.

16. Mihma issuba o binilit tvnvp aya holhtina kv_t tahlepa sipokni tahlepa tuklo bat tahlepa sipokni achvfa tok: mihma holhtina ka haklo li tok.

17. Mihma nan isht atokowa kv_t yakohmi h_o pisa li tok; issuba o binili vhleha ilvppak ash ot ikkishi alata yummvt humma, micha okchamali, micha lakna ai itaiyoma aiena h_o ieshi tok; mihma issuba noshkobo hv_t koi chito noshkobo h_o chiyuhmi ma, itakha ya luak shobohli, mikhmvt hitak lakna aiena hosh a kohoncha tok.

18. Luak shobohli, mikhmvt hitak lakna aiena kv_t itakha

ya a kohoncha tuchina ilvppa pulla kak o, hatak moma ka kashapa ont isht atuchina kv̄t isht illi tok.

19. Itakha, mikmvt hasimbish aiena ka nan isht i palvm-micha hi vt im vlpisa hoke; mihmvt i hasimbish vt nosh-kobo asha kv̄t sinti chilita yo holba hatuk o, ilvppak o nana ka isht okpani yoke.

20. Yohmi kia nan isht ahullo okpulo puta, micha tvi holisso lakna, tvi huta, mikmvt tvi lakna, tvi, iti aiena naholvt toba puta, yvmvt pisa keyu, micha haklo kia haklo keyu, mikmvt nowa kia nowa keyu aiena ilap ibbak vt ikbi tuk okno ik aiokpacho ka ch̄i kv̄t, hatak kanimi na palvmmi ilvppa isht ik illo ke tuk okto yvma i filvmm̄it ik ile kostinincho kish;

21. Hatak vbi, il isht ahullochi, nan itin lumaka, micha na hukopa aiena ka i filvmm̄it ik ile kostinincho ki tok oke.

CHAPTA X.

Enchil hlampko kv̄t holisso tiwa yvt ibbak a foyuka ho haiaka, 1; 6 okchaya bilia yvm̄mak atuk mak o himak ma nitak vt atakala ch̄i keyu, achi tok: 9 holisso hosh ishi cha vpa ch̄i kv̄t, Chan vt im vlpisa.

1. YOHMI ma enchil chinto inla yosh hoshonti ho ibafoyuka hosh vba shutik a mintit aka vla na pisa li tok; mihma hinak-bitepuli hosh noshkobo ha apakfoyupa ma, nashuka yvt hvshi yo chiyuhmi ma, anonti iyi yvt luak tonik o chiyuhmi tok.

2. Mihmvt holisso iskv̄tinosi kv̄t wakama yo ibbak a isht ieshi tok; mihmvt iyi isht impak imma ya okhvta ha o hilechi mvt, anonti iyi isht im afvbekimma yano yakni ya o hilechi cha,

3. Koi chito woha chatuk a chohmit chitolit tahpvlvt miha tok; atukmvt yvm̄mak ash ot tahpvla ma, hiloha untuklo kv̄t hilohoha tok.

4. Atuk o hiloha untuklo kash ot hilohoha haya, holissochi la ch̄i hatok; atuk ak o vba aholitopa ya auet anumpa na, Nana yakohmi ka hiloha untuklo kash ot anumpuli tuk

g chik holissocho hosh ish ashanichashke, vm achi na haklo li tok.

5. Yohmi ma enchil yummvt okhvta, micha yakni ita tuklo ka o hikia na pisa li kash, yummak ash ot ibbak g vba shutik pit weli tok.

6. Mihmvt okchayvt ahantvt bilivt bilia, yummak osh vba, micha yumma nana kvv aiasha puta, mikmvt yakni, micha yumma nana kvv aiasha puta, mikmvt okhvta, micha yumma nana kvv aiasha puta aiena ka ikbi tok mih mak o isht a mihvt anumpa kvllo isht il onochi kvv, nana kvv a yohma he tuk ont ia he keyu ka hi atok ;

7. Amba enchil ont isht untuklo im anumpa chi nitak okvno yummak ash ot olachit isht iakma, Ohihowa nana ai ahni tuk vt in tishu hopaii vhleha nan im otvvinchi tok mak osh ont vltaha chi mak oke.

8. Yohmi ma anumpa yumma vba aholitopa pit a haklo li tok ash ot anonti auet vm anumpuli tok : mihmvt, Ia cha, holisso iskvtnosi yummvt tiwa yash enchil, yummvt okhvta, micha yakni ita tuklo ka o hikia ka ibbak fokka ka ont ishi, vm achi tok.

9. Mihma enchil ash im ona lish, Holisso iskvtnosi yash et vma, im achi li tok : mihma, Ishi cha, vpvv tahli ; yohmikma chikfoka yg takbacha chi hoke, amba chitakha angkaka yano champuli kvv foi bila yo chohma chi hoke, vm achi tok.

10. Yohmi ma enchil ibbak g a kohchit holisso iskvtnosi yash ishi. lish, vpvv tahli li tok ; mihma satakha anykaka yokvno champuli kvv foi bila yo chohmi tok : yohmi kia isht nanvbi li mak inli ho, sakfoka yash ot takvvt kvnia tok.

11. Mihma yummak ash ot, Hatak oklushi, mikmvt im anumpa ilaiyuka, miko vhleha puta lgwa ka itikba yg nana ka tikbanli ish ai otvvincha chi pulla hoke, vm achi tok.

CHAPTA XI.

Vlhtokowa anoli tuklo hosh nan anohonli, 1 ; 5 ik umbo ka chi ka vba shutik akamala hi vt im vlvpisa ; 7 nampon nukshopa yvt i sanalit

itihjbit yummak ash vbi ; 8 ik hollopo hosh kaha na, 4 nitak ont atuchina cha iklvnvt aiena ma tanit okla ; 15 isht pufa isht untuklo kashot oia.

1. YUMOHMI ma kushak osh fuli yo holba ho vma tok ; mihmvt, Wakaya cha, Chihowa in tempel, micha alta, mikmvt kvna hosh yvmma ai ashvt aiokpahanchi vhleha aiena ma ish apesashke.

2. Yohmi kia apishia, yvmmvt tempel g ai ibachvfa keyu hoka, yummak okvno Chentail okla ho immi hoka, chik apeso kashke ; yohmi ka hvshi pokoli ushta cha tuklot aiena ka tvamaha chito holitopa ya iyi pvtha okla isht a hvhlihinja chj hoke.

3. Mikma nan isht ai ahli ka nana vm atokowa ishi tuklo ka ima la chj ; mikma mihi yosh pashi tvnna na fohka yo foyuka hosh nitak tahlepa sipokni achvfa cha, tahlepa tuklo pokoli hannali aiena ka nana ka tikbanli otvnihincha chj hoke.

4. Ilvppak osh Alif iti tuklo, mikmvt pula ai o hikia taklo aiena kvv yakni pakna in Chihowa itikba hieli mak oke.

5. Yohmi ka hatak nana hosh ilvppa ilbvshali hokma, ilvppak ash itakha ya luak osh a kohcha hosh in tvnvp puta hatuk ma isht vpa hoke ; yohmi ka hatak nana hosh yvmma ilbvshali hokmvt, nana ai yakohmi mak o illashke.

6. Ilvppak ash osh nan ai atokowa anohonli kvv isht ahanta takla nitak g ik umbo ka chj ka, vba shutik g okshita hi vt ilvppak osh ai im vlvpesa mak oke ; mikmvt oka puta ma imaiyvt yummak ash o issish o ikba hi vt ai im vlvpesa ; mikmvt yvmmvt nana ka ik yohmi ahni hokmvt, na palvmmi puta ma yakni ya isht ihissa hinla hoke.

7. Yohmi tok kia ilvppak ash ot nana atokowa ishi kash ot ont taiyahli tuk mak o, nampoa nukshopa chiluk hofobi ont ai vhi iksho a kohcha mak osh in tanampit, yummak ash imaiyachit vba hi oke.

8. Mihma tvamaha chito yummak o hvpin Chitokaka yak kia ititaiyukhvna a honahla tok, nan isht it apesa kvv Sotom, micha Echip achi ka hina yvmma illi haknip vt a kaha chj hoke.

9. Mikma okla ilaiyuka im anumpa ilaiyuka, oklushi puta mvt nitak tuchina cha iklvna aiena ka, illi haknip ash pihisa kia, ahollopi ya ik a hollopi, okla ik ai ahno ka hi oke.

10. Yvmohmikma yakni paknaka ai asha tok puta ka hopaii tuklo ilvppak ash osh i palvmmihinchi tuk oka, yakni paknaka ai asha ak inli kvv nan isht il im ai yukpvt, na yukpa ikbit mayakmvt, ilap bika nana iti habenvchit ai asha hi oke.

11. Yohmi na nitak tuchina cha iklvna aienakma shilombish okchaya Chihowa ak o a minti hosh yvmmak ash chukowa ma, yvmmak ash ot ilap iyi yosh isht o hinli tok: mihma ilvppa pisa puta tok okvno na nukshopa chinto kvv onvtuyula tok.

12. Yohmi ma vba aholitopa a minti anumpa chito ka haklot okla ma, Oiyvt ho minti, auet im ahaya tok. Mihma vba aholitopa ya ia kvv hoshonti anukaka mahaya ma, in tvnvp puta tuk vt pihisa tok.

13. Mihma hvshi kanvlli yvmmak inli ho yakni vt winakvchi chito tok; mihma tvnaha chito kashapa ont isht pokoli kvv kinafa tok; yohmi ma hatak tahlepa sipokni untuklo hosh yakni winakvchi ka ai illi tok; mihma hlakofi tok okvto nukhlakancha mvt, vba aholitopa in Chihowa ya holi-toblichitok, achi tok.

14. Na palvmmi atukla kash ot ant a yohmi ka, anonti yakeh! na palvmmi atuchina kash ot chekosikma minta chi hoke.

15. Atuk o enchil isht untuklo kash ot olachi tok: mihma anumpa ola chinto kvv vba aholitopa ya auet takali kvv, Yavni ilvppa apelihchika puta kvv hvpin Chitokaka, mikmvt Ushi Klaist ita tuklo im apelihchika yo tobvshke; yohmi hatuk o mihi yosh mikot ahanta na bilivt bilia hi oke.

16. Yohmi ma hatak tikba pokoli tuklo akucha ushta, yvmvvt Chihowa itikba ya ilap im ai o binili o binohlit maya kash osh aka hlipkvchi cha, Chihowa ha aiokpahan-chi mvt,

17. Chitokaka Chihowa nana moma imaiya ma! okchayvt ahanta tok osh, okchayvt ahanta, anonti himak a pilla

ma okchayvt ahanta he chia, yohmi kv̄t chishno nan isht chim ai aḡhli chinto ma il ai iḡshit, miḡkot ish ahanta hoka, yak oke e chim ai ahnishke, ahanchi tok.

18. Yohmi ka oklushi puta chukvsh vt nukhobela tok: mikma nan isht ish i nukkilli yvt vlvshke: mikma illi puta kv̄t nan im ai vlvpisa chi, mikmvt chin tishu hopaii vhleha, mikmvt vbanumpuli aḡhli puta, mikmvt kv̄na hosh chi hohchifo ha i nukshohompa aiena hokvno nan isht vlvhoba ma ish ai ima chi, mikmvt kv̄na hosh yakni ya okpvni hokma, yv̄mma ish ai okpvna chi nitak vt vlvshke.

19. Yohmi ma Chihowa in tempel vt vba aholitopa ya a tiwa tok; mihma in tempel anukaka ya nan it im vlvpisa itombi holitopa kv̄t otvni tok; mihma malv̄lha, anumpa ola, hiloha, micha yakni winakvchi, mihmvt hatafo chito aiena kv̄t a takali tok.

CHAPTA XII.

Ohoyo kv̄t hv̄shi yo isht foyukv̄t vlla isha chi nan i palv̄m̄mi, 1; 4 sinti chilita humma yosh yv̄mmak ash itikba hikia kv̄t im vlla ya isht vpa chi kv̄t im vlvhtaiyaha; 6 vlla yvt in tola mvt, ohoyo hash ot yakni haiaka yo pit maleli; 7 Mikael, micha im enchil aiena kv̄t nan okpulo sinti chilita yash itih̄bit imaiyachi; 13 sinti chilita yaah ot vba mintit aka itola cha, ob̄yo hash i tv̄nahampi tok.

1. YOHMI ma na fehna chinto kv̄t vba shutik a ai otaiyani kv̄t, ohoyo hosh hv̄shi yo foyuka ma, hv̄shi-ninak-ya yvt iyi nuta yo takali tok, yohmi ma fochik auah tuklo iachuka toba ho iachukoli tok.

2. Mihmvt yv̄mmak ash ot chakali hatuk osh, vlla itola he nan isht i palv̄m̄mit na hotopa tuk vt itola hokbano ahnit, tahpahanla tok.

3. Mihma na fehna inla kv̄t vba shutik a ai otvni kv̄t, yakeh! sinti chilita humma chinto hosh, noshkobo kv̄t im untuklo mvt, anonti in lapish vt pokoli ma, iachuka untuklo kv̄t noshkobo ha afoyua tok.

4. Mihma i hasimbish vt vba fochik a kashapa ont isht atuchina ka halanlit aka auet fohopli tok; yohmi ma vlla yvt

in tola he ai ona hatuk o; vlla yvt itola mak iahi hō isht im vpa chī kv̄t, ohoyo hash itikba sinti chilita yash ot hikia tok.

5. Atuk o yvmmak osh tvli fuli yō ieshi hosh okla moma ka imaiyachit nan im apesa chī mak o, ohoyo hash ot vlla nakni yō sholi tok; atuk o im vlla yash o Chihowa, mikmvt im ai o binili holitopa pilla a m̄aya tok;

6. Yohmi ma yakni haiaka kanima yō ai vtta hi o Chihowa yvt ai im atahli tok mak o, ohoyo hash ot pit maleli tok: yvmmak o nitak tahlepa sipokni achvfa tablepa tuklo cha pokoli hannalit aiena ka yvmmak oka okla nan ai im atahanla chī hatok.

7. Mihma vba yā ai it in tanampit ai asha tok: Mikael vt im enchil v̄hleha aiena kv̄t sinti chifita yash itihimbi ma, anonti sinti chilita yash ot yvmmak ash, mikmvt im enchil aiena ka itihimbi kia,

8. Imaiyaichi keyu ki tok; mihmvt ai vtta he nana kia vba yā iksho ki tok.

9. Mihma sinti chilita chinto, sinti sipokni, nan isht ahullo okpulo, micha Setan achi chatuk, yvmmak osh yakni moma ka yoshubli chatuk mak o yvmma a kohchi tok, atuk o aka pilla hō yvmmak ash ot pit itola tok; mihma im enchil v̄hleha hash ot apēvt pit kaha tok.

10. Mihma vba aholitopa yā anumpa ola chinto ka pit a haklo li ma, Himak ano isht ai okchaya, isht hlampko, mikmvt hv̄pin Chihowa im apēhlichika, micha Ushi Klaist nan isht im ai ghli aiena hash ot vlvshke; hv̄p itibapishi v̄hleha ī nukkillit na-mihachi yvmmak osh nitak, nimak aiena ka hv̄pin Chihowa itikba yā ai ī nukkillit na-mihachi yatuk ash osh aka pit itolvshke, ahanchi tok.

11. Mihmvt Chukfvlhpobushi im issish, mikmvt ilap im anumpa isht atokowa puta hō yvmmak ash okla isht imaiyachi tok; yohmi kia isht ai illa he kia, ilap im ilhfiopak ā ī hullo tok keyu.

12. Yvmohmi hoka vba aholitopa puta, micha yvmma ai asha puta hv̄chia ma! ho yukpá, nan isht ahullo okpulo, yvmmvt chekosi itintakla hō anta chī kv̄t ithana hosh, na isht ī nukkilli chinto ka il ai eshit hv̄chim vla hoka, yakni

pakna, micha okhuta aiena ka ai asha tuk vt nana i palvmmi mak oke.

13. Yohmi ma sinti chilita yash ot aka ya pit itola kv̄t il ithana mv̄t, ohoyo yv̄mmak osh v̄lla nakni ishi kash, ilbv-shahli tok.

14. Mikma ilap ai v̄tta yakni haiaka hikv̄t ia ch̄i ka, ohoyo hash q̄ssi chito sanahchi tuklo h̄o ima tok; yohmi ma yv̄mmak q̄ afv̄mmi tuchina iklv̄nvt aiena ka sinti chilita yash q̄ itikba ai i filv̄mmit ai ilhpihintashke.

15. Mihma sinti chilita yash ot oka falama ohmi kv̄t oka yo ohoyo hash iakaiyachit ilap itakha a kohchi kv̄t, yv̄mvt oka chito yosh yv̄mmak ash shalit kanima isht ia hi a ahni hatok.

16. Yohmi tok kia yakni vt ohoyo hash apela tok; mih-mvt yakni ash ot ilap itakha ya wakv̄mmi cha, oka chito yv̄mma sinti chilita yvt ilap itakha ya a kohchi kash isht nanv̄pli tok.

17. Yohmi ma sinti chilita yash ot ohoyo hash i nukkilli fehna mv̄t, iv̄t ohoyo hash isht ai unchululi kaniohmi maya, yv̄mvt Chihowa im anumpa v̄lh̄pisa puta ka holitobli, mik-mvt Chisvs Klaist nan isht im atokowa aiena ka ieshi v̄hleha hash q̄ in tanampi tok.

CHAPTA XIII.

Nampoa nukshopa yvt noshkobo hv̄t untuklo, lapish mv̄t pokoli hosh okhuta h̄a akohcha tok; mihma yv̄mmak q̄ sinti chilita yash ot nan ai ahli ima tok, 1; 11 nampoa nukshopa inla yosh yakni a akohcha; 14 nampoa nukshopa tikba ya tuk toba ch̄i ka na holbv̄t toba ya im ahni; 15 yohmi na yv̄mmak ash q̄ hatak puta kv̄t aiok pahancha ch̄i; 16 mikmvt isht ai in chywa ch̄i ha tok.

1. YUMOHMI ma okhuta shinuk pakna ya ai q̄ hikia li mv̄t, nampoa nukshopa achv̄fa kv̄t okhuta h̄a a koyucha h̄o pisa li ma, noshkobo hv̄t untuklo mv̄t, lapish vt pokoli, mihma in lapish pakna ya iachuka pokoli ma, anonti Chihowa isht ik ahobalo hohchifo hosh noshkobo h̄a ai q̄ holisso tok.

2. Mihma nampoa nukshopa yvmma pisa li kash o koi chikchiki ho holba ma, iyi yvt nita iyi yo chiyuhmi ma, anonti itakha mvt koi chito itakha yo chohmi tok: mihma sinti chilita yash ot nan isht hlampko, micha miko ai o binili, mikmvt nan isht im ai ahli aiena ka yvmmak ash o ima tok.

3. Yohmi ma yvmma noshkobo achufa kamo nvhlvt isht illa hi o chiyuhmi tok; atuk ak osh nvhlvt isht illa he kash ot hlakofi tok; mihma nampoa nukshopa hash o yakni mo-ma kvv, okokko! ai ahnit iakaiya tok.

4. Yvmohmi mvt sinti chilita yvmmak osh nampoa nukshopa ya nan isht ai ahli ima hatok oka, okla aiokpahanchi mvt; anonti nampoa nukshopa hash o okla aiokpahanchit, Kva hosh nampoa nukshopa holba cho? kva hosh yvmma in tanampit ahanta hinla cho?

5. Yohmi ma na chinto fehna, micha nana ka ik ahobalo puta isht anumpula chi ka yvmmak ash o itakha ima tok; yohmi ka hvshi pokoli ushta akucha tuklo ka a moyumvt isht ahanta chi mak osh im vlpisa tok.

6. Yohmi ma yvmmak ash ot itakha ya wakvmmmit, Chihowa ya ik ahobalot isht anumpulit, i hohchifo, micha im vltipo, mikmvt vba aholitopa aiasha puta ma ik ahobalot na mihachi tok.

7. Yohmi kvv vbanumpuli ahli vhleha in tanampit yvmmak ash o imaiyacha chi kvv nan im vlpisa tok; micha hatak oklushi ilaiyuka, mikmvt im anumpa ilaiyuka puta ka imaiyacha chi ka yvmmak ash o nan isht im ai ahli ima tok.

8. Mikma kvna hosh hohchifo hvv yakni tobtv a minti tok ai vhlv ka vltobvt illi tok Chukvvlhpobushi i holisso ai-okchaya a holisso tok keyu kvv, yakni pakna ai asha moma kvv yvmmak ash o aiokpahancha chi hoke.

9. Hatak nana hoh kia haksobish vt i hikiakmvt, ik haklo.

10. Kvna hoh kia inla ya yuka ikbit isht aya hokvto, ilap mvt yuka tobtv aya hi oke; kvna hoh kia inla ya bvshpo falaia yo isht vbi hokvto, ilap mvt bvshpo falaia yo isht

illa hi oke. Ilvppak o vbanumpuli vhleha kvt nukshanvt achunanchit na yimmi ka isht otaiyani hoke.

11. Yakohmi ma nampoa nukshopa inla kvt yakni a auet a kohcha na pisa li tok; yohmi ka yvmmak ash ot in lapish vt asha kvt Chukfvlhpobushi ak o holba kvt, anonti sinti chilita yak o chiyuhmit anumpuli tok.

12. Mikmvt yvmmak ash ot nampoa nukshopa vmmna isht im ai ahli ash yvmma itikba yo isht ahanta hoke; mikmvt yakni, micha yvmma ai asha pit aiena kvt nampoa vmmna, yvmmvt bahvt illit hlakofi tok ash aiokpahancha chi ka im ahni hoke.

13. Mikmvt yvmmak ash ot na fehna chinto ka yvmihchi; yohmi hatuk osh yvmmak ash ot luak vt vba mintit hatak puta itikba yakni a ant onvtuyula chi ka ahni hoke.

14. Yohmi hatuk osh yvmmak ash ot nan im ai ahli nampoa nukshopa itikba ya na fehna puta ka a yvmihchi kak osh yakni pakna ai asha puta ka yoshublihinci kvt; bvshpo falaia isht baha tok kia, anonti okchaya tok nampoa nukshopa yvmma na-holbachit okla im ikba chi ka, yakni pakna ai asha vhleha ha im ahanchi hoke.

15. Mihmvt nampoa nukshopa holba yash ot anumpuli, mikmvt laua kvt kaniohmi hosh nampoa nukshopa holba yash aiokpvcha hi o keyukmvt, illa hi a aiena ka im ahna hi oka nampoa nukshopa holba yash ilhfiopak ima hi vt im vlpisa hoke.

16. Yohmi kvt hochitoka, mikmvt ik a lauwo, nan in laua, mikmvt ilbvsha, yuka keyu, mikmvt yuka a moyuma kvt ibbak isht impak imma, keyukmvt ibitakla ya in chuwa hi a yvmmak ash ot im apesa yoke.

17. Yohmikma hatak nana kia nanasi kia chumpa, keyukmvt kancha he keyu mak a tok: amba kvna hosh nampoa nukshopa isht in chuwa, yvmmak keyukmvt i hohchifo, yvmmak keyukmvt i hohchifo ha isht a holhtina kvt isht ai in chuwa ak a hi oke.

18. Ilvppak o nan isht ithana yoke. Kvna kia im anuk-fila isht akostinichi im ashakmvt, nampoa nukshopa isht im a holhtina ka ik hotehna, yvmma hatak vt a hotehna

yoka: yohmi ka yumma isht im a holhtena kut tahlepa hannali cha pokoli hannali akucha hannali hoke.

CHAPTA XIV.

Chukfulhpobushi vt ilap ai itapeha itapehvt Saion nvnih a biohmaya,

1. 6 Enchil osh vbanumpa isht anumpuli; 8 Babulon vt akama; 15 yakni pakna nawaya hoiyo; 20 Chihowa nan isht i nukkilli oka paki toba ya itahobi.

1. **YAKOHMI** ma hopokoyo li ma, anonti yakeh! Chukfulhpobushi ash osh Saion nvnih ha o hikia ma, tahlepa sipokni bat tahlepa achefa cha pokoli ushta akueha ushta kut, yumma Iki i hohchifo hvt ibitakla ai o holisso hosh yummak ash o apeha tok.

2. Yohmi ma vba aholitopa ya anet anumpuli ka oka laua fopa, mikmvt hiloha chinto ola chiyahmi ho haklo li tok: mikma hap olachi vhleha hvt ilap i hap ai olahanchi na ola ka haklo li tok.

3. Yohmi ma ai o binili holitompa itikba, mikmvt nan okchaya ushta, micha hatak tikba vhleha aiena itikba taloa himona yo okla a talohowa tok; yohmi ka taloa yumma hatak nana hosh ithvna he keyu ma, amba tahlepa sipokni bat tahlepa achefa cha pokoli ushta akucha ushta yummak o yakni a kohchit chumpa ak illa tok.

4. Ilvppak ash osh ohoyo nana kia isht a liteha tok keyu vhleha hoke; ohoyo himithoa hatak haleli keyu ho chiyuhmi vhleha hoke. Ilvppak ash osh Chukfulhpobushi, yummvt kanima yo ia hoh kia, ikaiya vhleha mak oke. Ilvppak o hatak puta ai itintakla a kohchit chumpa tok o, Chihowa, micha Chukfulhpobushi ita tuklo ka inami nawaya vmona vhleha hoke.

5. Yohmi ka yumma itakha ya na holabi kia ai otuni chatuk o keyu; Chihowa ai o binili holitompa itikba ya na liteha nana kia ik im iksho vhleha hoka.

6. Yakohmi ma anonti okla, oklushi ilaiyuka, mikmvt hatak im anumpa ilaiyuka moma yakni pakna ai asha tok a

im anumpula chī hosh, enchil inla yvt vbanumpa ai aghit bilia il ai eshi hosh vba shutik iklvna ya hikvt aya mvt,

7. Chitoli hosh mihvt, Chihowa hvt nan ai apesa chī hvshi kanvlli vt vla hoka; yvmmak o i nukshumpvt ho holitobli; micha yvmmak osh vba shutik, yakni, okhvta, mikmvt kvli hiohli puta aiena ka ikbi tok oka, oh aiokpahanchi, ahanchi na pisa li tok.

8. Yohmi ma anonti enchil inla kvt iakaiya mvt, Ilap nan itin lumaka nan isht haksichi oka paki chiyuhmi ho okla moma ka ishkochi tok okvt, Babulon tymaha chito yvmmak ash ot aiokpulokvshke, aiokpuloka mak oke, ahanchi tok.

9. Anonti enchil ont isht atuchina kvt yvmmak ash o pit iakaiya mvt, chitoli hosh mihvt, Hatak nana kia nampoa nukshopa, micha yvma holvt toba yash aiokpvchi cha, anonti isht in chuwa ma ibitakla, keyukmvt ibbak isht impak imma okma, nana ka isht ai in chuwa hok mak osh,

10. Mihi yosh Chihowa nan isht i nukkilli oka paki yvmvt nan itaiyoma keyu hosh, yvmvt nan isht i nukhobela isht ishko ya a toshowa mak o ai ishka chī hoke; yohmikmvt yvmmak ash ot enchil holitopa vhleha itikba, mikmvt Chukfvhpobushi itikba aiena ka luak, micha hituk lakna aiena ho isht ai ilbvsha hi oke, ahanchi tok.

11. Atuk o yvma isht ai ilbvsha shobohli hvt vba ai ihya kv bilvt bilia hoke; yohmi ka kvna hosh nampoa nukshopa, micha yvma holvt toba yash aiokpahanchi, mikma kvna hosh yvma i hohehifo isht in chuwa ya isht ai in chuwa hokvto nitak, ninak aiena ka a foha he ik im iksho vhleha hoke.

12. Ilvppak o vbanumpuli vhleha hvt nuktanvt achunanchi ka isht otaiyani hoke; ilvppak o Chihowa im anumpa vhpisa puta holitobli, micha Chisus i yimmi aiena ka isht otaiyani hoke.

13. Yakohmi ma vba aholitopa ya auet anumpa na haklo li ma, Ish holissochashke, Kvna hoh kia himak a pilla ka Chitokaka ya ibai achvvt illi hokvto na yukpa hoke; ahli yvmmak okvt nana ka isht ahantvt isht hoyvbli tok puta ka a mokovt a foha chī hatok, Shilombish Holitopa yvt

achishke; mikma nan-toksvli puta kash ot ilap a iakaiya hoke, vm achi tok.

14. Atuk o anonti yakeh! hoshonti tohbi ka pisa li ma, hoshonti pakna ya hatak Ushi ak o holba hosh o binili cha, tvli holisso lakna iachuka iachukoli mvt, anonti nan isht vlmo halupa fehna ka ibbak isht ieshi tok.

15. Mihma enchil inla yvt tempel a a kohchvt minti mvt, hoshonti o binili yvmmak ash chitolit in tahpvt, Nan isht chim vlmo ya fahvmmi na-waya ya vmó; nan ish ma he vlpesa ka ai ona hoka; micha yakni pakna nan a waya kvv a laknvt tahvshke, im achi tok.

16. Mihma hoshonti o binili yvmmak ash ot nan isht im vlmo ya ishit yakni pakna moma o fahvmmi tok: mihma yakni vt vlmot taha tok.

17. Anonti enchil inla yosh yvmmak kia nan isht vlmo halupa ka ishi hosh, tempel vba aholitopa talaia ka auet a kohchvt minti tok.

18. Mihma enchil inla yvmvvt luak o imaiya hosh alta ya ai vttvt kohchvt minti tok: mihmvt nan isht vlmo halupa ishi yvmmak ash o chitoli hosh in tahpvt, Nan isht chim vlmo halupa yash ishi cha, yakni pakna pakvpi ai vnit pokospoa ka tvptulit itahobi; paki vt nuna fehvvt taha hoka, im achi tok.

19. Mihma enchil ash ot nan isht im vlmo yash yakni pit o fahvmmi mvt, yakni pakna pakvpi a ai vmot itahobi cha, Chihowa nan isht i nukkilli ya oka paki atoba chito ya pit fohopli tok.

20. Yohmi ma vmaha chito kochanli ak o oka paki atoba yash o a hvhlichu tok: mihma issish osh oka paki atoba yash a kohoncha kvv, kovi tahlepa tuklo a taiyakla ka cha-ha kvv issuba tvli kapali itih hq kapanli ona hosh talaia tok.

CHAPTA XV.

Enchil untuklo kvv na palvmmi untuklo ishtaiyopi ka il ai ishi, 1; 8 nampoa nukshopa yash im aiyachi tok vhleha in talaia; 7 koto-buahi untuklo kvv Chihowa nan isht i nukkilli alota.

1. **MIHMA** nan isht atokowa inla yvt isht anukhlakancha he a chinto h_o vba aholitopa y_o a pisa li ma, enchil untuklo kv_t na-palvmmi untuklo ishtaiyopi yvmmak o Chihowa nan isht i nukkilli yvt isht ai ghli mak o ieshi tok.

2. Yohmi ma okhvta shohkoali hosh luak it ieshit talaia chiyuhmi na pisa li tok; mihma nampoia nukshopa, micha yvmma holbtv toba, mikmvt isht in chuwa, yvmohmikmvt yvmma hohchifo isht aholhtina aiena ka imaiyachi tok vhleha a moyuma hokvto Chihowa i hap ieshi hosh, okhvta shohkoali yash o hiohli tok.

3. Mihmvt Chihowa in tishu Moses im vlhtaloak, micha Chukfvlhpobushi im vlhtaloak aiena ka okla talohova kv_t, Chitokaka Chihowa nana moma imaiya, vbanumpuli vhleha i Miko chia ma! nana ish a toksahanli puta ka isht a nukhlakancha he a chinto hoke: yohmi kv_t ai vlpiesa ai ghli yak osh a chim anukfila yoke.

4. Chitokaka ma! Chishno ak bano hosh chi holitopa hoka, kvta hosh ik chi nukshohompot, chi hohchifo ha ik hohchifo ka chi cho? ai vlpiesa na palvmmi ish onochi hatuk a otvni hoka, oklushi moma kv_t chi tikba ya ai vltv chi aiokpahancha hi oke, ahanchi tok.

5. Yakohmi ha ya anonti hopokoyo li tok; mihma yakeh! nan isht atokowa vlhtipo in tempel vt vba aholitopa ya a tiwa tok.

6. Yohmi ma enchil untuklo kv_t na palvmmi untuklo kash ieshi hosh, linen kashofa tohbi y_o foyuka mvt, anonti tvli holisso lakna isht vskofvchi toba h_o chunuko ya isht vskofaiyachi hosh, tempel ash auet a kohcha tok.

7. Yohmi ma nan okchaya ushta kash ot achvftv Chihowa, yvmmvt okchayvt anta kv_t bilivt bilia nan isht i nukkilli ya tvli holisso lakna kotobushi untuklo alotowa h_o enchil untuklo kash ima tok.

8. Yohmi ma Chihowa nan isht im aholitopa, mikmvt nan isht im ai ghli a minti shobohli h_o tempel ash osh isht alotowa tok; yohmi ka enchil untuklo nan isht im a palvmmi untuklo kash ot ont ik ai ghlo kisha hokvno hatak nana kia tempel ash a chukowa he keyu hatok.

CHAPTER XVI.

Nan isht i nukkilli kotabushi alota kash o enchil vt fohopli, 1; 6 mihma na palvmmi hosh aya; 15 hukopa yo chohmit Klaist vt vla chi; mikma kuna hosh okchvt hohoyo tuk okvto na yukpa he.

1. YUMOHMI ma anumpa ola chinto kvv tempel a auet a kohcha kvv, Oh ia cha, Chihowa nan isht i nukkilli kotobushi ai vlvto kash yakni pakna oh ai o fohopli, enchil untuklo kash im ahanchi na haklo li tok.

2. Mihma vmmona kash ot ia mvt, ilap i kotobushi vlvto kash yakni ont o fohopli tok; mihma kuna hosh nampona nukshopa isht in chywa ya isht ai in chywa tok, mikmvt kuna hosh yvmmma holvvt toba ya aiokpahanchi tok hatak puta kash o hichi okchushba nan okpunlo kvv onvtuyula tok.

3. Anonti enchil atukla kash ot ilap i kotobushi vlvto kash okhvta ont o fohopli tok; mihma hatak illi im issish o chohmit toba na nan okchaya okhvta ai asha tuk vt moyumvt illit taha tok.

4. Anonti enchil atuchina kash ot ilap i kotobushi vlvto kash okhina, mikmvt kvli puta ka o fohopli tok; mihma yvmmak ash ot issish o toba tok.

5. Yohmi ma oka puta ka im enchil osh okchayvt ish ahanta kvv, okchayvt ish ahanta tok osh, anonti okchayvt ish ahanta hi osh nana ka yakohmichit ish apesa hoka, Chitokaka ma! nan ai vlvpiesa chia hoke.

6. Yvmmak okvt vbanumpuli vlvleha, mikmvt hopaii vlvleha aiena im issish a hlatabambli tok okvt, ilap mvt, ai i yvmohma he vlvpesa mak o, ishka chi ka issish o ish ihjmvshke, achi ho haklo li tok.

7. Anonti inla kvv alta ya auet a kohcha kvv, Ik yvmohmi mvhli, Chitokaka Chihowa nana moma imaiya ma! nan ai ghli ai vlvpesa kak o ish apesa yoke, achi ho haklo li tok.

8. Anonti enchil ont ai ushta kash ot ilap i kotobushi vlvto kash hvshi yo o fohopli tok: mihma hatak puta ka

tuak o isht towulhkocha chi ka yvmmak ash o nan isht ai ghli yosh im vlpisa tok.

9. Atuk o hatak puta kash ot na lvshpa chinto ka isht towulhko mvt, Chihowa, yvmmak osh na palvmmi ilvppa puta ka i shahli yatuk a i hohchifo ha ik ahobalot na miha-chi tok; mihmvt yvmmak ash o holitoblichia hi atok vt okla ik ile kostinineho ki tok.

10. Yohmi ma enchil ont isht tahlapi kash ot ilap i kotobushi vlhto kash nampoa nukshopa yash im ai o binili o fohopli tok; mihma yvmma im apehlichika ya ai okhlili kvv kenia ma, nan anukhahvmi hokvt, isunlvsh atuk a okla ahampa tok.

11. Mihmvt hiehi okchushbvt hotohompa hokvt, ilap nana a kaniohmi tok puta ka okla ai ile kostininechi keyu mvt, vba aholitopa in Chihowa yak o ik ahobalot na miha-hanchi tok.

12. Anonti enchil ont isht hannali kash ot ilap i kotobushi vlhto kash okhina chito Euflates a o fohopli tok; mihma hvshi a kochaka miko vhleha im ataya yvt vlhtaha chi mak o, oka yvmma foyuka tuk vt shilvt taha tok.

13. Yvmohmi ma shilombish ik kashofo tuchina kvv hatonlvbi ho holba hosh sinti chilita itakha, mikmvt nampoa nukshopa itakha, micha hopaii ilahobi itakha aiena kash akohcha na pisa li tok.

14. Yvmmak okvt nan isht ahullo okpulo imi shilombish vhleha hatuk osh, nafehna puta ka yvmhinchii mvt, Chihowa nana moma imaiya i nitak a chintokma ai itiba chi mak o itvnala chi hosh, miko vhleha yakni moma ai asha ka ivt im ohonvshke.

15. Yakeh! hukopa yo chiyuhmit vla lishke; isht a hofahya, ka okla pisa hinla ka, nipi banot ik gyo ka chi kvv, kvvna hosh okchvt ahah! ahnit ilap imi nafohka puta ka ilitomba hokvto nayukpvshke.

16. Yohmi ma Heblu anumpa hvv Amaketton achi yvm-mak o ai itahobit tahlil tok.

17. Yvmohmi ma enchil ont isht untuklo kash ot ilap i kotobushi vlhto kash vba shutik takla yak o a fohopli tok;

mihma anumpa ola chinto kv̄t ai ɔ binili holitomp̄a yak ɔ a minti hosh v̄ba aholitopa in tempel ɔ auet a kohcha mvt, Ulhtaiyahvshke, achi tok.

18. Yohmi ma nan ola, hiloba, mikmvt malvtha puta aie-na kv̄t yummak ash ɔ a takali tok: yohmi ma yakni winna-kv̄chi chinto atampa, yv̄mma chohmi kv̄t hatak vt yakni pakna ai v̄tta tok taiyakla ka iksho chatuk vt, yakni winna-kv̄chi chinto kv̄t ituyula tok.

19. Yohmi ma tumaha chito yash ot itakvshkovt kashapa tuchina ma, anonti oklushi in tumaha puta hatuk vt aiokpulo-ka tok; yohmi ma Chihowa hv̄t ilap nan isht i nukkilli kv̄llo chinto oka p̄aki isht ishko v̄lhto ka ima chi kv̄t Babulon chito ash ithahana tok.

20. Mihma tishaiyi yvt momvt atoshowa tok osh iksho ma, anonti nv̄nih hochito puta hatuk mvt ik otaiyano ki tok.

21. Yvmohmi ma hat̄afo chinto kv̄t v̄ba shutik a minti hosh, weki kv̄t talent achv̄fa foka aiyuka hosh hatak puta ka onvtuyula tok; yohmi ma hat̄afo nan isht palv̄mmi pulla hatuk mak ɔ, hatak puta kv̄t Chihowa h̄a ik ahobalot namihahanchi tok, yv̄mma nan isht palv̄mmi kv̄t chinto hoka.

CHAPTA XVII.

Ohoyo hv̄t natishipa humma lapushki yo foyuka mvt, v̄li hv̄ta lakna isht ishko toba h̄o ieshi hosh namposa nukshopa yash pakna, yvm mvt Babulon mak ɔ ɔ binili, 1; 5 noshkobo untuklo kv̄t nana ka anoli: 12 mikmvt lapish pokoli kv̄t nana hatuk aiena kv̄t annoa ohoyo havi yashot nan i palv̄mmi; 14 chukfv̄lhpobushi vt nan im aiyachi.

1. YUMOHMI ma enchil untuklo, yvmv̄t kotobushi untuklo ieshi tok v̄hleha hash achv̄vt ant v̄m anumpuli mvt, olehma minti; havi chinto yvmv̄t oka l̄awa pakna ɔ binili;

2. Yummak ɔ m̄iko puta yakni pakna ai asha kv̄t isht itin lumaka tok; yohmi ma ilap nan itin lumaka oka p̄aki ɔ yakni pakna ai asha v̄hleha hv̄t ishkot ik haks̄i im ahni tok,

yummvt nan isht i palvmmi im vlpisa ka chim otvninchi la chi hoke, vm achi tok.

3. Yohmi ma shilombish si anukfoka ho yummak ash ot ishit yakni haiaka vsst ona tok: mihma nampoa nukshopa humma hosh nana ka ik ahobalot miha hohchifo ho isht alotowa mvt, noshkobo untuklo cha, anonti lapish mvt pokoli ho ohoyo hosh o binili ho pisa li tok.

4. Yvmohmi ma ohoyo hash ot na hummakbi mikmvt na tishepa na fohka hosh tvli holisso lakna, tvli holitopa puta, mikmvt pvl aiena ka isht a shema ho foyuka mvt, ilap itiv lumaka isht a liteha na yuwalvchi puta kvv tvli holisso lakna isht ishko yo alotowa hosh ibbak a foyuka tok.

5. Yvmohmi ma, NAN IK OTANO, NA CHINTO BABULON, HAVI PUTA, MIKMVT YAKNI PAKNA A YUWALVCHI PUTA ISHKI, hohchifo hosh yumma ibitakla ya a holisso hatok.

6. Yohmi ma ohoyo hash ot vbanumpuli vhleha im issish, mikmvt Chisvs isht im atokowa kak o isht illi tok vhleha im issish aiena ka ishkot haksi na pisa li tok; mikmvt pisa li mvt, sa nukhlakancha mvt, okokko! ai ahni li fehna tok.

7. Atuk o enchil ash ot, Nanta katiohmi ho chi nukhlakancha tuk oh cho? ohoyo hash, micha nampoa nukshopa yash ot, yummvt ohoyo ha isht aya kvv, noshkobo hvv untuklo mvt, anonti lapish mvt pokoli ka nan isht ik im otano ka chim anoli lashke.

8. Nampoa nukshopa yash, yumma ish pisa tuk a anta tuk osh, anonti ikshoshke; yohmi kia yummvt chiluk hofobi ai vli iksho a auet a kohcha chi hoke; mikmvt aiokpuloka ont chukowa chi hoke: mikma yakni pakna ai asha puta kvv, kvna hosh i hohchifo hvv yakni toba tok taiyakla ka holisso ai okchaya ya a holisso tok keyukmvt, nampoa nukshopa, yummvt anta tok osh, anonti iksho kia, anonti anta ak inli ka okla pisakmvt, nukhlakancha chi hoke.

9. Yohmi ka ilvppak o nan ithana anukfoka kak osh akostininchishke. Noshkobo untuklo kvv nvnik hochito untuklo mak o yumma pakna ya ohoyo hash ot o binili hoke.

10. Mikma miko untuklo kvv ai asha ka, tahlapi hosh ik-

sho ma, achvfa kvto anta, mikma achvfa kvto ik lo kisha hoke; mikmvt kaniohmi hō yvmmvt vla hokmvt, chekosi ai itin takla hō anta chī hoke.

11. Anonti nampoa nukshopa yash ot, yvmmvt anta tok osh, anonti iksho kv, yvmmak ash kia isht untuchina kv, isht untuklo kak o ibai achvfa hosh aiokpuloka ya pit a chukowa mak oke.

12. Mihma lapish pokoli hō ish pisa tuk ash miko pokoli hoke; yvmmvt apehlichika ik im iksho kisha hoke; yohmi kia miko vhleha chohmit hvshi kanvlli achvfa ka nampoa nukshopa yash ibai achvft nan isht ai ahli yvt im vlpisa hoke.

13. Ilvppak ash ot, im anukfila hv achvfa cha, anonti ilap nan isht im ai ahli, mikmvt im ile hlampko ita tuklo ka nampoa nukshopa yash ima chī mak oke.

14. Mikmvt ilvppak ash ot Chukvvlhpobushi ya itintanampa chī, mikma yvmmak okvt chitokaka vhleha in Chitokaka, micha miko vhleha i Miko yokvt Chukvvlhpobushi yash ot yvmmak ash o imaiyacha chī hoke; yohmi ka kva hosh yvmma ai ibachvfa hokvto vltoka, mikmvt ai ahli, micha holitopa mak oke, vm achi tok.

15. Mihmvt oka puta yvmma ish pisa tuk a, havi yash osh yvmma o binili ka, hatak okla chinto, oklushi puta im anumpa ilaiyuka mak oke.

16. Mikmvt lapish pokoli, yvmmvt nampoa nukshopa on talohmaya na ish pisa tuk, ilvppak okvto na havi yash i nukkillit, a chukillissvchit nipi banochi cha, nipi a vpa cha, anonti luak a isht hukma hi oke.

17. Chihowa yvt yvmmak ash chukvsh anukfohki na ilap nan ai ahni hō ai ahlichā chī ka im anukfila achvfa hosh ilap im apehlichika yatuk ma nampoa nukshopa yash ihjma na Chihowa im anumpa puta kv ont ai ahlik mak a hi oke.

18. Yohmi ka ohoyo yvmma ish pisa tuk vt tmaha chito mak oke, yvmmak osh miko vhleha yakni pakna ai asha ka ai i shahli mak oke, vm achi tok.

CHAPTA XVIII.

Babulon vt akama 1; 4 Chihowa im okla hvt yvmma akocha chi kvt im vlhpisa; 11 yakni pakna a miko vhleha, mikmvt na chumpa, okheta gya vlheha aiena kvt isht yahaya; 20 Chihowa nan im vlhpisa na palvmmi kvt onvtula hoka, vbanumpuli puta kvt na yukpa.

1. AIYAKOHMI' ha ya, anonti enchil inla yvt nan isht ai ghli chinto ieshi hosh, vba a mintit aka vla na pisa li tok: mihma yvmma i shohpakali yo yakni vt isht a tohwikeli tok.

2. Mihma yvmmak ash ot anumpa ola chinto ka isht chitoli fehnvt tahpula mvt, Babulon na-chinto yash ot aiokpulo kvshke, aiokpulo ka mak oke: yohmi mvt nan isht ahullo okpulo puta im aboha kullo, micha shilombish ik kashofo, mikmvt hushi okpulo ik kashofo moma ka in chuka yo toba mak oke.

3. Yvmmvt nan itin lumaka nan isht haksichi oka paki yo okla momvt ishko tok, mihma miko vhleha yakni pakna ai asha kvt yvmma ai itinlumaka tok; mihma na chumpa vhleha yakni pakna ai asha kvt, nan ilimpa hochukma in laua kak o nan in laua toba tok oka, ahanchi tok.

4. Anonti anumpa ola inla yvt vba aholitopa ya a minti mvt, Um okla hvchia mvt, yvmma nan im ai ashvchi puta ka, mikmvt na-palvmmi im vlhpisa puta ka hvch ik ibai esho ka chi kvt, yvmma a kohchvt ho minti.

5. Yvmma nan im ai ashvchika puta kvt vba shutik g ont a bikeli hatuk o, Chihowa hvt, yvmmvt nan ik ai vlhpeso puta ka ithaiyana tok oke.

6. Nana ka hvchi yvmihchi tok mak o chohmichit oh i yvmihchi; mikmvt nana ka a yvmihchi tok g vlbita ho apesvt oh im vlbitelichí; isht ishko yvmma alotoli ka, ilap ma vlbitelit oh im alotoli.

7. Ilap inli ile holitoblichí kvt, mihma nan ilimpa cham-puli isht il ai atahlit, impvt anta kvt kaniohmi hatuk okma, yvmma chohmichit na palvmmi, na-nukhaklo aiena ka oh

imá; I hatak illi sia keyu, yohmi kv̄t na-nukh̄aklo pisa la ch̄i keyu, ohoyo m̄iko sia hosh binili li, ilap ch̄ukvsh anu-kaka achi hoka.

8. Yohmi hoka na palv̄m̄mi puta, nan illi, yaiya, mikm̄vt hohchvfo aiena kv̄t nitak achvfa ka im aya ch̄i; mikm̄vt yv̄mmak ash ot luak o isht hullukmit taiyaha ch̄i hoke; Chitokaka Chihowa hv̄t hlampko hokv̄t, yv̄mmak ash nan im apesv̄t i palv̄mmichishke.

9. Yohmikma m̄iko vhleha yakni pakna ai asha kv̄t yv̄mma ai itin lumakv̄t, nan ilimpa champuli ai it atahlit imp̄vt ai asha tuk vt, yv̄mmv̄t luh̄v̄v̄v̄t shobulli ka okla pisa cha isht yah̄gv̄t, nishkin okchi mihinti mv̄t,

10. Yv̄mmv̄t nan isht i palv̄m̄mi ka nukshopa hatuk osh, auet i mishema h̄o hiohm̄gv̄t Ikikkeh! ikikkeh! tm̄maha chito, Babulon tm̄maha chinto kullo atampa, yv̄mmv̄t hv̄shi kanv̄lli achvfa mak inli h̄o nan isht palv̄m̄mi chim v̄lh̄pisa kv̄t chim ayvshke.

11. Nan itatoba yakni paknaka ai asha kv̄t yv̄mmak ash o nan isht nukh̄aklot nishkin okchi mihinti tok; ilap im v̄lh̄poyak a himak a pilla ma kv̄na kia ik in chumpo hoka;

12. Tv̄li holisso lakna, micha tv̄li hv̄ta, micha tv̄li holitopa, pvl, linen lapushki, nahummakbi, silk, na-tishepa, mikm̄vt iti sitlon moma, mikm̄vt aifoli, nan ai v̄lh̄to ilaiyuka moma, mikm̄vt iti holitopa fehna nan ai v̄lh̄to ilaiyuka moma, micha tv̄li lakna, tv̄li, mav̄l aiena nan ai v̄lh̄to ilaiyuka moma atoba;

13. Mikm̄vt sinnamon, na balama, nan ahama, micha fla-kinsen, oka p̄aki, na bila, bota tohbi achukma, onush, mikm̄vt nampoa puta chukfv̄lh̄poba, issuba, micha itichanv̄li, yuka, hatak shilombish puta aiena kash o kv̄na kia ik in chumposhke.

14. Nan vn̄it waya puta yv̄mmak o chi ch̄ukvsh vt anush-kunna tuk ash a chim afilem̄mi; mihma nana moma na champonli, micha na shohwalv̄shli aiena tuk ash ot a chim okpulo; yohmi kv̄t himak a pilla ma yv̄mmak ash ish abayucha ch̄i keyu kamohmi hoke.

15. Nana ilv̄ppa puta kash nan itatoba, yv̄mmak okv̄t

yummak o nan isht ai in laua tok vt, yummvt i palvmmi ka nukshopa hatuk osh, auet i mishemanchit hiohmayat isht nukhaklot nishkin okchi mihintit,

16. Ikikkeh! ikikkeh! tumaha chito yummak amo! yummak okvt linen lapushki, micha na-hummakbi, micha na ti-shepa aiena ka isht ai im ai vltaha, yohmi kvv tvi holisso lakna, micha tvi holitopa puta pvl aiena ho isht a shema tok amo!

17. Nan laua chinto yakohmi kash ot hvshi kanvlli achvfa ho ont aiokpulokvt kvnia hoka, ahanchi tok. Yohmi ma peni chito isht aya apesvchi aiyuka, micha peni chito ai asha yatuk moma, micha a toksvli aiena, mikmvt okhvta nan ai itatoba yatuk vt momvt auet i mishemanchit hiohmayvt,

18. Yummvt luhvvt shobulli ka okla pisa mvt, tahpvlvt, Nanta hosh tumaha chito ilvppa chiyuhmi cho? ahanchi tok.

19. Mihmvt hituk chubbi okla ishit noshkobo il o fohopli mvt, tahpvlvt, nishkin okchi mihintit yahaya hosh Ikikkeh! ikikkeh! tumaha chito yummak amo! yummvt nan isht il ahayuchit, nan isht shema ai vlli hochito puta ka chumpa hatuk mak o, okhvta pakna peni im a takohli maya moma kvv nan in laua yo toba kumo! hvshi kanvlli achvfa ma yummak ash ot a chukillissvt kvvishke, ahanchi tok.

20. Uba a holitopa chia ma! vbanumpeshi holitopa, micha hopai holitopa hvchia ma! Chihowa yvt yummak ash nan im apesvt i palvmminchi hokvt hvchi atobvchi hoka, nan isht il oh aiyukpa.

21. Yohmi ma enchil chinto yvt tvi na-botoli tvi chito yo chohmi ka ishit, okhvta pit pila ma, yvmma chiyuhmi hosh tumaha chito Babulon vt ai oklvvt kinahla chi hoke; mikmvt himak a pilla ma otaiyana he keyu kamohmi hoke.

22. Yvmohmikma hap olachi, micha nan taloa, micha oskula olachi, micha isht pufa olachi aiena nan im ola ka himak a pilla ma a chi a haiyakla he keyu kamohmi; mikma hatak nan imponna nana ho isht ai imponna yatuk kia himak a pilla ma a chi otaiyana he keyu; mikma tvi na botoli kia himak a pilla ma a chi a haiyakla he keyu kamohmi hoke.

23. Mikma pola tohwikeli mvt himak a pilla ma a chi on

tohwikela he keyu ; mikma hatak himona nan itauwaya, micha ohoyo nan auwaya im anumpa ola himak a pilla ka a chi a haiyakla he keyu kamohmi hoke : na chin chumpa vhleha hvt yakni paknaka a hochito kvt maya tok oka ; ikhish isht yushpakvmmi isht ish ahanta hatuk mak o, oklushi moma kvt isht yushpakama hatok, ahanchi tok.

24. Yohmi ma hopaii vhleha, micha vbanumpuli ahli vhleha, mikmvt yakni paknaka ya ai vbi tok moma im issish vt yvmma ai otaiyani tok.

CHAPTA XIX.

Ilap im antia puta im issish hlatahampli tuk isht vltoba mak o havi chinto yash na palvmmi ka im apesa hoka, vba a holitopa ai asha yvt Chihowa ya aiokpahanchi, 1 ; 7 Chukfvlhpobushi nan im itauwaya ; 16 ilap okvno aiokpvcha hi a enchil vt ik im ahno ; 17 nan illi lqwa ai asha ka ai vta chi kvt hushi puta kvt im annoa.

1. NANA ilvppvt ai yakohmi ha ya, hatak laua im anumpa ola chinto ka vba aholitopa pit a haklo li ma, Alleluia, isht ai okchaya, isht a holitopa, isht ahninch, nan isht ai ghli aiena kvt Chitokaka hvpin Chihowa ya ai immi hoke.

2. Nan apesa kvt ai ghli, micha ai vlvpiesa hoke ; yohmi kvt havi chinto yash, yvmmvt itin lumaka kak o yakni ya isht okpaiyani hatuk a, yvmmak ash ot nan im apesvt i palvmmichi tuk : mihmvt in tishu vhleha im issish yvmma ibbak vt hlatahampli tok a ai isht im atobbi tok, ahanchi tok.

3. Atuk o anonti, Alleluia okla achi tok. Mihma yvmma i shobohli hvt vba ya ihiya na bilvvt bilia hoke.

4. Mihma hatak tikba pokoli tuklo akucha ushta, micha nan okchaya ushta aiena kash ot aka hlipkvchi mvt, Chihowa, yvmmvt ai o binili holitomp a o binili tuk ash aiokpvchit, Amen ; Alleluia, ahanchi tok.

5. Mihma anumpa ola hvt ai o binili holitomp a ya auet a kohchvt takali kvt, Pin Chihowa ya in tishu vhleha hvchia, micha kvna hosh yvmma i nukshohomp a aiena kvt ik alauwo, i shahli, a moyuma kvt oh aiokpahanchi, ahanchi tok.

6. Yohmi ma okla chinto im anumpa ola hq chiyuhmi,

mihmvt oka lawa fopa hō chiyuhmi, mihmvt hiloha chinto ola hō chiyuhmi hō haiyaklo li ma, Alleluia; Chitokaka Chihowa nana moma imaiya hvt miko yoka.

7. Chukfulhpobushi vt itauwaya chī nitak vt vla, yohmi ma tekchi ya chī mvt, il ai atahli tuk oka, nan ik hvpi yukpa cha, keho tullī, ahanchi tok.

8. Yohmi ma linen lapushki vt vbanumpuli ahli isht im ai vhpiesa, mak o, linen lapushki kashofa tohbi ka isht il ashemvcha chī kv, tekchi vt im vhpisa tok.

9. Yohmi ma, Holissochi, Chukfulhpobushi im ai itauwaya opiaka impa aya chī kv kvna hosh im annoa tuk mvt, mihi yosh na yukpa hoke, vm achishke. Mikmvt ilvppak osh Chihowa im anumpa ahli mak oke, vm achishke.

10. Mihma aiokpvchi la chī hosh iyi ya a hlipia li tok. Atuk ak o yvmmak ash ot, Ahah! ahnit chik yohmo kashke; tishu chitilau, chitibapishi, Chisvs nan isht im atokowa ieshi vhleha ibai achvfa sia hoke; Chihowa hak o aiokpvchi; Shilombish Holitopa yvt hopaii anukfoyokvt Chisvs nan isht atokowa ka anumpohonli yoke, vm achi tok.

11. Yohmi ma vba aholitopa yvt tiwa ma, yakeh! issuba tohbi hō pisa li tok; mihma yvma o binili kv, Ai ahli, micha Na miha tuk vt ai ahlichī mak o hohchifo hosh, yvmvt nan ai vhpiesa bano hō nan apesvt, tvnvp ikbi yoke.

12. Nishkin vt luak libbi hō chiyuhmi ma, anonti iachuka lawa kv noshkobo hā afoyua hatok; mihma i hohchifo hollisso kv lapali kia, kvna kia ik ithano hō, ilap ak bano tok.

13. Yohmi mvt issish isht humma anchi o ai anchi tok; mihmvt i hohchifo hvt, Chihowa im Anumpa, achi tok.

14. Yohmi ma vba aholitopa ai asha tuk vt issuba tohbi o binili hosh yvmmak ash okla iakaiya kv, linen lapushki tohbi kashofa hō ai anchi tok.

15. Yohmi ma im itakha ya bvshpo falaia halupa hosh a kohcha na yvmmak o oklushi puta ka isht ahamba hi yatok; yohmi kv tvli fuli yo yvmmak ash nan isht im apihisa hi oke; yohmi kv oka paki atoba yo chohmit Chihowa Chitokaka nan okluha imaiya nan isht i nukkilli chinto ka isht a hvhlinchi hoke.

16. Yohmi kv̄t m̄iko puta ī M̄iko, mikm̄vt chitokaka puta in chitokaka hohchifo hosh yv̄mma im anchi, mikm̄vt iyubi ita tuklo ka ai o holisso hoke.

17. Yv̄mohmi ma enchil vt hv̄shi a ai o hikia na pisa li tok : mihma yv̄mmak ash ot chitolit tahp̄vla m̄vt, hushi puyuta ; yv̄mmvt vba a helit itv̄nowa moma kv̄t, Hv̄chishno inli hosh mintit Chihowa chinto im opiaka ai impa oh ai itv̄nahá.

18. Yohmi kv̄t m̄iko v̄hleha nipi, micha kv̄pitv̄ni v̄hleha nipi, hatak ishtokaka nipi, issuba puyuta, mikm̄vt kv̄na hosh yv̄mma o binili tuk puyuta nipi, hatak moyuma, yuka keyu, micha yuka, yohmikm̄vt ik alauwo, ī shahli aiena ka nipi ya hv̄sh pa chī hoke, im ahanchi tok.

19. Anonti nampoa nukshopa yash ot, mikm̄vt yakni paknaka a m̄iko v̄hleha, mikm̄vt in tv̄shka chipota v̄hleha aiena kv̄t itahobvt taiyaha cha, issuba o binili, micha in tv̄shka chipota aiena yv̄mmak ash in tanahampi na pisa li tok.

20. Yohmi ma nampoa nukshopa yash ot yuka tok ; mihma hopaii ilahobi yash yv̄mmvt na fehna puta ka yv̄mma itikba ai yv̄mihinchi kv̄t, yv̄mmak o yv̄mihchi kak osh nampoa nukshopa isht in ch̄wa ieshi tuk v̄hleha, mikm̄vt yv̄mma holbvt toba ya kv̄na hosh aiokpv̄chi yatuk puta ka yoshuhumbli tok. Iv̄ppak ash ot ita tuklot okchaya na okhv̄ta hituk lakna isht ita luh̄wa ka pit a kanchi tok.

21. Yohmi ma inlaka yatuk v̄to issuba o binili yv̄mma ī bv̄shpo falaia, yv̄mmak osh im itakha ya a kohcha tak mak o isht ihinli tok ; mihma hushi puyuta kash ot yv̄mma nipi yo isht a kaiya tok oke.

CHAPTA XX.

Setan vt talq̄chi na av̄v̄m̄mi tahlepa sipokni achv̄fa chī, 1 ; 6 illi v̄vt tani v̄v̄m̄ona yv̄mma ai ib abalaia hokv̄to na yukpa he ; 7 chekosi takla ka Setan ashot ī holhtofa he. 8 Kok micha Makok imma h̄q isht anumpuli. 10 Okhv̄ta hituk lakna isht aluh̄wa h̄q Setan amo pit itakanchi ; 12 nan v̄lpisa chinto isht aiyopi.

1. **YOHMI** ma enchil vt chiluk hofobi ont ai **v̄hli iksho** ash isht tiwa ieshi mvt, t̄vli itatak̄vli chito yosh **ibbak a fo-** yuka hosh v̄ba ya a minti h̄o pisa li tok.

2. Mihma yvmmak ash ot sinti chilita chito **yash, sinti** sipokni, yvmmvt nan isht ahullo, micha Setan mak **o afvmmi** tahlepa sipokni achvfa ka ona ch̄i h̄o ishit yukachi tok.

3. Mihmvt yvmmvt himmakma oklushi puta ik **yoshublo** h̄o afvmmi tahlepa sipokni achvfa he tuk vt ont ai **ahli ha yo,** misha pilla h̄o chekosi itintakla ka i hlitofa hi **o, yvmmak** ash chiluk hofobi ont ai v̄hli iksho ash pit pilvt im **okshita** mvt, isht in chuwa on lapalichi tok.

4. Mihma ai **o binili** holitompa puta ka pisa li tok, **mihma** yvmma **o binohmaya** kv̄t nan ai apih̄isa he im v̄h̄pisa tok: yohmi ma nampo a nukshopa, mikmvt i holbvt toba aiena ka ik aiokpacho, mikmvt isht in chuwa yvt ilap ibitakla, **ibbak** aiena ka ik a lapalo hosh; Chisvs nan isht im atokowa, **mi-** cha Chihowa im anumpa pulla h̄o noshobo hv̄t tahampa tok v̄hleha imi shilombish a pisa li ma, yvmmak ash ot **okchaya** cha afvmmi tahlepa sipokni achvfa ka, m̄iko yo **chohmit** Klaist a ibai ahanta tok.

5. Amba illi inla maya tok okvto ik okchayo h̄o **afvmmi** tahlepa sipokni achvfa kv̄t tahak mak a hi atok. **Ilvppak** osh illit falamvt tani v̄mmona mak oke.

6. Illit falamvt tani v̄mmona ka kv̄na hosh **ibahalaia** hokvto, mihi yosh na yukv̄t holitopa: yohmi hokvno **atukla** illi vt nan isht i shahla he ik im iksho hoke; Chihowa, **mi-** cha Klaist na holitompa isht im v̄tta v̄hleha ha ch̄i, **mikmvt** m̄iko yo **chohmit** ibai ahanta na afvmmi tahlepa **sipokni** achvfa ch̄i hoke.

7. Yv̄mohmi tuk ma afvmmi tahlepa sipokni achvfa **kash** ot ont ataiyahakma, Setan ash ot aboha kv̄llo a ik **akohchá,** im ai ahna hi oke.

8. Yohmikmak **o oklushi** puta, yvmmak okv̄t yak̄ni **pakna** akvshkova ushta ka ai asha Kok, micha Makok okla **yvmmvt** holhtina kv̄t okhv̄ta alaka, shinuk ai asha kak **o chiyuh-** mi h̄o yoshublihinchit itahobi cha, tanahampa **ch̄i** hosh akoheha hi oke.

9. Mihmvt yvmmak ash ot, yakni pakna a mominchit ilhkoli mvt, yvmmvt vbanumpuli ghli vhleha i bina, mikmvt tmaha chito holitopa aiena ka okla .ai apakfokahanchi; mihma luak osh Chihowa a mintit vba akohchvt vlvut, yvm-mak ash ishit vpa tok.

10. Yohmikma yvmma yoshublichy tuk nan isht ahullo yvt okhvta hituk lakna isht ita luhuwa, yvmma nampoa nuk-shopa, micha hopaii ilahobi aiena kash ot pit itvtula tok: yohmi kvv nitak, ninak aiena ka ai ilbahasha na bilia hosh bilia hi oke.

11. Yohmi ma ai o binili holitopa tohbi chinto, micha yvmma o binili ita tuklo ka pisa li ma; yvmma nashuka ya i filvmmitt yakni, mikmvt vba shutik ita tuklo kvv tamoa kvv, kanima yo a taloha he kia ik im iksho ki tok.

12. Yohmi ma illi, ik alauwo, micha i shabli pit aiena kvv ai o binili holitopa itikba hiohmaya ka pisa li tok; yohmi ma holisso puta kvv wakama tok; anonti holisso inla, yvm-mak osh holisso ai okchaya mak osh wakama tok: mihma illi yash ot ilap nana a kaniohmi tuk puta, yvmmvt holisso ha a holihisa tok ilvppa puta ho isht ai im vlvpihisa tok.

13. Yohmi ma okhvta hvv illi puta, yvmmvt im aiasha tuk vt il ai a kocha welikma, anonti nan-illichy, micha illi ai asha mvt illi puta, yvmmvt im ai asha tuk vt il ai a kohcha weli na yvmmak ash ot ilap nana a kaniohmi puyulla tuk mak o hatak moma kash ot nan isht im vlvpihisa tok.

14. Mihma nan-illichy, micha illi ai asha yamo okhvta luak o pit itokaha tok. Ilvppak osh atukla illi mak oke.

15. Yohmi ka holisso ai okchaya ya a holisso tuk osh otvni keyu hokvto okhvta luak mak o pit a kvnia tok.

CHAPTA XXI.

Vba vmona micha yakni vmona ita tuklo ka Chan vt pisa, 1; 10 Chelusalem vba isht annoa ghli moma; 23 yvmmak oka hvshi vt a tomma he abna he keyu, Chihowa im atohwikeli yak osh a tom-mi; 24 yakni pakna ai i miko puta kvv yvmmak o im aholitopa ya isht im ohna.

1. **UBA** *vmmona*, *micha yakni vmmona ita tuklo kash ot ont ik ai iksho ma*, *anonti himak a pilla ma okhvta mvt iksho ka chī hō vba himona*, *micha yakni himona ita tuklo hō pisa li tok.*

2. *Mihma Chan sia hut tmaha chito holitopa Chelusalem himona Chihowa ya a mintit vba ya auet a kohcha kut*, *ohoyo himita hatak auwaya chī hosh isht il a shema chatuk ak o chiyuhmi tok.*

3. *Yohmi ma anumpa ola chinto kut vba aholitopa ya a kohcha na haklo li ma, yakeh! Chihowa hut im vlhtipo yvt hatak puta ka ibafoyuka hatuk o, yvmmak o ibai ahanta chī*, *mikma im okla tobakma, anonti Chihowa ilap mvt yvma in Chihowa hosh ibafoyukvt ahanta chī hoke.*

4. *Mikmvt Chihowa yvt yvma i nishkin okchi puyuta ma im a kasholichit kaiyancha chī; mikma nana tikba tuk vt ont taiyaha hoka, himak a pilla ma isht ai illi, micha nanukhaklo, micha yahaya aiena kut ik ai iksho ka he, mikmvt na-hotopa mvt ik ai iksho ka hi oke, ahanchi tok.*

5. *Yohmi ma ai o binili holitompā o binili yvmmak ash ot, Yakeh! nana moma kut himona hō ikbi lishke, achi mvt, yvmmak ash ot, Anumpa ilvppvt aighli, micha na miha ka ont ai ahla chī hoka holissochī, vm achi tok.*

6. *Atuk osh yvmmak ash ot, Ulhtaiyahvshke; Alfa, micha Omeka, ai isht ia vmmona, micha ont ai vhli sia hosh, kvna hosh itukshila hokma, oka ai okchaya kvli hak o pilla ai ima la chī mak oke.*

7. *Kvna hosh nana ka imaiyachi tuk mak osh nana moma ka ai immi ha chī im ai vlhpiesa; mikma in Chihowa sia hokma, anonti ilap vt svso ha chī hoke.*

8. *Amba na nukshopa, micha nan ik yimmo, i yuwala he vlhpesa kia yvmihchi, mikmvt hatak bika vbi vhleha, haui vhleha, mikmvt ikhish isht yushpakvmmi vhleha, na holbut toba aiokpvchi vhleha, holabi puta a moyuma hokvto atukla illi mak osh okhvta yvmmak okvt hituk lakna isht ita luhvwa hō isht ai i palvma chī hosh im vlhpisa he mak oke, vm achi tok.*

9. *Yvmohmi ma enchil untuklo kash ai ibai achvfa, yvm-*

mak okvt kotobushi untuklo nan isht palvmmi ishtaiyopi untuklo kash isht alotowa ho ieshi hosh, vlvv svt im anumpuli mvt, Minti, himona nan auwaya Chukvlhpobushi tekchi chi haiakvchi la chi hoke, achi tok.

10. Mihma shilombish o si anukfoyuka ho vsisht ia ma, nvnih chinto chaha yo vsisht ona cha, tmaha chito, Chelusalem holitopa yvt Chihowa isht im aholitopa ai ishit Chihowa a mintit, vba aholitopa auet a kohcha mak o a haiakvchi tok :

11. Mihma in tohwikeli hvv tvli holitopa fehna, tvli chaspa chohmi kak o hoyulba hosh, vblancha kvv klistal o chiyuhmi tok ;

12. Mihmvt tvli yosh isht a holihta kvv chito, micha chaha ma, anonti okhissa yvt im auah tuklo ma, enchil mvt okhissa ya vlvvpisvt auah tuklo kvv a hieli tok ; mihma yvmma ai o holisso hohchifo kvv Israel okla it a kvshkova auah tuklo i hohchifo hatok.

13. I hvshi akochak-imma ya okhissa tuchina ma, i falvmmi imma ya okhissa tuchina ma, im oka-mahli imma ya okhissa tuchina ma, anonti i hvshi ai okvtulik-imma ya okhissa tuchina tok.

14. Yohmi ma tmaha chito a holihta ka in tolahpi auah tuklo tok ; mihma Chukvlhpobushi im anumpeshi auah tuklo hohchifo hosh a lapanli tok.

15. Yohmi ma svt im anumpuli tuk yvmmak ash ot tmaha chito, micha okhissa, mikmvt a holihta aiena ka isht apesa chi kvv tvli holisso lakna nan isht vlvpisa yo ieshi tok.

16. Yohmi ma tmaha chito yvt a itilauia bat fullotvt bolukta ma, afalaiaka yvt chito kvv okhowataka ya itilau tok ; mihma tmaha chito yash yvmmak ash ot nan isht vlvpisa yash isht apesa ma, kovi tahlepa auah tahlapi tok. Afalaiaka pilla, micha okhowataka pilla, mikmvt chaha aiena kvv ai itilau bano tok.

17. Mihmvt aholihta kash o hatak i nan isht vlvpisa yo yvmma enchil ash ot isht apesa ma, kubit tahlepa achvfa pokoli ushta akucha ushta tok.

18. Yohmi ma a holihta kvv chaspa tvli yosh toba hatok ;

yohmi hoka tumaha chito yvt tvti holisso lakna bieka hō
chohmi kv̄t apisa kashofa achukma ka chohmi tok.

19. Yohmi ka tumaha chito aholihtaka in tolahpi vt tvti
holitopa ilaiyuka puta hō isht a shema hatok; in tolahpi
v̄mmona kv̄t chaspa yatok; atukla kv̄t saffaia yatok; atu-
china kv̄t kalsetoni yatok; ai ushta kv̄t emelal atok;

20. Isht tahlapi kv̄t salonik atok; isht hannali kv̄t sativs
atok; isht untuklo kv̄t klisolait atok; isht untuchina kv̄t
belil atok; isht chakkali kv̄t topas atok; isht pokoli kv̄t
klisofasvs atok; isht auah achvfa kv̄t chasinlh atok; isht
auah tuklo kv̄t amehlist atok.

21. Yohmi ma okhissa isht v̄lhkv̄ma auah tuklo kv̄t pvl
auah tuklo tok; okhissa isht v̄lhkv̄ma achvfakma, pvl achv-
fv̄t ia tok; yohmi ma tumaha chito anukaka yā ai itvnowa
yvt tvti holisso lakna bieka hō chohmit apisa shohkoali kak
ō chiyuhmi tok.

22. Yohmi ma yv̄mma anukaka yā tempel ā ak peso ki
tok: Chitokaka Chihowa nana moma imaiya, micha Chuk-
fv̄lhpbushī ita tuklo hosh in tempel oka.

23. Mihma Chihowa im aholitopaka yosh a tohwikeli ma,
anonti yv̄mma ai i pula hv̄t Chukfv̄lhpbushī yak atuk ō,
hv̄shi, mikmvt hv̄shi-ninak-aya kia im a tomma hi ā tumaha
chito yash ot ik b̄v̄nno ki tok.

24. Yohmi ka oklushi puta yv̄mmak okvt okchaya mak
osh a tohwikeli ka yā ai itvnohwa he; mikma yakni pakna
a miko v̄hleha atukmvt ilap im aholitopaka isht aiokpv̄chi
hosh ai v̄lvshke.

25. Yv̄mmak oka ninak vt iksho ka chj hoka, nitak moma
ka okhissa puta mvt ik okshilito kamohma hi oke.

26. Yohmikma oklushi puta im aholitopa, nan isht il ah-
ninchi aiena m̄s yv̄mma anukaka yā isht ai v̄lv̄t chukowa hi
oke.

27. Mikma yv̄mmak oka nana kv̄t liteha, micha ai yuwala
he kia ai yohmi, micha na holabichi a moyuma hokv̄to ka-
niohmi kia a chukowa himma keyu hoke; amba Chukfv̄lh-
pbushī i holisso ai okchaya kv̄na hoah a holisso tok ak ba-
na hi oke.

CHAPTER XXII.

Oka ai okchaya okhina, 1 ; 2 ai okchaya iti. 5 Tumaha chito i pva
 hvt Chihowa ilap fehna kak inli : 9 ilap g aiokpocha hi g enchil
 vt ik imahno. 14 Tumaha chito ash anqkaka ai anta hokvto holitopa,
 amba kocha yo gsha tuk okvto nan i palvmmi vhtakshi : 16
 anumpa ai okchaya ya nana hq isht achakva he keyu, mikmvt ka-
 nimihchit ai ishit anumpa hq ishit kancha he keyu.

1. ANONTI ai okchaya okhina kashofa achukma, shoh-
 koali klistal ak o chiyubmi hosh Chihowa, micha Chukfulh-
 pobushi ita tuklo im ai o binili holitompa ak o akohoncha
 mak o, yvmmak ash ot g haiakvchi tok.

2. Okhina itahlakla ai itvnowa, okhina ititakla, iti ai ok-
 chaya yvt a hiohli kv, auah tuklo ha nan-unit waya beka
 kv, hvshi achvfa aiyyukakma vnit wahaya hoke ; yohmi ka
 iti yvmma hishi puta hokvto oklushi moma isht a hlakofi
 mak oke.

3. Yohmi ka yvmmak oka himak a pilla ma na palvmmi
 kv ik ai iksho ka he ; amba Chihowa, micha Chukfulhpobush-
 i ita tuklo im ai o binili holitompa yosh a hikia na yv-
 ma in tishu vhleha hosh aiokpahancha hi oke.

4. Yumohmikmvt yvmma nashuka ya okla pihisa he ;
 mikma yvmma i hohchifo hosh ibitakla puta ma a lapanla
 hi oke.

5. Mikma ninak vt yvmmak oka iksho ka he ; Chitokaka
 Chihowa yosh in tohwikeli hoka, pva, mikmvt hvshi tommi
 aiena ka okla ik bunno hosh, miko yo chohmit okla ahanta
 na bilivt bilia hi oke.

6. Yohmi ka anumpa puta ilvppvt ai ghli, micha nana
 miha ka ont ai ahla hi oke ; yohmi hoka hopaii holitopa
 vhleha in Chihowa Chitokaka yvt, nana kv chekosi ont ai
 yvmohma chi yvmma in tishu vhleha im otvnihincha chi ka
 im enchil g auet ohvffichi tok.

7. Yakeh ! chekosikma vla lishke ; holisso ilvppa tikbanli
 nan ai anohowa anumpa puta tuk g kvna hosh holitobli kak
 osh na yukpvshke, yvmmak ash ot vm achi tok.

8. Yohmi ma Chan sia mak osh nana ilvppa puta ka pisvt haiyaklo li tok: yohmi mut pisvt haiyaklo li mut, nana ilvppa puta ka vm otvninchi tuk, enchil a aiokpvchi la chi hosh iyi itikba ya hlipia li tok.

9. Yohmi ma, Ahah! ahnitochik yohmo kashke; tishu chitilau, micha chitibapishi hopaii vhleha, micha holisso ilvppa ai anuhumpa tuk a holitobli vhleha ai ibachvfa sia hoke; Chihowa ak o ish aiokpvchashke, yvmmak ash ot vm achi tok.

20. Mihmut nitak vt ai ong hosi hoka, holisso ilvppa tikbanli ai anohowa tuk anumpa puta ka chik ashvniche kashke.

11. Kvna hosh nan ik ai vhpieso hokvto, mihi yosh ik ai vhpieso kvv ik imoyumá; mikma kvna hosh liteha hokvto, mihi yosh liteha kvv ik imoyumá; mikma kvna hosh ai vhpiesa hokvto, mihi yosh ai vhpiesa kvv ik imoyumá; mikma kvna hosh nan ai ashvchika ik im iksho hokvto, mihi yosh nan ai ashvchika ik im iksho kvv ik imoyumá, vm achi tok.

12. Atuk osh yakeh! chekosikma vla lishke: yohmi kvv hatak moma kvv ilap nana a kaniohmi yvt kaniohmi aiyukali ho nana ka isht im atobbi la chi kvv il ai ishi lishke.

13. Alfa, Omeka, ai isht ia vmmona, ont ai vhli, vmmona, ont ishtaiyopi sia mak oke.

14. Kvna hosh im anumpa vhpisa puta ka holitobli hokvto na yukpvshke: yohmi hok mak osh iti ai okchaya isht im ai vhpiesa hosh okhissa ont a hlopullit tmaha chito yash chukowa chi hoke.

15. Akochanli yak okvno ofi, ikhish isht yushpakvmmi, hau, hatak bika vbi, na holvvt toba aiokpvchi; mikmut kvna kia il imi holabichi kvv isht im achukma a moyuma kak osh ai asha yoke.

16. Ilvppa puyuta ka atokolit chvch a hiohli puta ka a hvchim anohonla chi hoka, Chisvs sia mak osh vm enchil a chvffichi li tuk oke. Uno ak osh Lewi a minti hakshish filaminchi yosh anonti unchululi, mikmut shohpakali onnahinli fochik sia mak oke, ahanchi tok.

17. Yohmi ma Shilombish Holitopa, micha Klaist himona

nan im auwaya ita tuklo kash ot, Mintí, achishke. Yohmi ka kvna hosh haiyaklokmvt, mihi yosh, Mintí, ik achí. Mikma kvna hosh itukshila hokmvt, mihi yosh ik mintí. Yohmi ka kvna hoh kia bunnakmvt, mihi yosh pilla oka ai okchaya ya ik eshí.

18. Holisso ilvppak oka tikbanli nan ai anohowa tuk anumpa puta ka hatak vt haiyaklo tuk moma im atokowa lishke: nana yakohmi tuk g hatak vt nana kia ibafohkit achakalikma, na palvmmi yvmmvt holisso ilvppa a holihiso tuk g yvmmak ash q Chihowa hvv isht im achakala hi oke.

19. Mikma hatak nana hosh tikbanli nan ai anohowa tuk holisso ilvppa anumpa puta hatuk g kaniohmichit isht a kanchi hokma, ilap vt holisso ai okchaya, micha tumaha chito holitopa yash, mikmvt nana kvv holisso ilvppa yvmma isht a holisso tuk puyuta ka ahalaia hatuk g yvmmak ash Chihowa hvv isht kancha hi oke.

20. Ilvppa puyuta ka atokowvt otvvinchi mak osh, Chikosikma vla lishke, achishke. Amen. Chitokaka Chisus ma! ik yvmohmi, ish lashke.

21. Pin Chitokaka Chisus Klaist nan isht i kana yvt hvsh moyuma ka hvchi anukfoyukashke. Amen.

THE END.

James
Bookbinding Co. Inc.
111 South 1st St.
Chattanooga, Tenn. 37403

JUL 1 9 1982

NOT TO BE REMOVED
FROM THE LIBRARY



3 2044 054 763 909

